

GUACANAGARI	PONTIAC	BLACK HAWK
MONTEZUMA	CAPTAIN PIPE	KEOKUK
GUATIMOTZIN	LOGAN	SACAGAWEA
POWHATAN	CORNPLANTER	BENITO JUAREZ
POCAHONTAS	JOSEPH BRANT	MANGUS
SAMOSET	RED JACKET	COLORADAS
MASSASOIT	LITTLE TURTLE	LITTLE CROW
KING PHILIP	TECUMSEH	SITTING BULL
UNCAS	OSCEOLA	CHIEF JOSEPH
TEDYUSKUNG	SEQUOYA	GERONIMO
	SHABONEE	



TO PERPETUATE THE HISTORY
AND DEVELOPMENT OF THE
PEOPLE REPRESENTED BY THE
ABOVE CHIEFS AND WISE MEN
THIS COLLECTION HAS BEEN
GATHERED BY THEIR FRIEND
EDWARD EVERETT AYER

AND PRESENTED BY HIM
TO
THE NEWBERRY LIBRARY
1911

CHOCTAW
TESTAMENT

421

C484 (R)

B406

1857

Wright & Byington

2744

J. Pilling

THE

NEW TESTAMENT

OF

OUR LORD AND SAVIOUR JESUS CHRIST,

TRANSLATED INTO

THE CHOCTAW LANGUAGE.

PIN

CHITOKAKA PI OKCHALINCHI CHISVS KLAIST

IN TESTAMENT HIMONA,

CHAHTA ANUMPA ATOSHOWA HOKE.

NEW YORK:

AMERICAN BIBLE SOCIETY,

INSTITUTED IN THE YEAR MDCCCXVI.

1857.

CONTENTS.

Mahlu	Page. 5
Mak	109
Luk	174
Chan	286
Apostel isht Anumpa	369
Loman	467
I. Kolinhljan.	513
II. Kolinhljan.	557
Kaleshan	586
Efeshan	601
Filippian	615
Koloshan	625
I. Hlessalonian	635
II. Hlessalonian.	644
I. Timohli	649
II. Timohli	662
Titus	671
Filemon	677
Heblu	680
Chemis.	713
I. Pita.	725
II. Pita.	738
I. Chan	746
II. Chan	758
III. Chan	760
Chute	762
Nan Otöni.	766

3d Edition.



UBANUMPA MAHLU

VT HOLISSOCHI TOK.

CHAPTER I.

Chisvs Klaist a haknip imma isht ai in tikba vhleha, 1. 18 Shilom-bish Holitopa yak osh ik yohmi ai ahni pulla na, Chisvs vt ohoyo himita hatak haleli keyu Meli hohchifo makø im ai vtta.

1. EBLAHAM isht ai unchululi, Lewi a Ushi, Chisvs Klaist vtta tok isht annoa holisso hoke.

2. Eblaham vt Aisaak a tobachi tok; atuk o Aisaak vt Chekob a tobachi tok; atuk o Chekob vt Chutas micha itibapishi vhleha aiena ka tobachi tok;

3. Atuk o Chutas vt Fales, micha Sala aiena ka Tama ya a tobachi tok; atuk o Fales vt Eslom a tobachi tok; atuk o Eslom vt Elam a tobachi tok;

4. Atuk o Elam vt Aminatab a tobachi tok; atuk o Aminatab vt Naason a tobachi tok; atuk o Naason vt Salmon a tobachi tok;

5. Atuk o Salmon vt Boas a Lakab a a tobachi tok; atuk o Boas vt Obet a Luti a a tobachi tok; atuk o Obet vt Chessi a tobachi tok;

6. Atuk o Chessi vt miko Lewi a tobachi tok; atuk o miko Lewi vt Solomon a Ulias tekchi a tok a a tobachi tok;

7. Atuk o Solomon vt Loboam a tobachi tok; atuk o Loboam vt Abia ya tobachi tok; atuk o Abia vt Esa ya tobachi tok;

8. Atuk o Esa vt Chosafat a tobachi tok; atuk o Chosafat vt Cholam a tobachi tok; atuk o Cholam vt Osias a tobachi tok;

9. Atuk o Osias vt Choahlam a tobachi tok ; atuk o Choahlam vt Akas a tobachi tok ; atuk o Akas vt Esekias a tobachi tok ;

10. Atuk o Esekias vt Manasses a tobachi tok ; atuk o Manasses vt Amon a tobachi tok ; atuk o Amon vt Chosaias a tobachi tok ;

11. Atuk o okla ha Babulon ishtia hosi foka ma, Chosaias vt Chekonias micha itibapishi vhleha aiena ka tobachi tok ;

12. Atuk o okla ha Babulon ishtona haya, Chekonias vt Salahliel a tobachi tok ; atuk o Salahliel vt Solobabel a tobachi tok.

13. Atuk o Solobabel vt Abiwt a tobachi tok ; atuk o Abiwt vt Eliakim a tobachi tok ; atuk o Eliakim vt Aso ya tobachi tok ;

14. Atuk o Aso vt Satok a tobachi tok ; atuk o Satok vt Akim a tobachi tok ; atuk o Akim vt Eliwt a tobachi tok ;

15. Atuk o Eliwt vt Eleasa ya tobachi tok ; atuk o Eleasa vt Mattan a tobachi tok ; atuk o Mattan vt Chekob a tobachi tok ;

16. Atuk o Chekob vt Meli, yummak o Chisvs vt a tobtvttatuk osh Klaist hohehifo ka, i hatak Chosef a tobachi tok.

17. Yohmi hatok o Eblaham a ai vhlit it ai unchululit mihinti kvv Lewi a ant ai vhli kvv moma kvv it ai unchululi auah ushta hoke : yohmikma Lewi a ai vhlit mihinti kvv okla ha Babulon ishtia tok a ant ai vhli kvv it ai unchululi auah ushta hoke ; yohmikma okla ha Babulon ishtona tok a ai vhlit mihinti kvv Klaist a ant ai vhli kvv it ai unchululi auah ushta hoke.

18. Chisvs Klaist vttahpi ka ilvppak osh a yakohmi tok ; ishki Meli vt Chosef a im vhlpoa tok vt, ik it im ono kisha ho, Shilombish Holitopa ya vlla i shali tuk osh otrni tok.

19. Yohmi ma i hatak Chosef vt hatak achukma hatuk osh, nana vhlpisa vt onvtula hi a ik ahno mvt, lumvt kancha hi vt im anukfila tok.

20. Yohmi kia ilvppa puta ka anukfihinli tuk osh holh-pokuna ma, Chihowa im enchil vt ant i haiaka cha, Chosef Lewi ushi chia ma! chi tekchi Meli a ishi ik chi nukwiyo kashke; Shilombish Holitopa ak atuk mak o yvmmak okvt toba hosh afoyuka hoka.

21. Yohmi ka vlla-nakni o sholikma, hohchifo ha Chisvs ish hochifa hi oke; yvmmak osh im okla talaia ai im ashv-chika puta ma ai i hlakoficha hi oka, achi tok.

22, 23. Chihowa hvt hopaii ya isht ai anumpulit, Oho-yo himita hatak haleli keyu hosh chakalit vlla nakni o shola he; mikma hohchifo ha Immanuel, yvmmtv tosho-wak mvt, Chihowa hvt piba foka, achi mak o okla hochifa hi oke, achi tok mak o ont ai ahla chi ho, ilvppa moma kvv yvm mohmi tok.

24. Yohmi ma Chosef vt nusi tuk vt okcha mvt, Chihowa im enchil vt ai i miha tuk mak o yvmohmi mvt, tekchi a ilauei tok.

25. Yohmi kia ik it apoto kisha ho, vlla-nakni ishi ahpi kvv sholi tok: mihma hohchifo ha Chisvs hochifo tok.

CHAPTA II.

Fochik in tikba hika ho hatak hopoyuksa vhleha hvt hvshi akochaka imma mintit Chelusalem a vla cha, 11; vloši Chisvs a aiokprchi, 14 micha i yakni a falamvt ilhkoli. 15 Chosef vt Echip ia chi ka enchil osh im anoli. 16 Helot vt Chisvs a hot vbi bvna; vlla chipota moma Behlehem a ai vbi. 23 Chosef vt Chutea yakni falamvt ia chi ka enchil osh im anoli no Nasalet ak o ont ai anta.

1. CHISVS vt Helot miko ai ahanta nitak o Chutea yakni Behlehem tmaha ha ai vta ma hatak hopoyuksa vhleha hvt hvshi akochaka imma mintit Chelusalem a ai vla mvt,

2. Chu okla i miko vta tuk mvto katimak o ituyula cho? i fochik a hvshi akochaka imma ya il a pihisa tuk osh aiokprchit il itvnowa hatuk oke, achi tok.

3. Miko Helot vt ilvppa puta ka haklo mvt, Chelusalem okla moma aiena kvv komunta tok.

4. Micha na holitompa isht a₂sha pehlich₁i puta, micha okla nan i holissochi v₂hleha moma ka itahobit taiyahli mvt, kanima y₂o Klaist vt ai v₂tta hinla hatuk a im a ponaklo tok.

5, 6. Mihma Chutea yakni Behlehem ak oke; hopaii holissochi kvt, Behlehem chia Chuta yakni ish talaia hokvt Chutea i m₂iko v₂hleha aiasha ka moma chik a lauwo h₂o ke-yushke; chishno ak o m₂iko vt chi atoba hosh v₂m okla Islael oka ish pehlich₁a he mak oke, achi tok oka, okla im achi tok.

7. Yohmi ma Helot vt hatak hopoyuksa v₂hleha h₂a lumvt pit hoyo cha, kaniohmi fehna kash o fochik vt haiaka tuk a achukmalit im a ponaklo tok.

8. Micha Behlehem a pit tihleli mvt, Oh ia cha, v₂losi atukma achukmalit hvsh hoyashke; atuk osh hvsh ahayu-chikmvt, anonti ant hv₂s sv₂m anoli na v₂no mvt i₂vt ont ai okp₂rechi li ak inlashke, achi tok.

9. Mihma m₂iko a haklot in taha mvt, okla ilhkoli tok: yohmi ma fochik hvshi akochaka imma a p₂ihisa tuk ash o itikba takalit mahaya mvt, v₂losi ai itola ka paknaka y₂a ont takali tok.

10. Fochik a okla pisa mvt, nayukpa aiahli fehna mak osh okla na yukpa tok.

11. Micha aboha okla ont abeha mvt, v₂losi, micha ishki Meli aiena ka pisa mvt, aka hlipkv₂chit, yvmmak ash o okla aiokp₂rechi tok; micha im v₂lbihpo a tiwichi mvt, yvmmak ash o tvli-holisso-lakna, micha fil₂akinsen, mikmvt mvh aiena h₂o okla habenv₂chi tok.

12. Mihmvt holhpokuna h₂o falamvt Helot a okla ik im ono ka hi a, Chihowa hv₂t i miha hatuk o, hina inla h₂o v₂lh-tot i yakni atuk akinli h₂o okla ilhkoli tok.

13. Mihma ai ilhkolit taha ma, Chosef vt holhpokuna h₂o, Chihowa im enchil vt ant i haiaka mvt, Tani cha, v₂losi mikmvt ishki aiena ka ishit malelit Echip a ish ona cha, yvmmak o ish ahanta tuk o, anumpa ishit chim aya lashke; Helot vt v₂losi a vbi bvnvt hoy₂a chi hoka, achi tok.

14. Mihma tani mvt, v₂losi micha ishki aiena kash ninak o pehlich₁i cha, Echip a ia tok.

15. Chihowa hv₂t hopaii isht ai anumpulit, Echip ak o

svso ha a hoyo li tuk, achi tok a ont ai ahla chi ka, yvm-mak o ahashwa na Helot vt illi tok.

16. Yohmi ma Helot ash osh, hatak hopoyuksa vhleha hvt ik ahobalo ho pisa mvt, anukhobela fehna cha, pit on tihlelit, vlla chipunta Behlehem, micha auet a bilika maya kvt afvmmi tuklo ai vhlit ola minti, hatak hopoyuksa vhleha ha achukmalit im aponaklo tok vt pit ai it vhpesa ka, mominchit vbit tahli tok.

17, 18. Yvmohmi hoka Chelemaias hopaii vt anumpohonlit, Lama ya a yaiya, micha nishkin okchi minti, mikmvt nukhaklo chinto, Lechel vt im vlla vhleha hvt iiksho hatuk oka ishit yahaya mvt, hopohla hi a ik ahno ka, takali na haiyaklo tok oke, achi tok a ont ai ahli tok.

19, 20. Yohmi tok kia Helot vt illi haya, Chihowa im enchil vt, Chosef vt holhpokuna ho Echip a im a haiaka mvt, Tani cha, vloši micha ishki aiena ka pehlichī cha, Israel okla i yakni a ish iashke; vloši im ilhfiopak a hoyo tok vt illi hoka, achi tok.

21. Yohmi ma tani mvt, vloši micha ishki aiena kash pehlichī cha, Israel okla i yakni a vla tok.

22. Yohmi kia Akelavs vt iki vlhtobvt Chutea ya i miko na haklo mvt, yvmma ona nukshopa tok: yohmi nana kia holhpokuna ka Chihowa hvt nana i miha hatuk oka, fullovt Kalili i kaniohmi ho ona tok.

23. Yohmi ka hopaii vhleha hvt anumpulit, Yvmmak okvt Nasalet hatak vtta hohchifa hi oke, achi tok a ont ai ahla chi ka, vmaha Nasalet hohchifo ho ona cha, ahanta tok.

CHAPTER III.

Chan Baptist vt vba anumpa ha Chutea yakni haiaka isht anumpohonli, mihmvt baptismohonchi, 1. 13 Chisvs vt Chan ak o im a baptismo; mihma Shilombish Holitopa yvt vba mintit onvtula.

1. NITAK yvmma foka ma Chan Baptist vt Chutea yakni haiaka ya vbanumpa isht ai anumpohonlit aya tok;

2. Mihmvt, Uba apehlichika yvt olanlosi vla hoka, hvsh ilekostininchashke, ahanchi tok.

3. Ilvppak o hopaii Esaias vt isht anumpulit, Achefa hosh yakni haiaka ya ai anumpohonlit, Chihowa ataya hi a apoksiachit, i hina puta ka hvsh apissvlechashke, ahancha hi oke, achi tok mak oka.

4. Mihmvt Chan yvmmak okvt im anchi yvt Kamel hishi yosh toba ma, na-hakshup chuhlafa vskufvchi yo vskufaiya-chi tok; mihmvt im ilhpak vt hawa micha foi-bila aiena kak a tok.

5. Yohmi ma Chelusalem, micha Chutea pit a moma, mikmvt Chatan auet a bilika yakni moma ka asht a koh-chvt ivt;

6. Yvmmak ash o im ai onvt, nan im aiashvchika puta ilanolit, Chatan a ai im a baptismo tok.

7. Yohmi kia Falisi vhleha mikmvt Satusi vhleha aiena kvv laua hosh im a baptismot ai vla na pisa mvt, yvmmak ash o, Sinti chilita isht-atiaka hvchia ma! na palvmmi mihinti ka hvsh i hlakofa hi okvno kvta hosh hvchim anoli tuk oh cho?

8. Yohmi hokvt ilekostininch i ai itvlhpesa mak o vnit hvsh wayashke;

9. Mich a, Eblaham ak osh piki oka, acha hi okvno hvch ik il anukfillo kashke; Chihowa hvv tvli yak aiasha ka Eblaham im vlla ya chi ka ai ikba hinla hoke, hvchim achi lishke.

10. Yohmikma himak ak kia iskifa yvt iti puta akishtvla ya itonla hoke; yohmi hatuk o iti yvt vni achukma ho vnit waya keyu kvv moyumvt chayvt akakoha cha, luak pit itokaha chatuk oke.

11. Uno yokvto hvsh ilekostinineha chi mak o, oka ya ishit hvchi baptismochi li ho mvhlshke; yohmi kia auet siakayvt mihinti hokvto vno a shaiyahli, yvmma i shulush a isht im aya hi o si ahoba keyu hoke; yvmmak osh Shilombish Holitopa, micha luak aiena mak o ishit hvchi baptismocha hi oke.

12. Yvmmak osh i nan-isht-mvshahchi yvt ibbak a foyuka; yohmi hokvt i nan-anihichi yatuk ma achukmalit kashofit tahli cha, onush atuk ma kanchak a pit ashacha hi oke;

yohmi kia hakhlopish okvno luak moshola hi keyu mak o ishit hukma hi oke, im achi tok.

13. Yohmi ma Chisvs vt Kalili a vttvt minti hosh Chan a im a baptisma chi hosh Chatan a ai im ona tok.

14. Yohmi kia Chan vt yvmmak ash o im alvmmi mvt, Vno ak osh chishno a chim a baptismo la he si vlhpiesa ka, anonti vno ak o is svm vla cho? achi tok.

15. Mihma Chisvs vt afalaminchi mvt, Himak okvno yakohma hi oka ish ahnashke: ai yakohmi hosh nana ai vlhpiesa puta ka mominchit il aiahlichia he pim vlhpiesa hoke, im achi tok. Yohmi ma vlhpiesa, im ahni tok.

16. Yohmi na Chisvs vt baptismo mak inli hosh oka ya ai vttvt kocha ia tok; yohmi ma vba shutik vt auet in tiwa tok; mihma Chihowa imi Shilombish vt pvchi yoshuba chiyuhmi hosh aka mihintit, yvmmak ash o ant o binili tok.

17. Yohmi ma vba shutik a auet ai anuhumpa kvv, Ilvp-pak osh svso a holitopa yo ilvppak o nan isht a sai yukpa mak oke, achi tok.

CHAPTA IV.

Shilomish osh Chisvs a ilauelet yakni haiaka isht ona: mihma nitak pokoli ushta ka nahullochi; micha Setan ak osh imomaka pisa: enchil vhleha hvt ant nan isht im anta, 1. 12 Kapenarm a Chisvs vt ai anta: mihmvt ile kostinincha he isht anumpohonli tok. 18 Pita, Antilu, Chemis, Chan aiena kvv nan im aiithvna ya chi ho, Chisvs vt atokolechi. 23 Chisvs vt Kalili yakni a nan im avchit a hlopullit, abeka puta atuk ma hlakofihinchi.

1. YUMOHMI ma Setan vt imomaka pisa chi ka, Shilombish vt Chisvs a yakni haiaka isht ia tok.

2. Atuk o yvmmak ash osh ik impo hosh nitak pokoli ushta cha ninak pokoli ushta aiena ho anta tuk osh, misha pila mvno hohchvfo tok.

3. Mihma imomaka pisa yash osh im vla mvt, Chihowa Ushi chia hokmvt, tvi yak maya kvv pvksa toba chi ka i mihā, im achi tok.

4. Yohmi kia yvmmak ash osh afalaminchi mvt, Hatak vt pvksa yak bano ho ai okchaya he keyu; amba anumpa

moyuma kv̄t Chihowa itih akohoncha kak a hi o, holisso tok oke, achi tok.

5. Yohmi ma Setan ash osh ilaue^{lit} tvmaha holitopa ya ont isht chukowa cha, tempel wishakchi yo ont o hilechi tok.

6. Mihmvt, Chihowa Ushi chia hokmvt, aka pit ish ile pilashke; chi apesahancha ch̄i ka im enchil v̄hleha ha atohna na ibbak a isht v̄ba takalihinchit chisht aya na nitak kaniohmi kia chiyi ya tv̄li isht chik ai isso ka hi a, holisso tok oka, im achi tok.

7. Mihma Chisvs ash osh, Chitokaka Chin Chihowa hoka imomaka chik peso kashke, achi kv̄t holisso tok ak inli hoke, im achi tok.

8. Mihma anonti Setan ash osh ilaue^{lit} nv̄nih chaha fehna ho isht oiya cha, yakni apelichika moma, mikmvt nan-isht-im-aholitopa aiena ka pit pisachi tok;

9. Mihmvt, Aka h̄lipvt is si aiokpv̄chi hokma, ilvppa moma ka chima lashke, im achi tok.

10. Mihma Chisvs ash osh, Setan vt kanima iashke: chin Chitokaka Chihowa hak o ish ai okpahanchikmvt, yvmmak illa ho ish im antiashke, achi kv̄t holisso hoka, im achi tok.

11. Yohmi ma Setan ash osh i filvmmi ma, enchil osh ai v̄la cha, okla ant nan isht im anta tok.

12. Yvmohmi tuk o Chisvs vt, Chan vt aboha kv̄llo foka na h̄aklo mvt, Kalili a ia tok.

13. Atuk osh Nasalet a issvt ia mvt, Kapenavm yvmmt Sabulon yakni, micha Neftalim yakni aiena ont ai v̄hli okh̄ta lapalika ak o ont ahanta tok.

14, 15, 16. Yakohmi kv̄t hopaī Esaias anumpulit, Sabulon yakni, micha Neftalim yakni okh̄ta lapalika, Chatan misha, Chentail okla i Kalili vt aiokhlileka asha tuk vt tohwikeli chinto pisa tuk; mihma isht aīlli yakni, micha isht-aīlli i ho-shontika maya tuk a tohwikeli hv̄t i kohchvt takalishke, achi tok a ont aiahla he mak a tok.

17. Yvmma foka aivhlit mihinti ma, Chisvs vt v̄ba isht anumpulit, Oh ilekostinichi; v̄ba apelichika yvt olanlosi v̄la hoka, ahanchit ishtia tok.

18. Atuk osh Chisus vt Kalili okhuta lapalika nowvt aya tuk osh, itibapishi tuklo, Saimon Pita hohchifo, anonti nakfish Antilu itatuklot nvni-hokli atuk osh nvni-isht-hokli a okhuta pit okvchi hosh ashwa na pisa tok.

19. Mihmvt yvmmak ash o, Hvs siakaiyashke, mikma hatuk hokli o hvch ikbi lashke, im achi tok.

20. Yohmi ma mih makinli ho i nvni-isht-hokli a issa cha, yvmmak ash o iakaiyvt okla tok.

21. Mihma yvmmak ash vttvt ia hosh aya mvt, anonti itibapishi tuklo inla, Sebete ushi Chemis, micha nakfish Chan itatuklo kvv iki Sebete a apihvt nvni-isht-hokli a apoksia hosh peni alhto na pisa tok; micha pit i howa tok.

22. Yohmi ma mih makinli ho peni, micha iki aiena kash o issvt, yvmmak o iakaiyvt okla tok.

23. Mihma Chisus vt Kalili a mominchit ayvt, i sinakak puta ka nan ai im avrchit, apelihchika isht anumpa hanta ya isht anumpohonli; micha okla hvv abeka, micha haknip ik in chukmo im asha tuk a mominchit hlakofihinchit tok.

24. Mihma isht annoa kvv Silia moma ka ont hlopulli tok; mihma okla hvv abeka ilaiyuka puta isht issikkopa hatuk; micha nan isht-ahullo okpulo ai i foka hatuk; mihmvt tasimbo yatuk; micha palsi isht abeka yatuk moyuma ka okla isht im ai ona tok; mihma yvmmak ash hlakofolichit tok.

25. Yohmi ma okla chinto Kalili minti, mikmvt Tekapolis minti, mikmvt Chelusalem minti, mikmvt Chutea minti, mikmvt Chatan misha minti aiena kvv iakaiya tok.

CHAPTER V.

Chisus vt nvni chaha ya ai anumpuli. Yohmi kvv kvna hosh nan isht ilaiyukpa anoli, 11. 13. Klaist i yimmi vhleha hvv yakni i hvpi: 14 yakni a im a tohwikelika; tmaha yosh nvni ai o talaia ka chohmi; 15 pva ha chohmi. 17 Chihowa i nanvlhpisa ya Chisus vt aighlichit chi hosh vla. Kaniohmi hosh nanvlhpisa isht hannali ka kobvfi ka anoli. 27 Kaniohmi hosh nanvlhpisa isht untuklo ka kobvfi ka anoli. 33 Anumpa kvv isht ile onochi im olvbbi. 38 Nukchintot nana ik achukmo ka a pim ahleka he pi miha. 43, pin tvnvp puta ka il i hulla he; 45 mikmvt nan ai aila he pim anukfila he aiena ka pi miha.

1. YOHMI ma okla chito ka piset, nuni chaha yo pit oiya tok ; atuk osh ont binili ma, nan im ai ithena vheleha hut im ai ona tok.

2. Mihma itih ha wakummi cha, yummak ash im abvchi mvt,

3. Chukvsh ilbrsha vheleha yokvto vba apehlichika yak osh immi hokvt nayukprshke.

4. Nanukhaklo vheleha yokvto hopohla hi okvt nayukprshke.

5. Anukhobela iksho vheleha yokvto yakni a isha he vhpesa hokvt nayukprshke.

6. Ahopoyuksaka aiahni vheleha hut hochahafu, itukshibinla aiena hokvto, kaiya hi okvt nayukprshke.

7. Nan i nukhaklo vheleha yokvto ilap ma i nukhaklo na pisa hi okvt nayukprshke.

8. Chukvsh kashofa vheleha yokvto Chihowa ya pisa hi okvt nayukprshke.

9. It i nanaiyvehi vheleha, yummak okvto Chihowa ushi hohchifa hi okvt, nayukprshke.

10. Ahopoyuksaka pulla hatuk mak o isht i palummi vheleha yokvto, vba apehlichika yvt immi hokvt nayukprshke.

11. Uno atuk pulla mak o hatak puta kv isht hvchi yopvlt, hvchi ilbrshachit, ahli keyu kia nana okpulo ilaiyuka puta ka isht hvchi mihakanchikma, na hvchi yukprshke.

12. Nayukprvt hvchi yukpa fenashke : isht hvchim vltoba hi vt chinto hosh vba ya asha hoka ; hopaii vheleha hvchin tikba aiasha ka yakohmichit ilbrshachi tok mak oka.

13. Yakni i hvpi hvchia hoke ; yohmi kia hvpi hut homi kv i kvnia hokmvt, nanta hak o isht a homa hinla cho ? yummak okvt himmakma nana ho isht ai vhpiesa he keyu ; amba koche pit hlava na hatak puta iyi yosh avhlihineha he ak o pulla hoke.

14. Yakni in tohwikeli hvchia hoke. Tvmaha chito yosh nuni chaha ai on talaia hokvt luma he keyushke.

15. Mikma hatak vt pula ha pulalikmvt, tanchi isht vhpisa nutaka yo talali chatuk keyu ; amba pula ai-o-hikia yo ai o

hilechi chatuk; yohmikma aboha anukaka maya ka momin-chit tohwikelichi chatuk oke.

16. Hrchī pēla hēt hatak putā itikba ya ik a tommi pulla na inla aśha kēt nana hrsh akaniohmi hochukma putā ka pisa cha, Iki vba binili ka holitoblashke.

17. Nan vlpisa, micha hopaii putā im anumpa aiena ha tok a okpēnit aya lituk a, ik hrchim ahobo kashke; okpēni la hi osh aya lituk keyu; amba aiahlichī la he mak a tok.

18. Ahli mak o hrchī miha lishke, Yakni, mikmēt vba shutik aiena hokvto ont ik ai iksho kia, vba nan vlpisa yēt moma ont ik a lauwo achr̄fona nana kia a kaniohmit aiokpuloka iksho mak osh, momēt ont aiahla he mak oke.

19. Yohmi hoka kēna hosh vba nan vlpisa ik a lauwo ilēp-pa putā ka achr̄fona ka kobuffi cha, hatak putā kēt ai yē-mihcha chī hō im abvchi hokmēt, vba apēhlichika aiasha ka moma ik a lauwo hohchifa he; amba kēna hosh mihma holitobli cha, inla ma isht im abvchi hokvto, mihi yosh vba apēhlichika ya chito ont a hohchifa hi oke.

20. Hrchī aivlpiesā kēt na-holissochi vhleha, micha Falisi vhleha aiena ka i shahli hō keyukmēt, nana hosh a kaniohmi kak o vba apēhlichika ya ont hrsh chukowa he keyu hoke, hrchim achi lishke.

21. Nitak tikba aiasha kēt, Kēna kia ish bi na: kēna hosh inla vbi hokvnt nan vlpisa yō isht im ahlelashke; achi tok a hrsh haklo chatuk.

22. Amba vno vto, Kēna hosh nana hosh a kaniohmi keyu hō, itibapishi hā i nukkilli hokmēt, nan vlpisa yō isht im ahlelashke: mikma kēna hosh itibapishi hā, Ik chī ahobo, im achi hokmēt, nan vlpisa kēllo i shahli hō isht im ahleka he: amba kēna hosh, Im anukfila iksho chia hoka, im achi hokvto aiokpuloka luak o ont isht im ahleka hi oke.

23. Yohmi hoka vba chī nan-isht-aiokpēchi ya ieszit alta ya ish ona kēt, ish itibapishi hā nana ish i kaniohmi tuk a aśha ka ish ithaiyana hokmēt;

24. Vba chī nan-isht-aiokpēchi ash alta itikba yō ish bohli cha, iēt tikba ish itibapishi ak o ont ish it i nanaiya ha yosh, vlvēt, vba chī nan-isht-aiokpēchi ash pit isht ish aiokpēchashke.

25. Nan v^lhpisa chi onochi yatuk ma apehvt ish maya takla kak osh, tushpvt ish it ibai achvfashke; keyukma nitak kaniohmi kash inli h_o nan v^lhpisa chi onochi yash osh chisht nan apesa ibbak a chi fohkikma, anonti nan-apesa yash osh nanvltoka ibbak a chi fohki na aboha k^lllo ya ish fohka he mak oke.

26. Ahli mak o chi miha lishke, Ont ishtaiyopi fehna ka atobbit ish kaiyanchi h_o keyukmvt, kaniohmi kak osh y^um-mak atuk a ish kohcha he keyu mak a hi oke.

27. Nitak t^lkb^a aiasha kv^t, Hvsh it in lum^aka ná; achi tok a hvsh h^aklo chatuk.

28. Amba vno vto, Kvna hosh ohoyo ha i nukpvli hosh pisa hokvt, chukvsh anuk^aka ya isht in lum^aka mashko hoke, hvchim achi lishke.

29. Micha chi nishkin isht impak-imma yvt chi ibetvblichi hokma, halvllit kohchit ish kanchashke: chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim v^lhpesa hoke.

30. Mikmvt chibbak isht impak-imma yvt chi ibetvblichi hokma, bvshlit tvplit ish kanchashke; chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim v^lhpesa hoke.

31. Kvna hosh tekchi a kanchikmvt, it i kvnia holisso ha imashke; achi tok a takalishke.

32. Amba vno vto, Kvna hosh tekchi vt lum^aka tuk o keyu h_o kanchikmvt, havi ikbicha he: yohmikma kanchi haya kvna hosh itauwayakmvt, havi toba mak a hi oke, hvchim achi lishke.

33. Micha anonti, nitak t^lkb^a aiasha kv^t, Anumpa k^lllo ish ile onochi tuk vt chik kobvffo kashke: amba anumpa k^lllo ish ile onochi tuk okvt Chitokaka ya ish im aiahlich^a hi oke; achi tok a hvsh h^aklo chatuk.

34. Amba vno vto, Anumpa k^lllo chik ile onochi k^umohmashke; vba shutik ak kia pit isht chik ai a miho kashke; y^umma okvt Chihowa im aiasha mak oka:

35. Mikmvt yakni vt iyi im ai-o-heli mak oka, y^umma isht chik ai a miho kashke; anonti Chelusalem a isht chik ai a

miho kashke; yummak okvt Miko chito in tumaha chito yoka :

36. Micha chi noshkobo ak kia isht chik ai a miho kashke; chi pashi achvfa kia ish tohbichikmá, ish lusachikmá, nana he keyu hokvt :

37. Amba chim anumpa hvt Ome, ome; Keyu, keyu; achi aiena kak ashke : ilvppak o nana kvt ont atampa hokvt o nana ik vlhpeso mak o a minti hoke, hvchim achi lishke.

38. Nishkin atuk ma, nishkin makinlashke, mikmvt noti atuk ma, noti makinlashke; achi tok a hvsh haklo chatuk :

39. Amba vno vto, Nan ik vlhpeso ka chik i sanalo kashke; amba kvna hosh chitisopi isht impakimma ya issokma, in tvnnvp ma pit ish i weli makinlashke.

40. Micha hatak nana kia nan vlhpisa chi onochi cha, chim ilefoka ya chim ai ishikma, chim anchi ma ik ishi, ish im ahni akinlashke.

41. Micha kvna kia awant ivt kowi achvfa ka ish ona pulla hi a chim ahnikma, awant ivt tuklo ho ish onashke.

42. Nana chim asilhhakma, ish imashke : mikmvt chim a pota bvnna hoka, chik i shanaiyo kashke.

43. Chin chukapanta hatak a ish i hullo cha, chin tvnvp okvno ish i nukkillashke; achi tok a hvsh haklo chatuk.

44. Amba vno vto, Hvchin tvnvp vhleha ha hvsh i hullo cha, nana okpuloka hvchim anukfillit miha aiena ka, nana achukma ho im ahnit hvsh mihashke; hvchi nukkilli ma ai achukma hi o isht hvsh i yvmohmikmvt, hvchi kanimachit, hvchi ilbvshachikma, vba isht hvsh anumpohonlashke.

45. Yakohmi hosh hvch Iki vba binili ka im vlla hvchia hi oke : yummak okvt i hvshi atuk ma nan ik vlhpeso, micha na-hochukma aiena ka i kohchihinchikmvt, kocha umba ka nan-aighli hochukma, mikmvt nan ik ahlo aiena ka auet i pihinla chatuk oka.

46. Hvchishno a hvch i hullo ho hvsh i hullo hokvt, nanta hosh isht hvchim vlhtoba ho? pvblikan vhleha ak kia yummak okvno yohmi akinli chatuk keyu ?

47. Micha hvsh itibapishi vhleha ak bano ho hvsh aiokpvchi hokmvt, inla asha ka nantak o isht i shahlichu hosh

huchi yvmohmi ho? publġkan vhleha ak kia yohmi ak inli chatuk keyu?

48. Yohmi hoka aiahli huchi achukma kv̄t, huch Iki vba binili kv̄t aiahli achukma kak inli ho hush chiyuhmashke, hvchim achi lishke.

CHAPTER VI.

Chisvs vt nv̄nih chaha ai anumpuli tuk vt a moma. Yohmi kv̄t na habenvchi, 1, 5 anumpa ilbvshvt asilhha, 14 nan ai-ashvchi puta ka i kashofa he, 16 na hollochi aiena ka isht anumpuli, na pim ilayak kanima yo il a boyula hi a pim anoli, 24 i shahli ha tuklochit il ai okpvcha he keyu ka miha, 25 yakni paknaka nana a kaniohmi ka ai isht im anukfilvt isht ik ilbvsho hosh, 33 amba Chihowa apchlichika yak o na tikba e hoyā hi a miha.

1. AHAH! hush aiahnit na hush habenvchi kv̄t, huchi pisa chi ka, hatak puta itikba yo huch ik a yvmihcho kashke; yvmmak keyukmvt huch Iki vba binili ka im a hvchim vlhtoba hi o keyu hoke.

2. Yohmi ka na hush habenvchi kv̄t, isht-pufa ya chi tikba yo ai olachit, nan-ilahobi vhleha hokvto hatak puta kak o im a holitopa chi hosh sinakak anukaka, micha ai itvnowa puta ka a yvmohmi chatuk oka, huch ik chohmo kashke: ahli mak o hvchim achi lishke, yvmmak okvto im vlhtomba chatuk oke.

3. Amba nana ish habenvchi hokmvt, chibbak isht impak-imma yvt nana kaniohmi ka, chibbak vlhfvbeka yvt akostin-incha hi a chik im ahno kashke.

4. Yohmi na nan ish habenvchi ka a lumakashke; yohmikma Chiki alumaka a pisa yvt ilap inli hosh otvnichi achukma hosh chim atobba hi oke.

5. Micha vba pit ish anumpuli hokvt, nan-ilahobi vhleha hokvno chik chohmo kashke; yvmmak okvto, hatak vt pisa chi ka, sinakak anukaka, ai itvnowa ai itai okhv̄nkvchi aiena kak o hiohmayvt vba pit anumpuli kak osh im achukma chatuk oka; ahli mak o hvchim achi lishke, yvmmak okvto im vlhtomba chatuk oke.

6. Amba chishno vba pit ish anumpula chi hokvto, chim abohushi pit ish chukowa cha, okhissa ya pit ish akvmmik-mvt, Chiki ai-alumaka ai ahanta yatuk ma pit ish im asilh-hashke; yohmikma Chiki alumaka apisa yvt otvnichi achukma hosh chim atobba hi oke.

7. Yohmi kia vba pit hvsh anumpuli hokvt it vlbillit mih-
iha kvv, oklushi nan ik ithano ak okvno hvch ik chohmo
kashke; yvmmak okvto anumpuli fehna kak o, hakla hinla,
im ahoba cha tuk oka.

8. Yohmi hoka yvmmak oka hvch ik holbo kashke; nana
a hvchi bvnna puta hokvt hvch ik im asilhho kisha kak inli
ho, hvch Iki vt ithana hoke.

9. Yohmi hoka yakohmichi hosh vba hvsh anumpu-
lashke: Piki vba ish binili ma! Chi hohchifo hvv holito-
pashke.

10. Ish apehlichika yvt vlashke. Nana ish ai ahni ka
yakni pakna ya a yohmi kvv, vba yakni a yohmi mak o
chiyuhmashke.

11. Himak nitak ilhpak pim ai vlhpesa kako ish pi
ipetashke.

12. Mikmvt nana il aheka puta ish pi kashofi kvv, pish-
no vt nana pim aheka puta il i kashofi chatuk a ish chiyuh-
michashke.

13. Mikmvt anukpvlika yoka ik ia chik pim aiahno hosh,
amba nan-okpulo a ish pi a hlakofihinchashke: Apehli-
chika, mikmvt nan-isht-aiahli, micha isht aholitopa aiena
kvv chimmi a bilia yoke. Amen.

14. Hatak nan ai ashvchika puta ka hvsh i kashofi
hokma, hvch Iki vba binili kvv hvchishno ma hvchi kashofa
hinla ak inli hoka.

15. Amba hvchishno vt hatak nan ai ashvchika puta ka
hvsh i kashofi keyu hokma, hvch Iki vba binili kak kia na
hvchim ai ashvchika puta ka hvch i kashofa he keyu
hoke.

16. Yohmikmvt anonti, nana hvsh hullochi kvv nashuka
ilapissa, nan ilahobi vhleha hoka hvch ik chohmo kashke;
yvmmak okvto na hullochi kvv hatak puta im otvna chi

kvt, nashuka ya ilapissachi chatuk oka. Ahli mak o hvchi miha lishke, yvmmak okvto im vlhtomba hoke.

17. Amba chishno vto nan ish hullochikmvt, chi noshkobo ish ahvmmi cha, chi nashuka ma ish achifashke.

18. Yohmi cha hatak puta kano na hullochi ho chik i holbo hosh, amba ai alumaka ai ahanta Chiki ak illa ho ish im otvnashke; yohmikma Chiki ai alumaka a pisa yatuk mvt, otvnichi achukma hosh chim atobba he mak oke.

19. Hvchim ilayak puta ka yakni paknaka nanilayak shushi, micha na-lakna aiena kvt ai okpvni chatuk, micha hukopa puta yvt tiwit isht chukowvt a hukopa ya hvchik ai atahlo kashke.

20. Amba hvchim ilayak puta ka vba yakni nanilayak shushi, micha na-lakna aiena kia ai okpvni keyu, mikma hukopa puta kia tiwit isht chukowvt a hukopa keyu ak o hvsh ai atahlashke.

21. Kanima yo hvchim ilayak vt itonla hokma, hvchi chukvsh ak kia mihi yo pit takanla hinla ak inli hoka.

22. Haknip a i pva hvv nishkin ak oke. Yohmi hatuk o chi nishkin vt achukma hokma, chi haknip vt momvt tohwikelit alotowa hinla hoke.

23. Amba chi nishkin vt ik achukmo hokma, chi haknip momvt okhlilit alotowa he. Yohmi ka tohwikeli chi foyuka, yvmmak atuk vt ont okhlieli hokma, okhlili yvm-mvt chinto fehna nana mak ahinla keyu?

24. Hatak nana kia i shahli ha tuklochit holitobla he keyu; achvfalit i nukkilli cha, achvfa yak o holitobla hinla; keyukmvt achvfalit pit halanli cha, achvfa yak o kanimancha hinla hoke. Chihowa micha Mammon it aieninchit hvsh holitobla he keyushke.

25. Yohmi hoka hvchi ai okchaya hi a nana ho hvsh pa he, micha nana ho hvsh ishka he aiena; mikmvt hvchi haknip ma nana ho hvsh fohka hi a anukfillit isht hvch ik ilbvsho kashke, hvchim achi lishke. Ilhfiopak vt ilhpak a i shahlikma, anonti haknip vt nafohka ya i shahli ho keyu cho?

26. Hushi vba itvnova ho ho pesa: yvmmak okvt nana

h_o hokchi keyu, anonti vmot, kanchak kia pit ashachi h_o keyu; yohmi kia vba hvch Iki vt yvmma ipehinta hoke. Holitopa kv_t yvmma hvsh i shahli fehna h_o keyu?

27. Hvsh katima kak osh anukfihinlit isht ilbvsha kv_t hvchi chaha ka kubit achvfa kia hvsh il achakala hinla cho?

28. Micha nanta katiohmi h_o na fohka ya anukfihinlit isht hvsh ilbvsha cho? Na pakanli hochukma lilli oktak aiasha kv_t kaniohmit offo hoka anukfihinlit ho pesá: yvm-mak okv_t toksvlit a hoyvbli keyu, anonti nana h_o shvnni keyushke.

29. Yohmi ak inli kia Solomon ak kia nan-isht im a holitopa moma isht a shema kv_t ilvppa achvfona kia chohmi tok keyu, hvchim achi lishke.

30. Yohmi ka hvshuk himak nitak ano oktak aiasha tuk osh onna ha apalvska vlhpita ch_i kia, Chihowa hv_t shemvchi kv_t yvmihchi kv_to, hvchishno a i shahlich_i hosh ik hvchi shemacho ka hinla cho? na yimmi fehna keyu hvchia ma!

31. Yohmi hoka anukfihinlit isht ilbvshv_t, Nantak o e pa ch_i? mikmv_t nantak o iloh ishka ch_i h_o? micha nantak o eho fohka ch_i cho? hvch ik acho kashke.

32. Ilvppa puta kak o okla nan ik ithano vhleha hv_t hoyo chatuk oka; ilvppa moma ka a hvchi bv_nna hokv_no vba hvch Iki vt ithana hoka.

33. Amba Chihowa apehlichika, micha nan isht im ai vlhpiesa aiena kak o tikba hvsh hoyashke; yohmikma ilvppa moyuma kv_t hvchim aiena he mak oke.

34. Yohmi hoka onna ha ya hi a nana pit anukfihinlit isht hvch ik ilbvsho kashke; onna ha yokv_to ilapo inli nan isht il ai anukfihinlit isht ilbvsha hi oka. Nana ik ai achukmo itonla kak osh nitak oka im vlhpesa hoke.

CHAPTA VII.

Nv_nih chaha Chisvs vt anumpuli tok osh a moma; yohmi kv_t himakfokalechit inla ya na mihacha ch_i ka imolvbbi, 1; 6 micha nana kv_t holitomp_a hokv_to ofi puta, keyukmv_t shukha aiena ka pit ik in hlatapo ka he miha, 7 anumpa ilbvsha ishit asilhha

ka miha, 13 okhissa iskv̄tinosi, micha hina ik p̄vtho, mikm̄vt okhissa chito, micha hina p̄vtha isht anumpuli. 15 Hopaii ilahobi ya ahah! im ahna he, 21 v̄banumpa haklo illa he keyu, amba im antia he; 24 tv̄li chito chuka ȳvt ai it̄vbana chatuk a chohmi; mikma kv̄na hoh kia i yimmi keyu hok̄vt chuka ȳvt shinuk o ai it̄vbana chatuk a chohma hi a miha.

1. H̄UCHISHNO a nana ik hv̄ch i mihacho ka ch̄i ka, inla ya nana hv̄ch ik mihacho kashke.

2. Kanimihchit inla ya nana mihachi hosh hv̄sh mihachi tuk ma, hv̄chishno ma isht hv̄ch i mihacha he; mikm̄vt isht v̄lhpisa nana h̄o isht hv̄sh apesa tuk m̄vt, hv̄chishno m̄vt isht hv̄chim v̄lhpisa he akinli hoka.

3. Michā nanta katiohmi h̄o na hishonluk iskv̄tinosi kv̄t ish itibapishi nishkin a f̄oka n̄a ish pisa ho kak osh, anonti iti chito ȳvt chi nishkin ak inli f̄oka kano chik akostinicho cho?

4. Michā katiohmi h̄o iti chito ȳvt chishno chi nishkin ak inli h̄o f̄oka ka, ish itibapishi h̄a, Na-hishonluk iskv̄tinosi ka chi nishkin a ai ishit ak kohch̄i, ish im acha hinla cho?

5. Nan ilahobi chia hoka, chishno chi nishkin ak o t̄ikba iti chito a ish a kohchashke; yohmikmak osh ish p̄isa achukma cha na hishonluk iskv̄tinosi ka ish itibapishi nishkin a f̄oka tuk a ish a kohcha hinla hoke.

6. Nana kv̄t holitompa hokv̄no ofi puta ma pit hv̄ch ik imokm̄vt, anonti hv̄ch i na holitopa puta hatuk ma shukha itikba ya hv̄ch ik ashacho kashke; yvm̄mak keyukma yvm̄mak ash o iyi isht a hv̄hlich̄i cha, anonti filem̄vt hv̄chishno ash o hv̄chi okpv̄na hinla hoke.

7. Hv̄sh asilhhakma, hv̄ch ima he; hv̄sh hoyokm̄vt, hv̄sh ahayucha he; hv̄sh sokohakma, hv̄chin tiwa he oke.

8. Asilhha ai yuka hokv̄to ishi bano hoke: mikma kv̄na hosh hoyo hokv̄to, ahayuchi hoke; mikma kv̄na hosh sokoha hokv̄no, in tiwa pulla hi oke.

9. Yohmi ka hatak hv̄sh katima kak osh, ushi osh p̄vska im asilhha ka, tv̄li ȳo isht ima hinla h̄o?

10. Keyukm̄vt n̄vni ȳo asilhhakma, sinti ȳo isht ima hinla cho?

11. Yohmi ka nan ik ai vlhpeso hvchia kia hvchim vlla ya na hochukma isht ima kv̄t hvchimponna chatuk a, im asilhha hoka hvch Iki vba binili kv̄t na hochukma isht ima kv̄t i shahlichī ik fehno ka hinla ho?

12. Yohmi hoka nan-okluha ka hatak puta kv̄t hvchim a yvmohma hi a hvsh aiahni hosh, mih mak o hvsh ai i yvmohmi mak inlashke: ilvppak o nan vlhpisa, micha hopaii puta aiena kv̄t miha hoka.

13. Okhissa iskv̄tinosi ak o hvsh ai abehashke; okhissa yvt chito cha, hina mvt pv̄tha hosh aiokpuloka ya ona hatuk o, yv̄mma ai abeha kv̄t laua hoke.

14. Okhissa yvt iskv̄tinosi cha, hina mvt ik pv̄tho hosh ai okchaya ya ona hatuk o, ik lauwo hosh yv̄mmak oka aha-yuchi hoke.

15. Hopaii ilahobi vhleha chukv̄lhpoba i na fohka fohka hosh hvchim ai vla kia, anukaka yokv̄to nashoba isikopa vhleha mak oka, ahah! hvsh im ahnashke.

16. Ilap vni kak o isht hvsh akostininchi pulla hi oke. Hatak vt kv̄ti hak o paki a ai vmo chatuk o? micha fik a shumvti ak o ai vmo chatuk oh cho?

17. Yv̄mmak inli ho chohmit iti hochukma moma kv̄t vni hochukma ho vni chatuk; amba iti okpulo yokv̄to vni yvt okpulo yo vni chatuk.

18. Iti achukma yvt vni okpulo yo vna he keyukma, anonti iti okpulo vt vni achukma ho vna he keyushke:

19. Iti vt vni achukma ho vni keyu hokv̄to momvt chayvt akakoha cha, luak itokaha chatuk oke.

20. Yohmi hoka ilap vni ak o isht hvsh akostininchi pulla hi oke.

21. Chitokaka ma! Chitokaka ma! vm achi kak osh momvt vba yakni a chukowa hi o keyushke; amba Aki vba binili nan aiahni ka yvmohmi tuk mak a hi oke.

22. Nitak yv̄mma fehnakma Chitokaka ma! Chitokaka ma! chi hohchifo ha nan isht anumpulit, chi hohchifo ha nan-ishtahullo okpulo puta isht kocha welit, anonti chi hohchifo ha na fehna lawa ka isht il a yvmihchi tok keyu cho? vm achi kv̄t laua hi oke.

23. Yohmikma otv nichit, Nitak nana ashō hvch ithana li tuk keyu, nan ik vhlpeso yohmi hvchia hv̄t a filvmm̄it misha oh ia chá, im achi la hi oke.

24. Yohmi hoka kv̄na hosh v̄m anumpa ilv̄ppa puta hatuk ma haklo cha, mihma yvmohmi ka, hatak hopoyuksa yosh tv̄li paknaka yō in chuka a talali tok a it apesa lashke.

25. Yohmi tuk o umba hatuk mvt aka ituyula na okchitot v̄la ma, anonti mahli hv̄t mahli cha, chuka yvmmak ash ai ih̄iso ka, tv̄li paknaka yō ai itvbana hatuk okvt, ik akamo ki tok.

26. Yohmikma kv̄na hosh v̄m anumpa ilv̄ppa puta hatuk ma haklo cha, mihma ik yvmohmo hokv̄to, hatak ik hopoyukso yosh in chuka yā shinuk paknaka yō a talali tok a it vhl̄pisashke.

27. Yvmohmi tuk o umba hatuk mvt aka ituyula na okchitot v̄la ma, anonti mahli hv̄t mahli cha, chuka yvmmak ash ai ih̄iso ma, akama tok; micha okpuloka kv̄t aighli tok oke, ahanchi tok.

28. Atuk o yakohmi tok; Chisvs vt ilv̄ppa ahanchit ont in taiyaha ma, nan isht im abv̄chi tuk a okla hv̄t anukhla-kancha tok.

29. Im ai vhlpesa mak osh nana im abv̄chi tok; amba na holissochi v̄hleha hokv̄no ik chohmo ki tok.

CHAPTA VIII.

Chisvs vt leplosi v̄bi yā hlakofichi, 1. 5 Mikmvt sintuliyv̄n in tishu ha hlakofichi. 14 Chisvs vt Pita tekchi ishki, micha inla aiena ka hlakofichi. 18 Mahli chito yā yokopv̄chi. 23 Micha kaniohmi hosh il iakaya he pim anoli: 28, nan isht ahullo okpulo v̄hleha hā Chisvs vt kocha weli ma; nan isht ahullo okpulo v̄hleha hash osh shukha laua yā iba chukowa.

1. ATUK osh nv̄nih chaha yā v̄ttvt akowa ma, okla chinto kv̄t iakaiya tok.

2. Mihma leplosi v̄bi yosh v̄lv̄t ant aiokpv̄chi mvt, Chitokaka ma! vhlpesa ish ahni hokmvt, is s̄a kashofa hinlv̄shke, achi tok.

3. Mihma Chisvs vt ibbak a pit weli cha, potoli mvt, Vlhpesa ahni lishke; chi kashofashke, achi tok. Yohmi ma leplosi yash osh ashalika i kashofa tok.

4. Yohmi ma Chisvs vt, Ahah! ish ahni cha, hatak nana kia chik im anolo kashke; amba okla isht im otvna chi ka, Moses nana apesa tok vba isht aiokpvchi a isht ivt, na holi-tompa isht asha ak o ont ish ile haiakachashke, im achi tok.

5. Atuk osh Chisvs vt Kapenavm a ont chukowa ma, sintuliyv vt mintit im vla tok.

6. Micha im asilhhvt, Chitokaka ma! an tishu hv t palsi isht abeka hosh issikkopa fehna kv t chuka ya itonlvshke, achi tok.

7. Mihma Chisvs vt, Ia lish ont hlakofichi lashke, im achi tok.

8. Mihma sintuliyv ash osh afalaminchi mvt, Chitokaka ma! vm aboha ya ant ish chukowa he si vlhpesa keyu hoke; amba anumpa illa ho ish anumpuli kia, an tishu hatuk mvt hlakofa hinlvshke.

9. Vno yokvt hatak tvshka chipota vhleha pehlichit i shahli nutaka ahanta chatuk sia hoke; yohmi kv t ilvppak atuk ma, Ia, im achi likma, ia hoke: mikmvt inla ho, Minti, achi likma, minti hoke: mikmvt an tishu ha, Ilvppa yakoh-michi, im achi likma, yvmihchi chatuk oke.

10. Chisvs vt yvmma haklo kv t nukhlakancha mvt, apihvt aya kash o, Ahli mak o hvchi miha lishke; Israel okla ak oh kia nayimmi chinto yakohmi ka ak a pesoshke.

11. Yohmi ka, Hvshi akochaka, mikmvt hvshi a opiaka aiena ka a minti kv t laua hosh vba apehlichika ya ai vlv t Eblaham, micha Aisaak, mikmvt Chekob aiena ka ant ai itv-pehvt binohla hi oke, hvchim achi lishke.

12. Yohmi ka ilvppa apehlichika im vlla yatuk okvno kocha aiokhlilika ka pit kampila he; yvmmak oka a yahayvt noti ma ahampa hi oke, im achi tok.

13. Mihmvt Chisvs vt sintuliyv ash o, Ish iashke: yoh-mikma isht a chi yimmi hatuk oka, mih mak osh a chi yvmohmashke, im achi tok. Mihma in tishu hatuk vt hvshi kanvlli vlhpisa mih mak inli ho hlakofi tok.

14. Atuk o Chisvs vt Pita in chuka ya ont chukowa mvt, yvmma tekchi a ishki vt yvnhvt abeka hosh itonla na pisa tok.

15. Mihmvt ibbak a pit potoli ma, yvnha kvt shipvchi tok: mihma yvmmak ash osh wakaya mvt, nan isht im vtta tok.

16. Atuk o opivt taha ma nan isht ahullo okpulo ai i foka puta kvt laua ho isht im ai ona tok; yohmi ma shilombish okpulo puta kash im anumpa hak o isht kocha weli mvt; abeka yatuk a mominchit hlakofichi tok.

17. Yvmmvt hopaii Esaias vt anumpulit, ilap ak inli hosh nan isht ik pi ai iksitopo puta ka pim ai ishit, nan isht pi abeka a puta ma isht pi kanchishke, achi tok a ont ai ahla chi mak a tok.

18. Yohmi ma okla chito fehna kvt apehvt ai asha na Chisvs vt pisa mvt, misha in tvnnvp ak o ilhkola hinla ka miha tok.

19. Mihma na holissochi achvfa hosh vla mvt, Nan ithv-nanchi ma! kanima yo chik aya kia, chiakaiya la chi mak oke, im achi tok.

20. Mihma Chisvs ash osh, Chula puta kvt chiluk vt im ashakma, vba hushi puta kvt vllhpichik vt im asha hoke; amba Hatak Ushi okvto noshkobo ha kanima a bohla hi vt ik im iiksho hoke, im achi tok.

21. Mihma nan im ai ithvna vhleha hash osh achvft, Chitokaka ma! vmmona kano ivt, aki a ont hohpi la hi a, vllhpesa is svm ahnashke, im achi tok.

22. Yohmi kia Chisvs ash osh, Is siakaiyashke; yohmik-ma illi ak osh ilap bika illi yokvno hohpashke, im achi tok.

23. Mihmvt peni chukowa ma, nan im ai ithvna vhleha hvv iakaiya tok.

24. Atuk o mahli kvlllo fehna kvt okhvta ha a tobvvt kocha ma, peni ash o oka banvtha kvt isht ompohomo tok; yohmi kia yvmmak ashot nusi hosh itonla tok.

25. Mihma nan im ai ithvna vhleha hvv im ai vlvvt ant okchvli mvt Chitokaka ma! ish pi okchalinchashke; pilli mak oke, achi tok.

26. Mihma yvmmak ash o, Na-yimmi fehna keyu hvchia ma! na katihmi ho hvchi nukshopa cho? im achi tok. Michā tani mvt; mahli mikmvt okhvta aiena kash im alvm-mi tok; mihma yokopa ai ahlit talaia tok.

27. Yohmi ma hatak ash osh okla nukhlakancha mvt, Ilvppvt hatak katiohmi hatuk okak o, mahli micha okhvta aiena hokak kia im antia cho? im achi tok:

28. Atuk o misha in tvnnvp Kekesenes yakni a ona ma, nan isht ahullo okpulo ai i foka kvt tuklo hosh anuksho-munta fehna hatuk o, hatak nana kia yvmma imma ka ont ia he keyu chatuk o, hatak illi aiasha ya ašhwrt kohchvt minti hosh ont afama tok.

29. Mihmvt tahpvlvt okla mvt, Chisvs, Chihowa Ushi chia hvt nanta ho isht ish pi ahalaia cho? ik ai ono kisha ho, ish pilbvshacha chi hosh ilvppa ish la hoh cho? achit okla tok.

30. Yohmi ma shukha laua kvt impa hosh auet i hopaki ka ai asha tok.

31. Yohmi hatuk o nan isht ahullo okpulo vhleha hash osh im asilhha mvt, Ish pi kocha weli hokmvt, ivt shukha laua ya ont il abeha he ak o ish pim ahnashke, achi tok.

32. Mihma, Hvsh iashke, im achi tok; mihma kocha wiha mvt, shukha laua yash o, ont abeha tok; mihma shukha laua yash osh momvt yihlepa fehnvt okhvta sakti chaha yo pit ai oka kahvt ok ai illit taha tok.

33. Mihma apesvchi vhleha hatuk vt yihlepvt, ilhkolit tvamaha ona cha, nana ka mominchit anoli tok; micha nan isht ahullo okpulo ai i foka tuk vt nana im a kanihmi tuk a aieninchit anoli tok.

34. Yohmi ma tvamaha hash osh momvt Chisvs a afamvt ilhkoli tok; atuk osh yvmmak ash o okla pisa mvt, i yakni a a kohchvt aya hinla ka okla im asilhha tok.

CHAPTER IX.

Chisvs vt palsi isht abeka ya hlakofichi, 1. 9 Chisvs vt Mahlu i howa; micha Falisi vhleha ha Mahlu im ai impa asha mvt ai it im anumpuli. Chisvs vt Chan nan im ai ithvna vhleha na hullochi imma ka isht anumpuli. 18 Chisvs vt na pehlichi ushetik vt illi tuk a okchalinchit tanichi: micha ohoyo hvt issish umbokafa isht abeka tuk a hlakofichi. 27 Micha hatak nishkin lypa tuklo ho i fatummi. 32 Chisvs vt hatak ik anumpolo nan-isht ahullo okpulo ai i foka yatuk a im achukmali: mikmvt okla puta kash i nukhaklo.

1. YOHMI ma yvmmak ash osh peni o pit chukowa mvt, pit tanvbli cha, ilap in tvmaha ak inli ho ona tok.

2. Mihma hatak vt palsi isht abeka hosh potvlhpo pakna itonla ho okla isht im vla tok; mihma Chisvs vt okla na yimmi ka pisa mvt, palsi isht abeka ash o, Svso ma! chi yukpashke; na chim ai-ashvchika puta kvt chi kashofa hoke, im achi tok.

3. Yohmi ma na holissochi vhleha kaniohmi kvt, Hatak ilvppvt nan ik ahobalot anumpulishke, chukvsh anukaka okla ahni tok.

4. Yohmi ma Chisvs vt okla im anukfila ha ithana hatuk osh, Nanta katiohmi ho hvchi chukvsh a nan okpulo ishit hvsh anukfilli cho?

5. Na chim ai ashvchika puta kvt chi kashofa hoke, achi kak okma, keyukmvt, Tani cha nowa, achi kak okma, kati-mampo kak osh ahchiba kvt ik lauwo cho?

6. Yohmi kia Hatak Ushi yvt yakni paknaka anta kvt nan ai ashvchika puta ka kashofa hi vt im ai vlhpesa hatuk a, hvsh akostinincha chi kak oka, palsi isht abeka ash o, Tanit chi potvlhpo ishi cha, chi chuka ish iashke, im achi tok.

7. Mihma yvmmak ash osh tani cha in chuka ia tok.

8. Yohmi ma okla chinto kvt pisa mvt, nukhlakanchevt, hatak a nan-isht im ai ahli yohmi ka ima tok Chihowa ash o ai okpahanchi tok.

9. Mihma Chisvs vt yvmmak ash o vttvt ia mvt, hatak vt Mahlu hohchifo hosh, tvli holisso ai itahoba ya binili ho ont

pisa tok; mihmvt yummak ash o, Is siakaiyashke, im achi tok; mihma wakaya mvt iakaiya tok.

10. Atuk o yakohmi tok; Chisvs vt impa hosh aboha anuka asha ma, publikan vhleha, mihmvt nan ashvchi vhleha aiena kvt laua hosh ai vlt yummak ash, micha nan im ai ithvna aiena ka ant takla binohli tok.

11. Mihma Falisi vhleha hvt pisa mvt, ymma nan im ai ithvna vhleha hash o, Katiohmi ho nan hvch ithvnanchi vt publikan, micha nan ashvchi vhleha aiena ka it ibai impa cho? im achi tok.

12. Yohmi kia Chisvs vt ymma haklo mvt, Haknip im achukma hokano alikehi a ai im ai vhpiesa keyu chatuk, amba abeka yok mak oh chatuk oke.

13. Uba isht-ai okpvchi ak okano ak aiahno; amba nan i nukhaklo ak o aiokpanchi li hoke, achi yummak osh nana hokma, ont oh ithvna; hopoyuksa vhleha ak o hoyot aya li ha tok keyu; amba nan ashvchi vhleha hvt ile kostininha chi mak a tok oke, im achi tok.

14. Yohmi ma Chan nan im ai ithvna vhleha hvt im ai vla mvt, Katiohmi ho pishno, micha Falisi vhleha il aiena kvt nukhaklot nan e hullochi fehna ma, amba nan chim ai ithvna vhleha hvt nukhaklot nan ik hullocho cho? achi tok.

15. Mihma Chisvs vt, Hatak himona ohoyo itauwaya tuk vt takla anta moma ka i kanomi vhleha hvt nukhakla hinla cho? yohmi kia hatak himona ohoyo itauwaya tuk ash ant im ai isha he nitak vt ai ona he; yohmikmak o okla hvt nukhaklot na hullocha hi oke.

16. Hatak nana kia anchi sipokni a nantvna hlilafa himona ya lapalichi chatuk keyu; vlvkta lapali kash osh anchi ash hlilffit ishikma, i shahlit hlilavt okpulo chatuk oke.

17. Mikma hatak puta kvt oka-paki himona ya shukcha sipokni yo apitta chatuk keyu; yummak keyukma shukcha yvt mitahli na oka-paki yvt hlayakma, shukcha yvto okpulo chatuk; amba oka paki himona ya shukcha himona yo apit-takmak o, tuklot nan ik okpulo chatuk oke, im achi tok.

18. Ilvppa puta ka isht im anumpulik fehna, hatak na

pehlichi achvfa hosh vla cha, ant aiokprchi mvt, Himonasi ak kia svso-tek vt illi mak osh itonlvshke: yohmi kia minti cha, chibbak ant isht ish umbitepa hokma, okchaya hinla hoke, achi tok.

19. Mihma Chisvs vt wakaya cha, iakaiyvt ia ma, nan im ai ithvna vhleha aiena kvv yohmi ak inli tok.

20. Yvmohmi tuk o ohoyo hvv issish umbokafa isht abeka tok afvmmi auah tuklo hosh, yvmmak ash im ashaka ya mayvt ona cha, im anchi aposhokvchi a pit potoli tok.

21. Im anchi ak illa ho ak potoli kia, sa hlakofa hinlvshke, ahnit im anukfila hatuk osh.

22. Yohmi kia Chisvs vt filemvt yvmmak ash o pisa mvt, Svso-tek ma! na chi yukpa achukmashke; na chi yimmi pulla hosh chi hlakofichi hoke, achi tok. Mihma hvshi kanvlli vlvpisa ymma fehna ho ohoyo yvmmak ash osh hlakofi tok.

23. Mihma Chisvs vt hatak na-pehlichi in chuka yash ona cha, oskula olachi vhleha, micha okla yaiya aiena ka ont pisa mvt,

24. Oh iti kanvlli; ohoyo himita yvt illi keyu hoka, amba nusi hoke, im achi tok. Mihma isht yopulvt okla i yukpa tok.

25. Yohmi kia okla hvv kocha wihvt taha ma, pit chukowa cha, ibbak a ont halvlli ma, ohoyo himita yash osh tani tok.

26. Yohmi ma ilvppak atuk vt annovt yakni ymma moma hlopulli tok.

27. Atuk o Chisvs vt yvmmak ash vttvt ia ma, hatak lvpa tuklo kvv iakaiyvt avvt, tahpahanlvv, Lewi ushi chia ma! ish pi nukhakhlashke, ahanchi tok.

28. Mihma yvmmak ash osh aboha ont chukowa ma, hatak lvpa atuk vt im onvt okla tok: mihma Chisvs vt, Ilvppa yakohmichi la hinla ka hvchi yimmi cho? im achi ma, Yau, Chitokaka ma! im achit okla tok.

29. Yohmi ma nishkin a pit potoli mvt, Na hvchi yimmi tuk pulla mak osh isht a hvchim vlvpesashke, achi tok.

30. Mihma nishkin vt i fatumvt okla tok: yohmi ma

Chisvs vt kullochi fehna hosh i mihvt, Ahah! hvsh ahni na hatak nana kia ik akostinincho kashke, achi tok.

31. Yohmi tuk kia itiachi mvt, yvmmak ash o yakni yvm-ma mominchit ai im annowachi tok.

32. Yvmmvt a kohcha ma, hatak ik anumpolo nan isht ahullo okpulo ai i foka ho okla isht im vla tok.

33. Atuk o nan-isht ahullo okpulo yash osh a kohcha ma, ik anumpolo yash osh anumpuli tok: yohmi ma okla laua yash osh nukhlakancha mvt, Himonna kia Islael okla ha a yakohmi na kva hosh pisa chatuk keyushke, achi tok.

34. Yohmi kia Falisi vhleha hash osh, Ilvppvt nan-isht ahullo okpulo puta ka nan-isht ahullo okpulo i miko yak o isht kocha weli hoke, achi tok.

35. Yohmi ma Chisvs vt tmaha moma, micha tvmahushi puta aiena ka mominchit avt, i sinakak puta kak o nan im ai abahanchi, mihmvt vba apehlichika isht anumpa hanta isht anumpohonli, mihmvt abeka moma ka hlakofhinchit, haknip ik in chukmo okla im asha tuk a mominchit hlakofhinchit tok.

36. Yohmi tuk kia okla laua yash osh hoyvbli cha, it a fimimpvt aiasha, chukfvlhpoba yosh apesvchi ik im iksho ho, chohmi na pisa hatuk osh i nukhaklo tok.

37. Yohmi mvt nan im ai ithvna vhleha hash o, Nahoya hi okvto laua ho mvhli, amba toksvli vhleha hak osh ik lauwashke.

38. Yohmi hoka na-hoya hi okvt Chitokaka immi hoka nan im ahoya hi a toksvli vhleha ha auet tihlela chi ka, hvsh im asilhashke, im achi tok.

CHAPTA X.

Chisvs vt nan im ai ithvna auah tuklo kvv vbanumpa ha isht anum-pohonla chi ka, micha na fehna puta ka ai yvmohma chi aiena ka kanompit tihleli, 1. 5 Micha nana ka ithvnanchi. 40 Micha Chisvs a holitobli kvv nan isht il ai yukpa he miha.

1. YUMOHHI tuk osh nan im ai ithvna auah tuklo kash o itahobit tahli mvt, nana im ai ahlit, nan-isht ahullo

okpulo puta imaiyvt, yvmmak atuk ma kocha welit abeka ilaiyuka puta, micha haknip ik in chukmo ilaiyuka moma hlakoficha hi a im apesa tok.

2. Yohmi ka vbanumpeshi auah tuklo hohchifo kvt yakohmi kak oke: vmona Saimon atuk osh Pita hohchifo tok; mihma itibapishi Antilu ak a tok; Sebeta ushi, Chemis ak osh, nakfish Chan itatuklo tok:

3. Mihma Filip, micha Bahlolomu; Tamas, mikmvt pvblikan hatak Mahlu; Alfers ushi Chemis, micha Lebers osh hohchifo apunta kvt Tatevs a tok.

4. Mihma Kenan hatak Saimon, micha Chutas Iskaliot ak atuk osh yvmma haksichi tok ak inli ka aiena tok.

5. Auah tuklo ilvppak o Chisvs vt pit tihleli mvt, nan im apesvt, Chentail aiasha pilla hokvno hvch ik aiyo kashke, mikmvt Samalia okla in tvmaha h₂ ont hvch ik chukowo kashke.

6. Amba Israel in chuka-chvfa chukfulhpoba tvmoa pulla kak o hvsh im ai onashke.

7. Micha ia hosh hvsh itvnowa kvt, vba isht anumpohonlit, Uba apehlichika yvt olanlosi vlshke, hvsh ahan-chashke.

8. Mikmvt abeka ya hlakofichit, leplosi vbi puta ka i kashofit, illi puta ka tanichit, nan-isht ahullo okpulo puta ma hvsh kocha welashke: pilla h₂ hvsh habena hatuk okvt, pilla h₂ hvsh imashke.

9. Hvchi shukcha atuk ma tvli holisso lakna, micha tvli hvta, mikmvt tvli lakna nana kia fohkit hvch ik ieshokmvt;

10. Anonti nowvt hvsh aya hokvt bahta kia, ilefoka lumbo tuklochit, shulush aiena ma tuklochit, tvbi nana kia hvch ik iesho kashke; hatak toksvli yvt ilhpita he ak o vlhpesa hoka.

11. Micha tvmaha, keyukmvt tvmaha chito yokmá nana h₂ ont hvsh chukowa chi kvt, kvna hosh vlhpesa kvt yvmma anta ka, hvsh ponaklashke; micha yvmmak o hvsh a₂sha tuk osh a kohchvt hvsh iashke.

12. Micha chuka yo ont hvsh chukowakmvt, hvsh ai okpvchashke.

13. Yohmikma chuka yatuk mvt vlhpesa hokma, na yukpa he hvsh im ahni tuk a onvtulashke: amba vlhpesa keyu hokmuno, na yukpa he hvsh im ahni tuk a hvchi falamashke.

14. Micha kvna kia ik hvchi aiokpacho, micha hvchim anumpa ma haponakla he keyukma, chuka yokmá, tmaha hokmá, nana hatuk a hvsh a kohchakmvt, hituk tohbi hvch iyi asha hatuk ma hvsh tahtulashke.

15. Ahli mak o hvchi miha lishke, Nan-vlhpisa chinto nitak okvno Sotom, micha Komola aiena kvv im ahleka hoh kia, pit im vlhpisa kvv tmaha yvmmak a tok a i shahla hi oke.

16. Inta! chukfvlpoba yo chohmichi hosh nashoba itintakla pit tihleli lishke; yohmi hoka kostini kvv sinti ak o hvsh chiyuhmi cha, nuktaiyala mvt pvchi-yoshuba ak o hvsh itilauashke.

17. Yohmi kia hatak puta ka ahah! hvsh im ahnashke: yvmmak okvv ishit nan apesa vhleha ibbak a hvchi fohokikma, i sinakak puta ka a hvchi fahama he mak oke.

18. Micha na pehlichí vhleha, mikmvt miko puta, Chen-tail okla aiena ka, na hvsh im ai atokola chi ka, vno pulla hatuk mak o yvmma puta ka itikba hvch isht ohona hi oke.

19. Yohmi kia hvch isht ohona ka, kanimihehit, micha nana ho hvsh anumpula he aiena kvv hvch ik anukfillo kashke: nana ho hvsh anumpula hi a hvshi kanvlli vlhpisa yvmmak inli ho hvchi anukfohka hi oka.

20. Hvchishno ak osh hvsh anumpula hi o keyu, amba hvch Iki imi Shilombish yvmmak osh a hvchi anumpula hi oka.

21. Mikma itibapishi hatuk vt itibapishi ha illi issakma, anonti iki atuk vt vlla ya illi issa he: yohmikma vlla puta kvv iki ishki aiena hatuk ma i nukkilli cha, illi issa hi oke.

22. Mikma sa hohchifo pulla hatuk mak o momvt hvchi nukkilli he: yohmi kia kvna hosh achunanchit mahayvt ai vhli ka ona hok mak osh okchaya hi oke.

23. Yohmi kia tmaha chito ilvppa a hvch issikko-

palikma, yihleprt inla yo hvsh onashke. Ahli mak o hvchi miha lishke, Islael okla in tvmaha puta ka hvch ik hlopullo kisha ho, Hatak Ushi yvt vla hi oke.

24. Nan-ithvna yvt nan-ithvnanchi ya imaiya keyukma, anonti tishu hvt i shahli ha imaiya ho keyu chatuk.

25. Nan-ithvna yvt nan-ithvnanchi ya itilauiikma, anonti tishu hvt i shahli hatuk ma itilauiikmak osh im vhpesa hoke. Chuka-chvfa pehlichika ya Beelsebvb okla hochifo tuk vt in chuka-chvfa ya i shahlichu kvt katiohmichi hosh hochifa hinla cho?

26. Yohmi hoka yvmmak oka hvch ik i nukshopo kashke. Nana kvt ompoholmo tuk osh ik otano ka hi vt iksho ma, anonti nana kvt luma tuk osh ik annowo ka hi vt iksho hoka.

27. Nana ka okhlilika yo a hvchim anoli li ka a tohwi-kelika yo hvsh ai anolashke: micha nana ka haksobish tikelichi hosh hvsh haklo kvt, yvmmak ash aboha pakna yo hvsh ai anolashke.

28. Mikmvt haknip a vbi kia, shilombish a illicha he keyu yvmmak okvno hvch ik i nukshopo kashke: amba shilombish micha haknip it aieninchit aiokpuloka ai ilbv-shala hinla kak pulla ho hvsh i nukshopashke.

29. Hushi chipunta yvt tuklokmvt sint achvfa iklvna itatuklo vltoba chatuk keyu? mikma yvmmt, hvch Iki vt ahni keyukma, achvfona kia aka itula hi o keyu hoke.

30. Amba pashi hvchi noshkobo o hikia kak kia momvt holhtinvt taha yoke.

31. Yohmi hoka ik hvchi nukshopo kashke; holitopa kvt hushi chipunta laua kia hvsh i shahli hoke.

32. Yohmi hoka kvna hosh hatak puta itikba ya si ai ahninchu tuk ma, vno ak kia ilapa Aki vba binili ka itikba ya ai ahninchu la hi oke.

33. Amba kvna hosh hatak puta itikba ya ik si ai ahnincho tuk ma, vno ak kia ilapa Aki vba binili ka itikba ya ak ai ahnincho ka hi oke.

34. Yakni pakna ya nanaiya yo bohliit aya li tok ik

huchim ahobo kashke: nanaiya yo a bohlit aya li tok
keyu, amba bushpo falaia ak a tok.

35. Hatak a iki ik it im vlhpesachot, ushetik a ishki ik it im a vlhpesachot, ipok atuk ma ipokni a ik it im vlhpesachot aya li ha tok.

36. Mikma hatak in tenvv puta kvv ilap in chukachvfa
ash inla hi oke.

37. Kuna hosh iki yokmá, keyukmvt ishki yokmá, nana ho i hullo kvv vno a im i shahli hokvt, vmmi ha he vlpesa keyu hoke: mikmvt ushi yokmá, keyukmvt ushetik okmá, nana ho holitobli kvv vno a im i shahli hokvt, vmmi ha he vlpesa keyu mak inli hoke.

38. Yohmikma kana hosh im iti-taiyukhuna ya sholi
cha, siakaiya keyu hokvt, vmmi ha he vthpesa keyu mak
oke.

39. Kuna hosh im ilhfiopak a ahayuchi tuk mvt i kunia
he: mikma kuna hosh vno pulla hatuk mak o im ilhfiopak
vt i kunia hokmvt, ahayucha he mak oke.

40. Kuna hosh hvchi aiokpvchi hokvt, vno a si aiokpvchikma; anonti kuna hosh vno a si aiokpvchi kv, auet sa kanchi tok ma aiokpvchi hoke.

41. Kɛna hosh ¹hopaii ya hopaii atuk mak ɔ aiokpɛchi hokvt, hopaii im ai vlhtoba mak ɔ isha he : yohmikma kɛna hosh hatak ahli achukma ka, ahli achukma atuk mak ɔ, aiokpɛchi hokvt, hatak ahli achukma im ai vlhtoba mak ɔ isha hi oke.

42. Mihma kena hosh chipota vhleha ilvppa achvfona kia, nan ithvna yatuk mak o ishka chi ka oka kapvssa isht-ishko achvfa illa ho ipeta kia, ymmvt kaniohmit nan-vlhtoba hvt i hlakofa he keyu, ahli mak o hvchim achi lishke, achi tok.

CHAPTER XI.

Chisvs vt vba isht anumpohonli kv̄t a moma; Chan a pit ponaklo
tuk a Chisvs vt afalaminchit im anoli, 1, 7 micha, Chan Baptist a
aiahli isht anumpuli. 20 Chisvs vt tvmaha kanimi ka na palvm-
mi kv̄t onvtula ch̄i ka anoli, yvmmak oka na febna laua ka ai yv-

mihinchi tuk kia, okla ik ile kostinincho hoka. 25 Chisvs vt Chihowa pit aiokpuchi mvt, Iki vt nan okluha ka ibbak ifoyuki tuk a achi: 28 mikmvt a foha chi kvt hoyvbli puta kvt im ai ona chi ka i miha.

1. ATUK o yakohmi tok; Chisvs vt nan im ai ithvna auah tuklo kash nan im apesvt in taiyaha mvt, in temaha puta ka nan ai ithvnanchi, micha vba isht anumpuli aiena chi hosh yvmma vttvt ia tok.

2. Atuk o Klaist vt nan-isht-anta puta ka Chan vt aboha kullo anukaka ya a haklo mvt, nan im ai ithvna vhleha tuklo ho pit tihleli tok.

3. Mihmvt yvmmak ash o, Chishno ak osh aya he tok mak o chia hokma, ak chu? inla yo e hoyokma, nanta chi cho? pit im achi tok.

4. Mihma Chisvs vt a falaminchi mvt, Anonti hvsh ia cha nana ka hvsh haklo, micha hvsh pisa aiena tuk vt Chan a ont hvsh im anolashke.

5. Lupa yvt hopokoyo ma, imomokpulo yvt nowa; leplosi vbi okla hvt i kashofa; mikma ik haponaklo yvt haponaklo; illi tuk vt tani; mihma ilbvsha puta ka vbanumpa hvt isht im anuhumpvshke.

6. Yohmi ka kvna hosh vno a ik si ai ibetvblokmt, na yukpa he mak oke.

7. Mihma itiachi ma, Chisvs vt okla laua ya im anumpulit ishtia mvt, Chan ak o miha hosh, Nanta ho hvsh pisa chi hosh yakni haiaka ya hvsh ilhkoli tok o? Kushak vt mahli na faiokvchi kak atuk o?

8. Amba nanta ho pisvt hvsh ilhkoli tok o? Hatak nafohka lapushki fohka kak atuk o? nafohka lapushki abehkvchi hokvto miko in chuka puta kak o aiasha hoke.

6. Amba nanta ho pisvt hvsh ilhkoli tok o? Hopaii atuk o? ahli, yohmi ka hopaii ak kia imaiya hoke, hvchim achi lishke.

10. Um anumpeshi ya chi tikba chvffichi li hoka, mihi yosh chi hina ya tikbanli apoksiacha chi hoke, achit isht holisso tok a ilvppak osh mih mak oke.

11. Ahli mak o hvchim achi lishke, Ohoyo ho a tobtvt

aiasha ka itintakla hikia kvt Chan Baptist a imaiya chatuk keyushke : yohmi nana kia moma ik lauwo hosh vba apehlichika ya anta kvt, ymma imaiya hoke.

12. Yohmi ma Chan Baptist vt ahanta nitak atuk a ai vhlit mihinti ka, vba apehlichika ya ishi bvna kvt achilita fehna, yohmikma achilita puta kvt onvtulvt ihishi na himakvshke.

13. Hopaii vhleha moma micha vba nan vlpisa aiena kvt na tikbanli anoli kvt, Chan ak o ant im ai vhli hoka.

14. Micha hvchi yimma hinla hokma, ilvppak osh vla he tok Elias mak oke.

15. Kvna hosh isht haponakla he haksobish vt i hinlik-mvt, haklashke.

16. Amba himak okla aiasha ilvppak okvno nantak o it-apesa la chi cho? Ulla yosh ilhpak a kanchi yo binohmaya hosh ilap bika iti howvt,

17. Oskula ha e hvchim olachi ka, hvch ik hehloshke; e hvchi yaiya ka, hvch ik yayiushke, achi ho itilauishke.

18. Chan vt ik impo, micha nan ik ishko aiena hosh aya ma, Ymma nan-isht ahullo okpulo il ai eshi hoke, okla achishke.

19. Hatak Ushi yvt ihimpa, mikmvt nan ihishko aienvt aya ma, Yakeh ! hatak isikopa, oka-paki ishko shahli, publikan micha nan ashvchi vhleha aiena ka i kana yoke, achishke : yohmi kia Ahopoyuksa yokvto im vlla vhleha ha isht im a holitopa hoke, im achi tok.

20. Yohmi mvt tmaha na-fehna ka a yvmihinchi fehna tuk puta kash, okla ilekostininchi keyu hatuk o, nan isht a mihachit ishtia tok.

21. Kolasin ma ! na chi palvmmi mak oke : Betsaita ma ! na chi palvmmi mak oke ; na-fehna puta kvt hvchishno ya hvchim a yvmohmi tuk vt Taia, micha Saiton aiena ka a yvmohmi ha tok okma, hopaki kash inli ho na pashi tvna anchit hituk chubbi banot mayvt ilekostinincha he a tok oke.

22. Yohmi kia nan vlpisa chinto nitak okvno Taia micha Saiton aiena kvt im ahleka hoh kia pit im vlpisa kvt hvchishno yokvno i shahla hi oke, hvchim achi lishke.

23. Yohmikma Kapenarm chia shutik ak o ont ish talaia

tuk vt, aki^{vt} ai okpuloka mak o ish ona hi oke: na-fehna puta kvt chishno ya chim a yvmohmi tuk vt Sotom a a yvmohmi ha tok okma, himak nitak ak kia talaia hi a tok oka.

24. Yohmi kia nan v^hlpisa nitak okvno Sotom yakni vt im ahleka hoh kia, pit im v^hlpisa kvt, chishno yokvno i shahla hi oke, hvchim achi lishke, achi tok.

25. Nitak ymma fehna ma Chisvs vt anumpuli mvt, Aki, shutik micha yakni aiena in Chitokaka ma! na yakohmi puta ka na kostini, micha nan ithana aiena kvno ish in luhmi tuk osh, vlo^si puta ho ish im otvⁿichi hoka, yak oke, chim aiahni lishke.

26. V^hlpesashke, Aki ma! yvmmak osh chim v^hlpiesa hatuk oka, achi tok.

27. Aki vt nan okluha ka svbbak fohkishke: yohmi ka Ushi ya hatak nana kia ik ithano ho, amba Iki ak banoshke; mikma Iki a hatak nana kia ik ithano ho, Ushi ak illa, micha Ushi ak osh kvna ho im otvⁿichi hok mak bano hoke.

28. Toksvlit ahantvt hoyvbli, micha shapoh i weki puta hvchia mvt, momvt hvs sv^m ai v^la na hvchi fohvchi lashke.

29. Um ikonla abana yak o isht hvsh il abanali cha, vno ak o hvs sv^m ai ithvnashke: vno ak osh chukvsh yohbi, micha chukvsh akanlosi aiena sia hoka: yohmik mak osh hvchi shilombish puta a foha hi a hvsh ahayucha he mak oke.

30. Um ikonla abana ya il abanali ka im v^hlpiesa, micha a shapoh hvt shohvla hoke, im achi tok.

CHAPTA XII.

Nan im ai ithvna v^hleha hash osh nitak hullo yo onush a hleh^lit vpa tuk a, v^hlpesa, Chisvs vt im ahni, 1. 9 Chisvs vt ibbak bvshi yatuk a achukmali tuk o, Falasi v^hleha hvt vbi bvna. 22 Shilombish okpulo ai i foka tuk a Chisvs vt hlakofichi; 31 mihmvt Shilombish Holitopa ya ik ahobalot anumpuli kvt i kashofa he keyu miha. 38 Falasi v^hleha hvt Klaist a nan-isht-atokowa im a hoyo. 46 Kvna hosh Klaist a i kanomi hoka isht annoa.

1. NITAK ymma foka ma Chisvs vt nitak hullo nitak o osapa hlopullit aya ma, nan im ai ithvna vhleha hvt hohchvfo hatuk osh, onush a hlehli cha, vprt ishtia.tok.

2. Yohmi kia Falisi vhleha hvt pisa mvt, Yakeh! nana ka nitak hullo nitak a a yohma he vlhpesa keyu ka, na chim ai ithvna vhleha hvt yohmishke, im achi tok.

3. Yohmi kia ymmak ash osh, Lewi micha apehvt aya tok aiena kvv hohchvfo mvt, kaniohmi tok,

4. Chihowa im aboha hatuk a ont chukowa cha, prska otvni ymmak oka ilap vt, micha apehvt aya tok aiena kvv vpa he ai im vlhpesa keyu, amba naholitompa isht asha ak illa hatuk a vpa tok a, holisso ha hvch ik ai it im anumpulo chatuk oh cho?

5. Ymmak keyukmvt na-holitompa isht asha vhleha hvt nitak hullo nitak puta ma tempel anukaka ya nitak hullo a kobahafi kvv ashvchi ha tok keyu ka vba nan vlhpisa holisso ha hvch ik ai it im anumpulo chatuk oh cho?

6. Yohmi kia, Achvfa hosh tempel a imaiya kvv ilvppa anta hoke, hvchim achi lishke.

7. Yohmi kia, Uba isht-aiokprchi ya ak ahnincho, amba nan i nukhaklo ak o ai okpanchi li hoke, achi ilvppak osh nana ho miha hatuk a hvsh akostininchi hatuk okmvt, ashvchi keyu ka anumpa hvsh onocha he tuk keyu chishke.

8. Hatak Ushi yvt nitak hullo ak kia in Chitokaka ak inli hoka, im achi tok.

9. Micha ymmak ash vttvt ia mvt, ymma i sinakak ak o ont chukowa tok.

10. Yohmi ma hatak vt ibbak shulla yosh asha tok. Yohmi ma ilvppak ash o nan vlhpisa onocha chi hosh okla im ponaklot, Nitak hullo nitak a na hlakoficha he vlhpesa cho? achi tok.

11. Yohmi ma ymmak ash osh, Hatak hvchi katima kak osh chukvhlhpoba yvt achvfa hosh im anta tuk vt, nitak hullo nitak o yakni kula pit itula ka, pit halvllit ik kohcho ka hinla cho?

12. Yohmi ka hatak vt holitopa kvv chukvhlhpoba ya katiohmi ho isht i shahli ho? Yohmi hoka nitak hullo

nitak a nana achukma ka yohma he vlhpesa hoke, im achi tok.

13. Yohmi mvt hatak ash o, Chibbak a chisemochí, im achi tok. Mihma chisemochi tok: yohmi ma falamvt achukmvt taha mvt, in tennvp akinli ho chohmi tok.

14. Yohmi ma Falisi vhleha hvt kocha wiha mvt, kani-mihchit vba he vt isht it im anumpulit maya tok.

15. Yohmi kia Chisvs vt ilvppa akostininchi mvt, yvm-mak ash a kohchvt knia tok: mihma okla chito hvt iakaiya ma, yvmmak ash o mominchit hlakofichi tok.

16. Yohmi mvt ilap a okla ik otvnincho ka hi a kvllochit i miha tok.

17, 18. Yohmi ma, hopaii Esaias vt anumpohonli mvt, An tishu hano ai atokoli li tuk o holitopa, sa shilombish vt isht ai yukpa fehna ka ho pesá: ilvppak o vmi Shilombish o onochi likma, yvmmak osh Chentail okla ha vba nan vlhpisa ya im otvnicha hi oke.

19. Yvmmak okvt ik it im paknokmvt, anonti ik tahpvlo ka he; mikma tmaha ai itahoba puta ka im anumpa ha hatak nana kia a haiyakla he a keyu ka he.

20. Kushak kushkoa kia ik tilohlecho ka he, mikmvt pva i honnula lua shobulli ka ik mosholicho hosh, vba nan vlhpisa ya fihimit isht imaiyacha he.

21. Yohmikma Chentail vhleha hvt yvmma hohchifo ho anukchieta he, achi tok a ont ai aiahli tok mak oke.

22. Yvmma foka ma achvfa hosh nan-isht ahullo okpulo ai i foka hosh lvpa, micha ik anumpolo aiena ho isht im vla tok: yohmi ma yvmmak ash o hlakofichi na lvpa micha ik anumpolo aiena tuk vt anumpuli, micha pisa aiena tok.

23. Mihma okla hvt momvt nukhlakancha mvt, Ilvppvt Lewi ushi ash keyu ho? achi tok.

24. Yohmi kia Falisi vhleha hvt haklo mvt, Hatak ilvppvt nan-isht-ahullo okpulo a kocha weli ho keyu, amba nanisht-ahullo okpulo i miko Beelsebvak o ishit kohchi hoke, achi tok.

25. Mihma okla im anukfila ha Chisvs vt akostininchi hatuk osh, Apehlichika puta kvit it a kashapvt ilap bika it i sanali hokvt, ont ai okpulo kvit taha chatuk: anonti tmaha

chito, keyukmvt chuka puta kvt it a kashapvt ilap bika it i sanali hokvt, talaia he keyu hoke.

26. Yohmi hoka Setan osh Setan a kohchi hokmvt, ilap o inli il i sanali hoke; yohmi ka katiohmi hosh im apehlichika yvt talaia hinla cho?

27. Micha vno vt Beelsebub ak o nan-isht-ahullo okpulo a ishit kocha weli li hokma, kvt hak o hvchim vlla vt yvma ishit kocha weli chatuk oh cho? yohmi hoka yvmmak osh na hvchim apesa yashke.

28. Amba vno yvt nan-isht-ahullo okpulo a Chihowa imi Shilombish o ishit kocha weli li hokma, yohmi hokmvno Chihowa apehlichika yvt hvchim vla mak oke.

29. Keyukmvt katiohmi hosh achvfa kvt hatak hlampko in chuka ya ont chukowa cha, im ilayak a wehpula hinla? hatak hlampko ak o tikba takchi ha yo keyukmvt; amba yvmmak okmvt in chuka ya wehpula hinla hoke.

30. Kvna hosh vno a svbafohka keyu kvt, a sanali hoke; mikma kvna hosh svba hoyo keyukmvt, na fimmi yoke.

31. Yohmi hoka, Hatak vt nan im ai ashvchika il ai yuka moma, micha Chihowa ik ahobalot anumpuli moma kvt i kashofa he; amba Shilombish Holitopa yo ik ahobalot anumpuli tuk okvto hatak vt ik i kashofa ka hi oke.

32. Micha kvna hosh Hatak Ushi ak o na mihachit anumpuli tuk okvto i kashofa he: amba Shilombish Holitopa ak o na mihachit anumpuli tuk okvto yakni ilvppak inli, micha yakni inla mihinti aiena ka ai i kashofa he keyu hoke.

33. Iti vt achukma ho hvsh ikbi hokma, vni ak kia achukma he: keyukmvt iti vt okpulo yo hvsh ikbi hokma, vni ak kia okpula he: iti vt ilap vni ak inli ho isht otvni chatuk oka.

34. Sinti chilita isht-ai-unchululi hvchia ma! ai vlhpiesa keyu hvchia kvt, katiohmi hosh nana achukma puta ka hvsh anumpula hinla cho? chukvsh a alotowak mak o, itih hv kohchit miha chatuk oka.

35. Chukvsh anukaka ya na holitopa kvt asha kak o, hatak achukma kvt nana achukma puta ka a yvmohmi chatuk: mikma chukvsh anukaka ya nana ik achukmo kvt asha

kak o, hatak ik vlhpeso kvt nana ik achukmo puta ka a yvmohmi chatuk oke.

36. Yohmi kia anumpa ik vlhpeso puta hatak vt anum-puli tuk okmvt, nan vlhpisa nitak okvno yvmmak atuk a nan isht il anola hi oke, hvchim achi lishke.

37. Chishno chim anumpa atuk ak o isht chi ai vlhpiesa he: mikmvt chishno chim anumpa atuk ak o nan isht chim vlhpisa hi oke,

38. Yvmma foka ma na holissochi vhleha kaniohmi, mi-cha Falisi vhleha aiena kvt anumpuli mvt, Nan ithvnanchi ma! nan-isht-atokowa e chi pisa hinlvshke, achi tok.

39. Yohmi kia afalaminch i mvt, Nan ik vlhpieso, mi-cha hau i aiena okla hash osh nan-isht atokowa ya okla hoyo: yohmi kia nan-isht-atokowa nana hosh in takala he keyu, amba hopaii Chonas nan-isht-im atokowa ak illa hi oke.

40. Chonas vt nitak tuchina micha ninak tuchina aiena ho nvi chito ikfoka anukaka ya foka tok a; yvmmak inli ho chohmit Hatak Ushi vt nitak tuchina micha ninak tuchina aiena ho yakni chukvsh anukaka yatuk ma foyuka hi oke.

41. Nana vlhpisa chinto nitak okvno Ninefeh hatak vt okla ilvppa ai apihvt hieli eha, anumpa onocha hi oke; yvmmak okvt Chonas vt vbanumpa isht anumpohonli ma, okla ilekostinichi tok okvt; atuk o Chonas a imaiya mak osh ilvppa ahantvshke.

42. Nana vlhpisa chinto nitak okvno oka mahli ohoyo miko vt okla ilvppa awant hikia cha, anumpa onocha hi oke: yvmmak okvt yakni ont ai vhli pilla minti kvt Solomon isht im a hopoyuksaka ya haklot aya tok okvt: yohmi tok o himak a Solomon a imaiya mak osh ilvppa ahan-tvshke.

43. Shilombish okpulo yvt hatak a akohchakmvt, afoha he hoyo kvt oka ik ai iksho puta ka hlopullit aya kia, ik ahayucho chatuk;

44. Yohmikmvt, An chuka ai vtta kohchvt a minti li kash osh falamvt ia lashke; achi tuk osh onakmvt, yvmmak

ash k_vna iksho h_o, pashpovt, shemvt taiyaha cha hikia h_o, ont pisa hoke.

45. Yohmikmvt shilombish okpulo untuklo inla yvt ilap a i shahli h_o ivt ont pehlichit v_la ma, yvmmak ash okla pit abeha cha ai asha chatuk; yohmikma hatak yvmmv_t ont ishtaiyopi kak o okpulo kv_t vmmona tuk a i shahli chatuk oke. Yohmi ka yvmmak inli h_o okla nan ik vlhpeso ilvpvt chiyuhma ch_i hoke.

46. Okla h_a im anumpuli kv_t moma h_o, ishki micha itibapishi v_lheha aiena kv_t it im anumpuli b_vnna hosh kocha y_a hinli tok.

47. Yohmi ma achvvt, Yakeh! chishki micha ish itibapishi v_lheha aiena kv_t chit im anumpuli b_vnna hosh kocha y_a hiohmayvshke, im achi tok.

48. Yohmi kia afalam_inchi mvt, nan im anoli yash o, Hvshki ak osh kv_ta h_o? mikma itibapishi li v_lheha ak osh kv_ta hoh cho? im achi tok.

49. Mihmvt nan im aiithvna v_lheha aiasha ka imma y_o ibak a pit weli mvt, Hvshki, micha itibapishi li v_lheha h_a pisá;

50. K_vna hosh Aki v_ba binili nan aiahni ka yvmohmikmvt, yvmmak osh itibapishi li, micha an tek, mikmvt hvshki aiena mak oke, achi tok.

CHAPTA XIII.

Na hokechi nan isht vlhpisa; mikma nana a kaniohmi kak o Chisvs vt nan isht vlhpisa h_o isht ithvnanchi, 1. 18 Na hokechi nan isht vlhpisa h_o otvnichi; 24 onush micha haiyukpulo ita tuklo ka isht vlhpisa, 31 mvstvt nihi; 33 micha nan isht shatvmmichi ita tuklo ka nan isht vlhpisa: micha na kaniohmi h_o Chisvs vt nan isht vlhpisa bano h_o isht anumpohonli. 36 Onush micha haiyukpulo ita tuklo nan-isht vlhpisa h_o otvnichi; 44 na holitopa luma kv_t itu-yula, 45 micha nan chumpa, 47 mikmvt nvni isht hokli aiena ka nan isht vlhpisa; 53 Chisvs vt falamvt i yakni ak inli h_o ona tuk o, okla hv_t kanimanchi.

1. MIHMUT Chisvs vt nitak yvmmak inli ka aboha y_a a kohchvt ia mvt, okhvta lapalika y_o ont binili tok.

2. Yohmi ma okla laua fehna kv̄t ant im ai itahoba, yohmi ma peni yō pit chukowa cha binili tok; mihma okla laua yash osh momv̄t oka v̄hli h̄a hiohmaya tok.

3. Mihma nana laua ka nan isht apesa hosh isht im anumpohonli mv̄t, Inta! na hokchi v̄t na hokchit ia tok.

4. Atuk osh hokchi ma, na nihi kanimi kv̄t hina lapalika yō kaha tok; atuk o hushi puta kv̄t ant v̄pvt tahli tok.

5. Kanimi kv̄t tv̄li foka yakni āsha fehna keyu hō kaha tok; atuk osh yakni v̄t i suko keyu hatuk okv̄t, chekosi fehna offo tok;

6. Atuk o hv̄shi v̄t kohcha ma, anakshua tok; yohmi kv̄t hakshish v̄t ik im iksho hatuk okv̄t, bv̄shit taha tok.

7. Yohmi ma kanimi kv̄t kv̄ti foka yō kaha tok; atuk o kv̄ti v̄t offo mv̄t, olv̄bbit ishi tok.

8. Amba inla ka yv̄t o yakni achukma hō kaha: yohmi tuk mv̄t achv̄fa tuk kia kanimi kv̄t tahlepa achv̄fa; kanimi kv̄t pokoli hanali; kanimi kv̄t pokoli tuchina aiena hō vn̄it waya tok oke.

9. Kv̄na hosh isht haponakla he haksobish v̄t i hinlikmv̄t, haklashke, achi tok.

10. Mihma nan im ai ithv̄na v̄hleha hv̄t im ai ona mv̄t, Nanta katiahmi hō nan isht v̄lhpisa hō isht ish im anum-puli cho? im achi tok.

11. Mihma afalaminchi mv̄t, Hv̄chishno yokv̄to nan ik otano v̄ba apehlichika ahalaya puta ka hv̄sh ithana hi okv̄t hv̄chim v̄lhpisa ha tok; amba yv̄mmak okv̄to im v̄lhpisa keyu hoka.

12. Kv̄na hosh ishikma, mihi yō ima he; mikma in laua kv̄t i shahla hi oke: amba kv̄na hosh ishi keyuk mv̄no, ishi tuk ash kia im ai isha hi oka.

13. Okla pih̄isa hokak osh, pisa keyu; mikmv̄t hab̄aklo hokak osh, haklo keyu; micha akostininchi keyu aiena hatuk; yohmi kak o nan isht v̄lhpisa hō isht im anumpuli li hoke.

14. Mihma Esaias v̄t nana tikbanli anoli kv̄t, Hab̄aklo hokv̄no hv̄sh haklo kia, hv̄ch ik akostinincho ka he; mikmv̄t pih̄isa hokv̄no hv̄sh pisa kia, hv̄ch ik ithano ka he.

15. Okla ilvppa chukvsh atuk mvt ni vt taiyaha, mihma haksobish a isht haponahaklo kv t in takobi mvt, nishkin atuk ma okla okhishtvshke; yvmmak keyukmvt nitak kani-ohmi kia nishkin atuk ma isht pisvt, haksobish a isht haklo cha, chukvsh ma isht akostininchit ilekostininchi na hlakofichi la hinla kak o, yohmi achi tok a okla ilvppak o ont isht aiahli hoke.

16. Amba hvchi nishkin okvto pisa; mikma hvchi haksobish atuk mvt haklo aiena hokvt na yukpvshke.

17. Ahli mak o hvchi miha lishke, Hopaii yvt lawa, micha hatak hochukma aiena kv t nana hvsh pisa ka pisa bvna tok kia, okla ik peso tok; micha nana hvsh haklo ka haklo bvna tok kia, ik haklo tok oke, achi tok.

18. Yohmi hoka na hokchi isht vlhpisa hatuk ma hvsh haklashke.

19. Kvna kia apehlichika isht anumpa ha haklo cha, ik akostinincho, yohmik ma nan okpulo yosh vlv t, chukvsh anykaka nana im a holokchi tuk ash yichiffit ishit kanchi chatuk. Ilvppak osh hina lapalika yo na nihi ai ishi tok mak oke.

20. Amba tvli foka yo na nihi ai ishi tok okvto vba anumpa ha haklo mvt, na yukvt ashalika ishi kak oke.

21. Yohmi kia hakshish vt im a toba keyu hatuk osh, imoma na hopaki keyu chatuk; vba anumpa pulla hatuk mak o isht issikkopali, micha isht hofahyali aienakma, chekosi mak inli ho ibetvbli chatuk.

22. Mikma kvti foka yo na nihi ai ishi kak kia vbanumpa ha haklo kak oke; yohmi tuk o yakni ilvppak inli nana ai anushkunna, micha nan in laua bvna kv t isht ashvchi aiena kv t vbanumpa hatuk ma ai olvbbit ishi na ik vno toba kak oke.

23. Amba yakni achukma yo na nihi ai ishi vto vbanumpa ha haklo mvt, akostininchi kak oke: micha yvmmak ash osh vnkmvt, achvfa tuk kia kanimi kv t tahlepa achvfa, kanimi kv t pokoli hannali, kanimi kv t pokoli tuchina, yohmi hosh isht waya hoke, achi tok.

24. Mihmvt nan-isht vlhpisa inla yo in takalichit yak

ahanchi mvt, Ūba apehlichī ka yvt hatak osh im osapa ya na nihi achukma hō hokchi tok a holba hoke.

25. Yohmi tuk kia hatak puta kvt nusi hosh maya takla ma, in tēvp vt vla cha, onush ash haiyukpulo yō ant a hokchichi cha, kvnia tok.

26. Yohmi tuk o offot vpi toba cha, waya ma, haiyukpulo ak kia otvni tok.

27. Yohmi ma chuka-chvfa pehlichī in tishu vhleha hash osh ona cha, Pī shahli ma! na nihi achukma yō chim osapa ya ish a hokchi tok keyu hō? katiohmi hō anonti haiyukpulo vt asha cho? im achi tok.

28. Mihma, Tēvp osh ilvppa yvmihchi tok, im achi ma; tishu vhleha hash osh, Yohmi ka ivt yvmmak atuk ma ont aiort il itahoba hi a, ish ahni cho? im achi tok.

29. Yohmi kia yvmmak ash osh, Keyu; yvmmak keyukma haiyukpulo a aiort hvsh itahobi takla kvt, onush a aieninchit hvsh lobba hinla hoke.

30. Itapihvt hiohmayvt abvsha onashke: atuk o abvsha onak mak o na-bvshli vhleha hā, Haiyukpulo ak o tikba aiort itahobit hvsh sitohli cha, hvsh hukmashke; yohmik-mvt onush ak okvno a kanchak ak o pit hvsh ai itahobashke, im achi lashke, achi tok.

31. Nan-isht vlhpisa inla yō in takalichi mvt, Ūba apehlichika yvt mvstvt nihi achvfa hō hatak vt ishi cha, im osapa ya hokchi tok a holba;

32. Yvmmak okvt iskitini kvt na nihi moma ka ik lauwo ho mvhli; yohmi kia offot hofantikmvt, haiyukpulo puta ka moma imaiya cha, iti o toba; yohmi na vba hushi puta kvt naksish atuk ma ant a binohli chatuk oke, achi tok.

33. Anonti nan isht vlhpisa inla yō isht im anumpuli mvt, Ūba apehlichika yvt pvska shatvmmichi yō ohoyo hvv ishi cha, tanchi pushi vlhpisa tuchina hō ibafohki tuk o, momvt shatvmmi tuk a, holba hoke, achi tok.

34. Ilvppa puta ka nan isht vlhpisa bano hō Chisvs vt okla laua yatuk ma isht im anumpohonli tok.

35. Hopaii vt anumpuli mvt, Nan-isht vlhpisa hō svtih hā isht anumpohonli lashke; yakni toba tok taiyakla ka na lu-

ma asha chatuk puta ka anohonli lashke, achi tok a ont aiahla chi ka, nan-isht vlhpisa ho keyukma im anumpuli tok keyushke.

36. Yohmi mvt Chisvs vt okla laua ya kanompit tihleli mvt, aboha ont chukowa tok; mihma nan im ai ithvna vhleha hvt im ai ona mvt, Haiyukpulo osapa anuka asha tok nan-isht vlhpisa ka achukmalit ish pim anolashke.

37. Mihma afalaminchi mvt, Na nihi achukma yo hokchi kvt Hatak Ushi ak oke.

38. Osapa vt yakni moma kak oke: nihi achukma yvt vba apehlichika im vlla ak oke; amba haiyukpulo vto nan okpulo im vlla ak oke.

39. Tvuvp vt yvmma hokchi tok vt Setan ak oke: avsha ona kvt yakni ont im ishtaiyopi kak a he; mikma na bushli vhleha hvt enchil vhleha ak oke.

40. Yohmi ka haiyukpulo yvt itahoba cha, luak isht hollokmi chatuk a, yakni ilvppvt ont im ishtaiyopikmvt, yvmmak inli ho chiyuhma hi oke.

41. Hatak Ushi vt im enchil vhleha ha atohonokma, na yoshubi, micha nan ik vlhpeso yohmi vhleha aiena ka mominchit im apehlichika atuk ma ai ishit kocha wela he;

42. Mikmvt yvmmak atuk ma tvli a bila luak chinto ho pit ai ashacha he: yohmikma yayia micha noti ahampa aiena hosh yvmmak oka aiasha hi oke.

43. Yohmikma hopoyuksa vhleha hokvt shohpakali kvt, huvshi ak o chiyuhmi hosh Iki im apehlichika atuk ma aiasha hi oke. Kvna hosh isht haponakla he haksobish vt i hinlikmvt, haklashke.

44. Anonti, Uba apehlichika yvt na holitompa luma hosh osapa anuka itonla tuk o, hatak vt yvmmak ash o ahayuchi cha, luhmi mvt, na yukpa fehna hatuk osh ia mvt, nana im asha tuk vt mominchit kanchi cha, osapa yvmmak ash o chumpa kak o chohmi hoke.

45, 46. Anonti, Uba apehlichika yvt hatak nan chumpa yosh tvli holitompa hochukma hoyot ahanta; yohmi tuk osh tvli holitompa achvfa kvt vlhtoba chinto ahayuchi mvt, ivt

nana im a_usha tuk vt mominchit ont kanchi cha, chumpa kak o chohmi hoke.

47. Anonti, Uba apelihchika yvt nuni-isht hokli yo okhvta okvchi na ilaiyuka puta pehli;

48. Atuk o alota ma, okla halvllit oka vhli isht ona mvt, aka binohli cha, hochukma ka aiov_t nan aivlbeha pit apitta mvt, amba okpulo yvno kampila kak o chohmi hoke.

49. Yakni vt ont im ishtaiyopikma yvmmak inli ho chi-yuhma he; enchil vhleha hvt kohchvt ayakmvt, hatak haksi vhleha hvt hopoyuksa vhleha ha ibvlhto tuk a filamohlicha he:

50. Mikmvt yvmmak ash o tvli a bila luak chito ka pit ito-ashacha he; yohmikma yahaya, micha noti ahampa aiena hosh yvmmak oka aiasha hi oke, im achi tok.

51. Mihmvt Chisvs ash osh, Ilvppa puta ka mominchit hvsh akostininch_i cho? im achi ma, Yau, Chitokaka ma! okla im achi tok.

52. Yohmi ma, Na holissochi aiyuka vba apelihchika isht im vlbvchi kv_t, hatak chuka-chvfa pehlichi yosh nan im aia-sha ya nana kv_t himona, micha hopaki aiena ho ai ishit kohchi ka chomi hoke, im achi tok.

53. Atuk o yakohmi tok; Chisvs vt nan isht vlhpisa ilvppa puta ka ont taiyali mvt, kohchvt ia tok.

54. Atuk osh ilap i yakni ak inli ka vla mvt, i sinakak a nan ai im abahanchi; yohmi ma okla nukhlakancha mvt, Hatak ilvppvt nan ithana, micha na fehna aiena ka yvmih-chi kv_t, katimak o ai im vlhtaha tok oh cho?

55. Ilvppvt chuka ikbi ya ushi keyu? ishki vt Meli hoh-chifo keyu? mikma itibapishi vhleha mvt Chemis, micha Choses, mikmvt Saimon micha Chutas aiena kak keyu?

56. Mihma in tek vhleha hvt momvt hvpi takla maya keyu? Yohmi ka hatak ilvppvt katimak o nan ilvppa mo-ma ka ai im vlhtaha tok oh cho? achi tok.

57. Mihmvt yvmmak ash o okla isht ai ibetvbli tok. Yohmi kia Chisvs vt, Hopaii vt ik holitopo keyu hosh ahanta kia, ilap i yakni ak inli, micha ilap in chuka kak illa hoh chatuk oke, im achi tok.

58. Yohmi mvt okla nan ik i yimmo hatuk mak o yvm-mak atuk ma na fehna ka lauachit a yvmihchi tok keyushke.

CHAPTER XIV.

Chan Baptist vt nan ai ahli fehna hatuk osh Helot a nan i miha hosh aboha kvllo pit fohka, 1, 3 micha noshkobo tupa tok. 13 Chisvs vt pvska lumbo tahlapi, micha nuni tuklo aiena ho hatak tahlepa sipokni tahlapi ho ipeta tok. 22 Chisvs vt vba pit anumpula chi hosh nuni chaha pit oiya; atuk osh ninak a mahli fehna ma ok-hvta paknaka a nowvt nan im ai ithvna vhleha ha im ia; micha Pita yvt oka kunia he tuk a okchalinchi. 34 Chisvs vt Kenesalet ona mvt, abeka puta tuk a hlakofichi.

1. YOHMI ma nitak yvmma foka ma, miko Helot vt Chisvs vt annohwa ka, haklo tok.

2. Mihmvt in tishu vhleha hash o, Ilvppvt Chan Baptist mak oke; illi tuk vt falamvt tanishke: yohmi hatuk o na fehna puta kvv yvmmak atuk ma ai isht il otvnihinichishke, im achi tok.

3. Helot vt itibapishi Filip a tekchi Helotias ak atuk pulla mak o, Chan a hoklit, ishit takchi cha, aboha kvllo ya fohki tuk a tok.

4. Chan vt, Yvmmak oka ish itauwaya he chim vlhpesa keyushke, im achi hatuk o.

5. Yohmi kak o yvmma vbi bunna kia, okla laua yak o i nukshopa tok: yvmmak oka hopaii, okla ahni hatuk oka.

6. Yohmi tuk kia Helot vt ai vta tok nitak a holitoblit maya ma, Helotias ushetik vt itikba ya a hihla ma, Helot vt yukpa tok.

7. Yohmi kak osh anumpa kvllo isht ai il onochi hosh nana ho asilhha hokma, ima hi vt miha tok.

8. Mihma ishki vt tikbanli i miha hatuk oka, Chan Baptist noshkobo vt amphvta chito fohka ho, ilvppak fehna ant is si ai vmashke, achi tok.

9. Mihma miko vt nukhaklo tok; yohmi nana kia anum-pa kvllo atuk pulla, micha okla ibai-impvt maya tuk aiena hatuk mak o, yvmmak atuk ma ima hi a apesa tok.

10. Micha pit atohno na aboha kvillo anukaka yak o Chan noshkobo ya a tvbli tok.

11. Mihma yvmma noshkobo hvt amphvta chito fohka ho isht vla cha, ohoyo himita yash ima tok; mihma yvmmak ash osh ishki a isht im ona tok.

12. Yohmi ma nan im ai ithvna vhleha hvt haknip a ont ishi cha, hohpi mvt, ivt Chisvs a ont im anoli tok.

13. Chisvs ash osh haklo mvt, nan im ai ithvna vhleha bano ho ai itapihvt yvmma vttvt ia kvv, peni vltot yakni haiaka yo ilhkoli tok; atuk o okla hvt yvmmak ash haklo mvt, aka itvnova hosh tvnaha puta ka ashvt okla pit iakai-ya tok.

14. Atuk o Chisvs vt kohcha cha, okla laua ya pisa mvt, i nukhaklo fehna cha, abeka im asha tuk a hlakofichi tok.

15. Atuk o opivt taha ma, nan im ai ithvna vhleha hash osh im ai vla mvt, Ilvppak okvt yakni haiaka yoke; mikma himak a shoba hosit tadvshke; okla laua ya pit ish tihleli na tvmahushi taloha ka ilhpak vpa chi kvv okla a chum-pashke, achi tok.

16. Yohmi kia Chisvs ash osh, Okla ik aiyo mak kia, im-pa chi ka hvsh ipetashke.

17. Yohmi ma, Pvska tahlapi, micha nvni tuklo aiena illa hosh ilvppa pim ashvshke, okla im achi tok.

18. Mihma, Ilvppak o isht oh vm vla, achi tok.

19. Mihmvt okla laua yvt aka hvshuk ai om binohla chi ka apesa tok; mihmvt pvska tahlapi cha nvni tuklo aiena kash o ishi cha, vba pit vba-chakali mvt, ai okpvehi cha tushahlichit, pvska yash o nan im ai ithvna vhleha ha ima na nan im ai ithvna vhleha hash osh okla laua ya pit ipeta tok.

20. Mihma okla momvt impvt kaiya tok; mihma boshulli atampvt asha ka kishi alota auah-tuklo ho okla ishi tok.

21. Yohmi ka okla im-pa tuk vt, ohoyo vlla aiena kvto asha ho, hatak tahlepa sipokni tahlapi foka tok.

22. Yohmi ma mih mak inli ho Chisvs vt ilapvt okla laua ya tishelichi taklakma, nan im ai ithvna vhleha hvt peni pit abeha cha, tikba misha tvnnvp a ilhkola chi ka i miha tok.

23. Micha okla laua yash tishelichit tahli mvt, vba pit anumpula chi hosh ilap illvt nvni chaha y_o pit oiya tok: atuk osh opivt taha ma ilap bano hosh yvmma anta tok.

24. Amba peni vto okhvta iklvna ya, mahli ak osh a sanali hatuk o, oka banvtha ka takakanlit aya tok.

25. Atuk o ninak isht vlvhisa ont isht ai ushtak fehna, Chisvs vt okhvta ha a nowvt ayvt im ona tok.

26. Mihma okhvta a nohovvt aya na nan im ai ithvna vhleha hvt pit pisvt, komunta mvt, Shilup oke, achi tok; mihmvt nukshopa cha, tahpvla tok.

27. Yohmi kia Chisvs ash osh ashalinka pit im anumpulit, Hvchi nuktanla achukmashke; vno ash sia hoke; ik hvchi nukshopo kashke, achi tok.

28. Mihma Pita yvt afalaminchi mvt, Chitokaka ma! chishno ash chia hokmvt, oka ya a nowvt mayvt chim ona la hi a is sa mihashke, im achi tok.

29. Mihma, Minti, achi tok. Yohmi ma Pita yvt peni ash pit akowa mvt, oka ya a nowvt Chisvs a im ia tok.

30. Yohmi tuk kia mahli hvt kvllo fehna ho pisa mvt, nukshopa tok; micha oka kvnivt ishtia mvt, tahpvlvt, Chitokaka ma! si okchalinchí, achi tok.

31. Yohmi ma Chisvs vt ashalika ibbak a pit welit halvlli mvt, Na yimmi fehna keyu chia ma! nanta katiohmi ho chi anuktuklo tuk oh cho! im achi tok.

32. Atuk o peni a ant vlhto ma, mahli hvt yokopa tok.

33. Yohmi ma peni anukaka maya tuk ash osh yvmmak oka ant aiokpahanchi mvt, Chishno ak osh Chihowa Ushi a chia ho mvhlshke, achi tok.

34. Atuk o yvmmak ash o hlopulli mvt, Kenesalet yakni o okla ona tok.

35. Yohmi ma hatak yvmma asha tuk vt yvmmak ash o akostininchí mvt, inla tohnot yakni yvmma fullota ka mominchit pit tihleli na abeka yatuk vt momvt ai im ona tok.

36. Mihma im anchi aposhokvchi ak illa kia okla potola hinla ka im asilhha tok; yohmi ma laua kvv kanihmi hosh potoli tuk okvt hlakofi aiahli tok.

CHAPTER XV.

Chisvs vt na holissochi vhleha micha Falisi vhleha aiena kvt anumpa kochanli i nan vhlpisa puta kak o ahninchí kvt, Chihowa i nan vhlpisa puta ka i shahlichí ka nan i miha tok, 1: 11 micha nana puta nana hosh hatak a okpaiyani kvt asha ka anoli. 21 Chisvs vt Kenan ohoyo ho ushetik a hlakofichi, 30 micha okla laua kvt im ona na hlakofihinchí tok; 32 micha pvska lumbo untuklo, micha nvni chipunta kanomosi aiena ho hatak tahlepa sipokni ushta ka ipeta.

1. YUMOHMI ma na holissochi vhleha, micha Falisi vhleha aiena kvt, Chelusalem minti hosh Chisvs a im ai vla mvt,

2. Nanta katiohmi ho na chim ai ithvna vhleha hvt hatak tikba vhleha anumpa kochanli isht i nana vhlpisa ha tok a kobvffi cho? okla ibbak achifa keyu hosh pvska vpa kvt, achi tok,

3. Yohmi kia yvmmak ash osh afalaminchi mvt, Nanta katiohmi ho hvchishno mvt, Chihowa i nan vhlpisa ya anumpa kochanli chi nana vhlpisa ka isht hvsh kobvffi cho?

4. Chihowa yvt apihisa kvt, Chiki micha chishki aiena ka ish holitoblashke; yohmikma, Kvna hosh iki okmá, keyukmvt ishki okmá, nana ho na mihachikmvt, illi mak o illashke, achi tok oka.

5. Amba hvchishno vt, Kvna kia iki, keyukmvt ishki okma nana kash o vm isht ish aiyukpa he tuk a, Ūba-isht aiokpvchi oke, im achi: yohmi cha iki okmá, ishki okmá, nana ka ik holitoblo kia nan ik i kanihmo ka hi oke, hvsh achi.

6. Yohmi hosh Chihowa i nana vhlpisa ya anumpa kochanli chi nana vhlpisa ya isht hvsh ai okpvnichishke.

7. Nan-ilahobi hvchia ma! Esaias vt tikbanli nan isht hvchi anohonli hosh,

8. Okla ilvppvt itih hokvno a bilikasi isht vla mvt, itivlbi ma ishit sa holitoblishke; yohmi kia chukvsh okvto auet a hopakishke.

9. Nana abvchi kv̄t hatak ī nana v̄lhpisa yō ithananchi hokv̄t, nana v̄lhpesa keyut okla si aiokpahanchishke, achi tok, im achi tok.

10. Yohmi mvt okla laua yash ō itahobi cha, Haklot, hv̄sh ithaiyanashke ;

11. Nana kv̄t itih h̄ pit chukowa kak osh hatak ā okpv̄ni hō keyu : amba nana hv̄t itih h̄ ā kohcha, ilvppak osh hatak ā okpv̄ni hoke, im achi tok.

12. Yohmi ma nan im ai ithv̄na v̄hleha hash osh im ai ona cha, Falisi v̄hleha hv̄t anumpa ilvppa haklot issa mvt, ik im v̄lhpieso tuk ā ish akostininchi cho ? achi tok.

13. Yohmi kia yvmmak ash osh afalaminchi mvt, Na holokchi moma kv̄t Aki v̄ba binili hosh hokchi tok keyu hokv̄no, tehvt taha hi oke.

14. Ant ik maya, l̄pa yosh l̄pa pehlichī okla hoke : yohmi ka l̄pa yosh l̄pa yā ilauei kv̄t tuklot yakni kula yā pit kaha hi bano hoke, achi tok.

15. Yohmi ma Pita yvt afalaminchi mvt, Nan isht v̄lhpisa ilvppa achukmalit pim anolī, achi tok.

16. Mihma Chisvs ash osh, Hv̄chishno ak kia nana ik akostinincho kv̄t hv̄chi moma hato ?

17. Nana kv̄t itih h̄ fohka cha ia kv̄t takoba yā ont fohka tuk osh, anontī ont kohcha chatuk ā, hv̄ch ik akostinincho moma cho ?

18. Amba nana puta kv̄t itih h̄ akohcha hokv̄to chukv̄sh ak ō a minti ; micha yvmmak osh hatak ā okpv̄ni chatuk oke.

19. Chukv̄sh ak ō im anukfila okpulo puta, hatak bika v̄bi, haui toba, ohoyo ik im iksho micha hatak ik im iksho it ī lumaka puta, hukopa, anumpa ik ahlo isht atokoli, Chihowa ik ahobalot anumpuli puta kv̄t a toba hoka.

20. Ilvppa puta kak osh hatak ā okpv̄ni hoke ; amba ibbak ik ahchifo yō isht impa hokv̄no hatak ā okpv̄ni keyu hoke, achi tok.

21. Yohmi ma Chisvs vt yvmmak ash v̄ttvt ia mvt, Taia micha Saiton aiena yakni ī kaniohmi hō ona tok.

22. Mihma Kenan ohoyo hosh yvmmak inli hō v̄ttvt aya

tuk vt vla cha in tahpula mvt, Chitokaka Lewi ushi chia ma! is sa nukhaklashke; suso-tek vt nan-isht-ahullo okpulo ai i foka isht issikkopa fehna hoke, achi tok.

23. Yohmi kia ilap vt anumpa achufa kia isht ik im afalamicho ki tok. Yohmi ma nan im ai ithvna vhleha hash osh ona cha, Tahpult hvp iakaiya ka, kanompit ish chvffichashke, achit im asilhha tok.

24. Yohmi kia yummak ash osh afalamинchi mvt, Inla yokuno im aya li ha tok keyu; amba chukfulhpoba tvmoa Islael in chuka-chufa ak a tok oke, achi tok.

25. Yohmi ma ohoyo hash osh mintit ant aiokpvchi mvt, Chitokaka ma! si apelvchi, achi tok.

26. Yohmi kia afalamинchi mvt, Ulla im pvska ya ishi cha, ofi puta ka pit ipeta he vhpesa keyu hoke, achi tok.

27. Mihma yummak ash osh, Ahlishke, Chitokaka ma! yohmi kia ofi puta kvb boshulli osh im pushnayo im ai-impaa a chilofa kvno vpa hoke, achi tok.

28. Yohmi ma Chisvs vt afalamинchi mvt, Ohoyo ma! na chi yimmi kvb chintoshke; chishno ish ai ahni tuk fehna mak o chim ai yvmohmashke, im achi tok. Mihma hvshi kanvlli vhpisa yummak fehna ho ushetik atuk vt hlakofi tok.

29. Yohmi ma Chisvs vt yummak ash vttvt ia mvt, Kalili okhvta bilika yo ona tok; mihmvt nvnh chaha yo pit oiya cha, yummak o binili tok.

30. Mihma okla chinto fehna kvb hanali okpulo, ik hoponayo, ik anumpolo, imomokpulo puta, mikmvt inla mvt laua ho il ai ishit im ai ona mvt, Chisvs iyi ituma ya ont ashachi tok; mihma yummak ash o hlakofichi tok.

31. Yohmi na okla laua kvb, ik anumpolo atuk vt anumpuli, imomokpulo atuk vt hlakofi, hanali okpulo atuk vt nowa, ik hoponayo atuk vt pisa aiena ho okla pisa mvt, nukhlakancha tok; micha Islael in Chihowa ak o okla aiokpahanchi tok.

32. Yohmi ma Chisvs vt nan im ai ithvna vhleha hash o hoyo cha, Okla laua si apehvt maya na himak nitak tuchina ka nana vpa hi vt ik im iksho hatuk o, i sa nukhakloshke; yohmi hatuk osh nan ik po moma hokvno tishelichi la he

keyu, yummak keyukma takla ya okla tikamba hinla hoka, im achi tok.

33. Mihma nan im ai ithvna vhleha hash osh, Yakni haiaka ya katimak o pvska laua ka il ahayuchi na okla chinto yohmi fehna kvt kaiya hinla cho? im achi tok.

34. Mihma Chisvs ash osh, Pvska yvt katohmi ho hvsh ishi ho? im achi tok. Mihma, Untuklo, micha nvni chipunta kanomosi hosh aiena, im achi tok.

35. Yohmi ma okla laua yvt aka binohla hi a apesa tok.

36. Mihmvt pvska untuklo, micha nvni aiena kash o ishi cha, vba isht aiokpvchi mvt, tushtoli cha, nan im ai ithvna vhleha ha ima na nan im ai ithvna vhleha hash osh okla laua ya ipeta tok.

37. Mihma momvt okla impvt, kaiya tok: mihma bo-shulli atampvt asha ka kishi alota untuklo ho okla ishi tok.

38. Mihma okla impa tuk vt, ohoyo vlla aiena hokvto asha ho, hatak tahlepa sipokni ushta tok.

39. Mihma okla laua yash o tishelichi mvt, peni fohka cha, ivt Maktala yakni a ona tok.

CHAPTA XVI.

Falisi vhleha hvt, Chisvs vt nan isht atokowa ya vba ya ai im otvnicha hi a ahni, 1; 6 micha nan im ai ithvna vhleha hvt, Falisi vhleha hvt nana ithvnanchi ka i nuktahlvt ahah! ahna he i miha tok. 13 Pita yvt Chisvs a Chihowa okchaya Ushi, aiahnit yimmi kvt miha. 21 Chisvs vt iti-taiyukhvna ai illa he, atuk mvt nitak ont atuchinakma falamvt tana he aiena kvt tikbanli anoli; 24 anonti Chisvs a im antia vhleha hvt okla ile kaiyanchi, mikmvt tikba na yukpa ai im vlhtoba he takanli kak o isht ai ilbvsha he mak o achi.

1. **F**ALISI vhleha micha Satusi okla aiena kvt ai vla cha, yummak ash o imomaka pisa hosh nan isht atokowa ya vba ya auet ai im otvnicha hinla ka, im ahni tok.

2. Mihma afalaminchi mvt opiaka yokma, Shutik vt humma hoka, kocha yvt achukma chishke, hvsh achi.

3. Mikmvt onnahinli yokma, Shutik vt humma cha hosh-

ontichi fehna hokvt, kocha yvt okpula chishke, hvsh achi. Nan ilahobi hvchia ma! shutik pisa yosh kaniohmi hokvno hvsh akostininchi kv, anonti himak nitak isht ai vllhpisa kvno hvch ik akostinincho ka hinla cho?

4. Hatak haksi micha haui aiena okla ash osh nan isht atokowa ya pisa ka ahnishke: yohmi kia nan-isht atokowa nana hosh im otvna he keyu; amba hopaii Chonas a nan-isht im atokowa kak illa hi oke, im achi tok. Mihmvt yummak ash o issvt ia tok.

5. Atuk o nan im ai ithvna vhleha hv misha in tvnnvp a ona mvt, pvska okla isha he tuk vt imihaksi tuk a tok.

6. Yohmi ma Chisvs ash osh, Falisi vhleha, micha Satusi vhleha aiena im pvska isht-shatvmmi ya i nuktahlvt ahah! hvsh aiahnashke, im achi tok.

7. Yohmi ma yummak ash osh, Pvska kil esho kak oka, achit ilap bika it im anumpulit maya tok.

8. Mihma Chisvs vt yummak ash o akostininchi mvt, Na yimmi fehna keyu hvchia ma! na katihmi ho pvska ya isht hvch ik ayo ke tuk ak osh isht it im anumpulit hvsh maya cho?

9, 10. Pvska tahlapi ho tahlepa sipokni tahlapi tuk a, kishi kanohmi ho hvsh ishi tok vt, micha pvska yvt untuklo ho, tahlepa sipokni ushta tuk a, kishi kanohmi ho hvsh ishi tok aiena kv; hvch ik ithanot hvch ik akostinincho moma ho?

11. Katihmi ho Falisi vhleha, micha Satusi vhleha aien. im pvska isht-shatvmmi ya ahah! hvsh aiahna he, yummak pvska imma yo isht hvch im anumpuli li tuk keyu ka hvch ik akostinincho cho? im achi tok.

12. Yohmi ma pvska isht-shatvmmi hak o ahah! im ahna hi o i miha hatuk keyu; amba Falisi vhleha, mikmvt Satusi vhleha aiena nan-isht ai ithvnanchi ak atuk a okla akostininchi tok.

13. Atuk o Chisvs vt Sesalea Fillippi yakni a ona mvt, nan im ai ithvna vhleha im ponaklot, Hatak vto, Hatak Ushi sia ha, kvta ho si achi cho? achi tok.

14. Mihma, Kanimi kvto, Chan Baptist chia ho mihakma;

kanimi kvto, Elias; mikma inlaka yvto Chelemaias; keyuk-mvt hopaii a tok achvfona mak o chia ho miha hoke, achi tok.

15. Mihma, Amba hvchishno vto kvta ho hvs si achi cho? im achi tok.

16. Mihma Saimon Pita yvt afalamинchi mvt, Chihowa okchaya Ushi, Klaist chia mak oke, achi tok.

17. Mihma Chisvs vt afalamинchi mvt, Saimon Ba Chona chia hvt na chi yukpvshke: nipi micha issish aiena hosh yvmma chim otvnichi ho keyu hoka, amba Aki vba binili kak oke.

18. Yohmi ma anonti, Chishno vt Pita chia, yohmi ka tvli ilvppak o an chvch atuk ma ai ikbit hilechi la hi oke: yohmikma aiokpuloka okhissa puta kv yvmmak atuk ma ik imaiyacho ka he mak oke.

19. Micha vba apehlichika ishit-tiwa puta ka chishno ak o chima lashke: mikma nana ho yakni paknaka ya ish a takehi hoka, vba yakni ma a talakcha he: mikmvt nana ho yakni paknaka ya ish ai i hotofi hoka vba yakni ma ai i hotofa he mak oke, chim achi li akinlishke, achi tok.

20. Yohmi mvt ilap ak osh Chisvs Klaist mak atuk a hatak nana kia okla ik im anolo ka hi a, nan im ai ithvna vhleha hash kvlllochit i miha tok.

21. Nitak yvmma ai vhlit maya kak o Chisvs vt ilapvt Chelusalem a ona cha, hatak hochitoka vhleha, micha na holitomp isht asha pehlich i vhleha, na holissochi vhleha aiena ka nan isht im ai ilbvsha in laua he, micha illich i tuk ma, nitak ont atuchinakma falamvt tana he aiena ka nan im ai ithvna vhleha ha im anolit ishtia tok.

22. Yohmi ma Pita yvt ilaelit ishi cha, im alvmminchit ishtia mvt, Na yakohmi kv ch i mishemashke, Chitokaka ma! ilvppak okvt a ch i yvmohma he keyu hoke, achi tok.

23. Yohmi kia yvmmak ash osh filema mvt, Pita yash o, Setan chia hvt vm ashaka yo ish hikiashke; chishno ak osh is si ataklvmmichishke: nana kv Chihowa ya ahalaya kak o ish ahninch i keyu, amba nana kv hatak o ahalaya hok mak bano hoka, im achi tok.

24. Yohmi mvt nitak yvmma foka ma Chisvs vt nan im ai ithvna vhleha hash o, Hatak nana hosh siakaiya bvna hokmvt, ile kaiyanchi cha, im iti-taiyukhvna ya sholi hosh siakaiyashke.

25. Kvna kia ilap im ilhfopak a okchalinchu bvna hokvto, i kvnia hi oke: yohmikma kvna kia vno pulla hatuk mak o im ilhfopak vt isht i kvnia hoh kia, ahayucha hi oke.

26. Hatak vt yakni a ai ila mominchi hosh ahanta na ilap imi shilombish ash osh i kvnia hokma, nanta ho ai-isht il aiyukpa hinla cho? yvmmak keyukmvt hatak vt nanta ak o ilap shilombish a isht atobba hinla cho?

27. Hatak Ushi vt enchil vhleha ha pehlichu cha, Iki isht aholitopaka ya il aieshi hosh aya hi oka; yohmikmak osh hatak moma ka ilap nana akaniohmi tok aiyuka mak o isht im atobba hi oke.

28. Ahli mak o hvchim achi lishke, Ilvppa hiohmaya kvtkanimi kvtk ik illo hosh ahanta cha, Hatak Ushi vt im apehlichika il aieshit minti ka, pisa hi vt asha hoke, im achi tok.

CHAPTER XVII.

Chisvs vt inlv toba, micha Moses Elias ita tuklo kvtk im vna na it im anumpuli, 1. 14 Chisvs vt nvni chaha vtvvt akowa mvt, haiochichi tuk a hlakofichi; 22 micha illa he atuk mvt falamvt tana he tikbanlit anoli. 24 Chisvs vt tvli holisso holitopa ka tempel a nan isht im ai atahla chi ho ima tok.

1. YUMOHMI tuk o nitak hannali ont ia ma, Chisvs vt Pita, Chemis, mikmvt itibapishi Chan aiena ka ilap bano ho pehlichu cha, nvni chaha yo pit oiya tok.

2. Mihmvt itikba ya ai inla tovt hikia tok; mihma nashuka yvt shohpakali kvtk hvshi ak o chiyuhmi ma, im anchi vt tohbi kvtk tomme hak o itilavi tok.

3. Yohmi ma Moses micha Elias itatuklo hosh yvmmak ash ant it im anumpuli hosh im otvni tok.

4. Yohmi ma, Pita yvt anumpuli mut, Chitokaka ma! ilvppa il asha kvtk pim achukmvshke; vlvpesa ish ahni hok-

ma, ilvppa vlhtipo tuchina ka il ai ikbashke; achvfa kv~~t~~ chishno ak o chimmi hokma, anonti achvfa kv~~t~~ Moses ak o immi hokma, anonti achvfa kv~~t~~ Elias ak o immi hashke, Chisvs a im achi tok

5. Yvmmvt anumpohonli moma ho, hoshonti tohbi kv~~t~~ ant o hoshontikachi tok; mihma anumpa hoshontika auet a kocha kv~~t~~, Ilvppak osh Svso a holitopa yo, nan-isht a sai yukpa fehna hoke; hvsh i haponaklashke, achi tok.

6. Mihma nan ithvna vhleha hash osh haklo mvt, hlipvt kaha cha, okla nukshopa fehna tok.

7. Mihma Chisvs vt vlvt ant tebli mvt, Ho tani; ik hvchi nukshopa kashke, achi tok.

8. Yohmi ma okla vba chakali mvt, hatak nana kia ik peso, amba Chisvs ak illa tok.

9. Yvmohmi tuk o nvni~~h~~ chaha ya asht akowvt okla minti ma, Chisvs vt yvmmak ash o nan i mihvt, Nana hvsh pisa tuk vt hatak nana kia hvch ik im anolo mak o, Hatak Ushi vt illit falamvt tani hayashke, achi tok.

10. Mihma nan im ai ithana vhleha hv~~t~~ im ponaklot, Yohmi ka katiohmi ho na holissochi vhleha hv~~t~~, Elias ak osh tikba vla pulla he, okla achi cho? achi tok.

11. Mihma Chisvs vt afalaminchi mvt, Elias ak osh tikba vla cha, nan okluha ka falaminchit achukmalit taiyahla he tuk o mvhli:

12. Yohmi ka Elias vt himonasi ak kia vla mashko hoke; mihma yvmma okla ik ithano cha, amba nana ho okla ahni tuk mvt, yvmmak atuk ma i yvmihchi tok; yohmi ka Hatak Ushi ak kia mih mak o, chiyuhmit im ai issikkopa chi hoke, hvchim achi lishke, achi tok.

13. Yohmi ma Chan Baptist ak o yvmmvt isht anumpuli hatuk a nan ithvna vhleha hv~~t~~ akostinichi tok.

14. Atuk o okla laua aiasha kash vlvt taha ma, hatak achvfa hosh im vla cha, ant i hvchukbihlepvt hikia mvt,

15. Chitokaka ma! svso ha ish i nukhaklashke: yvmmak okvt haiochi atuk osh himonna luak a itatohonla fehna, mikmvt oka ma himonna oka itohonla fehna aiena hatuk osh issikkopa fehna hoke.

16. Yohmi hō nan chim aiithvna vhleha hā isht im v̄la li tuk a, okla hlakoficha he keyu tuk oke, achi tok.

17. Mihma Chisvs vt afalaminchi mvt, Na yimmi iksho, micha na shanaiya fehna okla hvchia ma! hvchi takla ahanta li katiohmi foka chī cho? nana ka isht ak hvchi ahno hō katiohmi foka chī cho? Ilvppak o isht hvs svm vlashke, achi tok.

18. Mihmvt Chisvs vt nan-isht ahullo okpulo yā im alvm-mi ma, yvmmak ash a kohcha tok; yohmi ma vlla yash osh hvshi kanvlli v̄lhpisa mih makinli hō hlakofi tok.

19. Yvmohmi tuk o Chisvs vt ilap bano ma, nan ithvna vhleha hv̄t im ona cha, Katiohmi hō pishno vto yvmma e kohcha he keyu tuk oh cho? achi tok.

20. Mihma Chisvs vt, Nan ik hvchi yimmo kak atuk oka; ahli mak o hvchim achi lishke: Na yimmi kv̄t mv̄stvt nihi achvfa yak o chohmi hosh hvchi nukfoka hatuk okmvt, nv̄nih chaha ilvppa, Ilvppak atuk ma a kanvllit yvmmak o ish onashke, hvsh im achi hoka, yvmmv̄t kanvlla hinla hoke: mikma nana hosh hvchi na fehna hi vt iksho ka hinla hoke.

21. Yohmi kia ilvppa chohmi hokvt vba pit anumpuli, micha nahullochi aiena kak o keyukma kohcha chatuk keyushke, im achi tok.

22. Atuk osh Kalili a okla māya hō, Hatak Ushi a ishit okla ibbak a fohka chī hoke.

23. Yohmikma yvmmak ash o okla vbi tuk ma, anonti nitak ont atuchinakma falamvt tana hi oke, Chisvs vt im achi tok. Yohmi ma okla nukhaklo fehna tok.

24. Yvmohmi tuk o Kapenavm a okla ai v̄la ma, vba isht ai okpv̄chi tv̄li holisso a sholi vhleha hv̄t Pita yā im ona mvt, Na hvch ithvnanchi vt vba isht aiokpv̄chi tv̄li holisso a bohli chatuk keyu hō? achi tok.

25. Mihma yvmmak ash osh, Ahli; achi tok. Micha aboha yā ont chukowa ma, Chisvs vt tikbanli. Saimon vt katiohmi ish ahni cho? m̄iko vhleha yakni pakna aiasha kv̄t ilap im vlla yak okmā, keyukmut hatak inla yak okmā, nanta hō v̄lhpoyak i nan v̄lhpisa tv̄li holisso, micha nosh-

kobo chumpa tvli holisso, aiena ka im a hoyo chatuk o? achi tok.

26. Pita yash osh, Hatak inla vhleha ha, im achi tok. Mihma Chisvs vt, Yohmikma im vlla yokvto yvmma ik aha-laiyo ho tumvshke.

27. Yohmi kia kil ibetvblecho ka chi ka, ivt okhvta ona cha, nvni isht-vlbi ya pit okvchi; atuk osh nvni tikba koh-cha ho ish ishaskhe: micha itakha ya ish wakvmmikmvt, tvli holisso tushafa kvf foka na ish pisa chi hoke; yvmmak o ish ishi cha, vno, micha chishno, il ita tuklo isht vlhtoba mak o yvmma ont ish imashke, im achi tok.

CHAPTA XVIII.

Chisvs vt pim anukfila hvt akanlosa he, 1, 7 micha ilap i yimmi ahli vhleha hoka e shiteleva he keyu ka pi miha: 12 anonti i yimmi vhleha ha i hullo kvf isht anoli mak osh chukfvlhpoba kvnia isht apesvt anumpuli: 15 micha itibapishi iksa ibafohka yatuk osh na-na ka pim okpvni hokma, il i kaniohma hi oka pi miha: 20 anonti kvna hoh kia i hohchifo ha kanima yo ai it afama ka ai ibafoka hi vt achi. 21 Chisvs vt hatak okvt nana ka ai iti kaniohmi hokvt, peh iti kashofa he tuk nan isht apesa hosh anumpuli.

1. YOHMI ma yvmmak fehna akinli ka nan ithvna vhleha hvt Chisvs a im ai vla mvt, Kvta hosh vba apehlichika ya ibafoka kvf moma i shahli cho? achi tok.

2. Mihma Chisvs vt vlla iskitini o i howa cha, yvmmak ash intinlakla ya hilechi tok.

3. Mihmvt, Ahli ho hvchim achi lishke; Inlvf toba cha, vlla chipunta yo chiyuhmi ho keyukmvt, vba apehlichika ya hvsh chukowa he keyu hoke.

4. Yohmi hoka kvna hosh ile akanlosichi kvf vlla iskitini ilvppak o chiyuhmi hokmvt, mihi yosh vba apehlichika ya ibafoka kvf moma i shahla hi oke.

5. Mikma kvna hosh vno a hohchifo hatuk mak o vlla ilvppa chohmi achvfa ka ahninchu hokmvt, vno ak o ahninchu hoke.

6. Amba kvna hosh a yimmi chipunta yakohmi achvfona

kia ibetvblichi hokmvt, yvmmak ash o ilap ak o tvli tanchi botoli osh ikunla ya atakanli ho, okhvta ahofobi fehna yo ai oka illi hok mak osh im vllhpiesa he tuk mak a hi oke.

7. Nan-isht-ai ibetvbli ak pulla tok mak o yakni vt nan i palvmmi hoke: nana ai ibetvbli okakanto kaniohmi kia ik takalo ka wa: yohmi kia hatak nana ho ai ibetvbli vt isht a tobvt minti hatuk okvno i palvmmi mak oke.

8. Yohmi hoka chibbak okmá, chiyi yokmá, nana hosh chi ibetvblichi hokma, hokofit ish kanchashke; hanali okpulo, keyukmvt imomokpulo yokmá, nana hosh ai okchaya ya ont ish chukowa kak osh ibbak vt tuklo, keyukmvt iyi yvt tuklo, kanima hosh luak ataha iksho ma ish itokvnia he tuk a chim i shahla hi oke.

9. Mikmvt chi nishkin vt chi ibetvblichi hokma, kohchit ish kanchashke; nishkin vt im achvfa hosh aiokchaya ya ont ish chukowa hok mak osh nishkin tuklo hosh aiokpulo-ka luak a ish itokvnia he tuk a chim i shahla hi oke.

10. Ahah! aiahnit chipota vhleha ilvppa achvfona kia hvch ik kanimancho kashke: yvmmak oka im enchil vhleha vba yakni aiasha kv, Aki vba binili ka nashuka ya pisa na bilia hoke, hvchim achi lishke.

11. Hatak Ushi vt okpulot taha yak o okchalinea chi hosh aya hatuk oke.

12. Katiohmi hvsh ahni cho? Hatak vt chukfvllhpoba tahlepa achvfa hosh im asha tuk osh, achvfonvt yoshubvt kvnia ka, pokoli chakkali akocha chakkali kash ashachi cha, ivt yoshubvt kvnia tuk a hoyot, nvnih foka ya hikikia chatuk keyu cho?

13. Atuk osh ahayucha he yoba tuk osh yohmi hokmvt, achvfa yvmma isht a na yukpa kv, yoshubvt ik tvmo ke tuk pokoli chakkali akocha chakkali ka im i shahli chatuk oke, ahli mak o hvchim achi lishke.

14. Yohmi ka chipota vhleha ilvppa achvfona kia okpulot taha hi a, hvch Iki vba binili kv ik ahno kv, yvmmak inli ho chiyuhmi hoka.

15. Yohmi ka ish itibapishi hvv nana ka chim ashvchi hokma, ivt chishno, micha ilap hvsh ita tuklo bano ho nana

ai ashvchi tuk a ish im anolashke: chi haponaklo hokma, ish itibishi hatuk a falaminchit ish im aiubacha he mak oke.

16. Amba chi haponakla he keyu, yohmi hok mno, himmakma achvfa, keyukmt tuklokma, nana ho pehlinchit ish ia na nan anoli tuklo, keyukmt tuchinakma nana itih ho anumpa puta mt isht ai ahlashke.

17. Yohmikma ymmak atuk ma i haponakla he keyukma, chvch a ish im anolashke: yohmi kia chvch atuk ma i haponakla he keyu hokmt, ymmak atuk mt Chentail hatak, micha pblikan aiena mak o chim ai itilauashke.

18. Ahli mak o hvchim achi lishke, Nana ho yakni pakna ya hvsh a takchi hoka, vba yakni ma a talakcha he; mikmt nana ho yakni pakna ya hvsh ai i hotofi hoka, vba yakni ma ai i hotofa he mak oke.

19. Anonti hvsh tuklo hosh nana ka asilhha he imma ho yakni pakna ya hvsh ai it im achvfa hokma, Aki vba binili kv ai im aiahlichia he mak oke, hvchim achi lishke.

20. Kanima yo tuklokmá, tuchinakmá, nana hosh sa hohchifo ha isht ai itnaha hoka, ymma ai iklvna hikia li hoka, achi tok.

21. Yohmi ma Pita yvt im ona mt, Chitokaka ma! itibishi li hv katohmi ha yo vm ashvchi ka, i kashofi la hinla cho? untuklo haya hi o? achi tok.

22. Mihma Chisvs vt, Untuklo ha ya hi o ak chim achoshke: amba, Pokoli untuklo bat untukla hi oke, chim achi lishke, im achi tok.

23. Yohmi hoka vba apelihchika yvt miko yosh in tishu vhleha ha aheka i hotihvt pisa bvna ho chohmi hoke.

24. Atuk osh i hotihvt ishtia ma, achvfa hosh talent tahlepa sipokni pokoli hosh aheka im asha tuk o, ilauelet im vla tok.

25. Yohmi kia isht atobba hi vt ik im iksho hatuk o, i shahli hash osh ymmvt, tekchi, micha im vlla vhleha, mikmt nan im asha tuk moma aiena kv kvnia na aheka yvt vlhtoba hinla ka apesa tok.

26. Yohmi hatuk o tishu hash osh aka hlipia cha,

aiokpahanchi mvt, Chitokaka ma! is svm_i svlaha hokma, mominchit chim atobbi lashke, achi tok.

27. Yohmi ma tishu yvmma i shahli yatuk vt i nukhaklo cha, i hotofi mvt, aheka atuk a i kashofi tok.

28. Yohmi tuk kia tishu yvmmak ash inli kvt kohehvt ia mvt, tishu ilapa ai itilau i vt achvfa hosh, aheka iskvli tablepa achvfa hosh in takanli hatuk a ont pisa tok: mihmvt yvmmak ash o hoklit ishi cha, nuktihliffi mvt, Aheka chin takali kvt is svm atobbashke, achi tok.

29. Mihma tishu itilau i yatuk ash osh iyi ituma aka ya hlipia cha, Is svm_i svlaha hokma, mominchit chim atobbi lashke, achit im asilhha tok.

30. Yohmi kia v_lhpesa ik ahno ki tok: amba aheka ya atobbi pulla chi mak o, yvmmak ash o aboha kv_llo pit fohki tok.

31. Yohmi ma tishu bika v_hleha hvt nana kvt yvmohmi na pisa mvt, okla nukhaklo fehna cha, i vt nana a kaniohmi tuk a mominchit i shahli ha okla ont im anoli tok.

32. Yohmi tok a i shahli hatuk vt yvmmak ash o pit hoyo cha, Tishu haksi chia ma! chishno vt is svm aiahni ma, aheka yvmma mominchit chi kashofi li tuk.

33. Yohmi ka chishno ak kia tishu chi bika ya ish i nukhaklo kvt, vno vt chi nukhaklo li tuk a, ish chiyuhma he tuk keyu cho? im achi tok.

34. Mihmvt i shahli hatuk vt anukhobela mvt, aheka in takanli tuk vt, mominchit atobbi pulla chi mak o, issikkopali v_hleha ha im issa tok.

35. Yohmi ka hvchishno hvsh moma kvt hvsh itibapishi nana ai ashvchi ya hvchi chukvsh ak o isht hvsh i kashofi keyukma, yvmmak inli ho ohmichit Aki vba binili kvt hvchi yvmihcha he akinli hoke, achi tok.

CHAPTER XIX.

Falisi v_hleha hvt Chisvs a nan im ponaklo ma, Chisvs vt afalaminchi mvt, a hatak vt tekchi it_i kvnia ka ik v_lhpeso ka miha, 3. 13
Chisvs vt vlla chipunta hoka ibbak a onochi cha, vba isht anum-

puli. 16 Chisvs a hatak himita yosh, Nantak o katiohmi li kak osh ai okchayvt bilia yoka ona la hinla cho? im achi ma, Chisvs vt isht im anumpuli: 23 nan in laua yvt ai okchaya yoka palvmmi ho chukowa he achi: 27 anonti ilap i yimmi ahli vhleha ha yukpala hi vt miha.

1. ATUK o yakohmi tok; Chisvs vt ilvppa puta ka ahanchit tahli mvt, Kalili a vttvt ivt, Chatan misha Chutea yakni ai vhli ho ona tok.

2. Mihma okla chito yvt iakaiya tuk o, yvmmak o a hlakofohlichi tok.

3. Mihma Falisi vhleha hak kia im ai vla cha, yvmmak ash o imomaka pisa hosh, Nana hosh a kaniohmi mak inli ho hatak vt tekchi a kancha hi vt im ai vhpesa hoh cho? im achi tok.

4. Mihma yvmmak ash osh afalaminchi mvt, Ummona hokvno yvmma ikbi hokvt, nakni micha tek itatuklo ho ikbi tok.

5. Mihmvt, Ilvppa pulla hatuk mak o hatak vt iki micha ishki aiena ka issa cha, tekchi ak o it asitia hi oke: yohmikma tuklo yvmmak atuk vt haknip achvfa hi oke; achi tok holisso ha hvch ik it im anumpulo chatuk oh cho?

6. Yohmi hoka yvmmak okvt himmakma tuklo mak a hi o keyu, amba haknip achvfa hoke. Yohmi hoka Chihowa hosh nana ka ita halvllichi ha ya, hatak vt ik iti filvmmicho kashke, im achi tok.

7. Mihma okla hash osh, Yohmi ka katiohmi ho iti kvnia holisso ha ima cha, ohoyo ha kancha hi a, Moses vt apesa tok oh cho? im achi tok.

8. Mihma, Hvchi chukvsh vt kullo pulla hatuk mak o, hvchi tekchi hvsh kancha hi a, Moses vt hvchim ahni tok: amba vmmona a mihinti kvno yohmi tok keyushke.

9. Yokmi kia vno vt, Kvna hosh tekchi a inla itinlumaka tuk keyu ho, kanchi cha, inla itauwaya hokmvt, haui toba mak oke: mikma ohoyo kanchi tuk ash o kvna hosh itauwayakmvt, haui toba hoke, hvchim achi lishke, im achi tok.

10. Mihma nan im ai ithvna vhleha hash osh, Hatak vt

tekchi a isht im a yakohma hinlakma, itauwaya ka achukma keyushke, im achi tok.

11. Yohmi ma yvmmak ash osh, Hatak moma kv̄t anum-pa ilv̄ppa aiokp̄rcha he keyu, amba kv̄na h̄o isht ai im vlhp̄e-sa ak illa hinla hoke.

12. Kanimi kv̄t ishki ikfoka an̄ka ak inli h̄o yohmi hosh atobvt vtta tuk yunvk vt āsha; mikma kanimi kv̄to hatak osh yunvk ikbi tok o, yunvk vt āsha: yohmi ma kanimi kv̄to v̄ba apehlichika pulla hatuk mak o, ilap inli hosh yunvk il ikbi tok vt, yunvk vt āsha hoka. Kv̄na hosh ilv̄ppa aiokp̄r-cha hinlakmvt aiokp̄rchi mak inlashke, im achi tok.

13. Yv̄mma foka ma yvmmak atukma ibbak a v̄lla chi punta ya isht umbitepa cha, v̄ba pit anumpula ch̄i ka isht in ai v̄la tok: mihma nan ithv̄na v̄hleha hvt okla h̄a im alv̄min chi tok.

14. Yohmi kia Chisvs vt, V̄lla chipunta yvt v̄m v̄la hi a hv̄sh im ahni cha, hv̄ch ik im alammo kashke: ilv̄ppa chi-yuhmi kak osh v̄ba apehlichika mak oka, achi tok.

15. Mihmvt yvmmak ash o ibbak a isht umbitepvt tahli mvt, yvmmak ash a kohchvt ia tok.

16. Yohmi tuk o achv̄fa hosh ayvt ona mvt, Nan ithv̄nan-chi achukma ma! ai okchayvt bilia yoka pisa la hi v̄to nana achukma nanta hak o yvmohmi la hinla cho? im achi tok.

17. Mihma yvmmak ash osh, Katiohmi h̄o achukma is si achi cho? achukma kv̄t iksho h̄o amba achv̄fa illa, yvmmv̄t Chihowa ak oke: yohmi kia ai okchaya yoka ont ish chuko-wa he ish ahni hokmvt, nan vlhp̄isa puta mak o ish holito-blashke, im achi tok.

18. Mihma, Katima kak o? im achi ma, Chisus vt, Kv̄na kia chik bo kashke, Chik itinlumako kashke, Chik hukopo kashke, Anumpa ik āhlo isht atokolit chik anto kashke.

19. Ch̄iki micha chishki aiena ka ish holitoblashke: mik-mvt, Chin chukapanta hatak a ish holitobli kv̄t, chishno akinli ka chim itilauashke, achi tok.

20. Hatak himita yash osh, V̄lla sa tomba mak inli hosh nana ilv̄ppa moma ka holitoblit isht mihinti li tok mak oke: nanta hosh ik sv̄m ono moma cho? im achi tok.

21. Mihma Chisvs vt, Aiahli kak o ish ahni hokmvt, ia cha nan chim asha ka kampilvt, ilbvsha vhleha ha ish i hopelashke; yohmikmvt na holitompa kvv vba yakni ya chin tonla he mak oke: mikmvt ish la cha, ant is siakai-yashke, im achi tok.

22. Yohmi kia hatak himita yash osh anumpa yvmma haklo mvt, nan in laua fehna hatuk okvt, nukhaklo fehna hosh kanvllit ia tok.

23. Yohmi ma Chisvs vt nan im ai ithvna vhleha hash o, Ahli mak o hvchi miha lishke, Hatak nan in laua yvt vba apehlichika ya palvmmi ho chukowa hi oke.

24. Mikma anonti, Kamel vt chofak ushi nishkin a hlo-pulli ka palvmmi kvv, hatak nan in laua yosh Chihowa apehlichika pit chukowa hokvno, ik lauwo ka he hvchim achi lishke, achi tok

25. Mihma nan im ai ithvna vhleha hvv okla haklo mvt, nukhlakancha fehna tok: mihmvt, Yohmikma kvta hosh okchaya hinla cho? achi tok.

26. Yohmi kia Chisvs vt yvmmak ash o atokolit pisa mvt, Hatak okmvno ilvppvt yohma he keyu, amba Chihowa hokmvno nan okluha kvv yohma he bano hoke, im achi tok.

27. Yohmi ma Pita yvt afalaminchi mvt, Yakeh! pishno vt mominchit il issa cha, e chiakaiya tuk; yohmi kvv nanta hak o il isha chi cho? im achi tok.

28. Mihma Chisvs vt, Ahli mak o hvchi miha lishke; Si apehvt hvsh itvnowa tuk vt, nan okluha kvv himonvt tobak-ma, Hatak Ushi yvt im aholitopaka ya aiasha holitopa ai om binilikma hvchishno ak kia aiasha holitopa auah tuklo ka hvsh a chieyvt, Israel oklushi auah tuklo ka na hvchim apesa hi oke.

29. Yohmikma chuka puta, mikmvt itibapishi vhleha, micha in tek vhleha, keyukmvt iki okma, ishki okma, tekchi okma, keyukmvt vlla yokma, yakni okma, nana ho sa hoh-chifo pulla hatuk mak o issvt aya tuk vt momvt yvmmak atuk a ohmi tahlepa achvfa ka pisa tuk mvt, anonti ai ok-chayvt bilia ma iesha he mak oke.

30. Yohmi kia tikba tuk vt ont ishtaiyopa hi vt lauakma, anonti ishtaiyopi atuk vt tikba hi vt asha hi oke.

CHAPTER XX.

Na pilesa vhleha hvt nitak achvfa ka hvshi kanvlli vhlpisa ilaiyuka ho pakvpi a holokchi ilhkoli tok nan isht vhlpisa. Nan isht vhlpisa ilvppak o Chisvs vt ilap im antia vhleha aiahli ka ai ilaiyukachit im atobba hi vt ai isht apesa, 1. 17 Chisvs vt anonti illa chi kvt tikbanlit anoli; 20 mihma Sebeti ushi ishki vt Chisvs a nan im asilhha, mihma afalaminchit i miha. 30 Chisvs vt hatak lvpa tuklo ho hopokoyochi.

1. ŪBA apelihchika yvt, hatak chuka-chvfa pehlichhi osh i pakvpi aholokchi a toksvla chi ka, tohna chi hosh onnahinli fehna ia ho, chohmi hoka.

2. Atuk osh yvmmak ash osh ilhtohno vhleha ha nitak achvfa ka iskvli achvfa chi ho it im apesa cha, pakvpi aholokchi a pit tihleli tok.

3. Atuk osh hvshi kanvlli vhlpisa ont atuchina foka ho kohchvt aya mvt, inla yvt nan-isht vtta ik im iksho hosh ilhpak a kanchi a hiohmaya na pisa tok,

4. Mihmvt yvmmak ash o, Hvchishno ak kia pakvpi aholokchi a pit hvsh abehashke; atukma kaniohmi kak osh ai vhlpesakma, hvch ima lashke, im achi na okla ilhkoli tok.

5. Atuk o anonti hvshi kanvlli vhlpisa isht hannali, mikmvt ont isht chakkali aiena ka kohchvt aya mvt, yvmmak ash inli ho chohmiechi tok.

6. Atuk osh hvshi kanvlli vhlpisa isht auah achvfa foka ho kohchvt ia mvt, anonti inla yvt nan-isht vtta ik im iksho hosh hiohmaya na pisa cha, Katiohmi ho nan isht vtta ik hvchim iksho hosh hvsh hiohmaya na shoyubi cho? im achi tok.

7. Mihma yvmmak ash osh, Amba hatak nana kia nan ik pi tohno kvno, im achi tok: mihma yvmmak ash o, Hvchishno ak kia pakvpi aholokchi a pit hvsh abeha ak inlashke; atuk ma kaniohmi kak osh ai vhlpiesakma, mih mak o hvsh ishaskhe, im achi tok.

8. Yvmohmi tuk o ont opivt taha ma, pakvpi aholokchi in talaia atuk ash osh nan im apesvchi asho, Na pilesa vhleha ha i howa cha, vlhtoba ha imá: ishtaiyopi tuk ak o ai ishtia hosh tikba tuk a ont ish tahlashke, im achi tok.

9. Atuk o hvshi kanvlli vlhpisa ont isht auah achvfa foka ho tohno tuk ash o okla ai vla mvt, hatak achvfa kvv iskvli achvfa aiyuka ho ishi tok.

10. Amba tikba tuk vto ai vla mvt, i shahli ho okla isha chi kvv im ahoba tok: atuk o yvmmak ash kia hatak achvfa kvv iskvli achvfa aiyuka ho ishi tok.

11. Micha yvmma okla ishit tahli mvt, chukachvfa pehlichu hatak ash o nanumachit maya mvt,

12. Ishtaiyopi tuk yakohmi kvto hvshi kanvlli vlhpisa achvfa illa ho toksvli tuk a pishno nitak lvshpa ho toksvli kullo ka isht il ahanta tuk a, ish pi ai itilauechishke, achi tok.

13. Yohmi kia afalaminchi mvt, achvfa ho, A kana ma! nan ik vlhpeso nana ho a chi yvmohmi li keyushke: chishno vt iskvli achvfa hi o il it im apesa tuk keyu?

14. Chimmi mak o ish ishi cha, ish iashke: ishtaiyopi tuk ilvppak kia chishno a it ilauechit ima la chi hoke.

15. Uno vmmi hatuk vt vno nana aiahni li hosh kanimihchi la hi vt vm vlhpesa keyu? vno ak osh si achukma kak o, chi nishkin vt ik vlhpeso hoh cho? achi tok.

16. Yohmi ka yvmmak inli ho chiyuhmit ishtaiyopi tuk vt tikbakma, tikba tuk vt ishtaiyopa hi oke; im annoa hokvto laua; amba vlhtoka kak osh achafoka hoka, achi tok.

17. Atuk osh Chisvs vt Chelusalem a ia hosh aya mvt, takla ya nan im ai ithvna vhleha auah tuklo kash pehlichit naksika isht ona mvt,

18. Inta! Chelusalem a, iloh ivshke; yohmi ka Hatak Ushi ishit na holitompa isht asha pehlichu vhleha, mikmvt na holissochi vhleha aiena ka ibbak fohkikma, yvmmak ash osh illa hi a okla im apesa chi hoke.

19. Yohmikma yvmmak atuk ma ishit yopula chi, micha fvmmi, mikmvt ititaiyukhvna ahonvlichit vbi aiena chi

mak o, Chentail okla ha ibbak fohka chi hoke: yohmi tuk kia nitak ont atuchinakma falamvt tana chi hoke, im achi tok.

20. Yohmi ma Sebetē ushi vhleha ishki osh ushi a pehlinchit im ona cha, aiokpahanchi kv̄t, nana achvfa ho im asilhha tok.

21. Mihma ohoyo hash o, Nanta hak o ish aiahni hoh cho? im achi ma, yvmmak ash osh, Svso tuklo ilv̄p̄vt ish apēhlichika ya achv̄vt chibbak isht-impakimma ya ont a binilikma, anonti achvfa kv̄t vlhfv̄bekimma ya asha hi a ish im apesashke, im achi tok.

22. Yohmi kia Chisvs vt afalaminchi mv̄t, Nana ho hvsh asilhha hokvt hvsh akostininchi keyushke. Hvchishno vt isht-ishko ai ishko la chi, yv̄mma hvsh ai ishka hinla cho? anonti baptismo isht a sa baptismo ka isht hvchi baptisma hinla cho? im achi ma, yvmmak ash osh, Pi yvmohma hinla hoke, im achi tok.

23. Mihma yvmmak ash o, Ūm isht-ishko yoka hvsh ai ishka chi ho mv̄hli; mikmv̄t baptismo isht a sa baptismo ka isht hvchi baptisma chi ho mv̄hli hoke; yohmi kia svbbak ishtimpakimma, micha vlhfv̄bekimma aiena aiasha hokvno vno yosh ima la hi o keyu, amba Aki vt kv̄na ho im atahli tok mak illa hi oke, achi tok.

24. Yohmi ma pokoli kash osh haklo mv̄t, itibapishi tuklo kash o isht ik i yukpo fehna tok.

25. Yohmi kia Chisvs vt yvmmak ash o i howa mv̄t, Chentail miko vhleha hv̄t ai i shahlit pehlichī chatuk, mikma i hochitoka vhleha hv̄t nana im ai vlhpesa hatuk osh im ai yvmihchi chatuk a hvsh ithaiyanv̄shke.

26. Amba hvchishno yokvno ai yvmohma he keyushke: amba kv̄na hosh ai i shahlit hvch itintakla ya anta bunna hokmv̄t, yvmmak osh hvchin tishu hashke.

27. Mikma kv̄na hosh holitopa i shahli bv̄nna hosh hvchi itintakla ahantakmv̄t, yvmmak osh nan isht hvchim vtta yashke.

28. Hatak Ushi vt ilapo ak o nan isht im vtta chi ho aya ha tok keyu: amba nan isht vtta chi, mikmv̄t laua ho ilap

im ilhfiopak a isht chumpa chi aiena hosh aya tok a, mih mak o hvsh chiyuhmashke, achi tok.

29. Yohmi ma Cheliko a asht ilhkoli ma, okla laua fehna kvv yvmmak ash o iakaiya tok.

30. Atuk o hatak lva tuklo kvv hina lapalika yo chiya tuk osh, Chisvs vt ont ia ho haklo mvt, pit tahpvlvt, Chitokaka Lewi ushi chia ma! ish pi nukhakhlashke, achi tok.

31. Yohmi ma okla laua yash osh, yvmmvt nukchinta chi ka, im alvmmi tok; yohmi kia yvmmak o i shahlichit tahpvlvt, Ish pi nukhakhlashke, Chitokaka Lewi ushi chia ma! achi tok.

32. Mihma Chisvs vt lumvt hikia cha, yvmmak ash o pit i howa mvt, Nanta hak o a hvchi katimichi la he a hvsh aiahni cho? achi ma,

33. Pi nishkin vt fatuma he ak oke, Chitokaka ma! im achit okla tok.

34. Yohmi ma Chisvs vt i nukhaklo cha, nishkin ash pit potoli tok: yohmi ma mih mak inli ho nishkin ashot fala-mvt pisa ma, yvmmak ash o iakaiyvt okla tok.

CHAPTA XXI.

Chisvs vt kaniohmi hosh Chelusalem a chukowa, 1; 12 anonti na-chumpa vhleha, micha na-kanchi vhleha aiena ka tempel a a kocha weli. 18 Micha iti vlhpoba fik achi nan ik vno a bvshit illa he im alni; mikmvt na yimmi micha anumpa ilbvsha anumpuli aiena ka nan isht im aiahli ka ya pim anoli. 23 Kanimi kvv nan isht ai vlhpesa nana ho isht ai yvmohmi hatuk a a ponaklo tuk kia, yvmmak ash o Chisvs vt im a tvblich, 28 micha hatak ushi tuklo, 33 micha na-pilesa vhleha pakvpi a holokchi i pota tuk nan isht apesa hosh Chu okla nan im ai ashvchi a isht otvnichi.

1. YUMOHMI tuk o Chelusalem pit bilika okla onvt Alif nvnih Betfachi ak o ai ona ma, Chisvs vt nan ithvna tuklo ho pit tihleli tok.

2. Mihmvt, Tvmahushi hvchi chapaka auet talaia ka hvsh onashke; yokmikmvt mih mak inli ho issuba hakso-bish falaia ushi ilauei kvv asinta ho hvsh pisa chi hoke: yvmma hvsh i hotofi cha, isht hvsv vmv vlashke.

3. Micha k_vna kia nana ka hvchim achi hokma, Chitokaka yak osh b_vna hatuk oke, hvsh im achashke: yohmikma mih mak inli h_o auet pila ch_i hoke, im achi tok.

4, 5. Hopaii vt anumpohonlit, Saion ushetik a, yakeh! ch_i miko chukvsh yohbi achukma, issuba haksobish falaia a toba tok issubushi haksobish falaia y_o om binili hosh ayvt chim vlvshke, hvsh im achashke, achi tok a ont aiahla ch_i mak o ilvppa moma kv_t a yakohmi tok.

6. Mihma nan ithvna yash osh itiachi mvt, Chisvs vt i miha tuk mak o ont yvmohmit okla tok.

7. Micha issuba haksobish falaia, mikmvt ushi aiena kash o isht vla ma, im ilefoka ya om pullit tahli cha, yvmmak ash o okla om binilichi tok.

8. Yohmi ma okla chinto fehna hosh hina ya im anchi a okla pelli tok; kanimi mvto iti naksish o vmot hina ya pelli tok.

9. Yohmi ma okla chito tikba itvnowa tuk, mikmvt iakai-ya aiena kash osh, tahpvlvt, Lewi Ushi a Hosanna im ahanchashke. Chitokaka i hohchifo h_o il ai eshi hosh aya hokvt holitopa mak oke. Shutik tvbokaka fehna ma, Hosanna ai ahanchashke, achi tok.

10. Atuk o Chelusalem a ant chukowa ma, tvmaha hash osh momvt nukhlakancha mvt, Ilvppvt kvta hoh cho? achi tok.

11. Mihma okla laua yash osh, Ilvppak osh Kalili yakni Nasalet a i hopaii Chisvs mak oke, achi tok.

12. Yohmi ma Chisvs vt ivt Chihowa in tempel a ont chukowa mvt, tempel anukaka ya nana a kanchi, micha a chumpa aiena maya tuk ash mominchit kocha pit tihleli mvt, ai impa tvli holisso ai itatoba puta, mikmvt p_vchi vlhpoba akanchi abinohli aiena kash halvllit filemohlit kinahlich_i tok.

13. Mihmvt, Um aboha hv_t vba pit ai anumpuli chuka y_o hohchifa he, achi hosh holisso tok; yohmi kia hvchishno vto na-hukopa vhleha in chuka y_o hvsh ikbishke, im achi tok.

14. Mihma lvpa, micha hanali okpulo puta kv_t tempel anukaka ya im ai vla ma, yvmmak oka hlakofichi tok.

15. Mihma na holitompa isht asha pehlich vhleha, mi-cha na holissochi okla aiena kvt, yvmmt na fehna puta ka yvmihchi, mikma tempel anukaka ya vlla vt Lewi Ushi a Hosanna im ahanchashke, achi aiena ka pisa mt, okla isht ik i yukpo fehna tok.

16. Mihmt yvmmak ash o, Ilvppvt nana achit maya ka ish haklo cho? im achi tok; Mihma Chisvs vt, Yau, vlosi mikmt pishi puta itih ha Chihowa hvt a holitopa he ish apesa tok achi holisso ka, himonna kia hvch ik it im anumpulo chatuk oh cho? im achi tok.

17. Mihmt yvmmak ash o issvt tvmaha a kohehvt ia mt, Betani a ona cha, yvmmak o ont nusi tok.

18. Atuk osh onnahinli ma falamvt tvmaha ia hosh aya mt, hohchevfo tok.

19. Micha fik vpi vt tikba ya hikia na pit pisa mt, yvm-mak ash o ona; yohmi kia nana kia takanli na ik ahayucho; amba hishi ak illa tok; mihmt, Himak a pilla ma nitak na-na vni yvt ik chi a tobo kashke, im achi tok. Mihma che-kosi mak inli ho fik vpi vt bvshit taha tok.

20. Yohmi ma nan ithvna yvt pisa cha, okla okokko! aiahni mt, Chekosi fehna ho fik vpi vt bvshit taha cha, achi tok.

21. Mihma Chisvs vt afalaminchi mt, Ahli mak o hvchi miha lishke, Na yimmi kvt hvchi anukfoyuka, miha ik hv-chi nukwiyo hokmt, fik vpi nana a kanimihchi ilvppak bano ho hvsh yvmihcha hi o keyu, amba, Nvnih chaha ilvppa kanellit ivt okhvt hak o pit ish okvtulashke, hvsh im achi aienakma, yvmohma hinla hoke.

22. Micha hvchi yimmi hosh nan okluha ka nana ho anumpa ilbvsha isht hvsh asilhha hokvt, hvsh isha hi oke, im achi tok.

23. Atuk osh tempel a ona cha, nan ithvnanchi hosh ahanta ma, na holitompa isht asha pehlich vhleha, mikmt okla i hochitoka vhleha aiena kvt im ai vla cha, Nan isht ai vlhpesa nanta mak o ilvppa puta ka isht ish yakohmichi cho? miha kvt hosh nan isht ai vlhpesa ilvppa chima tok oh cho? achi tok.

24. Mihma Chisvs vt afalaminchi mvt, Uno ak kia nan achvfa ka a hvchim asilhhvchi lashke; yvmmak o hvs svm anoli hokma, vno vt yvmmak inli ho chohmit nan isht ai vllhpesa nana ho ilvppa puta ka ishit yakohmichi li hatuk vt hvchim anoli lashke.

25. Chan i baptismo vt katimak o a minti ha tok oh cho? vba yakni okmá, hatak okmá, nanta ha tok oh cho? im achi tok. Yohmi ma, Uba yak o minti ha tok: il achi hokma, Yohmi kak o katiohmi ho yvmma hvch ik i yimmo ke tok oh cho? pim acha hinlvshke.

26. Yohmi kia moma kvt Chan a hopaii o okla ahni hatuk oka, Hatak ak a tok: achi kvt okla ha il i nukshopvshke, achit ilap bika it im anumpulit maya tok.

27. Micha Chisvs ash o im afalaminchi mvt, Kil ithano-shke, im achi tok. Mihma yvmmak ash osh, Yohmi ka vno ak osh nan isht ai vllhpesa nana ho ilvppa puta ka isht yakohmichi li hatuk vt ak hvchim anoloshke, achi tok.

28. Yohmi kia katiohmi ho hvsh ahni cho? Hatak achvfa hosh ushi vt in tuklo tok; atuk osh tikba yash o, Svso ma! himak nitak a a pakvpi a holokechi a ont ish toksvlashke, ont im achi tok.

29. Mihma afalaminchi mvt, Yohmi la he ak ahnoshke, achi tok: yohmi tuk kia i himmakma inlanhit anukfilli cha, ia tok.

30. Yohmi ma anonti atukla kash yvmmak inli chohmi ka ont i miha tok. Mihma afalaminchi mvt, Ia lashke, a shahli ma! achi; yohmi tuk kia ik aiyo ki tok.

31. Tuklo yvmvt katimampo kak osh iki nan aiahni tuk a yvmohmi tok oh cho? im achi tok. Mihma, Tikba yatuk á, im achi tok. Mihma Chisvs vt, Ahli mak o hvchim achi lishke, Pvblikan vhleha, micha haui puta kvt hvchi tikba Chihowa apehlichika ya pit abehiha hoke.

32. Chan vt ai vllhpiesa ataya mak osh hvchim vla ka, yvmma hvch ik i yimmo tok: yohmi kia pvblikan vhleha, micha haui puta kvto i yimmi tok: mihma hvchishno vt yvmmak atuk ma hvsh pisa ha yvt, yvmma hvchi yimma hi vt i himmak a inlanhit hvch ik anukfillo tok, im achi tok.

33. Nan isht v_hpisa inla ka hvsh haklashke; Hatak chuka-chvfa pehlichī achvfa hosh pākvpī a hokehit tahli cha, kvti apushi isht a holitvchit apakfobli mvt, oka-paki ai v_hto a yvmma anūkaka yā a kulli cha, chuka chaha yā ikbit tahli mvt, hatak na pīlesa v_hleha hō pota cha, yakni hopaki hō ia tok.

34. Atuk osh nan vni waya ai onā hosi ma, yvmmak ash vni waya ka ont isha chī hō, in tishu v_hleha hā hatak na pīlesa v_hleha hash pit in tihleli tok.

35. Atuk o hatak na pīlesa v_hleha hv_t in tishu v_hleha hash o hoklit ishi cha, achvfa ka boli mvt, anonti achvfa ka vbi cha, anonti achvfa ka tvli isht boli tok.

36. Atuk o anonti inla laua kv_t tikba atuk a i shahli hō pit tihleli tok: yvmmak ash kia yvmmak atuk mak inli hō okla itilauechi tok.

37. Yohmi kia ont ishtaiyopi fehna ma, Svso hā holitobla chī hoke, achi mvt, ushi ak o pit i pila tok.

38. Yohmi tuk kia hatak na pīlesa v_hleha hash osh ushi ash o pisa mvt, Ilvppak osh immi mak oke: kiloh vbi cha, immi yatuk a kiloh ai ishi, ilap bika it im achi tok.

39. Mihmvt yvmmak ash o okla itī hoklit pākvpī a holokchi a ishit a kohchi cha, vbi tok oke.

40. Yohmi ka pākvpī a holokchi immi atuk vt onak-mvt, hatak na pīlesa v_hleha yvmmak atuk a nanta hak o katimihcha hinla cho? im achi tok.

41. Yohmi ma, Hatak haksi v_hleha yvmmak atuk ma issikkopalit tv_moli cha, pākvpī a holokchi yash hatak na pīlesa v_hleha inla yvto ont ai v_hlpiesakma na waya ka ihima he fehna hō, i pota he mak oke, im achi tok.

42. Mihma Chisvs vt, Tvli yvmma chuk-ikbi v_hleha hv_t shitilema yash o, yvmmak ash fehna hosh chukbika nutaka in tola holitopa i shahli hō tobrvshke: ilvppa Chihowa hosh yvmihchi hō, pi nishkin a i na fehnvshke, achi ka Baibil a himonna kia hvch ik ai it im anumpulo chatuk oh cho?

43. Yohmi hoka Chihowa apehlichika yā mokofit hvchim ai ishi cha, yvmmak atuk ma isht a waya he fehna oklushi o ima he mak oke, hvchim achi lishke.

44. Micha kuna hosh twli ilvppa onvtulakmvt, litoa hē ; amba ilap ak osh kuna hō onvtula hokmvt, botolichit kan-cha hi oke, im achi tok.

45. Mihma na holitompa isht āsha pehlichī vhleha micha Falisi vhleha aiena kv̄t, yvmmvt nan isht apesa ka haklot tahli mvt, yvmmvt ilap ak ȳ isht anumpuli hatuk ā okla akostininchī tok.

46. Yohmi kia yvmmak oka hopaii ak ȳ okla ahni hatuk oka, yvmmak ash ȳ itī hoklit ishi bv̄nna tuk kia okla chito ak ȳ ī nukshopa tok.

CHAPTA XXII.

Itauwayachi ai impa he tok ik itvnaho ki tok nan isht vlhpisa, 1 ; 12 ai itauwaya āya he ī nafohka ya ik fohko hosh ī palv̄mma he im vlhpisa ; 15 Chisvs vt Falisi vhleha, micha Helotian okla aiena kv̄t Sesa ya twli holisso im itahobi ka vlhpesa chishba, ahnit ī ponaklo, mihma Chisvs vt afalaminchit nana ī miha. 23 Chisvs vt Satusi vhleha hv̄t illi yvt falamvt tana hi oka ik yimmo chatuk ā isht anumpuli ; 34 nan vlhpisa chinto moma ī shabli, 41 kaniohmi kak osh Klaist vt Lewi in Chitokaka yvt, anonti Lewi ushi ahinla ka, Chisvs vt a ponaklo.

1. **MIHMA** Chisvs vt anonti nan isht vlhpisa hō isht im anumpulit,

2. Ūba apehlichika vt hatak mīko yosh ushi ohoyo itauwaya chī hō, impa im atahli hō chohmi hoke.

3. Micha im annoa tuk vhleha hā ont ī howvt itauwaya ai impa ka isht vla chī hō, in tishu vhleha hā pit tihleli tok ; yohmi kia okla minta hi ā ik ahno ki tok.

4. Mihma anonti tishu inla yō pit tihleli mvt, Inta ! an tv̄bokoli impa hā atahli lishke ; ā wak-hobvk, micha nana vlhpitvt nia puta kv̄t illi ma, nan okluha kv̄t vlhtahushke ; itauwaya ai impa ka hv̄sh mintashke, achit im annoa tuk vhleha hā hv̄sh im anolashke, im achi tok.

5. Yohmi tok kia yvmmak ash ȳ nan-isht ik ahno hosh kanima pit ilhkolit, achv̄vt im osapa ia ma, anonti achv̄vt im ai itatoba ia tok.

6. Yohmi ma akashampa kvtō in tishu vhleha hatuk ash itī hoklit ishi cha, kanimanchi fehmt, polāka okla illichī tok.

7. Atuk o miko vt yummak ash o haklo mvt, anukshomunta fehna tok: mihmt in tvshka chipota laua ka pit tihlelit, hatak vbi vhleha yummak ash o vbit tahli mvt, in tmaha hā hukmit tahli tok.

8. Yohmi mvt in tishu vhleha hash o, Itauwaya ai impa hamo vlhtahvshke; yohmi kia im annoa tuk vhleha hash osh ahalaia hi o keyu tuk oke.

9. Yohmi hoka hina ai itafamoa puta ka itvnowvt, laua kvt kaniohmi hō hvsh pisakmvt, moyumvt itauwaya ai impa ka aya he hvsh im anolashke, im achi tok.

10. Yohmi ma tishu vhleha yummak ash osh ilhkoli mvt, hina ai itafamoa puta ka itvnowvt, okpulo, mikmvt hochukma aiena laua kvt kaniohmi hō pisa mvt, mominchit hoyot itahobi tok: yohmi ma itauwaya ai impa yash osh im annoa tuk vhleha hā isht alotvt knia tok.

11. Atuk o im annoa tuk vhleha hash pisa chī hosh miko vt ant chukowa mvt, hatak vt ai itauwaya aya he i nafohka ya ik fohko hosh yvma asha na pisa tok.

12. Micha yummak ash o, A kana ma! katiohmi hō ai itauwaya aya he i nafohka vt iksho hō ilvppa ant ish chukowa tuk oh cho? im achi tok. Mihma yummak ash osh nan ik acho ki tok.

13. Yohmi ma miko vt in tishu vhleha hash o, Ilvppa ibbak, mikmvt iyi aiena ka ho takchi cha, isht ivt kocha aiokhlilika ya ont hvsh kanchashke: yummak oka yahaya, mikmvt notī ahampa aiena mak osh aiasha hi oke, im achi tok.

14. Im annoa hokvto laua kia, amba vlhtoka kak osh achafoa hoka, achi tok.

15. Yvma foka ma Falisi vhleha hvv ilhkoli mvt, kaniohmit yummak ash ilap im anumpa hō isht a yukacha hinla kvt isht anumpulit maya tok.

16. Mihmt ilap nan im ai ithvna vhleha hā, Helotian iksa ai itapeha hō pit in tihleli mvt, Nan ithvnanchi ma!

chishno vt aiahli chia achukma chatuk; mikmvt Chihowa i hina aiahli mak o ish ithvnanchi chatuk, hatak nana kia nan isht ik chim ahobo chatuk; mikmvt hatak vt chim it i shashohli keyu chatuk a il ithaiyanvshke.

17. Yohmi hokvt kaniohmi ho chim anukfila hokmvt ish pim anolashke: noshkobo isht chumpa tvli holisso a Sesa yak o ima he ai vlhpesa hokma, keyukma, nanta cho? pit achi tok.

18. Yohmi kia yvmvt im anukfila ai vlhpesa keyu atuk a, Chisvs vt akostininchí mvt, Katiohmi ho nan ilahobi vhleha hvchia hv imomaka hvs sa pesa cho?

19. Noshkobo isht chumpa tvli holisso a ho ha haiakvchi, achi tok. Mihma iskvli achvfa ho okla isht im vla tok.

20. Mihma yvmmak ash o, Ilvppvt kvt hak o holbvt toba ho, mikmvt kvt ho a hohchifo ho? im achi ma,

21. Sesa yak oke, okla im achi tok. Yohmi ma yvmmak ash osh, Yohmi hoka nana kv Sesa yak o immi hokma, Sesa yak o hvsh imashke: mikmvt nana kv Chihowa yak o immi hokmvno, Chihowa yak ashke, im achi tok.

22. Yohmi ma okla haklo mvt nukhlakancha cha, yvmmak ash o issvt, okla ilhkoli tok.

23. Mih nitak mak inli ka Satusi vhleha hv, illi yvt fala-mvt tana he keyu, achi chatuk osh im ai vla cha, ant i ponaklot,

24. Nan ithvnanchi ma! Hatak vt vlla yvt ik im iksho hosh illi hokma, nakfish vt tekchi atuk a itauwaya cha, itibapishi hatuk a vlla isht im ai ikbashke, Moses vt achi tok.

25. Yohmi tuk o itibapishi hv untuklo hosh pitintakla ya maya tok: atuk o akni hash osh ohoyo itauwaya tuk osh illi tok: mihmvt vlla yvt ik im iksho hatuk okvt, tekchi atuk a nakfish ak o im a tosholichi tok.

26. Atuk o atukla kak osh yohmi ak inli tuk o, anonti ont atuchina kv mihinli ma, mahaya mvt isht untuklo kash osh yohmi tok.

27. Atuk o ont ishtaiyopi fehna ma, ohoyo hash kia illi ak inli tok.

28. Yohmi ka yemma momvt okla itauwaya tok oka, illi yvt falamvt tani kano, untuklo ka katima mak o tekchi mak a hi oh cho? achi tok.

29. Mihma Chisvs vt afalaminchi mvt, Baibil, mikmvt Chihowa nan im aiahli aiena ka hvch ik ithano hatuk osh hvsh ashvchishke.

30. Illi yvt falamvt tani hokvt okla itauwaya he keyu mvt, anonti itauwaya he im vlhpisa he keyu, amba Chihowa im enchil vhleha vba aiasha kak o, chiyuhma hi oke.

31. Amba illi yvt falamvt tana he yummak okvno, Chihowa hvt hvchim anumpohonli mvt,

32. Uno ak osh Eblaham in Chihowa sia, mikmvt Aisaak in Chihowa sia, micha Chekob aiena ka in Chihowa sia hoke, achi tok holisso ka hvch ik it im anumpolo chatuk oh cho? Chihowa hvt illi ak o in Chihowa keyu, amba okchaya ak oke, im achi tok.

33. Yohmi ma okla laua yvt ilvppa haklo mvt, nan isht ai ithvnanchi ka anukhlakancha tok.

34. Amba Falisi vhleha hokvto, yummak ash osh Satusi vhleha ha nana acha he keyuchi tok a haklo mvt, okla ita-hoba tok.

35. Yohmi ma achvfa hosh yummvt vba nan vlhpisa ithvnanchi yosh, imomaka pisa hosh nan i ponaklot.

36. Nan ithvnanchi ma! vba nan vlhpisa katima kak osh nan vlhpisa holitopa kvt moma i shahli cho? achi tok.

37. Mihma Chisvs vt, Chitokaka chin Chihowa hoka chi chukvsh a mominchit, mikmvt chi shilombish a mominchit, anonti chim anukfila ha mominchit isht ish holitoblashke;

38. Achi ilvppak osh nan vlhpisa in tikba, mikmvt moma i shahli mak oke.

39. Mikma atukla kvt yummak inli ho chohmi hoke; Chin chuka-panta hatak a ish holitobli kvt chishno ak inli chim itilauashke, achi kak oke.

40. Nan vlhpisa tuklo ilvppak o nan vlhpisa moma, micha hopaii holissochi tok aiena kvt a shaiyahli hoke, im achi tok.

41. Falisi vhleha hvt itvnahvt chiya takla ma, Chisvs vt i ponaklot,

42. Klaist a katiohmi isht hvchim anukfila cho? yvmmvt kvt hak o ushi o? achi ma, Lewi ak o ushi oke, okla im achi tok.

43. Mihma yvmmak ash osh, Yohmi ka katiohmi ho Lewi vt Shilombish isht anukfoyuka mvt, yvmmak oka hochifo cha,

44. Chitokaka yvt an Chitokaka ya, Subbak ishtimpak-imma ya ish binili na chin tvnvp vhleha chiyi ai o hikia yo ikbi lashke, im achi tok oh cho?

45. Yohmi ka Lewi vt yvmmak oka Chitokaka hochifo tok okma, anonti yvmmvt katiohmi hosh ushi ahinla cho? im achi tok.

46. Yohmi ma hatak nana hosh yvmmak ash o anumpa achvfa kia im afalaminha hinla kvt iksho ma, anonti nitak yvmma ai vhlit mihinti ka himmakma hatak nana kia ik nukwiyo hosh nan im ai asilhhvchi kvt iksho ki tok.

CHAPTER XXIII.

Chisvs vt nan im ai ithvna vhleha hvt na holissochi micha Falisi aiena kvt nana isht ithvnanchi kvno im antia he, amba nana a kaniohmi yokvno okla ik iakaiyo ka hi a im apesa, 1. 13 Chisvs vt na holissochi micha Falisi vhleha aiena kvt im a yvmohma he vvhpesa hoka, na palvmmi kvt onvtula chi ka tikbanli anoli, 37 na palvmmi kvt ai imma tikeli ka ithana hatuk osh Chelusalem a Chisvs vt isht yaiya.

1. YUMMA foka ma Chisvs vt okla chinto, mikmvt ilap nan im ai ithvna vhleha aiena kash o im anumpuli mvt,

2. Na holissochi vhleha, micha Falisi vhleha aiena kvt Moses im aiasha ya chieyvshke.

3. Yohmi hoka nan okluha puta ka nana ho hvsh holitobla hi a hvchi miha hokma, yvmmak atuk ma holitoblit a hvchi yvmohmashke: amba okla nana a kaniohmi hokvno hvch ik holbo kashke: yvmmak okvt anumpuli tuk kia yohmi keyu hoka.

4. Shapoh weki shali ka palvmma hinla ho takchit tahli

cha, hatak puta tahchi ma onochi hoka : yohmi kia ilap ak inli kvto yvmmak oka ibbak ushi achvfona kia pit isht kanullicha hi a okla ahni keyu hoke.

5. Amba nana a kaniohmi puta kv, hatak vt pisa chi kak o, yvmohmi hoke : i failaktili ya okla hopvtrvlli mvt, anonti im anchi aposhokvchi ma hofalohli chatuk,

6. Mikmvt impa asha ka aiasha holitopa i shahli puta kak o im ai achukmakmvt, anonti sinikak puta anukaka ma ai-o-minili holitopa i shahli puta kak o im ai achukma chatuk,

7. Mikmvt ilhpak a kanchi ai it aiokpvchi, micha hatak puta kv Labai, Labai, im achi aiena kak o im ai achukma chatuk oke.

8. Yohmi kia hvchishno yokvto Labai ik hvchi hohchifo kashke ; hvch i shahli hvto achvfa, yvmmvt Klaist ak oke. Yohmikma hvsh moyuma kvto itibapishi hvchia hoke.

9. Micha yakni paknaka ya hatak nana kia hvch iki hvch ik hochifo kashke : achvfa hosh hvch Iki okvto vba yak o binili hoka.

10. Micha i shahli vhleha ik hvchi hohchifo kashke : achvfa hosh hvch I shahli, yvmmvt Klaist ak oke.

11. Amba kvna hosh moma i shahli kv hvch ibafoka hokmvt, hvchin tishu mak a hi oke.

12. Mikma kvna hosh ilefehnvchi hokmvt, aka ona he ; mikma ile akanlosechi hokmvt, holitopa he oke, im achi tok.

13. Amba na holissochi vhleha, micha Falisi vhleha, nan ilahobi hvchia ma ! na hvchi palvmma he mak oke : vba apelihika ya hatak inla puta ka hvsh im okhishta hokvt : mikmvt hvchishno vt yvmma pit hvch ik abeho mvt, anonti pit abeha he tuk a, ant ik abeha hvch ik im ahnoshke.

14. Na holissochi vhleha, micha Falisi vhleha, nan ilahobi hvchia ma ! na hvchi palvmma he mak oke : ohoyo i hatak illi in chuka puta ka wehpulit hvsh tahli, mikmvt peh ilahobi kv vba pit anumpuli hosh hvsh falaiachi hoka : yohmi hokvt na palvmmi chito i shahli hosh hvchim vlhpisa hi oke.

15. Na holissochi vhleha, mikmvt Falisi vhleha, nan ilahobi hvchia ma ! na hvchi palvmma he mak oke ; na hv-

chim ai ithvna achvfa kia ikbi hvchi hvna kv̄t, okhvta mi-
cha yakni aiena ka hvsh v̄lhfullihinchi hoka: atuk o yvm-
mak ash osh tobakma, anonti aiokpuloka im v̄lla fehna kv̄t
hvchishno a chohmi tuklo hō hvsh ikbi hoke.

16. Kvna hosh anumpa kv̄llo a tempel ak o isht ai a miha
hokvno nana keyu; amba kvna hosh tv̄li holisso lakna tem-
pel anukaka asha kak o anumpa kv̄llo isht ai a miha hok-
mvt, nan il aiahlichā he v̄lhpesa, hvsh achi, na pehlichī
lvpa hvchia ma! na hvchī palvmma he mak oke.

17. Nan im anukfila iksho, micha lvpa aiena hvchia ho-
ka, tv̄li holisso lakna yak okmá, keyukmvt tempel a tv̄li ho-
lisso lakna yvt isht a holitopa kak okmá, nanta hosh i shahli
hō?

18. Micha kvna hosh anumpa kv̄llo a alta yak o isht ai
a miha hokvno nana keyu; amba kvna hosh v̄ba pit isht
aiokpv̄chi vt yvmma pakna onvtonla kak o, nan il aiahlichā
he v̄lhpesa, hvsh achi.

19. Nan im anukfila iksho, micha lvpa aiena hvchia ma!
v̄ba pit isht aiokpv̄chi ak okmá, keyukmvt alta ya v̄ba pit
isht aiokpv̄chi vt isht a holitopa kak okmá, nanta hosh i
shahli hō?

20. Yohmi hoka kvna hosh anumpa kv̄llo a alta yak o
isht ai a miha hokmvt, yvmmak ash o, micha nana hosh
yvmma onvtonla ka mominchit anumpa kv̄llo a isht ai a
miha hoke.

21. Micha kvna hosh anumpa kv̄llo a tempel ak o isht ai
a miha hokmvt, yvmmak ash o, micha yvmma anukaka ai
asha aiena kak o anumpa kv̄llo a isht ai a miha hoke.

22. Yohmikma kvna hosh anumpa kv̄llo a v̄ba yak o isht
ai a miha hokmvt, Chihowa im aiasha, micha yvmma om bi-
nili hatuk ma aieninchit anumpa kv̄llo a isht ai a miha hoke.

23. Na holissochi v̄hleha, micha Falisi v̄hleha, nan ilaho-
bi hvchia ma! na hvchī palvmma he mak oke: mint, mik-
mvt anise, micha kv̄mm̄in aiena kv̄t ont isht pokoli kash osh
hvchī kv̄nia hoka; yohmi mvt nan v̄lhpisa kv̄llo i shahli,
nana ai v̄lhpiesa, micha nana i nukhaklo, mikmvt na yimmi
aiena hokvno hvsh a haksichishke: ilvppa puta hoka hvchi

yvmohma he vlhpesa hatuk, yohmikmvt yvmmak ash kia hvsh a haksicha he tuk keyu hoke.

24. Na pehlichi lpa ma! shushi ya hoiyvchit hvsh koh-chi tuk osh, kamel okvno ishit hvsh nanvbli hoke.

25. Na holissochi vhleha, micha Falisi vhleha, nan ilahobi hvchia ma! na hvchi palvmma he mak oke: isht-ishko micha ampo aiena ka paknaka yokvno hvsh kashofi hoka; yohmi kia anukaka yokvto na wehpuli micha nan ik vlhpeso aiena hosh isht alotowa hoke.

26. Falisi lpa chia ma! isht-ishko ampo aiena ka anukaka yak o tikba ish kashofi ha yo, paknaka yokak heto kashofa mak inlashke.

27. Na holissochi vhleha, micha Falisi vhleha, nan ilahobi hvchia ma! na hvchi palvmma he mak oke: sepvka tohbit vlhtaha yak o hvsh chiyuhmi hoka; yvmmak okvt paknaka yokvto pisa ka aiokli fehna ho mvhli chatuk; yohmi kia anukaka yokvto hatak illi foni, micha nan liteha okpulo moma kvv isht alotowa chatuk oke.

28. Yohmi ka hvchishno ak kia paknanli vt vlhpiesa ho hatak a hvsh im ahoba; yohmi kia anukaka yokvto nan ilahobi, micha nan ik vlhpieso aiena bano hosh ishit hvchi alotowa kvv, yvmmak inli ho hvsh chiyuhmi hoke.

29. Na holissochi vhleha, micha Falisi vhleha, nan ilahobi hvchia ma! na hvchi palvmma he mak oke: hopaii vhleha, i sepvka ya hvsh im ikbi mvt, anonti hopoyuksa vhleha ha tok isht ithaiyana he sepvka ya hvsh aioklichi chatuk,

30. Mihmvt, Pin tikba vhleha aiasha nitak ak o il ashwa tok mak osh, hopaii puta im issish hlatvbli ka il ibatakla he tok keyu, hvsh achishke.

31. Yohmi hatuk osh hopaii puta vbi tok vhleha ha in chipota hvchia hatuk vt, hvchishno inli kak osh hvsh il ai atokolishke.

32. Yohmi hokvt hvchin tikba vhleha nan isht im vlhpisa ya hvsh alotolashke.

33. Sinti hvchia, sinti chilita isht unchululi hvchia hvv, katiohmi kak osh aiokpuloka ai ilbvsha he vlhpisa ya hvsh i hlakofa hinla cho?

34. Yohmi hoka, Yakeh! hopaii vhleha, micha hatak hopoyuksa vhleha, mikmvt na holissochi vhleha aiena ka pit hvchin tihleli lishke; yohmi ka kanimi ka hvsh ba he, mikmvt, iti-taiyukhvna hvsh a honahlichy aiena he; mikmvt kanimi ma hvchi sinakak puta hvsh a fvmmikmvt, hvsh ilbvshachi kvt tmaha puta ma isht hvsh aya hi oke.

35. Yohmi hokvt hvchishno ak o hopoyuksa puta im issish yakni pakna a hlatahampa tok, hatak hopoyuksa Ebel a im issish a tok ai vhlit mihintit, Sakalias, Balakias ushi, yvmma tempel, micha alta aiena itintakla ya hvsh ai vbi tok im issish ant ai vhli kvt, momvt hvchi onvtula hi oke.

36. Ahli mak o hvchim achi lishke, Ilvppa moyuma kak osh okla himonasi ilvppa asha ka onvtula he mak oke.

37. Chelusalem, Chelusalem, hopaii vhleha vbi, micha auet chi kanchi tuk ma tvli ishit boli chia ma! akaka yosh ushi vhleha ha sinahchi nuta ya pit ai itahobi chatuk mak o, chiyuhmit chim vlla vhleha ha itahombi la he ahni li tuk nana kia, hvchishno ak osh vlpesa hvch ik aiahno hokvno.

38. Inta! hvchin chuka yvt hvchin chukillissvt taiyaha mak oke.

39. Himak a pilla ma, Hvs sa pisa chi keyu; amba, Chitokaka i hohchifo ho mihnti hokvt holitopa mak oke, hvsh acha chi hok mak a hi oke, hvchim achi lishke, im achi tok.

CHAPTA XXIV.

Chisvs vt ishtaiyopi mak o tempel a a kohcha tuk osh, yvmmvt okpula he, tikbanli anoli: 3 micha ilap okvt mihintikma, nan isht atokowa kvt yvmohma he, micha na palvmmi kvt ibafoka he miha: 32 mikmvt nana a mihiba kvt ont aiahla hi oka, iti vlpoba fik achi kvt hishi toba chi hosh bokobli chatuk a nan isht apesvt anumpuli: 42 micha ahah! ahnit im vltaha he im apesa.

1. YVMOHMI mvt Chisvs vt kohcha mvt, tempel a issvt kanima ia tok: mihma nan im ai ithvna vhleha hv, tempel vt toba kvt kaniohmi puta ka pisacha chi hosh im ai vla tok.

2. Mihma Chisvs vt, Na yakohmi puta moma ka hvch ik

peso cho? ahli mak o hvchim achi lishke, Ilvppak oka tvli vt achvfona kia aka ik itolo ke tuk osh, it on tvlkanchit itonla kv̄t iksho ka hi oke, im achi tok.

3. Yvmohmi tuk o yvmmak ash osh nv̄nih chaha Alif paknaka ya āsha ma, nan ithvna vhleha hv̄t lumvt im ai ona mvt, Nitak kaniohmikmak o nana kv̄t ai yakohma hi o, micha ish minta he, mikmvt yakni vt ont ai vhli aiena ch̄i isht atokowa kv̄to nanta hi o? ish pim anolashke, achi tok.

4. Mihma Chisvs vt afalaminchi mvt, Ahah! hv̄sh aiahni na hatak nana kia ik hv̄chi yoshublecho kashke.

5. Lawa hosh sa hohchifo h̄a ishit hohchifo kv̄t itnnowa cha, Klaist sia hoke, acha hi oka; mikmvt lauachit yoshublich̄a he oka.

6. Yohmikma tv̄nvp āsha, micha tv̄nvp āsha he annoa aiena ka hv̄sh hakla hi oke: ahah! hv̄sh aiahni cha ik hv̄chi komunto kashke: ilvppa puta kv̄t moyumvt ont a yvmohmi pulla hi oka: yohmi kia ont ai ishtaiyopi kv̄no keyu k̄isha hi oke.

7. Okla achvfa kv̄t okla mak inli ka it amokvfa he, mikmvt ap ehlichika achvfa kv̄t ap ehlichika mak inli ka it amokvfa hi oka: yohmikma hohchvfo chinto, micha ililli puta, mikmvt yakni winakvchi aiena kv̄t yakni kaniohmi ka ai itulvt aya hi oke.

8. Ilvppa puta kak osh nanukh̄aklo ai ishtia vmmona mak oke.

9. Yohmikma hv̄ch issikkopa ch̄i ka hv̄ch ishit okla ibbak hv̄chi fohki, mikmvt hv̄ch illich̄a hi oke; micha sa hohchifo pulla hatuk mak o oklushi moyumvt hv̄ch̄i nukkill̄a hi oke.

10. Yvma fokakma ibetv̄bli kv̄t laua he, micha ilap b̄ika atuk kia ishit okla h̄a im issa, micha ilap b̄ika it̄i nukkill̄a hi oke.

11. Mikma hopaīi ilahobi vt hiohli kv̄t laua cha, laua o yoshublich̄a hi oke.

12. Mikma nan ik vlhpeso bieka hatuk mak o i hullo atuk vt kapv̄ssvt taha kv̄t laua hi oke.

13. Yohmi kia kv̄na hosh achunanchit mah̄ayvt ai vhli ka ona hok mak osh mihi yosh okchaya hi oke.

14. Yohmi ka vba apehlichika isht anumpa hanta ilvppvt oklushi moyuma ka isht im ai atokowa he mak osh yakni mominchit ai annoa he: yvmohmi mak o ont ishtaiyopi kv̄t v̄la hi oke.

15. Yohmi hoka nan okp̄vni a i nukkilli v̄lhpesa ka hopaii Taniel vt isht anumpuli tok a, aholitopaka ya a hikia na hv̄sh pisa hokma, kv̄na hosh ilvppa it im anumpuli hokmvt, akostininchashke.

16. Yohmikma kv̄na hosh Chutea, ya maya tuk mvt, nv̄nih chaha puta ka pit ik o yihlepá;

17. Aboha pakna yo anta tuk vt akowvt, im aboha ya nana kia ont kohchit ik esho kashke;

18. Mikma osapa anuka yo anta tuk mvt, falamvt im ilefoka ya ont ik esho kashke.

19. Yohmikma nitak yv̄mma fehna ka kv̄na hosh v̄lla i foka hatuk, micha pishechi atuk aiena hokvto i palv̄mma he mak oke.

20. Yohmi kia hv̄sh yihlepa hi a hv̄shtula yokmá, keyukmvt nitak hullo nitak okmá, ik nano ka hi a vba pit hv̄sh asih̄h̄lashke.

21. Yv̄mma fehnakma na palv̄mmi kv̄t chinto fehna hosh takanla he, yakni vt toba vm̄mona tok ai v̄h̄lit mihintit himak a ai v̄la ka, yv̄mma chohmi kv̄t takali chatuk keyu, mikmvt himmakma nitak nana yv̄mma chohma he keyu ka hi oke.

22. Yohmi ka nitak yv̄mma chohmi ka ik falaiacho ho keyukma, hatak nana hosh okchaya he keyushke: yohmi kia nan v̄lhtoka v̄lheha ak pulla tuk mak o nitak yv̄mma puta kv̄t ik falaio ka hi oke.

23. Yvmohmikma hatak nana kia, Yakeh ! ilvppa Klaist vt antv̄shke, achi; keyukmvt yv̄mma antv̄shke, hv̄chim achi hoh kia, ik hv̄chi yimmo kashke.

24. Klaist ilahobi v̄hleha, micha hopaii ilahobi v̄hleha aiena kv̄t hioh̄lit nan isht atokowa chinto puta, mikmvt na fehna puta aiena ka okla otv̄nich̄a he; yvmohmi cha, yvm̄mvt yohma hinlakma, nan v̄lhtoka, v̄hleha fehna atuk kia yoshublich̄a hi oke.

25. Yakeh! tikbanli hvchim anoli lishke.

26. Yohmi hoka, yakeh! yvmmvt yakni haiaka ya anta hoke, hvchim achi hoh kia, kohchvt hvch ik aiyo kashke: micha, yakeh! vba potvlhpo a lumaka yak o yvmmvt anta hoke, hvchim achi hoh kia, ik hvchi yimmo kashke.

27. Malvtha kvv hvshi akochaka imma yo a kohchakmvt, hvshi aiokvtula ya pit tohwikelichi chatuk oka, Hatak Ushi vt minti kak kia yvmmak inli ho chiyuhma hi oke.

28. Kanima yo nan illi vt itonla hokma, mihi yo ossi puta mvt ai itahomba hi oke.

29. Na palvmmi nitak yvmmak atuk a in chekosikma, hvshi vt okhlilikma, anonti hvshi ninak aya mvt ik tommo ka he: mikma fochik puta kvv vba ya asht aka fohopakma, nan isht aiahlika puta vba shutik ash osh faiokahancha hi oke.

30. Yvmma fokakma, Hatak Ushi a isht atokowa kvv vba ya auet a haiaka hi oke: yohmikma oklushi moma yakni paknaka aiasha kvv yahaya he, mikma Hatak Ushi vt nan isht aiahlika, micha isht a holitopaka chinto aiena ka il ai eshi hosh vba hoshonti anukaka ya mihinti na okla pisa hi oke.

31. Atuk ma yvmmak ash osh im enchil vhleha ha isht-pufa ola chinto ieshi ho tihlihinlikma, ilap atokoli tok vhleha ha a mahli ushta shutik ont ai vhli achvfa ka vhlit ivt in tvnnvp pit a fullota ka a hoyot itahohomba hi oke.

32. Yohmi ka fik vpi nan isht vlhpisa ka hvsh ai ithv-nashke. Yvmmak okvt hishi toba chi hosh bokoblit tahakma, tofa yvt olanlosi vla ka hvsh ithana chatuk:

33. Yohmi hokvt na yakohmi puta ka hvsh pisakmvt, ai vla hosi, okhissa ak kia ai itukonofa hoka, hvsh ithanashke.

34. Ahli mak o hvchim achi lishke. Himak a okla asha ilvppvt ont ik taho kisha ho, na yakohmi puta kvv ont aiahla chi hoke.

35. Uba shutik micha yakni aiena kvto ont ai iksho ka he, amba vno vm anumpa puta hatuk vto ont ai iksho ka he keyu hoke.

36. Yohmi ka nitak yvmmak a he, micha hvshi kanvlli

vlhpisa a he aiena hokvno, hatak nana hosh, mikmvt enchil puta vba aiasha mak osh pit ithana keyu hō, amba Aki ak bano hoke.

37. Yohmi ka Noah hvt ahanta nitak a kaniohmi tok ma, Hatak Ushi vt mihinti kak kia yvmmak inli hō chiyuhma hi oke.

38. Oka falama yvt ik aiyo kisha nitak foka ma, impa micha nan ishko, itauwaya mikmvt itauwaya he im vlhpisa aiena hosh aiasha na Noah hvt peni chukowa he nitak vt ona tok,

39. Yohmi ma ik ithano hosh okla aiasha na oka falama yvt vla cha, mominchit ishit kaiyanchi tok a, Hatak Ushi vt mihinti kak kia yvmmak inli hō chiyuhma hi oke.

40. Yvma fokakma tuklo kvt osapa ya ashwa tuk ma; achvfa hō ai eshi na achvfa kvto anta he.

41. Ohoyo tuklo kvt nana a botoli a botoli hosh ashwa tuk ma; achvfa hō ai eshi na achvfa kvto anta hi oke.

42. Yohmi hoka hvchishno vt hvchin Chitokaka yvt ai vla he hvshi kanvlli vlhpisa ha hvsh ithana keyu kvt, okchvt hvsh hoyashke.

43. Yohmi kvt hatak chuka-chvfa pehlichy yatuk mvt hvshi kanvlli vlhpisa kaniohmi kak o na hukopa yvt aya hinla ka ithana hatuk okmvt, okcha pulla cha, im aboha yatuk mvt tiwa hi a ahna he tuk keyu, ilvppa hvsh ithanashke.

44. Yohmi hoka hvchishno ak kia hvchim vlhtahashke: yvmmak a he hvch ik aiahno hvshi kanvlli vlhpisa takla kia, Hatak Ushi vt vla hi oke.

45. Yohmi ka kvta hak osh tishu aiahli, hopoyuksa achukma aiena tuk o, i shahli hvt ilap in chuka chvfa ya apesvchit ont ai vlhpiesakma ilhpak ipihinta chi ka, atokoli tok oh cho?

46. Yvmohmi hosh ahanta hō, i shahli hatuk vt vla cha ant pisa chi ka, tishu yvmmvvt na yukpa hi oke.

47. Ahli mak o hvchi miha lishke, Yvmmak atuk ma nana im asha ka moma apesvchi mak o ikba hi oke.

48. Yohmi tuk kia tishu ik vlhpeso yo kvto chukvsh

anukaka, A shahli hvt ai vla he tuk vt vbanvblichishke, achi;

49. Yohmi cha tishu bika vhleha hash o bolit ishtia, yolimi mvt ishkot haksi vhleha ha it ibai impvt ibai ishkot ahanta hokmvno;

50. Tishu ymma i shahli hatuk vt, ymmak ash osh vla chi ik ahno nitak, mikmvt ik akostinincho i hvshi kanvlli vhpisa ho vla hi oke.

51. Yohmikmvt ymmak ash o chanlit ita hokofi cha, nan ilahobi vhleha isht ai im vhtoba mak o ibafohkit im apesa he: ymmak oka yahaya micha noti ahampa aiena he mak oke.

CHAPTA XXV.

Chisvs vt nitak ishtaiyopi vla hi oka isht anumpuli: yohmi kvrt, ohoyo himita hatak haleli keyu pokoli, 1 : 14 micha talent aiena ka nan isht apesvt anumpuli. 31 Chisvs vt vla cha nana apesa hi okvt isht anumpuli.

1. YUMMA fokakma vba apehlichika yvt ohoyo himithoa hatak ik halelo pokoli hosh pvla sholit, hatak himona itauwaya chi ka afamvt ilhkoli tok o chohma he.

2. Mihmvt tahlapi hosh hopoyuksa yokma, anonti tahlapi kvto ik hopoyukso ya tok.

3. Ik hopoyukso vhleha hatuk ash osh pvla ha okla ishi kia, bila yano okla ik esho ki tok.

4. Amba hopoyuksa hatuk okvto bila yvt aivlhto a abeha ho pvla ha aieninchit okla ishi tok.

5. Hatak himona ohoyo itauwaya chin tuk ash osh ile svlahachit anta na nosilhvt taha cha, okla nusi tok.

6. Atuk o ninak ont iklvna ma tahpahanla kvrt, Inta! hatak himona ohoyo itauwaya chin tuk ash osh mintishke, irt ont oh afamá, achi tok.

7. Yohmi ma ohoyo himithoa ymmak ash osh momvt tanit i pvla ha okla aiiskichi tok.

8. Mihma ik hopoyukso vhleha hash osh hopoyuksa

vhleha hash o, Pim p₁la hvt mosholi hoka, hvchi bila ya hvsh pipetashke, im achi tok.

9. Yohmi kia hopoyuksa vhleha ash osh afalaminchi mvt, Yohma he keyu; yvmmak keyukma, pishno micha hvchishno aiena ka hvpm ona he keyu hoka: amba ivt kanchi vhleha hak o ont hvsh in chumpa he, hvsh ahna he vlhpesvshke, achi tok.

10. Atuk o chumpvt ilhkoli takla ma, hatak himona itauwaya chin tuk ash osh v₁a tok; mihma im vlhtaha tuk vhleha hash osh apihvt ai itauwaya ya pit abeha na okhissa yvt vlhk₁ma tok.

11. I himmak o anonti ohoyo himithoa kashapa kash osh ai v₁a mvt, Chitokaka ma! Chitokaka ma! ish pin tiwashke, achi tok.

12. Yohmi kia yvmmak ash osh afalaminchi mvt, Ah₁ mak o hvchim achi lishke, Hvch ithanali keyushke, achi tok.

13. Yohmi ka Hatak Ushi vt ai v₁a he nitak, mikmvt hvshi kanvli vlhpisa aiena hoka pit hvsh ithana keyu hokvt, okhvt hvsh hoyashke.

14. Uba apelihchika yvt, hatak osh yakni hopaki nowvt aya chi hosh in tishu vhleha ha itahobi cha, nana im a₁sha tuk vt ibbak fohki tok o chohmi hoka.

15. Mihmvt achvfa ho talent tahlapi ho ima mvt, anonti achvfa ka tuklo ho ima, anonti achvfa ka achvfa ho ima tok; hatak vt kanimihcha hinla aiyuka ka ai vlhtokowa mak o ima tok; micha mih mak inli ho nowvt aya tok.

16. Yohmi ma talent tahlapi ishi tuk ash osh ia mvt, yvmmak ash o isht itatobvt, anonti talent tahlapi mak inli ka isht ikbi tok.

17. Mihma tuklo ho ishi tuk ash kia, yvmmak ash inli ho chohmit tuklo mak inli ka isht ahayuchi tok.

18. Amba achvfa ho ishi tuk okvto ia mvt, yakni o ont kulli cha, i shahli in tvli holisso atuk ash luhmi tok.

19. Atuk o hopakit taiyaha ma tishu vhleha yvma i shahli hash osh v₁a cha, yvmmak ash i hotinv₁t pisa tok.

20. Yohmi ma talent tahlapi ishi tuk ash osh, anonti

talent tahlapi mak inli ka aieninchit isht vla mvt, Chitokaka ma! yakeh! talent tahlapi hō is sūma tok: yummak atuk a talent tahlapi mak inli ka isht ahayuchi li tuk oke, achi tok.

21. I shahli hash osh, Ūlhpiesvshke, tishu aiahli achukma chia ma! nana kanomosi ka aiahli chi achukma hoka, nana lawa pehlichi a chikbi la chī hoke: chī shahli nan isht im ilaiyukpa ya ish chukowashke, im achi tok.

22. Mihma talent tuklo hō ishi tuk ash kia vla mvt, Chitokaka ma! yakeh! talent tuklo hō is sūma tok: yummak atuk a talent tuklo mak inli ka isht ahayuchi li tuk oke, achi tok.

23. I shahli hash osh, Ūlhpiesvshke, tishu aiahli achukma chia ma! nana kanomosi ka aiahli chia achukma hoka, nana lawa pehlichi a chikbi la chī hoke: chī shahli nan isht im ilaiyukpa ya ish chukowashke, im achi tok.

24. Yohmi ma talent achvfa hō ishi tuk ash osh vla mvt, Chitokaka ma! hatak palvmmi chia chatuk; chishno ak osh ish hokchi keyu kia, ish ai vmo chatuk; mikmvt chishno ak osh ish mvshlichi tuk keyu kia, ish pehli chatuk oke, chithanali tuk:

25. Yohmi hatuk osh sa nukshopa cha, ivt chin talent a yakni anuka yō luhmi li tuk oke: yakeh! chimmi hatuk vt yak chin tonlvshke, achi tok.

26. Mihma i shahli hash osh afalaminchi mvt, Tishu haksi nan intakobi chia hvt, vno ak osh hokchi li tuk keyu kia ai vmo likmvt, anonti vno ak osh a mvshlichi li tuk keyu kia, a pehli li chatuk a, ish ithana;

27. Yohmi hokvt an tvli holisso a tvli holisso abohli ya ont ish bohla he tuk: yohmi tuk ma minti li kv̄t vmmi atuk micha ushi atuk a aieninchit ishi la hi atuk oke.

28. Yohmi hoka talent a oh im ai eshi cha, talent pokoli ishi kak o oh imá.

29. K̄vna hosh ishi hok mak o ima na lauv̄t im aiasha hi oka: amba ik im iksho hatuk okvno ishi tuk ash kia, im ai isha he oke.

30. Mikmvt tishu ik ahobo yokvno kocha aiokhlilika mak

o pit hvsh kanchashke: yvmmak oka yahaya micha noti ahampa aiena mak a hi oke, im achi tok.

31. Hatak Ushi vt, enchil vhleha moma kvt apiha ho, ilap isht aholitopaka il ai ishit vla he, yohmikmvt im ai om binili holitopa yatuk ma om binila he oke.

32. Yohmikma itikba ya oklushi moma kvt ai itahoba he: yohmikma yvmmak ash osh yvmma achafolichit iti filamohlichi kvt, chukfulhpoba apesvchi vt chukfulhpoba ya isi kosoma iti filamohlichi chatuk mak o chiyuhma he.

33. Mikmvt chukfulhpoba ya im ibbak isht-impak imma yak o ashachikmvt, amba isi kosoma yokvno vlhfvbekimma yo ashacha he.

34. Yohmikmvt Miko ash osh im ibbak isht-impak-imma asha kash o, Aki i holitopa hvchia ma! ho minti, vba apelihika yakni vt ik tobo kisha mak o hvchim vlhtaha tok vt hvsh ai ahantashke.

35. Vno vt sa hohchvfo ma, ilhpak a hvs svpeta tok: sa tukshila ma, nana ho hvs svshkochechi tok: hatak ik ithano sia hatuk a, aboha ya ik chukowa, hvs svm aiahni tok:

36. Sa nipi bano ma, nana hvs sa fohkichi tok: si abeka ma, ant hvs sa pesa tok: vno vt aboha kvllo foka li ma, ant hvs sa nowa tok okvt, im acha he.

37. Yohmikma hopoyuksa vhleha hash osh im afalaminchi kvt, Chitokaka ma! katiohmi kash o chishno vt chi hohchvfo tuk a, e chi pisa cha nana e chipeta tok o? micha chi tukshila tuk a, nana e chishkochechi tok o?

38. Katiohmi kash o hatak ik ithano chia hatuk a e chi pisa cha, aboha ya ik chukowa, e chim aiahni tok o? mihmvt chi nipi bano tuk a, nana e chi fohkichi tok o?

39. Michi katiohmi kash o chi abeka, mihmvt aboha kvllo ish foka aiena tuk a, e chi pisa cha, a chi nowa tok oh cho? acha he.

40. Mikma Miko vt afalaminchikmvt Ahli mak o hvchi miha lishke, Itibapishi li vhleha yakohmi ka moma ik lauwo achvfona ka kaniohmi ho hvsh ai i yvmohmi tuk okvt, vno ak o hvs sa yvmohmi mak atuk oke, im acha hi oke.

41. Yohmikmvt ibbak vlhfvbeka imma asha tuk ash kia,

Issikkopa he vlhpesa hvchia hvt, a filvmmi^t luak ataha iksho, Setan micha imi shilombish okpulo vhleha aiena im vlhtaha tok mak o, hvsh ilhkolashke.

42. Ŭno vt sa hohchvfo ma, ilhpak nana kia hvch ik sapeto ki tok: sa tukshila ma, nana kia hvch ik svshkochecho ki tok: hatak ik ithano sia hatuk a, aboha ya ik chukowa hvch ik sv^m ahno tok: si abeka, micha aboha kv^llo foka li aiena ma, ant hvch ik sa nowo ki tok okvt, im acha he.

44. Yohmikma yvmmak ash kia afalaminchi kv^t, Chitokaka ma! katiohmi kash o chi hochaiyafo, mihmvt chi tukshila, micha hatak ik ithano chia, mihmvt chi nipi bano, chi abeka, mihmvt aboha kv^llo ish foka aiena ka e chi pisa cha ke chi apelacho ke tuk oh cho? acha hi oke.

45. Yohmikma yvmmak ash osh afalaminchikmvt, Ahli mak o hvchi miha lishke, Yakohmi ka moma ik lauwo achvfona kia kaniohmi ka a hvch ik i yvmihcho tok mvt, vno ak o hvch ik sa yvmihcho tok mak oke, acha hi oke.

46. Yohmikma yakohmi kash osh ai issikkopa bilia mak o pit ilhkola he, amba hopoyuksa yokvto aiokchayvt bilia yo ia hi oke.

CHAPTA XXVI.

Na pehlichⁱ vhleha hvt it afama cha, Chisvs a vba chi kv^t isht anum-puli. 1. 6 Ohoyo hosh nan-ahama ya Chisvs noshkobo isht im a hvmmi. 14 Chutas Iskaliot vt Chisvs a tvli hvta pokoli tuchina ho ishit kanchi. 17 Chisvs vt nan im ai ithvna vhleha ha nan vban-vblit ontia it ibai impa; 26 mihmvt opiaka na holitopa impa isht vlhpisa ka apesa, 30 mihmvt kohchvt nvⁿih chaha Alif a ona; mihmvt Pita yvt ik ithano miha chi ka tikbanlit anoli. 36 Chisvs vt Ketsemane osapushi ont chukowa cha, vba pit anum-puli. Chutas Iskaliot vt hatak na-halupa sholi bieka ho pehlichⁱ cha, Chisvs a ont ishi. 57 Okla hvt Chisvs a ishi mvt na holitomp^a isht a^sha pehlichⁱ in chuka holitomp^a isht ona mvt, okla hash osh kalakshichit on tuftua. 69 Pita yvt in Chitokaka ya ik ithano il ahobi: yohmit ashvchi tok vt nukhaklo.

1. ATUK o yakohmi tok; Chisvs vt anumpa ilvppa moma ka ahanchit ont in taiyaha mvt, nan im ai ithvna vhleha hash o,

2. Nitak tuklokma vbanvblit-ontia impa hvt asha chi, mikma Hatak Ushi vt iti-taiyukhna ahonvhlvt illa chi mak o, ishit okla ibbak fohka chi ka hvsh ithaiyanvshke, im achi tok.

3. Yvmma foka ma na holitompa isht asha pehlich ihleha, mikmvt na holissochi ihleha, mikmvt okla ha i hochitoka ihleha aiena kvt na holitompa isht asha pehlich Kaiafas hohchifo ho im aboha holitopa ya ai itvnaha tok.

4. Mihmvt haksichi hosh Chisvs a okla ishi cha, vba hinla kvt it im anumpulit maya tok.

5. Yohmi kia, Impa chito asha nitak ak o keyu ho, yvmmak keyukma okla hvt i sanali fehna hinla yoba ka achi tok.

6. Atuk o Chisvs vt Betani a Saimon leplosi vbi a tok in chuka ya asha ma,

7. Ohoyo pash-ahama holitompa fehna alabasta itombu shi achvfa ho ishi kvt im ona mvt, impa hosh asha ma, nosh-kobo a ont o fohobli tok.

8. Yohmi kia nan im ai itvna ihleha hash osh pisa kvt, okla ik im vlhpeso fehna mvt, Katiohmi mak o ilvppvt yakohmit okpulo cho?

9. Pash-ahama ilvppvt law kia isht vlhtoba cha, ilbvsha ihleha ha i holhpela hinla tuk oka, achi tok.

10. Chisvs vt akostininchi mvt, Nanta katiohmi ho ohoyo ha hvsh ataklvmmichi cho? ilvppak okvt nan achukma mak o isht vm ai yvmihchi hoka.

11. Ilbvsha yokvto hvchim asha bilia cha tuk : amba vno yokvto hvch ibatakla li bilia keyushke.

12. Pash-ahama ilvppa sa haknip a o fohobli hokvt, sa hollopa chi kak o vm atahli hosh yvmihchi hatuk oke.

13. Ahli mak o hvchi miha lishke, Yakni moma ka kan-ima fehna yo vbanumpa ilvppvt isht ai anuhumpakma, nana ka ohoyo ilvppvt yakohmichi tuk a yvmmak ash o isht ithaiyana hi a, anohowa hi oke, im achi tok.

14. Yvmma foka ma auah tuklo tuk ash achvfv Chutas Iskaliot hohchifo hosh ivt na holitompa isht asha pehlich ihleha hash o im ona tok.

15. Mihmvt, Yummak oka ishit hvchim issa la chi ka nanta ho hvs soma hinla cho? yummak ash o im achi tok. Mihma tvli hvta boshulli pokoli tuchina hi o okla i kahli tok.

16. Yohmi ma nitak yumma ai vhlit mahaya ka yummak ash o kaniohmichit ishit im issa he akostininchī bahana tok.

17. Yohmi tuk o pvska ik shatvmmo vpa nitak vmmona ho nan ithvna vhleha hv Chisvs a im ai ona mvt, Ubanvblit-ont ia ish impa chi ka, katima yak o ont e chim ai atahla hi a ish ahni cho? im achi tok.

18. Mihma yummak ash osh, Ivt tmaha ha hvsh onak mvt, hatak yummak o hvsh im ona cha, Nan ithvnanchi vt, Nitak vt vm ai ona hosishke: chin chuka ak o nan vm ai ithvna vhleha ha pehlichit vbanvblit-ontia ya a holitobli la chi hoke, achi kano, hvsh im achashke, achi tok.

19. Yohmi ma nan ithvna vhleha hash osh, Chisvs vt ai im atokoli tuk mak o yvmohmi tok; micha vbanvblit-ontia ya okla atahli tok.

20. Yohmi ma ont opivt taha ma, auah tuklo kash o pehlichī cha impa chi hosh binili tok.

21. Atuk osh okla impvt maya ma, Ahli mak o hvchi miha lishke, Hvsh achvfona kvv svshit okla ha hvsh im issa chi hoke, achi tok.

22. Mihma okla nukhaklo fehna mvt, achvfaiyukvt momvt, Chitokaka ma! vno ak oh cho? im achi tok.

23. Mihma yummak ash osh afalaminchi mvt, Kvna hosh ampo a ibbak a pit svb ai okvchikmvt, mihi yosh svshit okla ha im issa chi mak oke.

24. Kaniohmit isht holihiso tok mak o Hatak Ushi vt a yvmohmi hoke: amba Hatak Ushi a ishit inla ya im issa hatak okvto i palvmma chi mak oke; hatak yummak okvt ik tobo tok okmak osh im achukma hi atuk oke achi tok.

25. Yohmi ma ishit inla ya im issa Chutas ash osh afalaminchi mvt, A shali ma! vno ak oh cho? achi ma, Ahli, ish mibvshke, achi tok.

26. Mihmvt okla impa hosh maya ma, Chisvs vt pvska ya ishi cha, vba pit aiokpvchi mvt, tushahlichī cha, nan ithvna

vhleha hash o pit ima mvt, Ilvppvt sa haknip mak oke ;
ishit oh vpa, achi tok.

27. Mihmvt isht-ishko ya ishi cha vba pit aiokpvchi mvt,
yvmmak ash o pit ima mvt, Hvsh moma kvv hvsh ish-
kashke.

28. Ilvppak okvt svssish nan isht vhpisa himona, laua
kvv nan ai ashvchika puta isht i kashofa he mak o, hlatapa
hatuk oka.

29. Yohmi kia himak a pilla ma pkvpi vnit waya ilvppa
ak ishko mak atuk osh himonvchit Aki apehlichika ya a
hvch ibai ishko la he nitak mak a hi oke, hvchim achi lish-
ke, achi tok.

30. Mihma vba isht taloa ya okla talovt issa mvt, okla
kohevvt nvnih Alif a pit ilhkoli tok.

31. Yohmi ma Chisvs vt yvmmak ash o, Himak ninak a
vno ak atuk mak o hvsh moma kvv hvch ibetvbla chi hoke.
Chukfulhpoba apesvchi a issot kanchi likma, chukfulhpoba
atuk vt itafimimpvt aya he, achi hosh holisso hatuk oka.

32. Yohmi kia falamvt tani li ha yokvto, hvchi tikba Ka-
lili a ona la chi, im achi tok.

33. Pita yvt afalaminchi mvt, Moma kvv chishno ak atuk
mak o isht ai ibetvbli kia, vno yokvto nitak nana si a ibetvb-
la he keyushke, im achi tok.

34. Mihma Chisvs vt, Ahli mak o chi miha lishke, Himak
ninak a akaka yvt ik olo kisha ho, hituchina ha chik svthano
ka ish miha chi hoke, im achi tok.

35. Pita yash osh, Chi awant svlla chi ik nana kia, ak
chithano miha la he keyushke, im achi tok. Mihma nan
ithvna vhleha hvv momvt yvmmak inli ho miha tok.

36. Yvma foka ma Chisvs vt yvmmak ash o pehlichika
cha, yakni Ketsemane hohchifo ho ona mvt, nan im ai ithv-
na vhleha hash o, yvma ivt ont vba pit anumpvli li takla
ka, ilvppak inli ho hvsh chiyashke, im achi tok.

37. Mihmvt Pita, micha Sebate ushi tuklo aiena kvno
pehlichika ia tok ; mihmvt nukhaklo fehvvt i wekit kvnia
tok.

38. Yohmi mvt yvmmak ash o, Sa shilombish vt nukhak-

lo fehna, illa he ak kia chiyuhmishke : ilvppak inli hō chiyvt hvs svb ai okchashke, im achi tok.

39. Mihmvt achakalit ivt misha ituma ona mvt, hlipvt itula cha, vba pit anumpuli mvt, Aki ma ! yohma hinla yoba hokma, isht-ishko ilvppvt a kanvllashke : yohmi kia vno ak osh ahni li kak keyu, amba chishno ish ahni kak ashke.

40. Mihmvt mintit nan ithvna aiasha kash o vla mvt, nusi hosh maya na ant pisa cha, Pita yash o, Hvs svb ai okcha na hvshi kanvlli achvfa ka ona hinla keyu mak oh cho ?

41. Okchvt vba pit hvsh anumpohonli cha, ayoshuba ya hvch ik iba chukowo kashke : shilombish okvto im vlhtaha ho mvhli, amba nipi ak osh tikambishke, im achi tok.

42. Anonti atukla ma ia cha, ont vba pit anumpuli mvt, Aki ma ! isht-ishko ilvppa ai ishko li ha yo keyukma, a kanvlla he keyu hokma, chishno nana ish aiahni ka yvmoh-mashke, achi tok.

43. Micha vla mvt, anonti nusi hosh maya na ant pisa tok : nishkin ak osh weki hatuk okvt.

44. Mihma anonti issvt ia mvt, ont atuchina ma vba pit anumpuli kv, anumpa yvmmak ash inli hō miha tok.

45. Yohmi mvt nan im ai ithvna aiasha kash o vla mvt, Himmak mak o mayvt nusit hvsh fohashke ; inta ! hvshi kanvlli vlhpisa hv ai ona mak oke ; yohmi ka Hatak Ushi a haksichit nan ashvchi vhleha ibbak sa fohka chi mak oke.

46. Ho taní, kiloh ilhkolí, yakeh ! sa haksichit okla ibbak sa fohka chi hokvt olanlosi vlshke, im achi tok.

47. Mihma anumpohonli moma hō, auah tuklo atuk achvfa Chutas vt na holitompa isht asha pehlichí vhleha micha okla i hochitoka vhleha aiena im anumpa hō okla chinto bvshpo falaia puta, mikmvt iti tvptua aiena sholi hō, pehlichí cha vla tok.

48. Yohmi kv haksichit okla ibbak fohka chi, yvmmak okvt isht akostinincha hi a im anoli kv, Kvna hō ont i suk-sowa likma, yvmmak osh mih mak a chi hoke ; kvlochit hvsh ishashke, achi tok.

49. Mihmvt yvmmak ash osh Chisvs a im ona mvt, A shahli ma ! na chi yukpashke, achi mvt, i suksowa tok.

50. Mihma Chisvs vt, A kana hvt katiohmi hō ish la cho? im achi tok. Yohmi ma okla ai onvt Chisvs ash o itī hoklit ishi tok.

51. Yohmi ma Chisvs a apehvt aya tuk vt achvfa hosh ibbak atuk ma i bvshpo falaia ya pit ishit shufi mvt, na holitompā isht asha pehlichī in tishu hō isht fahamvt, haksobish a chanlit tvbli tok.

52. Yvmma foka ma Chisvs ash osh, Chim bvshpo falaia a falaminchit afohka ya pit ish fohkashke: kvna hosh bvshpo falaia yo ishi hokvto, bvshpo falaia yo isht illa he bano hoka.

53. Himonasi ak kia Aki a pit im asilhha li hok ma, ashali-
lika enchil vhleha lechvn auah tuklo atampa ka auet vma hinla ka ik chim ahobo cho?

54. Yohmi hokma katiohmi hosh yakohma hi a tok vt Baibil vt ont aiahla hinla cho? im achi tok.

55. Chisvs vt hvshi kanvlli vlhpisa yvmmak inli hō okla laua yash o, Hatak hukopa yo ayvt i kohcha hō chiyuhmit bvshpo falaia, mikmvt itī tvptua aiena sholi hosh hvs svsha chī kvv hvsh itvnowa cho? tempel anukaka ya nana ai ithv-nanchit nitak moma hvch itintakla binili li ka itī hoklit hvch ik sasho chatuk oke, im achi tok.

56. Yohmi kia hopaii vhleha hvt holissohonchi tok a ont aiahla chī mak o, ilvppa moma kvv yakohmi tok. Yohmi ma nan ithvna vhleha hatuk vt momvt yvmmak ash o issvt yihlepa tok.

57. Yohmi ma Chisvs a itī hoklit ishi tuk vhleha hash osh yvmmak ash o ilaelit ivt na holitompā isht asha pehlichī i shahli Kaiafas a isht im ona tok; yvmmak o na holissochi vhleha, mikmvt hochitoka vhleha aiena kvv ai itvnavt maya hatuk oka.

58. Yohmi ma Pita yvt auet i mishemanchit pit iakaiyvt yahayvt na holitompā isht asha pehlichī i shahli im aboha holitopa hatuk ma ont chukovvt, ont ishtaiyopi ka pisa chī hosh tishu vhleha ha takla ont binili tok.

59. Mihma na holitompā isht asha pehlichī vhleha, micha hochitoka vhleha, mikmvt nan-apesa moyuma kvv Chisvs a

vba chi kv̄t, anumpa ik aḥlo isht atokola hi a hoyot aiasha tok.

60. Yohmi kia ik ahayucho tok. Anumpa ik aḥlo isht atokoli hokv̄to lauv̄t ai ahanla mv̄hli kia, ai v̄lhpesa hi a ik ahayucho tok. Ont ishtaiyopi ma anumpa ik aḥlo isht atokoli vt tuklo hosh v̄la tok;

61. Mihmv̄t, Ilv̄ppvt Chihowa in tempel a okpv̄ni li tuk mv̄t, anonti nitak tuchinakma ikbit tahli la hinla hoka, achi kv̄no, achi tok.

62. Yohmi ma na holitompa isht aḥsha pehlich̄i i shahli vt wakaya mv̄t, afalaminchit, Afalaminchit nana kia chik acho cho? nanta mak o yakohmit isht chi atokoli cho? im achi tok.

63. Yohmi kia Chisvs vt nana ik acho ki tok. Mihma na holitompa isht aḥsha pehlich̄i i shahli vt anumpuli mv̄t, Chishno ak osh Klaist Chihowa Ushi chia hatuk okmv̄t, keyukma nana hatuk okmv̄t, ish pim anola he mak o Chihowa okchaya pulla ka isht a chim apesa lishke, im achi tok.

64. Mihma Chisvs vt, V̄lhpesa ish mihv̄shke: yohmi kia, Himak a pilla ma Hatak Ushi vt nan oklv̄ha im aiya im ibbak-ishtimpakimma ya binili, micha vba hoshonti anukaka minti aiena h̄o hv̄sh pisa hi oke, hv̄chim achi lishke, im achi tok.

65. Yohmi ma na holitompa isht aḥsha pehlich̄i i shahli ash osh im ilefoka, im anchi aieninchit ita hlilv̄ffi mv̄t, Chihowa ik ahobalot anumpa ha anumpulishke; himmakma nan-isht ai atokowa katiohmi h̄o iloh ahna hinla cho? inta! himak okv̄no Chihowa ik ahobalot anumpuli ka hv̄chishno vt hv̄sh hakloshke.

66. Katiohmi hv̄chim anukfila cho? achi ma, okla afalaminchi mv̄t, Illa he ak o v̄lhpesa hoke, achi tok.

67. Yohmi ma nashuka ya on tuftua ma, ibbak a bonulit isht isso tok, kanimi kv̄t ibbak a isht pasalich̄i mv̄t,

68. Klaist chia ma! kv̄na hosh chisso hokma, akostininchit pin anol̄i, achi tok.

69. Yohmi ma Pita yv̄t aboha holitompa kocha ya aḥsha

tok: mihma ohoyo himita yosh yummak ash o vla mvt, Chishno ak kia Chisvs Kalili vtta ya awant ish aya kamo, achi tok.

70. Yohmi kia moma itikba yatuk ma ik ithano ilahobit, Nana ish miha hoka, ak akostininchoshke, achi tok.

71. Micha kohchvt ivt apishia ona ma, ohoyo himita inla yosh pisa mvt, yumma maya kash o, Ilvppak kia Chisvs Nasalet vtta ya awant aya kamo, im achi tok.

72. Mihma anonti anumpa kvllo isht il onochit ik ithano ilahobit, Hatak yumma ithana li keyushke, achi tok.

73. Atuk o in chekosi ma bilikasi hiohmaya tuk ash osh ai vla mvt, Pita yash o, Chishno ak kia okla yumma ish ib ai achvfa yatuk o pullvshke; chim anumpa hvt chi otv nich i hoka, im achi tok.

74. Yohmi ma yummak ash osh, Hatak yumma ithana li keyushke, achit ik ahobalot anumpulit anumpa kvllo isht il onochit ishtia tok. Mihma chekosi mak inli ho akaka yvt ola tok.

75. Yohmi ma Pita yash osh, Akaka yvt ik olo kisha ho, hituchina ha chik svthano ish miha chi hoke, im achi tok, Chisvs im anumpa hash pit ithaiyana tok. Mihmvt kocha ia cha, yahaya fehna tok oke.

CHAPTA XXVII.

Na holitompa isht asha pehlich i vhleha hash osh Chisvs a Pailat Loman i miko ak o isht im ona, 1; 3 mihma Chutas Iskaliot vt ile nuksiteli. 19 Pailat tekchi vt Chisvs a nana ik kanimihcho hok bano im ahni; yohmi kia na holitompa isht asha vhleha hvt nan ahni kak o vlhpesa im ahni cha, 26 Balabas ak o peh i hotofi mvt, Chisvs vto illa chi mak o miha. 27 Loman tvshka chipota vhleha vt Chisvs a ishi cha, kvti halupa yo noshkobo ha isht iachukolichi. 32 Tvshka chipota yvt Chisvs a ishit Kalkohla ona cha, im ilefoka yash na shoeli isht apesvt im ishi mvt, Chisvs ash iti-taiyukhvna ahonvhl ichi ma; 50 Chisvs vt chitoli fehnvt tahpela mvt, illit kvenia, illi ma na fehna kv t ai yvmohmi. 57 Chosef Alimahlea vtta yak osh, Chisvs vt iti-taiyukhvna takali tuk a ishit akvchi, micha hatak illi ai asha himona ilap immi ak inli ho fohkit bohli.

62 Na holitompā isht āsha pehlichī v̄hleha hāk osh asih̄hla mā, Pailat vt tv̄shka chipota yā atoinchi na Chisvs ahollopi ā atoni.

1. ONT onnv̄t taha mā na holitompā isht āsha pehlichī v̄hleha hv̄t moma, micha okla ī hochitoka v̄hleha aiena kv̄t Chisvs ā v̄ba chī kv̄t isht it im anumpulit māya tok.

2. Micha yv̄mmak ash ō okla takchi mv̄t, ilauelet isht ivt, nahullo m̄iko Pantivs Pailat ibbak ā ont fohki tok.

3. Yv̄mma foka mā yv̄mma ishit okla hā im issa tuk Chutas ash osh yv̄mma illi issa na pisa mv̄t, inlv̄t im anukfila cha, tv̄li hv̄ta boshulli pokoli tuchina kash ō falaminchit na holitompā isht āsha pehlichī v̄hleha micha hochitoka v̄hleha aiena ka isht om ona mv̄t,

4. Nan ashv̄chi keyu issish ō ishit okla hā im issa li hv̄t ashv̄chi lishke, achi tok. Mihma, Yv̄mmv̄t nanta isht pī ahalaia cho? yv̄mmak okv̄no chishno ak inli hosh ish pisashke, achi tok.

5. Mihma tv̄li hv̄ta boshulli ā tempel anukaka yā pit fohobli cha, kocha ia mv̄t, ont ile nukseteli tok.

6. Yohmi mā na holitompā isht āsha pehlichī v̄hleha hash osh tv̄li hv̄ta boshulli ash ishi mv̄t, Tv̄li holisso ai itahoba holitopa yā pit fohka he v̄lhpesa keyu, issish ō isht vlhtoba hatuk oka, achi tok.

7. Yohmi mv̄t okla isht im anumpulit māya cha, oklushi inla hatak puta ka ā hollopa hi vt shuti-tv̄na im osapa yō isht chumpa tok.

8. Yv̄mohmi hatuk ō osapa yv̄mmv̄t, Osapa issish hohchifo tok vt himak nitak ā moyuma hoke.

9. Yv̄mohmi mā hopaii Chelemaias vt anumpuli mv̄t, Is-lael ushi v̄hleha hv̄t ai vlhtoba he okla apesa tok mak ō ai vlhtoba he v̄lhpesa tuk vlhtoba tv̄li hv̄ta boshulli pokoli tuchina ka okla ishi tok.

10. Micha Chitokaka yv̄t v̄m apesa tok mak ō, shuti-tv̄na atuk im osapa yō isht atobbi tok; achi tok ā ont aiahli tok.

11. Mihma Chisvs vt nahullo m̄iko itikba yā hikia tok; mihma nahullo m̄iko vt yv̄mmak ash ō ī ponaklot, Chishno ak osh Chu okla hā ī m̄iko chia mak oh cho? achi

tok. Mihma Chisvs vt, Ulhpesa hō ish mihvshke, im achi tok.

12. Atuk o na holitompa isht asha pehlichi vhleha, mikmvt hochitoka vhleha aiena kv̄t nan isht mihachi ka, nanasi kia ilapvt afalaminchit ik miho ki tok.

13. Yohmi ma Pailat ash osh, Nana lawa ka isht a chi atokoli ka chik haklo ho tuma? im achi tok.

14. Yohmi ma yvmmak ash osh anumpa achvfa kia ik im afalamincho ki tok; yohmi hatuk o nahullo miko ash osh nukhlakancha fehna tok.

15. Micha vbanvblit ontia impa ashakma, kvna hō okla ahnikma, nahullo miko vt yukvt talakchi atuk a okla hā imi hotofi chatuk a tok.

16. Atuk o yvmma fehna ma annohowa fehna chatuk yukvt talakchit Balabas hohchifo hosh okla hā im anta tok.

17, 18. Yohmi hatuk o Pailat ash osh yvmma okla isht ik i yukpo kak osh ishit okla hā im issa hatuk a, ithana hatuk osh, okla itvnahvt taiyaha ma, Kvta mak o hvchim̄ hotofi la he a hvsh aiahni cho? Balabas ak okmá, keyukmvt, Chisvs osh Klaist hohchifo kak okmá, katimampo kak a chi cho? im achi tok.

19. Mihmvt nan-apesa aiasha ya ont binili ma, tekchi vt pit im anolit, Yvmmak atuk mak o himak nitak a si holhpokunvt nana isht ik svm ai achukmo kv̄t an laua hatuk oka, hatak ahli achukma yvmma nana chik kanihecho kashke, achi tok.

20. Yohmi kia na holitompa isht asha pehlichi vhleha, micha hochitoka vhleha aiena hokvto Balabas ak o okla asilha cha, Chisvs ak o vba chi ka, okla laua ya atohnochi tok.

21. Nahullo miko ash osh afalaminchi mvt, Tuklo ka katimampo hvchim i hotofi la hi a hvsh aiahni cho? im achi ma, Balabas ak o, okla achi tok.

22. Pailat ash osh, Yohmikmvt Chisvs osh Klaist hohchifo kvno, nanta hak o katimihchi la hinla cho? im achi ma, Iti-taiyukhvna yak o ahonvhlvt illashke, momvt okla achi tok.

23. Mihma nahullo miko ash osh, Katiohmi hō? nan okpulo nanta mak o yvmohmi tuk oh cho? achi tok, Yohmi

kia i shahlichit tahpvlvt, Iti-taiyukhvna yak o ahonvhlvt illashke, okla achi tok.

24. Pailat ash osh ilapvt na kanihma he keyu, amba ya-hapa kak osh i shahlit toba pulla hi a akostininchi mvt, oka kapvssa ya ishi cha, okla itikba ya ibbak ai achifa mvt, Hatak ahli achukma ilvppa im issish a isht si ahalaia keyu mak oke: hvchishno ak osh isht hvsh ashashke, im achi tok.

25. Yohmi ma okla momvt afalaminchi mvt, Im issish vt pishno, micha pim vlla aiena kak o onvtonlashke, im achi tok.

26. Yohmi ma yvmmak ash osh Balabas ak o okla ha imi hotofi tok: micha Chisvs ash o fvmmit issa mvt, iti-taiyukhvna ahonvhla chi mak o im issa tok.

27. Yvmma foka ma nahullo miko in tvshka chipota vhleha hash osh Chisvs a ishtivt nana ai apesa yo isht ona mvt, tvshka chipota vhleha ha mominchit ont im itvnahli tok.

28. Mihmvt nafohka ya i shoeli cha tvshka chipota peh-lichi i nafohka humma yo ishit fohkvchichi tok.

29. Micha kvti iachuka ho okla tvnvt tahli mvt, noshkobo ha iachukolichi cha, anonti ibbak isht impakimma ya kushak o pit fohki tok: mihmvt itikba ya okla i hvchukbihlepa cha, isht yopulvt, Chu okla i miko ma! na chi yuk-pashke, achi tok.

30. Mihmvt yvmmak ash o okla on tuftua, micha kushak ash ishi cha, noshkobo ha isht boli aiena tok.

31. Mihmvt yvmmak ash o okla ishit yopulvt issa mvt, tvshka chipota i nafoka humma yash o i shufi cha, ilap i nafoka yash inli ho fohkvchichi mvt, iti-taiyukhvna ahonvh-licha chi hosh ilauelet ishtia tok.

32. Atuk osh okla ont kocha wiha fehna mvt, Saileni hatak Saimon hohchifo ho okla pisa tok: mihmvt im iti-taiyukhvna ya yvmmak osh shola he a okla atohnochi tok.

33. Atuk osh yakni Kalkohla hohchifo yvmmt, Noshkobo foni aiasha, achi mak o ona ma,

34. Yvmmak ash o ishka chi ka wineka yosh basunlvsh okchi yvt ibvlhto ho ipeta tok: mihma yvmmak ash o ish-kot pisa mvt, ishka he keyu ki tok.

35. Mihma yvmmak ash o iti-taiyukhvna okla ahonvhli-chi mvt, na shoeli o im ilefoka yatuk ash isht iti hopela tok; hopaii vt, anumpuli mvt, Um ilefoka yatuk puta ka okla iti hopela mvt, anonti vm ilefoka lumbo atuk a okla nan-isht a shoelishke, achi tok vt aiahla chi mak a tok.

36. Micha okla hash osh yvmmak o aka binohli cha, yvmmak ash atoni tok.

37. Mihmvt noshkobo paknaka anumpa onvtula holisso hvt, ILUPPAK OSH CHISVS CHU OKLA I MIKO MAK OKE, achi ho takalichi tok.

38. Yohmi ma hatak hukopa tuklo hosh apihvt ititai-yukhvna ahonvhla tok; achvfa kvt ibbak isht impakimma yo takali ma, anonti achvftv vlfvfbekimma yo takali tok.

39. Mihma yvmma bilikasi ont ihiya kvt yvmmak ash o ik ahobalot pit i yuchunukli beka tok.

40. Mihmvt, Tempel a okpvni cha, anonti nitak tuchinak-ma ikbit tahli chia hvt, ish ile okchalinchashke, Chihowa a Ushi chia hokmvt, iti-taiyukhvna ya auet akowá, achi tok.

41. Na holitompa isht asha pehlichí vhleha ak kia na holissochi vhleha, micha hochitoka vhleha ai itapeha kvt yvmmak ash o ishit yopulvt,

42. Inla yokvno okchalínchi hatuk okak osh, ilap inli kvto ile okchalíncha he keyushke. Ilvppak osh Israel a i miko yatuk okmvt, himonasi ak o iti-taiyukhvna ya auet ik akowá, yohmikmak o iloh i yimmashke.

43. Chihowa ya anukcheto atuk oka, yvmmak osh i hullo hatuk okmvt, himonasi a ant ik hlakofichí; Chihowa Ushi sia hoke, achi hatuk oka achi tok.

44. Hatak hukopa tuklo yvmma apihvt iti-taiyukhvna ahonvhla tuk kak kia ik ahobalo kvt, yvmmak inli ho, choh-michi tok.

45. Yohmi ma hvshi kanvlli vllhpisa ont isht hannalik fehna ai vhlit ivt, hvshi kanvlli vllhpisa isht chakkali ona ka, yakni moma ka ai okhlilit kvenia tok.

46. Yohmi ma hvshi kanvlli vllhpisa ont isht chakkali foka ma, Chisvs vt chitoli fehna hosh tahpvlvt, Eli, Eli, lama sabakhiani? achi tok; yvmmvt an Chihowa ma! an

Chihowa ma! nanta katiohmi ho is sa kanchi cho? achi hoke.

47. Mihma yvmma hiohmaya tuk vt kanimi kvv haklo mvt, Hatak ilvppvt Elias a pit i howvshke, achi tok.

48. Mihma mih mak inli ho achvvt malelit ia mvt, na shatvmmi o ont ishi cha wineka alotoli mvt, kvshak o takalichi cha, yvmmak ash o ishka chi ka pit ipeta tok.

49. Mihma inla ka yash osh, Ik ashá, Elias vt okchalinchit aya hinlakmá, nanakmá, keho pesá, achi tok.

50. Mihma Chisvs vt atukla ma chitoli fehna hosh tahpvla mvt, fiopissa tok.

51. Yohmi ma nantvna tempel anukaka takali tuk vt paknaka ak o a hlilavt ia mvt, aka ont taha cha tuklo tok: mihma yakni vt winakahanchi ma, tvli hochito puta kvv bakahli tok.

52. Mihma hatak ahollopi puta kvv tiwa ma, vbanumpuli puta haknip mavvt nusi tuk vt lava kvv tani tok.

53. Atuk osh Chisvs vt illi tuk vt falamvt tani ma, ahollopi puta ka akohcha wihvt ia mvt, tvnaha holitopa ya onvt lava ka i haiaka tok.

54. Sintulion micha apihvt mavvt Chisvs a apesvchi tuk aiena kash osh yakni winakvchi, mihmvt nana kvv ai yakohmi puta na pisa mvt, okla nukshopa fehna mvt, Ilvppak okvt Chihowa ha Ushi yo mvhli tuk pullvshke, achi tok.

55. Yokmi ma ohoyo lava Chisvs a apehvt Kalili a asht, mintit yvmma nan im atahli yatuk vt yvmma maya cha, auet mishema ho pit pisa tok.

56. Yvmma takla maya kvv, Meli Maktalene micha Meli, Chemis, mikmvt Choses aiena ishki, mikmvt Sebeteshi vhleha ha ishki ak osh aiena tok.

57. Ont opivt taiyaha ma hatak nan in lava Alimahlea vttá Choséf hochhifo hosh, yvmmak kia Chisvs a nan im ai ithvna ak inli tuk osh vla tok.

58. Michá ia mvt, Chisvs haknip a Pailat a ont im asilhha tok. Yohmi ma haknip atukma ima he a, Pailat vt miha tok.

59. Mihma Chosef vt haknip atuk a ishi mvt, yvm-mak ash o nantvna kashofa linen achukma ho a bonulli tok.

60. Mihmvt yvmmak ash o ilap i sepvka himona tvli chito yo a kulli hosh ikbi tuk osh ont fohki tok: mihmvt sepvka okhissa ash o tvli chito yo tonolichit pit isht akamali cha, ia tok.

61. Mihma Meli Maktalene, micha Meli achvfa itatuklo kv sepvka i chapaka ya chiya tok.

62. Yohmi ma nana ai vlhtaha nitak atuk auet achakaya nitak o na holitompa isht asha pehlich i vhleha, micha Falisi vhleha aiena kv Pailat a ant im ai itvnaha cha,

63. Pi shahli ma! na haksichi yvmmt okchaya momvt ahanta mvt, Nitak ont atuchinakma falamvt tani la hi oke; achi tok a il ithaiyanvshke.

64. Yohmi hoka ish apesa na sepvka vt kvllot vhlkama na nitak atuchina ka onashke; yvmmak keyukma nan im ai ithvna vhleha hv ninak a ai vlv hukopvt ishit kvnia cha, Illi tuk vt falamvt tanishke, okla ha im acha hinla hoke: yohmikma ishtaiyopi ka isht haksi kak osh ik ai vlvpeso kv vmmona tuk a i shahla hinla hoke, achi tok.

65. Mihma Pailat ash osh, Nan atoni vt hvchim ashvshke: oh ilhkoli cha, kanimihchit hvsh a kvllocha hinla kv hvsh yvmihchashke, im achi tok.

66. Mihma ilhkoli mvt, tvli ash o in chunli cha, nan atoni a ashachit, sepvka ash a kvllochit kaiyanchi tok.

CHAPTA XXVIII.

Nitak ont atuchina onnahnli fehna ohoyo tuklo kv Chisvs ahollopi tuk a ona; yvma enchil vt ai afama, 1; 2 micha Chisvs vt illi tuk vt falamvt tani tuk a, im anoli; mihmvt nan im ai ithvna vhleha ha ia cha, ont im anola chi ka i miha. 11 Kaniohmi hosh Chisvs ahollopi ya atonit aiasha tuk vt falamvt tmaha chito ya ona cha, ahollopi nana a kaniohmi tuk a na holitompa isht asha pehlich i vhleha ha im anoli. 15 Chisvs vt nan im ai ithvna auah achvfa ka Kalili ak o ai i haiaka, 19 micha vbanumpa ha oklushi puta ka isht im anumpohonlit itvnohowa he a im apesa.

1. YUMOHMI tuk o nitak hullo vt ont taha tuk wek nitak vmmona chi hosh onvt mihinti ma, Meli Maktalene, micha Meli achvfa itatuklo kv seprlka yash pisvt aya hosh itonachi tok.

2. Yohmi ma yakni vt winakvchi fehna tok: Chitokaka im enchil osh vba mintit vla cha, tvli okhissa onvtula tuk a kanompit tonolichi cha, paknaka ya on asha ha tok,

3. Mihma haknip vt malvtha ak o chiyuhmi ma, im ilefoka yvt tohbi kv okti pushi ak o chiyuhmi tok.

4. Mihma nan atoni vhleha hatuk vt yvmma i nukshopa kv wvnihinchi mvt, illi yo chiyuhmi tok.

5. Yohmi ma enchil vt anumpuli mvt, ohoyo hash o, Ititaiyukhvna ahonvhvt illi tuk Chisvs ak o hvsh hoyo ka hvchim ithanali hoka, ik hvchi nukshopo kashke.

6. Ilvppa ikshoshke; miha tuk okvt falamvt tani tuk oke. Mintit Chitokaka yvt ai itola tuk a ant ho pesa.

7. Micha tushpvt ivt, illi tuk vt falamvt tani cha, hvchi tikba Kalili a ia chi ka, yvmmak o ont hvsh a pisa chi hoke, nan im ai ithvna vhleha ha ont hvsh im anolashke: inta! hvchim anoli li mak oke, im achi tok.

8. Yohmi ma nukshopa, mikmvt nayukpa fehna aiena hosh seprlka ya ashvvt tushpvt itiachi tok; mihmvt nan im ai ithvna vhleha hatuk a anumpa isht im ona chi kv tihlahaya tok.

9. Atuk o nan im ai ithvna vhleha ha im anolit ia hosh ayvt okla ma, Chisvs vt afama cha, Na hvchi yukpashke; achi tok. Mihma ivt yvmmak ash o iyi a ont halvli cha, aiokpahanchit okla tok.

10. Yohmi ma Chisvs ash osh, Ik hvchi nukshopo kashke: Oh ia cha, itibapishili vhleha ha ont hvsh im anolikma, Kalili a okla ai onvt yvmmak o a sa pesashke, im achi tok.

11. Yohmi na itiachi hosh ayvt okla ma, nan atoni vhleha hatuk kaniohmi kv tvmaha ha ona cha, nana kv kaniohmi tuk a mominchit na holitompa isht asha pehlichi vhleha ha im anoli tok.

12. Mihma yvmmak ash osh hochitoka vhleha ai itapihvt

itvnaha cha, it im anumpulit okla in taiyaha mvt, tvshka chipota vhleha hash o tvli holisso lawa ka ima cha,

13. Nan im ai ithvna vhleha hv̄t ninak o ai vla cha, nusi hosh e maya takla ma, ant hukopvt ishit kvnia tuk oke, hvsh achashke.

14. Yohmikma ilvppak atuk mvt nahullo miko haksobish a afohka hokma, yvmmak oka e hopohlvchi cha, e hvchi hlakofichashke, achi tok.

15. Yohmi ma tvli holisso ash o okla ishi mvt, nan im avvchi tok mak o okla ai yvmohmi tok: yvmohmi tok o anumpa ilvppvt himak nitak ak kia Chu okla itintakla ya ai annghoa hoke.

16. Yohmi ma nan ithvna auah achvfa kash osh Kalili a ilhkolit, nvni h chaha Chisvs vt ai im atokoli tok mak o ona tok.

17. Micha yvmmak ash o pisa mvt, okla ai okpahanchi tok: yohmi kia kanimi kvto anuktuklo tok.

18. Yohmi ma Chisvs vt vla cha, ant im anumpuli mvt, Uba yakni, micha yakni ilvppa aiena nan-isht im ai ahlika puta moma kv̄t vm̄mi toba hoke.

19. Yohmi hoka hvsh ilhkoli cha, oklushi moma ka nan ithvna ikbit, Iki, micha Ushi, mikmvt Shilombish Holitopa aiena ho isht a hochifochit hvsh baptismo honchashke:

20. Nan okluha ka nana ho hvchim apesa li tuk a holi-tobla he mak o hvsh im abahanchashke: yohmikma yakeh! vno vt hvchi awant aya li bilia ho, yakni vt ont ai vhla hi oke, achi tok oke. Amen.

UBANUMPA MAK.

UT HOLISSOCHI TOK.

CHAPTER I.

Chan Baptist vt vbanumpa isht anumpohonli 1; 9 Chan vt Chisvs a baptismochi; 12 atuk o yvmmak atuk a i himmak ma Setan vt Chisvs ash o imomaka pisa. 14 Chisvs vt Kalili a vbanumpa isht anumpohonli; 16 mihmvt Saimon, micha Antilu, mikmvt Chemis, micha Chan aiena ka nan im aiithvna toba chi ka i miha. 23 Nitak hullo ya Chisvs vt nan ithvnanchi, micha shilombish okpulo kohchichi aiena mvt; 29 Pita tekchi ishki, 32 micha hatak abeka inla yvt laua ho hlakofichi; 35 Chisvs vt vba pit anumpula chi hosh onmvt ik taho kisha ho tani; 39 atuk osh i himmakma Kalili vbanumpa isht ai anumpuli, 40 leposi vbi yo hlakofichi.

1. CHISVS Klaist Chihowa Ushi im vbanumpa ai ishtia vmona kvv,

2. Yakeh! vm anumpeshi ya chi tikba chvffichi li hoka mihi yosh chi hina ya tikbanli apoksiacha hi oke.

3. Achvfa hosh yakni haiaka ya a pahaya kvv, Chitokaka ataya hi a apoksiachit i hina puta ka oh apissvlichí, ahan-chishke, achit hopaii vhleha i holisso ha a holisso tok ak o ai itilauí tok.

4. Chan vt yakni haiaka ya a baptismohonchi mvhli tok: mihmvt ai ashvchika puta ka isht a kashofa chi ka, ile kostoninchit baptisma hi a isht anumpohonli tok.

5. Yohmi ma Chutea yakni ai asha tuk, micha Chelusalem ai asha tuk aiena kvv, momvt yvmmak ash o im ai ona cha, nan im ai ashvchika puta ka il anohonlit, Chatan okhina yak o ai im a baptismo tok.

6. Mihmvt Chan vt kamel hishi nafohka fohka cha, na-

hakshup vskofvchi y_o vskofaiyachi tok : mihmvt hawa, mi-cha foi-bila kowi anuka asha yak o vpa beka tok.

7. Mihmvt vbanumpa isht anumpohonli mvt, Ūno a a shahli fehna hosh auet siakaiyvt minti, yvmmak okvno vno vt i shulush isht-talakchi yak kia a hlipivt hotofi la he si ahoba keyu hoke.

8. Ūno vto oka y_o isht hvchi baptismochi li mvhli hatuk; amba yvmmak okvto Shilombish Holitopa y_o isht hvchi baptismocha chi hoke, achi tok.

9. Atuk o nitak ymma foka ka yakohmi tok : Chisvs vt Nasalet Kalili talaia ka vttvt mintit vla cha, Chatan ak o Chan a ai im a baptismo tok.

10. Micha oka ya ai vttvt kocha ia mak inli h_o, vba shu-tik vt auet tiwa na Shilombish Holitopa yvt pvchi-yoshuba chiyuhmi hosh vba mintit yvmmak ash o ant o binili tok.

11. Yohmi ma vba ya anumpa hvv auet takali kvv, Chishno ak osh Svso a holitopa chia hoke; chishno ak o nan-isht chi a sai yukpa hoke, achi tok.

12. Atuk o chekosi mak inli h_o Shilombish Holitopa yvt yakni haiaka ya pit chevffichi tok.

13. Yohmi na yakni haiaka ymma nitak pokoli ushta h_o ahanta na Setan vt imomaka pihisa tok; mihma napoa ok-pulo puta ka itintakla ahanta tok; mihma enchil vhleha hosh nan-isht im anta tok.

14. Chan vt aboha kvlllo fohka ha yo, Chisvs vt Kalili a vla cha, Chihowa apehlichika isht anumpa hanta ya isht anumpohonli tok.

15. Mihmvt, Nana kvv ont aiahlit taha na Chihowa apeh-lichika yvt olanlosi vlshke; ile kostininchit, vbanumpa ha h_o yimmí, ahanchi tok.

16. Atuk osh Kalili okhvta lapalika ya aya mvt, Saimon vt itibapishi Antilu itatuklot, nvni-hokli yatuk okvt, nvni-isht-hokli a okhvta pit okvchi hosh ahashwa na pisa tok.

17. Mihmvt Chisvs vt, Mintit vno ak o hvs si apeha na hatak hokli y_o hvch ikbi lashke, im achi tok.

18. Yohmi ma mih-makinli h_o i nvni-isht-hokli yash issa cha, iakaiyvt okla tok.

19. Mihma yvmmak atuk a ivt mishema ona mvt, Sebete ushi Chemis, micha itibapishi Chan itatuklo kak kia, peni anuka ya nvni-isht-hokli aiskiachi hosh chiya na pisa tok.

20. Mihmvt mih makinli hō yvmmak ash o pit i howa tok; mihma yvmmak ash osh iki Sebete vt hatak ilhtohno vhleha hō iba taklvt peni ash foka na issvt, pit iakaiyvt okla tok.

21. Atuk o Kapenavm ak o okla ai ona tok: atuk o chekosi ma nitak-hullo nitak o sinakak a ont chukowa cha, nana abahanchi tok.

22. Yohmi ma nan isht ai im abvchi ka okla anukhlakan-cha tok: yvmmak okvt nana kv̄t ai im vlhpiesa hosh nana im abahanchi kia, na-holissochi vhleha yak okvno ik holbo ki tok.

23. Yohmi ma sinakak yvmma hatak vt shilombish okpulo ai i foka hosh asha tuk osh, tahpvlvt,

24. Ikikke! Chisvs Nasalet ai vtta chia ha nanta hō isht e chi ahalaia cho? kv̄na hō chia hoka chithana li, Chihowa i na-holitopa chia mak oke, achi tok.

25. Mihma Chisvs vt yvmmak ash im olvbbit, Nukehintot yvmma ish a kohchashke, im achi tok.

26. Mihma shilombish okpulo ash osh yvmmak ash o haiochechi cha, chitolit tahpvla mvt, yvmmak ash a kohcha tok.

27. Yohmi ma momvt, okokko! aiahni fehna; yohmi cha, Ilvppvt nanta mak osh yakohmi cho? ilvppak osh nan-isht abvchi himona nanta mak oh cho? ai im vlhpiesa hosh yvmmak ash osh shilombish okpulo vhleha hak kia nan im apesa ma, im antivshke, achit okla it im a ponaklot maya tok.

28. Yohmi ma chekosi makinli hō yvmmak ash isht annoa kv̄t Kalili a folumpa yakni moma ka hlopulli tok.

29. Atuk o sinakak a ashvt a kohcha makinli hosh Chemis, Chan itatuklo ka ai it apihvt Saimon, micha Antilu itatuklo in chuka yo okla ont abeha tok.

30. Mihma Saimon tekchi ishki yvt-yvnha hosh itonla tuk o, ashalika yvmmak ash im anoli tok.

31. Mihma ona cha ibbak a halvllit, tanichi tok; mihma yvnha hash osh ashalika shipa na nan isht im vtta tok.

32. Atuk o ont opia hvshi vt okatula ma, haknip ik in chukmo puta, mihmvt nan-isht-ahullo okpulo ai i foka aiena tuk a, mominchit okla isht im ai vla tok.

33. Mihma tvmaha okla hash osh momvt okhissa ya ant ai itahoba tok.

34. Mihma haknip ik in chukmo ilaiyuka isht abeka tuk a laua ho hlakofichi mvt, nan-isht-ahullo okpulo mvt laua ho kocha weli tok: mihmvt nan-isht-ahullo okpulo yvt ilapa okla ithana hatuk o, ik anumpuli ik im ahno ki tok.

35. Atuk osh ont onnahinli, onmvt ik taho kisha pilla ho, tani cha, kohchvt ivt haiaka ona cha, vba pit anumpuli tok.

36. Mihma Saimon, micha apeha tuk ash aiena kvv pit iakaiyvt ilhkoli tok.

37. Atuk osh yvmmak ash ont pisa mvt, Hatak momvt chi hoyoshke, okla im achi tok.

38. Mihma auet apanta tvmaha maya kak o kil ohona na yvmmak ma vba isht ai anumpohonli lashke, yvmmak a he mak osh aya li ha tok okvt, im achi tok.

39. Atuk osh Kalili fullota i sinakak puta ka vba isht ai anumpohonlit, nan-isht-ahullo okpulo puta ka kocha wihinli tok.

40. Mihma leplosi vbi yosh ayvt im ona cha, i hvchuk-bihleptv im ilbvsha mvt, Ulhpesa ish ahni hokmvt, is sa kashofa hinlvshke, im achi tok.

41. Mihma Chisvs vt i nukhaklo cha, ibbak a pit welit, potoli mvt, Ulhpesa ahni lishke; chi kashofashke, im achi tok.

42. Mihma anumpulit ont issa makinli ho, leplosi ash ot ashalika i kvnia na yvmmak ash osh kashofa tok.

43. Mihma ik annoo ka hi a kvlochi fehna hosh yvmmak ash i mihvt taiyahli cha, ashalika kanima pit chvffichi;

44. Yohmi mvt ahah! aiahnit hatak kvna kia na chik im anolo kashke; amba chi hlakofi hokvt okla ha nan im atokowa chi ka, ia cha, na-holitompa-isht vtta yak o ont ish il imi haiakvchi cha, nana puta ka Moses vt apesa tok mak o ish yvmihchashke, im achi tok.

45. Yohmi tuk kia yvmmak ash osh ia mvt, anoli fehnvt, nana kash kanima moma ai im annoachi, yohmi na Chisvs vt himmakma ile haiakvchit ayvt tumaha ha chukowa he keyu hosh, amba kochvt yakni haiaka yak o vttvt aya tok: yohmi ma kanima moma a mintit im ai ohona tok.

CHAPTA II.

Chisvs vt hatak palsi isht abeka yo hlakofichi, 1: 13 Chisvs vt Mahlu vt nan im ai ithvna toba chi ka i miha; 15 micha prvlikan vhleha mikmvt nan ashvchi vhleha aiena ibai impa ka nan isht mihachi ma kanohmi ho yohmi hatuk vt anoli. 18 Mihmvt nan im aiithvna vhleha ha nan ik hullocho hoka nan isht mihachi; mihma yvmmak ash osh ik yohmo kvv im ai vlhpesa atuk a miha mvt; 23 nan im aiithvna vhleha ha nitak hullo kobvffi ho nan isht mihachit asha ma, yvmmak okvt nitak hullo kobvffi hatuk o keyu ka miha.

1. ATUK o nitak kanohmi ma, anonti Kapenavm a ont chukowa tok: mihma aboha anuka asha ka annoa tok.

2. Yohmi ma ashalika lavvt ant itahoba, yohmi na aiasha hi vt iksho ma, okhissa itikba yash kia a hikia hi vt iksho ki tok, mihma vbanumpa ha isht im anumpohonli tok.

3. Yohmi ma hatak vt palsi isht abeka ho ushtvt it i sheyulit, isht im vla tok.

4. Micha okla itakantvli ka, i bilika okla ona he keyu mvt, a hikia ka paknaka ya isht hulmo ya tiwi tok; atuk osh tiwit tahli mvt, palsi isht abeka yvt ai onvtola topa hash okla aka pit bohli tok.

5. Okla na yimmi ka Chisvs vt pisa mvt, palsi isht abeka atuk ash o Svso ma! na chim aiashvchika puta kvv chi kashofa mak oke, im achi tok.

6. Yohmi kia na-holissochi vhleha kanimi kvv yvmma binohmaya tuk vt, chukvsh anukaka isht anukfillit,

7. Na katihmi ho hatak ilvppvt yakohmichit Chihowa ik ahobalot anumpuli cho? Kvta hosh nan ai aiashvchika puta ka kashofa hinla ho? Chihowa ak illa keyu?

8. Mihma yakohmichit okla im anukfila ka Chisvs vt ilap chukvsh ak inli ka isht akostininchii mvt, ashalika, Na katih-

mi h_o ilvppa puta ka hvchi chukvsh anukaka isht hvchim anukfila cho?

9. Palsi isht abeka atuk a, Na chim ai ashvchika puta kv_t ch_i kashofa hoke; im achi kak okmá, keyukmvt, Wakayvt, ch_i potvlhpo a sholi cha, nowá, achi kak okmá, kati-ma kak osh ahchiba kv_t ik lauwo cho?

10. Yohmi kia Hatak Ushi vt yakni paknaka nan aiashv-chika puta ka kashofa hi vt ai im vlhpiesa hatuk a hvsh akostinincha ch_i kak o.

11. Palsi isht abeka yash o im anumpulit, Tanit, ch_i potvlhpo a sholi cha, chin chuka ish iashke; chim achi lishke, im achi tok.

12. Mihma ashalika yvmmak ash ot tanit, potvlhpo ash sholi cha, okla momvt p_isa na kohchvt ia tok: yohmi na momvt nukhlakancha mvt, Nitak nan ash ilvppa chohmi na e pisa chatuk keyushke, ahanchit Chihowa ya pit holitobli-chi tok,

13. Atuk o anonti kohchvt ia mvt, okhvta lapalika yo ona tok: mihma okla laua yvt momvt ant im ai itahoba na nan im abahanchi tok.

14. Atuk osh ont ia hosh aya mvt, Lefai Alfers ushi vt tvli-holisso abohli a asha na pisa mvt, yvmmak ash o, Is siakaiyashke, im achi tok.

15. Atuk o yakohmi tok: Chisvs vt yvmma im aboha anuka ya impa hosh asha ma, pblikan micha nan-ashvchi vhleha aiena kv_t laua hosh Chisvs, micha nan im ai ithvna vhleha aiena ka takla binohmaya akinli tok: yvmmak okvt laua hatuk osh, okla apihvt aya tuk a tok.

16. Michana-holissochi vhleha, micha Falisi vhleha aiena kv_t, yvmmv_t pblikan vhleha, micha nan ashvchi vhleha aiena ka it ibai-imp_a na pisa mvt, nan im ai ithvna vhleha hash o, Katiohmi h_o pblikan vhleha, micha nan-ashvchi vhleha aiena kvno it ibai impvt nan it ibai ishko cho? im achi tok.

17. Mihma Chisvs vt haklo mvt, Haknip im achukma hokvto, alikchi a bvna keyu, amba abeka kak oke: nan-ashvchi ik im iksho vhleha h_o hohoyot aya li tok keyu,

amba, nan-ashvchi vhleha yosh ile kostininha chi kak a tok, im achi tok.

18. Mihma Chan, micha Falisi vhleha aiena nan im ai ithvna vhleha hvt na hullohonchi beka tok: atuk osh ai vla mvt, Nanta katiohmi ho Chan micha Falisi vhleha aiena nan im ai ithvna vhleha hvt na hullohonchi ma, amba chishno na chim ai ithvna vhleha hvto nan ik hullocho cho? im achi tok.

19. Mihma Chisvs vt, Hatak himona ohoyo itauwaya tuk vt takla anta moma ka, i kanomi vhleha hvt nukhaklot na hullocha hinla cho? Hatak himona ohoyo itauwaya tuk vt im asha takla hokvt okla nahullocha he keyu hoke.

20. Yohmi kia hatak himona itauwaya yash ot ai i filvma he nitak vt ai ona he; yohmikmak o nitak yvmma fokakmvo okla nukhaklot nahullocha hi oke.

21. Hatak nana kia nantvna hlilafa himona ka anchi hlipa ya isht akvlli chatuk keyu: yvmmak keyukma, na hlilafa himona vlvkvt atuk vt sipokni ash hlilvffi na i shahlit hlilavt okpulo hoke.

22. Mikma hatak nana kia oka-paki himona ya shukcha sipokni yo apitta chatuk keyu: yvmmak keyukma, oka-paki himona yash ot shukcha yash mitahlichu na hlayakma; shukcha yash ot okpula hinlvshke: amba oka-paki himona vt shukcha himona yo vlvpitta pullashke, im achi tok.

23. Atuk o yakohmi tok; nitak-hullo nitak o osapa hlopullit aya tok: mihma nan im ai ithvna vhleha hvt onush a hlinlit itvnowa tok.

24. Mihma Falisi vhleha hvt, Yakeh! na-katihmi ho nitak-hullo nitak o nana kvv ai vlvpesa keyu ka, okla yvmohmi cho? im achi tok.

25. Mihma, Lewi vt ilap, micha apehvt aya tuk aiena kvv hohevfo mvt, nana ka bvna cha, a katiohmi tok:

26. Michu na holitempa isht vttu i shahli Abaiahlu vt ahanta nitak a Chihova im aboha ya pit chukova cha, yvmma ai vpa he vlvpesa hatuk keyu, amba na-holitempa isht asha vhleha kak a he tuk a, pvvka holitopa ya vpa mvt,

anonti apehvt aya tuk ma ipeta tok a himonna kia holisso hvch ik it im anumpulo chatuk oh cho? im achi tok.

27. Mihmvt nitak-hullo vt hatak ak o im vhlpisa a tok: hatak ak osh nitak-hullo ak o im vhlpisa tok keyushke.

28. Yohmi hoka, Hatak Ushi vt nitak hullo ak kia in Chitokaka yoke, im achi tok.

CHAPTER III

Chisvs vt hatak ibbak shila hlakofichi, mihma yvmmak o Falisi vhleha hvt vbi bvna hatuk o Chisvs vt kochvt knia, 1; 10 mihma okla laua apehvt ilhkoli na lauachit hlakofichi. 13 Mihmvt anum-peshi auah tuklo hō atokoli. 20 Chisvs a i kanomi vhleha hvt tasimbo hō im ahoba, 22 mihma Falisi vhleha hvt Chisvs a ik ahobalot anumpuli; yohmi ma yvmma okla miha ka ahli keyu ka atokolit im anoli. 31 Kva hosh Chihowa nana aiahni puta ka yvmohmi hokvt Chisvs a i kanomi fehna mak oke.

1. ATUK osh anonti sinakak a ont chukowa ma, yvmma hatak vt ibbak shilvt illi yosh asha tok.

2. Mihma nitak-hullo nitak a hlakofichikmá, nanakmá, nan-vhlpisa onocha hi vt ahnit okla apesahanchi tok.

3. Mihma hatak ibbak shilvt illi yash o Iklvnnaka ya w McKayvt a hikiá, im achi tok.

4. Mihmvt, Nitak-hullo nitak a nan achukma hō yvmohmi, keyukmvt achukma keyu hō yohmi kak okmá; ilhfio-pak okchalinchi, keyukmvt vbi kak okmá, nanta kak osh ai vhlpesa cho? im achi tok. Yohmi kia nan ik acho hosh mayá tok.

5. Mihma okla chukvsh kullo ka isht nukhaklot, ik im vhlpiesot filemvt pisa mvt, hatak ash o, Chisemochí, im achi tok. Mihma chisemochi tok; yohmi ma ibbak ash osh famvt hlakofit in tvnvp ak inli hō chohmi tok.

6. Mihma Falisi vhleha hvt kocha wiha mvt, ashalika Helotian vhleha aiena kvv yvmmak ash vba hi vt isht it im anumpulit mayá tok.

7. Yohmi kia Chisvs ash ot nan im ai ithvna vhleha hash

pehlichí cha, filvmmít okhvta ía tok: mihma Kalili, micha Chutea aiena minti,

8. Michá Chelusalemi minti, anonti Itumea, micha Chatan mish-tvnnvp minti, micha Taia, micha Saiton a fullota minti aiena okla chinto kv́t nan aiyaka fehna ka yvmihchi hq okla haklo mvt, íakaiyvt okla chinto fehvt im ai ona tok.

9. Mihma okla laua hokvt ik atehlefo ka chí kak o, peni vt im vlhtaha chí kv́t, nan im ai íthvna vhleha ha i miha tok.

10. Lauachit hlakofichi hatuk; yohmi hatuk oka, nan i palummit aiasha atuk vt momvt yvmmak ash haleli bvvmt okla a hvhlihíchi tok.

11. Mihma shilombish okpulo puta kv́t yvmmak ash pisa mvt, itíkba aka hlipkvchi mvt, tahpahanvt, Chishno ak osh Chihowa Ushi chia mak oke, achi tok.

12. Mihma yvmmak ash ot ilap a ik otv́nincho ka chí ka, yvmma kv́llochit im apesa tok.

13. Mihmvt nv́nih chaha yo ont oiya cha, kv́na hq ilap aiahni hosh hoyo na, okla im ai ona tok.

14, 15. Mihma tohno na yvmmt ilapa apehvt aya cha, vbanumpa isht ahanta he; micha abeka puta hlakofichit, nan-isht-ahullo okpulo kocha wela he aiena kv́t, ai im vlhpesa chí ka auah tuklo hq atokoli tok.

16. Mihmvt Saimon atuk a Pita hochifo tok.

17. Mihmvt Sebeté Ushi Chemis itibapishí Chan itatuklo, yvmmak ash o Boaneches hochifo, yvmmt Hiloha ushi, achi hoke.

18. Mikma Antilu, mikmvt Fillip, micha Bahlolomu, mikmvt Mahlu, micha Tamas, micha Alfevs ushi Chemis, mikmvt Tatevs, micha Kenan hatak Saimon aiena,

19. Mikmvt yvmmak ash íshit inla im issa tok Chutas Iskaliot vt aiena tok: mihma chuka chukowa tok.

20. Mihma okla laua yash osh anonti ant ai itahoba na ilhpak ak kia okla vpa he keyu ka chohmi tok.

21. Yohmi ma i kanomi vhleha hv́t haklo mvt, Tasimbo hoke, achi cha, hokla chí hosh okla ilhkoli tok.

22. Atuk o na-holissochi vhleha Chelusalemi minti tuk.

ash osh, Beelsebub ak o il ai ishi hosh, nan-isht-ahullo okpulo puta ka isht kocha weli hoke, achi tok.

23. Yvmmak ash o hoyo mvt, nan-isht-vlhpisa ho anum-pulit, Katiohmi kak osh Setan vt Setan a kohcha hinla cho?

24. Micha ap ehlichika achvfa kvt it a kashapvt ilap ash inli it im i sanali hokmvt, ap ehlichika achvfa yvmmak atuk vt talaia he keyu hoke.

25. Mihma chuka achvfa vt it a kashapvt ilap ash inli it im i sanal kmvt, chuka achvfa yvmmvt talaia he keyushke.

26. Mikma Setan vt ilapo inlit it a sanalit ahanta cha, it a kashapa hokmvt, kvllot hikia he keyu, amba ont iksho ka he bano hoke.

27. Hatak nana ak osh hatak hlampko in chuka ya ont chukowa cha, im ilayak puta ka wehpula he keyu: vmmona hak o hatak hlampko yak o takehi ho keyukmvt; amba yvmmak okmvt in chuka ya wehpula hinla hoke.

28. Ahli pulla ho hvchim achi lishke. Hatak puta nan im ai ashvchika yvt okluha, micha kaniohmit Chihowa ik ahobalot anumpuli a puta kvt i kashofa hi oke.

29. Amba kvna hosh Shilombish Holitopa yak o ik ahobalot anumpuli hokvto nitak nana i kashofa he iksho, amba issikkopvt bilia mak osh im vlhpisa hi oke, im achi tok.

30. Yvmmvt nan-isht-ahullo okpulo yo il ai ishi hoke, okla achi ha tok oka.

31. Yohmi ma itibapishi vhleha, micha ishki aiena kvt ai vla cha, kocha ya ont hiohmayvt, inla atohnot yvmmak ash pit hoyo tok.

32. Mihma okla laua vt a fuloblit binohmaya tok; yvmmak ash osh, Yakeh! chishki micha chitibapishi vhleha aiena kvt kocha hiohmaya hosh chi hoyoshke, im achi tok.

33. Mihma afalaminchit, Hvshki micha itibapishi li vhleha aiena kak osh kvta hoh cho? achi tok.

34. Mihmvt filemvt i bilikasi binohmaya kash pisa mvt, Hvshki micha itibapishi li vhleha aiena ka ho pesa.

35. Kvna hosh Chihowa nana aiahni ka yvmohmi hokmvt, yvmmak osh svtibapishi, micha an tek, mikmvt hvshki aiena mak oke, achi tok.

CHAPTA IV.

Na hokchi nan isht vlhpisa; micha kaniohmi kak o Chisvs vt nan isht vlhpisa ho isht anumpuli, 1; 14 na hokchi isht vlhpisa yvt atokovt annoa. 21 Krna hosh Chihowa im anumpa ha ithana hokvto, ai ithana kvv inla asha ka im avvcha he tuk: 26 vbanumpa hanta hatak chukvsh a fohka hokvt na-nihi yakni a holokchi yvmmak oka yakohmi hosh ahni keyu kia, offot mahayvt waya cha, vmo ona chatuk a chiyuhmi hoke: 30 micha mvstvt nihi ak o it vlhpisa akinli. 35 Chisvs vt kocha umba, mahli kvllo ka im anumpulit yukobli.

1. ATUK osh anonti okhvta lapalika ya nan ai im avvchit ahanta tok; yohmi ma okla chinto fehna kvv im ai itahoba: yohmi na yvmmak ash ot peni yo pit chukowa cha, okhvta paknaka yo binili ma; okla laua yash ot okhvta alaka ak inli ho maya tok.

2. Mihma nana ka lauachit nan-isht vlhpisa ho isht im abahanchi tok: mihmvt nan isht im avvchi kvv;

3. Inta! ho haponaklo; na-hokchi vt na-hokcha chi hosh ia tok oke.

4. Atuk o hokchi ma, yakohmi tok; kanimi kvv hina lapalika yo kaha tok; yohmi tuk o vba hushi puta kvv ant vrvt tahli tok.

5. Mihma kanimi kvv tvli foka yakni asha fehna keyu ho kaha tok; atuk osh yakni vt i suko keyu hatuk okvt, chekosi fehna offo tok.

6. Yohmi kia hvshi vt kohcha ma, anakshvrt hakshish vt iksho hatuk okvt, bvshit kvnia tok.

7. Mihma kanimi kvv kvv foka yo kaha tok: atuk o kvv vt offo cha, ai olvbi na ik wayo ki tok.

8. Mihma inlaka yvto yakni achukma yo kaha tuk osh; offot i shahlit mahayvt, vnit waya mvv, kanimi kvv pokoli tuchina ma, kanimi kvv pokoli hannali, anonti kanimi kvv tahlepa avvfa vnit waya tok.

9. Mihmvt, Krna hosh haksobish isht haponakla hi vt i hinlikmvt, haklashke, im achi tok.

10. Atuk o ilap banot asha ma, yvma aiasa tuk vt

auah tuklo kash it apeha cha, nan-isht vlhpisa hash im a ponaklo tok.

11, 12. Hvehishno ak okvto Chihowa apehlichika nan ik otano ka hvsh ithana hi vt a hvchim vlhpisa hoke; amba kocha maya kak okvno pisa hokvno pisa kia ik ithano ka he: haklo hokvno haklo kia ik akostinincho ka he mak o, ilvppa puta kv̄t nan-isht vlhpisa hō ai im vlhtaha hoke: yvmmak keyukma nitak kanima ka chukvsh vt inlv̄t toba cha, nan im ai ashvchika puta kv̄t i kashofa hinla hoke, im achi tok.

13. Mihmvt, Nan-isht vlhpisa ilvppa hvch ik ithano cho? mih kv̄to katiohmi hosh nan-isht vlhpisa puta moma ka hvsh ithana hinla cho? im achi tok.

14. Na-hokchi vt vbanumpa hak o hokchi hoke.

15. Yohmikma kanima yo vbanumpa hv̄t a holokchikma, yakohmi kak osh ai itvnowa lapalika kaha mak oke: haklo tuk kia, chekosi mak inli hō Setan vt vlvt chukvsh im a holokchi tuk vbanumpa hash ishit kanchi hoke.

16. Yohmikma anonti, yakohmi kak osh tv̄li foka yakni a holokchi mak oke: yvmmak okv̄t vbanumpa hā haklo mvt, ashalika na-yukpvt ai okpv̄chi hoke.

17. Yohmi kia ilap hakshish vt ik im iksho, yohmi hokvt chekosi takla kak bano hō kv̄llot hiohmaya hoke: atuk mvt vbanumpa pulla hatuk mak o nan ilbv̄sha, keyukmvt na-palv̄m̄mi kv̄t ashakma, chekosi mak inli hō ibetv̄bli chatuk oke.

18. Mikma yakohmi kak osh kv̄ti foka yo a holokchi mak oke.

19. Vbanumpa hā haklo; yohmi tukmvt yakni ilvppa nan isht im anukfila, micha nan in laua bv̄nna kv̄t isht ashvchi, mikmvt nana inla puta ai anushkunna aiena kv̄t ibai alota cha, vbanumpa hash ai olv̄bit ishi na ik vno toba kak oke.

20. Mikma yakohmi kak osh yakni achukma a holokchi mak oke; vbanumpa hā haklo mvt, yvmmak ash yimmi cha, vn̄it wayvt, kanimi kv̄t achv̄fa tuk vt pokoli tuchinakma; kanimi kv̄t pokoli hannali; anonti kanimi kv̄t tahlepa achv̄fa ona hoke, im achi tok.

21. Mihmvt, Pv̄la hā tanchi isht-vlhpisa nutaka, keyuk-

mvt topa nuta yokmá, nana hō talali cha, ai-ō hikia ik o hi-lecho ka hi o toba hō?

22. Nana kvt ik otano ka hi osh luma kvt ikshokma, anonti nana kvt ik haiako ka hi osh luma tuk vt iksho, amba haiaka he ak o bano hoke.

23. Hatak nana hosh haksobish isht haponakla hi vt i hinlikmvt, haklashke, im achi tok.

24. Mikmvt, Nana hvsh haklo kvt ahah! hvsh aiahnashke: nan-isht vlhpisa nana hō isht hvsh apesa tuk mvt, hvchishno vt isht hvchim vlhpisa hi oke; mikma na haponaklo hvchia hoka i shahlit hvchim ibvlhta hi oke.

25. Kvna hosh ishi hokmvt, mihi yosh im ibvlhta he; mikma kvna hosh ik im iksho tuk ma, mihi yo ishi tuk ash kia im ai isha hi oke, im achi tok.

26. Mihmvt, Chihowa apehlichika yvt hatak osh na-nihi o yakni anuka pit hokchi:

27. Yohmi cha ninak a nusit, nitak ma tahnikma, nanihi ash ot offot hofantit taiyaha ka, yakohmi kak osh ik aiahno;

28. Yakni ak osh ilap inlit wayachi hoka: vmmona ka vpi atuk mvt, okshonli, yohmi ha mak osh waya chatuk.

29. Yohmi kia vni vt a lakna hokvno, ai-vmlo ona hatuk oka, ashalika isht-vmlo isht iba chukowa chatuk ak o chiyuhmi hoke, achi tok.

30. Mihmvt Chihowa apehlichika ya nanta hak o ohmichit, nan-isht vlhpisa nanta mak o il ai itilauecha chi cho?

31. Mvstvt nihi yvmmak okvt yakni anuka a holokchi kvt, na-nihi yakni paknaka moma ka iskitini kvt ik lauwo;

32. Yohmi kia holokchi mvt, offot isht mahayvt, chito kvt haiyukpulo moma imaiya ma, naksish vt hochitot filamohli: yvmohmi na vba hushi puta kvt hoshontika nutaka a nusi ka chiyuhmi hoke.

33. Mihmvt ai akostinincha hinla ka, anumpa hash nan-isht vlhpisa yvmma chohmi ka lauachit isht ai anumpohonli beka tok.

34. Amba nan-isht vlhpisa hō keyukmvno ik im anum-

pulo; micha ilapo banot maya hokma, nan im ai ithvna vhleha ha nana moma ka achukmalit im anoli beka tok.

35. Atuk osh nitak yummak atuk vt ont opivt taha ma, yummak ash o, Misha tnnvp ak o pit keho hlopulli, im achi tok.

36. Mihma okla laua kash kanima pit yuhli mvt, yummak ash o peni fohka tuk vt moma na okla isht ia tok. Yohmi ma peni inla ak kia apehvt aya tok.

37. Atuk o mahli okpulo chinto kvt kocha: yohmi na oka banvtha kvt peni ash ai-issot pit vlhpihinta ma, polaka alota tok.

38. Mihma yummak ash osh nusi hosh peni asha ka pilla ho vlhpishi on itonla tok: atuk o okla ont okchvli mvt, Nan ithvnanchi ma! pilla chi ka nan-isht chik ahno cho? im achi tok.

39. Mihma wakaya cha, mahli hash im alvmmitt okhvta hash, Nuktanlvtt lumvt ish talaiashke, im achi tok. Mihma mahli hvtt issa na yokopa achukmvt talaia tok.

40. Mihma, Na katihmi ho hvchi nukshopa fehna cho? na katihmi ho na-yimmi kvt ik hvchim iksho cho? im achi tok.

41. Yohmi ma okla nukshopa fehna mvt, Ilvppvt hatak katiohmi mak atuk a mahli, micha okhvta aiena kak kia im antia cho? im achit maya tok.

CHAPTER V.

Chisvs vt nan-isht-ahullo okpulo laua ho kohchichi, 1; 13 mikmvt shukha aya achvfa ho ont abeha chi ka im ahni. 25 Chisvs vt ia cha ushetik a ont hlakoficha chi ho Chailvs vt im asilhha: mihma ia tuk osh takla ya ohoyo issish ont ia isht abeka yo hlakofichi, 35 mihmvt Chailvs ushetik vt illi tuk a falaminchit tanichi.

1. ATUK osh okhvta hash mish tnnvp pit tanvblit Katalenes yakni a okla ona tok.

2. Mihma yummak ash ot peni kohchvt ia kash o chekosi ma, hatak vt shilombish okpulo ai i foka hosh, yummak

okvt hatak illi aiasha ak o takla vttvt aya yosh hatak illi aiasha ya a kohchvt afama tok.

3. Yohmi ka yvmmak oka hatak nana hosh tvli itatakvtli yoka isht takcha hi o keyu tok.

4. Yvmmak okvt iyi isht talakchi, micha tvli itatakvtli aiena ka isht talahakchi kv, tvli itatakvtli ya hokohlichit, anonti iyi isht talakchi a kobahlihinch; yohmi hoka hatak nana hosh yvmmak oka kostininha he keyu ya tok.

5. Mihma ninak, nitak moma ka nvnih foka, micha hatak illi aiasha aiena kak o vttvt ayvt bilia cha, yahayvt tvli puta ka isht ile boli beka tok.

6. Yohmi tok kia Chisvs vt mishema ho minti na pit pisa mvt, malelit ont aiokprchit,

7. Chitoli hosh anumpulit, Chisvs, Chihowa nana moma imaiya Ushi chia ka nanta ho vno vt isht chi ahalaia li cho? chik svlvshacho ka chi ka Chihowa pulla ho isht a chim apesa lishke, achi tok.

8. Yvmmak ash ot, Shilombish okpulo chia hvt hatak yvmma ish a kohchashke, im achi ha tok.

9. Mihmvt i ponaklot, Chi hohchifo hvt nanta hoh cho? achi tok. Mihma afalaminchi mvt, Pi laua hoka, sa hohchifo hvt Lechvn oke, achi tok.

10. Mihmvt yakni ashwa tuk ash a kohchit kanima pit ik tihlelo ka chi ka im asilhha fehna tok.

11. Yohmi ma yvmma nvnih foka pit bilika ho shukha laua vt impa hosh maya tok.

12. Mihma nan-isht ahullo okpulo ash ot momvt im ilbvshvt, Shukha laua ak o pit ish pi on tihleli na yvmmak o ont il abehashke, achi tok.

13. Mihma Chisvs ash ot mih mak inli ho vlhpesa im ahni tok. Yohmi ma nan-isht ahullo okpulo vhleha hash ot a kohchvt ilhkoli mvt, shukha laua yash ont abeha tok: mihma shukha laua yash osh, yvmvt tahlepa sipokni tuklo foka tuk osh, yihlepa fehvt sakti chaha yo okhvt ha pit ai oka kahvt oka ai illi tok.

14. Mihma shukha laua ya impvchit maya tuk ash ot yihlepvt, tmaha, micha haiaka asha tuk aiena ka ont okla

anoli tok: yohmi ma nana mak osh yvmohmi tuk okma pisa chi hosh ilhkoli tok.

15. Atuk osh Chisvs a okla im ai ona mvt, nan-isht-ahullo okpulo ai i fokvt Lechvn il ai eshi tuk ash ot nafohka fohka cha, im anukfila mvt achukma hosh asha na, okla pisa tok; mihmvt okla nukshopa tok.

16. Mihma okla pisa tuk ash ot nan-isht-ahullo okpulo ai i foka tuk vt im a kaniohmi hatuk; mihma shukha laua yvt a kaniohmi tuk aiena kash okla im anoli tok.

17. Mihma i yakni a kohchvt aya hinla ka, yummak ash o okla im asihhla tok.

18. Yohmi na peni a ont chukowa ma, nan-isht-ahullo okpulo ai i foka tuk ash osh awant aya hinla kvv im asilhha tok.

19. Yohmi kia Chisvs vt vlhpesa ik im ahno hosh, amba, Chin chuka ia cha, Chitokaka yvt chi nukhaklo cha, na chinto fehna ka a chim ataiyahli tuk a chi kanomi vhleha ha ish im anolashke, im achi tok.

20. Mihma filvmmi ia mvt, na chinto nana mak o Chisvs vt im a tahli tuk a Tekapolis a ai anohonli tok. Yohmi ma okla momvt nukhlakancha tok.

21. Mihma Chisvs ash ot peni fohka cha okhvta in tvn-vvp ash inli ho pit tanvbli ma, okla laua hosh im itahoba tok; mihma okhvta pit bilika ho anta tok.

22. Mihma sinakak apesvchi vhleha achvfa Chailvs hoh-chifo hosh vla cha, yummak ash ant pisa mvt, iyi ituma ya hlipvt,

23. Im ilbahasha fehmv, Svso tek iskitini vt illi mak osh itonlvshke: ish ona cha, hlakofa he mak o chibbak a ont isht ish umbitepa hokbano chim ahni lishke: yohmikma okchaya he banoshke, im achi tok.

24. Mihma Chisvs vt awant ia tok: mihma okla laua kvv a hahlihinchit apehvt aya tok.

25. Atuk o ohoyo achvfa hosh yvmmv issish ont ia vbi tok a afvmmi auah tuklo;

26. Yohmi hatuk o alikchi lava ka nan isht i palvmmi ai im a pisvt, nana im asha tuk vt moma kampilvt tahli; yohmi

kvt achukma hi vt iksho, amba okpulo kvt i shaht ia bano tok.

27. Atuk osh Chisvs a haklo mvt, okla itakantvli ka asha ka imma yo ont chukowvt, im anchi ya ont potoli tok.

28. Yohmi kvt im anchi ak illa ho ont ak potoli kia, sa hlakofa hinla hoke, ahnit im anukfila hatuk osh.

29. Mihma issish a mitafa yash osh ashalika shipa tok: mihma ililli yvmmak atuk a a hlakofi kvt ilap haknip anuka ak inli ka isht akostininchi tok.

30. Mihma Chisvs ash osh isht-a-hlakofi vt im a kohcha kvt mih-makinli ho akostininchi hatuk osh, okla laua itin-takla ash a filemvt, Kvt hosh vm anchi ya potoli cho? achi tok.

31. Mihma nan im ai ithvna vlheha hvt, Okla laua hvt chi a kantvliit knia ka ish pisa kvt, Kvt hosh sa potoli cho? ish achi ha cha, im achi tok.

32. Mihma yvmma yvmihchi tuk ash o pisa bvna kvt filemoa tok.

33. Yohmi ma ohoyo hash osh nana kvt ai i kaniohmi tuk vt ithana hatuk osh, nukshopvt wvnihinchi hosh vlv, itikba ya ant hlipia mvt, ai ahli mak o im anoli tok.

34. Mihma yvmmak ash osh, Svso tek ma! na chi yimmi yak osh chi hlakofichi hoke; nuktaiyalvt, micha ililli hatuk a ai i hlakofit ish ayashke, im achi tok.

35. Anumpuli kvt isht anta moma na kaniohmi kvt sinakak apesvchi in chuka minti hosh ai vla mvt, Chiso tek vt illishke; na katihmi ho nan-ithvnanchi a ish im ahchibali na himak a cho? achi tok.

36. Chisvs vt anumpa hvt anumpa na haklo makinli hosh, sinakak apesvchi ash o, Chi komunta na; amba na chi yimmi kak illashke, im achi tok.

37. Mihmvt hatak nana kia apehvt aya hi a ik ahno mvt, amba Pita, micha Chemis, mikmvt Chemis itibapishi Chan aiena kak illa tok.

38. Atuk osh sinakak apesvchi in chuka ash vla mvt, okla yahapa, micha nishkin okchi minti, mikmvt chitolit yaiya fehna aiena hosh maya na pisa;

39. Yohmi cha pit chukowa mvt, Na katihmi hō yakohmit yahapvt, yaiyvt hvsh aiasa cho? ohoyo himita vt illi hō keyu, amba nusi hoke, im achi tok.

40. Mihma ishit yopulyt olvli tok. Yohmi kia yvmmak ash o mominchit kocha welit tahli mvt, ohoyo himita iki micha ishki itatuklo, mikmvt apehvt aya tuk ash aiena hō pehlichī cha, kanima ohoyo himita vt ai itola kash pit chukowa tok.

41. Mihmvt ohoyo himita yash ibbak a ont halvlli mvt, Talihla kumi, im achi tok; yvmmv̄t toshowa kv̄t, Ohoyo himita ma! taní, chim achi lishke, achi hoke.

42. Yohmi ma ohoyo himita yash ot ashalika tani cha, nowa tok, v̄tta tok afv̄mmi auah-tuklo hatuk okvt. Yohmi ma nukhlakan̄cha chinto fehna okla nukhlakan̄cha tok.

43. Yohmi ma yvmmak oka hatak nana kia ik akostinincho ka hi a i miha tok; mihmvt nanasi kia i hoyo na impa hinla ka miha tok.

CHAPTER VI.

Chisvs vt vbanumpa isht anumpohonli: yohmi ma im ai okla achvfa yvt kanimanchi, 1. 7 Ubanumpa isht anumpula chī ka im anumpe-shi auah̄tuklo ka pit tihleli mvt, nan-isht-ahullo okpulo puta imaiya chī ka im apesa. 14 Helot vt Chan a aboha kv̄llo fohki; atuk osh tekchi ash osh anukfohkichi hō, noshkobo tv̄bli tok. 30 Im anumpe-shi v̄hleha hvt falamvt Chisvs a im ai ona: 34 Chisvs vt hatak tahlepa sipokni tahlapi hō nan im av̄rchit ahanta mvt, p̄vska lumbo tahlapi, micha nv̄ni tuklo aiena tuk a okla hā impv̄chi.

1. ATUK osh yvmmak ash v̄ttvt ia mvt, ilap i yakni ash inli hō ona; yohmi ma nan im ai ithv̄na v̄hleha hvt apihvt aya tok.

2 Atuk o nitak-hullo nitak ai ona ma, sinakak anukaka yo nana ai ithv̄nanchi tok; mihma yv̄mma haklo mvt, lauv̄t nukhlakan̄cha mvt, Katima yak o hatak ilv̄ppvt na yakohmi ka ai ithaiyana tuk o? mikma isht a hopoyuksa ilv̄ppvt nanta hokak osh yvmmv̄t anukfohka tuk o, nafehna yakohmi puta kv̄t ibbak atuk ma isht ai yvmohmi cho?

3. Ilvppvt Meli ushi, Chemis micha Choses, mikmvt Chuta anonti Saimon aiena ka itibapishi chuka ikbi yash keyu hō? mikma in tek vhleha mvt ilvppa pi takla maya keyu hō? achi tok. Mihmvt yvmmak ash o okla isht ai ibetvbli tok.

4. Yohmi kia Chisvs ash ot, Hopaii vt ik holitopo hosh ahanta keyu kia, amba ilap i yakni ak inli, micha i kanomi vhleha, mikmvt in chuka-chvfa aiena takla ahantak mak bano chatuk oke.

5. Mihmvt yvmmak oka na-fehna nana ka ik ai yvmihcho ka hi vt ahni tok: amba hatak abeka kaniohmi kak illa hō ibbak isht umbitepvt hlakofichi tok.

6. Mihmvt okla na yimma he keyu kak oka, okokko! aiahni tok. Mihmvt tvmahushi taloha ka fullokvchit ayvt nan-ithvnanchi tok.

7. Atuk osh auah-tuklo kash o hoyo cha, tuklo aiyyukachit kanima pit tihleli mvt, nan-isht-ahullo okpulo vhleha ha ai imaiya he mak o im apesa tok;

8. Mihmvt itvnowvt aya kvv nana kia isht ik ayo, amba tvbi ak illa he; bahta vt iksho; pvska mvt iksho; tvli holisso kia i shukcha ya ik foko ka he;

9. Amba shulush ak o honla he; mikmvt nafohka lumbo tuklochit ik fohko ka chi hō im apesa tok.

10. Mihmvt peh kanima yo aboha ya ont hvsh chukowakmvt, yvmmak o hvsh ai ahashwa tuk osh a kohchvt hvsh ayashke.

11. Mikma kvna kia ik hvchi aiokpacho, micha ik hvchi haponaklo aienakma, yvmmak ash a kohchvt hvsh iakmvt, nan-isht im atokoli mak o hvchi iyi pvtha nuta hituk tohbi asha ka hvsh tahtolashke. Ahli mak o hvchim achi lishke, Nan-vlhpisa chinto nitak ma Sotom micha Komola aiena kvto pit im vlhpisa kvv tvmaha yvmmak atuk a i shahla hi oke im achi tok.

12. Mihma ilhkoli mvt, hatak puta kvv ile kostinincha he ak o isht anumpohonli tok.

13. Michā nan-isht-ahullo okpulo a lauachit kocha weli mvt, anonti abeka yatuk ash lauachit bila isht a hvmmichit hlakofichi tok.

14. Mihma miko Helot vt yvmma pit haklo, (hohchifo kvt kanima annoa kvt a mominchi hatuk oka;) mihmvt, Chan Baptist vt illi tuk vt tani hoka: yohmi hatuk o nafehna puta kvt yvmmak ash o ai isht il otrnihinchishke, achi tok.

15. Kanimi kvto, Elias ak oka, achi ma: kanimi kvt Hopaii oka: keyukmvt hopaii vhleha ha tok achvfona ma chohmi hoka, achi tok.

16. Yohmi kia Helot ash ot yvmma haklo mvt, Chan noshkobo tvbli li chash oka: illi tuk vt tani hoke, achi tok.

17. Helot vt itibapishi Filip a tekchi, Helotias ak atuk pulla mak o, ilap inlit pit on tihlelit, Chan a ishit takchi mvt, aboha kvllq fohki tok: yvmmak oka itauwaya tuk okvt.

18. Chan vt Helot a, Chitibapishi tekchi a ish itauawaya hi a chim vlhpesa keyu hoke, im achi tuk a tok.

19. Yohmi hatuk o Helotias vt yvmmak ash o i nukkilli cha, vbi ka ahni; yohmi kia na kanihma he keyu ki tok.

20. Helot vt Chan yvmmak okvt hatak ai vlhpiesa, micha ai ahli achukma hoka ithana hatuk osh, holitoblit nan ik i kanihmo ka hi a ahni tok; mihmvt yvmmak ash im a haponaklot, nana ka lauachit ai yvmohomi, mihmvt na yukpvt i haponaklo beka tok.

21. Atuk osh ont ai vlhpiesa nitak vt-ai ona ma, Helot vt ilap ai vtta tok nitak o i hochitoka vhleha, kvpitvni hochito, mikmvt Kalili i holitompa vhleha aiena ka opiaka im pa im ikbi tok.

22. Atuk o Helotias yvmmak ash ushitek vt ant chukowa cha, hihla ma, Helot micha apehvt binohmaya tuk aiena kash ot na-yukpa ma, miko yash ot ohoyo himita ash, Peh nana ho ish ahni cha is svm asilhhakma, chima lashke, im achi tok.

23. Mihmvt anumpa kvllq im isht il ai onochit peh nana ho is svm asilhhakma, apehliechi li iklvna hatuk ik nana kia, chima lashke, im achi tok.

24. Mihma yvmmak ash ot kohchvt ia mvt, ishki ash o,

Nanta hak o asilhha la chi cho? ont im achi ma, yummak ash osh, Chan Baptist noshkobo hak o', achi tok.

25. Mihma tushpvt chekosi makinli ho ont chukowvt, miko ash im ona mvt, Chekosi mak o, Chan Baptist noshkobo yosh ampo fohka ho, is svma he ak o ahni lishke, achit im asilhha tok.

26. Mihma miko ash ot nukhaklo fehna tok: yohmi kia ilap vt anumpa kvllo ikbi tuk pulla, micha apehvt binoh-maya hatuk pulla mak o ik im ai ahlo ka hi a ik ahno ki tok.

27. Mihmvt miko ash ot ashalika nan-atoni pit chvffichi mvt, noshkobo ya isht vla hi a im apesa tok; mihma ia mvt, aboha kvllo anukaka akinli ho noshkobo ya ont a tvbli tok.

28. Mihmvt noshkobo hash ampo fohkit isht vla cha, ohoyo himita yash o ima na, ohoyo himita yash ot ishki a ont ima tok.

29. Yohmi ma nan im ai ithvna vhleha hash ot yvmma haklo mvt, okla ai vlvvt illi haknip ash ishit, hatak illi aiasha yo bohli tok.

30. Mihma anumpeshi vhleha hash ot Chisvs a ant im ai itahoba cha, nana ka a kaniohmi tuk, micha nan avvchi tuk puta ka mominchit im anoli tok.

31. Mihma yummak ash o, Hvchishno banot filvmmmit haiaka oh ia cha, chekosi takla ka mayvt ho fohá, im achi tok; lauvt ai ahanla ma, anonti ilhkohonli aiena hatuk o, peh maya cha impa kak kia impa he keyu chohmi tok.

32. Mihma lumvt peni pit vlhto cha, a haiaka ka pit ilhkoli tok.

33. Mihma ilhkoli ka okla pisa ma, anonti ithana kvv lau tok: micha tvnaha puta ka a kohchvt aka itvnova hosh yummak ash pit yiblepa tuk osh, yummak ash o imaiya cha, ont im itvnaha tok.

34. Atuk o Chisvs ash ot ont kohcha cha, okla lau fehna ho pisa mvt, chukfulhpoba yosh apesvchi iksho ho itilau hatuk o i nukhaklo tok: mihmvt himona nana ka lauchit im avvchit isht ia tok.

35. Atuk o nitak ash ot ont shohba hosi ma, nan im ai ithvna vhleha hash osh im ai ona mvt, Ilvppak okvt yakni haiaka, anonti nitak mvt shohbit mahayvshke.

36. Kanima pit ish tihleli na yakni auet i bilika tvmahu-shi puta ka itvnowvt, nana vpa hi vt ik im iksho hatuk okvt, pvska okla chumpashke, im achi tok.

37. Mihma, afalaminchi mvt, Ilimpa ha oh ipetá, im achi tok. Mihma, Ivt pvska iskvli tahlepa tuklo ai vlbi o ont e chumpa cha, ilimpa ha il ipeta chi hoh cho? im achi tok.

38. Mihma, Pvska katohmi ho hvsh ishi ho? ont ho pesá, achi ma; okla pisa mvt, Tahlapi cha, nvni tuklo hosh aienvshke, achi tok.

39. Mihma it a kvshkolit mominchit hvshuk okchaki ya a o binohlicha chi ka, im apesa tok.

40. Mihma tahlepa achvfa, anonti pokoli tahhapi, yohmit it a kvshkovt binohli tok.

41. Mihma pvska tahlapi, micha nvni tuklo aiena kash o ishi cha, vba pit chakalit aiokpvchi mvt, pvska yash tushalichi cha, okla ha in talohla chi ho, nan im ai ithvna vhleha hash o ima tok: mihmvt nvni tuklo kash o okla mominchit in tushtuli tok.

42. Yohmi ma momvt impvt okla kaiya tok.

43. Mihma boshulli vt nvni pit aiena kvv kishi auah-tuklo ho ishi tok.

44. Yohmi ka pvska ya okla vpa tuk vt hatak tahlepa sipokni tahlapi foka tok.

45. Mihma ilap vto okla ha kanima pit tihlelit anta takla ma, nan im ai ithvna vhleha hash osh peni pit vlhto cha, tikba ivt mish tvnnvp Betsaita okla ona chi ka, mih makinli ho i miha tok.

46. Atuk osh okla hash kanima pit tihleli mvt, vba pit anumpula chi hosh nvni chaha yo pit oiya tok.

47. Atuk o ont opivt taha ma, peni ashot okhvta iklvna ya aya ma, ilap bano hosh haiaka ya anta tok.

48. Atuk o mahli ak osh a sanali hatuk o peni mofi kvllo fehnvt aiasha na pit pisa tok: atuk osh ninak isht vlhpisa

ont ai ushta foka hō okhvta paknaka ya a nohowvt, ayvt im ona, yohmi kvt ont ia hi a aiahni tok.

49. Yohmi kia yvmvt okhvta paknaka ya a nohowvt aya na okla pisa mvt, shilup atuk o okla im ahoba mvt, tah-pvta tok.

50. Momvt okla pisa hatuk osh komunta ha tok. Mihma ashalika pit im anumpulit, Hvchi nuktanla achukmashke. Ūno ash sia hoke, hvchi nukshopa ná, im achi tok.

51. Mihmvt peni ash ont ibachukowa ma, mahli hash osh issa tok: mihma okla nukhlakancha atampa fehna mvt, okokko! aiahni tok.

52. Yohmi kvt okla ak osh chukvsh kvllō hatuk osh, pvska yatuk ash okla pit ik anukfillo kak a tok.

53. Atuk osh yvmmak ash pit tanvblit Kenesalet yakni a okla ai vta mvt, vli hā ont ataiyvi tok.

54. Mihma peni ash okla a kocha wiha ma, mih makinli hō yvmmak ash okla pit ithana tok.

55. Mihmvt yihlepvt yakni auct a bilika ka mominchit hlopullit ayvt, abeka puta tuk ash topa onochit sholit, yvm-mak ash osh kanima yō anta na haklo mvt, isht itvnowa tok

56. Mihmvt tmahushi, okmá, keyukmvt, tmaha chito yokmá, yakni kocha yokmá nana peh kanima yō ona hoka, abeka ya okla ai itvnaha ya ashachi mvt, yvmmak ash o im ilefoka a aposhokvchi ak oh kia okla potola hinla ka, okla im asilhha tok: mihma yvmmak ash okla potonli aiyuka hokvto, momvt hlakofi tok.

CHAPTER VII.

Chisvs nan im ai ithvna vhleha hvt ibbak ik ahchifo hosh isht impa ka, Falisi vhleha hvt nan isht mihachi, 1; 8 mihma ilap ak osh anum-pa kochanli nan vllhpisa tikba in tonla cha, Chihowa i nan vllhpisa hā isht kobvffi hatuk a Chisvs vt atokolit im anoli: 14 yohmi kvt nana hosh hatak chukvsh a a kocha ilvppak osh hatak a okpvni hoke, achi, 24 Chisvs vt Silofenisian ohoyo ushetk a hlakofichi mvt; 31 hatak vt ik haponaklo, micha anumpuli anuktuklot aiena tuk a, hlakofichi.

1. YOHMI ma Falisi vhleha, micha na-holissochi ka-nohmi Chelusalem minti tuk aiena kvt ant im ai itahoba tok.

2. Atuk osh nan im ai ithvna vhleha kanimi kvt, ibbak liteha yo, yvmmt ibbak ik ahchifo kak o miha, pvska isht vpa hosh maya na pisa mvt, nan isht a mihachi tok.

3. Yohmi kvt Falisi vhleha, micha Chu okla moma aiena kvt in tikba vhleha nan im vlhpisa halanli fehna hatukosh, achukmalit ibbak achifa ha yo keyukmvt, impa keyu beka tok.

4. Mihmvt ilhpak ai-itatoba mintit vla kvt, ibbak achifa ha yo keyukmvt, impa keyu beka tok. Micha nana inla ishtishko, micha ampo, mikmvt asonak lakna, anonti aiimpa achifa aiena ka a puta chohmi nan-isht-a hullocha he im vlhpisa tok vt lauvt asha hoke.

5. Yohmi mvt Falisi vhleha, micha na holissochi vhleha aiena kash osh, i ponaklot, Na katihmi ho na chim ai ithvna vhleha hvt pin tikba vhleha nan im vlhpisa ya ik halanlo hosh, amba ibbak vt ahchifa keyu ho pvska isht vpa cho? achi tok.

6. Mihma afalaminchi mvt, Nan ilahobi hvchia ha vlhpisa ho tikbanli Esaias vt isht hvchi anohonli tuk vt, okla ilvpppvt iti-vlbi yokvno isht sa holitobli kia, chukvsh okvto auet a hopakishke.

7. Yohmi kia nana avvchi kvt hatak i nan-vlhpisa yo ithvnanchi hokvt, nana vlhpesa hi o keyu ho okla si aiokpahanchishke, achit holissochi tok.

8. Yohmi kvt Chihowa i nan-vlhpisa hoka naksika pit hvsh bohli cha, hatak i nan-vlhpisa, ampo, micha ishtishko aiena achifa ho hvsh halanlishke; yohmikmvt nana yvmma ai itilau ka hvsh a yvmohmi kvt lauvshke, im achi tok.

9. Mihmvt hvchishno hvchi nan vlhpisa ya hvsh ai ahli-cha chi kvt, Chihowa i nan-vlhpisa ya aiagli hosh hvsh shiti-lemvshke.

10. Moses okvto, Chiki, micha chishki aiena ka ish holi-toblashke: yohmikma, Kvna hosh iki okma, keyukmvt ishki

okmá, nana hō shitilemvt na mihachikmvt, illi mak o illi pullashke, achi tok.

11. Yohmi kia hvchishno vto, Hatak vt iki, keyukmvt ishki okmá nana kash o vm isht ish ai yukpa he tuk a Kolban oke, yvmma achi hokmvt, vba-isht aiokpvchi isht vlpisa hoke, achi mak okvt nan ik i kanihmo kashke, hvsh achi;

12. Yohmikmvt himmakma iki, ishki ita tuklo ka nana kia isht im vta hi a hvch ik im ahnot,

13. Hvchin tikba vhleha i nan-vlpisa isht hvsh avvchi pulla hosh Chihowa im anumpa ha hvsh akshochishke; micha nana yvmma ai itilau ka a hvchi yvmohmi kvv lau-vshke, im achi tok.

14. Micha okla hash mominchit hoyot itahobit taiyahli mvt, Hvsh moma kvv hvs sa haponaklot, hvsh akostinin-chashke.

15. Nana hak osh kocha mayvt hatak a itih fohka kvv, okpvna hi vt ikshoshke: amba nana kvv a kohcha hokvto, yvmmak osh hatak a okpvni hoke.

16. Hatak nana hosh haksobish isht haponakla hi vt i hinlikmvt, haklashke, im achi tok.

17. Atuk o okla aiasha kash vttvt aboha ont chukowa ma, nan im ai ithvna vhleha hash osh nan-isht vlpisa kash isht im a ponaklo tok:

18, 19. Mihma, Hvchishno ak kia na hvch ik akostinin-cho fehna akinli hō? peh nana hosh kocha mayvt hatak a itih fohka kvv okpvna he keyu, chukvsh ak o pit chukowa hō keyu hokvt, amba takoba yak o ont chukowa tuk mak osh, anonti a hlopulli kvv ilhpak moma ka ai it im vlpesvchi ka hvch ik akostinincho cho? achi tok.

20. Mihmvt, Nana kvv hatak a a kohcha yvmmak osh hatak a okpvni hoke.

21. Hatak haknip anuka chukvsh ak o im anukfila okpulo, havi puta, ohoyo ik im iksho, micha hatak ik im iksho it in lumaka:

22. Hatak bika vbi, hukopa, inla nan im anushkunna, nan i nukkilli, haksichi, havi anukfohka, nishkin isht ik ai

vlhpeso, Chihowa ik ahobalo, ilefehnvchi, im anukfila iksho puta kv̄t a kohcha hoke.

23. Nan ik vlhpeso ilvppa puta moma kv̄t anukaka yak ō asht kohcha hosh hatak a okpv̄ni hoke, achi tok.

24. Mihmvt yvmmak ash asht wakaya mvt, ivt Taia micha Saiton aiena yakni vhli ha ona cha, aboha ont chukowa mvt, hatak nana kia ik akostinincho ka hi a ahni tok; yohmi kia kaniohmit luma he keyu ki tok.

25. Ohoyo hvt ushetik himita vt na shilombish okpulo ai i fok̄a hatuk ō, yvmmak ash pit haklo mvt, onvt iyi ituma ya hlipia tok oka.

26. Ohoyo hvt Klik osh Silofenisian im okla ai achvfa a tok: mihmvt ushetik a na-shilombish okpulo a ai ishit i kohcha hinla ka yvmmak ash ō im asilhha tok.

27. Yohmi kia Chisvs vt, Ulla vhleha ak osh tikba kaiya ha yo; vlla vhleha i pv̄ska ya ishi cha ofi puta ka pit i pila he vlhpesa keyu hoka, im achi tok.

28. Mihma afalaminci mvt, Ahlishke Chitokaka ma! yohmi kia ofi puta kv̄t ai impa nuta ya vlla vhleha im pv̄ska boshulli yak ō ai vpa chokvmo, im achi tok.

29. Mihma yvmmak ash ō, Anumpa ilvppa pulla hatuk mak ō ish iashke; chiso tek a nan-isht-ahullo okpulo vt a kohcha hoke, im achi tok.

30. Atuk ō ilap in chuka yash ona mvt, nan-isht-ahullo okpulo vt a kohcha tuk ō, ushetik ash osh topa paknaka itonla na ont pisa tok.

31. Mihma anonti Taia micha Saiton itatuklo yakni ash issvt ia mvt, Tekapolis yakni a iklv̄nna hlopullit ayvt Kalili okhvta ha ona tok.

32. Mihma achvfa hosh ik haponaklo, micha anumpuli anuktuklo aiena hatuk ō yvmmak ash isht im vla; yohmi mvt yvmmak ash ō ibbak a isht umbitepa hinla ka, okla im asilhha tok.

33. Mihma yvmmak ash ō okla laua ya a kohchit nak-sika isht ona cha, haksobish a ibbak ushi pit hiohlichi mvt, tofa cha, isunlvsh a pit halelichi tok.

34. Mihmvt, pit vba chakalit pisa mvt, hihvt, Effahlá, im achi tok: yvmmut ish tiwashke, achi hoke.

35. Mihma yvmmak ash osh ashalika haksobish vt wakama ma, anonti isunlvsh isht talakchi vt yuhapa na kohchi achukmvt anumpuli tok.

36. Yohmi ma hatak nana kia okla ik im anolo ka chi ka, im apesa tok. Yohmi kia i shahlichit im apesa kak o, anonti okla anoli kv̄t isht i shahli fehna tok.

37. Mihmvt nukhlakancha kv̄t atampa fehna mvt, Yvmmak okvt nan okluha kv̄t vlhpesa bano ho yvmihchishke: ik haponaklo atuk a haponaklochi mvt, anonti ik anumpulo atuk a anumpuli ikbishke, achi tok.

CHAPTA VIII.

Chisvs vt pvska lumbo untuklo, micha nvni chipunta kanomosi aiena tuk a hatak tahlepa sipokni ushta impv̄chi, 1; 11 Falisi vhleha ha nan isht ai atokowa ya i haiakv̄chi ik bvnno; 14 mihma nan im ai ithvna vhleha hv̄t Falisi vhleha, micha Helot aiena i na-pvska ishit-shatv̄mmi a ahah! okla im ahna chi ka i miha. 22 Betsaita ya hatak lva yvt anta tuk o, Chisvs vt hoponayochi. 27 Pita yvt, Chishno ak osh Klaist chia mak oke, atokolit achi ma, Chisvs vt im aiokpanchi; ilap ak o il im antia hosh ile kaiyanchit nana palv̄mmi puta ma e pihisa chi hokv̄to ik pi nukwaiyo ka hi a, Chisvs vt pim abahanchi.

1. NITAK yvmma foka ma okla hv̄t laua fehna, micha vpa hi vt nanasi kia ik im iksho ma, Chisvs ash osh nan im ai ithvna vhleha hash hoyo mvt,

2. Okla laua vt si apehvt maya na himak nitak tuchina ka nana vpa hi vt ik im iksho hatuk o, i sa nukhakloshke.

3. Yohmi kv̄t okla ik impo ho in chuka ya pit yubli li hokma, kanimi kv̄t mishema ho minti hatuk okvt, takla tikamba hinlvshke, im achi tok.

4. Mihma nan im ai ithvna vhleha hash osh, Yakni haiaka ilvppa katima yak o hatak vt pvska ya ai ishi hosh okla ilvppa fihobla hinla ho? im achi tok.

5. Mihma i ponaklot, Pvska yvt katohmi ho hv̄sh ishi ho? im achi ma, Untuklo, achi tok.

6. Mihma okla hvt binohla chi ka apesa tok; micha pvska untuklo kash ishi cha, vba pit aiokpvchi cha boshullichhi mvt, okla ha itikba in talohla chi ho nan im ai ithvna vhleha hash ima ma, yvmmak ash osh okla hash itikba in talohli tok.

7. Michi nuni chipunta kanomosi ka okla isht aya tok; atuk o yvmmak ash o vba pit isht aiokpvchi mvt, yvmmak-ma itikba in talohla chi ka apesa tok.

8. Yohmi na okla impvt kaiya tok: mihma ilhpak boshulli atampvt asha ka kishi untuklo ho okla ishi tok.

9. Mihma okla impa tuk vt tahlepa sipokni ushta foka tuk a tok; yohmi ma okla hash kanima pit yuhli tok

10. Mihmvt ashalika nan im ai ithvna vhleha hash it apihvt peni pit fohkvt ia mvt, Talmanuhla yakni a kaniohmi ho ona tok.

11. Mihmi Falisi vhleha hvt ayvt ai vla cha, imomaka pisa hosh, nan isht ai atokowa vba minti ka okla ai im a hoyo hosh himona isht it im anumpulit aiasha tok.

12. Mihmi chitolit chukvsh ai anukaka hiha mvt, Na katihma ho hatak himonasi aiasha ilvppvt nan isht atokowa ya okla hoyo cho? Ahli mak o hvchim achi lishke, Hatak himonasi aiasha ilvppa nan-isht atokowa nana hosh in takala he keyu mak oke, im achi tok.

13. Mihmvt issvt ivt, peni ash o anonti chukowa mvt, mish-tvnnvp o ia tok.

14. Mihma nan im ai ithvna vhleha hvt pvska okla isha he tuk vt immihaksi, yohmi mvt peni a foka kvt pvska achvfa ka ont ia keyu ho okla isht aya tuk a tok.

15. Mihma yvmmak ash osh achukmalit nan i mihvt, Falisi vhleha i pvska isht-shatvmmi, micha Helot i pvska isht-shatvmmi aiena ka im il anuktabhvt ahah! ahnit hvsh pihisashke, achi tok.

16. Mihma ilap bika it im anumpulit, Pvska vt ik pim iksho kak oka, achi tok.

17. Mihma Chisvs vt akostininchi mvt, Na katihmi ho pvska vt ik hvchim iksho kak atuk a hvsh miha cho? hvch ik akostinincho, mikmvt hvch ik ithano aiena kvt moma ho? hvchi chukvsh vt kullo kvt moma ho tuma!

18. Hvchi nishkin vt asha kv̄t hvch ik peso cho? micha hvchi haksobish vt hinli kv̄t, hvch ik haponaklo hō? mikmvt hvch ik ithano cho?

19. Pvska tahlapi hō hatak tahlepa sipokni tahlapi ka in tushahliehi li ma, boshulli vt kishi alota katohmi hō hvsh ishi ha tok o? im achi ma, Auah-tukló, okla achi tok.

20. Anonti tahlepa sipokni ushta ma, untuklo tuk a a boshulli vt kishi alota katohmi hō hvsh ishi ha toko? achi ma, Untuklo, im achi tok.

21. Yohmi ma, Katiohmi hō na hvch ik akostinincho hoh cho? im achi tok.

22. Atuk osh Betsaita vla; yohmi ma hatak lva yō okla isht im ona mvt, yvmmak ash potola chi ka im asilhha tok.

23. Mihma hatak lva yash o ibbak a halvli cha, tmaha ha ishit kohcha; yohmi mvt nishkin a im on tofa cha, ibbak a isht umbitepa mvt, Nanasi kia ish pisa cho? achit i ponaklo tok.

24. Mihma vba chakali mvt, Hatak vt iti yak o chohmi hokak osh itvnowa hō pisa lishke, achi tok.

25. Yohmi ma anonti nishkin ash o ibbak isht umbitepa mvt, vba chakalichi tok: mihma hlakofi cha, hatak moma ka pisa achukma tok.

26. Mihma in chuka pit chvffichi mvt, Tvmaha ha ont chik chukowokmvt, anonti tmaha asha ka achvfona kia chik im anolo kashke, achi tok.

27. Mihmvt Chisvs vt nan im ai ithvna vhleha ha ai itapehvt kohchvt ivt, tmaha Sesalea Filippi ya ona tok: mihmvt takla ya nan im ai ithvna vhleha hash i ponaklot, Oklahvto kvta sia hō miha cho? im achi tok.

28. Mihma afalaminchi mvt, Chan Baptist; yohmi kia kanimi mvt, Elias ak o achi; kanimi kvto Hopaii vhleha ha tok achvfona mak oka, achi hoke, achi tok.

29. Mihma, Amba hvchishno vto kvta hō hvs si achi hō? im achi ma, Pita yvt afalaminchi mvt, Chishno ak osh Klaist chia mak oke, im achi tok.

30. Mihma yvma hatak nana kia ik im anolo ka chi ka kvllochit i miha tok.

31. Mihmvt Hatak Ushi vt nan-isht ai ilbrsha in laua chi, micha hochitoka vhleha, mikmvt na-holitompa isht a₂sha pehlich i vhleha, anonti na-holissochi vhleha aiena ka ai im a kvllakshit illa he ; atuk mvt nitak atuchinakma anonti tana hi a isht im abvchit isht ia tok.

32. Mihmvt anumpa yummak ash o haiakvehit anumpo honli tok. Mihma Pita yvt halvlli cha, im alvmmit isht ia tok.

33. Yohmi ma yummak ash osh filemvt nan im ai ithvna vhleha hash pisa mvt, Pita yash im alvmmit, Setan chia hvt vm ashaka yo ish hikiashke: chishno vto Chihowa ai im anukfila hano ish ahninch i keyu, amba hatak ai im anukfila yok mak oka, achi tok.

34. Mihmvt okla ha, micha ilap nan im ai ithvna vhleha aiena kash hoyot itvnahli mvt, Kvna hosh siakaiyvt aya chik-mvt, ik ile holitobl ot im ititaiyukhvna ma sholi cha, siakai-yashke.

35. Kvna hosh ilap im ilhfiopek a okchalinch i ka ahni hokvt i kvnia he ; amba vno pulla, micha vbanumpa aiena pulla ho kvna hosh im ilhfiopek a kanch i hokvto, mihi yosh okchalinch a hi oke.

36. Hatak vt yakni a mominchit immi ikbi hoh kia, anonti ilap im ishilombish ash osh i kvnia kv, nanta ho isht im ai achukma hinla cho ?

37. Keyukmvt, hatak vt nanta hak o ilap shilombish a isht atobba hinla cho ?

38. Yohmi hoka havi shahli, mikmvt nan-ashvchi fehna aiena aiasha ilvppa kvna kia vno, micha vm anumpa aiena ka ai i hofahya atukma, mihi yo Hatak Ushi vt Iki im aholi-topa il ai ishit, enchil holitopa vhleha aiena pehlichit ayvt vlakmvt, i hofahya ak inla hi oke, im achi tok.

CHAPTA IX.

Chists vt nvni h chaha oiyvt pakna ont hikia mvt inlv toba, 1 ; 11 mikmvt Elias vt vla he achi chatuk a, Chan Baptist ak osh mihmak atuk o anoli ; 14 mihmvt hatak achvfa hosh shilombish ok-

pulo anukfohka kvt ik haponaklo, micha anumpula he keyu ka aiena tuk o hlakofichi; 30 mihmvt ititaiyukhuna a takalit illi tuk mvt, anonti falamvt tana hi vt atuklanchit anoli; 33 nan im ai ithvna vhleha hvt nafehna bvnvvt asha ka, Chisvs vt nan isht i miha, 38 mihma kvna hosh nan isht ahullo okpulo ya ilap hohchifo ak o isht kocha weli hoka ik ataklvmo ka hi a i miha; 42 na yimmi im anukfla ik hochito puta yoshubli ka ai vlhpesa keyu ka miha.

1. MIHMUT, Ahli mak o hvchim achi lishke, Ilvppa hioh-maya ka kanimi kvt ik illo hosh Chihowa apehlichika yvt nan-isht ai ahlika ya ai it ishit vla na pisa chi kvt, asha hoke, im achi tok.

2. Atuk osh yvmmak atuk a nitak hannali ma, Chisvs vt Pita, micha Chemis, mikmvt Chan aiena ka yvmmak bano ho pehlichika cha nvni chaha yo pit oiya tok: mihmvt inlvv tobtv itikba hikia tok.

3. Mihma im ilefoka yvt shohmalali tohbit kvnia kvt, okti pushi ak o chiyuhmi tok: yohmi hatuk o nantvna tohbichi nana ak osh i shahlichit tohbicha he keyu ki tok.

4. Mihma Elias, micha Moses itatuklo hosh ant i haiaka tok: mihmvt yvmmak ash osh Chisvs a it im anumpulit okla tok.

5. Yohmi ma Pita yash ot anumpuli mvt, Chisvs ash o, Pi shahli ma! ilvppa e maya kvt pim achukmvshke: yohmi ka vlhtipo tuchina kak o il ikbi na achvvt chimmi hokma, anonti achvvt Moses ak o immi hokma, anonti achvfa kvt Elias ak o immi hashke, im achi tok.

6. Yohmi ka okla nukshopa fehna hatuk o nana a miha ik ithano ha tok.

7. Yohmi ma hoshonti hvt ant im okhlilichi tok: mihma hoshonti anukaka ya auet anumpuli kvt, Ilvppak osh Svso a holitopa mak oke, hvsh i haponaklashke, achi tok.

8. Mihma ashalika filemvt okla hopokoyo kvt, hatak inla nana kia ik peso; amba Chisvs ash bano ho ai it apiha tok.

9. Atuk o nvni asht okla akowvt minti ma, nana ka okla pisa tuk vt hatak nana kia ik im anolo mak o, Hatak Ushi vt illi tuk vt tani ha ya hi a, i miha tok.

10. Atuk o anumpa yummak ash o ilap illvt okla ithanvt, Illi tuk osh tani kv̄t nanta hak oh chishba? ahnit ilap bika it im a ponaklot itvnowa tok.

11. Mihmvt im a ponaklot, Na katihmi hō na-holissochi v̄hleha hv̄t, Elias ak osh t̄ikba v̄la pulla he, okla achi cho? achi tok.

12. Mihma afalaminchi mvt, Ahli, Elias ak osh t̄ikba v̄la cha, nan-okluha ka ant falaminchit apoksiacha he; mikmvt Hatak Ushi vt kaniohmit nana lawa ka isht ai ilbv̄sha he, micha nan isht ik ahobo ka he aiena ka isht a holisso hatuk oke.

13. Yohmi kia, Isht a holisso tok mak oka Elias vt v̄la ahli ho mv̄hli: yohmi na okla kanimihchi bv̄nna kv̄t yummak ash o im ai yumihechi tuk oke, hv̄chim achi lishke, im achi tok.

14. Atuk osh nan im ai ithv̄na v̄hleha aiasha ka ona mvt, okla chinto fehna kv̄t aiasha ma, anonti na-holissochi v̄hleha hv̄t yummak ash o nan im asilhhv̄chit maya na ont pisa tok.

15. Mihma okla hv̄t yummak ash o pisa mvt, mih makinli hō okla nukhlakan̄cha feh̄vt, yihlepv̄t im ai onvt, okla aiokpv̄chi tok.

16. Mihma na-holissochi v̄hleha hash o i ponaklot, Nanta mak o hv̄sh it im asilhhv̄chi hatuk o cho? achi tok.

17. Yohmi ma okla laua yash osh achv̄vt afalaminchi mvt, Nan-ithv̄nanchi ma! sv̄so hv̄t na-shilombish ik anum-pulo yō il ai eshi hatuk o ishit chim v̄la lishke.

18. Yohmi ka kanima yō ai ilhkolic hikmvt, haiochichechi chatuk: mikma itukpokpokit noti ahampvt, chunnvt taha chatuk; yohmi hō na chim ai ithv̄na v̄hleha hā yymma koheha ch̄i ka im anoli li tuk ak o, okla koh̄cha he keyu ke tuk oka, achi tok.

19. Mihma afalaminchi mvt, Na yimma he keyu isht-ai unchululi hv̄chia ma! hv̄chi t̄akla ahanta l̄i katiohmi foka ch̄i cho? nana ka isht ak hv̄chi ahno hō katiohmi foka ch̄i cho? Isht hv̄s sv̄m v̄lashke, achi tok.

20. Mihma yummak ash o okla isht im ona tok: mihma yummak ash pisa ma, na-shilombish ash osh mih mak-inli

h_o haiochichechi tok; mihma aka itula cha, shalali mvt itukpokpoki tok.

21. Mihma i_{ki} ash o i panaklot, Katiohmi foka kash o ilvppvt ai yakohmi tok o? achi ma, Ulla tomba mak a tok.

22. Yohmi ka vbi bvna kvt luak, mikmvt oka aiena ka it a kanchi beka tuk oke: yohmi kia nana h_o ish kanimihcha hinlakmvt, ish pi nukkaklo cha, ish pi apelashe, achi tok.

23. Mihma Chisvs ash osh chi yimma hinla hok ma, nayimmi hokvno nan okluha kvt ai i yvmohma hinla hoke, im achi tok.

24. Mihma vlla ya i_{ki} yash ot mih makinli n_o nishkin okchi mihinti hosh chitolit, Chitokaka ma! sai yimmishke; nan-isht ik a sai yimmo ya is svm apelvchashke, achi tok.

25. Mihma okla hvt yihlepvt ant ai itahoba ka, Chisvs vt pisa mvt, na-shilombish okpulo ash o im alvmmmit, Na shilombish ik anumpulo, mikmvt ik haponaklo aiena chia hvt ilvppa ish a kohcha cha, mikmvt himmakma chik chukowo ka he mak o chim apesa lishke, im achi tok.

26. Mihma na-shilombish ash osh tahpvlvt, yvmmak ash o haiochichechi fehna cha, a kohcha tok: mihma yvmmak ash ot illi y_o chohmi tok: yohmi hatuk o, Illishke, achi kvt laua tok.

27. Yokmi kia Chisvs ash osh ibbak a halvli cha, tanichi ma; yvmmak ash ot wakaya tok.

28. Atuk o aboha ont chukowa ma, nan im ai ithvna vhleha hash ot ilap banot im a ponaklot, Na katihmi h_o pishno vto yvma e kohcha he keyu ke tuk oh cho? achi tok.

29. Mihma, Ilvppa chohmi kvt nana h_o isht kohcha hi vt iksho, amba vba pit anumpuli, micha na-hullochi aiena hok mak bano hoke.

30. Mihma yvmmak ash asht okla ilhkoli mvt, Kalili a okla hlopulli tok: mihma hatak nana kia akostinincha hi oka, ik ahno ki tok.

31. Yohmi kvt nan im ai ithvna vhleha h_a nan im avvchi kvt, Hatak Ushi vt hatak puta ibbak a fohka hoka, okla

vba chi hoke: atukma illi ha ya tuk vt, nitak ont atuchinakma tana hi oke, im achi tok.

32. Yohmi kia anumpa yvmma okla ik akostinincho; yohmi mvt i ponaklo nukshopa tok.

33. Atuk o yvmmak ash ot Kapenavm a vla tok: mih-mvt aboha anuka asha hosh i ponaklot, Takla ya hvchishno bika isht hvsh it im anumpuli kash osh nanta mak atuk o? achi tok.

34. Yohmi kia lumvt okla maya tok: yohmi kvv takla ya, Kvta hak osh moma i shahli ahanta chishba? ahnit ilap bika okla isht it im anumpuli tuk a tok.

35. Mihma binili mvt, auahtuklo kash o hoyo cha, Hatak nana hosh moma i shahli bvna hokmvt, mihi yosh moma ka ik lauwokmvt, anonti moma in tishu a hi oke, im achi tok.

36. Mihmvt vlla yo halvli cha, itintakla binilichi tok: atuk osh ishit sholi mvt,

37. Kvna hosh sa hohchifo pulla hatuk mak o vlla ilvppa chohmi achvfona ka holitoblikmvt, vno ak o sa holitobli hoke: mikma kvna hosh vno a sa holitoblik mvt, vno ak o sa holitobli ho keyu, amba auet sa kanchi tok ak oke, im achi tok.

38. Mihma Chan vt afalaminchii mvt, Nan ithvnanehi ma! achvfa hosh chishno chi hohchifo ha nan-isht ahullo okpulo puta isht kocha weli hosh anta ho e pisa ka, ik pibafohkoshke: yohmi ma il im alvmmi kano, ik pibafohko hoka, achi tok.

39. Yohmi kia Chisvs ash osh, Hvch ik im alammo kashke: hatak vt sa hohchifo pulla hatuk mak o na fehna ka isht ai yvmihchi hokvt vno a yvmmak fokalechit na sa mihacha hi vt iksho hoka.

40. Mikma kvna hosh hvvishno a hvv i sanali keyu hokvto, hvv-ibai achvfa hoke.

41. Klaist a immi hvchia hoka, kvna kia oka kapvssa isht-ishko achvfa ka hvsh ishka chi ho, vno sa hohchifo pulla hatuk mak o hvch ipeta hokmvt, isht vltoba ka i hlakofa he keyu, ahli mak o hvch im achi lishke.

42. Micha kvna hosh a yimmi vhleha chipunta ilvppa achvfona ma ibetvblichi hokmvt, ilapa ak o tanchi botoli tvli ak osh ikunla ya a takanli ho okhvta ha oka kvnia hokmak osh, im vhpesa he tuk mak a hi oke.

43. Yohmi ka chibbak vt chi ibetvblichi hokma, chanlit ish hokofashke : imomokpulo yosh ai-okchaya ya ont ish chukowa hok mak osh, chim vhpesa kvv chibbak vt tuklo hosh aiokpuloka, luak vt nitak nana moshola he keyu mak o, chi itvtula hi atuk a chim i shahli hoke.

44. Yvmmak oka i shushi yvt illi keyukma, anonti luak mvt nitak nana mosholi keyu hoke.

45. Mikmvt chiyi yvt chi ibetvblichi hokma, chanlit ish hokofashke : imomokpulo yosh ai-okchaya ya ont ish chukowa hok mak osh chim vhpesa kvv, chiyi yvt tuklo hosh ai-okpuloka, luak vt nitak nana moshola he keyu mak o chi itvtula hi atuk a chim i shahli hoke.

46. Yvmmak oka i shushi yvt illi keyukma, anonti luak vt nitak nana mosholi keyu hoke.

47. Mikmvt chi nishkin vt chi ibetvblichi hokma, kohchit ish kanchashke : nishkin achvfa yosh Chihowa apehlichika ya ont ish chukowa hok mak osh chim vhpesa kvv, chi nishkin vt tuklo hosh aiokpuloka luak a chi itvtula hi a chim i shahli hoke.

48. Yvmmak oka i shushi yvt illi keyukma, luak vt nitak nana mosholi keyu hoke.

49. Mikma moma kvv luak o isht ai yvmmi bano kvv, vba isht aiokpvchi vt hvpi isht ai yvma hi a ohma hi oka.

50. Hvpi vt achukma ; yohmi kia hvpi vt homi kvv i kvnia hokma, nanta hak o isht hvsh homincha hinla cho ? Hvpi a hvchishno inli il anit hvsh ieshikmvt, hvchishno bika ma hvsh it i nanaiya achukmashke, achi tok.

CHAPTA X.

Chisvs vt Chutea yak o nan im ai avrchit anta, mihmvt it i kvnia holisso hak o Falisi vhleha ha isht it im anumpuli, 1 ; 13 vlla chipunta ya halvllit sholi. 17 Chisvs vt hatak himita nan in laua yo

aiokpuchit imomaka pisa: 28 mikmvt kvna hosh ilap ak o holitobli pulla hosh nan okluha ka issvt aya tuk okvno im atobba hi vt miha: 32 ilap vt ititaiyukhrna a takalit illi tuk mvt anonti, falamvt tana hi vt himmakma Chisvs vt anoli: 35 Chemis Chan ita tuklo kvt Chisvs a nana im asilhha; mihma Chisvs vt ilap ma nana ho im achi mvt; 46 ik hoponayo Batimers a hoponayochi.

1. MIHMA yummak ash o asht wakayvt minti mvt, Chatan hlopullit mish-tvnnvp a ayvt Chutea yakni a vla tok: mihma okla hvt im ai itahoba na ai yakohmi yatuk okvt, anonti nan im avrchit ahanta tok

2. Mihma Falisi vhleha hvt im ai vla mvt, imomaka pisa hosh, Hatak vt tekchi a kancha he vlhpesa hoh cho? achit i ponaklo tok.

3. Mihma yummak ash osh afalamинchi mvt, Moses vt nanta hak o hvchim apesa tok o? im achi tok.

4. Mihma, It i kvnia holisso hak o ikbi cha, kancha hi o Moses vt ahni tok, achi tok.

5. Mihmvt Chisvs vt afalamинchi mvt, Hvchishno hvchi chukvsh kvllo pulla kak o nan vlhpisa ilvppa hvchim ikbi tok.

6. Amba nan okluha toba vmmona ka Chihowa hvt nakni, tek ita tuklo ho ikbi tok.

7. Ilvppa pulla hatuk mak o hatak vt iki, micha ishki aiena ka issa cha, tekchi ak o asitia hi oke.

8. Yohmikmvt tuklo yummak atuk vt haknip achvfa hi oke. Yohmi ha mvt i himmakma tuklo mak a hi o keyu, amba haknip achvfa hoke.

9. Yohmi hoka, Chihowa hvt nana ka it a halvllichhi ha ya, hatak nana kia ik it i filvmmicho kashke, im achi tok.

10. Atuk o aboha anukaka maya ho nan im ai ithvna vhleha hash osh anonti na mihi yash inli ho i ponaklo tok.

11. Mihma kvna hosh tekchi a kanchi cha, inla yo it auwaya hokmvt, haui tobtv yummak ash o isht ik vlhpisalo hoke.

12. Mikma ohoyo hvt i hatak a kanchi cha, inla yo auwaya hokmvt, haui toba hoke, im achi tok.

13. Mihma yummak ash ot potola chi ho vlla chipunta

ya okla isht im ai vla tok : atuk ak o nan im ai ithvna vhleha lvt nan isht ai vla yvmmak ash o im alvmmi tok.

14. Yohmi kia Chisvs vt yvmma pisa mvt, ik im vlhpieso fehna cha, Vlla chipunta yvt vm ai vla hi a hvsh ahni cha, hvch ik im alammo kashke : ilvppa chohmi kak osh Chihowa apelhichika mak oka.

15. Ahli mak o hvchim achi lishke, Kvna hosh vlla iskitini ak o chiyuhmit Chihowa apelhichika ya aiokpvchi ho keyukmvt, yvmmak oka chukowa he keyu hoke, im achi tok.

16. Mihmvt yvmmak ash o ishit sholi cha, ibbak a isht umbitepa mvt, yukpali tok.

17. Mihmvt kohchvt ivt hina ont fohka ma, achvftv mallelit mintit ant i hvchukbihlepa mvt, Nan-ithvnanchi achukma ma ! ai okchayvt bilia ya pisa la he vlhpesa kvto nanta hak o yvmohmi la chi cho ? achit i ponaklo tok.

18. Mihma Chisvs ash osh, Na katihmi ho achukma is si achi cho ? achukma vt iksho ; amba achvfa kak illa : yvm-mvt Chihowa ak oke.

19. Anumpa vlhpisa, Haui chik tobo kashke : Kvna kia chik bo kashke : Nana kia chik hukopo kashke : Anumpa ik ahlo isht atokolit chik ahanto kashke : Kvna kia chik haksicho kashke : Chiki, chishki aiena ka ish holitoblashke, achi puta ka ish ithanvshke, im achi tok.

20. Mihma afalaminchu mvt, Nan ithvnanchi ma ! vlla sa tomba kash inli hosh ilvppa puta ka holitoblit isht mihinti li tuk oke, im achi tok.

21. Yohmi ma Chisvs vt pisa kvv i hullo : mihmvt, Nana achvfa hosh ik chim onoshke ; ish ia cha, nana hosh chim ashakmvt, ish kampila cha, ilbvsha puta ka ish imashke : yohmik mak osh na holitompa kvv vba yakni ya chin tonla he mak oke : mikmvt mintit ititaiyukhvna ant ish eshi cha, is siakaiyashke, im achi tok.

22. Mihma yvmvvt nan in laua fehna hatuk osh anumpa yvmma haklo mvt, nukhaklot, kanima ia tok.

23. Mihma Chisvs vt filemvt hopokoyo mvt, nan im ai ithvna vhleha hash o, Na palvmmi nana kvv a fehna ho nan

in laua vhleha hv̄t Chihowa apēhlichika yā chukowa hi oke, im achi tok.

24. Mihma nan ithvna vhleha hash osh anumpa yv̄mma achi ka okla nukhlakan̄cha tok. Yohmi kia Chisvs ash ot anonti anumpuli mvt, Ulla vhleha ma! im ilayak ai anuk-chieto hosh ahanta kv̄to Chihowa apēhlichika yā chukowa kv̄no palv̄mmi kv̄t katiohmi fehna hoh chishba!

25. Kamel vt chofak ushi nishkin a hlopulli ka palv̄mmi kv̄t, hatak nan in laua yosh Chihowa apēhlichika chukowa ka ik lauwoshke, im achi tok.

26. Mihma okla nukhlakan̄cha atampa fehna mvt, Yoh-mikma kv̄ta hosh okchaya hinla cho? ilap bika it im achit maya tok

27. Mihma Chisvs vt atokolit pisa mvt, Hatak okmv̄no yohma he keyu kia, amba Chihowa hokv̄no ai yohmi hoke. Chihowa yak okmv̄no nan okluha kv̄t aiahli chatuk oka, achi tok.

28. Yohmi ma Pita vt, Yakeh! pishno v̄to mominchit il issa cha, e chiakaiya tuk oke, im achi tok.

29. Mihma Chisvs vt afalaminchi mvt, Ahli mak o hv̄-chim achi lishke, Hatak nana hosh v̄no pulla, micha v̄ba-numpa aiena hatuk mak o, in chuka, keyukmvt itibapishi vhleha, in tek puta, īki, ishki, keyukmvt tekchi, mikmvt vlla, micha yakni aiena ka issv̄t aya hokv̄to,

30. Mihi yosh okchaya takla kv̄t chuka, itibapishi vhleha, micha in tek vhleha, mikmvt ishki, micha vlla, anonti yakni aiena kv̄t mihi atuk a ohmi tahlepa achv̄fa h̄o pisa he; mik-mvt nan ishtai īpalv̄mmi mvt im aiena tukmvt, anonti yakni inlakma aiokchayv̄t bilia yā pisa hi oke.

31. Yohmi kia tikba yatuk vt ont ishtaiyopa hi vt lawak-ma, anonti ishtaiyopi atuk vt tikba ya hi vt lauv̄t asha hi oke, achi tok.

32. Micha Chelusalem ilhkoli hosh hina vlhtot asht aya ma, Chisvs vt tikba hikv̄t ia ma, okokko! okla ahni mvt, iakaiya kv̄t nukshopv̄t okla itv̄nowa tok. Mihma auah-tuklo kash o ī howa cha, ilap nana im a kaniohma chi kv̄t im anolit,

33. Inta! Chelusalem a iloh ilhkolishke; yohmi ka Hatak Ushi vt na-holitompa isht a₂sha pehlich i v₂hleha, micha na-holissochi v₂hleha aiena ka ibbak fohka ch₂i; mikma illa he anumpa onochi cha, Chentail okla h₂o ibbak fohka ch₂i hoke.

34. Mikmvt yvmmak ash o okla ishit yopula, micha fvm-mi, mikmvt on tuftua aiena cha, okla vba ch₂i hoke: atuk-ma nitak ont atuchinakma falamvt tana hi oke, achi tok.

35. Mihma Sebate ushi Chemis, micha Chan ita tuklo kv₂t im ona mvt, Nan-ithv₂nanchi ma! nana h₂o il ahnikma, ish pim aiahlich i hokbano il ahnishke, achi tok.

36. Mihma, Nanta hak o hvch₂i yvmihchi la hi a hvsh ahni cho? im achi tok.

37. Chim a holitopa ya achv₂vt chibbak isht impak-imma a₂shakma, anonti achv₂vt vlhfvbekimma a₂sha hosh, e chiya hi ak o ik yohmi ish ahnashke, im achi tok.

38. Yohmi kia Chisvs ash osh, Nana h₂o hvsh asilhha hokvt hvsh akostininchi keyushke: isht-ishko vno vt ai ishko la ch₂i ka hvsh ai ishka hinla cho? mikmvt baptismo a vno vt isht baptismo li ka hvchishno vt isht a hvchi baptisma hinla cho? im achi tok.

39. Mihma, Pi yvmohma hinlvshke, im achi tok. Mihma Chisvs ash osh, Isht-ishko vno vt ai ishko li ka hvsh ai ishkokmvt, anonti baptismo vno vt isht a baptismo li aiena ka isht a hvchi baptisma ch₂i ho mvhli hoke.

40. Amba sabbak ishtimpak imma, micha vlhfvbekimma aiena a₂sha hi okvno ima la hi o keyu; amba kvna h₂o im vlhtaha mak a he oke.

41. Mihma pokoli kash ot haklo mvt, Chemis, Chan ita tuklo kash okla isht ik i yukpo fehna tok.

42. Yohmi kia Chisvs vt yvmmak ash o hoyo cha, Chentail okla i m₂iko v₂hleha hv₂t ai i shahlit pehlich i chatuk: mikma i hochitoka v₂hleha hv₂t nana kv₂t im a vlhpiesa mak osh okla h₂a i yvmihchi chatuk a hvsh ithaiyanvshke.

43. Yohmi kia hvchishno yokvto hvchi yvmohma he keyushke: amba hvchi kanima mvt i shahli bvna hosh hvch ibafoka hokmvt, nan-isht hvchim vtta ya he.

44. Mikma hvchi kanima hosh moma i shahli hvchi bvn-nakmvt, moma in tishu hvchia ha hi oke.

45. Hatak Ushi ak kia nan isht im vtta hi o, aya tok keyu : amba ilapo ak osh nan isht vtta he, anonti lawa kv̄t isht a hlakofa hi a ilap im ilhfiopak a isht atobba he mak a tok oke, im achi tok.

46. Mihma Cheliko a okla ai vla tok : atuk osh nan im ai ithvna vhleha, micha okla lawa fehna aiena ho pelichi cha Cheliko ash a kohchvt ia ma, Timers ushi Batimers lva yvt hina lapalika yo a binilit nan asilhha tok.

47. Atuk osh yvmmak ash ot Chisvs Nasalet minti yatuk o haklo mvt, tahpvlvt, Chisvs Lewi ushi chia hv̄t is sa nuk-haklashke, ahanchi tok.

48. Mihma nukchinta chi ka, i miha kv̄t laua tok : yohmi kia yvmmak o i shahlichy fehv̄t tahpvlvt, Chisvs Lewi ushi ma ! is sa nukhakhlashke, ahanchi tok.

49. Mihma Chisvs vt hikia cha, yvmmak ash o hoyā hi a miha tok. Mihma hatak lva yash o ont hoyot, Chi nuk-tanla achukmashke, auct chi hoyo hoke ; wakayā, im achi tok.

50. Mihma im anchi ash o kanima pit bohli mvt, waka-yvt, Chisvs a ima ona tok.

51. Mihma Chisvs vt afalaminchi mvt, Nanta mak o chi yvmihchi la hi a ish ahni cho ? im achi tok : mihma hatak lva yash osh, A shahli ma ! hoponayo la hi a, im achi tok.

52. Mihma Chisvs ash ot, Ish iashke ; na chi yimmi hv̄t chi hlakofichi hoke, im achi tok. Mihma ashalika hoponayo mvt, hina fohkv̄t Chisvs a iakaiya tok.

CHAPTA XI.

Uhisvs vt issuba haksobish falaia himita om binili cha, Chelusalem ont chukowa, 1. 12 Fik vpi yo nitak nana ik ano ka hi a, Chisvs vt im apesa : 15 mihmvt nan-itatoba vhleha tempel anykaka asha tuk a kocha pit tihleli. 27 Kanimi kv̄t nan isht ai vlhpesa nana ho isht ai yvmohmi hatuk a a ponaklo tuk kia, yvmmak ash o Chisvs vt im a tvblichy.

1. **ATUK** osh Chelusalem bilika Betfachi, micha Betani ita tuklo, Alif nvnih fehna ho ai vla ma, nan im ai ithvna vhleha hash tuklochit tihleli tok.

2. Mihmvt, Ivt tvmahushi hvchi chapaka auet talaia ka hvsh onashke: yohmikmvt yvmma ont hvsh chukowa mih makinli hosh, issuba himita hatak vt ik om binilo kisha yvt asinta na hvsh pisa chi hoke: yvmma i hotofit isht hvsh lashke.

3. Yohmi ka hatak nana kia, Na katihmi ho ilvppa hvsh yvmihchi ho? hvchim achi hokma, Chitokaka yak osh bvna hatuk oke, hvsh achashke: yohmikma mih makinli ho auet pila chi hoke, im achi tok.

4. Mihma it iachi mvt, hina tuklot ant ai it afama ho, issuba himita yvt okhissa kocha ya asinta na ont pisvt okla cha, i hotofi tok.

5. Mihma yvmma hiohmaya tuk vt kanimi kvv, Nanta mak o hvsh katiahmi hosh issuba himita ya hvsh i hotofi cho? im achi tok.

6. Mihma Chisvs vt nan apesa tuk ash o i miha tok: mihma peh ik ilhkoli okla im ahni tok.

7. Mihma issuba himita yash o Chisvs a isht im vla cha, im anchi puta ka om pulli na yvmmak ash osh o minili tok.

8. Mihma hina ya im anchi puta ka pulli kvv laua ma, anonti kanimi kvv iti naksish o vmot hina ya pulli tok.

9. Mihma tikba ilhkoli, micha pit iakaiya aiena tuk vt, chitoli hosh, Hosanna, Chitokaka i hohchifo il ai eshi hosh minti kvv holitopa mak oke.

10. Piki Lewi apehlichy vt Chitokaka i hohchifo il ai eshi hosh aya kvv, holitopashke; shutik tvbokaka fehna, Hosanna ai ahanchashke, achi tok.

11. Mihma Chisvs vt Chelusalem a ont chukowvt, tempel a ont chukowa tok: micha nana puta kash filemvt pisvt in taha, mihma opivt taha aiena hatuk o, auah-tuklo kash o pehlichy cha, pit kohchvt Betani a ia tok.

12. Atuk osh ont onna ho, Betani a asht okla minti na, yvmmak ash osh hohchvfo tok.

13. Micha fik vpi vt hishi asha hosh, mishema ka hikia

h_o pit pisa tok; mihmvt ymma nana kia ahayuchi li yoba hinla ká, ahni cha, ona tok; atuk osh ona mvt, fik vt a nuna ik ai ono kisha hatuk o, nana kia iksho h_o, amba hishi ak bano na ont pisa tok.

14. Mihmvt Chisvs vt anumpuli mvt, Himak a pilla ma hatak nana kia vni isht ik chi ai vpo h_o biliashke. Mihma nan im ai ithvna vhleha hvt haklo tok.

15. Atuk osh Chelusalem a okla ai vla tok: mihma Chisvs vt tempel a pit chukowa mvt, tempel anukaka ya nana a kanchi, micha a chumpa aienvt maya tuk ash kocha pit yuhli mvt, anonti tuli holisso a bohlit itatoba ai-impá, micha pvehi vllhpoba kanchi vhleha im ai om-binili aiena tuk ash halvllit filemohlit kinahlichí tok.

16. Mihmvt hatak nana kia ai vlbeha ya tempel a isht hlopulla hi a ik im ahno ki tok.

17. Mihmvt nan im abvehit, Ŭm aboha ya oklushi moma kvvba pit ai anumpuli chuka hochifa hi oke, achi hosh holisso h_o keyu? yohmi kia hvchishno yokvto na hukopa vhleha in chuka y_o ish ikbishke, achi tok.

18. Mihma na-holissochi vhleha, micha na-holitompa isht asha pehlichí vhleha aiena kvv haklo mvt, okla ak osh momvt, ymmvt nan isht im abvchi ka ai im anukhlakancha hatuk o i komunta mvt, kanimihehit vbi ka ahni tok.

19. Atuk o opivt taha ma, tmaha hash a kohchvt ia tok.

20. Atuk o onnahinli ma, fik vpi ash ot ak-isht-vla pit vhlit bvshit kvnia tuk o pit pivvt ont ilhkoli tok.

21. Mihma Pita vt pit anukfilli mvt, Yakeh! a shahli ma! fik ik ano ka hi o ish im apesa kash bvshit kvnivshke, im achi tok.

22. Mihma Chisvs vt afalaminchi mvt, Chihowa ak o hvsh i yimmashke.

23. Ahli pulla h_o hvchim achi lishke, Kvna kia nvni chaha ilvppa, Kanvllit, okhvta hak o pit ish okvtulashke; im achi cha, chukvsh mvt anuktuklochi ik im iksho, amba nana h_o miha tuk vt ont aiahla hi a yimmi hokmvt, im aiahla hi oke.

24. Yohmi hoka vba pit hvsh anumpulikmvt, hvsh asilhha

kv̄t hv̄sh isha hi vt hv̄chi yimmashke, yohmik mak osh hv̄chim aiahla hi oke.

25. Micha v̄ba pit anumpulit hv̄sh hikiakm̄vt, nana a hv̄ch̄i kaniohmi tuk āshakma, hv̄sh ī kashofashke: yohmi na hv̄chishno na hv̄chim aiashv̄chika puta ka Iki v̄ba binili kv̄t hv̄ch̄i kashofi makinlashke.

26. Amba hv̄sh ī kashofi keyu hokm̄vno, hv̄ch Iki v̄ba binili kv̄t hv̄chishno ā na hv̄chim aiashv̄chika puta ka hv̄ch̄i kashofa he keyu akinli hoke, im achi tok.

27. Atuk ō anonti Chelusalem ā okla ai v̄la tok: mihma yummak ash ot tempel anukaka yā nowvt hikik̄ia ma, naholitompa isht-āsha pehlich̄i v̄hleha, micha na-holissochi v̄hleha, mikm̄vt hatak hochitoka v̄hleha aiena kv̄t im ai v̄la tok.

28. Mihm̄vt, Nan isht ai v̄lhpesa mak ō ilv̄ppa puta ka ish yakohm̄ichi cho? micha ilv̄ppa puta ka ish yakom̄ichi ka nan isht ai v̄lhpesa ka kv̄ta hosh chim apesa tok oh cho? im achi tok.

29. Mihma Chis̄vs vt afalaminchi m̄vt, Ūno ak kia nana achv̄fa ka hv̄ch̄i ponaklo likma, hv̄s sv̄m anolashke; yohmikma, vno vt nan-isht-ai-v̄lhpesa kaniohmi h̄o ilv̄ppa puta ka isht ai yakohm̄ichi li hatuk vt hv̄chim anoli lashke.

30. Chan ī baptismo vt v̄ba yakni a minti hokm̄á, keyukm̄vt hatak akinli hokm̄á, nanta tuk oh cho? oh v̄m anol̄i, im achi tok.

31. Mihma ilap b̄ika it im anumpohonlit, Ūba yak a tok: il achi hokma, Yohmik mak ō katiohmi h̄o hv̄ch ik ī yimmo tuk oh cho? acha hinla.

32. Amba, Hatak ak a tok; il achi hokma, achi m̄vt, okla moma kv̄t Chan ā hopaii fehna hoke, ahni hatuk ō, okla hak ō ī nukshopa tok.

33. Mihm̄vt afalaminchi m̄vt, Chis̄vs ash ō, Il anola he keyushke, im achi tok. Mihma Chis̄vs vt afalaminchi m̄vt, Ūno vt nan isht ai v̄lhpesa kaniohmi h̄o ilv̄ppa puta ka isht ai yakohm̄ichi li tuk vt ak hv̄chim anoloshke, achi tok.

CHAPTER XII.

Pak-vpi a holokchi yo hatak toksvli ai vllhpesa keyu vhleha i pota tok o isht vllhpisa, 1. 13 Falisi vhleha hvt Sesa tvli holisso im itahobi ak o Chisvs a isht i ponaklo ho, anumpa falama ina. 18 Satusi vhleha hvt hatak illi falamvt tana hi ak o, Chisvs a isht i a ponaklo ho, im anoli: 28 anumpa vllhpisa puta kvv kanima kak osh moma i shahli hatuk a Chisvs vt im anoli: 35 Klaist vt kvna hak o ushi ahinla ka, ponaklo: micha nan im ai ithvna vhleha ha ahah! im ahna chi ka, i miha. 41 Ohoyo ilbvsha i hatak illi yosh mait tuklo ho tvli holisso abohli ya ont apitta ho, Chisvs vt im ahninch.

1. MIHMUT nan-isht-vllhpisa ho isht im anumpulit ahanta mvt, Hatak osh pak-vpi aiasha ya hokchi cha, kvv apushi isht a holihtvchit apakfobli cha, oka-paki ai vlbeha ya kulli cha, chuka chaha yo ikbi mvt, hatak toksvli vhleha ho i pota cha, yakni hopaki ho ia tok.

2. Atuk osh waya he ai vllhpesa ma, pak-vpi aholokchi nana waya ka, hatak toksvli vhleha hash ot ipeta chi ho, hatak toksvli vhleha hash o tishu ha pit in chvffichi tok.

3. Atuk ak o yvmmak ash o okla it i hoklit boli cha, nana kia iksho ho pit chvffichi tok.

4. Mihma anonti tishu inla ho pit in chvffichi tok: atuk o yvmmak ash o tvli isht bolit, noshkobo ha mitvffit hofah-yalichi fehna cha, okla pit chvffichi tok.

5. Mihma anonti inla ho pit chvffichi tok: mihma yvm-mak ash o okla vbi tok: mihma inla yvt laua ho pit yuhli kash kia, pit aieninchit kanimi ka boli mvt, anonti kanimi ma vbi tok.

6. Yohmi hatuk o iso achvfa, i holitopa fehna yosh im anta moma mvt, Svso hokvno okla holitobla chi hoke, achi mvt, ishтайyopi mak o yvmmak ma pit chvffichi tok.

7. Yohmi tuk kia hatak toksvli vhleha hash ot Ilvppak osh immi mak oke; inta! kiloh vbi na immi hatuk vt hv-pimmi hashke; it im achit maya tok.

8. Michi yvmmak ash o it i hoklit vbi cha, pakvpi a holokchi a ai ishit kocha pila tok oke.

9. Yohmi kvno, pak-vpi aholokchi immi atuk vto nanta hak o katiohma chi cho? Yvmmak ash ot vla cha, hatak toksvli vhleha hash o vbit tahlikmvt, pakvpi a holokchi ash inla ho im issa chi hoke.

10, 11. Yohmi ka, Tvli yvmma chuk-ikbi vhleha hvt shiti-
lema chash o, yvmmtv chukbika nutaka in tola holitopa i shahli ho tobrshke. Ilvppa Chitokaka yvt yvmihechi ha tok o, hvpi nishkin a i na-fehnrshke, achi Holisso Holitopa ilvppa hvch ik it im anumpolo chatuk oh cho? im achi tok.

12. Mihma nana isht apesa hosh ilap ak o isht anumpuli tuk a okla ithana hatuk osh, yvmmak ash o hoklit ishi bvna hokak osh, okla ak o i nukshopa tok: mihmvt yvmmak ash o issvt filamohlit taha tok.

13. Mihmvt ilap im anumpa akinli ho isht ai isht kanvpacha chi ka, Falisi vhleha kanimi, micha Helotian iksa aiena ho pit on tihleli tok.

14. Atuk o yvmmak ash ot ai vla mvt, Nan-ithvnanchi ma! chishno yokvt aiahli chia, mikmvt hatak nana kia nan isht ik chim ahobo; hatak nashuka yak o ish pisa ho keyu hatuk okvt; amba Chihowa nana aiahni ak o aiahlit ish ithvnanchi chatuk a il ithaiyanvshke. Noshkobo isht chumpa tvli holisso ya Sesa yak o ima he ai vhpesa hokma, keyukma, nanta cho?

15. Pi kvniakma, ik pi kvniokma nanta chi cho? im achi tok. Yohmi kia okla nan ilahobi ka ithvna hatuk osh, Na-katihmi ho vmomaka hvs sa pesa cho? iskvli isht hvs svm vla na pisa lashke, im achi tok.

16. Mihma okla isht im vla tok. Mihma, Ilvppvt kvta hak o holbvt toba ho, mikmvt kvta ho a hohchifo ho? im achi tok. Mihma Sesa yak oke, okla im achi tok.

17. Mihma Chisvs vt afalaminchi mvt, Nana puta kvv Sesa yak o immi hokma, Sesa yak o hvsh imashke; mikmvt nana puta kvv Chihowa ak o immi hokma Chihowa ak o hvsh imashke, im achi tok. Mihma okla i nukhlakancha tok.

18. Yohmi ma Satusi vhleha hvt, Illi yvt falamvt tana he keyu; achi mak osh im ai vla cha, i ponaklot,

19. Nan-ithvnanchi ma! Kuna hoh kia itibapishi hvt tekchi asha hosh vlla vt iksho hō illikma, itibapishi ash osh tekchi atuk a itauwaya cha, itibapishi im vlla ai ikba hi o, Moses vt holisso pim ikbi tok.

20. Atuk o itibapishi hvt untuklot asha tok; mihma akni ak osh tekchi asha tuk osh, vlla iksho hō illi tok.

21. Mihma iakaiya kash osh itauwaya tuk osh, anonti vlla vt iksho hō illi tok: mihma ont atuchina kvt mihinli tok.

22. Mihma untuklo kash osh okla itauwaya ka, vlla vt iksho ki tok: ont ishtaiyopi ma ohoyo hash kia illi tok.

23. Yohmi ka illi yvt falamvt tanikma, okla tanik mvno, untuklo hosh itauwaya tok a yvma katima ai yukali mak o tekchi mak a hi oh cho?

24. Mihma Chisvs vt afalaminchi mvt, Holisso Holitopa, micha Chihowa nan isht im aiahli ka aiena ka hvch ik ithano hatuk osh hvsh ashvckhi hō keyu?

25. Illi tuk vt tani hokvto, okla ik itauwayokma, anonti auwaya he i bohli kia iksho ka hi oka; amba enchil vhleha vba yakni aiasha kak inli hō chiyuhma hi oke.

26. Mikma illi yvmmak okvto tana he ak o miha hosh Chihowa hvt bvfaa anuka a kaniohmit im anumpuli mvt, Uno ak osh Eblaham in Chihowa sia, mikmvt Aisaak in Chihowa siakmvt, anonti Chekob in Chihowa sia hoke, achi tok a Moses i holisso ha a hvch ik peso chatnk oh cho?

27. Yvmmak okvt illi ak o in Chihowa keyu, amba okchaya ak o in Chihowa yoke: yohmi hoka hvchishno ak osh hvsh ashvchi fehna hoke, im achi tok.

28. Mihma na-holissochi vhleha hvt achvft vla cha, okla it im anumpulit maya ka haklot, yvmmak ash osh vlhpesa fehna isht i miha na akostininchi mvt, Nan-vlhpisa moma i shahli katima kak osh vmmona fehna hoh cho? achit i ponaklo tok.

29. Mihma Chisvs vt afalaminchit, Nan vlhpisa moma i shahli vmmona fehna kvt, Israel vhleha ma! ho hakló, Chitokaka hvpin Chihowa vt Chitokaka achvfa hoke.

30. Micha Chitokaka chin Chihowa ya chi chukvsh a a

mominchit, chi shilombish a uhvlinchit, mikmut chim anuk-fila ha mominchit, anonti chim ishthlampko ma a mominchit isht ish holitoblashke, achi ilvppak osh nan-vlhpisa moma i shahli vmmona hoke.

31. Mikma atukla kvt yvmmak inli ho chohmi hoke, Chin chuka-panta hatak a ish holitobli kvt, chishno akinli ka chim itilauashke, achi hoke: nan vlhpisa inla vt ilvppa i shahli kvt ikshoshke, im achi tok.

32. Mihma na-holissochi ash ot, Vlhpesa nan-ithvnanchi ma! aiahli mak o ish mihvshke; Chihowa hvt achvfa; yohmi ka inla mut iksho ho yvmmak ilvshke;

33. Mikma yvmmak ash o chukvsh a mominchit, im anukfila ha mominchit, anonti shilombish a mominchit, im isht-hlampko ma mominchit isht holitoblikmut, in chuka-panta hatak a holitobli kvt ilapa ai itilauечи kak osh vba isht aiokpvchi nana achvfa nipi vt momvt lua puta ka, micha vba isht aiokpvchi aiena ka moma i shahlishke, im achi tok.

34. Mihma yvmmut vlhpesa fehna miha na Chisvs vt pisa mut, Chihowa apehlichika ya auet ish i hopaki keyushke, im achi tok. Mihma yvmmak ash i himmakma hatak nana kia ik nukwi-yot nana ik im asilho ki tok.

35. Mihma Chisvs vt tempel anukaka nan avchit ahanta mut, anumpulit, Katiohmi ho na-holissochi vhleha hvt Klaist vt Lewi a ushi achi cho?

36. Lewi vt ilapo inli kak kia Shilombish Holitopa pulla kak o Chitokaka yvt an Chitokaka ya, Svbbak ishtimpak-imma ya ish binili na chin tvnvp vhleha ha chiyi ai-o-hikia ya ikbi lashke, im achi kvo, achi tok.

37. Yohmi kvt Lewi vt ilapo akinli kvt ymma Chitokaka hochifo tok; yohmi ka katiohmi kak osh yvmmut ushi yoh cho? achi tok. Mihma hatak holitompa keyu kvo momvt i haponaklo kvt na-yukpa tok.

38. Mihma nan isht ai im avchit ahanta kvt, Na-holissochi vhleha na-fohka hofaloha abehkvchit itvnowa kvt im achukma, micha ilhpak a kanchi ya ai it aiokpvchi aiena kak osh im achukma;

39. Mikmvt sinakak a aiasha holitopa i shahli, mikmvt impa chito asha ka aiasha holitopa i shahli aiena kak osh im achukma ;

40. Micha ohoyo i hatak illi puta in chuka a wehpuli, mikmvt peh vbanumpuli ilahobi kvt anumpa ilbvsha falaia-chit itrnova yoka, ahah! hvsh im ahnashke; yummak okvto nana palvmmi kvt i shahli hosh im vlhpisa hi oke, im achi tok.

41. Mihmvt Chisvs vt tvli holisso abohli i chapaka yo ashvt okla hvvt tvli holisso tvli holisso a bohli pit apitta ka pisa tok. Mihma nan in laua atuk vt lauachit pit apitta kvt laua tok.

42. Mihma ohoyo i hatak illi ilbvsha achvfa hosh vla mvt, mait tuklo yummvt sint achvfa ik ono ho pit abehli tok.

43. Mihma nan im ai ithvna vhleha hash o hoyot, Ahli mak o hvchim achi lishke, Ohoyo i hatak illi ilbvsha ilvp-pak osh tvli holisso abohli pit apittvt aiasha ka moma i shahlichit fohkishke.

44. Moma kvto nan in laua im atampa hatuk osh okla bohli hatuk: amba yummvt ilbvsha yatuk vt ishi tuk vt mominchit pit bohli, isht okchaya he tuk ash kia mominchishke, im achi tok.

CHAPTA XIII.

Tempel, micha Chelusalem aiena kvt aiokpulokvt taha hi a Chisvs vt tikbanli anoli: micha nana kvt ont ik a yakohmo takla ka, nana kvt isht ahoba kvt kaniohma he, 1; 14 micha na-palvmmi kvt a kaniohma he aiena ka anoli: 24 mihmvt ilapvt aya chikma a kaniohma he puta ka anoli. 28 Fik vpi ak o nan isht it apesa hosh nana kvt ai yakohma chi ka, ai onvt mahaya hi a anoli: 32 nitak kaniohmi, hvshi kanvlli nana ho ai yakohma hi a, hatak nana hosh ithana keyu hatuk o, moma kvt il anuktahlvt vba pit anumpo-honlit im vlhtahvt maya chi ka, miha.

1. MIHMVT tempel a a kohchvt iak fehna, nan im ai ithvna vhleha hvvt achvvt, Nan-ithvnanchi ma! tvli hochito

puta, micha chuka hochito puta aiena kvt a kaniohmi hosh yak aiasha ka, písá, im achi tok.

2. Mihma Chisvs vt afalamínchi mvt, Chuka hochitoka yak hiohmaya ka ish pisa cho? tvli vt achvfa kia aka ik itulo ka hi vt it on tvlkanchit itonla kvt iksho hoke, im achi tok.

3. Atuk osh tempel in chapaka Alif nvnih paknaka ya asha ma, Pita, micha Chemis, mikmvt Chan, anonti Antilu aiena kvt lumvt i ponaklot,

4. Nitak katiohmik mak o ilvppa puta kvt yohma hi o, micha ilvppa puta kvt ont aiahla chikma, nanta hosh ai isht atokowa hi oh cho? ish pim anolashke, achi tok.

5. Mihma Chisvs vt afalamínchi mvt, Abah! hvsh aiahni na hatak nana kia ik hvchi yoshublecho kashke.

6. Sa hohchifo isht hohchifo kvt itvnowa cha, Klaist sia mak oke, achi kvt laua he, micha lauachit yoshublichia hi oke.

7. Yohmikma tvnvp asha, micha tvnvp asha he annoa puta aiena ka hvsh haklokmvt, ik hvchi komunto kashke: ilvppa puta kvt moyumvt ont a yvmohmi pulla hi oke; yohmi kia ont ai-vhli kvt o ik ai ono kisha hoke.

8. Okla achvfa kvt okla makinli ka it amokvfa he, mikmvt apelihika achvfa kvt apelihika mak inli ka it amokvfa hi oka; yohmikma yakni ilaiyuka ka yakni vt a winakvcha he: mikma hohchvfo, micha okla ik it im ai achukmo aiena kvt takala hi oke: yakohmi kak osh nanukhaklo ai ishtia vmmona mak oke.

9. Yohmi kia ahah! hvsh il aiahnashke; okla hvch ishit nan apesa vhleha ibbak a hvchi fohka he: mikma sinakak anukaka ma a hvchi a bohova he: micha atokowa hvsh im anola chi ka, vno pulla hatuk mak o na pehlichia vhleha, micha miko puta aiena itikba ya hvch ishit ohona hi oke.

10. Yohmikma vbanumpa hak osh tikba oklushi moma ka isht ai im anuhumpa pulla hi oke

11. Amba okla hvch ishit, ivt okla ibbak a hvchi fohkikma, nana hvsh anumpula hi vt tikbanli hvch ik anukfillokmvt, anonti tikbanli anukfillit ik hvchim vltaho kashke:

amba hvshi kanvlli yvmma fehna ka nana ho hvchi nukfoh-kikma, yvmmak o hvsh anumpulashke: hvchishno ak osh hvsh anumpula hi o keyu, amba Shilombish Holitopa yak a hi oke.

12. Mikma itibapishi hatuk vt itibapishi hash illi issakma, anonti iki atuk vt iso ha illi issa he; mikma vlla vhleha hvt iki, ishki ita tuklo ka i nukkilli cha, illi issa hi oke.

13. Yohmikma vno pulla hatuk mak o hatak moma kvv hvchi nukkilli hi oke: yohmi kia kvna hosh aiahlit mahayvt ai vhli ka ona hok mak osh, mihi yosh okchaya hi oke.

14. Yohmi kia hopaii Taniel vt isht anumpuli tok nan-okpvi a i nukkilli vvhpesa kvv a hikia he keyu kvv hikia na hvsh pisakmvv, (kvna hosh ilvppa it im anumpulikmvv akostininchashke,) yohmikma Chutea ya asha tuk mvv nv-nih chaha pit a yihlepashke.

15. Mikma kanima hosh aboha paknaka ahanta tuk mvv aboha ya akowa cha in chuka ya nana kia ai ishit kohcha chi kvv, ont ik chukowo kashke.

16. Yohmikma osapa anukaka yo anta tuk mvv, i nafohka ya isha chi kvv, falamvv ik aiyo kashke.

17. Yohmikma nitak yvmma foka ka kvna hosh vlla shanli hatuk, mikmvv vlla pishechi atuk aiena hokvto ai i palvmma he mak oke.

18. Micha hvstula yo hvch ik yihlepo ka hi vt vba pit hvsh anumpohonlashke.

19. Nitak yvmma foka na-palvmmi kvv nana toba vmmo-na Chihowa hvt nan ikbi tok ai vhlit mihinti ka yvmma chohmi kvv iksho chatuk: mikmvv yvmma chohma he keyu ka hi oke.

20. Micha Chihowa yak osh nitak yvmma foka ka hokohlichi tuk o keyukma, hatak nana hosh okchaya he tuk keyushke: amba nan-vihtoka ilap vt atokoli tok pulla hatuk mak o nitak yvmma hokohlichi tok oke.

21. Micha yvmma fokakma hatak nana hosh, Yakeh! Klaist vt ilvppak o antvshke, keyukmvv yakeh! yvmma antvshke, hvchim achi hoh kia, ik hvchi yimmo kashke.

22. Klaist ilahobi vhleha, micha hopaii ilahobi vhleha

aiena tobtv hiohli kv̄t nan isht atokowa puta, micha nafehna puta aiena ka otvnihinchit, yohma he yobakma, nan-vlhtoka vhleha nana kia yoshublichā hi oke.

23. Yohmi kia yakeh! nan okluha ka tikbanli hvchim anoli li tuk oke, ahah! hvsh aiahnashke.

24. Amba na-palvmmi yvmmak atuk a misha foka nitak okvno, hvshi vt okhlilikma, anonti hvshi ninak aya mvt ik tommo ka he.

25. Mikma vba fochik puta kv̄t aka fohopakma, vba shutik nana aiasha puta kv̄t winakvcha hi oke.

26. Yvmma fokakma, Hatak Ushi vt nan-isht-aiāhlika chinto, micha isht a holitopaka chinto aiena ka il ai eshi hosh hoshonti anukaka mihinti na okla pisa hi oke.

27. Yvmma fokakma yvmmak ash ot im enchil vhleha ha pit tihleli na ilap i nan-vlhtoka vhleha ha a mahli ushta yakni atahaka ya ai vhlit shutik ont ataha pit ai vhli ka a hoyot itahoba hi oke.

28. Inta! fik vpi nan isht vlhpisa ka hvsh ai ithvnashke; Yvmmak okvt hishi toba chi hosh bokoblit tahakma, toffa chi kv̄t olanlosi ka hvsh ithana hoke.

29. Yohmi hokvt hvchishno vt yvmmak o hvsh chiyuhmi; na-yakohmi puta kv̄t ont aiāhli na hvsh pisakmvt, ai vla hosi, okhissa ak kia ai itukonofa hoka hvsh ithanashke.

30. Ahli mak o hvchim achi lishke, Himak a okla maya ilvppv̄t ont ik taho kisha ho, nana ilvppa puta kv̄t a yvmohma chi hoke.

31. Ūba shutik, micha yakni aiena kv̄to ont ai iksho ka he, amba vm anumpa puta hatuk vto ont ai iksho ka he keyushke.

32. Yohmi kia nitak yvmmak a he, micha hvshi kanvlli isht vlhpisa yvmmak a he aiena hokvno, hatak nana hosh pit ithana keyu, enchil vhleha vba aiasha, mikmvt Ushi aiena kak kia pit ik ithano, amba Iki ak bano hoke.

33. Ahah! aiahnit okchvt vba pit hvsh anumpohonlashke: nitak ont ai vlhpesa hi a hvsh ithana keyu hoka.

34. Hatak Ushi vt hatak osh anowa hopaki ia hosh, in chuka issvt ia mvt, in tishu vhleha hash o chuka apesvchi

atokoli mvt, mominchit a toksvli aiyuka im apesa cha, okhissa atoni ash o ahah! ahnit okcha chi ka, im apesa tok o chohmi hoka.

35. Yohmi hoka ahah! ahnit hvchi okchashke: chuka chvfa pehlichy vt opiakmá, keyukmvt ninak iklvna hokmá, akaka ohonla kak okmá, keyukmvt, onnahunli kak okmá nana ho vla hi a hvsh ithana keyu hokvt.

36. Yvmmak keyukma ashalika vla cha, nusi hosh hvsh maya na ant hvchi pesa hinla hoke.

37. Yohmi hoka nana ho hvchim achi li kvv moma kak o Ahah! ahnit hvchi okchashke, im achi li hoke, achi tok oke.

CHAPTA XIV.

Na-holitompa isht asha micha na-holissochi vhleha aiena kvv Chisvs a illichy chi kvv anumpa it im achvfa, 1: 3 micha ohoyo hosh pashi ahama Chisvs noshkobo yo o fohopli. 10 Chutas Iskaliot vt Chisvs a ishit okla ibbak a fohka chi kvv inla nan isht it im apesa. 12 Chisvs ak osh miha ho, nan im ai ithvna vhleha hvv vbanvblit ont ia isht-vlhpsa ha atahli: mihma Chisvs vt ibai impa hosh nahaksichi a atokolit bihlibli; 22 mihmvt Chitokaka im ai-impvt asha hi a apesa; 27 nan im ai ithvna vhleha hvv issvt tvmoa he, 33 mikmvt Pita yvt ilapa ik ithano miha he puta ka Chisvs vt tikbanli anoli. 32 Chisvs vt Ketsemane a ont chukowa cha, vba pit anum-puli; micha nan i palvmmitt ahanta. 43 Chutas vt vla cha Chisvs a ant yukachit ishi ma, nan ai ithvna vhleha hvv issvt tamoa: 53 Chisvs a Kaiafas a okla isht im ona mvt, ik ahobalo fehna, mihmvt illi issa; 66 Pita yvt i shahli ha ik ithano miha tuk osh anonti falamvt nukhaklo.

1. YUMMAK atuk o i nitak tuklo ma, vbanvblit ont ia, micha pvska ik shatvmmo aiena kvv asha tok: mihma na-holitompa isht asha pehlichy vhleha, micha na-holissochi okla aiena kvv yvmmak ash o kaniohmit haksichit okla ishi cha, vbi bvnvvt maya tok.

2. Yohmi kia, Impa holitopa maya nitak ano keyu kashke, yvmmak keyukma, okla hvv isht ik ai vlhpesot asha hinla hoke, okla achi tok.

3. Mihma yvmmak ash osh Betani tvmaha Saimon leplo-si-vbi a tok in chuka y_o impa hosh a_{sha} ma, ohoyo hv_t spiknat nan-ahama toba h_o alabasta kotobushi vlhto, holi-topa fehna h_o ishi hosh v_{la} tok: mihmvt kotobushi ash _o koli mvt, yvmmak ash _o noshkobo h_a _o fohopli tok.

4. Yohmi ma kanimi mvt chukvsh anukaka isht ik im vlhpeso fehna kv_t a_{sha} tok; mihmvt, Na katihmi h_o nan-ahama ilvppvt yakohmit okpulot kvnia cho?

5. Ilvppvt iskvi tahlepa tuchina atampa kia aivlbi cha, ilbvsha vhleha h_a i holhpela hinla tuk oka, achi tok. Mihmvt ohoyo hash _o okla nan isht mihachi tok.

6. Mihma Chisvs vt, Ik a_{sh}a, nanta katiohmi h_o hvsh achivvchi hosh? nana achukma fehna mak _o a si ai yvmihchi hoke.

7. Yohmi hoka ilbvsha yak okvto hvchim a_{sha} bilia cha-tuk: yohmi hokvt yvmmak okvno peh nitak kaniohmi h_o hvchishno hvsh ahnikmvt, nana achukma ka hvsh i yvmihcha hinla hoke; amba vno vto hvchi takla anta l_i bilia keyushke.

8. Ilvppak ashot nana ka ai yvmihcha hinla kvto yvmihchi hoke: sa nipi vt hollopa ch_i ka, tikbanli ahvmma ch_i hosh v_{la} ha tuk oke.

9. Ahli mak _o hvchim achi lishke: Ubanumpa ilvppvt yakni moma ka kanima fehna h_o ai anuhumpakma, nana ai yakohmiechi tuk ilvppak ash kia yvmmak ash _o isht ithaiyana hi a, anohowa hi oke, achi tok.

10. Mihma auah-tuklo kash achvvt Chutas Iskaliot vt yvmmak ash _o ishit na-holitompa isht a_{sha} pehlichei vhleha ibbak fohka ch_i hosh im ona tok.

11. Mihma yvmma okla haklo mvt, na-yukpa mvt, tvli holisso ima he apesa tok. Mihma kaniohmi kak osh ai vlhpesa na yvmmak ash _o ishi cha, yvmma ibbak fohka hinla kv_t anukfihinli tok.

12. Atuk _o pska ik shatvmmo nitak vminona ka vbanvblit ontia y_a okla ai vbi ma, nan im ai ithvna vhleha hash osh, Katima yak _o il ia cha, il atahli na vbanvblit ont ia y_a ish impa hinla kv_t ish ahni cho? im achi tok.

13. Mihma nan im ai ithvna vhleha hash o tuklochit pit tihleli cha, Tvmaha ha ont hvsh chukowashke: mikma hatak vt lukfi kotoba oka vlhto ho sholi kvv hvchi afama chi hoke: apihvt hvsh iashke.

14. Mihma kanima yo ont chukowakma, chuka yvmma vttta hatak ash o, Nan-ithvnanchi vt, Ubapotvhlpo ai impa aboha hvv katima yak o talaia ho, nan vm ai ithvna vhleha ha pehlichit vbanvblit ont ia ya it ibai impa la chi cho? achishke, hvsh im achashke.

15. Mikma vba-potvhlpo yosh chito, nana vlhtaha achukma ho hvchim anola chi hoke: yvmmak o hvsh a pim atahlashke, im achi tok.

16. Mihma nan im ai ithvna ash osh ivt, tvmaha ha ont chukovvt okla mvt, nana ai im anoli tuk ash ai vlhpiesa na pisvt okla tok: micha vbanvblit ont ia ya atahlit okla tok.

17. Atuk o ont opia ma yvmmak ash ot auahtuklo kash o pehlichia cha, ona tok.

18. Mihma binohmayvt impa ma, Chisvs ash ot, Ahli mak o hvchim achi lishke; Svbai impvt hvsh maya kvv hvsh achvfona mvt, svshit inla ibbak hvv sa fohka chi hoke, achi tok.

19. Mihma okla nukhaklo fehna mvt, achvf-aiyukvt, Uno ak oh cho? im achi ma, anonti inla mvt, Uno ak oh cho? achit isht mahaya tok.

20. Mihma afalaminchi mvt, Auah tuklo kvv achvfvv ampo achvfa ho a svbai impa kak oke.

21. Hatak Ushi yokvto isht a holihiso tok mak o aya ho mvhlishke: amba Hatak Ushi a ishit inla ibbak fohki yvmmak okvto i palvmma chi mak oke: hatak yvmmak okvt ik tobo tok okmak osh im achukma hatuk mak a chi hoke, im achi tok.

22. Mihma impa hosh maya ma, Chisvs vt pvvka ya ishi cha, vba isht aiokpvchi mvt, tushahlichia cha, yvmmak ash o ima mvt, Ishit oh vpá, ilvppvt sa haknip mak oke, achi tok.

23. Anonti isht-ishko ya ishi cha, vba pit aiokpvchit issa mvt, yvmmak ash o ima tok: mihma momvt okla ishko tok.

24. Mihma, Ilvppvt svsish nan-isht-vlhpisa himona hosh lawa ka i fohopa mak oke.

25. Ahli mak o hvchim achi lishke, Pakupi a waya ka himmakma ak ishko mak atuk osh himonvehit Chihowa apelhichika yak o ai ishko la he nitak mak a hi oke, im achi tok.

26. Mihma vba-isht-taloe ya okla taloe mvt, kohchvt Alif nvnih ha pit ilhkoli tok.

27. Mihma Chisvs ash osh, Hvsh moma kvv himak ninak a vno pulla kak o hvsh ibetvbla chi hoke: Chukfvlhpoba apesvchi a issot boli likma, chukfvlhpoba vt it a fimimpa hi oke, achit holisso hatuk oka.

28. Yohmi kia tani li ha mvto, hvchi tikba ivt Kalili a ona la chi hoke, im achi tok.

29. Yohmi kia Pita ash osh, Moma kak osh ibetvbli ik nana kia, si yvmohma he keyu, im achi tok.

30. Mihma Chisvs vt, Ahli mak o hvchim achi lishke, Himak nitak peh himak ninak akinli, akaka yvt hitukla ha ola takla ka hituchina ha chik svthano ish miha chi hoke; im achi tok.

31. Yohmi kia Pita ash ot i shahlichit kvloochit anum-pulit, Chi awant svlli hokmvt, kaniohmi kak osh ak chithano ka miha la he keyushke, achi ma, momvt yvmmak inli ho miha tok.

32. Mihma osapushi Ketsemane hohchifo talaia ho okla ai ona tok: mihma nan im ai ithvna vhleha hash o, Uba pit anumpuli la chi takla ka ilvppak inli ho ho chiyá, im achi tok.

33. Mihmvt Pita, micha Chemis, mikmvt Chan aiena ka pehlinchit ia mvt, okokko! ahni fehna mvt, anonti nukhaklot isht alotowa tok.

34. Mihmvt yvmmak ash o, Sa shilombish vt nukhaklo atampvt illi hoke: ilvppakinli ho okchvt hvsh chiyashke, im achi tok.

35. Mihmvt itikba ivt olanlosi ona mvt, aka ont hlipia mvt, yohma hinla hokma, hvshi kanvlli ai vlhpisa atuk vt i kanvlla hinla ka, asilhha tok.

36. Mihmvt, Aki Abba ma! nan okluha kvt a chim aiahli bano hoke; isht-ishko ilvppa is sa kanvlichashke: ik yohmi kia vno ak osh nan ahni li kak keyu, amba chishno ak osh nana hō ish ahni mak ashke, achi tok.

37. Micha vla mvt, nusi hosh maya na ant pisa cha, Pita ash o, Saimon chia hvt chi nusi hō? hvshi kanvlli vlpisa achvfa takla ka chi okcha he keyu cho?

38. Okchvt vba pit hvsh anumpvlashke, yvmmak keyukmvt anukpvli hō ish iba chukowa hinlvshke. Shilombish okvto im vltaha ho mvhli kia, amba haknip ak osh tikambi hoke, im achi tok.

39. Mihmvt anonti kanima ia cha, vba pit anumpuli mvt, anumpa mihi ash inli hō miha tok.

40. Micha falamvt vla ma, nishkin ak osh weki hatuk osh, anonti nusi hosh maya na ant pisa tok: mihma nana hō okla im acha hi vt ik ithano ki tok.

41. Atuk o ont isht atuchina vla mvt, Himmak mak o, mayvt nusit hvsh fohashke: ont ai vhli hoke, hvshi kanvlli vlpisa hvt ai onvshke: yakeh! Hatak Ushi a ishit nanashvchi vhleha ibbak a fohka chī mak oke.

42. Ho tani; kiloh ilhkoli, svshit okla ibbak sa fohka chī hokvt olanlosi vlvshke, im achi tok.

43. Yohmi ma mih makinli hō anumpuli moma na auah tuklo atuk achvfa Chutas vt okla chinto na-holitompa isht aasha pehlichi vhleha, micha na-holissochi vhleha aiena aiasha ka a minti hosh bvshpo falaia, micha iti tvptua aiena sholi hō it apehvt vla tok.

44. Yohmi kvt ishit okla ibbak fohka chī yvmmak osh ot nana apesvt, Kvena hō i suksowa likma, yvmmak osh mih mak achi hoke; yvmmak o hvsh ishi cha, achukmalit ishit hvsh iashke, im achi tuk a tok.

45. Atuk osh vla makinli hosh, yvmmak ash o apissanlit ivt im ona mvt, A shahli ma! A shahli ma! achi mvt, i suksowa tok.

46. Mihma yvmmak ash o ibbak onochit okla ishi tok.

47. Mihma bilikasi hiohmaya tuk vt achvftv bvshpo falaia

yo ishit shufi mvt, na-holitompa isht asha pehlichi in tishu ha ishit fahamvt haksobish a chanlit tvbli tok.

48. Mihma Chisvs vt anumpuli mvt, Hatak hukopa yo ayvt i kochea ho chiyuhmit bvshpo falaia, micha iti tvptua aiena sholi hosh hvs svsha chi kvt hvsh itvnowa cho?

49. Nitak moma ka tempel anukaka ya hvchi takla antvt, nan ithvnanchi li ka, hvch ik sasho chatuk: yohmi kia Holisso Holitopa yvt ont aiahli pulla chi kak o hvsh yakoh-mishke, im achi tok.

50. Mihma momvt yvmmak ash o issvt yihlepa tok.

51. Mihma hatak himita achvfa nipi bano hosh linen anchi kvt, yvmmak ash iakaiyvt aya tuk o, hatak himita vhleha hvt it i hokli tok.

52. Mihma linen anchi ash o kanchi cha, nipi bano hosh mokofit mvllelit i kvnia tok.

53. Mihma Chisvs ash o na-holitompa isht asha i shahli yo okla isht im ia tok; mihma yvmma na-holitompa isht asha pehlichi vhleha, micha hochitoka vhleha, mikmvt naholissochi okla aiena kvt momvt im ai itvnavt maya tok.

54. Yohmi ma Pita yvt auet mishemanchi hosh pit iakaiyvt maya mvt, na-holitompa isht asha i shahli im aboha holitopa yak kia ona tok: mihmvt tishu vhleha ha takla ashvt luak libesha tok.

55. Mihma na-holitompa isht asha pehlichi vhleha, micha nan-apesa moma aiena kvt Chisvs a nan isht im ai atokowa na vba chi kvt, okla akostininchi bunna tuk osh, ik akostinincho ki tok.

56. Yohmi ka yvmma nan isht atokoli ilahobi hokvto laua kia, nan isht atokoli kak osh ai it im achvfa keyu ki tok.

57. Mihma kanohmi hosh wakaya mvt, nan isht im atokoli ilahobit,

58. Ilvppvt ibbak o, isht toba tok tempel ilvppa okpvnish, nitak tuchinakma, inla yosh ibbak o isht toba keyu ho ikbi la chi hoke, achi ka e haklo tuk oke, achi tok.

59. Yohmi kia yvmmvvt okla nan isht atokoli kvt ont ik itibai achvfo akinli tok.

60. Mihma na-holitompa isht asha i shahli ash osh iklvn-na wakayvt hikia mvt, Chisvs ash o i ponaklot, Afalaminchit nana kia chik acho cho? yakohmi kv̄t nan isht chi atokoli ka katiahmi hatuk oh cho? achi tok.

61. Yohmi kia nana ik acho hosh lumvt asha tok. Mihma anonti na-holitompa isht asha i shahli ash ot i ponaklot, Chishno ak osh Na-holitopa ya Ushi Klaist chia mak oh cho? im achi tok.

62. Mihma Chisvs vt, Mih sia mak oke: yohmi ka Hatak Ushi vt nan-okluha imaiya ibbak ishtimpakimma ya binili, mikmvt vba hoshonti anukaka minti aiena ho hvsh pisa he mak oke, achi tok.

63. Mihma na-holitompa isht asha i shahli yash ot i nafohka ya it a hlilvfi mvt, Na katihmi ho himmakma nan isht atokowa ka iloh ahna hinla cho?

64. Chihowa isht ik ahobalo anumpa ha hvsh hakloshke: nanta hvchim anukfila cho? achi tok. Mihma illa he vlvhesa kak o, momvt okla anumpa onochi tok.

65. Mihma kanimi kv̄t on tuftua mvt, anonti nashuka ya ompohomo cha, ibbak bonunta isht isso cha, Akostininchit anoli, achi tok: mihma tishu vhleha hv̄t ibbak pv̄tha ya okla isht pvsaha tok.

66. Mihma Pita yv̄to nutaka aboha holitopa anukaka ya asha na ohoyo himita na-holitompa isht asha i shahli in toksvli vhleha hv̄t achv̄vt v̄la tok.

67. Mihma Pita yv̄t libisha hosh asha na ont pisa cha atokolit pisa tok: mihmvt Chishno vt Chisvs Nasalet v̄tta ya awant ish aya tuk akinlishke, achi tok.

68. Yohmi kia Pita yv̄t ik ithano ilahobit, yv̄mma ithana li keyu; mikmvt nana ish miha kak kia ak chim akostininchoshke, acki tok. Micha kohchv̄t apishia ya ona ma, aka-ka yv̄t ola tok.

69. Atuk o anonti ohoyo himita yosh yv̄mmak ash o pisa mvt, bilikasi hiohmaya kash o, Ilvppak osh yv̄mma pit ai achv̄fa mak oke, im achi tok.

70. Mihma anonti yv̄mma ik ithano, miha tok. Yv̄mmak atuk a in chekosi ma bilika hiohmaya tuk ash ot anonti Pita

yash o, Chishno ak kia okla yvmma ish ibai achvfa yatuk o pullvshke: Kalili hatak chia hatuk osh, chim anumpa hvt pit ai achvfa hoke, im achi tok.

71. Yohmi kia Pita yash ot, Hatak ilvppa isht anumpulit hvsh maya ka ithana li keyushke, achit ik ahobalot anum-pulit anumpa kvlllo isht ile ononchit ishtia tok.

72. Mihma atukla ma akaka vt ola tok. Mihma Pita ash osh, Akaka yvt hitukla ha ik olo kisha ho hituchina ha chik svthano ish miha chi hoke, im achi tok Chisvs im anumpa hash pit ithaiyana tok. Mihma yvmma anukfieli mvt, ya-haya tok.

CHAPTA XV.

Chisvs a okla takchi cha, Pailat ibbak fohki, 1 ; 15 na-holitompa isht asha vhleha hvt Pailat a anukfohkechi na Balabas ak o i hotofi cha Chisvs okvno ititaiyukhvna ahonvhltv illa chi ho im issa: 17 mihma tvshka chipota vhleha hvt yvmmak ash o kvti tvnna yo iachukolichi cha, isso: 20 mihmvt ititaiyukhvna ahonvhla chi mak o ilauet ia. 21 Chisvs a Kolkohla ya okla isht ona mvt, hatak hukopa tuklo itin takla yo a tak alichit ititaiyukhvna ahonvhlichi; 29 mihma na-holitompa isht asha vhleha, micha okla puta kvv ishit yopula: 33 hvshi vt okhlilit kvnia ma, Chisvs vt Chihowa ha pit in tahpahanltv illi. 38 Nantvna holitompa tempel anukaka takali tuk vt it a hlilafa; Sintulion vt, Chisvs vt Chihowa ushi pulla tuk achi; Chisvs vt ititaiyukhvna a takali ka, ohoyo kanimi kvv pisa. 42 Choset vt Chisvs haknip ititaiyukhvna takali tuk a ishit akvchi cha, seprlka himona ilap i hikia tuk vt fohki.

1. ATUK o onnahinli makinli ho na-holitompa isht asha pehlichi hash osh hochitoka vhleha, micha na-holissochi okla, mikmvt nan-apesa vhleha moma aiena ho nana ai it im apesvt maya cha, Chisvs a takchi mvt, isht ivt, Pailat ibbak a ont fohki tok.

2. Mihma Pailat ash ot i ponaklot, Chishno ak osh Chu okla ha i miko chia mak oh cho? achi tok. Mihma Chisvs vt, Ulhpesa ho ish mihvshke, im achi tok.

3. Mihma na-holitompa isht asha pehlichi vhleha hvt

y^ummak ash o nana ilaiyuka laua h_o isht onochi tok: yohmi kia nanasi kia ilap^ut afalaminchit ik miho ki tok.

4. Mihma Pailat ash osh anonti i ponaklot, Nana chik acho há cha? yakeh! nana ka isht a chi atokoli ka laua fehnvshke, achi tok.

5. Yohmi kia Chisvs ash ot nana ik acho moma tok. Yohmi hatuk o Pailat ash osh, okokko! aiahni tok.

6. Mihma vbanvblit ont ia impa a_usha ka ilap mak osh, kanima y_o okla ahnikma, yuk^ut talakchi atuk a achvfalit im i hotofi chatuk a tok.

7. Mihma achvfa hosh, Balabas hohchifo k^ut nan-vlhpisa ya itibai i sanalit ah_ushwa cha, nan-vlhpisa i sanali k^ut hatak vbi tuk vt ai it apeh^ut talakchi hosh itonla tok.

8. Atuk o okla laua yash ot chitolit tahp^ulv^ut, nana ka ai i y^umihechi bilia yatuk vt y^umihecha ch_i ka okla im ahni tok.

9. Yohmi kia Pailat ash osh afalaminchi m^ut, Chu okla i M_iko ak o hv^uchim i hotofi la ch_i ka hvsh ahni cho? im achi tok.

10. Y^ummak okvno na-holitompa isht a_usha pehlichí vhleha hv^ut i nukkilli kak osh ishit ibbak fohki tuk a ithana hatuk ok^ut.

11. Yohmi kia na-holitompa isht a_usha pehlichí vhleha hash ot Balabas ak o im i hotofi pulla ch_i ka okla h_a isht a nukfohkichi tok.

12. Mihma anonti Pailat ash ot afalaminchi m^ut, Yohmi ka Chu okla i M_iko hvsh achi y^ummak amo nanta h_o kati-michi la he ak o hvsh ahni cho? achi tok.

13. Mihma atuklanchit chitoli hosh, Ititaiyukhvna ak o ahonvhlvchí, achi tok.

14. Yohmi ma Pailat ash ot, Nanta katiohmi h_o nan ik achukmo nanta mak o y^umohmi tuk oh cho? im achi tok. Mihma y^ummak o okla isht i shahlichí fehn^ut tahp^ulv^ut, Ititaiyukhvna ak o ahonvhlvchí, achi tok.

15. Yohmi ma Pailat ash ot okla h_a yukpali bv^unna k^ut, Balabas ak o im i hotofi tok: micha Chisvs ash o f^ummi m^ut, ititaiyukhvna ahonvhl^ut illa ch_i mak o, y^ummak ash o ishit okla hash ibbak fohki tok:

16. Mihma tvshka chipota vhleha hash ot yummak ash o halvllit isht ivt nan ai apesa Pletolivm hohchifo h_o isht ona tok : mihmvt aya achvfa tuk ash o momint hoyot itvnali tok.

17. Mihmvt na-fohka hummakbi h_o ishit fokvchi mvt, kvti tnnvt iachuka ikbi cha, iachukoljchi tok.

18. Mihmvt aiokpvchit, Chu okla i Miko ma ! na chi yuk-pashke, achi tok.

19. Mihmvt noshkobo h_a kushak ishit isso mvt, on tuf-tvt, anonti hvchikbihleptv hikia cha, aiokpvchi aiena tok.

20. Mihmvt yummak ash o okla ishit yopula hayosh na-fohka hummakbi ash o i shufi cha, ilap i na-fohka yash inli h_o okla fohkvchi mvt, ititaiyukhvna ahonvhlicha chi mak o kocha isht ia tok.

21. Mihma Saimon Silinian hatak Aleksanta, micha Lufvs aiena iki vt yakni kocha vttvt minti hosh aya ma, im ititai-yukhvna ya shola chi ka okla atohnochi tok.

22. Mihma yummak ash o yakni Kolkohla, yummvt to-showakma, Noshkobo foni aiasha achi h_o okla isht ona tok.

23. Mihmvt ishka chi ka oka-paki osh mvh it-ibvlhto h_o okla ipeta tok ; yohmi kia ik ishko ki tok.

24. Mihmvt yummak ash o okla ititaiyukhvna ahonvhli-chi mvt, hatak achvfa kvt kaniohmi aiyyuka isha chi kvt nan isht a shoelit mayvt, i na-fohka yash okla it i hopela tok.

25. Yohmi kvt hvshi kanvlli vlhpisa ont atuchina h_o ititaiyukhvna ya okla ahonvhlichi tok

26. Mihma anumpa isht ai onvtula hatuk holisso kvt pak-naka ya CHU OKLA I MIKO YOKE, achi hosh a ho-lisso tok.

27. Micha hukopa tuklo h_o achvftv ibbak ishtimpak-imma takali ma, anonti achvftv im vlhfvbekimma takali h_o it aieninchit ititaiyukhvna ahonvhlichi tok.

28. Mihma holisso holitopa yvt achi kvt, Micha nan-vlhpisa kobvffi vhleha h_o iba holhtiena tok achi hatuk vt ont aiahli tok oke.

29. Mihma itvnovvt aya mvt, yummak ash o ik ahobalot pit i yuchunuklit, Tempel a okpvni cha anonti nitak tuchinakma ikbi chia hash osh,

30. Chishno ak inli kak osh ile okchalinchit ititaiyukhvna ya auet akowá, im achi beka tok.

31. Mihma na-holitompa isht asha pehlichei vhleha, micha na-holissochi vhleha aiena hash kia ishit yopula akinlit, Inla yokvno okchalinchi hatuk o kak osh, ilap inli hokvto ile okchalincha he keyushke.

32. E pisa cha pi yimma chi ka, himonasi ak o Israe*l* i mi*k*o Klaist vt ititaiyukhvna ya vttvt auet ik akowá, it im achit maya tok. Mihma apehvt ititaiyukhvna ahonvha kash kia yummak ash o na-mihachi tok.

33. Atuk o hvshi kanvlli vhlpisa isht hannali kv*t* ai ona ma, okhlili hv*t* yakni mominchit takali na hvshi kanvlli vhlpisa ont isht chakkali ka ona tok.

34. Mihma hvshi kanvlli vhlpisa ont isht chakkalik fehna, Chisvs ash ot chitoli hosh tahpvt, Eloi, Eloi, lama sabakhlani, yummvt toshowa kv*t*, An Chihowa ma! an Chihowa ma! nanta katiohmi ho is sa kanchi cho? achi hoke.

35. Mihma bilika hiokmaya tuk vt kanimi kv*t* haklo mv*t*, Yakeh! Elias ak o i howvshke, achi tok.

36. Mihma achvvt malelit ivt na-shatvmmi o wineka ont alotoli cha, kushak o takalichit ishka chi ka pit ima mv*t*, Ik ashá, Elias vt vla cha ant ishit akvchikmá nana chi hokmá, keho pisá, achi tok.

37. Mihma Chisvs ash osh chitoli hosh anumpuli mv*t*, fiopa issa tok.

38. Mihma nantvna tempel anukaka takali kash ot paknaka ai it a hlilavt ia mv*t*, aka ont taha cha tuklo tok.

39. Mihma Sintulion vt im a chapaka hikia tuk vt, yummvt chitolit makachi cha, fiopa issa na pisa mv*t*, Hatak ilvppvt Chihowa Ushi yatuk o pulla mvhlshke, achi tok.

40. Mihma ohoyo aiena hosh mishema ho pisvt biohmaya ma, Meli Maktalene, micha Chemis iskitini, mikmv*t* Choses aiena ishki Meli, mikmv*t* Salome aiena kak osh takla hinli tok.

41. Yohmi kv*t* Kalili a anta ma, ohoyo ilvppak osh apehvt avt, nan isht im ashwa tok: mihma apehvt avt Chelusalem a ai vla tuk vt ohoyo inla yvt laua hosh pit ai okluha tok.

42. Atuk o ont opivt taha ma, nana il ai atahli nitak, yummvt nitak hullo vt onnvt asha h_o,

43. Chosef Alimahlea v_{tt}a, nan-apesa holitompa hosh, yummak kia Chihowa apehlichika hohoyo hosh anta hatuk osh, nukwaya ikshot Pailat ash o ont iba chukowa cha, Chisvs haknip a im asilhha tok.

44. Mihma Pailat ash ot mihi ash takla illi hotuma, ahni kv_t nukhlakan_{ch}a tok, micha Sintulion a hoyo mvt, illi tuk a ahchibakmá, nana tuk a, i ponaklo tok.

45. Mich_a sintulion a isht ai akostininchi mvt, haknip ash Chosef a im issa tok.

46. Mihma yummak ash ot linen lapushki yo chumpa mvt, yummak ash ishit akvchi cha, linen a a bonulli cha, sepulka tvli yosh kulvt toba h_o ont bohli cha, tvli yo tonolichit sepulka okhissa yash pit o bohli tok.

47. Mihma Meli Maktalene, micha Meli Choses ishki ita tuklo kv_t yummak ash a bohli ka pivt okla tok.

CHAPTA XVI.

Enchil osh Chisvs vt falamvt tani tuk a ohoyo im anoli, 1. 9 Chisvs vt falamvt tani ha yvt Meli Maktalene a im otrni tuk osh, 12 nan im ai ithvna v_hleha h_a tuklot i haiaka: 14 atuk osh i himmakma aual-chvfa kash ont im otrni: yohmi mvt na yimma he keyu tuk a nan isht i miha; 15 micha vbanumpa ya kanima moyuma isht ai anumpohonla ch_i ka im apesa; 19 mihmvt vba ya ia ma, vba isht anumpa hv_t anuhumpa.

1. ATUK osh nitak hullot issa ma, Meli Maktalene, micha Chemis ishki, mikmvt Salome aiena kv_t ivt yummak ash o ont ahvmma ch_i kv_t, na-balama okla chumpa tok.

2. Atuk osh wek chukowvt ia nitak vmmona onnahinli fehna hvshi kohcha h_o sepulka yash okla ona tok.

3, 4. Mihmvt, Kvta hosh tvli vt chito fehna kash o sepulka okhissa a pim a kanvllicha ch_i h_o? ilap bika it im achi tok: mihmvt okla pit hopokoyo kash osh, a kanvlli tuk a, okla pit pisa tok.

5. Mich_a sepulka ya okla pit chukowa mvt, hatak himita

yvt na-fohka tohbi falaia fohka hosh, ishtimpak imma tñ-
nvp a binili hō, okla pisa cha, nukhlakancha tok.

6. Mihma yvmmak ash ot, Ik hvchi nukshopo kashke,
Chisvs Nasalet vtta yvt ititaiyukhvna ahonvha tuk ash o
hvsh hoyoshke: tani tuk oke: ilvppa ikshoshke: okla a
bohli tuk a, pit ho pesá.

7. Yohmi kia hvsh ia cha, nan im ai ithvna vhleba, Pita
aiena ka, yvmmak okvt hvchi tikba Kalili a ia he tuk a, ont
hvsh im anolashke: yvmmak o hvchi miha tuk mak oka,
yvmmak o hvsh a pisa chi hoke, im achi tok.

8. Mihma tushvt pit okla kohcha mvt, sepulka yash
ashvvt pit yihlepa tok: nukhlakancha, wñnihinchi, micha
nukshopa aiena hatuk osh, kvna kia nanasi kia okla pit ik
im acho ki tok.

9. Michá Chisvs vt wek chukowvt ia nitak vmmona on-
nahinli fehna hō tani tuk vt, Meli Maktalene, yvmmak o
nan-isht-ahullo okpulo untuklo ka a kohchi tuk ash nan
tikba i haiaka tok.

10. Mihma yvmmak ash osh ivt apehvt itvnowa yatuk vt
nukhaklot yaiya hosh maya ma, ont im anoli tok.

11. Mihma yvmmak ash osh okchaya na yvmvvt pisa
tuk a okla haklo mvt, ik yimmo ki tok.

12. I himmakma yvmmak ash osh, tuklo hosh itvnowvt
ayvt, yakni kocha itonachi ma, anonti ai inlv t i haiaka tok.

13. Mihma itiachi cha, kashapa kash o ont im anoli tok:
mihma yvmmak ash kia okla ik i yimmo ki tok.

14. Atuk o i himmakma auah-chvfa hash osh impa hosh
maya hō ont i haiaka cha, tani ha ya inla yvt pisa tuk a
okla ik i yimmo hatuk oka, na yimma he keyu, micha chu-
kvsh kvlo aiena ka nan isht ai i miha tok.

15. Mihmvt, Yakni moma ka ivt, vbanumpa ha hatak hi-
kia puta isht hvsh im anumpohonlashke.

16. Kvna hosh yimmi cha baptismokmvt, okchaya hi oke ;
amba kvna hosh ik yimmo hokvto, issikkopvt bilia im vhpisa
hi oke, im achi tok.

17. Michá na-yimmi vhleba hokvno nan-isht atokowa ya-
kohmi kak osh a takanlit aya hi oke. Ūno sa hohchifo ha

nan-isht ahullo okpulo puta isht kocha welikmvt, anumpa ilaiyuka anumpula hi oke.

18. Micha sinti chilita puta ka peh okla aiowa he, mikmvt ishkot illi nana kia ishko hoh kia, nan ik kanihecho ka he: abeka ya ibbak isht umbitepakma, hlakofa he bano hoke, im achi tok.

19. Yohmi mvt Chitokaka yvt ant im anumpuli mvt, vba ivt vba yakni a ont chukowa cha, Chihowa im ibbak ishtimpak-imma ya a binili tok oke.

20. Mihma Chitokaka yvt apelahanchit anumpa ha nan isht atokowa kv̄t a takanlit aya hatuk ash isht aiahlich̄i ma, kanima moma ka vba isht ai anumpohonlit itvnowa tok oke. Amen.

U B A N U M P A L U K

U T H O L I S S O C H I T O K .

C H A P T A I .

Luk vt Hliopilvs a pit im anumpuli, 1. 5 Enchil vt Sakalias a ont im otvni: 13 mihmvt ushi asha hi a i miha; 24 Elisabet vt vlla shali cha, ile luhmi. 26. Enchil vt ohoyo himita Meli a ont i haiaka; yohmi mvt Shilombish Holitopa yosh nan anukfilli ho, Klaist ishki a toba pulla hi a i miha. 39 Meli vt Elisabet a ont i nowa mikmvt ita tuklo kvv Chihowa ya aiokpahanchi. 57 Chan vt vtta cha, hakshup vtpa mvt hohchifo: 64 mihma Sakalias vt falamvt anumpuli mvt, 67 na tikbanli anolit Chihowa ha aiokpahanchi.

1, 2. NANA ka isht a pi yimmi ahli fehna vmmonvt isht auehinchu ka nishkin isht pivvt, nana ka isht ahashwa tuk vt ymma pim anohonli tok mak osh lava kvv yummak atuk a isht anumpa holisso ha ikbi tuk o,

3, 4. Uno ak kia nan vmmona isht-auehinchu ka nana kvv akaniohmi tok puta ka mominchit asilhhit achukmalit akostininchu li tuk vt, chishno vt nana ka isht chim annoa tuk a aiahi ka ish ithaiyana chi ka, nan-annoa ma it iakaiyachi hosh pit chi holissochi la hi vt vm anukfila tuk oke; Hliopilvs holitopa fehna ma!

5. Chutea i miko Helot vt ahanta nitak a, na-holitompa isht vtta achvfa Sakalias hohchifo kvv, Abia apehlichika ai ibafohka yosh anta tok: mihma tekchi vt Aalon ushetik vhleha isht-atiaka yosh, hohchifo kvv Elisabet a tok.

6. Mihi yosh yummvt tuklot Chihowa yvt pisa ho aiahi bievvt, anumpa vlpisa puta, mikmvt nan-vlpisa ilaiyuka Chihowa yvt apihisa tok a moma ka i shanaiya iksho hosh ahashwa tok.

7. Yvmohmi hosh Elisabet ak osh ushiksho yatuk o, vlla yvt ik im iksho ket okla hosh, tuklot sipoknit taiyaha tok.

8, 9. Atuk o yakohmi tok: ilap ai itvpeha yvt ont im ai vlhpiesa ma, yvmmt na holitompa isht asha Chihowa itikba ya isht ai ahanta chi ka, na holitompa isht asha nan im vlhpisa chatuk mak o, Chihowa in tempel a ont chukowa cha, na-balama luacha hi vt nashoeli ho isht im vlhpisa tok.

10. Yvmohmi ma okla laua yvt na balama lua takla ka vba pit anumpuli hosh kocha ya aiasha tok.

11. Yvmohmi ma Chihowa im enchil vt na-balama a lua alta ishtimpak imma tvnvp o hiki vt i haiaka tok.

12. Mihma Sakalias vt pisa mvt, nukhlakanchvt nan-nukshopa mvt anukfoyuka tok.

13. Mihma enchil ash ot, Sakalias vt chi nukshopa na; vba pit ish asilhha tok vt chim vlhpesa mak oke: yohmi ka chi tekchi Elisabet vt vlla nakni o chi shala he; mikma yvma Chan ish hochifa he;

14. Yohmikmt na chi yukvt chim achukma fehna he; yohmikma yvmmt vta ka na yukpa kvv laua hi oke.

15. Yvmmak okvt Chihowa ya i holitopa fehna he: mikmt oka-paki, micha oka homi nana kia ik ishko ka hi oke: micha ishki ikfoka a kohcha mak inli hosh Shilombish Holitopa isht anukfohkvv alotowa hi oke.

16. Yvmohmikmt yvmmak okvt Israel isht-aiunchululi vhleha ha lauachit in Chitokaka Chihowa ya im antia hi a anukfohkieha he mak oke.

17. Mikmt iki vhleha chukvsh a falaminchit vlla puta ka ai it ibafohkit it in nanaiyachikmt, anonti nan ik yimmo puta ma hopoyuksa vhleha ha im anukfila ha pit ai ibafohkit, okla ha anukfohki na Chihowa hoka im vlhtaha chi ka, Elias im anukfila chinto il ai eshi hosh Chitokaka itikba ya ia hi oke, im achi tok.

18. Mihma Sakalias vt, Nanta hosh katiahmi na ilvppa isht akostininchi la chi cho? vno vt hatak sa sipokni, yohmikma sa tekchi mvt sipoknit taiyaha kvno, enchil a im achi tok.

19. Mihma enchil ash ot afalaminchi kvv, Vno vt Chiho-

wa itikba hikia Kebliel sia mak oke: mih hosh ant chit im anumpulit, nan annoa achukma ilvppa chim anoli la hi vt si vlhtoka tuk oke.

20. Yrmohmi tuk o vm anumpa ha ont im ai vlhpiesak-mvt aiahla hi oka ik chi yimmo; yohmi hokvt ik anumpulo ish toba cha, ish anumpula he ik chim vlhpeso mak o, nana kash ot ont aiahli nitak a onak mak a hi oke, im achi tok.

21. Mihma okla hash ot Sakalias a pit hoyot aiasha mvt, tempel anukaka ya anta na hopaki hatuk o, katiohmi cho? okla ahni tok.

22. Atuk o yvmmak ash ot kohcha mvt, okla hash im anumpula he keyu ki tok: peh abahanchi mvt, anumpula he keyu hosh hikia hatuk o, tempel anukaka ya nana ho a pisa tuk a, okla akostininchi tok.

23. Atuk o yakohmi tok; ilap na-holitompa isht ai ahanta he nitak atuk vt ont taha makinli ma, in chuka ia tok.

24, 25. Atuk o nitak yvmmak atuk a i himmak ha yo, tekchi Elisabet vt vlla i fohka cha, Hatak puta itintakla sa hofahya kvt a takali tuk a isht kancha chi hosh, auet sa pihisa nitak vt Chitokaka yvt ilvppak o a yakohmichi tuk oke; achi mvt ile luyuhmi na hvshi tahlapi tok.

26, 27. Atuk o hvshi ont isht hannalik fehna ohoyo him-ita yvt hatak Chosef hohchifo hosh, Lewi in chuka-chvfa isht atiaka yo, im vlhpoa hosh ohoyo himita hohchifo mvt Meli osh, Kalili yakni tmaha Nasalet hohchifo ho anta ho, Chihowa yvt Kebliel a pit i chvffichi tok.

28. Yrmohmi na enchil ash ot im aboha ha ant chukowa mvt, Holitopa fehna chia hvt na chi yvkpushke; Chihowa hvt chi halvlli hoke, holitopa kvt ohoyo puta moma ka ish imaiyvshke, achi tok.

29. Mihma yvmmak ash ot pisa mvt, yvmmt nana ahan-chi ka nukhlakancha mvt, nan isht aiokpvchi katiohmi hosh yakohma hinla cho? ahnit im anukfila tok.

30. Mihma enchil ash ot, Meli vt ik chi nukshopo kash-ke; Chihowa ish i holitopa hi vt chim vlhpesa tuk oke.

31. Yohmi kvt yakeh! vlla yvt chi fohka cha, vlla nakni o ish ishikmvt, hohchifo ha Chisvs ish hochifa he mak oke.

32. Yvmmak osh Chitokaka tobvt ahantvt, Nana moma i shahli Ushi hohchifa he ; yohmikma Chitokaka Chihowa yvt iki Lewi im ai om binili holitopa ya ima hi oke.

33. Yohmikma yvmmak osh Chekob in chuka chvfa isht atiaka pehlichhi na bilia he : yohmikma yvmma apehlichika ya ont ataha he mvt iiksho ka he mak oke, im achi tok.

34. Mihma Meli ash ot, Hatak kia ithana li keyu hatuk ano, katiohmit ilvppvt yakohma chi cho ? enchil ash o im achi tok.

35. Mihma enchil ash osh anonti afalaminchit, Shilombish Holitopa yak osh chim aya he ; yohmikma Nana moma i shahli nan isht im aiahlika yvt chi o hoshontikacha hi oke ; yohmi hoka na-holitopa kvt chim vtta hi vt yvmmak kia Chihowa Ushi hohchifa hi oke.

36. Micha yakeh ! chi kanomi Elisabet vt ushiksho hohchifo chatuk kia, sipoknit taiyaha hosh vlla nakni i fohka tuk a himak vt hvshi ont isht i hannali hoke.

37. Chihowa ak okvto nana kvt ik im aiahlo ka hi vt iksho hoka, im achi tok.

38. Mihma Meli ash osh, Chitokaka immi ohoyo sia ka is sa pesashke : chim anuhumpa tuk mak o nana kvt vm ai vhpiesashke, im achi tok. Mihma encbil ash ot issvt ia tok.

39. Mihma nitak yvmma foka ma Meli ash ot wakaya cha, tushpvt ivt, Chuta yakni nvnih foka tmaha chito mvt talaia ho ona tok.

40. Yohmi mvt Sakalias in chuka ya ont chukowa cha, Elisabet a aiokpvchi tok.

41. Mihma yakohmi tok ; Meli vt aiokpvchi na Elisabet vt haklo ma, vlla yvt ikfoka anuka ilhkoli tok ; yohmi ma Elisabet vt Shilombish Holitopa isht anukfohkvt alotowa tok.

42. Mihmvt chitoli hosh anumpulit, Holitopa kvt ohoyo puta moma ka ish imayvshke : mihma chikfoka anuka a toba mvt holitovshke.

43. An Chitokaka ishki vt ayvt vm vla ilvppvt katiohmi ho a yakohmi cho ?

44. Yakeh ! is si aiokpvchi ka anumpa hvv olvt sa hak-

sobish a ant fohka mak inli ho, vlla yvt na yukpa kvt sak-foka anuka ya ilhkoli kano.

45. Chitokaka yvt yvmma nana ho im anoli tuk a ont aiahlit taiyaha hi oka, na yimmi tuk yvmmvto na yukpvshke achi tok.

46. Mihma Meli ash ot, Sa shilombish vt Chitokaka ya holitobli,

47. Yohmi ma sa chukvsh vt Chihowa si okchalinchi a ai isht ilaiyukpvshke.

48. Yvmmak okvt in tishu ohoyo ilbvsha ya i nukhaklot pisa tuk oke: yohmi hoka himak pillvt ia ka hatak isht ai unchululi puta kvt na-yukpa sia hochifa hi oke.

49. Yvmmak osh nana moma imaiya mak osh nafehna chinto ka a yvmihchi tuk oke: yohmi kvt hohchifo hvt holitopa yoke.

50. Micha hatak it ai unchululi ia puta ka ilapa im antia vhleha ha yvmmvt i nukhaklo kvt ai in takali mak oke.

51. Yvmmak okvt ilapo shakba isht imaiyachi chatuk: ilapunla vhleha hvt ilap chukvsh nan isht im anukfilvt mayakma, yvmmak okvt it a fimibli chatuk oke.

52. Yvmmak okvt hochitoka vhleha im aiasa puta tuk a ai isht akakohlikmvt, anonti ilbvsha vhleha ak o holitobli-chi chatuk oke.

53. Hohchvfo ya yvmmak okvt na hochukma puta ka isht fiboblikmvt, anonti nan in laua yano nana kia ik im ikshochit kanom pit tihleli chatuk oke.

54, 55. Eblaham, mikmvt yvmma isht ai unchululi ka i nukhaklot a bilia hi vt pin tikba vhleha ha pim anumpohonli tok vt ithaiyana mvt, in tishu Israel a apelahanchi chatuk oke, achi tok.

56. Mihmvt Meli vt yvmma awant anta na hvshi tuchi-na foka mvt, falamvt in chuka ona tok.

57. Yohmi ma Elisabet vt vlla in tonla hi vt ont ai im vllhpiesa mvt, vlla nakni o sholi tok.

58. Mihma in chuka panta asha, micha i kanomi vhleha aiena kvt, Chitokaka yvt yvmma i nukhaklo fehna tuk a okla haklo mvt, ibai yukpa tok.

59. Atuk o yakohmi tok: nitak ont isht untuchina ma vlla ya hakshup tvblit itynowa tok; atuk osh iki a hochifochit yvmmak ash Sakalias hochifo tok.

60. Mihma ishki ash osh anumpuli mvt, Yohma he keyu; amba Chan ak o hohchifa chi hoke, achi tok.

61. Mihma Chi kanomi hvt kanima mvt hohchifo ilvppa isht a hohchifo kv*t* iikshoshke, okla im achi tok.

62. Mihmvt iki ak osh nana ho hohchifa hi a ahnik mak a chi ka, okla pit abvchi tok.

63. Mihma yvmmak ash ot aholissochi a hoyo cha, Hohchifo hvt Chan oke, achit holissochi tok. Mihma, Na kati*hmi* ho? momvt okla ahni tok.

64. Mihma yvmmak ash ot itih hvt ashali*ka* wakama ma, isunlush vt yuhapa na anumpuli mvt, Chihowa ya aiokpahanchi tok.

65. Yvmohmi ma yvma ai i bilika fullota aiasha tuk ash ot momvt nukshumpa tok: yohmi ma ilvppa yakohmi tuk vt momvt annovt Chutea yakni nvni*h* foka yash mominchit a hlopulli tok.

66. Mihma okla yvma haklo tuk vt moyumvt, Ulla kati*ohma* chi hosh ilvppvt yakohmi cho? ahanchit chukvsh anukaka okla isht anukfihinli tok. Mihma Chitokaka ibbak vt yvmmak ash o apelahanchi tok.

67. Mihma iki Sakalias ash ot Shilombish Holitopa isht anukfohkvt alotovt, tikbanli nana anolit pit aiokpahanchit,

68-71. Israel in Chitokaka Chihowa hvt holitopashke: yvmmak okvt yakni toba tok taiyakla ka i hopaii hochukma aiashvt isht-auehinch*i* ka itih isht ai anumpohonli tok mak osh, pishno vt pin tvnvp vhleha, mikmvt pi nukkilli vhleha ibbak ma mominchit il ai o hlakofa hi o, im okla talaia ka i nukhaklot pihisa cha, nan isht vlhtoba he im atahlit, isht aiokchaya chinto fehna ka ilap in tishu Lewi in chuka-chvfa a pi hilechi tok.

72-75. Yohmi kv*t* pishno vt pin tvnvp vhleha ibbak ma il ai in hlakofikmvt, pi okchayvt nitak il ai ahanta kv*t*, nukshumpa iksho hosh nan-ashvchi ikshot ai vlhpiesa hosh im antivt, itikba ma il ahashwa he mak o, auet pim aiahna hi vt

ilap i nan-vlhpisa holitopa anumpa kvllo aiena ka pin tikba Eblaham a isht ai im il onochi tok vt ithaiyana cha, anonti nan i nukhakla he anumpa ha pin tikba vhleha ha ihima tok vt aiahlichhi mak oke.

76-79. Yohmikma, Ulla chishno vt Chitokaka yvt ataya chi puta ma apoksiachit, anonti hvpin Chihowa nan-isht i nukhaklo chinto pulla hatuk mak o, ilap nan im ai ashvchika yvt i kashofa hosh isht-ai okchaya ma im okla ha ish ithv-nahancha chi hosh Chitokaka itikba ish ia chi hokvt, Moma imaiya i hopaii chi hohchifa hi oke. Yvmmak atuk pulla mak o ai okhlilika, mikmvt ai-illi ai o hoshonti aiena anuka-ka aiasha tuk a in tohwekelicha chi, mikmvt hvp iyi yvt ai itin-nanaiya hina foyuka chi ka apelvcha chi mak o onna tohwikeli vba minti kvv auet pi on tommishke.

80. Yvmohmi tuk o vlla yash ot asvnot ivt, im anukfila mvt kvllot i shahlit ia; yohmi hosh yakni haiaka ya ahanta na Israel a i haiaka he nitak vt ai ona tok.

CHAPTA II.

Chisvs vt Behlehem ak o ai vtta cha, vlhpoba ai-impv peni yo fohka,

1. 8 Chukfelhpoba apesvchi vhleha Behlehem bilika asha tuk o, Chisvs vt vtta ka, enchil osh ont im anoli; 13 milma enchil vhleha hvv laua hosh ai vla cha, ibai achvvt Chihowa ha okla aiokpahanchi. 21 Chisvs vt hakshup tupa; yohmi ma tempel anukaka yak o Chitokaka ya pit ai im issa ma, Simeon, micha Anna aiena kvv, avvt okla hosh tempel a ont chukowa; yohmi cha hatak okchalinchi himona vtta tuk a pisa mvt, Chihowa ha pit aiokpahanchi. 40 Chisvs vt avvmmi auah-tuklo ka ona mvt, 46 tempel o nan ai im avvchi vhleha puta ka i haponaklo, nan im asilhvchi aienvt anta: 51 atuk osh falamvt Nasalet ona cha, iki, ishki aiena ka im antia hosh ahanta.

1. MIHMA yakohmi tok: nitak yvmma foka ma, yakni yvmmvt okluyuhvt holissa hi a Sesa Akvstvs vt apihisa tok.

2. Yakohmi ka Silenivs vt Silia i mikot ahanta mak o okla holissa he ilvppvt vlhpisa vmmona tok.

3. Mihma momvt ilap in tmaha aiyuka a holissa chi hosh ilhkoli tok.

4, 5. Mihma Chosef ak kia, yummvt Lewi in chuka-chvfa y_o isht-ai-unchululi hatuk okvt, Kalili yakni Nasalet tumaha ha vttvt kohchvt ia mvt, Chutea yakni Lewi in tumaha Behlehem hohchifo h_o tekchi v_hlp_oa Meli vt vlla in tola hosi h_o, it iba holissa chi hosh ona tok.

6. Atuk o yakohmi tok: ymma ont ahashwak fehna, yummvt vlla in tola he nitak vt ont ai v_hlpiesa tok.

7. Mihmvt ishi ahpi kv_t vlla nakni osh in tola cha, ymmak ash na-hlilahli o a bonulli mvt, aboha anuka yano aiasha yvt iksho hoka, issuba ai-ilhpita y_o fohkit bohli tok.

8. Yohmi ma yakni ymmak inli ka chukv_hlpoba apesvchi v_hleha hv_t v_hlpoba apesvchi hosh ninak a haiaka y_o aiasha tok.

9. Yumohmi tuk o Chihowa im enchil vt ayvt im v_la na Chihowa im a tohwekali chinto kv_t ai on tommit talaia ma, okla nukshopa fehna tok.

10. Mihma enchil ash ot, Hvchi nukshopa ná; vno vt anumpa na-yukpali a chinto fehna okla moyuma ka im aya he mak o isht hvchim aya li hoke.

11. Himak nitak a nan-okchalinchi, yummvt Klaist Chitokaka mak osh Lewi in tumaha ha a hvchim ai vttvshke.

12. Yohmi ka atokowa kv_t ilvppak o yakohmi ha chi hoke: Ullosi vt nahlilahli o a bonunta hosh, issuba ai ilhpitta y_o fohkv_t itonla h_o ont hvsh pisa chi hoke, im achi tok.

13. Yohmi ma i mih-makinli h_o enchil okla chinto yvt enchil ash o ant okla apeha cha, Chihowa ya aiokpvchit,

14. Chihowa yvt vba chaha moma i shahli ya ik a holi-topá; mikmvt yakni paknaka ma ik a nanaiyá: mikmvt hatak a nana achukma im anukfilli aiena kv_t ik ai ituyulá, ahanchi tok.

15. Mihma yakohmi tok: enchil okla hash osh issvt vba ya ivt taha ma, chukv_hlpoba apesvchi v_hleha hash osh, Inta! Behlehem fehna ka kiloh ia cha, nana kv_t a yumohmi tuk o, Chitokaka yvt hv_pim anohonli tuk ilvppa ont eho pisashke, it im achi tok.

16. Mihmvt tushpvt itvnowvt ona cha, Meli, Chosef ita

tuklo ka, micha vllosi atuk mvt issuba ai ilhpitta yo fohkv^t itonla aiena ho okla pisa tok.

17. Yakohmit ont pisa mvt, vlla yvmma nana ka okla nan isht im annoa tuk ash ot mishema a mominchit ai anoli tok.

18. Yohmi ma na yakohmi ka chukv^tlh^tpoba apesvchi vhleha hv^t im anoli na okla haiyaklo tuk vt momvt, okokko! aiahni tok.

19. Yohmi kia Meli vto nana yakohmi kash mominchit chukv^tsh anukaka isht ithaiyanvt, anukfihinli tok.

20. Mihma chukv^tlh^tpoba apesvchi vhleha hash ot nana kv^t im ai annoa tuk ash fehna ka oklv^th^tlinchit haklo, micha pisa aiena mvt, Chihowa ya holitoblichit aiokpahanchit, fala-mvt okla ilhkoli tok.

21. Yvmohmi tuk o nitak ont isht untuchina ma, vlla ya hakshup wishakchi tvbla hi a ai ona hatuk o, ikfoka anuka ik foko kisha mak o, enchil vt yvmmak o hochifo tok oka, yvmmak ash ot Chisvs hohehifo tok.

22-24. Yvmohmi tuk o Moses vt nana apesa tok a, ishki ash ot na-hullochi nitak vt ont in taha mvt, ishi ahpi ka nakni osh vtta hokvto moyumvt Chitokaka ma pit im a holitopa he mak o, Chitokaka i nan-vlhpisa ha a holihiso hatuk oka, yvmmak ash Chitokaka ima chi, micha nan-isht aiokpvchi vt pvchi yoshiba tuklo, keyukmvt pvchi himita yosh tukla hi o, Chitokaka i nan-vlhpisa yvto ahanchi hatuk oka, isht aiokpvcha chi hosh Chelusalem a itvlachi tok.

25. Yvmohmi ma yakeh! hatak Simeon hohehifo hosh Chelusalem a anta tok: yohmi kv^t yvmmak okvt hatak vlhpiesa, Chihowa ma holitobli aiahli hosh Israel okla nayukpali a pit hohoyo hosh anta tok: yohmi ma yvmmak oka Shilombish Holitopa yvt anukfoyuka tok.

26. Yohmi kv^t yvmmak okvt Chitokaka i Klaist a ik peso kisha hokvto, illa he keyu ka, Shilombish Holitopa yvt tikbanli im anoli tok.

27. Yvmohmi tuk o Shilombish Holitopa yosh yvmmak ash o anukfoyuka ho ayvt tempel a ant chukowa tok: atuk

o ai yvmohma he nan-vlhpisa ha isht ai yvmihcha chi hosh iki, ishki ita tuklo kvt vllosi Chisvs a sholi cha, ant chuk-owa;

28. Yohmi ma yvmmak ash ot ibbak ishit sholi cha, Chihowa ya pit aiokpahanchi mvt,

29. Chitokaka ma! chishno chim anumpa ha tok pulla mak o, himak okvno chin tishu hvt na-yukpa hosh ia hi a im aiahni:

30—32. Chi nan-ai-okchaya na-tohwikeli yvt oklushi nan ik ithano vhleha ha isht in tohwikela chi, micha chim okla vhleha Israel mvt isht a holitopa chi ka, okla moma itikba ish ai atahli tok a, sa nishkin vt pisa hoke, achi tok.

33. Yohmi ma yvmmak ash o ishki, Chosef ita tuklo kvt yvmma nana kvt isht anumpa ka, anukhlakancha tok.

34, 35. Mihma Simeon ash ot, yvmmt ai yukpvt okla hi a, im aiahnit vba isht asilhha; yohmi mvt ishki Meli ash o, Yakeh! vlla ilvppvt Israel okla hvt isht ai akakoha, mikma anonti a tana he aiena kvt lawa he: micha nan-isht-atokowa ka i sanalit isht anumpohonli na chukvsh lawa nan isht im anukfila puta mvt ai otaiyana he mak o isht ai vlhtoka hoke; ahli, mikmvt chishno chi shilombish ma aieninchit bvshpo falaia yvt a hlopulla hi oke; im achi tok.

36. Yohmi ma ohoyo hopaii Anna hohchifo Ase isht ai unchululi, Fanuel ushetik osh, himitasit hatak auwaya tuk o, afvmmi untuklo ma illi tuk o, antvt sipoknit kvnia tok.

37. Yohmi kvt vlhtaklvk hikia tuk a afvmmi pokoli untuchina akocha ushta foka hosh, yvmmak okvt tempel a issvt ik aiyo hosh, nitak, micha ninak aiena ka na-hullochi, micha vba pit anumpuli aiena hosh Chihowa ma isht a holitoblit ahanta tok.

38. Atuk osh yvmmak ash ot yvmmak fehna ma ant chukowa mvt, Chihowa ha, yakoke, achit aiokpvchi akinli tok: mihmvt isht ai okchaya hi a Chelusalem a hoyot aiasha tuk puta ka yvmmak ash ai isht im anumpohonli tok.

39. Yvmohmi ma Chihowa i nan-vlhpisa hatuk ash mominchit nana ka ont aiahlichit taiyahli mvt, falamvt, Kalili yakni ilap o in tmaha Nasalet a it onachi tok.

40. Atuk o vlla yash ot asvnot ia mvt, im anukfila hvt hopoyuksvt alotvt kvllot i shahlit mahaya; yohmi ma Chihowa nan isht ahniechi ka mvt ai anukfoka tok.

41. Ubanvblit ont ia nan-ai-impā holitopa ashakma iki, ishki ita tuklo kv̄t afvmmikma Chelusalem a itiachi beka tok.

42. Atuk osh impā holitopa isht asha yvmmak oh chatuk mak osh ont ai v̄lhpiesa ma, yvmmak ash ot afvmmi auah tuklo hō, Chelusalem a ilhkoli tok.

43. Atuk osh nitak v̄lh̄pisa hatuk vt ont in taha cha, falamvt itiachi ma, vlla Chisvs ash ot olbulaka Chelusalem a anta hokak o; Chosef, micha ishki ita tuklo kv̄t ik akostinicho ki tok.

44. Amba okla it apehvt asht aya ka takla aya he ak o im ahombvt, av̄t nitak achvfa nowvt okla tok: mihmvt yvmmak ash ilap i kanomi v̄hleha, micha ai it ithvnaka puta itin takla ya a hoyo tok.

45. Atuk osh yvmmak ash ik ahayucho mvt, hoyo kv̄t falamvt Chelusalem a itiachi tok.

46. Atuk ak o yakohmi tok: nitak ont atuchina hō yvmmak ash ot tempel anukaka ya hatak nan-ithvnanchi v̄hleha i haponaklo, micha nan im a ponaklo aiena hosh takla asha na ont ahayuchit okla tok.

47. Mihma yvmmvt nan-ithana, micha anumpa afalaminchit miha imponna aiena ka okla haklo mvt, momvt okokko! aiahni tok.

48. Mihma yvmmak ash ot ont pisa mvt, nukhlakanchvt okla tok: mihma ishki ash ot, Svso hvt nanta katiohmi hō ish p̄i yakohmichi na ch̄iki ita tuklo li kv̄t nukhaiyaklot chi hoyo li cho? im achi tok.

49. Yvmohmi ma yvmmak ash ot, Nanta katiohmi hō hvs sa hoyo hosh? Aki nan isht im a kaniohmi ka isht ahanta la he v̄lh̄piesa kvno, hvch ik ithano cho? im achi tok.

50. Mihma anumpa yvmma, yvmmvt isht im anumpuli ka, ik ai akostinicho kit okla tok.

51. Mihma yvmmak ash ot awant ia cha, falamvt Nasalet a ona mvt, im antia achukma hosh ahanta tok: yohmi kia

ishki ash ot anumpa yummak atuk ash mominchit ilap chukush ma isht il anukfohkit ieshi tok.

52. Mihma Chisvs ash ot ahopoyuksvt asvnot mahaya mvt, Chihowa, micha hatak puta aiena ka im a holitopa kv̄t i shahlit mahaya tok.

CHAPTA III.

Chan Baptist vt vbanumpa isht anumpohonli, 1: 15 Klaist a ato kowa anoli; 20 anonti aboha kv̄llo fohka. 21 Chisvs vt baptismo, yohmi ma yummak okvt Chihowa ha Ushi pulla hatuk vt annoa. 23 Alvm ak o isht ai unchululit mihinti ho, Chisvs vt hatak a toba tok a vltokowa annoa.

1. **TIBELIUS** Sesa yvt miko tobr̄t ahanta tok afvmmi ont isht auah tahlapik fehna, Pontivs Pailat vt Chutea yakni ap ehlich̄i ma, Helot vt Kalili ak o ap ehlich̄i ma, anonti itibapishi Filip vt Itulea, micha Hlakonitis yakni aiena ka ap ehlich̄i ma, Lisantias mvt Abilene ak o ap ehlich̄i ho,

2. Annas, micha Kaiafas ita tuklo kv̄t na-holitompa isht a sha i shahli yosh ashwa ho, Chihowa im anumpa hv̄t Chan Sakalias ushi a yakni haiaka yo im ai ona tok.

3—6. Yvmohmi ma hopaii Esias im anumpa holisso ha a holihiso kv̄t, Achvfa hosh yakni haiaka yo ai anumpohonlit, Chitokaka ataya hi a apoksiachit, i hina puta ka oh apissvlech̄i: kolukbi puta mvt momvt ik alotá: mikma nv̄nih, micha nv̄nih hochito aiena moma kv̄t akanlosit ik tahá: hina fullota atuk kia apissvt ik tobá: yohmi ma ai itilaūi iksho ke tuk vt itilaūit tahashke: yohmikma hatak moma kv̄t Chihowa i nan okchal̄inchi a pisa he mak oke, achishke; ahanchi tok mak o, yummak okvt ai ashvchika puta ka isht a kashofa ch̄i ka, ile kostininchit baptisma hi a isht anumpohonlit Chatan a bilika yakni a mominchit aya tok.

7. Mihmvt im a baptisma ch̄i hosh okla laua yvt ai vla ma, Sinti chilita isht-atiaka hv̄chia ma! na palvmmi mihinti ka hv̄sh i hlakofa hi a, kv̄ta hosh hv̄chim anoli tuk oh cho?

8. Yohmi hokvt ile kostininchī ai it v̄lhpesa mak o vnit hvsh wayashke; micha, Himona Eblaham ak osh p̄iki yoke, acha hi okvno hvch ik il anukfillo kashke; Chihowa hvt tvli yak aiasha ka, Eblaham im vlla ya chī ka ai ikba hinla hoka, hvchim achi lishke.

9. Yohmikma himak ak kia iskifa yvt iti puta ak-isht-vla yā ai itonla hoke; yohmi hatuk o iti yvt vni achukma hō vnit waya keyu hokvto, moyumvt chayvt akakoha cha, luak a pit itokaha hi oke, im achi tok.

10. Yohmi ma okla hash osh i ponaklot, Yohmi kvno nanta hak o e katiohma chī hō? achi tok.

11. Mihma afalaminchi kv̄t, Kvna hosh na-fohka yvt in tuklokmvt, kanima hosh ik im ikshokma ik in chv̄falī; mikma kanima hosh ilimpa hvt im āsha kv̄t, yohmi makinlashke, im achi tok.

12. Yohmi ma publikan v̄hleha hak kia baptisma chī hosh ai vla mvt, Nan-ithvnanchi ma! nanta hak o e katiohma chī cho? im achi tok.

13. Yohmi ma, Nana hvchim v̄lhpesa tuk vt atamblit hvch ik hoyo kashke, im achi tok.

14. Yohmi ma tvshka chipota v̄hleha hak kia i ponaklot, Mikma pishno ak osh nanta hak o e yvmohma chī hō? achi tok: yohmi ma yvmmak ash o, Hatak nana kia hvch ik o mahlantokmvt, anonti kvna kia a holvbit hvch ik wehpulo kashke; yohmikmvt na hvchim ai vlhtoba ma, V̄lhpiesa akinli hvsh aiahnashke, im achi tok.

15. Okla hvt nana ka pit hohoyo hosh āsha hatuk, atul osh hatak moma kv̄t, Chan a yvmmak osh Klaist mak okmā, keyukmā, nanta hō chishba? ahnit chukvsh a isht anukfieli okla aiasha ma,

16. Chan ash ot mominchit im anumpullit, V̄no yokvto oka yō isht hvchi baptismochi li mvhli; yohmi kia achvfa kv̄t a shahli fehna hosh mihinti ka i shulush isht-talakchi a vno vt hlitolī la hi o si ahoba keyu hoke; yvmmak osh Shilombish Holitopa, micha luak aiena hō isht hvchi baptismocha hi oke.

17. Yvmmak osh i nan-isht mvshahechi yvt ibbak a foyuka: yohmi kv̄t i nan-anihechi yatuk ma achukmali feh̄vt kashofa he; mikmv̄t onush atuk ma kanchak a pit asha-chikmv̄t, amba hakhlopish okv̄no luak vt moshola he keyu a isht hukma hi oke, ahanchi tok.

18. Micha okla ha nana inla mv̄t laua ho isht ai i mihiv̄t, vbanumpa ha isht im anumpohonli tok.

19. Yohmi kia Helot miko yvt ilap itibapishi Filip tekchi Helotias atuk, micha Helot vt nan ik vlhpeso puta ai yvmohmi chatuk ash, pit a mominchit atokowvt nan isht ai i miha hatuk o.

20. Nana ik ai vlhpesacho ke tuk moma kv̄t ilvppakma isht ai ibafohki hosh Chan a aboha kv̄llo fohkit im okhishta tok.

21. Okla moyuma kv̄t baptismot taha ma, yakohmi tok: Chisvs ak kia baptismo cha, vba pit asilhha ma, vba yvt auet tiwa,

22. Yohmi ma Shilombish Holitopa yvt nipi asha hosh pv̄chi-yoshuba chiyuhmit vba mintit im vla ma, vba ya anumpa hv̄t auet takali kv̄t, Chishno ak osh sv̄so a holitopa chia hoke; chishno ak o nan isht chi a sai yukpa mak oke, achi tok.

23. Mihma Chisvs vt afv̄m̄mi pokoli tuchina ka ona foka hosh, peh im ahoba kv̄no, Chosef ak o ushi a tok: mihma yvmm̄vt Heli ak o ushi a tok.

24. Mihma yvmm̄vt Mahlat ak o ushi a tok: mihma yvmm̄vt Lefai ak o ushi a tok: mihma yvmm̄vt Melchi ak o ushi a tok: mihma yvmm̄vt Channa ak o ushi a tok: mihma yvmm̄vt Chosef ak o ushi a tok.

25. Mihma yvmm̄vt Mattahlias ak o ushi a tok: mihma yvmm̄vt Amos ak o ushi a tok; mihma yvmm̄vt Navm ak o ushi a tok; mihma sv̄m̄m̄vt Esli ak o ushi a tok: mihma yvmm̄vt Nakke ak o ushi a tok:

26. Mihma yvmm̄vt Maath ak o ushi a tok: mihma yvmm̄vt Mattahlias ak o ushi a tok: mihma yvmm̄vt Semei ak o ushi a tok: mihma yvmm̄vt Chosef ak o ushi a tok: mihma yvmm̄vt Chuta ak o ushi a tok:

27. Mihma yvmmvt Choanna ak 0 ushi a tok: mihma yvmmvt Lehesa ak 0 ushi a tok: mihma yvmmvt Solobabel ak 0 ushi a tok: mihma yvmmvt Salahliel ak 0 ushi a tok: mihma yvmmvt Neli ah 0 ushi a tok:

28. Mihma yvmmvt Melchi ak 0 ushi a tok: mihma yvmmvt Alli ak 0 ushi a tok: mihma yvmmvt Kosam ak 0 ushi a tok: mihma yvmmvt Elmolam ak 0 ushi a tok: mihma yvmmvt El ak 0 ushi a tok.

29. Mihma yvmmvt Chose ak 0 ushi a tok: mihma yvmmvt Eliesel ak 0 ushi a tok: mihma yvmmvt Cholim ak 0 ushi a tok: mihma yvmmvt Mathlat ak 0 ushi a tok: mihma yvmmvt Lefai ak 0 ushi a tok.

30. Mihma yvmmvt Simeon ak 0 ushi a tok: mihma yvmmvt Chuta ak 0 ushi a tok: mihma yvmmvt Chosef ak 0 ushi a tok: mihma yvmmvt Chonan ak 0 ushi a tok: mihma yvmmvt Eliakim ak 0 ushi a tok.

31. Mihma yvmmvt Melea ak 0 ushi a tok: mihma yvmmvt Menan ak 0 ushi a tok: mihma yvmmvt Mattahla ak 0 ushi a tok: mihma yvmmvt Nahlan ak 0 ushi a tok: mihma yvmmvt Lewi ak 0 ushi a tok.

32. Mihma yvmmvt Chesse ak 0 ushi a tok: mihma yvmmvt Obet ak 0 ushi a tok: mihma yvmmvt Boos ak 0 ushi a tok: mihma yvmmvt Salmon ak 0 ushi a tok: mihma yvmmvt Naason ak 0 ushi a tok.

33. Mihma yvmmvt Aminatab ak 0 ushi a tok: mihma yvmmvt Alam ak 0 ushi a tok: mihma yvmmvt Eslom ak 0 ushi a tok: mihma yvmmvt Fales ak 0 ushi a tok: mihma yvmmvt Chuta ak 0 ushi a tok.

34. Mihma yvmmvt Chekob ak 0 ushi a tok: mihma yvmmvt Aisaak ak 0 ushi a tok: mihma yvmmvt Eblaham ak 0 ushi a tok: mihma yvmmvt Hlala ak 0 ushi a tok: mihma yvmmvt Nachol ak 0 ushi a tok.

35. Mihma yvmmvt Saluk ak 0 ushi a tok: mihma yvmmvt Lakau ak 0 ushi a tok: mihma yvmmvt Falek ak 0 ushi a tok: mihma yvmmvt Hebeh ak 0 ushi a tok: mihma yvmmvt Sala ak 0 ushi a tok.

36. Mihma yvmmvt Kainan ak 0 ushi a tok: mihma

yummvt Alfaksat ak o ushi a tok: mihma yummvt Sem ak o ushi a tok: mihma yummvt Noah ak o ushi a tok: mihma yummvt Lamek ak o ushi a tok.

37. Mihma yummvt Mehlusala ak o ushi a tok: mihma yummvt Enok ak o ushi a tok: mihma yummvt Chalet ak o ushi a tok: mihma yummvt Maleleel ak o ushi a tok: mihma yummvt Kainan ak o ushi a tok.

38. Mihma yummvt Enos ak o ushi a tok: mihma yummvt Seth ak o ushi a tok: mihma yummvt Alam ak o ushi a tok: mihma yummvt Chihowa ak o ushi a tok.

CHAPTA IV.

Chisvs vt, nan-isht-ahullo okpulo yosh imomaka pihisa ma, ik impo ho nitak pokoli ushta mvt, nan-isht ai imomaka pisa puta ka imai-yachi, 1. 14 Chisvs vt falamvt Kalili a ona cha, vba isht anumpohonli; 16 atuk osh Nasalet a ona cha, nitak hullo yo sinakak a nan ai ithvnanchi: 28 mihma okla hvt ik im vhpeso mvt, vbi bvna; 31 Chisvs vt Kapenavm a ona cha, nitak hullo ya nan ithvnanchit ahanta mvt, 33 nan-ishtahullo okpullo ma kohchichi; 38 Pita tekchi ishki a hlakofichi; 40 mihmvt nan abeka ilaiyuka laua ka isht ahullo fehna kia ai yvmihchit ahanta mvt, 43 Kalili fullota ka vbanumpa ya isht ai anumpohonli.

1. CHISUS vt Shilombish Holitopa isht anukfohkv im alotowa hosh, Chatan vttvt falamvt ia ma, Shilombish ash ot im aiahni na ayvt yakni haiaka ont chukowa na,

2. Nitak pokoli ushta ka Setan vt imomaka pisa tok. Mihma nitak yvmma fehna ka nanasi kia vpa tok keyu: atuk osh yummvt ont taha na misha pilla mvno hohchvfo tok.

3. Yohmi ma Setan ash ot, Chihowa Ushi chia hokmvt, tvli ilvppvt pvska toba chi ka i mihá, im achi tok.

4. Yohmi ma Chisvs vt afalaminchi mvt, Hatak vt pvska yak bieka ho ai okchaya he keyu; amba Chihowa im anumpa moma kak ashke; achi kv holisso hoke, im achi tok.

5. Mihma Setan ash ot yvmmak ash ilaelit nvni chaha

y_o isht oiya cha, yakosi itin takla fehna h_o miko apehlichy putayakni aiasha ka mominchit i haiakvchi tok.

6. Mihmvt Setan ash ot, Nan im aighlika, micha im a holitopaka aiena ilvppa mominchit chima lashke; yvmmvk okvt vno ak o vmmi toba tok: yohmi ka kvna h_o vno ahni li hok mak osh ima li hoke.

7. Yohmi hoka chishno vt aka hlipvt is si aiokpvchi hokma, moma kvv chimmi hashke, im achi tok.

8. Mihma Chisvs ash ot afalaminchit, Setan chia hvv vm ashaka yak o ish hikiashke; Chitokaka chin Chihowa yak o i hvchukbihleptv ish aiokpahanchashke; micha yvmmak illa h_o holitoblit ish im antiashke; achi kvv holisso hoka, im achi tok.

9. Mihma yvmmak ash ot Chisvs ash o ilauevit Chelusalem a ont isht chukowa cha, tempel wishakehi y_o ont o hilechi mvt, Chihowa Ushi chia hokmvt, aka pit ish ile pilashke:

10, 11. Chishno a chi apesahancha chi ka, im enchil vhleha ha atohno na ibbak a okla vba isht takalihinchit chisht aya na nitak kanima kia chiya ya tvli isht chik ai isso ka hi a, achi hosh holisso tok oka, im achi tok.

12. Mihma Chisvs ash ot afalaminchi mvt, Chitokaka chin Chihowa ya imomaka chik peso kashke; achi tok a ashvshke, im achi tok.

13. Mihma Setan ash ot nan isht ai imomaka pisa puta kash o isht im anukfillit ont tahli mvt, yakosi takla kvno i filvmmi ia tok.

14. Yohmi ma Chisvs ash ot Shilombish nan-isht im aighli ka yvt anukfoyuka hosh falamvt Kalili a ona tok: mihma yvmma isht annoa kvv yakni yvmma a bilika a mominchit hlopulli tok.

15. Mihma yvmma i sinakak a puta ka nan ai ithvnan-chit ahanta ma, momvt ahninchit tok.

16. Yohmi ma ai vttvt hofanti tok Nasalet mak o vla tok; mihmvt a yohmi atuk okvt, nitak hullo nitak a sinakak a ont chukowa cha, holisso it im anumpula chi hosh wakayvt hikia tok.

17—19. Mihma hopaii Esaiias i holisso hō ant ima tok: yohmi ma holisso hash wakummi mvt, ymma a holisso kv̄t, Ilbvsha puta ka vbanumpa isht im anumpuli la hi a yvm-mak osh nan isht si ahvmmi tuk okv̄t, Chitokaka im i shi-lombish vt si onvtuyula hoke: chukvsh nukhaklo puta ha-tuk kia hopohl̄vchit, yuka vhleha hatuk ma isht a hlakofa he; mikma l̄vpa puta yatuk mvt isht a hoponaya he, micha issikkopa puta kv̄t a sha tuk a isht a mokofit, Chitokaka yvt aiokpahanchi afvmmi ma isht anumpohonli la hi o, si a tohno tuk oke, achi hō ahayuchi tok.

20. Micha holisso hash akamvli mvt, falaminchit sinakak nan-isht aivtta yash ima cha, aka binili tok. Mihma sinakak aiasha tuk ash ot momvt nishkin isht aiokchifeli tok.

21. Mihma yvmmak ash ot, Holisso ilvppvt himak nitak a hv̄chi haksobish a isht hv̄sh haklo kv̄t ont aiahli hoke, im achit isht ia tok.

22. Yohmi ma moma kv̄t nan ia atokowa ma p̄sv̄t, anum-pa hochukma kv̄t itih hā a kohoncha ka okokko! aiahni tok: mihmvt, Ilvppvt Chosef ushi keyu hō? okla achi tok.

23. Mihma, Alikchi a chishno inlit ile hlakofichī: nana kv̄t Kapenavm a a yvmohmi na e haklo tuk okma, chī yakni ilvppak inli ma a yvmihchī, achi anumpa isht v̄lh̄pisa ilv-pak o hvs sv̄m achi pulla chī hoke, im achi tok.

24. Mihmvt, Ahli pulla hō hv̄chim achi lishke, Hopaii nana ak osh ilap i yakni ak inli hoka ai a holitopa chatuk keyushke, achi tok.

25. Yohmi kia aiahli mak o hv̄chim anoli li: Elias vt ahanta nitak a v̄ba vt ai okshilitvt k̄unia na afvmmi tuchina hv̄shi hannali; yohmi na hopoa chinta feh̄v̄t a hlopulli ka, Israel okla hā ohoyo i hatak illi vt laurv̄t aiasha tok.

26. Yohmi kia ymma achvfona kia im aya hi vt Elias vt ik v̄lhtoko: amba Saiton yakni Salepta tmaha, ohoyo i hatak illi yvmmak illa tok.

27. Micha hopaii Elis̄evs vt ahanta nitak a Israel okla hā leplosi v̄bi kv̄t laurv̄t aiasha tok: yohmi kia yvmmak ash ot achvfona kia ik hlakofo hō, amba Naaman Silian hatak ak illa tok.

28. Mihma sinakak aiasha tuk vt ilvppa puta ka haklo mvt, momvt anukhobelvt k_vnia tok.

29. Mihmvt okla wakaya cha, yvmmak ash o t_vmaha h_a kohcha pit chvffichi mvt, itehpelvt aka pit kancha ch_i hosh ilauelit, in t_vmaha ai on talaia sakti ont on talaka fehna isht ona tok.

30. Yohmi tuk kia yvmmak ash ot okla hash itin takla a hlopullit kanima ia tok.

31. Mihmvt Kapenavm t_vmaha Kalili yakni a ona cha, nitak hullo nitak puta ka okla nana ithvnanchi tok.

32. Yohmi ma im anumpa hvt a na-fehna hatuk o, nana ithvnanchi ka okokko! okla aiahnit im anukfila tok.

33. Yohmi ma sinakak a hatak vt shilombish okpulo yvt isht ai i foka hosh anta tok: atuk osh yvmmak ash ot chitolit tahpvlvt,

34. Iikikke! Chisvs Nasalet minti chia h_a nanta h_o isht e chi ahalaia cho? ish pissikkopala ch_i hosh ish la hoh cho? k_vna h_o chia hoka chithana li, Chihowa i holitopa yak oke, achi tok.

35. Mihma Chisvs ash ot yvmmak ash im olvbbit, Nukchintot yvmma ish a kohchashke, achi tok. Yohmi ma shilombish okpulo ash ot okla ai itintaklvchit ai akvchi mvt, nan ik kanehiho hosh a kohcha tok.

36. Yohmi ma okla moyuma mvt nukhlakanchvt, ilap bika it im anumpulit, Ilvppvt anumpa nanta hokak osh yakohmi cho? nan im vlhpisa, nan aiahlika aiena h_o shilombish okpulo puta ka nan isht im ai apihisa hoka, okla kocha wihvshke, achi tok.

37. Yohmi ma yvmma ai isht annoachi ka yakni auet a bilika aiasha ka moyuma a hlopulli tok.

38. Mihma sinakak a vttvt kohchvt ia mvt, Saimon in chuka ont chukowa tok: mihma Saimon tekchi ishki vt yvnha fehna tuk o, pisa hinla ka okla im aiahni tok.

39. Mihma yvmmak ash o wakayvt hikia mvt, yvnha hash im olvbbi: yohmi ma yvmmak ash o yvnha hvt ai issvchi tok; mihma ashalika tani cha, okla hash nan isht im vtta tok.

40. Yohmi hatuk o hvshi vt okvtula ma, ililli ilaiyuka isht abeka im asha tuk puta kv̄t momvt yvmmak ash o im ai ona tok; yohmi ma ibbak vt aieninchit mominchit isht umbitepvt hlakofihinchi tok.

41. Mihma nan-isht-ahullo okpulo puta kv̄t laua ka a kocha wiha mvt, chitoli hosh mihvt, Chishno ak osh Chihowa Ushi Klaist chia hoke, ahanchi tok. Mihma yvmmak ash im olvbbi mvt, ilap ak osh Klaist atuk a ithvna ka, yvmma ik mihá, ik im ahno ki tok.

42. Atuk osh ont onnvt taha ma, kohev̄t ivt yahni haia-ka yona tok: mihma okla hv̄t hoyot itvnowvt im ai ona mvt, ai i filvmm̄it kanima ik ayo ka ch̄i h̄o, im olvbbi tok.

43. Mihma tmaha inla ak kia Chihowa apehlichika ya isht im anumpohonli la ch̄i hoka, yvmmak a he mak osh aya li ha tok okvt, im achi tok.

44. Mihmvt sinakak pv̄ta Kalili aiasha ka vbanumpa isht ai anumpohonli tok.

CHAPTA V.

Chisvs vt Saimon i peni yo fohkv̄t asha hosh okla h̄a nan-ithvnan-chi, 1: 4 Saimon vt, Chisvs osh i mihvt nan anukfilli pulla ho, himona ka nv̄ni l̄awa fehna hokli: 11 mihma Saimon, Chemis, micha Chan aiena kv̄t Chisvs a apeha. 12 Chisvs vt leposi vbi yo hlakofichi: 16 atuk osh vba pit anumpula ch̄i hosh haiaka ia; 17 mikmvt hatak p̄alsi isht abeka yatuk a hlakofichi; 27 Chisvs vt Leifai nan im ai ithvna toba ch̄i ka i miha: 29 micha pv̄blikan v̄hleha mikmvt hatak nan-ashv̄chi v̄hleha aiena ka yvm̄mvt ai v̄lhpesa h̄o ibai impa hatuk vt miha; 33 ilap nan im ai ithvna v̄hleha hv̄t kanihmit nan i p̄alv̄mma he anoli.

1. **ATUK** o yakohmi tok; okla hv̄t Chihowa im anum-pa h̄a hakla ch̄i kv̄t yvmmak ash atehlifichit kaiyanchi h̄o, Chenesalet hohtak lapalika yo hikia;

2. Yohmi cha peni tuklo kv̄t hohtak lapalika ya takohnli na pisa tok: yohmi kia hatak nv̄ni vbi v̄hleha hatuk v̄to a kocha wiha tuk osh nv̄ni isht-hokli achv̄fa hosh m̄aya ha tok.

3. Mihmvt peni achv̄falit Saimon ak o immi yo pit chuk-

owa mvt, oka alaka takali tuk a kanvllchit mishemanchit pit takalicha hinla ka, im ahni tok. Mihmvt binili cha, peni yo fohkvt asha hosh okla ha nan ithvnanchi tok.

4. Anumpuli kvt ont issa mvt, Saimon ash o, Ahofom-bika pit takalichi cha, nvni isht-hokli puta ka okvchit ish hoklashke, im achi tok.

5. Mihma Saimon ash osh afalaminchi mvt, A shahli ma! ninak a isht il asha na oyunna kvt nana ke hoklo ke tuk: yohmi kia chishno chim anumpa atuk oka, nvni isht-hokli a pit okvchi li mak inlashke, im achi tok.

6. Micha ilvppa okla yvmihchi mvt, nvni lawa fehna ho hokli na i nvni isht hokli vt mitafa tok.

7. Yohmi ma im itapela vhleha hvt peni achvfa ya asha tuk vt vla cha, ant apela hinla ka, okla pit im avvchi tok. Mihma okla ai vla cha, peni ash it aieninchit okla alotoli: yohmi hoka yvmmak ash ot okbilhhvt isht ivt okla tok.

8. Saimon Pita yvt yakohmi na pisa mvt, Chisvs iyikalah ya pit tikinlit aka hlipivt, Hatak nan-ashvchi sia hoka a filvmmi, kanima ish iashke, Chitokaka ma! achi tok.

9. Himonna okvchit kohchi kvt, nvni yvt yohmi ho hokli kvt, ilapo, micha inla apehvt aya tuk vt momvt nukhlakan-cha tok.

10. Mihma Saimon im itapela, Sebete ushi, Chemis, micha Chan ita tuklo kak kia yvmohmi tok. Mihma Chisvs vt Saimon a, Chi nukshopa na, himak pilla ha hatak ak o ish hokla chi hoke, im achi tok.

11. Mihma i peni ash vli ha okla ant itaiyali mvt, nana moma kvt asha na issa cha, yvmmak ash okla iakaiya tok.

12. Atuk o yakohmi tok; yvmmak ash ot tmaha kani-ohmi ho anta tuk o, hatak vt leposi isht ai vbi fehna hosh anta tuk osh, Chisvs a pisa mvt, hlipivt itola cha, im ilbvshvt Chitokaka ma! chishno vt vhpesa ish ahnikmvt, is sa kashofa hinlvshke, im achi tok.

13. Mihma ibbak pit welit potoli mvt, Vhpesa ahni lish-ke; chi kashofashke, im achi tok. Yohmi ma leposi ash ot ashalika a mokofvt kvnia tok.

14. Mihma hatak nana kia ik im anolo ka chi ka i miha

mv̄t, amba iv̄t na-holitompa isht vt̄ta yak ̄ ont im ile haia-kv̄chi cha, na ch̄i kashofa ka nan-isht-ai im atokowa mak ̄ Moses vt̄ nan apesa tok a, nana ka ish bohlaashke, im achi tok.

15. Yohmi kia yohmi ha yak ̄ isht i shahlit kanima moma ka yv̄mmak ̄ ai annoa tok: yohmi ma im a haponakla ch̄i, micha haknip ik achukmo puta kv̄t a hlakofa ch̄i hosh okla chinto fehnv̄t ai itvnaha tok.

16. Mihma ilap illv̄t ai i mokofv̄t, yakni haiaka ona cha, v̄ba pit anumpohonli tok.

17. Atuk ̄ yakohmi tok: nitak kaniohmi h̄o nana ithv̄-nanchi hosh ahanta ma, Falisi v̄hleha, micha nan-vlhpisa ithv̄nanchi v̄hleha aiena kv̄t Kalili yakni tv̄maha aiasha moma, micha Chutea, mikmv̄t Chelusalem aiena ka asht kohchv̄t aya kv̄t yv̄mma binohmaya tok: yohmi ma Chitokaka nan-isht im aiahlika yv̄t okla ma hlakoficha ch̄i kv̄t ai iklv̄nnv̄t takali tok.

18. Yohmi ma hatak kanohmi kv̄t hatak vt̄ palsi v̄bi ȳo potv̄lhpo ai it i sholit isht v̄la tok: mihmv̄t kaniohmit yv̄mma pit isht chukowa cha, itikba ya ont bohla hinla kv̄t, okla akostininchi bvnna tok.

19. Mihmv̄t okla hak osh laua fehna hatuk ̄, kaniohmit pit isht chukowa hinla kv̄t ik akostinincho mv̄t, aboha paknaka ȳo okla pit oiya cha, pit hlopullichit in topushi ash fokit iklv̄nna ka Chisvs itikba ya pit bohli tok.

20. Mihma okla na yimmi ka pisa mv̄t, Hatak chia kv̄t na chim ai ashv̄chika yv̄t ch̄i kashofa hoke, im achi tok.

21. Mihma na-holissochi v̄hleha, micha Falisi v̄hleha aiena kv̄t, Ilv̄ppv̄t kv̄ta hokak osh Chihowa ik ahobalot anumpuli cho? Kv̄ta hosh nan-ai ashv̄chika ya kashofa hinla? Chihowa ak illa keyu? aiahnit okla im anukfilv̄t aiasha tok.

22. Yohmi kia yv̄mma im anukfila ha Chisvs vt̄ im akostininchi mv̄t, anumpulit, Nanta mak ̄ hv̄chi chukv̄sh anukaka isht hv̄chim anukfila cho?

23. Na chim ai ashv̄chika puta kv̄t ch̄i kashofashke, achi

kak okmá, keyukmvt, Tani cha nowá : achi kak okmá, katimampo kak osh ahehiba kvt ik lauwo cho ?

24. Yohmi kia Hatak Ushi vt nan ai ashvchika puta kashofa hi vt yakni paknaka ya ai im vhpiesa hatuk a hvsh akostinincha chi kak oka, im achi mvt, palsi vbi ash, Tanit chin topushi a ish ishi cha, chin chuka ish iashke, chim achi lishke, im achi tok.

25. Mihma okla momvt pisa na tanit ai onvtola tuk ash ishi mvt, Chihowa ya holitoblichit aiokpahanchit in chuka ia tok.

26. Mihma okla momvt nukhlakancha fehvt, Chihowa ya holitoblichit aiokpahanchi mvt, nukshopa fehna hosh, Himak nitak oka nana kvt inla fehna ho eho piesvshke, achi tok ;

27. Atuk o nana kvt a yakohmi ha ya kohchvt ia mvt, pvblikan vt Lefai hohchifo hosh tvli holisso abohli ya asha na ont pisa mvt, Is si akaiyashke, im achi tok.

28. Mihma nana moma kvt asha na issvt wakaya mvt, iakaiya tok.

29. Mihmvt Lefai ash osh ilap in chuka akinli ho yvm-mak ash o impa chinto fehna im ai ikbi tok : mihma pvblikan vhleha, micha inlaka aiena kvt laua hosh iba takla binoh-maya tok.

30. Yohmi kia i na-holissochi vhleha, micha Falisi vhleha aiena kvto yvmma nan im ai ithvna vhleha ha lumvt nana mihachit, Nanta katiohmi ho pvblikan vhleha, micha nan-ashvchi vhleha aiena ka it-ibai impvt, nan it ibai ishkot hvsh aiasha cho ? achi tok.

31. Mihma Chisvs vt afalaminchi mvt, Haknip im achuk ma hokvto alikchi a bvna keyu ; amba abeka mak oh chatuk oke.

32. Hopoyuksa vhleha ak o hoyot aya li ha tok keyu : amba nan-ashvchi vhleha hvvt ile kostinincha chi kak atuk oke, im achi tok.

33. Yohmi ma, Nanta katiohmi ho Chan nan im ai ithvna vhleha hvto chekosikma nahullochit, vba pit anumpuli aienvt ahashwa, mikma Falisi vhleha nan im ai ithvna vhleha ak

kia yvmohmi akinli hokak o, amba chimmi hvto impvt nan-ishkot aiasha cho? okla im achi tok.

34. Mihma hatak himona ohoyo itauwaya tuk vt takla anta moma ka, i kana vhleha hvv nukhaklot nahullocha hinla, hvsh im apesa vhpesa cho?

35. Yohmi kia hatak himona ohoyo itauwaya tuk ash ot ai i filvmma he nitak vt ai ona he: yohmik mak o nitak yvmma fokakmvno okla nukhaklot nahullocha hi oke.

36. Mihmvt nan isht vhpisa ho aieninchit isht im anum-puli mvt, Hatak nan ak osh na-fohka himona a hlilafa ka na-fohka sipokni a akvlli chatuk keyu: yvmmak keyukma himona yvt hlilvffikmvt, anonti himona ya a hlilafa tuk okvt sipokni a ai it im vhpesa he keyu hoke.

37. Mikma hatak nan ak osh oka paki himona ya shukcha sipokni yo pit vni chatuk keyu: yvmmak keyukma oka paki himona yash ot shukcha ya mitahlichu cha hlayakma, anonti shukcha yash ot okpulo chatuk.

38. Amba oka paki himona yvt shukcha himona yo vhto hok mak osh tuklot nan ik kanihmo chatuk oke.

39. Micha hatak nan ak osh oka paki siponki a ishko ha yvt ashalika himona ma bvna chatuk keyu: sipokni ak osh achukma kvv i shahlshke, achi hokvt, im achi tok.

CHAPTA VI.

Nana kvv achukma he okvno nitak hullo kia isht anta he ai vhpesa hatuk a, Chisvs vt anoli, 1: 8 mihmvt ibbak shila yatuk a hlakofichi. 12 Chisvs vt ninak a vba pit anumpohonli na onna mvt, vbanumpeshi auah-tuklo ka atokoli; 17 yohmi mvt hatak abeka laua ka hlakofichi. 20 Hatak kaniohmi hosh holitopa he, mikma hatak kaniohmi ho na-palvmmi kvv onvtula he puta ka, Chisvs vt otr-nichi. 27 Pin tvnvp vhleha kia e holitoblit, nan isht ai achukma he puta ma il i yvmohma hi a Chisvs vt pi miha; mikmvt okla moyuma ka il i kana hi ak o, pim ahni; 37 hatak inla asha ka nan ik achukmo imma hokvno im anukfillit kil anumpulo ka hi a, pim avvchi. 43 Iti a ilap vni akinli kak o isht ithvna chatuk: mikma hatak a ilap nana a kaniohmi kak o isht akostininchi chatuk.

1. YUMOHMI tuk osh vbanvblit ont ia yatuk nitak atukla ka ai isht nitak-hullo vmmona ho, yvmmak ash ot osapa taloha ha hlopullit aya tok: yohmi ma nan im ai ithv-na vhleha hash ot onush vni ya tvptulit ibbak isht koyuhlit okla vpa tok.

2. Mihma Falisi vhleha kaniohmi kvt, Nanta katiohmi ho nana ka nitak hullo nitak a a yohma he vlhpesa keyu kvno hvchi yvmohmi cho? im achi tok.

3. Mihma Chisvs ash ot afalaminchi mvt, Lewi vt ilapo, micha apehvt aya tuk aiena kvt hohchvfo mvt, nana a kani-ohmi tok;

4. Yohmi kvt kaniohmit Chihowa im aboha ha pit chukowvt, prska otvnni a ishi cha vpa mvt, apehvt aya tuk ash kia ipeta tok: yvmmak oka ai vpa he vlhpesa keyu, amba na-holitompa isht asha ak illa ha tok oka, ilvppak kia holisso ha hvch ik a peso chatuk oh cho? achi tok.

5. Mihmvt Hatak Ushi vt nitak-hullo a in Chitokaka akinli hoke, im achi tok.

6. Atuk o anonti yakohmi tok: nitak-hullo inla ho sinakak ont chukowa cha, nana ithvnanchi tok: mihma hatak vt ibbak ishtimpak imma yvt shila yosh yvmma asha tok.

7. Mihma na-holissochi vhleha, micha Falisi vhleha aiena kvt nan vlhpisa onocha chi hosh, nitak-hullo nitak a na hla-kofichikma, nanta chi chishba? ahnit apesvchi tok.

8. Yohmi kia ilap vt okla im anukfila ha im ithana hatuk osh, hatak ibbak shila yash, Wakaya cha, iklvnnaka ya ont hikiá, im achi tok. Mihma yvmmak ash ot wakaya mvt, ont hikia tok.

9. Mihma Chisvs ash ot okla hash, Nana achvfa ho hvchi ponaklo lashke: Nitak hullo nitak a nana achukma kak o a yvmohmi kak okmá, keyukmvt nana ik vlhpesa yak o a yvmohmi kak okmá, ilhfiopak a okchalinchí kak okmá, keyukmvt tvbli kak okmá, nana kak osh ai vlhpesa hoh cho? im achi tok.

10. Mihmvt filemvt okla hash o mominchit pisa mvt, hatak ash o, Chibbak a chisemochí, im achi tok: mihma yv-

mihchi tok : yohmi ma ibbak ash osh falamvt achukmvt taha mvt, in tennvp akinli hō chiyuhmi tok.

11. Mihma okla hvt anukhobela fehna tok : yohmi mvt Chisvs a nana hō kvnihecha chī kv̄t it ī mihvt aiasha tok.

12. Mihma nitak yvmma foka ka, yakohmi tok : vba pit anumpula chī hosh kohchvt nv̄nih chaya yō ont oiya tok ; micha ninak a Chihowa pit im asilhhvt ahanta na onna tok.

13. Mihmvt ont onmvt taha ma, ilap nan im ai ithvna vhleha hash hoyot itahobi tok : mihmvt yvmmak ash auah-tuklo hō ai atokoli mvt, yvmmak ash vbanumpeshi hochifo tok.

14. Saimon yvmmakma ilap ak osh Pita yō hochifo, mikmvt itibapishi Antilu, Chemis, micha Chan, Filip, mikmvt Bathlolomu,

15. Mahlu, micha Tamas, Alfevs ushi Chemis, Saimon Selotes hohchifo :

16. Michā Chutas Chemis itibapishi, mikmvt Chutas Iskaliot, yvmmak osh na haksichi yosh aiena tok.

17, 18. Mihmvt yvmmak ash ot awant akowa cha, yakni matali yō ant hikia ma, nan im ai ithvna yvt lāwa, mihmvt okla chinto fehna Chutea yakni moma, Chelusalem aiena ka a minti ; mikma okhvta lapali ka Taia, micha Saiton aiena asht minti ; mihma shilombish okpulo yō isht issikkopa yatuk aiena kv̄t yvmma im a haponakla chī, micha haknip ik in chukmo puta atuk vt im a hlakofohla chī hosh im ai vlv̄t hlakofohli tok.

19. Mihma okla chito ash ot momvt, nan-isht a hlakofi vt yvmmak o a kohcha hosh mominchit hlakofichi hatuk oka, yvmma potoli bvn̄na tok.

20. Mihma ilap nishkin ash nan im ai ithvna vhleha hā isht on talohli mvt, Ilbv̄sha hv̄chia ma ! Chihowa apehlichika yak osh hv̄chimmi hokvt na hv̄chi yukpv̄shke.

21. Himonasi hokvno hohchv̄fot aiasha hv̄chia mvt, hv̄chi kaiya hi okvt na hv̄chi yukpv̄shke. Himonasi hokvno yahayvt hv̄sh aiasha mvt, hv̄sh yukpa hi okvt na hv̄chi yukpv̄shke.

22. Hatak Ushi pulla atuk mak o hatak puta mvt hv̄chi

nukkillit, ilap ai itapeha ya isht a hvch il a filamohlichit, na hvchi mihachit, hvchi hohchifo ma nan okpulo yo ai itilauechit kahancha hi oke: yohmikma na hvchi yukpvshke.

23. Yakeh! nan-isht-vlhtoba hvt chinto hosh vba ya hvchin tonla hokvt, nitak yvmma fehnakma, na ho yukpa: na hvchi yukvt hvsh mvllashke: yvmma in tikba vhleha hvt hopaii puta ka yvmmak inli ho i yvmihchi beka tok oke.

24. Amba nan in laua hvchia hvtto nan-isht a hvchi yukpa ma hvsh pisa hokvt, na hvchi palvmmi mak oke.

25. Kaiya hvchia hvtto hvchi hohchvfa hi okvt na hvchi palvmmi mak oke. Himonasi a hvchi yukpa hokvto hvchi nukhaklot hvsh yahaya hi okvt na hvchi palvmmi mak oke.

26. Hatak moma kvv ahninchit isht hvchi anumpohonlikma, na hvchi palvmmi mak oke: in tikba vhleha hvt hopaii ilahobi puta ka yvmmak inli ho i yvmihchi tok oka.

27. Amba hvsh haklo hvsh puta kvno hvchin tvnvp vhleha ma i hullot, hvchi nukkillikma nana achukma ho hvsh i yvmohmashke.

28. Nan ik vlhpeso isht hvchim anukfillit na hvchi miha-chi ya na-yukpali hosh anumpulit, anonti anumpa isht hvchi a holvbechikma, vba pit isht hvsh anumpohonlashke.

29. Micha kvna hosh chitisukpi a issokma, in tvnvp ma pit ish i welī makinlashke: mikmvt kvna hosh chim anchi a chim ai ishi ka, chi na-fohka lumbo ma isha chi ka, chik i halanlo makinlashke.

30. Kanima hosh nan chim asilhha ka ish imashke; micha kvna hosh nana ka chim ai ishikma, falaminchit chik i hoyo kashke.

31. Micha hatak puta kvv hvchishno a a hvchi yohma hi a, hvsh aiahni hok mak osh, hvchishno ak kia mih-mak o hvsh ai i yvmohmi makinlashke.

32. Micha hvchishno a hvchi hullo' na mihi yo hvsh i hullo hokvto, nanta ho isht a hvchi yukpa cho? nan-ashvchi vhleha hvt, kanima hosh ilap a i hullo hokvno i hullo chatuk akinli hoka.

33. Micha kanima kvv hvchishno a nana achukma ka isht a hvchi yvmohmi ho hvchishno mvt nan achukma ka isht

h_vsh ai i yvmohmi hokvto, nanta h_o isht hvchi yukpa cho ? nan-ashvchi vhleha ak kia yvmmvno yohmi chatuk oka.

34. Micha yvmmvt hvchim atobba hinla ka hvchim ahoba hokmak osh hvsh i-pota hokvto, nanta h_o isht a hvchi yukpa cho ? nan-ashvchi vhleha ak kia yvmmak atuk ash inli ohmi h_o isha chi kv_t, nanashvchi bika ya i pota chatuk oka.

35. Amba hvchishno vto hvchin t_vnv_p puta ka hvsh i hullo, mikmvt nana achukma h_o hvsh yvmohmikmvt ; anonti nana kia isht ai vlhtoba hi a ik aiahno hosh hvsh i potashke : yohmikma isht a hvchim vlhtoba hokvto chinta he ; micha Nana moma imaiya im vlla hvchia ha hi hoke. Yvmmak okvt ilap a ik aiokpacho, micha nan vlhpesa keyu vhleha aiena ka i kana achukma yoka.

36. Yvmohmi hoka hvchishno mvt na hvchi nukh_aklo bano kv_t, hvch Iki vt nan i nukh_aklo bano yoka yvmmak inli h_o hvsh chiyuhmashke.

37. Inla ya ik vlhpesachot nan hvch ik apeso kashke. Yohmik mak osh nan ik hvchim vlhpiso ka he mak oke : isht a hotopa he anumpa ha hvsh onochi ná : yohmikmak osh hvchishno vt isht a hotopa he anumpa hv_t ik hvchi onv-tulo ka hi oke : inla ya i kashofit hvchim i haksashke ; yohmikmak osh hvchishno mvt hvchi kashofa hi oke.

38. Hvsh ihmashke : yohmikmak osh hvchishno mvt hvsh habihina hi oke : vlhpisa achukma, vlhtekvchit, mikmvt faiokvchit it ai isso hosh ont atampvt hlahaya ho, hatak vt hvch il ai vskofvchi anukaka ya pit hvchim apitta hi oke. Nan isht vlhpisa hvchishno vt isht hvsh apesa tuk a, yvmmak inli hosh hvchishno ma isht hvchim vlhpisa hi oke, hvchim achi lishke.

39. Mihmvt nan isht apesvt anumpulit, Lvpa yvt lvpa ya halvllit isht aya hinla ? tuklot yakni chiluk kia pit ik kaho ka hinla h_o ?

40. Nana ithvna vt nan ithvnanchi a i shahli chatuk keyu : amba nana ka imponnvt aiahli hok mak osh moma kv_t nan-ithvnanchi ak o ai itilaua hi oke.

41. Micha nanta katiohmi h_o na hishonluk iskv_tinosi kv_t

ish itibapishi nishkin a foka na ish pisa hokak osh, anonti iti chito yvt chi nishkin akinli ka foka kvno chik akostinincho cho?

42. Keyukmvt anonti katiohmit ish itibapishi ha, Itibapishi li ma! na hishonluk iskvtnosi kvv chi nishkin a foka ka ak chi kohchi, ish acha hinla cho? chishno chi nishkin akinli kvno iti chito yosh foka ka chik peso kvv; nan-ilahobi chia hoka, iti chito yak o tikba ishit chi nishkin a ish a koh-chashke; yohmikmak osh ish pisa achukma hosh ish itibapishi nishkin a nahishonluk iskvtnosi kvv foka ka ish kohcha hinla hoke.

43. Iti achukma kvv vni vt okpulo yo vnit waya chatuk keyu: yohmikma iti okpulo mvt vni achukma ka vnit waya keyu chatuk oke.

44. Iti puta kvv ilap vni yak o isht il ai otvninechi chatuk: hatak vt kvv hak o fik a ai vmo chatuk keyu: yohmikmvt bissvpi ak o paki a ai vmo chatuk keyushke.

45. Hatak achukma yvt chukvsh a nana achukma kvv i foka hatuk osh, nana kvv achukma ho ai ishit kohonchi chatuk: mikma hatak vlhpesa keyu kvvto chukvsh a nana okpulo yosh i foka hatuk osh, nana kvv vlhpesa keyu ho ai ishit kohonchi chatuk: chukvsh vt isht alotowakmak o itih hvv kohchit anumpuli chatuk oke.

46. Na katihmi ho nana ka hvchi mihha li ka hvsh yohmi keyu kak osh, Chitokaka ma! Chitokaka ma! hvv si achi cho?

47. Kvna kia vm vlvt, nana mihha li ka haponaklo cha, ai yvmohmi kvv, kvna ho holba ka hvchim anoli lashke.

48. Hatak vt chuka ya ikbi kvv, yakni a kullit, hofobichit, tvli yo nutaka in tola ya ai om bohli tuk mak o chiyuhmi hoke: yvmohmi tuk o okchito hvv aya mvt, chuka yvmmak ash yanvlli hvv kvllot ai isso fehna tok: yohmi kia tvli yo a toba ha tok oka, ik winalecho ki tok.

49. Amba kvna hosh haklo cha, mihma ik yohmo hokvto, hatak vt nutaka in tonla yvt iksho ho yakni yak o chuka ya ai on talali tok mak o chiyuhmi hoke: yvmohmi tuk o yvmmak ash yanvlli hvv kvllot ai isso fehna tok; yohmi ma

chekosi makinli h_o kinafa mvt, chuka yvmmvt okpulo kv̄t ai okluha tok, im achi tok.

CHAPTA VII.

Chisvs vt Kapenavm ā ona cha, Sintulion na-yimmi ka ahninchī mvt, 1; 10 in tishu h_a hlakofichi. 11 Nain ā ona cha, ohoyo ī hatak illi ushi illi tuk ā falaminchit tanichi. 18 Chan vt aboha kv̄llo foka mvt, yvmmak osh Klaist mak okma, keyukma, nana hatuk ma Chisvs ā pit ī ponaklo: 22 mihma ilap vt nana kv̄t a fehna kia yvmmichi tok puta kv̄t Chisvs vt im anoli: 24 mihmvt Chisvs vt Chan ā isht anumpulit atokowa ka anoli. 37 Ohoyo hv̄t nanashv̄chi y_o ik yohmi, im aiahni na iyi y_a nan-ahama a hv̄mmi; mihma ohoyo hash hopohl̄v̄chit nan im ai ashv̄chika y_a ī kashofi.

1. OKLA hv̄t haponaklot aiasha na nana ka mihvt ont in taiyaha mvt, Kapenavm ā ont chukowa tok.

2. Mihma Sintulion achv̄vt in tishu, yvmmvt ī holitopa chatuk osh, abeka cha, ill_a hosi tok.

3. Atuk osh Chisvs ā pit haklo mvt, v̄la cha, in tishu hash hlakoficha hinla ka, pit im aiahni hosh, Chu okla in tikba v̄hleha h_a pit in tihleli tok.

4. Atuk ō yvmmak ash ot Chisvs ā im ai ona mvt, im asilhha kv̄t achilita fehvt, Ilvppa ai ī yvmihcha he v̄lhpiesa fehna;

5. Yvmmak okvt pim okla talaia h_a pi holitoblit sinakak ā pim ikbi tok oka, achi tok.

6. Mihma Chisvs vt awant ia tok. Atuk osh chuka atuk ash on_a hosit taha ma, Sintulion ash osh ī kana v̄hleha h_a pit in tihleli mvt, Chitokaka ma! ayvt ik chim ahchibo kashke: chishno vt v̄m aboha y_a ant ish chukowa he si ahoba keyu hoka.

7. Yohmi kv̄t anonti v̄no akinli hosh ayvt ont chi pisa la he si ahoba keyu kv̄t v̄m anukfila atuk oke: amba anum-pa bano h_o ish mihakma, an tishu hatuk mvt hlakofa hinlv̄shke.

8. Ūno ak kia hatak tv̄shka chipota v̄hleha pehlichit ī shahli nutaka ahanta chatuk sia hoka: yohmi kv̄t achv̄fa ka, Iá, im achi likma, ia hoke: mikmvt inla ma, Minti, im achi

likma, minti hoke: mikmvt an tishu ha, Ilvppa yakohmichí, im achi likma, yvmihchi chatuk oke, pit im achi tok.

9. Mihma Chisvs vt ilvppa puta ka haiyaklo mvt, pit im aiokpanchi fehnvt, filemvt hikia cha, apehvt aya tuk okla hash, Israel okla ha kanima kia na yimmi chinto yakohmi ka ak a pesoshke, hvchim achi lishke, im achi tok.

10. Mihma yvmmt yakohmit itrnova tuk vt chuka ash falamvt, tishu abeka tuk vt hlakofi tuk o ont pisa tok.

11. Atuk o ont onna ma yakohmi tok: tmaha Nain hohchifo ho ia tok; mihma nan im ai ithvna laua, micha okla laua aienvt apehvt ilhkoli tok.

12. Atuk osh tmaha okhissa ya i bilika vla ma, hatak vt ohoyo i hatak illi yo ushi yosh, ishki a yvmmak osh i bano chatuk osh illi na okla sholit kohcha tok; yohmi ma tmaha okla hvt laurt ymma apehvt aya tok.

13. Mihma Chitokaka yvt ishki atuk a pisa mvt, i nukha-klo cha, Ish yaiya ná, im achi tok.

14. Mihmvt yvmmak ash ot ai onvtola kash ant potoli tok: mihma sholi tuk vt lumvt hieli tok. Mihma, Hatak himita chia hvt ish tanashke, chim achi lishke, achi tok.

15. Mihma illi yatuk yvmmak ash ot tanit binili cha, anumpuli tok; mihma yvmmak ash ishki a pit ima tok.

16. Mihma okla moma ka nanukshopa kv ai anukfoyuka tok: mihmvt Chihowa ya holitoblichit aiokpahanchit, Hopaii chinto kv pitintakla ya a tobt hikivshke; micha Chihowa yvt im okla ha i nowvt ayvshke, okla achi tok.

17. Mihma yakohmit Chisvs isht ai annoa kv Chutea yakni a mominchit, anonti yakni inla auet a bilika aiasha ma moma a hlopulli tok.

18. Mihma Chan nan im ai ithvna vhleha hvt nana kv a yakokmi tuk a mominchit im anoli tok.

19. Mihma Chan ash ot ilap nan im ai ithvna ya tuklot hoyo cha, Chisvs a pit in tihleli mvt, Chishno ak osh aya he tuk mak o chia hokmá, ak chu? himmak pilla hak o inla yo e hoyo chi cho? achi tok.

20. Hatak ash ot ayvt im it onachi mvt, Chan Baptist vt, Chishno ak osh aya he tuk mak o chia hokmá, ak chu?

himmak pilla hak o inla yo e hoya chi cho? achi hosh auet pi tihleli tuk oke, achi tok.

21. Mihma hvshi kanvlli vlhpisa yvmmak fehna ka haknip ik in chukmo, mikmvt ililli isht ai ilbvsha, micha shilombish okpulo ai i foka puta aiena kvt laua ho hlakofichi tok: mihmvt lpa vt laua atuk a hoponayochi tok.

22. Mihmvt Chisvs vt afalaminci mvt, Oh ia cha, nana ka hvsh pisa tuk, mihmvt hvsh haklo tuk aiena kvt Chan a ont oh im anoli; lpa yvt hoponayo, imomokpulo yvt nowa ma, leplosi vbi vt i kashofa, ik haponaklo vt haponaklo ma, illi mvt falamvt tani, mihma ilbvsha ya vbanumpa hvt isht im anuhumpvshke.

23. Yohmi ka kvna hosh vno a ik si ai ibetvblokmvt, mihi yosh na yukpa hoke, achi tok.

24. Mihma Chan im anumpa isht aya tuk vt a falamvt, itiachi ma, okla ha Chan ak o isht im anumpulit, Nanta ho hvsh pisa chi hosh yakni haiaka yvno hvsh ilhkoli tuk oh cho? Kushak osh mahli na winakvchi kak atuk o?

25. Amba nanta ho hvsh pisa chi hosh hvsh ilhkoli tuk o? Hatak na-fohka lapushki fohka kak atuk o? Yakeh! na-fohka holitopa ishit shemvt, ilimpa hochukma in laua hokvto, hatak miko vhleha in chuka ak o aiasha cho kmo.

26. Amba nanta ho hvsh pisa chi hosh hvsh ilhkoli tuk o? Hopaii ak atuk o? Ahlishke, micha holitopa kvt hopaii ya i shahli fehna hoke, hvchim achi lishke.

27. Ish ataya he chi tikba ai apoksiahancha chi mak o vm anumpeshi a chi nashuka itikba ma chuffichi lishke, achit holisso tok a, ilvppak osh mih mak oke.

28. Ohoyo ho a tobt ai vta tok puta ka hopaii chito kvt Chan Baptist a imaiya kvt iikshoshke, hvchim achi lishke; yohmi ik nana kia moma ik lauwo hosh Chihowa apelhlichika yvno anta kvt, Chan a imaiya hoke.

29. Yohmi ma Chan a okla im a haponaklo tuk vt moyuma, micha pvblikan vhleha aiena kvt Chan a i baptismo ya isht a baptismot, Chihowa ya im aiahlichi tok.

30. Amba Falisi vhleha, micha nan-vlhpisa ithvnanchi

vhleha aiena kvto ilapo yokvto yummak ash o ik im a baptismo, Chihowa nana im aiahni tuk a ik aiahlecho hokvt.

31. Mihma Chitokaka yvt, Yohmi kvno hatak himaka aiasha ka nanta hak o pit it apesa la chi cho? yohmi ka nanta hak o okla pit hoyulba cho?

32. Ulla yosh ilhpak a kanchi yo binomaya hosh ilap bika it i howvt, Oskula ha e hvchim olachi ka, hvchik heh-loshke; illi isht taloa isht e hvchi yaiya ka, hvch ik yaiyoshke, ahanchi ho chiyumishke.

33. Chan Baptist vt pvska yo ik po, mihmvt oka paki ma ik ishko yosh aya; yohmi ma, Nan-isht-ahullo okpuli il ai ishishke, hvsh achi.

34. Hatak Ushi yokvto impa, micha nan ishko aiena hosh aya: yohmi ma, Yakeh! hatak isikopa, micha oka paki ishko shahli, pvblikan vhleha mikmvt nan ashvchi puta ka i kana yoke, hvsh achishke.

35. Yohmi kia Ahopoyuksaka yokvto ilap im vlla vhleha ha mominchit ai isht aiahli chatuk oke, achi tok.

36. Mihma ibai impa hinla ka Falisi achvft im ahni tok: yohmi ma Falisi in chuka yash ont chukowvt, impa chi hosh binili tok.

37. Yohmi ma ohoyo nan-ashvchi yosh tmaha ymma anta tuk osh, Falisi in chuka ya Chisvs vt asht impa na akostinichi mvt, alabasta kotoba nan-ahama balama vlhto ho isht ona mvt,

38. Im asha-ka iyi pit a chiya ka ont hiki vt 'yahaya cha, iyi ash nishkin okchi yak o isht achift, anonti ilap noshko-bo pashi akinli ho ishit kasholinchi mvt, iyi a i suksohowvt, nan ahama balama ash o isht a hvmmi tok.

39. Mihma Falisi vt yummak ash o hoyo tuk ash ot, ymma pisa mvt, Hatak ilvppvt hopaii atuk ok mvt, kvna hosh, micha ohoyo kaniohmi chatuk osh potoli ka, ik akostinicho ka heto; ohoyo ilvppvt nanashvchi yoka, ahnit ilapo inli il im achi tok.

40. Mihma Chisvs ash ot afalaminchit, Saimon a nana chi miha la hinla kv vm ashvshke, im achi tok. Mihma

yvmmak ash ot, Nan ithvnanchi ma! ish mihashke, achi tok.

41. Mihma, Hatak nan-ahekvchi achvfa yvmma aheka im in takohnli kv̄t tuklo tok: achvfa kv̄to aheka yv̄t iskvli tahlepa in tahlapikma, anonti achvfa kv̄to pokoli tahlapi ha tok.

42. Atuk osh isht atobba hi vt nana kia ik im iksho kit okla ma, it aieninchit pilla h̄o yvmmak ash ot i kashofi tok. Yohmi ka, Ūm anolī; katimampo kak osh yvmma i hullo kv̄t i shablichā hinla cho? achi tok.

43. Saimon ash ot afalaminchi mvt, Laua i shahli tuk o i kashofi kak a hinla, ahni li, achi tok. Mihma, Pit v̄lhpesvchit ish anukfilli mv̄hlshke, im achi tok.

44. Mihmvt ohoyo a hikia ka pit filema mvt, Ohoyo ilvppa ish pisa cho? chim aboha ant chukowa li ma, chishno v̄to saiyi isht achifa he oka kapvssa kia chik samo ke tuk: amba ilvppak okv̄to nishkin okchi ȳo saiyi ȳa isht achifa mvt, ilap noshkobo pashi ak o isht kasholihin-chishke.

45. Chishno v̄to chik sa suksowo ke tuk: amba ohoyo ilvppak okv̄to, ilvppa ant chukowa li tuk takla ka, saiyi ȳa i suksoh̄owa kv̄t ik iesoshke.

46. Chishno v̄to sa noshkobo h̄a nan-ahama isht chik svm a hv̄mmo ke tuk; amba ohoyo ilvppak okv̄to saiyi ȳa nan-ahama isht ahv̄mmishke.

47. Yohmi hokvt, Nan im ai ashvchika yv̄t laua tuk vt kashofa hoke: mihi yosh nan i hullo fehna hatuk okvt, chim achi lishke: amba ik lauo hosh i kashofa hok mak osh mihi yosh nan i hullo kv̄t a fehna keyu chatuk oke, im achi tok.

48. Mihmvt ohoyo hash o, Chim ai ashvchika puta kv̄t ch̄i kashofa mak oke, im achi tok.

49. Mihma it apehvt asht impa tuk yvmmak ash ot, Ilvppvt kv̄ta hokak osh nan-ai ashvchika puta kak kia kashofi hoh cho? ahnit ilapo inli okla im anukfila tok.

50. Mihma ohoyo hash o, Na chi yimmika yv̄t chi okchalinchishke: na-yukpvt ish ayashke, im achi tok.

CHAPTER VIII.

Chisvs vt im anumpeshi vhleha, micha nan-isht im vtta vhleha ohoyo aienvt apihvt aya hō, vbanumpa isht anumpuli, 1. 4 Na hokchi isht vhlpisa anumpa; 6 micha yvmmak atuk vt vlbitvt achukma annoa. 16 Pula tohwikeli isht vhlpisa; 21 kva hosh Klaist im anumpa puta ka im antia hokvto, yvmmak o i kanomi fehna mak oke. 22 Chisvs vt kocha umba mahli kvllo ka yukobli; 26 mihmvt nan-isht-ahullo okpulo lava hō hatak achvfa ka a kocha weli: yohmi ma, shukha lokoli achvfa hō ont abeha chi ka, vhlpesa im ahni; 43 ohoyo issish ont ia vbi yatuk o hlakofichi; 49 mihmvt Chailvs ushetik illi tuk a falaminchit tanichi.

1. ATUK osh i himmakma yakohmi tok: tvmaha, micha chuka lokoli puta aiena ka mominchit a hlopullit ayvt, vbanumpa isht anumpohonli; micha Chihowa apehlichika ai isht ilaiyukpa anumpa ha otvninchit isht anumpohonli tok: mihma auah tuklo kash ot apehvt aya ma,

2. Michā ohoyo kanohmi, yvmmvt shilombish okpulo puta, micha haknip ik in chukmo puta aiena tuk osh a hlakofi tok, Meli Maktalene hohchifo yvmmak o nan-isht-ahullo okpulo untuklot a koheha tok.

3. Mihmvt Choanna Helot a nan-isht im vtta Chusa a tekchi, micha Susanna, mikmvt inlaka mvt laua hosh nana im asha tuk vt, Chisvs a isht apelvchi tuk vt apehvt aya akinli tok.

4. Okla lava fehvt tvmaha moma ashvt minti kvv im ai itvnaha ma, nana isht apesa hosh im anumpuli tok.

5. Na hokchi vt i nanihi hokchit ia tok; atuk osh hokchi ma, kanimi kvv hina lapalika yo kaha tok: atuk o a hvhlich; yohmi na hushi puta vba itvnova kvv ant aiowvt vpa tok.

6. Mihma kanimi kvto tvli yo ai o kaha tok: atuk osh offo mak inli hosh a shummi takanli kvv ik im iksho hatuk okvt, bvshit kvnia tok.

7. Anonti kanimi kvto kvti foka yo a kaha tok: atuk o kvti ash ot awant offo cha, olvbbit ishi tok.

8. Yohmi ma inla kvto yakni achukma hō ai o kaha tuk osh offot, nihi achvfa tuk kia tahlepa achvfa vnit waya tok: ilvppa puta ka achit ont in taiyaha mvt, Kvna hosh isht haponakla he haksobish vt i hinlikmvt, haklashke, chitoli hosh achi tok.

9. Mihma nan im ai ithvna vhleha hash ot, Ilvppvt nan-isht vlhpisa katiohmi ha hinla hoh cho? achit i ponaklo tok.

10. Mihma, Hvchishno ano Chihowa apelihika ya nana kvt ik otaiyano ke tuk a hvsh akostinincha he mak osh hvchim vlhpisa hoke: amba inla ka yokvto pisa kia, pisa he keyu; mikmvt haklo kia, ik akostinincho ka chi hō nan-isht vlhpisa anumpa ha chi ha tok.

11. Nan-isht vlhpisa kvt ilvppak oke. Na-nihi ak osh Chihowa im anumpa mak oke.

12. Hina lapalika kaha kv, anumpa hā haklo kak oke: yohmi ma Setan vt ayvt, okla yimmit ik okchayo ka chi ka, anumpa hā chukvsh ash a kohchit im ishi chatuk oke.

13. Tvli yō ai o kaha kvto, anumpa hā haklokmvt, na yukpa hosh ahninchu kak oke; yakohmi kak osh hakshish vt iksho; yohmi hosh chekosi takla hokvno yimmi tuk osh, nana kv ont a palvmmikma, mokohli hoke.

14. Mikma kvti foka yō a kaha kvto, anumpa hā haklo tuk kia, yakni pakna ahantvt nan-isht a kanihmi puta, mikmvt nan in laua bvna, micha na-washoha puta isht a nukfoyuka kak osh ai im olvbbi na vnit ahlit ik wayo kak oke.

15. Amba yakni achukma yō ai o kaha kvto, yvmmtv chukvsh achukma aiahli mak osh anumpa hā haklokmvt, ieshit achunanchi cha, vnit waya kak oke.

16. Hatak nan ak osh pvla hā luachi mvt, nan-aihlto yō isht ompohomokmá, keyukmvt topa nutaka yō pit tala-likmá, nana chatuk keyu; amba kvna hosh ant chukowakmvt tohwikeli ka pisa chi ka, pvla ai-o-hikia yak o o hilechi chatuk oke.

17. Na luma nana hatuk osh ik otaiyano ka hi vt iiksho:

mikma nana hosh luma tuk ak o ik akostinincho ki, ik otano ka he mvt iksho hoke.

18. Yohmi hoka nana ka hvsh haklo kvt, Ahah! hvsh ahnashke; kvna hosh ishi hokmak o, mihi yo ima hi oke: mikmvt kvna hosh ishi keyu tuk mvno, mihi yo ishi ahomba tuk ash kia aieninchit im ai isha hi oke, achi tok.

19. Yohmi ma ishki, micha itibapishi vhleha aiena kvt im ai vla kia, okla hak osh atehlefvv kvnia hatuk o, a hikia ka ona he keyu ki tok.

20. Mihma, Chishki, micha chitibapishi vhleha aiena kvt chi pisa bvna hosh, kocha ya hiohmavvshke, achit im anoli tok.

21. Mihma yvmmak ash ot afalaminchi mvt, Chihowa im anumpa ha haponaklo cha, mihi yo ai yvmohmi vhleha ilvppak osh vshki, micha itibapishi li vhleha aiena mak oke, im achi tok.

22. Atuk osh nitak kaniohmi ho yakohmi tok: nan im ai ithvna vhleha hash ai it apehvt peni ont chukowa tok; mihmvt, Okhvta mish-tvnnvp ak o pit eho tanvblashke, achi tok. Mihma peni ash okla oka tobli tok.

23. Atuk o yakohmit peni a asht itvnowa ma, yvmmak amo nusi tok: atuk o mahli chito kvt okhvta hash on itu-yula; yohmi ma oka yvt ibai alota na ai isht-kvnnvpvt ai i palvmma he pullvt aiasha tok.

24. Yohmi cha okla onvt yvmmak ash okchvli mvt, Pithvnanchi ma! Pithvnanchi ma! pilli mak oke, achi tok. Mihma yvmmak ash ot tani cha, mahli micha oka poakvchi aiena kash im alvmmi tok: mihma yvmmak ash ot yokopa na chulusvt talaia tok.

25. Mihma yvmmak ash ot, Na hvchi yimmika mvto? im achi tok. Mihma okla nukshopa hatuk okvt, nukhlakanchvt, Ilvppvt hatak katiohmi mak oh cho? ilvppvt mahli, oka aiena kak kia nan i miha ma, im antivshke, it im achit mavva tok.

26. Atuk osh Katalenes okla i yakni Kalili auet i chapa ka talaia ka, okla ont ataiya tok.

27. Yohmi na yvmmak ash ot pit kohchvt ia ma, hatak achvfa kvt nan-isht-ahullo okpulo puta kvt ai i foka tok ho-

paki hosh, na fohka kia fohka chatuk keyu, mihmvt chuka y_o ai v_tta chatuk keyu, amba hatak illi aiasha yak _o ai v_tta chatuk osh, tvmaha h_a a kohchvt aya hosh afama tok.

28. Mihmvt Chisvs a pisa mvt, chitolit tahpula mvt, yvmmak ash itikba y_a aka hlipivt chitoli hosh anumpulit, Chisvs Chihowa nana moma imaiya Ushi chia h_a, vno vt nanta h_o isht chi ahalaia li cho? chik svlvvshalo ka ch_i mak _o, chim asilhha lishke, achi tok.

29. Yvmmak okvt shilombish okpulo vt hatak ash a kohcha ch_i ka, im apesa ha tok. Yvmmak okvt himonna hak-sinchit hohokli beka tok; yohmi hatuk a yvmmak okvt tvli ita-takvli, micha iyi ai vlhpitta tvli aiena isht talakchi h_o okla apesvchi ha tok: yohmi kv_t isht a kamvssa yatuk a kobvffikma, nan-isht-ahullo okpulo ash osh chvffichi na yakni haiaka a kvnia beka tok.

30. Yohmi hatuk _o Chisvs ash ot i ponaklot, Chi hohchifo hv_t nanta h_o? achi tok: mihma yvmmak ash ot nan-isht-ahullo okpulo vt laua hosh pit ai abeha hatuk oka, Lechvn sia, achi tok.

31. Yohmi ma kohchvt ahofobika ai-ilbvsha mak _o okla ia hi a ik im apeso ka ch_i ka, okla im asilhha tok.

32. Yohmi ma nvni_h pilla yvmmak oka shukha laua yvt ai impa hosh aiasha tok: yohmi ma yvmmak _o okla ont abeha ch_i ka vlhpesa, im ahna ch_i ka, im asilhha tok. Yohmi ma vlhpesa, im ahni tok.

33. Yohmi ma-nan-isht-ahullo okpulo puta kash ot hatak ash a kocha wihvt ia mvt, shukha yash _o ont chukowa tok. Yohmi ma shukha laua yash osh nvni_h chakpatali ka asht aka pit yihlepa fehnvt, okhvta ont ai oka kahvt, nuksakkit illi tok.

34. Yohmi ma yvmma apesvchi vhleha hv_t nana kv_t ai yvmohmi ka pisa mvt, yihlepvt ivt, tvmaha mikmvt haiaka aiasha tuk aiena ka ai im anoli tok.

35. Yohmi ma nana kv_t ai yvmohmi tuk ash okla pisvt ilhkoli tok. Atuk osh Chisvs ash im ai vla cha, hatak nan-isht-ahullo okpulo puta kv_t a kocha wiha tuk ash, ilefoka fohka cha, im anukfila mvt hopoyuksa achukma hosh,

Chisvs iyi ituma ya binili ho okla pisa tok: yohmi mvt okla nukshopa tok.

36. Yohmi ma nan-isht-ahullo okpulo puta ai i foka tuk vt kanihmit a hlakofi na okla pisa tuk ash kia im anoli tok.

37. Yvmohmi ma Katalenes yakni ai i bilika tuk vt okla laua kvt nanukshopa chinto kvt ai onvtuyula hatuk osh, yvmmak okvt i filvma hinla ka, momvt okla im asilhha tok. Yohmi na yvmmak ash ot oiyvt peni ash pit chukowa mvt, falamvt aya tok.

38, 39. Mihma nan-isht-ahullo puta kvt a kocha wiha tuk hatak ash ot awant aya hinla kvt, im asilhha tok: yohmi kia Chisvs ash ot, Chin chuka yak o falamvt ish ona cha, Chihowa hvt nana chinto nana mak o a chi yvmihchi tuk a, ont ish anolashke, achit pit chvffichi tok. Mihma yvmmak ash ot ia mvt, nana chinto fehna nana mak o Chisvs vt i yvmihchi tuk a, tvmaha hash mominchit ai anoli tok.

40. Atuk o yakohmi tok; Chisvs ash ot falamvt vla ma, okla hvt momvt hoyo hosh aiasha tuk okvt, okla na yukpvt aiokpvechi tok.

41. Yohmi ma hatak vt Chailvs hochifo hosh, sinakak apesvechi yosh vla tok; mihmvt Chisvs iyi ituma ya aka ant hlipia cha, in chuka ya ona hinla ka, im asilhha tok.

42. Yvmmak okvt ushetik vt achvfa illa hosh, afvmmi auah-tuklo foka tuk osh, illa hosi hosh itonla ha tok. Yohmi ma yvmmak ash ot ia hosh aya ma, okla chinto kvt ai a folublit kvnia tok.

43. Yohmi ma ohoyo hvt issish um-bokafa tok afvmmi auah-tuklo hatuk osh, nana im asha tuk a mominchit alikchi puta kak o ai ataiyaha kia, achvfona ma a hlakofa he mvt iksho hosh, aya tuk osh,

44. Im ashaka ona cha, im anchi aposhokvechi ya pit potoli tok: yohmi ma ashalika issish ont ia tuk vt i hokofa tok.

45. Mihma Chisvs vt, Kvta hosh sa potoli cho? achi tok. Kvna hatuk keyu ka momvt miha ma, Pita yvt, micha apehvt aya tok aiena kash ot, Pi shahli ma! okla chito vt chi a folublit chi atehlifichi fehna hokak o, Kvta hosh sa potoli, ish achi cha? achi tok.

46. Mihma Chisvs ash ot, Kvna hosh sa potoli tuk, nan-isht aiahlika yvt a si a kohcha ka akostininchi li hoka, achi tok.

47. Yohmi ma ohoyo hash ot ilapvt luma keyu kv akostininchi mvt, wvnihinchi ona mvt, itikba ya aka ont hlipia cha, nana kaniohmi hō yvmmak oka potoli tuk, micha kaniohmit ashalika hlakofi tuk aiena kv okla moma itikba ya ai im anoli tok.

48. Mihma yvmmak ash ot, Svsotek ma! na chi yukpa achukmashke; na chi yimmika yak osh chi hlakofichi hoka, na-yukpa bieka anukfoyuka hosh ish ayashke, im achi tok.

49. Yvmmak okvt anumpuli moma hō, sinakak apesvchi in chuka ya achvvt minti hosh vla mvt, Chiso-tek vt illishke; nan-ithvnanchi ma chik im ahchibalo kashke, im achi tok.

50. Yohmi kia Chisvs vt pit haklo mvt nan i mihvt, Ik chi komunto kashke; pilla ik chi yimmí, mikma yvmmak okvt hlakofa chi hoke, im achi tok.

51. Atuk osh aboha yash ont chukowa mvt, hatak nana kia ik chukowá, ik aiahno; amba Pita, micha Chemis, mikmvt Chan, micha ohoyo himita ya iki, mikmvt ishki itatuklo kak illa tok.

52. Yohmi ma moyumvt ilbvshvt isht yahaya tok: yohmi kia yvmmak ash ot, Hvsh yaiya ná; illi keyu; pilla nusi hoke, achi tok.

53. Mihma yvmmak okvt illi hoka, okla ithana hatuk osh, yvmmak ash ik ahobalot olvli tok.

54. Yohmi ma yvmmak ash ot mominchit kohchiehit tahli mvt, yvmmak ash ibbak a halvli cha, i howvt, Ohoyo himita ma! tani, achi tok.

55. Mihma shilombish vt falamvt im vla cha, yvmmak ash ot ashalika tani tok; mihma nan-ilimpa i hoyá hinla ka, miha tok.

56. Mihma iki, ishki itatuklo kash ot nukhlakancha fehna tok. Yohmi ma nana kv a yvmohmi tuk ash hatak nana kia ik im anolo ka hi o i miha tok

CHAPTER IX.

Chisvs vt im anumpeshi auah-tuklo ka vbanumpa isht anumpula chi, micha nana kvt isht ahullo fehna kia yvmihchi a puta hosh im ai vlpesa hatuk vt otrninchu chi ho, pit tihleli, 1. 7 Helot vt, Chisvs a pisa bvna. 17 Chisvs vt pska lumbo tahlapi, micha nuni chipunta tuklo aiena tuk a, hatak tahlepa sipokni tahlapi ka imprchi: 18 micha ilapa kvna hak o okla im ahoba hatuk a ponaklo tok; 22 micha ilap vt illi tuk osh, anonti falamvt tana he aiena kvt tikbanli anoli: 23 yohmi mvt nan im ai ithvna vhleha ilapa holi-tobli pulla kvt, ile kaiyancha he, micha na-palvmmi puta ma pisa chi aiena kvt im vlhtaha hi a, i miha. 28 Chisvs vt vba pit anumpula chi hosh nvni chaha pit oiya atuk osh, vba pit anumpulit ahanta moma hosh pisa ka inlv toba. 37 Vlla yosh nan-isht-ahullo okpulo isht abeka tuk a Chisvs vt hlakofichi: 43 mihmvt anonti ilap i palvmmi illa hi vt tikbanli anoli; 46 nan im ai ithvna vhleha hv ilap na-fehna bvna im anukfila puta ka im oktbli: 51 Samalia okla hv Chisvs a ik aiokpacho kvt okla illit taha chi ka, Chemis, Chan, Ita-tuklo kvt ahni ma, Chisvs vt nan isht i miha; 57 hatak kaniohmi kvt chukvsh a mominchit isht im antia he keyu kvt asha hatuk o, nan i miha.

1. YUMOHMI mvt ilapo nan im ai ithvna vhleha auah-tuklo kash hoyot itahobi mvt, nan-isht-ahullo okpulo puta imaiyvt, mikmvt abeka ilaiyuka puta ma hlakofihinchu chi ka, nan aiahlika ya isht im apesa tok.

2. Yohmi mvt, Chihowa apehlichika yoka isht anumpohlit, anonti abeka puta ma hlakofihinchu chi mak o pit tihleli tok.

3. Yohmi mvt, Itvnowvt hvsh aya kvt tvbi kia, mikmvt shukcha, micha pska, anonti tvli holisso, ilefoka lumbo mvt tuklo aiyyuka, peh nanasi kia hvch ik isho kashke.

4. Mikmvt chuka nana ho ont hvsh chukowakmvt, yvmak o hvsh ahashwa tuk osh, kohchvt hvsh iashke.

5. Michu kvna kia ik hvchi aiokpachokma, tmaha yvma a kohchvt hvsh iakmvt, nan-isht im atokowa mak o hituk tohbi ka hvch iyi ya tahtulit hvsh a kanchashke, im achi tok.

6. Mihma okla ivt tmaha puta ka hlopullit ayvt, vba-

numpa isht anumpohonlit, kanima moma ka abeka a hlakofichit itvnowa tok.

7, 8. Helot miko ash ot, yvmmvt nana puta ai yvmihchi ka haklo tok; yohmi mvt kanimi kv̄t, Chan ak osh illi tuk vt falamvt tani tuk, achi ma; anonti kanimi kv̄t, Elias ak osh ant haiaka, achi: mihma inlaka mvt hopaii v̄hleha tikba ya tok ak osh achv̄vt falamvt tani hoke, achi hoka, katiohmi ahnit ik im v̄lhpiesot im anukfila tok.

9. Mihmvt Helot ash ot Chan ano noshkoba ha tvbli li chamo: amba na yakohmi puta a hahaklo li ka yvmmak osh kv̄ta hoh cho? achi tok. Mihmvt yvmmak ash pisa bv̄nna tok.

10. Mihma vbanumpeshi v̄hleha hash ot falamvt ai ona mvt, nana ai yvmihchi tuk vt mominchit okla im anoli tok. Mihma yvmmak ash ot pehlinchit il a lumvt, naksika tv̄maha hohchifo Betsaita ai i bilika yakni haiaka yō ia tok.

11. Mihma okla hv̄t akostininchi mvt, yvmmak ash o pit iakaiya tok; mihma yvmmak ash ot im aiokpahanchit, Chihowa apehlichika isht im anumpohonlit, yvmmak okvt hla-kofi bv̄nna hokv̄no hlakofihinchi tok.

12. Atuk o nitak ash ot ont shohbit mahaya ma, auah-tuklo kash ot ai v̄lv̄t, Yakni haiaka yō il aiasha hoka, okla laua ya ish in tohno na ilhkolit tv̄maha puta, micha a kocha chuka hiohli yakni auet a bilika fullota aiena ka ont a nusit, ilhpak ma ahayuchit mayashke, im achi tok.

13. Yohmi kia yvmmak ash ot, Impa oh ipetá, im achi tok. Yohmi ma, Pvska tahlapi, mikmvt nv̄ni tuklo aiena misha keyu hosh pin chiyr̄shke; kanima yō iv̄t okla moma ilv̄ppa ilhpak a kil in chumpo hokmvt, okla achi tok.

14. Yohmi ka hatak vt tahlapa sipokni tahlapi foka ha tok. Yohmi ma nan im ai ithv̄na v̄hleha hash o, Pokoli tahlapi aiyukvt ia hō ho binohlichí, im achi tok.

15. Yohmi ma yvmihchit, mominchit okla binohlichí tok.

16. Yohmi ma yvmmak ash ot pvska tahlapi, micha nv̄ni tuklo aiena kash o ishi cha, pit v̄ba chakalit aiokpv̄chi cha, tushahlichí mvt, okla laua ya in talohla chi hō, nan im ai ithv̄na v̄hleha hash pit ima tok.

17. Mihma okla impvt momvt kaiya tok; mihma okla im atampa tuk a, boshulli yvt kishi auah-tuklo hō okla aiowa tok.

18. Atuk o yakohmi tok: nan im ai ithvna vhleha ak illa hosh apiha hō antvt, vba pit anumpuli tok: atuk osh yvm-mak ash o i ponaklot, Okla hvto vno vt kvta sia hō achi hō? achi tok.

19. Yohmi ma afalaminchi mvt, Chan Baptist; amba kanimi kvto, Elias ak o achi: mikma inlaka yvto, Hopaii vhleha tikba ya tok ak osh achvvt falamvt tani hoke, okla achishke, achi tok.

20. Amba, Hvchishno vto vno vt kvta sia hō hvsh achi hō? im achi ma, Pita yvt afalaminchit, Chihowa i Klaist á, achi tok.

21. Yohmi ma yvmma hatak nana kia okla ik im anolo ka chi ka, achukmalit kvloehit i miha mvt,

22. Hatak Ushi yokvt nan isht ai ilbvsha kv in laua chi, yohmikmvt hochitoka vhleha, micha na holitompa isht asha pehlichhi vhleha, mikmvt na holissochi puta aiena mvt ik i yimmot ik aiokpachot vbi tuk ma, nitak ont atuchinakma falamvt tana hi oke, achi tok.

23. Yohmi mvt mominchit i miha kv, Kvna hosh siakaiya he, ahni hok mvt, ilapo yvt ik ile holitoblo hosh nitak moma ka im iti-taiyukhvna atuk ma ieshi hosh, vno a siakaiyashke.

24. Kvna kia ilap im ilhfiopak a okchalinchi bunna hokmvt, i kvnia hi oka; amba kvna hosh vno pulla hatuk mak o im ilhfiopak vt isht i kvnia hokmvt, mihi yosh il im okchalincha hi oke.

25. Hatak vt yakni a il a mominchit ieshi hosh, anonti ilapo fehna yash il okpvnichit il issikkopalit kaiyanchi hokmvt, nanta hō isht ilaiyukpa hinla cho?

26. Kvna hosh vno, micha vm anumpa puta aiena ka i hofahya tukma, mihi yo Hatak Ushi vt ilapo, mikmvt Iki, micha enchil hochukma vhleha a puta nan-isht aholitopa ka il aieshit avt vlakmvt, i hofahya hi oke.

27. Yohmi kia Chihowa ap ehlichika ya pisa ha keyuk

mvt, illa chi keyu kvt ilvppa kanimi mvt hiohmaya hoke :
ahli mak o hvchim anoli lishke, achi tok.

28. Ilvppa puta ka ahanchi tuk ash nitak ont isht untu-
 china foka ma, Pita, micha Chan, mikmvt Chemis aiena ka
 pehlichy cha, nvni chaha yo vba pit anumpula chi hosh ia
 tok.

29. Atuk osh vba pit anumpuli ma, nashuka yvt inlv
 toba ma, i na-fohka yvt tohbit shohmalili tok.

30. Yohmi ma hatak tuklo kvt, yvmvvt Moses, micha
 Elias ita-tuklo mak osh yvmmak ash ant im anumpulit okla
 tok.

31. Yvmmak okvt nan-isht a holitopa ahli ka il aieshi
 hosh ant otaiyanit okla cha, yvmmak okvt Chelusalem a ai
 illa hi a, isht anumpohonlit okla tok.

32. Yohmi kia Pita, micha inlaka aiena yvma apehvt
aya tuk ash ot nosilhha fehna tok : atuk osh okla ont okchvt
 taha mvt, isht-a holitopaka yash, micha hatak tuklo kvt
 apehvt hielu tuk ash aiena ka okla pisa tok.

33. Atuk o yakohmi tok ; yvmmak ash ot ai i filvmmi
 tamvt okla ma, Pita yash osh Chisvs ash, Pi shahli ma !
 ilvppa e maya kvt pim achukmvshke : yohmi ka vlhtipo
 tuchina ka il ikbashke, achvfa kvt chimmi hokma, anonti
 achvvt Moses ak o immi hokma, anonti achvfa kvto Elias
 ak o immi hashke, achi tok : yvmmak o miha li, ahni keyu
 hosh :

34. Yvmmak ash ot yakohmichit anumpohonli moma na
 hoshonti aya kvt, ant o hoshontikachi tok ; yohmi ma ho-
 shonti anukaka ya pit chukovvt ia kvt, okla nukshopa tok.

35. Yohmi ma hoshonti anukaka ya auet ai anumpa kvt,
 Ilvppak osh Svso a holitopa mak oke, hvsh i haponaklashe,
 achi tok.

36. Atuk o anumpa hash ot ont taha ma, Chisvs ak illa
 hosh hikia na okla pisa tok. Yvmohmi ma nana yakohmi
 kash okla nana ik achot, nana ho pisa tuk vt achvfonvchi
 mvt hatak nana kia nitak yvma foka ka ik im anolo beka tok.

37. Atuk o yakohmi tok : ont onna ma nvni hash okla
 asht akovvt minti ma, okla lava kvt ont afama tok.

38. Yohmi ma okla ha takla aya tuk vt hatak achvvt chitolit mihvt, Nan-ithvnanchi ma! svso ha ish pisakbano chim ahni lishke, vm vlla yvt yvmmak bano hatuk oke.

39. Yohmi ho shilombish okpulo yvt ishikma, ashalika tahpahanla hoke; mikmvt haiochichehit itukpokpokihinchi beka hoke: yohmi kvt kaniohmit i filvmma he keyu chohmit, haknip litolit hotopahanlishke.

40. Yohmi ho na chim ai ithvna vhleha hak o yvmma kohchicha hinla ka, im asilhha li tuk ak o, okla yvmihcha he keyu ketuk oke, achi tok.

41. Mihma Chisvs ash ot afalaminchi mvt, Na yimmi iksho, micha nan-ahli ai i shanaia fehna okla hvchia ma! hvch iba takla ahantvt, nana ka isht ak ahno ho katiohmi foka chi cho? Chiso ha ilvppa ishit minti.

42. Mihma ishit minti hosh aya ma, nan-isht-ahullo okpulo yash ot aka pila cha, haiochichechi tok. Mihma Chisvs vt nan-isht ahullo okpulo yash im alvmmi cha, vlla yash hla-kofichit, iki ibbak ash falaminchit fohki tok.

43. Yohmi ma Chihowa nan isht im aiahli chinto fehna ka momvt okla isht nukhlakancha tok. Yohmi kvt nana ka Chisvs vt ai yvmihchi tuk puta kash momvt, okokko! okla aiahnit maya takla ma, yvmmak ash osh ilap nan im ai ithvna vhleha hash,

44. Anumpa ilvppa puta kvt hvchi haksobish atuk ma ik a fohoka, hvsh ahnashke; Hatak Ushi yokvt hatak puta ibbak a i foyuka hi oke.

45. Yohmi kia anumpa ilvppa okla ik akostinincho ki tok: mihma na miha kash ik im ai otano; yohmi hoka yvmmak ash okla ik ai ithaiyano ki tok: mihmvt anumpa yvmmak ash im asilhvhchi okla nukwia tok.

46. Yohmi ma, Katima kak osh holitopa kvt moma i shahla hinla hoh chishba? ahnit okla isht im ai anukfilvt maya tok.

47. Mihma okla chukvsh nan im anukfila ha Chisvs vt im akostininchi mvt, vlla yo ishit, il a bilikvehit binilichi tok.

48. Mihmvt, Kvna hosh vlla ilvppa vmmi hohchifo ho ahninchhi hokvto, vno ak o si ahninchhi hoke: mikmvt kvna

hosh vno a si ahninchí hokmvt, yvmvt auet sa kanchi tok ma pit ahninchí hoke : kanima hosh moma ik a lauwo kv́t hv́chi takla ahanta hokvto, mihi yosh moma i shahla hi oke, im achi tok.

49. Mihma Chan vt afalaminchí mvt, Pi shahli ma ! achvfa hosh chí hohchifo hā nan-isht-ahullo okpulo puta ka ishít kocha weli hosh anta hō e pisa tuk : yohmi kia yvm-mak okvt ik piba fohko hatuk o, il im alvmmi kano, achi tok.

50. Mihma Chisvs ash ot, Hvch ik im alammo kashke : kvna hosh pi sanalit anta keyu hokvto, pibai achvfa hoke.

51. Atuk o yakohmi tok : yvmmak ash o aiokpanchit vba ya isht ia chí nitak vt ont vlpiesa hatuk o, Chelusalem a ia chí kv́t ai anukfoyukvt nashuka ya pit filimmi tok.

52. Mihmvt nan ont im atahla chí ho, anumpa shali vhle-ha hā tikba pit tihleli tok : yohmi na okla ivt Samalitan okla in tmahushi o ont chukowa tok.

53. Yohmi ma yvmmak okvt Chelusalem a ia hō fehna nashuka yatuk o, okla ik aiokpacho ki tok.

54. Yohmi na nan im ai ithvna Chemis, micha Chan ita tuklo kv́t yakomi ka pisa mvt, Chitokaka ma ! Elias vt yvmihchi tok akinli hō chohmichit, pishno mvt luak vba minti kv́t aka itula cha, okla ilvppa hushmit tahla chí ka il im apesa hinla ka, ish ahni cho ? achi tok.

55. Mihma yvmmak ash ot filemvt im alvmmi mvt, Hv-chi chukvsh ai im anukfila a kaniohmi hosh hvsh aya kv́t hvch ik ithanoshke.

56. Hatak Ushi vt hatak puta ka vba chí hosh aya ha tok keyu, amba okchalíncha chí ha tok oke, achi tok. Mih-ma ilhkolit tmahushi inla yo ona tok.

57. Atuk o yakohmi tok ; ia hosh okla itvnowa ma, takla ya hatak achvft, Chitokaka ma ! kanimak fehna chik aya kia, vno vt chiakaiya la chí hoke, im achi tok.

58. Mihma Chisvs ash ot, Chula puta kv́t chiluk vt im ai ashakma, vba hushi puta kv́t vlpichik vt im asha hoke : amba Hatak Ushi okvto noshkobo hā kanima a bohla hi vt ik im iiksho hoke, im achi tok.

59. Mihmvt inla yo, Is siakaiyashke, im achi tok. Yoh-

mi kia yvmmak ash ot, Chitokaka ma! vllhpesa, vm ahni na ivt, aki ak o tikba ont ak hohpi ha yosh; im achi tok.

60. Mihma Chisvs ash ot, Illi ak osh ilap bika illi yokvno hohpashke: amba chishno vto ivt, Chihowa apehlichika ya isht ish anumpohonlashke, im achi tok.

61. Mihma anonti inla mvt, Chiakaiya la chi mak oke; yohmi kia ivt an chuka maya kak o tikba ont aiokpvchi la hi a, is svm ahnashke, achi tok.

62. Mihma Chisvs ash ot, Hatak nana kia yakni isht patafa ya ibbak a isht ishi ha yvt, olbvlaka a pit hopokoyo kvv, Chihowa apehlichika ya ahalaia he vllhpesa keyu hoke, achi tok.

CHAPTA X.

Chisvs vt nan im ai ithvna vllheha pokoli untuklochit vbanumpa isht anumpula chi, micha nana kvv a fehna kia yvmihchi puta hosh im ai vllhpesa hatuk vt otrnicha chi mak o a tohno, 1: 17 kaniohmi kak o okla na yukpa he isht ai vllhpesa hatuk a, Chisvs vt im anoli; 25 Chisvs vt nan-vllhpisa ithvnanchi hatuk a vba yakni hina ya isht it im anumpuli: yohmi hosh hatak achukma Samalitan vt kaniohmi tok nan-isht vllhpisa yvmmak o, ilapvt in chuka panta hatak puta ka isht ithana he mak o isht im anumpuli.

1. NANA kvv a yakohmi ha ya, Chitokaka yvt inla yosh pokoli untuklo ho atokoli akinli cha, tuklo aiyyukachit tuma-ha puta, mikmvt kanima yo ilapo vt ai ona hinla kvv, tikbanli pit tihleli tok.

2. Yvmohmi hatuk osh na-waya yvt ai-vlmo-ona hokvto laua mvhli ho, amba na-toksvli vllheha hak osh chvbehasishke: yohmi hoka na-waya yvt ai-vlmo-ona ka in Chitokaka ya hvsh im asilhhahanchi na na-toksvli vllheha ha i na-waya yvt ai-vlmo-ona ka pit apittashke.

3. Hvsh itvnowashke: yakeh! chukfvllhpoba ushi yosh nashobo ai itintakla maya ho, ohmichi mak osh pit hvchi tihleli li hoke.

4. Tvli holisso ai-vllhto, micha bahta, mikmvt shulush

aiena ka isht hvch ik ayo kashke : micha hina takla ya hatak nana kia hvch ik aiokpacho kashke.

5. Mikmvt chuka nana ho ont hvsh chukowa kvt nan tikba, Na-nanaiya kvt chuka ilvppa ant iba fokashke, ahnit hvsh mihashke ;

6. Mikma na-nanaiya ushi vt yvmma anta tukma, nan-isht hvsh il a nanaiya mvt ai onvtuyulashke : amba keyukmvno, nan-isht hvsh il a nanaiya yvt hvchi falama hi oke.

7. Mikmvt chuka yvmmak ash inli ho ahashwvt, peh nana hoh kia hvch ipetakma, vprt hvsh ishkashke : toksuli vt im vlhtoba he ak osh im ai vlhpesa hoka. Chuka vbaiyvchit hvch ik itvnowo kashke.

8. Mikmvt tmaha nana ho ont hvsh chukowa ka, okla hvchi aiokpochikma, impa nana hosh hvchi tikba talaia hokma, hvsh pashke.

9. Yohmikmvt abeka yvt yvmma ashakma, ho hlakofichi : yohmikmvt Chihowa apehlichika yvt hvch i bilika vlshke, hvsh im achashke.

10. Amba tmaha nana ho ont hvsh chukowa na ik hvchi aiokpachokma, yvmmak ash a kohevvt ivt, hina bvshkvchi puta ka hvsh ona cha,

11. Hvchin tmaha i hituk tohbi vt pi a lapali tuk a, hvchi o kashofit e kanchishke : yohmi kia Chihowa apehlichika yato hvch i bilika vla hoka, hvsh ithaiyanashke, hvsh im achashke.

12. Yohmi kia nitak yvmma fehnakma Sotom vt im ahleka hoh kia pit im vlhpisa kvt, tmaha yvmma i shahla hi oke.

13. Kolasin ma ! na chi palvmmi mak oke ; Betsaita ma ! na chi palvmmi mak oke ; na-fehna puta kvt hvchishno ya a hvchim a yvmohmi tuk vt Taia, micha Saiton ita-tuklo ka a yvmohmi ha tok okma, hopaki kash inli ho na-pashi tvnna fohka cha, hituk chubbi anuka binoh-mayvt ile kostininha hi a tok oke.

14. Yohmi kia nan ai-vlhpisa chinto nitak okvno Taia, micha Saiton ita-tuklo kvt im ahleka hoh kia pit im vlhpisa kvt, hvchishno a i shahla hi oke.

15. Yohmikma Kapenavm chia hvt shutik ak o ont ish talaia tuk vt, aka ivt ai-okpuloka mak o pit ish a kvnia hi oke.

16. Mikma kvna hosh hvchi haponaklokmtv, vno a a haponaklo hoke : mikma kvna hosh hvchishno a hvchi shitilemakmtv, vno a sa shitilema hoke : mikmtv vno a sa shitilemakmtv, auct sa kanchi tok a shitilema hoke.

17. Yvmohmi tuk o pokoli untuklo kash osh na yukpa hosh falamvt ai vla mvt, Chitokaka ma ! chi hohchifo pulla kak o nan-isht-ahullo okpulo puta kak kia pim antihyvshke, achi tok.

18. Mihma yvmmak ash ot, Setan vt malvtha kvv vba vttvt aka minti chatuk a, chiyuhmi ho pisa li kvno.

19. Yakeh ! sinti chilita puta, mikmtv halambia puta aiena ka hvsh a hvhlihinchu : micha na tvnvp nan-isht ai im ahli ka ma mominchit a hvsh imaiya chi mak o nan isht aiahlika ya hvch ima lishke : yohmi ka nana hosh a kaniohmit hvchi hotopala hi vt iksho ka hi oke.

20. Yohmi kia shilombish okpulo puta kvv hvchim antia ilvpak okvno nan ik hvchi yukpo kashke ; amba hvchi hohchifo puta kvv vba ya a holisso, yvmmak o na hvchi yukpa vlhpesa hoke, im achi tok.

21. Hvshi kanvlli vlhpisa yvmma fehna ma Chisvs vt chukvsh na yukpa mvt, Aki, vba, mikmtv yakni ita-tuklo in Chitokaka ma ! na yakohmi puta ka na kostini, micha nan-ithvna aiena kvno ish in luhmi tuk osh, vlo si puta ho ish im otvninchu hoka, yak oke, chim aiahni lishke, vlhpiesvshke, Aki ma ! yvmmak osh chim vlhpiesa hatuk oka :

22. Nan okluha ka Aki vt svbbak a a fohkishke ; yohmi ka kvna hosh Ushi yoka hatak nana kia ik ithano ho, amba Iki vt ak illa hoke : mikmtv kvna hosh Iki yoka kvna kia ik ithano ho, amba Ushi vt ak illa ; micha Ushi vt kvna ho im otvninchu mak bano hoke, achi tok.

23. Yohmi mvt nan im ai ithvna vhleha a hielu ka pit filema mvt, yvmmak ash bano ho, Nishkin vt hvchishno nana hvsh pisa ka pisa kvto na yukpvshke.

24. Hopaii vhleha, micha miko vhleha aiena kvv laua hosh

hvehishno nana hvsh pihisa ka pisa bvnna tuk osh, ik peso ki tok: micha hvehishno nana hvsh hahaklo ka haklo bvnna tuk osh, ik haklo ki tok o, hvchim anoli lishke, achi tok.

25. Yohmi ma yakeh! nan-vlhpisa ithvnanchi achvfa hosh wakayvt hikia mvt, imomaka pisa bvnvt, Nan-ithvnanchi ma! ai okchayvt bilia ya pisa la hi okvto, nanta ho katiohmi la chi cho? achi tok.

26. Mihma yvmmak ash ot, Nan-vlhpisa holisso ha katiohmit a holisso ho? katiohmi ho ai ish it im anumpuli ho? im achi tok.

27. Mihma yvmmak ash ot afalaminchi mvt, Chi chukvsh mominchi hosh, chi shilombish ma mominchit, chim isht-hlampko a mominchit, mikmvt chim anukfila ma mominchi hosh Chitokaka chin Chihowa ya isht ish holitoblashke; mikmvt chin chuka panta hatak ma ish holitobli kv, chishno akinli chim itilauashke, im achi tok.

28. Mihma yvmmak ash ot, Ulhpesa, ish miha mvhlishe: ilvppak o ish yvmihchashke: yohmi hokmak osh chi okchaya hi oke, im achi tok.

29. Yohmi kia yvmmak ash ot il ai achukmali bvnna kv, Chisvs ash, Yohmi ka kvta hak osh an chuka panta hatak o? im achi tok.

30. Mihma Chisvs ash ot afalaminchi mvt, Hatak achvft Chelusalem vttvt Cheliko ia tuk osh, hatak hukopa vhleha ont iba chukowa na i nafohka ya im apoyua cha, isskkopalit boyuhli na illa hosit itonla ho, issvt ilh-koli tok.

31. Atuk o yakohmi tok; na-holitompa isht vta yosh hina yvma minta he mak yoba tuk osh, yvmmak ash ant pisa mvt, apakfompvt hina in tnnvp o ant ia tok.

32. Mihma Lefait hatak ak kia yvmmak ash vlt ant pisa kia, yvmmak ash inli ho apakfompvt hina in tnnvp o ant ia tok.

33. Amba Samalitan hatak osh nowvt aya tuk osh, yvmvt ai itola kash, vlt pisa mvt, i nukhaklo tok.

34. Mihmvt ai-itola kash vla cha, ai okpunlo tuk a na-

bila, micha okapaki aiena ka isht ahvmmi, afohli in tahli cha, ilap im issuba hatuk ash o binilichit isht ayvt, a-foha chuka yo isht ona cha, apesvchi tok.

35. Atuk osh ont onna ma ia chi mvt, isvli tuklo ka ishit kohchit, afoha chuka apesvchi yash ima mvt, Ilvppa ish apistikelashke: micha atampa kv kaniohmi hosh chi kvnia tuk mak heno, falamvt aya likmvt, chim atobbi lashke; im achi tok.

36. Yvmohmi ka tuchina ilvppa katima kak osh hatak hvkopa vhleha ont im isht kanvpa tuk a in chuka panta hatak a tok o, chim ahoba cho? achi tok.

37. Mihma yvmmak ash ot, I nukhaklo tok á, achi tok. Mihma Chisvs ash ot, Ia cha, chishno mvt yvmmak inli ho ish chohminchashke, im achi tok.

38. Atuk osh yakohmi tok; ia hosh okla itvnowvt aya ma, yvmmak ash ot tvmahushi achvfa ho pit chukowa tok: mihma ohoyo achvfa, Mahla hohchifo hosh, aiokpvchit im aboha ya isht chukowa tok.

39. Mihma yvmma itibapishi hv Meli hohchifo hosh anta tuk osh, yvmmak ash kia Chisvs iyi ituma ya binilit, im anumpa ha haklo tok.

40. Amba Mahla vto nan-isht vta in lauvt isht ik im ai vhpieso mvt, yvmmak ash o im ai vlv, Chitokaka ma! sa nakfish vt si apela hi a ik ahno ho, vno ak bano hosh nan-isht anta li ka, nan isht chik ahno cho? yohmi hoka nan isht ik svbai vttá, ish i mihashke, ant im achi tok.

41. Mihma Chisvs ash ot afalaminci mvt, Mahla ma! Mahla ma! nana ka ahalaivt im anukfila isht ik chim vhpieso kv chin lauvshke.

42. Yohmi kia nana ai vhpiesa hokvto achvfa hoke; yohmi ka ai im ai isha he keyu nana achukma mih mak o Meli yokvto ai apissali tuk oke, im achi tok.

CHAPTER XI.

Chisvs vt nan im ai ithvna vhleha ha vba pit anumpuli im avvchi, 1;
14 nan-isht ahullo okpulo kohchichi: 28 mikmvt kvna hosh Chiho-

wa im anumpa ha im antia hokvto holitopa ka anoli; 37 Falisi okla nana ka ilahobi, yummak oka nana palvmmi onvtula he puta ka atokowa anoli.

1. ATUK o yakohmi tok: a kaniohmi ho antvt vba pit anumpuli tuk osh ont issa ma, nan im ai ithvna vhleha ha achvft, Chitokaka ma! Chan vt nan im ai ithvna vhleha ha im avchi tok a, chohmit pishno ma vba pit anumpuli ka, ish pim avchashke, im achi tok.

2. Mihma yummak ash ot, Uba pit hvsh anumpulikmt, Piki vba ish binili ma! Chi hohchifo hvt holitopashke. Ish apchlichika yvt vlashke. Nana ish aiahni ka vba ya a yohmi kvv yakni ilvppak ma a yohmi makinlashke.

3. Nitak moma ilhpak vt a pim vlhpiesa mak o nitak osh nitak ma ish pihimashke.

4. Mikmt il ai-ashvchika puta ka ish pi kashofashke: pishno mvt kvna kia aheka pin takalikma, il i kashofi bano hoke: micha anukpvlika imma hokvno ik iba chukowa, chik pim ahno kashke; amba nanokpulo ya ish pi a hlakofihinchashke, hvsh achashke, im achi tok.

5, 6. Mihmt yummak ash ot, Hvsh katima kak osh chi kana hvt asha tuk osh, ninak iklvna ho avvt ish onvt, A kana hvt nowvt aya tuk osh vm vla ho, nana kia itikba ma talali la hi vt ik svm iksho hoka, pvska tuchina ka is sam potashke, a kana ma! ish im achi;

7. Yohmikma aboha anukaka ya auet ai afalaminchi kvv, Chik svm ahchibalo kia, himak ano okhissa vt vlhkama ho, vm vlla vt si apihvt topa ha kahvt maya ka, tani lish chima la he keyushke, auet chim achi;

8. Yohmi tuk kia i kana hatuk ak osh tani cha, ipeta he tuk keyu kia, amba yummak ash osh im ahchibvchi fehna kak o tani cha, laua kvv kaniohmi ho bvnakma, ima hinla hoke, hvchim achi lishke.

9. Yohmi ka hvsh asilhhakma, hvch ima he: hvsh hoyokmt, hvsh ahayucha he: hvsh sokohakma, hvchin tiwa hi oke.

10. Asilhha aiyuka hokvto habena hoke; mikma kvna

hosh hoyo hokvto, ahayuchi hoke: micha kvna hosh soko-hakma, in tiwa pulla hi oke, hvchim achi lishke.

11. Hvsh kanima kv̄t iki atuk o, ushi vt pvska im asilhhakma, yvmmak ash tvli yo ima hinla? keyukmv̄t n̄vni yo asilhhakma, n̄vni a he tuk ash sinti yo ima hinla ho?

12. Yvmmak keyukmv̄t, akak-ushi lobunchi yo asilhhakma, halambia ho ima hinla ho?

13. Yvmohmi ka hvchishno vt hvchi ai vlhpesa keyu kia, hvchim vlla ya nana achukma puta ka isht ima hokvto hvchimponna ka, hvch Iki vba binili kv̄t i shaiyahlit, kvna hosh im asilhhakma, Shilombish Holitopa ya ima hinla keyu cho? im achi tok.

14. Mihma yvmmak ash ot ik anumpulo yo nan-isht ahullo okpulo ya a kohchit anta tok. Atuk o yakohmi tok: nan-isht ahullo okpulo vt a kohcha mvno, ik anumpulo ash ot anumpuli tok; mihma okla hv̄t anukhlakancha tok.

15. Yohmi kia kanimi kv̄to, Ilvppvt nan-isht ahullo okpulo puta i miko Beelsebv̄b ak o nan-isht ahullo okpulo puta ka isht kocha weli hoke, achi tok.

16. Mihma inlaka mv̄to imomaka pisa kv̄t, nan-isht-ato-kowa kv̄t vba a minta hi a im a hoyo tok.

17. Yohmi kia yvmmak okv̄t nana im anukfila puta ka ithana hatuk osh, Apehlichika achvfa kv̄t it a kashapvt ilapo ash inli it im i sanali hokvt, ont aiokpulokvt taha hoke: mikma chuka yvt ita kashapvt ilapo ash inli it im i sanali hokvt, akvma hoke.

18. Setan ak kia ita kashapvt ilapo ash inlit il im i sanali hokmv̄t, im apehlichika yvt katiahmi hosh talaia hinla cho? vno vt Beelsebv̄b ak o nan-isht ahullo okpulo puta ka isht kocha weli li ho hvsh miha hoka,

19. Yohmi ka vno vt Beelsebv̄b ak o nan-isht ahullo okpulo puta ka isht kocha weli li hokma, hvch iso vhleha hv̄to kv̄ta hak o yvma isht kocha weli cho? Yohmi hoka yvmmak osh na hvchim apesa yashke.

20. Amba vno vt Chihowa ibbak-ushi o nan isht ahullo

okpulo puta ka isht kocha wihinli li hokma, yohmi hokmeno, Chihowa apehlichika yvt hvechim vla mak oke.

21. Hatak hlampko yosh na-halupa ai im vlhtaiyaha hosh in chuka apesvchi hokvno, nana kvv ai yubaka hoke.

22. Amba kvv ilapo a i shahli hosh ant i kohchvt, imaiyachi hokmak osh, i na-halupa ai anukchieto tuk ash mominchit im ai eshi cha, nana immi hatuk ash inla im it a kvshkoli chatuk oke.

23. Kvna hosh vno a svb ai achvfa keyu kvv v m i sanali hoke: mikma kvna hosh svba hoyo keyu hokvto na fimmi yoke.

24. Shilombish okpulo yvt hatak a a kohchakmvt, a foha he hoyot haiaka oka ik ai iksho puta ka hlopullit aya kia ik ahayucho mvt, An chuka ai vttvt kohchvt a minti li kash osh falamvt ia lashke, achi hoke.

25. Atuk osh onakmvt, yvmmak ash ot pashpovt shemvt taiyaha cha hikia h, ont pisa hoke.

26. Yohmikmvt shilombish okpulo untuklo inla yvt okpulo kvv ilapo a i shahli h ont pehlichit vla na, yvmmak ash okla pit abeha cha, aiasha hoke; yohmikma hatak yvma nana kvv ont ai-isht im ai yopa kak osh ik achukmo kvv vmona tuk ash i shahli hoke, im achi tok.

27. Atuk o yakohmi tok; ilvppa anumpohonli moma h, ohoyo achvft okla takla hikia tuk vt chitoli hosh mihvt, Ikfoka yvt yvmmak osh chisht aya tuk, mikma i pishi ma ish a pihishi tuk a aiena kvto holitopvshke, im achi tok.

28. Yohmi kia yvmmak ash ot, Ahli, na-yukpa aiahli kvto Chihowa im anumpa h haklo cha, im antia hak oke, achi tok.

29. Atuk o okla hvt itahobvt ant a laua fehvt taha ma, Hatak himonasi asha ilvppvt ai vlhpesa keyushke; nan-isht atokowa okla hoyo; yohmi kia nan-isht atokowa nana hosh in takala he keyu, amba hopaii Chonas nan-isht im atokowa kak a hi oke.

30. Chonas vt Ninefeh okla h isht ai im atokowa tok a, Hatak Ushi mvt hatak himonasi asha ilvppa ai in chiyuhmi makinla hi oke.

31. Nana vlhpisa chinto nitak okvno oka-mahli ohoyo miko vt hatak himonasi asha ilvppa awant hikia cha, atokowvt anumpa onocha hi oke; yvmmak okvto yakni ont ai vhli pilla vttvt minti kv, Solomon isht im a hopoyuksaka ya haklot aya tok okvt; atuk o yakeh! Solomon a imaiya mak osh ilvppa ahantvshke.

32. Nana vlhpisa chinto nitak okvno Ninefeh okla hv hatak vt himonasi asha ilvppa iba takla wakayvt hiohmavvt, atokowvt anumpa onocha hi oke; yvmmak okvto Chonas vt vbanumpa ont isht im anumpohonli ma, ile kostininchitok okvt; atuk o yakeh! Chonas a imaiya mak osh ilvppa ahan-tvshke.

33. Hatak nana ak osh pva ha pvlali kv a lumaka ho talali chatuk keyu, keyukmvt tanchi isht-vlhpisa nutaka yo talali chatuk keyu, amba kvna hoh kia ant chukowakmvt tohwikeli ka pisa chi ka, pva ai-o hikia ak o o hilechi chatuk.

34. Haknip a i pva hv nishkin ak oke: yohmi hoka chi nishkin vt achukmakma, chi haknip ak kia momvt tohwikelit alota hoke; amba chi nishkin vt okpulo yokmvno, chi haknip ak kia ai okhlilikvt kvnia hoke.

35. Yohmi ka ahah! ish aiahni na na tohwikeli kv a chi foyuka yvmmvt ik okhlilo kashke.

36. Yvmohmi ka chi haknip vt im a kanima kv ai okhli-lika iiksho hosh tohwikeli banot alotowa hokma, moma kv tohwikelit alotowa kv, pva lua achukma kv chim a tohwikelichi chatuk a a chiyuhma hinla hoke, achi tok.

37. Yvmohmit anumpohonli moma na Falisi achvvt, yvmmak ash ot ont ibai impa hinla ka im ahni tok: mihma ont chukowa cha, impa chi hosh binili tok.

38. Yohmi ma Falisi ash ot pisa mvt, ik impo kisha kv ibbak ik ahevifo ke tuk a, okokko! aiahni tok.

39. Mihma Chitokaka ash osh, Falisi hvchia hv isht-ishko micha ampo aiena ka paknaka yokvno hvsh kashofishke: amba hvchi anukaka yvto na wehpuli, micha nan ik ai vlhpeso banot isht hvchi alotowvshke.

40. Nan anukfila iksho hvchia ma! nana ka paknaka ya ikbi mvt, anukaka yak kia ikbi akinli tok keyu cho?

41. Amba yohmi kia nana hvchim a^usha kv^t hvsh habenv-chashke: yohmikma yakeh! nana puta kv^t a hvchim v^lh-pesa bano hoke,

42. Amba Falisi hvchia ma! na hvchⁱ palvmmi mak oke, m i n t, mic^ha l u, mikmvt haiyuk^upolo ilaiyuka puta waya it a kashkoa ont isht pokoli kak osh hvchⁱ kvnia, mikmvt nana ai-v^lhpiesa ka, mic^ha Chihowa holitobli aiena hokvno hvsh vbanv^bli hoka: ilvppak o a hvchⁱ yvmohmi ha yosh, anonti yvmmak ma hvch ik a haksecho ka hetuk oke.

43. Falisi hvchia ma! na hvchⁱ palvmmi mak oke, sinakak puta anukaka aiasha holitopa puta, mikmvt ilhpak a kanchi ai it aiokpvchi aiena kak o hvchim ai achukma hoka.

44. Na-holissochi v^hleha, mic^ha Falisi okla aiena nan-ilahobi hvchia ma! na hvchⁱ palvmmi mak oke; a-hollopi vt otani keyu h^o, hatak vt a nowvt vbanopoli kia, yvmvt ik akostinincho chatuk a hvch itilauⁱ hoka, im achi tok.

45. Mihma nan-v^lhpisa ithvnanchi v^hleha hv^t achvfv^t afalaminchit, Nan-ithvnanchi ma! ilvppa yak ish achi kv^t pishno a aieninchit nan isht chik pi ahobaloshke.

46. Mihma yvmmak ash ot, Nan-v^lhpisa ithvnanchi hvchia ma! hvchishno ak kia na hvchⁱ palvmmi mak oke; nana weki shali ka palvmma hinla h^o hatak a hvsh shalihinchi mvt, hvchishno yak okvto nana weki ash hvch ibbak ushi achvfona kia ishit hvch ik potolo hoka.

47. Na hvchⁱ palvmmi mak oke: hopaii puta ka hvchin tikba v^hleha hv^t vbi tok a i sepulka y^o hvsh ihikbi hoka.

48. Hvchin tikba v^hleha hv^t yvmmak oka ahambi mvhli ma, hvchishno vt i sepulka puta ma hvsh ihikbi kv^t, hvchin tikba v^hleha hv^t nana a kaniohmi tok a hvsh im ahninchi kv^t isht atokowa mak o hvsh ieshi mvhlishke.

49. Yvmohmi ka Chihowa i hopoyuksaka yak kia yak achi tok. Hopaii v^hleha, mic^ha vbanumpeshi v^hleha aiena ka pit in tihlihinli likma, kanima ka vbikmvt, anonti issikko-pali aiena he;

50. Yohmi na yakni vt toba tok taiyakla ka hopaii v^hleha im issish vt hlatahampa tok moyuma ka, himonasi hatak ahashwa ilvppak o im a hoy^a hi oke.

51. Ebel a im issish a tok a ai vhlit mihintit Sakalaiaa alta micha tempelitin takla ai vbi tok issish ak o ant ai vhli yummak o himonasi hatak aiasha ilvppak o im a hoya he mak oke, aiahli mak o hvchi miha lishke.

52. Nan-vlhpisa ithvnanchi hvchia ma! na hvchi palvmmi mak oke; nan-ai-ithvna isht tiwa ya ishit hvsh kanchi hoka: hvchishno ak kia pit hvch ik chukowokmvt, inla yvt pit abeha he tuk a hvsh ataklahamishke, achi tok.

53. Ilvppa puta ka isht im ahanchi moma na na holissochi vhleha micha Falisi vhleha aiena kvt a tushpalechit, yummvt nana ilaiyuka miha he tuk, okla achibvchi ho fehna mvt,

54. Nana kia itakha a kohchvt miha na haklot nan-vlhpisa isht onocha he bvna hosh okla im aiechi tok.

CHAPTER XII.

Chisvs vt nan-im ai ithvna vhleha ha nana ka peh ilahoba he imma hokvno ahah! okla ahna chi ka i miha, 1; 13 yohmi mvt nan im ai ithvna vhleha hvv chukvsh a nan ilaiyuka isht ik asitio ka chi ka, hatak nan in laua yosh nana ai isht ilaiyukvvt ahanta tuk o, nan illi hvv ashalika a mokofit ishi tok, nan isht vlhpisa ha isht im anumpuli. 22 Chisvs vt nan im ai ithvna vhleha ha yakni paknaka nana a kaniohmi puta hokvno chukvsh isht ik anushkunno ka hi a i miha; 31 micha hatak shilombish okchaya he ak o na tikba anukfihinli; 36 yohmikmvt Chitokaka yvt aya hi a, tikbanli im vlhtaha he puta ka isht im anumpuli. 54 Chisvs vt okla ha, ilap ak osh Klaist mak atuk a ik akostinincho ka, nan isht i miha; yohmi mvt Chihowa ha iti nanaiya pulla hi a i miha.

1. YUMOHMI ai itin takla ma, okla laua kvt atampa fehna hosh itvnaha, yvmohmi cha ilap bika okla it i hvhlihinchima, yummak ash ot nan im ai ithvna vhleha hash, Falisi vhleha i pvska isht shatvmmi, yummvt nan-ilahobi yak oka, ik kaniohmi kia ahah! hvsh aiahnashke.

2. Nana kvt ompoholmo tuk vt ik wakamo ka he, mikma nana kvt luma tuk vt ik otaiyano ka he aiena kvt iksho ka hi oke.

3. Yvmohmi hoka nana hō aiokhlilika ya hvsh ai anum-pohonli tuk ma, a tohwikeli yō a hakla he; mikmvt hakso-bish ont tikelichit abohushi anukaka yō hvsh ai anumpohonli tok ma, aboha paknaka puta ma ai annoa hi oke.

4. Yohmi ka a kana hvchia ma! Haknip a vbi kia, him-makma nana hō a kaniohma he mvt ik im iksho yvmmak okvno hvch ik i nukshopo kashke, hvchim achi lishke.

5. Amba kva hō hvsh i nukshopa he okvno hvchim anoli lashke; Illichi ha mvt, ai-okpuloka ya pit kancha hi vt im vllpiesa yvmmak o hvsh i nukshopashke; ahli, Yvmmak o hvsh i nukshohompashke, hvchim achi lishke.

6. Hushi chipunta tahlapi kv̄t sint tuchina hō ai vbi chatuk keyu? Yohmi kv̄t yvmmak okv̄t achvfona kia Chihowa itikba ya ai a haksi keyu chatuk oke.

7. Yohmi ka hvchishno hvchi pashi puta noshkobo ai o hiel kak kia moyumvt holhtinv̄t taha yoke. Yohmi hoka ik hvchi nukshopo kashke; holitopa kv̄t hushi chipunta laua ka hvsh i shahli hoke.

8. Kva hosh vno a hatak itikba ya Klaist oke, si achit si ahninch̄i tuk ma, mihi yō Hatak Ushi vt Chihowa im enchil puta itikba ai ahninchit, Ūm antia yoke, achit aiokpv̄cha he akinli hoke.

9. Amba kva hosh hatak puta itikba vno a ik si ahniechot, Ahalaia li keyu, achi tuk ak o, mihi yō Chihowa im enchil itikba ya ik ahniechot ik ahalaio ka hi oke.

10. Mikma kva hosh Hatak Ushi a na mihachit anum-puli tuk okvto, i kashofa he; amba kva hosh Shilombish Holitopa ak o ik ahobalot anumpuli tuk okvto, i kashofa he keyu kmohmi hoke.

11. Micha sinakak puta, mikmvt miko vhleha, mikmvt nan apesa puta ka hvch isht im ai onakma, kaniohmi hosh, micha afalaminchit nana ka hvsh anumpula he aiena kv̄t hvch ik anukfillō kashke.

12. Nana hō hvsh acha he vllpesa ka Shilombish Holitopa ak osh hvshi kanvli yvmmak fehna akinli ka hvchim anola hi oke, hvchim achi lishke, im achi tok.

13. Mihma okla hash ot achvfv̄t, Nan-ithvnanchi ma!

itibapishi li ha ish i miha na, nana kv̄t vlhtoshowvt pibbak a p̄i fohka tuk a a kashvblashke, im achi tok.

14. Mihmvt, yvmmak ash o, Hatak chia ha, keta hosh nana hvch̄im apesa yokmá, keyukmvt nana hvchi itakvshkoli yokmá, nanta ho sakbi tok oh cho? im achi tok.

15. Mihmvt, Ahah! hvsh aiahni cha, nan in laua bv̄nna ya hvch̄ ik ahalaiyo kashke: hatak vt nana kv̄t laua ho il aieshi kak o im ilhfiopak vt takali ho keyu hoke, im achi tok.

16. Mihmvt okla hash nan-isht vlhpisa ho isht im anum-pulit, Hatak nan in laua achvfa hosh im osapa yvt nana waya fehna tok.

17. Mihmvt, Nana a waya puta ka kanima ai ashachi la hi vt ik sv̄m iksho kv̄to, nanta ak o katiohmi la chi cho? achit il anukfilli tok.

18. Mihmvt, Ilvppak o yakohmi lashke; an tanchi in chuka yak o yuhli lish, chito i shahli ho ikbi lashke: micha yvmmak o a nan a waya, micha na hochukma puta ka mominchit ashachi lashke.

19. Mikmvt sa shilombish a, Sa shilombish ma! na hochukma laua kv̄t afv̄m̄mi laua taha he vlhpesa ka achukmalit ashachit chin tahl̄ishke; peh nan ik pilesot fohvt, impvt, nan-ishkot, nan isht ish ilaiyukpashke, im achi lashke, achi tok.

20. Yohmi kia Chihowa yokv̄to yvmmak ash, Ik hopoyukso chia ma! chi shilombish a falaminchit himak ninak a chim a hoya chi hoke; yohmikmv̄no nana ish atahli tuk amo kv̄ta ho immi ha chi cho? im achi tok.

21. Yohmi ka kv̄na hosh na hochukma puta ma ilap inli isht im atahlit ahanta hosh, anonti Chihowa ai imma hokv̄no nana kv̄t im vlhtaiyaha tuk keyu kv̄t yvmmak o chiyuhmi hoke, achi tok.

22. Mihmvt nan im ai ithv̄na vhleha hash, Yvmohmi hoka hvchi ai okchaya hi a nana ho hvsh pa he; mikmvt hvchi hakn̄ip̄ ma nana ho hvsh fohka hi a anukfillit hvch̄ ik ilbv̄sho kashke, hvchim achi lishke.

23. Okchaya kv̄t holitopa kv̄t ilhpak a i shahlikma, anonti hakn̄ip̄ vt holitopa kv̄t na fohka ya i shahli hoke.

24. Fula chito puta ka anukfillit ho pesá: yvmmak okvt nana kia hokchi cha vmo hō keyu: mikmvt yvmmak okvt vlhpoyak in chuka, micha kanchak aiena kia im asha keyu hō, Chihowa ak osh ipeta hoke. Holitopa kvto hushi puta ka katiohmit isht hvsh ī shahli hō?

25. Yohmi ka hvsh katima kak osh anukfihinlit isht ilbvsha kv̄t hvchi chaha ka k u b i t achvfa kia hvsh il achakala hinla cho?

26. Nana kv̄t moma ik a lauwo hoka hvsh yvmihcha he keyu kv̄t, nanta katiohmi hō inla yokak heno anukfillit hvsh pisa cho?

27. Lilli puta kv̄t kaniohmit offot hofantit mahaya ka anukfillit ho pesá; yvmmak okvt toksvlit a hoyubli keyu: anonti nana hō shvnni keyushke: yohmi kia Solomon vt nan isht im a holitopa moma isht a shema kv̄t ilvppa achv-fona kia chohmi tok keyu, hvchim achi lishke.

28. Yohmi ka Chihowa hv̄t hvshuk himak nitak a kowi hā hiohmaya tuk osh, onna hā apalvska pit vlhpita chī kia, shemvchi kv̄t yvmihchi kv̄to, hvchishno a ī shahlichī hosh ik hvchi shemacho ka hinla cho? na yimmi fehna keyu hvchia ma!

29. Yohmi hoka nana hvsh impa he, mikmvt nana hvsh ishka he aiena kv̄t hvch ik hoyo kashke; mikmvt komuntvt ik hvchim anukfilo kashke.

30. Ilvppa chohmi puta kak o oklushi yakni paknaka aiasha kv̄t hoyo chatuk mak oke: ilvppa chohmi puta ka a hvchi bv̄nna hokvno hvch Iki vt ithana hoke.

31. Yohmi kia amba Chihowa apehlichika yak o hvsh hoyashke; mikmvno ilvppa moyuma kv̄t a hvchim ibakaha hi oke.

32. Apehlichika ya hvch ima kv̄t im achukma hoka, chukfulhpoba aya ik lauwo hvchia mv̄t, ik hvchi nukshopo kashke.

33. Na hvchim asha kv̄t hvsh kanchi cha, ilbvsha ya hvsh habenvchashke: tvli holisso ī shukcha yvmmak okvt nitak nana ont a sipokna he keyu, na-holitompa nitak nana taiyaha he keyu vt vba itonla; hukopa nana hosh aī ī bilin-

cha he keyu, mikma shushi mvt okpuna he keyu, yak o isht hrsh il atahlashke.

34. Kanima yo hvchim ilayak vt itonla hokma, hvchi chukvsh ak kia mihi yo pit takanla hinla akinli hoka.

35. Il ai-vskufvchi ma isht il ai vskufvchit im vlhtahvt, prla puta mvt hvchin lihimbashke.

36. Yohmikmvt hvchishno ak kia hatak osh i shahli hvt ohoyo ipetvchi ia tuk osh falamvt vla chi, atuk osh vla cha sokohakma, ashalika in tiwa chi cha, pit hoyo hosh aiasha ho hrsh chiyuhmashke.

37. Chitokaka yvt ayvt vlv, okchvt asha na ont pisa ka, tishu vhleha yummvt na-yukpa mak oke: ahli mak o hvchim achi lishke, Ilap ash osh nan isht il ai vskufvchit tahli cha, yummak osh impa chi ka binohlichikmvt, wakayvt nan isht im vtta hi oke.

38. Micha ninak kashapa ont atukla ho ayakma, keyukmvt ont atuchina ho ayakma, nana cha yvmohmit aiasha ho ont pisa ka, tishu vhleha yummvt nayukpa hi oke.

39. Hatak chuka chvfa pehlich i vt in chuka ahanta kvv hrshi kanvlli vlvpisa kaniohmi kak o hukopa yvt vla hi a akostininichi hokmvt, atoni tuk osh in chuka yvt okpulot ik in tiwo ka hetuk a, ilvppa hrsh ithaiyanashke.

40. Yohmi hoka hvchishno mvt, hvchim vlhtahashke: yummak a he hvch ik aiahno hvshi kanvlli vlvpisa takla kia Hatak Ushi vt vla hi oke.

41. Mihma Pita yash ot, Chitokaka ma! nan-isht-vlvpisa ilvppa pishno ak okma, keyukmvt peh moma kak o isht ish im anumpulikma, nanta cho? im achi tok.

42. Mihma, Yohmi kvno kvta hak osh nan-apesvchi aiahli, mikmvt hopoyuksa achukma aiena tuk o, mihi yo i shahli hvt ont ai-vlvpiesakma nan-rpa hvt ai immi ha he vlvpesa ka, ipihinta chi ka, ilap in chuka chvfa yash pehlich i ikba chi cho?

43. I shahli hvt ayvt vla kvv, yakohmi hosh ahanta na ant pisa ka, tishu yummvt na yukpa mak oke.

44. Ahli mak o hvchim achi lishke: Nana im asha ka moma apesvchi o ikba hi oke.

45. Yohmi tuk kia tishu yummak ash osh chukvsh anuk-aka, A shahli hv̄t ai v̄la he tuk vt vbanvblichishke, achi cha, hatak toksvli puta, micha ohoyo toksvli puta aiena kash bolit, impvt, nan-ishkot, okishkot haksi aiena hosh ahanta tok mvno ;

46. Tishu yumma i shahli hash ot ilapvt yumma pit hoyo nitak keyu, micha ik akostinincho ai itin takla hv̄shi kanvlli v̄lhpesa fehna h̄o ayvt v̄la cha, chanlit ita hokofit, nan ik yimmo v̄hleha yak o ai iba foyuka ch̄i ka im apesa hi oke.

47. Yohmikma i shahli nan ahni tuk a akostininchi hosh, ik il atahlokmvt, nan-ahni tuk ash kia yvmihchi keyu ke tuk tishu yummak ash ot fahama l̄awa isht boa hi oke.

48. Amba ik akostinincho hosh nana ka isht a fuma he v̄lhpesa ka yvmohmi hokmvto, fahama ik lauwo h̄o isht fuma hi oke : k̄rna h̄o lauachit ima tok ma, mihi ȳo laua h̄o im a hoya hi oke : micha kanima h̄o hatak vt lauachit ibbak fohki tuk ma, mihi ȳo laua i shahli h̄o im a hoya hi oke.

49. Yakni paknaka ya luak o ai ȳo bohuyuli la ch̄i hosh aya li tok : atuk osh himonasi ak o lua hatuk bano, nana ka ai ahni lishke.

50. Yohmi kia baptismo isht a baptismo la ch̄i kv̄t vm asha : yohmi ka yvmmv̄t ont ai yvmohma ch̄i takla hokvno a palv̄mmi feh̄rvshke.

51. Yakni paknaka ya a nanaiyvcha ch̄i hosh aya li tok o, hv̄chim ahoba cho ? Keyushke ; ita kv̄shkoli kak illa hoke, hv̄chim achi lishke.

52. Himak pilla ma chuka chv̄fa ka tahlapit ashvt it a kashapa cha, tuchina kv̄t tuklo ka i sanalikma, anonti tuklo kv̄t tuchina ka i sanala hi oke.

53. It i kanimachi cha, īki vt ushi a i sanalikma, anonti ushi atuk vt īki a i sanalikma ; ishki vt ushetik a i sanalikma, anonti ushetik atuk vt ishki a i sanalikma, anonti ipokni vt ipok a i sanalikma, ipok atuk vt ipokni a i sanala hi oke, achi tok.

54. Mihmv̄t anonti okla hash, Hv̄shi ai-okvtulaka hoshon-tit kocha na hv̄sh pisakmv̄t, ashalika, Umbvt mihintishke, hv̄sh achi chatuk ; atukma yohmi mv̄hli chatuk.

55. Micha oka-mahli hosh mahlikma, Lvshpa chishke, hvsh achi chatuk; atuk ma ont yvmohmi chatuk oke.

56. Nan ilahobi hvchia hoka, shutik, micha yakni aiena kvt pisa kaniohmi hokvno nan isht hvsh ai akostininchi hokak osh, amba katiohmi hq himak okvno nana ka hvch ik akostinincho cho?

57. Ahli, micha nanta katiohmi hq hvchishno akinli kvt nana vlpesa kvno hvch ik ithano cho?

58. Nan-vlhpisa chi onochi ya awant miko ish im ona chi hosh ish aya kvt, takla ya, ai i hlakofi bvna kvt ish achunanchashke: yvmmak keyukma chi halvllit nan-apesa ya isht chi ai onakma, anonti nan apesa yash ot tishu ha ibbak a a chi fohki na tishu hash ot aboha kvlo ya chi fohka hinla hoke.

59. Iskvli ont isht aiyopi fehna ka ish atobbi hq keyukmvt, yvmmak oka ish kohcha he keyu hoke, chim achi lishke, achi tok.

CHAPTA XIII.

Chisvs vt ile kostininchit il aiasha he ak o pi miha, 1. 6 Fik vpi vna he keyu nan isht-vlhpisa. 10 Nitak hullo yo Chisvs vt nan ithv-nanchit ahanta hosh ohoyo iksitopo ilbvsha ya hlakofichi; 15 mi-cha vba yakni apelihika ya mvstvt nihi, micha pvska isht shatvmnich i aiena kak o isht it apesa; 24 okhissa iskvtnosi ymma chukowa bvna kvt achunancha hi a, okla ha i miha. 31 Chisvs a Helot vt vbi bvna hatuk o, kohchvt kvnia hinla ka, okla im ahni ma, nana hq im achi; anonti Chelusalem vt ont aiokpulokvt taha chi ka, itukonofvt mihinti ka, Chisvs vt tikbanli anoli mvt, isht yahaya.

1. YUMMA fehna ma kanimi kvt ymma asha tuk vt, Pailat vt Kalili hatak issish a okla vba pit isht aiokpvchi a ai itaiomi tuk a, im anoli tok.

2. Mihma Chisvs ash ot afalaminch i mvt, Kalili hatak osh yakohmi hokvt nan-ashvchi kvt Kalili okla ha moma i shahli atuk osh na yakohmi ka isht ai ilbvsha tuk o, hvchim ahoba cho?

3. Keyushke; amba hvchishno ak kia hvsh ile kostinin-chi keyukmvt, hvsh moma kv̄t ilbvshvt hvch illi akinla chi ka, hvchim anoli lishke.

4. Yvmmak keyukmvt Siloam a chuka chaha hikia tuk vt auah untuchina ka o kinafv̄t vbi tok a, yvmmak osh nan ashvchi kv̄t hatak Chelusalem asha moma ka i shahli ha tok a, hvchim ahoba cho?

5. Keyushke; amba hvchishno ak kia hvsh ile kostininchi keyukmvt, hvsh moma kv̄t ilbvshvt hvch illi akinla chi ka, hvchim anoli lishke.

6. Nan-isht-vlhpisa ilvppakma isht anumpuli tok: Hatak achvfa hosh f i k vpi vt osapushi anukaka ya im a hollokechi tuk osh ona cha, vni a a hoyo tuk osh, ik ahayucho ki tok.

7. Mihmvt im osapushi apoksiachi ash o, Inta! ilvppvt afvmmi atuchina mak o f i k vpi ilvppa vni a hoyo kv̄t aya li hosh ak ahayucho bekvshke: chanlit akvchi; nanta katiohmi ho hikivt yakni a ai okpv̄ninchī cho? im achi tok.

8. Mihma yvmmak ash ot afalaminchi mvt, Chitokaka ma! himak afvmmi achvfa takla hokvno ant hikia na, kullit apakfoplit, yakni achukmali ya isht apolichit tahli li hayashke.

9. Yohmi na vnit waya hokmvno, vlhpesa: amba keyukmvno, yvmma misha pilla mak o chanlit ish akvchashke, im achi tok.

10. Mihmvt nitak hullo yo yvmmak ash ot nan ithvnan-chi hosh sinakak achvfona ka anta tok.

11. Mihma ohoyo hv̄t shilombish okpulo nan iksitopochi yvt ai i foka tuk a afvmmi auah untuchina hosh, kochofv̄t kv̄nia, kaniohmit il apissalecha he keyu kv̄mohmi hosh anta tok:

12. Atuk o Chisvs vt yvmmak ash pisa mvt, pit i howa cha, Ohoyo chia ma! nan ik chi ai iksitopo ka ish ai i mokofa mak oke, im achi tok.

13. Mihmvt yvmmak ash o ibbak a ita tuklonchit isht umbitepa tok: mihma yvmmak ash ot mihmakinli ho apissvt taha mvt, Chihowa ha holitoblichī tok.

14. Mihma sinakak a apesvchi ash ot, Chisvs vt nitak

hullo yō hlakofichi ka im okpulo fehna hatuk osh, okla hash, Nitak hannali kak o hatak vt a toksula he vlhpesa keto ashvshke: yohmi ka nitak hullo ak a he tuk keyu; yohmi hoka ymma ai itintakla kak o ai vlt hvchi hlakofashke, im achi tok.

15. Yohmi ma Chitokaka yash ot afalaminchi mvt, ymmak ash, Peh nana ilahobi chia hoke: hvsh moma kv̄t nitak hullo a chi wak toksuli okmá, keyukmvt chim issuba hakso-bish falaia okmá, nana kv̄t ai ilhpitta ya talakchit hikia tuk a i hotofi cha, halvllit oka ipetvt ish ia chatuk keyu?

16. Yohmi ka ohoyo ilvppvt Eblaham ushetik atuk o, Setan vt takehit ishi tok a, ilvppvt afvmmi auahuntuchina hatuk a, nitak hullo ya isht talakchi tuk vt ai i holhtofa he vlhpesa keyu cho? im achi tok.

17. Mihma ilvppa ymmak achi ma, i sanali vhleha hash ot momvt hofahya tok; mihma nan isht a chinto a puta ka yvmihinchi ka okla hv̄t momvt na yukpa tok.

18. Mihma ymmak ash ot, Chihowa apelhlichika yvt nanta hak o hoyulba? yohmi ka nanta hak o isht it apesa la chi cho?

19. Mvstvt nihi achvfa hō hatak vt ishi cha, im osapushi a pit a pila tok o, offot hofantit mahayvt, iti chito tovt hikia tok: yohmi na vba hushi puta kv̄t naksish puta ka ant ai o binohonli tok mak o chiyuhmi hoke, achi tok.

20. Mihmvt anonti Chihowa apelhlichika ya nanta hak o isht it apesa la chi cho?

21. Pvska shatvmmichi yō ohoyo hv̄t ishi cha, tanchi pushi isht vlhpisa tuchina hō a yvmvslichi tuk o, momvt shatvmm̄it taiyaha tuk mak o holba hoke, achi tok.

22. Mihmvt tmaha puta, micha tmahushi aiena ka hlopullit av̄t nan ithvnanchit, Chelusalem imma ia hosh aya tok.

23. Mihma achvft, Chitokaka ma! Achafoa kak illa hosh okchaya hi oh cho? im achi tok.

24. Mihma ymmak ash ot, Yichina fehv̄t okhissa iskitini a chukowa hvchi bvn̄nashke; chukowa bvn̄vt pisa kia, nan ik kanihmo ka chi kv̄t laua hoke, hvchim achi lishke.

25. Chuka chvfa pehlichy yvt kaniohmi hō wakayvt, okhissa ya okhishta ha ma, kocha ya hvsh hiohmāyvt, okhissa ya sokohvt, Chitokaka ma! Chitokaka ma! ish pin tiwashke hvsh achi kia, yvmmak ash ot afalaminchit, Yvmmak o minti, ahnit hvch ithana li keyu kv̄t, hvchim acha hi oke.

26. Yvmma fokakma hvchishno ash ot, Chi tikba ya ai impvt, nan ishkot il aiasha chatuk: yohmi ma chishno vt pin tmaha itin takla ya nana ish ai ithvnanchi tok mak oke, hvsh acha he.

27. Yohmi kia yvmmak ash ot, Yvmmak o minti, ahnit hvch ithana li keyu hoka, nan ai v̄lhpesa keyu puta ka a yohmi hvchia hv̄t, momvt hvs s̄a filvmmashke, hvchim achi lishke, acha hi oke.

28. Yohmikma hvchishno yokvno kocha hvchi kanchi na, Eblaham, micha Aisaak, mikmvt Chekob, micha hopaii puta ka a moyuma hokvto Chihowa apehlichika ya auet aiasha na hvsh pisa he, yvmma fokak mak osh yahayvt noti a v̄pvt hvsh aiasha hi oke.

29. Mikma hvshi akochaka imma, micha hvshi ai okv̄tula ka, mikmvt falvmmi, micha oka mahli aiena ka a mihintit Chihowa apehlichika im ai-imp̄a ya ai a binohla hi oke.

30. Mikma yakeh! ishtaiyopi tuk vt mihi yosh na tikba hi oke, mikma na tikba tuk vt mihi yosh ishtaiyopa hi oke.

31. Mih-nitak fehna akinli ka Falisi kaniohmi kv̄t ai v̄la cha, Ilvppa a kohchvt kanima ish iashke; Helot vt chiba he ahna hinla hoka, achi tok.

32. Mihma yvmmak ash o, Qh ia cha, chula yvmma ont oh im anoli; Himak nitak, micha onna ha aiena kv̄no nanisht ahullo okpulo puta kocha weli, micha haknip ik in chukmo puta ka hlakofichi aienvt ahanta li tuk osh, nitak ont atuchinakma, nana ka aighlit ont vm ataiyaha hok mak a hi oke.

33. Yohmi kia himak nitak, micha onna ha, anonti nitak ont atuchina kv̄no, nowa li pullashke; hopaii atuk vt Chelusalem keyu ka ai illa he keyu hoka.

34. Chelusalem, Chelusalem hopaii v̄hleha v̄bi, micha auet

chin tihleli tuk a tvli ishit boli chia ma! akaka yosh ushi vhleha ha sanahchi nuta ya pit ai itahobi chatuk mak o, chiyuhmit chim vlla vhleha ha itahohombi la he, aiahni li tuk nana kia, hvchishno ak osh vlhpesa hvch ik aiahno hokvno,

35. Yakeh! hvchin chuka yvt hvchin chuk-illissvt taiyaha mak oke. Yohmi hoka aiahli mak o hvchi miha lishke; Chitokaka i hohchifo mak o aya kv holitovshke, hvsh acha chi ka, ont ai vlhpiesa keyukma, hvch ik sa peso ka chi hoke, im achi tok oke.

CHAPTER XIV.

Chisvs vt, nitak hullo nitak o hatak nipi shofohli isht abeka ya hlakofichi, 1: 7 hatak im anukfila kvllv vhleha hv im anukfila ha akanlosecha hi a, micha nan in laua vhleha hv ilbrsha ya i kana he aiena ka im avrchi. 15 Opiaka impa chito asha tok isht vlhpisa. 25 Chisvs a nan im ai ithvna e toba chi hokmvt, yvmmak o e holitobli hatuk mak osh pishno vt ile kaiyanchit, nana fehna hatuk kia il issa hinla hatuk puta ka, yvmmak okvt nan isht vlhpisa ilaiyuka ho isht a pim avrchi.

1. ATUK o yakohmi tok; nitak hullo yo impa chi Falisi miko vhleha achvfa ka in chuka yo pit chukowa ma, okla apesvchi tok.

2. Yohmi ma hatak achvfa kv haknip oka atoba ililli ho isht abeka kv itikba ya asha tok.

3. Mihma Chisvs ash ot na mihvt, nan-vlhpisa ithvnanchi vhleha, Falisi okla aiena kash im anumpulit, Nitak hullo ya na hlakoficha he ai vlhpiesa hoh cho? achi tok.

4. Mihma nan ik achot maya tok. Mihma yvmmak ash ishi cha, hlakofichi mvt, kanima ia chi ka, im ahni tok.

5. Mihmvt okla hash im anumpulit, Hvsh katima kak osh hvchim issuba haksobish falaia okma, keyukmvt wak toksvli okma, nana kv yakni chiluk hofobi o pit itula ka, ashalika nitak hullo nitak a halvllit hvch ik kohcho ka hinla cho? achi tok.

6. Yohmi ma anonti ilvppa puta ka okla ai isht im afalamincha he keyu ki tok.

7. Mihma im annoa tuk vhleha hvt aiasha holitompa kak o hoyot a binohli na pisa mvt, nan-isht vlhpisa hā takalichit,

8. Ohoyo ipetvchi ish aya hi a, kvna hosh chim anoli tuk ma, aiasha holitopa i shahli ka chik binilo kashke; hatak holitopa kv̄t chishno a chī shahli kia yvmmak ash ot im anoli tuk a hinla hoke.

9. Atuk o chim anoli tuk, anonti yvmma im anoli tuk yvmmak ash ot ita tuklot vla cha, Hatak ilvppak osh ik aiashá, chim achikma, chi hofahyvt aiasha ik a lauwo kak o ish a binila hinla hoke.

10. Amba chim annoakmvt ivt, aiasha ik a lauwo kak o ish a binili tuk o, na chim anoli tuk ash ot vlakmvt, A kana hvt chaha i shahli kak o pit oiyá, chim acha hinla hoke: yohmikma chibai impvt maya yvmma ish ai i holitopa he mak oke.

11. Kvna hosh ilefehnvchi hokvto aka ona he; anonti kvna hosh ik ile fehnacho hokvto holitopa hi oke.

12. Yohmi mvt ilapa hoyo tuk ash kia, Tvbokoli impa yokmá, keyukmvt opiaka impa yokmá, nana ho ish ikbi kv̄t, chī kana vhleha, micha ish itibapishi vhleha, mikmvt chī kanomi vhleha, chin chuka pañta hatak nan in laua puta kia chik hoyo kashke; yvmmak keyukma, ilapo mvt chishno a chi hoyā hinla hoke: yohmikma nana ho, ish yvmihchi tuk a ai itilauit chim vlhtoba hi oke.

13. Amba impa chito ish ikbikmvt, ilbvsha, imomokpulo, kinafa, lpa aiena kak o ish hoyashke.

14. Yohmikmak osh na chi yukpa hi oke: yvmmak okvto chishno ma afalaminchit ai itilauechit chī yvmihcha he keyu hoka: hatak vlhpesa illi puta kv̄t tanik mak o yvmmak atuk a falamvt pit ai itilauit chim vlhtoba hi oke, im achi tok.

15. Mihma ai ibai impvt maya tuk ash o achvvt ilvppa puta ka haklo mvt, Chihowa apelihchika ya puska ai vpa kak osh mihi hosh na yukpa hi oke, im achi tok.

16. Mihma yvmmak ash o, Hatak achvfa hosh opiaka impa chito fehna ka ikbi cha, lauvt aya chī ka, im anoli tok.

17. Atuk ash opiaka impa ont ai vlhpesa ma, im annoa

tuk vhleha hash, Himak ano nana moma kv̄t v̄lhtahvshke, ho mintí, im acha chí h̄o, in tishu h̄a chvffichi tok.

18. Mihma moyumvt im anukfila achvfa ohmit taha mvt, okla nan isht ile mihachit isht ia tok. Ummona kv̄t, Osapa iskitini ȳo chumpa li tuk osh, yv̄mma pisvt ia la he v̄lhpesa hoke; vno yokvno ik aȳo mak kia ba is sv̄m ahna hi a chim asilhha lishke, im achi tok.

19. Mihma inla mvt, Vno vt wak toksvli ȳo k tahlapi h̄o, chumpa li tuk osh, iv̄t kaniohmi hatuk okma pisa la chí hatuk oka, vno yokvno ik aȳo mak kia ba is sv̄m ahna hi a chim asilhha lishke, achi tok.

20. Mihma anonti inla hosh, Vno vt ohoyo itauwaya li; yohmi hatuk osh aya la he keyushke, achi tok.

21. Yvmohmi ma tishu yv̄mmak ash ot v̄la cha, i shahli h̄a ilv̄ppa puta kash ant im anoli tok. Mihma chuka yv̄mma pehlichí ash ot im okpulo mvt, in tishu hash, Tushpvt kohchvt iv̄t tv̄maha itin takla hina hochito, chí-punta aiena ka aȳvt, ilbv̄sha, micha imomokpulo, mikmvt kinafa, micha l̄vpa aiena ka pehlichit ilv̄ppa isht ish lashke, im achi tok.

22. Atuk o tishu hashot, Chitokaka ma! chishno nana ish ai apesa tuk ano, ont aiahlit taha akinli kia, aiasha vt āsha momvshke, achi tok.

23. Mihma i shahli ash ot tishu hash, Kohchvt iv̄t, haia-ka hina bv̄shkv̄chi, mikmvt kv̄ti holihta anukaka aiena puta ka aȳvt, ilv̄ppa v̄la chí ka, ish atushpalechi na an chuka vt alota mak inlashke,

24. Im annoa tuk vhleha hatuk yv̄mmak amo achvfa kia vm opiaka impa ya iskitinosi kia ai v̄pa he keyu mak oke, hv̄rchim achi lishke, im achi tok, im achi tok oke.

25. Atuk o okla lava fehna hosh apehvt aya ma, yv̄mmak ash ot filema cha;

26. Kv̄na hosh aȳvt vm v̄la kv̄t, iki, micha ishki, mikmvt tekchi, mikmvt im v̄lla, anonti ilap itibapishi, mikmvt in tek vhleha aiena, mikmvt im ilhfiopak akinli aiena kak kia, i nukkilli keyu hokvto, nan vm ai ithvna a he keyushke.

27. Micha kva hosh im iti-taiyukhena ya shoyuli cha, siakaiya keyu hokvto, nan vm ai ithvna a he keyushke.

28. Hvsh katima kak osh chuka chaha ikba he ahni kv, vmmona ka aka binilit, Tahli la hinlakmá, nanta cho? ahnit ai-vlhtoba he ma hotinvt ik peso ka hinla cho?

29. Yvmmak atuk keyukmvt nutaka in tola ya bohli ha yosh, anonti atahla he keyukma, yvmmak atuk ash pisa kv momvt isht itukhlakafvt,

30. Hatak ilvppvt itvbvnnit isht ia tuk ak osh, atahla he keyu ke tuk, acha hinla hoke.

31. Yvmmak keyukmvt miko nanta ak osh miko inla yo it in tanampa chi kv, vmmona ka aka binilit, ilapvt tahlepa sipokni pokoli ishi kv, tahlepa sipokni pokoli tuklo pehlich i hosh i kohcha ka, amokvfa he vlhpesakmá, nana kv anukfillit ik peso ka hinla cho?

32. Yvmmak keyukmvt, achvfa yash ot hopaki pilla auet takanli moma kak inli ho itin nanaiya ka ahnit, anumpa shali a pit chvfficha hinla hoke.

33. Yohmi ka yvmmak o chiyuhmit, hvchishno vt hvsh moma kv nana ho hvchim asha tuk vt mominchit hvsh issa keyukmvt, nan vm ai ithvna hvchia ha he keyu hoke.

34. Hvpi vt achukma hoke: yohmi kia hvpi hash ot homi tuk vt i kvniakmvt, katiohmi kak osh anonti homa hinla cho?

35. Yvmvt yakni, micha nan i yvlhki yakni isht achukmvi aiena kak kia isht ai im vlhpesa he keyu; amba hatak vt kocha pit kanchi chatuk oke. Kva hosh isht haponakla he haksobish vt i hinlikmvt, haklashke, im achi tok.

CHAPTA XV.

Chukvllhpoba kvnia nan isht vlhpisa, 1; 8 mikmvt tvli hvta tushafa kvnia nan-isht-vlhpisa aiena. 11 Hatak himita ik hoyoyukso nan isht vlhpisa.

1. YUMMA foka ma pvblikan vhleha, micha nan-ashvchi okla aiena kv i haponakla chi kv, momvt auet a kanvlli tok.

2. Yohmi ma Falisi vhleha hv̄t micha na-holissochi vhleha aiena kash ot lumasi na-mihachit, Hatak ilv̄p̄p̄t nan-ashv̄chi vhleha hv̄t ilapa ai ibafohka ch̄i ka ahninchit, it ibai impa yoke, achi tok.

3. Mihma yvm̄mak ash ot nan-isht-vlh̄p̄isa ilv̄ppa isht im anumpuli m̄vt,

4. Hatak hv̄sh katima kak osh chukf̄vlhp̄oba tahlepa achv̄f̄t im āsha tuk osh, achv̄f̄t ī kv̄nia hokm̄vt, pokoli chakkali a kocha chakkali kash ot yakni haiaka yā maya na iss̄vt, kv̄nia tuk yvm̄mak ash ō hoyot hikik̄vt ahayuchik mak a hinla keyu?

5. Atuk osh ahayuchikm̄vt, na yukp̄t isht iab̄n̄ali;

6. Atuk osh in chuka yash v̄la m̄vt, ī kana vhleha, micha in chuka panta hatak puta ka hoyot itahobi cha, An chukf̄vlhp̄oba yvt kv̄nia tuk ash ahayuchi li hoka, na hv̄s sv̄bai yukpashke, im achi hoke.

7. Yohmi ka yvm̄mak inli h̄o chohmit, Nan-ashv̄chi achv̄fa hosh ile kostininchikma, v̄ba yā na yukpa āsha kv̄t hatak vlhp̄esa pokoli chakkali akocha chakkali kv̄t nan ile kostininch̄i yvt ai im ahalaiya he keyu, yvm̄mak oka ī shahla hi oke, hv̄chim achi lishke.

8. Yvm̄mak keyukm̄vt ohoyo nanta hak osh tv̄li hv̄ta tushahli pokoli kv̄t im āsha tuk osh, tushafa achv̄f̄t ī kv̄ni-akm̄vt, p̄ula hā p̄ulali cha, aboha yā bv̄shpolit achukmalit hoyot hikik̄vt ahayuchik mak ahinla keyu?

9. Atuk osh ahayuchikm̄vt, ī kana puta, micha in chuka panta āsha tuk aiena kash hoyot itahobi cha, Tv̄li hv̄ta tushafa ā kv̄nia tuk ash ot ahayuchi li hoka, na hv̄s sv̄b ai yukpashke, achi hoke.

10. Yohmi ka nan-ashv̄chi achv̄f̄t ile kostininchikma, Chihowa im enchil vhleha aiasha ka na yukpa kv̄t yvm̄ma akinli h̄o chiyuhmi chatuk oke, hv̄chim achi lishke, achi tok.

11. Mihm̄vt, Hatak achv̄fa hosh ushi vt in tuklo tok.

12. Atuk ō nakfish ash ot īki a, Aki ma! nana kv̄t v̄m̄mi ha he tuk ash is sv̄mashke, im achi tok. Mihma nan isht ai okchaya yash ō im it a kashv̄bli tok.

13. Mihma yummak atuk a nitak kanohmi keyu ho, ushi nakfish ash osh mominchit itahobit taiyahli cha, ivt yakni hopaki fehna ho ona cha, nan isht aya tuk puta kash yummak o isht a yopomot ahantvt kampilvt taiyahli tok.

14. Yohmit mominchit kampilvt tahli ma, yakni yumma hohchvfo chinto fehna kvv a kohcha tok; mihma yummak ash ot nana kvv ik im iksho kit isht ia tok.

15. Mihmvt yakni yumma hatak ont iba fohka tok; atuk o yummak osh shukha laua ipeta beka chi ka im osapa puta ka pit chvffichi tok.

16. Atuk o yummak ash ot shukha laua yvt nanvni ai vpa beka tok yummak o vpvv kaiya bunna beka tok: yohmi kia kvna kia yumma ik ipeto beka tok.

17. Atuk o yummak ash ot ont il akostininchi mvt, Aki im ilhtohno vhleha hvv laua kvv katiohmi hosh pvvka yvt laua kvv im vlvhesakma, anonti atampa mvt asha chatuk ak o, vno ilvppa a hohchvfvot svlli cho?

18. Wakayvt ivt, aki im ona lish, Aki ma! Chihowa im ashvchit, mikmvt chi tikba ya a sai yoshuba tuk.

19. Yohmi kvv himak a pilla ma, chiso sa hohchifa he si ahoba keyushke; chim ilhtohno vhleha achvfa kak o is si ai itilauechashke, im achi lashke, achi tok.

20. Mihmvt wakaya cha, iki a im ia tok; atuk osh auet hopaki pilla minti kak inli ho, iki ash osh pit pisa mvt, i nukhaklo cha, chvfvv ivt, yummak ash ikunla ont vbvnaiyvt i suksowa tok.

21. Mihma ushi ash ot, Aki ma! Chihowa im ashvchit, mikmvt chi tikba ya a sai yoshohumba tuk; yohmi kvv himak a pilla ma chiso sa hohchifa he si ahoba keyushke, im achi tok.

22. Yohmi kia iki ash ot im ilhtohno vhleha hash, Nafohka holitopa moma i shahli kak o ishit kohchit ant ho fohkvchi cha, ibbak ma ibbak-ushi-fohka ant fohkit, iyi ma shulush hvsh holochashke;

23. Micha wak ushi ilhpitvt nia ya ilvppa isht vlvv, oh vbi na impvt na-yukpvv kiloh aiashá;

24. Svso ilvppvt illi tuk osh, falamvt okchaya hoke;

kunia tuk osh haiaka hoke. Mihma na yukpvt okla aiasha tok.

25. Yohmi ka ushi akni hvto osapa anta tok: atuk osh minti cha, chuka yash bilikasi vla mvt, vhlepa ola, micha hihla aiena ka pit haklo tok.

26. Mihmvt ilhtohno vhleha hash achvfalit pit i howa cha, Katiohmi hosh yakohmi cho? achit i ponaklo tok.

27. Mihma yvmmak ash ot, Chi nakfish ak osh vla hosh achukmakvt ayvt vla ho, chiki vt pisa kak osh wakushi ilhpitvt nia ya vbi hatuk oke, im achi tok.

28. Mihma yvmmak ash ot hvshaya cha, ont chukowa ik bunno ki tok: yohmi hatuk o iki ash ot kohevvt ivt, ont i howa tok.

29. Mihma afalaminchi mvt, iki ash o, Inta! afvmmi kanohmi ilvppa chi yuka chiyuhmit isht chim ahanta li mvt, chim anumpa ma himonna kia ak kobvffoshke; yohmi kia a kana vhleha ai isht it ibai yukpa la chi ka, isi kosomushi kia chik samo chatuk,

30. Amba chiso ilvppvt haui puta ai iba fohkvt ayvt, nan isht ish ai okchaya he tuk ash isht yopomot tahli cha vla ma, mih makinli ho wak ushi ilhpitvt nia ya ish im vbishke, im achi tok.

31. Mihma yvmmak ash ot, Svso ma! nitak moma ka si awant ish ahantvshke, yohmi kvv nan okluha vm asha kvv chimmi hoke.

32. Chi nakfish ilvppak okvt illi tuk osh, anonti falamvt okchaya; micha kunia tuk osh haiaka hoka, impa ikbit na yukpvt il aiasha he vlhpesa hatuk oke, im achi tok oke; achi tok.

CHAPTA XVI.

Nan-apesvchi ik aiahlo nan-isht-vlhvisa, 1; 14 Chisvs vt Falisi vhleha hvv ilap a okla ishit yopula ma, nana ka peh ilahobi vhleha hatuk a nan isht i miha. 19 Hatak nan in laua, micha Lasalvs ita tuklo nan-isht-vlhvisa.

1. MIHMUT yvmmak ash ot nan im ai ithvna vhleha h₂, Hatak nan in laua achvfa hosh nan-apesvchi vt im anta tok: atuk o yvmmak ash ot nana immi puta kash isht i yo-pomot tahl₁ h₂, im annoa cha haklo tok.

2. Mihmut yvmmak ash o i howa cha, Katiohmi h₂ ilvppa isht a chi haklo li cho? nan ish apesvchi yatuk vt achukmalit ish ai il anolashke: himak a pilla ma nan apesvchi chia ha ch₁ keyu hoke, im achi tok.

3. Yohmi ma nan apesvchi yash osh, Nanta hak o katiohmi la ch₁ cho? a shahli hv₁t nan ai apesvchi li ash si a kohchichikma, okchahli la he keyukmut, nan asilhha ma sa hofahyvshke.

4. Nan ai apesvchi li ash sa kohchichikma, in chuka yokvno chukowa la hi a okla vm ahna ch₁ ka, nana h₂ katiohmi la ch₁ kvto ithaiyana lishke, achi tok.

5. Mihmut i shahli h₂ aheka im asha tuk vhleha hash mominchit hoyo mv₁t, Ummona ka a shahli h₂ aheka katiohmi h₂ ish in takanli cho? im achi tok.

6. Mihmut yvmmak ash ot, Na-bila vlhpisa tahlepa achvfa, achi tok. Mihma, Chim aheka holisso h₂ ishi cha, tushpvt aka binilit, pokoli tahlapi h₂ takalich₁, im achi tok.

7. Mihma anonti inla h₂, Mikma chishno vto katiohmi hosh aheka yvt chim asha cho? im achi tok. Mihma, Onush vlhpisa tahlepa achvfa, achi tok. Mihma yvmmak ash o, Chim aheka holisso h₂ ishi cha, pokoli untuchina h₂ takalich₁, im achi tok.

8. Yohmi ma nan-apesvchi nan ik ai vlhpeso ash ot kostini fehnvt yvmohmi hatuk o, i shahli hv₁t im ai okpahanchi tok: yakni ilvppa im vlla vhleha hv₁t ilap bika nan it im a katiohmit hopoyuksa kv₁t, a nitaki im vlla vhleha h₂ i shahli hoke.

9. Yohmi ka, Nan-ai-vlhpesa keyu m a m m o n a hvch₁ kana vhleha ha hi a isht hvsh ikbashke, hvchim achi lishke: yohmi tukma ont hvch ai illikma, ai vtta bilia ya ik chukowá, hvchim aiahna hi oke.

10. Kvna hosh nana kv₁t moma ik a lauwo h₂ aiahli achukma yatuk mv₁t, nana kv₁t ik aiaka kia aiahli achukma

akinli chatuk; yohmikma kvna hosh nana kv̄t moma ik a lauwo h̄o aiahli achukma atuk keyukmvt, nana kv̄t ik aiaka kia, aiahli achukma chatuk keyu akinli hoke.

11. Yohmi ka nan-ai-vlhpesa keyu mammon a isht a hvch ik aiahlo ke tuk ma, kv̄ta hak osh na holitopa ahli ya hvsh apesvcha hi a hvchi tohna hinla cho?

12. Micha inla yo nana kv̄t immi hatuk a isht hvch ik aiahlo ke tuk mvno, kv̄ta hosh nana kv̄t chimmi fehna ya chima hi o?

13. Tishu yuka nana kia i shahli tuklochit im antia he keyushke; achvfalit i nukkilli cha, achvfa kamo holitobla hinla; keyukmvt achvfalit halanli cha, anonti achvfa kamo a haksicha hinla hoke. Chihowa, micha mammon it aieninchit hvsh im antia he keyushke, im achi tok.

14. Mihma Falisi vt tvli holisso anuksitia fehna vhleha hatuk osh, ilvppa puta ka haiyaklo mvt, isht ik imi ahno ki tok.

15. Mihma yvmmak ash o, Hvchishno ak osh hatak itikba ya ai il achukmvi hvchia mak oke: yohmi kia Chihowa hv̄t hvchi chukvsh puta ka ithaiyanvshke: nana kv̄t hatak a im a holitopa fehnakma, Chihowa hv̄t ai i nukkilli mak oke.

16. Nan-vlhpisa, micha hopaii vhleha i holisso aiena kv̄t aiashtv̄t mihinti tuk o Chan vt vla tok: yvmmak a tok takla kvno Chihowa apelihika yak osh anuhumpa na hatak puta kv̄t yichinv̄t pit vlbihhvshke.

17. Micha vba shutik, mikmvt yakni aiena hokvto ont ik ahobot ik ai iksho ka hinla kv̄t, nan-vlhpisa iskitinosi kv̄t moma ik lauwo hosh ont ik ai iksho ka hi a ik lauwo ka hi oke.

18. Kvna hosh tekchi a kanchi cha, inla itauwayakmvt, haui toba hoke; mikma kvna hosh i hatak vt kanchi tok o itauwaya hokmvt, haui toba hoke, im achi tok.

19. Hatak nan in laua achvfa hosh na-fohka hummakbi h̄o anonti linen lapushki aiena h̄o foyuka mvt, nitak moma nan-vpa in chitot nan isht ilaiyukpa hosh anta tok.

20. Yvmohmi ma hatak ilbvsha yosh Lasalvs bohchifo

hosh liahpo bieka ho, yvmma i holihta okhíssa ya ont bohyuli na ituyula tok.

21. Yohmi kv̄t hatak nan in laua im ai-imp̄a yō boshulli vt a chilofa kak o habenvt v̄pa ka aiahni ha tok; yohmi ma ofi puta nana kia ai v̄lv̄t liahpo a i holahakshi tok.

22. Atuk ash o yakohmi tok: hatak ilbvsha yash ot illi ma, enchil v̄hleha hosh ant isht ivt, Eblaham shakba pohloma ka ont fohki tok. Mihma hatak nan in laua yash kia illi cha, hollopi tok.

23. Atuk osh yvmmak ash osh aiokpuloka ya ont ai issikkopa cha, v̄ba chakali mvt, Eblaham vt hopaki pilla ka auet āsha ma, Lasalvs vt shakba pohloma ka foka na pisa tok.

24. Mihmvt tahpahanlv̄t, Aki Eblaham ma! auet a nuk-haklot Lasalvs a auet chvffichi na ibbak-ushi wishakchi a oka kapvssa ik oka hilechi cha, sasunlv̄sh a ant ik kapvsvllí: a libbi ilvppa v̄m a palvmmi kv̄t atampa fehnvshke, achi tok.

25. Yohmi kia Eblaham ash ot, Svso ma! chi okchaya taklv̄t ish ahanta kv̄t, na hochukma puta ka ish pihisa tok: yohmi ma Lasalvs ak kia nana kv̄t a palvmmi puta ka pihisa tuk a, ish ithaiyanashke: yohmi tuk kia yvmmak ash ot himak okvno hopohlvt na yukpa ma, anonti chishno vto chim a palvmmi fehnvshke.

26. Micha ilvppak osh ai v̄hli keyu; a hvp itin takla ya kolukbi chito fehna hosh bachaya hoke: yohmi hatuk o ilvppa ai asht ia kv̄t tanv̄blit yvmma a chim ona he tuk mak osh, na kanihma he keyu; yohmikma anonti yvmma asht minti kv̄t hlopulli cha pim v̄la he keyu akinli hoke, achi tok.

27. Yohmi ma yvmmak ash ot, Yohmi hoka aki ma! yvmmak oka aki in chuka ya pit ish chvfficha he mak o chim asilhha lishke.

28. Yohmi ka itibapishi li hv̄t tahlapit āsha hoka, atokowa ka ont ai im anoli na ai issikkopa ilvppa yvmmakmvt ai v̄la yoba ná, achi tok.

29. Eblaham ash ot, Moses micha hopaii puta im anumpa

hvt in tonla hokvt, yummak o okla i haponaklashke, im achi tok.

30. Yohmi ma yummak ash ot, Ahā! āki Eblaham ma! illi atuk ak osh achvvt ayvt im ona hokmvno, okla ile kostinicha hinla hoke, achi tok.

31. Mihma yummak ash ot, Moses, micha hopaii puta im anumpa hā haklo keyukmvt, illi tuk osh achvvt tani mak o, yimma hi vt anukfoyuka he keyu hoke, im achi tok.

CHAPTA XVII.

Chisvs vt nan im ai ithvna vhleha hvt ahah! ahni cha, inla ya ik yoshublecho ka he, 1, 3 micha ilap bika yvt nana ka it i kashofa he aiena ka i miha: 6 na yimmi aiahlika yokvt na fehna ka anoli: micha Chihowa hā holitobli kv̄t nana hō ik yvmohmi kia im anukfila mvt akanlosi bieka hi a, i miha; 11 leplosi vbi a hatak pokoli hō hlakofichi; 20 Chihowa apelihchika yvt hatak chukvsh anuka-ka ak o fohka: micha kv̄na hosh yummak oka nan isht ik ahno tuk okvto momvt ont ai okpulokvt taha pulla hi a, anoli.

1. YOHMI mvt nan im ai ithvna vhleha hash o ik kanihmi hoh kia nana isht ai ibetvbli okvt iksho ka chī keyu pulla hoke; yohmi kia kv̄na hō yummvt isht a tobakma, mihi yosh nan i palvmmi mak oke.

2. Chipunta ilvppa achvfona ka ibetvblichi hokmvt, ilap ak o ikunla ya tvli chito na botoli ak osh a takanli hō, okhvta hā pit okvchi kak o, vlvpesa kv̄t im i shahli hoke.

3. Ahah! hvsh il aiahnashke. Ish itibapishi hvt chī yoshuba hokma, im alvmmi nana ish i mihashke: yohmi na yummak ash ot nukhaklot ile kostinichi hokma, kashofit ish i kanchashke.

4. Micha nitak achvfa ka untuklo ha chī yoshuba cha, anonti nitak achvfa ka untuklo ha yō filemvt, Sa nukhakloshke, achi hokma, ish i kashofa he mak oke.

5. Mihma vbanumpeshi vhleha hash ot Chitokaka yash, Na pi yimmi ka i shahlichit ish pi nukfohkashke, im achi tok.

6. Mihma Chitokaka yash osh, Na hvchi yimmi kv̄t mvstvt nihi achvfa ka chohmi hosh hvchi anukfoka hok-

mvt, bihi vpi ilvppa hakshish fehna ai isht alobáfvť okhvta hak o ont ish a holokchashke, hvsh im achikma, hvchim antia hinla hoke.

7. Yohmi ka hvsh katima kak osh yuka hvť im anta tuk vť yakni patvffi hokmá, keyukmvt wak ipeta hokmá, nana hosh anta tuk osh osapa mintit vla makinli hō, Ivt ont binili cha, impá, im acha hinla?

8. Amba yvmmak o keyukmvt; Nana hō opiaka impa la chi ka atahli cha, il ai-vskofvchit chin taha cha, nan isht is sv̄m anta na impvť nan ishko aienvť issa li ha yō, himmak o impvť nan ish ishkashke, im acha hinla keyu?

9. Micha yuka yvmmak ash ot nan ai im vľhpisa atuk ash ot yvmihchi ma, yak oke! im ahni hō? keyu ka, vm aho-bvshke.

10. Yohmi hoka yvmma chiyuhmit hvchishno mvt, nana kvť a hvchim vľhpisa tuk vť mominchit ont hvsh ataiyahlikmvt, Nana hō isht ai yukpa hi o keyu tishu pia: nana ka isht il ai vťta hi a pim vľhpesa tuk mak osh e yvmihchishke, hvsh achi makinlashke, achi tok.

11. Atuk o yakohmi tok: yvmmak ash ot Chelusalem ia hosh aya mvt, Samalia micha Kalili aiena ka iklvna hlo-pullit ia tok.

12. Micha tvmahushi achvfa hō ont chukowak fehna, hatak pokoli kvť leplosi vbi yosh ant afama cha, mishemanchit auct hiel tok.

13. Mihmvt chitoli hosh okla anumpulit, Chisvs pi shahli ma! ish pi nukhaklashke, achi tok.

14. Mihma yvmmak ash ot pit pisa mvt, Oh ia cha, naholitompa isht asha vľleha hak o ont hvsh im ile haiakvchashke, im achi tok. Atuk o yakohmi tok: ilhkoli hosh asht aya mvt, okla hlakofi tok.

15. Mihma yvmmak ash ot achvfvť hlakofi kvť ile pisa mvt, falama cha, chitoli hosh anumpulit, Chihowa ha holi-toblichí tok.

16. Mihmvt yvmmak ash iyi ituma yak o hlipia cha, yak oke! ahnit aiokpvchi tok: yohmi kvť yvmvť Samalatan hatak a tok.

17. Yohmi ma Chisvs ash ot anumpuli mvt, Pokoli hosh hlakofi tuk keyu? amba chakkali mvtto?

18. Falamvt Chihowa ha holitoblichit aya kut iiksho ho, amba oklushi inla hatak ilvppak illvshke, achi tok.

19. Mihmvt yvmmak ash o, Ish wakaya cha, ish iashke; a chi yimmika yak osh chi hlakofichi hoke, im achi tok.

20. Yvmohmi ma Falisi vhleha hvt Chihowa apehlichika yvt, Katiohmi kak o aya hi o? ahnit i ponaklo ma, afalaminchi mvt, Chihowa apehlichika yvt ai im akostininchi ho aya he keyu.

21. Micha Yakeh! ilvppak oke: keyukmvt, Yakeh! yvmmak oke; achi kak okmá, kanimampa he keyu hoke. Chihowa apehlichika yvt hvchi chukvsh anukaka foyuka hoka, achi tok.

22. Yohmi mvt nan im ai ithvna vhleha hash o, Hatak Ushi i nitak o achvfalichit pisa ka hvchi bvna fehna kia, hvch ik peso ka hi a nitak vt ai ona pulla hi oke.

23. Yohmi ka Yakeh! ilvppak oke; keyukmvt, Yakeh! yvmmak oke; hvchim achikmá, nana hi oke. Yohmikma ivt hvch ik im onokmvt, hvch ik iakaiyo kashke.

24. Malvtha kvv shutik nutaka kanima ho a malvthakachit kohchakmvt, shutik nutaka bakapa tennvp ma pit on tommi chatuk a, Hatak Ushi i nitak vt ont ai vllhpiesakma, yvmmak inli ho chiyuhma hi oke.

25. Yohmi kia ik a yvmohmo kisha ka, isht ai issikkopa mvt in laua he; mikma hatak himonasi asha ilvppvvt ik i yimmot ik ahnincho ka hi mak oke.

26. Mikma Hatak Ushi i nitak mvt, Noah vt ahanta nitak a a kaniohmi tok mak o, a chiyuhmi makinla hi oke.

27. Okla impvt, okla nan ishkot, ohoyo okla itauwayvt, okla itauwaya hi vt im vllhpovvchit aiasha tuk o, Noah vt peni chito a pit chukowa nitak fehna ma, oka falama vt aya cha, mominchit vbit taiyahli tok.

28. Lat ahanta nitak a a kaniohmi tok mvt, okla impvt, okla nan ishkot, okla na chumpvt, okla na kanchit, okla na hokehit, chuka okla ikbi aienvt aiasha tok.

29. Yohmi tuk kia Lat vt Sotom a a kohchvt ia nitak

fehna ma, luak, micha hituk lakna aiena kv̄t v̄ba ȳa auet ai umba cha, mominchit v̄bit taiyahli tok.

30. Yakohmi tok ā chiyuhmit Hatak Ushi vt ont haiaka nitak fehnakma, yvmohma he akinli hoke.

31. Nitak yv̄mma fehnakma kv̄na hosh aboha paknaka anta na im v̄lhpoyak vt aboha anȳka āsha tuk ma, akow̄vt apoyv̄t isht ik aiyo kashke; yohmikma anonti kv̄na hosh osapa anta tukm̄vt, falam̄vt ik aiyo akinlashke.

32. Lat tekchi a tok ā hv̄sh ithaiyanashke.

33. Kv̄na hosh ilap im ilhfiopak okchalinchī b̄v̄na hokv̄to, kaiyancha he; mikma kv̄na hosh im ilhfiopak ā ik ī hullo hokm̄vt, okchalinchā hi oke.

34. Ninak yv̄mma fehnakma topa achv̄fa ka hatak tuklot k̄aha tuk ma, achv̄fa ka ai eshi na achv̄fa hosh itonla he.

35. Ohoyo tuklo hosh nan it iba botoli hosh āshwa tuk ma, achv̄fa kash ō ai eshi na achv̄fa hosh anta he.

36. Hatak tuklo hosh osapa ȳa āshwa tuk ma, achv̄fa kash ō ai eshi na achv̄fa hosh anta hi oka, hv̄ch im anoli lishke, im achi tok.

37. Mihma okla afalaminchī m̄vt, Chitokaka ma! katima yak ō? im achi tok. Mihma yv̄mmak ash ot, Kanimā ȳo illi haknīp vt ituyulakma mihi ȳo ossi puta m̄vt ont ai itahoba hi mak oke, im achi tok.

CHAPTA XVIII.

Nan apesa ai āhlichī keyu, micha ohoyo ī hatak illi nan asilhha achunanchi aiena nan isht v̄lhpisa, 1; 9 Falisi, micha p̄v̄blikan ita tuklo nan isht v̄lhpisa. 15 Chis̄vs vt v̄lla chipunta ȳa holitoblit ishit sholi. 18 Chis̄vs vt hatak p̄hlichī himita nan in laua ȳo Klaist okm̄ā, nan laua im āsha kak okm̄ā, nanta kak osh holitopa kv̄t im ī shahli chishba? ahnit imomaka pisa. 31 Chis̄vs vt ilap̄vt ititaiyukhv̄na ahonv̄hl̄vt illa he, atukm̄vt nitak ont isht atuchinakma falam̄vt tana he, anonti tikbanli anoli.

1. MIHM̄VT yv̄mmak ash ō, Hatak vt v̄ba pit anum-pohonli kv̄t bilia cha, ik in takobo ka he tuk ā, nan isht v̄lhpisa h̄o isht anumpulit achi m̄vt,

2. Tumaha ho nan apesa vt ahanta kv̄t, Chihowa ya i nukshompa keyukmvt, anonti hatak ma nan isht ik im ahobbo ya tok.

3. Yohmi ma tumaha yv̄mma ohoyo i hatak illi yosh anta tok; atuk osh yv̄mmak ash o im ai v̄la cha, Nan v̄lhpisa si onochi tuk a nan ahl̄i achukma ka isht is sv̄m ai apesashke, achi tok.

4. Yohmi ma yakosi takla kv̄no yv̄mihcha he ik ahno ke tuk osh, amba himmak o nan il anukfilli kv̄t, Chihowa ya i nukshompa li keyu mvt, anonti hatak ma nan isht v̄m ahomba keyu hatuk nana kia,

5. Ohoyo i hatak illi ilv̄ppvt si ataklaiyami hoka, nan ahl̄i achukma ka isht ai im apesa lashke; yv̄mmak keyukma, mihinti bekakmvt, an takobicha hinlv̄shke, achi tok.

6. Mihma Chitokaka yash ot, Nan apesa ai v̄lhpesa keyu vt nana achi tuk a, ho haiyakl̄o.

7. Yohmi ka Chihowa hv̄t ilap osh ai atokoli tok mak o nitak, micha ninak aiena ka pit in tahpahanla ka, im ile sv̄laha tuk mak osh, nan ai ahl̄i achukma ka ik im apeso ka hinla cho?

8. Chekosi makinli ho nan ai ahl̄i achukma ka isht ai im apesa hi oka, hv̄chim achi lishke. Yohmi kia amba Hatak Ushi vt ayakmvt̄o, yakni paknaka ya na yimmi kv̄t asha na pisa hi oh cho? achi tok.

9. Mihmvt kanimi kv̄t ile yimmit, ilap ak osh ai v̄lhpesa mak o im ahobvt, inla asha kv̄no ik ahobalo v̄hleha hatuk ash nan-isht-v̄lhpisa ilv̄ppa isht im anumpuli mvt,

10. Hatak tuklo kv̄t v̄ba pit anumpula ch̄i hosh tempel a pit chukowvt okla tok: achv̄fa kak osh Falisi okma, achv̄fa kv̄to pv̄blikan a tok.

11. Falisi ash osh hikia cha, v̄ba pit isht il anumpuli mvt, Chihowa ma! hatak inl̄a asha na-wehli; nan ik ai v̄lhpieso; haui puta; mikmvt pv̄blikan ilv̄ppak kia ak chohmo kv̄t, yak oke! pit chim aiahni lishke.

12. Nitak hullo achv̄fakma hitukla na hullochi likmvt, nan v̄m asha puta kv̄t ont isht pokoli kv̄t a kv̄nihiyv̄shke, achi tok.

13. Yohmi ma p**u**blikan ash ot auet mishema yak inli h**o** hiki**vt**, i holhponayo ak kia vba chakalinchi keyu hosh, pe**h** ikkishi ak o**o** isso m**vt**, Nan ashvchi sia hoka, Chihowa h**vt** is sa nukhaklashke, im achi tok.

14. Yohmi k**vt** hatak ilvpp**vt** nan im aia**h**li achukma k**vt** achvfa yash i shahli hosh in chuka ona tok a h**v**chim anoli lishke: k**v**na hosh ile fehn**v**chikm**vt**, aka ona he; mikma k**v**na hosh ile akanlosichi hokm**vt**, holitopa hi oka, achi tok.

15. Yohmi ma vlo**s**i puta kia, y**u**mmak ash ot potola hinla ka okla ishit im ai v**la** tok: yohmi kia nan im ai ithvna v**h**leha hash ot pisa m**vt**, okla im alv**mm**i tok.

16. Yohmi kia Chis**v**s v**t**o y**u**mmak ash o pit hoyo cha, Ulla chipunta v**t** v**m** ai v**la** hi a h**v**sh ahni cha, h**v**ch ik im alammo kashke; ilvppak o chohmi hosh Chihowa a**p**ehlichika ya aiasha hoke.

17. A**h**li mak o h**v**chim achi lishke; K**v**na hosh vlla iskitini ak o chohmit Chihowa a**p**ehlichika ya aiokp**v**chi h**o** keyukm**vt**, kaniohmi kak osh y**u**mma chukowa he keyu hoke, achi tok.

18. Mihma hatak p**e**hlich**i** achv**vt** i ponaklot, Nan-ithv-nanchi achukma ma! nantak o kati**o**hmi li kak osh ai okchay**vt** bilia yato v**mm**i ha hinla cho? achi tok.

19. Mihma Chis**v**s v**t** y**u**mmak ash o, Na kati**h**mi h**o** vno a achukma is si achi cho? achukma k**vt** iksho h**o**, amba achvfa kak illa, y**u**mm**vt** Chihowa ak oke.

20. Nan vlhpisa, Haui ish toba ná: K**v**na kia ish bi ná: Na chik hukopo kashke; Anumpa ik a**h**lo isht atokolit chik anto kashke; Ch**i**ki, micha chishke aiena ka ish holitoblashke; achi puta ka ish ithanvshke, im achi tok.

21. Mihma y**u**mmak ash ot, vlla sa tomba kash inli hosh ilvppa puta ka holitoblit isht mihinti li tok a ant a himak vshke, achi tok.

22. Mihma Chis**v**s v**t** ilvppa puta ka haklo m**vt**, Yohmi kia nana achvfa h**o** isht chik ai onoshke; nana chim a**s**ha k**vt** mominchit ish kampila cha, ilbrsha ya ishit it a kvshkoachi, yohmik mak osh vba ya chim ilayak v**t** a**s**ha hi oke; micha ant is siakayashke, im achi tok.

23. Mihma yummak ash ot ilvppa haklo mvt, nan in laua fehna hatuk osh, nukhaklo fehna tok.

24. Yohmi ma nukhaklo fehna ho Chisvs vt pisa mvt, Nana in laua vhleha hokvto palvmmi fehna nana ho Chihowa apehlichika ya chukowa he;

25. Kamel vt chofak ushi nishkin a hlopulli ka palvmmi kvv hatak nan in laua yosh Chihowa apehlichika chukowa hokvno ik lauwohke, im achi tok.

26. Mihma yvmma okla haklo mvt, Yohmikma kvta hak osh okchaya hinla cho? achi tok.

27. Mihma yummak ash ot, Hatak okmvno nana kvv ai yvmohma he keyu kia, Chihowa yak okmvno ai yvmohmi hoke, achi tok.

28. Yohmi ma Pita yash ot, Yakeh! Pishno vto mominchit il issa cha, e chiakaiya kvno, achi tok.

29. Mihma yummak ash ot okla hash, Ahli mak o hvchim achi lishke; Hatak vt Chihowa apehlichika pulla hatuk mak o in chuka, iki, ishki, itibapishi vhleha, tekchi, im vlla puta aiena ka a kanima kia issvt aya hokvto,

30. Yakni ilvppak inli ka nana laua kvv yummak atuk a im i shahli tuk mvt, yakni inla mihintikma, ai okchayvt bilia ya ik peso ka hi vt iksho hoke, im achi tok.

31. Yohmi mvt auah-tuklo kash hoyo cha, Inta! Chelusalem ak o iloh ivshke; yohmi ka hopaii vhleha hvv Hatak Ushi ak o holisso ha ishi ai ikbichi tok a puyuta kvv ont ai ahla chi hoke.

32. Yummak oka ishit Chentail okla ibbak fohki na ishit yopulvt, itukhlakavvt hofahyalichit, on tuftua chi:

33. Micha okla fvmmi cha, vba chi hoke; atukma nitak ont a tuchinakma falamvt tana hi oke, im achi tok.

34. Yohmi ma ilvppa puta ka achi kia okla ik akostinincho ki tok: mihma anumpa ilvppvt im a luma na nana kvv anumpa tuk ash kia okla ik ithaiyano ki tok.

35. Atuk o yakohmi tok; yummak ash ot Cheliko bilikasi ka vla ma, hatak lva achvfa kvv hina lapalika yo binilit nan asilhha tok.

36. Atuk osh okla laua vt ont ihiya ka haklo mvt, Katiohmi hosh yakohmi cho? achit a ponaklo tok.

37. Mihma, Chisvs Nasalet ai vtta ak osh aya hatuk a, okla im anoli tok.

38. Mihma yvmmak ash ot tahpvlvt, Chisvs, Lewi Ushi chia hvt is sa nukhaklashke, achi tok.

39. Mihma tikba asht aya tuk ash ot, nukchinta chi ka, i miha tok: yohmi kia yvmmak o isht i shablichy fehnvt tahpvlvt, Lewi Ushi chia hvt is sa nukhaklashke, achi tok.

40. Mihma Chisvs vt hikia mvt, yvmmak ash o isht im vla hinla ka miha tok: atuk osh yvmmak ash ot i bilikasi vla ma, i ponaklot,

41. Nanta hak o a chi katimichi la hi a, ish ahni cho? achi tok. Mihma yvmmak ash ot Chitokaka ma! hoponayo la hi a, achi tok.

42. Mihma Chisvs ash ot, Ish hoponayashke, a chi yimmi yak osh chi okchalinchishke, im achi tok.

43. Yohmi ma yvmmak ash ot ashalika hoponayo cha, yvmmak ash o iakaiya mvt, Chihowa ya holitoblichy tok: mihma okla hvt pisa mvt, Chihowa ya pit aiokpahanchy tok.

CHAPTA XIX.

Sakevs vt vbanumpa anukfohka tok a isht anumpa, 1. 11 Hatak holitompa hosh miko tobtv ia hosh, in tishu vhleha ha tvli holisso ibbak fohki. 25 Chisvs vt issuba haksobish falaia himita yo o minilit aya hosh Chelusalem a ont chukowa; 45 Chisvs vt tempel a ont chukowa cha, nan itatoba vhleha maya tuk a kocha pit tihleli.

1. MIHMA Chisvs vt Cheliko ont chukowvt a hlopullit ia tok.

2. Mihma hatak vt pblikan vhleha pehlichy yosh Sakevs hohchifo kvv, nan in laua hosh anta tok.

3. Atuk osh yvmmak ash ot, Kvta hoh chishba? ahni mvt, Chisvs a pisa bvna tok: atuk ak osh okla a fohopa fehna hatuk o, ik chaho hatuk osh na kanihma he keyu ki tok.

4. Mihmvt yvm-imma ont ia chi hatuk o, pisa chi hosh tikba pit malelit, bihi iti o ont oiya tok:

5. Atuk o Chisvs ash ot yvmmak ash o vla mvt, pit vba chakalit yvmmak ash o pisa cha, Sakevs ma! tushpvt ako-wá; himak nitak a chin chuka ya anta la chi hatuk oke, im achi tok.

6. Mihma yvmmak ash ot tushpvt akowa cha, na yukpa fehna hosh yvmmak ash o ilaelit ilap in chuka isht chukowa tok.

7. Mihma okla hvt pisa mvt, momvt lumasit na mihachit, Hatak nan ashvchi yo kak o ont ibai vtta chi hosh ia tuk, achi tok.

8. Mihma Sakevs ash osh hikia cha, Chitokaka yash, Inta! Chitokaka ma! vm ilayak a iklvnnachit ilvsha ya im issa lishke; yohmi kvv hatak nana kia nanasi ka anumpa isht a holabi hosh im ishi li tuk okmvt, yvmmak atuk a ohmi ushta ho i falamichi lashke, im achi tok.

9. Mihma Chisvs ash ot, Ilvppak kia Eblaham ushi akinli hatuk oka, himak nitak a ai-okchaya yvt chuka ilvppa vlshke.

10. Hatak Ushi vt okpulot taha tok mak o hoyot okehalincha chi hosh aya tok oka, achi tok.

11. Mihma ilvppa puta ka okla haklo ma, achakalinski mvt, Chelusalem a ona he, micha Chihowa apehlichika yvt chekosi otvna hinla ka, okla im ahoba aiena hatuk oka, nanisht-vlhpisa ho isht anumpuli tok.

12. Yohmi hatuk osh, Hatak holitempa achvfa hosh miko ont vlhtoka cha, falamvt aya hi osh yakni hopaki ka ia tok.

13. Mihmvt in tishu pokoli ka hoyo cha, tvli holisso weki pokoli ka ibbak fohki mvt, Nan isht hvsh itatomba tuk o, vla lashke, achi tok.

14. Atuk ak o i yakni achvfa okla hash ot i nukkilli cha, Hatak yvmmak okvno ik pi pehlichí, il ahna he keyu, achit anumpa shali a iakaiyachit pit chvffichi tok.

15. Atuk o yakohmi tok; yvmmak ash ot miko ont vlhtokvt im vlhtaha cha, falamvt vla; yohmi mvt nana isht itatoba kvv hatak achvfa aiyuka kvv kaniohmi ho ahayuehi

tukma, akostinincha hinla kvt, tishu vhleha ilvppa tvli holisso ima tok ash, yvmmvt im annoa cha, im ai vla chi ka, apesa tok.

16. Mihma tikba vla kvt, Chitokaka ma! chin tvli holisso weki achvfa tuk ash osh weki pokoli hō isht il ahayuchi li tuk oke, achi tok.

17. Mihma yvmmak ash o, Vlhpesa, tishu chi achukmvshke; nana kvt ik lauwo fehna kia aiahli chi achukma tuk okvt, tmaha pokoli hō ai i shalhit ish pehlicha chi kvt a chim vhlpiesashke, im achi tok.

18. Mihma atukla kvt vla mvt, Chitokaka ma! chin tvli holisso weki achvfa tuk ash ot weki tahlapi hō isht il ahayuchi li tuk oke, achi tok.

19. Mihma yvmmak ash kia, Chishno mvt, tmaha tahlapi hō ish pehlicha chi kvt a chim vhlpiesashke, im achi tok.

20. Yohmi ma inla yosh vla mvt, Yakeh! Chitokaka ma! chin tvli holisso weki achvfa kash nantapvski yo a bonullit bohli li tuk o, yak itonlvshke.

21. Nana ka chishno ak osh ish bohli tuk keyu kia, ish ishi; yohmikmvt ish hokchi tuk keyu kia ish mo chatuk; hatak palvmmi chia hatuk oka chi sa nukshopa tuk oke, im achi tok.

22. Mihma yvmmak ash o, Tishu haksi chia ka chishno chitih a kohcha kak inli hō nan isht chim apesa la chi hoke. Hatak palvmmi sia nana ka vno yak osh bohli li tuk keyu kia ishi li; mikmvt hokchi li tuk keyu kia vmo li chatuk a, ish ithana;

23. Yohmi ho kak osh na katihmi hō an tvli holisso weki achvfa kash tvli holisso a bohli a chik bohlo ke tuk o, vla li kvt vmmi hash a chelichi hosh ak hoyo cho? im achi tok.

24. Mihmvt bilika hiohmaya kash o, Yvmma tvli holisso weki achvfa kash oh im ishi cha, tvli holisso weki pokoli ha ishi kak o oh imá, im achi tok.

25. Mihma, Chitokaka ma! yvmmak okvto tvli holisso weki pokoli ka ishishke, okla im achi tok.

26. Krna hosh ishi hok mak o ima he; amba ik im iksho

hatuk okvno ishi tuk ash kia, im ai isha hi oka, hvch im achi lishke.

27. Amba a nukkilli vhleha hvt i miko la he tuk a, vhpesa ik ahno ke tuk yvmmak okvno ilvppa isht vla cha, sa tikba ya oh ai vbí, achi tok oke, achi tok.

28. Micha ilvppa yakohmichit anumpuli mvt, tikba hikvt Chelusalem a pit oiyvt ia tok.

29. Atuk o yakohmi tok; Betfachi, micha Betani aiena ka auet bilika nvni^h chaha Alif hohchifo ho vla mvt, nan im ai ithvna ya tuklochit pit tihleli mvt,

30. Ivt tvmahushi hvchi chapaka talaia ka hvsh onashke: yvmma ont hvsh chukowak fehna kvt issuba himita hatak vt ik o minilo kisha yosh talakchit hikia na hvsh pisa chi hoke; yvmma hvsh i hotofi cha, isht hvsh lashke.

31. Mikma haták nana hosh hvchim ponaklot, Nanta katiohmi ho hvsh i hotofi cho? achikma, Chitokaka yak osh bvⁿna hatuk oke; hvsh im achashke, im achi tok.

32. Mihma vlhtoka tuk ash ot itiachi mvt, yvmma nana ai i miha tuk ash yohmi fehna mvhli ho ont pisvt okla tok.

33. Micha issuba himita yash i hotofi hosh ahashwa ma, yvmmt immi atuk ash ot, Nanta katiohmi ho issuba himita ya hvsh i hotofi cho? im achi tok.

34. Mihma, Chitokaka yak osh bvⁿna hatuk oke, achi tok.

35. Mihmt yvmmak ash o Chisvs a isht im ona; yohmi ma issuba himita yash anchi puta ka om pvlli cha, Chisvs a okla o minilichi tok.

36. Micha ia hosh aya ma, hina ya im anchi puta ka okla pvlli tok.

37. Atuk osh yvmmak ash ot ona he Alif nvni^h ha pit okvtanowvt mahaya ma, nan im ai ithvna vhleha okla chito ash ot moyumvt na fehna puta kvt yvmohmi na okla pihisa tuk vt, na yukpvt chitolit tahpvlt, Chihowa ya pit aiokpahanchi tok.

38. Chitokaka i hohchifo ho aya kvt miko yvmmt holi-topvshke; vba ya nanaiya achukmakma, achaha moma i shahli ma Chihowa vt ik a holitopá, achi tok.

39. Mihma Falisi vt okla laua takla asht aya tuk vt kani-

mi kv̄t, Nan ithvn̄nanchi ma! na chim ai ithvna vhleha h̄a im alvmmí, im achi tok.

40. Mihma yvm̄mak ash ot afalam̄nchi mvt, Yakohmi kv̄t ont yokopa hokma, tvli puta kv̄t chekosi fehna tahpv̄lv̄t anumpula hinla hoka, hv̄ch im anoli lishke, im achi tok.

41. Atuk osh bilika ona cha, tv̄maha hash pit pisa cha, isht yaiya mvt,

42. Chishno akinli fehna kv̄t a ch̄i nitak ilv̄ppa fehna kak kia nana isht chi ai yukpa he ai v̄lhpesa ka ish ithaiyana tok okbato; amba himak okv̄no ch̄i holhponayo h̄a ai in lumvt kv̄nia hoke.

43. Chin tv̄nv̄p vhleha hv̄t yakni kullit on talaka holihta kv̄llo ai ikbichit isht chi a folv̄blit a chim oktv̄bli bieka na anuk̄aka ȳa ish foyuka hi a nitak vt chim aya hi oke.

44. Yohmikma a ch̄i nowvt aya he nitak a chik ithaiyano ke tuk oka, chishno, mikmvt chim v̄lla chi anuk̄aka āsha aiena ka yakni ak o ai itilauechit aka chi bohla he; mikmvt tv̄li achv̄fona kia it v̄lantvt kaha hi a, ik chim ahno ka hi oke, achi tok.

45. Mihma tempel a ont chukowa cha, anuk̄aka yvm̄ma nana a kanchi, micha nana a chumpa aiena maya tuk ash kocha pit yuhli mvt,

46. An chuka yvt v̄ba pit ai anumpuli chuka yoke: achi hosh holisso tok okak o, hv̄chishno yokv̄to na hukopa vhleha in chuka ȳo hv̄sh ikbishke, im achi tok.

47. Yohmi mvt nitak moma tempel anuk̄aka ȳa nana im aī abahanchi tok. Yohmi kia na holitompa isht āsha pehlich̄i vhleha, mikmvt na-holissochi puta, micha hatak hochi-toka vhleha aiena kv̄t v̄bi bv̄nnvt aiasha tok.

48. Yohmi kia okla momvt im a haponaklo kv̄t im achukma fehvt aiasha hatuk o, nana a kaniohma hinla kv̄t ik ithaiyano ki tok.

CHAPTA XX.

Kanimi kv̄t, Klaist kaniohmit isht im ai v̄lhpesa hosh yvmohmi hatuk vt atokowa anola ch̄i ka, im ahni hatuk o nan anoli, 1. 9 Pa-kv̄pi a hollokchi isht v̄lh̄pisa. 20 Isk̄vli itv̄nali vt Sesa ak o im

itahoba he ai vllhpesa hatuk a Chisvs vt otrninchí. 27 Chisvs vt hatak illi falamvt tana he ilvppa Satusi okla hā isht it im anumpuli mvt, anumpa hā i kobvffi. 41 Klaist vt a katiohmi kak osh Lewi a ushi okmvt, anonti Lewi a in Chitokaka ya hinla chishba? achit Chisvs vt ponaklo tok.

1. **ATUK** o yakohmi tok: nitak yvmma foka ma tempel anukaka ya okla nana im avrchí, micha vbanumpa isht anumpuli aiena hosh ahanta ma, na-holitompa isht asha pehlichí vhleha, micha na-holissochi vhleha, mikmvt hochi-toka vhleha aiena kv̄t ai it apihvt ant i kohcha tok.

2. Mihmvt im anumpulit, Nan-isht ai vllhpesa nana hō ilvppa puta ka isht ish yakohmichi, micha kv̄na hosh nan isht ai vllhpesa ilvppa ehima tok a ish pim anolashke, achi tok.

3. Mihma yvmmak ash ot afalaminchi mvt, Ūno ak kia nana achvfa ka hvchí ponaklo la chí hoke, mikma is sv̄m anolashke.

4. Chan baptismo vt vba yak o a minti hokmá, keyuk-mvt hatak ak o a minti hokmá, nanta ha tok o? im achi tok.

5. Mihma ilap bika nan it im achit maya mvt, Ūba yak o a minti tok; il achi hokma, Nanta katiohmi hō yvmma hvch ik i yimmo ke tuk oh cho? acha hinla.

6. Amba anonti, Hatak ak o a minti tok; il achi hokma, Chan vt hopaii a tok a okla yimmi hatuk okvt, okla momvt tvli isht pi bola hinla hoke, achi tok.

7. Mihmvt afalaminchit, Kanimampo kak a tok a kil itha-noshke, okla im achi tok.

8. Mihma Chisvs ash ot, vno ak kia nan isht ai vllhpesa nana hō ilvppa puta ka isht yakohmichi li hatuk vt ak hvchim anoloshke, im achi tok.

9. Mihmvt nan-isht vllhpisa ilvppa okla hā isht anumpulit isht ia tok: Hatak achvfa hosh pakvpi a hokehit tahli cha, hatak toksvli vhleha hō i pota cha, yakni hopaki hō nowvt aya na ahchiba tok.

10. Atuk osh a waya ont vllhpesvt taha ma, pakvpi a hollokchi a waya ka okla ipeta chí hō, yvmmak ash ot tishu

ha hatak toksvli vhleha hash pit i chvffichi tok: yohmi tok kia hatak toksvli vhleha hash ot yvmmak ash o boli cha, nana ik im iksho ho kanima pit chvffichi tok.

11. Mihma anonti tishu inla ho pit chvffichi tok; atuk o yvmmak ash kia okla bolit hofahyalichi fehna cha, nana ik im iksho ho kanima pit chvffichi tok.

12. Mihma anonti ont atuchina ma pit chvffichi tok; yohmi ma yvmmak ash kia okla bolit ai okpvninchi cha, kocha pit pila tok.

13. Yohmi ma pakvpi a hollokchi vt immi hatuk ash ot, Nanta ho katiohmi la chi cho? svso a holitopa yak o pit chvffichi lashke; yvmmak okmvo okla pisakmvt, holitobla hinla yoba ka, achi tok.

14. Yohmi tuk kia hatak toksvli vhleha hash ot yvmmak ash o pisa mvt, Ilvppak osh immi ha he mak oke; inta! kiloh vbi, atuk mvt nan im ai vlhtoshowa he tuk vt hvvimmi ha hinla hoke, ilap bika it im achit maya tok.

15. Mihma yvmmak ash o pakvpi a hollokchi a ishit a kohchi cha, okla vbi tok: yohmi kvno pakvpi a hollokchi vt immi hatuk ash ot yvmmak ash o nanta ho katimihcha hinla cho?

16. Yvmmak ash ot ayvt vla cha, hatak toksvli vhleha ilvppak ash vbit tahlirkmvt, pakvpi a hollokchi ash inla yo i pota hi oke, achi tok. Mihma okla haklo mvt, Yohma hi a Chihowa yvt ik ahno kashke, okla achi tok.

17. Mihma okla ha atokolit pisa mvt, Yohmi ka tvli ya chuk-ikbi vhleha hvv shitlema yash o mihi ash inli hosh chukbika nutaka in tola holitopa i shahli ho tobvshke, achi holisso ilvppvt katiohmi hoh cho?

18. Kvna hosh tvli yvma onvtulakmvt, kobahla he; amba yvmmak ash ot kvna ho onvtula hokmvt, litolit kaiyancha hi oke, achi tok.

19. Yohmi ma hvshi kanvlli vlhpisa yvmmak fehna ka na-holitompa isht asha pehlichi vhleha, micha na-holissochi vhleha aiena kvv, yvmvvt nan-isht-vlhpisa ilvppa ilap ak o isht anumpuli hatuk a okla akostininchi hatuk osh, yvmmak ash ishi bvna hokak osh okla hak o i nukshopa tok.

20. Mihmvt okla apesvchi beka ; yohmi mvt hatak vhlpe-sa ilahobi cha, yvmmak ash ilap im anumpa akinli hō ai isht onochi : yohmi hokmak osh yvmmak ash ishit hatak pehli-chi ibbak a ont fohki na nana im apesa hinla ka, na pisa vhleha hā tohno tok.

21. Mihmvt yvmmak ash ot okla i ponaklot, Nan ithv-nanchi ma ! nana kv̄t ai-vlhpiesa hō ish miha, mikmvt ish ithvnanchi, yohmi kv̄t hatak mvt a chim it i shahsholi keyu, amba Chihowa i hina ai ahli mak o ish ithvnanchi chatuk a il ithaiyanvshke.

22. Noshkobo isht chumpa tvli holisso a Sesa yak o ima he ai vlhpesa hokmá, keyukmá, nanta cho ? pit achi tok.

23. Yohmi kia yvmmak ash ot okla nan-ilahobi ka akos-tinichi hatuk osh, Nanta katiohmi hō imomakachit hvs sa pisa cho ?

24. Iskvli a oh a haiakvchí. Kv̄ta hak o holbvt toba hō, mikmvt kv̄ta hō a hohchifo hō ? im achi tok. Mihma afal-aminchi mvt, Sesa yak oke, okla im achi tok.

25. Mihma yvmmak ash ot, Yohmi hoka nana kv̄t Sesa yak o ai immi hokma Sesa yak o hvsh imashke ; mikma nana kv̄t Chihowa yak o ai immi hokmvno Chihowa yak ashke, im achi tok.

26. Yohmi ma okla itikba ya im anumpa hā ai isht onocha he keyu mvt, yvmvt nana miha ka anukhlakancha cha, nana ik acho ki tok.

27. Yohmi ma Satusi vhleha kanimi kv̄t, Illi yvt fala-mvt tana he keyu, achi chatuk osh im ai vla cha, i ponaklot,

28. Nan-ithvnanchi ma ! hatak nana kia itibapishi hv̄t illi kv̄t tekchi vt asha hosh, vlla yvt iksho hō illi hokma, itibapishi hatuk ak osh tēkchi atuk a ilauei cha, itibapishi hatuk a vlla isht im ai ikba hi oka, Moses vt holissochit pī bohli tok.

29. Yohmi tok o itibapishi hv̄t untuklo hosh asha tok : atuk o akni ak osh ohoyo itauawa tuk osh, vlla yvt iksho hō illi tok.

30. Mihma atukla kash ot yvmmak ash ilauei tuk osh, anonti vlla yvt iksho hō illi tok.

31. Yohmi ma ont atuchina kash ot ilauei; yohmi tok o ont isht untuklo kash kia yummak ash inli ho chomit ilauei; yohmi kvt vlla kia iksho ho illi tok.

32. Ont isht aiyopi fehna ma ohoyo hash kia illi tok.

33. Yohmi ka untuklo kash ot yumma tekchi ikbit ilauei tok okno, illi yvt falamvt tanikma, katima kak o tekchi mak a hi oh cho? achi tok.

34. Mihma Chisvs vt afalaminchit, Yakni ilvppa vlla yovkto itauwaya, mikmvt vlpowvchit itauwayvchishke.

35. Amba yakni yumma pisa he, micha illi tok vt falamvt tana he aiena kvt ai im vlpesa tuk yummak okvto itauwaya he keyu, micha it im apovvchit itauwacha he keyu hoke,

36. Mikmvt himmakma illa he keyu; yummak okvt enchil vhleha hak o ai itilau hokvt, micha falamvt tani tok okla hokvt Chihowa im vlla mak oke.

37. Illi yvt tana he, Moses ak kia bvfahe anukaka ya ai otvninchi mak osh Chitokaka yvt Eblaham in Chihowa, mikmvt Aisaak in Chihowa, micha Chekob in Chihowa aiena ka hochihifo tok.

38. Yummak okvt illi ak o in Chihowa yo keyu, amba okchaya yak oke; yummak o moma kvt ai okchaya hoka, im achi tok.

39. Mihma na-holissochi vhleha kanimi kvt afalaminchit, Nan ithvnanchi ma! vlpesa fehna ho ish mihvshke, achi tok.

40. Mihmvt yummak atuk o i himmakma okla nan i ponaklo kvt nukwia tok.

41. Mihma yummak ash ot okla hash, Katiohmi ho Klaist vt Lewi a Ushi okla achi cho?

42. Mihma Lewi vt ilap inli kvt ataloa holisso ha, Chitokaka yvt an Chitokaka ya, Svbbak isht-impakimma ya ish binili na,

43. Chin tenvp vhleha ha chiyi yvt ai-o-hikia yo ikbi lashke, im achi tok, achishke.

44. Lewi vt yumma Chitokaka achi, yohmi ka katiohmi hosh ilap ushi oh cho? im achi tok.

45. Yohmi mvt okla momvt haklo na nan im ai ithvna vhleha yash;

46. Na-holissochi vhleha nafohka holitopa hofvloha ho abehkvehit itvnowa bvnna, micha ilhpak a kanchi ai it-aiok-pvchi yak o, micha sinakak puta anukaka ma ai-o-minili holitopa i shahli puta kak o, mikmvt impa chito asha ka aia-sha holitopa i shahli puta kak o ai im achukma vhleha;

47. Ohoyo i hatak illi vhleha in chuka puta ka a wehpuli, micha peh ilahobi kvv vba pit anumpuli aiena kvv falaiachi vhleha ha ahah! hvsh im aiahnashke; yvmmak okvto na palvmmi chito i shahli ho pisa he mak oke, im achi tok.

CHAPTA XXI.

Ohoyo i hatak illi yosh Chitokaka ya na kvvtnosi pit isht aiokpvchi ho, Chisvs vt ahninci fehna, 1. 5 Tempel vt ont aiokpulokvv taha hi a, anonti Chelusalem vt ont aiokpulokvv taha cha, chukillissvt talaia hi a isht anumpuli; 25 micha ilap vt vla chikma, nan isht atokowa puta kvv kaniohma hi a anoli.

1. MIHMVT vba chakalit hopokoyo mvt, hatak nan in laua vhleha hvv tvli holisso abohli holitopa yo in tvli holisso ya pit apittvt maya ho pisa tok.

2. Mihmvt ohoyo i hatak illi ilbvsha yosh mait tuklo ho yvmma pit apitta ka, pisa akinli tok.

3. Mihmvt yvmmak ash ot, Ahli mak o hvvchim achi lishke, Ohoyo i hatak illi ilvppvt moma i shahlichit pit fohkishke.

4. Ilvppak okvto moma kvv nan in laua hatuk osh ai im atampa kvv Chihowa isht aiokpvchi abohli ya pit apittvshke; amba yvmmak okvto ilbvsha yosh isht ai okchaya he vt in tonla tuk vt lushumit pit abehlishke, achi tok.

5. Yohmi ma kanimi kvv tempel vt tvli hochukma, micha na hvlbena puta ishith shema fehna ka okla isht anumpulit maya ma, yvmmak ash ot,

6. Ilvppa puta hvsh pisa ka, tvli achvfona kia aka ik itolo ke tuk osh, it o tvlkanchit itonla kvv ai iksho ka he nitak vt vla hi oke, achi tok.

7. Mihma okla i ponaklot, Nan-ithvnanchi ma! katiohmi fokak mak o ilvppa puta kvt ai yvmohma hi oh cho? micha ilvppa puta kvt ont a yvmohma chik ma, nan-isht atokowa nanta hosh otaiyana hi oh cho? achi tok.

8. Mihma yvmmak ash ot, Ahah! hvsh ahni cha, ik hvchi yoshubo kashke; sa hohchifo ha isht hochifo kvt, Ūno ak osh Klaist sia hoke, achit aya kvt laua hi oka; ai yohma he nitak vt ik hopakoshke: yohmi kia yvmma hvch ik iakaiyo kashke.

9. Tvrvp asha, micha nana ik it im achukmo fehna ka hvsh haklo kia, ik hvchi nukshopo kashke: yvmma puta kak osh tikbanli ai yvmohma hi oka; amba ont ishtaiyopi kvto chekosa chi keyu hoke.

10. Yvmma fokakma oklushi achvfa kvt oklushi inla ya it in tanampa he; yohmikma miko apehlichei achvfa kvt miko apehlichei inla ya it in tanampa hi oke.

11. Yohmikma kanima ai ilaiyukachit yakni vt winakvchi chinta he; mikma hohchvfo chinto, micha abeka okpulo aiena kvt asha he; yohmikma nana pisvt ai i nukshopa he fehna, micha nan isht atokowa chinto aiena kvt vba ya auet a haiaka hi oke.

12. Yohmi kia ilvppa puta kvt ik a yvmohmo kisha ka, sa hohchifo pulla hatuk mak o okla hvtt ibbak a hvchi onochi cha, hvch issikkopala he; yohmi kvt miko vhleha, micha hatak pehlichei a puta itikba ya isht hvchi ai onvt, sinakak puta isht hvchi ai ona, mikmvt aboha kvlllo a hvchi fohka hi oke.

13. Mikma yvmmak ash osh nan isht a hvchim atokoli mak a hi oke.

14. Yohmi hoka afalaminchit nana ho hvsh miha hi vt tikbanli hvch ik anukfillo ka chi kvt, hvchi chukvsh ma hvsh il anukfoyukashke.

15. Ūno ak osh itih, mikmvt im anukfila hopoyuksa aiena ka hvch ima likma, yvmmak o hvchi nukkilli vhleha hvtt i sanalit miha, mikmvt a kanimancha he kia iksho ka hi oke.

16. Michā hvch iki, hvch ishki, mikmvt hvsh itibapishi

vhleha, hvchi kanomi vhleha, micha hvch i kana vhleha aiena kv̄t hvch ishit, okla ibbak a a hvchi fohka he: mikmvt hvsh kanima mvt, yvmmak osh ai ahni hō, hvch illa hi oke.

17. Micha vno sa hohchifo pulla hatuk mak o hatak moma kv̄t isht a hvchi nukkilli hi oke.

18. Yohmi kia hvchi noshkobo pashi vt achvfa kia ai okpuloka he keyu hoke.

19. Nuklanlv̄t achunanchit hvsh ahanta pulla hosh hvchim ilhfiopak atuk ma hvsh il ai eshashke.

20. Micha Chelusalem a tvshka chipota puta ka isht apakfoyupa na hvsh pisakmvt, yvmmv̄t aiokpulokv̄t taha chi ka, atukonofa ka hvsh ithaiyanashke.

21. Yvmma fokakma Chutea ya aiasha tuk vt nv̄nih chaha foka pit yihlepakma; anonti yvmma ai iklv̄nna aiasha tuk vt a kocha wíhashke; mikma kocha foka tvmahushi maya tuk okv̄to yvmma pit ik vlbeho kashke.

22. Nana puta holihiso tok vt ont ai ahla chi mak o, ilv̄ppvt na palv̄mmi chinto kv̄t isht ai im vlhpisa he nitak a hi oke.

23. Amba nitak yvmma foka hō vlla shanli, micha pishinchi aiena hokv̄to i palv̄mma he; na komunta chinto kv̄t yakni a ai onvtuyulakma, vba auct i nukkilli mvt okla ilv̄ppa onvtula hi oke.

24. Yohmikma bv̄shpo falaia yō isht akakoha he; micha yuka tobv̄t oklushi moma ai im ohona he; mikma Chelusalem a Chentail okla hosh aka a hvhlihinchī na Chentail okla nana im ai vlhpisa atuk vt ont ai ahlik mak a hi oke.

25. Yohmikma hvshi, micha hvshi-ninak-aya, mikmvt fochik puta aiena ka nan isht atokowa kv̄t aiasha he; mikma oklushi puta a kaniohmi ik ithanot isht a komunta yv̄t yakni paknaka ya ai onvtuyulakma, okhv̄ta oka bvnv̄tha kv̄t fohompa he;

26. Ilv̄ppa puta kv̄t yakni a ai onvtuyula chi ka hohoyo tuk vt hatak chukv̄sh puta kash ot nukshopvt illa hi oke: vba nan isht aiahli ka puta asha kash ot winakahancha hi oke.

27. Yvmma fokakma Hatak Ushi vt nan-isht-aiahlīka,

micha isht a holitopa chinto aiena ka il ai eshit a hoshonti anukaka minti na okla pisa hi oke.

28. Mikma nana ilvppa puta kv̄t ont aiahlit isht ia, yoh-mikma a hv̄chi hlakofa ch̄i kv̄t atukonofvt taha hoka, vba pit hopokoyot hv̄chi noshkobo h̄a hv̄sh vba chakalichashke, im achi tok.

29. Mihmvt nan-isht vlhpisa h̄o okla hash isht im anum-pulit, Fik vpi, micha iti puta ka ho pesá.

30. Yvmmvt bokoplit kohcha na hv̄sh pisakmvt, hv̄chish-no akinli kia toffa vt olanlosi ant takanli ka hv̄sh ithana chatuk oke.

31. Yohmi kv̄t yvmmak inli h̄o chiyuhmit nana ilvppa puta kv̄t ont aiahli na hv̄sh pisakmvt, Chihowa ap ehlichika yvt auet olanlosi vla ka hv̄sh ithaiyanashke.

32. Ahli mak o hv̄chim achi lishke; Himak a hatak asha ilvppvt ont ik ai ikshot ik kv̄nio k̄isha h̄o, momvt ont aiahli ha ch̄i hoke.

33. Ūba shutik, micha yakni aiena hokvto ont ik ai iksho ka he; amba vno vm anumpa puta hatuk vto ont ik ai iksho ka he keyu hoke.

34. Micha ahah! hv̄sh il aiahnashke; yvmmak keyukmvt kanima kash inli h̄o isikopa, micha na homi ishkot haksi, mikmvt yakni ilvppa antvt nana ai okchaya he anukfoyuka fehna aiena kak osh hv̄chi chukvsh ma isht alotvt atupa, yohmi na hv̄ch ik akostinincho h̄o, nitak yvmmvt ayvt ant hv̄ch̄i kohcha hinla hoke.

35. Yvmmak okvt nan-isht hokli o chiyuhmit ayvt, yakni pataiya ai ahashwa tuk a mominchit i kohcha hi oke.

36. Yvmohmi hoka il a nuktahlvt vba pit anumpohonlit hv̄sh biliashke: yohmi tuk osh nana kv̄t a yakohma ch̄i puta ka mominchit ai i hlakofit, Hatak Ushi itikba ya hioh-maya hi vt a hv̄chi vlhpesashke, im achi tok.

37. Mihmvt nitak okvno tempel anukaka yak o nana ithvnanchit anta tuk osh, ninak ano kohevvt ia mvt, nv̄nih chaha Alif hohchifo h̄o ont antvt on onna tok.

38. Atuk o onnahinli fehna i haponakla ch̄i kv̄t, okla hv̄t momvt tempel a im ai ona tok.

CHAPTA XXII.

Chutas Iskaliot vt Chisvs a ishit na-holitompa isht asha pehlichi vhleha ha ibbak fohka chi kvt nan it im apesa, 1. 7 Pita, Chan ita tuklo hosh ont ai vbanvblit isht vlpisa ka atahli ho, Chisvs vt auah-tuklo yash it ibai impa mvt, 19 opiaka na holitopa impa isht vlpisa ka apesa. 31 Pita na-yimmi im anukfila hatuk vt i knia chi keyu, amba hituchina ha yo ilapa ik ithano chatuk vt miha chi ka, Chisvs vt im anoli. 39 Nana kvt im a palvmmi, micha vba pit anumpohonlit osapushi anukaka ya anta; 47 Chisvs a okla isht ia na na holitompa isht asha pehlichi a im ona. 54 Pita yvt hituchina ha yo Chisvs a ik ithano ka miha tuk osh, i himmak o nukhaklot yahaya fehna, 63 mihma Chisvs a okla ik ahobalot na mihachi. 66 Chisvs a ilaelit nan ai apesa ya isht ona na illa chi im vlpisa.

1. MIHMA vbanvblit ont ia achi, pska ik shatvmmo impa hvt ai ona he tok.

2. Yvmohmi ma okla hak o i nukshopa hatuk osh, na-holitompa isht asha pehlichi vhleha, micha na-holissochi puta kash ot yvmma kaniohmichit vba hinla kvt akostininchi bahana tok.

3. Yohmi ma Setan vt Chutas Iskaliot hoehchifo, auah-tuklo ka ai iba holhtina hatuk ash ont chukowa tok.

4. Mihma yvmmak ash ot ia mvt, kaniohmichit ishit ibbak fohka hinla kvt, na-holitompa isht asha pehlichi vhleha, micha kvpitvni vhleha aiena ka ont isht it im anum-puli tok.

5. Mihma okla na yukpa mvt, yvmmak ash tvi holisso ima chi kvt im apesa tok.

6. Mihma, Yohma hinla kvt miha mvt, okla laua yvt ai iksho ma ataklvchit ishit, ibbak a fohka hinla kvt ai vlpesa hi a hoyo tok.

7. Atuk o pska ik a shatvmmo ka he, micha ai vbanvblit ont ia illa he nitak vt ai ona tok.

8. Mihma Chisvs vt Pita, Chan ita tuklo ka pit tihlelit, Ivt ai vbanvblit ont ia ya hvsh pim atahli tuk o, iloh impashke, achi tok.

9. Mihma yvmmak ash ot, Katima yak o il ai atahla hinla ka ish ahni cho? im achit okla tok.

10. Mihma, Yakeh! tvmaha ha ont hvsh chukowakma, hatak vt lukfi kotoba oka vlhto ho sholi kv̄t hvchi afama chi hoke; yvmmak o apihvt aboha kanima yo pit chukowakma, hvsh chukowashke.

11. Mikmvt hatak chuka yvmma ai v̄tta yatuk ash, Nan-ithvnanchi vt, Katima ko ai impa aboha yvt talaia ho, nan vm ai ithvna vhleha ha pehlichit ai vbanvblit ont ia ya ai it ibai impa la chi cho? auet chim achi kvno; hvsh im achashke.

12. Yohmikma yvmmak ash ot vba potvlhpo chito hosh nana ai vlhtaha achukma ho hvchi pisacha chi hoke; yvmmak o hvsh ai atahlashke, im achi tok.

13. Mihma itiachi tuk osh, yvmmt nana ai i miha hatuk ash ont ai vlhpiesa na pisvt okla tok; yohmi mvt ai vbanvblit ont ia ya ai atahlit okla tok.

14. Atuk o hvshi kanvlli vt ai ona ma, vbanumpeshi auah-tuklo kash ot apiha ho, binili tok.

15. Mihmvt, Ik si ai ilbvsho kisha takla kak osh ai vbanvblit ont ia ilvppa a hvch ibai impa ka ahni kv̄t abani li fehna tuk oke.

16. Himak a pilla ma yvmma ak ai vpo mak o, Chihowa apelihika yak o ai isht aiahla chi mak oke, hvchim achi lishke, im achi tok.

17. Mihmvt isht ishko a ishi cha, vba pit aiokpv̄chi mvt, Ilvppa oh ishi cha, hvsh ita kashkoashke;

18. Pakvpi a waya ka ak ai ishko mak o, Chihowa apelihika yvt vla chi mak oke, hvchim achi lishke, im achi tok.

19. Mihmvt pvska ya ishi cha, vba pit aiokpv̄chi mvt, tushalichi cha, yvmmak ash o ima mvt, Ilvppvt sa nipi yosh hvchishno yak o isht hvchi vlhtoba mak oke, isht hv̄s sv̄thaiyana chi mak osh ilvppa hvchi yvmohmashke, achi tok.

20. Impvt issa ma, isht ishko ma aieninchit, Isht ishko ilvppvt nan vlhpisa himona yosh vm issish vt hvchishno atuk mak o hlatapa ka isht a toba mak oke.

21. Yohmi kia yakeh! svshit inla ibbak fohka chi ibbak vt si awant ai impa ya ashvshke.

22. Yohmi ka Hatak Ushi yokto ai im vlhpisa tok mak osh yohmi mvhli; amba ishit inla ibbak fohki yummak okto ai i palvmmi mak oke.

23. Yohmi ma, E katima mak osh ilvppa a pi yakohma chi hatuk oh cho? ahnit il im asilhhvchit maya tok.

24. Atuk osh anonti, E katima kak osh moma i shahli ha hinla chishba? ahnit ai ita-chapovt maya tok.

25. Yohmi ma yummak ash ot, Chentail okla i miko vhleha hak osh i na-hullo ho tobt, nana ho ahnikmt, ai i yvmihchi chatuk; micha yvmma ai i shahlit nan im ai vlhpisvt antakmt, nana achukmali yo hohchifo chatuk.

26. Amba hvchishno vto hvchi yvmohma he keyu hoke; mikma kvna hosh moma i shahli kv hvch ibafoka hokmt, yummak osh himmak o chohmashke; mikma na pehlichy yokmt, nan-isht im vtta yo chiyuhmashke.

27. Ashvt impa kak okma, nan isht im anta kak okma, nanta kak osh i shahli yo? ashvt impa kak keyu? yohmi kia vno vto nan isht im vtta mak o chohmi hosh hvchi ibafoka lishke.

28. Isht ai imomaka sa pesa a puta ka hvchishno ak osh hvs si apeha beka tuk mak oke.

29, 30. Yohmi ka a pehlichy li a vm ai impa ai impvt, ai ishkot, aiasha holitopa ka chieyvt, Israel hatak isht-ai-unchululi auah-tuklo ka nana hvsh im apihisa chi mak o, apehlichika ya hvch im apesa li kv, vno a Aki vt ai vm apesa tok a chiyuhmichi lishke, im achi tok.

31. Mihmt Chitokaka yash ot Saimon, Saimon, yakeh! Setan vt chishi cha, mvshlichit onush o chiyuhmichi ka bvna tuk.

32. Yohmi kia na chi yimmi tuk vt ik chi kvnio ka chi ka, vba pit isht chi anumpuli li tuk; yohmi ka a filemt ish ile kostininchikmt, ish itibapishi vhleha ha ish hlampkochashke, achi tok.

33 Mihma yummak ash ot, Chitokaka ma! aboha kullo,

micha ai-illi aiena ka chi awant ona la hi vt vm vlhtaha hoke, im achi tok.

34. Mihma, Pita chia ha chim anoli lishke, himak nitak a akaka yvt ik olo kisha ho, hituchina ha chik svthano ish miha chi hoke, achi tok.

35. Mihmvt, Tvli holisso i shukcha, micha bahta pinak ai-vlhto, mihmvt shulush aiena kvt iksho ho pit hvchi tihleli li chash, nanasi kia isht ik hvchim ai ono ke tuk o? im achi tok; mihma, Nanasi kia ik pim ai ono ke tuk keyu, okla achi tok.

36. Mihma, Amba himak okvno, kvna hosh tvli holisso i shukcha yvt in tonla tukmvt, ishi cha, anonti bahta pinak-ai-vlhto ma mihinlashke; yohmikma kvna hosh bvshpo falaia yvt ik im iksho ke tuk mvt, im anchi a kanchi cha, achvfa ka chumpashke.

37. Yohmi kvt yvmmak ash ot, Nan-vlhpisa kobvffi vhleha ho ai iba holhtina tok, achi holisso tok ilvppvt vno ak o ant si ai isht ai ahla chi ka pulla moma hoke; nana kvt vno ak o vsst anumpa tok okvto ont ai vbla chi mak oke, im achi tok.

38. Mihma, Yakeh! Chitokaka ma! bvshpo falaia yvt tuklo hosh yak chiyvshke, achi tok. Mihma, Yvmmak oh kia vlhpesa hoke, im achi tok.

39. Mihmvt yvmmak o yohmi chatuk okvt, kocha ia mvt, Alif nvni chaha ya ona ma, nan-im ai ithvna vhleha hash kia iakaiya tok.

40. Mihma yvmmak ash ot yvma ont anta mvt, A yoshuba ya hvch ik iba chukowo ka chi kvt vba pit hvsh anumpohonlashke, im achi tok.

41. Mihmvt ai i filvmmi tvli bohpoa ont ai itola ho tuk ohmi foka ho, ont hvchukbihlept hikia cha, vba pit anumpulit,

42. Aki ma! vlhpesa ish ahni hokmvt, isht-ishko ilvppa is sa kanvllichashke: yohmi kia vno ak osh ahni li kak o keyu; amba chishno ish aiahni kak o ai yvmohmashke, achi tok.

43. Mihma enchil vba minti kvt ant i haiakt hlampkohonchi tok.

44. Mihma i palvmmi kv̄t a fehna hatuk okv̄t, i shahlichit a chilitv̄t v̄ba pit asilhha tok: mihma laksha kv̄t issish hlatapa chinto aka fohompa hō chiyuhmi tok.

45. Atuk osh v̄ba pit asilhha tuk ash ot wakaya cha, nan im ai ithv̄na v̄hleha aiasha ka v̄la mvt, nukhāklo kv̄t nusi tuk osh aiasha na pisa mvt,

46. Nanta katiohmi hō hv̄chi nusi cho? ai-ashv̄chika ya hv̄ch ik iba chukowo ka chī kv̄t, tanit v̄ba pit oh asilhhá, im achi tok.

47. Mihma yv̄mmvt anumpuli moma hō, auah̄tuklo ai iba holhtina Chutas hohchifo hash ot okla l̄awa ka in tikba hikv̄t aya tuk osh, i suksowa chī kv̄t Chisvs a atukonofv̄t ia tok.

48. Yohmi kia Chisvs ash ot, Chutas ma! na suksowa hak o Hatak Ushi a isht haksichit ishit inla ibbak a ish fohki hoh cho? im achi tok.

49. Mihma apeha atuk ash ot nana kv̄t a kaniohma hinla ka pisa mvt, Chitokaka ma! bv̄shpo falaia yō isht e fahama chī cho? im achi tok.

50. Mihma achv̄fv̄t na-holitompa isht āsha pehlichī i shahli in tishu hō fahama cha, ishtimpak imma haksobish a tv̄bli tok.

51. Mihma Chisvs ash ot anumpulit, Yv̄mmak okv̄no ant ik a yohmi na hv̄sh aiahnashke, achi tok. Mihmvt hakso-bish ash i potoli mvt, hlakofichi tok.

52. Mihmvt Chisvs ash ot na-holitompa isht āsha pehlichī v̄hleha, micha tempel i kv̄pitv̄ni v̄hleha, mikmvt hochitoka v̄hleha aiena kv̄t ai im v̄la tuk ash, Na-hukopa yō ayv̄t i kohcha hō chiyuhmit bv̄shpo falaia, mikmvt iti tv̄ptua aiena ka sholi hosh hv̄sh itv̄nowa cho?

53. Nitak moma hv̄chi takla tempel a anukaka ya ahanta li kv̄no; ibbak nana kia hv̄ch ik si o welo ke tuk; yohmi kia himak okv̄to hv̄chishno, micha aiokhlilika nana im aiahli aiena ka hv̄chī nitak mak okv̄t, im achi tok.

54. Yohmi ma yv̄mmak ash o okla ishi mvt, isht ivt na holitompa isht āsha pehlichī i shahli in chuka yō ont ishit chukowa tok. Mihma Pita yv̄t auct i mishemanchit iakaiya tok.

55. Atuk o kvsbi aboha ai itin-takla talaia tuk a ai ik-lyna ka okla luak ai oti cha, binohlit taha ma, Pita yvt takla binili tok.

56. Atuk o yvmmvt luak bilika ont binili ka, ohoyo himita achvvt pisa cha, atokolit pisa fehna mvt, Hatak ilvppak kia yvmma awant aya kamo, achi tok.

57. Mihma ik ithano ilahobit, Ohoyo ma! yvmma ak ithanoshke, achi tok.

58. Atuk o anonti in chekosi ma, inla yosh yvmmak ash pisa mvt, Chishno vt yvmma ai achvfa chia akinli, achi ma; Pita ash ot, Hatak ma! mihi yo sia keyushke.

59. Atuk o yvmmak atuk a i hvshi kanvlli achvfa foka ma, inla hosh kvlochi fehnvt miha mvt, Ilvppak kia yvmma awant aya yatuk vt aiahli hoke; ilvppvt Kalili hatak oka, achi tok.

60. Mihma Pita yash osh, Hatak ma! nana ho ish miha ka ak ithanoshke, achi tok. Mihma ashalika anumpohonli moma na akaka yvt ola tok.

61. Mihma Chitokaka yvt filemvt Pita ya pisa tok. Mihma Pita yash ot, yvmmvt, Akaka yvt ik olo kisha ho, hituchina ha chik svthano ish miha chi hoke, im achi tuk Chitokaka im anumpa hash ithaiyana tok.

62. Mihmvt Pita yvt kohcha cha, yahaya fehna tok.

63. Mihma Chisvs ash apesvchit maya tuk hatak ash ot ik ahobalot na-mihachi mvt, boli tok.

64. Micha nishkin a okla ompohomot, nashuka ya isso mvt, kvt hosh chisso ho? akostininchit anoli, achit i ponaklo tok.

65. Mihmvt ik ahobalo fehnvt nan ilaiyuka isht im i sanalit mihachi kvt lauachi tok.

66. Atuk o onnvt taha mak inli ho, hochitoka vhleha, micha na holitompa isht asha pehlichy vhleha, mikmvt naholissochi vhleha aiena kvt itahoba cha, yvmmak ash ilauehit im ai-apesa aboha ya ishit chukowa mvt,

67. Chishno ak osh, Klaist mak o chia hoh cho? pim anoli, im achi tok. Mihma, Hvchim anoli li mak o, hvchi yimma he keyu.

68. Micha vno mvt na hvchim asilhha li mak o, afalaminchit hvs sv̄m anumpula he keyukmvt, anonti ant ik i hotofá; hvs sv̄m ahna he keyu.

69. Himak a pilla ma Hatak Ushi vt Chihowa nan okluha imaiya im ibbak isht impak imma ya a binila he mak oke, im achi tok.

70. Mihma momvt, Mih-kvto chishno ak osh Chihowa Ushi chia ho? okla achi tok. Mihma yvmmak ash ot, Mihi yo sia mak atuk o hvsh mihvshke, im achi tok.

71. Mihma, Hv̄pishno akinli hosh ilap itih fehna iloh a haklo kv̄t, himmakma nan isht atokowa ka iloh ahna hinla cho? okla achi tok.

CHAPTA XXIII.

Chisvs a okla ilaelit Pailat ak o isht im ona ma, 1, 13 Pailat ash ot, okla ak osh yv̄mma im ahni fehna hatuk o, Chisvs vt ititaiyukhvna ahonvhla chi ka, im issa cha, Balabbas ak o i hotofi. 26 Chisvs vt iti-taiyukhvna ahonvhla chi ho okla isht ia mvt, Saimon ak osh iti-taiyukhvna ya iba shola chi ka atohno; 33 hatak hukopa tuklo hosh apihvt iti-taiyukhvna ahonvhla ak inli; achvfa kv̄to Chisvs vt yv̄mma takanli moma ho, i yimmit aiokpr̄chi. 44 Chisvs vt illi. 50 Chosef Alimahlea minti osh Chisvs haknip a ishi cha, hohpi.

1. **MIHMA** okla laua yvt momvt wakaya cha, yvmmak ash ilaelit Pailat a isht im ona tok.

2. Yohmi mvt, Hatak ilvppvt Klaist miko yo ile mihvt, Sesa ya noshkobo isht chumpa tv̄li holisso im itahobi chatuk a im alv̄mminchit ahantvt, pim okla talaia ka okpv̄nit ahanta ho, e pisa tuk oke, achit anumpa okla onochi tok.

3. Mihma Pailat vt yvmmak ash o i ponaklot, Chishno ak osh Chu okla ha i miko chia mak oh cho? achi tok. Mihma afalaminchi mvt, Mih-mak atuk ish mihvshke, achi tok.

4. Yohmi ma Pailat ash ot, na-holitompa isht asha pehlich̄i v̄hleha, micha okla puta kash, Hatak ilvppa nan ik ai v̄lhpeso nana kia ak ai akostininchoshke, im achi tok.

5. Mihma okla isht i shahlit a chilitvt, Ilvppvt vmmona ka Kalili ak o ai isht ia hosh Chu okla aiasha ka mominchit a hlopullit nana im abvchit, okla ha ai okpvnichit isht aya hosh ilvppa vla hoke, achi tok.

6. Mihma Kalili achi na Pailat vt haklo mvt, Kalili hatak okmá, nanta hatuk ba ? achit ponaklo tok.

7. Atuk osh Helot apehliche yak o ai iba fohka atuk o akostinichi makinli hosh, Helot ak kia ilapvt nitak yvmma fehna ma Chelusalem a ant anta hatuk o, pit i chvffichi tok.

8. Yohmi na Helot vt Chisvs a pisa mvt, na yukpa fehna tok: yohmi kvv yvmma isht ai annoa ka hahaklo ka laua hatuk osh, pisa bvna fehna tuk a hopaki tok; yohmi hatuk osh nana a fehna kaniohmi kia a yvmihchi na pisa chi kvv ahni tok.

9. Mihmvt anumpa lauachit nana isht im asilhhvchi tok: yohmi kia yvmmak ash ot afalaminchi kvv nana kia ik im acho ki tok.

10. Mihma na-holitompa isht asha pehliche vhleha micha, na-holissochi vhleha aiena kash ot kvlluchi fehvt anumpa onochit hiohmaya tok.

11. Mihma Helot ash ot in tvshka chipota vhleha hash o pehlinchi cha, yvmmak ash o na-keyukechi fehvt isht itukhlakavt ik ahobacho ke tuk: mihmvt na-fohka tohbi holitompa ho fohkachechi cha, falaminchit Pailat a pit i chvffichi tok.

12. Mihma tikba hokvno ai it i nukkilli yoh chatuk ak osh, nitak yvmma fehna ka Pailat, micha Helot itatuklo kvv ai iti kana toba tok.

13. Mihma Pailat ash ot na-holitompa isht asha pehliche vhleha, micha hochitoka vhleha, mikmvt okla a puta kash hoyot itahobi mvt,

14. Hatak ilvppvt okla ha i miko a isht ai iti filamolichi yoke, achi hosh isht hvv svv vla tuk: mihma yakeh ! hvchi tikba ya nana ka ai im asilhhahanchi li kvv, anumpa isht hvsh ai onochi tuk imma ka, nana ik ai-vlhpeso kvv hatak ilvppa ai a takali ka ak im akostininchoshke.

15. Mihma Helot vt mihinli tuk; yummak o pit hvchi a tihleli li; yohmi ka nana ka isht ai illa he vlhpesa ma a takali keyushke.

16. Yohmi hoka fvmmi lish, i hotofi la chi hoke, im achi tok.

17. Yohmi kvv ai-vbanvblit ont ia impa asha ka achv-falichit ai i hotofa hi a vlhpesa ha tok.

18. Mihma himonna achvfa momvt tahpvlvt, Hatak ilvppvno kanima isht ia cha, Balabbas ak o ish pi kohchi-chashke, achi tok.

19. Yummak okvt tvmaha ha antvt i miko a ik im antio ka chi ka okla ha anukfobkichi, micha hatak vbi aiena hatuk o, aboha kvllo a pit a fohki tuk a tok.

20. Yohmi hatuk o Pailat vt Chisvs ak o i hotofi ka ahni hatuk osh, himmak ma okla ha im anumpuli tok.

21. Yohmi kia okla tahpvlvt, Iti-taiyukhvna yo ahonvh-lvchi, iti-taiyukhana yo ahonvhlich, ahanchi tok.

22. Mihma ont atuchina ma, Nanta katiohmi ho? nan ik ai vlhpeso nanta mak o yvmohmi tuk oh cho? nana ka isht ai illa he vlhpesa ka vno vt ak im akostininchoshke; yohmi hatuk osh fvmmi lish, i hotofi la chi hoke, im achi tok.

23. Mihma okla a chilita fehvt chitolit anumpuli hosh, yvmvt iti-taiyukhvna ahonvhla hinla ka asihhlha tok: mih-mvt ymma, micha na-holitompa isht asha pehlchi vhleha aiena im anumpa hak osh imaiyachi tok.

24. Mihma Pailat ash ot okla hvv nana asilhha tuk mak o vlhpesa chi ka apesa tok.

25. Mihma yummak o okla asilhha tuk oka, i miko ik im antio ka chi ka anukfobkvchichi, micha hatak ma vbi aiena hatuk o aboha kvllo a pit a fohki tuk a tok ash, i kohchichi tok: amba Chisvs ak okvno nana ho okla ahna chi ka, im issa tok.

26. Mihma yummak ash o kanima isht ivt itvnova mvv, Silinian hatak Saimon osh haiaka vttvt minti ho okla halvllit ishi; yohmi mvv yummak osh Chisvs a iba shola chi ka, iti-taiyukhvna ya om bohli tok.

27. Yohmi ma okla lava fehna kvv iakaiyvt itvnova ma,

ohoyo aiena tuk osh yvmmak ash o isht nukhaklot chitolit yahaya tok.

28. Yohmi kia Chisvs ash ot pit filema mvt, Chelusalem ushetik hvchia ma! vno ak okvno vsst yaiyvt nishkin okchi hvch ik hlatvblo kashke: amba hvchishno inli kak o isht ile yaiyvt nishkin okchi hvsh hlatvblikmvt, hvchim vlla aiena kak ashke.

29. Yakeh! vlla ik im iksho, micha oshvto nana a foyuka keyu, mikmvt i pishik vt na pishechi keyu aiena hokvto im achukmvshke, okla acha he nitak vt mihintishke.

30. Yvmma fokakma nvnih chaha puta ka, Pi o kinahli, im achikmvt, nvnih chipunta ya, Hvsh pi ompohomashke, achit isht ia hi oke.

31. Yohmi ka iti vt okchaki o ilvppa okla ai yvmichi tuk mvno, anonti shila yokvno nanta mak osh a katiohma hi oh cho? achi tok.

32. Yohmi ma hatak haksi tuklo hosh illit okla chi ho, ai apehalinchit isht aya tok.

33. Atuk osh Kalfali hohchifo yvmmak atuk ash okla ai vla mvt, yvmmak ash, mikmvt hatak haksi tuklo aiena kash ot achvvt ibbak isht-impak imma yo takali ma, anonti achvvt vlvfbeka tvnvp o takali ho, iti-taiyukhvna ya ai ahonvhlchi tok.

34. Yohmi ma Chisvs ash ot, Aki ma! ish i kashofashke: nana ka kaniohmi kvv okla ithana ho keyu hoka, achi tok. Yohmi ma i na fohka ya ita kvshkolit mavvt na-shoeli tok.

35. Mihma okla hvv pisvt hiohmaya tok: mihma hochi-toka vhleha mvt ik ahobalot, Inla ya okchalinski yatuk okvt, ilap ak osh Chihowa i holitopa Klaist atuk okmvt ilap inli kak osh ik il okchalinski, achi tok.

36. Mihma tvshka chipota vhleha ak kia ai im vlvv, ishit yopulvt, anonti wineka ipeta mvt,

37. Chishno ak osh Chu okla ha i miko chia hokmvt, ish il okchalinchashke, achi tok.

38. Yohmi ma Klik, micha Latin, mikmvt Heblu aiena anumpa ho isht a holisso kvv, ILUPPAK OSH CHU OKLA HA I MIKO MAK OKE, achi hosh paknaka ya takali tok.

39. Mihma hatak haksi tuklot vba takohli tuk ash ot achvvt yvmmak ash ik ahobalot mihachit, Chishno ak osh Klaist chia hokmvt, il okchalinchichi cha, pishno ma ish pi okchalinchashke, achi tok.

40. Amba achvfa kvto afalaminchit im alvmmmit, Chishno ak kia na chim vlhpisa kv a miha achvfa hokak osh Chihowa ha chik i nukshopo cho ?

41. Micha pishno ak okvto pim ai vlhpesa ho mvhli; pishno nana il a kaniohmi tuk isht ai vlhtoba he vlhpesa mak o e pisa hoka; amba hatak ilvppak okvto nana ho okpvni tuk keyushke, achi tok.

42. Mihmvt Chisvs ash, Chitokaka ma! ish apeshlichika ya ont ish chukowakmvt, is svthaiyanashke, im achi tok.

43. Mihma Chisvs ash ot, Himak nitak a si awant palatais a ish anta chi hoke, ai ahli mak o chim achi lishke, im achi tok.

44. Yohmi ka yvmmvvt hvshi kanvlli vlhpisa ont isht hannali foka tok; mihma yakni moma ka ai okhlilit kvnia na hvshi kanvlli vlhpisa ont isht chakkali tok.

45. Yohmi ma hvshi vt okhilli ma, nan-tvna tempel anukaka takali atuk vt iklvna ita hlilafa tok.

46. Mihma Chisvs vt chitoli hosh anumpuli mvt, Aki ma! sa shilombish a chibbak pit a fohki lishke, achi tok: mihmvt yakohmichit miha mvt, fiopissa tok.

47. Mihma nana kv ai yvmohmi na Sintulion vt pisa mvt, Ilvppvt hatak ahli achukma yatuk o pulla mvhlishke, achit Chihowa ya holitoblichichi tok.

48. Mihma okla yvmma pisvt ai itahoba tuk ash ot, nana kv ai yvmohmi ka pisa mvt, momvt ilap ikkishi ha isso cha, falamvt ilhkoli tok.

49. Mihma yvmma ai it ithanaka puta, micha ohoyo Kalili a asht ai apeshvt minti tuk aiena kash ot mishema ho auet hielit, na yakohmi puta ka pihisa tok.

50. Mihma hatak vt Chosef hohchifo nan-apesa, micha hatak aiahi achukma hosh anta tok.

51. Okla nana im anukfila, micha a kaniohmit maya aiena ka ilvppvto ik ibafohko ki tok: ilvppvt Chu okla in tvnaha

Alimahlea ak o ai vttā hosh yummak kia Chihowa apēhlichika yā pit hohoyo yā tok.

52. Hatak ilvppak ash ot ivt, Pailat a im ona cha, Chisvs haknip a asilhha tok.

53. Micha yummak ash ot akvchi cha, na-lapushki linen o a bonullit sepvka vt tvli yosh kulvt toba hō, ymma hatak nana kia ik a fohko yatuk o fohki tok.

54. Mihma yummvt ai atahli nitak atuk o, nitak hullo vt atukonofvt mihinti tok.

55. Mihma ohoyo Kalili a asht ai apēhvt aya tuk ash kia, iakaiyvt ilhkoli cha, sepvka, micha haknip ash ot kaniohmit itola aiena ka achukmalit pisa tok.

56. Mihmvt falamvt ilhkoli cha, na-balama, micha nanahama aiena ka atahlit maya tok: mihmvt anumpa vllhpisa yoka nitak hullo yokvno foha tok.

CHAPTA XXIV.

Chisvs vt falamvt tani tuk a enchil tuklo hosh ohoyo hash sepvka ak o ai im anoli, 1. 13 Chisvs nan im ai ithvna vhleha tuk vt tuklot Emmavs a itiachi hosh ayvt okla; 38 il otrnichi, nan im ai ithvna vhleha hatuk vt chiya moma na Chisvs vt itintakla ant hikia: 47 yohmi cha Chelusalem ak o vmmona ka ai isht ia hosh vbanumpa yā okla isht anumpula chi ka, im apesa. 51 Chisvs vt vba a holitopa yā ia.

1. **ATUK** osh wek nitak vmmona onnvt okhlilinchī fehna hō na-balama atahli tuk vt ishī, inla ka ai itapihvt, sepvka yash okla ai ona tok.

2. Mihma tvli vt sepvka yā kanima pit tonoli tuk o okla pisa tok.

3. Mihmvt okla pit chukowa tuk osh, Chitokaka Chisvs haknip ash ik peso ki tok.

4. Atuk o yakohmi tok; okla nana a kaniohmi ik ai ithano fehnt maya ma, yakeh! hatak tuklo kv̄t i na-fohka shohmalali hosh itumasi a hinli tok.

5. Mihma okla nukshopvt, aka pit yochonoli ma, yummak

ash ot, Nanta katiohmi ho okchaya illi aiasha ak o hvsh hoyo cho?

6. Ilvppa ikshoshke; amba tani tuk oke; Kalili a anta moma mvt hvchim anoli kvt;

7. Hatak Ushi vt hatak nan ashvchi vhleha ibbak a a fohka cha, iti-taiyukhvna ai ahonvha tuk osh, nitak ont atuchinakma falamvt tana hi oke, achi tuk a hvsh ithaiya-nashke, im achi tok.

8. Mihma im anumpa ha tok ash okla ithaiyana tok.

9. Micha sepulka yash asht falamvt ilhkoli mvt, auah-achvfa kash, micha inla moma aiena ka na yakohmi puta tuk ash mominchit ont im anoli tok.

10. Meli Maktalene, micha Choanna, mikmvt Meli, Chemis ishki, micha ohoyo inla ka yvmma apehvt aya tuk aiena kak osh vbanumpeshi vhleha ha na-yakohmi puta tuk a ont im anoli tok.

11. Mihma yvmma im anumpa hvt annoa ik ahlo yak o ai im itilau cha, okla ik yimmo ki tok.

12. Mihma Pita yvt wakaya cha, malelit sepulka ya onvt, pit aka chonoli mvt, linen nan-tvna ak bano hosh asha na pisa cha, ia mvt, nana kvt ai yvmohmi tuk ash, okokko! ahni tok.

13. Atuk o tuklo kvt nitak mih-makinli ka tvmahushi Emmavs hohchifo hosh, yvmmvt Chelusalem a auet i kowi untuchina foka hatuk o itiachi tok.

14. Mihmvt nana kvt ai yvmohmi tuk ilvppa puta kash isht it im anumpohonli tok.

15. Atuk o yakohmi tok; it im anumpulit nan it im asilhhahanchi kash ot moma ho, Chisvs akinli kvt sakki cha, takla aya tok.

16. Yohmi kia ik ithano ket okla chi ka, nishkin vt mo-choli ho chiyuhmi tok.

17. Mihma yvmmak ash ot, Ilvppak osh anumpa katiohmi mak o isht it im anumpohonlit hvsh aya cha, hvsh ilapissa cho? im achi tok.

18. Mihma achvvt Kleopas hohchifo hosh afalaminchit; Hatak kanima minti chishno ak hosh Chelusalem a ish anta

kvt himak nitak ehohmi yvmma nana kvt a kaniohmi ka chik akostinincho ke tuk oh cho? im achi tok.

19. Mihma yvmmak ash ot, Nana nanta ho? achi ma, Chisvs Nasalet hatak nan im a kaniohmi tuk a, yvmmak okvt hopaii yosh Chihowa, mikmvt okla puta aiena itikba ya nana a kaniohmi, micha anumpuli aiena kvt a chinto fehna tuk;

20. Yvmohmi tuk o na-holitompa isht asha pehlichihleha, micha pi hochitoka vhleha aiena kvt, yvmmvt illa chi hosh im vlhpisa chi ka, kaniohmichit ishit inla ibbak a fohki na iti-taiyukhvna ahonvhlichit tuk.

21. Yohmi kia yvmmak osh Israel okla ha hlakoficha he tuk mak atuk a pi yihimmi tuk; yvmohmi tuk kia keyushke; micha yvmmak bano keyu, nana kvt a yakohmi tuk a himak nitak vt nitak ont isht atuchinvshke.

22. Michah anonti ohoyo il ai itapeha tuk a a kanimi kvt onnahinli fehna sepulka ya ont maya tuk vt,

23. Yvmma haknip a ik peso hosh ai vla mvt, anonti enchil mvt i haiaka na pisa ma, Yvmmak ash ot okchaya hoke, achi tuk achi cha, okla pi nukhlakvshli tuk oke.

24. Yohmi ma il ai itapeha tuk a a kanimi kvt sepulka ya ona, yohmi mvt ohoyo nana a miha tuk a vlhpesa ho ont pisa tuk; yohmi kia yvmmak amo okla ik peso ke tuk oke, im achi tok.

25. Mihma yvmmak ash ot, Im anukfila iksho, hopaii vhleha hvt anumpuli tok moma ka chukvsh isht yimma he svlaha hvchia ma!

26. Klaist vt na yakohmi puta ka pisa ha yosh a holitopaka ya chukowa he vlhpesa ha tok keyu cho?

27. Mihmvt Moses, micha hopaii puta aiena tok ai vhli kak o isht ia hosh, Holisso Holitopa ya a mominchit ilap a isht ai annoa ka achukmalit im anohonli tok.

28. Mihma tvmahushi itiachi yvmmak atuk ash ot itonacha hosi tok; yohmi ma yvmmak ash ot ont ia hinla ka, ile ehohmichi tok.

29. Yohmi kia im a chilita fehvt okvt, Nitak vt shohbit ont opivt mahaya hoka, pi takla ish antashke,

achit okla tok. Mihma takla anta chi hosh ont chukowa tok.

30. Atuk o yakohmi tok; yvmmak ash ot takla impvt binili mvt, pvska ya ishi cha, vba isht aiokpvchi mvt, tush-tolit, yvmmak ash o ipeta tok.

31. Mihma nishkin vt i fatumvt okla cha, yvmmak ash ithanvt okla tok; yohmi ma yvmmak ash ot i holhponayo ha ai i knninihya tok.

32. Mihma, Ilvppvt takla ya a pim anumpuli, micha Holisso Holitopa aiena ka achukmalit a pim otvninchi ma, pi chukvsh vt libisha tuk keyu? it im achi tok.

33. Mihmvt hvshi kanvlli vlhpisa mih-makinli ho wakaya cha, falamvt Chelusalem a it vlachi mvt, auah-achvfa kash ot, micha ai itapeha tuk aiena kvv, itvnaha mvt,

34. Chitokaka yvt falamvt tani pulla mvhli tuk osh, Saimon a i haiaka kvno, achit maya ho ant pisvt okla tok.

35. Mihmvt yvmmak ash osh hina takla ya nana kvv a kaniohmi tuk, micha yvmvvt pvska tushalichit ashvt kani-ohmit im otaiyani tuk aiena kash anolit okla tok.

36. Mihma yakohmichit anumpohonli moma ho, Chisvs vt ilap fehna hosh ai iklvna ont hikia cha, Nanaiya kvv hvchimmi hashke; im achi tok.

37. Yohmi kia yvmmak ash ot komuntvt nukshopa fehna mvt, Shilup o pisa ka, im ahoba tok.

38. Yohmi ma, Na katihmi ho hvchi komunta cho? micha, Na katihmi ho hvchi chukvsh anukaka ya na hvchim anukfila anuktuklo kvv takali cho?

39. Svbbak, saiyi aiena ka ho pesa; vno sia hash inli hoke; sa pvsholit ho pesa: shilup vto nipi, micha foni puta aiena asha, vno vt si yvmohmi na hvv sa pisa ka, chohmi keyu hoka, im achi tok.

40. Michi ilvppa yakohmichit anumpuli mvt, ibbak, micha iyi aiena kash i haiakvchi tok.

41. Mihma okla na yukpa kak osh yimmi keyu kisha, micha okokko! aiahni aienvt maya takla ma, yvmmak ash ot, Ilvppa nan-ilhpak nana kia hvchim asha cho? im achi tok.

42. Mihma nvni v^hhp^usha tushafa, micha foi-bila aiena h^o okla ipeta tok.

43. Mihma ishi cha, okla itikba y^a ai vpa tok.

44. Mihmvt, Nan okl^uha kv^t isht a si annovt Moses, mi-cha hopaii v^hleha aiena i holisso, mikmvt ataloa holitopa aiena ka ai o holisso tok vt ont aighli pulla chⁱ mak o, hvchi takla anta li moma kv^t anumpa ilvppa puta ka isht hvchim anumpuli li tok oke, im achi tok.

45. Mihmvt Holisso Holitopa y^a ithaiyana chⁱ ka, im anukfila nan-isht akostininchi a in tiwi tok.

46. Mihmvt, Klaist vt yakohmi hosh i palvmmⁱt, illi tuk osh, anonti nitak ont atuchinakma illi tuk vt tana hi a, isht ai v^hhpiesa tok.

47. Micha ile kostinincha he, mikmvt ai ashvchika puta isht a kashofa he aiena kv^t yvmma hohechifo h^o isht anumpa kv^t, vmmona ka Chelusalem ak o ai isht ia hosh, oklushi moma isht im anumpa hi oke, achi hosh yakohmit holihiso hoke.

48. Yohmi h^o hvchishno ak osh na yakohmi puta ka ai-atokowvt anoli hvchia mak oke.

49. Yohmi ka yakeh! Aki vt nana ka hvch ima hi vt miha tok mak o, hvchishno a hvchi o kaiyanchi lishke: yohmi kia Chelusalem tv^umaha hak o hvsh aiashvt, nana aighli vba minti kv^t ont hvchi anukfoyuka kak mak ashke, im achi tok.

50. Yvmohmi tuk osh yvmmak ash pehlichit kohchvt ivt Betani yokvno isht ona tok: mihmvt ilap ibbak ash vba pit wieli cha, yvmmak ash holitoblit aiokpvchi tok.

51. Atuk o yakohmi tok: yvmmak ash holitoblit aiokpvchi ai itin takla mvt, ai i filvmmⁱt vba pilla pit a kvnia tok.

52. Mihma yvmmak ash okla pit holitoblichit aiokpvchi cha, na-yukpa fehna hosh falamvt Chelusalem a ai v^ula tok.

53. Yohmi mvt Chihowa y^a in talovt holitoblichit pit aiokpahanchit tempel anukaka y^a aiasha beka tok. Amen.

UBANUMPA CHAN

VT HOLISSOCHI TOK.

CHAPTA I.

Anumpa achi Chisvs Klaist yummak osh vmmona fehna ka Chihowa ha iba chvfa, 1; 6 Nan-tohwikeli ai ahli kvv achvfa illa ilvppak atuk a atokowa anola chi mak osh Chan vt aya hatok. 15 Chan vt Klaist a nan vlhtokowa isht ai anoli. 35 Chan nan im ai ithvna yatuk vt tuklot Chisvs a apeha toba; yummak atuk vt achvft An-tilu ak osh itibapishi Pita ya ilaueit Chisvs a isht im ona.

1. UMMONA ka Anumpa hvv ahanta mvv, Anumpa hvv Chihowa ya ai iba chvfa tok: mihmvv Anumpa hash ot Chihowa ya tok.

2. Yummak inli hosh vmmona ka Chihowa ya ai iba chvfa tok.

3. Yummak atuk mak o nan okluha kvv toba tok; yohmi ka nana kvv toba tok vt yummak o keyu hokvno ik tobo ki tok.

4. Yummak oka isht ai okchaya yvv asha tok: yohmi ka isht ai okchaya yummak ash ot hatak puta ka in tohwikeli ya tok.

5. Mihmvv tohwikeli hash ot ai okhlilika ya a tohommi; yohmi ka okhlilika yvv yummak ash o ik akostinincho ki tok.

6. Hatak Chan hohchifo hosh, Chihowa nana aiahni ho aya tok.

7. Yumma pulla tuk mak o hatak vt momv v yimma hi o, yummak ash osh nan atokoli osh Nan-tohwikeli ash atokowa anola chi hosh aya tok.

8. Yummak osh Nan-tohwikeli mih mak a tok keyu; am-

ba Nan-tohwikeli yvmma atokowa anola chi mak osh aya tok.

9. Yakni pakna hatak vt ai vtta hoka mominchit in tohwikelichi, yvmmak osh Nan-tohwikeli ahli mak a tok.

10. Yvmmak atuk mak o yakni vt toba tok o, yakni a ai ahanta ma, yakni vt yvmmak ash ik ithano ki tok.

11. Yvmmak okvt ayvt ilap immi vhleha ho im vla ma, immi vhleha hash osh ik i yimmo ki tok.

12. Amba laua kaniohmi hosh ahninchit, ilapo hohchifo ha i yimmi hokvno, Chihowa ushi vhleha toba chi mak o isht ai vlhpesa ka ima tok;

13. Issish ak o keyu, mikmvt haknip nan ahni keyu, micha hatak osh nan ahni keyu ho, yvmmak okvt toba tok; amba Chihowa yak a tok.

14. Micha Anumpa hash ot nipi yo toba cha, nan isht i kana, micha nana aiahlika aienvt isht alotowa hosh pi takla ahanta tok: yohmi na isht a holitopa ya, Iki a Ushi vt achvfa illa cha ai isht a holitopa chatuk mak o, chiyuhmi ho e pihisa tok.

15. Chan vt yvmmak oka atokowa anoli hosh, chitolit anumpulit, Auet siakaiyvt mihinti kak osh sa tikba ahanta tok mak okvt, yvmmak ash holitopa kvv vno a a shahli ho, isht anumpohonli li tuk a ilvppak atuk mak oke, achi tok.

16. Micha yvmmvt isht alotowa hatuk ash e moma kvv nan isht i kana yvt ai itvlbitkvchi ho, e pisa tok.

17. Nan-vlhpisa yokvto Moses ak atuk mak o vlhpihisa tok: amba nan isht i kana, micha nan-aiaghlika aiena hokvto Chisvs Klaist ak o a minti tok.

18. Hatak nana hosh Chihowa ya nitak nan ash o pisa tok keyu: Ushi holitopa achvfa illa Iki shakba ya afoyuka, yvmmak atuk okvto yvmmak oka otvninchi tok oke.

19. Mihma yvmmak ash o, Kvta chia hoh cho? achit ont i ponakla chi ka, Chu okla hvv na-holitompa isht asha, micha Lefait okla aiena ka Chelusalem a a kohchit pit tihleli na Chan vt atokowa anoli tok a ilvppak oke.

20. Yohmi kvv yvmmak ash ot atokolit anoli kvv, Mih sia

hoke, achi tok keyu; amba atokolit, Uno ak osh Klaist o sia keyu hoke, achi tok.

21. Mihma okla i ponaklot, Mih kvto kvta hak o? Elias ak o chia ho? achi tok: mihma, Mih sia keyu, achi tok. Hopaii mih mak o chia ho? achi ma; afalaminchi mvt, Keyú, achi tok.

22. Mihma, Kvta chia hak o? ish pim anoli na auet pi tihleli tuk vhleha ha anumpa falama ka ont il imashke; chishno akinli kvto, Kvta ho ish ile miha cho? im achi tok.

23. Mihma yvmmak ash ot, Achvfa hosh yakni haiaka yo ai anumpohonlit, Chitokaka ataya hi a oh apissvlichí, ahanchi ho hopaii Esaias vt isht anumpohonli tok mak o mih sia mak oke, achi tok.

24. Mihma okla vltokvt ilhkoli tuk ash ot Falisi vhleha ha tok.

25. Atuk osh yvmmak ash o okla i ponaklot, Chishno ak osh Klaist mih mak o chia keyu; Elias a chia keyu; anonti hopaii mih mak o chia keyu hokak osh, nanta katiohmi ho ish baptismochi cho? im achi tok.

26. Chan ash osh yvmmak ash o im afalaminchi mvt, Uno vto oka yo ishit baptismochi lishke; amba achvfa kvv hvchi takla hikia yvmmak okvno hvch ik itha-noshke.

27. Yvmmak osh siakaiyvt minti kvv holitopa kvv a shahli ka, i shulush isht-talakchi a hotofi la he si ahoba keyu mak oke, achi tok.

28. Chatan misha Behlabala yvmmak o Chan vt a baptismochi hosh ahanta hatuk o, ilvppa puta kvv ai yakohmi tok.

29. Atuk o ont onna ma Chan vt, Chisvs vt i minti na pisa mvt, Chihowa in Chukfulhpoba ushi, yvmmak osh yakni im ai-ashvchika isht kanchi a, ho pesá.

30. Hatak vt auet siakaiyvt minti kvv, yvmmak osh sa tikba ahanta tuk osh holitopa kvv a shahli hoke; achi li tuk a ilvppak osh mih mak oke.

31. Yohmi kvv ilvppa ithana li tuk keyu; yohmi kia

ilvppak osh Israe^l okla ha² im otvna chi² kak o², vno vt oka ya ishit baptismochit aya li hatuk oke, achi tok.

32. Mihmvt Chan vt atokowa anolit, Shilombish okvto pvchi yoshuba yo chiyuhmi hosh vba ya vttvt mintit, yvm-mak ash ant o² binili na pisa li tok.

33. Yohmi ka yvmmak ash o² ak ithano ki tok; yohmi kia oka ishit baptismochi la chi² ho², sa tohno tuk yvmmak osh, Kvna ho² Shilombish ak osh aka mintit ant o² binili na ish pisa chi² ka, mihi yosh Shilombish Holitopa ya ishit baptismocha chi² mak oke, im achi tok.

34. Atuk o², Ilvppak osh Chihowa ha² Ushi pulla hatuk a² pisvt, atokowa anoli li tuk oke, achi tok.

35. Anonti ont onna ma Chan vt ilap, nan im ai ithvna tuklo aienvt hinli tok.

36. Micha Chisvs ash ot nowvt aya na pisa mvt, Chihowa in Chukfvlhpoba ushi a² ho pesá, im achi tok.

37. Mihma nan im ai ithvna tuklo kash ot, yvmmak ash ot anumpuli na haklo mvt, Chisvs a² iakaiyvt okla tok.

38. Mihma Chisvs ash ot filema cha, iakaiyvt okla kash o² pisa mvt, Nanta ho² hvsh hoyo cho? im achi ma, Labbai ma! yvmvt vlhtoshowakmvt, nan-ithvnanchi ma! achi, Katima ko ish ai vtta yoh cho? im achi tok.

39. Mihma, Mintit ant ho pesá, im achi tok. Mihma itvlachit kanima ai-vtta yatuk a² ant pisvt okla mvt, hvshi kanvlli vlhpisa ont isht pokoli foka hatuk oka, nitak yvm-mvno apehvt a²ashwa tok.

40. Tuklot Chan vt anumpuli na haklo cha, yvmma iakaiyvt okla tuk ash, achvfa kv² Antilu, Saimon Pita itibapishi ha tok.

41. Yvmmak ash ot na tikba ilapo itibapishi akinli Saimon ak o² pisa mvt, Messias ash, yvmvt vlhtoshowakmvt, Klaist achi ho² il ahayuchishke, im achi tok.

42. Mihma yvmmak ash o² ilaue²lit Chisvs a² im vla tok. Mihma Chisvs vt yvmmak ash o² pisa mvt, Chona ushi Saimon chia hv² Sefas, yvmvt toshowakmvt, tvli achi hoke, yvmmak o² chi hohchifashke, achi tok.

43. Atuk osh ont onna ka Chisvs vt Kalili a ia hi atuk osh Filip a pisa mvt, Is siakaiyashke, im achi tok.

44. Filip vt Antilu, micha Pita ita-tuklo in tmaha Bet-saita yak o ai vtta ya tok.

45. Filip vt Nahlanael a pisa mvt, Chisvs Nasalet vtta, Chosef ushi, yvmmak o nan vllhpisa ya Moses vt, micha hopaii puta kvt isht a holissohonchi tok mak o, e pisvshke, im achi tok.

46. Mihma Nahlanael ash osh, Nana achukma kvt Nasalet a ai itoltv kohcha hinla ho? im achi ma, Filip ash osh, Minti cha, ant pisá, im achi tok.

47. Chisvs vt Nahlanael vt i minti na pisa mvt, Yakeh! Israel hatak ahli fehna kvt nana ilahobi keyu mak oke, achi tok.

48. Mihma Nahlanael ash ot, Katiohmit is svthana cho? im achi ma, Chisvs vt afalaminchi mvt, Filip vt ont ik chi hoyo kisha ho, fik vpi nuta ya ish asha kak o, chi pisa li kamo, im achi tok.

49. Mihma Nahlanael ash ot afalaminchi mvt, Labbai ma! chishno ak osh Chihowa Ushi chivshke; chishno ak osh Israel okla i miko chivshke, im achi tok.

50. Chisvs vt afalaminchi mvt, Fik vpi nuta ya ish asha ho chi pisa li tuk achi li kak o, chi yimmi há cha? nana kvt ilvppa i shahli fehna ka ish pisa hi oke, im achi tok.

51. Mihma, Ahlishke, ahli mak o chim achi lishke, Himak a pilla vba yvt tiwa na Chihowa im enchil vhleha hvt Hatak Ushi a auet ai akohowa, anonti vba pit ai ibiya aiena ka, ish pisa hi oke, im achi tok.

CHAPTER 11.

Kana ak o nan-itaawayvchi asha ho Chisvs vt oka kapvssa atuk a oka paki ikbi, 1; 12 Chelusalem a ona cha, na chumpa vhleha, micha na kanchi vhleha aiena tempel anykaka aiasha tuk a kocha pit yuhli; 23 yohmi ma Chisvs vt na fehna yvmihinchí ho pisa hatuk mak osh laurt i yimmi.

1. ATUK o nitak ont atuchina ma Kalili yakni Kana a nan-itauiwayvchi vt asha tok: mihma Chisvs ishki vt yvmma ont anta tok.

2. Mihma Chisvs, micha nan im ai ithvna vhleha aiena kvv nan-itauiwayvchi a aya hi a, im annoa tok.

3. Atuk o oka paki vt ont ai ik im ikshot taha ma, Chisvs ishki vt yvmmak ash o, Oka paki vt okla ik im ikshoshke, im achi tok.

4. Chisvs ash ot, Ohoyo ma! vno vt nanta isht a chi aha-laia li cho? hvshi kanvlli vm ai vlvhvisa hvv ik ai ono kisha hoke.

5. Ishki ash ot nan-isht asha vhleha hash, Nana ho hv-chim achikma, hvsh yvmihchashke, im achi tok.

6. Mihma Chu okla ai yvmohmi yatuk osh isht il ai achifa ya tuk, tvli shuti oka ai-vlbeha hannali kvv, fvkin tuk-lokmá, tuchinakmá nana ai vlvhto aiyuka hosh yvmma talohmaya tok.

7. Atuk o Chisvs ash ot, Shuti oka ai-vlbeha ya oka oh alotoli, im achi tok. Mihma yvmmak ash o okla alotolit iti-vlbi vhlchi tok.

8. Mihma, Inta! ho bicheli cha impa pehlchi ya ishit oh im ia, im achi tok. Mihma okla ishit im ia tok.

9. Mihma impa pehlchi ash ot oka oka paki toba tuk ash ishkot pisa cha, kaniohmi hosh toba tuk a ik akostinincho mvt, yohmi kia nan-isht asha vhleha oka ochi tuk okvto ithana ho, impa pehlchi ash ot himona ohoyo itauwaya ash hoyo tok.

10. Yohmi mvt, Hatak moma kvv vmmona ka okapaki achukma ka talohli chatuk; atuk osh hatak vt ishkot fihopak mak o, okpulo yak oh chatuk; amba chishno vto oka paki achukma ya ish il atomba na himak atoshke, im achi tok.

11. Na fehna yvmihchit isht ai vmmona kvv ilvppak o Chisvs vt Kalili yakni Kana yak o ai yvmihchit, ilap im a holitopa ya otvvinchi tok; mihma nan im ai ithvna vhleha hvv i yimmi tok.

12. Ai yakohmi ha ya, yvmmak ash ot, ishki, micha itibapishi vhleha, mikmvt nan im ai ithvna vhleha aienvt Ka-

penavm a ilhkoli tok; atuk osh nitak kanohmi keyu ho ont maya tok.

13. Mihma Chu okla i nan-vbanvblit ont ia yvt ai ona hosi hatuk o, Chisvs vt Chelusalem a ia tok.

14. Atuk osh tempel anukaka ya wak, chukfvlhpoba, micha pvchi vlhpoba aiena kanchi vhleha, mikmvt tvli holisso itatoba aiena kvv binohmaya na pisa tok.

15. Mihmvt aseta chipunta yo isht fuma ikbi cha, yvm-mak ash, chukfvlhpoba, micha wak puta aiena kash mom-inchit tempel a a kocha weli tok; mihmvt tvli holisso itatoba vhleha in tvli holisso ash aka fohopli mvt, anonti ai-impav tvli holisso ai-itatoba puta kash kinahlichei tok.

16. Mihmvt pvchi yoshuba vlhpoba kanchi vhleha hatuk ash o, Ilvppa kanima ishit oh ia cha, Aki in chuka yano nana ai-itatoba chuka hvch ik ikbo kashke, im achi tok.

17. Mihma, Chin chuka i hullo pulla kak osh vm anuk-fila uhvlinchit ai ishit kaiyanchishke, achi hosh holisso ha tok a, nan im ai ithvna vhleha hvv ithaiyana tok.

18. Mihma Chu okla hash ot afalaminchi mvt, Nan isht atokowa nanta ho ish pim otvninchi hosh ilvppa puta ka ish yakohmichei cho? im achi tok.

19. Mihma Chisvs ash ot afalaminchi mvt, Tempel ilvppa oh okpvn; atuk ma nitak tuchinakma falaminchit ikbit hilechi lashke, im achi tok.

20. Yohmi ma Chu okla hash ot, Tempel ilvppv afvmmi pokoli ushta akocha hannali ho tovv vlhtaha tok: yohmi ka chishno vto nitak tuchina ho falaminchit ikbit ish hilecha hinla cho? achi tok.

21. Yohmi kia yvmmak okvt ilap haknip tempel ak o isht anumpuli ha tok.

22. Yohmi tok o yvmmak ash ot illi tuk vt falamvt tani ma, ilvppa im achi tok a, nan im ai ithvna vhleha hvv ithaiyana tok; mihmvt Holisso Holitopa, micha Chisvs vt anumpa anumpuli tok aiena ka okla yimmi tok.

23. Vbanvblit ont ia isht ashvt impvt maya nitak o, yvmvvt Chelusalem a anta cha, na-fehna puta ka yvmihinchi na okla pisa mvt, lauvv i yimmi tok.

24. Yohmi kia Chisvs vt hatak moma ka ithana hatuk okvt ik i yimmo ki tok.

25. Micha nana hosh hatak a anukfoyuka ka ithaiyana hoka, kvna kia hatak a isht atokolit im anola he vlhpesa keyu ki tok.

CHAPTER III.

Chisvs vt Nikotemvs a it im anumpuli; yohmi hosh atuklanchit vtta hi oka ai vlhpesa hatuk, 1; 14 micha kaniohmi kia ilapvt ititaiyuk-hvna a takalit illa hi a ai vlhpesa hatuk aiena; 16 mikmvt Chihowa hvrt hatak a i hullo ka, 18 micha Chihowa ik im antio vhleha hvrt nan i palvmma he aiena ka anoli. 22 Chan vt Klaist nan-isht a holitopa ya, micha yvmma i yimmi hatuk okvto ai okchaya he.

1. HATAK vt Falisi yosh Nikotemvs hohchifo hosh, Chu okla pehlichy yosh ahanta tok.

2. Atuk osh yvmmak ash ot ninak o ayvt Chisvs a im vla cha, A shahli ma! chishno ak osh nan ithvnanchi yosh Chihowa ak o ish a minti ka il ithanvshke; Chihowa ak osh ik apelachokma, hatak nana hosh na-fehna ilvppa puta ish yvmihinchy ka, yvmihcha he keyu hoka, im achi tok.

3. Chisvs vt afalaminchi mvt, Ahlishke, ahli mak o chim achi lishke, Hatak vt atuklant vtta keyukmvt, Chihowa apehlichika ya pisa he keyu hoke, im achi tok.

4. Nikotemvs ash ot, Hatak vt sipoknit taiyaha kvrt kati-ohmi kak osh vtta hinla ho? atukla ma ishki im oshvto ya pit chukowa cha, vtta hinla ho? im achi tok.

5. Chisvs vt afalaminchi mvt, Ahlishke, ahli mak o chim achilishke, Hatak vt oka, micha Shilombish ita-tuklo kak o isht ai vtta keyu hokvto, Chihowa apehlichika ya chukowa he keyu hoke.

6. Nipi yo a tobt vtta hokvto, nipi yoke; mikma Shilombish o a tobt vtta hokvto, shilombish oke.

7. Atuklanchit hvsh vtta pullashke, chim achi li tuk a, okokko! chik ahno kashke.

8. Mahli hvrt kanima yo pit ai im vlhpesakmvt, pit mahlit fokka hokvno ish haklo kia, yvmmak o a minti hosh, anonti

yvmmak o ia, ish ai ahni keyu ka, Shilombish ak o a tobvt vttta hokvto yvmmak inli kak o chiyuhmi bano hoke, im achi tok.

9. Nikotemvs ash osh afalaminchi mvt, Katiohmi kak osh ilvppa puta kvv yvmohma hinla cho? im achi tok.

10. Chisvs vt afalaminchi mvt, Islael okla ha nan-ithv-nanchi chia hokak osh, ilvppa puta ka chik ithano cho?

11. Ahlishke, ahli mak o chim achi lishke, Nana ka il ithana mak osh il anumpuli: mikmvt e pisa tuk mak osh atokolit il anoli hoke; yohmi ka nana atokolit il anoli ka ik hvchi yimmoshke.

12. Nana kvv yakni paknaka asha yo isht a hvchim anoli li ha ya tuk a, ik hvchi yimmo ke tuk vt, anonti nana kvv vba asha ho isht a hvchim anoli li hok mak o, katiohmit hvchi yimma chi cho?

13. Yohmi ka hatak nana hosh vba ya ia tuk keyu; amba vba ya mintit vla tok Hatak Ushi vba ya asha yvmmak ilvshke.

14. Yohmi ka Moses vt sinti a kowi anukaka ya vba takalichi tok a, yvmmak inli chiyuhmit Hatak Ushi vt vba takali pulla hi oke:

15. Yohmi na kvna hosh yvmma i yimmikmvt, ik illo hosh, amba ai-okchayvt bilia yo pisa hi oke.

16. Chihowa yvt yakni a i hullo fehna kvv, kvna hosh yvmma i yimmikmvt ik illo hosh, amba ai okchayvt bilia yo pisa hi o, Ushi achvfa illa holitopa ya auet ima tok.

17. Yakni ak o ilbvshacha chi ho, Chihowa yvt Ushi a auet ima tok keyu hoka; amba yvmmak atuk mak o yakni vt isht ai okchaya hi a tok;

18. Kvna hosh yvmma i yimmi kvto, isht ai ilbvsha he anumpa hvv onvtula keyu hoke: amba kvna hosh i yimmi keyu hokvto, Chihowa Ushi achvfa illa holitopa hohchifo hatuk a i yimmi keyu kvv, isht ai ilbvsha he anumpa hvv onvtula mashko hoke.

19. Yohmi ka tohwikeli hvv yakni a ant iba chukowa ma, ilap nana a katiohmi ai vlhpesa keyu hatuk okvt, hatak vt ai okhlilika yak osh im ai achukma kvv atohwikinli ka,

im i shahli, ilvppak o isht ai ilbvsha he anumpa hvt onvtula hoke.

20. Nan ik ai vlhpeso ya a yohmi ai yukali vt atohwikinli ka i nukkillikmvt, anonti ilap nana a kaniohmi yvt otvnt ik hofahyalo ka hinla ka, atohwikinli ka ik ono chatuk oke.

21. Amba kvna hosh nan-ai ahlika yo a yohmi yokvto, ilap nana a kaniohmi yvt Chihowa yak atuk mak o isht a yvmohmi tuk vt otvna chi ka, atohwikinli ka ona chatuk oke, im achi tok.

22. Nana kv ai yakohmi ha ya, Chisvs vt nan im ai ithvna vhleha ha it apihvt Chutea yakni a ai vla tok; mihma takla yvmmak o antvt baptismochi tok.

23. Mihma Chan ak kia Salim i bilika Enon yvmmak o oka vt laua hatuk o, baptismochit ahanta tok: mihma okla hvt ai vltv baptismo tok.

24. Chan vt aboha kvlllo ik fohko kisha ha tok.

25. Yohmi ma Chan nan im ai ithvna vhleha kanimi, micha Chu okla aiena kv na-baptismo a isht ai it im asilh-hvchit maya tok.

26. Mihmvt Chan a ai im ai vltv, Nan-ithvnanchi ma! Chatan misha ya a chi awant aya tok yvmmak o nana ai atokowa isht ish anohonli kash, yvmmak fehna kv baptis-mohonchi ho, okla momvt im ai itahohombvshke, im achi tok.

27. Chan ash ot afalaminchi mvt, Uba yak o auet ai ima ho keyukma, hatak vt nana ho ilap inli kv isha he keyu hoke.

28. Uno vt Klaist mak o sia keyu: amba itikba aya a si vlhtoka hatuk oke; achi li tok a hvchishno fehna akinli kv ai atokowa ka hvs svm ithanvshke.

29. Ohoyo himona hatak auwaya ka ilauei kak osh, yvm-mvt hatak himona ohoyo itauwaya mak oke: amba himona ohoyo itauwaya i kana hokvto himona ohoyo itauwaya anumpuli pulla kak o hiki vt i haponaklot isht a yukpa chinto hoke: yohmi ka na sai yukpa ilvppvt isht aiahli mak oke.

30. Yvmmak okvto isht i shahlit mahaya he vlhpesakma, amba vno vto ak a lauwt mahaya la he vlhpesa hoke.

31. Uba ya a minti yummak okvto moma ka i shahli hoke: yakni yak o a minti hokvto yakni yakinli; mikmvt yakni yak o ai isht anumpuli hoke; vba ya a minti yvm-mak okvto moma ka i shahli hoke.

32. Micha nana ka pisa tuk; mihmvt haklo tuk aiena mak osh yummak ash atokolit anumpuli hoke; yohmi kia nan ai vlhtokowa anohonli ka, hatak nana kia ik yimmoshke.

33. Kvna hosh, yummvt nan ai vlhtokowa anoli ka yim-mit aiokpvchi hokvto, Chihowa yvt aiahli ka, aiahlichei hosh yimmi hoke.

34. Chihowa yvt atohno tok a, yummak okvt Chihowa im anumpa ho anumpohonlishke; yummak oka Shilombish vt vlhpisa ho Chihowa yvt ihima keyu hoka.

35. Iki vt Ushi a i hullo kvv nan okluha ka yvmma ibbak o fohkishke.

36. Kvna hosh Ushi a i yimmi hokvto ai-okchayvt bilia ya pisa hoke; mikma kvna hosh Ushi a i yimmi keyu hokvto, ai-okchaya ya pisa he keyu; amba Chihowa nan-isht ai i nukkilli yak osh onvtuyula hoke, achi tok.

CHAPTA IV.

Chisvs vt Samalia ohoyo ho ai okchaya oka ak o isht im anumpuli hosh 1, 26 ilap ak osh Klaist mak atuk vt il anoli; 28 mihma ohoyo hash ot falamvt tmaha ha ona cha, yummak atuk a okla ha im anoli; 39 mihma okla hash ot na yimmi. 43 Chisvs vt falamvt Kalili a ona tuk osh Kana ak o anta hosh, hatak holitempa ushi vt abeka hosh Kapenavm ak o itonla ka, pit hlakofichi.

1. CHISUS vt nan ithvna vhleha ikbit baptismochi kvv, Chan a i shahlichei ka, Falisi vhleha hvv haklot maya ka, Chitokaka yvt akostininchi hatuk osh,

2. Chisvs vt ilap inli kvto baptismochi keyu ho, amba nan im ai ithvna vhleha hak atuk ak o,

3. Chutea yash issvt Kalili yash inli ho anonti ia tok.

4. Yohmi kvv Samalia ya pit hlopullit maya he vlhpesa tuk a tok.

5. Atuk osh Chekob vt ushi Chosef a osapa ima tok ta-

laia ka bilika, Samalia yakni tmaha Saika hohchifo hō, vla tok.

6. Yohmi ma Chekob i kvli hvt ymma hikia tok; yohmi hatuk o Chisvs vt nowvt ayvt hoyvbi mvt, hvshi kanvlli isht vhlpisa ont hannali foka hatuk o, kvli ymmak ash yakohmit a bininli tok.

7. Atuk o Samalia ohoyo hvt oka ochit aya hosh ymmak ash o vla ma, Chisvs ash ot, Svpeta na ak ishkó, im achi tok.

8. Nan im ai ithvna vhleha hamo ilimpa chumpvt tmaha ilhkoli tuk a tok.

9. Yohmi ma Chu okla hvt Samalia okla ha nan ai itim ahalaia keyu chatuk oka, Katiohmi hō Chu chia hokak osh, vno vt Samalia ohoyo sia ha oka is svm asilhha cho? im achi tok.

10. Chisvs ash ot afalaminchi mvt, Chihowa i na-hvlbena ha, micha kvna hosh, Svpeta na ak ishkó; chim achi aiena ka ish ithana hatuk okmvt, ilapo ak o ish im asilhha na ymmak okvt oka okchaya yo chipeta he tuk oke, im achi tok.

11. Mihma ohoyo hash ot, A shahli ma! isht ish ocha hi vt nana kia ik chim iksho hō, anonti kvli hvt hofobishke; yohmi ka katimak o oka okchaya ymma ish ai ishi hosh?

12. Chishno ak osh piki Chekob vt ilapo inli, micha im vlla vhleha, mikmvt i wak aienvt ai ishko yatuk vt kvli ha pima tok a ish imaiya hotuma! im achi tok.

13. Chisvs vt afalaminchi mvt, Kvna hosh oka ilvppa ishko tukmvt, anonti itukshila he;

14. Amba kvna hosh oka ya ipeta la chi ymmak o ishko hokvto, nitak nana itukshila he keyu; amba vno ak osh oka ya ipeta la chi hokvno, ymmak atuk ma a foyukvt tobohonli na nitak bilia hi oke im achi tok.

15. Ohoyo hash ot, A shahli ma! oka ilvppa is svpeta na ik svtukshilokmvt, anonti ochit aya kvv ilvppak o ak lo kashke, im achi tok.

16. Chisvs ash ot, Ia cha, chi hatak a ont i howvt vlá, im achi tok.

17. Mihma ohoyo hash ot afalaminchi mvt, A hatak vt ikshoshke, achi ma, Chisvs vt, A hatak vt iksho, ish achi kv̄t, v̄lhpesa ish mihvshke.

18. Hatak vt tahlapi hosh chim āsha tuk osh, anonti himonasi a chim āsha kv̄to, ch̄i hatak atuk o keyu hoka, yvmmak okvno aiahli mak osh ish mihvshke, im achi tok.

19. Ohoyo hash ot, A shahli ma! hopaii chia hatuk o ch̄i akostininchi lishke.

20. Pin tikba v̄hleha hv̄t nv̄nih ilvppak o āsht Chihowa pit aiokpahanchi tok: a tok ak o hv̄chishno v̄to Chelusalem a āshv̄t hatak puta kv̄t Chihowa pit aiokpahancha he v̄lhpesa hatuk a ish mihvshke, im achi tok.

21. Mihma Chisvs ash ot, Ohoyo chia mvt is sa yim-mashke; nv̄nih ilvppa, micha Chelusalem aiena kak kia mayvt Iki a pit hv̄sh aiokpv̄cha he keyu ka hi a hv̄shi kanv̄lli v̄lhpisa hv̄t mihinti hoke.

22. Hv̄chishno v̄to yvmmak o hv̄sh ahni keyu hosh pit hv̄sh aiokpv̄chishke; isht-ai-okchaya hi vt Chu okla immi hoka, pishno v̄to nana h̄o pit il aiokpv̄chi hokv̄t il ithana hoke.

23. Yohmi kia Chihowa pit aiokpv̄chi aiahli v̄hleha hv̄t shilombish, mikmvt aiahli aiena mak o isht aiokpahancha hi a, hv̄shi kanv̄lli at v̄lhpisa hv̄t mihinti h̄o, anonti himonasi a v̄la hoke: yv̄mma chohmi hosh ilapa aiokpv̄cha he ak o Iki vt hoyo hoka.

24. Chihowa yvt Shilombish oke: yohmi ka kv̄na hosh yv̄mma pit aiokpv̄chi hokv̄t shilombish, mikmvt aiahli aiena mak o isht aiokpv̄chi pullashke, im achi tok.

25. Ohoyo hash ot, Messias, Klaist hohchifo kv̄t, v̄la hi a ithana lishke, yv̄mmvt v̄la hok mak osh, nana moma ka pim anola hi oke, im achi tok.

26. Chisvs ash osh, Uno vt chim anumpohonli li kak osh mihi ȳo sia hoke, im achi tok.

27. Mihma nan im ai ithv̄na v̄hleha hash ot ilvppa ataklama ma ai v̄la cha, yv̄mmvt ohoyo h̄a it im anumpuli tuk a, okla anukhlakancha tok: yohmi kv̄t hatak achv̄fa kia, Nanta h̄o ish hoyo hosh? Katiohmi h̄o yv̄mma ish it im anumpuli cho? achi kia iksho ki tok.

28. Yohmi ma ohoyo hash ot isht-ochi ash talali cha, ivt tvmaha ont chukowa mvt, hatak puta kash,

29. Yakeh ! hatak vt nana hō a kaniohmi li tok a mominchit vm anoli ka ant ho pesá, ilvppvt Klaist mak o keyu hō ? achi tok.

30. Mihma tvmaha hash a kohchvt ivt, yvmmak ash okla im ai ona tok.

31. Yohmi takla ma nan im ai ithvna vhleha hash ot, Pi shahli ma ! impá, achit im asilhha tok.

32. Yohmi kia, Ilhpak vpa la chí kvt vm asha yvmmak oka hvch ik akostininchoshke.

33. Yohmi hatuk o nan-ithvna vhleha hash ot, Ūpa chí ka hatak nana kia isht im vla tuk atuk o ? it im achit maya tok.

34. Chisvs ash ot, Auet sa kanchi tok nan ahni kak o a yvmohmi, micha i na-toksvli atahli aiena kak osh vm ilhpak oke.

35. Na-hoyo ai vlhpesa chí ka hvshi ushtvt asha moma, hvsh achi keyu hō ? yakeh ! oh vba chakali cha, osapa puta kvt himonasi ak kia a hoyá he ai ona kvt tohmibi ka ho pesá, hvchim achi lishke.

36. Na-hokchi, micha nan vmo ita-tuklo kvt itibai yukpa chí ka, nan vmo yash ot vlhtoba hā ishi hosh ai okchayvt bilia na-wayá ya hoyo hoke.

37. Yohmi ka achvftv hokchi okma, anonti achvfa hosh vmo, achi tok a yvmmvv aiāhlishke,

38. Hvchishno vt hvsh a toksaiyali tok keyu kvt hvsh ai vma chí ka, pit hvchi tihleli li tuk : hatak inla yosh toksvli tuk o, im a toksvli yash pit hvsh chukowa tuk oke, im achi tok.

39. Mihma ohoyo hvt nana vlhtokowa ka anolit, Nana hō a kaniohmi li tok a mominchit vm anolishke, achi ka Samalia okla tvmaha asha tuk vt lauvv yvmmak ash isht ai i yimmi tok.

40. Yohmi hatuk osh Samalia okla hvt yvmmak ash im ai vla mvt, takla anta hinla ka im asilhha tok ; mihma yvma anta na nitak tuklo tok.

41. Mihma ilap fehna akinli im anumpa hatuk o himakma yimmi kv̄t laua tok.

42. Mihmvt ohoyo hash o, Himak ano pi yimmishke, chishno ak osh nan ish anoli kak o keyu; pishno akinli hosh il ai i haponaklo cha, ilvppak osh Klaist, yakni okchalinchi mak atuk pulla ka il akostininchishke, im achi tok.

43. Nitak tuklo ont vbanvpa ma yvmmak ash kohchvt ia mvt, Kalili a ona tok.

44. Chisvs akinli kv̄t hopaii vt ilap i yakni akinli ka a holitopa hi vt ik im iksho ka, vlhtokowa anoli tok.

45. Micha Kalili ash vla ma, Kalili okla hvt yvmmak kia impa holitopa ya itvnowa hatuk osh, impa holitopa isht asha yvmmvt Chelusalem a nana puta ka a yvmihchi tuk mo minchit pisa tuk okvt, yvmmak ash o okla aiokprchi tok.

46. Yohmi hatuk o Chisvs ash ot Kalili yakni Kana yvm-mak o oka ya okapaki ai ikbi tok ash ot, anonti ona tok. Mihma hatak holitompa achvfa hosh ushi vt abeka kv̄t Kapenavm a itonla tok.

47. Atuk osh, Chisvs vt Chutea ya a kohchvt ayvt Kalili vla ka, haklo mvt, yvmmak ash im ona cha, ushi vt illa hosi hatuk o, ivt ont hlakoficha hinla ka, im asilhha tok.

48. Yohmi ma Chisvs ash ot, Nan isht atokowa, micha na-fehna aiena ho hvsh pisa ho keyukmvt, hvchi yimma he keyushke, im achi tok.

49. Mihma hatak holitompa hash osh, A shahli ma! vm vlla vt ik inlo takla ish onashke, im achi tok.

50. Mihma Chisvs ash ot, Chiso hvt okchaya hoke; ish iashke, im achi tok. Mihma hatak ash ot, Chisvs vt im anumpuli ka anumpa ha yimmi cha, ia tok.

51. Atuk osh ia hosh aya ma, nan isht im asha vhleha hvt afama cha, Chiso hvt okchayvshke; achit im anoli tok.

52. Mihma hvshi kanvlli vlhpisa yvt kaniohmi kak o pit nuktanlv̄t isht ia tuk a im a ponaklo tok. Mihma, Pila-shash hvshi kanvlli vlhpisa ont isht untuklo kak o yvnha hvt shipa tuk, im achi tok.

53. Yohmi ma iki ash ot, Chisvs vt, Chiso hvt okchaya hoke, im achi tuk hvshi kanvlli vlhpisa vt yvmmak fehna

akinli tuk a ithana tok ; micha ilapo fehna, mikmvt in chuka chvfa yvt a momvt yimmi tok.

54. Chisvs vt Chutea ya a kohchvt ayvt Kalili a vlvvt, anonti na-fehna ka ai yimihchi kvt ilvppvt ont atukla ha tok oke.

CHAPTA V.

Chisvs vt Chelusalem a ona tuk osh, nitak hullo nitak o Behlesta oka talaia ho hatak vt abeka tok a afvmmi pokoli tuchina akocha untuchina tuk a a hlakofichi, 1. 10 Chu vhleha hvt, Chisvs vt nitak hullo yo na hlakofichi hatuk o, vbi bvna ma ; 17 Chisvs ash osh ilapvt Chihowa ya Ushi yatuk okvt yvmmak oka yvmihcha he im ai vhpesa-hosh yvmihchi tuk vt anoli. 32 Chisvs vt ilapvt Chihowa Ushi pulla hatuk a, Chan vt atokolit anoli ma, 36 atukla ma ilapo inli kvt nana kvt a fehna kia yvmihinchichi ka isht otvni ; 39 Baibil vt yvmma atokolit anoli akinli hoke.

1. ILUPPUT ai yakohmi ha ya, Chu okla impa holitopa hvt asha tok : mihma Chisvs vt Chelusalem a ia tok.

2. Yohmi ka Chelusalem a chukfvlhpoba a kanchi i bili-ka yvmmak o ai-yupi vt Heblu hohchifo hosh Behlesta yosh i hoshontika tahlapi hosh talaya hoke.

3. Yakohmi ka hatak iksitopo, ik hoponayo, imomokpulo, nipi vt ikshot kvnia puta aiena kvt laua fehna hosh oka piakvcha chi ka, im aiehchi hosh kahvt maya tok.

4. Enchil vt kaniohmikma ayvt, ai yupi ash oka ont pi-lichichi hatuk o ; yohmikma kvna hosh oka vt piakvchikma, tikba pit okvtulakmvt, abeka nana ho isht abeka hatuk kia hlakofi beka tok.

5. Yohmi ho hatak achvfa kvt iksitopo ik nowo tok a afvmmi pokoli tuchina akocha untuchina hosh yvmma itonla tok.

6. Yvmmak ash ot itonla na Chisvs vt pisa mvt, ai yvmohmi tok vt hopaki fehnvt taha ka ithana hatuk osh, yvmmak ash o, Chi hlakofa hi a ish ahni cho ? im achi tok.

7. Mihma hatak iksitopo ik nowo yash ot afalaminchi mvt, A shahli ma ! hatak nana kia oka yvt piakvchikma, ai-yupi a pit si okvcha hi vt ik svm ikshoshke ; yohmi hatuk o maya

li taklakma, inla yosh sa tikba okvtula beka hoke, im achi tok.

8. Chisvs ash ot, Tanit, chi potvlhpo ya ishi cha, nowá, im achi tok.

9. Yohmi ma ashalika fehna hatak ash ot hlakofi cha, i potvlhpo ash ishi mvt, nowa tok; mihma nitak yvmma fehna kv̄t nitak hullo ya tok.

10. Yohmi hatuk o Chu okla hvt na hlakofi tuk yvmmak ash o, Nitak hullo yoke; chi potvlhpo a isht ish aya he ai vlhpesa keyu hoke, im achi tok.

11. Mihma yvmmak ash osh afalaminchi mvt, Na sa hlakofichi yvmmak osh, Chi potvlhpo ya ishi cha, nowá, vm achi tuk oke, im achi tok.

12. Mihma yvmmvt, Hatak nanta hosh, Chi potvlhpo ya ishi cha, nowá, chim achi tuk oh cho? achit okla im asilhhvchi tok.

13. Yohmi ma okla laua yvt yvmma asha hatuk o, Chisvs vt lumvt a kvnia tuk atuk a, na hlakofi tuk ash ot kvna ak atuk a ik ithano ki tok.

14. I himmakma Chisvs vt yvmmak ash o tempel anuka-ka ya a pisa mvt, Yakeh! chi hlakofi hokvt, nan okpulo i shahli kv̄t ik chi onvtulo ka chi kv̄t, himmak mvno ik chi yoshubo kashke, im achi tok.

15. Mihma hatak ash at kohchvt ia mvt, hlakofichi tuk vt Chisvs ak atuk a, Chu okla ha ont im anoli tok.

16. Yohmi hatuk o Chu okla hash osh, Chisvs vt nitak hullo nitak o yvmma yvmihchi tuk o, yvmmak ash i nukkil-lit vbi bvnvt maya tok.

17. Yohmi kia Chisvs vt, Aki vt toksahanli na himak a kak o, vno vt toksvli li hoke.

18. Yohmi ka yvmmvt nitak hullo ya kobvffi kak o illa keyu, amba Chihowa yak osh Iki yo mihvt, Chihowa ya ilapinli kv̄t itilau i ho isht il ilapissa aiena hatuk o, Chu okla hvt yvmmak ash vbi bvnna kv̄t i shahlichei tok.

19. Mihma Chisvs ash osh afalaminchi mvt, Ahlishke, ahli mak o hvchim achi lishke; Ushi yvt ilapo inli hokvto nana kaniohma he keyu, amba nana ho Iki vt yvmihchi ho,

pisa tuk mak oh chatuk oke ; nana ho yvmmak osh a yohmik mak o, Ushi yak kia yvmmak o ai yohmi akinli hoke.

20. Iki vt Ushi a i hullo hatuk osh, ilapvt nana ho a kaniohmi kv̄t mominchit yv̄mma im otv̄ninch̄i chatuk ; yohmi kv̄t hv̄chi nukhlakan̄cha ch̄i ka, nana kv̄t ilv̄ppa i shahli fehna ka im otv̄ninch̄a hi oke.

21. Iki vt illi a tanichit okchal̄inch̄i chatuk a, Ushi vt yvmmak inli ho chohmit kv̄na ho ilap ahni hosh okchal̄inch̄i hoke.

22, 23. Iki vt hatak kv̄na kia nana ka im apesa keyu hoka ; amba hatak vt momvt Ushi a holitobli kv̄t, Iki a holitobli kak inli hosh ai itilauecha ch̄i ka, nan-vlhpisa he puta ka mominchit Ushi ak o im issa hoke. Kv̄na hosh Ushi yash ik holitoblokmvt, yv̄mma auet kanchi tuk Iki ash ik holitoblo hoke.

24. Ahlishke, ahli mak o hv̄chim achi lishke ; Kv̄na hosh vm anumpa ha haklo cha, auet sa kanchi tok a pit i yimmi hokv̄to, ai-okchayvt bilia ya ahayuchi ; mikmvt isht ai ilbv̄sha he anumpa hv̄t ik onvtulo ka hi oke : amba ai-illi ha a kohchvt ai-okchaya yo ona hoke.

25. Ahlishke, ahli mak o hv̄chim achi lishke ; Illi yvt Chihowa Ushi im anumpa ha hakla he hv̄shi kanv̄lli ai vlhpisa kv̄t mihintit, himonasi ak kia vl̄v̄shke ; yohmi ka haklo hokv̄to, yvm̄mvt okchaya he mak oke.

26. Iki vt ilapvt kaniohmit ai-okchaya ya ilap inli il ai ishi hokv̄t, yvmmak inli ho chohmit Ushi vt ilap inli il ai isha ch̄i ka, im apesa hoke :

27. Micha yvmmak okv̄t Hatak Ushi atuk oka, nan apesvt ahanta he isht ai vlhpesa ka im apesa hatuk oke.

28. Hv̄shi kanv̄lli ai vlhpisa kv̄t mihinti yvmmak okv̄no a-hollopi ya vlbehvt maya kv̄t, momvt yv̄mma im anumpa ha haklo cha, kocha wiha he ;

29. Kv̄na hosh ai vlhpiesa ho yvmohmi tok okv̄to okchaya ch̄i mak osh tana he ; anonti kv̄na hosh aivlhpesa keyu ho yvmohmi tok okv̄to, nan isht ai i palv̄mma ch̄i mak osh tana hi oka, ilv̄ppa hv̄ch ik anukhlakancho kashke.

30. Uno akinli hokv̄to nana ho kaniohmi la he keyu ; na-

na ka haklo lik mak osh apesa li; yohmi kvt vno vm anukfla ho hoyo li keyu, amba Aki auet sa kanchi tok im anukfla ak oka, nan apesa li kvt ai vlhpiesa hoke.

31. Uno akinli hosh nan il atokolit anoli li hokmvno, nan il atokolit anoli li kvt ik ahlo hoke.

32. Na si atokowa anoli kvt inla hosh asha kvt, yvmmtv nan atokowa isht si anoli ka nan vlhtokowa aiahli mak oka ithana lishke.

33. Chan a nan i ponakla chi ka, pit hvsh tihleli ma, yvmmak ash ot aiahli ka atokolit anoli tok.

34. Yohmi kia hatak osh nan atokowa anoli ho, hoyo li keyu hoke; yohmi kia hvchishno yak osh a hvchi okchaya chi kak o, ilvppa puta ka achi li hoke.

35. Yvmmak okvt pvla lua yosh shohmalalit tohwikeli ya tok: yohmi ma hvshi kanvlli vlhpisa achvfa kvno in tohwikinli ka nan isht il aiyukpa ka hvsh ahni tok.

36. Yohmi kia nan atokowa si anoli kvt Chan a i shahlich i kvt asha hoke; na toksvli atahli la hi o Aki vt vm apesa tok o, na toksvli ho isht ahanta li ka yvmmak osh, Aki vt auet sa kanchi tok o mvhli ka, atokowa si anohonli hoke.

37. Mihma Aki vt auet sa kanchi tok vt, ilapvt ai atokowa ka si anohonli tok. Nitak kaniohmi kash o yvmma im anumpa ha hvsh im antia tok keyu mvt, anonti kaniohmit otaiyani ka hvsh pisa tok keyushke.

38. Mihma im anumpa hvt hvchi anukfoka keyu hoke: auet sa kanchi tok ash yvmma hvsh i yimmi keyu hoke.

39. Holisso Holitopa ya achukmalit asilhbit ho pihisa: yvmmak o ai okchaya yvt a hvchin takali ka hvchim ahoba hatuk okvt, micha yvmmak osh ai-atokowa ka si anohonli mak oke.

40. Yohmi ka vm vlvt ai-okchaya ya hvsh pisa hi vt hvch ik ahno kvmohmishke.

41. Hatak o ai im a holitopa hi ano ahni li keyushke.

42. Yohmi kia Chihowa holitobli kvt hvchi anukfoka keyu ka, hvch ithana lishke.

43. Uno vt Aki i hohchifo ho aya li ma, hvch ik si ahnin-

choshke; inla yosh ilap i hohchifo akinli hō aya hokmvno, yummak o hvsh ahninja hinlvshke.

44. Ilap bika ai it im aholitopa yak o hvsh aiahni cha, Chihowa ak illa ai im a holitopa hi ano hvsh ahni keyu kv, katiohmi kak osh hvchi yimma hinla cho?

45. Anumpa hvchi onochit Aki a im anoli la hinla ka, ik hvchim ahobo kashke; amba hvsh anukchieto tuk Moses ak osh anumpa hvchi onochi hoke.

46. Moses a hvsh i yimmi tok okmvt, vno a hvs sa yimma he tuk oke; yummvt vno ak o isht a sa holissochi tok oka.

47. Amba yummvt holissohonchi tok a ik hvchi yimmo hokmvt, katiohmit vm anumpa hak o hvchi yimma hinla cho? im achi tok.

CHAPTA VI.

Chisvs vt prska lumbo tahlapi, micha nuni tuklo aiena tuk a hatak tahlepa sipokni tahlapi ka impvchi, 1. 14 Nan-ithvna vhleha ash ot okhvta ilhkoli tuk osh, mahli okpulo itafama; yohmi tuk kia okhvta paknaka ya a nowvt maya hosh Chisvs vt ona. 27 Hatak vt imi shilombish ak o ilhpak im atahli bnmvt maya hi a i miha mvt, 32 ilap ak osh ai okchaya prska mak atuk vt miha. 65 Laua hosh ik im vllpeso mvt, issvt i filvmmi; 66 Pita yvt auah tuklo nan im anukfila ka anoli hosh, Chisvs vt Chihowa ak o Ushi pulla ka yimmi ka anoli.

1. NANA kv ai yakohmi ha ya, Chisvs ash ot Kalili okhvta, yummvt Tibelias okhvta hō pit tanvbli tok.

2. Mihma abeka puta hatuk a nana ka ai i yvmihchit anta na pisa tuk ak osh okla laua fehnvt pit iakaiya tok.

3. Yohmi ma Chisvs vt nvni chaha yo pit oiya cha, yummak o nan im ai ithvna vhleha hash pehlinchit binili tok.

4. Mihma vbanvblit ont-ia Chu okla im impa holitopa yvt ai onā hosi tok.

5. Yohmi ma Chisvs ash ot vba chakalit, okla laua fehna

hosh im ai vla na pisa mvt, Filip ash o, Katima ko pvs-
ka ya il a chumpa na okla ilvppvt impa chi cho? im achi
tok.

6. Ilapvt nana a kaniohma hinla hokvto ithana hatuk osh,
yvmmak o imomaka pisa hosh ilvppa achi tok.

7. Mihma Filip ash ot afalaminci mvt, Pvska yvt iskvli
tahlepa tuklo vlhtoba mak osh, momvt iskvtnosi aiyyuka ho
isha hinla kia, vlhpesa he keyushke, achi tok.

8. Nan im ai ithvna achvvt, Antilu, Saimon Pita itiba-
pishi hash osh,

9. Ulla himita yvt bali palvska tahlapi, micha nvni chi-
punta tuklo aiena ho ishi kvv ilvppa ashvshke; yohmi mak
osh laua fehna hoka, na katihma heto, im achi tok.

10. Mihma Chisvs ash ot, Okla ha ho binolichí, achi tok.
Yvmma hvshuk vt asha fehna tok. Yohmi hatuk o hatak
holhtina kvv tahlepa sipokni tahlapi foka hosh aka binohli
tok.

11. Mihma Chisvs vt pvska yash ishi cha, vba pit aiok-
pvchi mvt, nan im ai ithvna vhleha ha ima ma, nan im ai
ithvna vhleha hash ot aka binohli tuk ash ima tok: mihmvt
nvni mvt kaniohmi ho okla bvnna hinla tuk a yvmmak atuk
ash inli ho okla chohmichi tok.

12. Mihma okla hash ot kaiyvt taha ma, nan im ai ithvna
vhleha hash o, Boshulli vt atampvt asha ka oh itahobi, na-
nasi kia ik kvnio kashke, im achi tok.

13. Yohmi na yvmmak ash ot bali palvska tahlapi ka
okla ai vpa ma im atampa tuk boshulli asha ka, aiowvt ita-
hobi mvt, kishi auah tuklo ka okla alotoli tok.

14. Yohmi ma Chisvs vt na-fehna ho yvmihchi na okla
pisa mvt, Ilvppak osh hopaii yakni ilvppa vla he tuk mak o
pulla mvhlshke, achi tok.

15. Yohmi hatuk osh okla mintit iti halvllit ishit, miko
ikba hinla ka, Chisvs vt akostininci mvt, filvmmi ilap bieka
hosh nvni chaha yo anonti ia tok.

16. Atuk o opivt taha ma, nan im ai ithvna vhleha hash
ot pit okvtahvt okhva ho ona tok.

17. Micha peni ont vlhbeha mvt, Kapenavm imma ia hosh

okhvta hā ašht aya tok. Atuk o ont okhlilit taiyaha ka, Chisvs ash ot ik im ayo kisha tok.

18. Mihma mahli chito yosh mahli hatuk o, okhvta hash ot poakahanchi tok.

19. Yohmi hatuk o peni ash okla mofi kv̄t, kowi tuchi-nakmá, keyukmvt ushtakmá, nana foka hō ona mvt, Chisvs vt okhvta paknaka a nohōwa hosh peni ash i bilika ona na okla pisa tok; yohmi mvt okla nukshopa tok.

20. Yohmi kia yvmmak ash ot, Hvchi nukshopa ná, vno sia hash oke.

21. Mihma okla na yukpa fehnt yvmmak ash o peni ash ik chukowá, okla im ahni tok; atuk o peni ash ot chekosi fehna okla ai ona he tuk ash yakni a ont ataiya tok.

22. Ont onna ma okla okhvta mish tnnvp hiohmaya kv̄t, peni inla mvt ymma iksho hō, achufa yvmmak illa tuk o nan im ai ithvna vhleha hv̄t vlbeha tuk; yohmi ka Chisvs vt nan im ai ithvna vhleha hā takla peni ont ik chukowo hō, amba nan im ai ithvna vhleha ak bano hosh ilhkoli tuk a, pisa mvt;

23. Yohmi kia Chitokaka yvt pvska vba pit ai isht aiok-pvchi na okla ai impa tuk a pit bilika Tibelias a a minti kv̄t peni inla kanohmi hosh vla tok.

24. Yohmi hatuk a Chisvs, micha nan im ai ithvna vhleha aiena kash ot yvmmak ash iksho hō okla akostininchi mvt, yvmmak kia peni inla kanohmi kash vlbeha cha, Chisvs a hoyot, itvnowvt Kapenavm a okla ai vla tok.

25. Mihmvt okhvta hā mish in tnnvp o anta na okla ont pisa mvt, Pi shahli ma! katiohmi kash o ilvppa ish la tuk oh cho? im achi tok.

26. Chisvs vt afalaminchi mvt, Ahlishke, ahli mak o hv-chim achi lishke; Nana a fehna puta ka yvmihchi li hō hvs sa pisa tuk ak osh hvs sa hoyo kak keyu, amba pvska ya hvsh pvt, hvchi kaiya tuk ak oke.

27. Ilhpak vt okpula hi okvno ahnit hvch ik toksalo kashke; amba ilhpak vt ik taho hosh ai-okchayvt bilia ya ona hinla, ymma Hatak Ushi vt hvch ima he yvmmak ash-

ke: yummak o Iki Chihowa yvt ai atokolit ai im aiahlich
hatuk oke, im achi tok.

28. Yohmi ma okla afalaminchi mvt, Nanta ak o e kati-
ohmi hosh Chihowa i na toksuli ha e toksula hinla cho? im
achi tok.

29. Chisvs vt afalaminchi mvt, Auet sa kanchi tok ym-
mak o hvch i yimmi ilvppak osh Chihowa i na toksuli mak
oke, im achi tok.

30. Yohmi hatuk o okla hash ot, E pisa cha, e chi yimma
chi kvno, na-fehna nanta ho ish yvmihchi ho? nanta hak o
isht ish ahanta cho?

31. Pin tikba vhleha hvt chukushmi foka ya manna yo
ai ahampa tok; okla vpa chi ka pska vba minti ho ipeta
tok, achi kvt holisso tok oke, im achi tok.

32. Yohmi ma Chisvs ash ot, Ahlishke, ahli mak o hv-
chim achi lishke, Pska vba minti yumma Moses ak osh
hvch ipeta ha tok keyu; yohmi kia Aki ak osh pska aiahli
vba minti ka hvch ipeta hoke.

33. Uba mintit vla cha, yakni a ai-okchaya ihima kak
osh, yummvt Chihowa i pska mak oke, im achi tok.

34. Yohmi ma, Chitokaka ma! Pska ilvppak o ish pipi-
hinta na biliashke, im achi tok.

35. Mihma Chisvs ash ot, Uno ak osh ai-okchaya pska
ya sia mak oke: kvna hosh vno ak o vm vla hokvt nitak
nana hohchvfa he keyu; micha kvna hosh vno a a yimmi
hokvt nitak nana itukshila he keyu hoke.

36. Yohmi kia hvchishno vto hvs sa pisa kvt ik hvchi
yimmo ka, hvchim anoli li tuk oke.

37. Aki vt vma hokvno momvt vm vla hi oke; mikma
kvna hosh vm vla hokvno, ik kaniohmi kia falaminchit koche
pit tobli la he keyu hoke.

38. Uba ya mintit vla li kvt, vno akinli nana vm anukfila
hosh a yvmohmi la he tok keyu hokvt, amba auet sa kanchi
tok nan im anukfila ha he tok.

39. Yohmi kvt auet sa kanchi tok Aki vt vma tok moyu-
ma ka achvfa kia ik sa kvnio hosh, amba nitak ont ishtaiyo-
pikma falaminchit tanichi la he ilvppak o im anukfila hoke.

40. Micha Ushi a pisa cha, yummak ash i yimmi hokvto, momvt ai-okchayvt bilia ya pisa he, ilvppak o auet sa kanchi tok vt aiahni hoke; yohmi ka nitak ont ishtaiyopikma yummak ash o falaminchit tanichi la hi oke.

41. Yummvt, Uno ak osh pvska vba minti tok mak o sia hoke, achi hatuk o, Chu okla hash ot yummak ash o lumasi na-mihachit maya tok.

42. Mihmvt, Ilvppvt Chisvs, Chosef a Ushi yoh chokvsh keyu? mikma iki, micha ishki aiena ka iloh ithana keya ho? yohmi hokak osh katiohmi ho vba mintit vla li tok, achi cho? achi tok.

43. Yohmi hatuk o Chisvs vt afalaminchi mvt, Lumasi na itiba mihvt hvch ik mayo kashke.

44. Hatak nana kia vm vla he keyv, amba auet sa kanchi tok Aki ak osh halvli hok mak a hi oke: mikma nitak ont ishtaiyopikma falaminchit tanichi la hi oke.

45. Mihmvt momvt Chihowa yak o nan im ai ithvna he, achi kv hopaii puta i holisso ha a holisso tok. Yohmi hatuk o hatak vt Aki a im a haponaklot, nana ka im ai ithvna aiyu ka hokvto, vm ahanla hoke.

46. Hatak nana hosh Aki ak o pisa chatuk o keyu; Chihowa yak o a minti tok ak bano yummvto Aki a pisa chatuk oke.

47. Ahlishke, ahli mak o hvch im achi lishke, Kvna kia a yimmi hokvto ai-okchayvt bilia ya pisa hoke.

48. Uno ak osh ai-okchaya pvska sia mak oke.

49. Hvchin tikba vhleha hv chukushmi foka ya manna ai ahampa tok vt illi tok.

50. Pvska ilvppak o hatak vt ai vpa cha, ik illo ka hi o, vba ya mintit vla tok mak oke.

51. Uno ak osh pvska okchaya vba minti tok a sia mak oke; hatak nana hosh pvska ilvppa vpa hokmvt, okchaya na bilia he; yohmikma pvska ipeta la he, yummvt vno sa nipi yakni vt ai okchaya hi o, isht atobbi la chi kak oke, im achi tok.

52. Yohmi hatuk o Chu okla hash ot, Hatak ilvppvt

katiohmi kak osh ilap nipi ya pipeta na e pa hinla ho? achit itachowvt maya tok.

53. Mihma Chisvs vt, Ahlishke, ahli mak o hvchim achi lishke; Hatak Ushi nipi ya vpv, im issish ma hvsh ishko keyu hokmvt, ai okchaya hi vt hvchi anukfoka keyu hoke.

54. Kvna hosh sa nipi a vpa cha, svssish ma ishko hokvto, ai-okchayvt bilia ya pisa hoke; atukma nitak ont ishtaiyopikma falaminchit tanichi la hi oke.

55. Sa nipi vt ilhpak o fehnakma, svssish a ishka hi o fehna hoke.

56. Kvna hosh sa nipi a vpa cha, svssish ma ishko hokvt, vno a a subai achafakma, anonti vno mvt ilapa ai ibachafa li hoke.

57. Aki okchaya yvt vno a auet sa kanchi tok o, Aki ak o vno vt ai okchaya li hatuk a, kvna hosh vno a svpa hokvt, yvmmak inli ho chohmit vno ak o si ai okchaya hi oke.

58. Ilvppak osh pvska vba minti tok mak oke; hvchin tikba vhleha hvt manna ya vpa tuk osh anonti illi tok a a chohmi ho keyu; kvna hosh pvska ilvppa vpa hokvto okchayvt bilia he mak oke, im ahanchi tok.

59. Kapenavm a nan ai ithvnanchit ahanta mak osh sinak anukaka ya ilvppa puta ka ai ahanchi tok.

60. Yohmi hatuk o nan im ai ithvna vhleha hvt ilvppa haklot in taha mvt, lava kv, Ilvppvt anumpa kullo fehnvshke, kvta hosh haponakla hinla cho? achi tok.

61. Nan im ai ithvna vhleha hvt yvmma lumasit nan isht a miha ka, Chisvs vt ilapo inlit akostininchi mvt, Ilvppvt hvchi ibetvblichi hoh cho?

62. Yohmi kvto Hatak Ushi vt tikba ma ai vta tok vba ya ia na hvsh pisa hok mvt?

63. Okchalinechi vt shilombish ak oke; yohmikma nipi vto nana ho isht ai vhpesa keyu hoke; anumpa hvchim anumpuli li yvmmak osh shilombish okmvt, anonti isht ai-okchaya yoke.

64. Yohmi ka hvsh katiohmi mvt ik yimmo kv hvsh ashvshke, im achi tok. Ummonvt isht auehinchi kak inli ho kvna hak osh ik yimmo ka he, mikma kvna hak osh

ilāpa ishit inla ibbak fohka he aiena ka Chisvs vt ithana tuk a tok.

65. Mihmvt, Yohmi hatuk o Aki ak osh anukfohkichi ho keyukma, hatak nana hosh vm vla he keyu hoke, hvchim achi li kvno, achi tok.

66. Yvmmak fehna kak o nan im ai ithvna vhleha hvt lauvt filamovt taha mvt, i himmak ma apehvt ik itvnowo ki tok.

67. Yohmi ma Chisvs ash ot auah-tuklo kash o, Hvchishno ak kia filvmmiit aya hi a hvchim anukfila cho ? im achi tok.

68. Mihma Saimon Pita yvt afalaminechi mvt, Kvta hak o il im ia hinla cho ? chishno ak osh ai okchayvt bilia isht anumpa ha ish ieshishke.

69. Micha chishno ak osh Chihowa okchaya Ushi, Klaist mak o chia pulla ka il ithanvt, pi yimmi fehna hoke, im achi tok.

70. Chisvs ash ot, Auah-tuklo ho hvchi atokoli li tok o, hvsh achvfona kvv nan-isht-ahullo okpulo yo chia keyu ? im achi tok.

71. Yvmmak osh auah-tuklo ka ai iba chvfa yatuk osh, yvmmak ash ishit inla ibbak fohka chi ha tok oka Saimon, ushi Chutas Iskaliot ak o isht anumpuli ha tok oke.

CHAPTA VII.

Chisvs vt luma chohmi hosh ayvt Chelusalem a ona ma, Chu vhleha hvt yvmmak ash pisa bvnvt aiasha mvt, nan isht anukfilli kvv im ilaiyukvt aiasha, 1. 14 Chisvs vt tempel a ont chukowa cha, nan ithvnanchit ahanta. 37 Hatak vt itukshila hokvto, ilap ak o im ai onvt nan ishka hi a, ahnit Chisvs vt hoyo.

1. NANA kvv ai yakohmi ha ya, Chisvs vt Kalili yakni ak o ahanta tok: Chu okla hash osh yvmmak ash vbi ka bvnvt maya hatuk o, Chu i yakni yokvno ahanta he ik ahno ha tok.

2. Mihma Chu okla chishako vltipo nuta ai impa holi-topa yoh chatuk nitak vt a tikeli tok.

3. Yohmi hatuk o i kanomi vhleha hvt yvmmak ash o, Ilvppa issvt ivt, Chutea yakni yak o ish ona na nan chim ai ithvna vhleha hak kia na-fehna puta ish ai yvmihchi ka pisashke.

4. Ilapo vt otvni achukmvt annoa hi a ahni hokvt, hatak vt ai alumaka ho nana ka yvmihchi chatuk vt iksho hoke. Ilvppak oka a chi yvmohmi mvhli chatuk okmvt, yakni a ish il ai im otvninchashke, okla im achi tok.

5. I kanomi vhleha hak kia ik i yimmo hatuk osh.

6. Mihma Chisvs ash ot, Ŭno vt ia la he ai vlhpiesa kvto ik ai ono kisha hoke; amba hvchishno vto hvsh ia hi vt hvchim vlhpiesa bieka hoke.

7. Yakni vt hvchishno yokvno hvchi nukkillla he keyu: amba vno vto yvmma nana a kaniohmi kvt ai vlhpiesa keyu ka atokolit anoli li hatuk o, vno yokvno a nukkilli hoke.

8. Ai-impā holitopa āsha ilvppa hvsh iashke; vno yokvto ai vlhpesa kvt ai ona fehna keyu kisha hoka, ai-impā holitopa āsha ilvppa himonasi kvno ia la chi keyu hoke, im achi tok.

9. Anumpa ilvppa puta ka im ahanchit in taha mvt, Kalili yakni akinli ho anta tok.

10. Yohmi tuk kia i kanomi vhleha hash ot ivt taha tuk o, ilap ash kia ile haiakvchi fehna keyu, amba luma chohmit ayvt, ai-impā holitopa āsha kash ona tok.

11. Yohmi ma Chu okla hvt yvmmak ash ai-impā holitopa āsha ka hoyot, Mih mvto katima yak o hikia cho? achi tok.

12. Mihmvt kanimi kvt, Yvmmvvt hatak achukma hoke, achi ma, inlaka yokvto, Keyu, amba okla hā haksichi yoke, achi hatuk o yvmmak ash lumasit isht anumpulit, ilap bika itachowa fehvt maya tok.

13. Yohmi kia Chu okla hā i nukshopa hatuk osh, hatak nana kia haiakvchit yvmma isht anumpuli kvt iksho ki tok.

14. Atuk o ai-impā holitopa āsha ka iklvnnvt taha foka

ma, Chisrs ash ot tempel a pit chukowa cha, nana ithv-nanchi tok.

15. Mihma Chu okla hvt nukhlakancha cha, Hatak ilvppvt katiohmi kak osh ithvna tok keyu kvto, holisso ha imponna hoh chishba? achi tok.

16. Chisrs vt afalaminchi mvt, Nan isht ai ithvnanchi li kvv vno vmmi ho keyu, amba auet sa kanchi tok ak o immi hoke.

17. Hatak nana hosh, yvmmvt nana ai ahni tok mak o ahninchit yvmihchi hokmvt, nan-isht-ithvnanchi ka Chihoa ak o a minti hokma, keyukmvt peh vno ahni li hosh anumpuli li hokma, nana hatuk ma akostinincha hi oke.

18. Kvna kia peh ilap ahni hosh anumpuli hokvto ilap isht a holitopa he ak o aiahni chatuk; amba auet kanchi tok vt nan-isht a-holitopa he ak o aiahni hokvto, yvmmak osh aiahli, mikma nana ik ai vlhpeso nana kia ai a takali keyu hoke.

19. Moses vt vba-nan-vlhpisa ya hvch ima tok keyu ho? a tok ak o hvchi achvfona kia vba-nan-vlhpisa mvno hvch ik holitobloshke. Nanta katiohmi ho subi bvvvt hvsh itvnowa cho?

20. Okla hash ot afalaminchi mvt, Nan-isht-ahullo okpulo yo il ai eshi chia hoka, kvta hosh chibi bvvvt itvnowa hoh cho? okla achi tok.

21. Chisrs vt afalaminchi mvt, Nana achvfa ho ai yvmihchi li, yvmohmi ma momvt okokko! hvsh ahnishke.

22. Yohmi ka Moses vt hakshup tupa ka hvchim apesa tok. Moses ak osh yvmma tikbanlichi tok keyu, amba in tikba vhleha ak a tok: a tok kia hvchishno vto nitak hullo nitak o hatak hakshup hvsh in tahamblishke.

23. Moses i nan-vlhpisa yut ik kobafo ka chi ka, hatak vt nitak hullo nitak o hakshup in tvptohowa ma, vno vto nitak hullo nitak o hlakofichit kaiyanchi li kak o, hrs sa nukkilli cho?

24. Nana kvv a katiohmi ahoba kak o isht ik hvchim a-

nukfilo kashke; amba nana kv̄t isht vl̄hpisa kv̄t ai-vl̄hpiesa mak o isht hv̄chim anukfilashke.

25. Mihma Chelusalem a aśha tuk vt kanimi kv̄t, Okla vbi b̄nnvt maya beka tuk a ilvppak osh mih mak o keyu?

26. Yohmi kia nukwaya iksho hosh anumpohonli ma, nan ok ik im achoshke. Ilvppak osh Klaist fehna mak o mv̄hli kr̄no, hatak pehlichī vhleha hv̄t akostininchi hoh chishba?

27. Yohmi kia hatak ilvppvtō kanima yō a minti ka iloh im ithanvshke; amba Klaist ak osh v̄la hokma, kanima yō a minti ka hatak nana hosh akostinincha he keyu hoke.

28. Mihma Chisvs vt tempel anukaka ya nana ai ithvnan-chi hosh anta tuk ash osh chitolit, Ūno a hv̄s sv̄thana mvt, anonti kanima yō a minti li tuk ma hv̄sh ithanvshke; yohmi ka vno akinli ahni li hosh aya li keyu, amba auet sa kanchi tok yvmmak osh aiāhli mak atuk o yvmma chik ithanoshke.

29. Amba vno vto yvmmak o a minti li tuk okvt, yvmma ithana li hoke; yvmmak osh auet sa kanchi tok mak oke, achi tok.

30. Mihma okla ishi b̄vna tok; yohmi kia hv̄shi kanv̄lli isht ai im vl̄hpisa kv̄t ik ai ono k̄isha hatuk oka, hatak nana kia ibbak a ik onochō ki tok.

31. Mihma okla l̄awvt yvmmak ash i yimmi mvt, Klaist ak osh v̄la hokmvtō, na-fehna puta ka yvmihchi kv̄t, hatak ilvppvt ai yvmihchi tuk puta ka i shahlichā hinla hō? okla achi tok.

32. Okla hv̄t lumasit yakohmichit yvmma isht anumpulit maya ka, Falisi vhleha hv̄t haklo tok; micha Falisi vhleha, mikmvt na-holitompa isht aśha pehlichī vhleha aiena kash ot yvmmak ash isha chī ka, tishu vhleha h̄a pit tihleli tok.

33. Mihma Chisvs ash ot, Chekosi itintakla kak o hv̄chi takla anta li moma chī; atuk mvt anonti auet sa kanchi tok a im ia la chī hoke.

34. Hv̄s sa hoyo kia, hv̄ch ik sa peso ka chī; mikmvt kanima yō ai ahanta likma, yvmma hv̄sh ai ona he keyu hoke, im achi tok.

35. Mihma Chu okla hash osh ilapo b̄ika it im achit, Katima kō ia chī hokaq o, kēho pesa ka chī hoh chishba?

ita-fimimpvt Chentail okla ibvlhkahvt asha hak o im ayvt, Chentail okla ha nan ithvnancha chi ho?

36. Ilvppak osh anumpa nanta mak o, Hvs sa hoyo kia, hvch ik sa peso ka chi; mikmvt kanima yo ai ahanta likma, yvmma hvsh ona he keyu hoke, achi tok.

37. Nitak ont ishtaiyopi na holitoblit ai-impa nitak chinto yvmmak fehna Chisvs vt hikia cha, tahpahanla mvt, Hatak nana hosh itukshila hokmvt, vno ak o vm ai vlt ik ishkó.

38. Kvna hosh vno a a yimmikma, yvmmak o, Holisso Holitopa yvt achi hatuk oka, oka okchaya okhina yvt chu-kvsh a a yanvllit a kokoncha chi hoke, achi tok.

39. Yohmi kia ilapa i yimmi vhleha hv Shilombish a habena he yvmmak o isht anumpuli hosh ilvppa miha tok: Chisvs vt ont ik a holitopo kisha hatuk o, Shilombish Holitopa yvt ik ayo kisha ha tok.

40. Yohmi hatuk o anumpa ilvppa haklo mvt, okla hash ot lauvt, Ilvppak osh hopaii mih mak o fehna ho mvhlshke, achi tok.

41. Kanimi mvt, Ilvppak osh Klaist mak oke, achi ma, amba kanimi kvto, Klaist vt Kalili yakni a vttvt a kohchvt aya hinla ho?

42. Klaist vt Lewi Ushi ai isht atiaka ho, micha Behlehem tvmaha Lewi vt ai ahanta tok mak o ai vtta ahpa hi a, Holisso Holitopa yvt achi hatuk keyu? achi tok.

43. Yohmi hatuk o yvmmak atuk mak o okla hv isht ai ita kashapvt maya tok.

44. Mihma kanimi kv yvmmak ash ishi ka ahni tok; yohmi kia hatak nana hosh ibbak a ik oncho ki tok.

45. Yohmi ma tishu vhleha hash osh na holitompa isht asha pehlichu vhleha, micha Falisi vhleha aiena kash im ai ona tok; mihma yvmmak ash osh, Nanta katiohmi ho yvmmak ash isht hvch ik lo cho? im achi tok.

46. Mihma tishu vhleha hash ot, Hatak nana hosh anumpuli kv hatak ilvppa chohmi chatuk keyushke, achi tok.

47. Mihma Falisi vhleha hash ot afalaminchi mvt, Hvchishno ak kia hvsh i haksi hotuma?

48. Hatak hochitoka, keyukmvt Falisi vhleha aiena kvt kanimi mvt, yvmma i yimmi tuk o?

49. Yohmi ka nan-vlhpisa kia ithana keyu okla ilvppvto nan isht i palvmma he vlhpesvshke, achi tok.

50. Nikotemvs, yvmmvt ninak o ayvt Chisvs a im ona tok ash ot, yvmma ai ibachvfa hatuk osh,

51. Nan vlhpisa pin tonla kvt hatak a ai i haponaklot, nana ho a kaniohmi hatuk ma ai akostinichi keyu kisha kvt, nan im apesa chatuk oh cho? im achi tok.

52. Mihma okla afalaminci mvt, Chishno ak kia Kalili hatak chia hatuk o? achukmalit hoyot pisá: hopaii vt Kalili yakni a ai vttvt kohchvt aya hi vt iksho hoka, im achi tok.

53. Yohmi ma hatak ash ot momvt in chuka aiyuka ilhkolit taha tok.

CHAPTER VIII.

Falisi vhleha hvt, ohoyo hosh haui tobrt ahanta na yvmmak osh nan im apesa chi ho, isht im ona, 1. 12 Chisvs vt ilap ak osh yakni in tohwikli; yohmi ka yvmmvt im aiahli ka Iki vt atokolit anoli chatuk aiena ka miha. 30 Chu okla hvt Chisvs a i sanali; yohmi hatuk o ilapvt Eblaham ak okvno isht atiaka ho mvhli akinli kia, nan ai ashvchika yokvno i yuka vhleha; micha nan isht ahullo okpulo a im vlla vhleha aiena hatuk a, Chisvs vt im otvnnichi.

1. CHISVS vt Alif nvniha ia tok.

2. Atuk osh onna-hinli fehna falamvt tempel ash ant chukowa ma, okla momvt im ai itvnaha tok: mihma aka binilit nan ithvnanchi tok.

3. Mihma na-holissochi vhleha, micha Falisi vhleha aiena kvt, ohoyo hvt lumakvt anta tuk o, isht im ona tok; micha ai iklvna ka okla binilichi mvt,

4. Nan-ithvnanchi ma! ohoyo ilvppvt lumakvt anta, ai yakohmi fehnvt haiaka na ishi tuk oke.

5. Yohmi ka Moses vt ilvppa chohmi hokvt tvli isht boa hi o, nan-vlhpisa ya isht a pim apesa tok; yohmi ka chishno vto nantuk ish achi cho? im achi tok.

6. Ilap ak o anumpa onocha hi vt ahnit, imomaka pisa hosh ilvppa okla achi tok. Yohmi kia Chisvs ash ot ik i haponaklo ho chohmit, aka pit waiahput, ibbak-ushi a yakni a isht ai o holissochi tok.

7. Yohmi ka okla i ponaklo kash ot a moyuma ma, wakaya mvt, Kanima hosh ai ashvchika ik im iksho kvv hvchi takla hikia hokmvt, yvmak osh na tikba tvli ya isht ik boli, im achi tok.

8. Mihmvt anonti aka pit waiahput yakni a ai o holissochi tok.

9. Mihma okla haklo tuk ash ot, ilap chukvsh akinli ka nan isht ai il akostininchi mvt, holitopa i shahli tuk ak osh tikba achvfa aiyyukt kohchvt ihiya mvt, ik a lauwo ke tuk vt momvt ont taiyaha tok; mihma Chisvs ak bano hosh hikia ma, ohoyo hash osh ai iklvna ash hikia tok.

10. Chisvs ash ot wakaya mvt, inla yvt iksho ho, ohoyo ak bano ho pisa mvt, Ohoyo chia ma! anumpa chi onochi vhleha mvto? hatak nana kia anumpa ik chi onochi ke tuk oh cho? im achi tok.

11. Mihma, Hatak nana kia anumpa ik si onochoshke, Chitokaka ma! achi tok. Mihma Chisvs ash ot, Vno ak kia anumpa chi onochi li keyushke, ia cha, himmakma ik chi hakso kashke, im achi tok.

12. Mihmvt Chisvs ash ot anonti okla ha im anumpuli mvt, Vno ak osh yakni im a tohwikeli sia mak oke; kvna hosh vno a siakaiya hokvt, ai okhlilika yo aya he keyu; amba ai okchaya tohwikeli hvv in takala he mak oke, im achi tok.

13. Yohmi hatuk o Falisi vhleha hash ot, Nan ish ai atokoli kvv chishno akinli hosh ish il ai-anoli hokvt, nan ish ai atokoli ka ahli keyushke, im achi tok.

14. Chisvs ash ot afalaminchi mvt Atokoli kvv vno akinli hosh il ai anoli li akinli kia, nan ai atokoli li ka ahli hoke: vno ak okvto kanima yo a minti li tuk: mikmvt kanima yo atia la he aiena kvv ithanali hoka; amba hvchishno vto kanima yo a minti li tuk, micha kanima yo atia la he aiena ka hvsh akostinincha he keyushke.

15. Haknip nan isht a kaniohmi chatuk mak o nana hvsh apesvshke; vno vto hatak nana kia nana ak im apesoshke.

16. Yohmi kia nana ka apesa li hokma, nan apesa li ka aiahli hoke; vno ak illa keyu hoka, amba vno vt auet sa kanchi tok Aki a itatuklo li hoke.

17. Hatak tuklo hosh nana atokolit anoli ho aiahla hi a, hvchi nan-vlhpisa yak kia a holihiso hoke.

18. Nan isht a si atokowa anoli kvv vno akinli kak osh mihi yo sia hokma, anonti auet sa kanchi tok Aki ak osh nana atokowa ka si anoli hoke.

19. Yohmi ma Katima ko Chiki vto asha hosh? okla im achi tok. Chisvs vt afalamинchi mvt, Vno, mikmvt Aki ita tuklo li ka hvch ik pithanoshke; vno a hvsvthana hatuk okmvt, Aki ma hvsh ithana he tuk akinli hoke, im achi tok.

20. Anumpa ilvppa Chisvs vt tempel anukaka ya nana ai ithvnanchi hosh ahantvt, tvli holisso abohli yo hikia hosh anumpuli tok: hvshi kanvlli isht ai im vlhpisa kvv ik ai ono kisha hatuk o, hatak nana kia ibbak a ik onochoki tok.

21. Anonti Chisvs ash ot, Kanima ia likma, hvsvsa hoyo kia, nan ai-ashvchika puta kak o isht hvchi ai illa hi oke: kanima yo ai ona li ka, hvchishno vto hvsh ona he keyu, im achi tok.

22. Yohmi ma Chu okla hash ot, Kanima yo ai ona li ka, hvchishno vto hvsh ona he keyu, achi kvv ilap inli kak osh ile ba chi hoh cho? achi tok.

23. Mihma, Hvchishno vto aka yo a minti hvchia hokma, vno vto vba yo a minti li hoke; hvchishno vto yakni ilvppak o ai ibachvfa hvchia hokma, vno vto yakni ilvppa ai ibachvfa sia keyu hoke.

24. Yohmi ka na hvchim ai-ashvchika puta kak o isht hvchi ai illa hi oke, hvchim achi li hokvno; vno ak osh mihmak o sia ka ik hvchi yimmo hokmvt, na hvchim ai-ashvchika puta kak o isht hvchi ai illa hi oka, im achi tok.

25. Mihma, Chishno ak osh kvvta hak o chia ho? okla im

achi tok. Mihma Chisvs ash ot, Ummona ka nana ho hvchim anoli li kash mih mak o sia hoke.

26. Nana ka hvchi mihvt, nan isht apesa la hi vt lauvt vm ashvshke. Yohmi kia auet sa kanchi tok yvmmak osh aiahli mak oke; mihma vno vt yvmmak o nana ka ai im a haklo li tuk mak osh yakni a isht im anumpuli li hoke.

27. Iki ak o isht im anumpuli hatuk a, okla ik akostinincho ki tok.

28. Mihma Chisvs ash ot, Hatak Ushi a vba hvsh takalichi hok mak osh, vno vt mih mak sia hatuk; micha vno akinli vm anukfila hosh nanasi ka ai yvmohmi li keyu; amba Aki ak osh nan svthvnanchi tuk mak o ilvppa puta ka anumpuli li hatuk a hvsh akostinincha hi oke.

29. Micha auet sa kanchi tok vt sa takla aya hoke; Aki vt ilap illvchit sa kanchi tok keyu; nana kvv yvmma yukpali pulla kak o yvmohmi kvv a sa bilia chatuk oke, im achi tok.

30. Anumpa ilvppa puta ka anumpohonli ma, i yimmi kvv laua tok.

31. Yohmi ma Chisvs ash ot i yimmi tuk vhleha Chu okla hash o, Um anumpa ha hvsh halvlli kvv hvch ik issokmvt, nan vm ai ithvna ahli fehna hvchia mak a chi hoke.

32. Mikmvt nan-aiiahli ka hvsh ithana he; mikma nan-aiiahlika yash ot yuka keyu hvch ikba hi oke, im achi tok.

33. Okla afalaminchi mvt, Eblaham ak o isht atiaka pia, yohmi kvv nitak nan ash o hatak nana kia ai i yuka hosh il anta tok keyu ka, katiohmi ho, Yuka keyu hvchi toba hi oke, ish achi cho? im achi tok.

34. Chisvs ash ot afalaminchi mvt, Ahlishke, ahli mak o hvchim achi lishke, Kvna hosh nan ai ashvchika ya ai yohmi hokmvt, nan-ai-ashvchika ya i yuka mak oke.

35. Yohmi ka yuka hokvto chuka ya ai ahantvt bilia chatuk keyu; amba Ushi yokvto ahanta na bilia chatuk oke.

36. Yohmi hoka Ushi yak osh yuka keyu ka hvch ikbi hokma, yuka keyu ahli mak o hvchia ha hi oke.

37. Eblaham ak o isht atiaka hvchia hokvno hvchim

ithana li; yohmi kia vm anumpa hak osh hvchi chukvsh a ai anukfoyuka keyu kak o, s_{vi}bi hvchi bvnrvshke.

38. Aki a ai iba pisa li tok mak osh vno vt nana ka isht anumpuli li hoke; mihma hvchishno vt hvch iki a hvsh ai iba-pisa tok mak osh a hvchi yvmohmishke, im achi tok.

39. Mihma okla afalaminch i mvt, Eblaham ak osh piki oke; im achi tok. Chisvs ash ot, Eblaham ak o ushi hvchia hatuk okmvt, Eblaham vt nana a kaniohmi tok mak o, hvsh yvmohma he tuk oke.

40. Amba Chihowa ya nana ai im a haponaklo li tuk vt nan ai ahlika mak o hatak hvchim anoli li ka, s_{vi}bi hvchi bvnrvshke; Eblaham vt ilvppa yakohmi tok keyu hoke.

41. Hvch iki vt nana a kaniohmi tok mak o hvsh yvmohmishke, im achi tok. Mihma, Iki, ishki ita tuklo kvt ai vlhpesa keyu ho a toba hosh il vta tok keyu: Piki vt achvfa, Chihowa ak oke, im achi tok.

42. Chisvs ash osh, Chihowa ak osh hvch Iki atuk okma, hvs sa hulla he tuk oke; vno vt Chihowa yak o a kohchvt aya li hosh vla li ha tok oka; yohmi kvt vno vm anukfila akinli hosh vla li tok keyu; amba yvmmak osh auet sa kanchi tok oke.

43. Nanta katiohmi ho vm anumpa ha hvch ik svm akostinicho cho? vm anumpa ha haponaklo ik hvchi bvnno kak okvt,

44. Setan hvch iki ak o hvsh a toba hatuk osh, hvch iki nana ai-ahni kak o ai yohma hi a hvchim anukfilvshke; yvmmak okvt vmona kash inli ho hatak vbi a tok; micha ilap ak osh nan aiahli kvt anukfoka keyu hatuk osh, nan ai ahlika ya a hikia keyu hoke. Holabit anumpuli kvt ai immi ka mak okvt anumpuli hoke; ilap ak osh holabi yokvt, anonti na-holabi iki mak oke.

45. Yohmi hatuk o ai ahlika yo hvchim anoli li hatuk o, hvch ik sa yimmoshke.

46. Hvsh katima kak osh nan ai-ashvchi li tuk a hvs svm atokola hinla cho? Ahli mak o miha li hok mak heno, nanta katiohmi ho hvch ik sa yimmo cho?

47. K_{va}na kia Chihowa ya immi hokmvt, Chihowa im

anumpa ha haklo hoke; yohmi hoka hvchishno vto Chihowa immi hvchia keyu hokvt hvch ik hakloshke, im achi tok.

48. Mihma Chu okla vhleha hash ot afalaminchi mvt, Chishno vt Samalitan hatak chia hosh, nan-isht-ahullo okpulo a ish il ai eshi hatuk a, e chi achi kvt vlhpesa ho e miha keyu cho? im achi tok.

49. Chisvs vt afalaminchi mvt, Nan-isht-ahullo okpulo il ai ishi li keyushke: amba Aki a holitobli li hatuk o, hvchishno vto vno a hvch ik sa holitobloshke.

50. Micha vno akinli isht a sa holitopa hi o ahni li keyu; yvmma aiahni cha, nan apihisa kvto achvfa hosh asha hoke.

51. Ahlishke, ahli mak o hvchim achi lishke; Hatak vt nana mihia li ka vm antia hokmvt, nitak nana ai-illika ya pisa he keyu hoke, im achi tok.

52. Mihma Chu okla hash ot, Nan-isht-ahullo okpulo a ish il ai eshi hatuk a, himak vno il akostininchishke; Eblaham, mikmvt hopaii vhleha aiena kvt illi tok: yohmi ka hatak vt nana mihia li ka vm antia hokmvt, nitak nana ai-illika ya pisa he keyu, ish achishke.

53. Piki Eblaham illi tok a ish i shaiyahli cho? mihma hopaii vhleha aiena kvt illit taha tok. Chishno ok ash kvta hak o ish il ai apesa hoh cho? im achi tok.

54. Chisvs vt afalaminchi mvt, Vno akinli hosh ile holitobli li hokma, na sa holitopa he mak keyu hoke. Hvchin Chihowa hvsh miha tuk Aki yvmmak osh sa holitobli hoke.

55. Yohmi kia hvchishno vto yvmma hvch ik ithanoshke; amba vno vto yvmma ithana lishke; yohmi kvt yvmma ak ithano hoke; achi li hokmvt, holabi hvchishno akinli ho chohmi la chi hoke; yohmi kia yvmmak oka ithana li mvt, nana ahanchi ka holitobli lishke.

56. Hvch iki Eblaham vt ai ahanta li nitak a pisa hi okvt na yukpa tok; atuk osh pisa cha, na yukpa chinto fehna tok, achi tok.

57. Mihma Chu okla hash ot, Sipokni kvt afvmmi pokoli tahlapi ka chik ono kisha hokak osh, Eblaham a ish pisa tok oh cho? im achi tok.

58. Mihma Chisvs vt Ahlishke, ahli mak o hvchim achi

lishke, Eblaham vt iksho kisha ma, anta li tok oke, im achi tok.

59. Yohmi ma ishit bola chi kv̄t, tvli a okla aiowa tok: yohmi kia Chisvs ash ot lumvt okla ai iklvnnaka ya hlopul-lit ayvt tempel a a kohchvt ont ia tok.

CHAPTA IX.

Hatak vt l̄vpa yosh vtta tok a, Chisvs vt hoponayochi, 1: 13 hatak ash o ilauēt Falisi v̄hleha h̄a isht im ona ma, Falisi v̄hleha hash ot hatak ash sinakak a a kohchichi. 35 Chisvs vt ilap ak osh Chihowa h̄a Ushi mak atuk vt hatak yvmmak ash im il otv̄ninchi ma, hatak ash ot i yimmi cha, aiokp̄vchi.

1. MICHA Chisvs vt ont ia cha aya mvt, hatak vt l̄vpa imoma yosh vtta tok osh āsha na pisa tok.

2. Mihma nan im ai ithv̄na v̄hleha hv̄t, P̄i shahli ma! hatak ilvppak okm̄a, keyukmvt īki, ishki itatuklo ka a kati-ma kak osh nan ashv̄chi tok o, hatak ilvppvt l̄vpa imoma yosh vtta tok oh cho? achit ī ponaklo tok.

3. Chisvs ash ot afalaminchi mvt, Hatak ilvppak okm̄a, keyukmvt īki, ishki ita-tuklo ka a kanima kak osh nana ashv̄chi tok o keyu hoke; amba Chihowa nan-isht im ai ahlika yvt ilvppak o isht ai otv̄na he mak o, ai yakohmi tok oke.

4. In toksvli la he mak o auet sa kanchi tok oka nitaki moma kak o isht im ahanta li pullashke; ninak vt vla ha yokmvno, hatak nana kia pilēsa he keyushke.

5. Yakni a ai ahanta li takla hokv̄to, yakni a in tohwikeli sia hoke, im achi tok.

6. Ilvppa mak achit ont issa mvt, yakni a on tofv̄t, lukfi a itukchi ishit yvm̄vslit tahli mvt, hatak l̄vpa nishkin a lukfi ash o isht im apolusli tok.

7. Mihmvt, Oka talaia Siloam, yvm̄mvt toshowakmvt, Pila, achi h̄o ia cha, ont okam̄i, im achi tok. Yohmi ma ia cha ont okami mvt, pisa hosh vla tok.

8. Yohmi hatuk o chuka panta hatak v̄hleha, micha yvm̄mvt l̄vpa yo tikba ka pisa beka tuk v̄hleha yvmmak ash ot, Ilvppvt ashvt nana asih̄ihla chokv̄sh mak o keyu? achi ma,

9. Kanimi kv̄t, Il̄ppv̄t mihi yoka, achi ma, inla m̄v̄t, Peh holba hoka, achi tok : yohmi kia ilap v̄to, Mihi yō sia hoke, achi tok.

10. Yohmi hatuk o, Katiohmi hosh chi nishkin v̄to fatuma tuk oh cho ? im achi tok.

11. Mihma afalaminchi m̄v̄t, Hatak Chisv̄s hohchifo kak osh lukfi a ymv̄slit, sa nishkin a isht v̄m apolusli cha, Oka talaia Siloam a ia cha, ont okam̄i, v̄m achi ma, īv̄t ont aka-mi li hosh, hoponayo li tuk oke, achi tok.

12. Mihma, Atuk osh mih m̄v̄to ? okla im achi ma, Ak akostininchoshke, achi tok.

13. Mihma l̄pa yō beka tuk yvm̄mak ash o ilaunlit Falisi v̄hleha h̄a isht im ona tok.

14. Yohmi ka nitak hullo nitak o Chisv̄s v̄t lukfi a ymv̄sli cha, nishkin a i fatummi tuk a tok.

15. Yohmi hatuk o anonti Falisi v̄hleha h̄v̄t kaniohmit hopanayo tuk a, im asilhh̄v̄chi akinli tok. Lukfi ymv̄ska yō sa nishkin a isht a lapohlechi na okami li tuk osh, hoponayo lishke, im achi tok.

16. Yohmi hatuk o Falisi v̄hleha kanimi kv̄t, Hatak ymv̄m̄v̄t nitak hullo nitak a holitobli keyu hokv̄t, Chihowa ak o a minti keyushke, achi tok. Inlaka yokv̄to, Hatak v̄t nan ash̄v̄chi atuk v̄t katiohmi hosh na-fehna puta yakohmi ka yvm̄ihcha hinla cho ? achi tok : yohmi m̄v̄t ilap b̄ika okla ai ita kashapv̄t m̄aya tok.

17. Hatak l̄pa yatuk ash o anonti, Chishno v̄to chi nishkin a ch̄i fatummi tuk a, yvm̄mak oka nanta isht ish achi cho ? okla im achi ma, Yvm̄mak ash ot hopāīi yoke, achi tok.

18. Yohmi kia Chu okla hash ot hoponayo tuk ash īki, ishki ita tuklo ka hoyot ik im asilhh̄acho k̄isha kv̄t, yvm̄m̄v̄t l̄pa yatuk osh hoponayo tuk a, ik yimmo ki tok.

19. Atuk osh yvm̄mak ash o okla i ponaklot, Il̄ppv̄t h̄v̄ch iso l̄pa yosh v̄tta tok h̄v̄sh achi chokv̄sh oh cho ? Yohmi hokak osh katiohmi h̄o himak ano hoponayo cho ? okla achi tok.

20. Īki, ishki ita-tuklo kash ot afalaminchi m̄v̄t, Il̄ppv̄t piso, micha l̄pa yosh v̄tta tok okv̄no il ithanv̄shke.

21. Amba nana hosh kaniohmi h̄o himak ano p̄isa kv̄no,

kil akostininchoshke ; mikmvt kvna hosh nishkin a i fatummi tuk aiena kvno, kil ithanoshke ; vlla keyu hoka, ilap ak o hvsh i ponaklokma, ilap inli hosh isht il ai anumpula hinla hoke, achit okla tok.

22. Hatak nana hosh, yummvt Klaist oke, achi hokmvt, sinakak a a kohcha hi o, Chu okla hvt ai it ibachvftv taha mashko hatuk o, iki, ishki itatuklo kv Chu okla hak o i nukshopa hatuk osh, anumpa ilvppa achit okla tok.

23. Yohmi hatuk osh iki, ishki itatuklo kash ot, Ulla keyu hoka, ilap ak o oh i ponakló, achit okla tok.

24. Yohmi ma atukla ma hatak lva yatuk ash o okla hoyo mvt, Chihowa yak o pit holitoblichí, hatak ilvppak okvto nan ashvchi a il im ithana hoke, im achi tok.

25. Mihma afalaminchi mvt, Yvmmak okvt nana ashvchi yokmá, keyukmá, nana hokvno ak im ithanoshke ; nana achvfa kvno ithana li ; yohmi kv lva sia ha tuk kia, himak ano hoponayo li kak oke.

26. Mihma anonti, Nanta ho a chi katimichi tuk o ? Katimihechi hosh chi nishkin a fatummi tuk oh cho ? okla im achi tok.

27. Mihma im afalaminchi mvt, Hvchim anolit taiyahli li kia, hvch ik haponaklo ke tuk vt, nanta katiohmi ho atuklanhit haklo ka hvsh ahni cho ? hvchishno ak kia nan im ai ithvna toba hvchi bvna ho ? achi tok.

28. Yohmi ma okla ishtukhlakavt, Chishno ak osh yvma nan im ai ithvna chia hoke ; amba pishno vto Moses ak o nan im ai ithvna pia hoke.

29. Moses ak okvno Chihowa yvt im anumpuli beka tok a il ithana ; amba ilvppak okvto kanima yo a minti ma, il ai im ithana keyushke, okla im achi tok.

30. Mihma hatak ash osh afalaminchi mvt, Yummvt kanima yo a minti tuk a hvch ik im akostinincho ho, anonti sa nishkin a a fatummi hoka, ilvppvt na-fehvvshke.

31. Mihmvt Chihowa yvt nan ashvchi vhleha hokvno i haponaklo keyu chatuk ; amba hatak nana hosh Chihowa ya aiokpvchi, micha nan ahni ka im antia aiena yok mak o mihi yo i haponaklo chatuk a iloh ithanvshke.

32. Yakni vt toba tok a taiyakla ka lpa imoma yosh vtta tok a hatak nana kia nishkin ash i fatummi tok a annoa chatuk keyushke.

33. Hatak ilvppvt Chihowa yak o a minti hatuk keyu hokmvt, nana ho yvmihcha he keyushke, im achi tok.

34. Mihma okla afalaminci mvt, Nana ai ashvchika bieka mak osh ish vtta tok ak naka nan ish pim avchi hotuma? im achi mvt, a kohchichi tok.

35. Yvmma a kohchichi tuk a, Chisvs vt haklo tok; atuk osh yvmmak ash o pisa mvt, Chihowa Ushi a ish i yimmi cho? im achi tok.

36. Afalaminci mvt, Chitokaka ma! i yimmi la hinla yvmmak osh kvt a? achi tok.

37. Mihma Chisvs ash osh, Yvmmak oka ish pisa tuk o, anonti mihi yosh chit im anumpohonli hoke, im achi tok.

38. Mihma, Chitokaka ma! sai yimmishke, achi mvt, yvmmak ash aiokpvchi tok.

39. Ik hoponayo atuk vt hoponayo yokma, anonti hoponayo tuk vt lpa yo toba he, yakohmit nan isht im vlhpisa hi o, yakni ilvppa aya li hatuk oke.

40. Mihma Falisi vhleha kanimi kvt yvmma apeha tuk ash ot anumpa ilvppa puta ka haklo mvt, Pishno ak kia lpa pia hoh cho? im achi tok.

41. Chisvs ash ot, Lpa hvchia hatuk okmvt, nan ai ashvchika yvt ik hvchim iksho ka he tuk; amba, E hoponayo, himak a hvsh achi; yohmi hokvt hvchim ai ashvchika vvt takanli moma hoke, im achi tok.

CHAPTA X.

Chisvs ak osh okhissa, mikmvt yvmmak osh chukvlpoba apesvchi achukma yatuk osh chukvlpoba ya vltobvt illi, 1. 19 Okla hvt Chisvs a nan isht ai im anukfila kvt ilaiyuka, 24 Chisvs vt Chihowa hak o a minti tuk a ilap nana ai isht ahanta kak inli hosh otvnnichi ka im anoli; 39 Chu okla hvt vbi bvnna kia im a hlakofit kocha. 40 Chisvs vt ia mvt Chatan misha tvnnvp o ona ma, okla laua hosh i yimmi.

1. AHLISHKE, ahli mak o huchim achi lishke, Kvna hosh chukfulhpoba i holihta okhissa yak o ik a chukowo hosh, amba naksika kanima yo pit oiyvt o walvbli hokvto, yummvt hukopa, mikmvt na wehpuli mak oke.

2. Amba okhissa yak o pit a chukowa hokvto, yvmmak osh chukfulhpoba ya apesvchi mak oke.

3. Yvmmak o okhissa apesvchi atuk vt in tiwikma, itih ola ka, chukfulhpoba yvt ithana; yohmi hatuk oka in chukfulhpoba atuk ash hohchifo ai yuka hochifot pehlichit kohcha chatuk.

4. Atuk osh in chukfulhpoba yash kocha welit tahlikmvt, tikba im iakma, itih ola ka, ithana hatuk okvt, chukfulhpoba yash ot apehvt ia chatuk.

5. Yohmi kia inla itih ola hokvno ik ithano hatuk osh, apihvt ia he keyu hosh, amba i filvmmit yihlepa chatuk oke, im achi tok.

6. Nan-isht-vlhpisa ilvppak o Chisvs vt okla ha isht im anumpuli tok: yohmi kia nana ho yummvt isht ai im anumpuli hatuk a, okla ik akostinincho ki tok.

7. Yohmi hatuk o Chisvs ash ot atuklanchit, Ahlishke, ahli mak o huchim achi lishke, Uno ak osh chukfulhpoba im okhissa sia hoke.

8. A sa tikba aya tok puta kvto hukopa, mikmvt na wehpuli bano ha tok: yohmi hatuk o chukfulhpoba yvt yvmmak okvno ik i haponaklo ki tok.

9. Uno ak osh okhissa sia hoke: hatak nana hosh vno ak o si a chukowa hokvto, okchaya he: micha pit chukohovvt, anonti kohonchvt, ai-imp^a ya ahayuhoncha hi oke.

10. Na-hukopa yvt hukopa, micha vbi, nan okpvni aiena he ak bieka hosh aya chatuk; amba ai okchaya ya okla ahayuchikmvt, anonti laua kv^t i shahli fehna ho pisa he mak o, vno vto aya li ha tok.

11. Uno ak osh chukfulhpoba apesvchi achukma sia mak oke; chukfulhpoba apesvchi achukma yvt chukfulhpoba ya ilap im ilhfiopak a a kaiyanchi hoke.

12. Amba peh ilthohno, chukfulhpoba apesvchi keyu hatuk, micha chukfulhpoba yvt immi atuk keyuk mvto, na-

shoba vt minti na pisakmvt, chukfvlhpoba ya issvt chvfa hoke; yohmi ma nashoba yvt yvmmak ash ant hoklit, chukfvlhpoba yash it ai yuhli hoke.

13. Ilhtono hvt peh ilhtohno atuk okvt, chukfvlhpoba ya nan isht ik ahno hatuk mak osh chvfa hoke.

14. Ūno ak osh chukfvlhpoba apesvchi achukma sia hoke; an chukfvlhpoba ya ithaiyana li hoke; mikma anonti vmmi hvt vno a svthana hoke.

15. Aki vt svthana ka, vno mvt Aki a ithana li akinli koke; yohmi hosh chukfvlhpoba ya isht vlhtoba hō vm ilhfiopak a aka bohyuli lishke.

16. Yohmi kvt chukfvlhpoba inla mvt ilvppa ashaka ai achvfa keyu kvt vm asha hoke: yvmmakma peblichit vla likma, vm anumpa ha hakla hi oke: yohmikma aiasha vt achvakma, anonti chukfvlhpoba apesvchi vt achvfa hi oke.

17. Ūm ilhfiopak a falaminchit ishi la hinla hosh aka bohyuli li; yohmi hoka Aki vt sa holitobli hoke.

18. Hatak nana hosh vm ishi hō keyu: amba vno akinli ahni li hosh aka bohyuli li hoke. Aka bohyuli la hi vt isht vm ai vlhpesakmvt, anonti falaminchit ishi la hi vt isht vm ai vlhpesa hoke. Nan-vlhpisa ilvppak o Aki a im a habena li tok, im achi tok.

19. Yohmi hatuk o anonti Chu vhleha hash ot anumpa ilvppa isht ai it a kashapvt maya tok.

20. Yohmi mvt, Nan-isht-ahullo okpulo il ai ishi hatuk osh tasimbo hokvto, nanta katiohmi hō hvsh i haponaklo hosh? achi kvt laua ma,

21. Inlaka yokvto, Ilvppak okvt nan-isht-ahullo okpulo il ai ishi hō im anumpa keyushke. Nan-isht-ahullo okpulo vt lvpa nishkin a fatumma hinla hō? achi tok.

22. Hvshtula yo tempel a himonvchit Chitokaka pit im issa impa hosh Chelusalem a asha hō, yohmi tok.

23. Mihma Chisvs vt tempel anukaka Solomon im api-shia nutaka ya hikikia tok.

24. Mihma Chu vhleha hash ot vltv yvmmak ash o ant a folubli cha, Ik ai ithano chohmit il aiasha na katiohmi foka

chi ho ish pim ahni cho? Chishno ak osh Klaist chia hok-mvt, achukmalit ish pim anolashke, im achi tok.

25. Mihma Chisvs ash ot afalaminchi mvt, Hvehim anoli li ka, ik hvchi yimmo hoke: nana ka Aki hohchifo ho isht a yvmihinchi li kak o, yvmmak osh ai vlhtokowa ka si anohonlishke.

26. Yohmi kia ik hvchi yimmoshke; yvmmak o hvchim achi li hatuk oka, an chukfulhpoba keyu hvchia hatuk okvt.

27. An chukfulhpoba vto vm anumpa ha haklokma, anonti vno vt ilap ma ithana li ho, a si apeha chatuk.

28. Mikma ai-okchayvt bilia ya yvmma im issa li; yohmi ka nitak nana ilbvshvt illa he keyukma, anonti kva kia yvmmak ash svbbak a a kohchit isha hi vt iksho hoke.

29. Aki yvmma vma tok vt moma i shahli; yohmi ka kva kia yvmmak ash Aki ibbak a a kohchit isha hi vt iksho hoke.

30. Uno, Aki itatuklo li kvv il it ibai achvfa hoke, achi tok.

31. Mihma anonti Chu okla hash ot tvli ishit bola chi kvv tvli a okla aiowa tok.

32. Chisvs vt afalaminchi mvt, Isht il apelvchi vt Aki a minti pulla na na hochukma lava ka isht a yvmihinchi li hvsh pisa tuk a, na-fehna yvmma puta tuk ash katima kak o tvli a isht hvv sa bola chi mak oh cho? im achi tok.

33. Mihma Chu okla hash ot afalaminchi mvt, Na fehna achukma yvmmak atuk ak o tvli a ishit e chi bola chi mak o keyu; amba ik ahobalot anumpulit, anonti hatak chia hokak osh, Chihowa ish il apesa aiena kak oke, im achi tok.

34. Chisvs vt afalaminchi mvt, Chitokaka vhleha hvchia hoke, achi li tok, achi kvv hvchi nan-vlhpisa holisso ha a holihiso keyu cho?

35. Chihowa im anumpa hvv avvt ai im ahanta yo yvmmak o Chitokaka vhleha hohchifo tok okma, anonti Holisso Holitopa yvt kobafa hi o keyushke:

36. Iki vt na-holitopa ka isht a im atokoli cha, yakni a auet kanchi tok o, Chihowa Ushi sia hoke, achi li tuk ak o, Nan ik ahobalot ish anumpuli, hvsh achi hoh cho?

37. Aki vt nana a kaniohmi ak o ak yvmihcho hok mak o, hvchik sa yimmo kashke.

38. Amba yvmihchi li hokmvo, vno ak okvno hvch ik sa yimmo hoh kia, nana kvv a kaniohmi yvmmak o hvchi yimmi cha, Aki vt auet a si achafakma, anonti vno vt ilap a pit ai achafa li ka, akostininchit hvchi yimmashke, im achi tok.

39. Yohmi hatuk o anonti okla ishi bvnna tok: yohmi kia ibbak a im a hlakofi tok.

40. Mihmvt anonti ivt, Chatan misha Chan vt a baptis-mochi vmmona tok yvmmak o ona cha, ahanta tok.

41. Mihma okla lawvt im ai itahoba mvt, Chan vto nafehna nana kia yvmihchi tok keyu; yohmi kia Chan vt hatak ilvppa isht anumpohonli tok a, momvt aighli ha tok, achi tok.

42. Yohmi ma yvmma ashvt ai i yimmi kvv laua tok.

CHAPTER XI.

Lasalvs vt abeka na in tek vhleha hvv Chisvs a pit im anoli, 1; 17 Chisvs vt Betani a vla, mihmvt Lasalvs a falaminchit tanichi. 45 Laua hosh Chisvs a i yimmi kia, kanimi kvv Falisi vhleha ha ont im anoli; Chisvs vt kohchvt ia mvt, tmaha Efihaime ont anta.

1. **H**ATAK achvfa Lasalvs hohchifo, Meli micha itibapishi Mahla itatuklo in tmaha Betani ak o vta yosh abeka tok.

2. Meli yvmmak osh Chitokaka ya pashi ahama isht a hvmmi cha, iyi ma ilap pashi yo isht i kasholichi tok mak o i nakfi yosh Lasalvs vt abeka ha tok.

3. Yohmi hatuk o in tek tuklo kash ot yvmmak ash pit im anolit, Yakeh! Chitokaka ma! ish holitobli chatuk vt abekvshke, achi tok.

4. Mihma ilvppa Chisvs vt haklo mvt, Nan abeka ilvppvt isht ai illa hi o keyu hoke; amba Chihowa vt isht a holitopa na Chihowa Ushi vt yvmmak o isht a holitopa chi mak oke, achi tok.

5. Mahla, micha itibapishi, mikmvt Lasalvs aiena ka Chisvs vt holitobli tok.

6. Yohmi hatuk osh yummvt abeka tuk a haklo ha yvt, ai vttā tuk ash inli hō ahanta na nitak tuklo tok.

7. Atuk osh ymma ont vbanvpa ma nan im ai ithvna vhleha hash, Anonti Chutea yakni ya iloh iashke, im achi tok.

8. Mihma nan im ai ithvna vhleha hash ot, Pi shahli ma! Chu okla hvt chekosi kash o tuli a ishit chi boli bvnna tuk a, anonti ymma ish ia chi hō? im achi tok.

9. Chisvs vt afalaminechi mvt, Nitak achvfa ka hvshi kanvlli vhlpisa auah-tuklo chatuk keyu cho? Hatak nana hosh nitak o nowvt aya hokmvt, yakni ilvppa ai in tohwikeli ka pisa hatuk osh ik ibetvblo hoke.

10. Amba hatak vt ninak o nowvt aya hokmvto, tohwikeli kvv ik im iksho hatuk osh, ibetvbli hoke, achi tok.

11. Ilvppak o achi tok: yohmi ha yosh i himmak o, Hvpi kana Lasalvs vt nusishke; yohmi kia nusi tuk a ont okchvli la chi mak osh ia li hoke, im achi tok.

12. Yohmi ma nan im ai ithvna vhleha hvt, Chitokaka ma! nusi hatuk okmvt, hlakofa chi hoke, achi tok.

13. Yohmi kia yummvt illi kak o Chisvs vt miha ha tok; amba nusit foha kak o miha ka, okla im ahoba tok.

14. Yohmi ma Chisvs vt achukmali fehnvt, Lasalvs vt illi tuk oke.

15. Yohmi ka vno vt ymma ont ak anto ke tuk vt, hvchishno na hvchi yimma chi ka, hvchishno ak atuk mak o sai yukpvshke; yohmi kia ymma iloh im ai onashke, im achi tok.

16. Mihma Tamas, yummvt Titimvs hohchifo hosh ymma nan im ai ithvna ai itilauī vhleha hash, Pishno ak kia iloh ia cha, apihvt hvv illashke, im achi tok.

17. Atuk o Chisvs ash ot ona mvt, yummak ash ot hollopi tuk a nitak ushta tuk o, ont akostininchi tok.

18. Betani vt Chelusalema a pit i bilika kowi tuklo foka tok.

19. Mihma i nakfi illi Mahla, micha Meli itatuklo ka hophlvla chi hosh Chu okla hvt lauvv im ai itahoba tok.

20. Atuk o Mahla ash osh, Chisvs vt minti ka, haklo

makinli hosh, ivt ont afama tok ; amba Meli vto aboha anu-
ka yash asha moma tok.

21. Mihma Mahla vt Chisvs ash o, Chitokaka ma ! ilvppa ant ish anta tuk okma, a nakfi vt illa hetuk keyushke.

22. Ik yohmi kia himonasi mak o Chihowa ya nana ho ish im asilhha hoka, Chihowa yvt chima hinla ka ithana lishke, im achi tok.

23. Mihma Chisvs vt, chi nakfi vt falamvt tana chi akinli hoke, im achi tok.

24. Mihma Mahla ash ot, Nitak ont ishtaiyopi illi vt falamvt tani yvmmak okvno falamvt tana hi oka, ithana lishke, im achi tok.

25. Chisvs vt, Uno ak osh illi a falaminchit tanichi, mikmvt ai-okchaya aiena ka sia mak oke. Kvena hosh vno ak o a yimmi hokvto, ik illi tuk nana kia, okchaya he mak oke.

26. Micha kvena hosh okchayvt ahanta hosh vno a a yimmi hokvto, nitak nana illa he heyu hoke. Ilvppa chi yimmi cho ? im achi tok.

27. Ahli, Chitokaka ma ! chishno ak osh Chihowa Ushi, Klaist yakni ilvppa aya hi a tok mak o chia ka sai yimmishke, im achi tok.

28. Ilvppa yakohmichit miha mvt, ivt itibapishi Meli a lumasit ont i howvt, Nan-ithvnanchi vt vla cha, chi hoyoshke, achi tok.

29. Yvmma haklo makinli hosh, ashalika wakayvt ivt ont afama tok.

30. Chisvs vt tmaha ha ant ik chukowo kisha hosh, Mahla yvt ai afama tuk ash akinli ho hikia ha tok.

31. Mihma Chu okla hvt apehvt aboha anuka ya mayvt hopohlvi tuk ash ot, Meli vt tushpvt wakayvt kocha ia na okla pisa mvt, Ahollopi yvmmak o ont a yaiya chi hosh ia hoka, achi mvt iakaiya tok.

32. Atuk o Meli ash ot Chisvs a hikia kash ona cha, pisa mvt, iyi ituma ya ont hlipia cha, Chitokaka ma ! ilvppa ant ish anta tuk okma, a nakfi vt illa he tuk keyushke, im achi tok.

33. Yvmmvt yahaya ma, anonti Chu okla yvmma apihvt

ai v̄la tuk aiena kv̄t yah̄aya akinli na Chisvs vt pisa hatuk osh, chukvsh anukaka isht a nukhaklo fehnvt ik im v̄lhpieso ki tok.

34. Mihmvt, Katima yak o hvsh bohli tuk oh cho? achi ma, Chitokaka ma! minti cha, ant pisá, okla im achi tok.

35. Chisvs vt nishkin okchi minti tok.

36. Mihma Chu okla hash ot, Yakeh! i holitopa fehna tuk o mvhli, achi tok.

37. Mihma kanimi kv̄t, Lvpa yatuk a hoponayochi tuk vt, hatak ilvppak kia ik illo ka hinla ka, a kanimihcha he tuk keyu chishba? okla achi tok.

38. Yohmi ma Chisvs ash ot anonti chukvsh anukaka isht anukhaklo fehnvt av̄t ahollopi a ona tok. Yakni chiluk o tvli yosh isht v̄lhkvma ha tok.

39. Chisvs ash osh, Tvli ya ishit ho kanv̄lichí achi, ma, Mahla illi tuk a in tek ash osh, Chitokaka ma! illi tuk a nitak ushta hokvt himak foka ma shua hoke, im achi tok.

40. Mihma Chisvs vt, Chi yimmi hokmvt, Chihowa isht a holitopaka ya ish pisa hinla hoke, ak chim acho ke tuk oh cho? im achi tok.

41. Mihma illi ai itola tuk ash tvli ya okla ai ishit kanv̄lichí tok. Mihma Chisvs vt nishkin a pit v̄ba chakalichi mvt, Aki ma! is sa haiyaklo hatuk a yak oke, chim aiahni lishke.

42. Yohmi kv̄t is sa haiyaklo a bilia chatuk a ithaiyana li kv̄no; yohmi kia okla ilvppa hiohmaya kv̄t, chishno ak osh auet is sa kanchi tok a ai yimma ch̄i kak o, yv̄mma achi li tuk oke, achi tok.

43. Yakohmichit anumpulit ont in taha mvt, chitoli hosh anumpulit, Lasalvs ma! auet kohchá, achi tok.

44. Mihma illi atuk ash ot ibbak, iyi aiena ka ahollopi ishit shema yvt isht v̄lhfōwa h̄o ant kohecha tok; mihma nashuka yano nantapvski yosh isht v̄lhfōyuka tok. Mihma Chisvs vt, Oh i hotofi na ik iá, im achi tok.

45. Yohmi ma Chu okla Meli a im ai itahoba tuk osh, Chisvs vt nana ka ai yvmihchi na pisa mvt, laua hosh i yimmi tok.

46. Yohmi kia kanimi hokvto falamvt ivt, Falisi vhleha h_a im ona cha, nana ka Chisvs vt ai yvmihchi tuk ash okla im anoli tok.

47. Yohmi ma na-holitompa isht a_sha pehlichi vhleha, micha Falisi vhleha aiena kash ot hatak hochitoka nan apesa vhleha h_a itahobi mvt, Hatak ilvppvt na-fehna lawa ka yv-mihchi ka, nanta mak o katiohmi hosh iloh aiasha cho?

48. Ilvppa ant ik yohmi, iloh im ahni hokma, hatak mo-ma kv_t i yimma chi hoke; yohmikma Loman okla hv_t vla cha, pi yakni, micha pim okla talaia aiena kash ai okpvnicha hinla hoke, achi tok.

49. Mihma achvfvt Kaiafas hohchifo hosh afvmmi yvm-ma fehna ka na holitompa isht a_sha pehlichi i shahli a ai ibafohka hatuk osh, Nana ka hvch ik akostininecho kvmoh-mishke.

50. Mikmvt hatak achvfa hosh okla h_a vlhtobvt illi na okla talaia kash ot momvt ik illo ka hi a, a hvvim vlhpiesa hatuk a hvch ik anukfilloshke, im achi tok.

51. Yohmi kv_t ilap nana aiahni hosh ilvppa anumpuli ha tok keyu; amba afvmmi yvmma fehna ka na-holitompa isht a_sha pehlichi i shahli hosh anta hatuk okvt, Klaist vt okla yvmma vlhtobvt illa he.

52. Yohmi kv_t okla yvmmak bana hi o keyu; amba Chihowa im vlla vhleha kanima ai it afimimpvt a_sha tuk aiena ma hoyot a miha chvfa ho ai itahoba he ak o, tikbanli anoli ha tok.

53. Yvmohmi hatuk o nitak yvmma ai vhlit mihinti ka, yvmma vba chi kv_t nana it im apesvt okla maya beka tok.

54. Yohmi hatuk o Chisvs vt himmakma haiaka fehnvt Chu okla itintakla ya ik a hikikio ki tok; amba yvmmak ash vttvt ia mvt, yakni haiaka pit a bilika tvmaha Eflihaim hohchifo ho nan im ai ithvna vhleha h_a pehliechit ahanta tok.

55. Atuk o Chu okla nan im vbanvblit ont ia yvt ai ona hosi tok; mihma ilap nan ai il atahlit maya chi kv_t, nan-vbanvblit ont ia yvt ik ai ono kisha ho yakni yvmma asht Chelusalem a ia kv_t laua tok.

56. Atuk osh Chisvs ash okla hoyot, tempel anukaka ya hiohmavt, Impa holitopa asha ka ik lo ka chi hokma, nana ka hvchim ahoba cho? it im achit maya tok.

57. Na-holitompa isht asha pehlich vhleha, mikmvt Falisi vhleha aiena kash ot, yvmmt kanima yo anta ka hatak nana hosh akostininchi hokmvt, anoli na okla isha hinla kvv anum-pa vlpisa ka bohli tuk a tok oke.

CHAPTA XII.

Meli vt Chisvs iyi ya nan-ahama im ahvmmi ma, yvmmt ai vlpesa ho yohmi hatuk a Chisvs vt miha, 1. 12 Chisvs vt issuba nashoba yo om binili hosh Chelusalem a ona. 20 Klik kanimi kvv Chisvs a pisa bvna: 23 Chisvs vt ilapvt kaniohmit illa he, anoli; 27 Chisvs vt chkvsh anukaka nan isht nukhaklo in chito mvt, vba pit anumpuli; 37 Hatak pehlich vhleha hvv laua hosh Chisvs a i yimmi: yohmi kia Chisvs a isht anumpuli nukwia.

1. ATUK o nan vbanvblit ont ia isht asha chi ka nitak hannalit takanli moma ho, Chisvs vt Betani ak o Lasalvs vt ai illi tuk o falaminchit tanichi tuk a yvmmt yvmmak o ai vttta chatuk o, ona tok.

2. Mihma yvmmak o opiaka impa yo okla ai im atahli tok; mihma Mahla ak osh nan ai isht im anta ma, amba Lasalvs vto ibai impa hosh maya kak o iba takla asha tok.

3. Yohmi ma Meli vt spiknat nan-ahama holitopa fehna weki achvfa ka ishi cha, Chisvs iyi ya ishit a hvmmi mvt ilap pashi akinli ho iyi yash isht i kasholichi tok: mihma nan ahama balama kvv aboha yash alotowa tok.

4. Mihma nan im ai ithvna vhleha achvfa Saimon ushi Chutas Iskaliot vt yvmmak oka inla ibbak fohka he mak osh,

5. Nanta katiohmi ho nan ahama ilvppvt iskvli tahlepa tuchina kia isht ik vlbi cha, ilbvsha ya ik i holhpelo ke tuk oh cho? achi tok.

6. Ilbvsha yak o i nukhaklo kak osh ilvppa achi tok keyu; amba hvkopa yatuk osh, micha yvmmak osh shuk-

cha ya ishi hatuk osh, nana kvt yvmma ai vlbeha hō shaiyali yatuk ak a tok.

7. Mihma Chisvs vt, Ant ik yvmihchí, ish im aiahnashke, a sa hollopa chī nitak mak a hi o, ilvppa ilatomba hatuk oke.

8. Ilvrsha yak okvto hvchim aśha na bilia chatuk; amba vno ak okvto hvchim anta lī a bilia he keyushke.

9. Yohmi ma yvmma ant anta ka Chu okla hvt lauvt akostininchi tok: mihmvt Chisvs ak bano kak o keyu, amba Lasalvs, yvmmvt illi tuk o, falaminchit tanichi tuk ash it aieninchit pisa chī hosh okla ai vla tok.

10. Yohmi kia na-holitompa isht aśha pehlichī vhleha hokvto Lasalvs ak kia aieninchit illichā hinla kvt, isht it im anumpulit maya tok.

11. Yvmmak atuk pulla mak o Chu vhleha laua kvt yvmma itvnowvt, Chisvs a ai ī yimmi kak a tok.

12. Nitak ont atukla ma okla laua kvt ai-impā holitopa ya itvnowa tuk vt, Chisvs vt Chelusalem a vla chī hosh minti na okla haklo mvt,

13. Pam vpi naksish a ishit, kohchvt afamvt okla ia mvt, chitoli hosh, Hosanna, Isael ī mīko Chitokaka ī hohchifo hō il ai eshi hosh aya hokvt holitopa mak oke, okla achi tok.

14, 15. Saion ushetik chia hvt chi nukshopa ná, chī mīko vt issuba haksobish falaia himita ya on talaia hosh minti hoke, achi hosh holisso hatuk oka, Chisvs ash ot issuba haksobish falaia himita yo pisa mvt, yvmmak ash on talaia tok.

16. Ummona kvno nan im ai ithvna vhleha hvt ilvppa ik ai akostinincho ki tok; amba Chisvs vt ont a holitopa ha yak o, nana kvt yakohmi hosh yvmma isht a holisso tok a, anonti okla hvt nana kash ai ī yvmihchi tok aiena ka ithaiyana tok.

17. Mihma yvmmvt Lasalvs a ahollopi ai ī howvt kohchit illi tuk a falaminchit tanichi ka, okla apīhvt aya tuk ash osh ai vlhtokowa ka anohonli tok.

18. Yvmmvt na-fehna ilvppa yvmihchi tuk a okla haklo tuk atuk osh, ilvppak atuk pulla kak o okla mak kia ont afama ha tok.

19. Yohmi ma Falisi vhleha hash ot, Nana hvsh kanihma he keyu kvto hvsh akostininchi cho? yakeh! okla puta hash ot yummak o pit a kanvllishke, ilap bika it im achit maya tok.

20. Mihma Klik vhleha kanimi kvv vba pit aiokpvchit ayvt, ai impa holitopa asha ka ai vla tuk vt takla maya tok.

21. Yohmi hatuk osh yummak ash ot Kalili yakni Bet-saita tmaha a minti tuk, Filip ash im ai ona mvt, Pi shahli ma! Chisvs a pisa pi bunnvshke, achit i ponaklo tok.

22. Mihma Filip ash osh ivt, Antilu a ont im anoli tok; atuk o anonti Antilu ash osh Filip a ita tuklo cha Chisvs a im anoli tok.

23. Mihma Chisvs vt afalaminchi mvt, Hatak Ushi vt a holitopa he tuk a hvshi kanvlli vllhpisa kvv ai onvshke.

24. Ahlishke, ahli mak o hvchim achi lishke, Onush nihi vt yakni anukaka yo itola cha, illi ho keyukmvt, ilap ash biekvv itonla hoke; amba illi hokmvt, waya fehna chatuk oke.

25. Kvna hosh ilap im ilhfiopak a i hullo fehna hokvto, i kvnia hi oke; amba kvna hosh yakni ilvppa ahanta kvv ilap im ilhfiopak a i nukkilli hokvto, mihma ieshit okchayvt a bilia hi oke.

26. Hatak nana hosh vm antia hokmvt, siakaiyashke; mikmvt kanima yo ai ahanta likma, yummak o an tishu hoh kia anta hi oke; hatak nana hosh vm antia hokma, yummak o Aki vt holitobla he mak oke.

27. Himak oka sa shilombish vt ik im ai vllhpesoshke: yohmi ka, Aki ma! hvshi kanvlli ai vllhpisa takali ilvppa ai isht is sai i hlakofichashke, achi likma, nanta chi cho? yohmi kia ilvppak a he mak o hvshi kanvlli vllhpisa takali ilvppa im aya li ha tok oke.

28. Chi hohchifo ha ish holitoblichashke, Aki ma! achi tok. Yohma ma vba ya auet ai anumpa kvv, Yummak oka holitoblich i li tuk osh, anonti himmakma holitoblich i la chi akinli hoke, achi tok.

29. Yohmi hatuk o okla hvv bilika hiohmaya tuk vt, yvm-

ma haklo mvt, Hilohvshke, achi tok. Mihma kanimi kv̄t, Enchil osh auet im anumpuli hoke, achi tok.

30. Chisvs ash osh afalaminchit, Ūno ak atuk mak ȳ anumpa ilv̄pvt auet takali hȳ keyu, amba hvchishno pulla kak oke.

31. Himak okv̄no yakni vt nana im ai vlhpisa mak oke: himak okv̄no yakni ilv̄ppa ai i shahli nan im aiyahanchi ash ot issvt kohcha he mak oke.

22. Ūno vt yakni a a mokofvt vba takali li hokmvt, hatak moma ka halvllit il a kanvllichi la hi oke, achi tok.

33. Ai-illi kaniohmi hȳ isht illa he ak osh anoli hosh ilv̄ppa achi ha tok.

34. Mihma okla hash ot afalaminchi mvt, Klaist vt ahan-ta na bilia hȳ nan-vlhpisa holisso hȳ okla il a haklo chatuk; yohmi ka katiohmi hȳ, Hatak Ushi vt vba yȳ takala hi ȳ ish achi cho? Hatak Ushi ilv̄ppak osh kv̄ta hokak ȳ? okla im achi tok.

35. Mihma Chisvs vt, Himonasi takla kak ȳ tohwikeli hv̄t hvch in takanli hoke. Tohwikeli hv̄t hvchin takanli takla kak osh hv̄sh nowashke, yvm̄mak keyukma okhlili hv̄t hvchi onvtula hinla hoke. Kv̄na hosh okhlili hȳ nowvt ȳȳ hokv̄to, kanima yȳ ia kv̄t ithana keyu hoke.

36. A tohwikeli hv̄t hvchin takanli takla kak osh a toh-wikinli vlla hvchia ha ch̄i kv̄t, a tohwikeli hȳ hv̄sh i yim-mashke, im achi tok. Ilv̄ppak ȳ Chisvs vt anumpohonli mvt, ai i filv̄mmit kv̄nia cha, ik i haiako ki tok.

37. Na-fehna laua hȳ itikba yȳ yvm̄mak ash ot ai yumi-hinchi hoh kia, okla ai i yimma he keyu ki tok.

38. Yohmi kv̄t hopaii Esaias vt anumpuli mvt, Chitokaka ma! nana il anoli ka kv̄ta hosh p̄i yimmi cho? micha kv̄ta hak ȳ Chihowa i shakba mvt i haiaka tuk oh cho? ahanchi tok a ont aiahla ch̄i mak a tok.

39, 40. Anonti Esaias vt i himmakma, Nishkin a isht ik peso, mikmvt chukv̄sh ma ik akostinincho kish, chukv̄sh hi-mona ik anukfoyoiko k̄i, ak hlakoficho ka ch̄i ka, nishkin a im akv̄m̄mi mvt, anonti chukv̄sh ma i kv̄llochishke; achi tok oka, okla yimma he keyu ki tok.

41. Yvmma im isht a holitopa ya pisvt yvmma pit isht anumpuli mak osh Esaias vt ilvppa puta ka achi tok.

42. Yohmi kia nan apesa hochitoka vhleha hvt i yimmi kvt laua akinli tok: yohmi kia sinakak a a kohchicha hinla hatuk o, Falisi vhleha pulla kak o yvmmak ash i yimmi hatuk vt okla ik otvnnincho ki tok.

43. Hatak ai im aholitopa yak o im achukma kvt, Chihowa ai im a holitopa ka im i shahli hatuk osh.

44. Chisvs vt chitoli hosh, Kvna hosh vno a a yimmi kvt vno ak o a yimmi ho keyu, amba auet sa kanchi tok yvmmak o i yimmi mak oke.

45. Micha kvna hosh vno a sa pisa hokmvt, auet sa kanchi tok ma pisa mak oke.

46. Kvna hoh kia vno a a yimmi hokvt ai-okhlilika ya ik ai ahanto ka chi mak o, nan-tohwikeli mak osh ayvt yakni a vla li ha tok oke.

47. Yohmi kia hatak nana hosh vm anumpa ha haklo cha, ik yimmo hokma, nan im apesvt ilbvshali la hi o keyushke; yakni ak o nan im apesvt ilbvshali la hi osh aya li tok keyu; amba yakni a okchalinalchi la chi ha tok oke.

48. Kvna hosh vno a sa shitilema cha, vm anumpa ha ik ahnincho hokvno, achvfa hosh nan im apesvt ilbvshali kvt oasha hoke; anumpa anumpohonli li tuk ash fehna akinli kak osh nitak ai ishtaiyopikma nana im apesvt ilbvshala he mak oke.

49. Vno akinli hosh nana ka ahnit anumpuli li tuk keyu hoka; amba auet sa kanchi tok Aki ak osh nana ho achi la he, mikmvt nana ho anumpuli la he aiena ka nana vm apesa ha tok.

50. Yohmi ka i nan-vlhpisa vt ai-okchayvt bilia yoka ithaiyana lishke; yohmi hatuk osh nana ho anumpohonli li ka, yvmmvt Aki vt vno a a miha tok a mih mak o anumpuli li hoke, achi tok.

CHAPTA XIII.

Chisvs vt nan im ai ithvna vhleha ha iyi im achifa, 1. 18 Chisvs vt Chutas ak osh ishit inla im issa chi hatuk a, nana kvv isht vllhpisa ho isht im atokoli. 31 Chisvs vt ilap nan isht a holitopa hi anoli, mihmvt nan im ai ithvna vhleha hvv it i hulla chi ka, i miha mvt, 36 Pita yvt hituchina ha yo ilapa ik ithano miha chi ka, tikbanli im anoli.

1. NAN vbanvblit ont ia ai-impv holitopa kvv ik ai ono kisha ho, Chisvs vt ilapvt yakni ilvppa ai issvt, Iki a im ia chi hvshi kanvlli vllhpisa kvv ai ona ka ithaiyana mvt, immi hvv yakni paknaka asha ka i hullo hatuk vt, yvmma i hullo kvv imomvt ont illi tok.

2. Yohmi ka okhlili ai-impv yvt ont vlhtaha yvmma fehna ma, yvmmak ash ishit inla im issa chi ka Setan vt Saimon ushi, Chutas Iskaliot chukvsh a anukfohkichi hatuk o;

3. Chisvs vt, Iki vt nana moma ka ilap ak o ibbak a fohki tok, micha ilapvt Chihowa hak o a mnti ha tok osh, anonti Chihowa hak o im ia chi kvv ithaiyana mvt,

4. Okhlili impv asha tuk vt wakayvt, im anchi ash o naksika pit bohli mvt, tikba takali ishi cha, isht il ai vskofvchi tok.

5. Yohmi ha yosh oka ya ampo pit vnit ishi cha, nan im ai ithvna vhleha iyi yash achifvt isht ia mvt, tikba takali isht ai il ai vskofvchi tuk ash o ishit isht i kasholichi tok.

6. Atuk osh Saimon Pita yash o ont a hikia tok; mihma Saimon Pita yash ot, Chitokaka ma! saiyi ya ish achifa chi hoh cho? im achi tok.

7. Chisvs vt afalaminchi mvt, Nana ka yvmihchi li ka himonasi kvno chik akostininchoshke; yohmi kia himmak o ish akostinincha hi oke, im achi tok.

8. Pita yash ot, Saiyi yak okvno nitak nana chik svm achifo kashke, im achi tok. Chisvs vt afalaminchi mvt, Ak chi achifo hokma, is si ahalaia keyu hoke, im achi tok.

9. Saimon Pita yash ot, Chitokaka ma! saiyi ak bano

keyu kashke, amba svbbak, micha sa noshkobo pit aieninchi hosh, im achi tok.

10. Chisvs vt, Vlhchifa tuk okvto himmak ma ik vlhchifo hō iyi ak bano kia, momvt kashofa chatuk; yohmi ka hvchishno vt hvchi kashofa akinli kia, hvsh moma keyushke.

11. Kvna hosh ilapa ishit inla ibbak fohka chī hoka ithana, yohmi hatuk osh, Momvt hvchi kashofa keyushke, achi tok.

12. Yohmit iyi ya im achifvt taiyahli mvt, im anchi ash ishi cha, falamvt aka binili mvt, Nana ka hvchī yvmihchi li ka hvsh ithana cho?

13. Ūno a, Na pithvnanchi, pin Chitokaka hvs si achi; yohmi ka mih sia hō mvhli hoka, vlhpesa hvsh mihvshke.

14. Yohmi kia vno vt hvchin Chitokaka, micha na hvch ithvnanchi sia hatuk osh, hvch iyi ya hvchim achifa li hatuk okma, hvchishno ak kia hvchishno bika iyi ya hvsh it im achifa he vlhpesa hoke.

15. Ūno vt a hvchī yvmihchi li tuk mak o hvsh a chiyuhmicha he mak o, na hvchim avvchi li hatuk oke.

16. Ahlishke, ahli mak o hvchim achi lishke; Tishu hvv i shahli hā imaiya chatuk keyu; mikma nan-vlhtoka yosh aya kvv nan-atokoli tuk a imaiya chatuk keyu hoke.

17. Ilvppa puta ka hvsh ithana cha, yvmmak o hvsh yvmihchi hokmvt, na hvchi yukpa mak oke.

18. Moma kak o isht hvchi anumpuli li hō keyushke: kanima kak o vno vt atokoli li tok okvto ithana lishke: yohmi kia Holisso Holitopa yvt, Pvska svbai vpa kash ot iyi kotoba ya isht a sai o wakelishke, achi ha tok a yvmvvt ont ai ahla chī mak oke.

19. Yvmmak ash ot ont ai yvmohmi ha ma, vno ak atuk a hvchi yimma he mak o, ik ai ono kisha hō himak ano hvchim anoli lishke.

20. Ahlishke, ahli mak o hvchim achi lishke, Kvna kia vno ak osh nan tohno li hō aya ka ahninchī hokvt, vno ak o si ahninchī hoke; micha kvna kia, vno a si ahninchī hokmvt, auct sa kanchi tok mak o ahninchī hoke; im achi tok.

21. Chisvs vt yakohmiechit anumpuli mvt, chukvsh anu-kaka ai ik im vllhpieso mvt, atokolit anolit, Ahlishke, ahli mak o hvchim achi lishke, Hvsh achvfona kvv svshit inla ibbak o hvs sa fohka chi hoke, achi tok.

22. Mihma nan im ai ithvna vhleha hash ot kanima kak o miha hatuk a ik ai akostinincho mvt, filemvt okla iti pisa tok.

23. Yohmi ma nan im ai ithvna vhleha ha achvfa ka Chisvs vt holitobli yatuk o, Chisvs ikkishi ha vtayvt asha tok.

24. Yohmi tuk o yvmmak ash osh kvna hak o miha hatuk ma a ponakla chi ka, Saimon Pita yvt i yuchunukli tok.

25. Mihma Chisvs ikkishi ha vtayvt asha hosh, Chitokaka ma! kvta hak o cho? im achi tok.

26. Mihma Chisvs vt afalaminchi mvt, Itih fohka achvfa ka pit okvchit kohchi li kvv, kanima ho pit ima likma, yvmmak osh mih mak a chi hoke, achi tok. Atuk osh itih fohka achvfa ka pit okvchit kohchi mvt, Saimon ushi Chutas Iskalit ak o ima tok.

27. Mihma itih fohka achvfa ishi ma, Setan vt yvmmak ash ont ekukowa tok. Mihma Chisvs vt, Nana ka ish yvmohma chi kvv tushpvt ish yvmihchashke, im achi tok.

28. Nana ka a kanihoma hi o, ilvppa im achi ka, impvt maya tuk vt hatak achvfa kia ik akostinincho ki tok.

29. Chutas ak osh shukcha ya ishi hatuk oka, ai impa holitopa asha takla ka nana ho pi bvna hinla ka chumpakma, keyukmvt ilbvsha vhleha yak o nanasi kia i hopela hinlakma, nana ho Chisvs vt i miha hatuk a, kanimi kvv im ahoba tok.

30. Mihma itih fohka achvfa ka ishi makinli hosh kocha ia tok; mihma yvmvvt ninak a tok.

31. Yvmmak ash ot kocha ia ma, Chisvs vt, Himak okvno Hatak Ushi vt ai ahlit holitopakma, anonti Chihowa yvt yvmmak o isht a holitopa ai ahla chi mak oke.

32. Chihowa yvt yvmmak o isht a holitopa ai ahli hokmvt, Chihowa yvt anonti ilap inlit yvmmak ash o ai isht il

a holiloblichī ai aḥla chī akinli: micha chekosi fehna yvm-mak ash o holiloblichī ai aḥla chī mak oke.

33. Chipota vḥleha ma! chekosi takla kak o hṽchi takla aṣha lishke; yohmi ka hṽs sa hoyā chī hoke; Chu okla ḥa, Kanimā yō ai ia li hoka, hṽsh ona he keyushke, im achi li tuk mak osh anonti hṽchishno ma himonasi a hṽchim achi lishke.

34. Hṽsh it i hullo kv̄t, vno vt hṽchī hullo li tuk a ohmi-chi hosh hṽchishno yak kia hṽsh it i hulla he mak o, nan vḥpisa himona ka hṽch ima lishke.

35. Hṽchishno bika yvt hṽsh it i hullo ilv̄ppa pulla kak o nan v̄m ai ithvna hṽchia hatuk a, hatak moma kv̄t isht ithaiyana he mak oke, achi tok.

36. Saimon Pita yash ot, Chitokaka ma! katima kō ish ia chī hoh cho? im achi ma, Chisvs vt afalaminchi mvt, Kanimā yō ia li hoka, himonasi kv̄no pit is siakaiya he keyushke; yohmi kia i himmak o pit is siakaiya hi oke, im achi tok.

37. Pita yash osh, Chitokaka ma! Na katihmi hō himonasi akinli kv̄no pit ak chiakaiyo ka hinla cho? chishno a pulla kak o v̄m ilhfiopak a aka bohyuli lashke.

38. Chisvs vt afalaminchi mvt, Ūno a pulla kak o chim ilhfiopak aka ish bohyula chī cho? Ahlishke, aḥli mak o chim achi lishke; Akaka yvt ik olo kīsha hō, hituchina ha chik sv̄thano ish miha chī hoke, im achi tok.

CHAPTA XIV.

Chisvs vt nan im ai ithvna vḥleha ḥa pehlichit impvt aṣha moma hosh, apihvt v̄ba yakni a ont okla aṣha hi a, i miha, 1; 13 micha ilap hohchifo hak o nan isht asilhḥvt anumpuli hokv̄no moma im aighlicha hi vt miha. 15 Chisvs vt nanuktalali inla auet ima hi vt miha.

1. HUCHI chukvsh vt nana ik hṽchī kaniohmo kashke; Chihowa ḥa, oh i yimmi cha, vno ma oh a yimmī.

2. Aki in chuka yā aiasha yvt laua hoke: ik yvmohmo.

hatuk okma, hvchim anoli la he tuk oke; aiasha ya hvchim apoksiachit atahli la chi hosh ia li hoke.

3. Yohmi kv̄t ont apoksiachit hvchim atahli li hokmv̄t, anonti falamv̄t v̄la lish, vno vt kanima yō ai ahanta likma, hvchishno mv̄t yvmmak o hvsh ai ahashwa hi a, ant hvch ishit ai vtta li ka ona la hi oke.

4. Yohmi hokv̄t kanima yō ia li hoka pit hvsh ithana; mikmv̄t hina ya hvsh ithanvshke, im achi tok.

5. Tamas ash osh, Chitokaka ma! kanima yō ish ia hoka il ithana keyu: yohmi kv̄t katiohmi hosh hina yano il ithana hinla cho? im achi tok.

6. Mihma Chisvs ash ot, Ūno ak osh hina, micha ai ahlika, ai okchaya aiena sia mak oke: vno ak o keyukma hatak nana hosh Aki a im ai ona he keyu hoke.

7. Ūno a hvs svthana hatuk okmv̄t, Aki ma hvsh ithana akinla he tuk oke: atuk kia hvsh pisa tuk okv̄t himak ai vhlit ia hokvno hvsh ithaiyanvshke.

8. Filip ash osh, Chitokaka ma! Chiki a ish pi haiakvchashke, yohmikma pim v̄lhpesa hinla hoke, im achi tok.

9. Mihma Chisvs vt, Chi takla ahanta li hopakit taiyaha ka, Filip vt chik svthano kisha tuk oh cho? kvna hosh vno a sa pisakmv̄t, Aki a pisa hatuk; yohmi ka katiohmi hō, Chiki a ish pi haiakvchashke, ish achi cho?

10. Ūno vt Aki ibai achafa likma, anonti Aki vt vno a a svbai achafa ka ik chi yimmo cho? anumpa hvchim anum-pohonli li kv̄t vno akinli v̄m anukfila hosh anumpuli li keyushke; amba Aki svbai achafa yvmmak osh nana ka ai yvmihchi hoke.

11. Ūno vt Aki a ibai achafa likma, anonti Aki vt auet svbai achafa ka hvs sa yimmashke; keyuk mak heto nana kv̄t a katiohmi tuk yvmmak pulla kak o isht ai hvs sa yimmashke.

12. Ahlishke, ahli mak o hvchim achi lishke, Kvna hosh a yimmikmv̄t, vno nana ai yvmihchi li tuk ash yvmihchi akinla hi oke: yohmikmv̄t vno vto Aki a im ia li hatuk oka, nana kv̄t a fehna ilvppa puta ka i shahli hō yvmihcha hi oke.

13. Micha a hohchifo pulla ho nana ka isht hvsh asilhha hokma, Iki vt Ushi a ai isht a holitopa ai ahla hi a, mihi yo yvmihchi la hi oke.

14. A hohchifo pulla ho nana ka isht hvsh asilhha hokma, ai yvmihchi la hi mak oke.

15. Hvs sa hullo hokmvt, vm anumpa vlhpisa puta ka hvsh holitoblashke.

16. Mikma Aki a im asilhha likma, yvmmt a hvchi takla ahanta na bilia he mak o hvchi nanuktalali inla ya auet hvch ima hi oke.

17. Yvmmt Shilombish ai ahli, yvmmak oka yakni okvto pisa keyu, micha ithana keyu aiena hatuk osh, ahninha he keyu mak oke; yohmi kia hvchishno yokvno hvchi takla ahanta tuk osh, anonti hvchi anukfoyuka chi hoka hvsh ithana hoke.

18. Hvchi vlhtakla ho hvch issvt aya la he keyu; hvchim aya la hi oke.

19. Chekosikma yakni vt sa pisa chi keyu hoke; amba hvchishno vto hvs sa pisa hi oke; yohmi ka sai okchaya hoka, anonti hvchi okchaya he akinli hoke.

20. Vno vt Aki a ibai achafa likma, anonti hvchishno vt vno a hvs svbai achafa na hvchishno ma hvch ibai achafa li aiena ka, nitak ymma fehnakma hvsh akostinincha hi oke.

21. Kvna hosh vm anumpa vlhpisa vt in tonla cha, holitobli hokmvt, yvmmak osh sa holitobli mak oke; micha kvna hosh vno a sa holitoblikmvt, Aki ma i holitopakma, vno mvt holitoblit il im otvninchi la hi oke.

22. Chutas vt Iskaliot ak keyu hosh, Chitokaka ma! katiohmi ho pishno ano ant ish pim ile haiakvchi hokak osh, yakni ano chik im ile haiakvcho ka chi hoh cho? im achi tok.

23. Chisvs vt afalaminchi mvt, Hatak vt a hullo hokmvt, vm anumpa ha holitobla he; yohmikma Aki vt ilapo ma holitoblikma, il im aya cha, il ibai vtta he mak oke.

24. Vno a a hullo keyu hokvto, vm anumpa ha ik holitoblo hoke; micha anumpa ilvppa hvsh haiyaklo ka vm anumpa keyu, amba auet sa kanchi tok Aki ak o immi hoke.

25. Hvchi takla ahanta li takla hatuk mak osh ilvppa puta ka isht hvchim anumpohonli lishke.

26. Yohmi kia nanuktalali, yvmmvt Shilombish Holitopa mak o a hohchifo pulla hatuk mak o Aki vt auet kancha chi hoka, yvmmak osh nan okluha ka hvch ithvnanchit, nana ho hvchim ahanchi li tuk ma, moma falaminchit hvchi anukfohka hi oke.

27. Nanaiya ya hvchi bohli lishke: a nanaiya ya hvch ima lishke: yakni vt ima chatuk a chohmi keyu ho hvch ima lishke. Hvchi chukvsh vt ik kaniohmokmvt, anonti ik nukshopo kashke.

28. Ia li tukmvt, anonti falamvt hvchim aya la hi oke, hvchim achi li ka hvsh haklo kvno. Hvs sa hullo hatuk okmvt, Aki ak o im ia li hoke, achi li tuk a na hvchi yukpa he tuk; Aki vt vmaiya hatuk oka.

29. Micha ont ai ahlikma, hvsh i yimma he mak o, himonasi ik ono kisha ho hvchim anoli li tuk oke.

30. Yakni ilvppa ai i shahli yatuk mvt, nana ho isht a si ahalaia keyu hosh minti hoka, himak a pilla mvno hvch it im anumpuli li fehna chi keyu mak oke.

31. Yohmi kia Aki a holitobli li ka, yakni vt ithaiyana chi ka, Aki vt nana ho vm apihisa tok a, mih mak o yvmihchi li hoke. Ho wakaya, kiloh ilhkoli.

CHAPTA XV.

Chisvs vt paki vpi yosh naksish puta aiena hosh nan isht vlhpisa ilvppak o hatak vt ilap ak o pit ai achafa pulla hosh vnit waya ka chohma he ai vlhpesa hatuk a anoli, 1: 9 micha ilapvt nan im ai ithvna vhleha ha i hullo fehna hatuk vt anoli mvt, 12 anonti yvm-makmvt it i hullo kvv yvmmak inli ho chohma hi a in tohno; 19 yakni ilvppak okvt ilap, micha Iki ita-tuklo ka ik ahnincho yatuk okvt yvmmakma i nukkillit ilbvshacha hi a im anoli.

1. U NO ak osh pak-vpi ahli sia hokma, anonti Aki ak osh apoksiachi oke.

2. Naksish vno ak o a sai offo hosh vni keyu hokma, mo-

minchit ishit kanchi hoke: mikmvt naksish vt vni hokvto, isht i shahlit vna chi ka, achukmalit apoksiachi hoke.

3. Anumpa isht hvchim anumpohonli li tuk pulla ho himonasi a isht a hvchi a kashovshke.

4. Ūno a ho svbai achafa; mikma vno mvt hvch ibai achafa lashke. Naksish vt vpi ak o pit a hikia ho keyukmvt, ilap illa kvv vna he keyu chatuk a, yvmmak i chiyuhmit hvchishno ak kia vno a hvs svbai achafa ho keyukmvt, nana hvsh kanihma he keyushke.

5. Ūno ak osh pakvpi sia hokma, hvchishno vto naksish hvchia hoke. Kvna hosh vno a svbai achafa na anonti ilap ma ibai achafa li hokma, mihi yosh vni fehna chatuk oke: vno ak o keyukma nana hvsh kanihma he keyu hoke.

6. Kvna kia vno a svbai achafa keyu hokma, naksish mak o ai itilauechit kanchi na hvshi chatuk; yohmikma hatak puta mvt yvmmak ash aiowvt luak a pila na lua chatuk oke.

7. Ūno a hvs svbai achafa na vm anumpa mvt hvchi anukfoyuka hokma, nana ho hvsh aiahni cha hvsh asilhha hokvt, hvchim ai ahla hi oke.

8. Hvsh vni fehna yvmmak okmak o, Aki vt isht a holi-topa ai ahla he; yohmikma nan vm ai ithvna hvchia mak a hi oke.

9. Ūno a Aki vt a hullo tok mak o, ai itilauechi hosh hvchi hullo li hoke; a sa holitobli kvv hvsh biliashke.

10. Ūm anumpa vlhpisa puta ka hvsh im antia hokmvt, a sa holitobli kvv a hvchi bilia he: vno vt Aki a im anumpa vlhpisa puta ka im antia li kvv, ai i hullo mvt a sa bilia tok mak o hvsh chiyuhma hi oke.

11. Hvchishno pulla atuk mak o nan isht vm ilaiyukpa hatuk mvt hvchin takali bilia na, na hvchi yukpa kvv alotowa chi mak o, ilvppa puta ka isht hvchim anumpohonli li hoke.

12. Ūno vt hvchi hullo li tok mak o, chiyuhmichit hvsh it i hulla he, ilvppak osh vm anumpa vlhpisa mak oke.

13. Hatak vt i kana vhleha ha i hullo kvv im ilhfiopak a aka bohyuli hoka, hatak nana kia yvma i shahlichit it i hulla hi vt ikshoshke.

14. Nana hō hvchim apesa li ka hvsh yvmohmi hokmvt, a kana hvchia mak oke.

15. Himak pilla kvno ilhtohno hvchi achi la he keyu; ilhtohno yokvto, i shahli hvt nana hō isht ahanta ka, akostinichi keyu chatuk; amba nana hō Aki a im a haklo li tuk vt okluyuha hvchim anoli li hatuk okvt, a kana vhleha hvchi achi lishke.

16. Hvchishno ak osh hvs si atokoli tok o keyu; amba itnrowvt vnit hvsh waya he ak atuk oke; yohmikma hvchi a waya kv aiasha na Aki a nana hō a hohchifo pulla kak o isht hvsh im asilhhakma, hvch ima he mak o, vno ak osh ai atokolit hvchim apesa li hatuk oke.

17. Hvsh it i hulla he mak o, ilvppa hvchim apihisa li hoke.

18. Yakni vt hvchi nukkilli hokmvt, ik hvchi nukkilli kisha hosh vno a a nukkilli tok a hvsh ithaiyanvshke.

19. Yakni ak o hvsh ai achvfa hatuk okmvno, yakni vt immi hatuk okvno holitobla he tuk; amba yakni a hvsh ai achvfa keyu; amba vno ak osh atokolit yakni a a kohehit hvch ishi li hatuk; yohmi hatuk o yakni vt hvchi nukkilli hoke.

20. Tishu hvt i shahli hā imaiya chatuk keyu, hvchim achi li tok anumpa yvma hvsh ithaiyanashke. Ūno a okla svlvshachi tok okmvt, hvchishno ma hvch ilbvshacha he akinli hoke; vm anumpa hā im antia tok okmvt, hvchim anumpa hā im antia he akinli hoke.

21. Yohmi kia auet sa kanchi tok a pit ithana keyu hokvt, vno pulla hatuk mak o ilvppa puta ka hvchi yvmihcha hi oke.

22. Ūno ak osh ayvt vlv ant ak im anumpulo hatuk okmvno, ai ashvchika yvt okla ik im iksho ka he tuk; amba himak okvno nan im ai ashvchika ya isht ompoholma hi vt okla ik im ikshoshke.

23. Kvna hosh vno a a nukkilli hokvt, Aki ma i nukkilli akinli hoke.

24. Ūno vt na-fehna puta ka, hatak inla nana kia ai yvmihchi chatuk keyu ka ai itintakla ma vno vt ai yvmihchi li

tuk keyu hokmuno, nan ai ashvchika yvt okla ik im iksho ka he tuk ; amba himak okvno pisa cha, anonti vno, mikmvt Aki ita-tuklo ka i nukkilli tuk oke.

25. Yohmi kia na kaniohmi keyu ho okla a nukkillishke, achi anumpa hvt i nan vlhpisa holisso ha a holisso tok vt ont ai ahla chi kak o, ilvppvt ai yakohmi tok.

26. Yohmi kia nanuktalali, yvmmak okvt Shilombish ahli, Aki a a kohchvt aya mak o, Aki a im ai isht auet hvchi kanchi li vla hokmvt, yvmmak osh ai atokowa ka si anohonla he mak oke.

27. Yohmikma hvchishno vt nana vmmona ka si apehvt hvsh aya tuk okvt, nan ai-atokowa ka hvsh anoli akinla hi oke.

CHAPTER XVI.

Chisvs vt anonti nan im ai ithvna vhleha ha okla hvt ilvrshala chi puta ka im anoli, 1 : 7 mihmvt nanuktalali, yvmmvvt Shilombish Holitopa mak o auet ima hi vt miha. 16 Falamvt tani ha yvt, ilapvt i nowvt aya pulla he im anoli ; 23 ilap hohchifo pulla ho Chihowa ha nan isht im asilhha hokvto im anumpa hvt holitopa pulla hi a miha.

1. IK hvchi ibetvblo ka he mak o, ilvppa puta ka isht hvchim anumpohonli li hoke.

2. Sinakak puta ka okla a hvchi kohchicha he ; ahli, kvna hosh hvchibi hokmvt, Chihowa ha holitoblichhi mak o im ahoba he nitak vt mihinti hoke.

3. Yohmi kvv Aki, mikmvt vno il ita-tuklo ka ik pithano hatuk mak osh, ilvppa puta ka hvchi yvmihcha hi oke.

4. Yohmi kia nitak yvmmvvt ai ona hokma, yvmmak oka hvchim anoli li tok a hvsh ithana he mak o, ilvppa puta ka hvchim anoli li hoke. Yohmi kvv vno vt hvchi takla anta li hokvt, nana vmmona hokvno ilvppa puta ka ak hvchim acho ki tok oke.

5. Yohmi tuk osh himonasi yokvno auet sa kanchi tok mak o falamvt im ia la chi hoke ; yohmi na hvsh kanima kia, Katima yo ish ia chi cho ? achit hvchik sa ponakloshke.

6. Amba ilvppa puta ka hvchim achi li kak o, nanukhaklo kv̄t hvchi chukvsh a alotolishke.

7. Yohmi kia ahli mak o hvch im anoli lishke. Ūno vt ia li hok mak o nan isht a hvchim vlhpiesa chi hoke; vno vt ia li keyu hokmvno, nanuktalali vt hvchim aya he keyu: amba ia li hokmvto, yvmma auet hvchi kanchi la he mak oke.

8. Yohmikma yvmmak osh vlakmv̄t, ai ashvchika, micha nan ai vlhpiesa, mikmv̄t nan-vlhpisa aiena ka okla puta ka, anukfohkicha hi oke.

9. Ūno a okla a yimmi hatuk keyu hoka, nan im ai ashvchi hatuk a im otvnihincha he;

10. Ūno vt Aki a im ia li; yohmi na himmakma hvch ik sa peso hatuk oka, nan ai vlhpiesa hatuk a im otvnihincha he:

11. Yakni a ai i shahli hv̄t nan im vlhpisa hatuk oka, nan-vlhpisa ma im otvnihincha hi oke.

12. Na hvchim achi la he yokvto vm asha moma akinli kia, himonasi okvno yvmmak oka hvsh akostinincha he keyushke.

13. Yohmi kia Shilombish ahli, yvmmv̄t vla hok mak osh, nan ai ahlika puta ma hvch ithvnancha hi oke; yvmmak okv̄t ilap nana aiahni hosh anumpula he keyu hokv̄t; amba nana ho haklo tuk mak osh mihi yo anumpula hi oke; mikmv̄t nana a kaniohma he puta ka hvchim otvnihincha hi oke.

14. Yvmmak okv̄t vno ak o vm ai ishi cha, hvchim otvnihincha hi okv̄t, vno a sa holitoblichā he mak oke.

15. Nana moma Aki vt im asha kv̄t vmmi hoke; yohmi hatuk mak o, vno ak o vm ai eshi cha hvchim otvnihincha he, hvchim achi li tuk oke.

16. Chekosikma hvs sa pisa chi keyushke; atukmv̄t anonti Aki ak o im ia li hatuk oka, chekosikma hvs sa pisa hi oke, im achi tok.

17. Yohmi ma nan im ai ithvna vhleha kaniohmi kv̄t, Chekosikma hvs sa pisa chi keyushke; anonti Aki a im ia li hatuk oka, chekosikma hvs sa pisa chi hoka hv̄pim achi ka, ilvppak osh katiohmi hoh cho? ilap bika it im achit maya tok.

18. Yohmi hatuk osh, Chekosikma, achi ilvppvt nanta hak oh cho? nana hō miha ka kil im akostininchoshke, okla achi tok.

19. Ilapa okla i ponaklo bvnna ka Chisvs vt im ithana hatuk osh, Chekosikma hrs sa pisa chī keyushke: atuk osh anonti chekosikma hrs sa pisa chī oke, achi li tuk yvmmak ash isht ai it im a ponaklot hvsh maya cho?

20. Ahlishke, ahli mak o hvch im achi lishke; Hvchishno yokvto nishkin okchi mintit hvsh yahaya chī hoke; yohmikma yakni vto na-yukpa chī hoke: mikma hvchi nukhaklo fehna he; yohmi kia na hvchi nukhaklo kash ot falamvt isht a hvchi yukpa hi oke.

21. Ohoyo hvt vlla in tonla chikmvt, hvshi kanvlli vlhpisa hvt im ai vla hokvt ilbvsha hoke; yohmi tuk kia hatak osh tobt yakni a ai ituyula ka, na yukpa kv, vlla yvt in tola makinli hosh na palvmmi tuk a imi-haksi hoke.

22. Yohmi ka hvchishno vt himonasi kvno hvch ilbvshvshke; yohmi kia himmakma hvchi pisa la chī akinli; yohmikma hvchi chukvsh vt yukpa he, mikma na hvchi yukpa ka hatak nana hosh ishit hvchī kancha wa.

23. Mikma nitak yvmma fehnakma nana kia hvch ik sa ponaklo ka hi oke. Ahlishke, ahli mak o hvch im achi lishke, Ūno a hohchifo hō nana ka Aki a isht a hvsh im asilhhakma, hvch ima he mak oke.

24. Tikvut a mihinti hokvno a hohchifo hā nana ka isht hvch ik asilhho ke tuk; oh asilhhā; yohmikmvt na hvchi yukpvt isht alotowa chī ka, hvsh habena he mak oke.

25. Nana ilvppa puta ka nan isht vlhpisa hō isht hvchim anumpuli lishke; yohmi kia himmakma nan isht vlhpisa hō isht ak hvchim anumpulo hosh, amba otvninchi achukma hosh Aki a isht a hvchim anohonli la he nitak vt mihinti hoke.

26. Nitak yvmmak okvno a hohchifo hā nan isht a hvsh asilhha hi oke: yohmikma Aki a hvch isht im a ponaklo la hi oke; hvchim achi li keyushke.

27. Hvchishno vt hrs sa hullo, mikmvt Chihowa ak o a

kochvt aya li hatok a hvchi yimmi tuk: yohmi hatuk o Aki vt ilapo akinli kv̄t hvchi hullo hoka.

28. Aki ak o a kohchvt aya hosh yakni a vla li tok osh; anonti yakni ash issvt, Aki a im ia li hoke, im achi tok.

29. Nan im ai ithvna vhleha hash ot, Inta! himak okvno achukmalit isht pim anumpuli cha, nan-isht vlhpisa ho chik anumpuloshke.

30. Nan okluha ka ish ithaiyana ka, hatak nana hosh nana ka a chim a ponakla hi o keyu ka himak okvno il akostininchishke; Chihowa ak o a kohchvt ish aya tok pulla ka ilvppak o isht a pi yimmishke, okla im achi tok.

31. Chisvs vt afalaminchi mvt, Himak ano okla hvchi yimmi cho?

32. Inta! hatak vt ilap in chuka aiyukali ka ai ita fimimpvt ilap banochit hvs sa filvmma chi ka hvshi kanvlli ai vlhpisa kv̄t mihinti tuk osh, anonti himak okvno ai ona hoke; yohmi kia Aki ak osh si ahina hoka, vno ak illa he keyushke.

33. Uno pulla ho nana anuktanla ka hvsh iesha he mak o, ilvppa puta ka isht hvchim anumpuli lishke. Yakni paknaka yokvno na palvmmi puta kv̄t a hvchim aiasha he; yohmi kia hvchi nuktanla achukmashke; vno vt yakni a imaiyachi li tuk oke, im achi tok.

CHAPTA XVII.

Ishit inla ibbak fohka chi ninak a Chisvs vt vba pit anumpuli kv̄t, ilapvt illi tuk vt falamvt tani ha ya, Chihowa hv̄t nan im ai ithvna vhleha ha apelahanchi na im anukfila hv̄t ai it achvfa he, 1; 20 Chihowa, Ushi ita tuklo ka im anukfila pit ai itachvfa he: 24 yohmi cha ilap vt vba yakni a holitopvt ahanta ka ont apehvt maya he puta ka vba isht anumpohonli.

1. ANUMPA ilvppa puta ka Chisvs vt anumpohonli mvt, vba pit vba chakali cha, Aki ma! hvshi kanvlli vlhpisa yvt ai onvshke. Chiso ha ish holitoblichī na anonti chiso mvt chi holitoblichī akinlashke.

2. Laua kv̄t kaniohmi ho ish im ihisa tuk ma, yvmmak

ash ai okchayvt bilia yo yummak ash ot ima hi vt, hatak puyuta ma ai imaiya he mak o, ish im apihisa tok oke.

3. Yohmi ka Chishno ak illa kak osh Chihowa ahli chia ka, micha Chisvs Klaist auet ish kanchi tok ma okla ithaiyana he ak o ilvppak osh ai-okchayvt bilia yoke.

4. Yakni paknaka ya a chi holitoblich lishke. Natoksvli isht ahanta la hi o is svm apesa tok a, atahli lishke.

5. Yohmi ka, Aki ma! yakni vt iksho mak o na holitopa ka isht chiba holitopa li ya tok mak o, himak a chishno a ai il a aieninchit is sa holitoblichashke.

6. Hatak puta ka yakni ak o ai ishit is soma hatuk a, chi hohchifo ha im otvninchi li hokvno; yummak okvt chimmi hatuk o, is soma hatuk oka, chim anumpa ha okla holitobli tuk oke.

7. Nana ka is soma tok okluyuha kvv chishno ak o a minti hatuk a himak okvno okla akostininchishke.

8. Anumpa is soma chash yummak o ima li hokvno; mihma yumma okla aiokpvchi mvt, vno vt chishno ak o a chi a minti li hatuk a, okla akostininchi, micha chishno ak osh auet is sa kanchi tok aiena ka okla yimmi hatuk oke.

9. Yummak o isht chim ilbvshvt anumpuli lishke; yakni ak o isht chim ilbvshvt anumpuli li keyu, amba ilvppak o is soma tok a, yummvt chimmi vhleha hoka, isht chim ilbvshvt anumpuli lishke.

10. Yohmi ka vmmi hvt momvt chimmi hokma, anonti chimmi hvt vno a vmmi makinli hoke: yohmi hoka vno vt yumma isht a sa holitopa hoke.

11. Himak okvno yakni paknaka ya himmakma ik si ai iksho mak oke; yohmi kia ilvppak okvto yakni a ai ahashwa na vno vt chim aya li mak oke. Aki holitopa ma! is soma tok vhleha ilvppak oka chishno chi hohchifo pulla hatuk mak o ish apesahanchi na yummak mvt ai itibai achvfa kvv pishno a chiyuhmashke.

12. Pehliechit yakni paknaka ai ahanta li moma kvto chi hohchifo pulla ho isht ai apesahanchi li tok: is soma tok vhleha yummak oka apesahanchi li ma, achvfa kia ik kvnio

h_o, amba Holisso Holitopa vt ont ai a_hla chi kak o, nan-ok-pvni ushi ak illa tuk oke.

13. Yohmi ka vno pulla hatuk mak o a nan-isht ilaiyukpa ma ilap inlit okla il ai esha hi o, ilvppa puyuta ka yakni paknaka isht ai anumpohonli li, yohmi tuk osh himak okvno chim aya li mak oke.

14. Chim anumpa ha ima li tuk oke: yohmi ma yvm-mak okvt yakni a ai immi keyu kv_t, vno vt yakni a ai immi sia keyu kak inli h_o chohmi hatuk o, okla i nukkilli hatuk oke.

15. Yakni ak o a kohchit ish isha hi o chim asilhha li keyu; amba apesahanchit nan-okpulo ak o ishit chik ahalai-yacho ka he ak oke.

16. Yakni a ai immi keyu kv_t, vno vt yakni a ai immi sia keyu kak inli h_o okla chiyuhmi hoke.

17. Yvmmak oka na chim ai a_hlika pulla kak o isht ish i kashofichashke; chim anumpa hak osh nan ai a_hlika yoke.

18. Chishno vt yakni paknaka ya auet is sa kanchi tok mak o, chohmichit vno mvt ilvppak ma yakni paknaka ya a tihlehinli lishke.

19. Micha ilap ak kia nan-ai a_hlika ya ai isht a kashofa chi ka, vno vt ilvppak pulla hatuk mak o ile kashofichi li hoke.

20. Micha ilvppa illa h_o isht asihihla li keyu; amba ilvppa pulla im anumpa hatuk mak o a yimma he aiena kak oke.

21. Moyumvt ai itib achvfa kv_t, Aki chia hv_t vno a is svbai achafakma, anonti vno mvt a chibai achafa li kak inli h_o okla chiyuhmi cha, yvmmak mvt pishno a a pibai achafashke: yohmi na chishno ak osh auet is sa kanchi tok a okla moma kv_t ithaiyanashke.

22. Yohmikma ilvppvt ai itib achvfa kv_t pishno il itibai achvfa kak inli h_o chohma hi a, nan-isht aholitopa is suma tok a ilvppa ima lishke.

23. Vno vt ilvppa ai ibachafa likma, anonti chishno mvt auet is svbai achafa; ai yakohmi h_o yvmmak osh ont ai a_hli achvfa ka tobashke; yohmikma chishno ak osh auet is sa

kanchi tok; a tok osh ilvppak oka ish i hullo kv̄t vno a is sa hullo kak inli ho ish chohmichi ka, yakni vt ithaiya-nashke.

24. Aki ma! is soma tok v̄hleha hak kia kanima yo ai ahanta likma, si apihvt a₂sha cha, nan-isht vm aholitopa ymma is soma tok a pisa he ak o, ahni lishke: yakni vt ik tobo kisha mak o is sa holitobli tok mak oke.

25. Aki ahli achukma ma! yakni vt ik chithanoshke; yohmi kia vno vto chithana li; mihma chishno ak osh auet is sa kanchi tok a ilvppak okvto akostininchi hatuk oke.

26. Yohmi na ilvppak o chi hohchifo ha isht im anohonli li tuk osh, anonti anohonli la chi hoke: yohmikma na-holitobli ai isht is sa hullo hatuk vt ilvppak ma anukfoyuka na, anonti vno mvt ai ibachafa lashke, achi tok.

CHAPTA XVIII.

Chisvs vt osapushi yo ont chukowa, 1; 6 Chutas vt Chisvs a isha chi hosh ai vla na, Chisvs vt anumpuli ma, falamvt obvlhpelvt aka ont fohopa; 10 Pita yvt Malkvs haksobish a chanlit hokofi. 12 Chisvs a okla takchi cha isht ia mvt, Annas ak o isht im ona tuk osh achakalinci mvt, Kaiafas ak o okla isht im ona; 15 mihma Pita yvt Chisvs a ik ithano miha. 29 Chisvs a Pailat ak o okla isht im ona ma, Pailat ash osh achukmalit nan im a ponaklo.

1. CHISVS vt ilvppa puta ka ahanchit in taiyaha mvt, nan im ai ithvna v̄hleha pehlinchit Kitlon bokushi a pit tanvblit osapushi vt ymma talaia tuk o, nan im ai ithvna v̄hleha hash ai it apihvt ont chukowa tok.

2. Yohmi ka Chisvs vt nan im ai ithvna v̄hleha ha pehlichit ymma ai ona fehna chatuk a ishit inla im issa tok Chutas ak kia ymma pit ai ithana tok.

3. Yohmi hatuk osh Chutas ash ot hatak ai-itapeha achefa, i kvpitvni v̄hleha aiena ka na-holitompa isht a₂sha pehlichi v̄hleha, mikmvt Falisi v̄hleha aiena ka ai im ai ishi mvt, p̄vla afohka, mikmvt na shimahli p̄vla, micha na halupa aiena ka sholi hosh ymmak ash ai vla tok.

4. Yohmi ma Chisvs vt nana hosh ilapa ai onvtuyula chi

puta moma ka ithana hatuk okvt, ivt ont afamvt, Kvta ho hvsh hoyo cho? im achi tok.

5. Mihma, Chisvs Nasalet minti ak oke, okla im achi ma, Chisvs ash osh, vno ak osh mih sia mak oke, im achi tok. Mihma ishit inla im issa tok Chutas ash kia yvmma takla hikia tok.

6. Atuk o, Ŭno ak osh mih sia mak oke, im achi makinli ho, okla obvlhpelvt ivt aka ont kaha tok.

7. Mihma atuklanchit i ponaklot, Kvta hak o hvsh hoyo cho? achi tok. Mihma, Chisvs Nasalet minti ak oke, okla achi tok.

8. Chisvs vt afalaminci mvt, Ŭno ak osh mih sia hatuk vt hvchim anoli li kvno; yohmi hoka vno ak o hvsh sa hoyo hatuk okmvt, ilvppak okvno asht ik itvnowá, hvsh im ah-nashke.

9. Yohmi na yvmmak o isht anumpuli hosh, Is svma tok vhleha hokvt achvfa kia ik sa kvnioshke, ahanchi tok a ont ai aghlashke, achi tok.

10. Yohmi ma Saimon Pita yvt bvshpo falaia shanli tuk osh halvllit shufi mvt, na holitompa isht asha pehlich i shahli in tishu ho isht fahamvt, haksobish isht impak imma ya chanlit hokofi tok. Tishu hohchifo hvt Malkvs a tok.

11. Mihma Chisvs vt Pita yash o, Chi bvshpo falaia ya i shukcha pit fohki; isht ishko Aki vt auet vma tok a ak ai ishko ka hinla cho? im achi tok.

12. Yohmi ma hatak aya achvfa, micha kvpitvni, mikmvt Chu okla nan vlhtoka vhleha aiena kash ot Chisvs ash ishi cha, takchi tok.

13. Mihmvt yvmmak osh Kaiafas vt afvmmi yvmma feh-na ka na holitompa isht asha pehlich i shahli yatuk o, yvmma ipochi yatuk oka Annas ak o tikba okla isht im ona tok.

14. Kaiafas ilvppak osh hatak achvfa hosh okla hoka vlhlobvt illa he ak o ai vlhpiesa ka, Chu okla ha it im apesa tuk a tok.

15. Mihma Saimon Pita yvt Chisvs a pit iakaiyvt aya ma, anonti nan im ai ithvna achvfa yvmmak oka na-holi-

tompa isht a₂sha pehlich*i* i shahli hvt ithana hatuk o, Chisvs a awant na-holitompa isht a₂sha pehlich*i* i shahli i nan-ai-apesa ya ont chukowa tok.

16. Amba Pita vto okhissa kocha yak o hikia tok. Yohmi ma nan im ai ithvna achvfa na-holitompa isht a₂sha pehlich*i* i shahli hvt ithana hatuk, yvmmak ash ot kohchvt ivt, ohoyo okhissa apesvchi yash ont im anoli cha, Pita ya ilaue*lit* chukowa tok.

17. Mihma ohoyo himita okhissa apesvchi yash ot Pita ya, Chishno ak kia hatak ilvppa nan im ai ithvna chia keyu? im achi ma, Mih sia keyushke, im achi tok.

18. Mihma kapvssvchi hatuk o, ilhtohno vhleha, micha nan vlhtoka vhleha aiena kash ot tobaksi yo oti cha, libisha hosh hiohmaya tok; mihma Pita yvt takla hiki*vt* libisha tok.

19. Na-holitompa isht a₂sha pehlich*i* i shahli ash ot Chisvs a nan im ai ithvna vhleha, mikmvt nan isht im avchi aiena ka ai im asilhhvchi tok.

20. Chisvs vt afalaminchi mvt, okla puta ka ai im otvni achukma hosh anumpohonli li hatuk; Chu okla hvt ai itvnaha bilia sinakak, micha tempel aiena yvmmak o nana ai ithvnanchi li chatuk; yohmi kv*t* luma chohmi hokvto nana ak achoshke.

21. Na katihmi ho vno ak o is svma ponaklo cho? nana im achi li ka haklo chatuk vhleha hak o ish i ponaklashke: yakeh! yvmmak osh nana achi li chatuk a okla ithana hoke, achi tok.

22. Ilvppa yakohmichit anumpuli ma, nan-vlhtoka vhleha hvt achvfv*t* bilikasi hikia tuk osh, Chisvs ash ibbak isht pasalichi mvt, Na holitompa isht a₂sha pehlich*i* i shahli ya yakohmichi hosh ish im anumpuli cho? achi tok.

23. Chisvs vt afalaminchi mvt, Ik vlhpeso ho anumpuli li hokma, nan ik vlhpeso mak o isht ish atokolashke: amba vlhpesa tuk mvno, katiohmi ho is svss*o* cho? achi tok.

24. Yvmmak ash ot talakchi na Annas vt na holitompa isht a₂sha pehlich*i* i shahli Kaiafas a pit pila tuk a tok.

25. Mihma Saimon Pita yvt libisha hosh hikia tok : yohmi ma, Chishno vt yvmma nan im ai ithvna vhleha ha ish ibai achvfa tuk keyu ? okla im achi ma, ik ahlo mihvt, Ūno yokvt mih sia keyushke, achi tok.

26. Na holitompa isht asha pehlichi i shahli im ilhtohno vhleha achvft Pita yvt haksobish tvbli tuk ash i kanomi hosh, Chishno ak osh yvmma awant osapushi a ish anta ho, chi pisa li tuk keyu ? achi tok.

27. Mihma Pita yvt ik ahlo kash inli ho miha tok : mihma chekosi fehna akaka yvt ola tok.

28. Yohmi ma Chisvs ash Kaiafas a im ai ishit ivt, nan ai apesa yo okla isht ona tok : yvmmtv onnahninli ha tok ; yohmi kv nan-vbanvblit ont ia ya ai impa he tuk vt, im ai okpuloka hinla hatuk osh ilapo ak okvto nan ai-apesa ya okla pit ik chukowo ki tok.

29. Mihma Pailat vt kohchvt ona mvt, Hatak ilvppa anumpa nanta mak o hvsh ai ikbichi cho ? achi tok.

30. Mihma okla afalaminchi mvt, Ilvppvt nanokpvn keyu hatuk okma, chibbak oka ant e chi fohka he tuk keyu hoke, okla im achi tok.

31. Mihma Pailat vt, Isht oh ia cha, hvchi nan-vlhvisa mak o isht oh ai im apesa, im achi tok. Yohmi hatuk o Chu okla hash osh, Hatak nana kia illa he il im apesa he vt a pim vlhpesa keyu hoke, okla im achi tok.

32. Yohmi ka Chisvs vt kaniohmit ai-illi yo ai illa hi vt anumpohonli tok a, ont ai ahla he mak a tok.

33. Mihma Pailat vt atuklanchit nan-ai-apesa yash ont chukowa cha, Chisvs a i howa mvt, Chishno ak osh Chu okla i miko chia mak oh cho ? im achi tok.

34. Mihma Chisvs vt afalaminchi mvt, Chishno akinli hosh, keyukmvt, inla yak osh vno a isht a chim anolikma, nanta tuk o ilvppa ish achi cho ? im achi tok.

35. Pailat vt afalaminchit, Ūno vt Chu sia ho ? chishno chim okla ash inli, mikmvt na holitompa isht asha pehlichi vhleha aiena kak osh chishit svbbak a fohki tuk oke. Nanta mak o ish katiohmi tuk oh cho ? achi tok.

36. Chisvs vt afalaminchi mvt, Apehlichi li ka yvt yakni

ilvppak inli keyushke. Apehlichli li ka yvt yakni ilvppak inli hatuk okma, Chu okla ibbak ak a fohko ka chi ka, an tishu vhleha hvt itihimba he tuk: amba himak okvno apehlichli li ka yvt ilvppak inli ho keyushke, achi tok.

37. Yohmi hatuk o Pailat ash osh, Mih kvto miko chia akinli hotuma? im achi ma, Chisvs vt afalaminchit, Miko sia mak atuk o ish mihvshke. Nan ai ahlika atokolit anoli la he ilvppak osh sa toba cha, anonti ilvppa pulla hatuk mak o ayvt yakni a vla li tuk oke. Nan ai ahlika yo anukfoyuka aiyyukali hokvto, vm anumpa ha haponaklo bano hoke, achi tok.

38. Pailat ash osh, Nan-ai ahlika yak osh nanta ho? im achi tok. Mihmvt ilvppa achi mvt, falamvt kohchvt Chu okla hash im ona mvt, Nan ik ai-vlhpeso nana kia a takali ka ak im akostinincho kvmohmishke.

39. Yohmi kia nan-vbanvbli ont ia isht asha hokvno, achvfalichit a hvchim i hotofi la he ai vhlpesa chatuk vt ashvshke: yohmi hoka Chu okla i miko ak o a hvchim i hotofi la hi a hvsh ahni cho? im achi tok.

40. Mihma anonti momvt chitoli hosh, Hatak ilvppvno keyu ho, amba Balabbas ak ashke, okla achi tok. Yohmi ka Balabbas vt hatak hukopa ya tok.

CHAPTA XIX.

Pailat vt Chisvs ash fvmmit issa ma, tvshka chipota vhleha hvt kvti tvnna yo iachokolichi, 1: 4 hlakofichi brnna kia, Chu okla nan ahni kak o im antia hatuk osh, yvmmvit ititaiyyukhrna ahonvha chi mak o, im issa: 17 tvshka chipota vhleha hvt i nafohka yatuk a iti hopela: 26 Chisvs vt ishki yatuk a achukmalit apelahancha chi ka, nan im ai ithvna i holitopa yatuk a i miha cha, illi. 31 Tvshka chipota vhleha hvt, Chisvs naksi a tvli halupa ishit bahli. 38 Chosef Alimahlea minti, micha Nikotemvs ita tuklo hosh Chisvs haknip a ishi cha, hohpi.

1. YOHMI hatuk o yvmma foka ma Pailat vt Chisvs a ishi cha, fvmmi tok.

2. Mihma tvshka chipota vhleha hvt kvti tvnvt iachuka

ikbit, noshkobo ha iachukolichi mvt, na tishepa na fohka holitopa yo ishit okla anchichi tok.

3. Mihmvt aiokpuchi mvt, Chu okla i miko yosh nan ik yukpa, achi mvt ibbak okla isht isso tok.

4. Yohmi ma anonti Pailat ash ot ia cha, Yakeh! nana ik ai-vlhpeso nana kia ai a takali na akostininchi li keyu ka hvsh akostinincha chi mak o, ilauehit hvchi kohchi lishke, im achi tok.

5. Mihma Chisvs vt kvti iachuka ha iachukoli cha, natishepa na-fohka holitopa fohka hosh auet kohcha tok. Mihma Pailat ash osh, Yakeh! hatak atukma ho pesa, okla ha im achi tok.

6. Yohmi ma na-holitompa isht asha pehlichí vhleha, mikmvt nan-vlhtoka vhleha aiena kash ot yvmmak ash pisa mvt, chitoli hosh mihvt, Ititaiyukhvna ak o oh ahonvhlichí, ititaiyukhvna ak o oh ahonvhlichí; ahanchi ma, Pailat ash osh, Oh ishi cha, ititaiyukhvna ak o oh ahonvhlichí; vno yokvto nana ik ai-vlhpeso nana kia ai atakali ka ak im akostinincho hoke, im achi tok.

7. Chu okla hvv afalaminchi mvt, Nan-vlhpisa hvv pin tonla: yohmi ka ilvppak okvt Chihowa Ushi ilapissa hatuk okvt, pi nan-vlhpisa pulla kak o isht illa he vlhpesa hoke, im achi tok.

8. Yohmi hatuk o Pailat vt anumpa yvmma haklo mvt, nukshopa kvv isht i shahli tok.

9. Mihmvt anonti nan ai apesa yash ont chukowa cha, Chisvs ash o, Katima ko ish minti tok oh cho? im achi tok. Yohmi kia Chisvs ash ot nana ik im acho ki tok.

10. Yohmi ma Pailat ash ot, Chik svm anumpulo mak oh cho? vno vt ititaiyukhvna ya a chi ahonvhlichí la hi vt vm vlhpesa, anonti chi hotofi la hi vt vm vlhpesa aiena ka chik ithaiyano cho?

11. Chisvs vt afalaminchi mvt, Chishno yokvt vba ak o auet a chima ho keyukma, vno yoka nana ho is sa kanihcha hi vt chim vlhpesa keyushke: yohmi hoka svshit avvt chibbak a ant sa fohki tuk a yvmmak osh nan-ashvchi kvv ai in chinto hoke, achi tok.

12. Yohmi ma yvmma ai vhlit minti ka Pailat vt yvmmak ash i hotofi bvnrvt im anukfihinla tok: yohmi kia Chu okla hvrt chitolit anumpulit, Hatak ilvppa ish i hotofi hokmvt, Sesa ya i kana chia ha he keyu. Kuna hosh miko il apesakmvt, Sesa ak o i sanalit anumpuli hoke, okla achi tok.

13. Yohmi hatuk o Pailat vt anumpa yvmma haklo mvt, Chisvs ash ishit kohchi cha, ilap vto nan ai-apesa ai-o-minili om binili tok, yvmmvt Tvli potvlhpo hohehifo ho, amba Heblu ano Kabbahla hohehifo ha tok.

14. Mihma nan vbanvblit ont ia asha chi ka, ai il atahlit maya nitak, mihmvt hvshi kanvlli vlhpisa yvt ont isht han-nali foka aiena; yohmi hatuk o Chu okla hash o, Hvchi miko ya ho pesa, im achi tok.

15. Yohmi kia okla chitoli hosh anumpulit, Kanimas isht oh ia cha, kanimas isht oh ia cha, ititaiyukhvna oh ahonvhlichí, achi ma, Pailat ash ot, Hvchi miko ya ititaiyukhvna ahonvhlichí la chi cho? im achi ma, na holitompa isht asha pehlichí vhleha hash ot, Pi miko vt iksho, Sesa ak banoshke, im achi tok.

16. Yohmi ma polaka yvmmak ash ot ititaiyukhvna ahonvhlvt illa chi mak o, ibbak i fohki tok. Yvmma foka ma Chisvs ash o okla ishi cha, halvllit kanimas isht ia tok.

17. Yohmi ma im ititaiyukhvna yash o sholi cha ivt yakni hohehifo noshkobo foni aiasha yo, anonti Heblu yokvno yvmmvt Kalkohla hohehifo ho ona tok.

18. Mihma yvmmak ash, micha inla yvt tuklo ho aieninchit ititaiyukhvna okla ai ahonvhlichí tok: Chisvs ak osh iklvna yo takali na achvfa bkvrt ita hlaklaka takohli tok.

19. Mihma Pailat vt nan anoli holisso ha holissochit ititaiyukhvna ya a lapalichí tok. Yohmi ka holisso kvrt, CHISVS NASALET MINTI CHU OKLA I MIKO YOKE, achi ha tok.

20. Yohmi na Chisvs vt ititaiyukhvna ai ahonvhlvt illi yvmmvt tmaha ha i bilika ha tok: yohmi ka holisso kvrt Heblu, Klik, mikmvt Latin aiena anumpa hosh isht a holisso hatuk oka, nan anoli holisso ilvppak ash Chu okla laua kvrt pisa tok.

21. Yohmi ma Chu okla na holitompa isht im a_{sha} peh-
lichī v_{hle}ha hash osh Pailat a, Chu okla i m_{iko}, achit chik
holissocho kashke; amba Chu okla i m_{iko} sia hoke, achi
chatuk y_{mm}mak o ish holissochashke, okla im achi tok.

22. Mihma Pailat ash ot, Nana h_o holissochi li kv_t holis-
sochi li mak atuk oke, im achi tok.

23. Yohmi ma tvshka chipota v_{hle}ha hv_t Chisvs a ititai-
yukhvna ahonv_hlichī mvt, i na fohka yatuk a ishit ita kvsh-
koa ushtali cha, tvshka, chipota vt i kashampa aiyuka tok;
mihmvt i na fohka lumbo ash kia aieninchi tok: na fohka
lumbo yvt ahch_uwa y_o keyu, paknaka yak o a tvnmvt m_{ay}a
hosh ont taiyaha ha tok.

24. Yohmi hatuk o, Ilvppak okvno keho hlilvffo hosh,
amba kvna hosh immi ha ch_i ka, na shoelit kil oh a_{sh}a, ilap
b_ika it im achit m_{ay}a tok; yohmi ka Holisso Holitopa vt,
Um ilifoka y_a okla it_i hopela mvt, a na fohka lumbo yoka
na shoeli isht aiasha kvno, achi ka ont aiahla ch_i mak a tok;
yohmi hatuk o tvshka chipota v_{hle}ha hv_t ilvppa okla yakoh-
mi tok.

25. Mihma Chisvs ititaiyukhvna a takali ka ituma y_a ish-
ki, micha ishki nakfish, mikmvt Meli Kleofas tekchi, mikmvt
Meli Maktalene aiena hosh hiohm_{ay}a tok.

26. Yohmi hatuk o Chisvs vt ishki, micha nan im ai ithv-
na yvma i hullo beka tuk mak osh itatuklot hinli na pisa
mvt, ishki ash o, Ohoyo ma! chiso h_a ish pisashke, im achi
tok.

27. Mihmvt nan im ai ithvna yash o, Chishki a ish pi-
sashke, im achi tok. Mihma nan im ai ithvna yvmmak ash
osh hvshi kanvlli v_hlpisa yvmmak fehna ai-v_hlit ia ka, ohoyo
hash ilaelit ilap in chuka akinli h_o bohli tok.

28. Yakohmi ha ya, nan okluha kv_t ont ai v_lhtaha ka,
Chisvs vt ithana hatuk osh, Holisso Holitopa yvt ont ai a_hla
ch_i ka, Sa tukshilvshke, achi tok.

29. Yohmi ma nan-ai-v_lhto wineka alota kv_t talaia tok;
atuk o na-shatvmmi y_o wineka yash alotolit hissop o ta-
kalichit itih h_a pit tikelichi tok.

30. Yohmi hatuk o Chisvs vt wineka yash ishkot pisa

mtv, Ulhtaiyahvshke, achi tok; yohmi cha aka yuhchunukli mvt, fiopissa tok.

31. Yohmi hatuk o nan il ai atahli nitak atuk oka, nitak hullo ya haknip vt ititaiyukhvna ya ik a takohmayo ka chi ka, nitak hullo yvmmvt nitak holitopa hatuk oka, Chu okla hash osh yvmma hanali ak osh kobahli na ishit kanima ia hinla ka, Pailat a im asilhha tok.

32. Yohmi na tvshka chipota vhleha hash ot ivt, ititaiyukhvna ai iba honvhlvt okla kash achvfalit tikba hanali ha kobahlichei mvt, anonti achvfa yash kobahlichei tok.

33. Amba Chisvs vt a takali tuk a okla ona mvt, yvmmvto illi mashko tuk o pisa cha, yvmmvno hanali ha ik kobahlecho ki tok.

34. Yohmi kia tvshka chipota vhleha yash ot achvft naksi a na halupa ho ishit bahli na ashalika issish, micha oka aiena hosh auet fohopa tok.

35. Yohmi ka yvmma pisa tok mak osh atokowa ka anoli; yohmi ka yvmmvt atokoli ka ai ahli hoke: yohmi ka hvchishno vt hvchi yimma chi ka, ai ahli mak o miha kvv itahana hoke.

36. Holisso Holitopa yvt, Foni vt ik pakoto ka he, achi kvv ont ai ahla chi mak o, nana kvv a yakohmi tok.

37. Micha anonti Holisso Holitopa ai anumpa inla mvt, Yvmma okla bahli tuk vt yvmmak ash pisa hi oke, achishke.

38. Micha ai yakohmi ha ya, Chosef Alimahlea minti vt Chisvs a nan im ai ithvna akinli kia, Chu okla ha i nukshopa kvv il aluma beka tuk osh, Chisvs haknip a isha hinla kvv, Pailat a ont im asilhha tok: mihma Pailat vt vlhpesa, im ahni tok. Yohmi hatuk o ivt, Chisvs haknip ash ont ishi tok.

39. Yohmi ma Nikotemvs vt nan vmmona ka ninak o ayvt Chisvs a pisa tok yvmmak ash kia vla cha, mvh micha aloes itibvlhto kvv weki tahlepa achvfa foka ho isht vla tok.

40. Yohmi ma Chisvs haknip ash o ishit okla cha, Chu okla hvv hohpi kvv yvmihchi chatuk mak o, yvmmak ash o linen osh na-balama pit aiena ho isht a bonulli tok.

41. Ititaiyukhvna ahonvhlvt ai illi yvmma osapushi osh ta-

laia tok: mihma osapushi anukaka ya sepuvka himona, hatuk vt ik a hollopo kisha yo, hikia tok.

42. Yohmi hatuk o Chu okla nan il ai atahli nitak a tok; yohmi hatuk o sepuvka yvt yvmma auet i bilikasi hatuk oka, vvmak o Chisvs a bohli okla tok.

CHAPTA XX.

Meli Maktalene vt sepuvka yash ona, 1. 2 Pita, Chan itatuklo kvv tushpvt ivt, sepuvka yash it onachi akinli. 11 Meli Maktalene ash ot sepuvka ya falamvt ona, atuk o i himmak o Chisvs fehna kash osh yvmmak ash inli ho ont i haiaka. 19 Mih nitak akinli opivt taha ho nan im ai ithvna vhleha hvv itvnavv chiya ma, Chisvs vt im ona; 25 Wek inla hosh ont taha ho nan im ai ithvna vhleha hvv Tamas a pit a momvt itvnavv chiya ho, Chisvs vt anonti i haiaka.

1. WEK chukowvt iahpi onnahnli fehna okhlilinchi moma ho, Meli Maktalene vt sepuvka yash ona cha, tvli yash osh sepuvka ya a kanvli tuk o, pisa tok.

2. Yohmi ma maleli hosh vlvv, Saimon Pita, micha nan-ithvna achvfa Chisvs vt holitobli yatuk ita tuklo ka, Chitokaka ya sepuvka ya ai ishit kohchi cha kanima yo ont bohli tuk a chini ho, kil akostininchoshke, im achi tok.

3. Yohmi ma Pita yvt, micha nan-ithvna achvfa yash ita tuklo cha ivt, sepuvka ya it onachi tok.

4. Yohmi kvv tuklot pit tihlaiya tok; atuk o nan-ithvna achvfa yash ot Pita ya imaiya cha, tikba sepuvka ya ona tok.

5. Yohmi cha ont a hlipvt pit hopokoyo mvv, linen vto kahvt maya na pisa akinli kia, pit ik chukowo ki tok.

6. Yohmi ma Saimon Pita yash ot auet iakayvt vla mvv, sepuvka yash pit chukowa cha, linen vt kahvt maya ka pisa tok.

7. Yohmi ma nantapvski noshkobo isht afoa tuk vto linen a ik ibafoko hosh, amba pohlvv taha cha, ilapissa yo itonla tok.

8. Mihma nan-ithvna achvfa na tikba sepuvka ya ona tuk ash kia pit chukowa cha, pisa mvv, yimmi tok.

9. Yvmma foka mvno illi tuk vt falamvt tana hi oka, Holisso Holitopa ya ik ai akostinincho kishvt okla tok.

10. Yohmi mvt nan-ithvna ash osh ilap in chuka atuk akinli hō itiachi tok.

11. Yohmi kia Meli vto sepvka a kocha ya nishkin okchi mihintit hikia tok: atuk osh nishkin okchi mihintit pit aka chunulit, sepvka anukaka ya pit hopokoyo tok.

12. Mihmvt enchil tuklo i na-fohka tombi kvv Chisvs haknip ai itola tuk a, achvvt noshkobo imma yatuk ak o asha ma, achvvt iyi pilla hatuk ak o asha na pisa tok.

13. Mihma, Ohoyo chia hvv na katihmi hō ish yahaya cho? im achit okla ma, An Chitokaka ya okla ishit kvnia tuk a chini hō, kanima yō a bohli tuk a ak ithano kak oke, im achi tok.

14. Micha ilvppa mak achi mvt, im ashak-imma pit filema mvt, Chisvs vt hikia na pisa kia, yvmmak osh Chisvs ash atuk a ik ahno ki tok.

15. Chisvs ash ot, Ohoyo chia hvv na katihmi hō ish yahaya cho? Kvta hō ish hoyo cho? im achi tok: mihma osapushi apesvchi mak o im ahoba mvt, A shahli ma! chishno ak osh yvmmak ash ai isht ish ia tuk okmvt, kanima yō ont ish bohli tuk mvt, is svv anoli na ont ishit minti lashke, im achi tok.

16. Chisvs ash ot, Meli, im achi ma, pit-filema mvt, Labboni, yvmmvt nan-ithvnanchi ma! achi hoke, im achi tok.

17. Chisvs vt, Ūba ivt Aki a ak im ono kisha hoka, is sa potoli ná; amba ivt itibapishi li vhleha aiasha kak o ona cha, Aki, mikmvt hvch Iki, an Chihowa, mikmvt hvchin Chihowa im ia li ka, ish im anolashke, im achi tok.

18. Meli Maktalene ash osh vla cha, Chitokaka ya pisa tuk, yohmi na ilvppa puta ka im ahanchi tuk a, nan-ithvna vhleha hash im anoli tok.

19. Atuk o nitak yvmmak ash inlit ont shohbi wek chukovvt iahpi nitak atuk o, Chu okla hā i nukshopa hatuk osh nan-ithvna vhleha ai itvnavt chieya ka, okhissa yvt

vllkvma h_o, Chisvs ash ot vltv iklvna ant hikia cha, Hvchi nuktanlashke, im achi tok.

20. Ilvppa mak achi mvt, ibbak iti chaplinchit, naksi aiena ka i weli tok. Yohmi ma nan-ithvna vhleha hash osh Chitokaka ya pisa kvt na yukpa tok.

21. Yohmi ma Chisvs ash ot atuklanchit, Hvchi nuktanlashke; Aki vt na sa tohno tok mak o, ai itilauechi hosh hvchishno ma na hvchi tohno li hoke, im achi tok.

22. Micha ilvppa makachit in taha mvt, o fiopa mvt, Shilombish Holitopa ya oh ishi.

23. Kvna im ai ashvchika y_o hvsh i kashofi hoka, i kashofa he mak oke; mikmvt kvna im ai ashvchika y_o hvch ik i kashofo hokma, ik i kashofo ka he mak oke, im achi tok.

24. Yohmi kia Chisvs vt vla ka, auah-tuklo yatuk a achvfa, Titimvs hohchifo Tamas vt takla asha tok keyu.

25. Yohmi tuk o nan-ithvna vhleha inla yash osh, Chitokaka ya e pisa kvno; im achi tok. Yohmi kia, Ibbak chofak ai ahonvhla tuk a pisa lish, chofak pit a hika tuk a svbbak ushi pit maiachi lish, anonti naksi a svbbak pit hilechi li h_o keyukmvt, sai yimma he keyushke, im achi tok.

26. Atuk o anonti nitak isht untuchina ma nan im ai ithvna vhleha hash osh aboha anuka aiasha ma, Tamas vt takla asha tok; yohmi ma okhissa yvt vllkvma h_o, Chisvs vt vla cha, iklvna ya ant hikivt, Hvchi nuktanlashke, achi tok.

27. Mihmvt Tamas ash o, Chibbak ushi a auet welit, svbbak a pisa; mikmvt chibbak ma auet welit sa naksi a pit hilechi: yohmi cha, na yimmi iksho hosh ish anta na, amba chi yimmi kvt a chim alotowashke, im achi tok.

28. Mihma Tamas vt afalaminchi mvt, An Chitokaka ma! an Chihowa ma! im achi tok.

29. Chisvs ash ot, Tamas is sa pisa hatuk mak osh chi yimmishke: pisa h_o keyu kia, yimmi tok vhleha hokvt na yukpa mak oke, im achi tok.

30. Micha na-fehna inla kvt laua h_o, Chisvs vt nan im ai ithvna vhleha hvt pisa na yvmibchi mvhli tok a holisso ilvppa ik a holissoshke.

31. Amba Chisvs vt Chihowa Ushi Klaist mak a tok a,

hvechi yimma he; micha hvechi yimmi pulla hosh yumma hohchifo hatuk mak o okchayvt bilia ya hvsh ahayucha he mak o, ilvppa puta kv̄t holisso hatuk oke.

CHAPTER XXI.

Chisvs vt, nan im ai ithvna vhleha hv̄t Tibelias okhvta h̄a nvni hokli hosh maya h̄o, ont im otvni, 1; 12 yohmi cha nan-isht-hokli a nvni im alotoli cha, anonti itibai impa. 15 Chisvs a i hullokmvt in chukfvlhpoba, micha in chukfvlhpobushi aiena ka im ipeta hi a hituchina ha Pita ya i miha; micha Pita yvt na palvmmi isht illa hi a tikbanli im anoli. 24 Chan vt ilap nana anohonli ka aiahli, micha Chisvs vt na fehna ka yvmihchi tok a, inla yvt lauv̄t asha hosh ik holisso ka, miha.

1. ILUPPUT ai yakohmi ha ya, anonti Chisvs vt nan im ai ithvna vhleha h̄a Tibelias okhvta hak o ont a im ile haiakvchi tok: mihmvt ilvppak o ai yakohmi hosh ile haiakvchi tok.

2. Saimon Pita, micha Tamas Titimvs hohchifo, mikmvt Nahlanael Kalili yakni Kana v̄tta, micha Sebete ushi tuklo, anonti nan im ai ithvna inla tuklo aiena kv̄t ai itapehvt ma-ya tok.

3. Saimon Pita yash ot, Nvni v̄bit ia lishke, im achi ma, Pishno ak kia chi apih̄vt il ivshke, im achi tok. Okla kohchvt iv̄t chekosi makinli h̄o peni a ont vlbeha tok; atuk osh ninak yumma nana kia okla ik hoklo ki tok.

4. Atuk o ont onnv̄t taha ma, Chisvs vt alaka ya hikia tok; yohmi kia nan-ithvna vhleha hv̄t Chisvs ash atuk a ik ithano ki tok.

5. Yohmi ma Chisvs ash ot, Ulla v̄to ilimpa hv̄chim asha cho? im achi ma, afoaminchit, Ikshoshke, achi tok.

6. Mihma, Peni ishtimpak-imma yak o nvni-isht-hokli a oh okvchi, micha hvsh ahayuchashke, im achi tok. Yohmi hatuk o pit okvchi mvt, anonti nvni yvt laua fehna ka, halvli kv̄t okla na kanihma he keyu ki tok.

7. Yohmi ma nan-ithvna Chisvs vt holitobli yatuk, yvm-mak ash ot, Chitokaka mak oke, Pita ya im achi tok.

Mihma yummvt Chitokaka mak atuk o, Saimon Pita yvt haklo mvt, nipi bano tuk osh nafohkvt nuni hokli yatuk ash o ishit il ai vskofvchi mvt, okhvt hash pit okatula tok.

8. Mihma nan-ithvna vhleha inla ka yvto alaka ya pit i hopaki keyu, amba k u b i t tahlepa tuklo foka ho asha hatuk okvt, pen-ushi ash o alhtot nvn-isht-hokli nuni alota ka halv-lit isht ia tok.

9. Atuk osh alaka ya okla ona makinli ho, tobaksi luak vt ymma asha ma, nuni ymma itotonla ma, pvska ak kia itonla na okla pisa tok.

10. Chisvs ash ot, Nuni himonasi hvsh hokli tuk vt, ishit ho minti, im achi tok.

11. Saimon Pita yvt pit chukowvt nvn-isht-hokli ash nuni hochito tahlepa achvfa pokoli tahlapi cha, akocha tuchina aienvt alota ho halvllit, alaka isht ona tok: laua hokvto yakohmi nana kia nvn-isht-hokli ash ot ik okpulo ki tok.

12. Chisvs ash ot, Mintit ant oh impa, im achi tok. Mihma yummvt Chitokaka mak atuk a ithana hatuk osh, nan-ithvna vhleha hv achvfa kia i ponaklot, Kvta chia ho? achi kia iksho ki tok.

13. Mihma Chisvs ash ot onvt, pvska ya ishi cha, i hopela mvt, nuni ma yvmihchi akinli tok.

14. Chisvs vt illi tuk osh falamvt tani ha yvt, ilvppvt ont atuchina mak o nan im ai ithvna vhleha ha im ile haiakvchi tok.

15. Atuk o impvt okla issa ma, Chisvs ash ot Saimon Pita ya, Saimon, Chonas ushi chia hv is so hullo kv, ilvppa puta ka chim i shahli cho? im achi ma, Ahlishke, Chitokaka ma! chi hullo li hoka chishno vt ish ithanvshke, im achi ma, An chukvhlhpoba ushi puta ka pehlichit ish ipih-intashke, im achi tok.

16. Anonti atukla ma, Saimon, Chonas ushi chia hv is sa hullo cho? im achi ma, Ahlishke, Chitokaka ma! chi hullo li hoka, chishno vt ish ithanvshke, im achi tok: mihma, An chukvhlhpoba puta ka pehlichit ish ipihintashke, im achi tok.

17. Ont atuchina ma, Saimon, Chonas ushi chia hv is sa

hullo cho? im achi ma; ont atuchina mak o, Is sa hullo cho? im achi hatuk o, Pita yash osh nukhaklot taha tok. Yohmi mvt, Chitokaka ma! nan okluha ka ish ithanvshke, chi hullo li hoka chishno vt ish ithanvshke, im achi tok. Mihma Chisvs vt, An chukfulhpoba puta ka pehlichit ish ipihintashke, im achi tok.

18. Ahlishke, ahli mak o chim achi lishke, Chi himita mvto chishno inlit il ai vskofachehit, chishno ish ahni hosh kanima ish aya beka tok: yohmi kia ont a chi sipokni hayokmvto, chibbak a ish wakeli na inla hosh chi vskofachechi cha, kanima ish aiahni keyu kia, chisht aya hi oke, im achi tok.

19. Ai illi kaniohmi ho Chihowa ha isht a holitoblichha he ak o, anoli hosh ilvppa anumpuli tok. Mihmvvt ilvppa anumpuli mvt, Is siakaiyashke, im achi tok.

20. Mihma Pita yvt filemvt, nan-ithvna achvfa Chisvs vt holitobli chatuk opiaka impvt maya ka ikkishi ha pit vtayvt ashvt, Chitokaka ma! chishit inla ibbak chi fohki kvto, katiima kak oh cho? achi tok ash osh awant aya na pisa tok.

21 Pita yvt yvmma pisa mvt, Chisvs ash o, Chitokaka ma! yohmikmvno hatak ilvppak amo katiohma chi cho? im achi tok.

22. Chisvs ash osh, Vno ak osh ahni li hokma, ilvppak okvt ahanta tuk o vla la he, yvmmvt nanta isht chi ahalaia cho? Is siakaiyashke, im achi tok.

23. Yohmi ma itibapishi vhleha hvt, nan-ithvna yvmmvt ik illo ka he yatuk a, it im anolit maya tok; yohmi kia Chisvs vt, Yvmmvt ik illo ka hi a i miha tok keyu; amba vno ahni li hokma, ahanta tuk o vla la he, yvmmvt nanta isht chi ahalaia cho? achi tok.

24. Nan-ithvna ilvppak a tok mak osh ilvppa puta ka atokoli cha, anonti yakohmi ka holissochi tok: yohmi ka yvmmvt nana atokolit anoli ka ai ahli ka il ithaiyanvshke.

25. Micha nana inla Chisvs vt a kaniohmi tok a lauvt asha, yvmmak osh momvt holisso hokma, holihiso kvv yakni ak oh kia holisso hvt ai itola hi vt iksho ka hinla, vm ahobvshke. Amen.

CHISVS KLAIST

IM APOSTEL VHLEHA HV'T NANA A KANIOHMI TOK.

CHAPTA I.

Klaist vt illi ha ya tok a isht annoa kaniohmi kv't v'bitvt annoa, 1. 9
Yvmmvt vba ia isht annoa. 15 Chutvs vltoba hō achvfa ka ato-
kola hi a, Pita yvt isht anumpuli.

1, 2. TIAFILUS ma! Chisvs vt vmona, nana puta
a kaniohmit nan im avchit isht mahaya tok osh, vba anum-
peshi vhleha hā ilapo akinli atokoli tok vt, nana v'hpisa ka
Shilombish Holitopa pulla hō isht ai ihima tok osh, vba ia
tok nitak fena ka, holisso tikba kash o, isht ai ikbi li tok.

3. Yvmmak okvt ilbvsha hayvt okchaya kv't, nana ahli
isht ikhaiyana he lāwa ka, yvmmak ash o ai isht im ile hai-
akvchi cha, nana kv't Chihowa ap ehlichika ya, pit ai ahalaia
puta ka isht anumpohonli ka, okla pisa na nitak pokoli ushta
tok.

4. Micha itahobit taiyahli mvt, Chelusalem a okla issvt ik
aiyo hosh; amba Iki vt nana miha tok, Yvmma hvs svm
a haklo tuk vt, pit hoyot hvsh chieyashke; achit im apesa
mvt,

5. Chan ak okvto oka yo isht baptismochi mvhli tok;
amba hvchishno vto himmak pila hā, nitak kanohmi keyuk-
ma, Shilombish Holitopa yak o isht hvchi baptisma chī hoke;
achi tok.

6. Yvmohmi na okla itahobvt chieya mvt, nan i ponaklot,
Chitokaka ma, himak foka hokvno ap ehlichika ya falamin-
chit Israel a ish ema chī cho? achi tok.

7. Mihma, Nitak, micha afvmmi puta ka, Iki vt ilapo ib-
bak akinli hō fohkit ieshi ka hvsh ithana v'hpesa keyu hoke.

8. Amba Shilombish Holitopa yvt ayvt hvchim v̄la ha mvno, nana ai ahl̄ika ȳa, hvsh esha he: yvmohmikmvt Chelusalem, micha Chutia moma, micha Samelia, micha yakni afolota ont ai v̄hli fena aiena ka, atokolit a na si anoli hvchia ha he mak oke; im achi tok.

9. Mihma nana yakohmi ka anumpulit ont in taiyaha ma, oklat p̄isa na, v̄ba ishtia ma, hoshonti hv̄t i holhponayo ha ant im a luhmit ishi tok.

10. Mihma v̄ba ia na, pit aiokchifelit shutik pilla ka pit hopokoyot hieli ma, hatak tuklot nafohka tohbi fohka hosh i bilikasi hieli tok.

11. Mihmvt yvmmak ash osh, Kalili hatak hvchia hv̄t, nanta katihmi h̄o shutik pilla ka pit hopokoyot hvsh hieli cho? Chisvs ilvppak ash fehna akinli kv̄t hvchim eshit v̄ba ishtia ka, kaniohmit v̄ba ia h̄o hvsh p̄isa tuk a yvmmak inli h̄o chohmit ayvt v̄la hi oke; achi tok.

12. Yvmohmi ma, nv̄nih chaha Alifit hohchifo h̄o, yvmmak okvt Chelusalem a pit bilika nitak hullo anowa v̄lhpesa h̄o asht falamvt Chelusalem a okla v̄la tok.

13. Michā okla ant chukowa mvt, v̄ba potv̄lhpo ȳa yvmmak o Pita, micha Chemis, micha Chan, mikmvt Antilu, Filip, micha Tamvs, Bahlolomu, micha Mahlu, Chemis, Alfius ushi, mikmvt Saimon Selotis, micha Chutvs Chemis itibapishi aiena kv̄t ai asha tuk o pit oiyat taha tok.

14. Ilvppak osh momvt ohoyo puta, micha Meli Chisvs ishki, micha itibapishi v̄hleha hatuk aiena ka ai itapehv̄t im anukfila ai achv̄fv̄t v̄ba pit anumpulit, nana asilhha aiena kv̄t ik isso hosh aiasha tok.

15. Atuk o nitak yvmma foka ma! nan ithvna v̄hleha hohchifo holhtina kv̄t tahlepa achv̄fa cha pokoli tuklo foka hosh itv̄nahv̄t chieya h̄o, Pita yvt iklv̄nna wakayvt hikia cha,

16. Hatak itibapishi li v̄hleha ma! Shilombish Holitopa yvt tikbanli, Lewi ash itakha ai isht Chutvs a isht anumpuli tok o, Chisvs okla ishi ka in tikba hika tuk a, ik kaniohmi kia holisso ilvppvt ai ahl̄i tuk pulla hoke.

17. Yvmmak okvt hv̄p iba holhtiena cha, anonti nan isht vtta ilvppa pit ahalaia ka ieshi hatuk,

18. Micha hatak ilvppvt yoshoba isht vlhtoba tuk a osapa yo ishit chumpa tuk; micha itihpelvt akivt, iklvnna mitafa na, iskuna puta kashot momvt kocha pit fohopa tok.

19. Yvmohmi ka Chelusalem okla aiasha kvv momvt akostininchi tuk; yohmi hatuk o osapa yvmvvt ilap im anumpa ya, Esiltama hohchifo, yvmvvt osapa issish achi hoke.

20. Micha ataloa holisso ha a holisso kvv, Yvmvvt ai ahanta yatuk a ik chukilissá, yohmikma hatak nana kia yvm-mak ash ik ai ahanto kashke; micha, Nana ai isht vttta yatuk a, inla yosh ishashke; achishke.

21, 22. Yvmohmi hoka, Chitokaka Chisvs vt pi takla vttvt aya, Chan a im a baptismo chash, vhlit mintit a hvpim eshi na vba ia nitak fehna ai vla ka, hatak yakohmi kvv pi apehvt, aya na bilia tok okvt, yvmvvt falamvt tani tuk a, atokowa pib ai anola chi kvv, achvfvv vlhtoka pullashke; achi tok.

23. Mihma hatak tuklot, Chosef osh Basabvs hohchifo hosh, hohchifo apunta kvv Chvstvs o, anonti Mathlaivs aiena ho, okla hiohlichí tok.

24. Micha okla vba pit anumpuli mvt, Chitokaka hatak moma chukvsh a ithaiyana chia hokvt, tuklo ilvppa kani-mampo kak o, ish atokoli hatuk okmvt ish otvninchi na,

25. Nan isht vttta ilvppa, micha vba anumpa isht vttta pit ahalaia aiena, yvmmak atuk o, Chutvs vt ilap ai vttta ya ia chin cha, yoshoba cha issa tuk oka, ieshashke; okla achi tok.

26. Micha okla nashoeli bohli tok; mihma nashoeli ash ot Mathlaivs ak o onvtula na, yvmmak osh vbanumpeshi auah-chvfa kash iba holhtiena tok oke.

CHAPTA II.

Vbanumpeshi vhleha hvv Shilombish anukfohka fehna mvt, anumpa ilaiyuka anumpuli, 1. 14 Pita yvt vbanumpa isht anumpuli.

1. **ATUKO** Pentekost nitak vt ont vlhpiesvt taha ma, momvt im anukfila ai achvfvv mih achvfa yo chieya tok.

2. Yvmohmi ma ashalika mahli kullo chinto chiyuhmit, vba ya fopa hosh mintit vla cha, aboha anuka okla aiasha tuk ash ant alotolit kaiyanchi tok oke.

3, 4. Yvmohmi ma, isunlvsh chuhlahli kv̄t luak o chiyuhmi hosh ant i haiaka, micha achvfaiyuka ant onvtoyula tok; yvmohmi na, moyumvt Shilombish Holitopa yvt isht anukfohkv̄t alota ma, anumpa inla puta anumpula hi a, Shilombish vt apelahanchi na, okla anumpulit ishtia tok oke.

5. Yvmohmi ma Chelusalem a Chu vhleha, hatak hopoyuksa puta, oklushi moma shutik nuta ka aiasha ka a minti hosh, aiasha tok.

6. Mihma ilvppak ashot annovt takakanli ma, okla laua yvt ant itahoba cha, ilap im anumpa aiyuka yo, ai anumpulit maya na, hatak momvt haklo hatuk osh, okla anukhlakancha tok.

7. Micha momvt okla nukhlakancha mvt, okokko! ai ahni mvt, Ilvppa anumpulit maya kv̄t momvt Kalili okla keyu h̄o?

8. Micha nanta katiohmi h̄o hatak moma kv̄t il a toba tok pim anumpa akinli h̄o, e hahaklo cho?

9. Patia okla, micha Mit okla, micha Ilam okla, mikmvt Mesopotemia, micha Chutia, anonti Kapatosha micha Pontvs mikmvt Asia,

10. Fichia micha Pafilia Echip, mikmvt Libya pilla Sailini foka aiena aiasha puta, micha Chu vhleha, mikmvt ai ibvlhto puta, Lom mintit itvnowvt aya,

11. Klit okla, micha Alabia okla puta kashot, Chihowa i na fehna ka, pishno pim anumpa h̄o okla isht anumpuli na eho haiyakloshke; itim achit maya tok.

12. Micha okla momvt nukhlakancha mvt, ik ai akostinicho chohmi cha ilvppvt, Katiohma hinla hosh yakohmi h̄o? itim achit maya ma,

13. Anonti inla ka mvt isht yopulvt, Hatak yakohmi kv̄t oka paki himona yo yvmmi hoka; achi tok.

14. Yohmi kia Pita yashot, auah chvfa kash ibafohkv̄t hikia cha, im anumpa vba takalichit, Chutia hatak hvchia,

micha Chelusalem aiasha hvchia, hvsh moma kv̄t, ilvppa oh ithaiyana cha, v̄m anumpa h̄a hvsh haponaklashke.

15. Yakohmi kv̄t nan ishkot haksi h̄o keyu, chishno yokv̄to yohmi h̄o hvchim ahoba kia nitak hvshi isht v̄lhpisa ont atuchina hoka.

16. Amba ilvppv̄to hopaii Choel vt isht anumpo-honlit,

17. Nitak himmaka pilakma yakohma hi oke: Nipi puyuta ka v̄mi shilombish ma ai isht o fohohompli la hi oke: yohmikma hvch iso nakni v̄hleha, micha hvch iso tek puta kash ot v̄ba anumpa isht anumpulikma, anonti hatak hvch̄i himithoa puta kash ot nan isht ahoba pih̄isa he; yohmikma hatak hvch̄i sipokni puta kv̄t holhpokunna ma holhpokohuna hi oke.

18. Micha nitak yv̄mma fokakma, an tishu v̄hleha, micha ohoyo an tishu moyuma ka v̄mi shilombish a o fohohombli la he; yohmikma v̄banumpa isht anumpula hi oke.

19. Micha v̄ba shutik a nana fehna ka a haiakahanchi lik-mvt, anonti aka yakni ma nan isht ahoba, issish, micha luak, anonti shobulli yobota aiena ya hi oke.

20. Chitokaka i nitak chinto holitopa kv̄t ik lo k̄isha h̄o, hvshi ash ot okhlili h̄o tobakma, hvshi ninak aya ash ot issish toba hi oke.

21. Micha yakohma hi oke, Kv̄na kia Chitokaka hohchifo h̄a pit hochih̄ifokmvt okchaya he mak oke; Chihowa yvt ahanchishke: ahanchi tok mak oke.

22. Israel hatak hvchia hv̄t, anumpa yakohmi ka hvsh haiyaklashke; Chisvs Nasalet ai v̄tta, Chihowa yvt ai ahniechi hatak osh, hvch itintakla ahanta ma, yv̄mmak o Chihowa yvt isht ahullo, nana fehna, micha nan isht ahoba puyuta ka isht hvch itintakla ma, a yv̄mihinch̄i tuk a, hvchishno akinli kak kia hvsh ithainayv̄shke.

23. Yv̄mma Chihowa yvt nan tikbanli pit akostininchi, micha ik kaniohmi kia yohma he ma im anukfila cha, issa tok pulla hatuk mak o, hvsh ishi cha, ibbak haksi yash isht iti taiyukhv̄na a takalichit hvsh bi tok.

24. Yv̄mma Chihowa yvt illi na-hotopa puta ka hotoffi

cha, tanichi tok: yummak oka yummvt a foka he vlhpesa keyu hatuk oka.

25. Lewi yvt yumma isht anumpuli mvt, Chitokaka yvt sa nashuka itikba ya hikia na, pit pihisa li chatuk. Ik sa kanvillo ka hi a, yummak okvt svbbak isht impak imma ya hikia hoka:

26. Yohmi hatuk o, sa chukvsh vt na yukpa ma, anonti sa sunlvsh vt yukpa tok: yohmikma sa nipi ak kia nan ahni iksho hosh foha hi oke.

27. Ŭmi shilombish a aiokpuloka ya ish a kancha he keyu hokvt, anonti chi Holitopa tuk ash kia ant toshbit ik tahá, ish im ahna he keyu boke.

28. Chishno yvt ai okchaya hina puta is svm otvnichi tok; chishno vt chi nashuka ya, isht yukpalit is si alotola hi oke; ahanchi tok.

29. Hatak il itibapishi vhleha ma! nukwaya ikshot hatak iki chinto Lewi atuk osh illi cha hollopi aiena tok o, im ahollopi yvt hvp itin takla ya hikia na himak a nitak fehna hatuk a, isht hvchim anumpohonli lashke.

30. Yomohmi ka hopaii atuk, micha Chihowa yvt, nipi okvto yumma isht atia ka yo, Klaist a ai ikbit yumma im ai asha holitopa tuk ash, ai o binila chi mak o, hilecha hi vt, anumpa kvllo isht ai im il apihisa tok a, ithaiyana tok oke.

31. Ilvppa tikbanli akostininchí hatuk osh, Klaist vt falamvt tana hi a isht anumpuli mvt, ilap imi shilombish a aiokpuloka ya ik im a kancha ma, anonti nipi yvt toshbit ik taho ki tok aiena ka, miha tok oke.

32. Chisvs ilvppa Chihowa yvt tanichi tuk o, yumma atokowa nan anoli pi bieka mak osh e hielishke.

33. Yohmi ka Chihowa im ibbak isht impak imma a binilit holitopa, micha Shilombish Holitopa im ihisa tuk ash, Iki ya im ai ihishi aiena hatuk makosh, ilvppa auet fohohombli na, himonasi ka mihmak o hvsh pisa, micha hvsh hahakloshke.

34. Lewi yvt vba shutik a ona tok keyu hoka; yohmi kia ilapinli kv, Chitokaka yvt an Chitokaka ya, Svbbak isht impak imma ya ish binili na,

35. Chin t̄nvp vhleha h̄a chiyi ai o hikia ikbi lashke ; im achi tok, ahanchi tok.

36. Yvmohmi hoka, Israel okla moma kv̄t, Chisvs iti itai-yukhr̄na hv̄sh a takalichi ch̄ash fehna ka, Chihowa yvt yvm-mvt Chitokaka, micha Klaist aiena mak o, ikbi tok a, ithaiyana pullashke ; im achi tok.

37. Yohmi ma ilvppa okla haiyaklo mvt, chukv̄sh vt nukhaklo fena mvt, Pita, micha vbanumpeshi inla aiena kash o, Hatak il itibapishi vhleha ma ! nantak o e katiohma ch̄i cho ? im ahanchi tok oke.

38. Yvmohmi ma Pita yashot, Hv̄sh moma kv̄t ile kostininchit, nan ai ashvchika puta isht kashofa ch̄i ka, Chisvs Klaist hohchifo h̄a, im a hv̄chi baptismashke ; yohmikmvt Shilombish Holitopa holhpila ka hv̄sh isha he mak oke.

39. Anumpa hv̄t hv̄chishno, micha chim vlla puta aiena, micha auet hopaki pilla aiasha ka moma, peh laua kv̄t kaniohmi h̄o Chitokaka hv̄pin Chihowa yvt pit hoyā hi a, im aya hoka ; im ahanchi tok oke.

40. Michā anumpa inla mvt laiyawa h̄o, isht im anumpulit, anonti atohnohonchi mvt, Aivlhpesa iksho isht ai unchululi vhleha ilvppa hv̄sh ai ile mokofashke ; ahanchi tok oke.

41. Yvmohmi ma im anumpa h̄a na yukpvt ih̄ishi tuk puta kv̄t baptismo tok ; yvmohmi na nitak yvmmak inli ka hatak tahlepa sipokni tuchina fokvt ibvlhkaha tok oke.

42. Yvmohmi cha vbanumpeshi vhleha im anumpa hash, micha it̄i hullo aiena, micha pvska boshullichi, mikmvt vba pit anumpuli aiena kv̄t kv̄llo fenhvt ahashwa tok.

43. Yvmohmi ma hatak moma ka nukshopa hv̄t onvtuyula tok ; mihma nana fehna, micha nan isht ahoba laua aiena kv̄t vbanumpeshi vhleha hash isht a yvmohmi tok.

44. Yvmohmi ma na yimmi tuk vhleha hv̄t momvt ai it achvfa mvt, anonti nana puta ka ai i moma hosh ai asha tok.

45. Michā im osapa puta, vlpoyak aiena kash okla kampela cha, hatak mominchit hatak vt nana h̄o bv̄nna hatuk aiyyuka ka, i hopela tok.

46. Michā im anukfila mvt ai achvfv̄t, Tempel anyukakaya, nitak moma ai ahashwa, micha chuka taloha puta ma,

puska a boshullichit itvnowa aiena mvt, chukvsh ai ahlit na yukpvt im ilhpak ma vpv̄t aiashvt,

47. Chihowa ya ai okpahanchi ma, okla moyuma kv̄t ahniechi tok. Yvmohmi ma okchaya he puta kano, Chitokaka yvt nitak moyuma ka vbanumpuli ik̄sa ya isht ibakanli tok oke.

CHAPTA III.

Pita, Chan ita tuklo kv̄t hatak imomokpulo hlakofichi tok o isht anoa, 6.

1. YOHMI ma Pita, Chan ita tuklo kv̄t hv̄shi kanvlli isht vlhpisa chakkali hō, vba pit ai anumpuli hv̄shi kanvlli hatuk o, tempel a itiachit ont chukowa tok.

2. Yvmohmi ma hatak vt imomokpulo yosh vtta tok o, yv̄mma okla it̄i sholit, tempel a, okla ont a chukowa ka, nanasi kia im asilhha ch̄i hō, nitak uha tempel okhissa, yvm̄mvt hohehifo mvt aiukli achi hō, ont okla bobyuli beka tok o;

3. Yvm̄mak ashot, Pita, micha Chan ita tuklo kv̄t tempel a pit chukowvt okla ch̄i hō, pisa mvt nanasi kia asilhha tok.

4. Mihma Pita yvt Chan ash awant yvm̄mak ash aiokchifelit pih̄isa mvt, Aūet pi pesá, achi tok.

5. Yohmi ma yvm̄mak ashot nana hō im a habena ch̄i ka, im ahoba mvt im atia tok.

6. Mihma Pita yashot, Tvli holisso, micha tvli holisso lakna aiena hokvto ik sv̄m ikshoshke: amba nana hō ishi li kvto chima lishke: Chisvs Klaist Nasalet ai vtta hohehifo pulla ka, wakaya cha nowá, achi tok.

7. Mihm̄vt ibbak im ishtimpak imma ya halvlli cha, wakeli tok: mihma ashalika iyi, micha iyi imoksak foni puta aiena kash ot hlampkot toba tok.

8. Mihma yvm̄mak ash ot balaklit tanit hikia cha, nowa tok: mihm̄vt nohōwvt, anonti mvllit, Chihowa ma pit aiokpahanchit, yvm̄mak ash awant Tempel a ont chukowa tok.

9. Mihma okla momvt yummvt nohowa, micha Chihowa pit aiokpahanchi aiena ka, piesa tok.

10. Mihmvt yummak osh na habena chi hosh tempel okhissa aiukli a asha beka tuk a, okla ithana tok: nana kv̄t ai i yakohmi tuk a, okla okokko! ahnit anukhlakanchvt kv̄nia tok.

11. Micha hatak imomokpulo hlakofi tuk ash ot Pita, micha Chan ita tuklo ka halanli ma, okla moma kashot okokko! ahni fehnvt, o yihlept Solomon im apishia achi ho nutaka ya, ont ai itahoba tok.

12. Yvmohmi na Pita yvt pihisa mvt, okla hash im anumpulit, Israel hatak hvchia hvt, nanta katihmi ho ilvppa isht hvchi anukhlakancha cho? Micha nanta katihmi ho pishno nan isht a pim ahlika akinli hokmā, keyukmvt pi achukma hokmā, nana tuk osh hatak ilvppa e nowvchi tuk o chiyuhmit aiokchifeli fenvt hvsh pi pihisa cho?

13. Eblaham micha Aisak, mikmvt Chekob in Chihowa, micha hvp iki vhleha in Chihowa yvt Ushi Chisvs a holitobli tok; yummak oka Pailat vt ant ik iā, im ahni vlhpiesa tuk a hvchishno vt itikba hielit kanchit ibbak hvsh fohki tok oke.

14. Micha Holitopa, mikmvt Aiahli aiena tuk ash hvsh kanchi cha, hatak vbi yak osh a hvchim vlhpiesa chi kv̄t, hvsh asihihla tok.

15. Micha Aiokchaya i miko ya hvsh bi tok o, yummak ash illi tuk a, Chihowa yvt tanichi tok o; yumma atokowa anoli vhleha pia mak oke.

16. Yumma hohchifo, hohchifo yumma a yimmi pulla hosh hatak ilvppa hlampkochi tuk o, hvsh pisvt hvsh ithaiyanvshke: ahli, yumma ai i yimmika pulla hosh haknip achukma aiahli ilvppa, hvsh moma hvchi tikba ya a im ataiyahli hoke.

17. Yohmi ka itibapishili vhleha ma! na hvchik ithaiyano kak osh hvsh yvmohmi tok; micha hatak hvchi pehlichī vhleha ak kia yohmi akinli tuk a, himak a ithaiyana lishke.

18. Yohmi kia Klaist vt ilbvsha he a, Chihowa yvt tikba

ma i hopaii puta itih hā, nana yvmma puta ka isht anohonli tuk vt, yvmihchit ai ahlichit tok oke.

19. Yvmohmi hoka ile kostininchit im anukfila inla hvchi anukfohkashke; yvmohmi na nitak hochukma Chitokaka itikba a mihinti kv̄t ahanlakma, nan hvsh ai ashvchika puta kv̄t hvchi kashofa hi oke.

20. Yvmohmikma tikba kash isht hvchim anumpa tok Chisvs Klaist a auet chvfficha hi oke.

21. Yvmmak oka vba shutik vt ieshi pulla na, nana okluha Chihowa yvt nitak tikba pilla mihinti ka, i hopaii hochukma puta itih hā isht anumpohonli tok vt, ont ai ahla he vhlpiesa hoke.

22. Moses okvt hatak pin tikba vhleha hā, Chin Chitokaka Chihowa yvt hvsh itibapishi hatuk a hopaii, vno chohmi ka ikbit hvchi hilecha he: yvmmak o nan okluha nana ho hvchim ahanchikma, hvsh haiyakla hi oke.

23. Yohmikma, yakohma hi oke: kv̄na hosh Hopaii yvmma i haponakla he keyukmvt, okla ai ibafohka tuk vt ai okpulo kv̄t kv̄nia hi oke; im ahanchi mv̄hli tok.

24. Ahli, micha hopaii moma, Samuel ai vhlit minti, micha ola takla hā asht isht auehinchit anumponli kv̄t momvt, nitak yakohma hi oka, tikbanlit anoli akinli tok.

25. Hvchishno vt, hopaii vhleha, micha Chihowa yvt hypin tikba vhleha hā, nan it im apesvt Eblaham a, chishno isht chi ai unchululi ho, oklushi puta yakni paknaka aiasha kv̄t ai isht ilayukpa hi oke; im ahanchi tok, anumpa hā ushi hvchia hoke.

26. Chihowa yvt ushi Chisvs ikbit hilechi mvt, hvchishno ak o mominchit nan im ai ashvchika ya ai isht filvmmichit a chi yukpala chi ka, tikbanli auet chvffihinchit tok oke; achi tok oke.

CHAPTA IV.

Pita, Chan ita tuklo kv̄t aboha kv̄llo vhlpitta tok, 1. 8 Pita yvt nukwaya iksho tok. 18 Vbanumpeshi vhleha hv̄t anumpa kv̄llo im vhlpisa tok.

1, 2. **MICHA** okla ha im anumpulit ahashwa ma, na holitompa ish vta vheha, micha tempel atoni, mikmt Satusi vheha aiena kv, yvmt hatak illi puta tana hi oka, Chisvs atuk mak o okla ha nan ikhvnanchi, micha isht anumpohonli kak o, ik im vhpieso hatuk osh, ant i kocha tok.

3. Michā okla ibbak isht ieshit, aboha kullo apitta na onna tok, opia hosi tok oka.

4. Yohmi kia anumpa ha hahaklo tuk vt, laua hosh yimi tok; yvmohmi ma hatak holhtina kv tahlepa sipokni tahlapi foka tok.

5. Ont onna ma yakohmi tok; Okla i pehlichika vheha, micha hatak hochitoka vheha, micha na holissochi vheha,

6. Mikmt Annas, na holitompa isht asha pehlich, micha Kaiasvs, mikmt Chan, micha Aliksanta, micha na holitompa isht asha pehlich i kanomi vheha moma aienvt, Cheluselem a ai itahoba tok.

7. Michā yvmmak ash o ai ikvnna hiohlechi mvt, Kvta hosh nan apesa tuk o, keyukmt nanta hohchifo ho ilvppa isht hvsh ai yakohmi tuk oh cho? achit ponaklo tok.

8. Yohmi ma Pita vt Shilombish Holitopa isht anukfohka fehna mvt, Okla pehlich vheha micha Israel i hochitoka vheha hvchia ma!

9. Hatak iksitopo vt nan isht il ayukpa yvt im vlhtaha tuk a, kaniohmi ho isht a hlakofi tuk a, himak nitak a pishno ak o pi ponaklo hatuk oka,

10. Hvchishno vt hvsh moma, micha Israel okla moma kv hvsh ithaiyanashke; Chisvs Klaist Nasalet ai vta hohchifo pulla, yvma iti itaiyukhva hvsh a takalichi tok o illi tuk a, Chihowa yvt tanichi tok: yvmmak fehna kak o, hatak ilvppv isht a hlakofi cha hvchi tikba ya, yak hikia hoke.

11. Tuli ilvppak o, chuk-ikbi vheha hvchia hv, ik aho-balot hvsh kanchi tok mak o, yvmmak ash ot chukbi ka nutak intola fehna toba hoke.

12. Michā ai okchaya mvt inla kia iksho: shutik nutaka ya hohchifo inla ma hatak puta ka auet ai ima tok o, mihi yo il ai okchaya he vhpesa kv iksho hoka; im ahanchi tok.

13. Yohmi ma Pita, micha Chan ita tuklo kvt nukwaya iksho hō okla pihisa, micha yvmmt hatak holisso imponna keyu, micha nan ik ithano aiena yatuk a, akostininchi mvt, okokko! okla aiahni tok; micha yvmmt Chisvs a apehvt aya tuk a, okla im akostininchi tok.

14. Micha hlakofi tuk hatak ashot ibafokvt hikia na, okla pisa hatuk osh, yvmma okla nan isht a miha he keyu tok.

15. Amba ai itvnaha ka a kohcha chī ka, okla im apesa ha yokvto, ilap bika it im anumpulit mayvt,

16. Hatak ilvppa nanta kō eho katimihcha chī hō? na fehna ithana hinla mak o, yvmma ai isht yvmohmi mvhli tuk a, Chelusalem ai asha kvt momvt akostininchi hoka; anonti pishno vt ik ahlo, e miha he keyushke.

17. Amba okla hā ibai a chukowvt ī shahlit isht ik aiyo ka he a, ī nokowa fehvt, himmak a pilla ma, hatak nana kia hohchifo ilvppa isht ik im anumpulo ka hi a, iloh im apesashke; ahanchi tok.

18. Mihmt okla pit ī howa cha, Chisvs hohchifo hā isht ik anumpulo kvmohmikmt, anonti nan im abvchit ik ahashwo ka chī hō, im apesa tok.

19. Yohmi kia Pita, micha Chan ita tuklo kash ot, afalaminchi mvt, Hvchishno ak o a hvchī haponaklo kvt, Chihowa ya, ī shahlichī kak okmā, nanta kosh Chihowa itikba ya ai vlpiesa hō anukfillit ho pesā.

20. Nana ka e pisa tuk, micha e hahaklo tuk aiena kvt, isht kil anumpulo ka he keyu hoka; im achi tok.

21. Yvmohmi ma okla hatuk pulla mak o, kanimihchit a fvmma hinla kvt, ik akostinincho hatuk osh, achakalit nan ī mihvt tahlī mvt, ant ik ayá, okla im ahni tok; nana kvt a yvmohmi tuk a, hatak moma kvt, Chihowa ya pit isht holi-tobli hatuk o.

22. Hatak vt hopahki kvt afvmmi pokoli ushta ka atampa hō na fehna nahlakofichi ilvppvt ai ī yvmohmi hatuk oka.

23. Ant ik ayá, im ahni mvno, ivt ilap ai itapeha ai asha kash itonachi tok; micha na holitompaisht vtta vhleha, hohchitoka aiena kvt nana im achi tuk ash mominchit anoli tok.

24. Mihma yvmma okla haklo mvt, im anukfila ai achvvt,

Chihowa ya okla pit im anumpuli mvt, Chitokaka ma! chishno akosh Chihowa chia hosh, vba shutik, micha yakni, mikmvt okhvta, micha nana moma yakohmi aiasha ka ikbi tok chia hvt;

25. Lewi chim vlla itih ha isht ish ai anumpuli mvt, Nanta katihmi ho okla nan ik ithano yvt nokowa ma, anonti okla hvt nana tok keyu ka anukfillit ai asha tok oh cho?

26. Yakni miko vhleha hvt hiel ma, yohmi na pehlich vhleha hvt Chitokaka, micha i Klaist aiena ka i sanalit itahomba tok, ish achi tok.

27, 28. Ahli mvhlshke, chiso holitopa Chisvs, yvmmak o chishno vt ish il a hvmmichi tuk ash, Helot vt Pashis Pailat a ita tuklot, okla nan ik ithano vhleha, micha Israel okla aiena ka itapehvt i sanalit nana hosh kaniohma hi a, chibbak, micha chim anukfila aiena kvt, tikbanlit aiahni tok a, yvmihcha chi mak osh, okla itahohomba tok oke.

29, 30. Yvmohmi ka himonasi a, Chitokaka yvt okla im anumpa palvmmi a ish ithaiyanashke, micha hlakoficha chi kvt, chibbak a auet ish wihinli; micha nan isht ahoba puta, anonti na fehna puta aiena kvt chiso holitopa Chisvs hohchifo pulla ka isht a yvmohmi na, chin tishu vhleha hvt nukwaya iksho hosh chim anumpa ha isht anumpohonla chi ka auet ish im aiahnashke; achi tok.

31. Yvmohmit vba pit anumpulit okla in taiyaha ma, itv nahvt okla a chieya tuk ash winakahanchi tok: yohmi ma momvt Shilombish Holitopa yvt anukfohkv kvnia mvt, nukwaya iksho hosh Chihowa im anumpa ha okla isht anumpohonli tok oke.

32. Okla laua na yimmi tuk vhleha hashot chukvsh achvfa mvt, Shilombish mvt achvfa hosh ai asha tok; micha achvfona kia nana im aiasha kvt kaniohma ka ilvppa vno vmmi fena, achi tok keyu; amba nana moma ai i moma hosh aiasha tok.

33. Ubanumpeshi vhleha hash ot nan ahlika chinto ka il aieshi hosh, Chitokaka Chisvs vt tani tok a atokowa okla anohonli tok: yvmohmi ma ayukpa chinto kvt mominchit onvtoyula tok.

34. Micha achvfona kia nana kv̄t ik im iksho mv̄t ibafoka tok keyu; amba osapa, micha chuka kia in talohmaya aiyu-kali atuk vt, kampila cha, nana hosh nana kanchi ka it vlh-toba tuk puta ka, okla isht ai vla tok.

35. Micha yvm̄mak ash vbanumpeshi vhleha iyi ituma ya, ant ashachi tok; yohmi na hatak vt nana ka banna ka aiyu-kali tuk a isht i holhpila tok oke.

36. Yohmi ma Choses atuk o, vbanumpeshi vhleha hv̄t Banabas hochifo tok, yvm̄mv̄t toshowakmv̄t Nana im av̄chi ushi achi hoke, Lefait hatak Saip̄lv̄s yakni vtta vt,

37. Osapa in talaia tuk osh, kanchi cha, tv̄li holisso a isht vla cha, vbanumpeshi vhleha iyi ituma ya, ant ashachi tok oke.

CHAPTER V.

Ananaivs, Safaila itatuklo kv̄t, Pita yvt nan i miha ma, illit aka kaha,

1. 12 Vbanumpeshi vhleha hv̄t na fehna puta yvm̄hinch̄i tok.

1. YOHMI kia hatak achvfa Ananaivs hohchifo hosh, tekchi Safaila itatuklot, osapa kanchi,

2. Micha isht vlhtoba tuk ash kashv̄blit ishi tok; tekchi ak kia im akostinin̄chi h̄o; micha a kashampa h̄o isht vla cha, vbanumpeshi vhleha iyi ituma ant bohli tok.

3. Yohmi ma Pita yashot, Ananaivs, nanta katiohmi h̄o Shilombish Holitopa ya ish i holabi cha, osapa isht vlhtoba tuk a kashv̄blit ish isha ch̄i ka, Setan vt chi chukv̄sh a anuk-fohki tok oh cho?

4. Talaya moma mv̄t, chishno ak o chimmi ha tok keyu? micha yvm̄mv̄t kv̄nia ha ya, chishno chibbak o foka tuk keyu? nanta katiohmi h̄o, ilv̄ppa chi chukv̄sh anukaka isht chim anukfiela tuk oh cho? Hatak o ish i holabi tuk keyu, amba Chihowa ak atuk oke; achi tok.

5. Yvm̄ohmi ma, Ananaivs ashot anum̄pa ilv̄ppa hahaklo mv̄t, aka itulvt fiopissa tok; yohmi ma na yakohmi ka haklo kv̄t mom̄vt nukhlakan̄cha fehna tok.

6. Mihma hatak himita vhleha yosh wakayvt, nan abo-nullit isht kohcha cha, ont okla hohpi tok.

7. Mihma yummak atuk a hopaki kv̄t hv̄shi kanv̄lli isht v̄lh̄pisa tuchina foka hō, tekchi vt nana kv̄t yvmohmi tuk a, ik akostinineho hosh ant chukowa tok.

8. Mihma Pita yvt im anumpuli mvt, Yakohmi hō osapa ya hv̄sh kanchi tuk okmá, nanakmvt, is svm anolashke; achi tok, mihma, Yau, yummak okvno; achi tok.

9. Mihma Pita yashot, Katiohmi hō Chitokaka imi Shilombish a imoma ka hv̄sh pisa ch̄i kv̄t, hv̄chim anukfila hv̄t ai achvfa tuk oh cho? Ch̄i hatak a hohpi tuk, micha chishno ma isht chi kohcha ch̄i v̄hleha iyi vt okhissa ya asha ka, pisá; im achi tok.

10. Yohmi ma mih makinli hō yummak ash ot iyi ituma ya ont itula mvt fiofissa tok; mihma hatak himita v̄hleha yash ot ant abeha cha, yvmvt illi tuk o pisa mvt, ishit kohcha cha, i hatak ont apotulit hohpi tok.

11. Mihma vbanumpuli iksa yvt moma, micha kanihmi hosh na yakohmi ka h̄aklo tuk vt momvt nukshopa fena tok.

12. Yvmohmi ma vbanumpeshi v̄hleha ibbak a nan isht ahoba, micha na fehna aiena laua kv̄t okla itintakla ya isht a yvmohmi tok. Mihma momvt im anukfila hv̄t ai achvvt Solomon im apishia nutaka chieya tok.

13. Mihma inla hokvto nukwia kv̄t hatak achvfa kia ik ibafohko ki tok; yohmi kia okla hokvto yvmma ahninch̄i tok.

14. Mihma na yimmi v̄hleha hatak nakni, micha ohoyo puta aiena kv̄t, laua hosh Chitokaka ya ai ibv̄lh̄kaha kv̄t i shahlit ia tok.

15. Yohmi hatuk o Pita yvt ayvt ont iakma shilombish ak illa kia kanihmi ka pit o hoshontikacha hi a, abeka puta ka isht kohchvt hina puta isht onvt topa, micha topushi aiena paknaka ont okla o kahpulli tok.

16. Mihma auet abilika tvmaha talohmayvt fullota ka asht minti kv̄t laua hosh abeka puta, micha na shilombish okpulo puta isht issikkopa v̄hleha hatuk aiena isht ayvt, Cheluselem a ai vla tok; mihma momvt hlakofit taiyaha tok.

17. Yohmi ma na holitompa isht asha pehlich̄i, micha apeha tuk vt, (yvmvt Satusi iksa yatuk osh,) momvt wakaya mvt, anukhobela fehna tok.

18. Mihmvt vbanumpeshi vhleha hā, okla ibbak isht ieshi cha, okla moma im aboha kvllo yō pit apitta tok.

19. Yohmi tuk kia Chitokaka im enchil vt ninak ā aboha kvllo okhissa yā ant tiwit tahli cha, pehlichit kohcha mvt,

20. Oh ia cha, ai okchaya ilvppa isht anumpa hā mom-inchit tempel anukaka yā ont hielit okla hā isht hvsh im anumpohonlashke; achi tok.

21. Mihma yvmma okla haklo mvt, onnahinli fehna tempel ā ont abeha cha, nan ithvnanchit ahashwa tok. Yohmi kia na holitompa isht āsha pehlichit vt apeha tuk ash aienvt ai vla mvt, nan apesa vhleha, micha Israel okla i hochitoka moma i howvt itahobi mvt, yvmmak ash isht vla chī hō, aboha kvllo ā pit tihleli tok.

22. Yohmi tuk kia nan vlhtoka vhleha hash ot ai vla cha, aboha kvllo anukaka yā, yvmmak ash ant ik a peso mvt okla falamvt ont anolit,

23. Aboha kvllo yokvto vlhkama achukma bano, yohmi ma apistikeli yvt okhissa puta itikba kocha yā hielī hō, ont e pisa ho mvhli tuk, yohmi kia e tiwi mvt, hatak nana kia anukaka yā āsha na ke peso kano; ahanchi tok.

24. Yvmohmi ma na holitopa isht āsha pehlichit i shahli micha tempel atoni, mikmvt na holitompa isht āsha pehlichit vhleha aiena kvv, na yakohmi ka haklo mvt, nana ak o ilvppvt ont ai vlhpiesa hinla ka, ik ai akostininchot okla aia-sha tok.

25. Yohmi ma achvfa kvv ayvt okla hash ant im anohonli kvv, Yakeh! hatak aboha kvllo pit hvsh apitta tuk ash o tempel anukaka yā hielit, okla hā nan im abahanchishke, achi tok.

26. Yohmi ma nan atoni ash ot, nan vlhtoka vhleha hash itvpeha cha ia mvt, okla hā i nukshopa, yvmmak keyukmvt, tvli okla isht boa hinla hatuk osh, yvmmak ash o nan ik kan-iho hosh ont pehlichit vla tok.

27. Ont okla pehlichit vla mvt, nan apesa vhleha itikba yā hiohlichit tok: yohmi ma na holitompa isht āsha pehlichit yvt im a ponaklot,

28. Hoehchifo ilvppa isht im avrchit hvchik ahanto ka hi.

a, kvlochi fehnvt okla e chim apesa tuk keyu? Yohmi kash o Cheluselem a hvchim anumpa isht ai alotolit hvsh kaiyanchi; yohmi mvt hatak ilvppa im issish a pishno ak o isht pi onochi hvchi bvnrvshke; ahanchi tok.

29. Yohmi ma, Pita, micha vbanumpa isht vtta vhleha inla aiena kashot afalaminchi mvt, Chihowa yak o il im antia kvv hatak a, il i shahlichea he tuk oke.

30. Hvpin tikba puta in Chihowa yvt, Chisvs yvmma iti a takalichit hvsh bi tuk a, tanichi tok.

31. Yvmmak o Miko, micha Nan okchalinchichi aiena cha, ilekostininchichi Israel a anukfohki, micha ai ashvchika aiena ma kashofa chi ka, Chihowa yvt ilap ibbak ishtimpak imma ya isht holitobli tok oke.

32. Yvmohmi ka pishno ak osh nan ilvppa puta ka isht im a atokowvt anoli pia; yohmikma Shilombish Holitopa, yvmma Chihowa yvt im antia vhleha ha ima tok a, yohmi akinli hoke; achi tok.

33. Yvmma haklo mvt, okla anukhobela fehna mvt, vba chi kvv, isht anumpulit maya tok.

34. Mihma achvvt Falisi hatak, Kameliel hohchifo, nan vlvhvisa ikhananchi, okla momvt i holitopa cha tuk o, nan apesa vhleha itin takla ya hikia mvt, vbanumpeshi vhleha hash, chekosi takla ka kocha pit ashacha chi ka, miha tok.

35. Yvmohmi mvt, Israel okla hvchia hvv hatak ilvppa imma yo, nana kanihcha chi ka, hvsh aiahni hokvto, ahah! isht hvsh il aiahnashke.

36. Himak nitak takla ka, Hlutas vt ilap ak osh hatak fehna mak o, mihvt ahanta na yvmma hatak holhtina kvv tahlepa ushta fokvt iba kaha tok o; yvmmak ash o vbi ma, im antia vhleha hatuk ash ot momvt, ita fimimpvt, ont aiok-pulokvt taha tok.

37. Chutvs Kalili hatak osh hatak ilvppak ash achkvv, okla holhtinvv maya nitak ash ahanta cha, okla lava ka isht il akanvllichi tok osh, yvmmak ash kia illi tok: yohmi ma kaniohmi hosh im antia tuk vt, momvt itatiapvt taha tok.

38. Yvmohmi hoka, Hatak ilvppa nan isht hvchik ahalaio ho, peh asht ik itvnowa; chim ahanchi lishke Anumpa, mi-

cha, nan isht vtta aiena ilvppvt hatak atuk okma, ont aiok-pulokvt taha chi hoka.

39. Amba yvmma Chihowa yak atukmvno, ai okpvnit hvsh kancha he keyushke. Yvmmak keyukmvt, Chihowa yak o itibi hosh hvsh ahashwa na hvchi ahayucha hinla hoke; im ahanchi tok.

40. Mihma, vhlpesa okla im ahni tok. Micha vbanumpa isht vtta vhleha hash i howa cha, fvmmit ashachi mvt, Chisvs hohchifo ha okla isht ik anumpolo ka chi ka, im apesvt taiyahli cha, kvnompit tihleli tok.

41. Yohmi ma yvmma hohchifo pulla ho na hofahya ka isht ile pisa he a, ont ai vhlpiesa tuk vt, na yuhukpvt nan apesa vhleha itikba ya asht okla ia tok.

42. Micha nitak moma tempel anukaka, micha chuka taloha moma ka, nan im avchi, micha Chisvs Klaist isht anumpuli aiena kvv okla ik isso tok.

CHAPTA VI.

Vbanumpeshi vhleha hvv hatak ilvsha ithana, micha anumpa ha isht anumpuli aiena, 1. 5 Hatak vltoka untuklot vltoka tok.

1. NITAK yvmmak foka, nan ithvna vhleha hvv laua kvv isht i shaht taha ma, im ohoyo vltakla puta ka nitak moma nana iti hopela ya ahaksichi beka hatuk o, Klik okla hvv Heblu okla ha nanumachit aiasha tok.

2. Yohmi ma auahduklo kashot nan ithvna vhleha laua kash itahobi cha, Chihowa im anumpa ha il issa cha, ai im-pa yak o isht il ai ashwa he, vhlpesa keyushke.

3. Yohmi hoka il itibapishi vhleha ma! hvsh ai itvpeha ya hatak untuklo annoa achukma chatuk, nan imponna, micha Shilombish Holitopa anukfohka aiena ho hvsh atokoli na, yvmmak o nan ai isht vtta ilvppa e hiohlehashke.

4. Amba pishno ak okvto, vba pit anumpuli, micha anumpa isht vtta aiena kak o, kil isso kvvmohma chi hoke; achi tok.

5. Yohmi ma okla lava kash ot momvt anumpa ha aiok-

panchi tok. Yohmi mvt Istefin hatak na yimmi, micha Shilombish Holitopa yvt anukfohka fehna, micha Filip, micha Pokolvs, mikmvt Naikena, micha Taimon, micha Pami-nvs, mikmvt Nikolis vbanumpa nukfohka Antiak ai vtta aie-na ho, okla atokoli cha,

6. Yvmma puta kash o vbanumpeshi vhleha itikba hioh-lechi tok. Mihma okla vba pit anumpuli mvt, ibbak isht umbitepa tok.

7. Yohmi ma Chihowa im anumpa hvt isht i shahlit ia ma, Cheluselem a nan ithvna vhleha holhtina laua kv̄t i shahlit ishtia fehna tok; yohmi ma na holitompa isht asha lawa fena kv̄t ayimmika ya im antivt aiasha tok.

8. Mihma Istefin vt ayimmika, micha isht ai ahlika aiena kv̄t isht alota mvt, nan isht ahoba chinto, micha nafehna aie-na ka, okla itin takla ya a yvmihinchī tok.

9. Yvmohmi ma sinakak Laibatin okla i sinakak achi ho, asha yatuk, micha Sailini okla, micha Aleksantia okla, mik-mvt Silisia, micha Asia minti aiena kaniohmi kv̄t, Istefin a itim anumpulit hielī tok.

10. Yohmi kia chukvsh, micha ahopoyuksaka aiena ho isht ai anumpuli hatuk ash, okla nan isht a miha he keyu tok.

11. Yohmi mvt hatak lumvt tohno na, Yvmmak ashot Moses, micha Chihowa aiena ka ik ahobalot isht anumpo-honli ka, e haklo kano; achi tok.

12. Michā okla puta, mikmvt i hochitoka vhleha micha holissochi vhleha aiena kash okla ilhkoliinchī na, okla i kohcha cha yvmmak ash ishi mvt, nan apesa vhleha ha isht im ona tok.

13. Michā hatak nana aholvbi ya hiohlechi na, yvmmak ash ot, Hatak ilvppvt aholitopaka ilvppa, micha nan vlh-pisa aiena ka, anumpa ik ahobalo isht mihachi kv̄t ik issosh-ke.

14. Chisvs Nasalet ai vtta ilvppvt ilvppa okpva he, mi-cha nan vlhpisa puta Moses vt hv̄p ima tok a invcha he, ilvppvt achi ho, okla e haklo kamo; achi tok.

15. Yvmohmi ma, itvnahvt maya kash ot momvt yvmmak

ash aiokchifeli fehmt pisa ma, nashuka mvt enchil nashuka yō chiyuhmi na, pisa tok oke.

CHAPTA VII.

Istefin a im asilhhvchi hatuk o isht il anumpuli.

1. YUMOHMI ma na holitompa isht asha pehlich ashot, Nana kv̄t yakohmi hō mv̄hli cho? achi tok.

2. Mihma yvmmak ashot, Hatak itibapishi li vhleha, micha an tikba puta ma! hvsh haiyaklashke. Pin tikba Eblaham vt Chalan a, ont ik vtto k̄isha hosh, Mesopotemia ak o anta moma ma, Chihowa holitopa yvt ant i haiaka tok.

3. Mihmvt yvmmak ash o, Ch̄i kanomi vhleha i filv̄mmit, ch̄i yakni a a kohchvt ayvt, yakni chi pisachi la ch̄i ka, ish lashke; im achi tok.

4. Mihma Kaltia okla i yakni ash a kohchvt minti cha, Kalan ak o ant ai ahanta tok. Atuk o iki vt illi ma, yvmmak ash o a wihachit yakni ilv̄ppa himonasi hvsh ai ahashwa ka, isht vla tok.

5. Ulla yvt ik im iksho k̄isha ma, ilap micha isht ai-unchululi aiena ka, yvmv̄t immi ha he mak o, ima hi okvt, i miha tok nana kia, a binila hi a peh iyi pv̄tha a habli achv̄fa kia, ilap a ik emo ki tok.

6. Micha Chihowa yvt yakohmichit anumpuli tok: Yvma isht ai unchululi vhleha hv̄t yakni inla ai itv̄nowa he; yohmikma okla yukachit ilbr̄shahanchi na, afv̄m̄mi tahlepa ushta he.

7. Yohmikma oklushi nana hō i yukvt ahashwa tukma, yvma na kanichi la hi oke; yohmi ha mv̄no, okla kocha wiha cha, ilv̄ppa ant a si aiokpahancha hi oke; Chihowa yvt achi tok.

8. Mihmvt hakshup tv̄pa nan vlhpisa ka ima tok. Atuk o Eblaham vt Aisak a ikbi cha, nitak isht untuchina ma, hakshup tv̄bli tok. Atuk o Aisak vt Chekob a ikbi tok o, Chekob vt hatak p̄iki hochitoka auah tuklo ka ikbi tok.

9. Yohmi tuk o, hatak iki hochitoka yash ot Chosef a i

nukkilli hatuk osh, nan isht chumpvt Echip a pit kanchi tok; yohmi kia Chihowa yvt awant anta tok.

10. Micha nan isht im a palvmmi puta ka mominchit ai isht kohchi cha, Echip miko Feleo a itikba ya aholitopa, micha nan imponna aienvt ahanta chi ka, ima tok; yohmi na yvmmak ashot Echip yakni, micha in chuka moma pehlich i ikbi tok.

11. Yvmohmi ma Echip yakni moma, micha Kenan aiena ka na hohchvfo, micha na palvmmi chinto aiena kv onvtu-yula tok; yohmi ma hvpin tikba vhleha hashot nan ilimpa nana kia ik ahayucho ki tok.

12. Yohmi kia Echip a tanchi vt asha na Chekob vt haklo mvt, hvpin tikba vhleha ak o vmmona ka pit tihleli tok.

13. Atuk o ont atukla kak o, Chosef vt itibapishi vhleha ha im il anoli tok. Yohmi ma Chosef i kanomi vhleha hatuk vt Feleo a im annoa tok.

14. Yohmi ma Chosef vt iki Chekob, micha i kanomi vhleha moma kv, hatak pokoli untuklo akucha tahlapi ho, pit hoyo hosh, pit chvffichi tok.

15. Yohmi na Chekob vt Echip a ona tok osh, ilap ash, micha hvpin tikba vhleha aienvt illi tok.

16. Yvmohmi na ishtvt Saikam a isht ona cha, Eblaham vt ahollopi Saikam iki, Ema ushi vhleha ha tvli holisso isht in chumpa tok a, ont fohki tok.

17. Yvmohmi kash o Chihowa yvt anumpa kvlllo Eblaham a nan isht ai im apihisa tok, nitak vt ai ona het mahaya ma, okla hashot Echip a a laua kv i shaht isht mahaya na,

18. Miko inla Chosef a ithana keyu hosh hikia tok.

19. Yvmmak ash osh hvpi kanomi vhleha ha haksichi mvt, hvpin tikba vhleha hash o ilbvshachi, yvmohmi cha okchayvt ik mayo ka chi ka, im vllosi a isht kampila beka tok.

20. Yvmmak foka ma Moses vt vttta mvt, aiukli fehna, yvmohmi cha iki in chuka ya hvshi tuchina ho, a pishi tok.

21. Yvmohmi tuk o kocha kanchi ma, Feleo ushetik vt eshi cha, ilap ushi a chi ho hofantichi tok.

22. Yvmohmi ma, Moses vt Echip okla nan ai ithana

puta ka mominchit ithaiyana, yvmohmi mvt anumpa puta, micha na fehna puta aiena ka isht anta imponna tok.

23. Yvmohmi tok osh hopaki kv̄t afv̄m̄mi pokoli ushta ont v̄lhpiesa mvt, itibapishi Israēl ushi v̄hleha h̄a i nowvt aya hi oka, chukv̄sh anukfoyuka tok.

24. Yvmohmi tok osh, achv̄vt nan v̄lhpesa keyu h̄o isht ilbv̄sha na pisa mvt, yvm̄mak ash apelv̄chi, yohmi cha, issik-kopa tuk a atobbit, Echip hatak ash v̄bi tok.

25. Yv̄mma ibbak ak o Chihowa yvt isht hlakoficha hi a, itibapishi v̄hleha hvt okla akostininchi hatuk a, im ahoba hatuk kia, okla ik akostinincho ki tok.

26. Yvmohmi tuk o nitak ont atukla ma itibi hosh ash-wa ma, yvm̄mak ashot ont i haiaka cha, itin nanaiyv̄cha ch̄i hosh, Hatak, itibapishi hv̄chia hoke; na katihmi h̄o hv̄sh iti okpv̄ni cho? ahanchi tok.

27. Yohmi kia in chuka panta hatak okpv̄ni tuk ashot, Kv̄ta hosh na pi pehlich̄i, micha na pim apesa aiena ka chik-bi tuk o?

28. Pilashash Echip hatak ish bi tuk vt, is sa chomicha ch̄i h̄o? achi mvt, naksi ka pit tobli tok.

29. Yohmi ma ilv̄ppa ahanchi ka, Moses vt kv̄nia cha, hatak nowvt aya yosh, Matian yakni ya ahanta hosh, yvm̄mak o ushi tuklo ka ai ikbi tok.

30. Atuk o afv̄m̄mi pokoli ushta kv̄t ont taha ma, Chitokaka im enchil vt yakni haiaka nv̄nih chaha Saina ya bv̄faha anuka luak libbi h̄o, ant im a haiaka tok.

31. Moses vt yv̄mma pisa mvt, na pisa kv̄t okokko! aiahni tok; micha akostinincha ch̄i hosh bilika ona ma, Chitokaka im anumpa hvt im v̄la kv̄t,

32. Ūno akosh chin tikba v̄hleha ya in Chihowa sia, Eblaham a in Chihowa, micha Aisak ma in Chihowa, micha Chekob a in Chihowa sia mak oke; ahanchi tok. Yohmi ma Moses vt wv̄nihinchi mvt, atokowvt pisa nukwia tok oke.

33. Yvmohmi ma Chitokaka ashot, Shulush a chiya ish a shuelashke; ish a hikia yvm̄mvt yakni holitopa hoka.

34. Ūm okla v̄hleha Echip ai ahashwvt ilbv̄sha ka pisa kv̄t pih̄isa li: micha okla yahaya ka hahaklo li chatuk;

yvmohmi cha kocha weli la chi hosh aka minti lishke. Yohmi ka minti, chishno ak o himonasi a Echip a pit chi chvffichi lashke; im achi tok.

35. Moses ilvppa, okla shitilema cha, Kvt hosh na pehlichí, micha nan apesa aiena ka chikbi tok o? ahanchi tok ash fena akinli ka, na pehlichí, micha na hlakofichi aiena ka, enchil bvfaha anuka ai i haiaka ka ibbak o, Chihowa yvt isht a pit chvffihinchí tok.

36. Mihma na fehna, micha nan isht ahoba puta aiena ka, Echip yakni, micha okhvta humma, mikmvt afvmmi pokoli ushta ho yakni haiaka ya, isht a kaniminchí hosh, yvmma pehlichit kohcha tok.

37. Moses ilvppak osh Israél ushi vhleha ha, Chihowa hvchin Chitokaka yvt hvsh itibapishi hatuk a, hopaii vno chohmi ho, ikbit hvchi hilecha he; yvmmak o hvsh i haponakla hi oke; im ahanchi tok oke.

38. Ilvppak osh yakni haiaka okla ai itvnaha ka ibafohka, enchil vt nvni chaha Saina ya ai im anumpuli ka awant anta; micha hvpin tikba vhleha ma ibafohka tok; yvmmak osh isht ai okchaya, nan vlpisa puta ka hvv ima chi kv, ishi tok mak oke.

39. Yvmmak o hvpin tikba vhleha hv im antia he keyu hosh, amba naksi ka pit tobli cha, chukvsh vt falamvt Echip a ia mvt,

40. Alon ash o Pi tikba ilhkola chi ka, Chitokaka puta ka, pim ikbi; Moses ilvppa pi pehlichí Echip yakni ai isht pi kohchi ano, nana mak osh isht a kaniohmi tuk chishba, kil ithaiyano hoka, im ahanchi tok.

41. Michá nitak yvmma foka ma, wak ushi okla ikbi cha, na holba toba yash nan isht aiokpvchi ya, isht im ai vla cha, ilap ibbak nan ikbi tuk a isht il ai yukvvt aiasha tok.

42. Yohmi ma vba fochik puta ka, okla aiokpvcha chi mak o, Chihowa yvt issvt i filvmmi tok. Hopaii vhleha i holisso ha a holihiso kv, Israél in chuka achvfa vhleha hvchia ma! afvmmi pokoli ushta ka yakni haiaka, nan vlpoba nipi puta, micha nan isht ai okpvchi puta aiena ka, isht hv svv ahanla cho?

43. Amba Molak im vlhtipo a, micha Limfan chin Chihowa i fochik aiena, na holba hvsh aiokpvcha chi mak osh, hvsh ikbi tok vt shoyulit hvsh aya cha tok. Yvmohmi hoka wihachit Babulon misha pilla, hvch isht aya la hi oke, achi hoka.

44. Yvmmak okvt Moses a i mihvt, kaniohmi ho pisa tuk vt, holba ho ikba he o, apesa tok mak o, hvpin tikba vhleha hvt yakni haiaka ya isht aiatokowa vlhtipo vt in takali tok.

45. Atuk o hvpin tikba vhleha hak kia, yvmma ishi tok osh, Choshua a apehvt oklushi nan ik ithano, yvmmak o Chihowa yvt pin tikba vhleha itikba ya a kohchit tihlihinli tok, i yakni a isht chukowa tok o, ituyula na, Lewi vt ahanta nitak a oyuna tok.

46. Mihma yvmmak osh Chihowa itikba ai isht il ayukpa ahayuchi, yvmohmi cha, Chekob in Chihowa ya aboha im atahli brnna tok;

47. Yohmi tuk kia Solomon ak osh chuka ya im ikbi tok.

48. Yohmi kia Moma i shahli hvt tempel puta ibbak o isht ikbi yokvno, ai ahanta cha tuk keyu;

49. Uba yvt vm aiasha okma, yakni vt saiyi ai o hikia yoke. Chuka nanta ho hvs svm ikba chi ho? mikma a foha li ak osh nanta ho?

50. Uno svbbak ak osh nana ilvppa moma ka ikbi tok keyu cho? Chitokaka yvt achishke; hopaii vt achi hoka.

51. Ikunla kvlo, micha chukvsh mikmvt haksobish aiena wishakchi ik tapo hvchia hvt, Shilombish Holitopa ya i svnalit hvsh bilia. Hvchin tikba vhleha hvt yohmi tok a, hvsh chiyuhmishke.

52. Hopaii vhlia ha katima kak o hvchin tikba vhleha hvt ik ilbvshacho ki tok o? Micha Aiahli vt aya hi a, tikbanli anoli vhleha, yvmma okla vbi tok o mihi o himak a hvchishno vt na haksichi, micha nan vbi aiena hvsh a toyuba tuk oke.

53. Micha enchil vhleha hosh nan vlhpisa ya auet tosholi

na, hvsh eshi tok; yohmi kia hvchik holitoblo cha tuk oke: achi tok oke.

54. Yohmi ma na yakohmi ka okla haiyaklo mvt, chu-kvsh vt nvhla tok; micha yvmmak ash noti isht o shakan-lichi tok.

55. Yohmi kia yvmmak okvt Shilombish Holitopa anuk-fohkvk kvnia hatuk osh, vba ya pit ai okchifeli fehnvt hopokoyo mvt, Chihowa im aholitopaka, micha Chisvs vt Chihowa im ibbak ishtimpak imma ya hikia aiena ho, pisa tok.

56. Michā, Uba yvt tiwa, micha Hatak Ushi vt Chihowa ibbak isht impak imma ya auet hikia aiena ho, pisa lishke; achi tok.

57. Yohmi ma chitoli fehnvt okla tasali mvt, haksobish a akvmmi cha, achvfa chohmit o yihhleptv tvnaha ha ishit a kohchi cha, tvli ishit boli tok.

58. Yohmi ma nana atokowa anoli vlheha hashot, ilap anchi a hatak himita Sal hohchifo ho, iyi ituma ont ashachi tok.

59. Michā Istefin vt pit im payvt, Chitokaka Chisvs ma! Sa shilombish a ish ishashke; ahanchi na, okla tvli ishit boli tok.

60. Yohmi ma hvchukbihleptv hikia cha, chitoli hosh, Chitokaka ma! ai ashvchika ilvppa isht ish onochi ná; achi tok. Michā ilvppa ahanchi mvt, nusit kvnia tok oke.

CHAPTA VIII.

Filip vt Samelia ya vbanumpuli ikxa ahilichi, 5. 26 Ehliopia hatak anumpeshi yo baptismochi.

1. YUMMUT illi ka Sal vt vlhpesa ahi tok. Michā nitak yvmma foka ma, vbanumpuli ikxa Cheluselem ashwa tok a i palvmmichi fehna tok; yohmi ma momvt ita fimim-pvt Chutia yakni, micha Samelia aiena a mominchi na, vbanumpeshi vheha hash illa tok.

2. Yohmi ma hatak hochukma yosh Istefin a hohpit taiyahli mvt, okla isht yaiya fena tok.

3. Yohmi ma Sal vto, vbanumpuli iksa ya okpvnit, chuka moma iba chukowa cha, hatak puta, ohoyo puta aiena ka halvllit ishit, aboha kvlllo pit apihinta tok.

4. Yvmohmi hatuk o ita fimimpa tuk vhleha hash ot, anumpa ha isht anumpulit kanima moma itvnowa tok.

5. Yohmi ma Filip vt Samelia tmaha ha ona cha, Klaist a isht im anumpohonli tok.

6. Mihma okla hvt, yvmvvt na fehna yvmihinchi ka haklo, micha pihisa aiena mvt, im anukfila ai achvvt Filip vt nana ahanchi puta ka, haponaklo tok.

7. Shilombish okpulo puta a foyuka tuk vt chitolit tahpanlvvt lawa ka a kocha wiha hatok o; micha palsi isht abeka lawa tuk, micha imomokpulo aiena tuk vt hlakofi tok.

8. Yvmohmi ma tmaha yvmma a yukpa chinto tok.

9. Yohmi kia hatak achvfa Saimon hohchifo hosh, tikba ma tmaha yvmmak inli ka ai isht ahullot ahantvt, ilap ak osh hatak na fehna mak o, mihaha cha, Samelia okla ha nukhlakvshli tok.

19. Yvmmak o, chipunta, micha asvno aiena kvv momvt, Hatak ilvppvt Chihowa nan isht im ai ahlika chinto mak oke; ahanchi mvt, okla im antia tok.

11. Michā yvmmak osh isht ahullot, isht nukhlakahashli tok hopaki hatuk o, okla im antia beka tok.

12. Yvmohmi tuk kia, Filip vt Chihowa apehliechika, micha Chisvs Klaist hohchifo aiena nana puta ka isht ai anumpohonli na, okla yimmi mvt, hatak, micha ohoyo puta aiena kvv baptismo tok.

13. Yohmi ma Saimon vt ilap ash kia yimmi akinli tok, micha baptismo mvt, Filip a ibafohkvvt ayvt, na fehna, micha nan isht ahoba puta aiena kvv a kaniohmi na pisa mvt, nukhlakancha tok.

14. Yohmi ma vbanumpeshi vhleha Cheluselem maya tuk vt, Samelia vt Chihowa im anumpa ha ishi tuk o, haklo mvt, Pita micha Chan aiena ka okla pit in tihleli tok.

15. Atuk o, yvmmak ashot itonanchi mvt, okla Shilombish Holitopa anukfohka chi ka, vba pit isht anumpulit oklat tok.

16. Yvmma foka ma, achvfona kia yvmmvt ik onvtulo kisha ha tok; Chitokaka Chisvs hohehifo ha isht a baptismo tuk ak illa ha tok.

17. Yohmi mvt okla hash ibbak isht umbitehimpa ma, Shilombish Holitopa yvt okla anukfohka tok.

18. Yvmohmi ma Saimon vt vbanumpeshi vhleha ibbak isht umbitepa ka, Shilombish Holitopa yvt ai anukfohka ho, pisa mvt tvli holisso ant i weli cha,

19. Uno ak kia nan isht im ai ahlika ilvppa hvs sama na, krna ho vno vt subbak isht umbitepa likma, Shilombish Holitopa yvt ai anukfohkashke, ahanchi tok.

20. Yohmi kia, Pita yvt, Chihowa yosh nan ima ya, tvli holisso yvt isht vltoba hinla ka, chim ahoba tuk oka, chin tvli holisso yvt chi awant aiokpuloka pit kvniashke.

21. Chi chukvsh vt Chihowa ya itikba ya ai vlhpiesa keyu hokvt; nan ilvppa kaniohmi kia, micha ahalaia kia ik chim ikshoshke.

22. Yvmohmi hoka, nan isht ik chi ai vlhpeso ilvppa ish ile kostininchashke; micha Chihowa pit ish im asihihla na, yohma he yobakma, chi chukvsh im anukfila yvt chi kashofa hi oke.

23. Chishno vt basunlvsh homi, micha nan ai ashvchika abonunta aiena chia hatuk o, akostininchi li hoka; im achi tok.

24. Mihma Saimon vt afalaminchit, Chitokaka ya pit im ilbvshvt isht hvs si anumpuli na, na yakohmi hvsh anumpuli tuk a achvfona kia ant ik si onvtulo kashke; achi tok.

25. Mihma yvmmak ash ot, Chitokaka im anumpa ha atokowvt anolit, isht anumpohonli cha falama mvt, Samelia okla in tmahushi lava ka vbanumpa isht ai anumpohonlit, Cheluselem a itvlachi tok.

26. Yvmohmi ma, Chitokaka im enchil vt Filip a im anumpulit, Wakaya cha, oka mahli pila ivt, hina Cheluselem vttvt, Kesa ia bachaya chukushmi foka yvmma ish onashke, im achi tok.

27. Mihma wakaya cha ia tok. Atuk o Ehliopia hatak, Kantisi ohoyo Ehliopia okla i miko im anumpeshi holitompa

hosh, yvmmak osh tvli holisso a mominchit i shoyuli yosh vba pit aiokpvcha chi hosh, Cheluselem a vla tok osh,

28. Falamvt ia kv̄t im iti chanvlli anukaka binilit, Esaias hopaii i holisso ha itim anumpvli tok.

29. Mihma Shilombish vt, Filip a, Bilika ona cha, iti chanvlli ilvppa ont ibafohka; im achi tok.

30. Mihma Filip vt pit o malelit ona cha, Esaias hopaii i holisso itim anumpuli ka haklo mvt, Nan ish itim anumpuli kv̄to ish akostininchi cho? achi tok.

31. Mihma, Katiohmi li kak osh, hatak nana hosh vm abvchi ho keyukma? achi tok. Mihmvt, Filip vt pit oiya cha, awant asha hinla ka; ahni tok.

32. Anumpa holisso holitopa ai itim anumpuli ka ilvppak a tok. “Chukfi vlhpoba chohmi ho yvmma ai illi hvllat ishtia tok; micha chukfi vlhpo-ushi yosh hishi im vmo in tikba hikia kv̄t, nan ik ayo chatuk a chohmit, yvmv̄t itih ha ik wakvmmo ki tok:

33. “Ilbvsha fena ma, nan ai vlhpiesa ka im ishi tok Im ilhfiopak a yakni a ai ishi tok oka; im ai itilaū kv̄t ahashwa tok a, kv̄ta hosh anola hinla cho?”

34. Mihma anumpeshi vto, Filip a afalaminchi mvt, Chi ponaklo lishke; Kv̄ta ho hopaii vt ilvppa isht anumpuli ho? Ilapo akinli hokma, keyukmvt hatak inla yokma, nanta ho? achi tok?

35. Mihma Filip vt itih ha wakvmmi cha, holisso mihi ash inli ho ai isht ivt, Chisvs a isht im anumpohonli tok.

36. Yvmohmit hina fohkv̄t mahayvt okla mvt, oka nana kia ont a hiel̄i tok. Mihma anumpeshi ashot, Yakeh! oka yoke; baptismo la hi a nanta kosh ai ataklvmmi cho? achi tok.

37. Mihma Filip vt, Chi chukvsh mominchit ishit chi yimmi hokma, vlhpiesvshke, achi tok. Mihma afalaminchi mvt, Chisvs Klaist vt Chihowa ya ushi yoka, sa yimmishke, achi tok.

38. Mihma iti chanvlli vt lumvt hikia chi ka, miha tok; micha Filip vt anumpeshi ash ita tuklot pit okvtahvt oka ya itonachi na, yvmmak ash baptismochi tok.

39. Yvmohmi ma oka yash ai ashwt kochvt okla ma, Chitokaka imi Shilombish vt Filip a isht ia na, anumpeshi ash ot himmakma ik peso ki tok: micha na yukpa hosh i hina fohkvt ia tok.

40. Amba Filip vto Asotvs ak o antvt haiaka tok; micha a hlopullit aya mvt, tmaha moyuma ka vba isht ai anum-pohonlit ayvt Seselia ya vla tok oke.

CHAPTER IX.

Sal vt Tamaskvs pilla ia hosh aya ho, Klaist vt im anumpuli, 1. 10 Ananais vt ayvt im ona ma, baptismo tok. 20 Pal vt nukwaya iksho hosh Klaist a isht anum-pohonli.

1. YUMOHI ma, Sal vt Chitokaka i nan im ai ithana vhleha ha i nokowa, micha vbi aiena he fioptv kohonchi kv imoma mvt, na holitompa isht asha pehlichim im ona tok.

2. Michasinakak puta, Tamaskvs asha ka, nakni okma, keyukmvt ohoyo hokma nana hosh, ilvppa chohmi kv asha na, ahayuchikmvt talakchi o Cheluselem a pehlichit vla hinla kv, ymma puta pit holisso ha, im ikba hi a, im asilhha tok.

3. Atuk osh ia hosh aya mvt, Tamaskvs pit bilika ona tok; mihma tohwikelit vba minti kv ymmak ash o ashalika tommit a folupli tok.

4. Yohmi ma aka ont itula tok; micha anumpa hv, Sal, Sal, nanta katihmi ho is svlvshali cho? im ahanchi na haklo tok.

5. Mihmvt, Chitokaka ma! kvta chia hoh cho? achi tok. Mihma Chitokaka ashot, Ūno akosh, Chisvs ish ilbvshahanli ka sia mak oke, Na halupa puta asvnalinchit ish hahahli kv chi palvmmi hoke; achi tok.

6. Yohmi ma ymmak ashot nukhlakanchvt wvnihinchi mvt, Chitokaka ma! nanta hak o katiohmi la hi a, si svm ahi cho? achi tok. Mihma Chitokaka yvt, Wakaya cha, ivt tmaha ha ont ish chukowakmak o, nana ish kaniohma chi kv, chim annoa chi hoke; im achi tok.

7. Yohmi ma hatak apehvt aya tuk ashot anumpa kvno haklo kia, hatak nana kia ik peso mvt, ik anumpolo hosh hieli tok.

8. Atuk o, Sal vt aka itolvt tani tok: micha nishkin vt fatuma mvt, hatak nana kia ik peso ki tok. Yohmi ma ibbak a halvli cha ishtirt, Tamaskvs a okla isht chukowa tok.

9. Yohmi ma ik hoponayo mvt, anonti ik impo, nan ik ishko aienvt ahanta na nitak tuchina tok.

10. Yvmohmi ma hatak nan ithvna achvfa, Ananaivs hohchifo kvv Tamaskvs a anta tuk o: yvmmak ash o holhpokuna ka, Chitokaka yvt, Ananaivs, im achi tok; mihma, Yak anta lishke, Chitokaka ma! achi tok.

11. Mihma, Wakayvt ivt hina Apissa hohchifo ka ish ona cha, Chutvs in chuka ya, Tasvs hatak Sal hohchifo ka, ish aponaklashke; yvmmak ash osh vba pit anumpohonli hoka.

12. Micha holhpokuna kvv, hatak Ananaivs hohchifo hosh ant chukowa cha hopokoya chi ka, ibbak a ant isht um bitepa na, pisa tuk oke: Chitokaka yvt im achi tok.

13. Yohmi ma Ananaivs ashot afalaminchi mvt, Chitokaka ma! hatak ilvppvt, chi holitopa vhleha Cheluselem aiasha ka kaniohmit nan isht okpvi ka, laua ho a haklo li chatuk.

14. Micha chi hohchifo pit hohchifo vhleha mominchit takcha chi ka, na holitompa isht asha pehlichu vhleha yvt im apesa tuk o, ilvppa anta hoke: achi tok.

15. Yohmi kia Chitokaka ash ot, Ia, nan isht vm vta holitopa, sa hohchifo ha shoyulit, miko vhleha micha okla nan ik ithano puta, micha Israel ushi vhleha aiena itikba ya hikia hi oka.

16. Micha vno sa hohchifo pulla ka, na palvmmi hochito kaniohmi kia isht ilbvsha chi ka, im anoli la chi hoka; im achi tok.

17. Mihma Ananaivs ash ot, ivt aboha ya ont chukowa tok; micha ibbak a isht umbitepa mvt, Itibapishi li Sal ma! ish minti ma, hina takla ya a chi haiaka tuk, Chitokaka Chisvs vt chishno vt ish hopokoyo cha, Shilombish Holi-

topa yvt chi anukfohka chi ho, auet sa chvffichi tuk oke; achi tok.

18. Yohmi ma chekosi makinli ho, na hakhlobish atuk o chohmit nishkin a mokohlit aka itula tok; yohmi ma asha-
lika hopokoyo mvt, wakaya cha baptismo tok.

19. Micha nana impvt in taha mvt hlampko tok; yohmi mvt Sal vt nan-ithvna vhleha Tamaskvs maya ka awant anta na nitak kanohmi tok.

20. Micha in chekosi makinli ho, Klaist a yvmmvt Chihowa Ushi atuk a, sinakak puta ka, isht ai anumpohonli tok.

21. Yohmi ma okla haklo kvv momvt anukhlakancha mvt, Ilvppak osh na hohchifo ilvppa pit hochifot Cheluselem ai asha tuk a ilbvshahanli cha, ilvppa aya kvv, yvmmvt talakchi yo, na holitempa isht asha pehlichi vhleha, isht im ona chi mak atuk keyu? achi tok.

22. Yohmi kia Sal vto hlampko kvv isht i shahlit ishtia, yohmi mvt atokowvt, ilvppak osh Klaist fehna mak oke; ahaya mvt, Chu okla Tamaskvs asha tuk a imaiyvchi tok.

23. Yvmohmi kash o nitak kanohmi kvv taha ma, Chu okla hvv, yvmma vba chi kvv isht anumpulit maya tok.

24. Yohmi kia okla nan ahnit maya ka, Sal vt akostininchi tok; mihma vba chi kvv nitak, micha ninak moyuma holihta okhissa puta ka okla atoni tok.

25. Yohmi ma nan ithvna vhleha hvv nitak o ishit, kishi fohkit tvli holihta lapalint aka pit bohli tok.

26. Yvmohmi na Sal vt Cheluselem a vla mvt, nan ithvna vhleha ha ibafohka bvna tok. Yohmi kia momvt okla i nukshopa tok; micha yvmmvt nan ithvna yo ik im ahobo ki tok.

27. Yohmi kia Banabas ato eshi cha, ilaelit vbanumpeshi vhleha ya isht im vla tok; micha hina takla ya kaniohmit Chitokaka ya pisa tok, yohmi na im anumpuli tok, micha kaniohmit nukwaya iksho hosh, Chisvs hohchifo ha Tamaskvs a isht ai anumpohonli tok aiena ka, im anoli tok.

28. Yohmi ma Cheluselem a asht kocha, micha ant abeha aiena ka takla ahanta tok.

29. Micha nukwaya iksho hosh, Chitokaka Chisvs hoh-

chifo ha isht anumpohonli cha, Klik okla ma itim anumpohonli tok; yohmi kia vbi bennvt okla aiasha tok.

30. Yohmi na itibapishi vhleha yvt akostininchi mvt, ilauelet Seselia isht vla cha, Tasvs a pit chvffichi tok.

31. Yohmi na Chutia yakni vt moyuma, micha Kalili, micha Samelia aiena ka, vbanumpuli iksa puta kvv nuktanla mvt isht i shahlit ia tok; mihma Chitokaka i nukshoyupa, micha Shilombish Holitopa ya isht ilai yukpa aienvt itvnowa kvv, lauvt isht i shaiyahli tok oke.

32. Yakohmi tok; Pita yvt mominchit hlopullit aya mvt, vbanumpuli vhleha Litti ai asha tuk ash kia, im vla tok.

33. Mihmvt yvmma hatak achvfa, Enias hohchifo kvv palsi isht abeka hosh topa itoyula na afvmmi untuchina tuk o, ont pisa tok.

34. Micha Pita yashot, Enias ma! Chisvs Klaist vt chi hlakofichishke. Tani cha, chishno inlit chin topa ha patali, im achi tok. Mihma chekosi tani tok oke.

35. Yohmi ma Litti, micha Salon aiena asha tuk vt momvt yvmma pisa mvt, filemvt Chitokaka ya im ai ona tok.

36. Yohmi ma nan ithvna achvfa Tabihla hohchifo, yvmvt toshowakmvt Takvs achi ho, Chappa ya anta tok: ohoyo ilvppvt nan achukma a yvmohmi, micha na habenvchi aiena biekvt ahanta tok.

37. Atuk o nitak yvmma foka ma yakohmi tok; yvmvt abeka cha illi tok; yohmi ma yvmmak ash okla achivt tahli mvt, vba potvlhpo ya boyuhli tok.

38. Mihmvt Litti yvt Chappa ya pit bilika hatuk, micha nan ithvna vhleha hvv, Pita yvt yvmma anta ka, okla haklo tuk osh anukwaya im vla hinla ka, pit im ahnit hatak tuklo ka pit tihleli tok.

39. Atuk o, Pita yash ot wakaya cha awant ia tok. Atuk osh vla ma, ilauelet vba potvlhpo ya okla ishit chukowa tok; mihma ohoyo vlhtakla vhleha yvt momvt apehvt hiohmayvt yaiya mvt, nafohka, micha anchi chohmi, Takvs vt awant anta moma mvt ikbi tok a, haiakahanchi tok.

40. Yohmi kia Pita yvt mominchit kocha weli cha, hvchukbihlepvt hikia mvt, vba pit anumpuli tok; mihmvt hak-

nip ai ittola ka pit filema mvt, Tabihla, taní, achi tok; yohmi ma nishkin a fatummi cha Pita ya pisa mvt, tanit binili tok.

41. Mihma ibbak pit ima cha wakayvchi tok. Micha vba pit anumpuli vbleha, micha ohoyo vlhtakla puta aiena kash hoyo cha, okchaya hō ima tok.

42. Yohmi ma Chappa okla hvt momvt yvmma akostin-inchi tok; yohmi mvt lawvt Chitokaka ya i yimmi tok.

43. Mihma yakohmi tok; Saimon wak hakshup hummvchi ya awant Chappa ya ahanta na nitak kanohmi tok oke.

CHAPTER X.

Kanilis vt Pita ya pit hoyo, 1. 34 Pita yvt vbanumpa isht anumpuli. Shilombish Holitopa yvt haponaklo vbleha ha onvtoyula.

1. HATAK achvfa Seselia ya ahanta kv, Kanilis hohchifo hosh tvshka chipota aya achvfa, Itili okla achi hō, i kvpitvni ha tok.

2. Hatak achukma, micha in chuka-chvfa moma aienvt Chihowa ya i nukshompa cha, okla ha na habenvchi fehna mvt, Chihowa ya pit im anumpohonli na bilia tok.

3. Yvmmak ashot holhpokuna chohmit pisa ka nitak hvshi kanvlli isht vlhpisa ont isht chakkali foka hō, Chihowa im enchil vt haiaka achukma hosh mintit ant iba chukowa mvt, Kanilis, im achi tok.

4. Yohmi ma yvmmak ash atokowvt pisa mvt nukshopa cha, Chitokaka ma! nanta hoh cho? achi tok; mihma, Ūba pit ish anumpohonli, micha nan ish hopela puta aiena ka, Chihowa yvt ithaiyana he mak o vba ihya hoke.

5. Yohmi hoka himak a, Saimon, Pita hohchifo ka pit hoyot, hatak a Chappa pit ish tihlelashke.

6. Yvmmak okvt Saimon wak hakshvp hummvchi in chuka mvt okhvta lapali ka yo talaia hō, awant anta hoke; yvmmak osh nana hō ish kaniohma he tuk ma, chim anola hi oke; im achi tok.

7. Mihma enchil, Kanilis a im anumpohonli tuk ash ot ia

ma, chuka nan isht im ai v_{ta} ya tuklo, micha tvshka chipot_a nan isht im ai ashwa bilia ya ahli achukma achvfa h_o aieninchit hoyo tok.

8. Micha nan okluha kash mominchit im anolit taiyahli mvt, Chappa ya pit tihleli tok.

9. Ont onna ma okla itvnowvt mahaya mvt, tvmaha hash pit bilika ona ma, hvshi kanvlli isht vlhpisa ont isht hannali foka h_o, Pita yvt vba pit anumpula chi hosh aboha pakna pit oiya tok.

10. Atuk osh hohchvfo fehnvt taiyaha cha, impa he tuk osh; amba okla atahlit isht maya ma, holhpokuna h_o chohmi tok.

11. Micha shutik vt tiwa, yohmi ma, nan ai vlhpitta yosh nan tohbi chito wishakchi ushtvt ita shekonopa h_o chohmi hosh aka i mintit, yakni ant onvtoyula h_o, pisa tok.

12. Mihma anukaka ya nan-vlhpoa puta, hanalushta ilia-yuka yakni aiasha kv_t moyuma, micha napoa puta, micha nana aka a balvlli puta, micha vba hushi puta aiena kv_t ai asha tok.

13. Yvmohmi ma anumpa hv_t mintit im vla kv_t, Pita, tani cha, vbit vpá; achi tok.

14. Yohmi kia Pita ashot, Yohma he keyushke, Chitokaka ma! nana kv_t ai vlhpesa keyu, kashofa keyu hokvno himonna kia, vpa li chatuk keyu hokvt; achi tok.

15. Yohmi ma anonti anumpa hv_t atukla ma, im anum-puli kv_t, Nana h_o Chihowa yvt kashofi tuk a, yvmma vlhpesa keyu, chik hochifo kashke; achi tok.

16. Hituchina ha yo ilvppa yakohmi tok; yohmi ma nana ai vlhpitta kash ot falamvt vba ia tok.

17. Pita yvt holhpokuna chohmit nana pisa tuk, yvmmvt nana isht akaniohmi hatuk a ik akostinincho chohmi ai itin takla ma, hatak Kanilis vt pit tihleli tuk ash, Saimon in chuka ya a ponaklo tuk osh okhissa itikba ya hiel_i tok.

18. Mihmvt tahpva cha a ponaklot, Saimon, Pita hohchifo kv_t, yvmmak o antakmá, nanta cho? achi tok.

19. Pita yvt holhpokuna tuk ash o anukfihinli fehna, Shilombish vt, Yakeh! hatak tuchina kv_t chi hoyoshke.

20. Yohmi hoka tanit pit akowa cha, nana kia isht ai anuktuklo iksho hosh awant ish iashke, yvmma vno ak osh auet tihleli li tuk oka; im achi tok.

21. Yohmi ma Pita yash ot akowvt ivt, Kanilis vt auet in tihleli tuk hatak ash im ona mvt, Yakeh! vno ak osh hatak hvsh hoyo hatuk a sia mak oke. Nanta hosh a katiohmi ho ayvt hvsh la cho? achi tok.

22. Mihma, Kanilis Kvpitvni hatak ahli, micha Chihowa ya i nukshohumpa cha tuk, micha Chu okla moyuma ka ai im annoa achukma hosh ahanta chatuk, yvmmak osh in chuka ya ish ona chi ka, chi hoyo cha, anumpa ha chi a hakla chi ka, Chihowa yvt enchil holitopa ya isht ai im anoli tuk oke; okla achi tok.

23. Yohmi ma i howvt aboha pit apitta na maya tok. Atuk o ont onna ma, Pita yvt wakaya cha awant ia ma, itibapishi vhleha kanohmi kvv Chappa ya asht apihvt ilhkoli tok.

24. Atuk osh yvmmak atuk a onna ma, Seselia ya okla ont chukowa tok; yohmi ma Kanilis vt i kanomi vhleha, micha i kana fehna aiena ka hoyot itahobit tahli cha, asht pit hoyo tok.

25. Atuk osh Pita yvt ant chukowa ma, Kanilis vt ont afama cha, iyi ituma ya hlipiyvt ai okpvchi tok.

26. Yohmi kia Pita yvt, Hikiá, vno ak kia hatak sia akinli hoke, ahanchi cha halvllit tanichi tok.

27. Micha im anumponlit pit chukowa mvt, itahoba tuk vt lau hosh ai asha na pisa tok.

28. Yohmi mvt Chu hatak okvt okla inla takla aya hokmá, keyukmvt ont ibafohka hokmá nana ka kaniohmit im ai vhpiesa keyu ka hvsh ithaiyanvshke; yohmi kia vno yokvto hatak nana kia ik vhpeso, micha okpulo a la he keyu ho, Chihowa yvt vm abahanchi tuk oke.

29. Yvmohmi hatuk o, sa hoyo makinli ho nana ak acho hosh, ayvt hvchim vla li hoke. Yohmi hosh hvchi ponaklo lishke, nanta katiohmi ho is sa hoyo tuk oh cho? im achi tok.

30. Mihma Kanilis vt, Nitak ushta kash o nahullochit an-

ta li, hvshi kanvlli himak foka tok. Yohmi hosh hvshi kanvlli isht vllhpisa ont isht chakkali ho, vm aboha anukaka ya vba pit ai anumpuli li tuk; yohmi ma hatak vt nafohka shohmalali fohka kv̄t sa tikba ya hikia tuk.

31. Mihmvt, Kanilis, vba pit ish anumpuli ka haklo, mi-cha nan ish hopehinla chatuk a Chihowa yvt ithaiyana hoke.

32. Yohmi hoka Saimon, Pita hohchifo ka pit hoyot Chappa ya pit ish tihlelashke; yvmmak okvt okhvta lapali ka Saimon wak hakshup hummvchi in chuka yo anta hoke; yvmmak osh vlakmvt ant chim anumpula hi oke; achi tok.

33. Yohmi hatuk o ashalika pit chi hoyo li kvno; atuk o ish la kv̄t ish vllhpesa hoke, yvmohmi ma Chihowa yvt nana chim apesa tuk a, mominchit e hakla chi mak osh momvt himak a yakohmit Chihowa itikba ya e chiya hoke; achi tok.

34. Mihma Pita yvt itakha ya wakvmmi mvt Chihowa yvt hatak a kanimanchi keyu ka, ai ahlit akostininchi lishke—

35. Amba oklushi moyuma ka kvna hosh yvmma i nukshoyupa cha, ai vllhpiesa ka yvmohmi hokvt, im a holitopa chatuk oke.

36. Chihowa yvt Israel ushi vhleha ya anumpa auct ema na Chisvs Klaist pulla ho nuktanla hi a, isht ai im anuhum-pa tok a, yvmmak osh moma in Chitokaka yoke.

37. Baptismo yo Chan vt isht anumpuli ha yak o, anum-pa yvmmv̄t Kalili ai ishtia tuk osh, Chutia yakni a momin-chit ai anumpvt hlopulli tok;

38. Kaniohmit Chihowa yvt, Chisvs Nasalet ai vtta ya Shilombish Holitopa, micha nan isht im ai ahlika aiena ka isht ahvm̄michi tok; Chihowa yvt awant aya hatuk o, yvm-mak ashot nan achukma ka isht ahanta, micha nan isht-ahul-lo okpulo isht ilbvsha vhleha ya mominchit hlakofichit no-howa tok, hvsh ithaiyanvshke.

39. Micha yvmmv̄t Chu okla i yakni, micha Cheluselem aiena ka nana ho a kanimihinchi tukma, moyuma atokowa anoli pia mak oke; yvmmak o okla iti a takalichit vbi tok.

40. Yvmmak ash nitak ont atuchina ma, Chihowa yvt ta-nichi cha, achukmalit haiakvchi tok.

41. Yohmi kia okla moma kak a tok keyu, amba nana

atokowa anoli vhleha, Chihowa yvt tikbanli atokohonli tok, illi tuk vt falamvt tani ha ya, nan itibai impvt, ishkot maya tok, pishno ak a tok oke.

42. Mihma okla ha il im anumpula he, micha okchaya vhleha, mikmvt illi puta aiena nan im apesa ya he, Chihowa yvt atokoli ka ilap ak atuk a, atokowa il anohonla he, pim apesa tok oke.

43. Yvmmak o hopaii moma kvt, yvmma hohchifo pulla hatuk mak o, kva ho kia i yimmi hokvt ai ashvchika puta kvt isht a kashofa ahayucha hi a, atokolit okla anohonli tok; achi tok.

44. Pita yvt anumpa ilvppa anumpohonli kvt moma ho, anumpa haklo yash Shilombish Holitopa yvt mominchit onvtuyula tok.

45. Yohmi ma hakshup tvptua na yimmi vhleha Pita ya apihvt vla tuk vt, okla nan ik ithano vhleha ak kia Shilombish holhpila kvt o fohopa hatuk o,

46. Anumpa ilaiyuka okla anumpulit Chihowa ahnihinchi ka, okla haklo hatuk osh momvt nukhlakancha tok; Mihma Pita yvt afalaminchit,

47. Shilombish Holitopa yvt anukfoka tuk vhleha pishno akinli chohmi; yakohmi kvt ik baptismo ka chi ka, hatak nanta hosh oka ya im ataklvmma hinla cho? achi tok.

48. Yohmi mvt Chitokaka isht a hochifot okla baptisma chi, i miha tok; yohmi ma awant anta na nitak kanohma chi ka okla im ahni tok oke.

CHAPTA XI.

Pita yvt oklushi nan ik ithano vbanumpa ont isht im anumpuli tuk o, nanumachi, 1. 19 vbanumpa yvt tvamaha kanohmi ka ai anumpa.

1. YUMOHMI ma vbanumpeshi vhleha micha itibapi-shi vhleha aiena Chutia maya tuk vt okla nan ik ithano vhleha hak kia Chihowa im anumpa ha ishi tuk a, okla haklo tok.

2. Yvmohmi tuk o, Pita yvt Cheluselem a vla ma, hakshup tupa vhleha yatuk vt i chapvt anumpulit,

3. Chishno vt hatak hakshup tupa keyu vhleha ya ont ish iba chukowa cha, ish ibai impa tuk oke; ahanchi tok.

4. Yohmi ma Pita yvt ai ishtia vmmona ka silhhit im anolit,

5. Chappa tvmaha ha vba pit anumpuli hosh ahanta li tuk osh, sa holhpokuna chohmit na pisa li ka, nan ai vlpitta yvt mihinti kvt nan tohbi chito yo chiyuhmi hosh vhli ushta ka ishi ho vba ya ai aka mihinti tok, mihmvt vno ash fehna vm vla tok.

6. Yvmmak ash sa nishkin a isht atokoli li mvt, nana vm anukfihinla tok, mihmvt nan-vlhpoba iyushta puta yakni pakna aiasha, micha na-poa nukshopa, mikmvt nan aka balvli puta, micha vba hushi aiena ka pihisa li tok oke.

7. Mihma anumpa hvt, Pita yvt wakaya cha, vbit vpa, vm ahanchi na, haklo li tok.

8. Yohmi kia vno ashot, Yohma he keyushke, Chitokaka ma! nitak nan ash nana kvt ai vlhpesa keyu, micha okpulo aiena kvt satakha ya fohka tok keyu chatuk oke; achi li tok.

9. Yohmi kia atukla ma anumpa hvt vba auet si afa-laminchit, Nana ho Chihowa yvt kashofi tuk a, yvma ai vlhpesa keyu, chik acho kashke; achi tok.

10. Ilvpa yakohmi kvt hituchina ya tok; yohmi ma moma falaminchit vba isht maya tok.

11. Yvmohmi ma, mih makinli ho hatak tuchina Seselia auet ai an tihleli tuk a, chuka ai vta li tuk ash, ai vla tok.

12. Yvmohmi ma Shilombish vt, nana kia isht anukwaya iksho hosh awant ia la he, a miha tok; yohmi ma il itibapishi hannali ilvppv si apehvt itvnowa ho, hatak ash in chuka ont e chukowa tok:

13. Yohmi ma yvmmak ash ot kaniohmit enchil vt ilap im aboha anuka ya hikia na pisa ho, Hatak a Chappa ya pit tihlelit Saimon, Pita hohchifo ka pit ish hoyashke.

14. Yvmmak osh anumpa, chishno, micha chin chuka

achvfa moma aienvt isht hvchi okchaya hi a, chim anola hi oke, im achi tuk a, pim anoli tuk oke.

15. Yvmohmi ma anumpulit ishtia li makinli ho, Shilombish Holitopa yvt okla ha onvtuyula kv, vmona ka hvpushno a pi onvtula chash chiyuhmi tok.

16. Yohmi ma Chitokaka yvt, Chan okvto oka yo ishit baptismochi mvhlshke; amba hvchishno yokvto Shilombish Holitopa yo ishit hvchi baptisma hi yoke; achi tok a, im anumpa ha ithaiyana li kvno.

17. Yvmohmi ka Chihowa yvt, Chitokaka Chisvs Klaist i yimmi vhleha ha hvv ima tok, ai itilau na holhpila ka ihima tuk a, vno ak osh nanta sia hatuk osh Chihowa ya ataklvmmi la hinla cho? im achi tok.

18. Na yakohmi ka okla haiyaklo mvt lumvt chieya cha, Chihowa ya aiokpahanchi mvt, Yohmikma Chihowa yvt okla nan ik ithano vhleha ak kia isht okchaya ile kostininchi ya ihima tumvshke; ahanchi tok oke.

19. Yvmohmi ma na palvmmi kv Istefin a isht atoba ma, okla ita fimimpa tuk vt itvnowvt aya kv Finisi, micha Saipilvs, mikmvt Antiak a pit vhlchit inla ka yano keyu, amba Chu vhleha ak bano ho anumpa ha okla isht im anumpohonli tok.

20. Micha kanimi kv Saipilvs hatak, micha Sailini hatak aiena hatuk osh Antiak a ai vla mvt, yvmmak ash ot Klik okla ha im anumpulit Chitokaka Chisvs a isht anumpohonli tok.

21. Yohmi ma Chitokaka ibbak vt awant anta tok, holhti-na laua hosh yimmi cha filemvt Chitokaka ya im ona tok.

22. Yvmohmi ma na yakomi kv annovt, iksa Cheluselem ashwa tok haksobish a ont chukowa tok; mihma Banabas a yvmmt ia kv Antiak a ona chi ho okla pit chvffichi tok.

23. Yvmmak ash osh vla cha, Chihowa im isht il aiyukpa ka pihisa mvt na yukpa tok; micha chukvsh mvt kvillo hosh Chitokaka ya isht asitia chi ka, mominchit atonohonchi tok.

24. Yvmmak okv hatak achukma hosh, Shilombish Ho-

litopa, micha ayimmika aiena kvt anukfoyuka fehna hatuk oka; yohmi ma okla hvt lawut Chitokaka ya iba kaha tok.

25. Yohmi ma Banabas vt Sal a hoya chi hosh, Tasvs a ia tok.

26. Atuk osh yummak ash ahayuchi mvt, ilaelit Antiak a isht vla tok. Mihma yakohmi tok, afvmmi achvfa vhpiesa ka vbanumpuli ikxa ya ibai itahobvt okla lawa ka nan im abahanchi tok. Mihma nan ithvna vhleha hvt vmmona ka Antiak ak o, Klaist okla a hohchifo tok.

27. Yvmohmi ma nitak ilvppa foka ma, hopaii vhleha Cheluselem minti kvt, Antiak a ai vla tok.

28. Micha yummak ash ot achvvt Akabvs hohchifo hosh hikia cha, hohchvfo chinto kvt yakni mominchit a hlopulla chi ka, Shilombish pulla isht ai anohonli tok. Yvmvvt Kilatvs Sesa yvt ahanta nitak ak o ont ai ahli tok.

29. Yohmi ma nan ithvna vhleha yvt nana kvt kaniohmit im asha tukmvt ik kaniohmi kia, itibapishi vlheha Chutia maya ka isht apelvchi ya pit i pila chi kvt, hatak moma tok.

30. Yummak ash okla yohmi mvhli cha Banabas, micha Sal ita tuklo kak o ibbak fohkit, hatak tikba vhleha ya pit pila tok oke.

CHAPTA XII.

Helot vt vbanumpuli vhleha ha issikkopali.

1. YOHMI ma nitak yvmma foka ma, Helot miko yvt vbanumpuli ikxa yatuk a kaniohmi ho, ilbvshala chi kvt ibbak a o weli tok.

2. Micha Chemis, Chan itibapishi ha bvshpo falaia ho isht vbi tok.

3. Micha yohmi ka Chu okla hvt im achukma ho, pisa hatuk osh achakalinchit mvt, Pita ya aieninchit isha chin tok; mihma pvska ik shatvmmo vpa nitak a tok.

4. Atuk osh yummak ash hoklit ishi mvt, aboha kvllo pit fohki cha, vbanvblit ont-ia issa ha yo okla ha isht i koheha

chī mak o, ahni hosh, tvshka chipota ushta bat aya ushta ho apesvcha chī ka, im issa tok.

5. Yohmi hatuk o Pita yashot aboha kvllo ya foka tok; yohmi kia vbanumpuli iksa yvt yvmma isht Chihowa pit im asilhha kv, ik yokopo ki tok.

6. Atuk o Helot vt isht kohcha he tuk a, yvmma ninak fenak akinli ka, Pita yvt tvli itatakvli tuklo hosh isht talai-yakchi ho, tvshka chipota tuklo itin takla yo a nusi tok; yohmi ma apesvchi vt okhissa itikba ya hielit aboha kvllo ya apesahanchi tok.

7. Yvmohmi kash o Chitokaka im enchil vt im vla na tohwikeli kv aboha kvllo anukaka ya tommi tok: mihma yvmmak ash osh Pita ya naksi a isso cha, tanichi mvt, Tushpvt tanī; achi tok; yohmi ma in tvli itatakvli yvt ibbak a a mokohli tok.

8. Mihma enchil ash ot, Il ai vskofachi cha, chī shulush a holó, im achi ma, yvmihchi tok, mihma, Chim anchi a anchi cha, is siakaiyashke, im achi tok.

9. Mihma kohcha mvt iakaiya tok; yohmi kv enchil vt nana a yvmihchi ka ai ahli mak atuk a, ik akostinincho ki tok. Amba nana mak o pisa ho im ahoba tok.

10. Ai atoni vmmona, micha atukla aiena ka ant itiachi mvt, tmaha pila ia tvli holihta okissa ya itvlachi ma, ilap akinlit in tiwa tok; mihma pit kohcha cha, hina achvfa ho fokvt ayvt okla tuk o, enchil ash ot ashalika i filvmmi tok.

11. Yohmi ma Pita yvt falamvt kostieni mvt, Chitokaka yvt im enchil a auct chvffichi cha vno a Helot ibbak, micha Chu okla nana ahni tuk puta ka, a sa hlakofichi tuk a, himak a ai ahli mak o ithaiyana lishke; achi tok.

12. Micha nan im anukfihinla mvt Chan, Mak hohchifo ishki, Meli in chuka ya, yvmma laua hosh itahobvt vba pit anumpuli hosh maya na, vla tok.

13. Micha Pita yvt apishia okhissa ya ant sukoha ma, ohoyo himita Loti hohchifo hosh ont haponaklo tok.

14. Micha Pita im anumpa ho pit ithana mvt, na yukpa kv apishia ya okhissa ya ik tiwo hosh, amba malelit ant chukowa mvt, Pita yvt apishia itikba ant a hikia ka, anoli tok.

15. Mihma, Ik chi hopoyuksoshke, im achi tok. Yohmi kia i shahlichit, yohmi tuk ash pulla ho mihia tok; yohmi ma, Im enchil oka, okla achi tok.

16. Yohmi kia Pita ash ot sukoha kv̄t imoma tok; yohmi ma okla tiwi cha, pisa mvt nukhlakan̄cha tok.

17. Yohmi ma nukhintot maya chi ka, ibbak pit i fahvmmi mvt, kaniohmit Chitokaka yvt ilap a aboha kv̄llo isht a kohchi tuk a, im anoli tok; mihmvt, Na yakohmi ka Chemis, micha il itibapishi vhleha aiena ka ivt oh im anoli, achi tok; mihmvt kohev̄t ivt inla ho ona tok.

18. Atuk o onnvt taha makinli ho, tvshka chipota vhleha ash ot Pita yvt nanta mak o a katiohmi tuk, ahnit nukhlakan̄cha kv̄t chohmi tok keyu.

19. Yvmohmi tuk o Helot vt yvmmak ash hoyo tuk osh ik peso mvt, apesvchi vhleha yash achukmalit im asilhv̄vchi mvt, yvmmak ash o vba chi ka, apesa tok. Mihmvt Chutia ya vttvt ivt Seselia ona cha, yvmmak o anta tok.

20. Mihmvt Helot vt Taia, micha Saitvn aiena ai asha ka isht ik i yukpo fehna tok; yohmi kia miko im vba potvlhpo apesvchi Blastvs a iti kana okla ikbi tok, micha ilap i yakni ya miko i yakni yak osh ai apelvchi atuk aiena hatuk oka, im anukfila mvt ai achvfa hosh im ai vla cha, nanaiya ka ai ahni tok.

21. Yvmohmi ma ai vlhpisa tuk nitak o, Helot vt miko i na fohka ishit shemvt taiyahli cha, im aiasha holitopa paknaka ya binili cha, anumpa isht hikvt im anumpohonli tok.

22. Mihma okla hash ot tahpvlvt, Ilvppvt Chihowa yak o im anumpa, hatak im anumpa yo keyushke; ahanchi tok.

23. Mihma isht aholitopaka ya Chihowa yak o pit ik im isso hatuk o, mih makinli ho Chihowa im enchil vt isso tok, mihma shv̄shi yosh ai ahampa na fiopissa tok.

24. Amba Chihowa im anumpa hv̄to achakvt isht i shahlit ia tok.

25. Yohmi ma Banabas micha Sal ita tuklo kv̄t nan isht ahashv̄vt atahli mvt Chan, Mak hohchifo ka ilauint Cheluselem a ashv̄vt falamvt ia tok oke.

CHAPTA XIII.

Pal, Banabas ita tuklo kvt oklushi nan ik ithano, ya im ia. 42 Oklushi nan ik ithano vhleha yvt vbanumpa yimmi.

1. YOHMI ma iksa Antiak ahashwa ka kaniohmi kvt hopaii, micha nan im abvchi vhleha, Banabas, micha Simion osh Naika hohchifo, anonti Lusivs, Sailini vtta, micha Manern, Helot na pehlichy ya iba hofanti tok, micha Sal chohmi kvt maya tok.

2. Okla Chitokaka pit aiokpvchit nahullochit maya ma, Banabas, micha Sal ita tuklo ka, a toksvli im ai atokoli li tuk isht ashwa chi ka, hvs svm atokolashke, Shilombish Holitopa yvt achi tok.

3. Mihma okla nahullochit vba pit anumpuli cha, ibbak a isht umbitepvt taiyahli mvt, okla pit tihleli tok.

4. Yohmi ma Shilombish Holitopa yak osh pit tihleli hoka, ivt Silushi a itonachi tok osh, yvmma ashvvt peni vlhtot ivt Saipilvs a itonachi tok.

5. Michs Salemys a ont ashwa mvt, Chu okla i sinakak puta Chihowa im anumpa isht ai anumpohonli tok. Mihma Chan a il ai apelahanchi akinli tok.

6. Michs tashaiyi ya a hlopullit Pefvs a itonachi mvt, hatak isht ahullo achvfa hopaii ilahobi, Chu hatak Bachisvs hohchifo hq, pisa tok.

7. Yvmmak okvt nahullo miko hatak nan ithana, Sachis Paulvs a awant anta tuk o, yvmmak ash ot Banabas, micha Sal aiena ka hoyo mvt, Chihowa im anumpa ha haklo bvna tok.

8. Yohmi kia Ilimvs hatak isht ahullo ash ot, hohchifo hvt toshowakmvt yvmmak oka nahullo miko a na yimmika ai i filvmmichi bvna kvt yvmmak ash im ataklvmmi tok.

9. Mihma Sal mvt, Pal hohchifo akinli hosh, Shilombish Holitopa yvt anukfohkvt kvnia hosh, yvmmak ash atokolit pisa tok.

10. Mihma, Na haksichi, micha nan ik ai vlhpeso aiena banot isht alotowa, nan isht ahullo okpulo ushi, ahopoyuksa

okluha in twnvp ma! Chitokaka i hina ai ahli puta okpvi kv, ish issa he keyu cho?

11. Mikma, yakeh! himak a Chitokaka ibbak vt chi onvtula hoka, chi lvpakmvt hvshi a chik peso ho ahchiba chi hoke; achi tok. Mihma chekosi makinli ho tohbi, micha okhlilika aienvt onvtula tok. Mihma kvna kia ibbak a halvli cha isht aya chi ka, hoyot fullokahanchi tok.

12. Mihma nahullo miko vt Chitokaka im anumpa ha anukhlakancha cha, nana kv yvmohmi na pisa mvt yimmi tok.

13. Mihma Pal vt itvpeha yash aienvt Pefvs a a hotofi cha, okla mintit Pafilia yakni Pvki a ai vla tok. Mihma Chan vt i filvmmmit Cheluselem a falamvt ona tok.

14. Amba Pvki a asht kohchvt okla ia mvt, Pisitia yakni Antiak a ai vla cha, nitak hullo a sinakak a ont chukowvt chieya tok.

15. Mihma nan vlhpisa, micha hopaii i holisso puta aiena kash, itim anumpulit atahli ma, sinakak apehlichu vhleha yvt, Hatak, il itibapishi vhleha ma! okla isht im anumpa he anumpa hv hvchim ashakmvt hvsh anumpulashke; achit auet im anoli tok.

16. Mihma Pal vt hikia cha ibbak a pit isht im alvmmmit, Israel okla, micha Chihowa ya i nukshohumpa vhleha hvchia ma! hvsh haponaklashke.

17. Okla ilvppa Israel vhleha in Chihowa yvt pin tikba vhleha ya atokoli mvt, hatak nowvt aya chiyuhmi hosh Echip a okla ahashwa ma, yvmmvvt holitobli tuk osh, ilap ibbak kvlllo pulla kv yvmmak ash isht akohonechi tok.

18. Micha afvmmi pokoli ushta foka yakni haiaka okla nana a kaniohmi ka, ant ik yohmi, im ahni tok.

19. Micha Kenan yakni a oklushi untuklot ai imaiyachi mvt, i yakni atuk a, na shueli ho, isht ai i hopela tok.

20. Micha yohmi ha ya nan apesa vhleha im a hiohli-hinchi na, afvmmi tahlepa ushta cha pokoli tahlapit aiena foka ho, Samuel hopaii vt vta tok.

21. Atuk o i himmakma, miko okla asilhha tok. Mihma Chihowa yvt Sis ushi, Sal, hatak Benchamin isht atiaka yo, i hilechi na afvmmi pokoli ushta tok.

22. Atuk osh yummak ash ai ishi mvt, Lewi ak osh i mi-ko ya chi h_o okla h_a i hilechi tok; yummak o pit atokolit, ilap vt, Lewi Chesse ushi, vno sa chukvsh fehna iakaiya hatak, micha vno nan ai ahni li y_a mominchit ai ahlich_a chi mak_o ahayuchi lishke; achi tok oke.

23. Hatak iluppa isht ai unchululi y_o Chihowa yvt ilap miha tok pulla hosh, okchal_{in}chi Chisvs a Is_la_el okla h_a i hilechi tok.

24. Yummvt ik lo k_isha h_o, Chan vt vmmona ka Is_la_el okla moyuma ka ile kostin_{in}chit baptismo y_a isht im anum-pohonli tok.

25. Micha Chan vt anumpulit ahanta mvt, Kvta hak o sia hvchim ahoba cho? U_no vto mih mak o sia keyu hoke. Amba siakaiyvt minti kak o, yvmma iyi i shulush a vno vt i hotofi la he si ahoba keyu hoke; achi tok.

26. Hatak itibapishi li v_hleha ma! Eblaham isht atiaka ushi, micha kvna hosh hvchi takla ashwa kv_t Chihowa y_a i nukshohumpakma, hvchishno ak o, ai okch_aya isht anumpa ilupvt hvchim aya hoke.

27. Cheluselem ai asha, micha i hochitoka aiena kv_t, yvmma, micha hopaii v_hleha im anumpa nitak hullo moma ka itim anumpuli chatuk aiena ka ik ithano hatuk osh, na palvmmi ka onochit yummak atuk a, ai-ahlich_i tok oka.

28. Micha kaniohmi h_o yummak okvt isht ai illa he v_h-pesa kvno, im ai akostin_{in}chi keyu ho kakosh, illa he a ahnit, Pailvt a okla im asilhha tok.

29. Micha yvmma isht a holih_iso tok a mominchit ai ahli-chit okla tahli mvt, iti ash ai ishit akvchi cha ahollopi anu-kaka y_a bohyuli tok.

30. Yohmi kia illi tuk a Chihowa yvt tanichi tok.

31. Yohmi ma Kalili y_a asht apehvt mintit Cheluselem a ai v_la tuk vt yvmma okla pisa na nitak kanohmi tok; mih mak osh yvmma atokowvt okla h_a im anoli yoke.

32. Yohmi hosh anumpa achukma pin tikba v_hleha ima tok a isht e hvchim anumpulishke.

33. Im vlla v_hleha hvpia hak o, Chihowa yvt yummak ash isht pim ai ahlich_i hosh Chisvs a falamichit tanichi

tok. Yohmi kvt ataloa ont atukla ka, Svsso chia hoke, himak nitak a chikbi lishke, achit aholisso akinli hoke.

34. Micha yummvt illi tok a falaminchit tanichi ka himmakma falamvt ahollopi a chukowa he keyu hatuk o yak ahanchi tok, Lewi i nan isht il aiyukpa ahli ka chima la hi oke.

35. Yvmohmi hatuk o anonti, Chi Holitopa ka ant nan toshbi ka ik pisá, ish im ahna he keyu hoke, inla ma ai ahanchi hoke.

36. Lewi ak okvto Chihowa nan ahni pulla ho, im okla ha nan isht im ahantvt in taiyaha mv, illi cha in tikba vhleha ha ibafohkvt itoyulvt nan toshbi ma piesa tok oka.

37. Amba Chihowa yvt falaminchit tanichi tok, yummvto nan toshbi nana kia ik peso ki tok.

38. Yvmohmi ka hatak il itibapishi vhleha ma! hatak ilvppa pulla hatuk mak o, nan ai ashvchika puta isht kashofa yvt ishit hvchim anumpa hoka hvsh ithaiyanashke.

39. Micha Moses i nan vllhpisa ak okmvno ymma kaniohmit isht hvsh ai i hlakofa he keyu ke tuk kia, na yimmi vt momvt ymma pulla kano okluha isht ai i hlakofi hoke.

40. Yvmohmi hoka ahah! hvsh ai ahnashke; ymmak keyukma hopaii vhleha i holisso ha isht ai anumpvt,

41. Na shitilema vhleha hvchia hv ho pesa cha, okokko! ahnit, ik hvchi nukhlakanchá; hvchi nitak a nan isht vtta ya isht ahanta li ka, kvna kia ik hvchim anoli mak o, kaniohmit nan isht vtta ymma a hvchi yimma he keyu, achi kvt hvchi onvtula hinla hoke; achi tok.

42. Mihma Chu okla hv sinakak a a kocheha wiha ma, okla nan ik ithano vhleha yvt anumpa yakohmi kash ot nitak hullo atuklakma isht im anumpa hinla kvt asilhha tok.

43. Yvmohmi tuk o itvnaha yash ot tisheli ma, Chu okla laua, micha himona vbanumpuli toba vhleha aiena kvt Pal micha Banabas ita tuklo ka apehvt aya tok. Mihma yvmak ash ot im anumpulit, Chihowa im ai isht il ayukpa pulla ho ai itvnova chi ka atohnohonchi tok.

44. Atuk o atukla nitak hullo ya tvnaha chito achvfa

kv̄t momā hosit Chihowa im anumpa hakla chi kv̄t itv̄naha tok.

45. Yohmi kia Chu okla hv̄to okla laua ya pisa mvt, nukhobelvt alota mvt, Pal vt nana anumpuli ka ik ahobalot na mihachit itachowvt maya tok.

46. Yohmi ma Pal, micha Banabas ita tuklo kash ot nukwaya iksho kv̄t isht i shahlit ia mvt, Chihowa im anumpa hv̄t tikba hv̄chishno ak o a hv̄chim anumpa he mvt ai v̄lh-piesa tuk okv̄no; yohmi kia, yvm̄mak ash naksi ka pit hv̄sh bohli cha, okchayvt bilia he o ik chi ahobo kv̄t isht hv̄sh il anukfihinli hoka, okla nan ik ithano yak o pit il i file-mv̄shke.

47. Yakohmi h̄o Chitokaka yvt pim apihisa mvt, Okla nan ik ithano v̄hleha ya ish in tohwikela chi, yakni ont v̄hli fullota kv̄t isht ai okchaya he mak̄o, chi hilechi lishke; ahanchi tuk oke, achi tok.

48. Mihma okla nan ik ithano v̄hleha yvt ilv̄ppa haklo mvt, okla na yukpvt Chitokaka im anumpa h̄a aiokpahanchi tok. Mihma okchayvt bilia he isht im v̄lhpisa tok v̄to momvt yimmi tok.

49. Yohmi na Chitokaka im anumpa hv̄t annovt yakni yvm̄ma mominchit a hlopulli tok.

50. Yohmi ma Chu okla hv̄t, v̄banumpuli ohoyo holitompa v̄hleha, micha hatak holitompa tv̄maha āsha tuk aiena ka atohnohonchi cha, Pal, micha Banabas ita tuklo ka isht ai ilbv̄shaka ya ilhkolichi tok; micha i yakni a kohchit kanom pit tihleli tok.

51. Yohmi kia iyi hituk chubbi āsha tuk a on tahtuli cha, mintit Aikonivm̄ a itvlachi tok.

52. Mihma nan ithv̄na v̄hleha yvt na yukpa, micha Shilombish Holitopa aiena ka isht anukfohka tok.

CHAPTA XIV.

Pal, micha Banabas ita tuklo kv̄t i palv̄mmi, 1. 8 Pal vt Listi a hatak imomokpulo a hlakofichi na, nan-ishtahullo v̄hleha hatuk o, okla

hvt ahobvchi, 1. 19 Pal vt tvli isht boa, 21 Tvmaha ilaiyuka hlo pullit aya mvt, falamvt Antiak a itvlachi.

1. MIHMA Aikonivm a yokohmi tok; Chu okla i sinak o ita tuklot ont chukowa cha, kaniohmit anumpohonli ma, Chu okla, micha Klik okla ai itvpeha kvv lau hosh yimmi tok.

2. Amba Chu nan ik yimmo vhleha hvto okla nan ik ithano a atohnochit, im anukfila ha itibapishi vhleha hash isht i nukkilichi tok.

3. Yvmohmi hatuk o nukwayiksho kit Chitokaka ya isht anumpulit, yvmmak ash ahashwa na hopaki ma, yvmmak ash ot nan isht ahoba, micha na fehna puta aiena kvv yvma ibbak a isht ai yohma hi a ahni cha, im anumpa hanta ya isht ai ahlichit tok.

4. Yohmi kia tvmaha okla chinto kash ot ita kashapa tok; mihma kashapa kvto Chu okla hak o pit halanli ma, anonti kashapvt vbanumpa isht vta vhleha yak a tok.

5. Atuk osh okla nan ik ithano vhleha, micha Chu okla ha pit aiena kvv i pehlichit ka ai itvpehvt, yvmmak ash ilbvshachit, tvli isht bola chi kvv im anukfilvt maya ma,

6. Akostininchit okla mvt, tihlavt Laikeonia yakni a tvmaha Listi, micha Tabi ita tuklo, micha yakni auet folumpa ka ona tok.

7. Micha yvmmak o vbanumpa isht ai anumpulit okla tok.

8. Mihma Listi a hatak achvfa kvv ishki ikfoka anyka yakinli ho ai imomokpulo tok osh, iyi vt ik kvvlo hosh, nitak nana nowa tok keyu vt binili tok.

9. Yvmmak ash ot Pal vt anumpuli ka haklo tok; mihma yvmmak ash ot atokowvt pihisa cha, hlakofa he vt yimmi ka akostininchit mvt,

10. Chitoli hosh anumpulit, Wakayvt chiyi a apissvt isht ish hikiashke; achi tok. Mihma yvmmak ashot mvllit, micha nowa aiena tok.

11. Mihma okla hash ot, Pal vt nana yvmihinchit na pisa mvt, Laikeonia anumpa ho okla anumpulit chitoli hosh, Chi-

tokaka vhleha yvt hatak o chiyuhmit aka mintit ayvt hvp im vlvshke; ahanchi tok.

12. Micha Banabas a Chupita hochifo mvt, Pal ak okvto anumpuli chito atuk o, Makulvs hochifo tok.

13. Mihma in tmaha itikba hikia Chupita ya na holi-tompa isht im vtta yvt, wak nakni chohmi, micha sita bita puta aiena ka ishit holihta okhisa ya vla kvt, okla ai itvpehvt vbit isht aiokpvcha he ahni tok.

14. Mihma vbanumpeshi vhleha Banabas, micha Pal ita tuklo kvt haklo mvt, im ilefohka ya ita hlilvffit, okla mvt pit tihlaiyvt okla ha iba chukowa cha, tahpvlt,

15. Hatak puta ma! na katihmi ho hvchi yakohmi cho? Pishno ak kia hatak hvchishno chohmi pia hoke, mih hosh nan ik ahobo yakohmi ka ai i filvmmmit, Chihowa okchaya, vba shutik, micha yakni, micha okhvta, micha nana puta, yvmma ai ahashwa ka aiena ikbi tok a, hvsh im ona he mak o, e hvchim anumpohonli hoke.

16. Yvmmak okvt nitak tikba ma, oklushi moma ka ilap o inli nana a kaniohmi a ant ik ai itanowá, ahni tok.

17. Yohmi kia ilap fehna isht ai atokowvt anoli a ik takohlichu hosh ahanta tok keyu; yohmi kvt nana ka achukmali hosh umba vba minti, micha na waya achukma nitak aiena ka auct hvp ihima cha, pi chukvsh a ilhpak, micha na yukpa aiena ka, isht alotohonli hoke; ahanchi tok.

18. Micha ilvppa ahaya pulla hosh na kvni okla ha yokobli na, yvmma okla nan ik im abo ki tok.

19. Yvmohmi ma Chu hatak kanomona Antiak, micha Aikonivm aiena mintit vla cha, okla ha ant atohnochit, Pal a tvli isht bolit, illi ho im ahoba cha hvllat tmaha ha isht kohchi tok.

20. Yohmi tuk kia, nan ithvna vhleha yvt afolublilit hinli ma, tani cha, tmaha ha ant chukowa tok. Atuk osh nitak ont atukla ma, Banabas awant Tabi a ia tok.

21. Atuk osh tmaha yvmma vba isht im anumpulit, micha lava ho nan im avvchi mvt, falamvt anonti Listi, micha Aikonivm, micha Antiak aiena kash itvlachit,

22. Nan ithvna vhleha im anukfila hlampkochi, micha ayimmi kv̄t achunancha ch̄i h̄o atohnochi mvt, na palvmmi laua ka il a hlopulli pulla hosh Chihowa apehliechika yā e chukowa hi oke; achi tok.

23. Micha vbanumpuli ik̄sa moma pehlichei aiyuka atokolit hiohlechi cha, nahullochit vba pit anumpulit issa mvt, Chitokaka yvmmak ̄o okla anukcheto tuk ash pit im issa tok.

24. Micha Pisitia hlopulli mvt, Pafilia itvlachi tok.

25. Micha anumpa hash Pv̄ki ā isht ai anumpuli cha, Atelia itonachi tok.

26. Atuk osh yvmmak ̄o peni ai vlhtot Antiak yvmmak ̄o toksula ch̄i ka Chihowa im aholitopaka hi ̄o, pit im issa tok ash ai ahlichei tuk vt itonachi tok.

27. Micha itvlachi cha ik̄sa yā itahobi cha, Chihowa yvt isht kaniohmihinch̄i tuk moma, micha okla nan ik ithano vhleha yā ayimmika okhissa yā ik tiwi tuk aiena ka, im anohonlit okla tok.

28. Micha yvmmak ̄o nan ikhvna vhleha yā awant ahashwa na hopaki tok oke.

CHAPTER XV.

Hakshup tv̄pa isht ai itachowa, 1. 6 Vbanumpeshi vhleha hv̄t isht itim anumpulit maya. 22 Ai apissalechit im anukfila ha tok.

1. MIHMA hatak kaniohmi Chutia mintit ai vla tuk vt, itibapishi vhleha hā nan im avrchit, Moses ī nan vlhpisa ak ̄o chohmit hakshup hv̄chi tapa keyukmvt, hv̄chi okchaya he keyushke; achi tok.

2. Yohmi na Pal, micha Banabas ita tuklo kv̄t yvmmak ash itachowvt itim inla fehna ma, Pal, micha Banabas anonti inlaka kaniohmi aiena kv̄t anumpa itachowa tok, ilvppak atuk vt vbanumpeshi vhleha, micha asononchika vhleha aiena ka Cheluselem ā im ona ch̄i ka, okla apesa tok.

3. Mihma ik̄sa vhleha yvt pit apehvt aya na kohchvt ilh-koli mvt, okla nan ik ithano vbanumpuli toba tuk ā anohon-

lit, Finisi, micha Samelia aiena ka hlopulli tok; micha itibapishi vhleha ya mominchit yukpali chinto tok.

4. Atuk osh Cheluselem ash itonachi ma, iksa vhleha, micha vbanumpeshi vhleha, micha asononchika vhleha aiena kvt aiokpanchi tok. Mihma Chihowa yvt ilapo a nana isht a kaniminci tuk a mominchit anoli tok.

5. Yohmi kia Falisi iksa kaniohmi na yimmi atuk vt wakaya cha, Hakshup a in tvpli cha, Moses i nan vhlpisa ha holitobla he aiena ka im apesa he vhlpiesvshke; ahanchi tok.

6. Yvmohmi ma vbanumpeshi vhleha, micha assononchika vhleha aiena kvt anumpa ilvppa anukfillit pisa chi kvt itvnaha tok.

7. Atuk osh itachowa chuma naha ma, Pita yvt wakaya mvt, Hatak itibapishi li vhleha ma! nitak hopaki kash Chihowa yvt hvpin takla ma auet ai atokoli ka, yummvt svtilh ak o okla nan ik ithano vhleha yvt vba isht anumpa anumpa ka a haiyaklo cha, yimma hi a tok a, hvsh ithaiyanvshke.

8. Michu Chihowa yvmmak osh chukvsh puta ka ithaiyana kvt, aiokpanchi hosh Shilombish Holitopa ihima kvt hvpushno yo chash itilauечи hoke.

9. Michu hvpushno a ymma a pit im invchi keyu, yimmi hatuk o chukvsh a i kashohufi hoke.

10. Yvmohmi ka nanta katihmi ho Chihowa hvchik anukcheto hosh, nan ithvna vhleha ikonla ya ikonla abana ymma pin tikba vhleha, michu hvpushno aiena kvt e lauwi cha, e shala he keyu ka, ymma hvsh onochi cho?

11. Yohmi kia Chitokaka Chisvs Klaist achukma pulla hatuk mak o, pi okchaya kvt yvmmak inli il itilaua he aiahnit pi yimmishke; achi tok.

12. Yohmi ma okla laua yvt lumvt chieyvt, Banabas, micha Pal ita tuklo Chihowa yvt ilapo a, na fehna, micha nan isht ahoba puta aiena kaniohmi ho okla nan ik ithano vhleha itin takla ya, isht a yvmihinci tuk a anoli ka haklo tok.

13. Okla hv lumvt chieya ha yano, Chemis vt achakalinci mvt, Hatak itibapishi li vhleha ma! hv sa haponaklashke.

14. Chihowa yvt vmmona ka oklushi nan ik ithano a kaniohmit aiokpanchit okla ilap isht hohchifa chi ka akohchit ishi tuk a, Simion vt anohonli tok.

15. Micha hopaii vhleha im anumpa hvt ilvppak o ai achvfvshke.

16. Yakohmi ha ma falama lish, Lewi in chuka kinafa tuk a falaminchit ikbi la hi oke; micha okpulo tuk a falaminchit ikbit hilechi la hi oke.

17. Yvmvt hatak a kashampa, micha okla nan ik ithano vhleha moma sa hohchifo ha isht a hohchifo tuk puta kv, Chitokaka ya okla hohoya chi ka, yvmak osh na yakohmi moma ka yvmihchi mak osh Chitokaka yvt achishke; achi holisso tok a.

18. Ummona pillvt isht auehinchi ka Chihowa yvt ilap nana a kaniohmi puta ka mominchit ithaiyana chatuk.

19. Yvmohmi hoka okla nan ik ithano atuk filemvt Chihowa ya im onvt maya ka, kil anumpulicho ka he ak o, vno vt aiahni lishke.

20. Amba na holba toba puta isht ai okpulo, micha ohoyo himita itin lumaka, mikmvt nana kv nuksitvt illi puta, micha issish aiena ka ik ahalaio ka chi kak o pit iloh i holissochashke.

21. Nitak hopaki isht auehinchi ka, Moses i holisso ha tmaha moma, kvna hosh isht ai anumpohonlikma, nitak hullo moma, sinakak a ai itim anumpohonli chatuk oka; ahanchi tok.

22. Mihma vbanumpeshi vhleha, micha asononchika vhleha, iksa vhleha moma ai itvpeha kv ilap ai itvpeha akinli, hatak ai vlhtoka ho Pal, micha Banabas ita tuklo ka ai itvpelinchit Antiak a pit tihlela he, vlhpesa ahni tok Chutvs osh Basabas hohchifo, micha Sailvs itatuklo itibapishi vhleha ya moma i shashonli kak a tok.

23. Micha holissochit ibbak fohki kv yakohmichi tok. Vbanumpeshi vhleha, micha asononchi ka, micha itibapishi vhleha aiena kv, itibapishi vhleha okla nan ik ithano a tok Antiak, Silia, micha Selisia puta aiasha ka pit aiokpvchishke.

24. Yvmohmi kv hatak kaniohmi ilvppa isht ia tuk osh,

anumpa isht hvchi ataklvmmmit hvchi shilombish okpanit, Hvchi hakshup vt tupa cha, nan vllhpisa ya hvsh holitoblashke, ahanchi tuk a e haiyaklo tok; yvmmak oka il atohno tuk keyu hoke.

25, 26. Chukvsh vt achvfa chohmit itvnahvt e chieya mvt, hatak vlhtoka hvpin Chitokaka Chisvs Klaist hohchifo pulla ka ilap im ilhfiopak a a kaiyanchi chohmi hatak o, pi holitopa Banabas, micha Pal ita tuklo ka ai itvpehvchit pit e hvchin tihlela he a, vllhpesa il aiahni tuk.

27. Yvmohmi hatuk osh Chutvs, micha Sailvs aiena ka pit e hvchin tihleli hoka, mihi yosh yvmmak ash fehna ka itih ho isht hvchim anohonla hi oke.

28. Yvmohmi ka Shilombish Holitopa, micha pishno il aiena kvt nana kvt weki kvt ai vllhpesa ilvppa chohmi ka, ai i shahli ho e hvchi onoicha he keyu kak o vllhpiesa il aiahni tuk oke.

29. Yohmi kvt nipi na holba toba pit im issa tuk, micha issish, mikmvt nana kvt nuksitvt illi tuk puta, micha ohoyo himita itin lumaka aiena kak o, hvchik ahalaio kashke. Yvmmak o hvchik il ahalaiacho hokmvto hvsh vllhpiesa hi oke. Hvchi achukmakashke; achi tok.

30. Yohmi na okla pit tihleli ma, Antiak a ai vla tok; micha okla laua ya itahobit tahli mvt, holisso hash ima tok.

31. Mihma yvmmak ash okla itim anumpuli mvt, nan im annoa kvt okla na yukpa tok.

32. Mihma Chutvs, micha Sailvs ita tuklo kvt, ilap mvt hopaii akinli hatuk okvt, itibapishi vhleha ha anumpa lawa ka isht atohnohonchi cha kvllochi tok.

33. Atuk osh yvmmak osh ahashwa na ahchieba ma, itibapishi vhleha yvt aiokpanchi cha vbanumpeshi vhleha ha pit in tihleli tok.

34. Yohmi kia Sailvs vto yvmmak inli ahanta kak osh im vllhpiesa tok.

35. Pal ak kia, micha Banabas aiena kvt Antiak a, inla laua ho ai itvpehvt mayvt Chitokaka im anumpa ha im abahanchi, micha isht im anumpohonli aiena tok oke.

36. Yvmmak atuk a nitak ont isht kaniohmi ma, Pal vt

Banabas ash, Anonti ivt tvmaha moma Chitokaka im anum-pa il ai anumpohonli tuk vt, il itibapishi vhleha ha i nowvt ayvt kaniohmi hosh ai ashakma e pisashke; im achi tok.

37. Mihma Banabas vt Chan osh Mak hohchifo ka ilau-ehit aya lhi a ahni tok.

38. Yohmi kia Pafilia ai i filvmmi cha iba takla nan isht vtvt ik ayo ke tuk ash, ilauelit aya ik vllpeso, Pal vt ahni tok.

39. Mihma itachowa kvv kullo fehna hatuk osh, iti filvmmi okla tok. Yohmi ma Banabas vt Mak a ilauei cha peni fokhvt Saipilvs a ona tok.

40. Mihma Pal vt Sailvs a hoyo cha itibapishi vhleha yvt Chihowa im aholitopa he mak o, pit im issa ma, ia tok.

41. Mihmvt yvmmak ashot iksa vhleha ya hlampkochit isht ayvt, Silia, micha Silisia aiena ka hlopulli tok oke.

CHAPTA XVI.

Pal vt Timohli a hakshup tvpli, 1. 14 Litie vt vbanumpuli toba.
24 Aboha kullo apesvchi vt vbanumpuli toba.

1. YUMOHMI mvt Tabi, micha Listi aiena ka vla tok. Mihma yvmma nan ithvna achvfa Timohlivs hohchifo hosh anta tok; Chu ohoyo na yimmi o ushi; amba iki okvto Klik hatak a tok.

2. Yvmmak oka itibapishi vhleha Listi, micha Aikonivm aiena aiasha kvv ahnichi tok.

3. Yvmmak osh takla aya hi a, Pal vt aiahni tok; micha ishi cha hakshup tvpli tok, yakni koyofa yvmma aiasha kvto Chu vhleha hatuk o, micha iki okvto Klik hatak a momvt ithana hatok oka.

4. Micha tvmaha puta a hlopullit aya mvt, nan vllhpisa vbanumpeshi vhleha, micha hatak asononchi aiena Cheluselem aiasha kvv apesa tuk a, holitobla chi ka ihmvt okla tok.

5. Yvmohmi ho iksa puta kvv yimmi kvv kvllo hiohli ma, holhtina mvt laua kvv nitak atukma, i shahlit ia tok.

6. Yvmohmi ma Fichia, micha Kaleshi yakni aiena a hlo-

pullit okla, micha Asia a anumpa ha isht ai anumponla he keyu, Shilombish Holitopa yvt i miha tuk o,

7. Mishi a itvlachi mvt, Bihlinia chukowa bvna tuk kia, Shilombish vt vlhpesa, ik im ahno tok.

8. Yohmi ma Mishi a ant itiachi mvt, Tloas a itvlachi tok.

9. Mihma ninak o, Pal a nan isht ahoba yvt ant i haiaka tok. Masetonia hatak osh hikia cha, im asilhhvchit, Masetonia ak o vla cha ant pi apelá, ahanchi tok.

10. Mihma yvmmak oka vbanumpa ont isht il im anum-pula he mako, Chitokaka yvt auet pi hoyo tok pulla ka, pim anukfihinla mvt, nan isht ahoba ka pisa tuk a, in chekosi ma, Masetonia ya ia pi bvna tok.

11. Yohmi cha Tloas a il a hotoffi mvt, auet apissalint mintit Samoleshi e la tuk osh, nitak atukla ka Niapolis a e la.

12. Michá ymma ashwt il ia mvt, Filippi, yvmmak okvt tmaha chito kvv Masetonia yakni koyofa ymma moma i shahli, okla wiha a binili a e la tok. Michá tmaha ymma il ashwa na nitak kanohmi tok.

13. Michá nitak hullo ma tmaha kohchvt ivt okhina lapali ka, yvmmak o vba pit ai anumpuli chatuk a, ont e chieya mvt, ohoyo hvv itahohumba ma il im anumpuli tok.

14. Mihma Chihowa aiokpanchi ohoyo achvfa Litie hoh-chifo, na humma lusbi kanchi, Hlaiataila tmaha vttá yvt pi haklo tok; mihi yo chukvsh o Chitokaka yvt tiwi na Pal vt nana isht ai anumpohonli ka anukfokha tok.

15. Michá ilap vt in chuka chvfa aienvt baptismo mvt, asilhhvchit, Uno vt Chitokaka ya pit im ai ahli li ka hvchim ahobakmvt, an chuka ya ont hvsh chukowa cha hvsh ashwashke; ahanchi mvt, pi atushpalechi tok.

16. Yakohmi tok, vba pit ai anumpuli ia hosh il aya ma, ohoyo himita achvfa kvv isht ahullo shilombish anukfoka hosh pi afama tok; yvmmak okvt nan anoli ilahobit vlhtoba chinto i shahli vhleha isht im ahayuchi a tok.

17. Yvmmak ashot Pal, micha pishno aiena ka piakaiyvt aya mvt tahpvt, Hatak yakohmi kvv Moma i Shahli Chihowa yako, in tvshka vhleha yosh ai okchaya hina hvvim abahanchi hoke; ahanchi tok.

18. Mihmvt ilvppa yakohomi na nitak kanohmi tok. Yohmi kia Pal vt ik im vllpeso hatuk osh filema mvt, shilombish ash, Chisvs Klaist hohchifo pulla hō, chishno vt ymma ish akohcha chī ka, chī miha lishke; im achi tok. Mihma ymmak ashot mih makinli hō kohcha tok.

19. Yvmohmi ma ī shahli vhleha yvt nan isht ai ahayunchi ashot kvnia na pisa mvt, Pal, micha Sailvs ita tuklo ka hokli cha, hvllat ishtivt nan vpa a kanchi ā isht chukowvt, hatak pehlichī vhleha yā isht im ona tok.

20. Michā ishtivt tvshka chipota ī mīko vhleha yā isht im ona cha, Hatak ilvppvt Chu okak osh hvpin tmaha hā ataklaiyvmmi fenvshke.

21. Michā Lom okla pia hvvt, nan vllhpisa ymma il aiokpvchi cha, e holitobla he pim ai vllpesa keyu ka pim abahanchishke; ahanchi tok.

22. Yohmi ma okla laua yashot im a svnali himona achvfa wakaya tok; mihma tvshka chipota ī mīko vhleha yashot im ilefohka yā okla ī shueli mvt bola chī ka, okla apesa tok.

23. Mihma fvma lāwa hō okla onochi mvt, aboha kvllo apesvchi ā achukmalit apesahancha chī ka im apesvt tahli cha, aboha kvllo pit apitta tok.

24. Ymmak ashot nana kvv yakohmit im vllhpihisa mvt, aboha kvllo anūkaka pilla pit apitta cha, iti iyi isht akvllo isht a kvllochi tok.

25. Yvmohmi tuk o ninak iklvna ma, Pal, micha Sailvs ita tuklo kashot vba pit anumpulit, Chihowa pit aiokpvchit in talohowa tok; mihma aboha kvllo vllhpinta tuk vt haiyaklo tok.

26. Mihma yakosi fena makinli hō, yakni winakvchi chinto na, aboha kvllo nutaka intola yvt ilhkoli tok: mihma ashaliika okhissa yvt momvt tiwa ma, momvt im isht talakchi yvt ī mokohli tok.

27. Mihma aboha kvllo apesvchi yvt nusi tuk vt okcha cha, aboha kvllo okhissa puta kvv tiwa hō pisa mvt, aboha kvllo vlhto ā tihlaiyvt tamoa tuk ā, im ahoba mvt ī bvshpo falaia yā hvllat shufi kvv ile ba chin tok.

28. Yohmi kia Pal vt chitolit pit tahpvlvt, Momvt ilvppa e maya hoka, nana kia chik ile kanihecho kashke; ahanchi tok.

29. Mihma p_vla h_a pit hoyo cha, mvlet pit chukowvt w_nnihinchi hosh v_la mv_t, Pal, micha Sailvs ita tuklo itikba y_a ant hlipia tok.

30. Micha pehlichit kohcha mv_t, Hatak hvchia ma! sai okchaya ch_i kvto nanta k_o katiohmi la ch_i cho? achi tok.

31. Yohmi ma, Chitokaka Chisvs Klaist ak o ish i yim-mashke, mikmak osh chishno, micha chin chuka achvfa aienvt chi okchaya hi oke; achit okla tok.

32. Micha Chitokaka im anumpa h_a ilap, micha in chuka an_uka y_a m_aya tuk ash a mominchit isht im anumpuli tok.

33. Mihma ninak hvshi kanvlli isht vlhpisa mih makinli h_o ishi cha, a f_vma tuk a achifa tok; mihma ashalika ilap vt in chuka chvfa momvt baptismo tok.

34. Micha pehlichit im aboha y_a ishit chukowa mv_t, ilh-pak a itikba in talohli mv_t, in chuka chvfa y_a a moyumvt Chihowa y_a yimmit na yukpa tok.

35. Yvmohmi tuk o onvt taha ma, tvshka chipota i m_i-ko vhleha yvt anumpeshi a pit tihleli mv_t, Hatak yvmvt ant ik itiachi, ahanchi tok.

36. Atuk o aboha kvllo apesvchi yvt Pal a anumpa ilvppa im anolit, Tvshka chipota i m_iko vhleha yvt ant ik ay_a, auct hvchim aiahni tuk oke; yvmohmi hoka himak ano koh-chvt ivt, na yukvt hvsh ayashke, achi tok.

37. Yohmi kia Pal vt, Anumpa vlhpisa yosh pi onvtula keyu ka, Lom hatak pia ho kak o haiakvchi hosh pi fahami cha, aboha kvllo y_a pit pi apitta tuk; yohmi kash ot anonti peh luma hosh pi kohchi hoh cho? Yohma he keyu pul-lvshke. Amba ilapo inlit ai v_la cha, isht pi kohchashke; im ahanchi tok.

38. Atuk o anumpeshi ash ot anumpa ilvppa tvshka chipota i m_iko vhleha yash ont im anoli tok. Mihma yvmvt Lom hatak atuk o okla haklo mv_t, nukshopa tok.

39. Mihmv_t ai v_la cha ant im asilhvvt, isht kohchi mv_t, tvmaha h_a a kohchvt okla hinla ka, im ahni tok.

40. Mihma aboha kvllo a a kohevvt ia mv_t, Litie in chuka ont chukowvt okla tok; micha itibapishi vhleha y_a pisa cha hopohlvtit tahli mv_t, kohevvt itiachi tok oke.

CHAPTA XVII.

Pal vt Hlessalonika ya vba isht ai anumpuli, 1. 10 Pal vt Belia
ako ai anumpuli. 15 Pal vt Ahlens a ai anumpuli.

1. Y UMOHMI kashot Amfipolis, Apollonia aiena ka
hlopullit okla mvt, Hlessalonika yvmmak o Chu okla i sina-
kak vt hikia ho itvlachi tok.

2. Mihma Pal vt yvmmak o a yohmi atuk okvt ont iba
chukowa cha, nitak hullo nitak tuchina ka Holisso Holitopa
ya ai isht okla ha im anumpohonli tok.

3. Klaist vt issikkopa he, micha illi tuk osh falamvt tana
hi vt ai vlhpiesa tok, isht i fahpullit im abvchit, yvmohmi
ka Chisvs ilvppa vno vt isht hvchim anumpohonli li kak
osh, yvmmtv Klaist mak oke; achi tok.

4. Mihma kanimi kvv yimmi mvt Pal, Sailvs ita tuklo
kash iba kaha tok. Mihma Klik hatak vbanumpuli laua
fehna, micha ohoyo holitompa aiena kvv kanomosi tok ke-
yushke.

5. Yohmi kia Chu okla nan ik yimmo hokvto anukhobela
mvt, hatak haksi nan isht vta ik im iksho kaniohmi ho
pehliehit itvnali cha, tmaha okla ha mominchit nukhla-
kashlit, Chesvn in chuka ya o yihlepa tok; micha pehlichit
kohchvt okla isht im vla chi hosh yvmmak ash hoyo tok.

6. Atuk osh yvmmak ash okla ik ahayucho mvt, Chesvn
micha itibapishi vhleha kaniohmi ka-aieninchit, hvllat tma-
ha apehlichi vhleha ya isht im ona cha, tahpvlvt, Yakohmi
kvv yakni a shot filimmi tuk vt ilvppak kia ai vlshke.

7. Mihiyo Chesvn vt pehlichit ishi tuk; micha yakohmi
kvv momvt Sesa i nan-vlhvisa ai ahalaia keyu ho, okla yv-
mohmit, miko inla Chisvs vt asha hoke, ahanchishke, achi
tok.

8. Mihmtv okla puta, micha tmaha apehlichi vhleha
aiena kvv na yakomi ka haklo ma, nukhlaakashli tok.

9. Mihmtv Chesvn, micha inla aiena anumpa nana ho im
ai ishi kvv im vlhpesa mvt, asht ik itvnowa, okla im abni tok.

10. Mihma itibapishi vhleha yvt ashalika ninak o Pal, Sailvs itatuklo kash Belia pit tihleli tok; yvmmak ash itonachi mvt, Chu okla i sinakak o ont abeha tok.

11. Yakohmi kvtto hochukma kvt Hlessalonika maya ka i shahli tok, im anukfila mominchit isht aiokpanchit anumpa ha ishi hatuk osh, micha yvmmt yohmi ho mvhli ho chishba, nitak moma Holisso Holitopa ya a hohoyo tok.

12. Yvmohmi hatuk osh okla yvmmt laua hosh yimmi tok; mihma Klik ohoyo holitempa vhleha, micha hatak aiena mvt kanomosi tok keyushke.

13. Yohmi kia Chu okla Hlessalonika asha kvt, Pal vt Chihowa im anumpa ha Belia ya isht ai anumpohonli ka pit akostininchi mvt, yvmmak ash kia okla ai vla cha, okla ha ant okpni tok.

14. Mihma ashalika itibapishi vhleha ash osh Pal a okhvt a ak o ia chohma chi ho, pit chvffichi tok. Amba Sailvs, micha Timohlivs itatuklo kvtto yvmmak inli ho asha moma tok.

15. Mihma Pal ilauet isht okla aya tuk vt Ahlens a isht ona tok; micha Sailvs, Timohlivs itatuklo kvt tushpa fehnvt im itonancha chi ka, pit i miha, anumpa ishi mvt, okla ilhkoli tok.

16. Yohmi ma Pal vt yvma pit hoyo hosh Ahlens a anta takla cha, vmaha hvt na holba toba banot isht alotowa na, pihisa mvt im anukfila hvt ik vlhpeso ki tok.

17. Yvmohmi hatuk osh Chu okla, micha vbanumpa ahni vhleha aiena ka, sinakak micha kva ho nana ai itatoba ai itafama hokvt nitak moma ai im anumpohonli beka tok.

18. Mihma hatak nan-imponna Epikulvs iksa, micha Istok okla aiena kanihmi kvt, yvma okla itim anumpuli tok. Mihma kanimi kvt, Anumpuli shahli ilvppvt nanta ko acha hinla? achi ma; kanimi kvt, Chisvs, micha falamvt tani aiena isht im anumpuli hatuk o, Yakni kanima nan isht ahullo ho isht anumpuli ha chinishke; achi tok.

19. Mich a okla ilauelet ishtvt, Mas nvni a isht ona mvt, Ilvppvt anumpa himona nana ho isht ish ai anumpuli hatakma, il ithva hinla cho?

20. Chishno yokvt nan inla nana mak o pi haksobish a ant ish foyuki boka. Yohmi hoka ilvppvt kaniohmi hatuk okma il akostinincha hinlvshke; ahanchi tok.

21. Ahlens okla moma, micha yakni inla hatak puta yvmma aiasha aiena kv̄t, nan inla yo keyu, amba na himona fehna anoli, keyukmv̄t haklo hokmá, nana hosh aiasha bilia hatok oka.

22. Yvmohmi ma Pal vt Mas nv̄nih iklv̄nna ya hikia cha, Ahlens okla hv̄chia ma! nana a kaniohmi puta ka na holba toba ya hv̄sh aiokpanchi fehna ho, hv̄chim akostininchi lishke.

23. Ant ia li kv̄t hv̄chi na holba toba puta ka pih̄isa li mv̄t, vba tv̄la ya, Kv̄na ik ithano Chihowa mak o, achi, ilvppak osh isht ai o holisso ka pisa li hokv̄no. Yohmi hoka hv̄sh ithana keyu hosh, pit hv̄sh aiokpahanchi chatuk, mihmak o, vno vt hv̄chim anohonli lishke.

24. Chikowa yakni, micha nana moma yvmma anukaka aiasha aiena ka ikbi tok; yvmmak okvt vba shutik, micha yakni aiena ka in Chitokaka yokvt tēmpel puta ibbak a isht toba ya, ai ahanta keyu.

25. Micha nana hosh ik im iksho hatuk o, hatak ibbak vt im isht anta chatuk keyu; yvmmak osh moma ka okchaya, micha im ilhfiopak, micha nana moma aiena ka ih̄ima hatuk oka.

26. Micha issish achv̄fa ho, hatak oklushi moma yakni paknaka a mominchit aiasha hi a ikbi tok; mihmv̄t nitak kaniohmi v̄lh̄pisa ho, micha kanima yo aiasha he puta ka, apesa tok.

27. Yvmmv̄t Chitokaka ya hoyā ch̄i hatok; yvmmak okv̄to eho moma ka hv̄pi mishemanchi keyu nana kia, yohma he yobakmv̄t, pasholit hoyo fehna cha, yvmmak oka ahayucha hinla hoke.

28. Hv̄pishno vt yvmmak o iloh ai okchaya, micha ilhkolit, iloh aiasha hoka. Hv̄chim ataloa ikbi kaniohmi kv̄t, Hv̄pishno ak kia yvmma ushi hv̄pia hoka, ahanchi akinli tok oka.

29. Yohmi ka Chihowa ya ushi v̄hleha pia hokvt, Chiho-

wa imma ya tuli holisso lakna okmá, keyukmvt, tuli hvta, keyukmvt tuli, hatak nan isht vttá imponna nana anukfilli hosh, na holba ikbi ya chohmi hoka, hvvim ahoba he tuk keyu hoke.

30. Nan ik ithaiyano nitak yvmmak foka hokvno, Chiho-wa yvt tohmosonli hosh pihisa tok kia; amba himak okvno hatak okluha kanima moyuma ahanta kvv ile kostininha he ak o, im apihisvshke.

31. Hatak a ilapo inlit atokoli tok, yvmmak o yakni a ai ahli banot nan isht im apesa he vt nitak a apesa tok okvt; illi tuk a tanichi hosh moma ka im ai ahlichí tok; ahanchi tok.

32. Illi falamvt tana he puta okla haklo mvt, kanimi kvv isht yopula tok; mihma kanimi kvv, Anonti himmakma ilvppa e chim a hakla hi oke; achi tok.

33. Yakohmi ho Pal vt okla iklvnnaka ya, akohcha tok.

34. Yohmi kia hatak kaniohmi kvto yimmi cha, yvmmak ash ibakaha tok. Yvmma iba takla kvv Taionishvs, Mas nvnihi nan ai apesa, micha ohoyo Tamelis hohchifo hosh, anonti inla ai itvpeha tok oke.

CHAPTA XVIII.

Pal vt Kolinhla, a ibbak isht a toksvli, micha vba isht ai anumpuli aiena, 1. 9 Holhpokuna hosh isht ai i yiminta.

1. NANA kvv a yakohmi ha ya, Pal vt Ahlens a akohchvt ia mvt, Kolinhla a vla tvk.

2. Micha Chu hatak achvfa Akuila hohchifo, Pantvs ai vttá tok vt, tekchi Plisilla ita tuklo kvv, Kilativs vt Chu vhleha yvt momvt Lom a akocha wiha chi ka, apesa hatuk o, Itili ya ashvvt itvlachi tuk a cheki hosh ashwa na, pisa mvt yvmmak o im ona tok.

3. Micha ilap vt a toksvli itim ai achvfa hatuk okvt, takla ahantvt toksvli tok; yvmmak okvt isht vlhtipo ikbi im vlhtayak vhleha ha tok okvt.

4. Mihmvt sinakak a nitak hullo moma ai anumpulit, Chu vhleha, micha Klik okla aiena ka nukfokichi tok.

5. Atuk o Sailvs, micha Timohlivs ita tuklot Masetonia ashvvt itvlachi ma, Pal vt chukvsh vt a yimihinta mvt, Chisvs ak osh Klaist pulla mak atuk a, Chu okla ha im abahanchi fehna tok.

6. Mihma okla i sanalit ik ahobalot anumpuli ma, ilap im ilefohka ya wilohli mvt, Hvch issish vt hvchi noshkobo akinli ho onutulashke, vno vto sa kashofvshke. Himmak pilla ano okla nan ik ithano vhleha ak o im aya la chi hoke; im achi tok.

7. Michā yvmmak ash akohchvt ia mvt, hatak achvfa Chvstvs hohchifo, Chihowa aiokpahanchi in chuka ont chukowa tok. Yvmma in chuka yvt sinakak o bilikasi ho, talaia hatok.

8. Mihma Kispvs sinakak apelihchika yvt in chukachvfa moma ai itvpehvt, Chitokaka ya i yimmi tok. Mihma Kolinhla okla hvt haklo mvt, laua hosh yimmi cha baptismo tok.

9. Mihma Chitokaka yvt ninak o, Pal vt holhpokuna chohmi ka im anumpulit, Chi nukshopa ná, amba anumpuli, micha lumvt chik ashō kashke:

10. Ūno vt chi awant aya li hoka; hatak nana hosh chi onvtulvt chi hotopala he keyu hoke, tvnaha ilvppa okla lauvt vm ai ashwa hoka; im achi tok.

11. Mihma Chihowa im anumpa ha ai im avchit ahanta na avvmmi achvfa cha hvshi hannalit aiena tok.

12. Atuk o Kalio vt Akaia i nahullo mikot ahanta ma, Chu okla hvt im anukfila ai achvfa chohmit, Pal a o kinafvt ishit nana ai apesa ya isht ona mvt,

13. Nan-vlhpisa ya ai ahalaia keyu ka, Chihowa ya aiokprcha chi ka, hatak ilvppvt okla ha atohnohonchishke, achanchi tok.

14. Mihma Pal vt ilap itih ha wakvmma chi foka ma, Kalio vt, Chu okla hash nana kv ik vlhpeso, keyukmvt, okpulo fehna nana hatuk okmvno, vno vt hvchim aiokpanchi la hi a, ai vlhpiesa he tuk oke, Chu okla hvchia ma!

15. Amba anumpa, micha hohchifo puta, mikmvt hvchi nau-vlhpisa imma aiena isht anumpa hatukmvno, hvchishno

akinli hosh yummuno isht hvsh ashashke. Uno yokvto nana yumma chohmi hokvno, non apesvt ahanta la he keyushke, im achi tok.

16. Mihmvt nana ai vllhpisa asha tuk a kvnom pit tihleli tok.

17. Mihma Klik vhleha hvv momvt sinakak apelhichi Soshlenes a, okla hoklit ishi cha, nana ai vllhpisa itikba ya a boli tok. Mihma Kalio vt yumma puta ka nan isht ik ahno tok.

18. Yakohmi ha ya, Pal vt ahanta na nitak kanohmi tok; atuk osh itibapishi vhleha ya aiokpvchit tahli mvt, Plisilla, micha Akuila aiena ka ai itapilvvt peni fohkvvt ayvt Silia ya ia tok; anumpa ha il onochi tok okvt, Kenklea pashi ai vmo tok.

19. Micha Efesvs a vla mvt, yummak o ant ashachi cha; amba ilapo vto vba isht ai anumpa chuka ont chukowa cha, Chu vhleha ya im anumpohonli tok.

20. Mihma takla anta na hopaka hinla ka, okla ahni ma, ilap ak osh ik haklo tok.

21. Micha okla ha aiokpvchi mvt, Ik kaniohmi kia, impa holitopa mihinti ilvppa Cheluselem ak o ai isht anta la chi hoke. Yohmi kia Chihowa ak osh ik yohmi ahni hokma, falamvt chim aya la he akinli hoke; ahanchi tok. Mihmvt peni fohkvvt Efesvs vttvt ia tok.

22. Atuk osh Sesalia ya ont atayali cha, pit oiyvt iksa vhleha ha ont aiokpvchit tahli mvt, Antiak a ia tok.

23. Mihmvt yumma ont anta naha cha ia mvt, Kaleshi, micha Fichia yakni aiena ka, nan ithvna vhleha moma hlampkochit abaiyvt ayvt hlopulli tok.

24. Mihma Chu achvfa Apollos hohchifo, Aleksantia ai vtta tok, hatak anumpuli imponna, micha Holisso Holitopa ya imponna fehna yosh Efesvs a vla tok.

25. Hatak ilvppvt Chihowa i hina yvt im vlvvchi ya tok; micha chukvsh vt ai yimihinta hatuk osh, Chan i baptismo ak illa ho ithana hosh, achunanchit Chitokaka immi ya isht anumpuli, micha im avvchi aiena tok.

26. Micha nukwaya kvv iksho hosh, sinakak a ai anum-

pulit ishtia tok. Yvmmak ash o Akuila, micha Plisilla ita tuklo kv̄t haklo mvt, yvmmak ash pit hoyot ishi cha, Chihowa i hina ya achukmalit i shahlichit im anohonlit okla tok.

27. Micha Akaia ya ia ka bvnna ma, nan ithvna vhleha yvt okla aiokpahancha chi ka, pit atohnochit, itibapishi vhleha yvt holissochi tuk o; yvmmak ashot vla mvt, i nukhaklo na yimmi tuk vhleha ya apelahanchi fehna tok.

28. Yvmmak okvt, Chisvs ak osh Klaist mak a tok a okla itin takla Holisso Holitopa ya ai isht im abahanchit Chu okla ha anukfohki fehna tok oke.

CHAPTA XIX.

Pal vt ibbak isht umbitepaka Shilombish Holitopa yvt anukfohoka tok. 17 Vbanumpa yimmi kv̄t laua.

1. ATUK o, yakohmi tok, Apollos vt Kolinhla a anta moma ma, Pal vt ibetvp pilla ka a hlopulli mvt, Efesvs a vla tok; micha nan ithvna kaniohmi ka ant pisa mvt,

2. Hvchi yimmi tok takla kv̄to, Shilombish Holitopa ya hvsh eshi tok oh cho? im achi tok. Mihma Shilombish Holitopa yvt asha hokma, nana kak kia, e haklo chatuk keyu hoke; okla im achi tok.

3. Mihma, Yohmi kv̄to, nanta ko ai isht hvchi baptismo hatok o? im achi tok. Mihma, Chan i baptismo ak a tok; okla achi tok.

4. Mihma, Chan vto ile kostininchit baptismo yo isht baptismochi ho mvhli cha, ilap iakayvt mihinti, Klaist Chisvs mak o yimma hi a, okla ha im ahanchi tok; Pal vt achi tok.

5. Mihma ilvppa okla haklo mvt, Chitokaka Chisvs hohchifo ha isht okla baptismo tok.

6. Mihma Pal vt ibbak a okla hash, isht umbitepa ma, Shilombish Holitopa yvt ant onvtoyula tok. Mihma anumpa ilaiyuka okla anumpuli mvt, vbanumpa aiena isht anum-puli tok.

7. Micha hatak vt moma kv̄t auah̄tuklo foka hatok.

8. Micha sinakak ont chukow̄vt, nukwaya iksho hosh, Chihowa apehlichika imma ya isht anumpulit, anukfohki-chit ahanta na hvshi tuchina tok.

9. Yohmi kia kaniohmi hokv̄to chukv̄sh kv̄llo taha cha, ik yimmo mv̄t, hina yvm̄mak ash na mihachit okla laua itikba ya ai anumpohonli ma, yvm̄mak ashot ai i filv̄m̄mi cha, nan ithv̄na vhleha hash a filamolechit eshi cha, Tailanvs osh na-na ai ikhv̄na i hikia h̄o, nitak moma ai anumpohonli tok.

10. Ilv̄ppa yakohmi kv̄t imoma na afv̄m̄mi tuklo tok; yohmi hatuk o, Chu, micha Klik okla aiena Asia ai asha tuk vt momv̄t Chitokaka Chisvs im anumpa h̄a haklo tok.

11. Mihma Chihowa yv̄t nana kv̄t isht ahullo fehna kani-ohmi ka, Pal ibbak a isht a yvm̄ih̄inchi tok.

12. Yvmohmi hatuk o, nantapv̄ski puta, keyukmv̄t, tikba takohlichika, yvm̄ma hakn̄ip a ai isht abeka puta ka isht im oh̄ona; yohmi ma nan ililli puta kv̄t ai i filamoli, micha shilombish okpulo aiena kash ot akohoncha beka tok.

13. Yvmohmi ma Chu kaniohmi nan isht-ahullo okpulo kohchi ilahobit itanowa yv̄t, shilombish okpulo anukfoka vhleha h̄a, Chitokaka Chisvs hohchifo h̄a isht ai o hochifo-chit pisv̄t, Chisvs, Pal vt yvm̄ma isht ai anumpohonli ka pulla h̄o, anumpa kv̄llo ai isht e chi onohonchishke; ahan-chi tok.

14. Yohmi ma Chu hatak Sifa hohchifo, na holitompa isht asha pehlichika o ushi untuklo hosh yvm̄ma yohmi tok.

15. Mihma shilombish okpulo ash ot falaminchi mv̄t, Chisvs a ithana li, mikmv̄t Pal ano ithana li; amba hv̄chishno ak osh kv̄ta hv̄chia h̄o? achi tok.

16. Mihma shilombish okpulo yv̄t a foka hatak ash ot yvm̄mak ash o mv̄let, onvtulv̄t isht i shahlichit imaiyachi tok; yvmohmi na na fohka iksho micha ai okpulo kv̄t taha aiena hosh, chuka yvm̄mak ash akohev̄t yihlepa tok.

17. Yohmi ma Chu okla hv̄t moma, micha Klik puta aiena Efesvs asha tuk vt, ilv̄ppa okla akostininchi tok; mihma na nukshopa hv̄t mominchit onvtoyula ma, Chitokaka Chisvs hohchifo hv̄t holitopa tok.

18. Mihma na yimmi tuk vt laua hosh ai vlt ant il anolit, nana akaniohmi chatuk puta kv̄t anohonli tok.

19. Micha isht ahullo imponna v̄hleha hatuk aiena kak kia, laua hosh i holisso puta ka isht itahobi cha, hatak moma itikba ya a hukmi tok. Micha ai v̄lhtoba ya okla hohihna mvt, tvli hvta boshulli tahlepa sipokni pokoli tahlapi tuk o, akostininchi tok.

20. Chihowa im anumpa hv̄t kv̄llo kv̄t i shahlit ia fehna, yakohmi hosh imaiyachi tok.

21. Nana kv̄t a yakohmit ont ai issv̄chi ma, Pal vt Masetonia, micha Akaia aiena ka hlopullikmvt, Cheluselem a ia hi vt chukv̄sh a isht ai ahni mvt, Yv̄mma ont anta li tukmvt, anonti Lom ma pisa li pulla akinlashke; ahanchi tok.

22. Mihmvt im ai itapela tuklo Timohlivs, micha Elastvs aiena ka Masetonia pit tihleli cha, amba ilapa vto Asia ya anta na ahchiba tok.

23. Mihma nitak yv̄mma fehna ma, hina yv̄mma okla hv̄t nanumachi fehna tok.

24. Hatak achvfa Temetivs hohchifo, tvli hvta ikbi, yvmak osh Taiena ya tvli hvta itombushi puta im ikbi yosh isht v̄lhtoba mvt chv̄bihasi keyu ho, hatak nan ikbi imponna v̄hleha ya isht im v̄la cha;

25. Yvmmak ash, micha nan isht vtta ai itim achvfa v̄hleha aiena ka hoyot itahobi mvt, Hatak puta ma! nan isht ai vtta ilv̄ppa pulla ho, nan isht il ahayuchi ka hv̄sh ithaiyanv̄shke.

26. Yvmohmi ka Efesvs ak o bano keyu, amba Asia a a mominchi chiyuhmit Pal ilv̄ppvt, ibbak isht toba yokvto chitokaka v̄hleha nana ho keyu hoke, ahanchi cha, okla laua ka anukfokichit filamolihinchi ka hv̄sh pisa, micha hv̄sh haklo aienv̄shke.

27. Yvmohmi ka hypishno nan isht iloh ai vtta ilv̄ppak bano ho, ik ahobalo ka he fehna keyu; amba nan isht ahullo ohoyo chito Taiena in tempel ak kia aienvt kalakshikma, anonti yvmmak o Asia moyuma, micha yakni puta kv̄t aiokpahanchi yash isht aholitopa yvt ont ai okpulot kv̄nia hinla fehna hoke; achi tok.

28. Mihma okla haklo mvt, anukhobelvt alota mvt, tahpvlvt, Efesvs okla in Taiena vt chinto hoke: ahanchi tok.

29. Mihma tvmaha ha yahapa kvt alotvt knia tok. Micha Masetonia hatak, Pal apehvt nowvt aya Kaius, micha Alistakvs ita tuklo ka hoklit okla ishi mvt, im anukfila ai achvfa chiyuhmit yihlepvt, okla ai itahoba chatuk a pit abeha tok.

30. Mihma Pal vt okla ha pit iba chukowa bnna tuk ak o nan ithvna vhleha yvt vlhpesa, okla ik im ahno ki tok.

31. Mihma Asia hatak pehlichy vhleha kaniohmi, yvmma i kana yatuk vt, okla ai itahoba ya pit chukowa bnnvt ik peso ka hi a, ahnit pit im anoli tok.

32. Yvmohmi ma kanimi kvt nana ho mihakma, anonti inla mvt inla ho miha tok; itvnaha hak osh ai vlhpesa keyu hatuk o, micha moma chohmi kvt nana kaniohmi ho itvnaha hatuk vt ik ahostinincho ki tok.

33. Mihma Aleksanta ya okla laua akohchi ma, Chu okla hvt tikba pit hilechi tok; mihma Aleksanta yvt ibbak pit fahvmmi mvt, okla ha im isht il anumpuli bnna tok.

34. Yohmi kia yvmmak okvt Chu atuk o, okla akostininchi mvt, momvt anumpa achvfa, Efesvs okla in Taiena yvt chinto hoke, tahpvlvt ahanchi na hvshi kanvlli tuklo foka tok.

35. Mihma tvmaha i holissochi yokvt okla ha yokopli mvt, Efesvs hatak hvchia ma! Efesvs tvmaha hvt nan isht ahullo ohoyo chito Taiena, micha na holba toba Chupita a mintit akatula tok aiena ka aiokpvchi a, hatak nanta hosh ik akostinincho kvt ahanta cho?

36. Yohmi ka ilvppa nana ho isht ai acha hi o keyu hoka, hvchishno yvt nukchintot hvsh maya cha, tushpvt nana hvchik kaniohmo ka he tuk oke.

37. Hatak yakohmi kvt tempel puta wehpuli keyu mvt, anonti hvchi nanisht ahullo ohoyo ma ik ahobalot na miha-chi o keyu hokak o, ilvppa isht hvsh la tuk oka.

38. Yvmohmi hoka Temetivs vt, micha hatak nan ikbi vhleha yvmma apeha kvt, hatak nana kia nana im a kanioh-

mi tuk in takanli hokma, nan vľhpisa nitak vt aśha, micha nan apesa vľleha mvt mayvshke; nan vľhpisa iti onochit ik aśhá.

39. Amba nana inla imma yō hvsh ai asilhhvchi hokma, yvmmak okvto itvnaha ai aľhi hō ai vľhpisa hi oke.

40. Itvnaha ilvppak atuk a nana hō isht il ai anola he mvt iksho; yohmi hokvt himak nitak nana ai vľhpiesa mvt iksho ka, nan vľhpisa yvt hvpi onvtula he fehna loka; achi tok.

41. Micha yakmichit anumpulit issa mvt, itvnaha yash tishelichi tok oke.

CHAPTA XX.

Pal vt Masetonia ona, 1. 7 Pal vt Chitokaka im opiaka impa holi-toblit antvt, vba isht anumpuli. 28 Pal vt ikxa in tikba vľleha hā atohnochi.

1. ATUK o yahapa kash ot issa ma, Pal vt nan ithvna vľleha ya hoyo cha ai okpvchi mvt, Masetonia a ona chi hosh ia tok.

2. Atuk osh yakni puta yvmmak ash a hlopullit, im anumpohonli fehnvt aya tuk osh Klis a vľa tok.

3. Micha yvmmak o ahanta na hvshi tuchina tok. Mih-mvt peni fohkvt Silia ia chi foka ma, Chu vľleha hvť im aie chi ma, falamvt Masetonia pit hlopulli ka ahni tok.

4. Mihma apehvt Asia ona kvť Sopeta, Belia hatak, micha Hlessalonika okla Alistakvs, micha Sikvntvs, micha Tvbi hatak Kaivs, mikmvt Timohlivs aiena kak, a tok; mikma Asia hatak vt Tikikvs, mikmvt Tafimvs aiena kak a tok.

5. Yakohmi kvť tikba ilhkoli tuk osh Tloas ak o ont aśh-wvt pi hoyo tok.

6. Mihma pvśka ik shatvmmo vpa nitak vt ai issachi ha yō, peni vľbihvt, Filippi aśht e minti kvť, nitak tahlapi hō Tloas a il im ai vľa cha, yvmmak o il aśha na nitak untuklo tok.

7. Mihma nitak hullo achvfa nitak ahpi hō, nan ithvna

vhleha hvt pvska kobahlichia chi hosh itahoba ma, Pal vt onnakma kanima ia chi hatuk osh, im anumpuli mvt; anum-pa hash isht mahaya na, ninak iklvnna ona tok.

8. Mihma aboha vba potvlhpo ai itahobvt maya ka, pvla hvt lawa tok,

9. Mihma hatak himita achvfa Yutikvs hohchifo hosh okisushi ya asha tuk osh nusit kvnia tok; anonti Pal mvt anumpa ha falaiachi aiena hatuk o, nusit kvnia kvt akia cha, vba potvlhpo ont atuchina ho vttvt aka ont ittula cha, illi yo okla sholit wakeli tok.

10. Mihma Pal vt pit akowa cha, ont onvtuyulvt ishi mvt, Im ilhfiopak vt a foka moma hoka, ik hvchi nukhlakancho kashke, achi tok.

11. Yvmohmi hatuk osh falamvt oiya mvt, pvska ya kobahlichit impa cha, anumpohonli hopaki, polaka onnvt taha ho, kohchvt ia tok.

12. Mihma hatak himita yashot okchaya ho, okla isht vla mvt, na yukpa kvt chohmi tok keyu.

13. Mihma tikba ivt peni ya il ona cha, ilap vt aka ayvt ia kak o ahni cha, yvmmak o miha tuk oka, yvmma Pal ont ai isht e fohka chi, pim ahoba hosh peni fohkvt ivt Asvs a il ona tok.

14. Atuk osh yvmmv Asvs a a pi afama ma, ishit auet e fohki cha, mintit Mitilini ya e la tok,

15. Micha yvmma asht peni fohkvt, e minti tuk vt nitak atukla ma, Kaios, i chapaka e la tuk osh, anonti onna ma, Samvs e la cha, Tochilvm a ant il ashwa tok; atuk osh onna ma mintit Mailitvs a e la tok.

16. Pal vt Asia a antvt nitak i kvnia ik bvnno hatuk osh, yohma hinla yobakmvt, Pentekost nitak a Cheluselem a, ont anta chi hatuk osh, tushpvt aya hokvt Efesvs a peni fokvt ont ia he ak o, ahni tok.

17. Micha Mailitvs ak o vttvt, ikxa i pehlichia vhleha ha Efesvs a pit hoyo tok.

18. Atuk o okla im ai vla ma, Asia ya vla li nitak vmona tok ai itin taiyakla kvt, nitak moyuma ka kaniohmi hosh hvchi awant ahanta li chatuk,

19. Chukvsh akanlosi bieka, micha nishkin okchi mihinti fehna hosh, Chu vhleha hvt aiechit maya na, na palvmmi puta sai onvtulvt, Chitokaka ya im antihya li tok.

20. Micha hvchishno nan isht hvchim ai vlhpesa puta ka hvchim a luhmi li tok keyu; amba hvchim anolit ai itvnaha, micha chuka puta, a hvchim abahanchi li tok.

21. Chu okla, micha Klik vhleha aiena ka, Chihowa ile kostininchit i falama cha, hvpin Chitokaka Chisvs Klaist a i yimmi aiena ka, im abahanchi li fehna chatuk a, hvsh ithaiyanvshke.

22. Yvmohmi hosh himak a sa chukvsh vt pit a yiminta fehna hosh, yvmma nana a si akaniohma hi a pit ithana iksho hosh, Cheluselem a ia lishke.

23. Amba Shilombish Holitopa ak osh tvmaha moma ka ai anolit, talakchi, micha na palvmmi puta kvv an takalishke; ahanchi kak illvshke.

24. Yohmi kia nan ilvppa puta kvv achvfona kia ik sa folulechoshke, micha na yukpa hosh a nitak ma, micha nan isht vtta Chihowa achukma ka anoli, vbanumpa im avvchi la he, Chitokaka Chisvs a ai im ishi li tuk vt atahli la chi kvv, vm ilhfiopak a a holitopa ak ai ahnoshke.

25. Yvmohmi hosh himak a, Chihowa apehlichika ya isht hvchim anumpulit hvch itin takla ma aya li chatuk a, hvsh moyuma kvv himmakma sa nashuka ya hvsh pisa chi keyu ka, ithaiyana lishke.

26. Yvmohmi hoka hatak okluyuha im issish a, vno yvt nan isht ai ahalaia li keyu kvv, ai ahli mak osh himak nitak a hvchishno a hvchim anohonli lishke.

27. Vno vt Chihowa im anukfila puyuta ka hvchim anoli ka, sa nukwaya iksho chatuk okvt.

28. Yvmohmi hoka hvchishno akinli, micha nan iakaya vhleha moma, Shilombish Holitopa yvt mihi yo apesvchi puta hvch ikbi tok a, ahah! ahnit Chihowa im iksa puta ilap im issish akinli ho isht chumpa tok a, mominchit hvsh pehlichashke.

29. Vno vt kanima atia li ha ma, nashoba okpulo nan

iakaiya vhleha hash, i nukhaklo iksho mak osh, ant hvch iba chukowa he ; ilvppa vno vt ithaiyana li hoka,

30. Micha hvchishno hvsh ai itapeha yash inli hatak ak kia nan ikhvna vhleha ya filvmmichit il iakaiyvcha chi kv, nan isht okpvi ya anumpulit hiohla hi oke.

31. Yvmohmi hoka, hvsh ile nuktahla chiké ; micha afvm-mi tuchina ka nishkin okchi mihinti hosh, nitak micha ninak puyuta ma, moma nan im anolit ahanta li kv, ak isso kv-mohmi chatuk a hvsh ithaiyanvshke.

32. Inta ! il itibapishi vhleha ma ! Chihowa, micha ilap o achukma isht anumpa aiena, yvmmak osh ai ahlichit hvchi hiohliche hinla, mikmvt hochukma toba tok vhleha moyuma ka ai itin takla ya, ai vttvt hvch ima he vllpiesa mak o, yvmma ibbak a pit hvchi fohki lishke.

33. Hatak nana kia in tvli hvta kia, mikmvt in tvli holisso lakna yokmá, keyukmvt ilefohka yokmá nana kia im anush-kunna li chatuk keyushke.

34. Ahli, ibbak ilvppak osh vno, micha si apehvt aya puta na pi hvna ka, nan isht ahanta chatuk a, hvchishno ak kia hvsh ithaiyanvshke.

35. Yakohmit toksahanli hosh ilbvsha puta ka hvsh ape-lvcha he tuk, micha Chitokaka Chisvs im anumpa puta, yvm-mak okvt, Ima kak osh na yukpa kv habena ka, i shahli hoke, achi tok a hvsh ithaiyana chi ka mominchit hvchim anohonli li chatuk oke ; im ahanchi tok.

36. Micha yakohmichit anumpulit taiyahli mvt, hvchuk-bihleptv hikia cha, moma ka pehlichit vba pit anumpuli tok.

37. Mihma momvt nishkin okchi minti fehna mvt, Pal ikonla ya okla onvtuyula cha i suksowa tok ;

38. Himmakma i nashuka ya okla pisa he keyu, miha tok ; anumpa yvmmak o isht nukhaklo im atampa ha tok. Mihmvt apihvt peni ya okla ona tok oke.

CHAPTA XXI.

Pal vt Cheluselem a ia, 1. 17 Pal vt Cheluselem a ont anta ma, iti hokli. 31 Kvptvni chito vt Pal hlakofichi.

1. MIHMA yakohmi tok, yummak ash pit il oka topli cha, i mokofvt auet apissanlit mihintit, Kous a e la tuk osh, nitak atukla ma Lotis a e la; atuk osh yumma ashvvt Patela ya e la tok.

2. Micha peni vt Finishi ya ia hosh aya ka e pisa mvt, ont e chukowa cha, e maya tok.

3. Atuk osh Saipilvs vt auet pi haiaka mvt, yummak ash pim vlfvrbeka imma yo talaia na, ont il ia mvt, Silia ya il ona cha, Taia yak o ont il ataya tok; peni na shali ka yummak o ont akochcha wiha chi hatuk o.

4. Micha yumma nan ithvna vhleha ya ont il ai ahayuchi mvt, il ashwa na nitak untuklo tok; yummak osh Pal a Cheluselem ik aiyo ka hi a, Shilombish pulla hatuk mak o, im achi tok.

5. Nitak yummak ash ot ont pin taiyaha mvt, pishno ash ot kohchvt pi hina fohkvt il ia ma, momvt tekchi vhleha, micha im vlla puta aienvt pi apehvt pisht aya na, tmaha ha ant e kohcha tok; mihma oka takchvka ya hvchukbihleptv e hiel cha, vba pit il anumpuli tok.

6. Atuk osh okla it aiokpvchit pin taiyaha ma, peni pit il vlhto ma, yummak ash ot falamvt, in chuka ilhkoli tok.

7. Atuk o peni fohkvt, Taia asht e minti tuk vt ont pim ai vhli mvt, Talimeis a e la cha, il itibapishi vhleha ya ant il aiokpachi cha, nitak achvfa ho takla il ashwa tok.

8. Atuk osh ont onna ma, Pal a apeha pia hatuk vto kohchvt ivt, Sesalia ya e la tok; micha Filip vbanumpa isht vtta, yummak osh untuklo kash aiena hatuk ash, in chuka ont e chukowa cha apehvt e maya tok.

9. Mihma hatak yummvt ushetik ohoyo himita ushta hosh im ashwa tuk osh, vbanumpa isht anumpuli tok.

10. Micha yumma il asha na nitak kanohmi ma, hopaii achvfa Akebvs hohchifo hosh Chutia mintit vla tok.

11. Micha yummak ashot ayvt pim vla mvt, Pal im vskofvchi yash ishi cha, ilap ibbak micha iyi aiena ka isht takchi mvt, Hatak vskofvchi ilvppvt immi yatukma, Chu vhleha Cheluselem aiasha kvv yakohmichit takchi cha, ishit okla

nan ik ithano ibbak a a fohka hi oke; Shilombish Holitopa yvt achishke; ahanchi tok.

12. Mihma ilvppa okla e haklo mvt, pishno ash ot yvm-mak inli asha yatuk pit il aienvt, Cheluselem a ik aiyo ka hi a, okla il im ahni tok.

13. Mihma Pal vt afalaminchi mvt, Katiohmi ho hvsh ahni hosh yaivyvt sa chukvsh a hvsh kobvffi cho? Sa talak-cha he ak o illa keyu; amba Cheluselem a Chitokaka Chisvs hohchifo pulla ka, isht a si ai illa chi aiena kvt vm vltaha hoke, achi tok.

14. Micha hakla he keyu ma, Chitokaka nan ahni yak osh ik yvmohmi, il ahni mvt, okla il issa tok.

15. Mihmvt nitak yakohmi kvt ont taha ma, il il apoyua cha, Cheluselem a pit il ilhkoli tok.

16. Mihma nan ithvna vhleha kaniohmi kvt Sesalia ya asht pi apehvt ia akinli tok; micha Nesvn Saipilvs vtta nan ithvna sipokni ka yo, yvmmak o il ibai ashwa chi ka, okla pisht ona tok.

17. Atuk o Cheluselem ash il ai ona ma, il itibapishi vhleha yvt na yukpa hosh pi aiokpvchi tok.

18. Atuk o onna ma, Pal vt pi awant Chemis a im ona; mihma hatak tikba vhleha yvt momvt chieya tok.

19. Mihma yvmmak ash aiokpvchit tahli mvt, ilap vt na-na isht ahanta ho, Chihowa yvt okla nan ik ithano vhleha itin takla ya, nana ai atahanli tuk puta kash o atokowa feh-na kak o anohonli tok.

20. Mihma okla haklo mvt, Chitokaka ya okla aiokpa-hanchi mvt; yvmmak ash o, Chu vhleha na yimmi kvt tah-lepa sipokni kaniohmi hosh ai asha kvt, yvmmak okvt mo-yumvt nan-vlhpisa holitobli fehna ka, ish pihivshke, il iti-bapishi ma!

21. Micha chishno vt Chu vhleha hosh oklushi nan ik ithano takla asha ka, mominchit Moses a okla issa chi ka, im avchit im vlla puta ka hakshup tvpla he tuk keyu, mikmvt ilap nana a kaniohmi vlhpisa puta aiena ka, okla iakaiya he tuk keyu ka, ish i mihaha ho, okla im annoa tok.

22. Yohmi ka nanta mak oh cho? Ish la tuk a, okla hakla chi hokvt, okla laua yvt itvnaha pulla chi hoke.

23. Yvmohmi hoka pishno yvt nana e chi miha, ilvppak o ik chi yvmohmi; hatak anumpa holitopa ile onochi tuk ushta hosh pim ashwvshke.

24. Yvmmak o pehliechi cha, takla nan iba hullochit, micha chishno ak osh vlhtoba hvt ibafohkvt chi kunia pulla na, okla noshkobo shafashke; mina momvt chishno a nana a chi haiyaklo tuk vt peh pilla hatuk; amba chishno ak kia ai vlhpiesvt ish aya cha, nan vlhpisa ya ish holitobli ka ithai-yanashke.

25. Amba okla nan ik ithano na yimmi vhleha imma kamo, nana yvmma chohmi ka ik holitoblo ka chi, amba nana ka na holba toba pit im issa tuk puta, micha issish mikmvt nana kvv nuksitvt illi puta, micha ohoyo himita itin lumaka aiena kak o, okla ik ahalaio ka he yak o, okla pim anukfilvt pit il i holissochi tok; im achi tok.

26. Mihma Pal vt hatak ash pehlichechi cha, onna ma, nan iba hullochi mvt, vba nan isht pit aiokpvchi ya achvfa ai-yuka pit im isht aiokpachi ha ya chi ho, nahullochi nitak vt ont taha ka, anola chi hosh tempel a chukowa tok.

27. Atuk o nitak untuklo kash ot ont taha ahosi ma, Chu vhleha Asia minti tuk vt, yvmmvv tempel anukaka ya asha na, okla pisa mvt, okla mominchit atushpvlihinchit yvmmak ash ibbak isht ishi mvt;

28. Israel hatak puta ma! pi apelá; hatak ilvppak osh yakni ilvppa, okla, micha nan-vlhpisa aiena ka i svnalit, hatak moyuma ka kanima mominchit ai imabvchi mak oke; micha achakalechi mvt, Klik vhleha ma pehlichit tempel a ant isht chukowa cha, aholitopaka ilvppak ash aiokpvnishke; achit tahpahanla ha tok.

29. Tikba ka Tafimvs, Efesvs hatak vt yvmma awant tv-maha anta ho, okla pisa tuk osh, yvmma Pal vt ilauint tempel a chukowa tuk a, okla im ahoba tok.

30. Mihma tmaha hash ot momvt wakaya ma, oklat yi-hlepvt itahoba tok; micha Pal ash okla ishit tempel a a koh-chi ma; chekosi makinli ho okhissa puta kash ot vlhkva tok.

31. Micha okla vbi bunna hosh maya ma, tvshka chipota aya-chvfa i kvpitvni chito ya, Cheluselem vt momvt nan ik ai vlhpeso bano ka annoa kvv ayvt im vla cha ;

32. Yvmmak ash ot ashalika tvshka chipota vhleha, mi-cha kvpitvni puta ka pehlichu cha, chvfvv itv im ona tok ; mihma kvpitvni chito, micha tvshka chipota vhleha aiena ka okla pisa mvt, Pal a boli mvt issa tok.

33. Mihma kvpitvni chito ash ot itv ituma ona cha, yvmmak ash ishi mvt, tvli itatakvli tuklo hosh ishit talakeha chi ka miha tok ; mihmvt, yvmmvt kvna hatuk, micha nana hv kaniohmi aiena tuk a, asilhhvchi tok.

34. Mihma okla laua asha tuk vt tahpvlvt, kanimi kvv kanimihchit miha ma, anonti kanimi kvv inlvchi tok ; mihma yvmmak ashot yahapa hatuk o, ai atokowa ma ik ai akostinicho mvt, yvmmak ash isht holihta kvllo ont fohka chi ka, miha tok.

35. Atuk o yakohmi tok, okla hak osh okpulo ka fehna o, yvmmak ashot pit atuyvt ia ya ona ma, tvshka chipota vhleha yosh sholit ishtia tok.

36. Okla laua yak osh, Yvmma kanima isht oh ia cha, ahayvt iakaiya hatuk o,

37. Atuk o Pal ash o holihta kvllo ya, ont isht chukowa chi foka ma, yvmmak ash ot kvpitvni chito yash, Chim anum-puli la hinla cho ? im achi ma, yvmmak ash ot, Klik anumpa ya ish anumpula hinla ho ?

38. Chishno ak osh Echip hatak chia hosh, nitak tikba kash nan isht ish ataklaiyama cha, hatak bika vbi ya tahlepa sipokni ushtat pehlichit yakni haiaka ya, pit isht ish chukowa tok keyu ? achi tok.

39. Mihma Pal vt, Uno vt Chu hatak Tasvs, Silisia yakni tvmaha ai vtta, tvmaha ik ahobo nana hv ai vtta sia keyu hoke : mi hosh okla hv im anum-puli la hi a vm ahnikbano, chim ahni lishke ; achi tok.

40. Mihma yvmmak ash ot vlhpesa im ahni ma, Pal ash-ot pit atuyvt ia ya o hikia cha, okla hv ibbak a pit i fahvm-mi tok ; micha luma biekvt okla aiasha ma, Heblu anumpa hv im anumpulit yak ahanchi mvt,

CHAPTA XXII.

Pal vt kaniohmit vbanumpa nukfoka tok vt anoli, 1. 25 Pal vt fema he tuk kia, Lom hatak atuk osh hlakofi.

1. **H**ATAK il itibapishi vhleha, micha an tikba puta ma! himak a isht hvchim il anumpohonli li ka, hvsh haiyaklashke.

2. Yummvt Hebly anumpa ho isht im anumpuli na, okla haklo mvt, isht i shahlit lumvt aiasha tok. Mihma yvm-mak ashot,

3. Uno vt Chu hatak fehna sia, Tasvs, Silisia yakni in tvmaha ak o ai vta li tok nana kia, tvmaha ilvppa Kamiliel iyi itvmaka yo ahantvt sa hofanti; micha hatak tikba vhleha i nan vlpisa ai apissali mvt, vm vlbahanchi tok; mihmvt Chihowa ya pit achunanchi kvv himak a nitak hvsh moma kvv, hvchi yvmohmi kak inli chiyuhmi li tok.

4. Mihma ilvppa yakohmi ka nakni, micha ohoyo aiena ka, illa he mak o, takchit aboha kvllo pit apittvt ilbvshachi li tok.

5. Yohmi ka na holitompa isht asha pehlichy, micha hatak tikba vhleha hak kia momvt vm ithaiyana hoke; micha yvmmak o il itibapishi vhleha pit i holisso ka, im ai ishi li hosh, yvmma asha tuk vt talakchi ya Cheluselem a isht vla likma, na palvmmi pisa chi ho, Tamaskvs a ia li tok.

6. Atuk o yakohmi tok; nowvt aya li mvt, hvshi vt tvbokoli foka ho, Tamaskvs a ona la hosi ma, ashalika nan tohwikeli chito vba minti kvv ant tommit si afolupli tok.

7. Mihma aka ont sa tula cha, anumpa hvv, Sal, Sal, nanta katiohmi ho, is sa palvmmichi cho? vm ahanchi na, haiyaklo li tok.

8. Mihmvt afalaminchit, Kvta chia hoh cho, Chitokaka ma? achi li ma, Uno ak osh Chisvs Nasalit ai vta mihi yo ish i palvmmichi ka sia mak oke; vm ahanchi tok.

9. Mihma si apehvt aya tuk vt tohwikeli hokvno okla pisa mvhli cha, nukshopa tok; yohmi kia anumpa auct vm anumpuli hokvno okla ik haklo ki tok.

10. Mihma, Chitokaka ma! nanta k_o katiohmi la ch_i ho? achi li tok. Mihma Chitokaka yash ot, Wakaya cha, Tamaskvs a ish onashke; mikma nana ish a kaniohma he a chim v_lhpisa tuk vt moyuma, yvmmak o a chim annoa hi oke; vm achi tok.

11. Mihma tohwikeli yvmma shohpakali tuk a ak hopanayo hatuk o, si apehvt aya tuk ibbak ak osh sa halv_lli h_o, ayvt Tamaskvs a ona li tok.

12. Mihma hatak achvfa vbanumpuli nan v_lhpisa ya isht ai a_hli, Ananaivs osh, Chu v_hleha yvmma ai asha ka moma ai im annoa achukma chatuk osh,

13. Ayvt vm v_la cha hikia mvt, Itibapishi li Sal ma! ish hoponayashke, vm achi tok; mihma hvshi kanv_lli makinli h_o, vba chakalit ilap a pisa li tok.

14. Mihma, Hvpin tikba v_hleha in Chihowa yvt, chishno vt ilap o nan ahni ka ish ithaiyana he, mikmvt A_hli yvmma ish pisa cha, yvmma itakha ai anumpa ma ish hakla hi a chi atokoli tuk oke.

15. Chishno vt nana h_o ish p_isa tuk, micha ish haklo tuk aiena kv_t, hatak moyuma ka im anoli chia ha ch_i mak oka.

16. Yohmi kv_t nanta katiohmi h_o himak a ish ahchibali cho? wakaya cha, baptismot, Chitokaka ya pit hochihifot, nan chim ai ashvchika puta kv_t kashofvt ch_i kvniashke; achi tok.

17. Atuk o yakohmi tok, falamvt Cheluselem ash v_la lish, tempel anukaka ya vba pit ai anumpohonli li mvt, sa holhpokuna chohmi tok.

18. Mihma yvmmak ash ot vno ya, Nana isht is si ai anoli ka, okla chim aiokpahancha he keyu hoka, tushpa, micha Cheluselem a chekosi ish akohchashke; vm ahanchi na pisa li tok.

19. Mich a vno ash ot, Chitokaka ma! chishno ch_i yimmi v_hleha hatuk a aboha kv_llo pit apittvt, sinakak puta ka, a fahami li tuk a, okla ithaiyanvshke.

20. Mich a Istefin atokowa chi anolit im issish hlatapa ka, vno ak kia itomasi ya hikia li tuk osh, yvmmv_t illa ch_i ka, v_lhpesa ahni li mvt, yvmma vbit may a ka, im ilefohka ya i_{sh}i li tok oke; achi li tok.

21. Mihma, Hopaki pilla, okla nan ik ithano vhleha aia-sha kak o pit chi chvffichi la chi hoka, ish ayashke; vm achi hokvno; achi tok.

22. Mihma anumpa ilvppa vhli kano okla i haponaklo tok; atuk osh chitolit, Hatak yvmma chohmi ka, yakni a ai isht ho kanchi, yvmmak okvt okchayvt anta he vlhpesa keyu hoka, okla achi tok.

23. Micha okla tahpvlvt i na fohka puta kash shoelit kampilvt, lukfi pushi aiena ka pehli vba pilvt maya ma,

24. Kvpitvni chito yvt yvmmak ash o holihta kvllo ya isht ona chi ka, apesa mvt, anonti yvmmak ash fvmmi hosh, nan i ponaklo na, kaniohmi ho okla hvt isht anumpuli kv yohmi fehna hatukma, ilap vt akostinincha chi kv, miha tok.

25. Mihma wak hakshup aseta chuhla ka, okla ishit tak-chi ma, Pal ash osh kvpitvni hvt bilikasi hikia tuk o, Lom hatak, micha nan vlhpisa yosh ai atokowa keyu ka, ish fvm-ma he chim ai vlhpesa ho? im achi tok.

26. Kvpitvni vt ilvppa haklo mvt ivt, kvpitvni chito ya ont im anolit, Nana ish kaniohmi kv, ahah! ish ahnashke, ilvppvt Lom hatak oka; ahanchi tok.

27. Mihma Kvpitvni chito ash ot vla mvt, Chishno vt Lom hatak chia ho? vm anoli, im achi ma, yvmmak ash ot, Yau, achi tok.

28. Mihma kvpitvni chito yash ot afalaminchi mvt, Ilap inli nan ahni hosh aya ilvppa, vlhtoba chinto ho isht ishi li tok, achi tok; mihma Pal ash ot, Amba vno vto si ai imoma yosh vtta li tok oke, achi tok.

29. Yohmi ma yvmma nan i ponakla he tuk ash ot mih makinli ho, ai i filamoli tok; mihma kvpitvni chito ash kia, yvmmak okvt Lom hatak atuk a akostininchi, micha takchi tuk aiena hatuk osh nukshopa tok.

30. Ont onna ma, kaniohmi ho Chu vhleha yvt anumpa ha onochi hatukma atokowa ka akostininchi bvna hatuk osh, isht talakchi ya i hotuffi mvt, na holitompa isht asha pehlich i vhleha, micha i nan apesa vhleha moyuma kv itv-naha chi ka, apesa tok. Micha Pal ash isht ona cha itikba ya ont hilechi tok oke.

CHAPTA XXIII.

Pal vt isht il anumpuli, 1. 10 Pal vt atukla aboha kvllo foka tok.

23 Pal vt nahullo miko Filiks a im ia.

1. MIHMA Pal vt hochitoka vhleha ya ai okehifelit pi-hisa mvt, Hatak il itibapishi vhleha ma! im anukfila ai achukma biekvt Chihowa itikba ma ai ahanta li himak nitak fenvshke; achi tok.

2. Mihma na holitompa isht asha pehlichi Ananaivs ash ot, yvmma bilika hiohmaya tuk vt itih ha lvsalicha chi ka, miha tok.

3. Mihma Pal ash ot, Chihowa yvt chishno ak o chissa chi hoka, holihta kvllo tohbi chia ka; nan vllhpisa yo nan isht vm ai apesa chi hosh ish asha mvt, anonti nan vllhpesa ya ai vllhpesa keyu ka, svssa hi a ish miha cho? im achi tok.

4. Mihma a bilika hiohmaya tuk vt, Chihowa i na holi-tompa isht asha pehlichi a chik ahobalo ho? achi tok.

5. Mihma Pal ashot, Iloh itibapishi ma! yvmmak okvt na holitompa isht asha pehlichi ya, ak akostinincho ke tuk oke. Chim okla talaia pehlichi ya ik ahobalot ish anumpuli na, achi hosh holihiso hoka, achi tok.

6. Yohmi kia kashapa kvv Satusi okla yokma, anonti ka-shapa kvv Falisi yo akastininchi mvt, itvnaha itin takla ya tahpvlvt, Hatak il itibapishi vhleha ma! vno vt Falisi sia, Falisi o ushi sia hoke; illi falamvt tana he isht a sai yimmi hatuk mak o, nan vm ai asilhhvchi hoke; achi tok.

7. Yvmihchit anumpuli ma, itachowa anumpa kvv Falisi vhleha, micha Satusi vhleha aiena itin takla ya takakanli tok; mihma okla laua yvt ita kashapa tok.

8. Satusi iksa yokvt falamvt tana hi vt takanli keyu, mik-mvt enchil, micha shilombish aiena kvv iksho, achi hoka; amba Falisi yokvto tuklonchit yimmit anoli hoke.

9. Mihma yahapa chinto kvv takali tok; mihma holisso-chi vhleha, Falisi apehanchi kvv wakaya cha, anumpa ha isht ai isso fehvvt, Nan ik vllhpeso nana kia hatak ilvppa kil

ai akostininchoshke ; amba shilombish okmá, keyukmvt enchil okmá nana hosh im anumpuli tok okma, Chihowa ya kiloh itibo kashke ; ahanchi tok.

10. Mihma okla itachowa chinto kvt takali ma, kvpitvni chito ash ot, Pal a okla iti hvlat nipli na ahni kvt, komunta mvt, ont afovt mokofit im ishit, holihta kvlllo ya ant foka chi ho, tvshka chipota vhleha ya i miha tok.

11. Mihma yvmmak atuk ninak a, Chitokaka yvt ant a hikivt, Pal ma ! na chi yukpashke, Cheluselem a is si ai anohonli hatuk okvt, chiyuhmit Lom ma atokowvt ish ai anohonla chi pulla akinli hoke ; achi tok.

12. Atuk o onnvt taha ma, Chu vhleha kaniohmi kvt itibai achvftv anumpa kvlllo ile onochit, Pal a okla vbi ho keyukmvt ik impo, micha nana kia ik ishko ka chi kvt, mihija tok.

13. Mihmvt pokoli ushta ka atampa hosh anumpa yakohmi ka ikbi tok.

14. Mihmvt na holitompa isht asha pehlichí, micha asononchika puta aiena ka im ai vla mvt, Anumpa kvlllo fehna ka il il onochi kvt, Pal a ke bokmvt nana kia ke po ka chi hoke.

15. Yvmohmi hoka, himik a hvchishno, micha hochitoka vhleha hvsh ai itapeha kvt, yvmmak atuk ak o anonti achukmalit i shahlichit im ai asilhhvcha chi ho chohmit, kvpitvni chito ya hvsh im anoli na, onna ha ma yvmma isht hvchim ayashke, yohmikma yvmmtv ilvppa itomasi a ik lo ho e ba chi kvt pim vlhtaha yoke ; achi tok.

16. Mihma Pal in tek ushi yvt, yvmma im aiechit maya ka haklo mvt, ivt holihta kvlllo a ont chukowa cha, Pal a im anoli tok.

17. Mihma Pal vt kvpitvni vhleha ya achvftv pit hoyo cha, Hatak himita ilvppa ilauct kvpitvni chito ya isht im ona, yvmmak oka nanasi kia im anola chi kvt in takanli hoka ; achi tok.

18. Mihma yvmmak ash ilauei cha, kvpitvni chito ya isht im ona mvt, Pal aboha kvlllo fohka yak osh pit sa hoyo na vla li ho, hatak himita ilvppvt nanasi kia chim anola hi vt

im asha hatuk o, ilauet chim vla la hinla ka, vm ahni tuk oke; achi tok.

19. Mihma kvpitvni chito yvt yvmmak ash ibbak a halvlli cha, naksika alumaka isht im ona mvt i ponaklot, Yvm-mak osh nanta mak o is svm anola chi kvv chin takanli hatuk o? achi tok.

20. Mihma, Yvmmak oka achukmalit i shahlichit im asilhhvcha chi ho chohmit, onnaha ma, Pal a ilauet ai itv-naha ya isht ish ona chi ka, chim asilhha chi kvv, Chu vhle-ha yvt itib ai achvfa tuk oke;

21. Yohmi kia chishno vto vlhpesa, chik im ahno kashke; yvmmak okvt hatak pokoli ushta ka atampa hosh, yvmma im aiechi kvv ai asha hosh, yvmmvt anumpa kvvlo ya isht il onochit, yvmma okla ik bokmvt nana kia vpvv, ishkot ik mayo ka chi, isht il apesa tuk oke; yohmi hatuk osh himak a im vlhtahvt, anumpa falama ka auet chim a hoyot maya hoke; achi tok.

22. Mihma kvpitvni chito yvt hatak himita yash ant ik ia, im ahni mvt, nana ilvppa puta is svm anoli tuk vt hatak nana kia, chik im anolo kashke; im achi tok.

23. Mihmvt yvmmak ash ot kvpitvni tuklot hoyo mvt, Ninak hvshi kanvlli isht vlhpisa ont atuchinakma, Sesalia ilhkola chi ka, tvshka chipota tahlepa tuklo, micha issuba o binili tvshka pokoli untuklo, mikma na halupa ishi mvt tahlepa tuklo ho hvsh atahlashke.

24. Micha Pal a, okla o binilichit achukmalit isht ayvt, nahullo miko Filiks a isht im ona chi ka, nan vlhpoa ma, hvsh atahlashke, ahanchi tok,

25. Mihmvt ilvppak o yakohmichit holissochi tok.

26. Kilativs Lisivs vt nahullo miko holitompa fena Filiks a pit aiokpvchishke.

27. Hatak ilvppa Chu vhleha yvt ishi tuk; micha okla vba he tuk o; ilvppv Lom hatak atuk o haklo li mvt, tvshka chipota pehlinchit vla lish, okchalanchi li hokvno.

28. Micha kaniohmi ho okla anumpa onochi tuk okma, akostininchi ka sa bvna mvt ilauelet ilap itvnahvt maya ka iba chukowa li tuk.

29. Mihmvt yvmmak okvt ilap i nan-vlhpisa yak o anum-pa hvt isht im atoba hatuk o, akostininchi li tuk; yohmi kia isht ai illikmá, keyukmvt talakchikmá nana he imma hokvto ik onvtulo ke tuk oke.

30. Micha Chu vhleha yvt hatak ash im aiechi hosh ma-ya ka vm annoa mvt, ashalika pit chin chvffichi lishke, mi-cha anumpa onochi vhleha mvt, yvmma nana ho isht a miha hi vt im asha tuk vt, chishno chi tikba yak o a miha chi ma, aieninchit im apesa li tuk oke. Chi achukmakashke; achi tok.

31. Mihma tvshka chipota vhleha yvt, yvmmak osh im vlhpisa tuk okvt, Pal a ilaelit ninak o isht ayvt Antipetis a isht vla tok.

32. Ont onna ma yvmma apihvt ia chi ka, issuba o binili tvshka ya ashachi cha, falamvt holihta kvllo ya okla ona tok.

33. Yvmmak ashot Sesalia ya ai vla cha, holisso hash nahullo miko ya ant ima mvt, Pal ma aieninchit ibbak fohki tok.

34. Mihma nahullo miko vt holisso hash pisvt issa mvt, ulhti nana ho vttvt aya hatuk a i ponaklo tok; Silisia ak atuk o akostininchi mvt,

35. Anumpa chi onochi vhleha ak kia ai vla hok mak o, chi haklo lashke; achi mvt Helot i nan ai vlhpisa chuka yak o, yvmmvvt a foka chi ka, apesa tok oke.

CHAPTA XXIV.

Tatvlvs vt Pal a anumpa onochi, 1. 10 Pal vt isht il anum-puli.

24 Pal vt nahullo miko tekchi ita tuklo ka Klaist isht im anum-puli.

1. YUMMAK atuk a nitak tahlapit taha ma, na holi-tompa isht asha pehlichí Ananaivs vt asononchika vhleha, mi-cha hatak anumponli achvfa Tatvlvs hohchifo ho itapehvt vla na, yvmmak osh Pal a nahullo miko a nan isht im anoli tok.

2. Yvmmak ash pit hoyo na v̄la ma, Tatelv̄s vt anumpa onochit ishtiv̄t, Filiks holitompa fehna ma! chishno ak atuk mak o nukchinto fehn̄vt il ah̄ashwa chatuk, micha chishno vt nan chimponna pulla h̄o, nan isht im ai ah̄li achukma fehna kv̄t okla ilv̄ppa ai i yvmohmi chatuk oke.

3. Nitak moma, micha kanima a mominchit yukpa fehna hosh, il aiokpanchi chatok oke.

4. Himmakma achakalechit ak chin takobecho ka ch̄i na-na kia, nuktanla chia hv̄t, anumpa tilofasi ish pi haiyaklok-bano, chim ai ahni lishke.

5. Hatak ilv̄ppvt, Chu v̄hleha yakni paknaka aiasha ka mominchit ai itin takla ma, nan isht ataklaiyamvt nan itachowa ma atohnochit aya mvt, Nasalin iksa ya in tikba hika yo e pisa hatuk oka.

6. Tempel ma aieninchit yvmmvt ik akobalo bvnna h̄o, ilv̄ppa il ishi kv̄t pishno p̄i nan v̄lhpisa yo, nan isht il im apesa chin tok.

7. Yohmi tuk kia kv̄pitv̄ni chito Lisiv̄s vt ayvt ant p̄i kohcha cha, kv̄llo fehn̄vt yvmmak ash pibbak a a kohchit eshi cha,

8. Yvmma anv̄mpa ai ikbichi v̄hleha yvt ayvt chishno a chim v̄la ch̄i ka apeh̄isa tuk; yvmmak oka chishno inlit im ai asilhhv̄chi hosh, anumpa isht il ai ikbichi hatuk puta ilv̄ppa ish akostinincha ch̄i hatuk oke, ahanchi tok.

9. Mihma Chu v̄hleha hak kia pit ataklammvt nana kash yvmmvt yohmi tok oka, ahanchi tok.

10. Mihma anumpula ch̄i ka, nahullo m̄iko vt pit im av̄chi ma, Pal ash ot, Okla ilv̄ppa nan im apesvt ish ahanta afv̄mmi kanohmi ka, chim akostininchi li hatuk osh, na yukpa fehna hosh isht ile anumpohonli lishke.

11. Ūba pit aiokpv̄chi la ch̄i hosh, Cheluselem ia li chash, nitak auah tuklo ka atampa keyu ka, ish ithaiyana hinla kama.

12. Yohmi ka tempel anukaka ya hatak nana kia ai itachowvt ahanta l̄i, micha sinakak puta, micha tmaha aiena ka okla h̄a ai ilhkolichit ahanta l̄i, okla sa pisa tuk keyu.

13. Mikmvt nana ka anumpa ma himonasi a okla isht a sai onochi tuk vt atokola he keyu hoke.

14. Amba ilvppak o chim il anohonli li, vno nana puyuta nan vlhpisa holisso, micha hopaii vhleha i holisso aiena, a holihiso tok moma ka, yimmit ikxa inla yo okla achi hatuk oka, an tikba vhleha in Chihowa ya yakohmit aiokpahanchi li mvhlshke.

15. Michā, ahli mikmvt ik ai ahlo, moma illi yvt tana hi a, yvmma ilap ak kia yohmi, okla ahni akinli hoka, vno vt Chihowa ya pit anukchieto lishke.

16. Yohmi hatuk o Chihowa, mikmvt hatak puta aiena itikba ya chukvsh mvt yoshoba iiksho bilia hosh ahanta la chi kvt achunanchi li chatuk oke.

17. Yvmmak a tok a afvmmi kanohmit taha ma, na holhpila vm okla ha isht im aya li mvt, vba pit isht aiokpvchi puta aiena ka isht vla li tok.

18. Mih ho yvmmak o Chu kaniohmi Asia minti kvt okla laua yokmá, keyukmvt a yahapa itin takla yokmá nana keyu, tempel anukaka yo, nahullochit vm vlhtahvt anta li ka, sa pisa tok.

19. Yvmmak osh chi tikba ma, ant maya tuk osh nana kia isht sa mihacha hi vt im asha tukmvt acha he tuk.

20. Yvmmak keyukmvt ilvppa maya kak inli kia vno vt nan ai apesa itikba hikia li ka, nan ik vlhpeso nana kia vm ai akostininchi tukmvt, ik mihá.

21. Amba yvmma itin takla hikia li mvt, illi tani yak o isht tahpahanli li tuk, anumpa achvfa ilvppa illa tok o, himak nitak a hvchishno vt hvs svm asilhhvchishke; achi tok.

22. Mihma Filiks vt ilvppa puta haklot, na yakohmi puta kash achukma fena ai akostininchi mvt, Kvpitvni chito Lisivs ak osh vla hokmak o nana hvchim a kaniohmi ya okluha hvchim akostininchi lashke; achi mvt, im achakalechi tok.

23. Michā kvpitvni hvt Pal a apesvcha chi, yohmi kia fohacha he, mikmvt it ithvna ka vhleha yvt, nana ant isht im

vtta, keyukmvt im ai itanowvt maya ka, ik im olabo ka hi a, im apesa tok.

24. Yvmmak atuk a i himak nitak kanohmi ho, Filiks vt tekchi Chu ohoyo Tusila ya ilauelit vla mvt, Pal a pit hoyo cha, Klaist a i yimmi imma ka im a haponaklot chieya tok.

25. Yohmi na yvmmak ash ot, ai ahli, mikmvt ile nukta-lanli, micha nan-vlhpisa hi vt mihinti aiena ka isht anumpo-honli ma, Filiks vt wvnihinchi mvt, Himak okvno ish iashke, nitak vt vm vlhpiesa hok mak osh pit chi hoyo la hi oke; achi tok.

26. Micha Pal vt tvli holisso kia ima na, i hotofa hinla ka im ahoba tok; yohmi hatuk osh chekosikma pit hoyo cha, itim anumpohonli beka tok.

27. Yohmi tuk kia yvmmak atuk a, afvmmi tuklo taha ma, Pashis Festvs vt Filiks vlhtobvt hikia tok; mihma Filiks vt Chu vhleha ya yukpali bvna kv, Pal vt talakchi na, issvt ia tok.

CHAPTA XXV.

Chu okla hvv Festvs itikba hielit, Pal a anumpa onochi.

1. YOHMI tuk o Festvs vt ulhti ha vla tuk a, nitak tuchina ont ia ma, Sesalia ya vttvt ivt Cheluselem a ona tok.

2. Mihma na holitompa isht asha pehlich, micha Chu vhleha i hochitoka aiena kv, yvmma Pal a ai isht im anoli cha, nan im asilhha tok.

3. Micha im aiokpanchi cha, yvmmak ash Cheluselem a vla chi ka, pit hoyo na, takla im aiechit vba chi kv, im asilhha tok.

4. Yohmi kia Pal vt Sesalia yak inli ho anta pulla he, micha ilapo akinli mvt chekosikma, yvmma ia chi kv, Festvs vt miha tok.

5. Yohmi hoka hatak vlhpisa hvchi takla maya kv si apihvt ik ia cha, nan ik achukmo kv a takanli hatukma hatak ilvppa ont ik atokoli; achi tok.

6. Micha yummak ash takla ahanta na, nitak pokoli ka ont atampa ma, ivt Sesalia ya ona tok. Atuk osh ont onna ma, nan apesa aiasha ya om binili mvt, Pal a isht vla hi a, miha tok.

7. Atuk o yummak ash ot vla ma, Chu vhleha Cheluselem mintit vla tuk vt, afoluplit hiohmavvt anumpa laua, micha okpulo fehna ho, ai ikbichit Pal a onochi mvt, yummak ash ai atokolit ahlicha he keyu ki tok.

8. Mihma ilapo inlit isht il anumpulit ahanta mvt, Chu okla i nan vlhpisa, micha tempel, mikmvt Sesa yak okma nana kia, nana ka isht ai i yoshoba li iksho kvmohmishke, achi tok.

9. Yohmi kia Festvs vt Chu vhleha ya yukpali bvna kvv, Pal a afalaminchi mvt, Cheluselem a ish ona cha, sa tikba hiki vt ilvppak atuk puta kvv nan isht chim vlhpisa hinla cho? achi tok.

10. Mihma Pal ash ot, Nana vm ai vlhpisa he ai vlhpesa mak o, Sesa vt ai asht nan apesa yo hikia lishke; Chu okla hoka nana ik achukmo nana kia, ai i yvmohmi li iksho ka, chishno vt ish ithaiyana fehnvshke.

11. Uno vt anumpa kobvfi sia hokma, keyukmvt isht ai illa he vlhpiesa kaniohmi ho a si yvmohmi tuk okmvt, ik svllo ka hi a ak ahnoshke, Amba ilvppa puta kvv takali ho anumpa ma yakohmi kvv a sai onochi keyu hokmvno, hatak nana kia sasht ibbak ma ik fohko kashke, Sesa ya achakvlt pit im anoli li mak oke, achi tok.

12. Mihma Festvs vt nan itibai apesa vhleha ya itim anumpulit issa mvt, afalaminchit, Sesa yak o ish im anoli mak o? Sesa yak o ish im iashke, achi tok.

13. Atuk o nitak kanohmit taha ma, miko Ekilipa, micha Banisi ita tuklo kvv, Festvs a aiokpvchit aya hosh Sesalia ya itvlachi tok.

14. Micha yummak ash ant ashwa na nitak kanohmi ma, Festvs vt Pal nana im a kaniohmi ya, miko im anolit, Hatak achvfa kvv talakchi na, Filiks vt issvt ia tok a ashvshke.

15. Mihi yo Cheluselem ont anta li ma, na holitompa

isht a_{sha} pehlichī v_{hle}ha, micha Chu in tikba v_{hle}ha aiena k_{vt} nan im apesakbano, ahnit v_m anoli tok.

16. Mihma afalaminchit, Anumpa onvtula tuk v_t anumpa onochi y_a nashuka b_ika ita sanali keyu, micha nana isht a kaniohmi nan ash onvtula tuk v_t, mihma isht il anumpula he m_{vt}, ik im v_{lh}peso k_isha ka Lom okla h_{vt} hatak nana kia illi issa, im ai v_{lh}pesa chatuk keyu hoke ; im achi li tuk.

17. Yohmi hatuk o ilvppa okla ai v_{la} ma, ahchiba iksho ont onna ma, nan apesa ai o binili y_a o binili lish hatak ash isht kohchv_t v_{la} ch_i ka, apesa li tok.

18. Mihma anumpa onochi v_{hle}ha y_{vt} wakayv_t hieli m_{vt}, yakohma ch_i ka ahni li tuk amo, achv_fali kia isht ik onochi ki tok.

19. Amba ilapo v_{ba} pit anumpuli isht a tobv_t m_aya, mik-mv_t Chisv_s illi tok, yvmmak o Pal ak osh yvmmv_t okch_aya kak pulla, miha kak o ; yvmmak o anumpa isht onochi tok.

20. Mihma anumpa yvmma chohmi ka, nan ai anukfilli ak ithano hatuk osh, Cheluselem ak o ona cha, yvmmak o ilvppa puta kash ot nan isht im ai v_{lh}pisa hinlakma, nana ka i ponaklo li k_vno.

21. Yohmi kia Pal v_t anumpa h_a Akvstv_s v_t atoshowa ka, hakla he pulla h_o ahni ma, apesanchi tuk o Sesa y_a pit in chvffichi la he v_t miha li tuk oke ; ahanchi tok.

22. Mihma Ekilipa ash ot Festv_s a, U_{no} ak kia hatak yvmma i haponaklo la hinla, im achi ma ; Onna ha mak o, ish i haponaklashke ; achi tok.

23. Atuk o ont onna ma, Ekilipa, micha Banisi aiena k_{vt} shema chinto fehna hosh itvlachi cha, kvpitv_{ni} hochitoka v_{hle}ha, micha hatak holitompa v_{hle}ha tv_maha a_{sha} tuk a, ai itapeha cha ai asht na haklo y_a pit abeha ma, Festv_s im anumpa h_o Pal a isht kohchit v_{la} tok.

24. Mihma Festv_s ash ot, Ekilipa m_iko, micha hatak pi apehv_t ilvppa hvsh m_aya k_{vt} momv_t hatak ilvppa, Chu okla laua y_{vt} moyumv_t, yvmmak okv_t himmakma okch_ayv_t ahanta na ahchiba he v_{lh}pesa keyushke, ahanchit Cheluselem, mi-cha ilvppak inli aiena ka, ai v_m v_{la} beka tuk mak o, hvsh pihisvshke.

25. Yohmi kia nana hō isht ai illa he vļhpesa ka yvmohmi tuk keyu; micha ilapo akinli mvt anumpa hā achakalinchit Akvstvs a im anoli mak atuk o, akostininchi li mvt, pit chvffichi ka vm-anukfihinla tuk okano.

26. Mih hosh nana hō yvmma ai isht, a shahli hā pit i holissochi li fehna hi vt ik sv̄m iksho: yohmi hatuk osh nana im asilhvr̄chi yak osh asht issa hā yokmvno, nanasi ka holissochi la he vt vm asha hinla kak osh kohchit hv̄chi tikba, micha chishno ak o fehna kak o chi tikbi ya ant hilechi lishke, miko Ekilipa ma!

27. Anumpa mvt isht ai onvtula ka atokowa ma anoli ka aieninchi hō keyu kv̄t, aboha kv̄llo foka ya pit chvfficha he vļhpisa keyu ka, vm ahoba hokv̄t; ahanchi tok oke.

CHAPTA XXVI.

Pal vt Ekilipa a itikba hikīvt kaniohmit aya chatuk puta kv̄t anoli, 1.
12 Pal vt vbanumpuli toba tok vt anoli.

1. MIHMA Ekilipa ashot, Chishno isht ish il anumpula chi kv̄t, chim vļhpesvshke, Pal a im achi tok. Mihma Pal ash ot ibbak a pit fahv̄mmi mvt, isht il anumpohonli tok.

2. Chu vhleha yvt anumpa isht a sai onochi tok imma puta ka mominchit himak nitak a, chi tikba hikīvt isht il anumpohonli la chi kv̄t, na yukpvt vm anukfihinlvshke, miko Ekilipa ma!

3. Chu okla i nan vļhpisa puta, micha anumpa ai isht itachowa puta aiena ka, chishno vt chimponna pulla hatuk mak o; yohmi hoka achukmalit a haponaklokbano, chim ai ahnilishke.

4. Ulla sa tomba tok takla, yvmv̄t vmmona ka vno vm okla talaia ai itin takla Cheluselem ak a tok oka, nana a kaniohmit mihinti li puta ka, Chu vhleha yvt momvt ithavnshke.

5. Ummona kash inli hō, sv̄thanvt isht auehinchī tok, yvmmak osh vbanumpa isht pim iksa apissali kv̄t moma i shahli, Falisi yosh ahanta li tok a, anola hinla chishke.

6. Micha Chihowa yvt hvpin tikba vhleha ya anumpa ima tok a, a yimmi hatuk pulla hosh himonasi a hikiyt nan vm vhlpisa mak oke.

7. Anumpa tok yvmmak o pisa ka, aiahni hosh pim okla auah tuklo kv̄t nitak, ninak puyuta ka Chihowa ya pit aiokpahanchi na bilia hoke. Na pit ai ahni yvmmak pulla ho, Chu vhleha yvt anumpa isht a sai onochi hoke, Ekilipa miko ma!

8. Chihowa yvt illi puta ka tanicha hi a, katiohmi ho ayimma he keyu nana ho hvchim ahoba cho?

9. Uno vt Chisvs Nasalet vtta hohchifo ha i sanalit nana ka lauachit a si yvmohma he tuk oka, ahnit il anukfilli li mvhli tok.

10. Mihmvt na yvmmak ash Cheluselem a ai yvmihinchi li akinli tok; micha na holitompa isht asha pehlichī vhleha yvt vm apesa hatuk o, vbanumpuli lauachit aboha kv̄llo pit apihinta li tok; micha okla vba chi ka vno vt vhlpesa, ahanchi li tok.

11. Micha sinakak puta ka ai ilbvshahanchi li mvt, Chihowa pit ik ahobalot anumpula hi a, atushpalihinchi li tok; micha yohmi ka i nukkilli li fehna hatuk osh issikkopali kv̄t, yakni inla tmaha puta kak kia isht aya li tok.

12. Yvmmak o na holitompa isht asha pehlichī vhleha yvt atokowa, anumpa kv̄llo ai ahli achukma ka vma na, ieshi hosh Tamaskvs a ia hosh aya li tuk o,

13. Ont tvbokolik fehna, hina takla ya, tohwikeli vba minti kv̄t shohmalali kv̄t hvshi a imaiya hosh, tommit vno, micha si apehvt nowvt aya tuk aiena kash a folupli na, pi-hisa li tok oke, miko ma!

14. Mihma momvt aka ont pi kaha ma, anumpa hv̄t vm anumpuli kv̄t, Heblu anumpa yo Sal, Sal ma! nanta katiohmi ho is svlvshali cho? Na halupa puta ho pit ish hvhli kv̄t chi palvmmi hoke; ahanchi na haiyaklo li tok.

15. Micha, Kv̄ta chia hoh cho. Chitokaka ma! achi li tok. Mihma, Uno akosh Chisvs ish issikkopali a sia hoke.

16. Yohmi kia chishno a vbanumpa isht vtta, mikmvt nana ish pisa tuk ilvppa, micha nana chim ottvninchi likma,

yvma puta ka ish anohonla he aiena ka, chikbi la chi, apis-sali ilvppa pulla hosh chi haiaka li hatuk oka; wakayvt chiyi a isht ish hikiashke.

17. Okla ha, micha oklushi nan ik ithano vhleha aiena ka akohchit chi hlakofichi li hatuk okvt.

18. Yvmmak oka i holhponayo ha fatummi, anonti ai okhlilika ya a filvmnichit tohwikelika ya isht onvt, micha Setvn apelihchi a akohchit Chihowa ya isht ish im ohona na, nan ai ashvchika puta isht a akashofa ka, micha vno a yim-mika pulla hosh isht kashofa tok puta ka, iba takla ai ahanta aiena ma, ahayucha chi mako himak a pit chi chvffihinchi lishke; achi tok.

19. Yohmi ma vba mintit haiaka kash ik im antiot ahanta li tok keyushke, miko Ekilipa ma!

20. Amba ile kostinichi cha filemvt, Chihowa ya okla im ona cha, ile kostinichi yvt a yohmi ai vhpiesa ho yvmohmit aiasha hi a, vmmona ka, Tamaskvs, mikmvt Cheluselem, micha Chutia yakni afullota moma aiasha ka mominchit im anoli li mvt, anonti oklushi nan ik ithano vhleha ma im anohonli li tok oke.

21. Yakohmi puta pulla hatuk mak o, tempel anukaka ya anta li ho, Chu vhleha yvt sashi cha, svbi bunnvt maya tok.

22, 23. Chihowa yvt si apelahanchi hatuk mak o, hopaii vhleha, micha Moses aiena kv̄t nan a kaniohma he, Klaist vt illvsha he, micha yvmmak osh illi tani ka tikba he, micha okla hash, mikmvt okla nan ik ithano vhleha aiena ka tohwekeli ka i haiakv̄cha he a, ahanchi tok a, yvma nan isht inla yo miha keyu hosh asvno, micha chipunta aiena ka im anohonli kv̄t, himak nitak a sa moma hoke, ahanchi tok.

24. Yakohmihchit isht il anumpohonli ma, Festvs vt chitolit anumpulit, Pal, chi tasimboshke; holisso chimponna fehna kak osh isht chi tasimbo hoke; achi tok.

25. Mihma, Sa tasimbo ho keyushke; amba anumpa ai ahli, anumpa kostini yo anumpohonli li hoke, Festvs holi-tompa fehna ma!

26. Miko vt ilvppa puta ka ithaiyana ho, itikba ma hikivt

nukwaya ikshot anumpuli li akinlishke. Nana ilvppak okvt chukbika y_o a yvmohmi tok keyu hoka. A yakohmi puta kvt achvfona kia in luma keyu ka, vno vt akostininchi li hoka.

27. Miko Ekilipa ma! hopaii vhleha im anumpa ha chi yimmi cho? Chi yimmi ka ithana lishke, achi tok.

28. Mihma Ekilipa ash ot Pal a, Ubanumpuli toba la hi a is si anukfokichi naha fehnvshke; im achi tok.

29. Mihma Pal vt, Chishno ak o bano keyu, amba himak nitak a sa haklo kvt moyumvt naha fehna cha, anonti fehna, vno ak o chiyuhmi hosh, amba talakchi yakohmi kano keyu hosh, hvsh aiasha hi a, Chihowa ya pit im asilhha li hoke; achi tok.

30. Yakmihchit anumpulit issa ma, miko vt, nahullo miko, micha Banisi, mikmvt apehvt chieya tuk aiena kvt wakaya tok.

31. Micha naksika onvt taha mvt, Hatak ilvppvt isht ai illa he, micha isht a talakcha he ai vlhpesa nana ka, nana ho a kaniohmi kvt ikshoshke; achit itim anumpuli tok.

32. Mihma Ekilipa vt, Hatak ilvppvt i holhtufa hinla tuk, Sesa ako achakalit im anola chintuk keyu hatukmvt; Festvs a im achi tok oke.

CHAPTA XXVII.

Pal vt peni fohkvt Lom pila ia hosh aya, 1. 14 Mahli kvllo vt peni a onvtula. 39 Yakni a ont ahayuchi cha okla hlakofi.

1. MICHA peni fohkvt Itili ya il ona hi a ai vlhpisvt taha ma, Pal, micha aboha kvllo fohka inla kaniohmi aiena ka, tvshka chipota Akvstv ai itapeha i kvpitvni, Chulivs hohchifo ho ibbak fohki tok.

2. Mihma Hlessalonika tvmaha Masetonia hatak, Alistaks vt piba foka hatuk o, Asia ya pit lapalika okla e maya chi mak osh pim anukfila hosh Atlemitivm peni yo pit il vlbeha mvt il ilhkoli tok.

3. Atuk osh ont onna ma, Saitvn a ont il ataya tok; mih-

ma Chulivs vt Pal a i kana fehnvt isht aya mvt, i kanomi vhleha aiasha ka ona cha, impa hinla chohmi ka, im apesa tok.

4. Atuk o yvmma asht il ilhkoli mvt, mahli hak osh ai isso hatuk o Saipilvs a nutaka il aya tok.

5. Micha Silisia, mikmvt Pafilia aiena okhvta ha pit il a hlopulli mvt, Lishi yakni, Maila tmaha ha e la tok.

6. Mih ho yvmmak o Aleksantia peni yvt Itili ya ia hosh aya na, kvpitvni hvt pisa cha, yvmmak o pishno ash pit pi apitta tok.

7. Mihma svlahvt il itvnowa na nitak kanohmi hosh, Naitvs a ont kil i chapo kisha chiyuhmi ho, mahli hak osh pi a sanali hatuk o Salmoni i chapa ka Klit ak o nunta asht il aya tok.

8. Micha yvmmak ash ont kil aiyo chohmi hosh, peni ai ataya achukma hohchifo ho e la tok; yvmmak o bilika yo Lesi tmaha hvt talaia ha tok.

9. Atuk o ahchiebvt taha, micha nahullochi hvt ai issa-chi ha ya tuk o, himak okak heno peni isht aya ka ai achukma he keyu hatuk o, Pal ash ot nan i miha tok.

10. Mihmvt, Hatak puta ma! himak okhvta aya ka nana kvv ai okpulo kvv kvnihia fehna chishke, vllhpoyak, micha peni aiena kak bano keyu; amba hvvim ilhfioyak vt aiena chi ka akostininchi lishke; im ahanchi tok.

11. Yohmi kia kvpitvni hash ot, peni vt immi hatuk, micha isht aya pehlich i aiena kak o i yimmi kvv, Pal vt nana anumpuli tuk a, im i shahli tok.

12. Micha peni ai ataya yokvt hvstula ya aiasha achukma keyu hatuk o, yvmma asht achakvltit ivt kaniohmi kia yohma hinlakmvt, Finisi yvmmak okvt Klit peni im ai ataya yosh falvmmi im okvtula imma pit bachayakmvt, anonti oka mahli im okvtula imma ma pit hikia ho, ona cha hvstula ya yvmmak o okla asha hi a, miha kak osh laua kvv i shahli tok.

13. Atuk o oka mahli hvt lomvt mahli ma, okla nan ahni tuk vt im vllhpesa, im ahoba mvt, hotofi cha, Klit pit a bilikasit peni isht aya tok.

14. Yohmi tuk kia yvmmak atuk a hopaki keyu hō, mahli kvllo fehna tobtv, Yulaklitvn hohchifo hosh ai isso tok.

15. Mihma peni vt ataprchit kvnia cha, mahli hā a sanalit ia he keyu ma, ant shalit isht ik ayá, il ahni tok.

16. Mihma shalit ishtia ma, yakni tashaiyi achvfa Kilati hohchifo hō nutaka ona ma, penushi yak osh palvmmi hō isht e mihinti tok.

17. Yvmmak ash o okla hvlat ishi mvt, apelvchi kvv peni chito ash afohlit takehi mvt; anonti ik yohmokma, okchv-nak ont ai issa hinla ka, nukshopa kvv na hvta hā ai akvchi na shalit isht aya tok.

18. Atuk o mahli kvllo ka e takakanlit aya fehna hatuk o, ont onna ma, peni a okla shohhvlachi tok.

19. Atuk osh nitak ont atuchina ma, pishno pibbak akinli hō peni isht talakchi ya ishit kocha pit e kampila tok.

20. Micha nitak kanohmi ka, hvshi, mikmvt fochik nana kia ik haiako ma, anonti mahli kvllo mvt atampa fehna hosh pi onvtuyula ma, pi okchaya he pit ahomba kash ot, momvt pi kvnia tok oke.

21. Yohmi kia okla ik impo hō hopakit taha ma, Pal vt wakayvt itin takla hikia cha, Holitopa vhleha ma! vno ak o hvs sa haponaklo tukmvt, Kilati a hvchik a hotofo ke tuk osh, nan okpulo, micha nan kvnia aiena ilvppa hvchik peso ka he tuk oke.

22. Yohmi kia hatak hvsh achvfona kia im ilhfiopak vt a kvnia chi keyu, amba peni ak illa chi hoka, hvchi yukpa hi a hvchi miha lishke.

23. Himak ninak a Chihowa yvmmak o immi sia hosh, mihi yo im atihiya li yatuk mak o, im enehil vt sa tuma ya hikivt,

24. Pal vt ik chi nukshopo kashke. Sesa itikba ya ish ona chi pulla hoke; mikmvt Chihowa yvt ai itapehvt peni isht hvsh aya ka, yvma mominchit chima hoke; ahanchi tuk oka.

25. Yvmohmi hoka holitopa vhleha yvt na hvchi yuk-

pashke; nana vm annoa tuk fena kvt ont vlhpiesa chi ka, Chihowa i sai yimmi hoka.

26. Yohmi kia yakni tashaiyi kaniohmi ho, ont iloh o hlatapa chi hoke; achi tok.

27. Yvmohmi tuk o ninak vt ont isht auah ushta mak o Atelia okhvta ha e fullokahanchi na, ninvk iklvna foka ma, peni isht aya vhleha hash ot yakni nana mak o pit bilika ona ho, im ahoba tok.

28. Micha oka ya apesa mvt, ashatvpa pokoli tuklo ho akostininchitok; atuk osh achakvilit ivt mishema ona mvt, anonti apesa ma, ashatvpa auah tahlapi na pisa tok.

29. Mihmvt tvli hochito ka ont ai issa hinla kvt, okla nukshopa kvt, yakni yichifi ya ushtat peni hasimbish a pit ai okvchi mvt, onnakbano ahnit aiasha tok.

30. Mihma peni chito isht aya vhleha yash ot peni chito ya a kohcha wihvt yihlepa chin cha, penushi yash okhvta ha pit oka talali mvt, yakni isht yichifi ya peni chito itikba ya pit ai oka kapulla hi a ahoba ma,

31. Pal vt, kvpitvni, micha tvshka chipota vhleha aiena kash, Yakohmi kak osh peni chito anukaka ya maya ho keyukma, hvchi okchaya he keyushke; im achi tok.

32. Mihma tvshka chipota vhleha yvt peni ushi isht-talakchi ya chanlit hokofi na akia tok.

33. Atuk o onnvt mihinti ma, Pal ash ot, momvt impa hinla ka, im ahni mvt, Nahullochit hvsh ahashwa cha, nana kia hvchik impo mak o himak vt nitak ont isht auah-ushtvshke.

34. Yohmi hoka nanasi hvsh impa hinla ka hvchim ahni lishke. Ilvppak o hvsh ai okchaya chi mak okvt; hvsh achvfona kia chi noshkobo ha pashi vt ai akia chi keyu mak oke; achi tok.

35. Yakohmihchit anumpulit tahli mvt, pvska ya eshi cha, moma itikba ya Chihowa pit ai aokpachi tok; micha tushtuli mvt, impvt ishtia tok.

36. Yohmi ma momvt yukpa chukma mvt, yummak ash kia okla impa tok.

37. Micha peni il alhto kv̄t e moma kv̄t hatak tahlepa tuklo cha pokoli untuklo akucha hannali il aiena tok.

38. Micha impa kv̄t okla ont im v̄lhpesa mvt, onush a okla okhv̄ta pit oka hlahlit peni a shohhalali tok.

39. Atuk o onmvt taha ma, yakni ya okla ik ithano ki tok; yohmi kia okhv̄ta filvmm̄inchi yvt v̄hli hvt auet asha ho, okla pit pisa mvt, yohma hinla yobakma, yv̄mma peni ya ont fohka ch̄i kv̄t okla im anukfila tok.

40. Micha isht yichifi ya okla kohchit aiowa mvt, okhv̄ta ha okla im ile kaiyanchit peni isht afana isht talakchi a hotofi cha, nan tohbi shv̄pha wishakchi fehna takali ya mahli ha pit a asanalichit v̄ba takalichi mvt, oka v̄hli pilla ka, okla ia tok.

41. Micha okhv̄ta tuklo ai itafama ya pit v̄lhto cha, peni ash yakni ont on talali tok; mihma ibbish imma kv̄to a kv̄llot kv̄nia cha ilhkola he keyu hosh talaya ma, amba hasimbish pila hamo oka banv̄tha kv̄llo fena kv̄t okp̄nit kanchi tok.

42. Mihma tv̄shka chipota v̄hleha hash ot aboha kv̄llo v̄lh̄pita yatuk a v̄ba hinla, yv̄mmak keyukma, kanima mvt okshonullit kohcha cha, hlakofa hinla ka, anumpulit maya tok.

43. Yohmi kia kv̄pitv̄ni hvt Pal a okchal̄inchi b̄v̄nna hatuk osh, okla nan ahni tuk a im olv̄bbi tok; mihmvt kanima hosh okyohla hinla kak osh tik̄ba okhv̄ta ha pit oka kahvt kocha ona ch̄i ka,

44. Mikma inla kanimi kv̄t iti b̄v̄sha yo o binohli ma, kanimi mvt peni pahlahli yak o o binohla ch̄i ho, miha tok. Mih hosh yakohmi tok; momvt nana kaniohmi iksho hosh yakni ya, okla onvt hlakofi tok oke.

CHAPTA XXVIII.

Pal, micha apehvt aya tuk aiena kash okla nan ik ithano v̄hleha hvt i kana fehna, 1. 8 Pal vt yakni tashaiyi abeka aiasha tuk a laua ho hlakofichi. 16 Pal vt Lom a v̄la mvt, Chu okla ha v̄bi isht im anumpuli.

1. MICHA okla hlakofi mvto yakni tashaiyi vt Milita hohchifo hatuk o akostininchi tok.

2. Mihma okla nan ik ithano vhleha yvt pi kana kv̄t peh chohmi tok keyu; mihma uhumba hatuk, micha kap̄ssa aiena hatuk oka, okla luak oti cha, mominchit pehlichit pishi tok.

3. Mihma Pal vt iti chipunta laua itahobit, sholit luak a ant itoyashachi ma, sinti okpulo fena yvt luak lv̄shpa ka v̄tv̄t kohchvt, ibbak a apakfoa tok.

4. Mihma sinti okpulo fehna yvt ibbak a a takanli na, oklushi nan ik ithano vhleha yash ot pisa mv̄t, Ik kaniohmi kia hatak il̄vp̄vt hatak bika vbi pulla tuk osh, okhv̄ta hokv̄no i hlakofi tuk nana kia, na palv̄mmi ak okv̄to okchayvt ik antá, ahni keyu hoke; ilap bika itim achit maya tok.

5. Mihma sinti yash fahlit luak pit itv̄chi mv̄t, nan ik kanihmo ki tok.

6. Yohmi kia shatalikmá, keyukmv̄t ashalika illit aka itulakmá nana chi kak o, im ahobvt maya tok; yohmi tuk kia okla pisa na hopaki h̄o, nan ik i kanihmo h̄o pisa mv̄t, inlv̄chit im anukfila mv̄t, yv̄mmak ash nan isht-ahullo hoka, achi tok.

7. Yakni yv̄mmak oka yakni tashaiyi ya apehlich̄i P̄v̄blivs hohchifo h̄o, im osapa yosh talohmaya tok. Atuk osh yv̄mm̄t pi kana achukmv̄t pehlichit pishi na, nitak tuchina il ashwa tok.

8. Atuk o yakohmi tok, P̄v̄blivs iki vt yv̄nha, micha is-sish ikfia aiena h̄o isht abeka hosh ittoyula tok; atuk o Pal vt yv̄mmak ash ont iba chukowa cha, v̄ba pit anumpulit ibbak a isht umbitepa mv̄t, hlakofichi tok.

9. Il̄vp̄vt a yakohmi ma inlaka ak kia, yakni tashaiyi yv̄mma abeka maya tuk vt ai vl̄vt hlakeh̄ofi tok.

10. Micha yv̄mmak okv̄t nan isht a holitopa laua ka isht pi holitobli tok; micha kocha il ilhkoli ma, nana kia isht aya he vl̄hp̄esa puta ka okla pi shaliichi tok.

11. Mihma hv̄shi tuchina kv̄t taha ma, Aleksantia peni yosh yv̄mm̄t yakni tashaiyi yak o hv̄shtula ya takanli tok; micha hohchifo mv̄t Kasta, mikmv̄t Palv̄ks aiena hosh lapali h̄o, pit vl̄htot il ilhkoli tok.

12. Micha Sailekus a ont il ataya cha, yvmma il ashwa na nitak tuchina tok.

13. Yvmma asht e minti mvt apakfompvt mihintit Lichi-vm a e la tok; atuk o ont onna ma, oka mahlit mahli ma, mintit nitak ont atukla ma, Putioli, ya e la tok.

14. Yvmmak o il itibapishi vhleha ya ant il ahayuchi ma, takla e maya na nitak untukla chi ka pim ahni tok; yohmi ma Lom pila imma pit il ilhkoli tok.

15. Mihma yvmma asht il ilhkoli ka, il itibapishi vhleha yvt pi haklo mvt, Api Folvm, mikmvt Ai-impa chuka tuchina heli ka ai vhli kak o, ant a pi afamvt itvnowa tok, Pal vt yvmma pisa mvt, Chihowa ya, yakoke, pit im ahni mvt, ayiminta tok.

16. Atuk o Lom a okla il ai vla ma, kvpitvni hvt aboha kvllo vhlpita yatuk a nan apesvchi i kvpitvni ha ont ibbak fohki tok; amba Pal ano ik yohmi im ahni na, ilap bano hosh isht aya tuk tvshka chipota ya awant anta tok.

17. Atuk o yakohmi tok, nitak tuchina ont taha ma, Pal vt Chu hochitoka vhleha ha hoyot itahobi tok; micha itahoba ma, Hatak il itibapishi vhleha ma! vno vt okla hoka, micha pin tikba nana a kaniohmi a puta kia nana im ai isht a kaniohmi li kvk iksho nana kia, Cheluselem a vttvt talakchi yosh Lom okla ha ibbak fohka li hokvno.

18. Atuk o yvmmak ashot okla achukmalit vm asilhhvchit taiyahli mvt, isht ai illa he vhlpesa mvt, si a takali keyu hatuk oka okla a hotofa he tuk.

19. Yohmi kia Chu vhleha yvt yvmma a sanalit anumpuli ma, vno vt ik kaniohmi kia, Sesa ya im anoli la hi vt, vm anukfila ha tok; vm okla talaia ka nana ho isht ai atokoli la hi vt vm asha ha tok o keyushke.

20. Yvmohmi hatuk osh ilvppa a yakohmi pulla kak o hvchi pisvt isht hvchitim anumpuli la chi hosh hvchi hoyo li tuk oke; Israel nan pit ai ahni a tok pulla mak o, tvli itakvli ilvppvt isht sa talaiyakchi hokvt; im ahanchi tok.

21. Mihma, Chishno a chi nanumachi holisso kvk Chutia ya minti kvk ik pim vlo; yohmikma il itibapishi vhleha ak kia ai vla kvk kanima mvt, nana ik achukmo nana kia chi anolit anumpuli chatuk keyushke.

22. Yohmi kia chishno nana isht chim anukfila kano haklo ka il ahnishke; amba iksa ilvppak okvno na mihachi kvt kanima mominchi hoka, il ikhaiyanvshke; okla im achi tok.

23. Micha nitak okla pit im apesa tuk o, laua kvt ai vtta ya okla ant iba chukowa tok; mihma yvmmak osh Chihowa apehlichika ya atokolit im anolit, Moses i nan-vlhpisa, micha hopaii vhleha i holisso puta ka akohchit, Chisvs a isht ai anukfohkichit ahanta na onnahinli tuk vt opia tok oke.

24. Yohmi ma nana kvt anumpa tuk puta ka kanimi kvto yimmi ma, anonti kanimi mvt ik yimmo ki tok.

25. Micha okla ik ai it achvfo mvt, Pal vt anumpa achvfa anumpulit, Shilombish Holitopa yvt hopaii Esaias a, ahli hosh ai isht anumpulit hvpin tikba vhleha ya,

26. Oh ia cha, okla ilvppa haklo hokvno hvsh haklo kia hvchik akostinincho ka hi oke; mikmvt pisa hokvno hvsh pisa kia, yakohmi hvchik ai ahno ka hi oke; hvsh in ahanchashke.

27. Yvmmak keyukmvt nishkin a ishit pisa cha, anonti haksobish ma, ishit haklokmvt, anonti chukvsh a akostininchi cha inlv im anukfila na, hlakofichi la hinla ka, okla ilvppa chukvsh vt nusilhha fehnvt taha ma, anonti haksobish mvt haponaklo kvt in takobi ma, anonti nishkin a okla okhishta hoka; im ahanchi tok.

28. Yvmohmi hoka, Chihowa yvt isht ai okchalinchi ya okla inla puta kak o ima ka, yvmmak okvto haponakla chi hoke, hvsh ithaiyanashke; achi ma, tisheli tok.

29. Yvmmvvt anumpa ilvppa ahanchit ont issa ma, Chu vhleha yvt tisheli cha, ilapo bika yak o itim anumpuli fehna hosh maya tok.

30. Yvmohmi ma Pal vt, ilap chuka puta tuk vt ahanta na, afvmmi tuklo vlhpiesa hlopulli tok; yohmi mvt kvna hosh i nowvt ayvt vla ka aiokpahanchi banot,

31. Chihowa apehlichika ya isht anumpulit, hatak nana hosh im alvmmi iksho ho, nana kvt Chitokaka Chisvs Klaist a pit ai ahalaia putakma nukwaya iiksho hosh im abahanchi beka tok oke.

HOLISSO PAL UT CHUCH LOM

A HIKIA HO I HOLISSOCHI TOK.

CHAPTA I.

Vbanumpa yimmi Lom aiasha ka Pal vt pit aiokpvchi, 1; 16 Vbanumpa hvt nana, micha nan vhlpiesa nana ho isht otaiyani; 18 nashvchi moma ka Chihowa yvt i nukkilli; 21 nan ik ithano okla nan im ai ashvchika yvt nana hatuk okma anoli.

1. PAL, Chisvs Klaist in tishu, apostel toba kvv, Chihowa im vbanumpa isht vtta hi osh vlhtoka tok vt,

2. Yvmma tikba pilla kash o Chihowa hvt Holisso Holitopa yak o i hopaii vhleha ha isht ai anohonli kvv,

3. Ilap Ushi Chisvs Klaist hvpin Chitokaka, yvmmvt haknip imma hokvno Lewi isht atiaka yo isht atoba kak atok;

4. Michi shilombish holitopa hokvno illi tuk osh falamvt tani kak osh Chihowa Ushi nan im ai ahli fehna kvv isht otaiyani ai okluha tok:

5. Yvmmak atuk pulla mak o isht ai i kana, michi vbanumpa isht-ai vtta vlhtoka aiena ka il ai eshi ka, oklushi moyuma kvv vbanumpa ha im antia na ilap hohchifo hvt isht a holitopa hi atok:

6. Yvmmak o ibai achvvt Chisvs Klaist a im a hvchi vlhtohoka tok:

7. Lom aiasha moyuma Chihowa i holitopa, vbanumpuli tohomba tok moyuma ka Piki Chihowa, michi Chitokaka Chisvs Klaist ita tuklo nan isht i kana, michi nan isht it i nanaiya ita tuklo kvv hvchi anukfoyakashke.

8. Ummona ka Chisvs Klaist ak atuk mak o hvsh moyuma ka hvch ithaiyanvt, na hvchi yimmi hoka annohovvt

yakni moyuma ka a hlopulli kak o, an Chihowa ya yak oke, pit im ai ahni li hoke.

9. Yohmi ka yummak oka ilap Ushi im vbanumpa hak o ai isht sa shilombish oka isht in toksahanli li kvt, anumpa ilbvsha anumpuli li puta kvt pit hvch ithaiyana bieka hosh, isht hvchi anumpohonli li kvt ak isso kamohmi hoka, Chihowa yak osh nan atokowa si anoli yoke.

10. Himak a yohma he yoba tuk o nitak vt ik hopako kia achukma biekt ayvt, Chihowa yak osh ai ahni pulla na hvchim ona la he ak osh asihihla lishke.

11. Yohmi ka hvchi pisa sa bvna fehna kvt, shilombish isht im achukma he yak o hvchi hopela li, nana ka isht hvchi hlampka hi atok.

12. Ilvppvt nana ka hvch ibai yukpa li hokbano, na yimmi bika pia hatuk oka, achi li hoke.

13. Yohmi ka itibapishi li vhleha ma! hvch im ona la hi okvt himonna vm anukfihinla kvt, nan-vni kaniohmi ka hvch itintakla ya ai ishi li kvt, Chentail inla vhleha ha ai ihishi li tok a chiyuhmi ak inlikbano ahni li tuk kia, si ataklama na himak a hvch ik ithano ka he ai ahni li keyu hoke.

14. Klik, micha Bvlbaha vhleha, nan ithana, nan ik ithano aiena ka vbanumpa ha isht im anumpohonli la he vm vlhpisa hoke.

15. Yohmi hoka, vno yokvto Lom hvsh ai asha kak kia, vbanumpa isht hvchim anumpohonli la chi kvt vm vlhtaha hoke.

16. Yohmi ka Klaist im vbanumpa ha i sa hofahya he keyu hoke: yohmi ka yummak okvt Chihowa nan im ai ahli pulla hatuk ak o kvna hosh yimmi puta hokvto isht ai okchaya hoke; vmmona ka Chu hak osh ai yvmohmi ho, anonti Klik vt ai yvmohmi ak inlishke.

17. Yohmi ka yummak o na yimmi ak atuk pulla kak o Chihowa i nan isht okchalinci yvt na yimmi vhleha ha im otaiyani hoke; holihiso kvt, Ai-vlhpiesa yokvto na yimmi pulla kak osh isht okchaya hi oke, achi hoka.

18. Yohmi ka Chihowa vba yakni binili nan isht i nukkilli yvt hatak vt Chihowa ik holitoblo, micha nan ai vlhpiesa

keyu yvmohmi puta kv̄t anumpa ai aḥli ka ataklv̄mmi kak o onvtuyula hosh otaiyani hoka.

19. Yohmi ka Chihowa imma ka isht ithv̄na hinla ka ilap inli kv̄t isht otaiyani hoka, Chihowa yak osh i haiakv̄chi hatuk oka.

20. Yohmi ka yakni, micha nan okluha v̄ba ai asha kv̄t toba tok takla ka nana nishkin isht pisa he keyu Chihowa immi puta ka akostininchi fehna kv̄t nan okluha tohomba tok a Chihowa nan okluha im ai aḥli, micha okchayvt bilia yoka isht akostininchi hatuk osh nan isht a miha hi vt ik im ikshoshke.

21. Yohmi ka Chihowa yoka ithana ha yokvt, Chihowa chohmichit ik holitoblo kish, yak oke ik im ai ahno, amba im anukfila kv̄t nan isht ik ahobo tobtv̄t, chukv̄sh anukfila iksho yvt okhlilit kv̄nia tok.

22. Yv̄mmvt hopoyuksa ilahobi hosh ik hopoyukso toba tok.

23. Micha Chihowa illa he keyu isht a holitopa ya kan-chit na holbtv̄t toba hatak illa he, micha hushi, micha nam-poa iyi ushta, micha nana balali puta aiena ka holbtv̄t toba ho holitobli tok.

24. Yvmohmi hatuk ak o Chihowa hokvt ilap inli chukv̄sh okpulo nan ai ahni puta kak atuk mak o na liteha ya a yvmohmit, ilap haknip puta kash inli isht ik iti hofahyali, im ai ahni tok ak inlishke :

25. Yohmi ka yv̄mmvt Chihowa i nan ai aḥli yoka holabi yo isht ai ikbi cha, natoba yak o aiokpv̄chit, in toksahanli kv̄t Nan ikbi ya i shahlichit tok : yv̄mmak okv̄to holitopvt bilia yoke. Amen.

26. Ilv̄ppak atuk pulla kak o Chihowa hv̄t ant ik yvmohmi ai ahni ho, haui isht ile hofahyali ilaiyuka ka ai yvmohmi tok. Yohmi kv̄t ohoyo hak kia nana ka ai yvmohma he atuk ash o ai inlv̄chit, ohoyo hv̄t ai yvmohma he atuk keyu ka yvmohmi tok.

27. Mihma nakni yak kia ohoyo hak o ai yvmohma he atuk vt issa cha, it i haui anukfilli kv̄t luhv̄wa fehna mvt, nakni vt nakni bika ka isht a hofahya yak o it i yvmihinchi

hosh, ilap nan ai ashvchika isht vltoba ai vlhpiesa mak o ilap ash inli hosh ihishi tok.

28. Micha Chihowa hoka ithaiyana ka ik bvno hatuk oka, Chihowa hvt ant ik yvmohmi ai ahni ho, im anukfila okpulo yoka nan isht ai ahni hosh, nan isht a hofahya he puta ka yvmihinchichi tok.

29. Yohmi hosh nan ai vlhpiesa keyu, itin lumaka, nan okpulo anukfilli, nan anushkunna, inla chukvsh hotopali bvna, nan it i potvno, hatak bika vbi, itachowa, it i haksichi, nan isht i nukilli, inla lumvt na mihachi aiena ka isht ai alotovt kvnia hatuk osh,

30. Inla ya ashakachit na mihachi puta, Chihowa i nukilli vhleha, na hofahyalit isht anumpuli, ilefehvtchi, ilauata, nan isht ik achukmo puta ihikbi, iki, ishki ita tuklo ik im antio,

31. Nan im anukfila iksho, nan it im vlhpisa kobvfit shahli, im vlla i hullo ik im iksho, it i hopohla himma keyu, it i nukhaklo ik im iksho :

32. Yvmmak okvt Chihowa i nan vlhpisa yvt, kvna hosh nana yvma chiyuhmi ka yvmihinchichi hokvt isht ai illa he vlhpiesa achi ka ithana kia; yvma yvmihinchichi kak bano keyu, amba kvna hosh yvmihinchik mak o isht im ai achukma hoke.

CHAPTER II.

Kvna hosh nanashvtchi hokvto nana ho isht apehpoacha hi vt ik im iksho, 1 : 6 mikvvt Chu yokma, keyukvvt Chentail okma, nana hatuk oh kia Chihowa i nan vlhpisa ha im a hlakofa he keyu.

1. YVMOHMI ka kvna chia hoh kia inla anumpa ish onochikvvt, nan isht ile mihacha hi vt ik chim ikshoshke, hatak chia ma! kvna chia hosh inla anumpa ish onochi hokvvt, nana yvmmak ash inli ho ish ai yvmohmi chatuk okvt; nana ho inla ya ish onochi kvvt, chishno yash inli hosh anumpa ish il onochi hoke.

2. Yohmi kia ilvppa chiyuhmi yvmihichi puta hokvno

Chihowa yokvt ai ahli mak o nan vlhpisa ya onochi hoka il ithaiynvshke.

3. Yohmi ka hatak chia ma! nana yvmma yvmihinchī puta ka anumpa ish onochi mvt, yvmmak ash inli hō ish yvmihinchī kv̄t, Chihowa i nan vlhpisa ya ish ai i hlakofa hinla, chim ahoba cho?

4. Micha Chihowa isht chī kana ya isht ish ile kostinincha he atuk vt chik ithaiyano hosh, isht chī kana fehnvt, chim ile salalit, na palvmmi chi onocha hi osh ile halanli aiena ka ish shitelama cho?

5. Amba chi chukvsh kullo nan ai ashvchika isht nukhaklo keyu yak o ish iakaiya hosh, Chihowa yokvt nan ai vlhpiesa apesa ka otaiyana he, micha ai ilbvsha nitak vt otaiyanikma, a chilbvsha hi vt ish il im itvnahanlishke.

6. Yvmmak okvto hatak puta kv̄t ilap nana kaniohmi tok ak o isht ai im atobba hi oke.

7. Yohmi kv̄t kv̄na hosh nuktaiyalvt achunanchit nan achukma yvmohmi kv̄t, isht a holitopa, micha isht annoa achukma, micha isht ai illa he keyu hohoyo hokvno isht ai okchaya bilia he im apesa hi oke.

8. Amba kv̄na hosh Chihowa ya i sanali, micha anumpa ai ahli ik holitoblo hosh, amba nan ai vlhpiesa keyu a yvmohmi hokvno, isht i nukkilli chinto kv̄t onvtuyula hi oke,

9. Micha hatak nan ik achukmo yvmihchi puta hokvno isht ai ilbvsha, micha isht anukhvmmi aiena hosh onvtuyula kv̄t; Chu ak o tikba onvtuyula cha, Chentail ak kia onvtuyula hi oke:

10. Amba isht a holitopa, micha isht annoa achukma, micha isht it i nanaiya aiena hosh hatak nana achukma yvmihinchī puta hokvno onvtuyula he; yohmi kv̄t Chu ak o tikba onvtuyula cha, Chentail ak kia onvtuyula hi oke;

11. Yohmi ka Chihowa hokvto hatak puta ka it i shahshohlichī kv̄t ik im iksho hoke.

12. Yohmi ka laua kaniohmi hosh vba nan vlhpisa yvt ik im iksho hosh nan ashahanchī hokvto, vba nan vlhpisa iksho hō ai okpulo kv̄t kv̄nia mak inla he; mikma laua kaniohmi hosh vba nan vlhpisa yvt in tonla hosh nan ashahan-

chi hatuk mvt, vba nan vlhpisa yak o nan isht ai im vlhpisa hi oke:

13. Yohmi ka vba nan vlhpisa ya haklo vhleha hak osh Chihowa itikba ya isht ai vlhpiesa ho keyu, amba vba nan vlhpisa ya yvmihinchi vhleha hak osh ai vlhpiesa hoke.

14. Yohmi ka Chentail vba nan vlhpisa ik im iksho vhleha hvt ilap nan anukfilli hosh nana a kanihoma he vba nan vlhpisa ya foka tuk a yvmihchi hokmvt, yvmmvt vba nan vlhpisa yvt ik im iksho ak inli kia, ilap ash inli hosh isht im il i nan vlhpisa yoke.

15. Yvmmak osh vba nan vlhpisa yvt nan i miha ka otrninchikvt i chukvsh oka ai o holihiso ho, ilap nan isht il akostininchik yak kia nan atokowa ka ibai anohonli, mikma im anukfila puta kvt i himmak ano ilap ash inli hosh anumpa isht il onochi, isht il achukmali, kanimampo ka it im anohonli hoke.

16. Yohmi kvt Chihowa hokvt vm vbanumpa ak atuk pulla kak o Chisvs Klaist oka ishit hatak im anukfila luma puta tuk a nan im apesa he nitak yvmmak fehna ka yvmohma hi oke.

17. Yakeh! Chu chi hohchifo kvt, vba nan vlhpisa ya ish anukchieto hosh Chihowa ya isht ish ilauata;

18. Micha vba nan vlhpisa ya isht a chim vlbvchi hatuk osh, nan ai ahni ka ish ithana, micha nan achukma i shahli ka ish holitobli hoke;

19. Micha nishkin tamoa ya in tikba hika, ai okhlilika anukaka aiasha ka im pula sia hoke, ai ahnit ish ile yimmi hokvt;

20. Micha im anukfila iksho kostininchik, vlla chipinta nan im avbchi, nan ithana, micha nan ai ahli vba nan vlhpisa foka ka ai isht ithvna ish ishi hoke.

21. Yvmohmi ka chishno yvt inla nan ithvnanchik chia hokvt, chishno inli kvno chik il ithvnanchik cho? Hatak vt hukopa he keyu ho otrninchik ish anumpohonli hokak osh, chishno yvt ish hukopa cho?

22. Hatak vt itin lumaka he keyu, ish ahaya hokak osh, ish itin lumaka cho? Na holbvt toba ya i yuwalvt ish shi-

tilema hokak osh, Chihowa ya nana ish ima hi atuk vt ish ishi cho?

23. Uba nan vlhpisa isht ish ilauata ho kak osh, vba nan vlhpisa yash kobvffit Chihowa ya isht chik holitoblo cho?

24. Yohmi ka, Yohma hi o holihiso hatok oka, Chihowa hohchifo hvt Chentail vhleha ha ai i kvllakshi kvt hvchishno yak atuk pulla kak oke.

25. Yohmi ka vba nan vlhpisa yak o ish holitoblik mvno, hakshup tupa yvt isht ai achukma ai ahli; amba vba nan vlhpisa ya, ish kobvffi yokmvno chi hakshup tupa yvt hakshup ik tapo hoke.

26. Yvmohmi ka hakshup ik tapo yvt vba nan vlhpisa yvt isht ai vlhpiesa kak o holitobli hokmvt, hakshup ik tapo yash ot hakshup tupa yo chohma hinla keyu?

27. Micha hakshup ik in tapo yoh mak osh vba nan vlhpisa ya holitobli hokmvt, chishno yokvt holisso hvt chin tonla, micha chi hakshup tupa kia vba nan vlhpisa ya ish kobahafi ka, nan chim apesa hinla keyu?

28. Yohmi ka paknali yokvto Chu keyu, micha nipi ai otvni kvto hakshup tupa keyu hoke.

29. Amba im anukfila anukaka yokvto Chu oke; mikma hakshup tupa yrto chukvsh anukaka yak oke; yvmmak oka hatak okvt ahninchu keyu, amba Chihowa yak oke.

CHAPTA III.

Chu okla nan isht im achukma kvt i shahli, 1. 9 Uba nan vlhpisa yvt nanashvchi Chu a isht im atokowa; 20 hatak nana hosh vba nan vlhpisa ya isht ai vlhpiesa he keyu: moma kvt na yimmi ho isht ai vlhpiesa; yohmi kia vba nan vlhpisa yvt akshot kvnia keyu.

1. YOHMI ka Chu hvt nanta isht i shahli ho ishi ho? micha hakshup tupa ya nanta hak o isht im ai achukma ho?

2. Ai okluha bieka; vmmona ka Chihowa im anumpa hvt ibbak a foyuka hatok oka.

3. Yohmi ka kaniohmi kvt ik yimmo hatuk okma, nanta

katiohmi cho? yummvt ik yimmo kak osh Chihowa yvt nan isht ai ahli yoka ik ai ahlecho hō?

4. Ik yvmohmo pullashke; ahli, Chihowa hokvto ai ahlikma, amba hatak moma kvto holabi ashke; yohma hi o holihiso hatok oka, Ish ai anumpohonli puta kvt ish ai ahla hi atok, micha nana chim vlhpisakmvt, ish imaiyacha hi atok.

5. Yohmi ka nan ai vlhpiesa keyu e yvmohmi kak osh Chihowa hvt nan ai vlhpiesa yvmohmi ka otvninchi hokmvno, nanta hak o il acha hinla hō? Chihowa hvt na palvmmi ka onochi kvt ik ai vlhpieso hō? Hatak vt anumpuli chatuk mak o anumpuli lishke.

6. Ik yvmohmo pullashke; yohmi hokmvno, Chihowa hvt okla moyuma ka katiohmit nan im apesa hinla hō?

7. Yohmi ka Chihowa nan isht ai ahli yokvt vno ak osh holabi li kak o isht i shahlit otvni na ilap vt isht a holitopa hokak o, nanta katiohmi hō nan ashvchi yo chiyuhmit nan vm vlhpisa hinla ak inli hō?

8. Amba nan ik ahlo isht a pi annohōwa kv, nan ik achukmo kak o e yvmohmi na nana kv isht ai achukmashke, il achi hō kaniohmi hokak heto kvlochit anohonli hatuk a, nanta katiohmi hō ke yvmohmo cho? yummak ash nan vlhpisa hvt onvtuyula he vt ai vlhpiesa hoke.

9. Yakohmi ka katiohmi hō? isht a pim achukma kv ymma il i shahli hō? Keyu kamohmi hoke; yohmi ka Chu, micha Chentail vhleha moyuma hokvt ai ashvchika nuta ai asha ka tikba kash il otvninchi tuk oke:

10. Yohma hi o holihiso hatok oka, ai vlhpiesa yvt iksho, achvfa kia iksho hoke:

11. Achvfona kia nana ka akostininchi kv iksho; achvfa kia Chihowa ya hohoyo kv iksho hoke.

12. Moyuma kv naksika yo itvnohōwa, moyuma kv itapihvt isht ai achukma hi vt iksho; achvfa kia nana achukma yvmihchi kv iksho; achvfa kia iksho hoke.

13. Ishit nvlli yvt hatak a hollopi tiwa yoke; isunlvsh a isht haksihinchi; asps nan isht vbi yvt itivlbi anukaka ya foka hoke;

14. Inla ya nan okpulo im ai ahnit anumpuli, micha anumpa na hotopali aiena kvt itih ha alotowa hoke.

15. Iyi yvt issish a hlatahampla chi kvt pulhki hoke.

16. Isht ai okpulo, micha isht ai ilbrsha aiena kvt i hina ya foyuka hoke :

17. Isht it i nanaiya hina ya ik ithano chatuk oke.

18. Chihowa isht i nukshopa yvt nishkin itikba ya ik im iksho hoke.

19. Yohmi ka nana ho vba nan vlhpisa yvt achi kvt, kva hosh vba nan vlhpisa i nuta ai asha kak o im achi ka il ithana ; yohmi na itih puta kvt vlhkuma hi atok ; micha okla moyuma kvt Chihowa itikba ya nan vlhpisa yvt ai onvtula hi atok.

20. Yvmohmi hoka nan isht ai vtta vba nan vlhpisa yvt ai ahni kak o hatak nana kia itikba ya ai vlhpiesa he keyu hoke ; yohmi ka vba nan vlhpisa yak o ai ashvchika ya isht ithvna yoka.

21. Amba himonasi kano nan ai vlhpiesa kvt vba nan vlhpiesa holitobli kak o keyu, Chihowa hvt atahli tok a otaiyani kvt, vba nan vlhpisa, micha hopaii vhleha hvt nan atokowa anohonli tok ak atok :

22. Yvmvvt Chihowa i nan ai vlhpiesa Chisvs Klaist i yimmi kak o a minti mak osh moyuma ka im annohowa, micha yimmi moyuma, kvt anukfoyuka ; it im inla kvt iksho hoka :

23. Yohmi ka moyuma kvt nan ashvchi hatuk, micha Chihowa hvt ai ahninja hi a ik ono hatuk oka :

24. Chisvs Klaist vt isht vlhtoba ya atobbi tok pulla mak o, Chihowa isht i kana ya pilla isht ai im vlhpiesa hatuk oke :

25. Yvmmak oka im issish a anukchioto hokmak o, Chihowa hvt haiakvchi tok ; yohmi hosh Chihowa hvt na palvmmi onocha hi osh ile halanlit, tikba nan ai ashahanchi tok a i kashofi kvt, nan isht ai vlhpiesa otvninja hi osh yvmohmi tok :

26. Yohmi hosh himonasi ya nan isht ai vlhpiesa ya otvninja chi hosh yvmohmi kvt, Chisvs ak o i yimmi hokvno

nan ai ashvchika ya ai vlhpiesachi kv̄t, ilap vt ai vlhpiesa hi atok.

27. Yohmi ka nan isht ilauata yvt katimak o? Iksho kamohmishke. Nan vlhpisa nanta hak o isht ai akshu ho? nan isht v̄tta nan vlhpisa hak o? Keyu, amba na yimmi nan vlhpisa kak oke.

28. Yvmohmi hoka hatak vt v̄ba nan vlhpisa ya holitobli tok ak o keyu, amba na yimmi pulla kak osh isht ai vlhpiesa il ai ahnishke.

29. Chihowa hv̄t Chu ak illa in Chihowa ho? yvm̄vt Chentail ak kia in Chihowa ak inli keyu ho? Ahli, Chentail ak kia in Chihowa hoke;

30. Yohmi ka hakshup t̄vpa yvt i yimmi hatuk pulla mak o, micha hakshup ik tapo yvt yimmi hatuk pulla mak o ai vlhpiesacha hi vt Chihowa ach̄vfa illa hoka.

31. Yohmi ka na yimmi yatuk pulla kak o v̄ba nan vlhpisa ya il akshochi ho? Ik yvmohmo pullashke: amba v̄ba nan vlhpisa yak o il ai ahlich̄i hoke.

CHAPTA IV

Eblaham vt na yimmi hosh ai vlhpiesa isht hohchifo, 1 : 18 na yimmi moma hokvno Eblaham vt iki; 26 na hv̄pim a yimmi ka yak kia ai vlhpiesa isht pi hohchifa ch̄i.

1. YOHMI ka p̄iki Eblaham vt haknip imma hokvno nanta hak o ahayuchi tok o, il acha hinla ho?

2. Yohmi ka Eblaham vt v̄ba nan vlhpisa ya isht ahanta kak osh isht ai vlhpiesa hokm̄vt, nan isht ilauata īshi; yohmi kia Chihowa itikba hokvno yvmohmi keyu ki tok.

3. Yohmi ka Holisso Holitopa yvt nanta hak o achi ho? Eblaham vt Chihowa ya i yimmi kak osh nan isht ai vlhpiesa yvt immi toba tok.

4. Yohmi ka na toksahanli ka isht im vlhtoba kv̄t isht i kana yo keyu, amba aheka yoke.

5. Amba toksahanli yak keyu, amba nan ashvchi ya ai

vlhpiesachi yak o i yimmi hokvto, ilap na yimmi ak osh nan isht ai vlhpiesa yvt immi toba hoke.

6. Yvmma chiyuhmi ka hatak vt toksahanli keyu kia, nan isht ai vlhpiesa ya Chihowa hvt ima na nan isht ilaiyukpa ka Lewi ak kia isht anumpuli kv, t,

7. Kvna hosh nan ik ai vlhpieso yvt i kashofa, micha ai ashvchika yvt im ompoholmo hokvto, na yukpvshke.

8. Chitokaka yvt ai ashvchika ik im iksho yo chohmichi hokvno hatak yvmmvt na yukpvshke, achi tok.

9. Yohmi ka nan isht ilaiyukpa ilvppvt hakshup tupa ak illa ho immi ho? keyukmvt hakshup ik tapo yak kia aiena ho? Yohmi ka na yimmi yak osh Eblaham a nan isht ai vlhpiesa immi toba tok, il achi hoke.

10. Yohmi ka katiohmit immi toba tok o? hakshup tupa hayak atok o? keyukmvt hakshup ik tapo kisha kak atok o? Hakshup tupa hayak atok keyu, amba hakshup ik tapo kisha kak atok.

11. Yohmi ka hakshup tupa yak osh nan isht atokowa, micha nan isht ai vlhpiesa isht ai ahli mak o hakshup ik tapo kash inli hosh ishi tok; yohmi kv hakshup ik tapo kia, yimmi hokvno moyuma ka iki ya hi atok; yohmi ho yvmmak kia nan isht ai vlhpiesa yvt immi ak inla hi atok:

12. Yohmi kv hakshup tupa iki, micha hakshup tupa kak illa keyu, amba piki Eblaham vt hakshup ik tapo kisha ak inli kash osh yimmi a nohowa tok ak o iakaiya yvmmak okvno iki ya hi atok.

13. Yohmi ka Eblaham, micha isht atiaka yvt yakni moyuma kv immi ha hi o im issa kv, vba nan vlhpisa ya holitobli tok ak atok keyu, amba na yimmi nan isht ai vlhpiesa kak atok.

14. Yohmi ka vba nan vlhpisa yvmma anukchieto yak osh immi ha he yokma, na yimmi vt akshu toba, micha nan im issa tok a ai ahla he keyu hoke.

15. Yohmi ka vba nan vlhpisa yvto nan isht a palvmmi yoka; yohmi ka nan vlhpisa iksho hokvno, nan vlhpisa kobvffi iksho hoka.

16. Yvmohmi hoka isht i kana yak a hi atuk pulla kak o, na yimmi isht ai vlhpiesa kak oke: yohmi ho yvmmak ash isht atiaka moyuma ka nan im issa tok ash im ai ahla hi-atok: isht atiaka vba nan vlhpisa in tonla kash illa keyu, amba isht atiaka Eblaham e moyuma ka piki vt yimmi tok ak o chiyuhmi aiena kak o im ai ahla hi atok.

17. Yohmi ka, Oklushi lawa ka iki yo chikbi li tok; achi kvt holihiso hatok ak o yohmi hoke; Chihowa i yimmi tok yvmmak osh illi ya tanihinechi, micha nana kvt ik yvmohmo kisha kia, yohmi tuk ash inli ho chohmichit isht anumpo-honli yvmmak o itikba ai yvmohmi hoke.

18. Yvmmt yohma he ik ahobo fehna kia, yohmi pulla chi ahnit, oklushi lawa ka iki toba hi atuk vt yimmi tok; yohma hi o anuhumpa hatuk oka, Isht chi ai unchululi hvt yvmohma hi oke.

19. Yohmi kvt yimmi kvt ik kullo keyu hokvt, sipokni kvt afvmmi tahlepa achvfa foka kia, ilap haknip vt himo-nasi kuno illi, micha Sela im oshvto yvt illi, ai ahni tok keyu.

20. Chihowa hvt nan im issa tok ash ik yimmot anuk-tuklo keyu; amba yimmi kvt kullo hatuk osh Chihowa ha holitohombli tok:

21. Micha nan im ihisa hatuk vt ai ahlicha he bano aiena ka nukfoyuka fehna tok.

22. Micha yvmohmi kak o nan isht ai vlhpiesa yvt immi toba tok.

23. Yohmi ka yvmmt immi toba tok a, holihiso kak osh ilap ak atuk illa hak atok keyu:

24. Amba pishno ak kia pi holihiso ak inli tok; pin Chitokaka Chisvs okvt illi tuk a falaminchit taniechi tok a il i yimmi hokmvt, pishno ak kia pimmi toba hi atok oka,

25. Yvmmak ash ot pim ai ashvchika yak atuk pulla mak o illa chi hosh im vlhpisa tuk osh, isht pi ai vlhpiesa he mak o anonti falamvt tani tok.

CHAPTA V.

Na yimmi ho isht a pi vlhpiesa hokmak osh nan isht i kana Chihowa il ibai ishi, 1; 8 in twnrp pia hatuk kia Chisvs im issish pulla ho il itin nanaiya tok; 10 il itin nanaiya hokvt hrpi okchaya chi pulla; 12 nanashvchi, micha nan illi itatuklo kv Alvm ak o minti tok; yohmi hoka nan ai vlhpiesa micha nan okchaya itatuklo kv Chisvs Klaist ako a minti hoke.

1. YUMOHMI ka na yimmi pulla yak o isht a pi ai vlhpiesa hatuk osh, pin Chitokaka Chisvs Klaist ak atuk pulla mak o Chihowa ya il it i nanaiya hoke.

2. Yvmmak atuk pulla mak o isht i kana il a hielu ilvppa na yimmi pulla kak osh e chukowa cha, Chihowa isht a holitopa ya il isha he ahnit, pi yuhukpvshke.

3. Michu yvmmak illa keyu, amba na palvmmi puta ak atuk mak o pi yuhukpa ak inlishke; na palvmmi yak osh nuktaiyalvt achunanchi ikbi hoka, il ithana hoke:

4. Mikmvt nuktaiyalvt achunanchi yak osh Chihowa immi ai a atokowa isht ai il ithana ikbi hoke; micha Chihowa immi ai atokowa isht ai il ithana yak osh ai okchaya pisa he ahni ikbi hoke:

5. Michu ai okchaya pisa he ahni yvt hofahyali keyu; Shilombish Holitopa yvt pi anukfoka hatuk osh Chihowa isht i hullo ya lauachit pi chukvsh anukaka ya pit fohobli hoka.

6. Yohmi ka hlampko ik pim iksho moma kak o ont ai vlhpiesa ma, Chisvs vt Chihowa ik holitoblo ya vlhtobvt illi tok.

7. Yohmi ka hatak vlhpesa yak ok mak o kanima kv vlhtobvt illa he keyu chiyuhmi; amba hatak achukma yokvno kaniohmi kv vlhtobvt illi kv ik nukwiyo ka hinla chishke.

8. Amba Chihowa hokvto isht pi hullo otvninchi kv, nan ashvchi pia moma kash o, Chisvs Klaist vt pi vlhtobvt illi kak a tok.

9. Yohmi ka himonasi hokvno im issish ak o isht a pi

vlhpiesa hokvt, yummak atuk pulla kak o isht i shahli fehnvt na palvmmi mihinti ka il i hlakofa hinla hoke.

10. Yohmi ka in twnrp pia moma kash ot, Ushi yvt illi tok pulla kak o Chihowa ya isht a il it i nanaiya hatuk okmvt, il it i nanaiya ha yokvt, ilap okchaya pulla kak o isht i shahli fehnvt isht a pi okchaya hinla hoke.

11. Micha yummak illa keyu, amba pin Chitokaka Chisvs Klaist ak atuk pulla kak o Chihowa ya isht a pi yuhkpa fehna cha, yummak atuk pulla kak o himonasi kvno isht il it i kana hoke.

12. Yvmohmi ka hatak achvfa nan ashvchi achvfa pulla ho ai ashvchika yokvt yakni paknaka yoka chukowa tok; micha ai ashvchika yak atuk pulla mak o nan illi yvt yakni paknaka yoka onvtuyula tok; yohmi hatuk o nan illi yvt hatak moyuma ka onvtuyula tok, moyuma kvt ashahanchi hatuk oka.

13. Yohmi ka vba nan vlhpisa yvt ik holisso kisha ho ai ashvchika yvt yakni paknaka ya a takali tok: amba nan vlhpisa yvt iksho hokvno ai ashvchika yvt onvtuyula he keyu hoke.

14. Yohmi kia Alvm ai ahantvt Moses ai ahanta ant ai vhli Alvm nan ashahanchi tok a chohmi keyu moyuma kak kia nan illi yokvt i shaiyahli tok; yummak ash ot vla hi atok yvma isht vlhpisa hoke.

15. Amba nan ai ashvchika yash o na hvlbina yvto ik chiyuhmo hoke. Yohmi ka achvfa hosh nan ashvchi kak o moyuma kvt illi hokma, Chihowa hvt isht i kana, micha isht i kana yak o isht a hvlbina yvt isht i shahli fehnvt, Chisvs Klaist, hatak achvfa, yummak atuk pulla kak o moyuma ka in laua hoke.

16. Micha achvfa nan ai ashvchi tok ash o na hvlbina yokvto chiyuhmi keyu hoke: yohmi ka ai ashvchika achvfa nan im vlhpisa kv isht ai i palvmmi yatok, amba pilla na hvlbina yak okvto ai ashvchika lava isht a kashofvt isht ai vlhpiesa yoke.

17. Hatak achvfa kash im ai ashvchika yak o nan illi yvt hatak achvfa kash pulla kak o isht i shaiyahli hatok okma;

isht i kana lawa, micha nan isht ai vihpiesa hvlbina lawa ka ihishi hokak heto isht i shahli fehnvt, hatak achvfa, Chisvs Klaist ak atuk pulla mak o ai okchaya ya a mikot aiasha hi oke.

18. Yvmohmi ka achvfa nan ashvchi kash pulla kak o isht ai i palvmmi yvt hatak moma kvt isht im vlhpisa tok ash inli chiyuhmit, achvfa i nan isht ai vlhpiesa yak pulla kak o pilla na hvlbina ai ashvchika i kashofvt isht ai vlhpiesut okchaya hi vt hatak moyuma ka im aya hatok.

19. Hatak achvfa kash osh ik im antio pulla kak o moma kvt nan ai ashvchi vhleha toba tok ash inli chiyuhmit, achvfa kash osh im antia pulla kak o lawa kvt ai vlhpiesa toba hi oke.

20. Anonti ai ashvchika yvt lawa chi mak o, vba nan-vlhpisa yvt aya tok: yohmi kia ai ashvchika yvt lawa ma, isht i kana yvt isht i shahli fehnvt lawa tok.

21. Yohmi ka ai ashvchika yvt imaiyvt illihinchu tok ash inli chiyuhmit, isht i kana isht ai vlhpiesa pulla kak osh isht i shahlit pin Chitokaka Chisvs Klaist atuk pulla mak o, isht okchalinchi bilia hi atok.

CHAPTA VI.

Nanashvchi il ai ahanta he keyu, 1; 3 na baptismo pulla hosh yvmak ash il im illi hatuk okvt: 12 nan ahopoyuksa a yvmohma he osh pishno ak inli il im issa hatuk oka; himaka pilla ma nanashvchi yvt ik hvp i shahlo kashke: 22 nanashvchi atoksali isht im vlhtoba kvt nan illi.

1. YOHMI ka nanta hak o il acha hinla ho? Isht i kana yvt laua chi mak o, isht ai ashvchika ya e mahaya hinla ho?

2. Ik yvmohmo pullashke. Ai ashvchika ya il im illi ha yvt, katiohmi kak osh yvmmak ash inli ho il ai ahanta moma hinla ho?

3. Yohmi ka Chisvs Klaist ak o im a baptismo kvt, illi tok a isht a pi baptismo ak inli hatuk a, hvch ik ithano ho?

4. Yvmohmi ka pi baptismo pulla kak osh illit il iba hol-

lopi hoke: yohmit Klaist illi tok vt Chihowa isht a holi-topa yak pulla kak o falamvt isht a tani tok ash inli chiyuhmit, pishno yak kia himonvt toba yosh il itvnowa hi atok.

5. Yohmi ka ilap illi tok ak o isht a hoyulba hosh il iba hollokchi hatokmvt, illi tuk vt falamvt tani tok ak kia isht il a hoyulba ak inla hi atok.

6. Yohmi ka ai ashvchika haknip vt okpulo^t knia na himak a pilla hokvno ai ashvchika yvno il i yuka he keyu mak o, pim anukfila tikba yvt ititaiyukhvna yak o yvma ibai illi hatok, ilvppa il ithana hoka.

7. Yohmi ka kna hosh ibai illi hokvto, ai ashvchika ya ai i mokofa hoke.

8. Anonti Klaist a il ibai illi hatok mvt, il ibai okchaya ak inla hi okvt, pi yimmishke.

9. Yohmi ka Klaist vt illi tuk vt, falamvt tani hatok okvt, himmakma illa he keyu: nan illi yvt himmakma imaiyacha he keyu ka il ithaiyanvshke.

10. Yohmi ka illi hokvto, himonna illa ho ai ashvchika pulla kak o illi hatok: amba okchaya hokvto, Chihowa hak o im ahantvshke.

11. Yvmmak inli ho chiyuhmit hvchishno yak kia ai ashvchika ya il im illi ho mvhli, hvsh il ahni, amba pin Chitokaka Chisvs Klaist ak atok pulla mak o okchayvt Chihowa ya il im ahanta, hvsh il ahni ak inlashke.

12. Ai ashvchika yvt hvchi haknip illa hi a ik imaiyacho ki, im anukfila okpulo yvma hvch ik im antio kashke.

13. Hvchi haknip moyuma ka vlhpesa ahnit, nan ik ai vlhpieso isht a yvmohmi yo chiyuhmit isht hvsh ashvchi na; amba illi tok osh falamvt okchaya ho chiyuhmit, Chihowa ya hvsh il im issashke; micha hvchi haknip moyuma kv^t Chihowa yak o nan isht ai vlhpiesa isht i yvmohmi mak o hvsh chiyumashke,

14. Yohmi ka ai ashvchika yvt hvch i shahla he keyu; yohmi ka nan vlhpisa yak o nutaka hvsh anta keyu, amba isht i kana yak oke.

15. Yohmi ka katiohmi cho? nan vlhpisa ya nutaka il

anta keyu; amba isht i kana nutaka yo il anta kak osh il ashvcha chi ho? ik yvmohmo pullashke.

16. Yohmi ka kvna ho in tishu tobt hvsh im antia hokmvt, kvna ho hvsh im antia kv, in tishu hvchia hokvt hvch ik ithano ho? Ai ashvchika isht ai illi, keyukmvt im antivt isht ai vlhpiesa yak okmá, kanimampo yoke.

17. Amba ai ashvchika ya i yuka hvchia hatok ak inli kia, nan isht vlvchi kaniohmi ho hvchim vlvchi hatok vt hvchi chvksh ak o isht hvsh holitobli hatuk ak o, Chihowa ya yak oke, pit im ai ahni lishke.

18. Yvmohmi ka ai ashvchika ya hvsh ai i mokofa mak osh, nan isht ai vlhpiesa ya in tishu hvsh toba hatok.

19. Hvchim anukfila hvt ik hlampko pulla kak o, hatak anumpuli chatuk mak o chiyuhmit anumpuli lishke; yohmi kv hvchi haknip moyuma ka vlhpesa ahnit, nan ik vlhpeso ya hvsh yvmohma chi kak osh, na liteha, micha nan ik vlhpeso aiena ka i yuka hvsh toba tok ash inli chiyuhmit, himonasi hokvno hvchi haknip moyuma ka vlhpesa ahnit, ai ashvchika yvt ik hvchim iksho ka chi kak osh nan isht ai vlhpiesa ya in tishu hvsh tobashke.

20. Yohmi kv ai ashvchika ya i yuka hosh hvsh ai asha mvto, nan isht ai vlhpiesa yvt ik hvchim iksho ki tok;

21. Yohmi ka nana yakohmi puta kvno nan isht il ai yukpa nanta ho hvsh ai ishi tok okak osh himonasi hokvno yvmmak a tok a hvsh i hofahya ho? yohmi ka nana yakohmi puta ka ont im ai isht aiyopi hokvto nan illi hak oke.

22. Amba himonasi hokvno ai ashvchika ya ai i mokofa hatuk osh, Chihowa yak o in tishu hvsh toba hosh, ai ashvchika i kashofvt isht il ai yukpa hvsh ishi hoke: yvmvt ont im ai ishтайopi kv ai okchayvt bilia yak oke.

23. Yohmi ka ai ashvchika ya isht vltoba hokvto nan illi hak oke; amba pin Chitokaka Chisvs Klaist ak atok pulla mak o Chihowa i na hvlbina hokvto ai okchayvt bilia yak oke.

CHAPTER VII.

Okchayvt anta kak illa hō vba nan vllhpisa yvt onvtuyula, 1, 4 yohmi ka vba nan vllhpisa ya il im illi tok; 7 yohmi kia vba nan vllhpisa yvt nanashvchi keyu; 12 amba holitopa vllhpiesa, micha achukma; nan vllhpisa ya holitobli kv̄t ik onancho kak osh Pal vt nukhaklo tok.

1. ITIBAPISHI li vhleha ma! nan vllhpisa ya ithana vhleha hak o im anumpuli lishke; yohmi ka hatak vt okchaya takla ka nan vllhpisa yvt i shaiyahli hoka hvch ik ithano cho?

2. Yohmi ka ohoyo hv̄t i hatak ashakmv̄t, nan vllhpisa ya nutaka ahanta hatuk osh, i hatak vt okchaya takla ka i filv̄mma he keyu; amba i hatak ak osh illi hok mv̄no, i hatak a i filv̄mma he keyu nan vllhpisa yash o ai i mokofa hoke.

3. Yvmohmi hatuk o i hatak vt okchaya takla hō, hatak inla auwaya hokmv̄to, havi hohchifa hi oke; amba i hatak vt illi hokmv̄no, nan vllhpisa yvmmak ash ai i mokofa hoke; yohmi hokvt hatak inla yo ik auwaya mak osh havi toba he keyu hoke.

4. Yvmohmi hoka itibapishi li vhleha ma! hvchishno yak kia Chisvs Klaist haknip atuk pulla mak o nan vllhpisa ya hvsh im illi hoke: yohmi kv̄t inla yo hvsh auwaya kv̄t, illi tok vt falamvt tani tok yvmmak a hi atuk: yohmi hosh Chihowa yoka nan vn̄it hvsh i waya hi atok.

5. Yohmi ka haknip ak o i nutaka hosh il ai asha mv̄no, ai ashvchika anukfila puta kv̄t nan vllhpisa atuk pulla mak o yvmohmit, haknip moyuma ka a toksahanli hosh isht illi ya vn̄it wahaya tok.

6. Amba himonasi kv̄no nan vllhpisa ya il ai i mokofa kv̄t, i nutakvt il ai asha hatok vt il im illi hatuk okvt; Chihowa ya holisso tikba ya tok ak o isht il a holitobla he atuk keyu, amba shilombish himona yo isht e holitobla he atuk oke,

7. Yakohmi hoka nanta hak o il acha hinla hō? vba nan

vlhpisa yak osh ai ashvchika y_o? ik yvmohmo pullashke. Keyu, ai ashvchika y_a ak ithano ke tuk osh, amba vba nan vlhpisa ak atuk pulla mak o ithana li tok; yohmi kvt nan vlhpisa yak osh, Chik anushkunno kashke, achi hatuk keyukma, nan anushkunna y_o ithana la hi atuk keyu hoke.

8. Amba ai ashvchika yvt vba nan vlhpisa atuk pulla mak o nan-anushkunna ilaiyuka puta ka isht si anukfokihinchitok; vba nan vlhpisa yvt iksho hokvno ai ashvchika yvt illi yatok oka.

9. Yohmi ka vba nan vlhpisa y_a ak ithano hokvto, himonna ka sai okchaya tok; amba vba nan vlhpisa nan ai ahni kvt vla mvno, ai ashvchika yvt okcha tok: mihma svlli tok.

10. Micha vba nan vlhpisa yvmmvt isht ai okchaya yosh vlhpihisa tok ash osh, isht illi y_o ahayuchi li tok.

11. Yohmi ka ai ashvchika yvt vba nan vlhpisa yak o isht okcha cha, sa haksichi tok; micha yvmmak o isht svbi tok.

12. Yvmohmi hatuk o vba nan vlhpisa yvt holitopa, mikma nan vlhpisa nan ai ahni kvt holitopa, ai vlhpiesa, micha achukma hoke.

13. Yvmohmi ka nana achukma yvmmak okak osh isht a svlla he an toba tok o? ik yvmohmo pullashke. Amba ai ashvchika yak atok yohmi h_o ai ashvchika yvt otvna ch_i kak osh, nana achukma ka isht a svlla he vm ikbi tok; yohmi h_o ai ashvchika yvt ik achukmo atampa fehna kvt nan vlhpisa nan ai ahni kak o isht ai otvna hi atok.

14. Yohmi ka vba nan vlhpisa yvto shilombish imma hoka il ithanvshke; amba vno yokvto haknip nan ai ahni i nuta sia, ai ashvchika y_a i yuka sia hoke.

15. Yohmi kvt nana h_o yohmi li kvt, vlhpesa ak ahno; yohmi kvt nana h_o ai ahni li hokvto, yvmmvno ak yvmihcho; amba nana h_o ak ahninchokmvt, yvmmak o yvmihchilishke.

16. Yvmohmi kvt nana ka ak yvmihcho hokbano ai ahni lik mak osh yvmihchi li hokmvt, vba nan vlhpisa yvt achukmvshke, vno yvt ai ahni lishke.

17. Yakohmi hoka vno ak osh himmakma yvmma yvmi-

hinchí li kak keyu, amba ai ashvchika si anukfoyuka kak oke.

18. Yohmi ka vno ya sa foyuka, yvmmvt sa haknip anukaka ya nana achukma kv̄t iiksho ka ithaiyana lishke: yohmi kv̄t nana achukma ai ahni hokvto si anukfoyuka; yohmi kia nana achukma yvmma yvmihinchí la he ak osh ak ahayuchoshke.

19. Yohmi kv̄t nana achukma kvno yvmihchí la he ai ahni li kv̄t, ak yvmihchoshke; amba nana ik achukma kvno yvmihchí la he ak ai ahno kia, yvmmvno yvmihchí lishke.

20. Anonti nana ka ak yvmihcho hok bano ai ahni lik mak osh yvmihchí li hokmv̄t, vno ak osh himmakma yvmma yvmihchí li kak keyu; amba ai ashvchika si anukfoyuka kak oke.

21. Yakohmi hoka nana achukma ka yvmihchí la he ai ahni likma, nana ik achukmo hokv̄t si anukfoyuka a bilia kv̄t, il akostininchí lishke.

22. Yvmohmi hoka Chihowa i nan v̄lhpisa ya v̄m anukfila himona yak okvno isht i hullo lishke.

23. Yohmi kia sa haknip nan ai ahni hokv̄t inla hatuk osh, v̄m a nukfila nana ai ahni ka in tanahampi, micha ai ashvchika nan ai ahni sa haknip foyuka kak o i yuka sahakbi ho, pisa lishke.

24. Ūno hatak ilbvsha fehna sia hoka, kv̄ta hak osh isht ai illi haknip ilvppa a sa hlakoficha ch̄i cho?

25. Pin Chitokaka Chisvs Klaist atuk pulla kak o Chihowa ya yak oke pit im ai ahni lishke. Yakohmi hoka v̄m anukfila hokvno Chihowa i nan v̄lhpisa yoka isht holitobli li; amba sa haknip okvno ai ashvchika nan ai ahni kak o isht i yuka sia hoke.

CHAPTER VIII.

Klaist a kv̄na hosh ib ai achvfa cha, Shilombish nan ahni ho ahanta hokvto isht ai ilbvsha he nan v̄lhpisa ya im ai i hlakofi, 1; 5-13 nan isht ahotopa he nana hosh haknip a atoba: 6-14 nan achukma nana hosh Shilombish a a minti, 17 mikma Chihowa im v̄lla toba

ka nana achukma nana hosh otvni; 29 nan isht ai okchaya hi vt Chihowa pulla ho tikba ma im vlhpisa tok; 38 nan isht i hullo ya nanta hosh isht a pit i filamincha hinla ho?

1. YUMOHMI hoka Klaist Chisvs ibai achvfa, haknip nan ai ahni kak o yvmohmi keyu, amba Shilombish nan ai ahni kak o iakaiya vhleha hokvno himonasi ka isht ai i palmma he anumpa hvv im vlhpisa keyu hoke.

2. Yvmohmi ka isht ai okchaya Shilombish nan ai ahni Klaist Chisvs a minti kak osh ai ashvchika nan ai ahni isht ai illi yo a sa hlakofichi hatok oke.

3. Yohmi ka vba nan vlhpisa yvt nana ka ik atahlo kvv, haknip ak atuk pulla kak o ik ai ahlo hatuk o, Chihowa hvv ilap Ushi ak inli ho ai ashvchika isht vlhtoba mak o hatak nan ashvchi haknip a hobachit auct kanchi hosh, haknip ak o ai ashvchika ya ai i palvminchi tok:

4. Yohmi ho pishno yokvno haknip nan ai ahni ka e yvmohmi keyu, amba Shilombish nan ai ahni kak o il iakaiya kak osh, vba nan vlhpisa isht ai vlhpiesa kvv pim ai ahla he atok oke.

5. Yohmi ka haknip nan ai ahni kak o iakaiya hokvto, nana puta haknip immi hak o i hullot anukfihinli chatuk: amba Shilombish nan ai ahni kak o iakaiya hokvto, nana puta Shilombish immi hak o i hullot anukfihinli chatuk oke.

6. Yohmi ka haknip nan ai ahni kak o isht ahanta hokvto isht ai illi yoke; amba Shilombish nan ai ahni kak o isht ahanta hokvto isht ai okchaya, micha isht it i nanaiya yoke:

7. Haknip nan ai ahni kak o isht ahanta hokvto Chihowa i nukkilli yoka; yohmi kvv Chihowa i nan vlhpisa ya im antia keyu, micha yohma hi o keyu kamohmi mvhlshke.

8. Yakohmi hoka haknip nan ai ahni kak o i nutakvv ahanta hokvto Chihowa ya yukpala himma keyushke.

9. Amba haknip nan ai ahni kak o i nutakvv hvsh ahanta keyu, amba Shilombish nan ai ahni kak o i nutakvv hvsh ahanta hoke; Chihowa imi Shilombish ak osh hvchi anukfoyuka ho mvhli hokmvt. Yohmi ka hatak nana hosh Klaist imi Shilombish a ishi keyu hohmvt, immi ho keyu hoke.

10. Micha Klaist ak osh hvchi foyuka hokma, hvchi hak-

nip okvto ai ashvchika yak atuk pulla kak o illi hoke : amba hvchi shilombish okvto nan isht ai vhlpiesa pulla kak o okchaya hoke.

11. Amba Chisvs vt illi tuk a falaminchit tanichi tok imi Shilombish ak osh hvchi anukfoyuka hokmvt, Klaist vt illi tuk a falaminchit tanichi hatok ak osh hvchi haknip illi im vlhtayak ilap imi Shilombish hvchi anukfoyuka kak o isht okchalinchit ak inla hi oke.

12. Yvmohmi ka itibapishi li vhleha ma! nan aheka vhleha pia kvv haknip nan ai ahni kak o il im aheka yosh haknip nan ai ahni kak o il iakaiya hi o keyu hoke.

13. Yohmi ka haknip nan ai ahni kak o hvsh iakaiya hokmvt, hvch illa hi oke ; amba Shilombish ak atuk pulla kak o haknip nan a kaniohmi puta ka hvsh illihinchit hokmvt, hvchi okchaya hi oke.

14. Yohmi ka laua kaniohmi ho Chihowa imi Shilombish ak osh anukfohkit isht aya hokvno, Chihowa ak o ushi vhleha hoke.

15. Yohmi ka anonti isht a hvchi nukshopa chi hosh yuka im anukfila ho hvsh ishi hatok keyu ; amba vlla im anukfila ho hvsh ishi hatok ak o, pishno vt Abba, Piki, il achishke.

16. Shilombish Holitopa ak inli hosh pimi shilombish a nan isht atokowa it ibai anohonli kvv, Chihowa im vlla vhleha pia ka anolishke,

17. Micha im vlla pia hokmvt, isha he ai vhlpiesa pia : micha Chihowa yak o im ai isha he vhlpiesa pia, micha Klaist ak o it ibai isha he ai vhlpiesa pia hoke : yohmi ka il ibai ilbvsha ho mvhli hok mak osh il iba holitopa hi atok.

18. Yohmi ka yakni paknaka ilvppa nan isht ai ilbvsha puta hokvto nan isht a holitopa pim otaiyana hi a pit it vhlpisa hi a ik ono, ai ahni lishke,

19. Nana toba tok puta hokvto Chihowa ushi vhleha hvv isht otaiyana hi ak o pit hohoyo fehna hosh ai asha hoke.

20. Nana toba tok puta hokvto vhlpesa ik ahno kia, isht ai illa hi vt im vhlpisa tok : yohmi kia isht ai illa he im apesa kvv, isht a hlakofa he ahna hi a nukfokit yvmihchi tok.

21. Yohmi hoka nana toba tok ash puta kv̄t isht ai illa he i yuka hatuk vt ai i hlakofi cha, Chihowa im vlla v̄hleha hv̄t yuka keyut isht a holitopa yvt immi ak inla hi oke.

22. Yohmi ka nana toba tok puta moyuma kv̄t it ibai h̄ih̄ih̄vt, it ibai ilbahasha na himak a hoka, il ithaiyanvshke.

23. Micha yvmmak illa h̄o keyu, amba pishno ak kia Shilombish isht ai vni waya vmmona ka il ishi kv̄t, pishno ak kia e h̄ih̄iha kv̄t vlla ai ahli e toba he, yvmmv̄t pi haknip isht a hlakofi yak o e hohoyo hoke,

24. Yohmi ka nana kv̄t pim vlhtaha tok vt il isha he il ai ahni kak osh isht ai okchayvt il ahanta hoke: amba nana ka il ishi hokv̄to, himmak o il isha he il ahna he keyu hoka: yohmi ka katiohmit hatak vt nana ka ishi kv̄t himmak o ishi la hi oka, ahni h̄o?

25. Amba nana ka e p̄isa keyu hosh il isha ch̄i, il ai ahni hok mak osh nuktaiyav̄t achunanchit e hohoyo hoke.

26. Yvmmak i chiyuhmit Shilombish ak kia ik a pi hlampko puta ka pi apelahanchi fehna hoke: nana ka il asilhha he tuk ai vlhpiesa kv̄t pishno ak inli kv̄t il ithana keyu hoka; amba Shilombish ash inli hosh isht a h̄ih̄iha isht anumpa he keyu puta kak o pi anukfokihinch̄i hoke.

27. Yohmi kia chukv̄sh puta silhhit akostininch̄i yak okv̄to Shilombish vt nana h̄o pi anukfokihinch̄i ka ithana hoke: Chihowa nan ai ahni kak o Shilombish ash ot vbanumpuli ahli puta ka nana ka anukfokihinch̄i hokv̄t.

28. Yohmi ka nan okluha hokv̄t Chihowa i hullo v̄hleha, ilap nan ai ahni tok pulla mak o vlhtohoka tok v̄hleha hokv̄to, isht im ai achukma he mak o it ibai toksahanli ka il ithaiyanvshke.

29. Yvmohmi ka tikbanli ithaiyana tok okv̄to ilap Ushi yak o hoyulba he mak o tikbanli atokohonli mak inli tok; yohmi h̄o yvmmak ash ot itibapishi laua ka tikba vttahpi ha hi atok.

30. Anonti tikbanli atokohonli hatok okv̄to hoyo mak inli tok: mihmv̄t hoyo hatuk okv̄to ai vlhpiesvchi mak inli tok:

mihmut ai vlhpiesvchi hatuk okvto ilap isht aholitopa yo ib ai isha he im ai ahni tok.

31. Yakohmi kvno nana ilvppa puta imma hokvno nanta hak o il acha hinla ho? Chihowa hak osh pi kana hokma, kvta hosh pi sanala hinla ho?

32. Ilap Ushi fehna ka ik ilatombo hosh, amba pishno e moyuma hak atok pulla mak o pim issa tok vt, katiohmi ho yvmma pima hatuk vt nan okluha ka anonti pilla pima ak inla he keyu ho?

33. Kvta hak osh Chihowa im vlhtoka vhleha ha isht ai i palvmmi anumpa kia onocha hinla ho? Chihowa ak osh i kashofi hoke.

34. Kvta hosh nan vlhpisa onocha hinla ho? Klaist ak osh illi hatok; ahli, yvmma i shahli, yvmmak osh falamvt tani hatok osh Chihowa ibbak isht impak imma yo binilit, yvmmak osh isht pi anumpohonli hoke.

35. Kvta hak osh Klaist vt pi hullo ka pi filvmmicha hinla ho? Isht ai ilbvsha, isht a palvmmi, hatak bika yvt pi hoto-pali, isht a hohchvfo, haknip bieka, isht ai illa he, keyukmvt bvshpo falaia yak a hinla ho?

36. Yohma hi o holihiso hatok oka, Chishno yak atuk pulla mak o nitak moma ka pihimbi na shohombishke, chukfi vlhpoba vba chi kak o e chiyuhmi hoke.

37. Yvmmak illa keyu, nan okluha ilvppa puta ka ilap pi hullo tuk pulla kak o im aiyachi yak kia il i shahli hoke.

38. Yohmi ka isht illa he, isht okchaya he, enchil vhleha, enchil vhleha i shahli, miko puta, himonasi nana ai asha puta, himak a pilla ai asha he puta;

39. Isht a holitopa fehna, ilbvsha fehna, keyukmvt nana toba tok nana kia, pin Chitokaka Chisvs Klaist ak atuk pulla mak o, Chihowa il i hullo ka, pi filvmmicha himma keyu ka, sai yimmishke.

CHAPTA IX.

Pal vt Chu i nukhaklo, 1. 7 Eblaham isht ai unchululi moma kvt nan ai yukpa isha hi vlla keyu: 18 Kvna ho ahni hok mak osh

Chihowa yvt i nukhaklo; 28 Chentail vt yimma he; mikma nan ik yimmo kak osh Chu yvto ik holitopo ka he a tuk tikba anoa.

1. **KLAIST** ak o nan ai ahli ka isht ai anumpuli li kv̄t holabi li keyu, Shilombish Holitopa ak osh anukfokihinchi ho, isht akostininchi li yak kia nan atokowa ka anohonli ak inlishke.

2. Yohmi kv̄t sa chūkuvsh anukaka ya isht a nukhaklo bilia, micha isht a weki chinto kv̄t a foyuka kak osh miha lishke.

3. Yohmi ka itibapishi li vhleha,vm okla achvfa yak atuk pulla mak o Klaist a i filvmm̄it sa kv̄nia hi a, ahni la hinla hokbano.

4. Yvmmak osh Israel isht atiaka vhleha hoke: yvmmak o ushi isht a toba, micha Chihowa yvt holitopa feh̄nvt im otaiyani, micha nan it im v̄lhpisa puta, micha vba nan v̄lhpisa in tonla, micha Chihowa isht aiokpv̄chi, micha ai okcha-yvt bilia puta im issa tok aiena kv̄t immi hoke:

5. Mihm̄vt iki vhleha tikba chash ot immi, micha yvmmak o Klaist vt hatak hakn̄ip imma hokv̄no a minti tok osh, moma i shaiyahlit Chihowa holitopvt biliv̄shke. Amen.

6. Chihowa im anumpa hokvt aka itulvt kv̄nia tok o chiyuhmi keyu hoke. Yohmi ka Israel vhleha hak osh moyum̄vt Israel okla keyu hoke.

7. Michā Eblaham isht atiaka vhleha hokak osh moyum̄vt im vlla vhleha keyu ak inli: amba Aisaak ak o isht chi ai unchululi hohchifa hi oke.

8. Yohmi kv̄t hakn̄ip imma im vlla vhleha hokv̄to, Chihowa im vlla vhleha keyu hoke: amba im issa tok vlla vhleha hak osh isht ai unchululi mak osh toba ho mak a chi hoke.

9. Yohmi ka nan im issa tok isht anumpa hv̄t ilvppak oke, V̄lhpisa tok nitak ont ai v̄lhpiesakma v̄la la hi oke, mikma Sela yvt ushi im vtta hi oke.

10. Michā yvmmak illa keyu; amba Lebeka yak kia achvfa p̄iki Aisaak ak o isht ai i chakali hatuk o;

11. Yohmi ka vlla yokvt ik ashwo kv̄sha hokvt, nana

achukma, nana ik achukmo nana kia ik yvmihcho kisha ak inli kia, nana ho yvmihchi tok ak o keyu, amba ilap ak osh hoyo hatuk o vlhtoka kvt Chihowa nana ai ahni tok vt ai ahla chi kak o;

12. Yvmmak ash o, Akni ak osh nakfish a i nutaka hi oke, im achi tok.

13. Holihiso kvt, Chekob ano i hullo li tok: amba Esau yokvno ak i hullo ki tok, ahanchi hatok oka.

14. Yakohmi ka nanta hak o il acha hinla ho? Chihowa hut nana yvmihinchchi kvt ik ai vlhpeso ho? ik yvmohmo pullashke.

15. Yohmi ka, Kvna ho i nukhaklo la he ahni likmvt, i nukhaklo la hi oke; micha kvna ho i kana la he ahni likmvt, i kana la hi oke, Moses a im achi tok.

16. Yakohmi hoka yvmmak ash o, ilap nan aiahni hokma, mvlihinli kak okma, nana kak osh ishi ho keyu; amba Chihowa yak osh i nukhaklo kak o yvmohmi hoke.

17. Yohmi ka, Chishno yak o nan isht vm ai ahli yoka ai otvminchi la he, micha sa hohchifo hokvt yakni moma ka hlopullit ai annohowa he, ilvppak fehna kak atuk mak o ik ahanta chim ai ahni li tok, Feleo ya Holisso Holitopa yvt im achishke.

18. Yvmohmi hoka kvna ho i nukhakla he ahnikmvt, i nukhaklo hoke: micha kvna ho kvllocha he ahnikmvt, kvllochi hoke.

19. Yakohmi ka chishno yokvt, Nanta katiohmi ho ik ahnincho imoma ho? Kvta hak osh ilap nan ai ahni ka i sanali hatuk o? is svm acha chi hoke.

20. Yohmi ak inli kia, amba hatak chia ma! kvta chia hokak osh Chihowa ya i sanalit ish anumpuli cho? Nana toba tok vt ikbi tok ash o, Nanta katihmi ho yakohmichit chishno yvt is sakbi tok o? im acha hinla ho?

21. Lukfampo ikbi yvt lukfi ya kanimiheha hi vt im ai vlhpiesa keyu ho? lukfi yvmmvaska miash inli ka achvfa kvto isht a holitopa, mikma achvfa kvto isht a kvllakshi ampo yo ikbi chatuk keyu ho?

22. Yohmi ka Chihowa hut ilap isht i nukkilli, micha ilap

nan isht ai ahli ya otvnincha he ai ahni kak osh, isht i nukkilli onvtuyula he nan ai vlhto okpulot kvnia he im vlhtaiyaha puta ka ilbvshala hi vt i svlaha fehna hatuk mvt :

23, 24. Micha ilap isht a holitopa lawa fehna ka i nukhaklo onvtuyula he nan ai vlhto puta, yvmmt isht a holitopa pisa hi o tikbanli im ataiyahli hatok vt, pishno yak fehna ka pi hohoyo hatok ; Chu okla hak bano keyu, amba Chentail okla hak kia ai isht otvnincha he ai ahni hatok okma, nanta katihmi cho ?

25. Hosea yak o isht ai anumpohonli mvt, vm okla vhleha hatok keyu ka vm okla vhleha hochifa la he : micha a holitopa tok keyu kvt, a holitopa hi oke, ahanchi ak inli hatok oka.

26. Yohmi ka, Um okla hvrchia keyu ai im ahanchi tok ash inli, yvmmak o Chihowa okchaya im vlla vhleha a hohchihifa he mak oke.

27. Esaias ak kia, Islael imma ka chitolit isht anumpohonli mvt, Islael im vlla vhleha holhtina kvt okhvta on talaka shinuk ai asha kak o chiyuhmi ak inli kia, kashapa hosh okchaya he mak oke.

28. Yohmi kvt ilap im anumpa ha ai ahlicha chi kvt ai vlhpiesa hosh tushpa fehnt yvmihcha hi oke : yohmi hosh Chitokaka yvt yakni paknaka ya a yvmohma he vlhpisa tok anumpa ha ai ahlicha he mak oka.

29. Mikma Esaias vt tikba kash, Sabaolh in Chitokaka yak osh kashapa ka pim ashahanchi hatuk keyukma, Sotom atok ash inli ho e chiyuhmi, micha Komolah yak o chiyuhmit e toba hi atok oke, ahanchi tok.

30. Yakohmi ka nanta hak o il acha hinla ho ? Chentail okla hvt nan isht ai vlhpiesa yak o achunanchit hohoyo hatuk keyu kvt, isht ai vlhpiesa na yimmi yak o ai isht ai vlhpiesa yak fehna ka ihishi hatok oke.

31. Amba Islael okla hokvto nan vlhpisa isht ai vlhpiesa ya achunanchit hohoyo kvt, nan vlhpisa isht ai vlhpiesa ya ik ai ono hatok oke.

32. Yohmi ka katiohmi hatok o ? isht ai vlhpiesa yash o isht ai yimmi kak o keyu, amba nan vlhpisa yak o a mihinta

hi ash o in chiyuhmit hohoyo hatok okvt. Isht ai ibetvbli tvli yvmma isht ibetvbli hatuk okvt.

33. Holihiso kvt, Yakeh! isht ai ibetvbli, micha isht ai itula tvli yo Saion anukaka ya bohli lishke: yohmi ka kvna hosh i yimmikmvt, hofahya he keyu mak oke, ahanchi tok oke.

CHAPTER X.

vba nan vlhpisa, micha na yimmi yo isht ai vlhpiesa kvt itim inla ka anoli, 5, 11 Chu yokma, Chentail okma nana hohkia, na yimmi kvt monvt hofahya he keyu, 18 Chentail vt vbanumpa ha holitoblit yimma he.

1. ITIBAPISHI li vhleha ma! sa chukvsh nan aiahni, micha Israel oka anumpa ilbvsha Chihowa ha isht im anum-pohonli li kvt, okla okchaya he ak o ai ahni lishke.

2. Yohmi ka Chihowa ya ai yiminta fehna kia, ai ahli ithana keyu ka atokowa im ithaiyana lishke.

3. Yohmi kvt Chihowa hvv nan isht ai vlhpiesa ya ataiyahli tok a ithana keyu hatuk osh, ilap inli i nan isht ai vlhpiesa yo ai ahlichu bvna kvt, Chihowa hvv nan isht ai vlhpiesa ataiyahli hatok okvno ik im antio hatuk oke.

4. Yohmi ka na yimmi puta hokvto isht ai vlhpiesa he mak o, Klaist ak osh vba nan vlhpisa nan ai ahni ka ai ahli-chi yoke.

5. Yohmi ka Moses okvt vba nan vlhpisa isht ai vlhpiesa ka isht anumpuli mvt, Hatak vt yvmma puta ka yvmihinchik mvt, isht ai okchaya hi oke, achi tok oke.

6. Amba na yimmi isht ai vlhpiesa hokvto yakohmichit anumpulishke: Chi chukvsh oka isht anumpulit, Kvta hak osh vba yakni yoka ont chukowa hi o? achi kvt, Klaist a ont ilaelit aka isht vla chi h? achi ka, chik acho kashke.

7. Keyukmvt, Kvta hak osh ahofobi fehna ka ont chukowa hi o? achi kvt, Klaist a falaminchit tanichi cha, isht vla chi h? achi ka, chik acho kashke.

8. Amba yvmmak ash ot nantuk achi? Anumpa hokvt chi bilikasi, chitakha anukaka yak fehna, micha chi chukvsh

anukaka foka hoke; achi kv̄t isht ai yimmi anumpa isht il anumpuli kak oke.

9. Chishno yokv̄t chitih fehna ka Chitokaka Chisvs oka isht otvninchit ish anumpuli, micha illi tuk a falaminchit Chihowa hak osh tanichi tok a chi chukvsh oka isht chi yimmi hokmv̄t, chi okchaya hi oke, yvmmv̄t achi hoke.

10. Yohmi ka hatak v̄t chukvsh ak o isht ai yimmi kak osh isht ai v̄lhpiesa hoke; micha itih hak o Klaist a isht otvninchit anumpohonli kak osh isht ai okchaya hoke.

11. Yomohmi ka Holisso Holitopa yv̄t, Kv̄na fehna hoh kia i yimmikmv̄t, hofahya he keyu mak oke, ahanchishke.

12. Yohmi ka Chu, micha Klik ita tuklo ka nana kv̄t ai it im inla keyu hoke: yohmi ka Chitokaka moyuma i shaiyahli miash inli hosh ilapa i pahaya moyuma ka i nukhaklo kv̄t a chinto fehna hoke.

13. Yohmi ka kv̄na hoh kia Chitokaka hohchifo ha i pahayakmv̄t, okchaya hi oke.

14. Yohmi ka katiohmit yv̄mma i yimmi hatuk keyu kv̄t i pahaya hinla ho? micha katiohmit yv̄mma haklo hatuk keyu kv̄t i yimma hinla ho? micha katiohmit vbanumpa isht anumpuli yv̄t iksho ka, hakla hinla ho?

15. Micha v̄lhtoka keyu kv̄t katiohmit vbanumpa ha isht anumpula hinla ho? holihiso kv̄t, Isht it i nanaiyv̄chi vbanumpa isht anumpohonli, micha na hochukma isht anohowa isht ai yukpa puta isht aya ka iyi yv̄t yakeh! aiokli fehnvshke, ahanchishke.

16. Yohmi kia moyumv̄t vbanumpa ha im antia hatuk keyu. Yohmi ka Esaias v̄t, Chitokaka ma! kv̄ta hak osh pim anumpa ha yimmi hatuk o? achishke.

17. Yakohmi hoka haklo kak osh isht a yimmi hoke: Chihowa im anumpa hv̄t isht anuhumpa pulla kak o a haklo hoke.

18. Yohmi kia haklo tuk keyu ho? Ih! ai ahli fehna; yakni moyuma ka itih ola kv̄t im ohona tok; micha anumpa puyuta kv̄t yakni hatak ai ahanta moyuma ka im ohona tok oke, vno vto achi lishke.

19. Amba Israel v̄t ithana hatuk keyu ho? vno vto achi

lishke. Ummona ka Moses vt okla hō keyu kia isht a chi nukta^hhlachi la hi oke, micha oklushi ik hopoyukso yō isht a chi nokowvchi la hi oke, achishke.

20. Anonti Esaias vt nukwaya iksho hosh, Sa hohoyo hatok keyu kv̄t si ahayuchi tok; si a ponahaklo hatok keyu ka im otaiyani li hatok, achishke.

21. Amba vm antia he keyu, micha a sanalit anumpuli okla hoka sabbak a pit i wiyeli li shohombishke, Israel okvno im ahanchishke.

CHAPTA XI.

Chihowa hvt Chu moma kak o kanchi hatok keyu, 1; 7 kanimi kv̄to chukvsh kv̄llochi kia, kanimi kv̄to okchaya he vlhtoka tok: 16 vbanumpa anukfohka hi yokvno im ahna he vlhpesa; 26 Chihowa yak osh ahnit imissa tuk atok oka, 33 Chihowa nan im anukfila yokvno kvna hosh hoyo kv̄t im ithvna he keyu.

1. YAKOHMI ka Chihowa hvt im okla fehna ka kanchit taiyahli hatok o? Ik yvmohmo pullashke; yohmi ka vno yak kia Israelait Eblaham isht atiaka Benchamin iksa sia hoke, achi lishke.

2. Chihowa hvt im okla fehna tikbanli ithaiyana tok okvto kanchit taiyahli hatok keyu hoke. Holisso Holitopa yvt Elias ai isht anumpohonli ka chik ithano cho? Israel oka anumpa onochit Chihowa ya isht anumpohonli kv̄t,

3. Chitokaka ma! chi hopaii vhleha ha ahambi tok, chim alta puta ka iba kullit akahanchi tok; yohmi ka vno ak bano hosh ahanta li ma, vm ilhfiohpak a tvbli bahavshke, ahanchishke.

4. Yohmi kia Chihowa hvt afalaminchit nanta hak o im achi hō? Hatak tahlepa sipokni untuklo hokvto Baal holbvt toba ya ik i hvchukbihlepo atuk okvno vno vmmi yō ilatohomba li tuk oke, achishke.

5. Yvmmak ash inli chiyuhmit himonasi ak kia isht i kanvt isht ai vlhtoka tok vt kaniohmi kv̄t ai asha ak inli hoke.

6. Yohmi ka isht i kana yak okma, toksahanli tuk pulla yak o ai yvmohmi keyu hoke; yakohmi hokma isht i kana

yvt isht i kana keyu yoke. Amba toksahanli tuk pulla yak o ai yvmohmi hokma, isht i kana yak o ai yvmohmi keyu hoke: yakohmi hokma toksahanli yvt toksahanli keyu hoke.

7. Yakohmi ka katiohmi ho? Israel okvt nana hohoyo kvt ishi hatok keyu hoke: amba vlhtoka yak osh ishi hatok; mihma kashapa hokvto im anukfila hvt kvllot kvnia tok oke;

8. Yohmi ka holihiso kvt, Chihowa hokvt im anukfila nosilhhvt kvnia, nishkin nan isht pisa he keyu, micha hak-sobish nan isht hakla he keyu puta aiena ho ihima hatok; ahanchi hatok ash o ihima na himak a nitak a ai vlshke.

9. Mihma Lewi vt achi kvt, Ai impa yvt isht ai ibetvbla he, micha isht ai itula he, micha isht ai okpula he, micha isht ai im vlhtoba he aiena isht ai in tobashke.

10. Micha nishkin vt im okhlili cha, isht ik peso hosh hlipkrchit maya na biliashke, achishke.

11. Yakohmi hoka ibetvbli hatuk ak osh isht ai itulvt kvnia ho? Ik yvmohmo pullashke: amba isht ai itula hatuk pulla kak o isht ai okchaya yvt Chentail a im vla ho isht a nuktahlahancha chi hatok oke, achishke.

12. Yohmi ka yvmmt isht ai itulvt kvnia kak o yakni moyuma kvt isht ai yukpa laua kvt im vla hokma, micha isht ik a lauwt taiyaha kak o Chentail vhleha ha isht ai yukpa lawa kvt im vla hokma; isht ai alotowa hokak heno isht i shahli fehna hi o keyu?

13. Yohmi ka Chentail hvchia ha hvch im anumpohonli il kvt, Chentail im apostel sia hatuk okvt, nan isht ai vttali ya holitobli lishke.

14. Yohmi hosh kaniohmit isht a nuktahlachit sa haknip ai achvfa kash kanimi kvno okchalinchi la hinla hokmvt,

15. Yohmi ka yvmma kaiyanchi kak o yakni moyuma kvt isht ai it i nanaiya hokma, yvmmak ash i kanvt falaminchit ishi hokak heno nanta ha hi o? amba illi tuk vt falamvt isht ai okchaya kak a hi o?

16. Yohmi ka vnit waya vmmona kvt holitopa hokma, a moyuma kvt holitopa ak inli hoke: micha hakshish vt holitopa hokma, naksish puta kak kia yohmi ak inli hoke.

17. Mihma naksish kaniohmi kvto atvptovt kvnia hokma,

alif haiaka ai offo chia hash osh ish ibafohka hatuk; micha yvmmak ash ibafoka hosh alif okchi, micha hakshish aiena ka ish ibai ishi hatuk okmvt;

18. Naksish puta ka ik ahobalot chik im ilauato kashke; amba ish ilauata hok mak osh chishno yak osh hakshish ish il ai ishi keyu, amba hakshish ak osh chishi hoke.

19. Yvmohmi ka, Naksish kaniohmi kv̄t kobahlit kv̄nihiya kv̄t, vno yak osh iba fohka la he yak o yohmi hatok, ish acha chi hoke.

20. Ahli; ik yimmo kak osh kobahlit kv̄nihiya hatok; amba chishno vto na yimmi kak osh isht ish a hikia hoke. Chik ilefehnacho kashke, amba ish il akanlosechashke:

21. Yohmi ka Chihowa hv̄t naksish fehna yash kanchi nukwiya tok keyu hokmvt, chishno yak kia chi kancha he yoba ká, ahah! ish ahnashke.

22. Yvmohmi ka Chihowa hv̄t isht i kana, micha isht palvmm̄nchi ya ho pesá: aka itula tok ash isht palvmm̄nchi; amba chishno yokvno isht chi kana, ilap isht i kana yash o ish a mahaya hokmvt; yvmmak keyu hokmvno chishno yak kia chayvt chi tupa he ak inli hoke.

23. Yvmmak ash kia ik yimmo kak o keyu hokmvt, iba fohoka he; Chihowa hak osh yvmmak ash falaminchit iba fohoka hi vt im ai ahli hoka.

24. Yohmi ka chishno yvt alif haiaka ai offo yo a tupa hosh alif achukma yash, ai yvmohmi chatuk keyu kia, ish ibafohka hatok okma; naksish fehna yatok ilvppak heto isht i shahli fehv̄t ilap immi yatuk ash inli ka ibafohoka hinla keyu ho?

25. Yohmi ka itibapishi li vhleha ma! Israel a kashapa hokvt im anukfila hv̄t kahanlo na Chentail vhleha isht ai alotowa yvt vla he yak atok, anumpa ai ahli ik otano chatuk ilvppa hv̄ch ik ithaiyano hosh, hv̄chishno ash inli hosh ile yimmit hv̄sh ai asha hi a ak hv̄chim ai ahnoshke.

26. Yakohmikmvno Israel vhleha hv̄t moyumvt okchaya hi oke; holihiso kv̄t, Nahlakofichi yvt Saion ak o a mintit kohcha hosh ai ashv̄chika ya Chekob a ai isht i kahancha hi oke, achi hatok oka.

27. Micha ai ashvchika yash ai isht i kanchi likmvt, ilvp-pak o nan it im apesa la he tok mak oke.

28. Ubanumpa hash imma hokvno, hvchishno yak atuk pulla kak o yvmmak ash ot tvnvp vhleha hoke; amba vlh-toka yash imma hokvno iki vhleha yash ak atuk pulla kak o i holitopa vhleha hoke.

29. Yohmi ka Chihowa hvt na habenahanchi, micha atokohonli aiena kvv inlvchit im anukfila he keyu hoke.

30. Yohmi ka hvchishno yokvto tikba pilla kash Chihowa ya hvsh i yimmi hatok keyu; yohmi kia yvmmak ash ot isht ik a yimmo pulla kak o isht i nukhaklo yash hvsh ishi hatok ash o;

31. Chiyuhmit ilvppak ash ot himonasi ka ik yimmo ak inli hatok kia, isht hvsh i nukhaklo yak atuk pulla kak o ilvppak ash kia isht i nukhaklo ya ishi mak inla hi atok.

32. Yohmi ka Chihowa hvt yvmmak ash moyuma kvv ik yimmo ka he im ai ahni hosh moyuma ka i nukhakla he ak atok.

33. Yakeh! Chihowa hvt hopoyuksa fehna, micha nan ithana aiena kvv ataha hi vt ik im iiksho; nana apihisa ka akostininchit nana a kaniohmi puta ka silhhit ahayucha he keyu hoke.

34. Yohmi ka kvta hak osh Chitokaka im anukfila ha ithaiyana tok o? keyukmvt kvta hak osh nan i miha ya-tok o?

35. Keyukmvt kvta hak osh tikba ima hatok osh, anonti falamvt im vlhtoba hi atok o?

36. Yohmi ka nan okluha kvv yvmmak o a mihinti, micha yvmmak o isht a toba, micha yvmmak o immi mak osh to-homba tok; isht a holitopa yvt yvmmak o immit peh bili-ashke. Amen.

CHAPTA XII.

Chihowa ahnichit e yukpa la chi ka Chihowa nan isht i nukhaklo yash pi nukfokihinja hi a tuk, 1; 3 ilifehmvchit pishno ak inli ka isht ik pim anukfilo kashke; 6 amba kanima yo il a hikia na nana

ka yvmohma he vlhpesa kvt a pi onutuyulak ma, mihi yo e yvmohmashke; 9 iti hullo, micha nana ka il a yvmihcha he vlhpesa inla aiena ka pim apesa; 19 afalvminchit nana ka ik vlhpesalo ka hi okvno pim ahni keyu hoke.

1. YUMOHI ka itibapishi li vhleha ma! Chihowa hvt isht i nukhaklo puta hak atuk pulla mak o hvchi haknip puta hokvno vba isht aiokpvchi okchaya, holitopa, Chihowa yvt aiokpancha he vlhpesa ho, yvma isht hvsh ai ahanta he vlhpiesa hokvt, hvsh im issa he, hvchim ai ahni lishke.

2. Micha yakni ilvppak inli ka hvch ik hoyulbo kashke; amba hvchim anukfila hvt himonvt toba pulla hatuk mak osh inlt hvsh tobashke; yohmi hosh nan achukma, nan ai vlhpiesa, nan ai ahli Chihowa nan ai ahni ka hvsh akostininchashke.

3. Yohmi ka isht i kana ya vma hatuk pulla mak o, hatak hvch ibafoka puta ka ilap ash inli kvt isht il anukfilla he ai vlhpiesa ka isht i shahlichit isht ik anukfillo kashke, im achi lishke: amba il oktamblit Chihowa hvt hatak hikia aiyuka ka isht ai yimmi kaniohmi ho ima hatok ash o, hatak hikia aiyuka kvt isht il anukfillashke.

4. Yohmi ka pi haknip vt achvfa kia, pit ai achvfa hvt laua, micha pit ai achvfa ilvppvt moyuma kvt nan isht ai vtta yvt miash inli keyu kash o:

5. E chiyuhmi hosh e laua kia, Klaist il ibai achvfa kvto haknip achvfa pia, micha achvfa aiyuka kvt pit il it ibai achvfa hoke.

6. Yvmohmi ka isht i kana yvt kaniohmi ho il ishi hatok ak osh na hvlbina puta kvt ilaiyuka ho il ieshi hokvt, Shilombish anukfoiyukvt anumpuli isht ai vtta yo e habena hatok okmvt, isht ai yimmi yak o ai itilau i ho yvmmak o isht il ahantashke.

7. Mikmvt chvch nan isht im vtta isht ai vtta ya e habena hatok mvt, yvmmak o isht il ahantashke; micha nan ithvnanchi yokmvt, yvmmak o isht ahantashke.

8. Micha vbanumpa isht atohnochi yokmvt, yvmmak o isht ahantashke: na hopela yokmvt, im anukfila apissali hosh yvmihchashke: pehlich i yokmvt, ai ahli achukmashke:

i nukh^haklot nan isht im v^tta yokmvt, aiokpanchi hosh yv-mihchashke.

9. Isht i hullo yvt isht il ahobi iiksho hashke. Nan ik achukmo ka ish i nukkillashke; nan achukma hoka ish asi-tiashke.

10. Itibapishi chiyuhmit it i kana fehnvt hvsh it i hulahashke; hvsh iti holitobli kv^t hvsh it im i shahlashke.

11. Nan isht v^tta kv^t intakobi keyu; chukvsh isht ai yiminta fehnvt, Chitokaka yak o in toksvli hosh isht hvsh ahantashke.

12. Ai okchayvt bilia pisa la he ai ahnit, hvchi yuhupashke: na palvmmi hvsh pihisa kv^t hvchi nuktaiyalashke: achunanchi hosh anumpa ilbvsha hvsh anumpohonlashke.

13. Ubanumpuli a bvⁿna ka hvsh i hopehinlashke: hatak ik ithano ya hvsh i kana fehnashke.

14. Hvch ilbvshali ka isht im ai achukma he ai ahnit isht hvsh anumpohonlashke; isht ai okpula hi a hvch ik ai ahno hosh, isht ai achukma he ak o ai ahnit isht hvsh anum-pohonlashke.

15. Nan isht ilaiyukpa ka hvsh ibai yukpashke; micha nukh^haklokma, hvsh iba nukh^haklashke.

16. Hvchim anukfila hv^t ai achvfv^t hvsh it im anukfilashke. Isht a holitopa puta ka hvch ik hohoyo kashke: amba hatak ilbvsha yak o hvsh il itilauechashke. Hvchish-no inli hvch ik ile yimmo kashke.

17. Hatak vt nan ik achukmo hvchi yvmihchi ka nan ik achukmo yo hvch ik i falamincho kashke. Hatak moyuma itikba ya nana achukma puta ka hvsh yvmihchashke.

18. Yohma he yobakma, hvsh a yvmohma he ai vlhpiesa kv^to, hatak moyuma ka hvsh it i nanaiya hosh hvsh ahantashke.

19. A holitopa ma! hvch ik il ai okho kashke, amba ai vlhpiesa isht im atobbi yak o hvsh il im issashke; holihiso kv^t, Ai vlhpiesa isht atobba hi okvt vmmi hatuk osh, afalaminchit atobbi la hi oke, Chitokaka yvt achi hatok oka.

20. Yvmohmi ka chin tvnvp vt hohchvfo hokma, ish ipetashke; itukshila hokma, nan ishko ish ipetashke; ilvppak

o ish yvmihchi hokmak osh luak tobaksi yo noshkobo ha ish o fohobla hi oke.

21. Nan ik achukmo i nutvt chik il ai okho kashke; amba nan achukma kak o nan ik achukmo ka isht ish imaiyachashke.

CHAPTA XIII.

Nan apesa ya im antia, mikmvt nana ka il i yvmohma he vlhpesa kvt inla mvt asha ka isht anumpuli, 1, 8 vba nan vlhpisa yvt ahla hi a holitobli, 11 atampli fehnvt impa, nan ishkot haksi aiena kvt ai okhlili ka yo yvmohmi hatuk osh kanima yo vbanumpa hvt atohwikeli hokvno ai otaiyana he keyu.

1. SHILOMBISH puta kvt nan vlhtoka i shahli vhleha ha im antiashke. Nan vlhtoka inla kvt iksho: amba Chihowa ak osh ai ahni kak bano hoka; nan vlhtoka puyuta ka Chihowa hak osh vlhtoka he ai ahni hoke.

2. Yvmohmi hoka kvna fehna hoh kia nan vlhtoka yoka i sanali hokvt, Chihowa hvt nan apesa tok a i sanali hoke: mikmvt i sanali vhleha hokvto ilap inli isht ai ilbvsha yosh im vlhpisvt isha hi oke.

3. Nan vlhtoka vhleha hoka nan toksvli achukma yak osh ai i nukshopa yo keyu hoke: amba nan ik achukmo toksvli yak oke. Yakohmi ka nan vlhtoka yoka chishno yvt i nukshopa la he, chik ai ahno cho? Nan achukma kak o ish yvmohmashke; mikmvtto yvmmak ash o ish im a holitopa hi oke.

4. Nan isht chim achukma chi mak o yvmmvvt Chihowa nan isht im vtta hatuk oka. Yohmi kia nan ik achukmo kak o ish yvmihchi hokmvt, chi nukshopashke: yohmi ka yvmmvvt bvshpo falaia ya peh pilla ieshi ho keyu; amba yvmmvvt Chihowa nan isht im vtta yosh nana ka ai ahlichit nan ik achukmo yvmihchi ya isht ai i palvmmi ka onohonchi mak oke.

5. Yvmohmi hoka isht ai i palvmma he ak bano kak o keyu, amba isht il akostininchi yak atuk pulla aiena kak o ish im antia pullashke.

6. Yohmi ka ilvppak atuk pulla kak o noshkobo chumpa ya ish atobbi makinlashke: yvmmvt Chihowa nan isht im vta vhleha hatuk osh nana ilvppak fehna ka isht ahantvt bilia hoke.

7. Yvmohmi ka moma kv̄t ilap ai isha he ai vlhpiesa ka ish imashke: noshkobo chumpa ya kv̄na hosh isha he ai vlhpiesa kak o ish imashke: vlhpoyak isht ai vlhtoba kashampa kv̄nia he tuk a kv̄na hosh isha he ai vlhpiesa kak o ish imashke: kv̄na ho i nukshopa he, ai vlhpiesa kak o ish i nukshopashke: kv̄na ho holitoba he ai vlhpiesa kak o ish holitoblashke.

8. Hatak nana kia aheka yvt ik chin takanlo kashke: amba hvsh it i hulla he vto hvsh it in takanlashke; yohmi ka kv̄na hosh inla ya i hullo hokvto vba nan vlhpisa ya ai ahlichī hoke.

9. Yohmi ka, Chik it in lumako kashke, Chik bo kashke, Chik hukopo kashke, Chik aholvbecho kashke, Chik anushkunno kashke; micha nan vlhpisa inla kv̄t takanli hokmvt, anumpa kanomosi, Chin chuka panta hatak a ish i hullo kv̄t, chishno ish il i hullo kak i chiyuhmashke, achi ilvppak o foka hoke.

10. It i hullo yvt nan ik achukmo in chuka panta hatak a ik i yvmihcho yoke: yvmohmi hoka it i hullo yak osh vba nan vlhpisa ya ai ahlichī mak oke.

11. Michā ilvppak o hvsh yvmohmashke: mikmvt himonasi ka nusi tuk vt pi okcha he hvshi kanvlli hv̄t ont ai vlhpiesa ka il ithaiyanashke; himonasi kv̄no isht ai pi okchaya yokvt pi bilika kv̄t pi yimmi hatok ano i shahli hoka.

12. Ninak vt ant ia hosi ma, nitak vt vla hosishke: yvmohmi hoka okhlili isht a toksvli puta ka e kaiyan-chashke: micha nan tohwikeli isht il atukkochi yak o e foyukashke.

13. Nitak itvnowa yak o chiyuhmit ai vlhpiesa hosh il itvnowashke: haksi, micha tasimbot tasali keyu, itiba nusit isht a havi keyu, itachowa, micha it i potvnnot hv̄ch ik it i nukkillo kashke.

14. Amba Chitokaka Chisvs Klaist ak o hvsh foyukash-

ke; micha haknip nan ai ahni okpulo puta ka im ai ahlichia
chi kvt haknip a nana hvch ik atahlo kashke.

CHAPTA XIV.

Nana kvt ilim itim inla mak osh il iti shetilima he tok keyu, 1; 13
amba nana ka ahah! il oh ahni na, nana ka il itim inla hoh kia, inla
maya kvt isht ik pim ai ibetvblo kashka; 15 nana kvt yohmi ka
na laua ho isht mihvt Pal vt otvninchi hoke.

1. NA yimmi kvt ik ono ka hvsh i kana banashke;
micha im anukfila anuktuklo atuk a nana isht chik im apeso
kashke.

2. Yohmi ka achvfa hokvto nan okluha ka vpa hi atuk vt
yimmishke; inla hokvto na yimmi kvt ik ono mvt, na waya
yak o vpvshke.

3. Yohmi ka vpa hokvt ik po hoka ik kanimancho kash-
ke; micha ik po hokvt vpa hoka nan ik im apeso kashke;
Chihowa ak osh i kana hatuk oka.

4. Kvta chia hokak osh hatak inla in tishu ha nan ish im
apesa hoh cho? ilap i shahli ak illa ho isht im a hikia he,
keyukmvt isht ai im itula hi oke. Ahli, ai ahlit hikia hi
oke, Chihowa hak osh ai ahlichit hilecha hinla hoka.

5. Hatak achvfa hokvto nitak achvfa kvt inla ka i shahli,
ai ahnishke; inla hokvto nitak moma kvt itilau, ai ahnishke.
Hatak puyuta kvt ilap im anukfila fehna ka ai ahlit anukfo-
yukashke!

6. Kvna hosh nitak a holitoblikmvt, Chitokaka yak o i
holitobli hoke: mikma kvna hosh nitak a ik i holitoblo hok-
mvt, Chitokaka yak o ik i holitoblo hoke. Kvna hosh vpak-
mvt, Chitokaka yak o im vpa hoke; Chitokaka yak o isht
aiokpvchi ya ima hokvt: mikma kvna hosh ik pokmvt,
Chitokaka yak o ik im vpo hoke: yohmi kia isht aiokpvchi
ya Chihowa yak o ima hoke.

7. E kanima kvt pishno inli il im anta keyu hoke: micha
hatak nana kia ilap inli il im illi keyu hoke.

8. Pi okchayvt il ahanta kvt, Chitokaka yak o il im ahan-
ta hoke; micha pilli hokmvt, Chitokaka yak o il im illi hoke;

yvmohmi hoka pi okchaya, pilli, kanimampo hoh kia Chitokaka yak o immi pia hoke.

9. Yohmi ka Klaist okvt illi tuk vt falamvt okchaya kvt, illi, micha okchaya it aieninchit in Chitokaka toba chi ilvp-pak fehna hatok oka.

10. Yohmi kia nanta katiohmi ho chitibapishi ha nan ish im apesa cho? micha nanta katiohmi ho ish itibapishi ha ish kanimanchi cho? e moyuma kvt Klaist nan apesvt ai o binili ka itikba ya e hiohla hi oka.

11. Yohmi ka holihiso kvt, Sai okchaya hoka iyikalaha puta kvt a hvchukbihlapa hi oke; mikma isunlvsh puta kvt Chihowa ha aiokpahancha hi oke, Chitokakayvtachi hoke, achi hatuk oka.

12. Yakohmi hoka e moyuma kvt Chihowa hoka il im il anohonla hi oke.

13. Yvmohmi hoka himak a pilla kvno nan it im apesvt kil ahanto kashke; amba hatak nana kia isht ai ibetvbla he, keyukmvt isht ai itula he nana kia itibapishi i hina ya ik bohlo ka he ilvp-pak o hvsh im anukfillashke.

14. Yohmi ka nana kvt ilap ak inli kvt ik kashofo kvt iksho ka, Chisvs Klaist ak atuk mak o isht a sa nukfoykvt, ithaiyana lishke: amba kvna hosh nana kvt ik kashofo ai ahni hokvno, yvmvno nana kvt ik i kashofo hoke.

15. Ish itibapishi hvt nana ish pa ka isht ik im vlhpieso hokma, himak a i hullot ish nohwa keyushke. Yvmmak ash Klaist vt vlhtobvt illi hatok oka, chim ilhpak a isht chik okpano kashke.

16. Yvmohmi hoka nana achukma isht ish ilaiyukpa kvt ik ai vlhpesot isht ik anumpo kashke.

17. Yohmi ka Chihowa aephlichika yokvt nan impa, nan ishko kak o keyu hoke; amba nan isht ai vlhpiesa, micha isht it i nanaiya, micha Shilombish Holitopa ai isht ilaiyukpa yak oke.

18. Yohmi ka kvna hosh nana ilvp-pak fehna ka Klaist a isht im antia hokvno Chihowa yvt ahninch, mikmvt hatak puta kvt vlhpesa ai ahni hoke.

19. Yvmohmi hoka nana kvt isht ai it i kana puta, micha

nana ka isht it i hlampkohoncha he aiena kak o e yvmohomashke.

20. Yohmi ka nan vpa ak atuk mak o Chihowa hvt nana toksahanli tuk ash isht chik okpano kashke. Nan okluha kvk kashofa mvhli hoke: yohmi kia hatak nana hosh inla isht ai ibetvbli ho impa hokvto, isht ik im achukmo hoke.

21. Nipi vpa, oka paki ishko, keyukmvt nana kia ish itibapishi hvt isht ai itulvt isht ai ibetvblit isht ik a hlampko ka chi ho, ai yvmohmi kvk ik achukmo hoke.

22. Nana kash chi yimmi cho? Chihowa itikba yak o chishno illa hosh ish a yvmohmashke. Kvna hosh ilap vt nana ho vhpiesa ahnit, ilap ash inli anumpa isht ik il onochokvvt, na yukpa hoke.

23. Yohmi ka kvna hosh anuktuklo hoh kia vpa hokmvt, anumpa onvtula hoke: nana hoh kia yimmi keyu hosh yvmihchi hokvto ai ashvchi yoka.

CHAPTA XV.

Hlampo kvk, ik hlampo ya nan ib ai isha he, 1; 2 pishno inli kil ile yukpalo, 3 Klaist vt yohmi tok keyu, 7 amba e moma ka Klaist vt pi kanvt nan pim anukfilli tok a chohmit it i kanvt ili tiholito-blichia he: 30 Pal vt Loman vbanumpuli vhleha hvt vba isht anumpula he im a sihlha.

1. YAKOHMI hoka pi hlampo hokvto ik hlampo hokvno nan il ib ai isha he atuk; micha pishno inli il ile yukpala hi atuk keyu hoke.

2. E moyuma kvk ilap in chuka panta hatak vt vbanumpa ha isht a hlampkot im achukma chi ka e yukpalashke.

3. Yohmi ka Klaist ak kia ile yukpali tok keyu hoka; amba holihiso kvk, Isht a hofahyali puta kvk chi onvtula hatuk vt sai onvtula hatuk oke, achi hatok oka.

4. Yohmi ka nana fehna hoh kia tikba pilla kash holihiso kvk nana isht a pim vlvvcha he mak o holihiso hatok oka; yohmi kvk Holisso Holitopa ak o nana ka isht a nuktaiyavt achunanchit ai okchayvt bilia ya il isha he, il ai ahna hi atok oke.

5. Yohmi ka Chihowa hak osh hvchi atohnohonchit isht anuktaiyalvt achunanchi ya hvch ima na nana hvsh it im anukfilli kv̄t ai achvfv̄t Klaist Chisvs ak atok ak ɔ hvsh chiyumashke.

6. Yohmi hosh hvchim anukfila hv̄t ai achvfv̄t, itih achvfa hosh Chihowa, pin Chitokaka Chisvs Klaist Iki yak fehna ka hvsh holitobla hi atuk oke.

7. Yvmohmi hoka Chihowa hv̄t isht aholitopa ch̄i kak ɔ Klaist ak kia p̄i kana hatok ash ɔ, chiyuhmit hvsh it i kanashke.

8. Yohmi ka Chihowa isht ai ahli yak atuk pulla kak ɔ Chisvs Klaist okvt hakshup t̄pa yak ɔ nan isht im vtta toba kv̄t, iki vhleha h̄a nan im ih̄isa tok puta ka ai ahlich̄a ch̄i kak atok oke, achi lishke.

9. Micha yohmi h̄o Chentail vhleha hv̄t ilap isht i nukhaklo tok ak ɔ Chihowa ya holitobla hi atok oke; holih̄iso kv̄t, Ilvppak atuk mak ɔ Chentail vhleha h̄a ibai achvfv̄t chi aiokpahanchi la he; micha chi hohchifo h̄a isht talohowa la hi oke, achi hatok oka.

10. Micha anonti Chentail hvchia hv̄t vm okla vhleha h̄a hvsh ibai okpahanchashke, Chitokaka yvt achishke.

11. Micha anonti, Chentail moyuma kv̄t Chitokaka ya hvsh aiokpahanchashke: micha okla moyuma kv̄t hvsh aiokpahanchashke, achishke.

12. Micha anonti Chesse ak ɔ isht atiaka yosh ahanta he, micha yvmmak fehna hosh Chentail okla h̄a i shahlit mikot wakaya hi oke: yvmmak ɔ Chentail okla hv̄t anukchieta hi oke, Esaias vt achishke.

13. Yohmi ka ai okchayvt bilia ya pisa he ai ahni ya in Chihowa yak osh isht ai yimmit ai isht it i nanaiya, micha ai isht il aiyukpa moyuma ka hvchi alotoli h̄o Shilombish Holitopa nan isht ai ahli yak atuk pulla mak ɔ ai okchayvt bilia hvsh isha hi okvt, ai ahli feh̄nvt hvchi anukfoyukashke.

14. Micha itibapishi li hvchia hv̄t nana achukma bieka hosh hvchi anukfoyukvt, nan ithana isht a hvchi alotowa hatuk osh, nana ka hvsh it i miha he bieka ak inli ka, vno ak inli kv̄t hvchi yimmi li ak inlishke.

15. Yohmi ak inli kia itibapishi li vhleha ma! Chihowa ak osh isht i kana ya vma hatuk oka, ik sa nukwayo kv̄t isht i shahli hosh isht hv̄sh ithana ch̄i kak o, nana a kaniohmi ka hv̄chi holissohonch lishke;

16. Yohmi hosh Chisvs Klaist nan isht im v̄tta yosh, Chihowa im vbanumpa ha Chentail okla hak o isht im ahan-ta la ch̄i hatok; yohmi ho Chentail vt Shilombish Holitopa yak o isht a kashofa hatuk o vba isht aiokpv̄chi ka ahninha hi atok oke.

17. Yvmohmi hoka nan okluyuha, Chihowa hv̄t isht pit ahalaya ka Chisvs Klaist ak atuk pulla mak o, nana ka isht ilauata la hi vt ieshi lishke.

18. Chihowa imi Shilombish nan isht ai ahli yak atuk pulla mak o nan isht nukhlakancha, micha nan isht atokowa yo nana ka isht ai yvmohmit anumpohonli li ho, Chentail okvt im antia ch̄i ka, Klaist vt isht a si atoks̄li hatuk keyu hokv̄no nana ai yvmohmi tuk ash achv̄fa kia isht anum-puli la he keyu hoke.

19. Yvmohmi hosh Chelusalem, micha isht ai apakfoyu-pt̄ Illilikv̄m a ont ai vhli itintakla ya Klaist im vbanumpa ya ai ahli fehv̄t isht ai anumpohonli li hatuk oke.

20. Ahli, yakohmi hosh intolahpi hatak inla immi pak-naka yo ai ikbi li yoba ná, ai ahni li kak osh kanima yo Klaist vt isht ik ai anumpo hokv̄no vbanumpa ya isht ai anumpohonli sa bvnna fehna chatuk oke.

21. Yohmi kia holihiso kv̄t, yvmmak o isht im anumpa hatok keyu kia, okla pisa hi oke; micha okla yvmv̄t haklo hatok keyu kia, akostininha hi oke, achi hatok oka.

22. Yohmi ka ilvppak atuk pulla kak o hv̄chim ona la hi atok vt, isht a si ataklv̄ma fehna ak inli hatuk oke.

23. Yohmi kia himonasi hokv̄no ilvppa ai anumpuli la hi okvt ik sv̄m iksho hatuk osh; micha hv̄chim ona sa bvn-na fehna tok a himak a afv̄mmi hv̄t laua fehna hatuk osh;

24. Kanima kash inli ho nowv̄t ayv̄t Ispani yoka chukowa likmv̄t, hv̄chim ona la hi oke: yohmi kv̄t nowv̄t aya li hokvt, ont hv̄chi pisa la he ai ahni li: micha hv̄chi piv̄t

kaniohmit vm vlhpiesa ha yokmuno, nowvt aya li kash achakalit pit hvs sa pila he chishke, ai ahni lishke.

25. Yohmi kia himonasi hokvno vbanumpuli vhleha hak o i hopela la chi hosh Chelusalem ak o ia la chishke.

26. Yohmi ka Masetonia, micha Akaia okla aiena kvt im vlhpiesa hosh vbanumpuli ilbrsha Chelusalem ai asha ka nan isht apelvchi kaniohmi ka i bohonli tuk oke.

27. Im vlhpiesa ai ahli fehna hosh yvmihchi tuk: yohmi hatuk o im aheka vhleha hokvt. Yohmi ka Chentail okla hvt nana Shilombish immi puta ka ibai ihishi toba hatuk mvt, anonti nana haknip immi puta ka yumma isht apelvcha hi okvt im ai vlhpiesa ak inlishke.

28. Yvmohmi hoka ilvppa isht vttvt vm vlhtaha, micha nan isht apehlvchi ilvppak ash o im ai ahlichi li ha yok mak osh, hvchin tmaha ha hlopullit Ispani yoka ont chukowa la hi oke.

29. Micha hvchim ona likmvt, Klaist im vbanumpa ai isht ilaiyukpa ai ahli fehna laua ka isht hvchim ona la hi okvt, ithaiyana lishke.

30. Yohmi ka itibapishi li vhleha ma! Chitokaka Chisvs Klaist ak atuk puyula, micha Shilombish ak atuk mak o isht iti hullo yvt hvchi anukfoyuka hokvt, svbai yichina fehna hosh anumpa ilbrsha Chihowa ya im anumpohonli kvt, isht hvs si anumpohonlashke.

31. Yohmi ho ik yimmo vhleha Chutia ai asha ka ai i hlakofi lashke: micha Chelusalem a nan i hopela la chi ishi li kash vbanumpuli vhleha hash ot aiokpahanchashke.

32. Yohmi ho Chihowa nan ai ahni pulla ho nan isht ilaiyukpa ya ieshit hvch im ona li hosh, nana ka hvch ibai yuhukpa li hokbano.

33. Yohmi ka nan isht it i nanaiya in Chihowa yak osh hvsh moyuma ka hvch iba foyukashke, Amen.

CHAPTA XVI.

Vbanumpuli Loman asha tuk vt laua ka ai okpacha hi a, Pal vt im ahni, 1, 17 mihmvt nan itakvrshkoli, nan ibetrblich i aiena ka ahah!

okla im ahna chi ka im anoli ; 21 atuk osh nana ka yakmihchit na pit i mihihvt tahli mvt, ishtaiyopichi kvt Chihowa ya aiokpanhanchi.

1. **K**LENKLEA chvch hikia ka nan isht im vtta, pin tek, Febi ya hvsh aiokpancha he pit hvchim ai ahni lishke :

2. Yohmi hosh Chitokaka yak o ai achvfa hoka vbanumpuli ai yvmohmi yak o chiyuhmit hvsh aiokpvchashke : micha nana hoh kia isht apelvcha hi a bvna hokma, hvsh apelahke : yohmi ka yvmmt lau ka apelahanchi chatuk ; micha vno ak kia aieninchit si apelahanchi chatuk oke.

3. Klaist Chisvs a ibai achvft svb a toksahanli Akuila, micha Plissilla ita tuklo ka hvsh aiokpvchashke.

4. Yvmmak okvt vm ilhfiopak ak atuk pulla kak o ilap ikunla fehna ka aka ya bohonli tok : yvmmak oka vno ak illa keyu, amba Chentail iksa hiohli puyuta aiena kvt yak oke, im ai ahnishke.

5. Yvmmak ash chiyuhmit yvma in chuka vbanumpuli iksa maya ka hvsh aiokpvchashke. Epenetvs a holitopa fehna, yvmmt Klaist i yimmi kvt Akaia ya ai yvmohmit nan vni vmmona hatok a hvsh aiokpvchashke.

6. Meli ya hvsh aiokpvchashke ; yvmmak okvt pin toksahanli fehna hatok oke.

7. A kanomi, micha svbai yuka Antonikvs, micha Chunia itatuklo, yvmmak okvt vbanumpeshi vhleha ha i holitopa yoka hvsh aiokpvchashke ; yvmmak okvt sa tikba Klaist ai ibai achvfa hatok mak oke.

8. Amplias Chitokaka ya ai achvfa a holitopa ya hvsh aiokpvchashke.

9. Ulbani Klaist ai achvft piba toksahanli, Stakvs a holitopa aiena ka hvsh aiokpvchashke.

10. Apelles, Klaist vt ahninchu ya hvsh aiokpvchashke. Alistobulvs in chuka chvfa ai achvfa ka hvsh ai okpvchashke.

11. A kanomi Helotion a hvsh aiokpvchashke. Nasissvs in chuka chvfa Chitokaka ai achvfa ka hvsh aiokpvchashke.

12. Tlaifina, micha Tlaifosa itatuklo, Chitokaka in toksahanli ya hvsh aiokpvchashke. Pasis holitopa, yvmmt

Chitokaka ya in toksahanli fehna chatuk a, hvsh aiokprchashke,

13. Lufvs Chitokaka im vlhtoka, micha ishki, micha yvm-mvt vshki ya hvsh aiokprchashke.

14. Asinklitvs, Flekon, Hemas, Patlobvs, Hemes, micha il itibapishi vhleha hvt yvmma apehvt maya aiena ka hvsh aiokprchashke.

15. Filolokvs, micha Chulia, Nelevs, micha in tek, micha Olimpaz, micha vbanumpuli yvmma apehvt maya aiena ka hvsh aiokprchashke.

16. It i suksowa holitopa yo isht hvsh it aiokprchashke. Klaist in chvch vhleha hokvt hvchi aiokprchishke.

17. Yohmi ka itibapishi li vhleha ma ! nan vlvchi hvsh ithvna kash i sanalit isht it i filvmmichi ; micha isht ibetv-blich i aiena ihikbi hokvno, yakohmi hvsh ahni pulla cha, hvch ik ahalaiyo kashke.

18. Yohmi ka ilvppa chiyuhmi puta hokvto Chitokaka Chisvs Klaist ak o in toksvli keyu hoke, amba ilap ikfoka yak inli hoke : mikmvt anumpa achukma puta, micha isht ahninch i anumpa puta aiena kak o nuktvhlt ahah ! ik ahno chukvsh puta ka isht haksichi hoke.

19. Yohmi ka isht hvsh im antia yokvt hatak moyuma ka im anohowa hoke : yvmohmi hoka hvchishno yak atuk pulla kak o sai yukprvshke : yohmi ak inli kia nana achukma kak o hvch imponna cha, nan ik achukmo hokvno ik hvch imponno hok bano hvchim ai ahni lishke.

20. Mikma nan isht it i nanaiya in Chihowa yak osh Setan oka chekosikma chiyi nuta ya a litola chi hoke. Pin Chitokaka Chisvs Klaist isht i kana yvt hvchi anuk foyu kashke. Amen.

21. Timohlivs svba toksvli, micha Lusivs, micha Chason, micha Sosipata a kanomi aiena kvv pit hvchi aiokprchishke.

22. Tetivs sia holisso ilvppa holissohonchi kash ot Chitokaka ibai achvfa hvchia ha pit hvchi aiokprchi lishke.

23. Uno, micha chvch moma aiena ka nan im atahli Kaivs ash ot pit hvchi aiokprchishke. Elastvs,vmaha in

tvli holisso sholi, micha il itibapishi Katus aiena kvt pit hvchi aiokpvhishke.

24. Pin Chitokaka Chisvs Klaist isht i kana yvt hvsh moyuma ka hvchi anukfoyukashke. Amen.

25. Yohmi cha Chisvs Klaist vt nan abahanchi tok vm vbanumpa ak atuk na luma ituyula chatuk yakni toba tok itin takla ka isht ik anumpo chatuk osh isht anuhumpa ak atuk puyula mak o isht a hvchim ai ahlichha he im ai vlhpiesa hatuk,

26. Micha Chihowa okchayvt bilia yvt nan apihisa hatuk mak o hopaii vhleha hvt holissohonchi tok o, oklushi moyuma kvt na yimmit isht im antia chi mak o, im otaiyani hatok:

27. Chihowa hopoyuksa achvfa bano kash ot Chisvs Klaist ak atuk pulla kak o isht a holitopa yvt immit biliashke. Amen.

HOLISSO VMMONA PAL VT

KOLINHILA CHVCH

A HIKIA HQ I HOLISSOCHI TOK.

CHAPTA I.

Vbanumpuli Kolinhla asha tuk a Pal vt pit ai okpvchi, mihmvt Chihowa ya aiokpvchi, 1; 10 itibachvft maya he i miha; 12 itaka-shapvt maya tuk a nan i miha. 18 Aka a nahopoyuksa yvt nan isht a hopoyuksa ka; 21 nan ik ahobo vbanumpa isht anumpuli kak o Chihowa yvt isht okpaninchi: 26 na hopoyuksa, micha nan i shahli aiena kak osh vlhtoka keyu, amba ik hopoyukso, ik hlampko, aiena kak osh vlhtoka.

1. PAL, Chihowa nan ai ahni atuk pulla mak o Chisvs Klaist im apostel vlhtoka tok, micha il itibapishi Soshlenes ita tuklo kv,

2. Chihowa in chvch Kolinhla a hikia, Chisvs Klaist ak atuk pulla kak o isht a kashofvt, vbanumpuli vlhtoka tok, micha pin Chitokaka Chisvs Klaist vt yvmma, micha pishno il ita tuklo ka pimmi hatuk o hohchifo ha anukehietot hohoyot kanima moma ai asha aiena ka pit i holissohonchishke.

3. Isht i kana, micha isht it i nanaiya aiena Piki Chihowa, micha Chitokaka Chisvs Klaist ita tuklo ka a mihinti kv hrevhi anukfoyukashke.

4. Yohmi ka Chisvs Klaist ak atuk pulla kak o Chihowa hv ilap isht i kana ya hvch ima hatuk oka, an Chihowa ya hvchishno yak atuk pulla mak o yak oke im ai ahni li bilivshke.

5. Yohmi ho nan okluha kv yvmmak o isht a hvchin

laua hosh isht anumpuli puta, micha nan ithana puta kv̄t isht a hv̄chim aienvshke.

6. Yakohmi hosh Chisvs Klaist nan isht atokowa yash osh hv̄chishno a isht ai aḡli hatuk oke.

7. Yohmi hosh na hv̄lbina nana kia ik ai ono hō hv̄sh ishi tuk keyu hatuk osh; pin Chitokaka Chisvs Klaist vt otaiyana hi a hv̄sh hohōyo hoke.

8. Yvmmak ash inli hosh hv̄chi ai aḡlihinchit ont ai v̄hli ka isht hv̄ch ona hi oke: yohmi hō pin Chitokaka Chisvs Klaist i nitak fehna ka anumpa isht a hv̄chi onvtula hi vt iksho ka hi oke.

9. Chihowa hv̄t ai aḡli yoke, yvmmak o ilap Ushi pin Chitokaka Chisvs Klaist a ai iḡ ai eshi isht a hv̄chi v̄lhtoka hatuk oke.

10. Yohmi ka itibapishi li v̄hleha ma! nana a miha chv̄fa hō isht hv̄sh anumpula he, mikmvt ai it i flv̄mmi puta kv̄t ik hv̄chim iksko ka he; amba nana hosh ai ahni kv̄t hv̄chim anukfila hv̄t ai aḡli fehnvt hv̄sh it ibafoyuka he mak o, pin Chitokaka Chisvs Klaist isht a hochihifo hosh hv̄chim ai ahni lishke.

11. Itibapishi li v̄hleha ma! nan itachowa yvt hv̄chin takla a takali ka, Kloe in chuka chv̄fa yosh v̄m anoli hatuk oke.

12. Yohmi ka hv̄sh moma kv̄t, Ūno ak osh Pal ai achv̄fa sia; anonti, Ūno mvt Apollos ai achv̄fa sia; mikma, Ūno vto Sefas ai achv̄fa sia; yohmik ma, Ūno vto Klaist ai achv̄fa sia; hv̄sh achi ilv̄ppak o achi lishke.

13. Klaist vt ita kv̄shkoa hō? hv̄chishno atuk mak o Pal ak osh ititaiyukhv̄na ai illi tok o? keyukmvt Pal i hohchifo hō isht hv̄chi baptismo tok o?

14. Hv̄sh kanima kia ak hv̄chi baptismocho hosh Klisv̄s, micha Kaīvs ita tuklo bano tok a yak oke, Chihowa ha im ai ahni lishke.

15. Yohmi hatuk o vno ak inli a hohchifo hō isht baptismochi li tok a, hv̄sh kanima kia hv̄sh acha he keyushke.

16. Mikmvt Stefan̄vs in chuka chv̄fa ak kia baptismochi li tok; inla yano baptismochi likmá, nana tuk vt ak ithanoshké.

17. Baptismochi la hi o, Klaist vt si atokoli tok keyu hoka, amba vbanumpa isht anumpuli la he ak atok: anumpa hopoyuksa ya he atuk keyu, yohmi hokma Klaist im ititaiyukhvna yvt nan ai ahla he keyu hoke.

18. Ititaiyukhvna isht anumpuli yokvt kvna hosh ilbvshvt illa chi yummak o ik im ahobo yoke: amba okchaya chi pishno ak okvno Chihowa nan isht im ai ahli yoke.

19. Nan imponna isht a hopoyuksa yokvno okpvi la chi, mikmvt nan ithana nan isht akostinichi yano akshochi la chi, achi hosh holihiso hatok oke.

20. Katima yak o na-hopoyuksa yvt anta ho? katima yak o na-holissochi yvt anta ho? yakni ilvppa nan isht ai it i ponaklo yvto katima yak o maya ho? yakni ilvppa isht a hopoyuksa ya Chihowa hvto ik ahobalecho hatuk keyu?

21. Nan isht a hopoyuksa hosh Chihowa hvv nan atahli tok kia, yakni vt ilap hopoyuksa kak osh Chihowa ya isht ik ithano ma, vbanumpa isht anumpuli ik ahobo kia, kvna hosh yimmi hokvno mihi yo Chihowa hvv vvhpesa, ahnit isht okchalinchi yoke.

22. Chu okla hvv nan isht atokowa asihihla, mikma na hopoyuksa yo Klik vto hohoyoshke:

23. Yohmi kia pishno vto Klaist ititaiyukhvna ai illi tok a isht il anumpohonli ka, Chu okla hokvno isht ai im ibetv-bli yokmvt, anonti Klik okvno nan ik im ahobo yoke;

24. Yohmi kia Chu okla, mikmvt Klik okla ita tuklo ka kanima hosh vlhtoka hokvno mihi yo Chihowa nan isht im ai ahli, micha Chihowa nan isht im ahopoyuksa Klaist a isht il im anumpohonlishke.

25. Chihowa nan isht ik im ahobo yvt hatak okvno hopoyuksa kvv i shahli hoka; micha Chihowa yvt isht ik a hlampko ahoba kia hatak okvno hlampko kvv i shahli hoke.

26. Itibapishi li vhleha ma! hvchishno vto hvchi vlhtoka hokvto yakni pakna a hopoyuksa yvt ik lauwo, nan isht ai ahli ishi kvv ik lauwo, hatak holitomp aiena kvv ik lauwo hosh vlhtoka ka hvsh pisvshke:

27. Yohmi kvv ilap hopoyuksa ya hofahyala chi kvv

Chihowa hvt yakni ilvppa nana ik ahobo puta ka atokoli hatuk; micha nana hlampko yvmma hofahyala chi kvt yakni ilvppa ik a hlampko yo Chihowa hvt atokoli hatuk:

28. Mikmvt nana kvt yakni ilvppa ik a holitopo, micha nana kvt yvmma ik ai ahobo aiena ka, Chihowa hvt atokoli hatuk; ahli, yohmi kvt nana asha tuk a akshocha chi kvt nana kvt iksho ke tuk a atokoli hatuk:

29. Yohmi ho hatak nana kia Chihowa itikba ya ai ilauata he atuk keyu hoke.

30. Yohmi kia hvchishno vto yvmmak atuk mak o Klaist Chisvs a hvsh ibai achvfa ka yvmmak o Chihowa pulla kak o isht pi a hopoyuksa, micha isht pi ai vlhpiesa, micha isht pi a kashofa, micha isht pi ai vlbi yoke:

31. Yohmi ka holisso hatuk oka, Kvna kia ilauata hokmvt, Chitokaka yak o isht ik ilauata.

CHAPTER II.

Vbanumpa isht anumpohonli ka Chihowa nan isht im ai ahli yosh ai ibafoyuka tuk a, Pal vt achi, 1. 14 Im anukfila himona hatak keyu hokvto vbanumpa ha ik akostinincho.

1. YOHMI ka itibapishi li vhleha ma! kaniohmi kash hvchim ona li kvt, Chihowa isht atokowa yo hvchim anohonli la chi kvt, isht ahninha he anumpa hokma, keyukmvt isht ahninha he hopoyuksa hokma, nana ho isht hvchim aya li hatok keyu hoke.

2. Nana ka a hvchim ai ithvna la he ahni li hatok keyu, amba Chisvs Klaist, micha yvmmak osh ititaiyukhvna ai illi tok ak bano hatok ak oka.

3. Yohmi mvt isht a hlampko iksho, mihmvt komunta, micha wvnihinchi fehna hosh hvchin takla ya ahanta li tok.

4. Mihmvt anumpuli li, micha vbanumpa isht anumpuli li aiena kvt, hatak hopoyuksa nan isht yukpali anumpa hatok keyu, amba Shilombish, micha nan ahli yo otvninchit isht anohonli li tok:

5. Yohmi ka na hvchi yimmi kvt hatak nan isht im a

hopoyuksa yo a minta chi hatok keyu, amba Chihowa nan isht ai ahli yak a he atok.

6. Yohmi kia vbanumpa ithana ahli yokno na hopoyuksa yo isht il im anumpulishke: yohmi kia yakni ilvppa isht a hopoyuksa yak keyu; mikmt yakni ilvppa i miko vhleha isht a hopoyuksa, yvmmak okvt ont ik ai iksho ka he ak atuk keyushke.

7. Yohmi kia Chihowa isht im a hopoyuksa yvmmt luma hatok a yvmma isht pi a holitopa hi o, yakni vt ik tobo kisha ma, Chihowa hvt apesa tok ak o isht il anum-pohonlishke.

8. Yakni ilvppa i miko vhleha achufa kia ilvppak ash ik ithano ki tok: okla ithana hatuk okmt, a holitopa in Chitokaka ya ititaiyukhuna ai vba he atok keyu hoke.

9. Yohmi kia kuna hosh yvmma i hullo hokno mihi yo Chihowa hvt nana ka im ataiyahli tok a, yvmmak oka hatak nishkin vt ik pesokma, anonti haksobish vt ik haklokma, hatak chukvsh ak kia ik anukfohko hoke, achi hosh holihiso hatuk oka.

10. Yohmi tok o Chihowa hvt ilap imi Shilombish pulla ho yvmmak ash isht a pim otvninchi hatuk: Shilombish ak osh nana puta ka silhhit ithana hokvt, ahli, Chihowa nana im a kaniohmi a hofobi kak kia ai yvmohmi yoke.

11. Kvt a hosh hatak nana im a kaniohmi puta ka ithana cho? hatak shilombish yvmmt ilapa anukfoyuka ak illa keyu? yvmmak i chohmi ho Chihowa nana im a kaniohmi puta ka hatak nana hosh ithana keyu ho, amba Chihowa imi Shilombish ak illa hoke.

12. Yohmi ka yakni nana isht ai im anukfila yo il ishi hatuk keyu, amba Chihowa hatuk mak o nana puta ka il ishi hatuk vt il ithana chi pulla hosh Shilombish Chihowa a minti ho il ishi hatuk oke.

13. Nana puta yvmma isht il anumponli kv yvmma hatak nan isht im a hopoyuksa yosh avchi anumpa keyu, amba yvmmak oka Shilombish Holitopa yosh avchi anum-pa ho Shilombish nana im a kaniohmi ya Shilombish anuk-foyuka vhleha ho il ithvnahanchishke.

14. Hatak chukvsh ik kashofo hokvto Chihowa imi Shilombish nana im a kaniohmi puta ka ik ithano yoke; yvmmak okvt ilap a nana ik ahobo hokvt: mikmvt ithana he keyu, yvmmak ash o Shilombish osh abvchi hoka.

15. Yohmi ka kvna hosh Shilombish anukfoyuka hokvto nana puta ka anukfillit akostininch, yohmi kia ilap okvno hatak nana hosh im akostininch keyushke.

16. Kvta hosh Chitokaka im anukfila ha ithaiyana cha, mihi yosh nan im abvcha hinla cho? Yohmi kia pishno yokvto Klaist im anukfila yo il ieszvshke.

CHAPTER III.

Pishukchi vt vlla chipunta yak o immi, 1: 3 kaniohmi ho itakvshkoa hatuk a haknip imma im anukfila hatuk vt otrni. 7 Kvna hosh hokchi, mikma kvna hosh oka o foechi itatuklo kvv nana keyu: 14 Chihowa ak osh wayachi. 16 Vbanumpuli yvt Chihowa in tempel; 19 yakni nan isht ahopoyuksa yokvto Chihowa i nahopoyuksa keyu.

1. YOHMI ka itibapishi li vhleha ma! Shilombish anukfoyuka ho chohmichit hvchim anumpohonli la he keyu, amba haknip nan ai ahnit Klaist ibai achvfa vllosi yo hvchi chohmichi lishke.

2. Pishukchi yo isht hvch ipeta li tok, ilhpak kvllo atok keyu; tikba kamo isht a hvchim vlhpesa tok keyu kvv himonasi ak kia, isht a hvchim vlhpesa keyu momvshke.

3. Haknip nan ai ahni hvchia moma hoka iti potvno, micha itachowa anonti iti filamohli aiena kvv hvch itin takla aiasha hoka, haknip nan ai ahni mak o hvchia moma, micha hatak im anukfila yo chohmit hvsh itvnohova keyu?

4. Hvsh kanima kvv, Vno vto Pal ai achvfa sia; anonti inla mvt, Vno vto Apollos ai achvfa sia, hvsh achi hokvt haknip nan ai ahni hvchia mak o keyu?

5. Yohmi ka kvta hosh Pal okma, anonti kvta hosh Apollos o? amba vbanumpa isht vtta yvmmak atuk mak o hvsh moma ka Chitokaka yvt hvchi anukfohki tuk mak o, hvchi vimmi tuk oke.

6. Hatak moma kv̄t yohma he mak ɔ Chitokaka yv̄t a-pe-sa tok ɔ, Ūno ak osh na-hokchi li tok, Apollos v̄to oka ɔn hlali tok; amba Chihowa yokv̄to offochi hatuk oke.

7. Yohmi ka kv̄na hosh hokchi, mikma kv̄na hosh oka isht ɔn hlali hokv̄to na kanihma he keyu, amba Chihowa yv̄mmak osh offochi yoke.

8. Yohmi ka kv̄na hosh na hokchi, anonti kv̄na hosh oka isht ɔn hlali ita tuklo kv̄t itibai achv̄fa yoke: yohmi ka mo-ma kv̄t ilap na toksv̄li isht ai v̄lhpiestv̄t v̄lhtoba ak illa h̄ɔ isha hi oke.

9. Chihowa immi hosh itiba toksv̄li v̄hleha pia hoke. Chihowa nan im ahollokchi hv̄chia, micha aboha Chihowa hv̄t atahli tuk mak ɔ hv̄chia hoke.

10. Chihowa hv̄t ilap nan isht i kana yv̄mma v̄ma tuk mak ɔ aboha ikbi imponna hopoyuksa ȳɔ chohmit in tolahpi ȳa bohli li hatuk, mihma inla yosh yv̄mmak ash ɔ ai itv̄b̄ni hoke. Yv̄mohmi hoka hatak moma kv̄t kanimihchit yv̄m-mak ash ɔ ai itv̄b̄ni kv̄t ahah! ahnashke.

11. Intolahpi yv̄mmv̄t Chisv̄s Klaist, yv̄mmak osh itola ha ya, hatak nana hosh inla ȳa bohla he keyu hoka.

12. Yohmi ka hatak kv̄na kia intohlapi ilv̄ppa pakna ȳa tv̄li holisso lakna yokm̄á, tv̄li hv̄ta yokm̄á, tv̄li ai v̄lbi chito yokm̄á, iti yokm̄á, hv̄shuk okm̄á, onush v̄pi yokm̄á, nana h̄ɔ isht itv̄b̄ni tuk okm̄á;

13. Nana v̄lhtaha tuk aiyuka kv̄t otaiyana hi oke: nitak yv̄mmak osh otv̄ninha he, luak ɔ isht otaiyana hi oka; yv̄-mohmi ka hatak a im a toksv̄li aiyuka kv̄t kaniohmi hatuk oh kia, luak osh imomaka pisa hi oke.

14. Yv̄mmak ash pakna ai itv̄b̄ni tuk a hatak nana hosh atoksv̄li tuk ak ɔ ik okpulokma, mihi yosh nan v̄lhtoba ȳa isha hi oke.

15. Kv̄na hosh atahli tuk a lua hokma, yv̄mmak osh i kv̄-niv̄t ilbv̄sha hi oke: yohmi kia ilap okv̄to okchaya he, yohmi kia luak ɔ a hlopulli kak inli h̄ɔ chohma hi oke.

16. Chihowa in tempel hv̄chia, yohmi hatuk ɔ Chihowa imi Shilombish v̄t hv̄chia chukv̄t anta ka hv̄ch ik ithano cho?

17. Kvna kia Chihowa in tempel a litehlikma, mihi yō Chihowa hvt ishit kancha he; Chihowa in tempel vt holito-pa yoka, tempel yvmmak o hvchia hoke.

18. Kvna kia ik ile haksecho kia. Hvchi kanima hosh yakni ilvppa hopoyuksa hō ilahobikmvt, yvmmt hopoyuksa chi kvt yakni ilvppa ik ahobo yō ik tobá,

19. Yakni ilvppa isht im a hopoyuksa yokvto Chihowa ya isht ik im ahobo yoka. Yvmmak okvt hopoyuksa ya ilap nan isht imponna ak inli hō isht ishi yoke, achi hosh holisso tok oka.

20. Mihmvt anonti atuklanchi mvt, Chitokaka yvt hopoyuksa im anukfila puta, yvmmt ai ahli ik ono ka ithaiyana hoke, achi tok.

21. Yvmohmi hoka kvna kia hatak puta hō isht ik ilauato kia, nana moma kvt hvchimmi hoka;

22. Pal ak okmá, keyukmvt Apollos, keyukmvt Sefas, keyukmvt yakni ilvppa, keyukmvt ilhfioyak okchaya, keyukmvt nan illi, keyukmvt nana kvt himonasi asha, keyukmvt nana kvt asha he moma kvt hvchimmi yoke.

23. Mikma hvchishno vto Klaist immi hvchia; mikma Klaist vt Chihowa immi hoke.

CHAPTA IV.

Kaniohmit Klaist im vbanumpa isht vta ya il ahnicha he tuk 1; 7 nana ka e habena tuk keyu kvt il i shi keyu. 9 Apostel vhleht yakni pakna ik ahobo yō isht vlhpisa, 16 yvmmak o il im antia he tuk.

1. KLAIST in tishu vhleha, micha, nan ahli Chihowa hvt otvninchi tok puta nan im apesvchi vhleha mak o, chiyuhmichit hatak puta kvt isht pi anukfillashke.

2. Anonti nan apesvchi vhleha nan isht im vlhpisa kvt hatak yvmmt ai ahla hi ak oh chatuk oke.

3. Yohmi kia hvchishno, keyukmvt hatak inla nana kia nana hō isht hvs svm anukfillit hvsh apesa kia, vno yokvto

yummvt vm iskitinosi fehna hoke; ahli vno ak inli kv̄t isht il anukfillit nan apesa li keyu hoke.

4. Uno ak inli kv̄t nana hō isht il akostininchi li keyu kv̄t; yohmi kak osh ilvppak o isht si ai vlhpiesa hi o keyu; amba kv̄na hosh nan isht si anukfillit apesa hokvto Chitokaka yak oke.

5. Yvmohmi hoka Chitokaka yvt ik lo kisha ka tikbalinchit nan isht anukfillit hvch ik apeso kashke, yvmmak osh ai okhlilika ya nana kv̄t a luma puta tuk a otv̄ninchikmvt, anonti chukvsh im anukfila puta hatuk ma haiakahancha hi oke; yvmohmi ha ya hatak moma kv̄t nana ai isha he vlhpesa tuk vt Chihowa ya im ai isha hi oke.

6. Yohmi ka itibapishi li vhleha ma! yvma puta kash hvchishno pulla hatuk mak o, vno, mikmvt Apollos, ita tuklo li kak o isht il onochi li: yohmi ka nana kv̄t holisso tok a i shahlichit hatak o isht ik hvchim anukfilo hosh pishno ak o hvsh pim ai ithvnashke; yohmi hosh hvsh achvfona kia achvfa ka ish ile fehvchit, anonti achvfa ka hvch ik i sanalo kashke.

7. Kv̄ta hosh hvch iti shashohlichit hvchim apesa tok o? Nanta hō ish ishi hosh yvma chik habeno tok o? yohmi ka ish habena hatuk mvt, nanta katiohmi hō chik habeno ke tuk ak inli hō chohmit isht ish ilauata cho?

8. Himak ano na hvchi fihopa, himak ano na hvchin laua, ik piksho hō mikot hvsh mayvshke; yohmi ka hvsh miko hatuk o mvhli hokbano ahni li, yvmmak atuk mvno pishno ak kia e hvch iba mika he atuk.

9. Illa he isht im vlhpisa kak o chohmit vbanumpeshi ishtaiyopi pishno a Chihowa hv̄t pi atokoli tuk a vm ahoba hoka; yakni moma, mikmvt enchil vhleha, mikmvt hatak puta itikba a yopissa e toba tok oka.

10. Klaist atuk mak o ik pi ahobo ma, amba hvchishno vto Klaist a isht hvchi a hopoyuksa hoke: ik pi hlampko ma, amba hvchishno vto hvchi hlampkoshke: hvchi holitopa ma, amba pishno vto ik pi holitoposhke.

11. Pi hohchahafot, pi tukshihinla, micha haknip bieka, mihma pi pvsahaha; yohmi hō ai vtta ahli yvt ik pim iksho na ant himakvshke.

12. Mihmvt pishno pibbak ak inli h_o isht toksahanli hosh ont pi a hoyublishke. Isht pi atukhlakahafa kia, i kanvt il anumpohonlishke: pi palvmihinchia kia, v_lhpiesa il ahnishke.

13. Ik ahobalot na pi achi kia, i kana hosh il im anumpohonlishke; yakni pakna im a liteha ak inli h_o a pi chiyuhmi, mikma nana moma isht liteha chukv_lhpvsh ak o e chiyuhmi na ant himakvshke.

14. Hvchi hofahyali la he osh ilvppa puta ka holissochi li keyu, amba v_m vlla a holitopa hvsh chiyuhmi kv_t ahah! hvsh ahana ch_i kak o hvch_i miha lishke.

15. Klaist nan isht ithvnanchi tahlepa sipokni pokoli hosh hvchim ai asha hoh kia, hvch i_ki vt ik lauwohke; Klaist Chisvs osh nan apelvchi h_o vbanumpa pulla h_o isht hvchi tobachi li tuk oke.

16. Yvmohmi hokvt hv_s siakaiya hi a hvch_i miha lishke.

17. Ilvppa yakohmi kak o Timohlivs, svso a holitopa, Chitokaka im ai ah_lit achukma ya pit hvchi kanchi li ka, mihi yosh kanima moma iksa a hiohli puta ka Klaist isht avchit, nana a kaniohmi li puta ka anolit hvchi anukfohki-cha hi oke.

18. Yohmi ka ak hvchim ono ka he im ahobvt, hvsh kanimi kv_t isht hvsh ilefehcvchishke.

19. Yohmi kia Chitokaka yvt v_lhpesa ahnikma, chekosi hvchim ona la ch_i hoke: yohmi kv_t ilefeh_vchi v_lheha hatuk yvmak ash im anumpa hak a ch_i keyu, amba nan ai ah_li yak o ithana la ch_i hoke.

20. Chihowa im apehliechika yokvt anumpa h_o keyu, amba nan isht ai ah_li yak oke.

21. Nanta h_o hvsh ahn_i? fuli yokmá, keyukmvt i hullo, micha chukvsh im anukfila yohbi hokmá, nanta h_o ieshi hosh hvchim ona la ch_i cho?

CHAPTA V.

Haui mvt Kolinhla chvch a ibvllkahvt maya kak osh hofahyalichi, 1; 10 nan ibetvblichi okpulo yokvno hofahyalit kano pit kancha he v_lhpesa.

1. ITIN lumaka yvt hvch itin takla ya asha kv̄t anohwa fehna hoke; yohmi ka kv̄na kia iki tekchi atuk a itauwaya, nan itin lumaka chohmi kv̄t Chentail okla ak kia ai yvmohmi fehna chatuk keyu hoke.

2. Yohmi ka kv̄na hosh na yakohmi ka yvmihchi tuk vt hvch itin takla ya a filv̄mma chi ka, ik hvchi nukhaklo kish, isht hvsh ile fehrvchishke.

3. Sa haknip okvno isht a hvchi filv̄mmi li mv̄hli; yohmi kia sa shilombish okvno isht hvch ibafokv̄t hvch itin takla ahanta li ka chohmit, kv̄na hosh na yakohmi ka yvmohmi tuk mihi yo nana im apesa li mashkoshke.

4, 5. Kaniohmi ho pin Chitokaka Chisvs Klaist i hohchifo ho isht itv̄nahvt hvsh chiyakma, sa shilombish vt a hvch iba foyuka na pin Chitokaka Chisvs Klaist nan isht im ai ahli pulla hatuk mak o, kv̄na hatuk ash haknip isht ai im ilbv̄sha tok osh Chitokaka Chisvs Klaist i nitak vla hokvno imi Shilombish okvto okchaya chi ka, Setan ak o hvsh im issashke.

6. Nan isht hvsh ilauata ka ik achukmoshke. Nan isht shatv̄mmi iskv̄tinosi kia na yvmv̄ska moma ka yvm̄michi ka hvch ik ithano cho?

7. Yvmohmi ka ik yvm̄mo hvchia hokv̄t, na yvmv̄ska himona mak o hvchia ha chi kv̄t, nan isht shatv̄mmi tikba yash isht ile filv̄mmichit hvsh kanchashke. Klaist vt na pim v̄banv̄blit ont ia yvt v̄lhtobvt illi tok oka.

8. Yomohmi hoka impa holitopa isht kiloh ai ashá; yohmi kv̄t nan isht shatv̄mmi tikba yash o keyu, mikmv̄t isht iti nukkilli, micha nan ik ai v̄lhpeso aiena ka isht shatv̄mmi yak o keyu, amba nan ilahobi keyu hosh ai ahli i pv̄ska ik shatv̄mmo yak ashke.

9. Itin lumaka vhleha ha hvch ik itiba chv̄fo ka chi ho, holisso ha hvchi holissochi li tuk oke.

10. Yohmi kak osh yakni ilv̄ppa ai itin lumaka vhleha, mikmv̄t nan anushkunna atampa vhleha, micha na wehpuli vhleha, mikmv̄t na holbvt toba aiokpv̄chi vhleha aiena ka hvch ik itv̄peho kv̄mohma he ak atok keyu; yohmi hokmv̄t yakni ya hvsh a kohcha he ak osh hvchim v̄lhpesa hoka.

11. Yohmi tok kia kvna hosh itibapishi hohehifo hatuk vt itin lumaka, keyukmvt nan anushkunna atampa, keyukmvt na holbvt toba aiokpvchi, keyukmvt inla isht itukhlakafa, keyukmvt oka homi ishko, keyukmvt na wehpuli okmá, nana hokvno hvch ik itibai achvfokmvt, yvmma chohmi kash impa kia hvch ik itibai impo ka hi o himak a hvchi holissochi lishke.

12. Kvna hosh ikxa ibafohka yatuk keyu yvmmak kia nanta hō isht im apesa la he vlhpesa hō? ikxa ibafohka yvmmak atuk okvno hvsh im apesa keyu hō?

13. Amba kvna hosh ikxa ibafohka keyu hokvno Chihowa yosh nan im apesa yoke. Yvmohmi hoka hatak nan ashvchi yvmmak ash ai il i filvmmichit hvsh kanchashke.

CHAPTER VI.

Vbanumpuli vt nan vlhpisa isht it onocha he keyu, 1; 9 nan ik vlhpeso vto vba apehlichí ka ai ahanta he keyu. 15 Hvpi haknip vt Klaist a ibachvfa, 19 mikmvt Shilombish Holitopa in tempel oke.

1. HVSH kanimi kvv inla ya nana hvsh iti kaniohmikmvt, nan ik vlhpeso itikba yō ont nana hvchim vlhpisa hi osh hvsh ahni cha, amba na yimmi vhleha itikba yokvno keyu ka hinla hatuk o?

2. Na yimmi vhleha hvv yakni moma nan im apesa hi a hvch ik ithano cho? yohmi ka yakni a nan hvsh im apesa hi okmvt, nana kvv iskvtnosi hokvno hvsh apesa he hvchi vlhpesa keyu hō?

3. Enchil vhleha ha nan iloh im apesa hi a hvchik ithano cho? yohmi hokvt okchaya ilvppa nana im a kaniohmi yokak heno il i shaiyahlichí fehna hinla keyu hō?

4. Yohmi ka okchaya ilvppa nana im a kaniohmi yō nan isht hvchim vlhpisa chí hokmvt, kvna hosh ikxa im a holitopa keyu mihi yosh na hvchim apesa chí ka, hvsh atokoli chatuk oh cho?

5. Hvchi hofahya chí hō hvchim anumpuli lishke. Hatak hopoyuksa kvv hvch itin takla ya iksho hō? achvfa kia

itibapishi vhleha nan it_i kaniohmi ka im apesa he keyu kvt iksho h_o? yohmi ho mvhli h_o?

6. Yohmi kia itibapishi achvfa kvt itibapishi atuk a anum-pa onochi cha, nan ik yimmo vhleha itikba y_o nana im vlh-pisa ch_i kvt ohonvshke.

7. Yomohmi hoka himonasi kia anumpa itonochit nan im vlhpisvt hvsh may_a hokvt, nana hvsh ashvchi fehnvshke. Nanta katiohmi h_o nan ik vlhpeso ka hvchi onocha he hvch ik im ahno hosh? nanta katiohmi h_o nana ka ik vlhpesachot hvchim isha hi a vlhpesa hvchik im ahno hosh?

8. Yohmi keyu, amba hvch itibapishi ak kia ai vlhpiesa keyu h_o na hvsh im ishi kvt, nan hvsh ashvchi hoke.

9. Ik vlhpeso vhleha hokvt Chihowa im apehlichika yvt ai immi ha he vlhpesa keyu ka hvch ik ithano cho? hvch ik ile haksecho kashke; itin lumaka vhleha, naholbvt toba aiokprchi vhleha, micha havi vhleha, micha nakni havi vh-leha, micha nakni bika iti hauichi vhleha,

10. Mich_a hukopa vhleha, micha nan anushkunna atampa vhleha, micha oka homi ishko vhleha, micha inla isht ituk-hlakafa vhleha, micha na wehpuli vhleha, aiena hokvno Chi-howa im apehlichika yvt ai immi toba he vlhpesa keyu hoke.

11. Yohmi ka hvsh kanimi kvt yvmma chohmi hvchia hatuk oke. Yohmi tuk kia hvchi ahchifa hatuk, mihmvt hvchi kashofa hatuk, yohmi kvt Chihowa imi Shilombish pulla h_o Chitokaka Chisvs i hohchifo h_o isht a hvchi vlh-piesa hoke.

12. Nana puta kvt isht vm ai vlhpesa, yohmi kia nana puta kvt isht vm ai achukma keyu; nana puta kvt isht vm ai vlhpesa, yohmi kia yvmma kanima kak oh kia i yuka la he keyu hoke.

13. Il impa hvt takoba yak o immi hoh chatuk oke, mik-ma takoba yato ilimpa hak o ai immi hoh chatuk oke: yohmi kia yvmmak ash o it aieninchit Chihowa hvt iksho-kecha ch_i hoke. Yohmi ka haknip okvt havi yak o ai im vlhpisa keyu, amba Chitokaka yak oke: yohmikma Chito-kaka yvt haknip a nan im atahli yoke.

14. Yohmi kvt Chihowa hvt Chitokaka ya tanichi hatuk

okvt anonti pishno a ilap nan isht im ai ahli yo isht pi tani-cha he ak inli hoke.

15. Yohmi ka hvchi haknip vt Klaist a ai it immi ha hvch ik ithano cho? yohmi hatuk a Klaist a ai it immi hash ishi lish, anonti haui yo ai it immichi la chi cho? ik yvmohmo pullashke.

16. Yakeh! kvna hoh kia haui yo ibafohka kvt, yvmmt haknip achvfa ka hvch ik ithano cho? tuklo tuk kia haknip achvfa toba hi oke, achi hoka.

17. Amba kvna hosh Chitokaka ak o ibafokkakmvt, shilombish achvfa hoke.

18. Haui ya ili filvmmichit hvsh m lelashke. Kvna kia nan ai ashvchika moma ka yvmihchi hokvto, haknip okvno nana kanihchi keyu hoke: amba kvna hosh itin lumaka hokvto, ilap haknip ak inli ho okpanit nan ashvchi hoke.

19. Yakeh! hvchi haknip vt Shilombish Holitopa mihi yosh hvchi afoka, yvmmak osh Chihowa a minti ho hvsh ieshi, yvmmak o in tempel hvchia hosh, hvchishno ak inli kvno keyu kvt hvch ik ithano cho?

20. Nan ai vlli ho isht hvsh ai vlhtoba hatok: yvmohmi hokvt hvchi haknip, micha hvch imi shilombish, yvmmak okvt Chihowa immi hoka, Chihowa ya isht hvsh holitoblashke.

CHAPTER VII.

Nan itauwaya imma ka miha, 1; 4 mikmvt ik iti lumako ka hi a itauwaya hi a miha: 10 nan itauwaya kvt pilla ik ahobot iti mokofa he keyu: 18 moma kvt ilap nan im vlhpisa kvt vlhpesa ahnit ahi kia he; 25 ohoyo himithoa itauwaya ka nan isht anumpuli.

1. YUMOHMI ka nana ka hvs sa holissochi tok imma kak oke. Hatak vt ohoyo ha ik potolo kak osh im achukma hoke.

2. Yvmohmi kia itin lumaka iksho ka chi kak o, hatak moma kvt ilap tekchi ak inli ho ieshikma, anonti ohoyo moma kvt i hatak ak inli ho ieshashke.

3. I hatak vt ohoyo ha isht ai im vlhpesa ka imashke: mikma tekchi atuk ak kia i hatak a mihinlohimchashke.

4. Tekchi vt ilap haknip ak o immi ho keyu, amba i hatak ak oke; mikma i hatak ak kia mihi yo chohmit ilap haknip a immi keyu, amba tekchi ak oke.

5. Isht im ai vlhpiesa hatuk ash hvch ik it im esho kashke, amba anumpa ilbvsha hvsh anumpuli fehna chi hosh chekosi itin takla yo hvsh it im ahni hok mak ashke; atuk osh nan isht il ai oktambli ik hvchim iksho ki Setan vt imomaka hvchi pisa hinla ka, atuklant hvsh it im onashke.

6. Yohmi kia vno nana vm anukfila hosh ilvppa isht hvchim anumpuli lishke, yohmi kvv nana isht vm vlhpisa tuk keyu hoke.

7. Hatak puta kvv vno ak inli chiyuhma he ak o ahni lishke. Yohmi kia hatak moma kvv Chihowa i nan hvlbina ya isht im vlhpiesa cha, achvfa kvv ilvppak o isht ai im vlhpiesakma, anonti inla yvt yvmmak o isht im vlhpiesa yoke.

8. Yvmohmi ka nan ik itauwayo kisha, micha i hatak illi vhleha aiena kvv, Ŭno ak inli chohmit maya hinla hokmvto, im achukmvshke, achi lishke.

9. Yohmi kia okla il oktampla he keyu mvto, okla itauwayashke: itauwaya kak osh lua hi a im i shahli hoke.

10. Anonti itauwaya vhleha hokvno im apesa lishke; yohmi kia vno ak keyu, amba Chitokaka yak oke; Tekchi atuk vt i hatak atuk a ik i filvmmo kashke.

11. Yohmi kia anonti tekchi atuk vt filvmmi hokmvto, inla ik auwayo hosh antashke: keyukmvv i hatak atuk ash o i kanvv i falamashke; mikma i hatak vt tekchi a ik kancho kashke.

12. Yohmi ka inlaka yano vno ak osh anumpuli li, Chitokaka yak keyu; iloh itibapishi kvna kia tekchi ik yimmo, yohmi kia yvmmak ash o awant anta kvv im achukmakma, yvma ik kancho kashke.

13. Anonti ohoyo hvv i hatak osh ik yimmo, yohmi kia yvmmak ash awant anta kvv im achukmakma, yvma ik kancho kashke.

14. I hatak vt ik yimmo yvt tekchi atuk pulla mak o isht im a kashofa yoke; mikma tekchi nan ik yimmo yvt i hatak atuk mak o isht im a kashofa yoke; yvmmak keyukma hv-

chim vlla yvt ik kashofo ka he tuk; amba himak ano holi-topa hoke.

15. Yohmi kia ik yimmo yvt filvmmi hokmvt, filvmmi ayashke. Yvmma chohmi hokvno il itibapishi yokmá, pin tek okmá, nana hash osh i yuka he keyushke; yohmi ka Chihowa hvto iti nanaiya he ak o pi atokli tuk oke.

16. Tekchi chia ma! chi hatak a ish okchalinchikmá nana chi kvv nanta ish ithana cho? mikma hatak chia ma! chi tekchi a ish okchalinchikmá, nana chi kvv katiohmit ish ithana cho?

17. Yohmi kia Chihowa hvv kaniohmichit hatak moma ka i hopehinla hatuk, Chihowa yvt moma achvfalechit atokoli tok; yohmi hoka yvmmak o ik ai itvnowá. Yohmi ka hvvch hiohli moma ai yvmohma chi mak o apihisa lishke.

18. Kvna kia hakshup vtpa yvt vbanumpa nukfohka ho? Yohmi hokmvt hakshup ik tapo yo ik tobo kashke. Kvna kia hakshup ik tapo yosh vbanumpa nukfohka ho? yohmi hokmvt hakshup vtpa keyu kashke.

19. Hakshup vtpa yokvto nana keyu, mikma hakshup ik tapo yokvt nana keyu, amba Chihowa i nan vlvhisa holito-hombli kak oke.

20. Hatak moma kvv kaniohmit antvt vbanumpa anukfohka tuk vt, yvmmak inli ho anukfoyukvt isht ahantashke.

21. Yuka chia hosh vbanumpa chi nukfohka ho? yohmi hokmvt na yohmi chik ahno kashke; yohmi kia yuka keyu ish toba hinla hokmvto, yvmmak o ish yvmihchashke.

22. Kvna hoh kia yuka hosh Chitokaka isht anukfoyakakma, mihi yosh Chitokaka immi yuka keyu hoke; yvmmak ash inli ho chohmit kvna hosh yuka keyu yosh vbanumpa anukfohkakmvt, mihi yosh Klaist in tishu yokvt.

23. Nan ai vlli yo hvsh ai vlbi hatuk; hatak i yuka ho hvchia keyu kashke.

24. Itibapishi li vhleha ma! hatak moma kvv kanima yo hikivt anukfohka tuk mvt, Chihowa im antihiyvt yvmmak inli ho antashke.

25. Yvmohmi ka ohoyo himithoa hatak haleli keyu vhleha imma kak a he tuk okvno Chitokaka i nan vlvhisa yvt ik

svm ikshoshke: yohmi kia ai a_hla chi hosh Chitokaka nan isht i nukh_klo ahayuchi tuk mak o, chohmit vno vm anuk-fila h_a ima lishke.

26. Yohmi kia himonasi yokvno nan isht palvmmi ak atuk mak o ilvppak okvt achukma, ahni li; na yakohmi ka hatak vt yohmi kak o achukma, achi lishke.

27. Tekchi a ish a talaiyakchi h_o? i holhtoyufa he, chik ahno kashke. Chi tekchi a ish i holhtoyufa h_o? tekchi a chik hoyo kashke.

28. Yohmi kia anonti ish itauwaya hokmvt nana ish ashv-chi tuk keyu hoke: mikma ohoyo himita hatak haleli keyu yosh hatak auwaya hokmvt, nan ashvchi tuk keyu hoke. Yvmohmi ak inli kia yvmma chohmi kvv haknip nan isht ik im vlhpieso ka he; yohmi kia hvchi kanvt nana kaniohma hi okvno ak hvchim anoloshke.

29. Yohmi ka itibapishi li vhleha ma! ilvppak o achi lishke: nitak vt ik falaio yosh takanli hoke; tekchi im a_sha vhleha yatuk vt, ik im iksho chiyuhmashke.

30. Mikma kvna hosh yaiya kia, yaiya tuk keyu chiyuh-mashke; mikma kvna hosh yukpa kia, yukpa tuk keyu chiyuhmashke; mikma kvna hosh chumpa kia, ik esho ke tuk chiyumashke.

31. Mikma kvna hosh yakni ilvppa nan isht ai ahanta kia, ik vlhpesachot ahanta ik chiyuhmo kashke. Yakni ilvppa nana a kaniohmi yokvto ont ikshot i_hiya hoka.

32. Yohmi hoka nan isht im anukfilvt ik hvchi komunto ka he ak o hvchim ai ahni lishke. Kvna hosh itauwaya keyu hokvto, kaniohmit Chitokaka ya yukpala chi kvv, nana kvv Chitokaka ai immi hak o anukfihinli hoke.

33. Amba kvna hosh itauwaya yokvto, kaniohmit tekchi a yukpala chi kvv, nana kvv yakni ai immi hak o anukfihinli hoke.

34. Hatak im a_sha, mikmvt ohoyo himita hatak haleli keyu hokvto, it im inla hoke: ohoyo hatak auwaya keyu hokvto ilap haknip, micha im anukfila ita tuklo ka isht ik ashvcho ka chi kvv, nana kvv Chitokaka ai immi hak o anukfihinli hoke: amba hatak im a_sha yokvto, kaniohmit i hatak yukpala chi kvv, nana kvv yakni ai immi hak o anukfihinli hoke.

35. Yohmi ka hvchishno isht ai hvchim vlhpesa hi o ilvppa anumpuli lishke: yohmi kv̄t nan isht ataklv̄ma yō isht hvchi onochi la ch̄i hatuk keyu; amba nana kv̄t ai vlhpiesa kak atuk; yohmi ka nan isht fitekv̄chi ik im ikshot, Chitokaka ya im antihyv̄t nan isht hvsh im ahantashke.

36. Yohmi ka hatak kv̄na hosh ilap ushetik hatak haleli keyu hatuk a ilap inli hosh ik vlhpesalo kv̄t anukfillikmv̄t, yvmmak ash osh hofantit taha ha ya tuk okma, anonti yvmohma he vlhpesa hoka, nana hō iki ash osh ahnikmv̄t nanashv̄chi keyu hokv̄t, yvmihchashke: yohmi hō hatak auwayashke.

37. Yvmohmi kia yvmohma he vlhpesa keyu hokmv̄no, iki ash osh ilap chukv̄sh isht ile kv̄llochit ilap nan ahni hosh ahlich̄a hinla hosh, anonti yakohmashke, ahnit ilap chukv̄sh a anukfoyuki hokmv̄t, ushetik hatak haleli keyu kash ot imoma hosh im anta he ahnikmv̄t, vlhpesa hō yvmihchi hoke.

38. Yvmohmi hoka kv̄na hosh ushetik hatak haleli keyu ha hatak auwayv̄chi kv̄t vlhpesa hō yvmihchi hoke; yohmi kia kv̄na hosh ushetik hatak haleli keyu ya hatak auwaya-chi keyu kak osh, vlhpesa kv̄t i shahli hō yvmihchi hoke.

39. I hatak vt okchaya moyuma ka tekchi vt nan vlhpisa pulla hō isht a talaiyakchi hoke; yohmi tuk kia i hatak ash osh illi hokmv̄no, Chitokaka immi kv̄na hoh kia ahnikmv̄t, auwaya hi vt i holhtofa hoke.

40. Yohmi ka Chihowa imi Shilombish vt a si anukfoyuka ak inli ka vm ahoba hoka, vno vm anukfila ha yvmmak ash osh iakaiyv̄t peh anta hokmv̄t, yvmmv̄t yukpa kv̄t i shahli hoke.

CHAPTA VIII.

Naholbvt toba puta ka nan isht aiokpv̄chi ka isht anumpuli, 1; 9 kv̄na kia na kil ibetv̄blich̄o kashke.

1. YOHMI ka na holbvt toba isht aiokpv̄chit nana ka im issa tok imma hokv̄no, nana ka iloh ithaiyana kv̄t il

ithanvshke. Nan ithana yvt ile chahvchi, amba nan i hullo yokvto nan achukmali yoke.

2. Yohmi ka kvna kia nana ka ithana im ahoba hokmvt, nana ka kaniohmit ithana he tuk ash osh ik ithano kisha hoke.

3. Amba kvna hosh Chihowa ya i hullokma, mihi yosh yvmma im a holitopa hoke.

4. Na holbvt toba puta isht aiokpvchit nana ka im issa tok yvmmak o vpa hatuk imma tok okvno, na holbvt toba yvt yakni pakna ya nana ho keyu; micha Chihowa inla yvt iksho, amba achvfa kak illa ka iloh ithanvshke.

5. I shahli hohchifo kvt ai asha kvt vba shutik ak okmá, keyukmvt yakni pakna yak okmá, nana ho ai asha kv, i shahli hv lau cha, anonti chitokaka mvt lau hoke.

6. Amba pishno yokvno Chihowa achvfa, Iki, yvmmak osh nan ai ahni pulla ho nana moma kv toba hoke; mikma pishno vt yvmmak o immi pia hi osh il in toba hoke; mikma Chitokaka Chisvs Klaist achvfa yvmmak atuk mak o nana moma kv ai asha, mikma pishno mvt yvmmak atuk mak o il ai ashvshke.

7. Yohmi kia nan isht ithaiyana yash hatak moyuma ka anukfoyuka keyushke: kanimi kv na holbvt toba ya nana ho chohmichit isht ai i yimmi cha, na holbvt toba yash nana ho im issa tuk ash o yvmmak o ai vpvvt maya na ant hima-kvshke: yohmi mvt nan isht il ai akostininchi yvt ik ono hatuk osh ai okpuloka hoke.

8. Yohmi ka il impa hatuk mak o Chihowa hv pi ahninchi ho keyu: il impa hoh kia, kaniohmit il i shahli keyu hoka; mikmvt kil impo kia kil a lauwo keyu hoke.

9. Yohmi kia ahah! hvsh ahni na na hvsh a kaniohma he vlvpesa ilvppak ash ot kvna hosh ik hlampko, yvmmak ash o ibetvblichy yo ik kaniohmi kia ik tobo kashke.

10. Kvna chia hosh nana hash isht ithaiyana kia, na holbvt toba in tempel anukaka ya ish ai impa na kvna hosh chi piesakmvt, yvmvt nan isht il akostininchi hv ik hlampko hatuk okmvt, na holbvt toba nana ho im issa tok yvmmak ash o vpa hi vt i shahlit anukfohka keyu ka hinla ho?

11. Yohmi ka nana ish ithana pulla tuk ash o chitibapishi ik hlampko yummak o Klaist vlhtobvt illi tok a ai okpuloka chi cho?

12. Yohmi ka hvsh itibapishi vhleha ha yakohmiechit hvsh im ashvchi cha, nan isht il akostininchi ik hlampko yash hvsh hotopali kv̄t, Klaist ak o hvsh im ashvchi hoke.

13. Yvmohmi ka ilhpak vt itibapishi li ha ibetvblichi hokma, itibapishi li hash ak ibetvblecho ka chi kv̄t, yakni vt talaia moma ka nipi nana kia vpa la he keyu hoke.

CHAPTER IX.

Vbanumpa isht vtta yvt nan isht il apelacha hi okvno im atahla he otr̄n̄inchi, 1: 18 yohmi kia ilap vt kv̄na kia nana ka i wekechi tok keyu. 21 Okchayvt il anta ilvppvt nan iti timiya pr̄l̄hki ho chohmi.

1. APOSTEL sia keyu ho? yuka keyu sia keyu ho? pin Chitokaka Chisvs Klaist a pisa li tuk keyu ho? Chitokaka hvsh ibai achvfa ka yvmv̄t na hvchi atahli li tuk mak keyu?

2. Inla yokvno im apostel sia keyu hok mak heto, hvchishno yokvno hvchim vbanumpeshi sia mv̄hlishke: Chitokaka hvsh ibai achvfa kak osh vbanumpeshi si vlhtoka hatuk a isht ahlich̄i hvchia hoke.

3. Kv̄na hosh ik yimmot si a ponaklo tuk yv̄mma im afalaminchi li ka ilvppak oke;

4. Impa, micha nan ishko ita tuklo kv̄t isht a pim vlhpiesa keyu ho?

5. Ohoyo pin tek a ilaelit aya kv̄t, apostel inla vhleha, mikv̄t Chitokaka itibapishi vhleha, micha Sefas aiena ka chohmit pim ohoyo, pin tek a ilaelit il aya hi vt pim vlhpiesa keyu ho?

6. Yohmikv̄t Banabas ita tuklo li kak bano hosh ke toksulo ka hi vt pim vlhpiesa keyu ho?

7. Kv̄ta hosh kaniohmi hoh kia itotinowa kv̄t ilap inli hosh nan i kv̄nia ho? kv̄ta hosh pakvpi a hollokchi ya ikbi tuk vt, yv̄mma nan ai vni ka ai vpa keyu ho? keyukma

kvta hosh nan vllhpoba apistikeli kv̄t anonti nan vllhpoba yā ī pishukchi yā ik ishko ka hinla?

8. Hatak ō chohmit ilvppa puta ka achi li hō? vba nan vllhpisa yak kia yvmmak inli hō achi ak inli keyu hō?

9. Wak toksvli yvm̄vt na nihechi ka, Itakha yā chik takeho kashke, achi hosh Moses ī nan vllhpisa yā holisso hoke. Chitokaka yvt wak toksvli yā nan im atahli hō?

10. Yohmi ka pishno ak illa puyulla hatuk mak ō achi tok ō? pishno puyulla mv̄hli hatuk mak ō ilvppvt holisso hatuk: yohmi ka kvna hosh yakni patvffi kv̄t, nawaya pisa he ahni hosh yakni patvffashke; mikma nan isht ilai yukpa pisa he ahni hosh kvna kia nanihechi kv̄t, na pisa he ahni tuk ak ō ibai isha hi oke.

11. Nana kv̄t shilombish imma kō e hv̄chim a hokchi hatuk okma, nana kv̄t haknip ahalaia imma e hv̄chim ai vma chī ka, nana kv̄t a fehna hō?

12. Inla yvt ilvppa hv̄ch ibai isha hi vt vllhpesa hokma, pishno yokak heto isht a pim vllhpiesa keyu hō? yohmi kia nana vllhpesa ahnit ilvppak ash ō isht kil il apelacho hatuk: amba Klaist im vbanumpa hā kil ataklammo ka chī kv̄t, nana moma ka ik yvmohmī il ahni hoke.

13. Kvna kia nana kv̄t holitopa imma kak ō isht vtta kv̄t, yvm̄vt nana kv̄t tempel ā ai immi hak ō ai vpa; mikma kvna hosh alta yā nan isht ai vtta kv̄t, yvm̄vt alta yā nan ai ibai ishi ka hv̄ch ik ithano cho?

14. Yvmmak inli hō chohmit kvna hosh vbanumpa isht anumpuli kv̄t, yvm̄vt vbanumpa hā ai isht il apelacha hi ō, Chitokaka yvt apesa tok.

15. Yohmi kia ilvppa puta kash achvfona kia isht il apelachi li tuk keyu: yohmi mv̄t nana kv̄t v̄m ai yvmohma chī kv̄t ilvppa puta kash holissohonchi li tuk keyu: kvna kia nan isht il a holitopa li yā ik ahobalecho ka he atuk ā, illi kak osh achukma kv̄t yv̄mma v̄m ī shahliske.

16. Vbanumpa isht anumpohonli li hoh kia, nan isht il aholitopa la hi vt ik sv̄m iksho kamohmishke: nana kv̄t ai vllhpiesa mak osh si onvtuyula hoka; ahli, vbanumpa hā isht anumpohonli li keyukmv̄t, nan v̄m a palv̄mmi hoke.

17. Ahni li hok mak osh ilvppa yvmohmi li hokmvt, nan vlhtoba kia ieshi li hoke; amba ak ahno hok mak osh ilvppa yvmihchi li hoh kia, vbanumpa isht ai vta hi okvto si vlhtokowa hatuk oke.

18. Yohmi ka nanta hosh nan isht vm vlhtoba yo? ahli, vbanumpa ho isht anumpohonli li kv, Klaist im vbanumpa hash nan ak ai illecho ka chi hatuk; yokmi hokvt vbanumpa isht vm ai vlhpiesa hatuk a ak vlhpesacho ka hi o keyushke.

19. Achvfona kia i yuka sia keyu, yohmi kia i shahlichit asitvbi la chi kv, vno ak inli hosh moma ka il im i yuka-hanchi li hoke.

20. Yohmi hokvt Chu okla ha asitvbi la chi kv, Chu okla hokvno Chu ak inli ho toba li hatuk; mihmvt kvna hosh nan vlhpisa ya ai i nutaka atuk a asitvbi la chi kv, nan vlhpisa ai i nutaka hokvno nan vlhpisa ai i nutaka ak inli ho toba li hatuk;

21. Kvna hosh nan vlhpisa a keyu ka asitvbi la chi kv, nan vlhpisa a keyu hokvno nan vlhpisa a keyu ak inli ho toba li hatuk; yohmi kia nan vlhpisa ik im ikshot Chihowa ik im antio ka hi o keyu, Klaist i nan vlhpisa yosh onvtu-yula hoka.

22. Ik hlampko ya asitvbi la chi kv, ik hlampko hokvno ik hlampko ak inli ho toba li hatuk; yohmi kv ik kaniohmi kia kanimi ka okchalinchu la chi kv, hatak moma ka nana moma ka in toba li hoke.

23. Yohmi kv vbanumpa ha hvch ibai ishi la chi kv, vbanumpa pulla kak o ilvppa yakohmi li hoke.

24. Kvna hosh ai itin timiya ai yihlepa chi hatuk okvt, moma kak osh yihlepa kia, nan isht a holitopa hi okvno achvfa bano hosh ishi chatuk a hvch ik ithano cho? Nan isht a holitopa hi ya hvsh isha chi kv, yummak inli ho chohmit hvsh malelashke.

25. Yohmi ka hatak moma kv i shahlichu he ahnit ile lushummi hokvto, yummvt nana moma ka il ai oktampli hoke. Yohmi kv iachuka okpula hi o isha chi kv, okla ilvppak o yakohmi hoke: pishno yokvto nan okpula he keyu kak oke.

26. Yvmohmi hoka ik im ai ono keyut, yakohmit malihinli lishke: kvna hosh mahli h_o ihisso h_o chohmi keyut, itihimbi lishke.

27. Yohmi kv_t sa haknip imaiyachi li, yohmi mv_t yukahanchi lishke: yvmmak keyukmv_t ik kaniohmi kia inla ya vbanumpa isht im anumpohonli li haya tuk vt, vno ak inli kak osh ak ai ahlo ka hinla hoke.

CHAPTA X.

Chu okla nan isht im v_lhpisa holitopa, 1. 7 Chu okla nan isht im apalv_{mi} tok a nan isht il ithana he tuk. 21 Chitokaka im ai impa ya Setan o im ai impa kiloh ikbo kashke. 24 Il itibapishi im anukfila ha il itim ahnicha he tok.

1. YAKOHMI ka itibapishi li v_lleha ma! pin tikba v_lleha hv_t kaniohmit moma kv_t hoshonti ha ai i nutakv_t ayv_t, anonti momv_t okhv_t a h_o a hlopulli tok a hvch ik ithano ka hi a, hvchim ai ahni li keyushke.

2. Yohmi ka Moses a im antia ch_i kv_t hoshonti, micha okhv_t ita tuklo kash o isht a baptismo tok.

3. Mihma il impa shilombish imma a miha chvfa h_o momv_t vpa tok.

4. Mihmv_t nan ishko shilombish imma a miha chvfa h_o momv_t ishko tok. Tvli chito shilombish imma yvmmak ash okla ai ishko tok a yvmmak ash ot iakaiya tok oka; yohmi ma Tvli chito yvmmv_t Klaist mak atok oke.

5. Yohmi kia yvma kashampa laua ka Chihowa yv_t isht ik i ahno fehna tok; illit yakni haiaka ya okla a fimimpa tok oka.

6. Yohmi ka nana yakohmi kv_t nan isht a pim v_lbvcha hi atuk; yvmohmi hokv_t okla nan anushkunna tok ak inli h_o chokmit nan ik v_lhpeso puta ka kil anushkunno ka he atuk oke.

7. Okla hv_t binohmayv_t impv_t, nan ishkot wakaya cha, a hihlvchi tok, achi kv_t holisso hoka; kanima kv_t yohmi hatok a chohmit nan holbv_t toba aiokpvchi hvchia keyu kashke.

8. Mihmvt kanimi kv̄t itinlumaka tuk osh, nitak achvfa ka tahlepa sipokni pokoli tuklo akocha tuchinv̄t ak-akoha tok vhleha h̄a chohmit kil itinlumako kashke.

9. Mihmvt kanimi kv̄t Klaist imomaka pisa tuk osh, sinti ȳ isht ai illi tok vhleha h̄a chohmit Klaist a imomaka ke peso kashke.

10. Mihmvt kanimi kv̄t ik im v̄lhpesot na mihachi tuk osh, nan okpv̄ni ȳ isht ai okpuloka tok vhleha h̄a chohmit, na hv̄ch ik mihacho kashke.

11. Yohmi ka isht a pim v̄lv̄v̄cha hi a ilv̄ppa puyuta kv̄t yvm̄mak ash ȳ ai i yvmohmi tok: yohmi tuk osh yvm̄mak atok vt isht a pim achukma ch̄i mak ȳ holisso ma, yakni ont ai v̄hli hv̄t pishno ak ȳ pim v̄lv̄shke.

12. Yvmohmi hoka kv̄na hosh, Hik̄ia li, ahni kv̄t, mihi yosh ik itulo ka ch̄i kv̄t ahah! ahnashke.

13. Nana imomaka pisa nana hosh hv̄chi onvtula he keyu; amba hatak moma ka ai onvtuyula chatuk chohmi kv̄t yvm̄mak oke; yohmi kia Chihowa yvt ai ah̄li, yvm̄mvt nan hv̄sh a lauecha he ont ia hokv̄no imomaka hv̄chi pisa hi a ahna he keyu hoke; amba yvm̄mak ash hv̄sh a lauecha ch̄i ka nana imomaka pisa yvt hv̄chi ontuyulakma, a hlakofa he at̄aya ya hv̄chim ikba he ak inli hoke.

14. Yvmohmi hoka a kana a holitopa vhleha ma! na holbvt toba ai okpv̄chi hv̄sh i filv̄mmashke.

15. Hatak hopoyuksa yȳ hv̄chi chohmichit anumpuli lishke; nana hȳ achi li ka anukfillit hv̄sh akostininchashke.

16. Isht ishko holitopa mihi yȳ Chihowa isht il aiokpv̄chi kv̄t, yvm̄mvt Klaist im issish a isht itibai ishi keyu hȳ? Pvska e boshullich̄i ka, yvm̄mvt Klaist hakn̄ip a isht itibai ishi keyu hȳ?

17. Pishno vt pi laua kia, pvska achvfa, anonti hakn̄ip achvfa pia hoke; pvska achvfa yvm̄ma momvt iloh itibai ishi hokvt.

18. Israel okla hakn̄ip imma hokv̄no ho pes̄a; kv̄na hosh v̄ba nan isht aiokpv̄chi nipi yȳ ai v̄pa kv̄t, yvm̄mvt alta ya itibai ishi keyu hȳ?

19. Yohmi ka nanta hȳ achi li hȳ? na holbvt toba

yummvt nana hoke; mikmvt na holbvt toba nana hō isht aiokpvcha chī hō imma ka yummvt nana hoke, achi li hō? keyū.

20. Amba nana hō Chentail okla hvt vba isht aiokpvchi kvt, nan isht a hullo okpulo yak o isht aiokpvchi kvt, Chihowa yak okvno keyu, achi li hoke: yohmi hokvt nan isht a hullo okpulo ya hvsh ibai isha hi o, hvchim ahni li keyushke.

21. Chitokaka im isht ishko, mikmvt nan isht ahullo okpulo im isht ishko it aieninchit hvsh ai ishka he keyushke: mikmvt Chitokaka im ai-impā, mikmvt nan-isht ahullo okpulo vhleha im ai-impā it aieninchit hvsh ibai achvfa he keyushke.

22. Chitokaka ya il anukhobelvchi na pī nuktvhla hinla hō? yvmma hlampko kvt il ī shahli hō?

23. Nana moma kvt isht v̄m ai vlhpiesa, yohmi kia nana moma kak osh isht achukma he keyu; nan moma kvt isht v̄m ai vlhpiesa, yohmi kia nana moma kak osh achukmalechi keyu hoke.

24. Hatak kvna kia ilap nan isht im ai vlhpiesa he ak bano hō ik hoyo kashke; amba hatak moma kvt inla nan isht im ai vlhpiesa he yak ashke.

25. Nipi a chumpa ya nana hosh a kvnia tuk a, yvmma nan isht il akostininchi pulla kak o nana ik a ponaklot, hvsh pashke.

26. Yakni moma, micha awaya moma kvt Chitokaka immi hoke.

27. Kanimi kvt na yimmi keyu hosh ont hvsh ibai impa he hvchim ahni hokma, ia hi a hvsh ahni hokmvt; nana hosh hvchin tikba ya talaiakma nan isht il akostininchi pulla kak o nana ik a ponaklot, hvsh pashke.

28. Yohmi kia kvna hosh, Na holbvt toba isht aiokpvcha hi o ilvppa im issa tok a hvchim achikma, na hvchim anoli tuk yvmmak pulla, mikmvt nan isht il akostininchi aiena pulla kak o hvshpa ná; yakni micha ai immi moma aiena kvt Chitokaka immi hoke.

29. Nan isht il akostininchi achi li ka, chimmi ak o keyu,

amba yvmmak ash oke; nan isht v̄m ai v̄lhpisa hosh yv̄m-
ihchi li ka, nanta katiohmi h̄o inla nan isht il akostininchi
hosh si onochi h̄o?

30. Chihowa nan isht i kana pulla h̄o ibai ishi li hokmvt,
yvmmak oka yak oke isht ahni li ka, nanta katiohmi h̄o nan
ik v̄lhpeso ȳo isht a si anumpa cho?

31. Yvmohmi hoka hvsh impa, keyukmvt na hvsh ishko,
keyukmvt nana h̄o hvsh yvmihchi hokmvt, Chihowa isht a
holitopa ch̄i h̄o, mominchit hvsh yvmohmashke.

32. Achvfona kia Chu ak okmá, keyukmvt Chentail ak
okmá, keyukmvt Chihowa in chvch ak okmá, nana kia hvch
ik ibetvblichio kashke.

33. Hatak moma ka nana moma ka yukpali kv̄t, vno nan
isht v̄m ai v̄lhpiesa hi ̄o hoyo li keyu; amba lawa yvmmvt
okchaya ch̄i ka, isht im ai v̄lhpiesa hi ̄o hoyo li ka hvsh chi-
yuhmashke.

CHAPTA XI.

Chihowa aiokpahanchi a nana kv̄t ik v̄lhpeso, micha Chitokaka im
opiaka impa ma ik ahobalo aiena ka im alvmmi, 1. 23 Chitokaka
im opiaka impa v̄lhpisa vmonnvt isht a minti tok a im anoli; mih-
mvt kaniohmit okla holitobla hi tok a im otr̄ninch̄i.

1. V̄NO vt Klaist a iakaiya sia akinli h̄o chohmit, siakai-
ya hvchia hashke.

2. Yvmohmi ka itibapishi li vhleha ma! nana moma isht
hvs svthaiyana, mikmvt nan v̄lhpisa holitopa moyuma ka
hvch ichima li tuk a hvsh holitobli hoka, hvchi ahninch̄i
lishke.

3. Yohmi ka hatak moma i noshkoboka yvt Klaist ak ok-
ma; anonti ohoyo h̄a i noshkoboka yvt hatak ak oke; mik-
ma Klaist i noshkoboka yvt Chihowa yak oka, hvsh ithana
he ak ̄o, hvchim ahni lishke.

4. Hatak moma kv̄t anumpa ilbvsha anumpuli, keyukmvt
Shilombish ̄o anukfoyukvt anumpuli kv̄t, noshkobo hv̄t im
̄o hlipia hokmvt, ilap noshkobo h̄a hofahyali hoke.

5. Amba ohoyo moma kv̄t noshkobo ̄o hlipia keyu hosh,

anumpa ilbvsha anumpuli, keyukmvt Shilombish o anukfo-yukvt anumpuli hokmvt, noshkobo yash o hofahyali hoke; yvmmak okvt noshkobo i shafa yak inli ho chiyuhmi hoka.

6. Ohoyo hvt noshkobo ompoholmo keyukmvt, pashi ak kia vlmashke; yohmi kia pashi vmo, keyukmvt shafa kak okma, nana ka ohoyo hvt isht a hofahya hinla hokma, noshkobo hvt ompoholmashke.

7. Chihowa ya a hoyulba na isht a holitopa hoka, hatak vt noshkobo ha nan o hlipela he vlhpesa keyu mvhlishe: amba hatak a isht im a holitopa yokvto ohoyo ak oke.

8. Hatak vt ohoyo ak o a toba tok keyu, amba ohoyo ak osh hatak ak atok oka.

9. Mikmvt hatak vt ohoyo ak atuk pulla mak o toba tok keyu, amba ohoyo ak osh hatak ak atok oke.

10. Yvmohmi kak o ohoyo hvt enchil vhleha ak pulla kak oka, noshkobo hvt ompoholma he vlhpesa hoke.

11. Yohmi kia ohoyo hvt iksho ka hatak vt anta he keyu, mikma hatak vt anta he keyu, mikma hatak vt iksho ka ohoyo hvt anta he keyu, Chitokaka yvt im ahni hoke.

12. Ohoyo hvt hatak ak o a toba yatuk o, yvmmak inli ho chohmit hatak vt ohoyo pulla kak o atoba hoke; yohmi ka nana puta kv Chihowa ak o atoba hoke.

13. Hvchishno ak inli hosh anukfillit ho pesa; ohoyo hvt noshkobo ompoholmo keyu hosh Chihowa im ilbvshvt anumpuli yvmvt vlhpesa ho?

14. Hatak vt pashi vt falaia hokmvt, isht hofahya ka nan isht anukfilli kak oh kia nan hvchi ithvnanchi keyu ho?

15. Amba ohoyo hvt pashi vt i falaia hokmvt, isht im a holitopa hoke; ilap pashi vt noshkobo isht ompoholma hi o ishi tok oka.

16. Yohmi kia kva hosh a sanali kak o bvna ahoba kia, pishno yukvto yvma chohmi kv ik pim iksho chatuk; mikmvt Chihowa in hvch a hiohli kv yvma chohmi kv ik im iksho chatuk oke.

17. Yohmi ka achukma i shahli kak o keyu, amba okpulo i shahla chi hosh mintit hvsh itvnaha kak o, ak hvchim ahnincho ilvppak osh hvchim anoli lishke.

18. Ubanumpuli ikxa yosh ant hvsh ai itvnaha kv̄t, nana vmonna ka ita kvshkv̄t hvsh m̄ya ka haklo lishke: yohmi kv̄t sai yimmi chohmishke.

19. Yohmi ka hvch ik itibachvfo kak o pulla chi, yohmik mak o kvna hosh ai ahli hok mak osh hvch itin takla ya otaiyana hi oke.

20. Yohmi ka a miha chvfa ho ant hvsh ai itvnaha, ilvp-pak osh Chitokaka im opiaka impa ya vpa ho keyu hoke.

21. Hvsh impakmvt, hvsh moma kv̄t hvchim opiaka impa yatuk kak illa ho tikba hvsh ishishke: yohmi hatuk o achvfa kv̄t hohchvfohma, anonti inla yato nan ishkot haksishke.

22. Yakeh! ai impa he, mikmvt ai ishka he aiena chuka yvt ik hvchim iksho ho? keyukmvt Chihowa in hvch hvsh shitilema cha, anonti kvna hosh nana kv̄t ik im iksho ke tuk yvmmak ash kia hvsh hofahyala chi hosh hvsh yohmi ho? Nanta ho hvchim achi la chi ho? ilvppak ash o isht hvchi ahninchī la chi ho? isht hvchi ahninchī li keyushke.

23. Chitokaka ya im ishi li tuk mihi yo hvch ihima li; yohmi ka Chitokaka Chisvs vt tvnvp ibbak fohka chi ninak yvmmak inli mvt pvska ya ishi tok.

24. Mihmvt yvmmak ash ot vba pit isht aiokpvchi cha, pvska yash boshullichī mvt, Ieshi cha, ho vpa; ilvppvt sa haknip osh hvchi boshulli hoke: hvs svthana chi kv̄t ilvp-pak o hvsh yvmihchashe, achi tok.

25. Yvmmak ash inli ho chohmichit opiaka impa ishi hayosh, isht ishko ash kia yvmmak ash ot ishi mvt, ilvppvt nan vlvpisa himona vm issish o isht ai ahli toba hoke; ilvppak o hvsh yvmihchi cha, yvmmak ash hvsh ishko aiyyukakmvt, hvs svthahanashke.

26. Pvska ilvppa hvsh pa aiyyuka, mikmvt isht ishko ilvppa hvsh ai ishko aiyyuka aiena kv̄t, Chitokaka illi tok a hvsh otvnihinchi na yvmmak atuk vt vla hayashke.

27. Yvmohmi ka kvna hosh yohma he ai vlvpiesa keyu hosh, pvska ilvppak ash vpa chi, mikmvt Chitokaka im isht ishko ilvppak ash ai ishka chi aiena hokmvt, mihi yosh Chitokaka haknip, micha im issish ita tuklo ka ik holitobl̄t nan isht i palvmmi mak a hi oke.

28. Yohmi ka hatak okvt anukfillit ik ile písá: yvmohmi cha mihi yosh puska yash ik pá, mikmvt isht ishko yash ik ai ishkó.

29. Kvna hosh ai vlhpiesa keyut yvmmak ash vpa, micha ishko aiena kvt Chitokaka haknip ash ik akostinincho hokvt, mihi yosh ilap nan isht im vlhpisa hi o yvmmak ash vpa, micha ishko aiena hoke.

30. Ilvppa yakohmi kák o ik sitopo, micha abeka aiena kvt laua hosh hvchim ai asha; mihma laua kvt nusi hoke.

31. Pishno ak inli kvt il ik akostininchi hatuk okmvt, nan isht pim vlhpisa hi atuk keyu.

32. Yohmi ka nan isht pim vlhpisa kvt, yakni ya ai itvpehvt ik pi palvmmo ka chi kvt, isht pi achukma chi hosh Chitokaka ya il im afma hoke.

33. Yomohmi hoka itibapishi li vhleha ma! hvsh impa chi hosh hvsh itvnahakmvt, it i hullot hvsh iti hoyashke.

34. Yvmohmi ka itvnahvt nan isht hvchim vlhpisa chi kvt, kvna hosh hohchvfo hokvto, mihi yosh in chuka yak o ik ai impá. Nana inla ka yatuk okvno ona lik mak osh, apoksiachi la hi oke.

CHAPTA XII.

Shilombish na holhpela hokvto il ai yuka, 1; 7 yohmi kia moma kvt nan isht ai yukpa he vlhpesa bano. 12 Haknip a ai ibachvfa yvt ai it im il aiyuka bano, yohmi kia ilap bika it im vlhpesak mvt, haknip ma im ai vlhpiesa chatuk; 29 yohmi hoka na pi hvlbena kvt il aiyuka kia, isht il itapela he tok.

1. **Y**UMOHMI ka itibapishi li vhleha ma! Shilombish imma ka hvch ik akostinincho ka hi a ak hvchim ahnoshke.

2. Chentail hvchia hv na hvsh anukfoyuka hosh na holbvt toba ik anumpulo puta ilvppa hvsh im ohona kvt hvsh ithaiyanvshke.

3. Yvmohmi ka hatak nana kia Chihowa imi Shilombish anukfoyuka hosh anumpuli kvt, Chisvs a na kallakshi yo hochifa he keyu hoke: yohmikma hatak kvna kia Chisvs vt Chitokaka yoke, acha he keyu, amba Shilombish Holitopa yak osh anukfoyuka hok mak ahinla ka hvch ithvnanchi lishke.

4. Yohmi ka na hvlbina ilaiyuka kv̄t ai asha; yohmi kia Shilombish mihi ash inli hoke.

5. Mikma nan isht vtta mvt im ilaiyuka; yohmi kia Chitokaka yokvto mihi ash inli hoke.

6. Mikma na toksvli mvt im ilaiyuka hoke; yohmi kia Chihowa mihi ash inli hosh ilvppa moma ka hatak moma ka anukfokkichi hoke.

7. Yohmi ka Shilombish nan isht otvni hō hatak moma kv̄t isht ai v̄lhpiesa hi osh habena hoke.

8. Shilombish pulla hō na hopoyuksa anumpa hā achvfa kv̄t anukfoyuka hoke; inla yato Shilombish yvmmak inli hō nan ithana anumpa hā anufoyuka hoke.

9. Inla mvt Shilombish mihi ash inli pulla hō na yimmi hā ishi: mikma inla mvt Shilombish mihi ash inli pulla hō na hlakofichi hvlbina ka ishi hoke.

10. Inla yvt na fehna puta yvmihcha hi vt ishi; inla mvt Shilombish anukfoyukv̄t nan ithvnancha hi vt ishi; inla mvt chukv̄sh im anukfila puta akostininchi yō ishi; inla mvt anumpa ilaiyuka anumpula he vt ishi; inla mvt anumpa ilaiyuka toshola hi vt ishi ka Shilombish pulla kak oke.

11. Shilombish achvfa mihi ash inli kak osh hatak moma ka kanimi hō im ai ahni aiyuka hosh na yakohmi puta kash im it a kv̄shkolit anukfokkichi hoke.

12. Haknip okvto achvfa, yohmi kia yvmma ai immi hokvto in laua; mikma haknip achvfa yvmma ai immi moma kv̄t lai yawa kia, haknip achvfa hoke; yohmi ka Klaist ak kia ilvppak inli hō chohmi hoke.

13. Shilombish achvfa pulla hō momvt isht il a baptis-mōt haknip achvfa e toba; Chu, keyukmvt Chentail pia hokmá, yuka, keyukmvt yuka keyu yō pia hokmá, nana tuk kia momvt Shilombish achvfa il ibai ishi yō e toba hatuk.

14. Haknip vt ai immi im achvfa keyu, amba laua hoka.

15. Iyi yvt, Ūno vto ibbak sia keyu hokv̄t, haknip ai immi sia keyu; achi hokmvto, yohmi kia yvmmvt haknip a ai immi keyu hō?

16. Mikma haksobish vt, Ūno vto nishkin sia keyu hokv̄t,

haknip ai immi sia keyu hoke; achi hokmvt, yohmi kia yummvt haknip a ai immi keyu hō?

17. Yohmikma haknip moma kv̄t nishkin okma, katima yak osh na haklo ya hinla hō? moma kak osh na haklo yokma, katima yak osh na huwa ya hinla hō?

18. Yohmi ka himonasi yokvno Chitokaka yvt yakohma hinla, ahni mak osh, ai immi hash achvfa aiyukali mominchit haknip ash ai iba fohkichishke.

19. Yohmi ka moma kak osh ai immi achvfa hokmvt, katima yak osh haknip a hinla hō?

20. Yohmi ka himonasi yokvno ai immi yvt laua: yohmi kia haknip okvto achvfa hoke.

21. Yohmi ka nishkin vt ibbak a, Nana ka ak chī sv̄bvn-noshke, im acha he keyu: keyukmvt anonti iyi yash o, Nana ka ak chī sv̄bvn-noshke, noshkobo hvt im acha he keyu hoke.

22. Keyú, ymma i shahli, haknip ai immi ilvppak ash osh ik hlampko fehna ahoba kia ai vlhpiesa hoke.

23. Yohmi ka haknip ai immi ilvppak ash kanima ka holitopa ik lauwo pim ahoba kia, ilvppak ash o holitopa i shahli fehna il ima hoke: mikmvt a pim alumaka imma hokvno i shahlichit e shemvchi hoke.

24. Isht a pi aiokli imma hokvno shema yvt isht im ai vlhpesa keyu hoke: yohmi ka Chihowa hvt haknip a iti fohkit apoksiachi mvt, kanimi kv̄t ik alauwo ke tuk ash holi-tobli kv̄t i shahlichit fehna hoke.

25. Yohmi na haknip ash ita kvshkoa iksho ka hi atok; amba ai it immi hash osh ahah! it im ahna he ak atok oke.

26. Yohmi ka haknip ai immi achvfa hatuk vt ilbvsha hokma, haknip ai immi moma kak osh ibai ilbvsha hoke: mihma ai immi achvfa kv̄t holitopa hokma, moma kv̄t ibai yukpa hoke.

27. Yohmi ka Klaist haknip o hvchia, micha yvmmak ash o ai immi ka a kashampa ai yuka hvchia hoke.

28. Yohmi ka Chihowa hvt kanimi ka atokolit chvch a hiohlichit; vmmona ka apostel, atukla ka Shilombish anuk-foyukvt anumpuli; atuchina ka vbanumpa isht ithvnanchi;

mikmvt na fehna puta yvmihchi, mikmvt na hlakofichi holh pela, nan apelvchi, chvch pehlich, anumpa ilaiyuka anum puli puta kak oke.

29. Moma kak osh apostel o? keyukmvt moma kak osh Shilombish anukfoyukvt anumpuli yo? keyukmvt moma kak osh vbanumpa isht ithvnanchi yo? keyukmvt moma kak osh na fehna puta yvmihchi yo?

30. Moma kak osh na hlakofichi holhpela ha ishi ho? keyukmvt moma kak osh anumpa il aiyuca anumpuli ho? keyukmvt moma kak osh anumpa ilaiyuka tosholi yo?

31. Yohmi ka na holhpela puta achukma i shahli kak o ishi ka hvsh ahni fehnashke. Yohmi kia na fehna kvv i shahli ho hrvhim anoli lishke.

CHAPTA XIII.

Shilombish holhpela moma kvv nan i hullo kvv aiena keyu hokvto nan ik ahoba, 1; 4 nan i hullo im anukfila nan a kaniohmi.

1. **H**ATAK im anumpa ilaiyuka puta, mikmvt enchil puta im anumpa ho isht anumpuli li hoh kia, nan i hullo yvt ik svm ikshokmvt, tvli lakna ohonla, keyukmvt tvli kvsahahanchi ak inli ho holba li hoke.

2. Yohmi ka Shilombish anukfoyukvt anumpuli na holhpela ka ieshi li, micha nan ik otano ki tok moma ka akostinichi li, micha nan ithana moma ka ieshi li, yohmi cha na yimmi moma ma ieshi li, yohmi hokvt nvnih hochito puta ka kanvllichi la hinla kia, nan i hullo yvt ik svm iksho hokmvt, nana ho sia keyu hoke.

3. Yohmikmvt nana vm asha moma kash ilbvsha ya im iti yopelachi li, micha sa haknip mvt lua chi ho im issa li; yohmi kia nan i hullo yvt ik svm iksho hokmvt, nana ho isht vm ai achukma keyu hoke.

4. Nan i hullo yvt na hotopali ya i svlaha, micha nan i kana yoke; nan i hullo yvt nana potvnnot i nukkilli keyu; nan i hullo yvt ilap inli ka isht ilauata keyu, ile chahvchi keyu.

5. Ilefehnvchi hosh inla ya hofahyali keyu, ilap immi yo hoyo keyu, nan ik kanihmo ka nokowa keyu ; nan ik vlhpeso anukfilli keyu.

6. Nan ik vlhpeso isht ai yukpa keyu, amba nan ahli yo isht ai yukpa yoke.

7. Nana moma ka ompohomo, nana moma ka yimmi, nana moma kvt vlhpesa chi, ahani a yimmi, nana moma kvt ant ik svm ai yohmi, ahani.

8. Nan i hullo yokvto nitak nana ont ai iksho ka he keyu : amba Shilombish anukfoyukvt anumpuli yokma, nana hatuk kia yvmmak okvto ont ai iksho ka hi oke ; anumpa ilaiyuka ithaiyana yokma, nana tuk kia yvmmak okvto ont issa hi oke ; nan ithana yokma, nana hatuk vt ont akshot kvnia hi oke.

9. Ik onancho hosh il ithaiyana hosh, anonti ik onancho hosh Shilombish anukfoyukvt il anumpuli hoke.

10. Yohmi kia nana ont ai ahli yvmmt vla chi, yohmi hokvno nana ik ono yvmmak atuk vt ont ai ikshot kvnia hi oke.

11. Vlla sa tomba mvt, vlla yo chohmit anumpuli li tok ; vlla yo chohmit nana akostininchi li tok ; vlla yo chohmit nana anukfilli li tok ; yohmi tok kia hatak ont toba li mvt, vlla nana im akaniohmi yash kanchi li tok.

12. Himonasi yokvno ik onanchot a pisa yo hlopullechit e pisa : yohmi kia yvmmak fokak mak o nashuka bika il iti pihisa hi oke : himonasi yokvno ak onancho hosh ithana li ; yohmi kia himmak o himonasi ya svthaiyana kak inli ho chohmit ithaiyana la hi oke.

13. Yohmi ka himonasi yokvno na yimmi, ai okchayvt bilia pisa he ahni, nan i hullo, tuchina ilvppak ash osh takali hoke : yohmi kia ilvppak ash moma i shahli hokvto nan i hullo yak oke.

CHAPTA XIV.

Shilombish anukfoyukvt anumpuli ha ahninchii ; 4 yvmmak osh anumpa inla ithanvt anumpuli ka i shahli ; 12 isht a hlampke

achukmvt i shaht ia chi ka ita tuklo ka a yvmihcha hinla ;
 34 chvch itvnahvt maya ka ohoyo hvt anumpula he keyu im
 vlhpisa.

1. NAN i hullo ya achunanchit iakaiyvt, ishi ka hvchi
 brnnashke : mikmvt Shilombish imma ka anukfoyuka chi ka
 hvchi brnnashke : yohmi kia Shilombish anukfoyukvt hvsh
 anumpula he ak osh ahni kvv hvsh i shahlichashke.

2. Kvna hosh anumpa inla yo anumpuli hokvto, hatak o
 im anumpuli keyu, amba Chihowa yak oke : kvna hosh im
 akostininchi keyu hoka ; yohmi kia Shilombish anukfoyuka
 hosh yvmmak ash ot nana luma hatok puta ka anumpuli hoke.

3. Amba Shilombish anukfoyukvt anumpuli hokvto,
 hlampkohonchi, mikmvt ai okchaya he ahna chi ka i mihiha,
 mikmvt hopohlahanli, aiena hosh hatak puta im anumpuli
 hoke.

4. Kvna hosh anumpa inla yo anumpuli hokvto, ilap illa
 isht achukmali hoke ; amba kvna hosh Shilombish anukfoy-
 ukvt anumpuli hokvto, chvch a hlampkohonchi hoke.

5. Hvsh moma kvv anumpa ilaiyuka hvsh anumpula he
 ak o hvchim ahni li ; yohmi kia Shilombish anukfoyukvt
 hvsh anumpula he ak o hvchim ahni li kvv i shahlich i li :
 kvna hosh anumpa ilaiyuka anumpuli ka, chvch vt achuk-
 mvt i shahlit hlampka chi ka, yvmmvv tosholi keyukma, kv-
 na hosh Shilombish anukfoyukvt anumpuli kak osh holitopa
 kvv i shahli hoke.

6. Yohmi ka itibapishi li vhleha ma ! nana otvninchi, ke-
 yukmvt nana ithvnanchi, keyukmvt Shilombish anukfoyukvt
 anumpuli, keyukmvt nana avvchi nana hosh anumpa ilaiyu-
 ka anumpuli la chi hosh hvchim ona li hokmvto, nanta ho
 isht hvchi yukpali la hinla ho ?

7. Yohmi ka nana kvv fiopa iksho hosh ohonla kvv, oskula
 hokma, keyukmvt hap okma, nana ka ai ola kak osh it im
 ilaiyuka keyukmvt, katiohmi kak osh oskula yokma, keyuk-
 mvt hap okma, nana ho ai ola kvv otaiyana hinla ho ?

8. Isht pufa yvt ola kvv ik haiako hokma, kvta hosh itiba
 chi kvv il atahla hinla cho ?

9. Yvmmak inli ho hvsh chiyuhmi kvv anumpa akostinin-

cha he kullo keyu hō hvsh anumpuli keyukma, katiohmi kak osh nana hosh anumpa tuk vt otvna chī hō? mahli ak o hvsh ai anumpuli ha chī hoka.

10. Anumpa ola ilaiyuka laua kvt yakni pakna ai asha, yvmohmi chatuk; yohmi kia achvfa kvt nana hō miha keyu kvt iksho hoke.

11. Yvmohmi ka anumpa ola ka yvmmak o miha ka ak akostininchokma, kvna hosh anumpuli yvmmak ash o im bvlbaha sia mak a hi oke; mikma kvna hosh anumpuli yvmmak ash ot am bvlbaha mak a hi oke.

12. Yvmmak inli hō chohmit Shilombish imma ka ahnit hvsh achilita hokvt, chvch a hvsh hlampkohoncha he yak osh hvsh anukfillashke.

13. Yvmohmi hoka anumpa inla yō kvna hosh isht anumpuli hokmvt, yvmmak ash toshola chī kvt vba ik asilhhā.

14. Anumpa inla yō vba isht anumpuli li hokma, sa chvkvsh ak osh vba asilhha hoke: yohmi kia vm anukfila hokvto inla yā nan im vni keyu hoke.

15. Yohmi ka katiohmi kak a chī hō? chvkvsh o vba isht anumpuli la he, micha vm anukfila hō vba isht anumpuli la he: mikmvt chvkvsh o isht taloa la he, micha vm anukfila hō isht taloa la hi oke.

16. Yvmmak keyukma, Chihowa isht ish aiokpvchi kia, kvna kia nan ik ithano im ai o binili binili hatuk vt, nana hō ish achi ka akostininchi keyu kvt, katiohmi kak osh yvmmak ash osh yak oke ahnit, vba pit ish aiokpvchi ka, Amen acha hinla hō?

17. Ahli hosh yak oke vba pit ish aiokpvchi ho mvhli; yohmi kia inla yokvno hlampkohonchi keyu hoke.

18. Anumpa inla anumpuli li kvt, hvsh moma ka hvch i shahlichī li kvt, an Chihowa yā yak oke im ahni lishke.

19. Yohmi kia chvch itvnaha ka inla māya ka vm anumpa ola ka nana isht im avvchi la chī kvt, vm anukfila anumpa akostininchi tahlapi anumpuli li kak osh, anumpa inla tahlepa sipokni pokoli anumpuli ka vm i shahlishke.

20. Itibapishi li vhleha ma! nana akostininchi kvt vlla chipunta yō hvch ik tobo kashke: yohmi kia nana ik ai vlv-

peso hokvno vllōsi yō hvsh tobashke; yohmi kia nana akostinichi hokvno hatak o hvsh tobashke.

21. Anumpa im inla, mikmvt itivlbi inla hatuk o okla ilvppa isht anumpohonli la chi: ilvppa moma yvmohmi hoh kia okla ik sa haponaklo ka chi, Chitokaka yvt achi hoke, achi kv̄t nan vlhpisa ya a holisso hoke.

22. Yohmi hoka anumpa inla anumpuli yvt na yimmi vhleha ha isht im atokowa keyu, amba kv̄na hosh yimmi keyu kak oke; yohmi hoka Shilombish anukfoyuka kv̄t anumpuli kak o kv̄na hosh yimmi keyu yvmmak o achukmali keyu, amba kv̄na hosh yimmi kak oke.

23. Yvmohmi hoka chvch moma kv̄t miha chvfa hō ant ai itvnaha cha, momvt anumpa inla anumpuli aiyuka hokma, anonti nan ik ithano, mikmvt nan ik yimmo aiena kak kia ai vlakmvt, tasimbo yō hvchim acha hinla keyu?

24. Amba moma kak osh Shilombish anukfoyukvt anumpuli hokma, anonti na yimmi keyu, keyukmvt nan ik ithano yosh vla hoh kia yimmit, momvt anumpuli ka ahli ahnit anukfohka, yvmmak ash ot moma kak o nan isht ai im vlhpisa hoke.

25. Yohmi ka yakohmi hosh chukvsh isht im anukfila anukaka yvt otaiyani yoke: yakohmi hok mak osh hlipia cha, yvmmak ash ot Chihowa ya aiokpuchishke, mikmvt Chihowa hv̄t hvch iba takla ho mv̄hli hatuk a anola hi oke.

26. Yohmi ka itibapishi vhleha ma! nanta katiohmi hō? ant hvsh itvnahakmvt, hvsh moma kv̄t ataloa yokmá, anumpa tosholi ak okmá, nana hō hvsh ishi aiyuka hosh ant hvsh itvnahvshke. Isht achukma hi o nana moma kv̄t yvmohmashke.

27. Hatak kv̄na hosh anumpa inla yō anumpuli hokma, tuklo, keyukmvt tuchina kv̄no ont ik aiyo, yohmik mak o it iakaiyashke; mikma achvfa kak osh tosholi ashke.

28. Amba tosholi iksho hokmvno, ai itvnaha ya lumvt binilashke: yohmi cha Chihowa, ilapo ak inli ita tuklonchit im anumpulashke.

29. Shilombish anukfoyukvt anumpuli vhleha hv̄t tuklo,

tuchinakma, nana kv̄t anumpulikma, inla yokvto ahli hō? ahnit anukfillit pisashke.

30. I bilikasi binili yvmmak ash o nana kv̄t im otvni hokma, vmmona kash ot nuktanlv̄t binilashke.

31. Momv̄t ithana cha, anonti moma kv̄t isht im ai achukmv̄t isht i shahla ch̄i ka, Shilombish anukfoykvt hv̄sh moma kv̄t it iakaiya hosh hv̄sh anumpula hinla hoke.

32. Shilombish anukfoykvt anumpuli vhleha im anuk-fila puyuta kv̄t Shilombish anukfoykvt anumpuli vhleha hash o i nutaka yoke.

33. Shakapv̄t nan iti ataklv̄ma he Chihowa hv̄t ahni keyu, amba vbanumpa anukfohka ahli im ai itvnaha moma kak o chohmit iti nanaiya yak oke.

34. Iksa itvnahv̄t maya ka hv̄chim ohoyo hv̄t lumv̄t binohmayashke; yvmmak okv̄t anumpula he im vlhpesa keyu hoka; amba im antia he ak osh im vlhpesa hoka, nan vlhpisa yv̄t yvmmak o achi ak inli hoke.

35. Yohmi ka nana hō ithv̄na bv̄nna hokmv̄t, chuka ak inli kak o i hatak a ai im aponaklashke: iksa itvnahv̄t maya ka ohoyo hosh anumpuli hokvto nan isht im a hofahya hoka.

36. Yakeh! Chihowa im anumpa hv̄t hv̄chishno ak o a kohchv̄t minti hatok o? keyukmv̄t hv̄chishno ak bano hō hv̄chim ona hatuk o?

37. Hatak kena hosh ilap inli kv̄t Shilombish anukfoykvt anumpuli yokma, keyukmv̄t Shilombish holhpela ka isht anukfoyuka hō mihi yosh im ahobakmv̄t, pit hv̄chi holisso-chi li tuk yvmmv̄t Chitokaka i nan vlhpisa mak atuk a akostininchit, ahli ahnashke.

38. Amba kena hosh ik akostinincho hokvto mihi yosh nan ik akostinincho kv̄t imomashke.

39. Yvmohmi ka itibapishi li vhleha ma! Shilombish anukfoykvt anumpula he ishi ka bv̄nrv̄t hv̄sh achilitashke; mikmv̄t anumpa inla anumpuli ka hv̄ch ik im alammo kashke.

40. Nana moma kv̄t ai vlhpiesa, micha ai itiakaiyv̄t anuktanla mak o yvmohmashke.

CHAPTER XV.

Illit falamvt e tani pulla hi a, Klaist vt illit falamvt tani tok ak o isht anoli, 1: 21 Klaist vt illit falamvt tani tok a nana kv̄t isht a yv-mohmi: 36 falamvt e tana he nana akaniohmi: 51 Klaist vt vlak ma, okchayvt anta tuk vt inlv̄t toba he.

1. YUMOHMI ka itibapishi vhleha ma! vbanumpa yvmmak o hvchim anumpohonli li yvmma hvsh ishi tuk osh, anonti mihi yo anukfoyuvt hvsh mahaya ka, yvmmak inli ho hvch im anohonli lishke:

2. Yvmmak o hvchi ai okchaya, nana ka isht hvchim anumpuli li tuk a ithaiyanvt hvsh ieshi hokmvt, nana ka ik onancho keyut hvchi yimmi hatuk okmvt.

3, 4. Holisso Holitopa nana achi tok mak o nana pim ai ashvchika puta kak o Klaist vt kaniohmit isht ai illi; yohmi cha yvmmak ash ot hollopi tuk osh, anonti nitak ont atuchina ma Holisso Holitopa nana achi tok mak o yvmmak ash ot anonti tani tok, yvmmak o vno ak kia si anukfoyuka hatuk osh, mihi yo tikbanli hvchim anohonli li tuk oke.

5. Mihma yvmmak ash ot Sefas a i haiaka, yohmi mvt auah tuklo kash i haiaka tok.

6. Yohmi ha ya tuk osh himona achvfa yvmmak ash osh itibapishi tahlepa tahlapi ont ia ka i haiaka tok: yvm-mak atok a akashampa laua kv̄t okchaya na ant himakvshke, yohmi kia kanimi kv̄to nusit akakoha tok.

7. Yohmi ha yo yvmmak ash ot Chemis a i haiaka tok; yohmi mvt apostel vhleha hash mominchit i haiaka tok.

8. Yohmi mvt moma ont ishtaiyopi ka ai vlvpiesa keyu ho chohmi, vno ak kia yvmmak ash ot a haiaka tok.

9. Apostel vhleha moma ik alauwo sia, yohmi kv̄t apostel hohchifa he si vlvpesa keyu, Chihowa in chvch a ilbvshali li tok okvt.

10. Yohmi kia Chihowa nan isht i kana pulla ho kanima a hikia li kv̄t yvmmak o hikia sia mak oke; mikmvt yvmma nan isht i kana yvmmv̄t si anukfoyuka kv̄t ik ai ono ke tuk keyu hoke: yohmi hokvt toksv̄li hoyubli kv̄t yvmmak ash

moma ka i shahlich i li: yohmi kia vno ak keyu, amba Chihowa nan isht i kana mihi yosh a subai achvfa kak atuk oke.

11. Yvmohmi hoka vno yak okma, keyukmt yvmmak okma, e nana hosh yvmihchit il anumpohonli ma, yvmohmit hvchi yimmi hatuk oke.

12. Yohmi ka Klaist yvmmt illit falamvt tani tuk vt isht anumpa hokma, katiohmi ho hvsh kanimi kv illit falamvt tana hi vt iksho, hvsh achi cho?

13. Yohmi ka illit falamvt tana hi vt iksho hatuk; yohmi hokma Klaist vt ik tano ki tok oke.

14. Yohmi ka Klaist vt ik tano ki tok; yohmi hokma vbanumpa isht il anumpuli ka isht ai achukma he keyu, mikma nan isht hvchi ai yimmi ka yvt isht ai achukma he keyu ak inli hoke.

15. Ahli, yohmi ka Chihowa isht atokowa ik ahlo il otvni hoke: Chihowa yvt Klaist a tanichi tok a isht il atokoli tok okvt: yvmmak ash ik tanicho ke tok, illi yvt falamvt tana he keyukma.

16. Illi yvt tana he keyu, yohmi hokma Klaist vt ik tano ki tok oke.

17. Yohmi ka Klaist vt ik tano kitok okma, na hvchim ai yimmi ka yvt ik ai ahlo; na hvchim ai ashvchi ka hvsh a hikia momvshke.

18. Yohmikma kvna hosh akakohvt Klaist a iba nusi tuk vhleha yvmmt aiokpuloka mak oke.

19. Okchaya ilvppak bano kak osh Klaist a il ai okchaya chi il anukhieto hatuk okmt, pilbvsha kv hatak moma ka il i shahlishke.

20. Yohmi ka himak vno Klaist vt illit falamvt tani tok, micha kvna hosh nusi tuk vhleha yvmmak ash nan vni vmona mak o toba hoke.

21. Hatak puyulla hatuk mak o nan illi hv aya tok, hatak pulla kak o illit falamvt tani vt a minti tok.

22. Alvm atok puyulla mak o momvt illi ka, yvmmak inli ho chohmit Klaist pulla atuk mak o momvt falamvt okchaya yo toba hi oke.

23. Yohmi kia hatak moma kv̄t ilap nan isht im ai vlh-piesa kak a hi oke : Klaist ak osh nan vni vmmona hoke : i himmak o Klaist immi hatuk vt, yvmmvt mintikma, tana hi oke.

24. Mikma apēhlichika, nan vlhtoka, micha nan im ai ahli aiena ka ai akshochi ha yosh apēhlichika ya yvmmak ash ot Iki Chihowa mak o ibbak fohka hi oke ; yohmik mak o ai vhli hv̄t vla hi oke.

25. Yvmmak okvt mikot ahanta pullvt, in tv̄nv̄p vhleha moma ka ilap iyi nuta ashachi ha ya hi oke.

26. Tv̄nv̄p ishtaiyopi mak osh yvmmvt ont ik ai iksho ka chi kv̄t nan illi ak oke.

27. Nana moma ka yvmmak ash ot iyi nuta ya ashachi tok oke. Yohmi ka nana puta kv̄t yvmmak ash ai i nuta-kv̄shke, yvmmvt achi kia, nana moma ka yvmmak ash ai i nutakv̄chi tok ilap ak bano hosh keyu kv̄t otaiyanishke.

28. Yohmi ka nana moma kv̄t yvmmak ash o ai i nutakvt taha, yohmik mak o Ushi ilap ak kia nana moma ka ai i nutakv̄chi tok yvmmak ash o ai i nutaka he ; yohmi ho Chihowa ya moyuma kv̄t nana moma ka isht ai okpahanchit isht im antia hi oke.

29. Yvmmak a he keyukma ; illi tuk ak o vlhtoba hosh baptismo tuk, yvmmvto nanta ho katiohma hi o ? illi yvt tana he keyu kvmohmi hokma ; nanta katiohmi ho illi atuk pulla ka isht a baptismo hatuk o ?

30. Mikma nanta katiohmi ho hv̄shi kanv̄lli moma ka isht a pi palv̄m̄mi ya il a hikia cho ?

31. Nan isht ilaiyukpa yvmma hv̄chishno pulla hatuk mak o pin Chitokaka Klaist Chisvs isht im ai eshi li kak osh ai ahlichit anohonli li mv̄t, nitak moma ka sahanlishke.

32. Hatak o chohmit nampoa nukshopa puta ka Efesvs ak o ai itihimbi li tuk vt, illi yvt tani keyukma, nanta hosh isht vm ai achukma hinla ho ? onnaha ya hv̄p illa chi hokvt, impvt, nan ishkot keho mayá.

33. Hv̄ch ik ile haksecho kashke : nan ik vlhpeso a chukulbi yokvto im anukfila achukma puta tuk a im okpuni yoke.

34. Yohma he ai v^hlpiesa hoka oh okcha, mieha na h^veh ik ashvcho kashke; kanimi k^vt Chihowa nan isht im ithaiyana ik im iksho hoka. H^vehi hofahya chⁱ h^o ilvppa h^vehim anumpuli lishke.

35. Yohmi ka katiohmi hosh illi y^vt tani h^o? mikm^vt haknⁱp v^t katiohmi h^o y^vmmak ash ot isht kohcha h^o? hatak kanimi k^vt acha hi oka.

36. Im anukfilla iksho chia ma! nana ka ish hokchi tuk a illi y^o keyukm^vt, y^vmmak ash ot okchaya y^o keyu hoke.

37. Mikma nana ish hokchi k^vt nan vⁱpi y^vmmak a hi o ish hokchi keyu, amba onush okmá, keyukm^vt nihi inla yokmá, nana kia nihi ak bano hoke:

38. Yohmi ka Chihowa y^vt yohmi ai ahni mak osh, nan vⁱpi ya chⁱ ka ima hoke; mikm^vt nihi moma k^vto ilap im vⁱpi ya chⁱ ka ima hoke.

39. Nipi moma k^vt nipi mihi achvfa keyu hoke; yohmi ka hatak nipi v^t inlak ma, inla m^vt nampoa nipi, inla m^vt nvni nipi, inla m^vt hushi nipi yak oke.

40. Úba imma na haknⁱp ilaiyuka, aka imma na haknⁱp ilaiyuka aiena k^vt ai asha hoke: yohmi kia vba imma isht im a holitopa yok^vto achvfa, mikma inla m^vt aka imma nan isht im a holitopa yak oka.

41. H^vshi y^vt nan isht im a holitopa y^vt achvfa, inla m^vt h^vshi ninak aya nan isht im a holitopa, anonti inla m^vt fochik puta isht im a holitopa y^vt asha hoke; isht a holitopa hokvno fochik achvfa k^vt fochik inla y^a it im inla hoke.

42. Illit falam^vt tani k^vt y^vmmak inli h^o chiyuhma hi oke. Toshba hi osh hollohokchi tuk v^t, ik toshbo ka hi osh taiyani hoke.

43. Ik holitopot hollohokchi tuk v^t, holitopa hi osh taiyani hoke: ik hlampkot hollohokchi tuk v^t, nan ai ahlahe mak osh taiyani hoke.

44. Ilhfiopak haknⁱp hollohokchi tuk v^t, shilombish imma haknⁱp osh taiyani hoke. Ilhfiopak haknⁱp, mikm^vt shilombish imma haknⁱp ita tuklo k^vt ashvshke.

45. Yvmohmi kak o hatak vmmona Alvm v^t shilombish

okchaya yosh toba tok; Alvm ishtaiyopi kvto Shilombish okchalinchī yō toba tok, achi hosh holihiso hoke.

46. Yohmi kia shilombish imma kak osh vmmona tuk keyu, amba haknip imma kak atok oke: atuk o i himmak o shilombish imma kak atok oke.

47. Hatak vmmona kvt yakni yō a toba hatuk osh, yakni imma kak oke. Hatak atukla kvto vba minti Chitokaka ak oke.

48. Yakni ai immi atuk ash o, chohmit kvna hosh yakni ai immi hokvto yvmmak inli hō chohmi hoke: mikma vba ai immi hokvto, yvmmak ash inli hō chohmi hoke.

49. Yohmi ka yakni ai immi kash o holba ka iloh ieshi hatuk a, chohmit vba ai immi kash o holba ka iloh iesha he ak inli hoke.

50. Yohmi ka itibapishi li vhleha ma! nipi, micha issish ita tuklo kvto Chihowa im apehlichika yvt ai immi ha he vhpesa keyu; mikma nan toshba hi okvto nan ik toshbo ya ai immi ha he vhpesa aiena keyu hoke.

51, 52. Yakeb! nana a luma hatuk a hvch im anoli lishke; moma kak osh hvpi nusa chi keyu, amba ai ishtaiyopi isht pufa yvt nana olakma, yakosi itin takla, nishkin mochukli ai itin takla hō, moma kv inlv e toba hi oke: nana ola hv ohonla he, mikmak o illi atuk vt ik toshbo ka hi osh tana he, mikma inlv e toba hi oke.

53, 54. Na toshba he ilvppak ash osh nan toshba he keyu hō isht a foyuka pulla he, mikma nan illa he ilvppak ash osh nan illa he keyu hō isht a foyuka he: yvmohmi ha yok mak o, nan illi hash o ont imaiyachi na ik ai iksho ka hi oke; ahanchi hosh holisso tok vt yvmmak ash ot ont ai ahla hi oke.

55. Nan illi ma! katima yak o nan isht ish nvhli yō? ahollopi ma! katima yak o nan isht ish imaiyachi hō?

56. Nan illi i nan isht nvhli vt nana ashvchi ak oke; mikma nan ashvchi isht imi hlampko yvt nan vhpisa yak oke.

57. Yohmi kia hvpin Chitokaka Chisvs Klaist pulla hatuk mak o nan isht imaiyachi ya Chihowa yvt hv ima hoka, Chihowa ya yak oke; im ai ahni lishke.

58. Yvmohmi hoka itibapishi li a holitopa vhleha ma!

hvsh kvllo cha ik hvchi fitekacho kish, vlhtoba iksho ka hi osh Chitokaka hvsh in toksvli keyu kvv hvsh ithaiyana hokvt, Chitokaka im atoksvli ya lauachit hvsh toksahanlashke.

CHAPTA XVI.

Nan ik im iksho a kaniohmit apelacha he, mikmvt vbanumpa hvv i shaht holitopvt mahaya chi ka, nanasi isht apelacha he im anoli; 13 i kanvt nan i mihvt tahli mvt, isht aiyopichi kvv vbanumpa ha yakoke ahani tok.

1. YOHMI ka na yimmi ahli nan im itahobi imma hokvno, hvch Kaleshi a hiohli kak o nana im apesa li tok a, chohmit hvsh yvmihchi ak inlashke.

2. Ona li ha yo nan itahobi kvv ik ai iksho ka chi ka, wek nitak vmmonakma achva hvsh aiyyuka kvv, Chihowa hvv nan im ilayak a ataiyahli ka, it ilauechit ishit hvsh il im bohonlashke.

3. Atuk o ona likma, kvna ho vlhpesa hvsh ahni hokma, mihi yosh nana hvsh habenvchi tuk ash Chelusalem isht ona chi ka, holisso ha im atahli lish, pit yuhli lashke.

4. Yohmi kia ia li kak o vlhpesa hinla hokma, yvmmak ash ot si apihvt ia chi hoke.

5. Yohmi ka Masetonia yakni ya a hlopulli li ha yosh, hvchim ona la chi hoke, Masetonia yakni ya a hlopulli li mak okvt.

6. Yohmikmvt hvch ibai anta la chi, ahli, hvstula yak kia hvch ibai anta la chi chishke; yohmi ho anowa hopaki kanima yo ia la chi ka hvv si apelvcha hi oke.

7. Himonasi ya nowvt aya li hokvto, hvchi pisa la he keyu; amba Chitokaka yvt ik yohmi ahni hokma, ont hvch ibai anta li hopaka he keyu, ahni li hoke.

8. Yohmi kvv Efesus ak o anta li Pentekost ai onak mak a chi hoke.

9. Okhissa yvt ehito, mikmvt vm ai ahli hi vt an tiwa, mikma a sanali vt laua hoke.

10. Yohmi ka Timohlivs vt ona hokmvt, nukshopa ikshot hvch iba takla anta chi ka hvsh pisashke: vno vt yvmmak inli chohmit, yvmvt Chitokaka im atoksvli li ya toksahanli hoke.

11. Yvmohmi ka kvna kia ik shitelemo kashke: amba yvmmt ayvt vm vla chi ka, i kanvt hvsh apelvchashke: itibapishi li vhleha takla vla hi a hoyo li hoka.

12. Il itibapishi Apollos okvno iloh itibapishi vhleha ha ai itvpihvt hvchim ona he ak o ahni li fehna tuk; yohmi kia himonasi yokvno ona hi vt ik ahno kvmohmi tuk; yohmi kia ona he im ai vlpiesa onakma, ona chi hoke.

13. Okhvt oh il apistikeli, ai yimmika ya kvllot ieshit hvsh hikiashke, hatak ahli il otvninchit, hvsh hlampkashke.

14. Nana hvsh a kaniohmi puta kvv nan it i hullo mak o ik ai yvmohmi.

15, 16. Stefanas in chuka chvfa, yvmmak osh Akaia ya nan ai vni vmmona yosh, na yimmi ahli vhleha ha apelvcha chi kvv okla il im issa tok; yohmi ka itibapishi li vhleha ma! yvma chohmi, micha na piba toksvli, micha toksvliit hoyubli ayuka ka hvsh im antia chi ka, hvch it i kanvt hvchi atohno lishke.

17. Stefanas, micha Fatunatvs, mikmvt Akaikvs aiena kvv ai vla ka sai yukpvshke; nana ka hvch ik onancho ke tuk a okla onanchit atahli hoka;

18. Sa chukvsh, micha hvchishno aiena chukvsh a okla yukpali hatuk: yvmohmi hoka yvma chohmi vhleha ha i kanvt hvsh ithaiyanashke.

19. Asia yakni chvch maya kvv pit hvchi aiokpvchishke. Akuila micha Plissilla ita tuklo kvv, ilap in chvch maya ka aiena kvv, Chitokaka ibai achvfa hvchia hoka pit hvchi aiokpvchi fehnvshke.

20. Itibapishi moma, kvv pit hvchi aiokpvchishke. Suk-sowa holitopa yo hvsh it aiokpvchashke.

21. Vno Pal nan isht aiokpvchi ka vno subbak isht holisshonchi lishke.

22. Kvna hoh kia Chitokaka Chisvs Klaist a holitobli keyukmvt, mihi yosh Anahlema, Malanahla mak ashke.

23. Hvpin Chitokaka Chisvs Klaist nan isht i kana yosh hvchi anukfoyukashke.

24. Klaist Chisvs ibai achvfa hvchia ka nan isht i hullo li yvt mominchit hvchi anukfoyukashke. Amen.

HOLISSO ATUKLA PAL VT

CHUCH KOLINHILA

A HIKIA HO I HOLISSOCHI TOK.

CHAPTA I.

Pal vt ilap nan isht im apal^{em}i ka isht hopoh^ohla kv^t achi; mihmv^t vbanumpuli Kolin^hla ai asha ka nan isht hopohla tok ash inli h^o isht hopoh^olahan li kv^t Chihowa ya yak oke im ai ahni, 1; 15 nana hosh kaniohmi h^o ik im vlo ki tok vt anoli; 23 i kana kak a tok.

1. CHIHOWA nan ai ahni atuk pulla mak o Chisvs Klaist im apostel Pal, micha il itibapishi Timohli ita tuklo kv^t Chihowa in chvch, yvmmv^t Kolin^hla a hikia, mikmv^t na yimmi ahli moma yvmmv^t Akaia moma ka ai asha ka aie-ninchit pit aiokpvchi kv^t,

2. Piki Chihowa, micha Chisvs Klaist ita tuklo nan isht i kana, micha isht it i nanaiya ita tuklo kv^t hvchi anukfoyuk-ashke, hvchim ahnishke.

3. Pin Chitokaka Chisvs Klaist Iki, Chihowa, nan i nuk-haklo fehna Iki, micha nan isht anuktanla moma in Chihowa yvt holitopashke.

4. Yvmmak osh nan isht il ai ilbvsha moma ka pi nukta-lahanli; yohmi h^o pishno vt Chihowa hak o nan isht im anuktaiyala ya isht a pi nuktaiyala cha, kvna hoh kia ilbai-yasha hokma, e nuktalahanla hinlvshke.

5. Klaist pulla hatuk mak o nan isht ilbvsha yvt pim a laua; yohmi hokv^t Klaist pulla hatuk mak o nan isht a pi nuktaiyala yak kia lauvshke.

6. Yohmi ka nan isht a pilbaiyasha hoh kia, hvchishno

ano nan isht hvchim ahopohla, micha nan isht hvchim ai okchaya chi kvt, nan ilbvsha yvmmak o pishno vt isht a pilbvsha tuk ak inli chohmi ka isht a hvch ilbvsha hokmak osh nan isht hvchim ai ahli hoke; anonti pishno vt isht a pi nuktaiyala hok mak heno, yvmmt nan isht a hvchim a hopohla, micha hvchim ai okchaya mak oke.

7. Yohmi ka nan ilbvsha puta ka hvsh ibai ishi, yohmi hatuk okvt na hopohla ma hvsh ibai isha chi ka il ithaiyana kak osh nan isht e hvchim anukfilli kvt kullo fehnvshke.

8. Iloh itibapishi vhleha ma! nan isht a pilbvsha yvmmt Asia yakni ya a pi onvtula; yohmi mvt pim isht hlampko hash imaiyachi na na pi weki fehna mvt; okchaya he yak kia kil ahno ke tuk a, hvch ik akostinincho ka hi a e hvchim ahni keyu hoka:

9. Yohmi ka illa he anumpa il il ai eshi, yohmi kvt pishno ak inli ka il anukchieta he keyu; amba illi tanichi Chihowa yak a hetuk oke.

10. Yvmmak osh nan illi chinto fehna kash a pi hlakofichi tuk osh, a pi hlakofichi moma: yohmi kvt yvmmak ash osh pi a hlakofihinja chi ka yvmmak o il anukchieta hoke.

11. Hatak laua pulla kak o nan isht i kana pi onvtuyula tuk a, hvchishno ak kia itapelvt anumpa ilbvsha isht hvsh pi anumpohonli; yohmi ho pishno pulla kak o yak oke Chihowa ya im ahni kvt laua hi oke.

12. Isht il il akostininchi isht im ai atokowa kvt haknip imma isht hopoyuksa keyu, amba Chihowa nan isht i kana pulla hatuk mak o nan anukfila apissali achvfa, micha Chihowa anukfoyuka ai ahli hosh yakni paknaka il ai ahanta hatuk: yohmi hokvt hvchishno yak heno i shahlichit il a hvchi yvmohmi, ilvppak osh nan isht il il ai yukpa hoke.

13. Nana ka hvsh it im anumpuli; micha ahli hvsh akostininchi fehna tuk yvmmak keyukma nana inla yo e hvchi holissochi keyu hoke; yohmi hoka ahli ahnit, akostininchit mahayvt ont ai vli ka hvsh ona hi a hvchim ai ahni lishke:

14. Chitokaka Chisvs i nitak vt vlakma, nan isht pim ilaiyukpa hvchia ha chi kvt, yvmmak inli ho chohmit nan isht

huchim ilaiyukpa pia ha chi ka, hvsh kanimi kv̄t ahli hvsh pi akostininchī ak inli tuk oke.

15, 16. Yohmi ka yakohmi tok ak o na yimmi hosh atukla ma nan isht ilaiyukpa ka hvsh isha hi a t̄ikba hvchim ona la he ahnit, anonti ont ivt, Masetonia yakni ona li tuk mvt, anonti Masetonia yakni yash o akohchvt atuklant hvchim aya li hok mak osh, Chutia imma aya la chikma, hvs si apelvcha hi a vm anukfila tuk oke.

17. Yvmohmi kv̄t yakohmit vm anukfila mvt, vm anukfila hv̄t fitekvchi hosh yvmihchi li tuk o? yvmmak keyukmvt vno vto yau, yau, mikmvt keyu, keyu, achi la hi osh nana ka ahni li kv̄t, haknip nan ai ahni h̄o isht anukfilli li tuk o?

18. Yohmi ka Chihowa hv̄t ai ahli yatuk o, pim anumpa nan isht e hvchim achi tuk a yau yatuk osh anonti keyu, yatuk keyushke.

19. Ūno, mikmvt Silfanvs, micha Timohlivs aiena pulla kak o, Chihowa Ushi Chisvs Klaist, yvmmv̄t hvchim anuhumpa kv̄t, yau yatuk osh, anonti keyu yatuk keyushke, amba yvmmak okv̄t yau yatuk oke.

20. Yvmmak atuk pulla mak o Chihowa hv̄t nana im ihisa tuk moma kv̄t yau okma, anonti yvmmak atuk mak o Amen oke, yohmi kak o pishno ma Chihowa nan isht im a holitopa yoke.

21. Yvmohmi ka Klaist a iloh ibai achvfa chi ka, hvpi hlampkohonchi cha, na pi a hvmmi kv̄t, yvmmv̄t Chihowa ak oke.

22. Mihmvt ilap immi pia ha chi ka, yvmmak ash osh pi ai ahlichī mvt, ai okchayvt bilia e pisa he pim ai ahlichī kv̄t, Shilombish a pi anukfohkechi tuk oke.

23. Yvmohmi hoka hvchi kanv̄t na hvchim anukfilli la chi kak osh, Kolinhla ya ak ono k̄isha hatuk a Chihowa hv̄t vmi shilombish a atokowv̄t vm ithana ya chi ka hohoyo lishke.

24. Na hvchi yimmi ka il i shahli hatuk keyu hoka, amba na hvchim ai yukpa apelvchi pia hoke; na yimmi pulla hatuk mak osh hlampkot hvsh hikia hoke.

CHAPTER II.

Nana hosh kaniohmi kak o ik im ono ki tuk vt anoli, 1 ; 6 Chvch a a kohcha tok a i nukhanklot i kvshofa hi a im ahni ; 10 ilap ak kia i kvshofi tuk a chohmachi : 15 kanima yo vbanumpa isht anum-pohonli ka Chihowa yvt im ai okpanchi.

1. YOHMI ka vm anukfila kv^t na nukhaklo hosh, atuk-la ma ak hvchim ono ka chⁱ, ilvppak o vno ak inli kv^t vm anukfila hatuk oke.

2. Hvchi nukhaklochi li, yohmi hokma kvta hosh na sai yukupala hinla h^o ? amba vno yak atuk mak o kvna hosh nukhaklo tuk yvmmak inli kak a hinla keyu ?

3. Yohmi ka ona likmvt, kvna h^o ibai yukpa la hetuk, yvmmak ash ot nana a kaniohmi ka isht a nukhaklo la hinla kak osh, ilvppv^t mihi ash inli ka isht hvchⁱ holissochi li hatuk oke : hvsh moma nan isht hvchim ai-yukpa yvt vno a nan isht vm il aiyukpa ak inli hoke, ai ahnit hvsh moma ka hvchⁱ yimmi lishke.

4. Na nukhaklo fehna, chukvsh ilbaiyvshvt nishkin okchi mvt laua aiena hosh isht hvchⁱ holissochi li hatuk ; hvchi nukhakla he yak atuk keyu, amba nan isht i hullo yvma isht hvchⁱ hoyullo li fehna hatuk a hvsh ithaiyana chⁱ kak atuk oke.

5. Yohmi kia kvna hosh na nukhaklochi tuk okmvt, vno ak illa h^o si anukhaklochi tuk keyu : hvsh moma ka ak hvchⁱ kvllo ka chⁱ kak osh ilvppa hvchim achi lishke.

6. Hatak yvma chohmi kvno nan vlhpisa ilvppak o laua kv^t im apesa tuk a, im ai vlhpiesa hoke.

7. Yohmi tuk a yvma chohmi kash i kashofit hopohlvi kak o hvsh ahna he tuk oke ; yvmmak keyukma yvma chohmi kash ot na nukhaklot isht ai i palvmm^t kvnia hinla hoke.

8. Yvmohmi hoka nan isht hvsh i hullo kv^t yvmmak ash o hvsh im otvⁿincha chⁱ kak o hvchim ai ahni lishke.

9. Ilvppak a he mak o holissochi li akinli hatuk ; nana

moma ka ai im antia hvchia hokmá, nana ka hvch imoma ka ithvna la chí hatuk oke.

10. Kvna hō nana ka hvsh i kashofi hokma, vno ak kia i kashofi li hoke; nana hatuk o i kashofi likmvt, hvchishno pulla kak o Klaist vlhtoba hosh yvmihchi li hoke.

11. Yvmmak keyukma Setan vt pi haksicha hinla, yvma nan ahni ik vlhpeso ya kil ithano keyu hoka.

12. Yohmi ka Klaist im vbanumpa isht anumpohonli la chí hosh, Tloas a ona li ma, Chitokaka yvt nan ai ahni hō, okhissa yvt an tiwa tok.

13. Itibapishi li Titvs a ak ahayucho hokvt, vm anukfila nuktula ik svm iksho ki tok: yohmi ka okla yvmmak ash aiokpvchit issa li mvt, yvmma a kohchvt Masetonia yakni ya ia li tok.

14. Yohmi hoka, yak oke ahnit, Chihowa ha kiloh aiokpvchi; yvmmak osh Klaist pulla hatuk mak o il imaiyacha chí ka pi apelahanchi; mikmvt kanima moma ka pishno pulla atuk mak o ilap a nan isht im ithvna i na balama otvnihinchishke.

15. Pishno vto Klaist ibai achvfa pia hosh kvna hosh okchaya chí, micha illa chí aiena kak o Chihowa i nan isht balama champuli pia hoke.

16. Achvfa kano, illi bitema nan isht ai illa he i pia hoke, mikmvt inla yano okchaya na balama nan isht ai okchaya pia hoke. Yohmi ka kvta hosh ilvppa puyuta ka isht im ai vlhpiesa cho?

17. Laua hvt Chihowa im anumpa ik ai ahlecho ya e chohmi keyu; amba chukvsh ai ahli, yohmi kvt Chihowa im vlhtoka kv, Chihowa itikba yo Klaist i hohchifo isht il anumpohonli hoke.

CHAPTA III.

Pal vt vbanumpa isht anumpohonli hō Kolinhlia vt vbanumpa anukfoka kak o yvmmak ash Chihowa hvt pit pila hatuk a otvninchi tok, 1; 6 vbanumpa anumpula chi ka Chihowa yak osh ataiyahli tok a tuk, 12 vbanumpa hak osh holitopa kv Moses nan apesa tok a i shahli.

1. PISHNO ak inli kv̄t atuklanchit il il ahninchit isht il ia hō? keyukmvt inla maya ka chohmit, isht hv̄sh pī kana he holisso puta ka il isha he pim vlhpesa hō? yvmmak keyukmvt holisso isht ai ī kana ya e hv̄chim ai isha hi vt vlhpesa hō?

2. Hv̄chishno ak osh pī holisso hv̄chia hosh pi chukvsh a a holihiso tuk osh, hatak moma ka im otaiyanit im ai it anuhumpa hoke:

3. Pishno yatuk mak o hv̄chishno vt Klaist ī holisso toba tuk otaiyanit hv̄sh anohwa kv̄t, isht holissochi oka yo isht holihiso tok keyu, amba Chihowa okchaya imi Shilombish ak atuk; tvli patvssa yo a holihiso tok keyu, amba chukvsh nipi ak atuk oke.

4. Yohmi hatuk o Klaist pulla hatuk mak o Chihowa yak osh yvmihchi tuk a pī yimmishke.

5. Pishno ak inli nana ka ai isht anukfillit isht im ai ahla he il ahni kak osh pishno ak inli kv̄t il ona chī keyu hoke: amba Chihowa ak atuk mak o nana ka pim ai ahlit il ona chī hoke.

6. Nan it im vlhpisa himona nan isht im vtta ai ahla he mak o yvmmak osh pi atokoli ak inli tok: holisso tikba yak o nan isht im vtta hō keyu, amba Shilombish ak oke; holisso tikba yash okvto vbi yoka, amba Shilombish okvto okchalanchi yoke.

7. Yohmi ka tvli yo ai in chuwa holisso isht ai illa he isht ai vtta yvt holitopa; yohmi hō Moses yvmma nashuka yvt shohpalali hoka, Israel ushi vhleha hv̄t nashuka yash o atokowvt pisa he keyu ki tok; yvmmak ash ot ont ai iksho ka hi atok oke;

8. Katiohmi hosh Shilombish nan isht ai vtta yokak heto holitopa kv̄t ī shahla hetuk keyu hō?

9. Isht a palvmma he nan vlhpisa isht ai vtta yvt holitopa hokma, nan isht ai vlhpiesa isht ai vtta yokak heto holitopa kv̄t ī shahli fehna he tuk keyu hō?

10. Nana kv̄t yakohmit holitopa tok ilvppak ash ot na holitopa yvmvt ī shahli pulla kak o holitopa kv̄t ik alauwo ki tok.

11. Nana kv̄t ont ai iksho kak osh holitopa tok okma, nana kv̄t takali kv̄t holitopa i shahli fehna hinla hoke.

12. Yvmohmi hoka yvmohma chi ahnit na pi yimmi hosh anumpa otaiyani fehna hō isht il anumpuli hoke.

13. Yvmohmi kv̄t Moses atok ano chohmi keyu, yvm-mak okvto Islael ushi v̄hleha hvt nan v̄lhpisa yvmmak ash ot kv̄nia kia, a hlopullichit ai v̄hli pit atokowvt pisa keyu kak o, isht ompoholmo yō ilap nashuka yash isht ompohomo tok.

14. Yohmi kia yvmma im anukfila hash ot l̄vpa yatok; himak nitak ak kia Testament sipokni im ai itim anumpuli hokvno nan ompoholmo mihi ash inli kv̄t ik i kv̄nio kisha hosh takali hoke; yohmi kia yvmmak ash ot Klaist ak o ont isht ai akshot kv̄nia hoke.

15. Yohmi ka himak ak kia Moses a ai itim anumpuli ka, nan ompoholmo yashot i ch̄ukvsh a on hlipia hoke.

16. Yvmohmi tuk o Chitokaka ya pit ai i filemvt im onakma, nan ompoholmo yash o isht i kancha hi oke;

17. Yohmi ka Chitokaka yvt, Shilombish yvmmak ash oke: yohmi ka kanima yō Chitokaka imi Shilombish vt ai otaiyanikma, mihi yō ai yuka keyu mak oke.

18. Yohmi ka nashuka ompoholmo keyut a pisa yō il a pih̄isa chohmit Chitokaka im aholitopa ya e pih̄isvt, yvm-mak ash inli hō hoyulba chi hosh momvt inlv̄t e toba kv̄t, Chitokaka imi Shilombish vt a pi yvmihchi kak o, holitopa kv̄t i shahlit il a mah̄aya hoke.

CHAPTA IV.

Ai ahli, achilita hosh v̄banumpa ha isht anumpohonli tuk vt otv̄nichi, 1; 7 mihmvt nan im apal̄mi puta tuk vt Chihowa yosh isht aholitopa he, 12 chvch nan isht im a chukma he; 16 mikmvt ilap nan isht il ai yukv̄t im a bilia hi a tuk a, achi.

1. YAKOHMA chi mak o, nan isht i nukhaklo il ishi hatuk mak osh, nan isht ai v̄tta ilv̄ppak ash o isht il ahanta kv̄t, pin takobi keyushke.

2. Isht a hofahya he nan isht im aluma puta ka e kanchi

mut; i kostinit nan isht akanomi ya il ai itvnova keyu, Chihowa im anumpa ha ik ahlehot il inlvchi keyu; amba Chihowa itikba ya nan ai ahli ya il otvninchi ka, hatak moma nan isht il akostininchi yvt ahli, pim ahni hoke.

3. Yohmi kia pim vbanumpa hvt luma hokmut, okpula he vhleha hak o in luma hoke.

4. Klaist, yummvt Chihowa Hoyulba ka, im vbanumpa holitopa in tohwikeli hvt on tomma chi keyu ka, na yimmi keyu yummak ash o im anukfila puta ka yakni ilvppa i shahli yosh lvblichhi hatuk oke.

5. Vbanumpa isht il anumpuli kv, pishno ak inli ho isht il anumpuli keyu, amba Klaist Chisvs Chitokaka yak atuk: yohmi hokvt pishno yokvto Chisvs pulla hatuk mak o hvchin tishu pia hvt il otvninchishke.

6. Tohwikeli hvt ai okhlilika ya a kohevvt tomma chi ka, Chihowa yummak osh im apesa tok okvt, Chihowa im aholitopa nan isht ithaiyana im a tohwikeli hvt Chisvs Klaist i nashuka a minti mak o pima chi hosh pi chukvsh a a tommi hatuk oka.

7. Yohmi kia nan isht ai ahli chinto fehna kv pishno ak o keyu, amba Chihowa ak o immi ha chi ka, nan ilayak holitopa ilvppak ash o nan ai vlhto okfulush toba ho isht il ieshi hoke.

8. A palvmmi bano hosh pia folubli kia, atukonofvt pi komunta keyu kisha; atia he pim okvpa, yohmi kia isht apelvchi yvt ik pim iksho ka chi kil ahno hoke.

9. Inla yvt pi palvmmichi, yohmi kia Chihowa hvt ik pisso; aka il itula; yohmi kia ik pi okpulo hoke.

10. Chitokaka Chisvs vt isht illi mak o pi haknip a isht ieshit il aya bilia; yohmi na Chisvs okchaya yosh pi haknip a ai otvna chi hatuk oke.

11. Chisvs vt okchaya kv illa he pi haknip a isht ai otahana chi ka, Chisvs pulla hatuk mak o okchayvt il anta kv, illa he pim vlhpihisa na bilia hoka.

12. Yohmi hoka nan illi yosh pi a toksahanli, yohmi kia nan okchaya yosh hvchi a toksahanli hoke.

13. Na yimmi im anukfila, Na sai yimmi yummohmi hosh

anumpuli li hoke; achit holisso tok a yummak inli ho il ieshi hosh na pi yimmi ak inli, yvmohmi hokvt il anumpuli hoke.

14. Chitokaka Chisvs a tanichi tok yummak osh Chisvs pulla hatuk mak o pi tanicha he ak inli, mikmvt hvchishno a a pit aieninchit pi hiohlicha hi a il ithaiyana hoke.

15. Nana puta kvt hvchishno pulla hatuk mak o ai yakohmi ka, laua kvt yak oke ahnit, aiokpvchi pulla ho nan isht i kana laua kvt Chihowa yvt isht a holitopa chi hoke.

16. Yakohmi hoka pin takobi keyu hoke; yohmi kia hatak pi pakna yokvto tikambit mahaya kia, hatak anukaka yokvto nitak osk nitak ma himonvt tohomvshke.

17. Yakosi itintakla ho na pim a palvmmi shohvla kia, na holitopa weki bilia nan imaiya fehna ka pim atahli hoke:

18. Nana puyuta yummvt otaiyani yak o e pihisa keyu, amba nana kvt otaiyani yak keyu; nana puta yummvt otaiyani yokvto a bilia keyu; amba nana puta yummvt otaiyani keyu kak osh a bilia yoke.

CHAPTA V.

Aiokchaya bilia pisa he anukfoyuka ahli, 1; 9 mihmvt Klaist im ai asha holitopa nan apesa itikba hikia chi kvt ithaiana, yohmi mvt im a holitopa he ahnit toksahanli; mihmvt ib ai achvftv nohova, micha inla mvt okchaya chi ka anukfokihinchi.

1. ULHTIPO yakni pakna a pim aboha ilvppak okvt ont a yuhla kia, ibbak isht atoba tok keyu, vba a holitopa ya a bilia chuka, Chihowa hvv ikbi tok a, pin talaia kvt il ithaiyana hoka.

2. Ilvppak ash o il a foyuka kak osh ilbvshvt e hihaha kvt, pim aboha, yummvt vba a minti mak o, isht e fohka he ahni fehnvt, e hohoyo hoke:

3. Yakohmit e foyuka mvhli hokmvt, haknip biekv il otaiyana chi keyu.

4. Ulhtipo ilvppa il ai ahanta hokvto, nan i weki tikabit ilbvshvt e hihaha; yohmi kia ik fohko ka hi ak o il ahni keyu, amba isht il a foyuka he ak oke; yohmi ho nana kvt

illa he imma hatuk okvto nan okchaya kak o ont ai iksho kak a chi hatok a il ahni hoke.

5. Yohmi ka nana kv̄t ilvppak a chi ka a pi atahli tuk vt Chihowa ak oke; yvmmak osh ai okchayvt bilia yvt pim ai ahla chi ka, Shilombish a pihima ak inli hoke.

6. Yvmohmi hoka yvmohmi pulla chi ai ahni fehna kv̄t, haknip o il ai anta takla hokvto, Chihowa ya i filvmmi hosh il anta kv̄t il ithaiyana hoke.

7. Na yimmi pulla kak osh il itvnohwa, pisa kak o keyu hoka.

8. Yvmohmi pulla chi il ahni fehna, yohmi hokvt haknip a ai i filvmmi cha, Chitokaka yak o il ibai achvfa hi ak osh pim i shaiyahli hoke.

9. Yvmohmi hokvt ibai achvfa kak okmá, keyukmvt i filvmmi kak okmá, nana kia yvmmak ash e yukpala chi kv̄t e toksahanli hoke.

10. Ilap haknip aiyuka nana kv̄t ai yvmohmi tuk a nana achukma hokmá, keyukmvt okpulo hokmá, nana hoh kia, yvma yvmihechi tuk isht vlhtoba mak o moyuma kv̄t il isha chi kv̄t, Klaist im o binili nan ai apesa itikba ya e moma kv̄t ont il ai otaiyana chi pulla hoka.

11. Yvmohmi hoka Chitokaka isht im anukshopa hi a ithaiyana hosh, hatak puta kv̄t hlakofa he ahnit il in tohono; yvmohmi hokvt Chihowa ho il im otaiyani pulla; yohmi hokvt nan isht hvsh il akostininechi ma e hvchim otaiyani ak inli, ahni li hoke.

12. Isht hvsh pi ahninea hi a pishno ak inli kv̄t atukla ma isht e hvchim atahli keyu; amba chukvsh ak o keyu; ilap nashuka yo isht il aiyukpvt ilauata vhleha yvma hvchishno vt i nan hvsh ok acha hi vt hvchi anukfoka chi kak osh, pishno ak o nan isht hvsh il aiyukpa kv̄t hvsh il auata chi kak o, e hvchim ahani hoke.

13. Pishno ak inli kak osh il il atampli fehna hokmá, nana hoh kia, Chihowa nan isht im a holitopa chi kak oke: keyukmvt pim anukfila nuktaiyala hokmá, nana kia hvchishno nan isht hvchim achukma chi kak oke.

14. Klaist nan isht pi hullo yak osh a pi anukfoyukvt pi

ai yimilihinchi hatuk oka; yohmi ka achvfa kv̄t moma ka im illi hatok, yohmi hokma, moma kak osh illi yoke, ahnit ya-kohmichit isht pim anukfila hoka.

15. Yohmi ka moma kak o im illi hatuk oka, kv̄na hosh himmak ma okchayvt ahanta kv̄t, ilap nan ahni banot ahanta he keyu, amba vlhtoba hosh illi tuk osh, anonti falamvt tani tok yvmmak o holitoblichy hosh ahanta he vlhpesa hoke.

16. Yohmi ka himak a pilla ka haknip imma hatak nana kia il ithaiyana ch̄i keyu: ahli, yohmi kia haknip imma Klaist okvno il ithaiyana tok: yohmi tok kia himak a pilla kv̄no yvmmak ash il ithaiyana ch̄i keyu mak oke.

17. Yvmohmi ka hatak nana hosh Klaist a ibai achvfa hokmvt, mihi yosh nana toba himona yoke: na sipokni atuk vt ont ai ikshot kv̄nia na, yakeh! nana puta kv̄t himonvt toba hoke.

18. Yohmi ka Chihowa yvmmak osh Chisvs Klaist pulla hatuk mak o ilap a isht a pit i nanaiyvchi tok; mihmvt nan isht it i nanaiyvchi isht ai v̄tta yo pi atokoli tuk mak osh, nana yakohmi puta ka yvmihchi yoke.

19. Yohmi kv̄t Klaist pulla ho Chihowa hv̄t yakni a ilap a isht il i nanaiyvchi kv̄t, yvmmak ash nan im ai ashvchi puta kash o isht in takalihinchi keyu; yohmi mvt nan isht it i nanaiya im anumpa ha pi anukfoyuki hatok.

20. Yvmohmi hoka Klaist vlhtobvt im anumpa isht aya pia hoke; yohmi ka pishno pulla hatuk mak o Chihowa hv̄t i kanvt hv̄chim anumpohonli chiyuhmi ma; pishno mvt Klaist vlhtoba hosh e hv̄chim asilhha ka Chihowa ya hv̄sh i nanaiyashke.

21. Yvmmak atuk mak o Chihowa nan isht im ai vlhpiesa e toba ch̄i ka, yvmmv̄t nan ashvchi ithaiyana tok keyu ka, yvmmak ash o Chihowa yvt nan ashvchi yo pim ikbi tok.

CHAPTA VI.

Ilap, micha itapehvt toksvli aiena kv̄t Chihowa yak o iba toksahanli kv̄t achi, 1; 5 vbanumpa isht anumpohonlit nan isht im apalv̄mi,

micha toksahanli aiena kv̄t anoli; 14 Chihowa okchaya yō in tem-
pel a tuk okv̄t, na holv̄t toba putan anakaniohmi ik v̄lhpeso puta
ka ai i filv̄mma chi ka i miha.

1. YUMOHMI hoka pishno vt nan itiba toksv̄li pia
hosh, Chihowa nan isht i kana hv̄sh habena kv̄t, pilla hv̄sh
habena ch̄i keyu hō i kanv̄t hv̄chin tohono li hoke.

2. Ai okpancha he nitak vt takali ma chi hahaklo li tok;
anonti isht ai okchaya nitak vt takali ma chi on chv̄vt chi
apelahanchi li tok, yv̄mmv̄t achi hoka: yohmi hoka yakeh!
himonasi ya aiokpahancha he nitak vt takali hoke; yakeh!
himonasi yak osh isht ai okchaya he nitak vt takali hoke.

3. Ūbanumpa isht ai v̄tta yv̄t ik hofahyo ka chi ka, nana
kia isht ai ibetv̄bli ya kil i bohonlo hosh;

4. Nuktaiyav̄t achunanchi fehna, nan apalv̄mmi puta ka
isht ai atukonufv̄t a hlakofa he keyu;

5. Fahama, aboha kullo ma fohoka, nukkillit yahapa
puta, toksahanlit hoyubli, nusi mv̄t ik im iksho, hohchahāfo,

6. Chukv̄sh kashofa, nan ithaiyana, i kanv̄t nuktaiyala,
sv̄lahv̄t nokowa, Shilombish Holitopa, ilahobi keyu hosh
nan it i hullo,

7. Nan ahli isht anumpa, Chihowa nan isht im ai ahli,
isht impakimma, mikmv̄t isht afv̄bekimma ita tuklo kv̄t nan
isht ai v̄lhpiesa i nan isht tanampi isht ai im v̄lhtaiyaha;

8. Nan isht holitopa, anonti nan isht ik holitopo, nan ik
achukmo isht annoa, anonti nan achukma isht annoa; na
haksichi yō chiyuhmi, yohmi kia ai ahli bieka;

9. Ik ithano yō chiyuhmi, yohmi kia otaiyani achukma;
illa he im ai v̄lhp̄ih̄sa, yohmi kia yakeh! pi okchaya moma;
kostina hi osh nan i palv̄mmi, yohmi kia illi keyu;

10. Na nukhaklo yō chiyuhmi, yohmi kia na yukpa
bieka; ilbv̄sha yō chiyuhmi, yohmi kia lava ka nan in
lauahanchi; nan ik im iksho kamohmi hō chiyuhmi, yohmi
kia nana moma kv̄t ai immi; nana kv̄t a pi yakohmi hokv̄t,
Chihowa nan isht im v̄tta vt kaniohma hetuk a chohmit
nana moma ka isht il ai otv̄nihinchi hoke.

11. Kolinhl̄ian hv̄chia ma! pitakha yv̄t hv̄ch̄i wakama, pi
chukv̄sh mv̄t hv̄chim a chinto fehna hoke.

12. Pi chukvsh a ai iskitinosi hō hvsh pim a foyuka keyu, yohmi kia hvchi chukvsh okvno iskitinesi hō hvsh a pi foyuki hoke.

13. Yohmi ka mihi ash inli chohmi hō hvsh pī falaminchi cha, hvchi chukvsh a hvsh pin chitolashke; v̄m vlla chipunta chohmi hō im anumpvli li hoke.

14. Na yimmi keyu vhleha hokvno it ibai achvfv̄t ikunla abana isht ik hvch abanaiyo kashke: nanta hō nan v̄lhpesa kv̄t nan ik v̄lhpeso ya it ibai ieshi hō? nanta hō tohwikeli hv̄t okhlili h̄a isht ai it ibai achvfa hō?

15. Yohmikma Klaist vt Belial a nanta hō isht ai itiba ola achukma hō? mikma na yimmi yvt nan ik yimmo ya nanta hō isht ai it ibai achvfa hō?

16. Yohmikma Chihowa in tempel vt na holv̄t toba puta ka nanta hō isht ai it ibai achvfa hō? Chihowa okchaya in tempel hvchia hoka; yohmi ka Chihowa hv̄t, Yvmmak oka ai ahanta la chī, mikmv̄t a noh̄owa la chī: yohmi cha in Chihowa sia hokma, anonti ilap vt v̄m okla ha chī hoke, achi tok oka.

17. Yvmohmi hoka yvmma a kohev̄t hvsh mintashke; yohmi cha oh ī filv̄mmī, mikmv̄t nana kv̄t ik kashofo ka hvsh potoli ná; yohmik mak o hvch ī kanv̄t hvchi ieshi la chī hoke, Chitokaka yvt achishke.

18. Yohmikmv̄t hvch Iki toba likma, anonti hvchishno vt sv̄so vhleha, sv̄sotek vhleha hvsh toba hi oke, Chihowa nana moma ī shahli hv̄t achishke.

CHAPTA VII.

Nan ashvchi ik im iksho ka he ī miha, 1; 2 Klaist im v̄banumpa ishi ai āhli yatuk ilap a okla aiokpancha chī ka ī miha; Ilap nan im ai ashvchika isht ilekostonincha hi a ī holisso v̄monna kv̄t nukfokichichi tok o, Titvs vt ant im anoli ilv̄ppak o nana kv̄t ī palv̄mi ak inli kia isht hopohohla tok vt pit im anoli.

1. YVMOHMI ka a kana holitopa vhleha ma! nana hash yakohmiechit pimihīsa ka, haknip, micha hv̄pim anukfila nan isht ai liteha puyuta ka isht kiloh il a kashofī,

Chihowa ha holitohombli pulla hosh ont ai ahlit nan ai ashvchi ka ik pim iksho kashke.

2. Pi kanvt hvsh il anukfoyukashke; hatak nana kia kil vhpesalo hatuk keyu; hatak nana kia il ai okpvnichi hatuk keyu; hatak nana kia haksichi hosh nan il im ishi hatuk keyu.

3. Anumpa hvchi onochi la hi osh ilvppa anumpuli li keyu; hvch ibai illi hokmá, okchayvt hvsh ibai ahanta hokmá, nana hi vt pi chukvsh a hvsh pim a foyuka hoke, tikba kash achi li tuk oka.

4. Yohma chi ahnit, na yimmi chintot hvchim anumpuli li hokvt otrninchí li fehnvshke; nan isht hvchi ilauahanta li chinto hoke; na hopohla ma isht vm alotowa kvv, na pim apalvmmi a moma ka isht a sai yukpa vm atampa fehna hoke.

5. Masetonia yakni ya ant e chukowa ha yatuk a pi hakníp vt ik foho kvmohmi; yohmi hoka a pi afolubli moma ka nan isht a pi palvmmi; kocha ya ai itihimbi ma, pi anukaka ma, pi nukshohumpvshke.

6. Yvmohmi kia Chihowa hvv kvna hosh im anukfila akanlosi puta hokvno nuktalali, yvmmak osh Titvs vt ayvt vla pulla ho pi nuktalali tuk.

7. Yohmi kvv yvmmvv ayvt vla kak bano keyu, amba na nuktanla mihi yo yvmmak ash ot isht hvchi anuktanla pulla tuk osh, nan isht hvv sa hullo kvvlo, mihmvv na hvchi nukhaklo, hvchim anukfila ha kvvlochit isht hvv si atakali aiena ka yvmmak ash ot ant pim anoli hoka: yohmi hoka nan isht sai yukpa vm i shahli fehna tuk oke.

8. Yohmi kvv hvchi holissochit isht hvchi nukhaklochi li tuk vt sa nukhaklo tuk kia, himak ano sa nukhaklo keyushke; holisso yvmmak ash ot na hvchi nukhaklochi kia, hvshi kanvlli achvfa ho chohmi tok a akostininchí li hoke.

9. Himonasi ya sai yukpvshke, na hvchi nukhaklo kak keyu, amba na hvchi nukhaklot hvsh ile kostininchí kak atuk oke: pishno ak atuk mak o nana kia isht hvchi ai okpulo ka chi kvv, Chihowa nan ai ahni ho na hvchi nukhaklo tuk oke.

10. Chihowa nan ai ahni hō na nukhāklo yokvto anukfohka cha, okchaya chī hosh ile kostinichi kv̄t nukhākla himma keyu hoke: amba yakni yō nan isht a nukhāklo yokvto illa hi osh anukfohka hoke.

11. Chihowa nan ai ahni hō na hv̄chi nukhāklo tuk vt ilvppak fehna ka ho pesá; tushpvt anukfohkvt nana isht hv̄sh ahanta tuk, āhli, na hv̄chi onvtula tuk ash hv̄sh il im ī kanv̄llichī tuk, āhli, ile shitilemvt nan ai ashv̄chi hv̄sh ī nukkilli tuk, āhli, na hv̄chi nukshopa tuk, āhli, yvmohmi pullakbano ahni fehnvt hv̄chi anukfoyuka tuk, āhli, nan a mosholit hv̄sh ahanta tuk, āhli, ik vlhpeso mak o ī sanalit hv̄sh ī nukkilli tuk, yohmi hokvt nan ilvppak ash hv̄sh ai itī kashofa kv̄t nana ilvppa puta kak o isht hv̄sh il otv̄ninchishke.

12. Yvmohmi ka hv̄chī holissochi li tuk vt kv̄na hosh nan ik vlhpeso ka yvmihchi tuk, mihmvt kv̄na hosh ik vlhpesot nan ī palvmmi tuk pulla kak o yvmihchi li tuk keyu; amba Chihowa itikba yō tushpvt anukfohkvt isht e hv̄chim ahanta ka hv̄chim otaiyana chī kak atuk oke.

13. Yvmohmi hoka nan isht hv̄chi nuktanla ka isht a pi nuktaiyala hoke; āhli, yohmi hokvt Titvs yvmmv̄t im anukfila hv̄t hv̄sh moyuma kak o nan isht a nuktanla tuk okvt, na yukpa kak o pishno vt na pi yukpa pim atampa tuk oke.

14. Hv̄chishno pulla hatuk mak o isht im ilauata li tuk oh kia, sa hofahya keyu; yohmi ka ai āhli hō nana moma isht e hv̄chim anumpuli kv̄t, Titvs itikba yō na yukpvt il ilauata ha tuk ā, yvmmak ash ot ai āhli bieka hoke.

15. Yohmi ka nukshohumpa, micha wv̄nihinchi aiena hosh yvmmak ash hv̄sh aiokpv̄chi cha, nana ka mominchit hv̄sh im antia tuk ā ithaiyana momvt, yvmmak ash ot im anukfila isht hv̄chī kana kv̄t in laiyawa atampa hoke.

16. Yvmohma hoka nana moma ka hv̄sh ai āhli ka hv̄chi yimmi li kak osh na sai yukpa hoke.

CHAPTA VIII.

v̄banumpuli ilbv̄sha Cheluselv̄m āsha ka peh pilla nana ka isht apelacha he ī miha, 1; 7 v̄banumpuli Masetonia ai ashvt nan akanioh-

mi ka hobacha he. 8 Chihowa nan isht i kana anukfoyuka pulla hosh; 14 Klaist a iakaia pulla hosh yvmihcha he; mikmvt nana ka yvkmichi kvt ilap shilombish nan im achukmali pulla ka, achi.

1. YUMOHMI ka itibapishi li vhleha ma! Masetonia yakni chvch a hiohli ka Chihowa hvt ilap nan isht i kana yo ihima ma,

2. Nan imomaka pisa chinto a palvmmi kak o nan isht im il aiyukpa kvt lawa, yohmi mvt ilbvsha fehna yatuk vt ilap nan ahnit nan itahobi kvt, lauachi fehna tuk a isht e hvchim anolishke.

3. Nan isht il ilauechi, ahli, nan isht il ilauecha hi a im atampa ak inli kia, yvmihcha he ahnit, ilap inli nana im anukfila hatuk o atokowa anoli li hoke;

4. Nan isht i kana yash il ishi cha, na yimmi ahli vhleha isht im ia ka ibachvvt il apelvcha hi a, okla ai ahni fehnvt pim asilhha tuk oke.

5. Yohmi kvt ilvppak o okla yvmihchi tuk, yohma he ahnit pim anukfila tuk keyu; yohmi kia na tikba Chitokaka yoka okla il im issa cha, anonti Chihowa nan ai ahni pulla ho pishno ma pim il issa tuk oke.

6. Yohmi hatuk o nana ka isht wakaya hatuk okvt, Titvs ak osh nan isht i kana hvsh bohla he yvmmak ash kia hvchi ai itahobit tahla hi a, il im ahni tuk oke.

7. Yvmohmi hoka na yimmi, micha anumpuli imponna, micha nan ithana, micha tushpvt anukfohkvt nana ka isht ahanta, mikmvt hvsh pi hullo aiena, nana moma ma isht a hvchim vlhtaiyaha laua ka, chohmit nan isht i kana ilvppak kia hvchin lauashke.

8. Nan vlhpisa yo isht anumpuli li keyu, amba inla tushpvt anukfohkvt nan achunanchi yak oke; yohmi kvt na hvshi hullo ai ahli kak o otvninchi la he ak atuk oke.

9. Hvpin Chitokaka Chisvs Klaist, yvmmak okvt nan in laua yatuk kia, hvchishno pulla kak o ilbvsha yo toba tok; yvmvvt nan ilbvsha pulla hatuk mak o na hvchin laua chi hatok vt hvsh ithana hoke.

10. Yohmi ka tikba kash isht hvsh wakaya kvt, nana ka hvsh yvmihcha he ak illa keyu, amba afvmmi achvfa foka

kash yohmikbano ahnit, hvchi anukfoyuka ak inli tok, ilvppot nan isht hvchim vlhpesa hoka, vno nana anukfilli li kv̄t anoli lishke.

11. Yohmi hoka himonasi ya nana kv̄t ai yvmohma he yatuk ash hvsh yvmihchashke: yohmik bano ahnit hvchim vlhtaiyaha hatuk okvno na hvchim asha ka isht hvsh ai ahli-chi kv̄t, hvchim vlhtaiyaha ak inlashke.

12. Im anukfila ak osh nan tikba yohmikbano ahni ha yatuk okvno, hatak yummvt nana hō ishi tuk ash isht vlhpisa hō ima kv̄t isht ai vlhpesa hoke, amba yummak ash ot nana hash ik isho ke tuk ak osh isht ik im ai vlhpiso chatuk keyu.

13. Hvchishno ak osh na hvchi weki, nan inla yvto nan ik ahalaio ka hi o miha li keyu.

14. Amba ai itilauashke, yohmi hoka himonasi ano na hvchin laua yak osh ilbvshvt na bvnna yak o apelvcha chi; yohmi tukma ilap nan in laua yak kia ilbvshvt na hvchi bvn-nakma hvchi apelvcha chi; yohmikma nana kv̄t ai itilau kv̄t;

15. Kvna hosh nana ka lauachit itahobi hatuk kia, atampa kv̄t ik im iksho hoke; mihma kvna hosh ik lauachot itahobi hatuk kia, ak im ono keyu, achi hosh holisso ka chohmi hoke.

16. Yohmi ka achilitvt nana yummak ash isht hvchim vtta chi ka, Titvs im anukfila ha Chihowa hv̄t anukfohki-chechi tuk a yak oke, im ahni lishke.

17. Yummak ash osh nan in tohono li ka aiokpanchi fehna mvhli hatuk; yohmi kv̄t ilap inli nan im anukfila kv̄t achilitvt, ila tushpa fehnvt hvchi maya hatuk oke.

18. Yohmi ma vbanumpa pulla hatuk mak o chvch hi-ohli moma ka im a holitopa il itibapishi ha, tuklonchit pit e pila hatuk.

19. Yohmi kv̄t yummak bano hatuk keyu, amba Chito-kaka yummak ash inli kv̄t isht a holitopa chi, mikmvt nana kv̄t yohmikbano ahnit hvchim vlhtaiyaha tuk vt otaiyana chi ka, nan isht i kana ilvppak okvt pishno pulla hatuk mak o ai yvmohmi tuk a yummak ash ieshit pi takla nowvt aya chi kv̄t, chvch vhleha hō yummak ash ot ai im vlhtokowa ak inli tuk oke.

20. Nan isht i kana laua ilvppak ash yakohmichit isht il ahanta na kvna kia nan isht ik pi mihacho ka chi ka, ilvppa ahah ! il ahani tuk oke.

21. Chitokaka itikba ak illa keyu, amba hatak puta itikba yak kia, nana kv^t vlhpiesa h_o isht iloh il otvnincha he-tuk oke.

22. Yohmi kv^t himonna imomaka e pihisa na nana lawa ka achunanchi yatuk il itibapishi, mihmak o ibafokit pit e pila tuk ; yohmi ka hvch_i yimmi chinto kv^t nana ka achunanchi i shahli fehna chi pulla hoke.

23. Hvchishno yatuk mak o kvnia kia Titvs a a ponakla he yoba ká, yvmmak okv^t vm itapela, micha na svba toksvli yoke ; yvmmak keyukmv^t hv^t itibapishi vhleha hash a ponakla he yoba ká ; yvmmak okv^t Klaist nan isht a holitopa chi ka, chvch hiohli puta h_o ai im vlhtoka vhleha hoke.

24. Yvmohmi hoka nan isht hvsh i hullo, mikmv^t hvchishno a nan e hvch_i yimmit isht il ilauata hatuk ash atokolit ahlich_i kv^t, chvch hiohli puta, mikmv^t ilvppak ash aiena ka hvsh im otvninchashke.

CHAPTA IX.

Achakalinchi mv^t peh pilla nan ima he ak_o anukfokiehi, 1 ; 6 na holokchi nihi y_o isht ita pesa hosh na hokchi tok ai^{yuk} ali kak osh vma he, achi ; 7 aiokpanchit nan ima kak o Chihowa yv^t holitoblich_i ; 10 pilla nan isht i kana lauachi y_a Chihowa hv^t ilap nan isht i kana y_a lauachit ima.

1. **UBANUMPULI** ahli vhleha nan isht im ahanta he imma yvmmak ash okvno, nan isht mihv^t hvch_i holisso chi la he vm vlhpesa keyu.

2. Yohmik bano ahni kv^t hvchim vlhtaiyaha hatuk, mihma Akaia ai asha kak kia afvmmi achvfa foka kash nana kv^t im vlhtaiyaha hatuk, mihi yash o Masetonia ai asha ka isht im ilauata li hatuk ; yohmi hatuk o na hvsh a mosholi kvllo kv^t laua fehna ka yimitvchit anukfokhiechi ka ithaiyana lishke.

3. Yohmi ka ilvppak ash o hvchim vlhtaha chi ka, achi

tuk mak osh il itibapishi vhleha ha pit tihleli li tuk oke ; yohmi ka nan isht e hvch ilauwaiyata tuk ash o ont ik ai ahlo keyu ka chi kak atuk.

4. Masetonia hatak ash ot si apihvt ona yoba cha, nana kvt ik hvchim vlhtaho ke tuk o ont ahayuchi na, na yimmit isht ilauwaiyata tuk mihi yo ai isht a pi hofahya hinla kvt, hvchishno ak a he okvno il achi keyu.

5. Yohmi ka il itibapishi vhleha hash ot tikba hvchim aya cha, nan isht hvsh i kana he vt isht anuhumpa tuk ash, tikbanli atahla he vlhpesa ahnit, i miha li tuk ; yohmi ka pilla nan isht i kana yvmmak a he ash ot vlhtaiyaha kvt, nan il ahayuchi bnna yo ik chohmo kashke.

6. Yohmi ka kvna hosh ik lauacho hosh hokchi hokvto, mihi yosh ik lauacho hosh vma chi ak inli hoke ; mikma kvna hosh lauachi hosh hokchi hokvto, mihi yosh lauachi hosh vma chi ak inli, ilvppa achi lishke.

7. Kvna kia ilap im anukfila hak o na tikba nan isht ik ahni ha yosh hatak moma kvt nan ik imá ; isht nukhaklo keyu, mikmvt yohma hi atuk ahni kak o keyu ; aiokpanchit nan ima yak o Chihowa yvto i hullo hoke.

8. Yohmi ka Chihowa hvv nan isht i kana moma ka isht hvchim a lauacha hinla kvt im vlhpiesa hoke ; yohmikma nana moma ka isht hvch im vlhtaiyaha biekvt, na toksvli achukma moma mvt isht a hvchin laua hi oke.

9. Yvmvvt na fimmi hatuk ; micha yvmvvt ilbvsha yo nan ima hatuk aiena kvt, nan ai vlhpiesa ho yvmihchi tuk a takali na bilia hi hoke.

10. Yohmi ka kvna hosh na hokchi a na nihi im atahli yak osh hvchim ilimpa chi pvska ma ik atahanlí, micha hvchi na nihi hollokechi tuk ash ik ibakahanlí, mikmvt na hvsh a kaniohmi ai vlhpesa im vni ya i shahlichit ik ibafoh-oki ; achi hosh holisso hoke.

11. Nana ka lauachit hvsh ima chi kvt, nana moma isht a hvchin laiyauwa ka yvmmak osh pishno pulla hatuk mak o, lawa kvt Chihowa ha yak oke im ai ahna chi ka, nukfohkih-inchishke.

12. Nan isht apehlvchi ilvppak oka isht ahanta kvt vba-

numpuli aḡli vḡleha nan ik im iksho kash o nan im atahli illa keyu, amba Chihowa ḡ lauachit yak oke im ai ahni vḡleha ḡ isht a laiyawa ak inlishke.

13. Klaist im vbanumpa ḡ im antia ḡvsh il anohonli; yohmi mvt ilap, micha hatak moma ka nan isht ḡvsh apelvchi na nan isht apelvchi ilvppak ash o imomaka pibisa pulla hosh Chihowa ya okla holitoblichishke.

14. Yohmi mvt vba isht ḡvchi anumpohonli pulla hosh Chihowa nan isht i kana fehna kvṡ ḡvchi anukfoyuka chi ka, ai ahnit isht ḡvchi hullo hoke.

15. Chihowa nan isht i kana yvt anumpa ḡ isht annoa he keyu hoka yak oke im ai ahni lishke.

CHAPTER X.

Klaist im apostel atuk osh nana kvṡ vlhtoka, mikmvt shilombish imma isht im ai aḡli kvṡ anumpuli.

1. YUMOHI kvṡ Klaist chukvsh yohbi, micha chukvsh nukhobela iksho pulla ḡ, vno Pal sia ḡvṡ ḡvchi kanvṡ ḡvchi tohono lishke; ḡvchi takla antakmvt, im anukfila akanlosi, amba ḡvchi filvmmikmvt, ḡvchi nukwaya iksho sia mak oke.

2. Yohmi kvṡ haknip imma nan ahni ḡ nana ka e yvmihchi tuk a kanimi kvṡ pi ahobachi, yvmmak okvno nukwaya ikshot i kvllo li kvṡ ḡvchi takla ont anta li hokmvt, nukwayvt ak ḡvchi kvllo ka he ak osh ḡvchim asilhha lishke.

3. Yohmi kvṡ haknip o il ai ahanta kia, haknip imma nan ahni yo ai isht e tanahampi keyu.

4. Nan isht e tanampi yokvto hatak osh nan isht tanampi yo chohmi keyu, amba Chihowa pulla hatuk mak o kvllo ai aḡli hosh nan a holihta kvllo puta hatuk a yublichy yoka.

5. Nan anukfilli ik vlhpeso puta, mikmvt nan anukfilli cha-ha, yvmmak okvṡ Chihowa nan ithana ya i sanalit ilap inli ile chahvchi moma ka ishit e kanchi, mikmvt Klaist a im antia chi ka, nan isht pim anukfila moma ka e yukahanchi yoke.

6. Yohmi ka na ḡvsh im antia he tuk vt ont a ḡvchim ai

ahlikma, nan ik im antio moma kvno nana kv̄t isht ai im vlhpiesa mak o isht il i yvmihcha he vt pim vlhtaha hoke.

7. Nashuka yo chohmichit nana ka hvsh pihisa hō ? Kvna kia Klaist immi sia, ahnit ilap inli il anukchieto hokmvt, atuklant ilap ak inli hosh ilvppak ash ik anukfilli, yvmmak ash ot immi sia, ahni ka, yvmmak inli hō chohmit pishno kia Klaist immi pia, il ahni hoke.

8. Yohmi kv̄t nana a pi vlhtoka tuk pulla hō nana ka i shahlichit isht ilauwaiyata li ka isht ik hvchi okpulo hosh, achukma i shahlit hvsh mahaya hi o, yvmmak ash Chihowa yvt pima hatuk oka, sa hofahya he keyu hoke.

9. Yohmi kv̄t holisso hō isht a hvchi nukshopli la he, ahni li tuk a ik si ahobo ka chi kv̄t, ilvppak o yvmihchi li hoke.

10. I holisso hokvto weki, micha kv̄llo, yohmi kia ilap haknip fehna otaiyani hokmvt ik kv̄llo, micha im anumpa mvt ik ahobo hoka, yvmmak ash ot achi.

11. Yvma chohmi tuk ak osh ilvppa ik anukfilli, yohmi ka il i filvmmik mak osh holisso pulla hō anumpa yakohmi ka e yvmihchi kv̄t, pishno fehna il otaiyani hokmak heto, nan isht il anta kv̄t, yvmmak ash atuk ak inli hō e chohma hi oke.

12. Kanima kv̄t ilap inli il ahninchī vhleha, yvma pishno vt isht il iba hotehnachit, isht il it apesa keyu ; yohmi ka ilap inli ahninchit nan isht il apesa vhleha, micha ilap inli ka isht il it apihisa vhleha aiena hokvto hopoyuksa keyu hoke.

13. Yohmi ka nan isht a pim vlhpisa ya ont atampa hokvno nan isht il ilauwaiyata he keyu ; amba nan isht vlhpisa pulla yvmv̄t hvchishno ak kia hvchim ona he, nan vlhpisa yo Chihowa yvt pim apesa tok ak oke.

14. Ik hvchim ono ke tuk ak inli hō chohmit nan isht a pim vlhpisa ya pit il atamplit il ile mahampli keyu ; Klaist im vbanumpa isht anumpohonli ak inli hosh hvchishno a e hvchim ona hatok :

15. Nan a pim vlhpisa, yash pit atamplit hatak inla im a pilesa yokvno nana ka isht il ilauwaiyata he keyu ; amba na hvchi yimmi hatuk vt i shahlit hlampko na nan isht a pim

vlhpisa hash o, hvchishno pulla ho isht a pi chito fehna he ak o il ahni.

16. Yohmikmvno hvsh ai asha ka misha vbanumpa isht il anumpohonli kv̄t, hatak inla nan isht im ai vlhpisa ai vlh-taiyaha ho isht kil ilauwaiyata ka chi hatuk.

17. Yohmi ka kv̄na hosh ilauwaiyata hokv̄to, mihi yosh Chitokaka yo isht ik ilauwaiyatá.

18. Kv̄na hoh kia ilap inli il ahninchī kak osh mihi yosh holitopa keyu, amba kv̄na ho Chitokaka ak osh ahninchik mak oh chatuk oke.

CHAPTA XI.

Kolinhlia ya i hullo pulla hosh ilap inli il ahnichit vbanumpeshi mo-ma i shahli ka ili tilauechit anohonli: 9 vbanumpa ha pilla isht im anumpohonli hatuk, vba nan vlhpisa imma nan achi ka ai itilau.

1. NAN isht ilauwaiyata li kanomosi ka ant ik yohmí, hv̄s sv̄m ai ahnikbano hv̄chim ahni li; yohmi ka ant ik yohmí, hv̄s sv̄m ahna chi pulla hoke.

2. Chihowa anukfoykvt̄ nan isht i hullo mak o isht hv̄-chi huhulo li hokvt̄: ohoyo himita hopoyuksa ahli hatak haleli keyu chohmi mak o, hv̄ch ishit Chisvs a im otv̄ninchī la hi mak osh, i hatak achv̄fa chi ka hv̄ch it im apobv̄chi li hatuk.

3. Yohmi tuk kia sinti okvt̄ ilap kostini pulla kak osh If a haksichi tok a, chohmit na hv̄chim anukfila hash ot shanaia na nan anukfilli apissali achv̄fa, yvm̄mv̄t Klaist ak o ai achv̄fa yash o hv̄sh i filv̄mma hinla ka, sa nukshohumpa hoke.

4. Kv̄na hoh kia Chisvs inla yv̄mma isht il anumpuli tuk ash keyu ho isht anumpulit aya, micha Shilombish inla yv̄mma hv̄chi anukfoykuka tuk ash keyu ho hv̄chi anukfoykuka, yvm̄mak keyukmv̄t vbanumpa inla yv̄mma hv̄sh aiokpv̄chi tuk ash keyu ho hv̄sh aiokpv̄chi hokmv̄t, ant ik yohmí, hv̄sh im ahni vlhpesa hoke.

5. Apostel moma i shahli fehna kak kia ik alauecho sia keyu, vm̄ aboha hoka.

6. Yohmi ka anumpuli hokvt ik imponno sia, yohmi kia nan ithana kak o keyu; yohmi kv̄t hv̄ch itin takla ya nana moma ka achukmalit isht e hv̄chim otaiyani hatuk oke.

7. Nan isht hv̄chi holitopa ch̄i ka il akanlosechi lish, Chihowa im vbanumpa ha pilla isht hv̄chim anumpohonli li kak osh nan ashv̄chi li hatuk o?

8. Hv̄chi apelv̄chit nan isht hv̄chim ahanta la ch̄i kv̄t, chv̄ch hiohli inla yo nan im ih̄ishi li kv̄t, ilap ak osh nan atobbi ho ish̄ishi li hatuk.

9. Yohmi kv̄t hv̄ch iba takla ahantvt na sa baiyv̄nna kia kv̄na hosh na hv̄ch̄i kv̄nia tuk keyu; nana kv̄t ik sv̄m ono ke tuk okv̄no itibapishi li v̄hleha Masetonia minti hosh v̄m atahli tok; yohmi hoka nana moma ka isht ak hv̄chim ile wekecho ke tuk; yohmi hokvt yvm̄mak o a si yvmohma ch̄i mak oke.

10. Klaist nan isht im ai āhli yvt a sa nukfoyuka hosh, nan isht ilauwaiyata li ilv̄ppa kv̄na hosh Akaia afulloa anta kv̄t, sv̄ssacha he keyu hoke.

11. Nanta katiohmi ho? hv̄ch̄i hullo li keyu kak o? Chihowa hv̄t ithaiyanv̄shke.

12. Amba anumpa si onochi bv̄nna kia, anumpa isht si onocha hi vt ik im iksho ka he; micha nana ka isht ai ilauata hatuk vt pishno ak inli ho chohmit otaiyana ch̄i kak o, a kaniohmit ahanta li hatuk vt, yvm̄mak o ai yvmohmit ahanta la ch̄i hoke.

13. Yvm̄ma chohmi kv̄t vbanumpeshi āhli keyu hoke; na haksichi yosh Klaist nan isht im v̄tta ilahobi hoke.

14. Ilv̄ppvt a yakohmi ka anukhlakancha he v̄lhpesa keyu; Setan ak fehna ak kia inlv̄t tobtv̄t a tohwikeli ka im enchil ilahobi chatuk oka.

15. Yvmohmi hoka yvm̄mak ash in tishu v̄hleha ak kia inlv̄t tobtv̄t, nan isht ai v̄lhpiesa in tishu v̄hleha ha holba hokvt na fehna keyushke; yvm̄ma im ishtaiyopi yvt ilap vt nana a kaniohmi chatuk ak inli ho chiyuhma hi oke.

16. Hatak nana kia im anukfila iksho ik si ahno kashke: yvm̄mak keyukm̄vt im anukfila iksho si ahni hoh kia, v̄lh-

pesa vm ahni; vno ak inli kv̄t iskvtinosi ka isht ilauata lashke, anonti achi lishke.

17. Ilvppa puta anumpuli li kv̄t Chitokaka ak o iakaiya hosh anumpuli li keyushke; amba im anukfila iksho yo chohmit nukwaya iksho hosh isht ilauata ilvppa anumpuli lishke.

18. Lawa kv̄t haknip imma ka isht ilauata kak o, vno ak kia isht ilauata li ak inla chi chishke.

19. Hvchishno vto hvchi hopoyuksa kak osh, im anukfila iksho a yukpa hosh ant ik yohmi, hvsh im ahni hoka.

20. Hatak okvt yuka ho hvch ikbi hokma, keyukmvt v̄pvt hvchi tahli hokma, keyukmvt nana hvchim ai ishi hokma, keyukmvt ile chahvchi hokma, keyukmvt hvchi nashuka ya isso hokma, nana kia ant ik yohmi, hvsh im ahni hoke.

21. Ik ahobo hatuk osh isht a hofahya hi o chohmichit anumpuli lishke. Yohmi ak inli hoh kia kanima kv̄t nana ka isht ik nukwayo kv̄t asha hokma, nan im anukfila iksho chohmit anumpuli hosh, vno ak kia isht ik sa nukwiyo ak inlishke.

22. Heblu okla ho? vno ak kia yvmmak o sia hoke. Israel okla ho? vno ak kia yvmmak o sia hoke. Eblaham ak o isht atia ho? vno ak kia yvmmak o sia hoke.

23. Klaist in tishu ho? im anukfila iksho chohmit anumpuli li kv̄t, yvmmak oka i shahli li hoke; yvma i shahlichit toksvli li hoke, atampa ho sa fahama hoke, aboha kv̄llo fohoka li chatuk, a svlli naha kv̄t laua chatuk oke.

24. Chu okla ha pokoli ushta chi ma achvfa hosh iksho ho tahlapi ha im a sa fahama tok.

25. Hituchina ha fuli isht sa fahama tok, himonna ka tvli isht sa boa tok, hituchina ha, peni fohkv̄t aya li tok a okpulo tok, ninak achvfa nitak achvfa aiena ka okhvta pakna takakanli li tok.

26. Anowa hopaki kia himonna a nohwa li, oka kia isht vm a palvmmi, na wehli kia isht vm a palvmmi, a yakni achvfa okla hak kia isht vm a palvmmi, vbanumpa ik ithano ma isht vm a palvmmi, tmaha anukaka kia isht vm a pa-

lvmmi, yakni haiaka kia isht vm a palvmmi, micha itibapishi li ilahobi vhleha kia isht vm a palvmmi;

27. Hoyohambli, na hotohompa, himonna nusi vm okpo-honlo fehna, himonna hohchvot, ituk shihinla, micha kapvssa ka, haknip bieka aiena hosh isht vm a palvmmi hatuk.

28. Nana ilvppa moyuma kvt kochanli a mintit a si onv-tohonla ma, nitak moma ka chvch hiohli puyuta nana isht anukfilli mvt a si onvtohonla hoke.

29. Kvt a hak osh ik hlampko na vno ak osh sa hlampko hō? kvt a hak osh ibetvbli na vno ak osh ik sa nuklibisho hō?

30. Nana ka isht ilauata la he vlhpesa hokmvt, nana kvt isht a ik sa hlampko imma kak o isht ilauata la chi hoke.

31. Chihowa pin Chitokaka Chisvs Klaist Iki, holitopa bilia yak osh, holabi li keyu ka ithaiyana hoke.

32. Hatak pehlich i miko Aletas nutaka ahanta tuk vt Tamaskvs a si ai yukachi bvnna kvt, Tamasenes tvnaha ha tvshka chipota atonichi tok.

33. Yohmi na kishi hō fohkvt tvli holihta okhissushi a hlopullit aka ona hosh yvmma ibbak a i hlakofi li tok.

CHAPTER XII.

Isht il anumpohonli mvt vba atuchina ka nana kvt auet im atokvt im otvni tok vt anoli, 1, 9 yohmi kia nan isht ik hlampko ak o isht aholitopa hi vt ahni, iki nan i kana mak o chohtit im aya chi kvt im anoli.

1. NANA ka isht ilauata la he okvto vm vlhpesa keyu ak inli chishke. Nana ka Chitokaka yvt sa pisachit vm otvninchi tok ak o isht anumpuli li la chi hoke.

2. Afvmmi auah ushta atampa kash hatak Klaist ibai achvfa ka ithanali tok; yvmmvt haknip o a fohka hokmá nana tok chishba, ak ithanoshke; keyukmvt haknip a ai i filvmmi hokmá nana tok chishba, ak ithanoshke; Chihowa ak osh ithana; yvmmak atuk ash o hoklit vba ont atuchina ka isht ona tok.

3. Hatak yvmma chohmi ka ithana li tok, haknip o a fohka hokmá, haknip a ai i filvmmi hokmá nana tok chishba, ak ithanoshke; Chihowa ak osh ithana hoke.

4. Yvmmak ash o hoklit Palatais a isht ona na, anumpa he keyu puta hatak okvt anumpula he vlhpiesa keyu ho haklo tok.

5. Yvmma chohmi kak o isht ilauata la chi hoke: yohmi kia vno ak inli hokvno isht ilauata la he keyu, amba nan isht ik sa hlampko puta kak a hi oke.

6. Isht ilauata ik sa bvna hoh kia, vm anukfla hokvto iksho ka he keyu hoka; ahli ho miha la hi okvt; yohmi kia ilolambi lishke; keyukma hatak kvna kia sa kaniohmi ho sa pisa, micha a sa haklo kv, isht i shahlichit isht si anukfilla hinla hoke.

7. Micha nana vm otvni apakna pulla ho isht chahvt ak atapo ka chi kak o, kvti haknip shamvlli, Setan in tishu mak o ahama kv, isht chahvt ak atapo ka chi kak o, ishit sahaso ya chi hatok.

8. Ilvppa pulla kak o Chitokaka ya hituchina ha im asilhha li kv, ilvppak ash osh vm a filvmma chi kak atuk oke.

9. Mihma, Nan isht vm i kana yvt isht chim vlhpesa hoke; nan vm isht hlampko yvt ik hlampko yak o isht im ai vlhtaha yoka, vm achi tok. Yvmohmi hoka Klaist isht i hlampko yvt si onvtuyula chi ka, nan isht ik sa hlampko isht ilauata li kak osh vm vlhpesa chi hoke.

10. Yvmohmi hoka Klaist pulla kak o nan isht ik sa hlampko puta, nan isht sa hofahyali puta, nan isht hotopa puta, na palvmmi atukonofa a hlakofa he keyu puta kak o, isht il ai yukpa li hoke, ik sa hlampko hok mak osh, sa hlampko hokvt.

11. Isht ilauahanta li kak osh ik hopoyukso yo toba lishke; hvs si atoblichit tuk oka; ahninchit isht hvs si anumpula he vlhpesa tok oka: nana ho si ahomba keyu kia, apostel vhleha i shahli fehna kak kia asha ka hikia li keyu hoka.

12. Apostel isht atokowa yvt hvch itin takla ya ai

yvmohmi kvt, nan nuktaiyalvt achunanchi, nan isht atokowa puta, nan isht nukhlakvshli puta, na fehna yvmihchi puta aiena moma ka, isht ai yvmohmi mvhli tok.

13. Nanta hak o chvch inla puta ka isht hvch ik a lauwo tuk oh cho? nana ka ak hvchi kvllo ilvppak atuk ak o? vno fehna kvt hvchim ashvchi li tok ilvppak atuk ash hvs sa kashofashke.

14. Yakeh! ont isht atuchina mak o hvch im ona la chi kvt vm vlhtahvshke: yohmi kvt hvchi kvllo la chi keyu; na hvchimmi hak o keyu, amba hvchishno yak o hoyo li hokvt. Ulla yak osh iki micha ishki ita tuklo ka nana im ahayucha he vlhpesa keyu, amba iki micha ishki ita tuklo kak a hetuk oke.

15. Micha hvchishno pulla kak o a lushumiehit ik si ataha kia sai yukpa fehna hi oke: hvchi hullo li kvt isht i shahlichu li fehna kia, ik lauwo hvchim a holitopa li hoke.

16. Yohmi kia ant ik yohmi, hvchi kvllo li tok keyu: yvmohmi kia i kostini li hatuk osh, a haksichit hvchim ishi li tuk o, achi hoke.

17. Hvchi pila li tuk yvmmak ash o kanimi ka nan isht hvch im ai ishit il ahayuchi li tuk o?

18. Titvs vt hvchim ona he, ahni lish, itibapishi ma aieninchit pila li tok. Titvs vt na hvchim ai ishit il ahayuchi tuk o? anukfila achvvt il itvnova tuk keyu? ataya achvfa ho il ai itvnova tuk keyu?

19. Anonti nana isht hvchim il il a miha, hvchim ahoba cho? Klaist a iba foyuka hosh Chihowa itikba ya il anum-pulishke, yohma kvt nana moma e yvmihchi kvt, pi holitopa fehna vhleha ma! isht hvsh a hlampka he ak oke.

20. Yvmmak keyukma ona likmv, itachowa, it i potvno, it i nokowa, it i nukhobela, ashaka nana a mihachi, it i shukshort na mihachi, ilefehnvchi, itakvshkoa, hvsh aiena cha vlhpesvt hvsh maya na, hvchi ahayuchi la hetuk ash osh keyu ho hvchi ahayuchi li, yohmikmv a kanihmi li hvs sa pisa hetuk ash o keyu hosh, hvchim otaiyani la he ka, ahnit sa nukshohumpa:

21. Yohmi ka anonti ona likma, an Chihowa yvt a hvchim

itin takla a si akanlosechi na nan ai ashvchi mashko tuk vt na liteha, micha na havi, micha chukvsh nan isht havi aiena ka yvmohmi tuk vt, i filvmmmit ik ile kostinincho kisha tuk o isht yahaya li yoba ná.

CHAPTA XIII.

Nan ibetrblichi vhleha hvt ile kostininchi keyu ka nana im apesa hi vt miha, 1 ; 5 nana ka a yimmi hatuk vt il imoma ka pisvt ik ono kisha ho nan a kaniohmi atuk vt falamvt il a chukmala hi a achi.

1. ILUPPUT isht atuchina mak o hvchim aya lishke : Nan atokoli tuklo, tuchina itih ho anumpa moma kvv isht ai ahlashke.

2. Tikba hoka hvchim anoli li tok osh, anonti atukla mak o hvchi takla anta li chohmit tikbanli hvchim ano li lishke ; yohmi kvv himak a ik saksho hatuk osh tikba ka yoshuba tok ash, micha inla moma aiena ka pit i holissochi li, yohmi kvv anonti ona likmvt, apoanchi la he keyu hoke.

3. Klaist vt isht si a hvchim anumpohonli tuk a atokowa hvsh hoyo hoka, yvmmvvt hvchishno yokvno ik hvchi hlampko keyu, amba hvchi ai a hlampko hoke.

4. Ik hlampko hosh ititaiyukhvna a takalit illi tok kia, Chihowa imi hlampko pulla ho okchaya hoka, pishno ak kia yvmma iba chavvt ik pi hlampko ; yohmi kia Chihowa imi hlampko yvt hvchi onvtula chi pulla ka, yvmmak ash iba chavvt pi okchaya chi hoke.

5. Ai yimmi ka yoka hvsh ibai achvfakma, nana kvv hvchishno inli hvsh ile pisashke ; hvchishno inli imomaka hvsh pisashke. Hvchishno inli hvch ik ithano cho ? Chisvs Klaist vt hvch iba foyvka ka, ik ai ahlo hvchia keyukmvt.

6. Yohmi ka pishno yvt ik ai ahlo pia keyu ka, hvsh ithana chi ka sa yimmishke.

7. Micha Chihowa ya pit im asilhha li kvv, nan ik vlhpeso ka ik hvchi yvmohmo ka he ak oke : il ai ahli kvv isht il otvna he ak keyu, amba ik ai ahlo yo pia e chiyuhmi kia, hvchishno yokvto nana achukma kak o hvsh yvmohma he ak oke.

8. Anumpa aḥli il i sanali kv̄t nana e kanihma he keyu, amba anumpa aḥli ya il apelv̄chi yak oka.

9. Ik pi hlampkokm̄vt, hv̄chi hlampko kak o, pi yukpa hok̄vt: anonti ai aḥlit hv̄chim vl̄htaha he ilv̄ppak kia e hv̄chim ai ahni hoke.

10. Yvmohmi ka ik saksho hōsh ilv̄ppa puta ka hv̄chi holissochi lishke, ilv̄ppak atuk keyukm̄vt ont hv̄ch iba takla anta likm̄vt, Chitokaka isht im ai aḥli isht hlampkochi la he, micha isht okp̄ni la he ak keyu hō v̄ma tok ak o anumpa ishit halupv̄chi la hetuk yoba ká.

11. Ishtaiyopi ka itibapishi li v̄hleha ma! na hv̄chi yukpashke. Ai aḥlit hv̄chim vl̄htahashke, ahopohla achukm̄vt hv̄chim anukfila achv̄vt, it i nanaiyv̄t hv̄sh ai ashashke; mikma Chihowa holitoblit nan isht it i nanaiyv̄chi yosh hv̄chi anukfoyuka ch̄i hoke.

12. Suksova holitopa yo isht hv̄sh it aiokpv̄chashke.

13. Ūbanumpi yimmi aḥli puta kv̄t pit hv̄chi aiokpv̄chishke.

14. Chitokaka Chisvs Klaist nan isht i kana, micha Chihowa isht i hullo micha Shilombish Holitopa ai itibai achv̄fa aiena kv̄t hv̄sh moyuma ka hv̄chi anukfoyukashke. Amen.

HOLISSO PAL VT

CHVCH KALESHAN

YAKNI A HIOHLI HO I HOLISSOCHI TOK.

CHAPTA I.

Hatak keyu, amba Chihowa pulla hosh vbanumpa isht anumpula chi ka atokoli tok a Pal vt achi, 1: 6 Kaleshan vbanumpuli vt chekosi vbanumpa ha i filami kak o okokko! ahnit miha; 11 hatak o keyu, amba Chihowa yo vbanumpa ha im ai ithvna; 14 nana ka ik vlhtoko kisha kv̄t hatak kaniohmi hatuk vt anoli, 17 ymmak atuk vt ont i himmak o im anukfila kaniohmi kv̄t anoli.

1. PAL apostel sia kv̄t hatak kaniohmi ho nan a si vlhtoka tok keyu, mikmvt hatak nan ahni hatok keyu, Chisvs Klaist, micha Iki Chihowa, yummvt illi tok a falaminchit tanichi tok ita tuklo kak atok:

2. Yohmi ka itibapishi li vhleha si apehvt maya kv̄t, momvt chvch Kaleshan yakni hiohli ka pit hvchi aiokpvchi lishke.

3. Iki Chihowa, micha hvpin Chitokaka Chisvs Klaist ita tuklo nan isht i kana, micha isht it i nanaiya ita tuklo kv̄t hvchi anukfoyukashke.

4. Yummak okvt Piki Chihowa nan ahni tok mak o yakni ik achukmo ilvppa a pi a hlakoficha chi hosh, nan il aiashvchi pulla kak o yummak okvt il im issa tok.

5. Chihowa Piki yummak osh holitopvt bilia cha biliashke. Amen.

6. Chekosi fehna ho Klaist isht i kana isht hvchi hohoyo

tok a i filvmmmit, vbanumpa inla yo hvsh eshi ka, okokko! ahni lishke.

7. Yvmmvt vbanumpa keyu; amba kanimi kvv hvchi anuktuklochi cha, Klaist im vbanumpa ha shanaiyvchi bvna kvv ashvshke.

8. Yohmi kia pishno, keyukmvt vba yakni enchil ak ok-má nana hosh vbanumpa inla isht e hvchim anumpohonli tuk a keyu ho isht anumpulikmvt, okpulot taha he ik im vlvhpsá.

9. Tikba ka e hvchim achi tok a, anonti himak a mih mak inli ho hvchim achi lishke; Hatak nana kia vbanumpa hvsh eshi tok a inla yo isht anumpulikmvt, okpulot taha he ik im vlvhpsá.

10. Himak a hatak ak osh, keyukmvt Chihowa ak osh a kana he ahni li cho? hatak o yukpali sa bvna ho? hatak ak o yukpali li momakmvt, Klaist in tishu sia ha he keyu hokvt.

11. Amba itibapishi li vvhleha ma! hatak nan ahni keyu ho vbanumpa isht anumpohonli li tuk vt hvch ithvnanchi lishke.

12. Hatak o im ai ishi li tuk keyu, micha im ai ithvna li tuk keyu hokvt; amba Chisvs Klaist ak osh vm otvninchi hatuk.

13. Nitak chashpo ma kaniohmit Chu okla im vbanumpa anukfoyukvt ayvt, atablichit Chihowa in hvch a ilbvshalit, chukilissvchi li;

14. Yohmi kvv Chu im vbanumpa ithvna li kvv, vm okla achvfa ai itilau li laua ka i shaiyahlit, an tikba vvhleha im anumpa vlvhpsa ik holisso atok a amosholi li fehvvt im antia li tok a, hvsh haklo tuk oka.

15. Yohmi tok kia Chihowa yvmmak osh hvshki im oshvto ya ai ishit sa kohchi cha, isht i kana isht sa hoyo tok,

16. Yohmi kvv vlvhpesa ahni cha, Ushi ya si ai otvninchi kvv, vbanumpa ik ithano vvhleha ha vbanumpa isht im anumpohonli la chi ak atok; yohmi mak inli ho hatak nana kia it im anumpuli li tok keyu.

17. Mihmvt Cheluselem a ivt apostel vvhleha sa tikba tok

a ont pisa li tok keyu; amba Alabia yak o ona li tok osh, anonti falamvt Tamaskvs a ona li tok.

18. Atuk osh afvmmi tuchina ma Pita ya pist ia hosh Cheluselem a ona li tok; mihmvt ibai anta li nitak auah tahlapi tok.

19. Yohmi kia apostel vhleha inla yano ak peso, Chemis Chitokaka itibapishi ak illa tok.

20. Chihowa itikba yo hikivt nana puta hvch i holissochi li kvt, holabi li keyu ka ho pesá.

21. I himmak o Silia, micha Silisia foka ka ona li tok.

22. Micha Chutia hvch puta Klaist ibafoyuka yvt sa nashuka ya ik peso kisha tuk atok.

23. Amba chashpo ka pilbvshali tok yvmmak ash ot himak ano ai yimmi ka tikba ka okpni tok vt isht anumpohonli ka haklo kak illa tok.

24. Micha vno ak atuk mak o Chihowa ya holitobli tok.

CHAPTER II.

Atukla ma Cheluselem a ia tok, nana kvt yvmma akaniohmi tok a anoli, 1: 11 Antiak a anta mvt, nana ka a yohma he vhpesa keyu kvt Peta yvt yohmi na Pal vt im alvmmi, mihmvt na yimmi kak keyu hokma, kvna hosh nan vhpiesa he keyu ka im anoli.

1. YOHMI tok a i himmak afvmmi auah ushta ma anonti vno, Banabas ita, tuklot Titvs a ilauinlit Cheluselem a il ia tok.

2. Yohmi ka Chihowa yak osh vm otvninechi na ona lish, vbanumpa Chentail vhleha ha isht im anumpohonli li tuk vt isht im anumpuli li tok; yohmi kia vbanumpa tosholit aya li tuk a peh pilla ná, anonti himmakma vbanumpa tosholit aya li kia peh pilla ná, ahni li hatuk osh luma hosh hatak annoa achukma kak o im anumpuli li tok.

3. Yohmi ka Titvs vt si awant aya tuk vt, Klik atuk o, hakshuk tupa he i mihia kia, ik yvmohmo ki tok.

4. Yohmi ka yvmmv itibapishi ik ahlo takla iba chukowa kvt, Klaist Chisvs puyulla ho a yuka keyut il ahashwa ka pim

akostinincha chī hosh lumvt piba chukowa tok; yohmi kv̄t falaminchit pi yukacha chī hatok; yohmi tuk kia ik yohmo ki tok oke.

5. Ubanumpa aḥli yvt hv̄chin tonla chī kak o, yvm̄mak ash o hv̄shi kanv̄lli achv̄fa kia i nutakvt il a kanv̄lli tok keyu.

6. Amba, kv̄na hosh holitompa v̄hleha ahoba kv̄t, nana h̄o kaniohmi yoh kia, yvm̄mak okv̄to nan isht v̄m a kaniohmi keyu; Chihowa yvt hatak a nashuka yak o pisa keyu; holitompa ahoba yvm̄mak ash o it im anumpuli li tok a na isht aḥafohki tok keyu.

7. Amba hakshup ik tapo v̄banumpa in tosholi la hi vt si v̄lhtoka ma, hakshup t̄vpa v̄banumpa in toshola hi vt Pita ak osh v̄lhtoka tok a pisa mvt;

8. Pita ya hakshup t̄vpa v̄banumpa in toshola he atokoli tok mak osh v̄banumpa isht ai aḥlichi tok, anonti mih mak inli hosh v̄banumpa Chentail a in tosholi li ka isht ai aḥlichi tok oka.

9. Yohmi ka Chemis, Sefas, micha Chan aiena kv̄t pehlichika ȳo ahoba hatuk osh isht i kana v̄ma tok a pisa mvt, v̄no, micha Banabas, il ita tuklo kv̄t il iba holhtina chī kak o, ibbak isht impakimma ya pima tok; yohmikma v̄banumpa ik ithano yak o im anumpulit il iakma, ilap vt hakshup t̄vpa v̄banumpa in toshola chī hatok.

10. Iiv̄sha ma il ithana he pim aḥni tok; yvm̄mak okv̄no v̄no ak kia aiokpanchit achunanchi li tok.

11. Yvmohmi tok kia Pita yvt Antiak a ant anta ma, atokov̄t im asanali li tok, nan ik v̄lhpeso yohmi tok ak oka.

12. Chemis vt tohno tok a ik lo k̄isha kano, Pita yvt Chentail a ibai impa tok; yohmi tok kia ai v̄la ma, hakshup t̄vpa ya i nukshopa hatuk osh, kohchvt il a filv̄m̄mi tok.

13. Mihma Chu inla ak kia nan il ahobi tok; yohmi kak o Banabas ak kia nan il ahobi ka iba taklv̄t yvmohmi tok.

14. Yohmi kia yohmit v̄banumpa ieshit ai v̄lhpiesvt itv̄noh̄owa keyu h̄o pisa li mvt, momvt h̄aklo h̄o, Pita ya, Chishno vt Chu chia hoh kia, Chentail nana a kaniohmi ka ish yvmohmi cha, Chu nana a kaniohmi ka chik yvmohmo

ho kak osh, nanta katiohmi hō Chentail vt Chu chohmit ahanta he ish im ahni cho? im achi li tok.

15. Pishno vt Chu yosh il vtta tok, yohmi kv̄t Chentail nan ashvchi pia keyu,

16. Hatak vt vba nan vlhpisa iakaiya kak osh isht ai vlhpiesa keyu, amba Chisvs Klaist ī yimmi hok mak osh isht ai vlhpiesa ka ithaiyana hosh, vba nan vlhpisa yak ō keyu, amba Klaist ī yimmi mak ō isht a pi vlhpiesa chī kv̄t, Chisvs Klaist il ī yimmi tok; vba nan vlhpisa iakaiya hokvno hatak nana hosh isht ai vlhpiesa he keyu hoka.

17. Yohmi ka Klaist ak ō isht ai vlhpiesa pi bvnna hokvto, pishno vt nana ashvchi pia moma hatuk vt otaiyani; yohmi ka Klaist vt nan ai ashvchi in tishu hō? ik yvmohmo pullashke.

18. Nana ka okp̄ni li tukv̄t anonti ikbi likmv̄t, nan vlhpisa kobvffi toba li hoke.

19. Ūba nan vlhpisa pulla hō vba nan vlhpisa yā im illi li kv̄t, Chihowa yak ō ai okchaya la he atok.

20. Klaist ā ititaiyukhvna iba takalit sv̄lli hoke: yohmi kia si okchaya hoke; yohmi kv̄t vno ak ō keyu, amba Klaist ak osh okchayv̄t sa foyuka hoke; himak ā okchayv̄t haknip a halaia li moma hokvto, Chihowa Ushi, yvmmv̄t ā hullot si vlhtobv̄t illi tok ā ī yimmi li hosh si okchaya hoke.

21. Chihowa nan isht ī kana yā akshuchi li keyu; nan isht ai vlhpiesa hv̄t vba nan vlhpisa yak ō isht atoba, yvm-mak okmvno Klaist vt pilla illi tok.

CHAPTA III.

Ūbanumpa hā ī filv̄m̄mi ka nan i miha; 6 kv̄na hosh yimmi hokvto nan ai vlhpiesa; 9 mikmv̄t Eblaham ā ibaiyukpa; 10 na laua hō isht miha hosh ilv̄ppa anoli.

1. ĪM anukfila iksho Kalesan okla ma! hv̄chi nishkin a pisa yō Chisvs Klaist vt ititaiyukhvna atakalit illi tuk vt hv̄chi tikba yā ai anohowa tok ā, kv̄ta mak osh hv̄chi yoshubli na vbanumpa ahli yā hv̄sh im antia he keyu cho?

2. Ilvppak illa hō hvchi ai ithvna sa bunnvshke ; vba nan vllhpisa ya hvsh iakaiya kak osh Shilombish Holitopa ya hvsh ieshi tok oh cho ? akchu ? haklot hvchi yimmi kak atuk o ?

3. Hvchim anukfila iksho fehna kv̄t hvsh yvmohmi cho ? Shilombish o anukfoyukv̄t isht hvsh ia kash ot, himak ano haknip o isht a hvchi vlhtaha cho ?

4. Nan laua hō isht hvchi ilbaiyasha ka peh pilla ha tok o ? peh pilla keyu hatok pulla hoke.

5. Yvmohmi ka Shilombish a hvch ima cha, hvch itin takla ya na fehna puta ka ai yvmihchi kv̄t, vba nan vllhpisa ya hvsh im antia tok ak o ? akchu ? vbanumpa haklot a hvchi yimmi kak atuk o ?

6. Yvmmak inli hō chiyuhmit Eblaham vt Chihowa ya i yimmi tok : mihmv̄t nan isht ai yimmi kv̄t ai vllhpiesa im vllhpisa tok.

7. Yvmohmi ka hvsh ithaiyanashke, yimmi puyuta yvmmak okv̄to Eblaham im vlla vhleha yoke.

8. Mihma Holisso Holitopa yvt Chihowa yvt vbanumpa ik ithano ya na yimmi pulla kak o isht ai vllhpiesacha hi a tikbanli pisa kak osh, Eblaham a vbanumpa ha isht im anum-pulit, Chishno ak o okla moma kv̄t na yukpa hi oke, achi tok.

9. Yvmohmi hoka kv̄na hosh yimmi yokv̄to, mihi yosh na yimmi Eblaham a iba taklv̄t na yukpa hoke.

10. Ūba nan vllhpisa anukchieto aiyuka hokv̄to, na hotopa anumpa hv̄t onv̄tonla bieka hoka : holisso kv̄t, Kv̄na kia vba nan vllhpisa holisso atakali puta ka achunanchit ik im antio aiyuka hokv̄no, na hotopa anumpa hv̄t onv̄tuyula hoke achi hoka,

11. Amba hatak kv̄na kia Chihowa ai itikba yokv̄no vba nan vllhpisa ya isht ai vllhpiesa he keyu kv̄t otvnishke ; Hatak vllhpesa yokv̄to yimmi pulla kak osh isht ai okchaya hi oka.

12. Yohmi ka vba nan vllhpisa yvt ai yimmi ka yokv̄no ahalaia keyu, amba, Hatak vt yvma yvmihchi hokv̄to, yvmmak o isht ai okchaya hi oke.

13. Klaist vt pi vlhtobv̄t na hotopa onv̄tula toba cha, vba

nan vlhpisa isht a hotopa ya a chumpvt pi falaminchi tok ; holisso kv̄t, Kv̄na kia iti a atakalikm̄vt, na hotopa anumpa hosh onvtula hoke, achi hoke.

14. Yvmohmi hō Chisvs Klaist pulla hatuk mak o Eblaham nan isht aiyukpa yvt Chentail a onvtula chī hatok ; yvmohmi hō pi yimmi pulla kak osh, Shilombish pim issa tok a il isha chī hatok.

15. Itibapishi li vhleha ma ! hatak nana a kaniohmi yo anumpuli lishke : peh hatak nana it im vlhpisa yoh kia kv̄llochī hama, hatak kv̄na hosh akshochi, micha ibafohka he keyu.

16. Yohmi ka Eblaham, micha im isht atiaka yak o nan im ih̄isa tok ; Laua nana hō ahobv̄chit isht atiaka vhleha, achi keyu ; amba achv̄fa ehohmichit, Chim isht atiaka yak o, achi yvm̄m̄vt Klaist ak oke.

17. Yohmi ka ilv̄ppak o achi lishke, Nan itim vlhpisa Klaist isht anumpa ymma Chihowa yvt kv̄llochī ha ya, afv̄m̄mi tahlepa ushta pokoli tuchina ha yo v̄ba nan vlhpisa toba tok vt akshocha he keyu, yohmi kv̄t nan im issa tok a ik ai ahlecho ka he atok keyu.

18. Ūba nan vlhpisa im antia pulla kak o nana ai isha he vlhpesa kv̄t ai yvmohmi hokma, nan im issa yak keyu hoka ; yohmi kia Chihowa yvt nan im issa tuk osh Eblaham a ima tok.

19. Yohmi ka v̄ba nan vlhpisa yvt nanta hō katiohmichi hatok oh cho ? Nan vlhpisa kobv̄ffi pulla kak o vlhpisa tok o, isht atiaka ymma nana im ih̄isa tok vt vlak mak a he vlhpisa tok ; yohmi ka enchil vhleha hosh iti takla hikīvt tosholi ya i nutaka hosh nan vlhpisa ya anolit haiakv̄chi tok.

20. Yohmi ka ititakla hikīvt tosholi vt achv̄fa hō ititakla hikīvt tosholi chatuk keyu, amba Chihowa yv̄to achv̄fa hoke.

21. Yohmi kv̄no nan vlhpisa yvt Chihowa nan isht im issa tok a i sanali cho ? ik yvmohmo pullashke ; nan vlhpisa ima tok intonla kv̄t okchalinya hinla hokma, nan vlhpisa pulla kak o isht ai vlhpiesa hi atok o mv̄hlishke.

22. Holisso Holitopa yvt moma ka nan ai ashv̄chi i nutakv̄chit ompohomo hoke ; yohmi hō Chisvs Klaist i yimmi

pulla ho nan ai yukpa im issa tok a kva hosh i yimmikmt isha hi atok.

23. Yohmi kia ai yimmi ka yvt ik lo kisha ma, vba nan vlhpisa ya il i nutakvt il ai ashvt, ai yimmi ka yvt himmak o haiaka he yak o il anukchieta hi a pi atoblichitok.

24. Yvmohmi ka vba nan vlhpisa yvt pi kostininchi yosh Klaist a pisht im ona na, na yimmi pulla hosh isht ai vlhpiesa hi atok.

25. Yohmi tok kia ai yimmi ka yvt ai vla ha yokvno, kostininchi ya il i nuktaka keyu hoke.

26. Klaist Chisvs a i yimmi pulla hosh hvsh moma kvv Chihowa im vlla hvchia hokvt.

27. Klaist a ishit hohchifot hvchi baptismo tok aiyuka hokvto, Klaist a isht hvsh foyuka hoke.

28. Chu okmá, Klik okmá, nana kvv iksho; yuka yokmá, yuka keyu yokmá, nana kvv iksho; nakni okmá, ohoyo hokmá nana kvv iksho, amba hvsh moyuma kvv achvvt Klaist Chisvs a hvsh ibafoyuka hoke.

29. Yohmi kvv Klaist a immi hvchia hokmvt, Eblaham isht atiaka hvchia, micha nan im issa tok a ai isha he vlhpesa hvchia hoke.

CHAPTA IV.

Nan vlhpisa i yuka pia hatuk a Klaist akosh na pi hlakofichi; mikmvt Chihowa ushi vhleha pikbi, 1; 6 yvma i chvksh okvno Chihowa yvt ilap ushi imi shilombish o auet nukfokihinchi. 22 Akah micha Sela itatuklo kvv nan isht vlhpisa.

1. ANONTI ibai isha he vlhpesa kvv, vlla moma hokvto, nana moma kvv immi hoh kia, yuka ha nan isht inla keyu hoke, achi lishke.

2. Amba kostininchi, micha apesvchi ya i nuta kvv ahanta na, iki vt im apesa tok nitak a ona chatuk oke.

3. Yvmmak inli ho chiyuhmit, pishno ak kia vlla pia momo mvt, yakni nan ai ithvna ai ishtia vmmoma ya i nutakvt yukvt il ashwa tok.

4. Yohmi tok kia nitak ont vlhpesa kvv vla ma, Chihowa

yvt Ushi vt pila na, nan vllpisa i nutaka toba hosh ohoyo ho a toba tok.

5. Uba nan vllpisa i nutakvt asha tuk a falaminchit pi chumpa na, Chihowa ushi vhleha e toba chi hatok.

6. Yohmi tok a ushi vhleha hvchia hoka, Chihowa yvt Ushi imi Shilombish a hvchi chukvsh a anukfohki na Abba Iki achit tahpahanla hoke.

7. Yvmohmi hoka himak a pilla ka yuka chia keyu, amba ushi mak o chia hoke; yohmi kvv ushi chia hokmvt, Klaist pulla hatuk mak o Chihowa immi ha ai isha he vllpiesa chia hoke.

8. Yohmi kia tikba ma Chihowa hvch ik ithano mvt, chihowa nana keyu ka hvsh i yuka tok.

9. Yohmi tok kia, himak a Chihowa ya hvsh ithana ha ya, yvmmak keyukmvt, Chihowa yak osh hvch ithana ha ya, katiohmi ho anonti nan ai ithana ai ishtia vmmona isht hlampka he keyu, micha isht ai yukpa he keyu ka falamvt i nutakvt yuka hvchi bvna cho?

10. Nitak il aiyuka, micha hvshi talali, micha afvmmi vllpisa aiena ka hvsh holitoblishke.

11. Peh pilla ho hvchin toksvlit isht a svlvvsha tuk yoba ka ahnit, ahah! hvchim ahni lishke.

12. Itibapishi li vhleha ma! hvchishno ak inli chohmi li hokvt, vno ak o hvsh chohma chi ka hvchim asilbha lishke: nan ik vllpeso hvv sa yvmihchi tok keyu kvvmohmi hoke.

13. Vmmona hoka haknip ik hlampkot hoyubli hosh katiohmit vbanumpa ha hvchin tosholi li tok a, hvsh ithanvshke.

14. Micha imomaka pisa li yvt sa haknip a afoyuka ka ik shitlemot hvch ik sa kancho ki tok; amba Chihowa im enchilchohmichit, Klaist Chisvs mak o, chohmichit hvv sashi tok.

15. Yokmi kvno nan isht aiyukpa ya isht hvsh anumpuli tok mvto? hvsh yvmihcha hinla nana hokmvt, hvchi nishkin a hvsh kohchi cha, hvv suma hinla tok a, atokowa hvchim anoli lishke.

16. Yvmohmi ka ahli ho hvchim anoli li kak osh hvchin tvnvp o toba li cho?

17. Hvechi hullo fehna ahoba kia vlhpesa keyu hoke; ahli, hvchi ataklvma he ahni na hvch ik sa hullo hosh, ilap ak o hvsh i hulla chi kak atok oke.

18. Yohmi kia nana achukma hokvno i hullo fehnvt bilia kak o vlhpesa hoke; micha hvchi takla anta li kak bano keyu.

19. Um vlla chipunta vhleha ma! ohoyo vlla esha chi nukhvmi ka a hvchim a chohmi li tuk atok o Klaist vt a hvchi atobak mak a chi hoke.

20. Himak a hvchi takla anta lish, vm anumpa ha inlanchi la he sa bvnvshke; a hvchi anukfilli la he ak ithanoshke.

21. Uba nan vlhpisa ya i nutaka hvchi bvnna kv, vba nan vlhpisa ya hvchik haklo ho? oh vm anoli

22. Holisso kv, Eblaham vt ushi in tuklo tok; achvfa kv ohoyo yuka yak o ushi yokma, achvfa kvto ohoyo yuka keyu yak o atok, achi hoka.

23. Yohmi ka ohoyo yuka ushi yvt haknip nana a kani-ohmi chatuk a chiyuhmi tok; amba ohoyo yuka keyu ushi vto im issa tok ak atok.

24. Yvmmvt nan isht vlhpisa yoke: ilvppvt nan it im vlhpisa tuklo yoka; achvfa kv nvni chaha Sainai a tobt yuka ikbichi, yvmmvt Akah yak oke.

25. Akah ilvppvt nvni chaha Sainai yosh Alabia yak o hikia hosh, Chelusalem vt himak a talaia ka isht vlhpisa hosh, im vlla puta ka il ai eshit yuka hoke.

26. Amba Chelusalem vba yokvto yuka keyu hosh, e moma ka hvv ishki yoke.

27. Holisso kv, Ulla ik chim iksho, vlla ish eshi chatuk keyu ma! chi yukpashke; vlla esha chi chi nukhvmi chatuk keyu ma! chitolit ish tahpahanlashke; ohoyo vlhtakla ya tuk kia vlla in laua kv hatak im asha tuk kak kia, i shahli hokvt, achi hoka.

28. Yohmi ka itibapishi li vhleha ma! pishno vt Aisaak atok a, chohmit nan im issa tok ak o im vlla pia hoke.

29. Yohmi ka nitak yvmma haknip o kani-ohmi chatuk a chohmit ai vtta yvt Shilombish ai vtta ya ilbvshali tok a, chohmit himak ak kia yvmohmi hoke.

30. Yvmohmi ka Holisso Holitopa yvt nan tuk achi hō ? Ohoyo yuka, micha ushi ita tuklo ka kōchit ish kanchashke: ohoyo yuka ushi vt ohoyo yuka keyu ushi ya nana ibai isha he vlhpesa keyu hoka.

31. Yvmohmi hoka itibapishi li vhleha ma! ohoyo yuka im vlla pia keyu, amba ohoyo yuka keyu ak oke.

CHAPTER V.

Klaist pulla hatuk mak o yuka keyu toba tok vt yvmmak fehna hō ai itanohowa chi ka i miha, 1; 3 Chu okla nan im vlhpisa yokno ik im antio ka chi, amba nan i hullo pullvt itanohowa he; 19 haknip imma atoksvli kvt kanihmi ka anoli; 22 mihmvt shilombish imma nan vni ka anoli.

1. YUMOHHMI hoka a yuka keyu hō Klaist vt pisht ona tuk a kvllot hvsh hielashke, micha anonti yuka ikunla im abana ilvppa isht hvch ik il onochō kashke.

2. Yakeh! Pal sia hosh hakshup hvchi tupa hokma, Klaist vt nan isht hvchim ai achukma he keyu ka hvchim achi lishke.

3. Anonti hatak moma kvt hakshup tupa yvmmak okvto, nan vlhpisa moma ka yvmihcha he aheka in takanli ka atokolit im anoli lishke.

4. Kvna hvchia hosh nan vlhpisa yak o isht hvchi ai vlhpiesa hokma, Klaist vt nana isht hvchim ai achukma keyu; isht i kana ya i filvmmmit hvchi tula hoke.

5. Yohmi ka Shilombish pulla hatuk mak o na yimmi hosh isht ai vlhpiesa hi a il esha he ahnit, e hōhoyoshke.

6. Chisvs Klaist imma hokvno hakshup tupa yokmá, hakshup ik tapo yokmá, nana hoh kia nana a kanihma he keyu hoke; amba ai yimmi ka i hullo isht atoba yak oke.

7. Vlhpesa hosh hvsh maleli tuk; anumpa ahli ya hvch ik im antio ka chi ka, kvta hosh hvchi ataklvmmi tuk o?

8. Hvchi anukfohki na vlhpesa hvsh ahni ilvppvt hvchi hoyo tok ak o a minti keyu hoke.

9. Isht shatvmmichi iskvtnosi kia yvmmvska ya mominchit shatvmmichi chatuk oke.

10. Chitokaka pulla kak o hvchi yimmi li kv̄t, nana inla hvch im anukfila he keyu ak oke ; amba kv̄na hatuk oh kia mihi yosh hvchi anuktuklochikmv̄t, nan v̄lhpisa yv̄t onvtula hi oke.

11. Yohmi ka itibapishi li v̄hleha ma ! vno yv̄t hakshup tv̄pa ya isht anumpuli li moma hokak osh, nanta katiohmi hō nan ilbv̄sha yv̄t si onvtula moma cho ? yv̄mmak okma ititaiyukhv̄na isht ai ibetv̄bli vt yokopa hoke.

12. Hvchi anuktoklochi v̄hleha hatuk vt chvch a a tv̄pt kv̄niakbano ahni lishke.

13. Itibapishi li v̄hleha ma ! a yuka keyu yo hvch isht ona tuk oke ; a yuka keyu yv̄to haknip yukpali keyu, amba it i hullot it apelahanchi yak oke.

14. Anumpa achv̄fa hō v̄ba nan v̄lhpisa a moma kv̄t isht ai āhli hoka ; yv̄mmv̄t ilv̄ppak oke, Chin chuka panta hatak a ish i hullo kv̄t chishno ak inli hō chim itilau-ashke.

15. Amba iti koblit, v̄pvt hv̄sh ititahli hokmv̄t, iti okpv̄nit hvch ik iti tahlo ka chi kv̄t, ahah ! hv̄sh ahnashke.

16. Yohmi ka Shilombish iba foyukv̄t hv̄sh ayashke ; yohmi hokmv̄to, haknip nan ahni okpulo ya hvch ik ai āhlecho ka chi hoke.

17. Haknip nan ahni kv̄t Shilombish a im i sanalikma, Shilombish nan ahni kv̄t haknip a im i sanali hoke ; micha ilv̄ppvt it im inla hoke : yv̄mohmi hō nana yv̄mihcha he hv̄sh ahni kia hv̄sh yv̄mihcha he keyu hoke.

18. Amba Shilombish ak osh hvch isht aya hokma, nan v̄lhpisa ya hv̄sh i nutaka keyu hoke.

19. Yv̄mohmi ka haknip atoksv̄li otv̄ni yv̄mmv̄t ilv̄ppak oke : Haui toba, itin lumaka, na liteha, haui anukfilli,

20. Na holba aiokpv̄chi, ikh̄ish isht yushpakama, iti nukkilli, itachowa, iti shahshohlechi, anukhobela, iti yichi-na, ita kv̄shkov̄t nan v̄lhpisa i sanali, v̄banumpuli ik̄sa iti filamohli,

21. It i potv̄nno, hatak bika v̄bi, okishko shahli, okishkot tv̄ssahvt aya, micha yv̄mma chohmi puta ka tikba ma hv̄chim anoli li ak inli tok kia, himak a atuklant hv̄chim

anoli li ka, ilvppa yvmihchi puta kv̄t Chihowa im apehlichika yō isha he vlhpesa keyu hoke.

22. Amba Shilombish o isht ai vni hokv̄to, I hullo, nayukpa, it i nanaiya, nuktaiyalvt nokowa sulaha, anukfila yohbi, nana achukma yvmohmi, na yimmi,

23. Il aiokha bv̄nna keyu, ahah! ahnit il oktampli; yv̄mma chohmi ka onvtonla kv̄t nan vlhpisa yvt ikshoshke.

24. Yohmi ka kv̄na hosh Klaist a immi hokv̄to haknip, micha haknip nan isht i hullo, micha nan ai ahni okpulo ya haknip ash aieninchit ititaiyukhv̄na a takalichit illichihoke.

25. Shilombish ak o il ai okchaya hokmvt, Shilombish a iba foyukvt il iba noh̄owa mak inlashke.

26. Nana ik ahobo a holitopa ya ahnit it i nokowv̄chit, it i potv̄nnot kiloh ai asho kashke.

CHAPTER VI.

Kv̄na hosh nana kv̄t ik im vlhpeso ka i kanvt nan im anukfilla he, micha nan i weki ka ib ai isha he i miha, 1; 6 v̄banumpa isht anumpuli yoka nana ka isht im vt̄vt̄vt̄ apelacha he i miha: nan vlhpisa chinto nitak yvm̄mak okv̄no momvt nan im vlhpisa hi a anoli.

1. ITIBAPISHI li vhleha ma! hatak kv̄na kia nan ai ashv̄chi ka iba chukowa hokma, Shilombish anukfoyuka hv̄chia hv̄t, chukv̄sh isht i nukh̄aklot yv̄mma chohmi kash falaminchit hv̄sh hilechashke; hv̄chishno kia nan ai ashv̄chi hv̄chi ai itula hinla kv̄t, hv̄sh il anukfihinlashke.

2. Nana isht a hv̄chi weki puyuta ka hv̄sh it̄i shaiyalashke; yohmi hosh Klaist i nan vlhpisa ya hv̄sh ai ahlichashke.

3. Hatak vt̄ nana keyu kia, na sa fehna ahni hokmvt, ilap inli hosh ile haksichi hoke.

4. Amba hatak puyuta kv̄t ilap nan isht ai vt̄ta yak o yakohmi ahnit, pisashke; yvmohmi hosh inla yō ai yukpa keyut, ilap ak inli tuk ak osh nan isht il ai yuhukpa chi hoke.

5. Hatak puyuta kvt ilap i shahpo illa hō shaiyala he oka.

6. Kuna hosh vbanumpa ha isht im vlvchi hokmvt, nan im avchi yummak ash nana hochukma puta ka it ibai eshashke.

7. Hvchik ile haksecho kashke; Chihowa hvt isht ik si yopulá, ahni keyu hoke; hatak vt nana hō hokchi tuk mvt, yummak o vma hi oke.

8. Kuna hosh haknip ak o i hokchi hatuk okvto, haknip ak o isht okpula hi o vma hi oke; amba kuna hosh Shilombish ak o i hokchi hatuk okvto, Shilombish ak o ai okchaya bilia yo vma hi oke.

9. Yohmi kvt nana achukma isht il ahanta kvt ik pin takobo kashke; pi tikambi keyu hokmvt, nitak ont ai vlvpiesakma, il ai vma hi okvt.

10. Yohmi hoka hatak moma ka nana il im ai achukma la hi vt pin takalikmvt, e yvmihchikmvt, na yimmi in chuka chvfa vhleha yokak heno i shahlichit il i yvmihchashke.

11. Holisso chito kvt, kaniohmi hō vno svbbak ak inli hō pit isht hvchi holissochi li tuk a hopesá.

12. Haknip ak o isht otvni achukma he ahni aiyukali hokvto, hakshup tupa he ak o hvchim ahnishke; yummak keyukmvt Klaist ititaiyukhvna ai illi pulla hatuk mak o na palvmmi pisa hinla kak illa kak osh yvmohmi hoke.

13. Yohmi ka hakshup tupa vhleha ilap inli kak kia vba nan vlvpisa ya holitobli keyu: yohmi kia hvchi hakshup tupa he hvchim ahni kvt, hvchi haknip ak o isht ilauata he ahni hoke.

14. Amba vno yokvto isht ak ilauato pulla he, pin Chitokaka Chisvs Klaist ititaiyukhvna atakalit illi tok ak banashke: yummak atuk pulla mak o yakni vt ititaiyukhvna vm ai illi, mikmvt vno yvt yakni a im ai illi li hoke.

15. Klaist Chisvs imma hokvno hakshup tupa, micha hakshup tupa keyu aiena kvt nana keyu, amba himonvt toba ak illa hoke.

16. Laua kv̄t kani^ohmi hosh anumpa v̄lhpisa ilēppak ash im antiv̄t aya, micha Chihowa im Islael aiena hokvno isht i nanaiya, micha isht i nukh̄aklo ita tuklo kv̄t on̄tuyu-lashke.

17. Chitokaka Chisvs pulla hatuk mak o sa haknip a na m̄isa laua ka isht shaiyali li hoka; himak a pilla mvno hatak nana kia ik si ataklammo kashke.

18. Itibapishi li v̄hleha ma! pin Chitokaka Chisvs Klaist isht i kana yv̄t hv̄chimi shilombish a anukfoyukashke. Amen.

HOLISSO PAL VT

CHVCH EFESVS

A HIKIA HO I HOLISSOCHI TOK.

CHAPTA I.

Pal vt Efeshan okla pit ai okpuchi, 1; 4 vbanumpuli vhleha hvt yakni vt ik tobo kisha mak o vlhtahvt Chihowa im vlla vhleha toba tok, 11 Klaist pulla ho nan ai yukpa ai immi ha he im vlhpisa 13 Shilombish Holitopa yo isht ai ahlit kello; 17 mihmvt Chitokaka Chisvs Klaist im a holitopa vba ya pisa hi mak o vba anumpo-honli.

1. PAL, Chihowa nan ai ahni ha tuk pulla mak o Chisvs Klaist im apostel vt vbanumpuli ahli Efesvs ai asha, micha Klaist Chisvs i yimmi aiena ka pit aiokpuchishke.

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya ita tuklo kvt hvchi anukfoyukashke.

3. Chihowa pin Chitokaka Chisvs Klaist Iki, yvmmak osh Chisvs ak atuk mak o vba nana ishit pi yukpahanli yvt holitopashke:

4. Yohmi hosh yakni in tolahpi vt iksho pilla ma, Klaist a a pi atokoli kvt, i hullot nan ai ashvchi iksho, micha liteha iksho hosh yvmma itikba il aya he ak atok oke.

5. Yvmohmi kak osh vlhpesa ahni pulla tuk mak osh, Chisvs Klaist atuk mak o ilap im vlla e toba he ak o, tik-banli pi atokoli tok,

6. Yohmi kvt isht i kana chinto yvt isht annohowa he,

yummak pulla ho Holitopa achufa yumma a pi ahninchi tok.

7. Yummak ash pulla im issish o isht a pi vlhtoba mvt, isht i kana yvt chinto pulla hatuk mak o nan pim ai ashvchi yvt pi kashofa hoke:

8. Yohmi kvt hopoyuksa biekvt im anukfila chinto hosh, isht i kana yumma chitolechit pihima tok oke;

9. Yvmihcha he il ai ahni tok vt vlhpiesa ahni pulla hosh, im anukfila luma hatok a pim otvninchi kvt;

10. Yummvt nitak vt ont ai vlhpiesakma, nana puta vba ai asha, micha yakni pakna ai asha aiena ka itahobit achufa-lechit, Klaist yumma fehna ka i nutakacha he ak atok:

11. Yummak inli pulla ho il ai isha he vlhpesa e toba hi osh, ilap nan ahni bieka hosh nana moma ka yvmihchi chatuk im anufila ho, tikbanli pi vlhtoka tok:

12. Yohmi kvt na tikba Klaist a il anukchieto tuk pishno ak o im a holitopa yvt a pi annohowa chi hatok.

13. Hvchishno ak kia anumpa ahli vbanumpa isht hvsh ai okchaya hvsh haklo hayvt, yummak ash hvsh anukchieto tuk ak inli; hvchi yimmi ha yosh, yummak ash nana im ihisa tok Shilombish Holitopa yumma isht hvchim ai ahli tok,

14. Yummak okvt nana il ai isha he vlhpesa ka il isha he atokowa isht vlhpisa hosh mahaya tuk o falaminchit chumput a pim atahli tok a il ishi na, yumma im a holitopa yvt isht annohowak mak a he oke.

15. Yvmohmi ka vno yak kia Chitokaka Chisvs a hvsh i yimmi, micha vbanumpa yimmi ahli moma ka hvsh i hullo ka, haklo li hayvt,

16. Yak oke ishit hvchi ahni li kvt, issa li keyu mvt, micha anumpa ilbvsha anumpuli likmvt, isht hvchi anohonli li hoke;

17. Yohmi ka pin Chitokaka Chisvs Klaist in Chihowa, na holitopa puta iki vt Shilombish isht a hopoyuksa, micha isht otvninchi hvch ima na yumma ithaiyanvt hvsh mahaya he;

18. Nan isht hvsh anukfilli i holhponayo yvt in tohwikeli

na, ai okchaya hvsh pihisa hi o hvchi atokoli kv̄t kaniohmi, micha vbanumpa yimmi ahli ya isht a holitopa chinto il ai isha hi vt kaniohmi,

19. Micha ilap nan isht im ai ahli chinto a yvmihchi kv̄t, na yimmi vhleha pia ha ilap nan isht im ai ahli chinto fehna ka isht pi yvmihchi kv̄t kaniohmi aiena ka, hvsh a kostinicha he ak atuk oke.

20. Yvmmak ash o yvmihchi hosh, Klaist illi tuk a falaminchit tanichit, vba a holitopa ilap ak inli ibbak isht impakimma yo binilichit,

21. Hochitoka puta, nan vlhtoka puta, nan im ai ahli, nan i shahli puta, micha na hohchifo moma yvmmtv yakni ilvppa a hohchihifo kak bano keyu, amba yakni yvmmtv vla chi aiena ka i shaiyahli yak oke:

22. Yohmi kv̄t nana moma ka yvmma iyi nutakvchi, mihmtv chvch im ai achukma chi ka nana moma i noshkoba ha chi ka atokoli tok,

23. Yvmmak ashot ilap haknip oke, ilvppak osh kanima moma alotoli a isht alota mak oke.

CHAPTER II.

Im anukfila kaniohmi yosh il v̄tta tok, 1; 3 Chihowa nan isht i kana pulla ho kaniohmit pim anukfila ka anoli; 10 nan achukma ka e yvmihcha he e toba tok; 13 Klaist il im antia hokmvt, vba imma nan im vhl̄taha hash il ahanta cha, Chihowa im okla achvfa mak o pia ha hi a tok.

1. YOHMI kv̄t na yoshuba, micha nan ai ashvchi isht hvchi illi yatuk a, hvchi okchal̄nchi tok oke.

2. Ilvppa chiyuhmi ka chashpo ma hvsh ai itvnowa kv̄t, yakni ilvppa ai yvmohmi cha tuk a yvmohmit shutik takla i miko, shilombish vbanumpa ik im antio puta anukfoykvt isht aya kak o, iakaiya hosh hvsh itvnowa tok oke:

3. Yohmi kak o pishno ak kia chashpo ma iba takla pi haknip im anukfila ik achukmo iakaiyvt, haknip nan ai ahni, micha chukvsh nan ai ahni aiena ho e yvmohmi tuk oke;

yohmi kv̄t chukvsh okpulo vmmona il ishi tok moma kv̄t im ai anukkilli pī onvtonla kv̄t, inla yak inli chohmi hoke.

4. Yohmi tok kia Chihowa nan ī nukhaklo chinto im ai vlhtayak pulla hosh, nan isht ī hullo chito hō isht pī hullo hatuk osh,

5. Nan ai ashvchi isht pilli moma kia, Klaist iba taklan-chit hv̄pi okchalinchi tok oke; isht ī kana pulla hō hv̄chi okchaya hoke;

6. Micha Chisvs Klaist ibafohkit wakayvchit, vba a holi-topa puta pī binilichi tok oke;

7. Yohmi hosh himak a pilla ma Klaist Chisvs pulla hō pī nukhaklo tuk vt, isht ī kana chinto fehna ka isht otv-nincha chī hatok.

8. Na yimmi kak osh isht ī kana pulla hō hv̄chi okchaya hoke; yohmi kv̄t ilvppvt hv̄chishno na hv̄sh ahni kak keyu, Chihowa na hv̄ch ima kak oke.

9. Nan toksvli kak keyu, yvmmak keyukma kv̄na kia isht ilauata yoba ná.

10. Ymma im a toba hv̄pia kv̄t, nan toksvli achukma isht il ahanta hi osh Klaist Chisvs ak o il a toba tok; ymma il ai itvnowa hi o Chihowa hv̄t tikbanli apesa tok.

11. Yvmohmi ka nitak chashpo ma haknip ī nuta yosh Chentail hv̄chia ma, nipi hakshup tv̄pa ibbak isht toba hoh-chifo yvmmak okvt hakshup ik tapo hv̄chi hochifo hoke.

12. Yohmi kv̄t ymma foka mv̄no Klaist ibafoyuka keyut, Israel okla ai achvfa hv̄sh ahalaia keyu, micha nan im issa tok isht it im vlhpisa hv̄ch ik ahalaio, aiokchaya pisa he ahni ik im iksho, Chihowa ik ithano yosh yakní a hv̄sh ai asha tok.

13. Yohmi tok kia himak ano Chisvs Klaist pulla hatuk mak o hv̄chishno vt tikba mv̄no hv̄sh mishemanchi tuk vt, Chisvs im issish o isht hv̄sh a bilika kv̄t hv̄sh ithaiyanashke.

14. Yvmmak osh pit ī nanaiyvchi yosh, e tuklo ka achvfa pikbī cha, holihta nan isht pit ī filvmmichi yatuk a ishit kanchi tok oke;

15. Yohmi kv̄t nan isht it ī nukkilli nan isht vlhpisa yvt im vlhpisa tok, haknip isht ilbvsha cha, ishit kanchi tok:

yohmi hosh tuklo ka hatak himona achvfa il ai ikbi cha, it i nanaiyvcha chi hatok:

16. Yohmi kvt ititaiyukhvna pulla ho tuklo ka haknip achvfa isht ikbit, yvmmak o it i nukkilli tuk a ai illichi cha, Chihowa ya it i kanvcha chi hatok:

17. Atuk osh mishemanchit hvsh ai asha, micha bilika ai asha aiena tuk a, anumpa isht it i nanaiyvchi isht anumpulit hvchim aya tok oke.

18. Yvmmak atuk pulla ho Shilombish achvfa hosh pi anukfohkichi ho, il ita tuklo kvt Uba Iki il im ohona hokvt.

19. Yakeh! yohmi ka himak a pilla ma ik ahalaio okla inla yo hvchia keyu, amba vbanumpuli ibai okla, micha Chihowa in chuka chvfa hvchia hoke.

20. Yohmi cha apostel, micha hopaii puta kvt in tolahpi yokma, Chisvs Klaist ak inli hosh noshkoboka chukbika tvli yo, onvtula hosh hvsh it abana hoke.

21. Yvmmak o ai it abana iti fohka achukma kvt, Chitokaka ibafoyukvt tempel holitopa tobtv isht mahaya hoke.

22. Yvmmak o hvchishno ak kia hvsh ai it abana cha, Chihowa im aboha imi Shilombish a foyuka hvsh toba hoke.

CHAPTA III.

Chentail vt vbanumpa habena he atok, 1; 9 Pal vt im anumpohonla he vt vhltoke; 14 mihmvt Chihowa nan i hullo tok a okla akostinicha chi ka vba asihihla; 20 mihmvt nan isht aiokchaya chinto vt yakohmi ha tuk o Chihowa ya yakoke im ai ahni.

1. ILUPPA pulla kak o Pal sia hvt Chentail hvchia hatuk mak o Chisvs Klaist i yuka sia hoke.

2. Chihowa nan isht i kana vlpisa ishit hvchim anumpuli la chi ho vma tok a, hvsh haklo mvhli tok a;

3. Yvmvt Chihowa im anukfila luma hatok a kaniohmichit vm otvninchi tok a, anumpa ik lauwo ka tikba ka hvchi holissochi li tok oke.

4. Yvmmak o hvsh itim anumpulikmvt, Klaist im anukfila luma hatok a ithana li ka, hvsh akostinicha hinla hoke;

5. Yvmvt nitak tikba ma hatak ushi vhleha ha im an-

noa tok a ohmi keyu ho, himak ano Shilombish vt apostel holitopa vhleha, micha hopaii puta aiena ka im otvninchi hoke;

6. Yvmohmi na Chentail vt vbanumpa pulla ho iba tak-lvt nan ai isha he vlhpesa toba, micha haknip ai achvfa toba cha, Klaist pulla ho nan im ihisa tok a ibai isha he atok:

7. Chihowa yvt ilap nan isht im ai ahli vm ai yvmihinchi pulla hosh, ilap nan isht i kana vma pulla ho, vbanumpa isht vtta toba li tok oke.

8. Uno vt vbanumpa yimmi moma ik lauwo ka ik a lauwo sia hoh kia, isht i kana ilvppa vma na Klaist nan isht yukupali kuna hosh ithvntv hlopullicha he keyu a, Chentail a isht im anumpuli la hi atok.

9. Micha im anukfila luma hatok a itibai achvfa kvv ka-niohmi ka hatak moma ka pisachi la hi atok; yvmma yakni tobahpi a minti ka Chihowa hvv Chisvs Klaist nana moma ka isht ikbi tok vt, luhmit ieshi tok;

10. Yvmohma hi o himak ano hochitoka ilaiyuka, nan vlhtoka ilaiyuka, vba a holitopa ai asha kvv, chvch pulla atuk mak o Chihowa a hopoyuksa chinto kvv im otaiyana hi atok.

11. Yohmi kvv Chisvs Klaist pin Chitokaka isht yvmihcha he im anukfila bilia tok mak osh yvmihchishke.

12. Mihi yo i yimmi kak osh pi nukwaya keyut, pi hakla chi ahnit, pi anukfoyukvt il im ohona hoke.

13. Yohmi ka hvchishno ak atuk mak o nan isht svlvsha ka, yvmmvt nan isht a hvchi holitopa hokvt hvchi chukvsh isht ik hvchim ello kashke.

14, 15. Ilvppa pulla kak o pin Chitokaka Chisvs Klaist, yvmmak o chuka chvfa vba yakni a ai asha, micha yakni ai asha a moyuma kvv ai a hohchifo Iki a i hvchukbehlipa li kvv,

16. Isht im a holitopa chinto fehna ka hvch ima na, imi Shilombish vt chukvsh isht hlampko isht hvchi hlampko-honchi;

17. Micha na hvchi yimmi ho Klaist vt hvchi chukvsh a

anukfoyuka he yohmi lishke; yohmi ho nan isht i hullo a akshish a tobrt a hvchi kullo hosh,

18. Ubanumpuli ahli puta iba taklt a prtha, micha afa-laia ka, micha hofobi, micha chaha aiena ka hvsh akostinincha hinla hoke.

19. Micha Klaist vt nan isht pi hullo ka ai ithvna he atampa ka hvsh ithvna hosh, Chihowa isht alotowa moma kvrt isht hvchi alotowa he ak atok.

20. Yvmmak osh ilap im isht hlampko isht pi hlampko-honchi kvrt, nana ho il asilhha, keyukmvt nan il anukfilli moma atampa fehna ka pim atahla hinla,

21. Mihi yosh Klaist atuk pulla mak o chvch isht a holi-topa na nitak ataha iksho, yakni ataha iksko kashke. Amen.

CHAPTA IV.

Itib achvfa he i miha, 1; 7 Chihowa hvrt 11 in chvch vt nan isht hlampkot i shaht mahaya chi ka im okla ha shilombish holhpela il aiyuka ihima ka anoli; 17 nan a kaniohmi tikba yatuk a naksi ka bohli; 28 nana a kaniohma he vlhpesa ka yvmihchi, micha nan ik vlhpeso moma ka mokofa chi ka i miha.

1. YUMOHMI ka Chitokaka atuk mak o yuka sia hvrt hvsh a yvmohma he hvchi vlhtoka tuk vt, ai vlhpiesvt hvsh ayvt,

2. Chukvsh akanlosi, micha chukvsh yohbi, micha anuk-hobela svlahvt, iti hullot, it im i nuktaiyavt;

3. Shilombish ai isht itibai achvft nan isht it i nanaiya isht iti talakchi kak o hvsh ai ahna he, hvchim asilhha lishke.

4. Yohmi ka haknip achvfa, micha Shilombish achvfa hosh aiasha, yvmmak inli ho chohmit hvsh a yvmohma he hvchi vlhtoka tok vt, ai okchaya pisa he hvsh ai ahni kvrt achvfa hoke.

5. Chitokaka yvt achvfa, na yimmi mvt achvfa, baptismo mvt achvfa,

6. Moma Iki achvfa, yvmmt nana moma i shahli; nana moma a hlopulli, hvsh moyuma ka hvchi foyuka hoke.

7. Yohmi ak inli kia e moma ka nan isht i kana pima kvt, Klaist i na hvlbina kaniohmi ho pi anukfohki kak oke.

8. Yvmohmi kak o vba ia mvt, yuka lawa yukachit isht ayvt, na hvlbina puta ka hatak puta ka ima tok, achishke.

9. Yohmi ka vba ia tok, achi kvt nanta hoh cho? amba yvmmt tikba ma vba mintit aka yakni vla tok ak inli keyu?

10. Uba minti tok mihi yo ak inli hosh vba shutik pakna-ka pilla ona kvt, nana moma alotowa chi kak atok.

11. Micha kanimi kvt apostel; micha kanimi kvt hopaii; micha kanimi kvt vbanumpa tosholi; micha kanimi kvt ikxa apesvchi; micha kanimi kvt nan ithvnanchi aiena ya chi ima tok:

12. Yohmi kvt vbanumpa yimmi vhleha ha ai ahlicha he, vbanumpa isht vtta he, Klaist haknip ithvnanchit hlampko-honcha hi ak atok oke.

13. Yvmohmi na e moma kvt mahayvt nan ai yimmi ka, micha Chihowa Ushi ai ithvna aiena ka ont il ai achvft, hatak im ahli e tobt, Klaist vt a kaniohmit ai alotowa fehna ka e chiyuhma hi oke:

14. Yvmohmi hosh himak a pilla ma vlla pia keyu hosh, oka piakvchi ka chohmit, anumpa il aiyukali mahli chohmi hatak vt nan isht i kostini o isht haksicha chi kvt, isht im aihinchika ka ibafohkvt ke fullokancho kashke.

15. Amba i hullo hosh anumpa ahli anumpulit, nan okluha ka isht im a hofantit mahayvt, Klaist yvmmt noshkoboka ya e chiyuhmashke.

16. Yvmmak o haknip moma kvt ai itifohka achukma, micha hakshish puta isht iti talakchi hosh moma kvt nana a kaniohma he vlhpisa kvt, ahlit yohmit it apelachi hosh haknip isht a chitot isht it i hullot mahaya hoke.

17. Yohmi ka ilvppa achi li mvt, anonti himak a pilla ma Chentail inla im anukfila ik ahobo,

18. Im anukfila okhlili, micha chukvsh vt okpulo fehna hatuk osh, nana ik ithano anukfoka kak osh, Chihowa im ai okchaya i flvmmmit yoshubvt aya;

19. Chukvsh svlahbot atvpa, na havi atampa, na liteha puta asitvt isht ahanta ka hvch ik ai itvnowo ka he

mak o, Chitokaka pulla hatuk mak o atokolit hvchim anoli lishke.

20. Amba hvchishno vt yvmohma hi osh Klaist a hvsh ithvna tuk keyu hoke:

21. Yohmi ka hvsh i haponaklo cha, Chisvs im anumpa ahli yo isht hvchim vlvchi tuk okmvt;

22. Tikba ma nana hvsh a kaniohmi tok vt hatak sipokni, yvmmt na haksichi chukvsh okpulo isht yoshuba aiena kvno, naksika hvsh bohlayshke:

23. Micha chukvsh isht hvsh anukfilli vt himonvt tobashke:

24. Micha hatak himona, yvmmt Chihowa holba tobt nan ai vlvpiesa, micha nan ai ashvchi ik im iksho ahli mak o isht hvsh foyukashke.

25. Yohmi hokvt na holabi puta naksika bohli anumpa ahli in chuka panta hatak a hatak moma kv im anumpulashke; haknip il itib achvfa hokvt:

26. Hvchi nokowa kia, ik hvchi yoshubo kashke; hvsh nokowa moma na hvshi vt ik okvtulo kashke.

27. Micha nan isht a hullo okpulo ya hvchik i kanvlo kashke.

28. Kvna kia hukopa tuk vt, himmak ma ik hukopo kashke; amba ik pilesa cha nana achukma kak o ibbak isht tok-sahanli hosh, kvna kia ilbvshakma ima hi vt nan ahayuchashke.

29. Anumpa liteha yvt chitih ha ik kohchot, amba nana kv achukma isht hlampka he, micha haklo puta kv isht im achukma he ak ashke.

30. Micha Chihowa imi Shilombish Holitopa, yvmmak o hvsh ai okchaya he nitak pit isht hvchim vlvpisa kv, hvchik nukhaklocho kashke.

31. Chukvsh homi, micha it i nokowa, micha nukhobela, micha itachowa, micha anumpa ik achukmo nanumachi, micha nan ik achukmo puta aiena kv naksika itonlashke.

32. Micha it i kanvt, chukvsh na hih isht iti ahnit, Chihowa hv Klaist ak atuk mak o hvchi kashofi tuk a chohmit, hvsh it i kashohofashke.

CHAPTER V.

Chihowa ya im antivt nan ai i hullo yo ai itanohowa he, 1; 3 im anumpa liteha hosh itanowa beka tuk vt naksika bohla he; 18 nan ish-kot haksia he imma ka ik ahalaio ka he, amba shilombish holitopa yo isht anukfoyukvt im vlhtaha he nan i miha; 22 Ohoyo hvt kaniohmit ahanta he, ilap i hatak a im antia he; 25 Klaist vt hvch a i hullo ka chohmit hatak vt im ohoyo ha i hulla he nan isht miha.

1. YUMOHMI hoka vlla holitopa yo chiyuhmit Chihowa ya hvsh iakaiyashke.

2. Micha Klaist vt pi hullo cha, pishno ak atuk mak o nan ashvchi isht vlhtoba, Chihowa nan i balama, isht il im issa tok a chiyuhmit, ai it i hullot hvsh ai itvnowashke.

3. Amba havi toba, micha nana liteha puta, nan anushkunna atampa vbanumpa yimmi vt yohma he vlhpesa keyu ka, himonna kia yohmi tok achit ik hvchi annowo kashke.

4. Micha anumpa isht a hofahya, anumpa makali anum-puli, na yopula, a yvmohma he ai vlhpiesa keyu ka hvch ik anumpulo hosh, amba Chihowa ya yak oke im ai ahni kak osh hvchim i shahlashke.

5. Hatak havi nana kia, hatak ik kashofo, hatak nan anushkunna atampa, yvmmvt na holvvt toba aiokpvchi, ilvppvt Klaist, micha Chihowa im apehlichika nan ai isha he vlhpiesa keyu ka hvsh ithana hoke.

6. Hatak nana kia anumpa ik achukmo isht ik hvchi haksecho kashke: ilvppa puyuta pulla kak o Chihowa nan isht i nukkilli yvt vbanumpa ik im antio hatak puta ka onvtuyula hoke.

7. Yvmohmi hoka yvmmak okvno hvchishno vt na hvch ik iba taklo yashke.

8. Tikba ma hvchi okhlili tok kia, himak ano Chitokaka hvsh a tohwikeli hokvt, tohwikeli vlla yo chohmit hvsh itvnowashke.

9. Shilombish isht ai vni hokvto nana achukma bieka, micha nan aivlhpiesa yvmohmi, micha anumpa ahli yak oke.

10. Yohmi cha nana hō Chitokaka yvt aiokpanchikma, hvsh akostinincha hi oke.

11. Micha okhlili ka a toksvli nan ik vno hvch ik iba taklo hosh, amba ik im ahninchot hvsh im alvm mashke.

12. Alumaka hō nana kv̄t ai yvmohmi tuk a isht anum-puli illa kak kia, isht hofaya he v̄lhpesa hoke.

13. Yohmi ka atokowa otvni kv̄t nan tohwikeli ak o isht otvni hoke : nana hosh nana ka otvninchikmvt, yvmmak osh tohwikeli hoke.

14. Yvmohmi kak o, Nusi tuk chia kv̄t, chi okchashke, micha illi tuk chia kv̄t falamvt ish tanashke, mikma Klaist vt tohwikeli chima ch̄i hoke, achi hoke.

15. Yohmi ka im anukfila iksho chohmi keyut, amba hopoyuksa chohmit ahah ! ahnit hvsh itvnowashke.

16. Nitak vt ik hvch̄i kv̄nio hosh nan isht hvsh il im ahantashke ; nitak hvsh ai ahanta kv̄t ik achukmo hoka.

17. Yvmohmi hoka ik hopoyukso yō hvchia keyu hosh, amba Ckitokaka im anukfila hv̄t kaniohmi ka hvsh akostin-inchashke.

18. Micha oka homi isht ik hvchi hakso, yvmmv̄t im ilayak isht yopomo yoke ; amba Shilombish ak o isht hvchi alotowashke.

19. Ūba isht taloa, micha Shilombish imma isht taloa aiena ka isht il ai anum-pohonlit, chukvsh isht in champulit Chitokaka ya hvsh in talohowashke.

20. Nana puta ka pin Chitokaka Chisvs Klaist isht hochih̄ifot Chihowa, yvmmv̄t Iki mak oka, yak oke ai ahnit, il aiokpahanchashke.

21. Chihowa i nukshohompa hosh hvsh it im antiashke.

22. Tekchi vhleha ma ! Chitokaka chohmichit hvch̄i hatak a hvsh im antiashke.

23. Klaist vt chvch a i noshkobo ya yvmmak inli hō chohmit hatak vt ilap tekchi a i noshkoboka yoka : micha yvmmv̄t haknip ai okchaya mak oke.

24. Yvmohmi ka chvch vt Klaist a im antia ka yvmmak inli hō chohmit, tekchi vhleha hv̄t nana puta ka ilap i hatak a isht im antiashke.

25. I hatak vhleha ma! hvchi tekchi a hvsh i hullo kv̄t, Klaist vt chvch a i hullo hosh, il im issa tok ak inli ka, hvsh chiyuhmichashke:

26. Yvmohmi kv̄t oka isht achifvt vbanumpa isht kashofvt na hullochi cha,

27. Chvch holitopa, na liteha lapali iksho, shinowa, yvma chohmi nana kia iksho hō ilap itikba hilecha chi hatok; ahli a holitopa, imomokpulo keyu hō ilap itikba hilech, chi hatok.

28. Yvmmak inli hō chiyuhmit, hatak puta kv̄t ilap haknīp chiyuhmichit, tekchi vhleha hā i hulla he v̄lhpesa hoke. Kv̄na hosh tekchi a i huhullo kv̄t, ilap a i hullo hoke.

29. Kv̄na kia ilap haknīp a i nukkilli chatuk keyu hoka; amba Chitokaka yvt chvch a i yvmihchi ak inli hō chohmit, aporchit hiahnit ilauei hoke.

30. Pishno vt yvma haknīp, nipi micha foni aiena ka ai achvfa pia hoka.

31. Ilvppa pulla kak o hatak vt iki, micha ishki ita tuklo ka issa cha, tekchi ak o asitia he, mikmvt tuklo ilvppvt nipi achvfa hi oke.

32. Ilvppvt na fehna chinto hoke: yohmi kia Klaist, micha chvch ita tuklo yvmmak o isht miha lishke.

33. Yohmi ak inli kia hvchishno hvsh puta ai yukali kv̄t ilap inli chiyuhmit hvchi tekchi a hvsh i hullashke; mikma tekchi vt yohmi ahnit, i hatak a holitoblashke.

CHAPTER VI.

Ulla yvt ishki, micha iki ita tuklo ka im antia he vt v̄lhpesa, 1; 5 yuka hv̄t i shahli hā im antia he vt v̄lhpesa: 9 mikma i shahli hv̄t ai v̄lhpiesa mak o i yuka hā i yvmohma he v̄lhpesa; 10 na pi okchaya ilvppvt il itihimbi; 13 vbanumpuli vt nan isht ile atukkochi, 18 yohmi ka kanimihchit ilvppak ash isht aya he anoli.

1. ULLA vhleha ma! Chitokaka ak o hvch iki, micha hvch ishki ita tuklo hvsh im antiashke; ilvppak osh v̄lhpesa hoka.

2. Chiki, micha chishki ita tuklo ka ish holitoblashke, ilvppvt anumpa vhpisa nan im issa ya apatoa vmmona.

3. Yohmi hosh chim achukmvt hopaki hō yakni paknaka ish ai ahantashke.

4. Mikma iki hvchia hv hvchim vlla ya hvch ik nokowv-cho kashke: amba Chitokaka yak o anukfohkí, micha nan ai ahni yak o a fohkit hvsh hofantihinchashke.

5. Yuka vhleha ma! yakni ilvppak inli haknip isht hvchi nahullo ya i nukwiyvt wvnihinchit, chukvsh apissali kv, Klaist ak inli hō chohmichit hvsh im antiashke.

6. Yohmi kv hatak yukpali yō chohmit, nishkin pisa bano toksvli keyu; amba Klaist in tishu hō chohmit hvchi chukvsh fehna Chihowa nan ai ahni ya hvsh yvmihinchashke:

7. Yohmi kv aiokpanchit yuka a toksvli toksvli, Chitokaka yak o i yvmihchí, hatak ak o keyu;

8. Nana achukma nana hō hatak kvna kia yuka hokmá, yuka keyu hokmá, nana hoh kia yvmihchikma, yvmmak atuk mak inli hō Chitokaka ya im a habena hi a hvsh ithaiyanashke.

9. Mikma i nahullo hvchia hv i nokowvt anumpuli iksho hosh, yvmmak inli hō hvsh i yvmvihinchashke: hatak iti shahshohlechit anukfilli keyu hosh, vba yakni hvchim i Shahli yvt binili ka hvsh ithaiyanashke.

10. Ishtaiyopi ka itibapishi li vhleha ma! Chitokaka a hlampkot im a hlampko chinto yō hvsh a hlampkashke.

11. Nan isht ahullo okpulo isht a yoshubli a im i sanalit hvsh hikia hinla kv, nan isht il atukkochi Chihowa yvt atahli tok a a moyuma ka hvsh foyukashke.

12. Nipi, micha issish o im i sanalit il itibi keyu, amba miko vhleha, nan vhltoke, hochitoka, yakni ai okhlili ka ilvppa pehlichi vhleha, shilombish okpulo vba itvnowa puta aiena kak oke.

13. Yvmohmi ka nitak ik achukmo ka im ai i sanalit hikia, micha hvsh atahli hayvt, hvsh hikia hinla kv, nan isht il atukkochi Chihowa yvt atahli tok a moyuma ka hvsh il ai eshashke.

14. Yvmohmi ka anumpa ai ahli isht vskofaiyachit nana isht ai vlhpiesa ikkishi alata ho foyukvt,

15. Micha vbanumpa it i nanaiyvchi nan isht im vlhtaiyaha ma hvch iyi isht hoyulo hosh hvsh hikiashke.

16. Nan okpulo yvmma im iti naki ishit hulohushmi puta ka isht hvsh mosholicha hinla kv, moma pahnaka ya teliha pa na yimmi ka mak o hvsh il ai eshashke.

17. Noshkobo isht ompoholmo ai okchaya, micha Shilombish i bvshpo falaia, yvmmvt Chihowa im anumpa mak oka hvsh ieshashke.

18. Shilombish anukfoyuka hosh anumpa ilbvsha puta im anumpohonlit, asihihla hosh achunanchit ahah! ahani, micha vbanumpa yimmi puta ka isht hvsh asihihlashke:

19. Micha vno ma isht hv s anumpohonlashke: yohmi na itih kohchit anumpuli la hi a vma na vbanumpa luma ya tok a anohonli la chi kv, nukwaya ikshot svtih ha wakvmmi lashke.

20. Yvmma pulla ho Uba Miko im anumpeshi talakchi sia hoke: si yvmohmi kia nukwaya ikshot anumpuli la he vlhpesa hokvt, anumpuli la hi a vba isht hv s anumpohonlashke.

21. Amba nana vm a kaniohmi, micha nana isht anta li aiena ka hvsh akostininha chi ak inli kvno, Tikikvs itibapishi a holitopa, micha Chitokaka nan im isht vta ai ahli ak osh nana moma ka hvchim anola chi hoke.

22. Yvmohma chi kak o yvmma hvchi pila li tuk oke; yohmi na nana pim a kaniohmi ka hvsh ithana chi hatuk; mikma hvchi chukvsh a hopohlula chi hoke.

23. Iki Chihowa, micha Chitokaka Chisvs Klaist a minti na yimmi ka isht ai it i hullo, micha it i nanaiya aiena kv itibapishi vhleha ha hvchi anukfoyukashke.

24. Chitokaka Chisvs Klaist i hullo ai ahli moyuma ka nan isht i kana yvt anukfoyukashke. Amen.

HOLISSO PAL VT

CHVCH FILIPPI

A HIKIA HO I HOLISSOCHI TOK.

CHAPTA I.

Filippi chvch hikia ka pit aiokpvchi, 1. 6 Na toksvli achukma isht wakaya tok vt Chihowa hvv isht ai ahlichit im atahla chi ka yimmi. 12 Lom aboha kvllo afoyuka ka nan isht im anukfila he nana hosh akaniohmi tuk a anoli. 22 Klaist pulla kak o okchaya kak okma, keyukmvt illi kak okma nana hi vt im vhltaiahvt anta tok vt anoli.

1. PAL, micha Timohlivs, ita tuklo Chisvs Klaist in tishu hvv vbanumpa yimmi ahli vhleha Chisvs Klaist ibafoyuka Filippi ai asha, bishop puta, micha chvch nan isht im vta puta aiena ka pit aiokpvchi kvv,

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya aiena kvv hvchi anukfoyukashke, hvchim ahnishke.

3. Hvchi anukfilli li aiyuka kvv an Chihowa ya yak oke im aiahnit,

4, 5. Nitak na hvchi yimmi tok vhlit mintit ant himak ak o hvchim ilayak iti hopinhinlvv, vbanumpa isht hvsh apelvchi kak o, anumpa ilbvsha isht hvchi anumpuli li puta kvv chukvsh yukvvv isht hvchi asihihla li bilivshke.

6. Ilvppa fehna ka sai yimmi hatuk osh, Nan toksvli achukma isht a hvchi wakaya kvv, ai ahlichit Chisvs Klaist i nitak a hvch isht ona he, ilvppa fehna ka sai yimmi hatuk oke.

7. Yvmohmit hvsh moma ka ilvppa hvchi anukfilli la he vlhpesa, sa chukvsh isht hvch ithaiyana li hokvt; vbanumpa isht anumpuli li, micha ai ahlichí li hosh sa talakchi aiena ka nan isht i kana hvš svb ai ishi hoka.

8. Chisvs Klaist hiahnit isht i hullo chohmit hvchi sa palata fehna ka, Chihowa yvt atokolit si anoli yoka.

9. Micha ilvppa asihíhla lishke; yvmmvt Chihowa im anumpa ithanvt, hvsh akostininchi puta kak osh hvsh it i hullo kvť, chitot isht i shahlit hvsh mahayashke.

10. Yvmohmi hosh nana kvť it im inla ka imoma ka pisvt, achukmaka vlhpesa ahnit, ai ahli, isht im ai ibetvbla he iksho hosh Klaist i nitak a hvsh onashke.

11. Yvmohmit Chisvs Klaist ak atuk mak o nan ai vlhpiesa isht ai vni isht a hvchi alotowa na, Chihowa yvt isht a holitopvt isht anumpa he yak oke.

12. Yohmi ka itibapishi li vhleha ma! nana vm a kaniohmi tuk a vbanumpa hvť isht i shahlit isht atoba tuk a hvsh ithana he, hvchim ai ahni lishke.

13. Yvmohmi ka Klaist pulla ho sai yuka kvť miko atoni tvshka chipota i holihta, micha kanima moma ka ai otvnishke.

14. Mihma itibapishi li vhleha laua kvť sai yuka kak o Chitokaka anukchieto kvť, isht i shahlit nukwaya keyu fehnt, nukshopa mvt iksho hosh vbanumpa ha isht anumpohonlishke.

15. Kanimi kvť isht a potvno, micha nan isht an chowa aiena ka bvna hosh Klaist a isht anumpulikma; anonti kanimi kvto a kana he ahni hosh yohmi hoke.

16. Achvfa kvť nan isht an chowa kak o ahni hosh Klaist a isht anumpulit, chukvsh ahli keyu hosh, sai yuka ka ai vbechit svlvshali bvna hosh:

17. Amba achvfa kvto holitobli hosh, vbanumpa afvt isht anumpuli la he si vlhtoka tuk a ithana hatuk osh, yohmi hoke.

18. Yohmi kvno ik kaniohmi hoh kia peh ilahobi hokmá ahli hokmá, nana kia Klaist vt isht anumpa hoke; yohmi na yvma a sai yukpa ahli hosh, a sai yuhukpa chí hoke.

19. Anumpa ilbrsha isht hrs si anumpohonli; micha Chisvs Klaist imi Shilombish vt si apelahanchi aiena, ilvp-pak osh isht si okchaya hi a ithana li hokvt,

20. Yvmmak a he ahni li fehna kv, nana kia isht sa hofahya he keyu, amba nukwaya iksho kvmohmit ai yvmohmi chatuk vt, a moyuma chi ho si okchaya hokma, svlli hokma, nana kia Klaist vt sa haknip a isht a holitopa hi a ahni li hoke.

21. Uno yak okvto si okchaya kv Klaist ak okmvt, anonti svlli hoh kia nan isht vm ai achukma hoke.

22. Yohmi kia haknip ak o ai anta li hokmvt, a toksvli li nan ai vni kv ilvppak oke; yohmi kia kanimampo ahni la hinla kv ak ithanoshke.

23. Yakni issvt ia lish, Klaist a ont ai ibachvfa li, yvmmak ok mak o i shahli fehna hoka sa bvna hatuk osh, nan a mia tuklo isht a svb bikeli hoka:

24. Yohmi kia haknip ai anta li kak o achukma kv isht hvchim i shahli hoke.

25. Micha ilvppa sai yimmi ahli hatuk osh, nana a hvchi yimmi kv i shahli a hvchi yukpa kv isht i shahla hi ak o hvsh moyuma ka hvchi takla ahanta la chi kv, ithana lishke.

26. Yohmi ka vno pulla, micha hvchim ona li kak o Chisvs Klaist a isht hvsh il ai yukpa kv i shahla he ak oke.

27. Nana hvsh a kanihmi kv Klaist im anumpa ak o isht ai vhpesa kak banashke: yohmi na onvt hvchi pesa li hokma, keyukmvt kanima aya li ik saksho hokma nana kia na hvchim a kanihmi puta yvmvt shilombish achvfa, im anukfila achvfa hosh vbanumpa ai yimmi ka hvsh it iba fohvt kvllot hvsh hiel ho hahaklo lashke.

28. Micha nana hoh kia hvchim i sanali puta ka ik hvchi nukhlakancho kashke: yohmikmvno yvmmak okvto ai okpuloa hi yosh isht ai im atokowa, amba hvchishno ano isht ai okchaya he Chihowa a minti mak osh isht hvchim atokowa hoke.

29. Hvchishno vto Klaist pulla kak o yvma hvsh i

yimmi kak bano keyu, amba yumma pulla kak o nan isht hvsh im ilbvsha he hvchim vlhpisa hoka :

30. Yohmi kv̄t anumpulit it̄i kahanlot isht sv̄lvsha yvmma hv̄s sa p̄isa tok, anonti himak a si onvtuyula ka hv̄s sa hahaklo ka yvmmak inli hosh hv̄chi onvtuyula hoke.

CHAPTA II.

Klaist a iakaivt im anukfila iti bai achv̄vt il akanlosichi banot aish̄a hi a i miha, 1 ; 12 ilap nan isht aiokchaya a toksahanlit p̄ula h̄o chohmit yakni a im a tohwikela hi a im achi.

1. YOHMI ka Klaist atuk pulla mak o ahopohla yvt āsha hokma, i hullo kv̄t a nuktanla yvt āsha hokma, Shilombish ai itiba chv̄fa yvt āsha hokma, chukv̄sh isht i nukhaklot hi ahni yvt āsha hokma,

2. Hv̄chim anukfila hv̄t itilaut nana a miha chv̄fa holitoblit, chukv̄sh achv̄fa cha, hv̄chim anukfila ai achv̄fa hosh nan a sai yukpa ya isht hv̄s svm alotolashke.

3. Anumpa isht itachowa shahli, keyukmvt ilefehnv̄chi nanasi kv̄t ik vlhtaho kashke ; amba chukv̄sh akanlosi hosh moyuma kv̄t inla yvt achukma kv̄t ilap a i shahli h̄o anukfillashke.

4. Hatak moma kv̄t ilap immi kak o bano keyu, amba hatak moma kv̄t inla immi ak kia anukfillashke.

5. Klaist Chisvs anukfoyuka tok akinli nan anukfila ilvp̄vt hv̄chi anukfoyakashke.

6. Yvm̄mvt Chihowa hoyulba yatuk osh, Chihowa ya ile itilauechi kv̄t na wehpuli ya he ahni tok keyu.

7. Yohmi kv̄t il a kohchichit yuka ohmi h̄o il aieshit hatak chohmi hosh toba tok oke.

8. Micha hatak ohmi hosh haiaka mvt, il akanlosechit im antia kv̄t, ititaiyukhv̄na a takalit illi yoh kia isht illi kak atok.

9. Yvmohmi hatuk o Chihowa hv̄t holitoblich̄i fehna mvt, hochifo kv̄t na hohchifo inla moma ka i shahli h̄o ima tok oke :

10. Yvmohmi ka Chisvs hohchifo ha v̄ba yakni aisha,

micha yakni paknaka aiasha, micha yakni nutaka aiasha puta kvt i hvchukbihlepa he ;

11. Michā hatak isunlvsh puta kvt Iki Chihowa yvt isht a holitopa he mak o, Chisvs Klaist vt Chitokaka ya he, achit anohonlashke.

12. Yvmohmi ka a holitopa vhleha ma! hvs svm antia chatuk vt hvchi takla anta li kak bano keyu, amba himonasi yokak heno ik saksho ka i shahlichit hvs svm antia kvt, nukshumpvt wvnihinchi hosh hvchishno inli aiokchaya ya hvsh atahlashke.

13. Chihowa ak osh ilap nan isht im vlvhesa hosh ai ahni kak o ahnit, hvsh yvmihcha chi ka hvchi a toksahanli hoke.

14. Nana moma ka ik ahninchot na miha keyu, micha anumpa ita chowa mvt iksho ho hvsh yvmihchashke.

15. Anumpa nana kia hvchi onvtonla keyu, nan okpvni keyu, na liteha lapanli keyu hosh okla shana Iowa, micha nan ai ashvchi ai ititakla yo yvmma i pela tohwikeli chohmit yakni paknaka ya hvsh ai ashvshke.

16. Michā anumpa okchaya ya hvsh otvninchi na Klaist i nitak a pilla ho chahafa li tok keyu, micha pilla ho toksvli li keyu kvt sai yukpashke.

17. Ahli, na hvchi yimmit vba isht hvsh il ai okpvchi, micha nan isht hvsh ai ahanta aiena ont aiahla chi kak o, il imi kanchi li hokmvt, sai yukpvt hvsh moma ka hvch iba yukpa li hoke.

18. Yvmmak inli kak o yukpvt hvs svbai yukpa mak inlishke.

19. Yohmi kia chekikma Timohlivs a hvchi pila la chi, yvmohmi hosh hvchi a kaniohmi ka akostininchi lish, sai yukpa chi kvt, ahnit Chitokaka Chisvs a anukchieto lishke.

20. Nana a hvchi a kaniohmi ka anukfihinli fehna kvt hatak inla im anukfila yvmmak inli ohmi ho ik svm iksho hokvt.

21. Moma kvt ilap immi ak o hoyo mvt, nana kvt Chisvs Klaist immi hokvno ik hoyo hokvt.

22. Amba yvmma imomaka pisa tuk a hvsh ithana ;

yummak okvt ushi yosh iki iba toksvli chohmit vbanumpa isht svb a toksahanli tuk oke.

23. Yvmohmi ka yummak o chekosikma sa kaniohma chi ka pisa likmvt, pila la chi ahni lishke.

24. Yohmi kv̄t vno yak kia chekosikma ona la chi, ahnit Chitokaka ya anukchieto lishke.

25. Yohmi ak inli kia Epafiotitvs, itibapishi li, itiba toksvli li, micha tvshka chipota sv bika, micha hvchim anumpa shahli, micha nana a sa bvnna tuk a isht vm anta chatuk, yummak o hvchi pila la he vlhpesa ahni li tuk oke.

26. Hvchi palata fehnvt, ilap vt abeka tuk a hvsh haklo tuk ak o nan a nukhaklo kv̄t chukvsh a alota fehna tok.

27. Abeka ho mvhlit illi naha fehna tuk, yohmi kia Chihowa hv̄t i nukhaklo tuk: yohmi kv̄t yummak bano keyu, amba vno ma a nukhaklo tuk: yummak keyukma svlvvsha kv̄t it vlbehkvcha he atuk oke.

28. Yvmohmi kak o ahni fehnvt hvchi pila li tuk oke; yohmi na anonti hvchi pisa likmvt, hvchi yukpakma, vno vt a nukhaklo kv̄t ik lauwo ka he ak atuk oke.

29 Yvmohmi hoka Chitokaka ibafoyuka ka chohmichit chukvsh yukpa biekvt hvsh aiokpvchashke; mikmvt yvmma chohmi kash hvsh holitohomblashke:

30. Klaist ak o in toksvli pulla kak osh ilap im ilhfiopak a na fehna ik ahno hosh, illi naha fehna kv̄t, isht hvs si apelacha he tuk ik ono ka vm atahla chi kak atuk oke.

CHAPTA III.

Nan i hullo cha, nan av̄chi ik ahlo yokvno ahah! im ahna hi a i miha, 1; 8 Klaist pulla ha tuk mak o nan okluha ka ik ahobo ahna he: 18 haknip imma nan ahni ho iakaiya yokvno i filvmma he nan i miha.

1. ISHTAIYOPI ka itibapishi li vhleha ma! Chitokaka ya hvsh ai yukpashke. Nana kv̄t mihi yo ash inli ho hvchi holissochi li kv̄t, vm ahchiba keyu mvhli, amba hvchishno yak osh isht hvchi a hlampka chi kak oke.

2. Ofi ya ahah! hvsh im ahnashke, nan ik vlhpeso yv-

mohmi ya ahah! hvsh im ahnashke, tvblit kanchi ya ahah! hvsh im ahnashke.

3. Pishno ak okvto hakshup tupa shilombish anukfoyu-kvt Chihowa holitoblichy, micha Chisvs Klaist ai yukpa pia, yohmi kvt haknip a ai anukchieto keyu pia hoke.

4. Uno ak kia haknip a ai anukchieto la hinla tuk ak inli hoke. Kvna kia haknip a ai anukchieta hinla kvt ishi ka ahnikma, vno vt i shahli li hoke.

5. Nitak ont isht untuchina ma hakshup sa tupa tok, Is-lael isht ai unchululi, Benchamin apelhichi, Heblu ai ahli sia hoke: vba nan vllhpisa yak okmvno Falisi yo sia hoke.

6. Amosholi hosh chvch a i palvmmichit, vba nan vllhpisa isht ai vllhpiesa yvmmak okmvno anumpa nana kia si onv-tula he keyu ki tok.

7. Yohmi tok kia nana isht ahayuchi li yatuk vt, yvmmvt Klaist pulla kak o a kvnia, ahni li tuk oke.

8. Ahli mvhlshke, yohmi kvt Klaist Chisvs an Chitokaka ithana achukma fehna kak o nana puta kvt peh ik ahobo ahni lishke; yvmma pulla kak o nana puta kvt isht a kvnia, mikmvt yvmmak ash o chopilhkvsh a chohmichi li, yvmoh-mit Klaist a asitvbi li,

9. Mikmvt yvmma ibafoyuka la he, micha vno ak inli kvt vba nan vllhpisa yvmmak o isht ai vllhpiesvt il ai eshi li keyu, amba yvmmvt Klaist a i yimmi kvt nan ai vllhpiesa na yim-mi pulla kak o Chihowa a minti yak oke:

10. Yvmohmi ka Klaist, micha yvmmvt illit tani tok nan isht im ai ahli, micha yvmmvt ai ilbvsha tok a iba takla kvt kaniohmi aiena ka ithana lish, yvmmvt illi tok a hoyulba la chi kak a hetuk oke.

11. Ik kaniohmi kia illit tani ka ona li yoba na, ahni li hatuk osh.

12. Himak okvno ona li mashko ahni li keyu, micha hi-mak ak kia ai ahlit sa taha ahni li keyu; amba achunanchit iakaiya li, yvmohmi hosh yvmmak a he ak o Klaist Chisvs vt si atokoli tok yvmmak ash ieshi la he ak atuk oke.

13. Itibapishi li vhleha ma! ont ishi li tuk il ahni li ke-yu hoke; yohmi kia nana achvfa ilvppak o yohmi li, nana

puta olbvl ai asha ka vmi haksi cha, nan tikba asha kak o
svbbak a pit wielit,

14. Achunanchit ai vlbi ya mahaya li, nan vlbi yummvt
Klaist Chisvs pulla kak o Chihowa yvt vba et a hohoyo kak
oke.

15. Yohmi ka ai ahli aiyuka pia hokvto, yakohmit pim
anukfilashke; yohmi ka nana ka kanihmit hvchim anukfila
kvt inla tuk okma, Chihowa yvt ilvppak oh kia hvchim otv-
ninha chi koke.

16. Yohmi kia iloh ai ona mashko hatuk okvto, yummak
ash inli ho kiloh ai itvnova cha, nana yummak ash inli ho
iloh anukfihinlashke.

17. Itibapishi li vhleha ma! it apehvt na sa hobachi hvsh
tobashke, micha pishno a hobachi hvsh ahni kvt yakohmit
aya vhleha ha hvsh holitoblashke.

18. Lauvt aya kvt yvmma himonna hvchim anohonli li
chatuk osh, anonti himak a nishkin okchi mihinti hosh, yv-
mvt Klaist im ititaiyukhvna in tenvp vhleha hoka, hvchim
anoli lishke.

19. Yvmma ont im ishtayopi kvt aiokpuloka he, yvmma i
shahli yvt ilap takoba ak inli, micha nan isht hofahya isht
ile holitobli, yummvt yakni paknaka nana a halaia kak o asi-
tia yoke.

20. Uba yakni okla ai achvfa pia hoka; yummak o a minta
hi o pi Okchalinski Chitokaka Chisvs Klaist a e hohoyo hoke.

21. Yummvt imi hlampko ho isht yvmihchit nana puta
ka imaiyachit il aiesha hinla hokvt, ilap haknip holitopa ya
hoyulba chi ka yummak ash ot pi haknip akanlosi ya inv-
cha hi oke.

CHAPTER IV.

Chitokaka ya a kvllo fehnvt itanowa he i miha, 1; 4 vbanumpuli
ahli mak osh aiasha he im apesa; 10 ilap a i kana tuk a na yuk-
pvt yak oke pit im ai ahni fehna.

1. YUMOHMI ka itibapishi li a holitopa, micha i palata
li, isht sai yukpa, micha isht sa holitopa hvchia ma! kvllot

hikiŕt Chitokaka ya hvsh ibai achvfashke, holitopa fehna vhleha ma!

2. Yuotias a ilbvshvt im asilhha li, micha Sintichi ma ilbvshvt im asilhha li ka, yvmmt im anukfila it ibai achvfa hosh Chitokaka ya ibafoyukashke.

3. Mikmt chishno itiba toksvli li ahli ak kia chim asilhha lishke, ohoyo yvmmt vbanumpa ha isht svba toksvli tuk, micha Klement, micha svba toksvli vhleha inla aiena, yvma hohchifo hv holiſso okchaya a takali ka, ish apelahanchashke.

4. Chitokaka ya hvsh ai yukpa na biliashke; micha anonti, Na hvchi yukpashke, achi lishke.

5. Nana ka isht hvsh il oktampli yvt hatak moma ka im otaiyanashke. Chitokaka yvt vla hosi hoke.

6. Nana kia isht ik hvchi ataklaiyamo kashke; amba nana puta ka anumpa ilbvsha anumpulit asihihlv aiokpahanchi hosh nana a hvchi bvna kv Chihowa ya im annohowashke.

7. Micha Chihowa im isht it i nanaiya, yvmmt im anukfila moma i shahli yvt hvchi chukvsh, micha hvchim anukfila aiena ka Klaist Chisvs pulla hatuk mak o atohona chi hoke.

8. Ishtaiyopi ka itibapishi li vhleha ma! nana hosh ahlikma, nana hosh holitopakma, nana hosh ai vhpiesakma, nana hosh kashofakma, nana hosh aioklikma, nana hosh annoa achukmakma, nan ai vhpesa inla yvt ashakma, anonti aiokpancha he vhpesa kv ashakma, ilvppa puta kash hvsh anukfihinlashke.

9. Nana puta yvma hvs svm ai ithvna, micha hvsh ishi, micha hvsh haklo, micha hvs si a pisa aiena tuk vt hvsh yvmohmashke; yohmikma Chihowa im isht it i nanaiya yvt hvch ibafoyuka chi hoke.

10. Yohmi kia himak ano polaka hvs si anukfilli tuk vt anonti okcha i shahli ka Chitokaka ya isht a sai yukpa fehnvshke; yvmmak a hi o isht hvs si anukfilli tuk kia, hvsh ai yvmihcha hinla kak osh ik hvchim iksho ki tok oke.

11. Nana kv ik svm ono kak osh ilvppa achi li ho keyu: kaniohmi ho a hikia li hoh kia, yvmmak oka si a nuktaiyala he vt ithvnt tahli li tuk okvt.

12. Kaniohmit nana ka ik svm iksho hosh aya li kvt ithana li, micha kaniohmit nana an laua hosh aya li kvt ithana li hoke; kanima moma, micha nana puta ka sa kaiya, micha sa hohchvfo, micha nan an laua, micha nana ik svm ono aiena hosh aya li kvt ithana li hoke.

13. Klaist pulla hosh sa hlampkohonchi kak o, nana moma ka yvmihchi la hinla hoke.

14. Yohmi ak inli kia ai vllhpiesa ho yvmohmit nana vm a palvmmi ka hvs svb anukhaklot hvs si apela tok oke.

15. Yvmohmi ka Filippian vhleha hvchia ma! vbanumpa hvt anumpa vmmona ka Masetonia ya akohchvt ia li ma, chvch nana kia nana isht apela he vma na ishi la hetuk ash imma ka yvmohmi keyu ma, amba hvchishno ak illa tuk vt hvsh ithaiyanashke.

16. Hlessalonika ya anta li ma, himonna ka pit hvs sa pila tuk osh, anonti nana ka a sa bvna tuk a pit hvs sa pila tuk oke.

17. Na hvlbina sa bvna kak o keyu; amba nana achukma hvsh yvmohmi tuk isht ai vni kvt hvchin laua he kak o ahni lishke.

18. Yohmi kia nana moma ka ishi lish, nan an laua hoke; si alotowa hoke, Epafloitus ibbak fohkit nana balama vba nan isht aiokpvchi Chihowa hvt vllhpesa ahni ya et hvs sa pila tuk a, vm vla tuk oke.

19. Yohmi ka an Chihowa holitopa fehna kvt Chisvs Klaist pulla kak o nana a hvchi bvna moma ka hvchim atahla hi oke.

20. Yohmi ka Chihowa, micha Piki yak osh holitopa na bilirt biliashke. Amen.

21. Vbanumpa yimmi Klaist Chisvs ibai achvfa vhleha ha hvsh aiokpvchashke. Itibapishi li vhleha hvt si apihvt maya kvt hvchi aiokpvchishke.

22. Vbanumpa yimmi moma kvt pit hvchi aiokpvchi; mihma Sesa in chuka chvfa yokak heto pit hvchi aiokpvchi fehnvshke.

23. Pin Chitokaka Chisvs Klaist isht i kana yvt hvsh moyuma ka hvchi anukfoyakashke. Amen.

HOLISSO PAL UT

CHUCH KOLOSSI

A HIKIA HO I HOLISSOCHI TOK.

CHAPTA I.

Na yimmi ahlit maya pulla kak o Chihowa ya ai okpahanchi, 1 : 9 nan isht i kana anukfohkvt i shahlit mahaya he isht anumpohonli ; 14 Klaist holitopa he isht anumpuli ; 21 mihmvt nana ka Klaist vt im ataiyahli tok a im anoli.

1. PAL, Chihowa nan ai ahni hatuk pulla mak o Chisvs Klaist im apostel sia, micha Timohlivs pitibapishi ita tuklo kvt,

2. Ubanumpa yimmi ahli vhleha, il itibapishi ahli Klaist a ibafoyuka Kolossi ai asha ka pit aiokpvchi kvt, Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo mak osh hvchi anukfoyukashke, hvchim ahnishke.

3. Chihowa, micha pin Chitokaka Chisvs Klaist Iki ya yak oke, im ahnit, vba isht e hvchi anumpohonli na bilia hoke ;

4. Yohmi kvt Klaist Chisvs a hvsh i yimmi, micha vbanumpa yimmi vhleha ha hvsh i hullo ka e haklo ha yokvt,

5. Ai okchaya bilia hvsh isha he vba hvch in tuyula pulla kak o e yohmishke ; yvmmak oka vbanumpa ahli isht ai anumpa ho tikba kash hvsh haiyaklo tuk vt ;

6. Mihi yosh hvchim vla tuk ak inli chohmit, yakni mo-ma ka im aya cha, nan vnit waya kvt, nana ka hvsh haiya-

klot, Chihowa nan isht i kana ahli hvsh ithaiyana nitak atuk taiyakla kvt, nan vnit hvsh waya kak inli ho chohmi hoke.

7. Yvmmak ash inli ho Epaflas, tishu pi bika pi holitopa ya hvsh im ai ithvna tuk; yvmmak okvt Klaist im vbanum-pa isht vtta hvchim ahli mak oke:

8. Yvmmak inli kak osh Shilombish a ibai achvft hvsh it i hullo ka pim anoli tok.

9. Yakohmi kak o nitak ymma fehna ka e haiyaklo tuk taiyakla kvt, anumpa ilbrsha isht e hvchi anumpohonli kvt il issa keyu, mihmvt hvchi hopoyuksa bieka, micha shilombish im ahalaia ka ithvnt, Chihowa nan ai ahni ka hvsh ithana ka isht hvchi alotowa he ak o, il ai ahni hoke:

10. Micha nan toksvli achukma puta ka isht ai vni, micha Chihowa nan isht im ithana ya isht i shahlit isht ia hosh, Chitokaka ya ai im vlhpiesvt nana moma ka isht yukpali cha;

11. Chihowa imi hlampko holitopa isht hlampko fehna hosh, nukhintot achunanchit, nan ilbrsha yvt onvtuyula kia nuktaiyalvt vlhpesa ahnit yukpa banot;

12. Ubanumpa yimmi yvt vba atohwikeli ai isha he vlhpesa hosh ai asha ka ai il iba takla hi a pi ai atahli tok, Piki ymma yak oke hvsh im ai ahna he ak o, il ai ahni hoke;

13. Yvmmak okvt aiokhlili ka isht im ai ahli ya a pi a hlakofichi mvt, anonti kanvllichit ilap Ushi holitopa im apelihika ya pisht ona tuk oke;

14. Yvmmak o im issish isht vlbi ai okchaya, nan ai ashvchi isht kashofa mak o il eshi hoke:

15. Yvmmt Chihowa ya pisa he keyu ka hoyulba kvt, nana toba tok puta ka Uttahpi yoke.

16. Yvmmak atuk mak o nana moma toba kvt nana vba aiasha, micha yakni paknaka ai asha, nana ka pisa he, micha nana ka ik peso ka he, miko yohmá, nan i shahli yokmá, hochitoka yokmá, nan vlhtoka yokmá, aiena mikmvt nana moma kvt yvmmak atuk mak o toba kvt, yvmmak ash o in toba tok.

17. Yohmi ka yvmmak ash osh nana moma ka in tikba yoke, mihma yvmmak o nana moma kvt a takala he atok vt ont ai yvmohmit isht ai it im vlhpesa hoke.

18. Yohmi ka yummak osh chvch haknip a i noshkobo yoke: yummvt nana moma ka ai in tikvt holitopa cha, ai isht ia vmmona illi tuk osh falamvt tani vhleha ha im Ut-tahpi yoke.

19. Iki vt vlhpesa ahni kvt, yummak ash o nan isht ai vlhtaha yvt afoyuka he, ahni tok:

20. Yohmi kvt ititaiyukhvna issish a hlatapa tok pulla ho it i nanaiyvichi ikbi cha, yummak pulla ho nana moma ka isht il ai i kanvcha hi vt ahni tok; yummak pulla ho nana yakni ai asha yokma, nana vba yakni aiasha yokma, nana kvt yvmohmi hoke.

21. Yohmi ka hvchishno vt tikba kamo ik ahalaio yosh nana ashvchi toksvlit hvchim anukfila isht in tanampi atuk kia, himak ano hvch il i kanvchi tuk oke,

22. Ilap haknip nipi illi kak o himak ano hvch il i kanvchi tuk; yvmohmi hosh nan ai ashvchi iksho, micha liteha a lapali iksho, micha anumpa nana kia hvchi onvtula he keyu ho ilap a itikba ya hvchi hilecha hi atok:

23. Nan ai yimmika ya a kvllot nan anukfilli fitikvchi iksho, micha nana ka yohma he ahni, vbanumpa a takali yumma hvsh haiyaklo ma, yummak ash ot okla moma shutik nuta aiasha ka im anuhumpa tuk a hvch ik i filvmmo ka chi mak o, Pal sia hvt vbanumpa isht vtta toba li tuk osh;

24. Himak a hvchishno pulla kak o, nan isht a palvmmi puta kvt sai yukpa hoke; micha Klaist ai ilbvsha tok a sa haknip isht svlvsha kvt ik ono kisha ka, haknip yummvt chvch pulla kak oka, isht alotolit isht mahaya li hoke.

25. Hvchishno pulla ho Chihowa hvt nana ai ahnit vm apesa kvt, Chihowa im anumpa mominchit isht anumpuli la he ak o vbanumpa isht vtta si atokli tok.

26. Anumpa yummvt nitak bilia kash, micha hatak chash-po asha ka in luma hatok kia, himak ano vbanumpa yimmi puta ka im otvni yak oke.

27. Yummak ash o Chihowa hvt anumpa luma hatok ilvppak ash isht a holitopa chinto kvt Chentail ai itintakla otvni kvt kaniohmi ka im otvnincha he ai ahni tok; yummvt Klaist hvchi anukfoyuka a holitopa isha he isht ai ahni yoke.

28. Yvmma isht il anumpohonlit e hopoyuksa biekvt, hatak moma kv̄t ahah! ahna hi a il im ahanchi mvt, hatak moma ka il im abahanchi hoke; yvmohmi hosh Chisvs Klaist pulla hatuk mak o hatak moma ka ai ahlichit e hilecha chi hatuk.

29. Yvmmak a chi mak osh vno ak kia imi hlampko isht sa hlampkohonchi fehna kak o amosholit toksahanli li hoke.

CHAPTA II.

Ai vlhpiesa banot chvch a ai asha he i miha, 1: 8 hatak nan im anuk-fila, micha nana kv̄t Klaist a isht a hvch a filvmmicha hi okvno hvsh i filvmma he anoli.

1. HUCHISHNO, micha Laotisea ai asha, micha laua kv̄t kaniohmi hosh sa nashuka ya ik peso kisha puta ka anukfihinlit, isht svlvvsha fehna ka hvsh ithaiyana hi a hvchim ahni lishke:

2. Yvmohmi ho chukvsh vt it i hullot itrshekonompa hosh chukvsh vt hopohghlashke: yvmohmi hosh ai yimmi ahli isht ai yukpa chinto ka ai ahlit ithana he, yohmi hosh Chihowa yvmmvt Iki, micha Klaist isht anumpa luma hatok ma otvnihincha he ak atok;

3. Klaist ak o na hopoyuksa, micha nan ithana ita tuklo im isht ilaiyukpa moma kv̄t a luma hoke.

4. Micha hatak nana kia anumpa isht yimmichi isht hvchi haksicha hinla kak o ilvppa achi lishke.

5. Haknip okvno isht ik saksho kia, shilombish okvno isht hvch ibafoyukvt ai vlhpiesa hvsh yvmohmi, micha Klaist a i yimmi ka a kvllot hvsh hieli ka hvchi pihisa li kv̄t sai yukpa hoke.

6. Yvmohmi ka Klaist Chisvs Chitokaka ya hvsh i yimmi hatuk okvt, yvmohmit hvsh iba nohowashke:

7. Micha hakshish atobvt kvllot ontalaivt a hvchim ai vlhvchi tok mak o, ai yimmika a kvllot im ai vlhtaha fehnt, yak oke hvsh ai ahnashke.

8. Ahah! hvsh ahnashke, keyukma hatak nana kia hatak

im anumpa chashpo isht auehinchi iakaiya, micha yakni nan ai ithvna isht ia vmmona iakaiya cha, Klaist a ik iakaiyo yvt anumpa inla, micha anumpa isht haksichi aiena ka isht hvchi okpvnichi ná.

9. Klaist ak osh Chihowa yvt akaniohmi ka isht alotowa kvt:

10. Hochitoka, micha nan vlhtoka puta i noshkoboka yvmmak o isht hvchim ai vlhtaha hoke:

11. Yvmmak pulla ho hvchishno ak kia ibbak o hakshup isht tupa keyu ho hakshup isht hvchin tupa tok: yvmohmi hosh Klaist hakshup tupa pulla ho haknip nan isht ashvchi yash naksika hvsh bohli tuk oke:

12. Na baptismo ho hvsh iba hollopi tuk, Chihowa yvt toksvlit yvmmt illi tuk a falaminchit tanichi tok ak o, hvchi yimmi hosh yvmmak ash awant hvsh tani hoke.

13. Yohmi kvt hvchishno vt nana hvsh ai ashvchi isht illi, micha hvchi haknip hakshup ik tapo atuk a nana hvsh ai ashvchi puta ka hvchi kashofi cha, yvmmak ash iba taklvchit hvchi okchalnichi tuk oke:

14. Nan isht vlhpisa ibbak isht holisso a kashofi tok, yvmmt pi sanali, micha pim ai vlhpiesa keyu hosh pi ai ititakla hikia tok a ishit kanchit, im ititaiyukhvna ya ahonvhluchi tok oke:

15. Yvmma pulla ho hochitoka, micha isht im ai ahli puta aiena ka wehpulit, haiakvchit pisachit isht ai yukpa tok.

16. Yvmohmi hoka hatak nana kia impa ak ok má, nan ishko ak okmá, impa holitopa nitak ak okmá, hvshi talali ak okmá, nitak hvlo puta ak okmá, nana kia nan isht apesvt ik hvchi onochi kashke.

17. Yvmmt nana kvt vla he isht vlhpisa yoke: amba haknip okvto Klaist ak oke.

18. Hatak nana kia ilap ahnit il akanlosechit, enchil vhleha ha aiokpvchit nana pisa chatuk keyu kvt, afvnalit haknip im anukfila isht ilefehnvchi, yvmohmit noshkoboka ya halvlli keyu kvt, na hvsh asitvba he tuk a, ik hvchim esho kashke.

19. Yvmmak o haknip moma itachakli, micha hakshish

aiena kv̄t isht ai iti talakchit isht hlampkot, Chihowa hv̄t ahni hō tobt̄ ia hoke.

20. Yohmi ka yakni ai ithvna isht ia v̄mmona ai i filv̄mit, Klaist a hv̄sh ibai illi tok okmvt, nanta katihmi hō yakni hv̄sh ibafoyuka chohmit, nan isht vl̄hpisa hatak vt ap̄sv̄t ithvn̄anchi ka hv̄sh i nutaka chō?

21, 22. Ilv̄ppa chohmi ka, Ish potoli ná; v̄pvt ish pisa ná; ish pv̄shohli ná, moma kv̄t ieshi kv̄t okpula he bieka hoka.

23. Nana yv̄mma puta hokvt hopoyuksa ahoba ho mv̄hli, ilap ahnit v̄ba aiokpv̄chit il akanlosechit hahnip a ilbv̄shali; yohmi kia holitoblich̄i keyu, peh haknip ak o im achukmali hoke.

CHAPTER III.

Pim anukfila nan isht hih il ahni a kanima yō il a bohla hi a pim anoli, 1; 5 na liteha isht im anukfila puta ka illich̄a he vl̄hpesa ka i miha; 9 nan aghli anumpuli; 12 i kanvt nan iti nanaiyachi; 14 v̄ba isht talohv̄t isht i shahlit hv̄sh iti hlampkochashke; 18 hatak im ohoyo; 10 hatak ohoyo im āsha; 20 v̄lla, 21 iki 22, yuka aiena kv̄t nan a kaniohma hi vl̄hpesa ka isht anumpuli.

1. YOHMI ka Klaist a hv̄sh iba tani tuk okmvt, Klaist vt a binili v̄ba Chihowa ibbak isht impakimma nana ai asha kak o hv̄sh hohoyashke.

2. Hv̄chim anukfila hā nana kv̄t v̄ba ai asha kak o hv̄sh onochi cha, nana kv̄t yakni paknaka ai asha kak o keyu kashke,

3. Hv̄ch illi; yohmi hosh hv̄chi okchaya yvt Klaist a iba lumvt Chihowa yā ibafoyuka hoke.

4. Klaist yv̄mmvt il ai okchaya yosh haiaka, yohmikma hv̄chishno ak kia a holitopa hosh yv̄mmak ash awant hv̄sh haiaka hi oke.

5. Yvmohmi ka hv̄chim i nana kv̄t yakni ai asha ka hv̄sh illihinch̄i; haui toba, chukv̄sh liteha, anushkunna atampa, haknip nan ahni okpulo, nana ahayuchi bv̄nna atampa, yv̄mmvt na holvt toba aiokpv̄chi yoke.

6. Na yakohmi pulla kak o Chihowa nan isht i nukkilli vt nan ik im antio hatak puta ka onvtuyula hoke:

7. Yvmma chohmi ka hvchishno ak kia chashpo ma hvsh ibafoyuka kvv hvsh ai itvnowa tok.

8. Yohmi tuk kia himak okvno hvchishno vt nokowa, nukhobela, i nukkilli, ik ahobalot anumpuli, anumpa isht hofahya, hvch itih ha akocha ilvppa moma kak kia hvsh kanchashke.

9. Hvsh it i holabi na, hatak sipokni ya shuffit nana a kaniohmi chatuk puta ka hvsh kanchi cha;

10. Hatak himona yo isht hvsh foyuka tuk okvt, yvmmak okvt nan ithana ka isht a himonvt, Ikbi tok a hoyulba hosh himonvt toba tok:

11. Yvmmak oka Klik, micha Chu yo keyu, hakshup tupa, micha hakshup ik tapo yo keyu, Bulbaha, micha okla nukshopa yo keyu, yuka, micha ik yuko yo keyu, amba Klaist vto nana moma ka im i shahli, micha moma ka ibafoyuka hoke.

12. Yvmohmi hoka Chihowa im vlhtoka nan ashvchi iksho, holitopa hvchia hokvt hiahni, i kana, anukfila akanlosi, chukvsh yohbi, anukhobela svlahvt nuktaiyala aiena kak o hvsh foyukashke.

13. Hatak kvna kia isht itachowa im ashakmvt, itin lumvt hvsh it i kashofashke; Klaist vt hvchi kashofi tok oka, yvmmak inli ho chohmit hvsh yvmohmashke.

14. Micha ilvppa moma paknakachi kvv nan isht i hullo, yvmmak osh ai vlhtaha ai ahli ka isht iti talakchi yoka, isht hvsh foyukashke.

15. Micha it i nanaiyvchi Chihowa a minti vt hvchi chukvsh a foyukvt nana hvchim apesashke, yvmmak a he ak o haknip achvfa hvsh toba chi hosh hvchi vlhtoka tok oke: micha yak oke, hvsh ahnashke.

16. Klaist im anumpa hvv a chitot hvchi foyuka na isht a hvchi hopoyuksashke; vba isht taloa, micha shilombish imma isht taloa aiena ka isht it im avvchit, isht it i nukfohkit, nana aiokpahancha he hvchi chukvsh a foyukvt Chitokaka ya hvsh in talohvashke.

17. Micha anumpa hokmá, na kaniohmi hokmá, nana hoh kia hvsh yvmohmikmut, Chitokaka Chisvs hochihifot yvm-mak atuk mak o Iki Chihowa ya yak oke im ai ahnit, mominchit hvsh yvmihinchashke.

18. Tekchi vhleha ma! Chitokaka im ai vlhpiesa mak o hvchi hatak a hvsh im ile nutakvchashke.

19. I hatak vhleha ma! hvchi tekchi a hvsh i hullashke; yohmi kvv chukvsh homit hvch ik i kvllo kashke.

20. Ulla vhleha ma! nana moma ka hvch iki, micha hvch ishki ita tuklo ka, hvsh im antiashke; ilvppak osh Chitokaka ya im ai achukma ahli yoka.

21. Iki vhleha ma! hvchim vlla vhleha ha hvsh nokowvchi ná; yohmikma im ai ahli la he keyu ahnit, chukvsh iella hinla yoba ká.

22. Yuka vhleha ma! hvchi haknip i nahullo vhleha ha nana puta ka hvsh im antiashke; nishkin pisa toksvli hatak ak o yukpali chohmi keyu, chukvsh achvfa ai apissali hosh Chihowa ya hvsh i nukshoyupashke.

23. Yohmi kvv nan toksvli nana ho hvsh yvmihchikmut, chukvsh ai ahlit Chitokaka pulla, micha hatak keyu ho hvsh i yvmihchashke.

24. Chitokaka yak o ai isha he ai vlhpesa isht hvchim vlhtoba he vt hvsh ithaiyanashke: Chitokaka Klaist ak o hvsh in toksahanli hokvt.

25. Amba kvna hosh nan ik vlhpeso yohmikmut, nan ik vlhpeso yohmi tuk ak osh isht im vlhpisa hi oke: iti shah-sholichit kvna kia im anukfilli kvv iksho hoka.

CHAPTA IV.

Nan i shahli vt nana a kaniohma he vlhpesa ka achi, 1. 2 Vba a sihihla bilia he im achi; 5 hvch ik ibafoko itanowa ka nan vlhpesa biekvt im itvnohwa he; 10-nana ka i shahlit mahaya he ahnit im achi.

1. I NAHULLO vhleha ma! hvchi yuka vhleha nan isht im vlhpesa, micha nan isht im itilau ai aiena ka hvsh

imashke; micha hvchishno ak kia hvchi shahli hvt vba yakni binili ka hvsh ithaiyanashke.

2. Anumpa ilbvsha anumpohonlit, yvmmak ash o ai okchvt yak oke hvsh ahanashke.

3. Yohmi mak inlit Klaist im anumpa luma yatok, micha ymma pulla kak o sa talakchi ak inli tuk vt isht anumpuli la he, okhissa ya Chihowa yvt pin tiwa hi a, isht hvsh anumpohonli mak inlashke.

4. Yvmohmi ho anumpuli la he vlhpesa hatuk vt, otvninchi lashke.

5. Kocha ai asha ka i hopoyuksvt itvnowvt, nitak ik hvchi knvio hosh nan isht hvsh il im ahantashke.

6. Hvchim anumpa puta kvv Chihowa nan isht i kana ai ibafoyuka biekvt hvpi ho isht yvm mashke; yohmi hosh kaniohmit hatak puta anumpa falama ka hvsh ima he vlhpesa kvv hvsh ithaiyana hoke.

7. Nana vma kaniohmi ka Tikikvs, ilvppvt itibapishili holitopa, micha vbanumpa isht vta ai ahlit, micha tishu sa bika Chitokaka ibafoyuka yak osh hvchim anola chi hoke.

8. Yvmvvt yvmohma chi kak o hvchi pila li tuk: yohmi ka nana hvchim a kaniohmi ka akostininchi cha, hvchi chukvsh a hopohlva chi kak atuk;

9. Micha Onesims itibapishi li ai ahli holitopa, yvmvvt hvchishno ak inli ka aieninchit hvchi pila li hatuk. Yvmmak osh nana moma ilvppa a kaniohmi ka hvchim anola chi hoke.

10. Alistakvs, svbai yuka yvt pit hvchi aiokpvchishke: micha Makvs, Banabas in tek ushi mvv pit hvchi aiokpvchishke; yvmmak oka isht anumpa vlhpisa ha hvsh ishi tuk vt hvchim onakma, hvsh aiokpvchashke.

11. Micha Chisvs, yvmvvt Chvstvs hohchifo hvt pit hvchi aiokpvchishke; yakohmi kvv hakshup tupa yoke. Ilvppak illa hosh Chihowa im apehlichika a svba toksahanli yosh nan isht sa hopohohla yatuk oke.

12. Epaflas, yvmvvt hvchishno mak inli, Klaist in tishu hosh pit hvchi aiokpvchishke, micha Chihowa nan ai ahni moma ka a kvllot ai ahlit hvsh hikia hi a anumpa ilbvsha achunanchit isht hvchi anumpohonli bilia yoke.

13. Hvchishno, micha Laotisea ai asha, micha Hielapolis ai asha aiena ka hvchi anukfihinli fehna ka im atokowa anoli sia hoke.

14. Luk, alikchi holitopa, micha Temas, ita tuklo kv̄t pit hvchi aiokpvchishke.

15. Itibapishi v̄hleha hv̄t Laotisea aiasha, micha Nimfas, micha in chuka chv̄fa hv̄ch ai asha aiena ka pit hv̄sh aiokpvchashke.

16. Michā holisso ilv̄ppa hv̄sh it im anumpulikm̄v̄t, anonti Laotisea hv̄ch ak kia ai it anumpa hi a hv̄sh apesashke: mikm̄v̄t holisso Laotisea a minti ak kia hv̄sh it im anumpulashke.

17. Michā Achippvs a Chitokaka yak o v̄banumpa isht ai vtta ish im ai eshi tuk vt ahah! ahnit ish ai ahlichashke, hv̄sh im achashke.

18. Ūno svbbak ak inli h̄o Pal sia hv̄t pit isht hv̄chi aiokpvchi lishke. Sa talakchi ka hv̄sh ithaiyanashke. Isht i kana yvt hv̄ch anukfoyukashke. Amen.

HOLISSO VMMONA PAL VT

CHŪCH HLESSALONIKA

A HIKIA HO I HOLISSOCHI TOK.

CHAPTA I.

Chrch Hlessalonika a hikia ka ithanvt vba isht anumpohonlit yak oke im ai ahni, 1; 5 mihmvt Chihowa anukfoyuka ahi ahnit i yimmi kv̄t isht anumpuli.

1. PAL, micha Silfanvs, micha Timohlivs aiena kv̄t Hlessalonian chrch Iki Chihowa, micha Chitokaka Chisvs Klaist ibafoyuka ya pit hv̄chi aiokpv̄chi kv̄t, Piki Chihowa micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kv̄t hv̄chi anukfoyukashke hv̄chim ahnishke.

2. Anumpa ilbv̄sha il anumpulikmvt, e hv̄chi anohonlit, Chihowa ya yak oke hv̄sh moma ka isht e hv̄chim ahani hoke;

3. Pin Chitokaka Chisvs Klaist ibafoyukvt na hv̄chi yimmi kv̄t na hv̄sh yvmihchi, micha na hv̄sh i hullo aiena kv̄t na hv̄sh toksahanli, micha ai okchaya pisa he ahnit nuktaiyalvt hv̄sh achunanchi aiena ka Chihowa Piki itikba ya ithaiyanvt e bilia hoke:

4. Michā itibapishi li v̄hleha ma! Chihowa i holitopvt im ai v̄lhtoka hv̄chia ka il ithaiyana kak oke.

5. Pim v̄banumpa hv̄t anumpa illa hosh hv̄chim aya tok keyu, amba nan isht ai ahi, micha Shilombish Holitopa ai

itibafoyuka aiena na na hvchi yimmi fehna tok; yvmohmit hvchishno ak atuk mak o kaniohmit hvchi takla il aya tok a hvsh ithaiyana ak inli hoka.

6. Yvmohmi cha nan isht ai ilbvsha la'wa kia, Shilombish Holitopa ai yukpvt vbanumpa ha hvsh aiokpvchi cha, pishno, micha Chitokaka ya im antia hvsh toba tuk oke:

7. Yvmohmi hokvt na yimmi moma Masetonia, micha Akaia aiena ai asha kv̄t im ai ithv̄vt iakaiya hi o hvchia hoke.

8. Hvchishno ak o mvhli ho Chitokaka im anumpa anoa kv̄t Masetonia, micha Akaia ak bano keyu, amba kani-ma moma kak kia, Chihowa hvsh i yimmi kv̄t annovshke; yohmi ka pishno vt nana il acha he v̄lhpesa keyu hoke.

9. Michā yv̄mma chohmi puta kak osh pi anoli kv̄t, kaniohmit e hvch iba chukowa tok; micha kaniohmit Chihowa ahli okchaya ya hvsh im antia chi hosh, na holba ya i filv̄mmit Chihowa hvsh im ona tuk a anoli hoke.

10. Yohmi cha Ushi Chisvs vt illi tuk a falaminchit tani-chi tok a, mihi yosh vb̄a yakni minta chi ka hvsh hohoyo ka, yvmmak osh nan isht i nukkilli minti ka pi ahlakofichi tok mak oke.

CHAPTER II.

vbanumpa hv̄t kaniohmit Hlessalonika ya ai anuhumpa ma, kaniohmit okla aiokpvchi tok a anoli, 1; 18 pisa ka b̄v̄nna fehna, yohmi kia nana hosh kaniohmi kak o ik im ono kv̄t anoli.

1. ITIBAPISHI li v̄hleha ma! hvchishno ak kia kaniohmit e hvch iba chukowa ma, yvm̄vt pilla tok keyu ka, hvsh ithaiyana hoka:

2. Yohmi ka tikba ka pilbvsha, micha Filippi okla hv̄t pi hofahyali aiena tok a hvsh ithaiyanvshke; yohmi ha ya pin Chihowa pulla ho a nukwaya keyut, achunanchit a lushummit vbanumpa ha isht e hvchim anumpohonli tok.

3. Vbanumpa isht e hvchim anumpohonli kv̄t, anumpa yoshubli, micha chukvsh litehli, micha i kostinit haksichi atok keyu hoka;

4. Amba Chihowa ak osh vhlpesa ahnit vbanumpa ha pibbak fohki tok oka, yvmohmit il anumpuli hoke: hatak ak o e yukpali keyu, amba Chihowa pi chukvsh a pisa yak oke.

5. Micha nitak nan ash o na fehnvchit il anumpuli tuk keyu, nan isht ahayuchi bvna hosh, nan il ilahobi ha tuk keyu ka hvsh ithana hoke: Chihowa mvt pisa yoke.

6. Micha hatak ak o a holitopa e hoyo tuk keyu, hvchishno, micha inla yak oh kia tok keyu, Klaist im apostel pia hvt hvchi wekit na hvch im a hoyocha he vhlpesa kia, e yvmohmi tuk keyu.

7. Amba hvchi takla il ashwa mvt, ik kvllot, vlla ilauei vt ipetvt hofantichi chatuk a e chohmi tuk oke:

8. Yvmohmi hosh hiahnit e hvchi palata fehna hokvt, vhlpesa ahnit Chihowa im anumpa ak bano keyu, amba pimi shilombish ak kia aieninchit e hvch ima hinla tuk, hvsh pi holitopa fehna hoka.

9. Itibapishi li vhleha ma! toksahanlit hoyvblit pilbvsha tok a hvsh ithana hoke; achvfona kia e hvchi weka chi keyu kv, ninak, micha nitak, aiena ka toksahanlit Chihowa im anumpa ha isht e hvchim anumpohonli tok.

10. Hvchishno, micha Chihowa ak kia kanihmit chukvsh kashovt ai vhlpiesa, micha anumpa onvtula he iksho ho na yimmi vhleha hvchia ha hvchi takla il ashwa tok a atokolit pi anoli hvchia hoke.

11. Atohnochit, micha hopohlvlit iki yosh im vlla im anumpuli ak inli ho e chohmi tuk a hvsh ithaiyana,

12. Yohmi hokvt vba apelihika holitopa ya hvsh esha chi ka, Chihowa, yvmmak osh hvchi hoyo tuk a, hvsh im ai ahla he ak atuk.

13. Chihowa im anumpa ha hvsh pi haponaklo mvt, im anumpa nana ho chohmichit hvsh ishi keyu kv, amba ai ahli hoka, Chihowa im anumpa hoke, yvmmt na yimmi hvchia puta ka ai ahlit hvchi atahli tuk ilvppa pulla aiena kak o Chihowa ya yak oke il im ahni kv, il issa keyu hoke.

14. Itibapishi li vhleha ma! hvchishno vt Chihowa in chvch puta Klaist ibafoyuka hosh Chutea aiasha ka, iakai-

ya hvsh toba tuk oke; hvchishno ak kia Chu okla hvt yvmihehi tok a, hvchim okla hvt chohmichit hvch ilbvshali tok oka:

15. Yvmmvt Chitokaka, micha ilap i hopaii puta atuk ak kia vbi tok osh, pishno ma pilbvshali tuk oke: mihmvt Chihowa yo yukpali keyu mvt, hatak moma ka im inla hoke:

16. Il im anumpuli na Chentail vt okchaya chi ka pim alvmmi hoke; ilap nan ashvchi alotola chi kak osh yvmohmi bilia chatuk okvt, nan isht i nukkilli vt onvtula kvt ont im ai okluha hoke.

17. Yohmi ka itibapishi li vhleha ma! nitak ik hopako ka nashuka yokvno hvchi filvmmichit pi ai ishi tuk, chukvsh ak okvno keyu, yvmohmi ho isht i shahli fehvt hvchi nashuka ya pisa pi bvna fehna tuk oke.

18. Yvmohmi kak osh himonna, micha a tukla foka ka e hvchim ona he, Pal fehna sia hvt vm anukfila tuk; yohmi tuk kia Setan vt pi ataklvmmi tok.

19. Yohmi ka nanta hak o il isha he il ahni ho? nanta hak o isht pi aiyukpa yo? nanta kak osh pim iachuka isht pi aiyukpa yo? Pin Chitokaka Chisvs Klaist vt vlakma itikba ya hvchishno yak a he keyu?

20. Hvchishno ak o isht pi a holitopa, micha isht pi aiyukpa yoka.

CHAPTER III.

Timohli a pit i pila kvt Tlessalonian a i hullo; micha nan ai vhlpiesa ho okla yvmohmi ka isht yukpa kvt, otvninchi hatok, 1; 10 vba isht anumpohonli, micha im ona hi a ahni fehna aiena.

1. YVMOHMI hoka pi nuktaiyala he keyu kit taha mvt, Ahlens a pishno bano hosh il ashwa he vhlpesa il ahni tok.

2. Micha Timohliis, pitibapishi, Chihowa nan isht im vta, Klaist im vbanumpa a piba toksvli, vt hvchi ai yimmi ka ya a hvchi hlampkohonchit hvchi hopohlula chi ho, e pila tuk oke:

3. Yohmi na hatak kvna kia nan ai ilbvsha yakohmi ka isht ik a shanaiewo kashke; hvchishno ak kia yakohma hi vt isht pim vlhpisa tok a hvsh ithanvshke.

4. Hvchi takla il ashwa mvhli mvt, nan isht ilbvsha ya e pisa hi vt tikbanli hvchim anoli tok fehna kv ant ai yvmohmi tuk a, hvsh ithaiyanvshke.

5. Yakohmi kak o sa nuktaiyala he keyu kit taha mvt, na nukpvlichit vt kaniohmit haksichi tuk yoba ka, yohmi na e toksvli tuk vt peh pilla na, ahni li hosh, hvchi ai yimmi ka akostininchi la chi hosh pila li tuk oke.

6. Yvmohmi tuk kia himak vno Timohlivs vt hvchi a kohchvt pim vla cha, a hvchi ai yimmi, micha hvsh iti hullo annoa achukma ka isht pim vla, mihma hvsh pithaiyana a bilia, hvchi pisa pi bvna ka, hvchishno mvt pi pisa hvchi bvna fehna ak inli tuk a, e haklo tuk oke.

7. Yvmohmi kv itibapishi li vhleha ma! a pilbvsha putvt nana kv pim atukonofa kia a hvchi yimmi ka pulla kak o isht pi a hopohla tuk oke.

8. Chitokaka ya ibafoyuka kvllot hvsh hielikma, himak a pi okchaya mak okvt.

9. Hvchishno pulla kak o pin Chihowa itikba ya na yukpa puta isht pi aiyukpa kv, yak oke ahni katiohmi ho hvchishno pulla kak o anonti Chihowa ya il ima hinla?

10. Ninak, micha nitak moma anumpa ilbvsha achunanchit il asihihla kv, yvmvt hvchi nashuka ya e pisa cha, na hvchi yimmika yvt nan ik ai ono ketuk a il ai ahlichia he ak oke.

11. Yohmi ka Chihowa ilap vt Piki, micha pin Chitokaka Chisvs Klaist vt il atia chi ka apissvlichit pisht hvchim onashke.

12. Micha Chitokaka yvt hvsh it i hullo ka i shahlit isht ia, micha hatak moma hvsh i hullo ka i shahlit isht ia, a chinto ka hvchim ahnashke; pishno e hvchi hullo ka hvsh chohmashke;

13. Yvmohmi ho pin Chitokaka Chisvs Klaist vt vbanumpa yimmi puta pehliechit vlakma, nan ashvchi ikshot,

anumpa hvchi onvtula keyut, Chihowa, Piki mak o itikba ya hvsh hiela hi o, mihi yosh hvchi chukvsh a hlampkohon-chashke.

CHAPTER IV.

Chihowa anukfoyuka kv̄t i shahlit mahaya hi a atohnohonchi, 1 ; 9 iti hullo, 11 nuktanlv̄t ilap nan isht ai v̄tta he tok akbano h̄o ahni ; 14 illit falamv̄t tani, mikmv̄t anonti Klaist v̄t minta hi a isht anum-puli.

1. YUMOHMI ka anonti itibapishi li vhleha ma ! Chitokaka Chisvs puyulla h̄o isht e hvchim anumpohonli kv̄t, yvmmv̄t kaniohmit ayv̄t Chihowa ya hvsh yukpala hi osh hvsh pi a haponaklo tok v̄t, yvmohmit chitot isht i shahli fehnv̄t hvsh mahaya he ak o e hvchim asilhhvshke.

2. Chitokaka Chisvs pulla h̄o anumpa vlhpisa nana h̄o e hvch ima tok a hvsh ithaiyana hokv̄t.

3. Nan ashvchi ik hvchim iksho ilvppak osh Chihowa im anukfila hoka, yvmmv̄t na haui hvchik ahalaio ka he ;

4. Micha hvsh moyuma kv̄t nan ashvchi iksho, micha holitobli hosh, kaniohmit im ai vlhto ya iesha he v̄t ithana hi ak oke.

5. Haknip nan ai ahni isht haui toba keyu hosh, Chentail v̄t Chihowa ik ithano ka ik chohmo kashke :

6. Hatak nana kia atablit itibapishi h̄a nana hoh kia ik haksecho kashke ; Chitokaka yv̄t yvmma chohmi ka im apesv̄t na hotopa onocha he oka, yvmma chashpo ma ahah ! hvsh im ahna he, atokolit e hvchim anoli tok.

7. Chihowa yv̄t a liteha ȳo a pi atokoli tok keyu, amba nan il ai ashvchi iksho ka hi ak atuk oke.

8. Yvmohmi ka kv̄na kia shitilemakmv̄t, hatak o shitilema keyu, amba Chihowa yvmmv̄t ilap Shilombish Holitopa ya pima tok ak oke.

9. Amba itibapishi it i hulla he imma hokv̄no isht hvchi holissochi la hi a hvsh ahna he keyu : hvchishno ak inli hosh it i hulla hi okv̄to Chihowa yak o hvsh im ai ithvna tuk oka.

10. Yohmi kv̄t il itibapishi moma Masetonia moma ai asha ka hvsh i yvmohmi mv̄hli hoke : yohmi kia il itibapishi v̄hle-

ha ma! isht i shahlit hvsh mahaya hi ak o e hvchim asilh-hvshke.

11. Micha na fehna ahnit nuktaiyalvt, nana ilap isht ai vtta he bieka ho yvmihchi, micha ilap ibbak ak inli ho isht toksahanla hi ilvpak o e hvchim apesa tok ak oke:

12. Yvmohmi hosh kocha asha ka ai vhlpiesa ho hvsh i yvmohmi cha, nana kia ik hvch im ono kvk iksho kashke.

13. Yohmi kia itibapishi li vhleha ma! nusi vhleha ak okvno hvch ik im ithano ka he ahni li keyu, inla yvt nana ai okchaya pisa he ik ahno yo, chohmit ik hvchi nukhaklo ka he ak oke.

14. Chisvs vt illi tuk osh falamvt tani tok a pi yimmi hokma, yvmmak inli ho chohmit kvna hosh Chisvs a ibafoyukvt nusi tok okvno Chihowa hvv iba tanicha hi oka.

15. Chihowa im anumpa pulla ho ilvppa e hvchim achi hoka, yvmmvvt Chisvs vt vlakma, pishno vt pi okchayvt il asha tuk vt, nusi tok a il in tikba he keyu hoke.

16. Chitokaka yvt ilap ak inli hosh na shakapa, enchil i miko im anumpa ola, micha Chihowa im isht pufa chinto ohonla ho a pehliechit vba mintit vla hi oka; mikma Klaist a ibafoyukvt illi tuk vt tikba tana hi oke.

17. Yohmi mak inli ho pi okchayvt il asha kvv, hoshonti ataya shutik takla Chitokaka ya il ai afama chi ka, yvmmak ash aieninchit pisht ia hi oke: yvmohmi ho Chitokaka takla ya il asha na bilia hi oke.

18. Yvmohmi hoka, anumpa ilvppa puta kak o isht hvsh it i hopohlahanlashke.

CHAPTER V.

Nan vhlpisa chinto nitak a kaniohmit Klaist vt vla he anoli, 1; 12 nan im avchi, micha nana ka achukma he bano ho ahnit, apesahanchi puta ka holitobla he i miha; mihmvvt nan inla isht ai im anukfila he vhlpesa ka aieninchit achi.

1. YOHMI kia itibapishi li vhleha ma! himak a pilla nitak nan a kaniohma he puta imma hokvno isht hvchi holisochi la hi a hvsh ahna he keyushke.

2. Chitokaka i nitak vt hukopa yosh ninak o aya ho chohmit vla hi okvno, hvchishno ak inli kvv hvsh ithana fehna hoka.

3. Achukma bieka, tvnvp vt iksho, okla ahanchikma, yohmikmak o yohma chi ik ahno takla ho na palvmmi kvv onvtula kvv, ohoyo vlla esha chi kvv nukhvmi ka chiyuhma hi oka; mikma hlakofa he keyu hoke.

4. Yohmi kia itibapishi li vhleha ma! hukopa yo chohmit nitak yvmmvt hvchi sakka chi ka, ai okhlilika yo hvsh aya keyushke.

5. Hvsh moma kvv atohwikeli ka im vlla hvchia, micha nitak im vlla hvchia hoke; ninak, micha ai okhlileka yo pia keyu hoke.

6. Yvmohmi ka inla yo chohmit ik hvpi nuso kashke; amba okchvt ahah! il ahnashke.

7. Kvna hosh nusi hokvto ninak ak o nusi; mikma nan ishkot haksi, hokvto ninak ak o haksi hoka.

8. Amba nitak o pia hokvto ahah! ahnit, na yimmi ikkishi alata, micha nan i hullo ma isht hvsh foyuka, micha noshkobo isht ompoholmo ai okchaya pisa he ahni ya il ieshashke.

9. Chihowa yvt ai i nukkilli yo a pim apesa tok keyu, amba pin Chitokaka Chisvs Klaist pulla ho ai okchaya il isha chi hatok oka.

10. Yvmmvt pi vlhtobvt illi tok, yohmi ka pi okcha hokma, pi nusi hokma, nana kia iba takla il ahanta hi atok.

11. Yvmohmi hoka hvsh yvmohmi ak inli hatok vt, it im anumpulit iti hopohlahanlit, hvsh iti hlampkohonchashke.

12. Micha itibapishi li vhleha ma! hvchin toksahanlit, Chitokaka pulla ho hvchi pehliechit, ahah! hvsh ahna he hvchi anukfohki ya, hvsh ithaiyana he;

13. Micha toksahanli pulla kak o holitoblit hvsh im anukfilli fehna hi a e hvchim asilhhvshke. Micha hvchishno bika hvsh it i kanashke.

14. Yohmi ka itibapishi li vhleha ma! ilapunla yvt isht im ahleka hinla ka hvsh im anoli, chukvsh ielli ma hvsh hopohlahanlit, chukvsh ik hlampko hvsh hlampkohonchit,

hatak puta ka chukvsh isht hvsh i nuktaiyala he ak o e hvchi nukfokhishke.

15. Yohmi ka hvsh ahni na kvna kia nana ik achukmo ka nana ik achukmo mak inli ho hatak nana kia ik i yvmihecho kashke; amba hvchishno ak inli, micha hatak puta ka isht im achukma kak o hvsh iakaiya na biliashke.

16. Hvchi yukpa na biliashke.

17. Anumpa ilbvsha hvsh anumpuli kvv hvch ik isso kashke.

18. Nana puta ka yak oke, hvsh ai ahnashke; Klaist Chisvs pulla kak o Chihowa hvv ilvppa hvchim ai ahni hoka.

19. Shilombish a hvsh mosholichi ná.

20. Shilombish anukfoyykvv anumpuli ka hvsh shitilema ná.

21. Nana moma ka imomaka hvsh pisashke; nana kvv achukma ka kvvlochit hvsh ieshashke.

22. Nana ik achukmo ahomba moma ka ik hvchi ahalaio kashke.

23. Mikma it i nanaiya yvv a mihinti Chihowa ak inli hosh ai oklvhvchit hvchi kashofashke; micha Chihowa ya im asihhla li kvv, hvchi shilombish, micha hvchim anukfila, micha hvchi haknip aiena kvv anumpa onvtula ikshochit hvchi ieshit, pin Chitokaka Chisvs Klaist vv ai vla hi a hvch isht onakbano ai ahni lishke.

24. Nana miha kvv ai ahlichy yosh hvchi hoyo kvv, yvm-vvv yvmihcha chy ak inli hoke.

25. Itibapishi li vhleha ma! anumpa ilbvsha isht hvsh pi anumpohonlashke.

26. Hvsh itibapishi puta ka suksowa holitopa yo isht hvsh ai okpvchashke.

27. Chitokaka pulla ho holisso ilvppa il itibapishi holi-topa vhleha ha hvsh im it anumpohonla he ak o hvchy miha lishke.

28. Pin Chitokaka Chisvs Klaist nan isht i kana yvv hvchi anukfoyykashke. Amen.

HOLISSO ATUKLA PAL VT

CHVCH HLESSALONIKA

A HIKIA HQ I HOLISSOCHI TOK.

CAPTA I.

Hlessalonian okla hvt vbanumpa anukfohka ai ahli ahnit, yimmit miha, 1; 7 nan i pvlammit maya ka vba afoha he isht hopohlahanli; mihmvt nana kv̄t isht ai vhlpiesa h̄o nan vhlpisa pvlammi kv̄t i nukkilli vhleha h̄a onvtuyula he isht miha.

1. PAL, micha Silfanvs, micha Timohlivs pia hvt Chvch Hlessalonika a hikia Piki Chihowa, micha Chitokaka Chisvs Klaist ibafoyuka ka pit il aiokpvchi kv̄t,

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya ita tuklo kv̄t hvchi anukfoyukashke, e hvch im ahnishke.

3. Hvchi ai yimmi ka yvt chitot isht i shahli fehna, micha hvsh moma kv̄t hvsh it i hullo kv̄t laua fehna hoka, itibapishi li vhleha ma! isht ai vhlpiesa h̄o hvchishno pulla kak o Chihowa ya yak oke il im ai ahni na bilia hi atuk oke:

4. Yvmohmi kv̄t pishno vt ai ilbvsha, micha na palvmmi puta aiena kv̄t hvchi onvtuyula kv̄t, hvchi nuktaiyalvt, na hvchi yimmi kak o, Chihowa in chvch puta ka a hvchi anolit isht e hvch ilauata hoke.

5. Yvmmak okvt Chihowa hvt ai vhlpiesa apesvt onochi ka isht otvni, yohmi h̄o Chihowa im ap ehlich i ka ya hvsh isha he vhlpiesa ka hvchi ahna hi atok, yvmmak a he mak o hvch ilbaiyvsha hoka.

6. Chihowa hvt hvch ilbvshali ya i falaminchit na palvmmi hq onocha hi vt vlhpesa;

7. Micha hvchishno vt hvch ilbvsha kvv, hvsh pibafoha hi a hvchim ahna hi vt vlhpesa hoka, nitak yvmma fehna Chitokaka Chisvs vt enchil hlampko puta ka il ai eshit,

8. Vba mintit luak libbi biekvt haiakvt, Chihowa ik ithano, micha Chitokaka Chisvs Klaist im vbanumpa ik im antio aiena ka isha he vlhpesa mak o im apesvt onochikma;

9. Yvmmak okvt Chitokaka, micha nan isht im ai ahli holitopa itikba ai i filvmmi na palvmmi a bilia isht im vlhtobvt ilbvsha he;

10. Yvmmak okvt vla cha, vbanumpa yimmi puta ka isht a holitopa he, mikma i yimmi puta kvv okokko! ahnit aiokpahancha he nitak yvmmak ok mak o yakohma he, atokolit il anoli tok a hvchi yimmi tok oka.

11. Yvmohmi hoka anumpa ilbvsha isht e hvchim anum-pohonli na bilia kvv, pin Chihowa yvt nan isht ilaiyukpa ilvppak ash hvsh isha hi a vlhpesa hvchi ahni cha, ilap nan isht i kana aiokpancha he achukma moma, micha ai yimmi a toksvli nan isht im ai ahli aiena ka isht hvchim atahli hokbano il ai ahni hoke.

12. Yvmohmi ka pin Chitokaka Chisvs Klaist hohchifo hvt, hvchi a holitopakma, pin Chihowa, micha Chitokaka Chisvs Klaist nan isht i kana pulla hq yvmmak ash hvchi a holitopashke.

CHAPTA II.

Nan ai ahli ya a kvllot iesha hi a i miha; nan ai ahli laua kvv ai i filvmma he, mikma Klaist i sanali vt Chitokaka yvt ik lo kisha ka, otaiyana hi a anoli;15 vba isht anumponhli.

1. YOHMI ka itibapishi li vhleha ma! pin Chitokaka Chisvs Klaist vt vla he, micha il im itvnaha he ak o isht e hvchim asilhvshke.

2. Yohmi ka chekosi, shilombish tikbanli anoli yokma, vbanumpa tosholi yokma, pi holisso hak okma, nana hoh

kia Klaist i nitak vt auet olanlosi hvchi chohmit, hvchim anukfila hvt ik shanaïowot ik hvchi komunto kashke.

3. Hatak nana kia kaniohmit ik hvchi haksecho kashke: vbanumpa ha i filvmmmit ik asho kisha, micha nan okpvnï ushi, hatak nan ashvchi yvmmvt ik haiako kisha ka, nitak yvmmvt vla he keyu.

4. Yvmmak okvt Chihowa hohchifo, micha i shahli ikbit aiokpvchi puta ka i sanalit ile chahvchit, il i shahlichï yoke: yohmi hosh yvmmvt Chihowa chohmit, Chihowa in tempel a binilit, Chihowa ile mihvt ile haiakvchi hoke.

5. Hvchi takla anta li moma mvt, ilvppa puta ka hvchim anoli li tok a hvch ik ithaiyano ho?

6. Yohmi ka himak ano nitak vt im vlhpiesakmvt otvna hi a, nana hosh halvlli ka, hvsh ithaiyanvshke.

7. Na luma chito ik vlhpeso yvt tobt isht ia mashko hoke: himak a halvlli kvtt halahanla chi; atuk o yvmmak ash o ishit i kanvllichik mak a hi oke.

8. Mikma yohmikmak o nan ashvchi yvmmak ash ot otvna hi oke; yvmmak oka Chitokaka yvt itih ilhfiopak isht illichï he, micha sholhpakali hosh ant haiakakmvt, yvmmak ash o akshocha hi oke.

9, 10. Yvmmak okvt Setan nan akanïohmi yo iakaiya kvtt, nan isht im ai ahli, nan isht atokowa puta, micha na holabi isht nukhlakancha, mikmvt nan ik vlhpeso isht yoshubli aïena ho il ai ishit illi na bilïa he puta ai itin takla ya ayvt otaiyani yvmmak a he oke; okchaya hi atuk kia vbanumpa ahlika ya holitoblit ik yimmo tok okvt.

11. Mikma yakohmi kak o Chihowa yvt nan isht a yoshuba kvllo kvtt ik onvtula im ahni na na-holabi kia i yimma he:

12. Yvmohmi pulla hosh anumpa ahli ik yimmo hosh, amba nan ik vlhpeso aiokpanchi tuk vt momvt nan im vlhpisvt na hotopa hi atok.

13. Yohmi kia itïbapishi li Chitokaka i holitopa hvchia ma! hvchishno pulla kak o Chihowa ya yak oke il im aïahnit bilïa he vlhpesa hoke. Shilombish isht a kashofa, micha anumpa ahli yimmi pulla hosh hvchi okchaya he ai vmona ka hvchi atokoli tok oke:

14. Yvmmak a hi o pin Chitokaka Chisvs Klaist isht a holitopa ya hvsh isha hi a, yvmmak ash ot pim vbanumpa isht hvchi hohoyo tok oke.

15. Yvmohmi hoka itibapishi li vhleha ma! kvllot hvsh hielashke, micha anumpa vlhpisa puta vbanumpa toshowa hokma, keyukmvt pi holisso hokma, nana ho hvsh ai ithvna tuk vt hvsh ieshashke.

16. Mikma pin Chitokaka Chisvs Klaist ilap inli, micha Piki Chihowa, yvmvt pi hullo, micha nan isht i kana pulla hosh chukvsh isht a nuktaiyala bilia, micha nana isha he ahni achukma ya pihima tok vt,

17. Hvchi chukvsh a hopohlvi cha, anonti anumpa achukma puta, micha nan toksvli achukma aiena ka isht a hvchi hlampkohonchashke.

CHAPTA III.

Vba isht anumpohonla hi a im a sihlha, 1; 6 nan ai vlhpiesa ik shana-iowo ka he i miha; nan in takobi, micha nan ik vlhpeso aiena ka ik ai itapeho ka he, 16 isht aiyopichi kvv vba asihlha.

1. ISHTAIYOPI ka itibapishi li vhleha ma! anumpa ilbvsha isht hvsh pi anumpohonli na Chitokaka im anumpa yvt mvlihinlit ayvt, holitopa kvv, hvchim ai yvmohmi kak inli ho chohmashke:

2. Yohmi ho hatak ik vlhpeso, micha hatak nan ashvchi atampa aiena ka il i hlakofa he ak o, hatak moma kvv ai yimmi ka ishi keyu hoka.

3. Yohmi kia Chitokaka yvt na mihvt ai ahlich, yvmmak osh hvchi hlampkochi cha, nan okpulo ya hvchi a filvmmichit hvch iesha hi oke.

4. Micha hvchishno pulla hokvno Chitokaka ya isht il anukchieto kvv, nana e hvchim apesa tok a hvsh yvmihchi kvv, anonti hvsh yvmihinja chi mak oke.

5. Mikma Chitokaka yvt hvchi chukvsh a apissvlechi na Chihowa ya hvsh i hullo, Klaist atok a chiyuhmit nuktaiyalt hvsh achunanchashke.

6. Yohmi ka itibapishi li vhleha ma! pin Chitokaka Chisvs Klaist a hochihifot isht e hvchim apesa kv̄t, itibapishi kv̄na hosh ai vlhpesa keyu h̄o aya, micha anumpa vlhpisa pim ai ishi tok ak keyu hokvno, hvsh i filvmmashke.

7. Hvehishno ak inli kia kaniohmit hvsh pi ahobacha he vlhpesa kv̄t hvsh ithanvshke: hvchi takla il ashwa mvt, ai vlhpesa keyu ka a pi yvmohmi tok keyu:

8. Micha pilla hatak inla i pvska e pa tok keyu, amba ninak, micha nitak moma ka toksvlit, hoyublit pi palvmmi tok, yvmmt hvsh kanima kia nana kv̄t ik hvchi kv̄nio ka chi kak atok.

9. Yohmi kv̄t e yvmohma he vlhpesa keyu nana tok keyu: amba hvsh piakaiya hi o e hvchim ile haiakvchi hatuk oke.

10. Hvchi takla il ashwa mvt kv̄na kia toksvla he keyukmvt impa he vlhpesa keyu, ilvppak oka e hvchim apesa tok.

11. Kanimi kv̄t hvchi takla ai vlhpesa keyut aya mvt, toksvla he keyu kvmohmit, nan isht ahalaia keyu kia isht vtvtv fullokahanchi ka e haklo hoka.

12. Yvmma chohmi puta kv̄t nuktanlv̄t ahanlv̄t, toksvlit, ilap i pvska vpa he ak o im apesv̄t, pin Chitokaka Chisvs Klaist puyulla mak o il in tonohonchishke.

13. Yohmi kia itibapishi li vhleha ma! nana achukma ka hvsh yvmohmi kv̄t ik hvch in takobokashke.

14. Micha hatak nana hosh pim anumpa holisso ilvppa ik im antiokma, yohmi hvsh ahni cha, takla hvch ik ayo ki hofahyashke.

15. Yohmi kia hvchin tv̄nvp o ahnit hvchik anukfillo hosh, amba itibapishi ha chohmichit nana hvsh i mihashke.

16. Chitokaka it i nanaiyvchi ilap ak osh ik kaniohmi kia isht it i nanaiya ya hvch ima na biliashke. Chitokaka yvt hvsh moma ka hvch ibafoyukashke.

17. Pal sia hv̄t svbbak fehna h̄o isht hvchi aiokpvchi li ka, yvmmt a holisso puta ka isht ithvna mak oke: yakohmi h̄o holissochi lishke.

18. Chitokaka Chisvs Klaist nan isht i kana yvt hvsh moyuma ka hvchi anukfoyakashke. Amen.

HOLISSO VMMONA PAL VT

TIMOH LI YA

I HOLISSOCHI TOK.

CHAPTA I.

Timohli a pit aiokpvchi, mihmvt nana ka isht atokoli tok vt isht i mihiha, 1; 5 nana ho isht ai vllhpisa hosh nan vllhpisa yatuk a anoli; 11 ilap vbanumpa nukfoka tok vt anoli.

1. PI Okchalinchi Chihowa, micha ai okchaya bilia e pihisa he ahnit il anukchieto, Chitokaka Chisvs Klaist ita tuklo ka im anumpa pulla ho, Chisvs Klaist im apostel Pal vt;

2. Nan ai yimmi pulla ho svso fehna Timohli ya pit aiokpvchi hoke; Isht i kana, isht i nukhaklo, micha isht it i nanaiya aiena kvv Piki Chihowa, micha pin Chitokaka Chisvs Klaist ita tuklo ka a mihinti kvv chi anukfoyukashke.

3. Masetonia ya ia li mvt, Efesvs a ish anta cha, kvna kia nana inla isht ik abacho ka chi ka,

4. Mikmvt anumpa ik ahobo, micha in tikba ai unchululit isht auehinchi isht annoa ataha iksho, yvmmak okvt Chihowa holitobli nan isht ai yimmi i shahlichit nukfohkicha he keyu hosh, iti posilhhvchit ai asha hi a anukfohkichi yvmmak oka isht ik ahanto ka chi ka, ish im apihisa he chim ai ahni li tok a, ish yvmihchashke.

5. Uba nan vllhpisa yokvto chukvsh kashofa, micha im anukfila achukma, micha na-yimmi ai ahli aiena hosh it i hulla he ak q, hoyo hoke:

6. Kanimi kv̄t ilvppa puta kak ō i filvmm̄it, naksika ia cha, anumpa nan ik ahobo anumpuli hoh mak osh ;

7. Ilap okv̄t nana hō okla miha, micha nana hō kv̄llochit miha aiena kv̄t akostin̄inchi keyu kia, vba nan vlhp̄isa ithv̄nanchi ō toba bv̄nna chatuk oke.

8. Yohmi ka hatak okv̄t ai vlhp̄iesv̄chi hosh isht vt̄ta hokma, vba nan vlhp̄isa yv̄t achukma hoka il ithanv̄shke.

9. Ūba nan vlhp̄isa yv̄t hatak vlhp̄esa yak ō in toba tok keyu, amba vba nan vlhp̄isa ik ahn̄inchot ik im antio, Chihowa ik holitoblo, nan ashv̄chi, Chihowa ik im antio, vbanumpa ik ahobalo, īki puta vbi vhleha, ishki puta vbi vhleha, hatak b̄ika vbi vhleha.

10, 11. Haui puta, kv̄na hosh ilap inli kv̄t nakni b̄ika isht ile litehli vhleha, hatak b̄ika h̄ukopa vhleha, holabi vhleha, anumpa kv̄llo il onochit ik ah̄lo vhleha, mikmv̄t ilap inli isht ilaiyukpa Chihowa im anumpa holitopa, isht vm atokowa tok, nan ai ah̄li yv̄mma ī sanali kia yvmohmi vhleha aiena kak atok, ilvppa il ithaiyanv̄shke.

12, 13. Yohmi ka tikba ma vbanumpa ik ahobalo, micha na yimmi vhleha ī palv̄mm̄ih̄inchi, micha chukv̄sh hotopahanli sia yatuk kia, ai ah̄li la he vm ahnit, pin Chitokaka Chisv̄s Klaist mihi yosh sa hlampkohonchi cha, vbanumpa isht im vt̄ta yō sa hilechi tok ; yohmi ka nan ik yimmot nan ak ithano hatuk osh, nana ka yvm̄ih̄chi li tuk osh nan isht ī nukhaklo ā ahayuchi li tuk vt̄, yak oke im ahni lishke.

14. Yohmi ka pin Chitokaka nan isht ī kana yv̄t l̄awa fehna hatuk ō, Klaist Chisv̄s ai ibafoyuka hosh na sai yimmi cha, nan isht ī hullo li tok oke.

15. Nan ashv̄chi vhleha yv̄mma vno ak osh moma ī shahli li yatuk ā, okchal̄incha ch̄i hosh Klaist Chisv̄s vt̄ yakni pakna v̄la tok, anumpa ilvppv̄t ai ah̄li fehna ka vlhp̄esa ahnit, aiokpancha he vlhp̄iesa hoke.

16. Yohmi ka nan ashv̄chi moma ī shahli vno yak atuk osh nan isht ī nukhaklo yā ahayuchi li tok, ilvppak ō himak a pilla ai asha kv̄t yv̄mma ī yimmi cha, ai okchayv̄t bilia isha ch̄i ka, Chisv̄s Klaist vt̄ vno ak ō nan isht ahobv̄cha he ak osh ilap nan isht ī sv̄lahv̄t ī nukhaklo yā otv̄nih̄incha ch̄i ha tok.

17. Yohmi ka Miko okchayvt a bilia, illa he keyu, na holhponayo hvt pisa he keyu, Chihowa hopoyuksa yak bano kak o ahninchit holitohombli na bilia hosh ik biliá. Amen.

18. Tikba nan atokowa isht a chi anoli kvt, tikbalichit isht chi otvnihinchi yvmmak atuk pulla mak o, tvshka ahli achukma hosh ish tanahampa chi ka, svso Timohli ya nan isht ish ahanta he ilvppa chi atokoli lishke :

19. Ilvppak ash im ai ahli achukma kvt isht il akostininchi achukma ka ish ieshashke : yakohmit isht il ithaiyana he tuk ash osh kanimi kvt kanchi kvto, nan ai yimmi ka yash o it a yuhli yoke.

20. Yohmi ka kanimi kvt Himenevs, micha Aleksanta ita tuklo kak atuk ; yvmvvt vbanumpa ik ahobalot nan ik mihacho ka chi ka yvmmak o ithvna chi ka, Setan a im issa li tok oke.

CHAPTA II.

Hatak moma ka vba isht anumpohonla he, mihmvt nana kvt kaniohmi kak o yakohma hi a anoli, 1 ; 9 kaniohmit ohoyo hvt shema he : 12 ohoyo hvt vba anumpa isht anumpula he keyu, yohmi kia na yimmi ahli hokmvt, okchaya he.

1, 2. YOHMI hoka nana ish a yvmohma he vmmona kvt, Chihowa hvt hatak puta ka i nukhaklo ka yak oke pit im ai ahnit, anumpa ilbvsha ish anumpuli kvt, Chihowa hvt hatak puta i kanvt, miko vhleha, micha nan vlhtoka vhleha aiena ka hopoyuksiacha he ak o ish im asihihla he chi atohno lishke ; yohmi kvt Chihowa ya e holitobli, micha hatak nana il ai it i kaniohmi puta kvt ahli achukma hosh il ahanta hokmak osh pi okchaya takla kvt, it i hullot it i kanvt il ahashwa hinla hoke.

3. Ilvppak okvt achukma hoke ; yohmi ka pi Okchalinchi Chihowa hvt pisa kvt ahninchit hoke :

4. Yvmmak okvt hatak puta kvt vbanumpa ahli yoka nukfoyuka cha, okchaya he ak o im aiahni hoke :

5. Yohmi ka Chihowa hvt achvfa, micha hatak, Chihowa ita tuklo it i nanaiyvchi yvt achvfa, hatak Klaist Chisvs ak oke.

6. Yvmmak okvt moma ka vlhtoba mak osh ilap inlit il

im issa kv̄t, anumpa aḡli ilv̄p̄vt ont ai vlhp̄iesakma anohowa hi a tok oke.

7. Yvm̄mak atuk mak o apostel, micha v̄banumpa isht vt̄ta ita tuklo ka si vlhtoka tok oke ; yohmi kv̄t anumpa aḡli, micha na yimmi imma aiena ka Chentail okla im av̄chi sia hosh, holabi keyu hosh Klaist isht anumpa aḡli mak o anum-puli lishke.

8. Yohmi ka anuktuklo, micha anukhobela aiena iksho hosh, ibbak m̄vt kashofa achukma bieka hosh v̄ba pit welit, kanima moma ka hatak puta kv̄t anumpa ilbv̄sha ai anum-pohonla hi a im ai ahni lishke.

9. Anonti yvm̄mak ash inli h̄o chiyuhmit, ohoyo puta kv̄t ilefoka ai v̄lli chito, p̄vl, tv̄li holisso lakna aiena ka isht ik shemo ka he, micha p̄ashi aiena ka yikyua^{ch}it ik shemacho ka he ; amba im anukfila puta kv̄t ile oktampl̄it, hatak ma ik ai okchifelo hosh nuktanlv̄t, ilap isht a shema he ai vlhp̄iesa ka isht shema he im ai ahni lishke.

10. Amba ohoyo puta kv̄t Chihowa holitobli kv̄t, si anuk-foyuka ahnit il anoli kv̄t, ai yvmohma he vlhp̄esa, nan isht vt̄ta achukma kak o yvmohmashke.

11. Ohoyo hv̄t ai aḡlit im antiv̄t, lumv̄t maya hosh nana ka ithvnashke.

12. Yohmi ka hatak a ohoyo hv̄t i shahlit, nana ka im av̄chit ahanta he ak im alnoshke ; amba lumv̄t ai asha he im ai ahni lishke.

13. Yohmi ka Alvm ak osh If a t̄ikba toba hatok oka.

14. Mihma Setan vt̄ Alvm a haksichi tok keyu, amba ohoyo hak o haksichi na ai ashv̄chika ya yvmohmi tok.

15. Yohmi kia v̄lla ishi kv̄t okchaya he, yohmi kv̄t na yimmi kv̄t ik isso hosh, i hullo, micha chukv̄sh kashofa h̄o isht holitobl̄it, ile oktampli hok mak osh okchaya hi oke.

CHAPTA III.

Bishop, micha iksa nan isht im vt̄ta, micha im ohoyo aiena kv̄t nana hosh im v̄lhtaiyaha he,¹ 15 Chihowa in chv̄ch, micha nan ai aḡli vt̄ ai vlbv̄chi ka isht im anum-puli.

1. ANUMPA ilvppvt ai ahlishe, yohmi kv̄t hatak kv̄na hosh bishop nan ai isht vtta ishi b̄vnnakmvt, nan ai isht vtta achukma h̄o ishi b̄vna hoke.

2. Yohmi ka bishop vt anumpa ik achukmo nana kia onvtula he keyu, tekchi achvfa ī hatak, nana ka ahah ! ahni, ile oktamp̄li, nana a kaniohmi mvt achukma, hatak ik ithano moma ka ī kana, nana im av̄chi kv̄t imponna,

3. Oka homi ishko shahli keyu, na fahama keyu, ai vlh-piesa keyu isht a hofahya he nan isht ahayuchi b̄vna keyu ; amba nuktanlv̄t, ik itachowo, tv̄li holisso ī hullo keyu ;

4. Yohmi kv̄t ilap in chuka chvfa ya pehlich̄i kv̄t imponna, im vlla vhleha hv̄t im antia achukma ch̄i ka yopunla keyu hosh im anukfila nuktanla achukma hosh nana im api-hisashke :

5. Yohmi ka hatak in chuka chvfa pehlich̄i ik ithano kv̄t, katiohmit Chihowa in chvch a apesv̄chi imponna hinla h̄o ?

6. Himona vbanumpuli toba keyu hashke ; yohmi hatuk mvt ilefehnv̄chi isht a wakayvt hikia hokmvt, nan isht ahullo okpulo nan isht ilbv̄sha im vlhpisa tok a chiyuhmit im vlh-pisa hinla hoke.

7. Anonti vbanumpuli keyu aiasha im annoa achukma kv̄t ieshashke ; keyukmvt isht a hofahya, micha nan isht ahullo okpulo nan isht haksich̄i aiena ka pit itula hinla hoke.

8. Anonti chvch nan isht im vtta yvt yopunla iksho hosh im anukfila nuktanla achukmashke, im anumpa tuklo keyu, oka homi ishko shahli keyu, ai vlhpiesa keyu isht a hofahya he nan isht ahayuchi b̄vna kv̄yu ;

9. Nan ai yimma hi vt vbanumpa a luma hatok a im anukfila kashofa achukma hosh isht ieshashke.

10. Yummak ash ō tikba imomaka pisashke ; yohmi kv̄t anumpa ik achukmo onvtuyula iksho hok mak osh, chvch nan isht im ai vtta ya isht vttashke.

11. Tekchi ak kia yopunla keyu hosh im anukfila nuktanla, hotopali b̄vnnvt na-mihachi keyu, nana ka ahah ! ahni, nana moma ka ai ahl̄i banashke.

12. Chvch nan isht im vtta yvt tekchi achvfa ī hatak osh,

im vlla vhleha, micha ilap in chuka chvfa ya ai vlhpiesa hosh pehlichashke.

13. Yohmi ka chvch nan isht im vtta nan-ai isht-vtta isht vtta ai ahli yvmmak osh ilap isht hohchifo achukma ka ishi hoke; yohmi cha Klaist Chisvs isht ai yimmi kv̄t nukwaya iksho hosh anukfoykvt ahantvshke.

14, 15. Chekosikma chim ona la ch̄i, ahni li; yohmi kia anta li hopaki hokma, Chihowa im aboha anukaka, yvmmv̄t Chihowa okchaya in chvch okvt, vbanumpa ahli ka in tonik, micha in tolahpi yoka, ish a kaniohma he puta kv̄t ish ithaiyana he mak o, ilvppa puta ka pit ch̄i holissochi lishke.

16. Mikma moyuma kv̄t ilvppa ai ahli ai ahnishke; vbanumpa nan otvninchi kv̄t na chinto fehna; yohmi kv̄t Chihowa hv̄t haknip o isht otvnit, Shilombish Holitopa ka isht ai ahlit, enchil vhleha ha im a haiakvt, Chentail vhleha ha isht im anuhumpa tok, mihma yakni paknaka ya ai i yihimmi tok o, vba a holitopa ka ik chukowá im ai ahni na pit chukowa tok.

CHAPTA IV.

Nan ai yimmika ya i filvmm̄it akakoha hi a tikbanli anoli, 1; 6 nana ka a yvmohma he vlhpiesa ka mominchit yvmihcha hi a anumpa vlhpisa il aiyukali isht i miha.

1. SHILOMBISH Holitopa yvt otvninchi fehna hosh anoli kv̄t, himak a pilla ka kaniohmi kv̄t vbanumpa yimmi tuk vt issa cha, shilombish na yoshubli im antiv̄t, nan isht ahullo okpulo vhleha imma isht vlbv̄chi ka yimmit,

2. Nan ilahobi holabi hosh anumpohonli kv̄t, isht il akostininchi mv̄t tv̄li lvshpa isht luv̄t yikotvt kv̄nia hatuk osh;

3. Nan-itauwaya im olvbichi, micha ilhpak kaniohmi ka ik po ka he aiena ka im apih̄isa he; ilhpak yvmmak oka anumpa ahli ithana, micha i yimmi aiena hokv̄to yak oke ai ahnit, habena he mak o, Chihowa hv̄t ikbi tok oke.

4. Yohmi ka Chihowa hv̄t nana moma ikbi tok a achuk-

ma bano, yak oke ai ahnit habena hokvto, ik ahnincho ka hi a nana kv̄t ikshoshke.

5. Yohmi ka Chihowa im anumpa, micha anumpa ilbvsha ita tuklo atuk mak o yvmmak ash ot isht a pim vllhpiesa hoke.

6. Ilvppak o itibapishi vhleha hv̄t ithaiyana he mak o ish nukfoiyuki hok mv̄t, Chisvs Klaist im anumpa isht vtta achukma chia mak a he, na yimmi, micha nan vlvvchi achukma ita tuklo isht anumpa ka isht chim vlvvchit a chi anukfoiyuka hoke.

7. Anumpa kvllakshi shukanumpa, ohoyo sipokni nan anoli chohmi ka chik ahnincho hosh, amba Chihowa holitoblit isht ahantashke.

8. Haknip nan isht vtta isht ai achukma hokvto mishema he keyu hoke: amba Chihowa holitobli nana moma ka isht im ai achukma kv̄t, yakni paknaka nan ai isht ai yukpa, micha yakni inla vla he mihinti ita tuklo ka isht ai yukpa he im issa hoke.

9. Anumpa ilvppvt ai ahli fehna ka, vllhpesa ahnit, ai okpancha he vllhpiesa hoke.

10. Yohmi ka ilvppak osh yohma ch̄i h̄o, e toksvlit pi hoyvblit, isht a hofahya anumpa aiena kv̄t pi onvtohonla kv̄t, Chihowa okchaya ak o il anukchieto ka; yvmmak osh hatak moma okchalinch̄i, yvma i yimmi hok mak heno ahli fehna hosh okchalinch̄i yoke.

11. Ilvppa puta ka im apesvt ish im abahanchashke.

12. Chi himita kak o isht ik ch̄i yukpo kv̄t kv̄na kia ik anto kashke; amba nan ish a kaniohmi, ish anumpuli moma, ish i hullo, chukvsh nan isht ish ai ahni, na chi yimmi, havi imma anukfila iksho, ilvppa puta ka ish yvmohmi pulla na na-yimmi vhleha hv̄t chim ai ithv̄vt chiakaiyashke.

13. Holisso it im anumpulit nan atohnochit, vbanumpa im avvchit isht ish ahanta na ona lashke.

14. Na hv̄lbina chimmi ha he nitak hopaki pilla kash anohowa tok o, vbanumpa isht vtta vhleha hv̄t ibbak chi onochi na chim ai ahli tok vt, chi anukfoiyuka kv̄t isht chik ahanto ki ná.

15. Ilvppa ish anukfihinli cha, chim anukfila ha a mominchit isht ish ahantvt, nana ka i shahlit ish mahaya ka nana moma ka ai otvnashke.

16. Ahah! ish il ahnashke, micha nana ish abahanchi kv̄t ahah! ish ahnashke: yohmi kv̄t yv̄mma achunanchit isht ish mahayashke: ilvppak o ish yvmohmi hokmak osh, ish ile okchalinchikmvt, anonti inlv̄t chi haklo aiena ka ish okchalincha hinla hoke.

CHAPTER V.

Hatak ilaiyuka ka kanimihchit nan i miha he anoli, 1: 5 ohoyo i hatak illi ya nan isht i miha: 17 ik̄sa nan isht im v̄tta, 23 Timohli abekoma chohmi aiena ka nan isht miha, 24 kanimi ka nan im ashv̄chika yvt tikba ivt nan v̄lhpisa ka ona, mikma kanimi nan im ashv̄chika yvt himmak o iakaiv̄t nan v̄lhpisa ka ona.

1. **H**ATAK asv̄nochi ka anumpa kullo isht chik im alv̄mmicho hosh, amba īki chohmichit i kanvt nana ish i mihashke; micha hatak himita vhleha hokv̄no itibapishi chohmichit i kanvt nana ish i mihakmvt,

2. Ohoyo sipokni vhleha hokv̄no ishki chohmichit i kanvt nana ish i mihakmvt, anonti ohoyo himita vhleha hokv̄no haui imma anukfilli ik̄sho hosh, in tek chohmichit i kanvt nana ish i mihashke.

3. Ohoyo i hatak illi vhleha hv̄t i hatak illi ahli pulla ka ish holitoblashke.

4. Amba ohoyo i hatak illi kaniohmi kv̄t im v̄lla, keyukmvt ipok vhleha hv̄t ashakmvt, vmmona nan ithv̄na kv̄t, in chuka mayvt nana achukma ka yvmohmashke; micha ipokni, ishki chohmi ka falaminchit im atobbashke: ilvppvt achukmv̄shke, yohmi kv̄t Chihowa itikba ya ai v̄lhpiesa hoke.

5. Yohmi ka ohoyo i hatak illi ahli pulla, micha vlhtakla hokv̄to, Chihowa ak o anukchieto kv̄t, nitak, ninak ita tuklo ka anumpa ilbv̄sha anumpohonlit a bilia hoke.

6. Amba ohoyo i hatak illi yvt haknip nan isht ai yukpa isht ai yukpvt ahanta hokv̄to, okchaya takla kv̄t illi yoke.

7. Yohmi ka ilvppa puta ka ish im apihisa na anumpa ik achukmo kvt ik onvtulo kashke.

8. Amba kanimi kvt ilap immi, micha ilap in chuka chvfa a fehna aiena ka ik im atahlo hokmvt, vbanumpa ha ik holitoblo kvt, nan ik yimmo ak kia ik achukmo kvt i shahli hoke.

9. Ohoyo i hatak illi yvt afvmmi pokoli hannali ka ik ono hokvto, ik iba holisso kashke,

10. Yvmmt hatak achvfa tekchi atok, nan isht vtta achukma ka isht annoa achukma, vlla achukmalit hofantihinchi, hatak ik ithano nowvt aya ka nan im atahanli, vbanumpuli holitopa iyi kia im achihifa, ilbvsha ya apelahanchi, nan isht vtta achukma puta ka achunanchi biekvt isht ahanta cha tuk mak osh iba holissashke.

11. Amba ohoyo i hatak illi himita vhleha hokvno ish im olvbichashke; yvmmak okvto Klaist im antia ik bvnnot, yakni paknaka nan isht ai yukpa ahnit isht iakmvt, hatak auwaya bvna hinla hoke:

12. Yvmmak okvt na yimmi vmmona tuk vt issa hokvt, isht ilbvsha anumpa hvt onvtuyula hoke.

13. Mikmvt anonti nan isht vtta intakobi kvt, chuka abaiyvchi banot itvnohwa; micha nan isht vtta intakobi kak bano keyu, amba anumpa chukushpali aiena, micha inla nana im a kaniohmi kak bieka isht ahantvt, nana isht anumpula he vlhpesa keyu kia isht anumpuli hoke.

14. Yohmi hoka ohoyo i hatak illi himita vhleha hvt hatak auwayakmvt, vlla ishki tobvt, chuka apesvchit anta kvt, nana ik achukmo nana kia yvmohmi na vbanumpa i sanali vhleha hvt hofahyalit isht ik anumpulo ka he, im ai ahni lishke.

15. Himak a kaniohmi hokvto naksika filvmmmit Setan a iakaiyvt ia mashko hoke.

16. Yohmi ka hatak, keyukmvt ohoyo na yimmi kanimampo kvt ohoyo i hatak illi yvt i kanomi hvt asha hokmvt, yvma apelahanchi na chvch ak okvto nan isht ik i kvnio kashke; amba ohoyo i hatak illi ahli pulla hokvno apelvchashke.

17. Iksa pehlichi vhleha hvt achukmalit iksa pehlichi kak osh holitopa kv̄t i shahlikma, anonti vbanumpa ithv-nanchit isht anumpuli hokak heto i shahli fehnvt holito-pashke.

18. Yohmi ka Holisso Holitopa yvt achi kv̄t, Wak tok-svli vt onush nihechi ka itih h̄a chik takcho kashke: micha, Na toksvli vt im vlhtoba he ak osh ai vlhpiesa hoke, achishke.

19. Ubanumpa isht v̄tta yvt nan ik achukmo kia yvmoh-mi tok annoa ka ik chi yimmo kashke; amba nan atokowa anoli tuklo, tuchina kanima hosh anoli hok mak ashke.

20. Amba ashvchi hatuk o mvhli hokmvno, momvt p̄isa h̄o, ish im alvmnichashke, yohmi na inla āsha kv̄t nukshopa mak inlashke.

21. Nana chim apih̄isa li kv̄t, Chihowa, micha Chitokaka Chisvs Klaist, micha enchil vlhtoka vhleha aiena ka itikba hikia li hosh, ilvppa ish holitobli kv̄t it i shahsholechit, ha-tak achvfona h̄o i kana i shahlichit nana isht chik im ahanto ka he ahni lishke.

22. Hatak kv̄na kia himak fokalechit ibbak onochit, inla nan ai ashvchi ka chik iba taklo kashke: yvmohmi kv̄t a kashofa hosh ish ahantashke.

23. Himmakma oka kapvssa chik ishko hosh, amba chik-foka ak atuk pulla mak o, micha chi abeka shahli aiena hokvt oka-paki kanomosi ka ish ishkashke.

24. Hatak kaniohmi nan ai ashvchi yvt tikbanli otv̄nit, nan ai vlhpisa itikba ȳa oh̄ona hoke; mikma hatak kanioh-mi hokvno iakaiya hoke.

25. Anonti hatak kaniohmi nana achukma a yvmohmi kv̄t tikbanli otv̄ni akinlishke; mikma ik yohmo ke tuk vt luma he keyu hoke.

CHAPTA VI.

Yuka hvt nana ka isht ahanta he vlhpesa ka anoli, 1: 3 ilap vt nan isht ithvnachi tuk a keyu h̄o kv̄na hosh isht ithvnachi hokvno i filv̄mma he. 6 Chihowa anukfoyuka hokvto nan il ahayuchi,

10 tvli holisso i hullo kv̄t nan ik v̄lhpeso ȳo hakshish; 11 nana h̄o Timohli v̄t i filv̄m̄mi cha, anonti nana h̄o im antia he: 17 nan in-lava ya nana h̄o im acha hi a im achi.

1. YUKA puta ikunla abana nuta ahanta kv̄t, ilap i na hullo isht a holitopa he v̄lhpiesa ka isht holitobli na Chihowa hohchifo, micha im v̄banumpa aiena kv̄t isht ik kv̄llaksho kashke.

2. Mikma i na hullo v̄banumpuli yosh āsha hokv̄t itibapishi hokv̄t, isht ik i ahno ka he v̄lhpesa keyushke; amba i na-hullo yv̄t na-yimmi, micha Chihowa i holitopa, micha nana isht ai yukpa v̄ba minti ka it ibai ishi yoka, aiokpanchit nana ka isht im ahantashke. Ilv̄ppa puta kak o im av̄v̄chit ish atonohonchashke.

3. Yohmi ka hatak kanima hosh nana inla h̄o av̄v̄chi, micha isht ai achukma anumpa Chitokaka Chisv̄s Klaist im anumpa, micha Chihowa holitobli nan isht v̄lbahanchi aiena ka v̄lhpesa ik ahnot,

4. Ilefhn̄v̄chi isht alotv̄t, nan ithana keyu, amba tasimbot nan isht a ponaklo ak bano isht anumpohonli, micha anumpa isht itachowa aiena yv̄mmak o a minti hosh nan it i potv̄nno, it i nukowa anumpa, kanimanchit isht anumpuli, anukfila okpulo,

5. Michā hatak im anukfila ik achukmo, micha v̄banumpa āhli kv̄t ik im iksho cha, nana ahayuchi kak osh Chihowa holitobli im ahoba hosh, it i kv̄llot anumpuli aiena hoke; yv̄mma chohmi ka ish il i filv̄mmichashke.

6. A nuktanla hosh Chihowa holitobli kv̄t nana a fehna ahayuchi hoke.

7. Yohmi ka yakni ilv̄ppa nana il īshi hosh e la tok keyu; yohmi kv̄t nana īshit il ia he keyu kv̄t ai āhlishe.

8. Yohmi kv̄t nan ilhpak, micha ilefoka aiena il īshi kv̄t, yv̄mmak oka isht pim ai v̄lhpiesashke.

9. Amba nan in laua he ak bano b̄v̄nna fehna hokv̄to, nan isht hokli, nan isht anukp̄v̄li, micha anukfila ik hopoyukso, micha anukfila okpulo isht ile okp̄v̄ni aiena ka chukowa, yv̄mmak ash ai okpuloka chinto ka hatak a okai ahambi hoke.

10. Yohmi ka tvli holisso i hullo kak osh nan ik achukmo moma ka hakshish isht a toba hoke; yummak o kanjohmi kv̄t anuksitv̄t hohoyo kak osh, vbanumpa ha i filvmmi cha, nan isht a nukhaklo laua ka isht ile nvhlit ile hlopullihinchī tok oke.

11. Amba chishno Chihowa immi chia ma! ilvppa puta kano ish i filvm̄mashke: micha ai vlhpiesa yvmohmi, Chihowa holitobli, na yimmi, i hullo, nuktanlv̄t achunanchi, anukfila yohbi aiena hak o ish hohoyashke.

12. Na-yimmi isht itibi achukma yummak o isht ish itihimbashke; ai-okchayv̄t bilia ak o kv̄llo hosh ish ieshashke, yummak o chishno ak kia isht chi vlhtoka tok, micha nan atokowa anoli l̄awa ka itikba yō vbanumpa yimmi isht anoli achukma ka ish il apesa tuk mak oke.

13. Chihowa yummak osh nana moma ka ik okchayá, im ahni na okchaya, micha Chisvs Klaist, yummak okv̄t Pontivs Pailat itikba hikia mv̄t, ai atokowa ahli achukma ka il anoli tok ita tuklo itikba ya hikia li hosh nana chim apihisa li kv̄t;

14. Chishno yv̄t na-liteha iksho, anumpa ik achukmo chi onvtula he kia iiksho hosh, nan vlhpisa ilvppa holitoblit ish ahanta na pin Chitokaka Chisvs Klaist okv̄t haiakashke:

15. Ai yvmohma he apesa tok nitak yv̄mma ilap ak bano hosh ithana hosh yummak oka haiakv̄cha he; yohmi kv̄t ilap ak osh nayukpa Miko ak bano, miko moma ka i Miko, micha chitokaka moma ka in Chitokaka yoke.

16. Yummak okv̄t ai illa hi vt ik im iiksho, micha tohwikelī yummak oka hatak nana hosh ai ona he keyu hō anukaka ai ahanta hoke; yohmi ka yummak oka hatak nana hosh pisa chatuk keyu, micha pisa hi o keyu; yummak okv̄t isht a holitopa, micha nana moma isht imaiya bilia ita tuklo kv̄t immi hashke. Amen.

17. Himonasi im ilayak laua aiasha ka nana ish im apihisa kv̄t, im anukfila chav̄t ik ai asho ka he, micha im ilayak ai ahli keyu ka ik anukchieto hosh, amba Chihowa okchaya, yummak osh nana isht pim ai achukma he moma ka laua-chit pihima kak ashke:

18. Yohmi kv̄t nana achukm̄vli kv̄t nan isht vtta achukma ka isht ahanta fehna kv̄t, hopela hi vt im vlht̄a, habenv̄cha he vt ahni kv̄t;

19. Nitak himak a pilla mihinta he ak pulla tuk mak o im ilayak achukma ilap immi mak osh intolahpi bohonli na ai okchayvt bilia ya isha he mak o, ish i mih̄hashke.

20. Timohli ma! nana chim vlhpih̄isa tok vt ish holitobli kv̄t, vbanumpa isht ik ahalaio isht anumpa, isht ik ahobo anumpa, micha nan ithana ahli keyu-it i chilitvt isht it im anumpuli aiena ka chik ahalaio kashke.

21. Yohmi ka kaniohmi kv̄t yvm̄mak o iakaiya miha hosh, vbanumpa h̄a i shanaiyvt ashv̄chi tok oke. Isht i kana yvt chi anukfoyukashke. Amen.

HOLISSO ATUKLA PAL VT

TIMOHLI YA

I HOLISSOCHI TOK.

CHAPTA I.

Timohli i hullo kv̄t Pal vt isht anumpuli, 1 ; 6 Chihowa nan isht i ka-na anukfoyuka tok vt i shahlichit isht im anukfihinla hi n̄a im achi.

1. CHIHOWA nana ai ahni h̄o Chisvs Klaist im apostel Pal vt ai okchaya Chisvs Klaist vt ataiyahli tok a anohonla ch̄i hosh iso i holitopa fehna Timohli ya aiokp̄rchishke ;

2. Nan isht i kana, isht i nukhaklo, micha isht it i nanaia aiena kv̄t Iki Chihowa, micha pin Chitokaka Chisvs Klaist ita tuklo ka a mihinti kv̄t chi anukfoyukashke.

3. Chihowa ya yak oke im ai ahni li kv̄t, an tikba v̄hleha hv̄t kanihmit aiokpahanchi beka tok a chiyuhmit anukfila kashofa h̄o isht aiokpahanchi li kv̄t, ak isso hosh nitak, ninak moyuma ka anumpa ilbr̄sha anumpohonli likmv̄t, chithaiyana lishke :

4. Yohmi kv̄t chi nishkin okch̄i mihinti tok a ithaiyana li mv̄t, chi pisa sa bunna fehna, yvmohmit sai yukpa ai ahli fehna hokbano ai ahni lishke ;

5. Yohmi kv̄t na yimmi ai ahli kv̄t chi anukfoyuka ka ithaiyana li mv̄t, chipokni Lois ak o v̄mmona ka yvmmv̄t anukfoyuka tok osh, anonti chishki Yunis a anukfoyuka tok osh, chishno ak kia chi anukfoyuka ka sai yimmi akinlishke.

6. Yvmohmi hoka sv̄bbak chi onochi li tok ak o nana

Chihowa ish i habena tok vt chi anukfoyuka, yvmma achukmalit ish okchvla chi mak o chim anohonli lishke.

7. Yvmohmi ka anukfila isht nukshopa keyu, amba isht hlampko, mikmvt isht i hullo, mikmvt isht a hopoyuksa aiena anukfila ho Chihowa hvt pima tok oka.

8. Yohmi ka pin Chitokaka im anumpa atokowa, mikmvt yvmma atuk pulla mak o yuka sia aiena ka chik i hofahyo hosh; amba vbanumpa ak atuk pulla mak o nan isht palvmmi puta ka Chihowa hvt chi hlampkohonchi mak o isht ish ibai ilbvshashke;

9. Yvmmak osh pi okchalinchi cha, vba nan isht ilaiyukpa holitopa ho il iesha he mak o pi atokoli kvt, pishno nan il ai isha he ai vlhpiesa kak o yohmi keyu, amba ilap nan isht im anukfihinla hosh, yakni ik tobo pilla kash inli ho ilap isht i kana ya Chisvs Klaist ak atuk pulla mak o pihima kak a tok oke:

10. Amba pi Okchalinchi Chisvs Klaist vt vla kak osh himonasi kvno isht i kana ya otvninchi kvt, nan-illi ho imaiyachit kanchi cha, ai okchaya micha ai illa he keyu aiena ka vbanumpa ak pulla kak o isht otvninchishke:

11. Yvmmak atuk pulla mak o vbanumpa isht vtta, micha apostel, micha Chentail vhleha nan im avvchi aiena si vlhtoka tok oke.

12. Yvmmak atuk pulla mak o na-palvmmi puta ilvppa aiena ka pihisa li; yohmi ak inli kia sa hofahya he keyu; kvna ho i yimmi li hatuk vt ithana li hokvt; mikma nana ka isha chi ho ibbak fohki li tok a ishi na nitak yvmma ona he bano ka i sai yimmishke.

13. Anumpa ai ahli achukma is si a haklo tok vt, Chisvs Klaist isht i yimmi, micha isht i hullo aiena ka kvllot ish ieshashke.

14. Shilombish Holitopa pi anukfoka kak osh chi apihinla na nana achukma ish iesha chi ho chima tok a ish ieshashke.

15. Chishno yokvt ilvppa ish ithana; yohmi kvt Asia ai asha tuk vt moyumvt a filvmmiit kvnia tok: yvmma iba foka kvt Fichellvs, micha Hemochenes ita tuklo kak oke.

16. Onesifolvs in chuka chvfa yoka Chitokaka yvt i nuk-

naklok bano, yvmmak okvt sai yukpahanli beka tok oka, mi-
cha yukvt sa talaiyakchi ka ik sa hofahyo ki tok.

17. Amba Lom a ont anta mvt, achunanchi fehna hosh
sa hohoyo cha, si ahayuchi tok.

18. Chitokaka yokvt vlhpesa im ai ahni na nitak yvmmak
oka Chitokaka yvt i nukhaklo ka ahayuchi hok bano; micha
Efesvs a ont anta li ma, nana lawa kaniohmi ka isht si ape-
lahanchi tok a, chishno yokvt ish ithana fehnvshke.

CHAPTER II.

Timohli vt achunanchit Chitokaka in tishu ai ahla chi ka Pal vt i mi-
ha, 1; 16 nana ho ahah! ahna he; 24 mikmvt Chitokaka in tishu
hvt kaniohmit ai vlhpiesvt im anukfila he im anoli.

1. YOHMI ka svso chia hvt Chisvs Klaist nan isht i ka-
na yoka isht ish hlampkashke.

2. Nan-atokowa anoli lawa itikba yo chishno yokvt nana
ka is si a haiyaklo tok vt, yvmmak oka hatak ai ahli achuk-
ma inla ai asha ka nan im abvcha he ai vlhpiesa ak inli kak
o ish imashke.

3. Yohmi ka Chisvs Klaist in tvshka achukma chia hokvt
na palvmmi ish pihisa kvv, vlhpesa ish ai ahnashke.

4. Hatak kvna kia tvshka toba hokvto, yakni ilvppa nana
a kaniohmi ka isht ataklvma keyu hoke: tvshka atokoli tok
ak o yukpala chi hosh yvmohmi hoke.

5. Mikma it i shahlichu a bvna hosh hatak vt achunanchi
ak inli mak osh, nan vlhpisa yak o holitoblit achunanchi ke-
yu hokvto, iachukola he keyu hoke.

6. Yakni okchali yvt vmmona ka toksoli ha yak osh na-
waya yoka ai vpashke.

7. Nana chim ahanchi li ka ish anukfihinlashke; mikmvt
nana moma ka ish ithaiyana chi ka Chitokaka yvt chi anuk-
fohki hokbano.

8. Um vbanumpa hak atuk mak o Lewi isht ai unchululi
Chisvs Klaist vt illi tuk vt, falamvt tani tok a ish ithaiya-
nvshke:

9. Yvmmak atuk pulla mak o nan-ishtakanomi yo chiyuhmit na-palvmmi ka pihisa li hosh, polaka sa talaiyakchi tuk oke: yohmi kia Chihowa im anumpa hokvto talakchi keyu hoke.

10. Yohmi ka ai-okchaya pisa he vlhtoka tok vhleha atuk pulla kak o na-palvmmi puta pihisa li kv, yvmmak kia Chisvs Klaist vt ai-okchaya ataiyahli tok a, micha nan isht a holitopa aiena ka isha chi ka si yvmohmi hoke.

11. Ilvppvt anumpa ai ahli yoke: il ibai illi hokmvt, il ibai okchaya chi ak inli hoke.

12. Nuktanlv il achunanchi hokmvt, il iba mika he ak inli hoke: Klaist a ak ithanoshke, il achikma, ilap ak kia ik pithano ak inla hi oke:

13. Kil i yimmo kia, ilap okvto ai ahlit ahanta: yohmi kv ik ile holitoblo ka he keyu hoke.

14. Ilvppa puta ka ithana chi mak o ish ithvnanchashke: yohmi kv anumpa illa nan isht achukma he keyu, amba haklot maya kv isht ai okpula hi okvno isht itachowvt ik ai asho ka hi o, Chitokaka itikba ya anumpa ai ahli ka isht ish im apihisashke.

15. Vlhpiesa chi ahni ho Chihowa itikba ya ish hikia chi kv ish achunanchashke; yohmi kv ish a toksvli tuk vt isht chi hofahya he keyu hosh anumpa ai ahli yoka, moyumvt ai isha he ai vlhpiesa ka, ish ita kvshkolashke.

16. Yohmikmvt vbanumpa isht ik ahalaio isht anumpa, isht ik ahobo anumpa puta kvno ish apakfopashke; yvmmak okvt Chihowa ik holitoblo i shahli ka ikba hinla hoke.

17. Mikmvt im anumpa hv kanka yo chiyuhmit okpahana hi oke: yvmmak oka iba foka kv Himenevs, micha Filetvs ita tuklo kak oke.

18. Yvmmak okvt nan ai ahli ka i filvmmi kv, illi falamvt tani yvt ant ia tok ahanchi kak atok; mihmvt na yimmi kaniohmi ka okpvni hoke.

19. Yohmi kia Chihowa im intolahpi yvt kvllo ai ahli hoke: anumpa ilvppak osh ai o holisso kak o, Ilap immi ka Chitokaka yvto ithana hoke. Mikmvt Klaist hohchifo hohchihifo kv moyumvt nan ai vlhpesa keyu ka i filvmashke.

20. Yohmi kia chuka chinto anukaka ya nan ai vlhto tvli holisso lakna, micha tvli hvta isht a toba aiena kak bano hosh foka chatuk keyu, amba iti, micha lukfi isht a toba kak kia aiena ak inli chatuk; yohmikma kaniohmi kvto isht a fehnakma, kaniohmi kvto isht a kvllakshi chatuk oke.

21. Yohmi ka ilvppak ash kvna hosh ai i filvmmi hok mvto, nan ai vlhto holitopa hosh kashofvt, i shahli ha isht im ahanta chi kv im vlhtaha hosh, nan toksvli achukma puta ka isht ahanta chi kv im vlhtaha hoke.

22. Haui anukfila himita immi ha tushpvt ish i filvmmi mak inlashke; amba nan ai vlhpiesa, nan ai ahli, it i hullo, micha it i nanaiya aiena ish yvmohmi kv, chukvsh kashofa Chitokaka isht a hochihifo kak o ish ibai achvfashke.

23. Amba isht a hopoyuksa he keyu anumpa tasimbo yokvno chik ahalaio kashke; mikmvt yvmmak okvt itachowa ikbi yoka ish ithanashke.

24. Mikmvt Chitokaka in tishu hokvt itachowa he vlhpesa keyu, amba hatak moma i kana, nan im avvchi kv imponna, nan im okpulot isht ilbvsha kia, nuktanla aiena vlhpesa:

25. Im anukfila yohbi hosh vbanumpa i sanali vhleha yoka nan im avvchi vlhpesa; yohmik mak o Chihowa hv nukfohki na ile kostininchit, vbanumpa ai ahli ka achukmalit ithana yoba ná:

26. Yohmikmvt nan isht a hullo okpulo i nan isht hokli ya ai i hlakofa hinla; yvmmak osh ilap ai ahni hosh yvmmak ash o yukahanchi hatuk oke.

CHAPTA III.

Nan ik vhlpeso nitak vt vla hi a tikbanli anoli, 1; 6 vbanumpa in tvnvp vhleha ha otvninchi; 10 Timohli vt ilap ak o nan im ai ithvnt iakaiya he isht miha; 16 mihmvt Holisso Holitopa ya ahnichit isht anumpuli.

1. ILUPPA ish ithana mak inlashke: yohmi kv nitak ishtaiyopit mahayakma, nitak yvmmvnt nan isht a palvmmi alotowa hi oke.

2. Yohmi ka hatak vt ilapunla he, tvli holisso i hullo, nan isht ilauata, ilefehnvchi, vbanumpa ik ahobalo, iki, ishki ita tuklo ik im antio, Chihowa ya yak oke ik im ai ahno, Chihowa ya ik holitoblo,

3. Im vlla i hullo ik im iksho, nan it im vlhpisa kobvffi, inla aholvbechi, ile oktamplic ik ithano, anukfila yohbi iksho, hatak hochukma moyuma ka ik i hullo,

4. Ilap i yimmi tuk kia haksichi, ahah! ik ahno, anukfila chaha, haknip nan isht ai yukpa yak bano ho i hullo kvv Chihowa ya im i shahli;

5. Chihowa ya holitobli ilahobi kia, ai ahli ka ona hosh yohmi keyu ka he: yvmma chiyuhmi hokvno ish i filvm-mashke.

6. Yohmi ka ilvppa chiyuhmi kak osh chuka ya chukovvt, ohoyo im anukfila iksho, ai ashvchika isht ompoholmot kvnia, anukfila ik achukmo ilaiyuka ka im antivt ahantvt;

7. Nana ka ithahanvt bilia kia, anumpa ai ahli kvno achukmalit ithvna he keyu puta ka yukahanchi hoke.

8. Yohmi ka Channes, micha Chambles ita tuklo kvv Moses a i sanali tok oka, ilvppak ash kia hatak im anukfila okpulot kvnia, na yimmi kvv ai vlhpesa keyu hosh anumpa ai ahli ya i sanali mak inlishke.

9. Yohmi kia himak a pilla ma achakalit ia he keyu; yohmi kvv Channes micha Chambles ita tuklo atok a chiyuhmit, yvmmvt nana a kaniohmi kvv ai vlhpiesa keyu kvv hatak puta ka im otvna chi mak inlishke.

10. Amba nana abahanchi li, kaniohmit ahanta li, nan isht vm anukfihinla, nan isht ai ahanta la he tuk vt ai ahli li, nan ilbvsha pihisa li kvv sa nuktaiyala, nan i hullo li, nuktanlvv achunanchi li,

11. Antiak, Ikonivm, Lista aiena ka ahanta li ma, kani-mihchit a sa hotopahanli na svlbahasha, nan isht ilbvsha kaniohmi ho pihisa li tok a chishno yokvt ish ithana fehnvshke: yohmi kia Chitokaka yokvt yvmma moyuma ka a sa hlakofihinchic tok oke.

12. Ahli mvhli, Chisvs Klaist ibai achvfa hosh Chihowa

im ai ahli bunna moyuma kvt nan isht a hotopa he pihisa pulla hi oke.

13. Amba hatak ik vlhpeso, micha na yoshubli aiena kvt nan ai vlhpesa keyu yohmi kvt i shahlit mahaya hi oke: yohmi kvt ilap vt yoshuhumba hatuk osh inla ya yoshuhumbla hi oke.

14. Amba nana ka chishno yvt ish ai ithvna tuk vt, ai ahlit chi yimmi hatuk okvt ish mahayashke: yohmi kvt kva ho ish im ai ithvna tuk vt ish ithaiyanvshke.

15. Mikmvt yvmma ish ithana kvt vlla chi tomba kash inli hosh Holisso Holitopa ak o ish ai ithvna tok; yvmmak okvt chi hopoyuksacha hinla ho Chisvs Klaist a i yimmit isht chi okchaya hi oke.

16. Holisso Holitopa moma ka Chihowa hvt nukfohkichi ho holissohonchi tok oka; nan isht vlvchi, nan isht ai atokowa, nan isht kostinichi, nan ai vlhpiesa aiena isht pithvnanchi achukma hoke.

17. Yohmi hatuk o hatak Chihowa immi hvt ai ahli hosh, nan toksvli achukma puta ka isht ahanta chi kvt im vltaha achukma hinla hoke.

CHAPTER IV.

Ai ahlit nan a kaniohma he vlhpesa kvt yvmihcha chi ka i miha, 1; 6 ai illa he nitak vt im atikeli, mihmvt vba achukma ka pisa chi im ai ahli kvt im anoli; 9 chekosi im vla chi ka i miha; 16 nan i palvmmi vmmona ka nana kvt kaniohmit onotuyula tok a anoli.

1. CHIHOWA, micha Chisvs Klaist yvmmak osh ilap aephlichika ishit haiakakmvt, okchaya, micha illi tok aiena ka nan im apihisa he itikba ya hikia hosh na chi miha lishke.

2. Yohmi kvt vbanumpa ha isht ish anumpohonlashke, yohmi kvt nitak ai yvmohma he ai vlhpiesa, ai vlhpiesa keyu aiena ka ish achunanchashke; ai atokolit im anumpo honlit, im alvmminchit nuktaiyala hosh nana ka ish im abahanchit ish atohnohonchashke.

3. Yohmi ka vbanumpa ai ahli ka haklo ik bunno ka hi a

nitak vt vla hi oke: haksobish yauohlich i shi cha, ilap im anukfila okpulo ilaiyuka im antia kak osh nan-abvchi lawa ka il im itvnahanla hi oke:

4. Mikmvt vbanumpa ai ahli ka haksobish a isht i filvmitkvnia cha, anumpa ik ahobo yak o haklo bvna toba hi oke.

5. Amba chishno yokvto nan okluha ka ahah! ahnit, nan ilbvsha chi onvtuyula kia chi nuktanlv, vbanumpa isht anumpuli yvt nan isht ai vta he tuk a isht ahantvt, vbanumpa isht ish ahanta hi atuk vt ish ai ahlich i fehnashke.

6. Yohmi ka svlla chi kv anumpa hv si onvtula ho, a svlla chi kv atukonofvshke.

7. Itibi achukma ka itihimbit atahli lishke, nan isht ai ahanta la hi atuk vt atahli lishke, vbanumpa sai yimmi kv ai ahli hosh achunanchi lishke:

8. Yohmi hoka himak a pilla ma nan isht ai vlhpiesa ia-chukoli la he vmmi ituyula, yvma nan ai ahli apesa, Chitokaka yvt nitak yvmak fehna ka vma hi oke: yohmi kv vno ak bano ho vma he keyu, amba ilap vt vla ka i hullo moyuma aiena ka ima hi oke.

9. Chekosi chim vlhtaha pulla cha, ai ahanta li ka ish lashke.

10. Yohmi ka Temas vto himonasi yakni ilvppak inli kak o i hullo hatuk osh, svsvt ia tok: yohmi tuk osh Hlessalonika ya ia tok: Klesens vto Kaleshi yak o ia ma, Titv vto Talmasia yak o ia tok.

11. Luk ak bano hosh si awant anta hoke; Mak ano ilauelit ish lashke; yvmak okv vbanumpa isht ai vta ya a si apela hinla hoka.

12. Yohmi ma Tikikv ano Efesv a ia chi ho tohno li tok.

13. Nowvt aya anchi chito ya Kapv Tloas anta ka ibbak fohki li tok a ish mintikmvt, isht is svv vlashke; yohmikmvt holisso moma, micha tvlhko holisso yokak heno isht ish la pullashke.

14. Aleksanta tvli lakna nan isht ai ikbi yvt nan ik achukmo ilaiyuka si onohonchi tok: ilap nana a kaniohmi tok ak o Chitokaka yokv isht im atobbashke.

15. Yvmmak oka ahah ! ish im ahni mak inlashke ; yvm-mak okvt pim anumpa moyuma ka i sanali fehna hatuk oka.

16. Ummona isht il anumpuli li kvno hatak achvfa kia si awant hikia tok keyu ; amba hatak moma kvt svssvt ia tok ; yvmma yvmohmi tok vt isht ik onvtuyulo hok bano ai ahnit, Chihowa ya im ilbvsha lishke.

17. Yohmi kia Chitokaka yvt si awant hikia tok ; micha sa hlampkohonchi na vbanumpa isht anumpohonli li chatuk vt ai ahli fehnvt vno ak o isht ai otvni ho, Chentail moyuma kvt haiyaklo tok : yohmi ma koi chito itakha ya sa kohchi tok.

18. Yohmi ka Chitokaka yvt nana a kaniohmi ik achukmo moyuma ka a sa hlakfihinchi cha, sai okchalinchit ilap vba apehlichika ya isht sai ona hi oke : yvmma isht a holitopa yokvt immit biliashke. Amen.

19. Pliska, micha Akuila, micha Onesifolvs in chuka chvfa aiokpvchi.

20. Elastvs vto Kolinhla yak o anta tok ; amba Tlofimvs vto abeka hosh Miletvm ak o itonla ho issvt minti li tok.

21. Chim vlhtaha pulla cha, ik hvstulo kisha ho ish lashke. Eubulvs vt pit chi aiokpvchishke, micha Putens, Linvs, Klautia, micha itibapishi moyuma kvt pit chi aiokpvchi mak inlishke.

22. Chitokaka Chisvs Klaist vt chimi shilombish a ibafoyukashke. Isht i kana yvt chi anukfoyukashke. Amen.

HOLISSO PAL VT

TITVS A

I HOLISSOCHI TOK.

CHAPTA I.

Titvs a pit aiokpvchi, mihmvt nana kaniohmi hō Kleti a anta he im ahni tuk vt anoli, 1; 6 vbanumpa isht vta yvt kaniohmit nan im ai vhltaiyaha he; 11 nan ik vhpeso anumpulit nan ithvnanchi itak-ha yvt issa he isht anumpuli.

1. PAL, Chihowa in tishu, micha Chisvs Klaist im apostel okvt, vbanumpa ha anohonli na okchayvt bilia he Chihowa hvt im ahni tok vhleha hvt yimmi cha, anumpa ai ahli ka achukmali fehnvt ithvnt, Chihowa ha isht a holitobla hi atok;

2. Yohmi cha ai okchayvt bilia pisa he ai ahna hi atok, yvmmak oka Chihowa holaba he keyu yvt, nana puta kv̄t ik tobo pilla kash inli hō, im ihisa tok;

3. Yohmi tok osh ont ai vhlpiesa ma nan im ihisa tok vt vbanumpa isht anumpohonli hō isht otvnihinchi; yvma vno ak osh isht anumpohonli la he vm vhlpisa kv̄t, Chihowa pi Okchalinchi nan apihisa tok mak o yvmohmishke.

4. Yohmi kv̄t nan isht a pi yimmi pulla kak o svso, Titvs a, pit chi aiokpvchi lishke: Nan isht i kana, i nukhaklo, micha isht it i nanaiya aiena kv̄t Piki Chihowa, micha pi Okchalinchi Chitokaka Chisvs Klaist ita tuklo ka a mihinti kv̄t chi anukfoyakashke.

5. Kleti a ish anta he chim ai ahni li kv̄t ilv̄ppak atok ; nana kv̄t ik vlhtaho puta tuk a achukmalit isht ish ahanta kv̄t, chim apesa li hatuk oka, vbanumpa isht v̄tta ya tv̄maha puta ka ish ai atokohonlashke.

6. Kanima ka anumpa ik achukmo kv̄t onv̄tonla he keyu, ohoyo achv̄fa i hatak, im v̄lla mvt vbanumpa yimmi nan isht yopomo anumpa kia onv̄tonla he keyu, micha ilapunla keyu hok mak o ish atokolashke.

7. Yohmi ka bishop vt Chihowa nan im apesv̄chi yatuk osh, anumpa ik achukmo kia onv̄tula he keyu h̄o pullashke : ilap ai ahni keyu, nokowa shahli keyu, oka homi ishko shahli keyu, na-fahama keyu, ai vlhpiesa keyu isht a hofahya he nan isht ahayuchi bv̄nna keyu ;

8. Amba hatak ik ithano i hullo, hatak achukma puta ka i hullo, kostini, ai vlhpiesa, Chihowa holitobli, ile oktampli ;

9. Mikmvt anumpa ai ahli im v̄lbahanchi kash o kv̄llot halv̄lli hosh, nan isht v̄lv̄v̄chi ai ahli ka isht im abahanchit, vbanumpa i sanali v̄hleha h̄a nan i mihvt im alv̄mminechi mak inlashke.

10. Yohmi ka ilapunla, nan ik ahobo isht anumpuli, micha na haksichi yvt laua fehna hosh ai asha hoka, mikmvt hakshup tv̄pa v̄hleha hokak heto laua hoke :

11. Yv̄mma itih hvt vlhk̄ma pullashke, yv̄mmak osh ehuka chv̄fa moma ka ai ahli ka i filv̄mmihinechi kv̄t, ai vlhpesa keyu isht a hofahya he nan isht ahayuchi bv̄nna kak osh, yohma hi atuk keyu kia nana ka abahanchishke.

12. Ilap ai achv̄fa, ilap i hopaii atuk ak inli hosh na miha kv̄t, Kletian v̄hleha hvt holabi kak bano chatuk, nampo okpulo, intakobi, isikopa aiena hoke, achi tok.

13. Anumpa atokowa ilv̄ppvt ai ahli hoke ; yohmi hoka vbanumpa yimmi kv̄t ai ahla ch̄i mak o, hotopalit ish im alv̄mminchashke :

14. Yohmikmvt Chu im anumpa ik ahobo, micha anumpa ai ahli ka i filv̄m̄mi hatak nan apih̄isa aiena ka chik im antio kashke.

15. Yohmi ka kashofa hokv̄no nan okluha kv̄t i kashofa hoke ; amba ik kashofa, na yimma he keyu hokv̄no nana kia

ik i kashofo hoke ; amba nan ahni, micha isht il akostininchi aiena kvt litehvt kvnia hoke.

16. Yohmi kvt Chihowa ha ithana, miha kvt il otvninchi ak inli kia, nana a kaniohmi puta kvt isht ik holitoblo, na yimma he keyu, mikmvt nan toksvli achukma puta ka ik ai ahlo hoka i yuwala he vlhpesa hoke.

CHAPTER II.

Nana ho isht anumpulit abahancha hi a, mikmvt kaniohmit ai vlhpiesvt aya hi a Titvs a im apesa, 1 ; 9 yuka, micha hatak moma kvt nan akaniohma he vlhpesa ka anoli.

1. AMBA chishno yokvto nan okluha kvt nan isht vlbvchi achukma ka isht ai ahli kak o isht ish anumpohonlashke ;

2. Yohmi kvt hatak asvnochi puta kvt ahah ! ahni, yopunla iksho hosh im anukfila weki achukma, kostini, vbanumpa yimmi, it i hullo, nuktanlvt achunanchi aiena kvt ai ahlashke :

3. Mikma ohoyo asvnochi puta kvt vbanumpuli yokvt ai yrmohmi vlhpiesa kak o yrmohmi mak inlashke ; inla aholbechi keyu, oka homi yoka i yuhuka keyu, nana hochukma ka abahanchashke :

4. Yohmi kvt Chihowa im anumpa hvt ik kvllaksho ka chi ka, ohoyo himita puta kvt ile oktampli, i hatak i hullo, im vlla ya i hullo aiena ;

5. Mikmvt kostini, havi anukfila iksho, ilap in chuka anvt, nan isht ahanta, hochukma, ilap i hatak im antia achukma aiena chi ka im abahanchashke.

6. Hatak himita puta mvt ile oktampla chi ka nan ish i mihaha mak inlashke.

7. Nan okluha ish a kaniohmi kvt nan toksvli achukma puta isht ai ithvna yo ish il otvnihinhashke : nan ish abahanchi kvt ai ahli kak bano, yopunla keyu hosh anukfila weki achukma hosh ish im abahanchashke ;

8. Yohmi kvt anumpa achukma isht ai i sanala he iksho

h_o ish abahanchashke; yohmi na kvna hosh ch_i sanali hatuk mvt, nan ik achukmo nana kia isht chi anumpula he iksho kv_t hofahyashke.

9. Yuka puta kv_t ilap i na-hullo yoka im antia, micha nan okluha ka isht ai yukpali, a sanalit ik anumpulo ka he;

10. Micha ik hukopo, amba nan okluha ka ai ahli achukma he; yvmohmi cha Chihowa pi Okchalinchi im anumpa ha nan okluha ka isht a holitobla ch_i ka ish i mihhashke.

11. Yohmi ka Chihowa isht i kana yak osh ai okchaya ishi kv_t hatak puta ka im otvni tok oka,

12. Yvmmak osh pim abahanchi kv_t, Chihowa isht ik holitoblo puta, yakni ilvppak inli anukfila okpulo ilaiyuka ka isht kil ahanto ka he, amba ile oktampli, hatak bika it im ai ahli achukma, micha Chihowa ya holitobli hosh himonasi yakni ilvppa il ahanta he;

13. Mikmvt ai okchayvt isht il ai yukpa bilia, micha Chihowa Chitokaka, pi okchalinchi Chisvs Klaist vt isht a holitopa ieshi hosh haiaka hi a pit hohoyot il ahanta he;

14. Yohmi kv_t yvmmak ash osh ai ashvchika puta ka a pi hlakofihinch_i cha, pi kashofi na ilap immi okla holitopa fehna e toba cha, nan toksvli achukma puta ka a yiminta hosh isht il ahanta he mak o, pi vlhtoba hosh illi tok.

15. Ilvppa puta kak o ish anumpulashke, yohmi kv_t Klaist im anumpa ai ahli ka nan isht a mihvt ish im olahambashke. Yohmi na hatak nana kia ik chi shitilemo kashke.

CHAPTA III.

Nana h_o ithvnancha he, mikmvt nana h_o ik ithvnanch_o ka he aiena ka Titvs a im avchi, 1; 12 im vla hi a pit i miha.

1. MIKO, nan apesa, nan vlhtoka vhleha moyuma ka im antia achukma, nan toksvli achukma puta ka isht ahanta ch_i kv_t im vlhtaha he,

2. Hatak nana kia kvllakshichit isht ik anumpulo, it i nokowvt ik itachowo, amba anukfila yohbi, hatak moma ka i kana aiena he mak o, ithana ch_i ka ish im anohonlashke.

3. Yohmi ka pishno ak kia tikba hokvno nana kil ithano, Chihowa kil im antio; pi yoshubvt, anukfila okpulo ilaiyuka, micha haknip isht ai yukpa aiena ka i yuhukvt, hotopali bvna, it i potvno aiena isht il ahanta kv, nan isht ik pi ahobo fehna hosh it i nukkillit il ahanta tok.

4. Yohmi tok kia Chihowa pi okchalinchi yvt hatak isht i kana, micha isht i nukhaklo aiena kv otaiyani ha yano,

5. Nan ai vlhpiesa isht ahantvt il atahli tok ak o keyu, amba pi nukhaklo kak osh himona toba isht vlhchihifa kv, Shilombish Holitopa yak o himona isht a toba ho isht a pi okchalinchi tok oke;

6. Yohmi kv yvmmak ash o Chisvs Klaist pi okchalinchi yvt nan atahli tok ak pulla kak o, lauachi fehna hosh pi o fohobli tok:

7. Yohmi na isht i kana yo isht a pi vlhpiesa hosh, ai okchayvt bilia il isha he pim ai vlhpiesa hosh e toba hinla hoke.

8. Anumpa ilvppvt ai ahli yoke, yohmi kv nana yvm-mak ash puta ka kullochi fehna hosh isht ish anumpohonla he chim ai ahni li; yohmi na Chihowa i yimmi tok vhleha hv ahah! ahnit, nan toksvli achukma puta ka achunanchit isht ahantashke. Nana ilvppa puta kv achukma, micha hatak a isht im achukma hoke.

9. Nan isht a ponaklo isht ik ahobo, in tikba ai unchululit isht auehinchi isht annoa, nan isht itachowa, micha Chu i nan vlhpisa isht itachowa aiena ka chik ahalaio kashke; yvmmt nan isht ik ahobo, micha nan isht ai achukma hi vt iksho hoka.

10. Hatak kvna hosh vbanumpuli iksa i sanalit it a kvshkoli bvna hokma, vmmona, micha atuklant ish im olabi ha yoka yvmihchi kv imoma hokma, chik aiokpancho kashke.

11. Yvmma chiyuhmi hokvto ai ahli ka i filvmmmit kvnia hosh, nan ashahanchi kv, ilap inli kv ik ai ahlo kv otvninchi hoka ish ithaiyanashke.

12. Tikikvs, Atemas, kanimampo ka pit chim pila li hokma, Nikopolis ak o anta li hoka ik kanihmi kia ish la pul-lashke: hvstula ya yvmmak o anta la chi hoke.

13. Nan vlhpisa imponna Senas, micha Apollos ita tuklo kv̄t im vlhtaha achukma cha, nana a b̄v̄nna kv̄t ik im iksho ka ch̄i ka ish im atahli cha, auct ish pilashke.

14. Mikma pimmi yokv̄t nan isht ai v̄ni ik im iksho hosh ik anto ka ch̄i kv̄t, nana ka ai yvmohma he ai vlhpiesa nan toksvli achukma puta ka achunanchit isht ahanta ch̄i kv̄t, moyumv̄t ith̄v̄na mak inlashke,

15. Si ap̄iha kv̄t moyumv̄t pit chi aiokpr̄chishke. Na yimmi pia h̄a p̄i hullo ka moyuma ish aiokpr̄chashke. Isht i kana yv̄t hv̄sh moyuma ka hv̄chi anukfoyukashke. Amen.

HOLISSO PAL VT

FILEMON A

I HOLISSOCHI TOK.

Filemon a pit aiokprchi, mihmvt na yimmi, micha nan isht i hullo aiena kv̄t anukfoyuka ka haklo mvt, na yukpa; yohmi hosh in tishu Onesimvs a nana ka i kashofi cha, atuklanchit i hullot aiokprcha chi ka ahni fehnvt miha.

1. PAL, Chisvs Klaist ak atuk pulla mak o yuka, micha il itibapishi Timohli yvt pi holitopa, il itiba toksvli Filemon,

2. Mikmvt pi holitopa Affia, micha tvshka il itilauī Achippvs, micha chvch chin chuka asha aiena ka pit hvchi aiokprchishke:

3. Nan isht i kana, micha isht it i nanaiya ita tuklo Piki Chihowa, micha Chitokaka Chisvs Klaist aiena ka a mihinti kv̄t hvchi anukfoyukashke.

4. Anumpa ilbvsha anumpohonli likmvt, chithaiyana li kv̄t,

5. Chitokaka Chisvs Klaist oka ish i yimmi, micha vbanumpuli vhleha ha ish i hullo aiena ka hahaklo li kak osh, Chihowa ya yak oke im ai ahni lishke.

6. Na yimmi chi anukfoyuka kv̄t ai ahli fehnvt otahani na Chisvs Klaist isht a holitopa he mak o, nana achukma puta kv̄t chi anukfoyuka ka ai ithaiyana hokbano, ai ahnit asilhha lishke.

7. Yohmi ka chishno ak atuk pulla mak o vbanumpuli vhleha chukvsh vt yuhukpa hoka, isht ish i hullo ka isht a pi nukvla, micha isht a pi yukpa chintoshke, itibapishili ma!

8. Yohmi ka Klaist immi sia hokvt nana ka nukwaya iksho kamohmi hosh a chim ai vlhpiesa ka chim apesa la he vlhpiesa kia,

9. Pal sipokni, micha Chisvs Klaist ak atuk pulla mak o yuka ma aiena mih sia hash osh, isht i hullo li pulla atuk mak osh chim asilhha li kak osh vm i shahlishe.

10. Yuka hosh anta li mvt, tobachi li tok svso, Onesimvs ak atuk pulla mak o chim asilhha lishke.

11. Yvmmak okvt tikba hokvno nan isht chim ai achukma iksho ki tok kia, himonasi kvno chishno, micha vno il ita tuklo ka isht pim ai achukma fehnvshke.

12. Yvmmak oka falaminchit pila lishke; sa chukvsh chiyuhmi hoka i kanvt ish ishashke.

13. Yvmmak okvt si awant antvt, vbanumpa ak atuk pulla mak o yuka hosh anta li ka, chishno ak a he tuk mak o chi vlhtoba hosh nana kia isht vm ahanta he im ai ahni la he vlhpesa kia;

14. Yohmi kia chishno chim anukfila keyu ka, nana kia yvmohmi la he ak ai ahno: yohmi na nana achukma ish yvmohmi kvk ik kaniohmi kia ish yvmohma hi atuk o keyu, amba chishno inli chim anukfila kak ashke.

15. Yohmi ka yvmmak okvt hvshi kanvlli achvfa chohmi itin takla ho chi filvmmi na yvmmak ash ish ishi na bilia hi atuk yoba ka;

16. Yohmi ka yuka keyu, yuka kano i shahli, vno yvt itibapishi li a holitopa ho fehna, amba chishno yokak heno a chimmi, micha Chitokaka ibai achvfa hokvt chi holitopa kvk i shahli fehna hinla keyu?

17. Yohmi ka chibai achvfa li ka is si ahni hokmvt, vno ak a he tuk ma chiyuhmichit i kanvt ish ishashke.

18. Nana kia chim okpvi tok, micha aheka kia chin takanli hokma, vno ak o aheka is svm ikbashke.

19. Pal sia hvv vno svbbak ak inli ho isht holissochi li kvk, atobbi la he mak oke; yohmi kia is svm aheka kvk chishno yak fehna kak kia is san takanli ak inli ak chim achoshke.

20. Ahlishke, itibapishi li ma! Chitokaka ish ibai achvfa

hoka nana isht chi a sai yukpashke; Chitokaka ish ibai achvfa hokvt is sa nuktalalashke.

21. Is svm antia hinla ka ch_i yimmi li, micha nana achi li ka i shahli ak inli ish yvmihcha ch_i ka ithana li aiena hatuk osh, ch_i holissochi li tuk oke.

22. Yohmi kia ai-vtta la ch_ikma, aieninchit is svm atah-lashke: yohmi kv_t anumpa ilbvsha ish anumpohonli hatuk mak o chim ona la he ai ahni lishke.

23. Chisvs Klaist ak atuk mak o yuka sa b_ika Epaflas vt pit chi aiokpvchishke.

24. Makvs, Alistachvs, Temas, Lukas it ibai toksvli li vhleha aiena kv_t pit chi aiokpvchishke.

25. Pin Chitokaka Chisvs Klaist isht i kana yvt chi Shilombish a ibafoyukashke. Amen.

HOLISSO PAL VT

HEBLU OKLA HA

I HOLISSOCHI TOK.

CHAPTA I.

Klaist vt Iki Chihowa ya itilau i kvt annoa, 1: 4 enchil puta i shahli fehna; 14 enchil vhleha hvt nan isht ai vtta ka anoli.

1. CHIHOWA hvt nitak chashpo ilaiyuka, micha a kaniohmi mvt ilaiyuka hosh pin tikba vhleha hopaii vhleha ak o isht ai im anumpohonli kvt,

2. Polaka ilvppvut ai ishtaiyopi mak o ilap Ushi yo isht a pim anumpohonli kvt, yvmmak osh nana moma ka iesha he im ai vlhpiesa mak o atokoli tok; micha vba yakni, micha yakni ilvppa a moyuma ka yvmmak ash o isht ai ikbi ak inli tok:

3. Yvmmak ash osh Chihowa isht a holitopa shohmalali, micha Chihowa mih fehna yatuk, micha nan okluha ka im anumpa kullo ai ahli kak o isht ieshi hosh ai ashvchika isht a pi kashofa hi a ataiyahli tok osh, Nan okluha imaiya vba chaha moma i shahli ka a binili im isht impak imma ak o binili tok.

4. Nan iesha he im ai vlhpiesa hatuk vt ieshi hatuk osh, ilap hohchifo isht a holitopa kak osh enchil vhleha ha i shahli fehna hatuk osh kaniohmit holitopa kvt ymma i shahli fehna hoke.

5. Nitak nanta kash o enchil vhleha ha achvfona kia, Chishno yvt svso chia mak o himak nitak a chi tobachi

lishke; micha anonti ilap vt, Ūno yak o Svso hachi, mik-mvt, vno yvt Iki sia hachi hoke, im achi tok o?

6. Michā anonti, Tobahpi yash o yakni paknaka ya isht vla mvt, Chihowa im enchil vhleha hvt moyumvt aiokpa-hanchashke, ahanchishke.

7. Mikmvt enchil vhleha hano isht anumpuli kvt ilvppak o achishke, Yvmmvt im echil vhleha hokvno mahli chiyuh-michit, mikmvt in tishu hano luak libbi chiyumichi hoke.

8. Amba Ushi yokvno ilvppak o im achishke, Chihowa ma! ish ai o binili holitompa kvt hikia bilivt peh bilivshke: nan ai vlhpiesa tvbi yak osh ish aephlichika yoka in tvbi yoke:

9. Chishno yokvt nan ai vlhpiesa kak o ish i hullo cha, nan ik vlhpeso yokvno ish i nukkillishke; yohmi ka Chihowa, chin Chihowa yak osh nan isht ai yukpa bilia ya laua i shahli ho isht chi ahvmmi kvt, ish ai itilau i tuk a i shahli chikbi tok.

10. Michā Chitokaka chishno yak osh vmmona kash inli ho yakni ilvppa intolahpi ka ish boyuhli tok; mihmvt nana moma vba shutik ai asha ka, chibbak ak osh ihikbi tok.

11. Yvmmak okvto ont ai okpulo kvt taha kia, Chishno yokvto ish ahanta he; mikma yvmmak okvto moyumvt sipokni kvt na fohka yo chiyuhma hi oke:

12. Mikma anchi yak inli ho chohmichit ish pohla he; mikma yvmmak ash ot inlv toba he: yohmi kia Chishno yokvto mih yash inli chia, micha chim afvmmi hokvt ont ataha he iiksho hoke.

13. Yohmi kia nitak nanta kash o enchil vhleha achvfona kia, Svbbak isht impak-imma ak o ish a binili na chin tvnvp vhleha hoka chiyi ai o hikia yo ikbi li hayashke, im achi tok o?

14. Yvmmak ash ot moyuma kvt nan isht ahanta shilombish osh ai okchaya pisa he im ai vlhpiesa vhleha yvmmak o nan isht im ahanta chi vltoka yo keyu?

CHAPTA II.

Klaist a il im antia he tuk, 1; 9 pi okchalíncha chí kvt hatak o toba tok oka; 14 yohmi kvt nana kvt a yakohma he vlhpesa tok mak osh hatak o toba tok.

1. YOHMI hoka nana e haiyaklo tuk puta kvt ahah! ahni fehna hosh il anukfihinla hetuk, e yvmohmi keyukmvt, nitak kanima ka pi kvnia hinla hoke.

2. Yohmi ka enchil vhleha hvt anumpa anumpohonli tok a ai ahlit kvlló hatok okma, micha kvna hosh anumpa yvm-mak ash o kobahafi, micha ik im antio puta ka isht vlhtoba kvt isht ai vlhtoba he vlhpiesa ho ihishi tok okma:

3. Ai-okchaya chinto yakohmi ka kil anukfihinlokmt, katiohmit pi hlakofa hinla cho? yvmma vmmona ka Chitokaka yak osh isht anumpohonli tok o, anonti yvmma i haponaklo tok puta kvt ai ahlichí mak osh pim anohonli tok:

4. Chihowa hak kia atokowa ibai anohonli kvt, nan isht atokowa, nan isht anukhlakvshli, micha nan isht ai ahli ilai-yuka, micha Shilombish Holitopa na hopela aiena ka ilap im anukfihinla hosh isht ai ahlichí tok:

5. Yohmi ka yakni talaia he isht il anumpuli ka, enchil vhleha hokvno i nutaka apihisa tok keyu hoke.

6. Amba achvfa kvt kanima ka atokoli hosh ai anumpuli kvt, Hatak vt nanta ho yvmmak oka chishno yokvt isht chim anukfihinla ho? micha hatak ushi yoka, chishno yokvt ish i nohowa ho? ahanchi tok.

7. Yvmmak oka enchil vhleha hokvno lumvt ik lauwo ho ish ikbi tok osh, isht a holitopa chinto ka isht ish iachukolechi, micha nan okluha chibbak vt ihikbi tok a i shahli ho ish ikbi tok:

8. Chishno yokvt nan okluha kvt iyi nuta aiasha cha, im antia hi a ish apesa tok. Yakohmichit moyuma ka im i nutakvchi ha yokvt, nana kia ik im i nutakacho ka achvfa kia iksho ki tok. Yohmi kia nan okluha kvt ik im i nutako kisha ho himonasi ka e pihisvshke:

9. Yohmi kia Chisvs, yvmmak okvt enchil vhleha hā lumvt ik lauwo hosh toba tok kia, nan-illi isht ilbvsha ka pihisa kak osh isht a holitopa chinto ka isht iachuka ka e pihisvshke; yohmi na Chihowa isht i kana pulla hatuk mak o yvmmak ash ot hatak moyuma ka vlhtoba hosh illa hi atok.

10. Yvmmak pulla hosh nan okluha ka ihikbi tok, mih fehna kash inli atuk pulla mak o nan okluha kv̄t toba tok, yvmmt yvmihcha he im ai vlhpiesa hosh ushi vhleha laua ka isht a holitopa ka pehlichit isht ohona kv̄t, yvmmak ash isht ai okchaya i kv̄pitvni hv̄t nan isht ilbvsha puta ka pihisa hosh isht ai ahla hi a im apihisa tok oka.

11. Yohmi ka na-kashofi, micha nan ai ashvchika i kashofa aiena kv̄t it ibai achvfa hoke; yakohmi hoka ik hofahyo hosh itibapishi vhleha hochihifo kv̄t,

12. Itibapishi li vhleha hā chi hohchifo hā otv̄ninchit im anohonli la chi; itibapishi li vhleha hā ai iklv̄nna hikīvt talahov̄vt chi aiokpahanchi la chi hoke, ahanchishke.

13. Mikmv̄t anonti, Yvmmak o anukchieto la chi hoke, achishke. Anonti, Ūno, micha vlla vhleha hā Chihowa hv̄t ahama tok oka pisá, achishke.

14. Yohmi hoka vlla vhleha hash osh haknip, issish aiena ka ibai ishi hatuk o, ilap ak kia anonti yvmmak ash ibai ishi tok ak inli hoke: yohmi na vlhtobvt illi pulla hosh nan-illi ishi, yvmmt nan isht ahullo okpulo ak atuk a imaiyachi cha;

15. Yvmmt nan-illi i nukshopa kak osh, okchaya takla kv̄t yuka tobvt kv̄nia chatuk a mominchit hlakoficha hi atok.

16. Yohmi ka ahlishke, yvmmt enchil vhleha hā halanli tok keyu; amba Eblaham isht ai unchululi hak o halanli tok.

17. Yvmohmi ka nan okluha ka ai yvmohma he ai vlhpiesa hosh itibapishi vhleha ak inli hō chiyuhmit toba hi atok; yvmohmi hosh i kana feh̄vt na-holitompa isht vtta chinto ai ahli fehna hosh Chihowa nan isht im ahanta kv̄t, okla puta nan ai ashahanchi tok isht vlhtohomba he ikbi mak osh isht ahanta hi atok.

18. Yohmi ka ilap ak kia imomaka pisa kvt, na-palvmmi pihisa hatuk okvt, kuna hosh imomaka pisa hokvno apelvcha hi vt ithana hoke.

CHAPTA III.

Klaist vt holitopa kvt Moses a i shahli, 1 : 7 yohmi hoka kil i yim-mokmvt, Israel chukvsh kvllo vt na palvmmi isht onvtula he im vlpisa tok a i shahlit pi onvtula he bano hoke.

1. YUMOHMI hoka itibapishi holitopa vhleha vba nan isht ilaiyukpa et annohowa ka ibai ishi hvchia ma ! Apostel, micha Na-holitompa isht vtta chinto, Chisvs Klaist a il ithai-yana, il il apihisa tok a hvsh anukfihinlashke.

2. Moses vt ilap in chuka ai achvfa moyuma ka im ai ahli bano tok a, chiyuhmit yvmmak ash osh ilap a atokoli tok a im ai ahli bano tok.

3. Yohmi ka hatak ilvppvt isht a holitopa i shahli ho isht a holitopa kvt Moses a i shahli kvt, chuka yoka kuna hosh ikbi tok ak osh holitopa kvt, chuka yash i shahli chatuk a chiyuhmi hoke.

4. Yohmi ka chuka toba moyuma ka ikbi vt asha bano chatuk ; amba nana moma ihikbi tok vt Chihowa ak oke.

5. Yohmi ka tishu ho chiyuhmit Moses vt ilap in chuka ai achvfa moyuma ka im ai ahli bano kvt, nana isht anu-humpa he mak o atokolit anohonli tok :

6. Amba Klaist vto Ushi yosh in chuka achvfa pehliechi ho chiyuhmit ai ahli tok ; yohmi ka ai okchaya ya na-yuk-pvt e hohoyo hosh Chisvs Klaist il anukchieto kvt, achu-nanchi ai ahli hosh ai vhli ka il ona hokmvt, yvmmak ash in chuka pia hoke.

7. Yvmohmi hoka Shilombish Holitopa yvt ahanchi kvt, Himak nitak oka im anumpa hoka hvsh haiyaklo hokmvt,

8. Hvchi chukvsh oka hvch ik kvllocho kashke : yohmi kvt isht a nokovvchi, yvmohmit nana ka imomaka pisachi hosh yakni haiaka itvnova tok a hvch ik chiyuhmicho kashke.

9. Nitak yvmmak ash hvch iki vt ik sai yimmo kvt imo-

maka sa pisvchi tok; micha nana a kaniohmi li puta ka pihisa na afvmmi pokoli ushta tok.

10. Yvmohmi hoka okla yvmmak ash isht vm ahchibvt kvnia tok: mihmvt, Yvmvt chukvsh anukaka ya isht ashvchi bilia, micha vm anumpa vllhpisa puta ka ik ithanoshke, achi li tok.

11. Yohmi kv̄t sa nukhobela hosh anumpa kv̄llo il onochit anumpohonli li hoka, Um afoha yoka chukowa himma keyu mak oke.

12. Itibapishi li vhleha hv̄t ahah! hv̄sh ai ahnashke, chukvsh okpulo, nan ik yimmo Chihowa okchaya ya isht hv̄sh ai i filvmma hinla kv̄t, hv̄sh kanima ka ik hv̄chi anukfoyuko kashke.

13. Amba himak nitak achi itin takla kak o nitak puta ka nan it i mihvt hv̄sh iti hlampkohonchi pulla ho, hv̄sh kanima kia nan ai ashvchi isht a haksit ik hv̄chi kv̄llo kashke.

14. Yohmi ka na pi yimmi vmmona tok vt ai ahli biekvt mahayvt ont ai v̄hli ka il ona hokmvt, Chisvs oka ibai achvfa vhleha e toba hoke.

15. Himak nitak achi itin takla kak o, Himak nitak oka im anumpa hoka hv̄sh haiyaklo hokmvt, isht a nokowvchi yvmohmi tok a, chiyuhmit hv̄chi chukvsh oka hv̄ch ik kv̄llocho kashke.

16. Yohmi ka kaniohmi kv̄t haklo hayvt nokowvchi tok: yohmi kia Moses vt pehlichit Echip a kohchi tok a moma hosh yohmi tok keyu hoke.

17. Amba afvmmi pokoli ushta ka kv̄ta hak o isht im ahchibvt kvnia tok o? nan ashvchi tuk osh haknip illi vt yakni haiaka ya ai itohonla ak atok keyu cho?

18. Yohmi ka kv̄ta hak osh im afoha yoka chukowa himma keyu ho anumpa kv̄llo il onochit anumpohonli tok o? amba ik i yimmo ke tuk vhleha ak atok keyu cho?

19. Yohmi ka ik i yimmo pulla kak osh chukowa he keyu ki tok a eho pisvshke.

CHAPTER IV.

Ubanumpuli a-foha he vlhtaha tok a na yimmi pulla hokmak osh isha he, 1: 12 Chihowa im anumpa hvt aiahli fehna; 14 Na holitempa chinto isht pim vttā yvt Klaist Chisvs Chihowa Ushi, 16 nan isht ai i kana ai o binili holitempa nukwaya keyu hosh il ohonashke.

1. Y UMOHMI hoka im afoha e chukowa he pim issa tok a takali moma hoka, hvsh kanima kv̄t hvch ik ono ahoba hinla ka, ahah! il ai ahnashke.

2. Isht ai yukpa anumpa yash ot pishno ak kia pim annohōwa kv̄t, yvmmvt im annohōwa tok ash o chiyuhmi tok: yohmi kia anumpa im annohōwa kv̄t nan isht im achukma tok keyu kv̄t, anumpa hahaklo yvmmak okvt na yimmi ya ibafoki keyu ak atok.

3. Yohmi ka, Si anukhobela hosh anumpa kv̄llo il onochit anumpohonli li hoka, yvmmak okvt vm afoha yoka chukowa he keyu, ilap vt achi tok: yohmi ak inli kia pishno il i yimmi hatuk okvto yakni toba vmmona pilla kash nan toksvli puta kash ot ont vlhtaiyaha tok im afoha yoka e chukowa hoke.

4. Ilap vt yakohmichit nitak isht untuklo ka ai atokowa kanima ka isht anumpuli tok: yohmi kv̄t Chihowa hokvt ilap a toksvli puta hoka ataiyahli kak osh nitak isht untuklo hokvno foha tok.

5. Mihmvt ilvppak o, Ūm afoha yoka chukowa he keyu, anonti achi tok.

6. Yakohmi hoka afoha yoka kaniohmi kv̄t chukowa chi pulla ka takanli moma hoka, yohmi ka isht ai yukpa anumpa im annohōwa vmmona tok vhleha hokvto afoha yoka ik chukowo kv̄t na-yimma he keyu kak atok.

7. Anonti Lewi ak o isht ai anumpulit nitak kaniohmi hō atokolit, Himak nitak a ahanchi, nitak yvmmak atok a hopakit taiyaha, achi hoka, Himak nitak a vm anumpa hvsh haiyaklo hokmvt, hvchi chukvsh oka hvch ik kv̄llocho kashke.

8. Yohmi ka Choshua vt yvmmak ash afoha ya ima ha-

tok okma, i himmak okvno nitak inla ho isht anumpula hi atok keyu hoke.

9. Yvmohmi hoka Chihowa im okla vhleha hokvto afoha yvt in takanli hoke.

10. Yohmi ka kvna hosh Chihowa im afoha yoka ont chukowa hokvto, ilap inli toksvli kash issa kvv, Chihowa hvv ilap toksvli tuk vt issa ak inli tok ash inli ho chiyuhmi hoke.

11. Yohmi hoka afoha yvma e chukowa chi kvv il achunanchi fehnashke; ik yimmo hosh itohonla tok ash o chiyubmit hatak kvna kia ik itulo kashke.

12. Yohmi ka Chihowa im anumpa hvv okchaya, micha isht ai ahli fehna, micha halupa kvv bvshpo falaia itahlakla halupa yak kia i shahli hosh hlopullichit bvshli kvv, ilhfiopak, micha shilombish ita tuklo ka it i filvmmichi, anonti itachakli, micha lupi ita tuklo ka it i filvmmichi, micha chukvsh anukaka nan isht ahni, micha nan isht anukfilli puta ka akostininchit nan im apesa yoke.

13. Nana toba moma kvv achvfa kia itikba ya ik im ai otano kvv iiksho; amba nana ka il it i kaniohma chi yvma i holhponayo hokvno nan okluha kvv ik ompoholmo i bieka hoke.

14. Na-holitompa isht vttā chinto pim anta, Chihowa Ushi, Chisvs okvt vba yakni oka ona tok oka, nana ka il il apihisa tok vt il ai ahlashke.

15. Yohmi ka na holitompa isht vttā chinto nan isht a pilbvsha ka ik piba nukhaklo ka hi osh pim anta keyu; amba nana a kaniohmi puta ka imomaka pisa kvv, pishno ak inli ho chiyuhmi kia ai ashvchi yak osh ik im iksho ki tok.

16. Nan isht i nukhaklo il ishi cha, ont ai vhlpiesa pi apela chi ka isht i kana il ahayucha chi kvv, isht ai i kana ai o binili holitompa nukwaya keyu hosh il onashke.

CHAPTA V.

Chihowa yvt Klaist a holitobli; mikmvt na holitompa isht vttā i shahli yo atokoli, 1; 14 Heblu okla hvv nan ai ahli ilvppa ithvna he tuk vt a haksichi ka Pal vt nan i miha.

1. YOHMI ka na holitompa isht vtta chinto puta hatak a kohchit ihishi ka, hatak ak atuk pulla mak o nana Chihowa immi ha isht ahanta chi kvt, vlhtoka tuk osh nan ai ashvchi isht vlhtoba he puta, micha na hvlbina aiena ka isht im ona hi atok:

2. Ilap ak kia nan isht ai ibetvbla hi vt isht apakfoyupa ak inli hokvt, nan ik ithano, micha yoshuba vhleha aiena ka yvmmvt i nukhakla he bano hoke.

3. Mikmvt nana kvt ai yakohmi hokvt, ilap nan ai ashvchi isht vlhtoba he yak kia, aieninchit okla nan ai ashvchi isht vlhtoba hi a isht im ona hi atok oke.

4. Hatak nana kia ilap ak inli kvt nan isht a holitopa ilvppa isha he keyu, amba Alon atok a chohmichit Chihowa ak osh atokoli hok mak oke:

5. Yohmi ka Klaist ak kia ilap ak inli hosh na holitompa isht vtta chinto toba chi kvt isht ile holitoblichi tok keyu: amba, Chishno vt Svso chia ho himak nitak oka chi tobachi lishke; im achi kak atok oke.

6. Anonti, Chishno yokvt Melkisetek atok a chiyuhmit na holitompa isht vtta hosh ish ahanta na bilia hi oke, inla kanima ka ai achi ak inli tok.

7. Yvmmak ash ot hatak haknip ieszit yakni paknaka ilvppa ahanta mvt, nishkin okchi mihintit, chitoli fehna hosh pahayvt, nan-illi im a hlakoficha hinla ka im ilbvsha fehvt anumpohonli tok: yohmi ka Chihowa ha holitobli hatuk mak o, Chihowa hvvt i haponaklo tok:

8. Yvmmak ash ot Ushi atuk ak inli kia, na palvmmi pi-hisa kak osh imrantia kia isht ithvna tok:

9. Mihmvt nana kvt ai ahlit im vlhtaiyaha kak osh, im antia puta hokvno ai okchayvt bilia ya im atahli yoke:

10. Yohmi kvt Melkisetek atok a chiyuhmit na holitompa isht vtta chinto hosh Chihowa hak o im ai vlhtoka tok.

11. Melkisetek ash isht il anumpula chi kvt pin laua: yohmi kia nana ka akostininchi hvchi svlaha hoka, tosholi ka kvillo hoke.

12. Yohmi ka yvmmak atok a hopakit taiyaha hoka nan im avvchi yosh hvsh ahanta he vlhpiesa kia, kanima kvt

Chihowa im anumpa ai isht ia vmmona ka anonti hvchim abvcha hi a vlhpesa pulla hoke : yohmi kv̄t ilhpak kv̄llo vpa chatuk okvno hvch ik chohmo, amba pishukchi ishko chatuk ak o chiyuhmi ho hvsh tobvshke.

13. Yohmi ka pishukchi ishko puta hokvto nan isht ai vlhpiesa anumpa hoka akostinincha hi a ik ona, vl̄osi yokvt.

14. Amba ilhpak kv̄llo vt asvnochi vhleha hak o im ai vlhpiesa hoke ; yvmmak ash ot nana ka ai yvmohomi kak osh im anukfila isht toksahanli hosh nan achukma, ik achukmo ita tuklo ka isht akostininchi hoke.

CHAPTA VI.

Nan ai yimmika ya ai i filvmm̄it aka ik kaho ka chi, 1 : 11 amba kv̄llōt hiēla chi : 12 nana ka achunanchit nuk̄taiyalvt Chihowa ya aokpv̄cha chi ka i miha : 13 Chihowa im anumpa hv̄t ahli hoka.

1. YUMOHMI hoka Klaist ai isht vlv̄vchi vmmona hokvno e boyuhli cha, ai ahli fehnvt itikba il ia hosh nan toksv̄li isht ai illi ai i filvmm̄it ile kostininchi, micha Chihowa isht i yimmi ;

2. Baptismo nan isht vlv̄vchi, micha ibbak onohonchi, micha illi tok vt falamvt tani, micha hatak puta nan im vlhpisvt bilia he aiena ka intolahpi ka atuklanchit keho bohlo kashke.

3. Micha Chihowa ak osh vlhpesa ahni hokma, ilvppa e yvmohma he mak oke.

4. Yohmi ka kv̄na hosh himonna ha im vlv̄vchit, na-hvlbina vba yakni minti ka akostininchi, micha Shilombish Holitopa ya ibai ishi tok okvto,

5. Mikv̄t Chihowa im anumpa achukma, micha vbanumpa nitak nan isht ai ahli he aiena ka anukfoyuka ha yak okvto,

6. Yvmmak ash osh vbanumpa ha i filvmm̄i hokvt kaniohmit atuklant himonvt toba cha, ai isht ile kostinincha hinla kv̄t iksho kamohmi hoke ; yohmi kv̄t ilap ash inli hosh Chihowa Ushi ya himonvchit ititaiyukhv̄na ya ai vbi kv̄t, otv̄ninchit hofahli hokvt.

7. Yohmi ka yakni ak osh uhumba aiyuka ka ai ih̄ishko

hosh yakni a toksvli yvmmak atuk vt ai isha he vhlpiesa hō offohonchi cha, nan isht ai yukpa Chihowa a mihinti ka ishi hoke :

8. Amba bafvlli halupa ilaiyuka offohonchi hokvno nan ik ahobo hatuk o, isht ai okpuloka he anumpa hvt onvtuyula hosi; yvmmt ont im ishtaiyopi hokvto lua he mak oke.

9. Yakohmichit il anumpuli hoh kia, amba holitopa vhleha ma! hvchishno yokvno nana achukma i shahli, micha ai okchaya nana kv̄t ai ahalaia kak o a hvchi yvmohmi ka, pi yimmishke.

10. Yohmi ka Chihowa hvt ik ai vhlpeso hokmá, nanta tuk osh nan toksvlit holitoblit ilap hohchifo imma ka nan isht hvsh im ahanta tuk a imi haksa he keyu, vbanumpuli vhleha hā nan isht hvsh im ahanta tuk osh, isht hvsh ahanta kv̄t imoma hoka.

11. Mikmvt ai okchaya ishi la he ai ahnit, ai ahlit hvchi yimmi hosh ont ai vhli ka hvsh ona chī kv̄t, nana hvsh a kaniohmi kash ot moyuma kv̄t hvsh achunancha he e hvchim ai ahnishke.

12. Yohmi hosh ik hvch intakobo kashke; amba kaniohmi kv̄t na yimmi kak osh nana ka nuktaiyalvt hohoyo hosh, nana im ihisa tok ash ont ieshi vhlpesa tok ak o hvsh hobachashke.

13. Yohmi ka Chihowa hvt Eblaham a nana ka im ihisa hokvt ilap inli hō ai isht anumpa kv̄llo il onochi kv̄t, i shahli kanima ai isht anumpa kv̄llo il onocha he keyu kak atok,

14. Ahlishke yukpahanlit chi yukpali la he, mikmvt lauahanchit chi lauachi la hi oke, ahanchi tok.

15. Yakohmit nana ka nuktaiyalvt hohoyo hatuk osh, nana ka im ihisa tok ash ishi tok.

16. Yohmi ka hatak okvto i shahli hō ai isht anumpa kv̄llo il onohonchi chatuk vt ai ahli; micha nan isht ai ahli-chi anumpa kv̄llo il onochi kak osh itachowa puta hokvno ont im ai vhlichī chatuk bano hoke.

17. Yvmohmi ka Chihowa hokvt nana ka im ihisa tok a ont isha he im ai vhlpiesa vhleha hoka ilap nana im anukfihinla tok vt kaniohmit ai inla himma keyu ka, achukmalit i

shahlichit im otv'ninchi bvnna hosh, anumpa kvllo y_o il ono-
chit isht ai ahlichit tok :

18. Yohmi ka nana kaniohmit ai inli himma keyu tuklo
yvmmak oka Chihowa hokvt isht a holaba himma keyu
hoka, vba isht il aiyukpa pim ihisa tok ash il isha chi hosh
a hlakofi y_o il o chahafa kv't, nan isht a nuktaiyala chinto il
iesha he ak atok.

19. Nana pim ihisa tok ash il isha he il ai ahni kak osh,
isht a kvllo ai ahli kanvlla he keyu y_o shilombish vt im iti-
laui, micha yvmmak osh, aholitopa fehna isht ompoholmo
anukaka yoka chukowa mak oke.

20. Yvmmak oka pin tikba-heka, Chisvs vt chukowvt,
Melkisetek atok a chiyuhmit na holitompa isht vtta chinto
bilial toba tok oke.

CHAPTA VII.

Melkisetek atok a chohmit Klaist Chisvs vt nan isht vtta holitompa, 1,
11 Alon na holitompa isht vtta yatok a i shahli fehna.

1. YOHMI ka Melkisetek ilvppvt Salem i miko, Chi-
howa holitopa fehna i na holitompa isht vtta yosh, Eblaham
vt miko vhleha ont vbit falamvt aya ma yvmmak ash ot ont
afama mvt, yukupali tok.

2. Yvmmak ash o Eblaham vt moyuma ka a kashapa ont
isht pokoli ka ima mak inli tok: vmmona hoka toshowak-
mvt, Nan ai vlhpiesa i miko, mikmvt anonti yvmma achak-
aya kv't Salem i miko, yvmmt nanaiya i miko achi hoke,

3. Iki iksho, ishki iksho, isht ai unchululi iksho, nitak ai
isht ia vmmona tok vt iksho, micha im ilhfiopak vt ont ai
vhli tok vt iksho, amba Chihowa Ushi yak o chiyuhmi hosh
na holitompa isht vtta yosh ahantvt bilial hoke.

4. Yohmi ka hatak ilvppvt a chinto kaniohmi ho, iki
chinto Eblaham ash ot nana ka in tvnvp a im ai ishi tok ash
achukma i shahli kak o a kashapa ont isht pokoli ka ima
tok a, hvsh anukfillashke.

5. Yohmi ka Lefai ushi vhleha atuk vt na-holitompa isht

vtta vlhtoka kv̄t, okla yvmmv̄t itibapishi; micha Eblaham ak ̄ isht atiaka yak inli kia, v̄ba nan-vlhpisa in tonla hatuk osh, a kashapa ont isht pokoli ka im ai ishi beka mvhlishe:

6. Amba yvmmak ash ̄ ilap okv̄to ai isht unchululi h̄o keyu kia, a kashapa ont isht pokoli ka Eblaham a im ai ishi mv̄t, nana im ih̄isa tok ash ̄ yukpali tok.

7. Mikmv̄t i shahli hak osh ik lauwoka yukpali hoka ik ai ah̄lo, acha hi yv̄t ikshoshke.

8. Mikmv̄t ilvppak okv̄no hatak vt illa he kia a kashapa ont isht pokoli ka ishi; amba yvmmak okv̄no yvmmv̄t ishi kv̄t okchayv̄t ahanta ka, nana kv̄t isht ai atokowa hoke.

9. Yohmi ka Lefai yokv̄t a kashapa ont isht pokoli ka ih̄ishi kia, Eblaham ak ̄ isht ai unchululi hokv̄t, a kashapa ont isht pokoli ka Eblaham a ibai atobbi ak inli tok, yvmma chiyuhmi achi la hinla ak inli hoke.

10. Yohmi ka Melkisetek vt yvmmak ash ̄ afama ma, yvmmv̄t īki ikfiksa anukaka yak ̄ fok̄a moma hatok.

11. Yohmi ka Lefai na-holitompa isht ai vtta yokv̄t ai ah̄li bieka hatok okma, yvmmak ̄ okla hv̄t i nuta ai asha hosh v̄ba nan vlhpisa puta ka ih̄ishi hatok oka, Melkisetek atok a chiyuhmit na holitompa isht vtta inla hokv̄t na katihmi h̄o vlhtoka he vlhpesa moma h̄o? micha Alon na holitompa isht ai vtta yatok a chiyuhma he keyu h̄o?

12. Yohmi ka na holitompa isht ai vtta inla hosh vlhtoka hatuk ̄, anonti nan vlhpisa yash ot inlv̄t toba he vlhpiesa hoke.

13. Yohmi ka yvmma nana puta ilvppv̄t isht anuhumpa hokv̄to, oklushi inla h̄o ibai achv̄fa hatok; yvmmak okv̄to hatak achv̄fa kia alta ya nan isht ai vtta beka tok keyu hoke.

14. Yohmi ka Chuta yak ̄ pin Chitokaka yv̄t a tobv̄t kohcha tok vt ai atokowa; oklushi yvmmak oka na holitompa isht ai vtta imma nana kia Moses vt isht anumpuli tok keyu hoke.

15. Mikmv̄t nana ai atokowa hokv̄t i shaiyahli fehna imoma ka, Melkisetek atok a hoyulba hosh na holitompa isht vtta inla kv̄t hikia hoke,

16. Yvmmak okv̄to haknip nan im vlhpisa imma h̄o isht

vlhtoka tok keyu, amba okchayvt bilia im ai vlhpiesa hatuk osh vlhtoka tok oke.

17. Yohmi ka yummvt atokolit anoli hosh, Chishno yokvt na-holitompa isht vtta Melkisetek atok a chiyuhmit bilia chia hoke, ahanchi tok.

18. Yohmi ka nan vlhpisa yummak ash osh nana ka isht ai achukma, ai ahli ka ik ono hatuk osh akshu tok vt ai ahlishke.

19. Nan-vlhpisa yummak ash okvto nana kia ai ahlich i tok keyu hoke: yummak atuk mak o nana achukma i shahli ho pim ataiyahli hosh vla hatok pulla kak o, Chihowa i bilikasi ka il ona hoke.

20. Mihma yummak ash ot anumpa kvll o il onoyuchi keyu iksho ho yummak ash ot na holitompa isht vtta toba tok oka:

21. Yohmi ka anumpa kvll o il onochi kia iksho ho yummvt na holitompa isht vtta vhleha tohomba tok oka: amba ilvppak okvno anumpa kvll o il onochi hosh nana im ahanchi kv t, Chitokaka yak osh anumpa kvll o il onochi kv t, inlv t im anukfila he keyu mak osh, Chishno yokvt na holitompa isht vtta Melkisetek atok a chiyuhmit bilia chia hoke, ahanchi tok:

22. Yakohmi hosh Chisvs okvt nan it im vlhpisa achukma i shahli yoka ai ahlich i toba tok oke.

23. Yohmi ka yummak ash okvto na holitompa isht vtta yvt lawa mvhli tok: yohmi kv t yummak okvto nan illi ak atuk pulla mak o ahantvt bilia beka tok keyu hoke.

24. Amba hatak ilvppak okvto okchayvt bilia hatuk osh na holitompa isht ai vtta inla himma keyu ho ieshi hoke.

25. Yvmohmi hokvt anonti ilap ak o anukehieto hosh Chihowa hoka im ohona hokvno mominchit okchalinya he bano hosh, yummak oka apelvchit isht anumpohonli hosh ahantvt bilia hoka.

26. Yohmi ka na holitompa isht vtta chinto, yummak okvt ai ashvchika ik im iksho, nan ik okpano, na liteha iksho, nan ashvchi vhleha ha ai i filvmmi, micha chaha kv t vba yakni yak kia i shahli, yummak chiyuhmi hosh pim ahanta he ai vlhpiesa hatok:

27. Yohmi ka na holitompa isht vtta pehlichí chinto vhleha hokvto nitak moma ka ilap nan ai ashvchi isht vlhtoba ka tikba pit im issa ha yosh, okla nan ai ashvchi isht vlhtoba ka pit im issa beka tok o, yvmmak okvto chiyuhma he im vlhpesa keyu, nan ai ashvchi isht vlhtoba il im issa mak osh ilvppak oka himonna ma yvmohmi tok okvt.

28. Yohmi ka nan vlhpisa yvmmak ash ot hatak ibetvbla he im vlhtayak kia na holitompa isht vtta chinto atokohonli; amba anumpa kvllo isht ai ahli tok ash ot vba nan vlhpisa yvmmak ash ot toba ha yak o, Ushi ya atokoli ho, yvmmvv na holitompa isht vtta ai ahlit bilia he mak oke.

CHAPTA VIII.

Klaist ak osh na holitompa isht vtta i shahli bilia, yohmi ka Klaist vt vla ha yokvno Alon isht ai unchululi kvv na holitompa isht vtta vlhtoka he keyu mak oke, 1: 7 yvmmak inli chohmit Chihowa yvt nan vlhpisa himona ikbi ha yokvno Islael vt Echip a kohchvt minti ma, nan vlhpisa toba tok vt kashofvt taha hoke.

1. NANA isht il anumpohonli kash puta ka ilvppak osh moma i shahlishke: Na holitompa isht vtta chinto yakohmi hosh vba yakni Chihowa Chitokaka yvt a binili kak o isht impak imma yo pi binili hosh;

2. Vba aholitopa, micha vlhtipo ai ahli fehna ka hatak ak atok keyu, amba Chitokaka yak osh ikbi tok, yvmmak o nan isht ai ahanta hoke.

3. Yohmi ka na holitompa isht vtta chinto puta kvv na hvlbina, micha nan ai ashvchi isht vlhtoba puta aiena pit im issa chi hosh vlhtoka chatuk oka; hatak ilvppak kia anonti nana im ai asha tuk osh pit im issa he im vlhpiesa hoke.

4. Yohmi kvv yakni ilvppak o ahanta hokmvv, na holitompa isht vtta ya hi o keyu, vba nan vlhpisa yak atuk pulla mak o na hvlbina pit im issa hosh na holitompa isht vtta vhleha hvv ai asha hoka:

5. Yvmmak okvt nan isht ahanta kvv vba yakni nana ai asha kak o isht vlhpisa, micha isht a hoyulba mak o isht ai yvmihchi hoke: yohmi ka Moses vt vlhtipo ya ikba chikma,

Chihowa hvt nan i miha kv̄t, Ahah! ahnit nan isht a holba nv̄nih paknaka chim ai otv̄ni tok ak o chiyuhmi hō nan ok-luha ka ish ikbashke, achi tok oka.

6. Yohmi tok kia himonasi hokv̄no yvm̄mak okv̄t nan it im vlhpisa achukma i shahli, nana achukma i shahli anno-howa puta isht ai ahli tok a, it i nanaiyv̄chi yosh nan isht ai vtta holitopa i shahli fehna hō ieshi mak inlishke.

7. Yohmi ka nan it im vlhpisa vm̄mona yvm̄mvt nan isht ik ono iksho hatok okma, anonti atukla kv̄t ai yvmohma hi ya hoyā hi atok keyu hoke.

8. Yohmi ka yvm̄mvt nan isht ik ono ka pisa kak osh Chitokaka yvt achi kv̄t, Yakeh! Islael in chukachv̄fa, micha Chuta in chukachv̄fa aiena ka nan it im vlhpisa himona im apihisa la he nitak vt vla hi oke,

9. Iki vhleha hoka ibbak halv̄llit pehliechit, nitak kaniohmi kash Echip yakni yoka a kohchi li mvt, nan it im vlhpisa im apihisa li tok okv̄no chiyuhma he keyu; yvm̄mak okv̄t nan it im vlhpisa im apihisa li tok ash foyukv̄t mahaya keyu hatuk o, ak ahnincho ki tok, Chitokaka yvt achishke, im ahanchi tok.

10. Yohmi ka nan it im vlhpisa ilv̄ppak o nitak himak a pilla mak o Chuta in chukachv̄fa yoka im apihisa la hi oke; yohmikmvt a nan vlhpisa puta yoka anukfokihinchi likmvt, chukv̄sh oka ai o holissohonchi la hi oke; mikmvt in Chihowa sia hahe, mikma vm̄ okla hahi oke. Chitokaka yvt ahanchishke.

11. Yvmohmikma hatak puta kv̄t in chuka panta, micha hatak puta kv̄t itibapishi aiena ka nan im abv̄chit, Chihowa hoka ish ithaiyanashke, im ahancha he keyu; moma ik lauwo, micha moma i shahli aiena kv̄t sv̄thana hi oka.

12. Yohmi ka ik vlhpeso ai yvmohmi puta ka i nukhaklo la he, mikmvt nan ai ashv̄chi, micha v̄ba nan vlhpisa kobahafi puta ka himak a pilla ak ithaiyano ka he mak oke.

13. Nan it im vlhpisa himona yvm̄mak achi kak osh, vm̄mona tok vt sipokni yo chohmichi hoke. Yohmi ka nana kv̄t okpulot sipoknit isht ai aiena hokv̄to, ont ik ai iksho kamohma chi kv̄t vlhtaiyaha hoke.

CHAPTER IX.

Vba nan-vlhpisa yokvto issish a hlatahampla hi a im apesa 1; 11
 amba Klaist vt ilap issish, micha ilap fehna isht a hlakofa hi o ile
 kanchi tok vt mihi yosh holitopa fehna: 15 nan vlhpisa himona
 ai ahlich hosh Klaist vt illa he vlhpiesa hatok.

1. YOHMI ka nan it im vlhpisa vmmona yvmmak ash
 ot Chihowa aiokpvchi nan isht vlhpisa puta, micha aholito-
 pa yakni ilvppa ahalaiya aiena ka ishi tok vt ai ahlishke.

2. Yohmi ka vlhtipo yokvt toba tok: vmmona yvmma
 anukaka yak o pula ai o hikia, micha ai impa, micha pska
 otrni aiena kvv asha beka tok, yvmmak osh aholitopa hoh-
 chifo hoke.

3. Mihma nan-tvna isht ompoholmo vba takali atukla
 mish asha ka, vlhtipo yokvto aholitopa moma i shahli hoh-
 chifo hoke:

4. Yvmmak oka anukaka ya na balama aluachi tvli ho-
 lisso lakna isht toba, micha nan it im vlhpisa yash im itombi
 yokvt tvli holisso lakna yosh isht ompoholmot apakfoyupa,
 yvmmak o tvli holisso lakna nan ai vlhto manna yosh vlhto,
 micha Alon in tvbi yvt bikobli tok, micha tvli patvssa tuklo
 nan it im vlhpisa yvt ai o holihiso tok aiena kvv foyuka hosh
 taloha tok:

5. Mihma paknaka ya Chelubim holitopa vhleha hvv isht
 ai i kana ai o binili ya o hoshontikahanchi tok, yvmmak oka
 himonasi ka achvfa aiuykvv isht il anumpula he keyushke.

6. Yohmi ka nana puta kvv yakohmit vlhtaiyaha ha yak
 o, na holitompa isht vtta yak osh vlhtipo vmmona anukaka
 yak o chukovv, Chihowa aiokpvchit a hlopulli beka tok:

7. Amba atukla hokvno na holitompa isht vtta chinto kak
 osh ilap bano hosh afvmmikma himonna ho chukowa kvv,
 issish ik esho keyu hosh yvmmak o ilap nan ai ashvchi, mi-
 cha okla nan ai ashvchi aiena ka isht vlhtoba mak o pit im
 issa beka tok:

8. Shilombish Holitopa yak osh vlhtipo vmmona yash

ot hikia imoma hokvno, aholitopa moma i shahli anukaka a chukowa yokvt ik otano kisha h_o ilvppak o otvninchi tok :

9. Yvmmak osh nitak yvmmak fehna ka nan isht vlhpisa hatok ; yvmmak ash o na hvlbina, micha nan ai ashvchi isht vlhtoba ita tuklo ka im ihisa tok : yohmi ka ymma isht ahanta hokvno yvmmak okvt nan isht il akostininchi imma hokvno nukvla ai ahli yo im ikba he keyu hatok.

10. Yvmmak okvt nan ilhpak, micha nan ishko puta, micha il achifa ilaiyuka, micha haknip imma nan isht vlhpisa puta aiena kak illa hosh im vlhpihisa na nan ai vlhpesa nitak vt vla hi atok.

11. Amba Klaist vt vla hokvt vlhtipo chito, micha vlhtaha achukma kvt i shahli, ibbak isht a toba keyu, ymma achi kvt nan toba ilvppak o chohmi keyu, na holitompa isht vtta chinto hosh nana achukma vla chi puta ka isht ahanta kvt ;

12. Issi kosoma, micha wak ushi issish o keyu, amba ilap im issish ak inli h_o isht a pi vlhtombvt bilia ya isht a pim ataiyahli ha yosh, aholitopa yoka himonna achvfa chukowa tok.

13. Yohmi ka wak nakni, micha issi kosoma issish, micha wak tek himita hullushmi hituk chubbi ya ik kashofo ka ai o fimimpa kak osh kanimihchit haknip a kashofi hatok okma ;

14. Shilombish okchayvt bilia anukfoka pulla hatuk osh isht ik ai ono kia iksho hosh Klaist vt Chihowa yoka pit il im issa tok ; ymma im issish okak heto i shahlichhi fehna hosh nan a kaniohmit isht ai illi ya a hvchi flvmmichit, isht hvsh il akostininchi yoka hvchi kashofichi na Chihowa okchaya yoka hvsh holitobla hinla hoke.

15. Yohmi ka yvmmak okvt nan it im vlhpisa vmmona nuta ai ashvt nan ai ashahanchi tok vt isht vlhtoba chi mak o, illi pulla hatuk mak osh nan it im vlhpisa himona yoka ai ahlichhi toba h_o, im annohowa tok puta hokvt ai okchayvt bilia isha he im ai vlhpiesa im ihisa tok a isha hi atok.

16. Nan it im vlhpisa yvt tobakma, nan it im vlhpisa isht ai ahli kvt illi kak o pulla chatuk mak inlishke.

17. Yohmi ka nan it im vlhpisa isht ai ahli yash osh okchaya imoma hokvno isht ik ai ahlo kamohmi, amba illi ha yak o isht ai ahli chatuk oke.

18. Yvmohmi hoka nan it im vlhpisa vmmona hokvt issish iksho ho isht ai ahli tok keyu hoke.

19. Yohmi ka Moses okvt vba nan vlhpisa yvt nana apihisa ka mominchit okla puta ka isht im anumpohonlit taiyahli mvt, wak ushi, micha issi kosoma ushi issish ita tuklo, oka kapvssa, micha chukfi hishi humma, micha hissop aiena ho ieshi cha, holisso, micha okla moma aieninchit isht o fimmi mvt,

20. Ilvppak osh nan it im vlhpisa issish mak o Chihowa yokvt hvchim apihisa tuk oke, achi tok.

21. Anonti yvmmak ash ot vlhtipo, micha Chihowa isht aiokpvchi ai-vlhto aiena ka issish isht o fimmi mak inli tok.

22. Yohmi ka vba nan vlhpisa yak atuk pulla mak o nan okluha kvt moma chohmit issish isht a kashofa hoke; micha issish hlatahampa keyu hokvno nan ai ashvchika isht a kashofa iksho hoke.

23. Yohmi hoka nana vba ai asha puta ka isht vlhpisa puta kvt ilvppak ash o isht a kashofa hi atuk; amba nana vba ai asha yvmmak oka nan ai ashvchika isht vlhtoba achukma kvt ilvppak ash o i shahli ho isht a kashofa hi atuk oke.

24. Yohmi ka Chisvs vt aholitopa puta ibbak isht a toba, yvmmak o ai ahli fehna ka isht vlhpisa hatok ak o chukowa tok keyu; amba pishno ak atuk pulla mak o Chihowa itikba ya himonasi kvno ai otaiyana chi kak osh vba yakni fehna ka chukowa tok:

25. Na holitempa isht vtta chinto yokvto aholitopa yoka afvmmikma in issish o isht chukowa beka tok, chiyuhmit himonna ilap ash il im issa hi atok keyu hoke:

26. Yohmi tok okma, yakni intolahpi toba vmmona tok takla ka himonna ihinla hi atok pulla; amba himonasi kvno himonna achvfa ho yakni ont ishtaiyopi yak o ant ai otaiyani kvt, nan ai ashvchi isht kanchi mak osh ilap il im issa hosh illi tok.

27. Yohmi ka hatak puta kvt himonna hō illa hi vt im vlhpihisa tok; amba misha pilla hokvno nan im vlhpisa nitak osh vla hi oke:

28. Yvmma chiyuhmit Klaist ak kia lawa nan im ai ashvchi isht kancha chi mak osh himonna ma il im issa tok: yohmi kvt yvmma hohoyo vhleha hokvno nan ai ashvchi ik im iksho hosh atukla okchalinya chi hosh otaiyana hi oke.

CHAPTER X.

Vba nan-vlhpisa hō na nipi vba isht aiokpvchi hokvno nan ashvchi isht kancha he keyu, 1: 10 amba Klaist haknip osh himonna ha nan vlhtoba hosh illi ha yokvto nan ashvchi ya isht kanchi; 19 achunanchit nan ai yimmika ya kvllot ieshit Chihowa ya aiokpachancha he i miha.

1. YOHMI ka vba nan vlhpisa yokvt nana achukma puta vla he ak o isht vlhpisa hatok; yohmi kvt nana yvmmak o isht a holba ai ahli keyu hokvt, nan ai ashvchi isht vlhtoba puta yvmma afvmmi aiyuka ka pit im ihisa na bilia mak o isht ahanta vhleha hoka nuktalalit ai ahlicha himma keyu hoke.

2. Yohmi tok okma, ilvppak oka pit im issa kvt issa hi atok keyu? yohmi ka aiokpvchi yakohmi vhleha hokvt himonna kashofa ha yokvt, nan ai ashvchi puta isht il akostinichi yvt ik im iksho ka hi atok oka,

3. Amba nan ai ashvchi isht vlhtoba yvmmak ash o afvmmikma anonti nan ai ashvchi isht ai otaiyani beka tok.

4. Yohmi ka wak-nakni, micha issi kosomushi issish aiena kvt nan ai ashvchi puta ka isht kancha he keyu kamohmi hoka.

5. Yvmohmi hoka yakni ilvppa vla mvt, Nan ai ashvchi isht vlhtoba, micha vba isht aiokpvchi aiena hokvno chik ahno tok; amba haknip o is svm ikbi tok, achi tok:

6. Nan ai ashvchi isht vlhtoba lua yokvno isht a chi yukpa tok keyu hoke.

7. Yohmi hatuk oka, yakeh! nan isht si annohowa ho-

lisso a foyuka hoka nan ish ai ahni tok a ataiyahli la chi hosh vla li hoke, Chihowa ma! achi li tok.

8. Tikba kash nan ai ashvchi isht vlhtoba, micha vba isht aiokpvchi, micha nan ai ashvchi isht vlhtoba lua aiena ilvppa vba nan vlhpisa yak atuk pulla kak o isht ahanta hoka, chik ahno mvt, anonti yvmma isht a chi yukpa keyu ki tok, achi tok.

9. Yohmi mvt, Yakeh! nan ish ai ahni tok a ataiyahli la chi hosh vla li hoke, Chihowa ma! achi kv, nana vmmona kash o isht kanchi hosh nan atukla kash o ai ahlicha chi hatok.

10. Nan ai ahni tok yvmmak atuk pulla kak o Chisvs Klaist vt himonna achvfa ma, haknip a im issa tok ak o isht a pi kashofa hoke.

11. Yohmi ka na holitompa isht vttā puta kv nitak moma ka hiki vt nan isht ahanta kv, nan ai ashvchi isht vlhtoba mih ash inli, yvmmvt nan ai ashvchi isht kancha himma keyu ka, himonna pit im ihisa chatuk:

12. Amba hatak ilvppvt o nan ai ashvchi isht vlhtoba achvfa ka, im issa ha ya tok vt, Chihowa ibbak isht impak imma ak o binilit bilia hoke:

13. Himak a pilla mahaya hokvno in tvnvp vhleha hokvt ilap iyi ai o hikia yo toba he, ai ahnit ahanta hoke.

14. Yohmi ka nan ai ashvchi isht vlhtoba achvfa ho kashofa vhleha yvmmak okvno isht nuktalalit ai ahlichit bilia hatok.

15. Yvmmak oka anonti Shilombish Holitopa yak kia nan atokowa pim anoli hoke; yohmi kv anonti tikba ka achi ha yak osh,

16. Nan it im vlhpisa ilvppak o nitak yvmma i himmak okvno it im apihisa likmvt, chukvsh fehna ka a nan vlhpisa yoka nukfohkihinchī la he, micha im anukfila fehna ka ai o holissohonchi la he;

17. Mikmvt nan im ai ashvchi, micha vba nan vlhpisa kobahafi tok puta ka himak a pilla ma ak ithaiyano ka hi oke, Chitokaka yvt achishke, achi tok.

18. Yohmi ka ilvppa isht a kashofa kv a sha hokvno,

anonti nan ai ashvchi isht vlhtoba himmakma im issa he iksho hoke.

19. Yvmohmi hoka itibapishi li vhleha ma! Chisvs im issish ak atuk pulla kak o nukwaya iksho hosh aholitopa fehna ka e chukowa hoke:

20. Yohmi kv̄t aholitopa isht ompoholmo takali yv̄mma achi kv̄t haknip ak oke, yv̄mmak atuk pulla kak o hina himona, micha okchaya holitoblichit pim apesa tok o e chukowa hoke.

21. Yohmikmvt na holitompa isht vtta chinto Chihowa im aboha i shahli hosh pim ahanta hokvt;

22. Chukvsh ai ahli, micha i yimmi ai ahli fehna, pi chukvsh mvt issish o fimmvt, isht il il-akostininchi ik achukmo ka ai i filv̄mmit, pi haknip okvt oka kashofa achukma isht vlhchifa tuk aiena ho isht i bilikasi il onashke.

23. Nana pim ihisa tok vt ai ahli yoka, nana pi yimmi il il apihisa tok vt shanaia iksho hosh il ai ahlashke:

24. Michā nana ka isht it anukfilli hosh iloh it i hullot, micha nan isht vtta achukma puta ka e yvmohma chi kv̄t, il itaiyimitachashke:

25. Kaniohmi kv̄t ai yvmohmi chatuk a chiyuhmit il itv-naha he tuk vt kil isso kashke: amba nana ka it i mihvt, nitak yv̄mmvt vla hosi ka hv̄sh pisa kak osh, i shahlichī feh-v̄t hv̄sh yvmohmashke.

26. Yohmi ka nan ai ahli ka il ithaiyana ha yokvt, pishno inli pim anukfila hosh il ashvchi hokmvno, nan ai ashvchi isht vlhtoba yvt himmakma takanli keyu hoke;

27. Amba isht a nukshobla he na palv̄mmi vlhpisa, micha isht i nukkilli luak aiena ka hohoyot ahanta he; yv̄mmvt vbanumpa ai ahli i sanali vhleha hoka okpv̄nit tvmola he ak osh takanli hoke.

28. Moses i nan vlhpisa yoka ik holitoblo hatuk vt nan atokowa anoli tuklo, tuchina, kanima kv̄t pisa ho isht i nuk-haklo kia iksho ho, illi hatok oke.

29. Yohmi ka kv̄na hosh Chihowa Ushi yoka iyi nuta bohliit a hv̄hlihinchī, micha nan it im vlhpisa issish yv̄mmak o isht a kashofa tok ash osh nana ik holitopo isht ahobvchi,

micha nan isht i kana Shilombish Holitopa ya nan isht ik ahobalo hatuk okvto, nan isht ilbvsha yvt i shahli katiohmi ho isht ilbvsha he, hvchim ahoba ho?

30. Yohmi ka, Ai vlhpiesa isht atobba hi okvt vmmi hoke, ilvppak ash achi tok yvmmak okvno il ithana; falaminchit atobbi la he, Chitokaka yvt achishke. Mikma anonti, Chitokaka yvt im okla vhleha hoka nan im apesa hi oke, achi kvv takanlishke.

31. Chihowa okchaya yoka nan im vlhpisa chi hosh ibak a foyuka kvv nana ka isht a nvkshopa he vlhpesa hoke.

32. Yohmi kia nitak tok ash o hvsh ithaiyanashke, yvmmak amo nana ka hvsh ithaiyana ha yokvto, na palummi chinto puta ka it i kahanlot isht hvch ilbahasha tok:

33. Yohmi kvv isht a hofahya, micha na palummi puta hvchi onvtuyula hosh okla a yopissa mak o hvsh tohomba kvv hvchi yvmohmi; micha kanimikma yvmma yvmohmi puta kash o ibai achvfa hvsh tohomba kvv chiyuhmi mak inli tok oke.

34. Yohmi ka yuka talakchi yosh ahanta li ma, hvs svba nukhaklo tok; micha hvchim ilayak puta ka hvchi wepohonli kia, vlhpesa ahnit hvchi yukpa kvv nana okpula he keyu, micha achukma i shahli hosh vba aholitopa yoka hvchin tuyula kvv, hvsh il ithana hatuk okvt.

35. Yvmohmi hoka na yimmi hvchi anukfoyuka kash osh hvch ik kancho kashke: yvmmak osh nan isht vlhtoba nan isht il aiyyukpa chinto ho ieshi hoke.

36. Yohmi ka nuktaiyaltv achunancha he hvchim vlhpiesa; yohmi hosh Chihowa nan ai ahni tok a hvsh ataiyahli ha yosh, nana auct hvchim ibisa tok ash hvsh iesha hi atok.

37. Himak a pilla chekosi fehnakma vla hi atok vt, vla chi kvv svlaha hosh vla chi keyu hoke.

38. Yohmi ka ai vlhpiesa yokvto na yimmi pulla kak osh okchaya chi; amba hatak nana hosh falama hok mvno, sa shilombish vt isht im ai yukpa hi vt iksho hoke.

39. Amba pishno vto falama cha, nan isht ai ilbvsha bilia pihisa he vhleha yvmmak okvno il ibai achvfa keyu, amba na yimmi cha, shilombish okvt okchayvt bilia yvmmak o il ibai achvfa hoke.

CHAPTA XI.

Na yimmika yvt nana hatuk a anoli, 1; 7 nayimmi isht ai vni kv̄t vbanumpuli tikba ash ot nan im anukfila na otr̄ni tok a anoli.

1. NA yimmi kak osh nana il isha he ai ahnit e hohoyo ka nan isht pim ai ahli yoke; micha nana ke peso ka nan isht ai atokowa yoke.

2. Yvmmak atuk pulla kak o hatak tikba vhleha hokvt nan annoa achukma ka isht ai atokowa tok oka.

3. Na pi yimma pulla kak osh yakni puta kv̄t Chihowa im anumpa hak o isht a toba tok a isht il akostininch̄i hoke; yohmi hatuk o nana puta e pihisa kv̄t nana puta otaiyani kak o isht atoba tok keyu.

4. Na yimmi pulla kak osh Ebel okvt vba isht aiokpv̄chi achukma kv̄t Ken immi ya i shahli fehna ho Chihowa hoka ont im issa tok; yvmmak ash o nana ka ai vhpiesa kv̄t isht atokowa kv̄t, i na hv̄lbina puta ka Chihowa hokvt atokolit im aiokpanchi tok; micha yvmmak atuk pulla kak o illi tok kia anumpuli kv̄t imomvshke.

5. Na yimmi pulla kak osh Enok vt toshowa kv̄t nan-illi ik peso ka ch̄i kak atok; micha Chihowa ak osh tosholi hatuk oka, iksho ki tok: ik toshowo k̄isha kv̄t Chihowa yoka yukpali tok, nan isht atokowa ilv̄ppak o ishi hatok okvt.

6. Amba na yimmi iksho hokvno kanihmit yukpala himma keyu hoke; yohmi hoka kva hosh Chihowa im onakmvt, yvmmak osh ahanta, micha yvmmak okvt ilap o achunanchit hohoyo puta hokvno nan im atobbi aiena ka yimmi pullashke.

7. Noah yoka Chihowa hv̄t nana im anohonli ma, nana ka ik peso k̄isha ak inli kia, nv̄kshopvt holitobli hokvt, i yimmi pulla hosh in chuka-chvfa yvt isht ai okchaya hi a peni chito ya ikbi tok; micha yvma yvmohmi kak osh okla puta ai asha tok ash na palv̄mmi vhpisa hv̄t onvtula he vhpiesa ka isht otr̄ninch̄i tok; micha na yimmi isht ai vhpiesa iesha hi vhpiesa hosh toba tok.

8. Eblaham okvt yakni inla yvmma i himmak o immi tobvt isha hi o, ivt ona chi ho i howa ma, yimmi pulla kak osh im antia tok; micha yvmmak o ia li, ahni keyu kia, kohchvt ia tok.

9. Na yimma pulla kak osh yakni im issa tok ash ont ahanta kv, yakni vt immi keyu ho chiyuhmi hosh Aisaak, micha Chekob ita tuklo, yvmmvt nan im issa tok mihi ash iesha he im ai vlhpesa ak inli ka ai itapehvt vlhtipo anukaka yo ahashwa tok:

10. Tvmaha chito intolahpi yvt kullo achukma yvmmak oka Chihowa hak osh apesvt bohli, micha ikbi yak o hohoyo hatok okvt.

11. Na yimmi pulla kak osh anonti Sela ilap inlit isht hlampko ishi hosh chakali cha, vlla sholi tok, ai yvmohmi chatuk a ont ivt kvnia kia, yvmmak ash ot nan im issa tok a ai ahli yoke ahnit i yimmi hatok okvt.

12. Yvmohmi hoka achvfa, yvmmvt illi ak o chiyuhmi kia, laua kv fochik vba shutik ai asha ka itilau, micha shi-nuk a holhtina iksho okhvta ontalaka ai asha kak o chiyuhmi hosh a toba tok.

13. Ilvppvt momvt yimmi imoma hosh illi tok; nan im ihisa tok a ishi tok keyu; amba yvmmvt hopaki fehna moma ho pihisa kv, yvmma yimmi ai ahli fehnvt anukfoyuka hosh, yakni paknaka ai asha kv, peh nowvt aya, ai anta na hopaka he ik im iksho yosh il anohonli tok.

14. Kvna hosh yvmma chohmi ka achi hokvto, ai ahanta he yakni yo hoyo kv otvninchi fehna hoka.

15. Yohmi ka yakni yvmma a kohchvt minti tok vt anukfihinli hatok okmvt, a falama hi vt takanli akinli tok mvhlishke.

16. Amba himonasi kvno yakni achukma i shahli, yvmmvt vba yakni yak o bunna hoke: yvmohmi hoka in Chihowa isht a hohchihifo kv, Chihowa hv hofahya keyu, yvmmak oka tvmaha chito yo im ataiyahli hatok okvt.

17. Na yimmi pulla kak osh Eblaham okvt nana ka imomaka pisa ho, Aisaak a im issa tok; micha nana im

ihisa puta kash ishi hatuk okvt ushi yvmmak i bieka tuk vt im issa tok.

18. Yvmmak o isht anumpa hosh Aisaak ak o chi unchululi kvt isht a toba hi oke, achi tok.

19. Chihowa yokvt, illi tuk kia, falaminchit tanicha he bano hoka, ai ahni pulla hatuk mak osh yvmmt illi tuk a chiyuhmichit falaminchit ishi tok.

20. Na yimmi pulla kak osh Aisaak okvt Chekob, Esau ita tuklo kvt i himmak nana im akaniohma hi oka im anolit yukpali tok.

21. Na yimmi pulla kak osh Chekob okvt illit isht mahaya mvt, Chosef ushi a ita tuklont yukpali tok; mihmvt in tvbi wishakchi ak o on hlipia hosh Chihowa ha aiokpuchi tok.

22. Na yimmi pulla kak osh Chosef okvt illi mvt, Israel im vlla vhleha hokvt wihvt itvnova hi oka isht anumpuli tok; micha ilap foni yoka kanimihcha hi oka im apesa tok.

23. Na yimmi pulla kak osh Moses okvt vttahpi mvt, vlla aiokli fehna ho iki, ishki ita tuklo kvt pisa hatuk osh, luhumi na hvshi tuchina ona tok; micha miko i nan vlhpi-sa ya i nukshopa tok keyu.

24. Na yimmi pulla kak osh Moses okvt asvnot taiyaha mvt, Feleo ushetik ushi isht a hohchifa he ik ai ahno kvt;

25. Chihowa im okla vhleha hak o na palvmmi isht ibai ilbvsha kak osh nitak kanomosi takla, nan ai ashvchika ai isht ilaiyukpvt ahanta hi atuk vt im i shahli tok:

26. Yohmi kvt Klaist a i yimmit isht a hofahya yak osh nan isht ilaiyukpa chinto kvt Echip anukaka nan im ilayak puta ai asha ka im i shahli tok; nan isht vlhtoba nan isht ilaiyukpa yak o hohoyo tok okvt.

27. Na yimmi pulla kak osh yvmmak ash ot Echip a issa kvt, miko yokvt isht i nukkilli ya i nukshopa tok keyu; yohmi kvt nishkin vt pisa he keyu yvmmak okvno pisa kash chiyuhmit nuktaiyalvt achunanchit ahanta tok.

28. Na yimmi pulla kak osh yvmmak ash ot vbanvblit ont ai, micha issish isht o fimmi aiena ka holitobli na, vttahpi ahambi yvmmt ik halelo ka chi hatok.

29. Na yimmi pulla kak osh okla hvt okhvta humma yvt yakni shila chiyuhmi hō a hlopulli tok; yvmma Echip okla hokvt hobachi hosh okai illit taiyaha tok.

30. Na yimmi pulla kak o Cheliko tvli isht a holihta yokvt okla apakfohempa na nitak untuklo ma aka itula tok.

31. Na yimmi pulla kak osh Lehab ohoyo haui yatuk vt, yimma he keyu vhleha hoka ibafokvt illi tok keyu, na tikba pisa vhleha hoka i kanvt ilap in chuka yoka ik chukowá, im ahni hatok okvt.

32. Micha himmakma nanta hak o achi la chi? Yohmi kvt Keteon, Balak, Samson, Chefhli, Lewi aiena, micha Samuel, micha hopaii vhleha aiena ka isht anolit ont taiyahli la he keyu hoke:

33. Yvmmak okvto na yimmi pulla kak osh apehlichika puta imaiyachi, nan ai vlhpiesa ka yvmihinchí, nana im ihisa tok a ihishi, koi hochito itakha ya akvmmi aiena tok;

34. Luak libbi isht lua mosholihinchí, bvshpo falaia halupa ai i hlakohofi, tikambi tuk vi hlampko, itibi kvt kvllot isht i shahlit mahaya, oklushi inla in tvshka chipota ya falaminchit tihlihinli aiena tok.

35. Ohoyo vhleha ha im illi tuk vt anonti falamvt okchaya na ihishi tok; mihma inla yvt a hlakofa he im issa kia, vlhpesa ik ahno hosh nan isht a hotopa; issikkopa pihisa, yohmi kvt falamvt tani achukma i shahli hō isha he ak atok:

36. Mihma inla yvt isht ik ahobalo anumpa okpulo fehna, micha fvma isht a hotopa fehna puta, mihmvt anonti talakchit aboha kvllō fohoka aiena ka isht ai imomaka pihisa tok:

37. Okla tvli isht bohōwa, bvshvt ita hokohōfa, isht ai imomaka pihisa, bvshpo falaia isht ai ihinli: chukfi vlhpoba hakshup, micha issi kosoma hakshup aiena hō foyukvt yakni haiaka ai itvnowa, nana ik im iksho kamohmi hosh, nan ilbvshvt issikkopa aiena tok;

38. Yvmmak oka yakni yvt immi ha he ik ono hatok;

yakni haiaka nvnih anuka, micha tvli chiluk, micha yakni chiluk anuka aiena ka okla ashvt itvnowa tok.

39. Mihmvt ilvppvt moyumvt na yimmi pulla kak osh nana annoa achukma ka isht ai atokowa kia, nana im ihisa tok a ik isho ki tok.

40. Chihowa hak osh nana inla achukma ho pim ataiyahli ka, okla pibai achafa keyu kv̄t ai ahlit im vlhtaha hi atok keyu hoke.

CHAPTA XII.

Chihowa anukfoykvt achunanchit nayimmi ka il ai itvnowa he achi, 1; 22 kva hosh nan vlhpisa himona aiokpvchi kv̄t isht ai yukpa ahalaia he vlhpesa ka anoli.

1. YUMOHMI ka nan atokowa anoli puta kv̄t hoshonti chinto ka chiyuhmit yakohmi hosh isht a pi apakfoyupa ak inli hokvt, na weki puta, micha nan ai ashvchi yvt nan isht ahomba iksho isht a pi apakfoyupa a moma ka naksika e boyuhli cha, a mv̄llela he pit tikba ituyula ka nuktaiyalvt achunanchit e mv̄llihinlashke,

2. Chisvs nan isht a pi yimmi ka pi nukfohkichi, micha atahli, yvmmak osh nan isht ilaiyukpa yvt itikba auet takali kak osh vlhpesa ahnit, ititaiyukhvua ya takalit, nan isht a hofahya nan isht ik im ahobo tok osh, Chihowa ai o binili holitompa isht impakimma yak o binili ka hvsh pihisashke.

3. Yohmi ka hvchim anukfila hv̄t tikambit vm ai ahla he keyu, ahnit taha yoba hinla kv̄t, nan ashvchi vhleha hv̄t ilap a i sanahanli kia yvmmak oka vlhpesa ai ahni tok a hvsh anukfihinlashke.

4. Hvchishno yokvto nan ai ashvchika ya i sanali kv̄llo fehnvt hvsh ilafoa na issish isht ik hlatapo kishvshke.

5. Michā isht a nuktvla he anumpa hv̄t hvchim anum-puli kv̄t vlla yo chohmichit, Svso ma! Chitokaka i nan isht kostininchī ya chik ahobalo ki ná; micha yvmmv̄t chi kostininchikma, vm ai ahla he keyu, chik ai ahno kashke, achi ka chimi haksi tok o?

6. Yohmi ka Chitokaka yvt kvna hō i hullo hokvto kostininchī hoke; micha ushi puta ka ahninchī hokvto fvmmi hoke.

7. Hvchi kostininchī ka nuktaiyalvt vlhpesa hvsh ahni hokma, Chihowa hak osh ushi yō chohmichit hvchī yvmih-chī hoke; ushi nanta hō iki vt kostininchī keyu ka anta hatuk o?

8. Amba nan isht kostininchī yvmmak oka moyuma kv̄t ibai ishi chatuk bano, yvm̄vt ik hvchim iksho hokm̄vto, ushi v̄hleha hvchia keyu, amba iki iksho hvchia hoke.

9. Mihm̄vt anontī p̄iki vt haknip aśha pishno chohmi hosh pī kostininchī chatuk; mihma yv̄mma e holitobli tuk vt shilombish puta Iki yokak heno i nutakvt il ai aśha cha, pī okchaya he ak osh pim i shahla hinla keyu hō?

10. Yohmi ka yvmmak okvto nitak kanomosi takla hō ilap ai ahni hosh pī kostininchī chatuk m̄vhl̄shke: amba yvm̄vto nan isht pim ai achukm̄vt, ilap nan ai vlhpiesa kak o il ibai isha he ak atok oke.

11. Yohmi ka himonasi ka isht a kostininchī hokvno isht ai yukpa he ik ahobo, amba nukhaklochi; yohmi ak inli kia yv̄mma isht ai yvmohmi v̄hleha hokvno i himmak o nan isht ai vlhpiesa nan vni achukma ka i wayvchi hoke.

12. Yohmi hoka hvch ibbak vt aka pit takali ka ho wakeli, micha hvch iyikalaha ik hlampko ka apissvlechit ho hilechī;

13. Micha hvch iyi ya hina apissa hō hvsh im ikbashke, keyukma hanali okpulo yvto tahlofa hinla hoke; amba yvm̄vto ik yohmo hosh hlakofi kak o ahni fehna hetuk oke.

14. Achunanchit hatak puta ka it i nanaiyvt, nan ai ashvchi iksho ya hvsh ieshashke, yvm̄vt iksho ka hatak nana kia Chitokaka ya pisa he keyu hoke.

15. Nana ka ahah! hvsh ai ahnashke, keyukma hatak kanima kv̄t Chihowa yvt isht i kana ya i hlakofi yoba ná; mikm̄vt na homi okpulo hakshish kia offot kohcha cha, hvchi ataklv̄mmi na lawa kv̄t isht ai okpula hinla hoke.

16. Anontī hatak hauī, micha v̄banumpa ik ahobalo ka-

nima kv̄t, Esau yokv̄t ilhpak himonna vpa yokak o vttahpi nana kv̄t ilap ai immi hatuk vt kanchi tok a, chohma hinla kv̄t anta yoba ká.

17. Yohmi ka kaniohmit i himmak okvno nana isht ai yukpa he anumpa tok a isha he ai ahni kia, vlhpesa ik im ahno tok a hvsh ithana; yohmi ka im anukfila ha inlvcha he yvmmak o achunanchit nishkin okchi mihinti hosh asi-hihla ak inli kia, ik ahayucho ki tok.

18. Yohmi ka nv̄nih yvmma potola hinla, micha luak isht luhuwa, hoshonti lusa, micha okhlilika, micha apeli chinto aiena ho hvsh ona keyu,

19. Yohmi kv̄t isht-pufa yv̄t ohonla, micha anumpa vlhpisa puta isht anumpohonli ma, yvmma okla hv̄t haiyak-lo mv̄t, anumpa yvmmv̄t himmakma ilap a isht ik im anum-po ka chi ka asilhha tok:

20. Yohmi kv̄t nana im anuhumpa kv̄t kaniohmit vlhpesa ahnit okla haponakla he keyu hatok; yohmi ka nan vlhpoba yak oh kia nv̄nih ha haleli hokmv̄t, yvmmv̄t tv̄li isht bovt illa hi atok, keyukmv̄t iti falaia tv̄li halupa achaka yo isht bahv̄t hlopulla hi atok:

21. Michā na pisa yvmmv̄t isht a nukshopa fehna he vlhpiesa hatuk o, Moses vt, Sa nukshopa fehna hosh sa wv̄nihinchishke, achi tok:

22. Amba hv̄chishno yv̄to nv̄nih Saion, micha Chihowa okchaya in tv̄maha chinto, Chelusalem vba talaia, micha enchil vhleha, a holhtina iksho kamohmi, itahoba chinto ai asha,

23. Michā vttahpi im iksa hohchifo hv̄t vba a holitopa yak o a holihiso, micha Chihowa moyuma ka nan im apesa, micha hatak vlhpiesa puta imi shilombish vt ai ahli toba tok,

24. Michā Chisvs nan it im vlhpisa himona ya ai-ahlichī, micha issish nan isht o fimmi, yvmmak osh Ebel vt a yvmohmi tok a nana achukma i shahli ho isht anumpuli aiena ho hv̄sh ona hoke.

25. Ahah! ahnit yvmmv̄t anumpuli ka hv̄ch ik i hapo-naklo ki ná. Yohmi ka yakni paknaka ai anumpuli ka ik i

haponaklo mvt hlakofi tok keyu ka, yvmmvt vba a holitopa yak o auet anumpohonli ho il i filvmmi hokak heto, pi hlakofa he keyu fehna hoke :

26. Yvmmak o im anumpa hosh nitak yvmmak ash yakni ya winalihinchí tok ; amba himonasi kvno yvmmvt nana anoli kv, Anonti himonna ha yo yakni ak bano keyu, amba vba yakni yak kia winalihinchí li mak inli, achishke.

27. Mikma, Anonti himonna ha yo achi, anumpa ilvppvt nana puta kv winakahancha hinla kvto, toba hatuk osh, ont akshot taha chí ho isht otvni na nana puta kv winakahancha he keyu kak osh asha moma chí hatok.

28. Yvmohmi ka apehlichika yvmmvt aksha he keyu mak o il ishi hokvt, Chihowa yvt isht i kana yoka il ieshi pulla hosh, holitoblit i nukshopa ai ahli ai vlhpiesa hosh Chihowa yoka nan isht il im ahantashke.

29. Pin Chihowa yokvt luak nan okpvnit kahanchi yoka.

CHAPTA XIII.

Nana ka a yvmihcha he vlhpisa kaniolmi ka anoli, 1 : 7 im vbanumpa isht anumpuli vhleha ha holitoba he i miha : 9 nan ithvnanichi inla hokvno ik i haponaklo he, 16 vbanumpa hv, holitopa, hi ahnit nan isht apelvchi : 17 nan vlhpisa ya im antia he aiena ka i miha : mihmvt isht aiyopichi kv vba isht anumpuli.

1. ITIBAPISHI it i hullo kv mahaya pullashke.

2. Hatak ik ithano ya i kanvt apelvcha he tuk vt ik hvchimi hakso kashke ; yvmma ai yvmohmi kak osh kaniolmi kv ik ithano kia, enchil a aboha ya ik chukowá im ahni cha apelvchi tok oka.

3. Talakchi puta ka ibai achvfa ho chiyuhmit, micha na palvmmi isht ilbvsha yvmma puta ka hvsh ithaiyanashke ; hvchishno yak kia hvchi haknip vt hvchi shilombish ai itifoka moma hokvt.

4. Nan itauwaya yokvt hatak moma ka isht im ai vlhpiesa, micha topa yvt okpulo keyu kv isht a holitopa hoke ; amba itauwaya yvt ik it im ai ahlo puta, micha haui puta aiena kvno Chihowa hv nan im apesa hi oke.

5. Nana hvsh it i kakiohmi kv̄t nana it im anushkunna kv̄t ik hvchim iksho kashke; micha nana kaniohmi hosh hvchim aśha hokmv̄t isht hvchim v̄lhpiesashke; yvmmv̄t, Chissv̄t ia la himma keyu, micha hvchi kanchi la himma keyu, ahanchi tok oka.

6. Yvmohmi hoka Chitokaka yak osh na si apela yoke, micha hatak vt nana hō sa kanimihcha hinla hokv̄no i sa nv̄kshopa he keyu, pi nukwaya iksho hosh il acha he bano hoke.

7. Hvchi pehlichī yvmmak oka hvsh itaiyanashke; yvm-mak osh Chihowa im anumpa hoka isht hvchim anumpo-honli tok; yvmmv̄t na yimmi tok ak o hvsh hobachi cha, nana a kaniohmi tuk ash ai v̄hli ka hvsh anukfihinlashke.

8. Chisvs Klaist okv̄t pilashash kaniohmi tuk vt, himak nitak a mih ash inli, micha peh bilia yoke.

9. Nan isht v̄lv̄chi ilapissa, micha ilaiyuka ka isht hvchi filemoa ná; Chihowa hv̄t isht i kana hak o chukv̄sh vt isht ai āhli ka nana achukma hoke: nan ilhpak ak keyu, yvm-mak okv̄to yvmma isht ai ahanta kia nana im achukmali tok keyu hoke.

10. Pishno v̄to alta yv̄t pī hikia; yvmohmi ka v̄lhtipo chash o nan isht ai ahanta yvmmak okv̄to ai impa im ai v̄lhpesa keyu hoke,

11. Yvmohmi ka anonti nan v̄lh̄poba yvmmak o issish o isht nan ai ashv̄chika ak pulla kak o na holitompa isht v̄tta chinto yv̄t a holitopa ya ishit chukowa hō, nipi ash ot abinanchi ka misha yō a hulukmi beka tok.

12. Yvmohmi ka Chisvs ak kia ilap im issish ak o okla isht kashofa chī kak osh, holihta isht v̄lhkuma misha yō ai ilbv̄shv̄t illi tok.

13. Yohmi hoka ilap vt nan isht hofahya tok chiyuhmi hō ieszhi hosh, abinanchi yak o kiloh ia cha kiloh im oná.

14. Ilv̄ppak okv̄no tv̄maha chito talaia bilia hi vt ik pim iksho, amba himmak v̄la he achv̄fa kak o e hoyo hokv̄t.

15. Yohmi ka yvmmak atuk pulla kak o Chihowa isht a holitopa he pitiv̄lbi isht a waya ka yvmmak o pit il im ih̄i-sv̄t bilia cha, ilap hohchifo h̄a yak oke ai ahnit, il aiokpa-hanchashke.

16. Micha nana achukma isht ahanta cha, vbanumpa nan isht apelvcha he aiena tuk vt hvchimi haksi ná: nana isht it i hullo yvmma chohmi kak o Chihowa yokvt isht im vlpesa fehna hoke.

17. Hvchi pehliechi ka holitoblit hvsh im antia pullashke; hvchimi shilombish isht im anukfihinla kv, nana il anohonli pulla chi ho chiyuhmit, na yukpa hosh yvmohmi hokbano, nan isht a nukhaklo keyu, yvmmak okma nan isht a hvchi yukpa he keyu hoka.

18. Anumpa ilbvsha isht hvsh pi anumpohonlashke; yohmi kv nan okluha ka ai isht il akostininchi achukma ho il ieshit ai vlpiesa kak bano hosh il ahanta he il ai ahnishke.

19. Yohmi kia ilvppak o yohmik bano hvchim ahni li i shahli hokvto, chekosi a holhtofa cha, falamvt hvchim ona li hok bano, ai ahni lishke.

20. Yohmi na nan it i nanaiyvchi Chihowa yvmmak osh nan it im vlpisa bilia issish ak atuk pulla kak o Chukvlpobapona apesvchi chinto, pin Chitokaka Chisvs okvt illi tuk a falaminchit tanichi tok okvt,

21. Ilap nan ai ahni ka hvsh yvmihcha chi ka nan toksvli achukma puta ka hvchi anukfohkihinchit isht hvchim ai ahlich ho, ilap nan isht im vlpiesa fehna ka Chisvs Klaist ak atuk pulla kak o hvsh yvmihinchashke; yvmmak pulla kak o isht a holitopa yokvt immi bilivt peh biliashke. Amen.

22. Mikvvt itibapishi li vhleha ha nan isht atohnochi anumpa achukma ka vlpesa ahnit hvsh aiokpvchi hokbano hvchim ai ahni lishke: anumpa kanomosi hvchi holissochi li tuk okvt.

23. Yohmi ka il itibapishi Timohli vt ik ia im ahni na ia tuk oka hvsh ithanashke; yvmmvt chekosikma vla hokma, awant ont hvchi pisa la chi oke.

24. Hvchi pehliechi puta, micha vbanumpuli moyuma ka hvsh aiokpvchashke. Itali okla hv hvchi aiokpvchishke.

25. Isht i kana yokvt hvsh moyuma ka hvchi anukfoyukashke. Amen.

CHEMIS

I HOLISSO HOKE.

CHAPTA I.

Na pi palummi kvt nan isht il aiyukpa he tuk, 1 ; 3 mikmvt nan isht il ahopoyuksa Chihowa ya il im asilhha he tuk ; 13 nan isht a pi palummi kvt na pim ashvchika yvt Chihowa yak o a mintishke, il acha he keyu ; 22 vbanumpa ha im antia yo hvpia hashke. 27 Vbanumpa nukfohka ahli kvt nana ha tuk a anoli.

1. CHEMIS, Chihowa, micha Chitokaka Chisvs Klaist in tishu hvt Islael isht atiaka akvshkoa auah tuklo kvt ita fimimpvt kanima moma maya puta ka, pit aiokpvchi hoke.

2. Itibapishi li vhleha ma ! nan isht imomaka pisa ilaiyuka puta ka hvsh pihisakmvt, na yukpali i shahli nana kak o hvchim itilauashke :

3. Na hvchi yimmi nan isht imomaka pisa yak osh nuktanlt achunanchi ya anukfokichi hoka hvsh ithaiyanashke.

4. Yohmi kia hvchishno vt hvchi aiahlit hvchi vltaha ka nan isht ik ai ono kvt ik hvchim iksho ka hi a, nuktanlt achunanchi yak osh a kaniohmi he tuk vt ont aiahli pulashke.

5. Hvsh kanimi kvt isht a hopoyuksa hi vt ik hvchim iksho hokmvt, Chihowa hak o, yvmmak osh hatak moma ka ai okpanchit ima, micha nan isht ik mihacho chatuk ak o, im asilhashke. Yohmikma yvmmak oka ima he bano hoke.

6. Yohmi kia na yimmi hosh nan isht anuktuklo nana kia ikshot asilhashke ; kva hosh anuktuklo hokvto, okvta oka

banvtha hō mahli hvt shalit isht ia na poakahanchi kak o, chiyuhmi hoka.

7. Yohmi hokvt hatak yvmmak okvt Chitokaka ya nanasi kia im a habena hi a ik im ahobo kashke.

8. Hatak im anukfila tuklo yvt nana a kaniohmi puta kv̄t fitikahanchi hoke.

9. Il itibapishi hvt ilbvsha yatuk osh holitopa kv̄t na yukupashke.

10. Yohmikma nan in laua yatuk osh akanlosit toba kv̄t na yukupashke: yohmi kv̄t yvmmak okvt ont iksho kv̄t haiyukupulo pakanli ak o chiyuhma chi hokvt.

11. Hvshi vt na hushma he lvshpa ka il ai ishit kohcha mak inli hosh haiyukupulo puta ka bvshechikma, pakanli asha tuk vt chilofa na pisa aiokli tuk vt okpulo chatuk; yohmi ka hatak nan in laua ahanta kak kia yvmmak inli hō chiyuhmit nana a kaniohmi yatuk vt ont ai iksho ka hi oke.

12. Hatak nana hosh nan isht imomaka pisa ya pisa cha, ai ahli hlopulli hokvto na yukpvshke; yvmmak okvto ai ahlit hlopulli ha yokvto, ai okchaya iachuka holitompa Chitokaka yvt, kv̄na hosh ilap a holitoblikma, ima hi vt miha tok mak o isha hi okvt.

13. Hatak nana kia nan isht anukpvli pisa hokvt, Chihowa hak osh sa nukpvlechi hō, ik acho kashke; Chihowa hvt nan ik vlhpeso ya ishit nukpvla he keyu, mikmvt ilap vt hatak nana kia isht nukpvlecha hi o keyu hoka.

14. Amba ilap chukvsh nan ahni yak osh halvllit ishit mahayvt yukachi hok mak o, hatak moma kv̄t nukpvli hoke.

15. Yohmi tuk mak o chukvsh nan ahni ash osh chakali mvt, nan ai ashvchika yō cheli hoke; atukma nan ai ashvchika ash osh ont ai vlhtaha hokvto, nan illi hō ikbi hoke.

16. Itibapishi li a holitopa vhleha ma! hvch ik yoshubo kashke.

17. Na hvlbina achukma, micha na hvlbina ai ahli puta hokvto vba ak o a minti; yohmi kv̄t yvmmak okvt inlv̄t takohli, micha ilaiyuka kia ik im iksho, nan tohwikeli puta Iki ak o a minti hosh aka vla hoke.

18. Immi ha hi osh ikbi tok puta nan i wayahpi e chiyuhma hi o, ilap ahni hosh anumpa ai ahli yo ishit tobahanchi tok.

19. Yohmi hoka itibapishi li a holitopa vhleha ma ! hatak moyuma kvt tushpa hosh haponaklokmvt, svlaha hosh anumpuli cha, nukhobela mvt svlashashke :

20. Hatak nukhobela im anukfila hvt Chihowa holitobla hi a nukfohkichi chatuk keyu hoke.

21. Yohmi hoka na liteha okpulo puta, micha nan ik ai vlhpeso ilaiyuka puta ma mominchit naksika hvsh bohli cha, anukfila yohbi hosh anumpa hollokchi, yvmmak osh hvchim i shilombish puta okchalinya hi vt im vlhpiesa ka hvsh ihishashke.

22. Yohmi kvt anumpa ha haklo illvt hvchishno inli isht hvchik ile yoshublo kish, amba holitoblit im antia yo hvchia hashke.

23. Kva hosh anumpa ha haponaklo kia, holitoblit im antia keyu hokmvt, yvmmt hatak osh a pisa ya ilap nashuka ak inli ka ai il a pisa ka chohmi hoka.

24. Yvmmak ash ot ilap inli ka ile pisa cha, kanima iakmvt, mih mak inli ho hatak kaniohmi atuk ash osh imi haksi chatuk oka.

25. Amba kva hosh a yuka keyu nan vlhpisa ahli ka pihsvt achunanchi hokvto, yvmmt anumpa ha peh haklot imi haksi keyu hatuk osh, amba holitoblit na toksvi isht ahanta hokvto, hatak mihi yosh yakohmit ahanta kvt nan isht ilai yukpa hi oke.

26. Hatak nana hosh hvchi takla anta kvt vbanumpuli yo ahoba kia, ilap isunlush a ik apesacho hosh, amba ilap chukvsh ash inli ka haksichit ahanta hokvto, hatak ilvppvt vbanumpa yimmi kvt im ahli keyu hoke.

27. Na yimmi ahli, litcha ikshot, Iki Chihowa itikba takali kvt, vlla vlhtakla vhleha, micha ohoyo i hatak illi puta aiena ka nana kvt im a palvmmmit aiasha ka, i nowvt aya, mikmvt yakni a isht ik ile litchacho aiena ilvppak oke.

CHAPTER II.

Wbanvmpuli vt nan in laua ya holitobli cha, anonti itibapishi ilbvsha ya kanimanchi ka vlhpesa keyu, 1; 13 amba i hullot it i nukhakla he tuk; 17 na yimmi kv̄t isht ai vni kv̄t ik im iksho hokvto illi yoke; 21 Eblaham na yimmi kv̄t yv̄mma chohmi tok keyu.

1. ITIBAPISHI li vhleha ma! pin Chitokaka Chisvs Klaist Chitokaka holitopa ya hvsh i yimmi kv̄t, hatak oka iti shahsholechit isht holitoblit hvch ik ahanto kashke.

2. Hatak vt na fohka hochukma hō fohka cha, tvli holisso lakna ibbak ushi abeha abehkv̄chi hosh, hvchim ai itvnaha ya vla ma; anonti hatak ilbvsha mv̄t nafohka hlipa ya fohka hosh vla;

3. Yohmi hokma nafohka hochukma hō fohka kak ash o hvsh holitobli cha, yvmmak ash o, Aiasha achukma ilvppak o binili, hvsh im achi: mikmv̄t ilbvsha ash o, Yvmmak o ish hikiashke; keyukmv̄t ai asha li nutaka ilvppak o ant ish ashashke, hvsh im achi;

4. Yohmi kv̄t yvmmv̄t hvchishno inli hvsh il iti shahsholechi, micha anukfila ai vlhpesa keyu nan isht im anukfilli yo hvsh toba hō keyu?

5. Itibapishi li a holitopa vhleha ma! hvsh haponaklashke; yakni pakna ilvppa ilbvshv̄t aiasha kv̄t ai yimmi ka yo nan isht ai in laua chi, micha kv̄na hosh ilap a holitobli tuk ma, vba apehlichika yo ima hi vt miha tok mak o immi ha chi ka, Chihowa hv̄t atokolichi tok keyu?

6. Amba hvchishno yokvto ilbvsha ya hvsh kaniman-chishke. Hatak nan in laua vhleha hv̄t hvchishno a hvch ilbvshachit, nan ai apesa kia hallv̄lit hvch isht ohona chatuk keyu?

7. Na hohchifo holitopa yvmmak o isht a hvchi bohchifo hatuk ash ik ahobalot okla nanumahanchi keyu?

8. Ūba nan vlhpisa i noshkoboka, Holisso Holitopa vt, Chin chuka panta hatak a ish i hullo kv̄t chishno inli kak o ish itilauechashke, achi kak o, hvsh ai ahlich i hokmv̄t, vlhpesa hō hvchi yvmohmi hoke:

9. Amba hatak puta ka itī shahsholechi hosh hvsh ah-ninechi hok mvtō, hvsh ashvchi; yohmikmvt nan vļhpisa kobvffi mak o nan vļhpisa yash ot isht a hvchi atokowa hoke.

10. Kvna hosh nan vļhpisa ya mominchit ai ahlichī hosh, anonti achvfona ka kobvffi hokvt, mominchit kobvffi mak oke.

11. Hvsh itī lumaka ná, achi mvt, anonti kvna kia ish bi ná, achi ak inli tok oka. Yohmi ka hvch ik itī lumako hoh kia, hatak a ish bi hokmvt, nan vļhpisa kobvffi o ish toba hoke.

12. Hvsh anumpuli, micha nana hvsh a kaniohmi puta kv, a yuka keyu nan vļhpisa hō kvna hosh nan isht im vļhpisa hi vt kaniohma he vļhpiesa ka, hvsh chiyuhmashke.

13. Kvna hosh inla ya ik i nukhaklo ke tuk okvto, ilap mvt i nukhaklo iksho hō nan im vļhpisvt na palvmmi pisa he; mikma nan i nukhaklo yokvto nan im vļhpisvt im a palvmmi a ik i nukshopo hoke.

14. Itibapishi li vļleha ma! hatak vt ai yimmika yvt anukfoka miha kia, na toksvli kv ik im iksho hokvto, yvm-mvt nanta hō isht im ai achukma hinla hō? Ai yimmika illa kv yvmma okchalinea hinla hō?

15. Iksa ibafohka itibapishi, in tek kanima hosh nipi bano cha, nitak yvmma nana vpa he kia ik im iksho;

16. Yohmikma hvsh achvfona kv yvmmak ash o haknip a nan isht apelvcha he ai vļhpesa ka hvsh ima keyu nana kia, Hvchi libishvt, hvchi kaiya hosh na yukvvt hvsh itvno-washke, hvsh im achi ka, nanta hō isht ai achukma hinla cho?

17. Yohmi ka ai yimmika yak kia yvmmak inli hō chohmit, na toksvli hv ik im iksho hō, yvmmak illa hokmvt, illi hoke.

18. Ahli, kvna kia, Chishno vto ai yimmika yosh chi nukfoka ma, anonti vno vto na toksvli ak o isht ahanta lishke; nana ka isht ish ahanta keyu hosh nan isht a chi yimmi ha is svm otvñinchikma, anonti vno vto nana ka isht ahanta li hosh nan isht a sai yimmi kv chim otvñinchi lashke.

19. Chihowa hvt achvfa ka hvchi yimmi kv̄t, vlhpiesa hō hvchi yvmohmishke: nan isht ahullo okpulo vhleha ak kia yimmi cha, wv̄nihinchi hoke.

20. Yohmi kia ai yimmika yokv̄t, na toksvli hvt ik im iksho yokv̄to, illi mak atuk a, hatak ik hopoyukso chia hvt akostininchi ka ish ahni cho?

21. Pin tikba Eblaham vt ilap ushi Aisaak a alta pakna vba isht ai okpv̄chit isht ahanta kak osh isht ai vlhpiesa tok keyu?

22. Yvmmak okv̄t nan ishi ahanta ka ai yimmika yokv̄t kanihmit ibai isht ahanta tok, micha nan isht ahanta pulla hō ai yimmika yv̄t isht ai ahli kv̄nia tok a ish akostininchi cho?

23. Micha Eblaham vt Chihowa hā i yimmi tok; mihmvt yvmv̄t nan ai vlhpiesa hā isht im vlhpisa tok, achi Holisso Holitopa vt ont ai ahli tok; mihma yvmmak ash osh Chihowa i kana isht hohchifo tok.

24. Yohmi hoka na yimmi illa kak keyu, amba nana ka isht ahanta kak o pulla hosh hatak vt kanihmit isht ai vlhpiesa ka hvsh akostininchishke.

25. Yohmi ka yvmmak inli chohmi hosh ohoyo havi Lehab vt nan isht ahanta ilv̄ppa pulla hosh okla yakni pisv̄t aya tuk a pehlichit ishi tuk osh, hina inla hā pit tihleli hosh isht ai vlhpiesa tok keyu?

26. Hatak haknip vt, shilombish vt iksho hokv̄no, illi yō chatuk a, na yimmi hak kia nan isht ahanta kv̄t ik im iksho hokv̄to, illi ak inli hoke.

CHAPTA III.

Ai o walamp̄li hosh inla ya na kil i miho ka he tok, 1; 5 pisunlv̄sh a il im alv̄mmashke, haknip a ai achvfa kitinosi kia, nan achukma hokmā, ik vlhpeso chinto hokmā, nana ka yvmihcha he bano; 13 na hopoyuksa ahli hokv̄to im anukfila yohbit nanaiya, nukhobela kv̄t ik im iksho chatuk.

1. ITIBAPISHI li vhleha ma! nan isht vlhpisa chinto i shahli mak osh pi onvtula hinla ka hvsh ithana kv̄t, nan ithananchi a lauv̄t hvch ik tobo kashke.

2. E moma kv̄t nana ka il ai ibetv̄bli kv̄t laua hoke. Hatak nana hosh anumpa h̄a isht ik ibetv̄blo hokmv̄t, mihi yosh hatak ai ah̄li, micha hakn̄ip a mominchit apesahancha hinla hoke.

3. Yakeh! pim antia ch̄i ka issuba itih h̄a kapali a e fohki chatuk; micha hakn̄ip a mominchit e fullolichi hoke.

4. Yakeh! anonti peni hochito, yvm̄vt na hochito fehna h̄o mahli kv̄llo hosh shalit isht ihiya kia, apesv̄chi mak osh kanima h̄o ia hi a ahnikma, isht afana yv̄t iskvtinosi kia fullolichi chatuk oke.

5. Yvm̄mak in̄li h̄o chohmit isunlv̄sh vt nana iskvtinosi ak inli kia, nan aiaka mak o ai isht il atambli chatuk: mikma yakeh! lv̄ak vt iskvtinosi kia iti laua chinto luachi chatuk.

6. Yohmi ka isunlv̄sh vt luak, micha ai ashv̄chi yakni mak oke: yohmi hosh isunlv̄sh vt pi hakn̄ip a ibai achv̄fa hatuk osh hakn̄ip a mominchit okpahani; micha yvm̄vt ai okpuloka luak mak o isht libbi hatuk osh, hatak isht ai unchululi puta ka libbichi chatuk oke.

7. Nampoā ilaiyuka, micha hushi, micha nana hosh aka a ita balv̄li, mikmv̄t okhv̄ta anyka ai asha puta kv̄to kostini chatuk: hatak isht ai unchululi puta kv̄t yvm̄mak okv̄no kostininchi chatuk oke:

8. Amba isunlv̄sh ak okv̄no hatak naha hosh kostinincha hi o keyu; yvm̄mak okv̄t nan ik v̄lhpeso, kostina hi o keyu, hatak isht illi banot alotowa hoke.

9. Yvm̄mak o Iki Chihowa h̄a isht il ai okpahanchikmv̄t; anonti yvm̄vt Chihowa h̄a holba hosh toba tok hatak puta kash yvm̄mak ash inli h̄o anumpa okpv̄lo isht e mihachishke.

10. Itakha mih achv̄fa holitoblit isht ai okpv̄chi, mikmv̄t anumpa okpulo isht mihachi aiena hosh akohonchv̄shke. Itibapishi li vhleha ma! ilv̄ppa puta kv̄t yakohma he tuk o keyushke.

11. Kv̄li hv̄t akocha achv̄fa ka oka champuli, takba aiena h̄o akohonchi chatuk o?

12. Itibapishi li vhleha ma! fik v̄pi vt alif vni yo vna hinla h̄o? keyukmv̄t pak-v̄pi vt fik o vna hinla cho? yvm̄-

mak inli chiyuhmit kvli nanta hak osh hvpi oka, micha oka kashaha aiena ka kohonchi chatuk keyushke.

13. Kvta hak osh hatak hopoyuksa, micha nan ithana anukfohka achvkma kvv hvchi takla ahanta cho? mih mak osh hopoyuksa chukvsh yohbi hosh nana kvv ai vllhpiesa ho yvmohmi kvv na toksvli ha isht otvnihinhashke.

14. Amba it i potvnnno homi, micha itachowa aiena hosh hvchi chukvsh a foka hokmvno, isht hvch ik ilauato, mikmvt nan ahli ka hvch ik a holabo kashke.

15. Na hopoyuksa ilvppak okvto vba ak o a minti keyu, amba yakni, hatak, micha nan isht ahullo okpulo aiena kak o immi hoke.

16. Kanima yo it i potvnnno, micha itachowa aiena kvv ashakma, ai itasheha, mikmvt nana a kaniohmi ik vllhpeso moma aiena kvv yvmmak oka a takali hoke.

17. Amba na hopoyuksa vba ak o a minti hatuk osh vmona ka hanta achvkma tuk mvt, anonti it i nanaiyachi, yohbi, ilap nan ahni ak bano keyu, nan i nukhaklo, micha nan ai vllhpiesa yohma he aiena kvv alotowa, iti shahsholechi iksho, micha peh il ahobi vt ik im iiksho chatuk oke.

18. Mikma nan ai vllhpiesa vni a nanaiyachi vhleha yvmak osh im anukfila nuktaiyala hosh hohokchi hoke.

CHAPTER IV.

Nan ashvchi il-aiyuka ka ahah! im ahna he i miha, 1; 13 mihmvt nan okchaya ilvppet ont ataha kia kil ithano, yohmi hokvt pishno, micha nana ho il, ieshi moma kvv Chihowa hosh nan ai ahni kak a chi ka il im asilhashke.

1. IT in tanampi, micha itibi puta kvv hvchi takla ya takali kvv, katima ko a toba cho? hvchishno hvchi haknip isht ai yukpa he ahni kvv hvchi haknip a a tanahampi kak o a toba ilvppak o keyu?

2. Nana ka hvchi bvna fehna ho kak osh hvch ik esho; hvsh bi mvt, ishi ka hvchi bvna kia, hvsh isha hi o keyushke; itibit it in tanampi aienvt hvsh aiasha kia, hvch ik asilhho kak okvt, hvch ik eshoshke.

3. Hvsh asilhha kia, hvch ik esho ; yummak oka hvchishno hvchi haknip isht ai yukpa he ahni pulla kak o isht yopomot hvsh tahla chi kvt, ai vlhpiesa keyu ho hvsh asilhha hokvt.

4. Hatak havi, ohoyo havi vhleha hvchia hvt yakni anushkunna hokvto, Chihowa ha in tanampi chatuk a, hvch ik ithano cho? Yohmi hoka kana hoh kia yakni a it i kanvt ahanta chi mak okmvt, Chihowa ha in tvnvp oke.

5. Chukvsh pi anukfoka kak osh il it i potvna hi a ahni ka Holisso Holitopa vt achi ka, ik ahlo ho hvchim ahobo cho?

6. Yohmi kia yummak okvto i shahlichit isht i kana ya ima hoke ; yohmi hatuk osh Chihowa hvt ilefehnhvchi puta ka i sanalikmvt, amba chukvsh akanlosi yokvno i kanvt apelahanchi, achi hoke.

7. Yohmi hoka Chihowa ak o hvsh il im issa cha, hvsh im antiashke. Nan isht a hullo okpulo a hvsh i sanalashke, yohmikma yummak okvt hvch i kanulla hinla hoke.

8. Chihowa ai i bilika pit hvsh kanvllashke, yohmikma ilap mvt hvchi bilincha chi hoke. Nan ashvchi vhleha hvchia hvt hvch ibbak a hvsh kashofikma, anonti im anukfilamia tuklo hvchia mvt hvchi chukvsh a hvsh kostininchashke.

9. Il ilbvshachit nukhaklot yayvt hvsh ai ashashke ; yukpvt hvsh ai asha tuk a na yaya tobakma, na hvchi yukpa yatuk vt chukush isht nukhaklo yo tobashke.

10. Chitokaka itikba ya a hvsh il akanlosechashke ; yohmikma yummak okvt halvllit hvchi wakela chi hoke.

11. Itibapishi li vhleha ma ! hvchishno hvchi bika ya nan it i mihachit hvch ik anumpulo kashke. Kana hosh itibapishi ha na mihachit anumpuli kvt itibapishi hash o anumpa onochi hokvt, nan vlhpisa ak o nanumachi, micha nan vlhpisa hash o kanimanchi mak oke ; amba nan vlhpisa ya ish kanimanchi hokmvt, nan vlhpisa ya holitobli mak o chia keyu, amba nan vlhpisa kanimanchi mak o chia hoke.

12. Nan vlhpisa ikbi vt yummak okvto okchalinchi, micha vbi aiena kvt im ai vlhpesa he bano mak osh achvfa kvt

ashvshke; chishno ak osh kvta chia hatuk osh inla ya anumpa ish onochi cho?

13. Inta! himak nitak, onna ha kanima ka tmaha yvm-mak o il ona cha, afvmmi achvfa ka yvmmak o ashvvt, nan ita tobtv nan isht ahayuchit il ahashwashke, achi hvchia ma!

14. Onna ha nana a kaniohma hi a hvsh ithana keyu kv. Hvchim ilhfiopak vt nanta ho? oka shobulli yvmmak okvt chekosi takla hokvno otvni tuk osh kvnia chatuk a, yvm-mak o itilau hoke.

15. Yohmi hoka Chitokaka ak osh yvmma ahni hokma, pi okchaya cha ilvppa, keyukmvt yvmma kanima ka pi yvmohma chi chishke, hvsh acha he tuk oke.

16. Amba himak okvno hvchishno hvsh il atambli kak osh isht hvchi yukpvshke; nan isht ai yukpa yvmma chohmi puta kv vlhpesa keyu bano hoke.

17. Yohmi hatuk o kvna hosh nana ai vlhpesa ka yohma hi vt ithana hosh, yvmmak ash ik yohmo hokvto, mihi yosh ashvchi mak oke.

CHAPTER V.

Chihowa yvt na palvmmi isht im atobbi yoka, hatak nan in laua nan ashvchi vt i nukshohompashke, 1, 7 Chob atok a nan im ai ithvntv nana kv ik pvlvmmi kia nuktaiyala he tuk; 13 nana kv palvmmi ka anumpa ilbvsha yo anumpohonlikmvt, anonti nana kv isht im achukmakmvt vba taloa isht talohowashke; 16 pishno na kil aiahlo nukhaklot il itim anohonla he tuk, micha vba isht it anumpohonla he tuk, 19 itibapishi nan ashvchi tuk a falvminchit nan ai ahli ka a hilechi aina hi a isht anumpuli.

1. INTA! hatak nan in laua hvchia ma! na palvmmi hvch on itula chi kv, nishkin okchi mintit chitoli hosh hvsh yahayashke.

2. Nana laua hvchim ai asha tuk vt toshbit taha ma, hvchi na fohka puta ka shvshi ai vpa bano hoke.

3. Hvchin tvli holisso lakna, micha hvchin tvli holisso hvta aiena kv laknv taha: yohmi kv lakna yvmmak atuk vt nan isht hvchi atokola he; mikmvt luak o chiyuhmit

huchi nipi a ahampa chi hoke. Nitak hvchim ishtaiyopik mak a hi a hvchim ilayak a hvsh itahobi tuk oke.

4. Yakeh! toksvli vhleha hvchim osapa puta nana ai vmo tuk isht vlhtoba he tuk, yvmmak oka hvchishno ak osh nana ik vlpesalot falaminchit hvsh ishi tuk a, pahayvshke: yohmikma nan vmo tuk vhleha paya kvv Sabaoth Chitokaka haksobish a ont chukowa hoke.

5. Nan isht aiyukpa il impa in lauvv, haui toba hosh yakni pakna ya hvsh maya tuk: vlpoba illa chi hokvt ilhpi-hinta chatuk mak o, itilauechit hvchi chukvsh a hosh ipi-hinta tuk oke.

6. Hatak ai vlpiesa yatuk a anumpa onochit hvsh bi tok; yohmi kia yvmmak okvt ik hvchi sanalo kisha hoke.

7. Yohmi hoka itibapishi li vhleha ma! nukchintot hvsh hoyo na Chitokaka yvt vlashke. Yakeh! hatak osapa toksvli vt nan vpi hochukma yakni a waya ka anukfillit hohoyo; yohmi kvv yvma ahni kvv nukchintot falaiachi hosh, vmona micha ont ishtaiyopi aiena ka im on umba chatuk oke.

8. Yohmi ka hvchishno ak kia nukchintot hvchi chukvsh a ai ahlichit hvsh hlampkochashke: Chitokaka vt ai vla he tuk vt atukonovv taha hoke.

9. Nanasi kia isht hvch ik it i potvno kashke, itibapishi li vhleha ma! yvmmak keyukmvv nana isht hvchim vlpisa hinla hoke. Yakeh! nan apesa yvt okhissa itikba ya hikia hoke.

10. Itibapishi li vhleha ma! hopaii Chitokaka i hohchifo pulla hatuk mak o anumpohonli tok vhleha hvv na palvmmi pisa, micha nukchinto tok puta mak o nan isht ithanv vsh hobacha chi kvv hvsh anukfillashke.

11. Yakeh! kvna hosh nuktanlvv achunanchi mak o yvmmak okvt na yukpa, il ahni chatuk. Chob vt nuktanlvv achunanchi tok okvno hvsh haklo chatuk: yohmi cha Chitokaka nana ai ahni tok ash hvsh akostininchi: yohmi kvv Chitokaka yvt nan i nukhaklo fehna, micha i kana fehna hoka hvsh akostininchiske:

12. Yohmi kia itibapishi li vhleha ma! ik kanihmi nana kia vba shutik, keyukmvv yakni, keyukmvv anumpa kvvlo

isht ai vhlpisa inla nana kia anumpa kvllo ai isht hvch ik il onochi kashke: amba yau, hvsh achikma, ik ai ahli; mikmut keyu, hvsh achikma, keyu mak ashke: yvmak keyukma nan isht hvchim vhlpisa hvt hvchi on itula hi oke.

13. Kvna kia na palummi pisa kv hvchi takla ahanta cho? yohmikmut vba pit anumpohonlashke; kvna kia na yukpa kvt a_{sh}? yohmi hokmut vba isht taloa mak o isht taloashke.

14. Kvna kia abeka kv hvchi takla ahanta cho? yohmi hokmut ilap ak osh iksa pehlich i hvleha h_a hoyashke: yohmikma yvmak ash osh vba isht anumpulit, Chitokaka i hohchifo h_o nan ahama y_a okla ahvmmichashke.

15. Yohmi hokma na yimmi hosh vba isht anumpuli pulla kak osh abeka y_a hlakoficha he; mikma Chitokaka yvt yvmak ash tanicha hi oke: mikma nana h_o ai ashvchi tuk ok mak heno i kashofa he mak oke.

16. Nan hvsh ai ashvchi pvta ka hvchishno bika yvt hvsh it im anohonlashke; mikmut hvchi hlakofa ch_i kv, vba isht hvsh it im anumpuli pullashke. Hatak ai vhlpiesa hosh na yimmi hosh vba pit anumpohonli kv nana ka ai ahlich i fehna chatuk oke.

17. Elias vt hatak im anukfila im a kaniohma he vt hv_pishno ak inli chohmi tok; yohmi hatuk osh ik umbo ka hi a ai ahli fehnvt vba pit anumpohonli tok; yohmi ma yakni yvma ik ai umbo h_o afvmmi tuchina cha hvshi hannali aiena tok.

18. Yohmi ma anonti yvmak ash inli hosh vba pit anumpohonli ma, Chitokaka yvt umbachi na yakni a nana kv a wahaya tok.

19. Itibapishi li hvleha ma! hvsh kanima hosh vbanumpa h_a i filvmmi_t hvsh aya na anonti achvvt nukfohkichit falaminchi hokma,

20. Kvna hosh hatak nan ashvchi vt yoshubvt ataya tuk a nukfohkichit falaminchi hokvt, yvmvt hatak shilombish a ai illi y_a a hlakoficha he; mikmut nan ai ashvchika laua h_o ompohoma he aiena hoka ithaiyanashke.

P I T A

I H O L I S S O V M M O N A H O K E.

CHAPTA I.

Shilombish nan isht i kana laua pulla kak o Chihowa ya aiokpa-hanchi, 1; 10 Hopaii vhleha pulla ho Klaist isht im ai okchaya yvt tikbanli anohowa tok a anoli; 13 Chihowa im anumpa ho isht ai vtta hatuk okvt, nan ashvchi ikshot maya chi ka i miha.

1. PITA, Chisvs Klaist im apostel okvt i yakni keyu ai it a fimimpvt Pontvs, Kaleshi Kappatosia, Asia, micha Bihlinia aiena ai asha ka pit ai okpvchi kvt,

2. Iki Chihowa hak osh tikbanli ithaiyanvt, okchaya he atokoli tok yvmmak oka Shilombish Holitopa yak osh kashohofi na, nana ka im antia ho Chisvs Klaist im issish isht o fima tok hvchia hoka; Nan isht i kana yvt hvchi anukfo-yuka, micha nan isht it i nanaiya yvt hvchin lauashke.

3. Pin Chitokaka Chisvs Klaist Iki, micha in Chihowa hokvt holitopashke, yvmmak osh pi nukhaklo chinto hatuk osh, Chisvs Klaist vt illi tuk kia, falaminchit tanichi kak osh anonti himonvchit pikbi tok o, na yukpa fehna hosh,

4. Ai ahanta okpula himma keyu, micha liteha he keyu, micha aksha he keyu ho e hohoyo ka, hvchimmi hosh vba yakni ya ai vlhtaiyaha hoke;

5. Yvmmak oka na yimmi pulla kak o Chihowa imi hlampko kvt ishi na ai okchaya nitak ishtaiyopi otaiyana chi ka ona hoke.

6. Yvmmak oka nan isht a hvchi yukpa fehna; yohmi kia yakosi itintakla ka ai yvmohma he vlhpesa ho isht

imomaka pisa ilaiyuka hvsh pihisa kak osh isht a hvchi nukhaklo hoke:

7. Yohmi kia na hvchi yimmi ka isht imomaka pihisa kak osh holitopa kv̄t, tvli holisso lakna okpulo chatuk, yvmmak oka luak isht imomaka pisa chatuk ak kia i shahli fehna hokvt, Chisvs Klaist vt haiakakma, isht a holitopa, micha annoa chinto aiena kv̄t isht a hvchi otaiyani hokbano;

8. Yvmmak oka hvch ik peso kia, hvsh i hullo; yvmmak ash himonasi ka hvsh pisa keyu ak inli kia, hvch i yimmi hosh, nan isht ilaiyukpa annoa he keyu, micha isht a holitopa alotowa aiena ka isht a hvchi yukpa:

9. Na hvchi yimmi isht vlhtoba ka hvsh ihishi kv̄t, hvchi shilombish isht ai okchaya yak fehna hoke.

10. Ai okchaya yvmmak o hopaii vhleha hv̄t a ponahaklo, micha achunanchit hohoyo tok, isht i kana yosh hvchim vla hi oka yvmmv̄t tikbanli anohonli kv̄t;

11. Nitak katiohmi, micha nitak nanta, Chisvs imi Shilombish vt yvmmak ash anukfoyyuka hatuk vt Chisvs vt isht ai ilbvsha he puta, micha yvmohmi hosh isht a holitopa he aiena ka tikbanli atokolit anoli tok a, ai ahnit hohoyo tok.

12. Yvmmak ash o im otaiyani kv̄t, ilap ak atuk ak o yohmi keyu; amba pishno ak atuk mak o nana ka otvni-hinchi tok yvmmak ash himonasi ka vbanumpa ha Shilombish Holitopa vba yakni mihinti hosh awant aya ho, isht hvchim anumpohonli kash osh hvchim anohonli tok; nana yvma puta kash enchil vhleha hokvt akostininchi bahana fehna hoke.

13. Yvmohmi hoka hvchi chukvsh a okchv̄lit aiksiachi cha, ahah! ahnit, Chisvs Klaist vt ant haiakakma, isht i kana yosh hvchim vla hi okvt ai ahli bano hosh hvsh hohoyashke.

14. Yohmi kv̄t vlla nan im antia yo hvsh chiyuhmit, tikba hokvno nana hvch ik ithano hosh chukvsh nan ahni kak o hvsh yvmohmi beka tok vt, hvch ik ile hobacho kashke:

15. Amba hvsh im antia chi hvchi hōwa tok, ymmvt nan ai ashvchika ik im iksho hoka, nan ai ashvchika ik hvch im iksho ak inlashke:

16. Ūno vt nan ai ashvchika ik svm iksho hoka, nan ai ashvchika ik hvch im iksho kashke; achi hosh holihiso hoka;

17. Yohmi ka Iki ak o hvsh im asithha hokmvt, yvm-mak okvt hatak it i shahshohlechi iksho hosh hatak puta kv̄t ilap a kaniohmi tuk ak o isht im apesa yoka, ilvppa hvsh ai ahanta takla kv̄t hvsh holitoblashke:

18. Yohmi kv̄t hvch iki vhleha hak o hvsh im ai ithvna tok nana hvsh a kaniohmi ik achukmo yoka a hvchi filvm-michi kv̄t nana okpula he tvli hvta, micha tvli holisso lakna chiyuhmi hō isht hvchi vlhtoba tok keyu kv̄t hvsh ithanushke;

19. Amba Klaist im issish holitopa Chukfulhpobushi ai okpuloka iksho, micha liteha iksho yak a tok;

20. Yvmmak osh yakni intolahpi vt ik tobo pilla kash o tikbanli vlhtoka tok osh, hvchishno yak atuk pulla kak o himak ont ishtaiyopi ilvppa otaiyani tok oke;

21. Hvchishno yvt yvmmak atuk pulla kak o Chihowa ha hvch i yimmi pulla kv̄t, yvmmak osh illi tuk a falamin-chit tanichi cha, isht a holitopa ka ima tok oka; ai okchaya ya Chihowa yak o im ai ishi la he ai ahnit, hvch i yim-mashke.

22. Yvmohmi ka Shilombish ak osh hvchi anukfoyuka hō vbanumpa ai ahli ka hvsh im antia hosh, hvchi shilombish a hvsh kashofi hatuk osh, itibapishi vhleha hoka ilahobi keyu hosh isht i shahlichi fehna hosh hvsh it i hullashke;

23. Chihowa im anumpa, ymmvt mahayvt bilia yak atuk pulla kak o na nihi okpula he keyu yo atuklant isht hvsh a toba hoke.

24. Yohmi ka haknip puta kv̄t haiyukpulo yak o chiyuhmi, micha hatak isht a holitopa moma kv̄t haiyukpulo pakanli yak o chiyuhmi hoke. Haiyukpulo yash ot bvshikma, pakanli yash ot liwelit taha hoke.

25. Amba Chihowa im anumpa hokvto mahayvt bilia hoke. Yohmi ka anumpa iluppak o vbanumpa hvt isht a hvchim anuhumpa hatuk oke.

CHAPTER II.

Nan ik vhlpeso isht im anukfila puta ka naksika bohla chi ka i miha, 1; 5 Klaist akosh tikba intola yo okla ai itabana hatuk a anoli; 11 hknip imma nan isht im anukfila yokvno kano pit kancha chi ka achi; 13 yakni pakna nan apesa maya ka im antia he; 18 yrka hvt kaniohmit i nahollo ya im antia hi a ithvnachi.

1. YUMOHI hoka isht i nukkilli, na haksichi, nan ilahobi, na potvno, anumpa chukushpeli puta a moyuma ka mokofit naksika hvsh boyuhli cha;

2. Ullosi himona vta chiyuhmit, yvmmak o isht a hvchi hofahantit ai okchaya ya hvsh ona chi mak osh, vbanumpa pishukchi ai ahli kak o bvna fehnvt hvsh hohoyashke.

3. Chitokaka yvt hvchi kana achukma fehna ho hvsh akostininchi ai ahli hatuk okmvt;

4. Yvmmak okvt tvli okchaya chiyuhmi ho hvsh im ohona ka, hatak okvto ik ahnincho fehna tok kia, Chihowa hokvto holitobli fehnvt atokoli tok;

5. Hvchishno ak kia tvli okchaya chiyuhmit, shilombish chuka hvsh toba hosh, na holitopa isht vlla holitopa yosh Chisvs Klaist ak atuk pulla kak o, Chihowa hokvt im vllpiesa ho, chukvsh isht aiokpvchi puta ka pit hvsh im ihisa hi a tok.

6. Yvmohmi hoka anonti Holisso Holitopa ya a foyuka kv, Yakeh! chukbi in tola tvli vlhtoka, holitopa fehna ho Saion a a bohli lishke: yohmi ka kvna hosh yvmmak oka i yimmi hokvt hofahya he keyu hoke, achi tok.

7. Yohmi hoka yvma i yimmi hvchia hokvno hvchi holitopa fehna; amba ik im antio yokvno, chuka ikbi vhleha yash ot tvli ya ik ahnincho ki tok, yvmmak ash inli hosh chukbi in tola noshkoboka yo toba hoke.

8. Micha ik im antio yo vbanumpa isht ai ibetvbli yvm-mak fehna kak osh isht ai ibetvbla he tvli, micha isht ai

okpula he tvli chito aiena ho, yummak o ai yvmohma he im vlhpihisa tok.

9. Amba isht atiaka vlhtoka, miko i na holitompa isht vta; oklushi holitopa, Chihowa immi ai ahli fehna hvchia hoke: yohmi ka yummak osh hvchi howvt ai okhlilika ya a kohchit im atohwikeli chinto ka hvchi foyuki tuk o, ilap isht aiokpahancha he a puta ka otvninchit hvsh anohonla he a tok:

10. Yohmi kvv nitak tikba hokvno Chihowa im okla hvchia ha tok keyu kia, himak ano Chihowa im okla hvchia hoke; isht i kana ya hvch ik esho ki tok kia, himak ano isht i nukhaklo ka hvsh ishi tuk oke.

11. A holitopa vhleha ma! nana hvchim ai ahni li kvv hatak ik ithano, micha ilap i yakni keyu ai itvnowa chiyuhmit, hknip imma nan ahni, yummvt shilombish in tanampi yoka hvsh i filahamashke:

12. Nana hvsh a kaniohmi kvv achukma hosh vbanumpa ik ithano okla ha iba takla hvsh ahantashke: yohmi na nana ik achukmo yvmihchi chohmichit hvchi sanalit anumpononli kia, nana achukma puta hvsh yimihinchi ka pihisakmvt, Chihowa yvt i nowvt aya nitak oka yumma okla holitoblashke.

13. Chitokaka yak atuk pulla mak o hatak i nan vlhpisa puta ka hvsh im antiashke: miko yok ma moma i shahli yo chohmichit hvsh holitoblashke.

14. Michi nan vlhtoka vhleha nana ik achukmo yvmohmi puta hokvno nan vlhpisa onochikmvt, nana achukma yvmohmi yak okvno aiokpvcha chi ho, miko yvt atokohonli tok a hvsh holitoblashke.

15. Yohmi ka nana kvv ai vlhpiesa ho hvsh yvmohmi hosh hatak im anukfila iksho nan ik ithano itih puta ka hvsh i kamala he yak o, Chihowa hokvt ai ahni hoke:

16. Yuka keyu hvchia kia, hvsh yvmohmi kak osh nan ik vlhpeso ya isht hvsh ompohomo na: amba Chihowa in tishu vhleha mak o hvsh chiyuhmashke.

17. Hatak puta ka hvsh holitoblashke. Hvsh itibapishi

vhleha hā hvsh i hullashke. Chihowa ya i nukshopvt hvsh holitoblashke. Miko yoka hvsh holitoblashke.

18. Yuka hvchia hvst isht a holitopa he vlhpesa hō hvchi nahullo yoka isht hvsh im antia kvst achukma, micha im anukfila yohbi aiena kak bano keyu, amba hvch i kvllo aiena ka hvsh im antia ak inlashke.

19. Yohmi ka hatak vt chukvsh ak osh Chihowa ya isht im vlhpiesa kak osh isht a nukhaklo ya vlhpiesa ahnit, ai vlhpiesa keyu hō isht ilbahasha hokma, ilvppvt isht i kana hoke.

20. Yohmi ka nana ai vlhpiesa keyu hō hvsh yvmohmi tuk osh vlhpiesa ahnit, isht hvchi bohōwa hokmvt, yvmvt nan isht annoa achukma nanta hō? amba nana ai vlhpiesa. hō hvsh yvmohmi tuk kia, vlhpiesa ahnit isht hvch ilbahasha hokvno, ilvppak o Chihowa hokvto isht im vlhpiesa hoke.

21. Yohmi ka ilvppak o hvsh yvmohma he osh hvchi vltoka tok; pishno ak atuk pulla mak o Klaist ak kia ilbahasha kvst, ilap a nohōwa tok a il iakaiya he mak o pim abahanchi hatok oka:

22. Yvmvt nan ashvchi tok keyu, haksichi kia itih hā foyuka tok keyu:

23. Yvmvt ilap a isht ik ahobalot anumpuli mak o, afa-laminchit isht ik ahobalot anumpuli keyu; na palvmmi onochi ma, na palvmmi onocha hé kia miha tok keyu; amba ai vlhpiesa apihisa yak o il im issa tok:

24. Yvmak osh nan il ai ashvchika ya ilap haknip fehna ak o ilap inlit il onochi hosh iti ya takali tok: yohmi hō nan ai ashvchika puta il im ihinli hosh, nan ai vlhpiesa ya il im okchaya chi ha tok: yvmvt fahama tok ak o isht hvchi hlakofi hoke.

25. Yohmi ka chukvshpoba tamoa chiyuhmit hvsh itvno-wa tok kia, himonasi kano chukvshpoba Apesvchi micha hvchimi shilombish ma Nan im atahli yoka falamvt hvsh im ona hoke.

CHAPTA III.

Hatak vt im ohoyo itatuklo kv̄t nan vlhpiesa hō itim anukfilvt ita-
pela he im abvchi, 1 ; 8 it i hullot it ibai achvfa he ; 14 na palvm-
mi ka isht it ibai il bvsha he ; 19 Oka falama yvt ik ayo kisha ma
okchayvt aiasha tuk a Klaist vt nan i kanimihchi tok a anoli.

1. ANONTI tekchi hvchia hvt hvchi hatak oka hvsh im
antiashke ; yohmi na kanima kv̄t vbanumpa ha ik ahnincho
hokmvt, vbanumpa hash ik haklo kia, tekchi ak osh nana a
kaniohmi kak o, yvmmv̄t vlhpesa ahnit isht anukfohka ak
inli yoba na ;

2. Yohmi kv̄t haui imma ai yvmohmi ik hvchim iksho,
micha hvsh holitobli aiena ka pihisa kak osh yvmohma hinla
hoke.

3. Yvmma isht shema yvt pashi tanvffo, micha tvli ho-
lisso lakna isht shema, micha na fohka fohka aiena paknali
isht shema yvmmak okvno keyu :

4. Amba chukvsh anukaka a toba hatak luma okpula
himma keyu, anukfila yohbi, micha nuktanla isht shema yo
fehna yvmmak ashke ; ilvppak osh nan ai vlli chinto fehna
Chihowa hvt ai ahni hoke.

5. Nitak tikba ma ilvppak o yakohmit ohoyo hochukma
Chihowa i yimmi ak inli hosh, isht ile shemahanchi kv̄t, ilap
i hatak a im antia ya tok.

6. Sela ak oh kia Eblaham a i shahli hochihifot im antia
tok : yvmmak o ushetik hvchia hoke, nana ai vlhpiesa ka
hvsh yvmohmi takla, micha isht a nukshopa he kia hvch ik
i nukshopo hokmvt.

7. Anonti i hatak hvchia hvt nana ka ithaiyana hosh ibai
ahantvt, hlampko ik hvchi lauwo mak o chiyuhmichit, isht i
kana ai okchaya bilia hvsh it ibai isha he mak okvt, hvchi
tekchi a hvsh holitoblashke ; yohmi hō anumpa ilbvsha
hvsh anumpohonli kv̄t ik ai ataklamo kashke.

8. Ai ishtaiyopi ka moyumvt hvchim anukfila hvt ai
achvfa cha, it i nukhaklot, itibapishi vt i hullo chiyuhmit,
inla i kanvt chukvsh akanlosi mvt aienashke.

9. Micha nana ik achukmo hvchi yvmihchikma, nana ik achukmo yo hvch ik falamincho kashke: micha isht ik hvchi ahobalokma, isht ik ahobalo yo hvch ik falamincho kashke; amba ilvppa ik holbo i kanvt hvsh im anumpulashke; ilvppak o hvsh yvmohma hi osh hvchi vlhtoka tok vt hvsh ithana hokvt, yohmi hosh nan isht ai yukpa ya hvsh pisa he vlhpesa yatok.

10. Yohmi ka kvna hosh, Si okchaya cha, nitak hochukma ho pihisa li hokbano ai ahnikmvt, isunlvsh oka nana ik achukmo ka i filvmmnichi cha, itivlbi yoka na haksichi ya isht ik anumpulo kashke.

11. Nan ik achukmo kvno i filvmmi cha, nana achukma kak o yvmihinchashke; it i nanaiya yak o hohoyot, achunanchit iakaiyashke.

12. Yohmi ka Chitokaka nishkin okvt ai vlhpiesa yokvno o wakaya, micha haksobish okvt im anumpa ilbvsha puta ka in tiwa hoka; amba nana ik achukmo yvmihchi puta hokvno Chitokaka nashuka yvt i sanali hoke.

13. Micha nana achukma yvmihchi yak o iakaiya vhleha hvchia hokma, kvta hak osh hvchi hotopala hinla ho?

14. Amba nan ai vlhpiesa yak atuk pulla mak o isht hvsh ilbahasha hokmvt, hvchi yukpa hoke; micha nan isht nukshobli yoka i nukshopvt isht hvch ik komunto kashke;

15. Amba Chitokaka Chihowa yak o i nukshopvt hvchi chukvsh isht hvsh holitoblashke; micha ai okchaya pisa la he ai ahnit hvchi anukfoyuka a kaniohmi ka hvchi pono-haklo puta ka anukfila akanlosit, holitoblit anumpa falama ka hvsh ima chi kvt hvch im vlhtaha kak banashke.

16. Isht il akostininchi achukma ho hvsh ieshashke: yvmohmi ho nana ik achukmo yvmihchi chohmichit nana ik achukmo isht hvchi anumpohonli kvt, Klaist a anukfoykvt nana achukma hvsh yvmohmi ka, anumpa ahli keyu hvchi onochi tuk vhleha hvst isht a hofahyashke.

17. Yohmi ka Chihowa hak osh ik yohmi ai ahni hokma, nana achukma ho yvmohmi cha, isht ilbvsha kak osh achukma kvst, nana ik achukmo ho yvmohmit isht ilbvsha ka, i shahli hoke.

18. Yohmi ka Klaist ak kia himonna ma nan ai ashvchika pulla kak o ai vhpesa yvt ik ai vhpeso yak o vlhtobvt isht ilbvsha tok; yohmi hosh pi pehliechit Chihowa ya isht pim ona chi ha tok: haknip okvto illi ha tok kia, amba shilombish okvto okchaya tok:

19. Yvmmak ash o shilombish yuka vhleha ai asha ka ivt ont isht im anumpohonli ak inli tok:

20. Yvmmak okvt nitak tikba ma peni yokvt toba itin takla Noah okvt ahanta nitak yvmmak ash fehna kvno, Chihowa hvv i nukhaklot isht i nukkilli onochi svlaha hosh ahanta ma, im antia he keyu ki tok; peni yvmmak ash o kanimosi yvmmvt shilombish untuchina hosh oka ya isht a hlakofi tok.

21. Yvmmak ash o chiyuhmi hosh himonasi ak kia baptismo yvt, yvmmak osh haknip liteha yoka isht kanchi keyu, amba Chihowa itikba isht il akostininchi achukma ai yvmohma he il apihivt, Chisvs Klaist illi tok kia falamvt tani tok pulla kak o yvmohmi kak osh pi okchalinchii ak inli hoke.

22. Yvmmak okvt vba yakni yoka ona tuk osh, Chihowa im isht im pakimma yak o binili hoke; yvmmak oka enchil, micha miko, micha nan vlhtoka puta kvv i nutvt im antia he ya tok.

CHAPTER IV.

Nana moma kvv ont ai vha chi kvv olanlosi vla hoka, Klaist iakaiya pullvt nanashvchi issvt ai i filvmmi itanowa he i miha, 1; 12 nan i palvmmi puta ka hopohlvi.

1. YVMOHMI ka Klaist vt hvchishno yak atuk pulla kak o haknip a isht ilbahasha tok a, chiyuhmit hvchishno yak kia im anukfila hatok chiyuhmi ka hvsh il ataiyahli mak inlashke: yohmi ka haknip a isht ilbahasha tok vt nan ai ashvchi ya issvt ai i filvmmi ha tok oke:

2. Yohmi kvv yvmmvt haknip vt okchaya ai itin takla kvv hatak haknip imma nan ahni isht ahanta he a tok keyu, amba Chihowa nan ai ahni kak a hi a tok.

3. Yohmi ka pi okchayvt il ahanta tok ash ai v̄hli itin takla kak kia, haui imma anukfilli, chukvsh nan ahni, oka homi ishkot hoita, isht a haksichit tasimbot atampa, micha na holba nan isht ik ahobo puta ka isht il ahanta kvt, vbanumpa ik ithano v̄hleha nan ai ahni hokvno il a yvmihcha hi ya ona tok oke.

4. Yvmmak oka isht ahanta hosh ilap vt nan ik achukmo puta ka isht afekommit a tasimbo atampa ka hvch ik ibafohko kak o okokko! ahnit, isht im anukfila hosh nan ik achukmo kia isht hvchi anumpohonli hoke.

5. Yvmmak okvt illi, okchaya aiena ka nan im apesa he im v̄lhtaiyaha yak o ilap nana a kaniohmi tuk vt il im ai anola hi oke.

6. Yohmi ka ilvppak a he mak o illi tok v̄hleha yvmmak kia vbanumpa hvt isht im anuhumpa ak inli tok; yohmi ma hatak hknip imma nan ahni yokvt nana ka im apihisa kia, Shilombish Holitopa yak osh apelahanchi hō Chihowa ya holitobla hi a tok.

7. Amba nan okluha kvt ont ai v̄hla chī kvt atukonofvshke; yvmohmi hoka nana ka hvsh ile oktambli cha, ahah! ahnit, anumpa ilbvsha hvsh anumpohonlashke.

8. Mikmvt hvchishno inli hvsh itī hullo ai ahli fehna hosh nan okluha ka hvchim ī shahli hosh hvsh ieszashke: yohmi ka it ī hullo yak osh nan ai ashvchika lava kia ompohoma hi oke.

9. Ik im v̄lhpesot anumpuli iksho hosh it ī kanvt hvsh it apelvchashke.

10. Hatak puta kvt isht ī kana hvlbina ishi ha tok mvt, yvmmak ash inli hō isht iti apihinla kvt, Chihowa isht ī kana ilaiyuka nan im apesvchi achukma yak o chiyuhmashke.

11. Hatak kanima hosh anumpuli hokmvt, Chihowa im anumpa hvt avvchi kak o anumpulashke; hatak kanima hosh vbanumpuli ilbvsha ya nan isht im ahanta hokmvt, Chihowa hvt kanimihchit hlampkochi kak o isht ahantashke: yohmi na Chihowa hvt Chisvs Klaist ak atuk pulla kak o nan okluha ka isht a holitopashke, yvmmak o isht a holitopa, mikot ahantvt bilia yvt immit biliashke. Amen.

12. A holitopa v_hleha ma! isht h_vchi imomaka pisa ch_i luak nan isht imomaka pisa imma hokvno, okokko! ai ahnit, nana ilapissa fehna kaniohmi hosh a h_vch_i yomohmi ka ik h_vch_im ahobo kashke.

13. Amba Klaist vt ilbvsha puta tok a chiyuhmit hvsh ibai ilbvsha ak inli hokvt, h_vchi yukpashke: yohmi kv_t ilap isht a holitopa hokvt otaiyanikma, h_vchishno yak kia nan isht il ai yukpa chinto h_o isht a h_vchi yukpa mak a hinla hoke.

14. Klaist hohchifo ak atuk pulla kak o isht ik h_vchi ahobalo hokma, h_vchi yukpa hoke; yohmi kv_t isht a holitopa Shilombish, micha Chihowa imi Shilombish vt h_vchi onvtuyula hoke; yvmvto Klaist a isht ik ahobalot isht anumpohonlikma, amba h_vchishno yokvto hvsh holitobli hoke.

15. Yohmi kia hvsh kanimi kv_t hatak b_ika vbi, na hukopa, nan ik achukmo yvmihchi, micha hatak inla nan im a kaniohmi ka ataklvmmi aiena hokvno chiyuhmit ik h_vch ilbvsho kashke.

16. Amba hatak kanima kv_t vbanumpuli y_o chiyuhmit ilbahasha hokmv_t, ik hofahyo kashke: amba ilvppa yakohmi hokvt Chihowa yak o holitoblashke.

17. Yohmi ka Chihowa im aboha yak o nan vlhpisa yvt ai onvtulvt isht ia ch_i pulla ka nitak vt vla hoka; yohmi ka pishno ak o tikba ai isht ia hokma, Chihowa im vbanumpa ik im antio v_hleha ont im ai v_hli kv_t katihoma hi o?

18. Michā ai vlhpiesa yokvt palvmmi h_o okchaya hokma, Chihowa ik holitoblo, micha nan ashvchi aiena kvto katima k_o ai otaiyana hi oh cho?

19. Yvmohmi hoka Chihowa nana ai ahni h_o im antia kv_t ilbahasha v_hleha hokvto, nana achukma h_o ai yvmohmit nana Ihikbi ai ahli yoka ai ahnit, ilap shilombish a iesha ch_i h_o, im ihisashke.

CHAPTER V.

Chukfvlhpoba ushi a achukmv_t vbanumpeshi v_tta yvt ipihinta ch_i ka i miha, 1; mihmv_t itibapishi himithoa yvt nan im antia he, mikmv_t moma kv_t il oktamblit yichinut Setan a i sanala he i miha.

1. **ŪBANŪMPULI** iksa apesvchi vhleha hvch itin takla aiasha ka nana atohnochi li kv̄t, vno ak kia vbanumpuli iksa ibai apesvchi, micha Klaist vt ilbahasha tok puta atokowa anoli, micha na holitopa kv̄t otaiyana hi oka ibai isha he ak inli sia hoke.

2. Chihowa in chukfvlhpoba hvch itin takla ai asha ka hvsh ipihinta kv̄t, yohmi la he atuk okv̄t ik kaniohmi kia ahni keyu, amba yohmi likbano ahnit, ai vlpiesa keyu isht a hofahya he nan isht ahayuchi bv̄nna keyu, amba hvchim anukfila hv̄t vltaha achukma hosh apesvchit hvsh pehlichashke.

3. Yohmi kv̄t Chihowa immi hoka i shahli chiyuhmit ahanta he keyu, amba chukfvlhpoba ya nan isht im vlv̄chi ya he tuk.

4. Yohmi ka chukfvlhpoba apesvchi Miko yvt ant il otv-ninchikma, isht a holitopa iachuka okpula himma keyu mak o hvsh isha hi oke.

5. Yvmmak i chiyuhmit himita hvchia hv̄t asv̄nonchi ya hvsh im antiashke; ahli, moyuma kv̄t hvsh it im antia cha, im anukfila akanlosi ho isht hvsh shemashke: yohmi ka Chihowa hokv̄t ilapunla yano i sanali cha, im anukfila akanlosi yokv̄no isht i kana ya ima chatuk oka.

6. Yvmohmi hoka Chihowa ibbak hlampko nuta ya hvsh im il akanlosechashke; yohmi na ont ai yvmohma he ai vlpiesak ma vba hvchi wakeli mak inlashke:

7. Anukfila isht a hvchi komunta puta ka yummak o hvsh onochashke: yohmi ka yummvt hvchi anukfihinli hoka.

8. Ahah! ahnit, hvchi okchashke, hvchi sanali nan isht ahullo okpulo yvt kv̄na kia isht nanv̄bli bv̄nna kv̄t, hohoyot, koi chito wohoha chiyuhmi hosh nohova hoka.

9. Yummak oka na yimma kv̄llo ai ahli hosh hvsh i sanalashke: hvsh itibapishi vhleha yakni ilv̄ppa ai asha hokv̄t, na palv̄mmi yummak o chiyuhmi puta ka pihisa ha tok oka, hvsh ithaiyanashke.

10. Amba Chihowa isht i kana chinto yummak osh Chisvs Klaist ha tok pulla mak o ilap isht aholitopa bilia yoka il esha he mak o pi atokoli tok vt, yakosi itin takla hvsh

ilbahasha ha yak o, ai ahlichit kvloochit hilechit, hlampko-honchit, chukvsh fitikvchi iksho ho hvchi anukfokihinchashke.

11. Yvmmak o isht a holitopvt, mikot bilia yvt immit biliashke. Amen.

12. Silfanvs hvsh itibapishi ai ahli ahni li ha tuk osh, anumpa kanomosi ka holissochit ima li ho, isht hvchim ia tok; yohmi kvv nana hvchi miha li kvv, hvsh a hikia yvm-mak osh Chihowa hvv isht i kana ai ahli mak o, atokolit hvchim anoli lishke.

13. Ubanumpuli ikxa Babulon hikia kvv, hvch ibai vlhtoka ha tok vt hvchi aiokpvchishke; mikma svso Makvs vt yohmi ak inli.

14. It i hullo it i suksowa isht hvsh it aiokpvchashke. Klaist ibai achvfa hvsh moyuma ka isht it i nanaiya kvv hvchi anukfoyukashke. Amen.

II. P I T A

I HOLISSO ATUKLA HOKE.

CHAPTER I.

Nan isht il aiyukpa chinto nan hō vbanumpuli vt isha chī hosh vltoka ka anoli, 1; 5 nan ai vltpiesa a yvmihcha he moma ka yvmihchi, yohmi pulla hosh ai okchaya pisa chī kv̄t ai ḡhlichā chī ī miha: 14 ilap vt illa chī nitak vt ai vlt hosi ka anoli; mihmvt Klaist ī yimmit akv̄llot hieḷa hi ḡ ī miha.

1. SAIMON Pita, Chisvs Klaist im apostel, micha in tishu hokvt pin Chihowa, micha pi Okchalinchi, Chisvs Klaist vt nan aivltpiesa yvmohmi tok pulla mak o, na yimmi pī holitopa itilauī ka ahayuchi tok v̄hleha yvmmak o pit aiokpuchi kv̄t,

2. Chihowa, micha Chisvs pin Chitokaka hv̄sh ithaiyana kak osh nan isht ī kana, micha isht it ī nanaiya aiena kv̄t hv̄chin lauashke;

3. Yohmi kv̄t ilap ai ḡhli kak osh nan okluha isht ai okchaya, micha Chihowa isht holitobli imma aiena ka pihīma kv̄t, ilap ithv̄na kak osh nan ashv̄chi ik pim iksho hosh isht a holitopa yā e pihīsa he mak o, pi atokoli tok:

4. Yvmmak o nana holitopa, micha achukma chinto puta ka isht a pihīma; yohmi kv̄t ilv̄ppak atuk pulla kak o nan okpulo chukv̄sh nan ai ahni yatuk pulla kak o yakni ilv̄ppa ai asha ka hv̄sh ī filv̄mmi hosh, Chihowa im anukfila hā hv̄sh ibai isha chī ha tok.

5. Micha ilv̄ppa atuk pulla kak o achunanchi fehna hosh na hv̄chi yimmi yā nan vlt̄pesali yā isht hv̄sh otv̄nin-

chashke: micha nan vľhpesali ya nan ithana ya isht hvsh otvninchashke.

6. Micha nan ithana ya ile oktampli ya isht hvsh otvninchashke: micha ile oktampli ya nuktaiyalvt achunanchi ya isht hvsh otvninchashke; micha nuktaiyalvt achunanchi ya Chihowa isht holitobli ya isht hvsh otvninchashke.

7. Micha Chihowa isht holitobli ya itibapishi vbanumpuli it i hullo ya isht hvsh otvninchashke; micha itibapishi vbanumpuli it i hullo ya hatak moma i kana ya aieninchit isht hvsh otvninchashke.

8. Yohmi ka nana ilvppa puta kvť hvchi anukfoyuka kvť isht i shahlit lauvť ia hokmvť, pin Chitokaka Chisvs Klaist hvsh ithaiyana kvť, in takobit hvch ik vno ka hi o hvch ikbi keyu hoke.

9. Amba nana ilvppa puta ka ik im iiksho hokmvťo, nishkin tamoa hosh mishema pit pisa he keyu, micha tikba ilap nan ai ashvchika yvť i kashofa ha tok vť imi haksi hoke.

10. Yvmohmi hoka na hvchi vľhtoka, micha na hvchim annoa aiena kvť hvchim ai ahla chĩ kvť ai yiminta hosh hvsh achunanchashke: yohmi ka nana ilvppak o hvsh yimihchi hokmvťo, chi tula himma keyu hoke:

11. Hvsh yakohmi hok mak o pin Chitokaka, micha pi Okchalinchĩ Chisvs Klaist apehliechi ka bilia ya im vľtaha achukma hosh ik chvkowá, hvchim ai ahni fehna hi oke.

12. Yvmohmi hoka nana ilvppa puta ka hvsh ithaiyana, micha vbanumpa hvchi yimmi kvť kvľlot hvsh a hikia ak inli kia, hvsh ithaiyana chĩ ka himonna hvchi anukfohkihinchĩ li kvť an takoba he keyu hoke.

13. Ahli, vľhtipo ilvppa anukaka ahanta li takla kvť, hvsh ithaiyana chĩ kak o hvchi anukfokihinchit hvchi okchvľi li kvť ilvppvť ai vľhpiesa, ahni lishke.

14. Chekosikma vm vľhtipo ilvppa mokofit boyuhli la chĩ pulla ithaiyana li kvť, pin Chitokaka Chisvs Klaist ak kia vm otvninchĩ akinli ha tok ak oke.

15. Yvmohmi hoka a svľli ha kia, nana ilvppa puta ka hvsh ithaiyana bieka hi ak o hvchim ai ahni li kvť achunanchĩ la hi oke.

16. Pin Chitokaka Chisvs Klaist vt vla tok, micha nan im ai ahli tok aiena ka e hvchim anohonli mvt, anumpa nan isht ik ahobo nan isht haksicha he nana h_o il iakaiya ha tok keyu, amba ilap isht a chinto ka nishkin isht ai atokoli pia ha tok.

17. Yohmi ka, Ilvppak osh Svso a holitopa yoke, yvm-mak o nan isht vm vlhpiesa hoke, ahanchi anumpa yosh Holitopa chinto ka a minti hosh im vla kak osh isht a holitopa, micha isht annoa achukma ka Iki Chihowa yak o im ai eshi tok.

18. Mihma itvpehvt nvnih paknaka holitopa yak o e hiel h_o, anumpa ilvppvt vba yak o minti hosh vla h_o e haiyaklo tok.

19. Hopaii im anumpa hak osh isht ai atokowa i shahli hvt pin tonla ak inlishke : yvmmak oka pva hosh ai okhlili-ka y_o hikia chiyuhmi h_o hvsh anukfihinli na onnvt taha, micha onnahinli fochik vt hvchi chukvsh a a kohcha hi okvt hvchim vlhpiesa hoke.

20. Hopaii im anumpa hvt ilap im anukfila ha tok keyu ka tikba ilvppa hvsh ithanashke.

21. Yohmi ka hatak nana ai ahni h_o nitak tikba kash hopaii im anumpa hvt vla tok keyu, amba hatak holitopa yosh Chihowa nana ai ahni pulla h_o Shilombish Holitopa yak osh nukfokihinch h_o anumpohonli tok.

CHAPTA II.

Vbanumpa ithvnachi ik ai ahlo vt wakaya he, atuk kia yvmmak ashot im antia pit a moma ka Chihowa yvt okprnit tahla he; amba hopoyuksa vhleha hokvno okchalinya he tikbanli anoli, 1; 10 nan ithvnanchi ik vlhpeso ilvppak ash achukmvt anoli.

1. YOHMI kia hopaii ai ahli keyu vhleha hvt okla ai itin takla ya ai asha ak inli beka tok a, anonti nan ithvnanchi ai ahli keyu kvv hvch itin takla ai asha he ak inli; yvmmak okvt isht okpula he ai ahli isht anumpa keyu puta ka lumvt isht hvch iba chukowa mvt, ilap a chumpa tok, Chitokaka

kanchi hosh isht ai okpulo ya tushpa fehnvt isht il onocha hi oke.

2. Mikma lawa kv yvmvt nan isht ai okpuloka he ai yvmohmi puta ka hobacha he; yvmvt yvmohmi kak o hina ai ahli yvt nan isht ik ahobot isht anumpa hi oke.

3. Micha yvmvt nan ahayuchi bvna kak osh isht haksichi anumpa ho nan isht itatoba yo isht hvch ikba hi oke; yvma nan isht im vlhpisa tok a hopaki kia svlaha he keyu, micha yvma isht ilbvsha hi vt nosilhha keyu hoke.

4. Yohmi ka Chihowa yvt enchil vhleha hv nan ashvchi ma ik il atombo hosh, amba ai okhlilika tvli itatakvi isht takchi cha, ai okpuloka ya pit ashachi kv yvma ai asha na nan vlhpisa hi vt ai ona hi a tokma;

5. Micha yakni vmmona ka ila tomba tok keyu, Chihowa holitobla he keyu vhleha yakni paknaka ai asha tuk ash oka falama yo isht onochi tok: yohmi kia Noah hatak isht untuchina nan ai vlhpisa isht anumpohonli yano okchalinchi tok.

6. Chihowa ik holitoblo himak a pilla ai asha he ak osh isht im vlbvcha hi o ihikbi hosh, vmaha hochito Sotom micha Komola ita tuklo ka hushmit hituk chubbi banochi kv, okpulo ai ahli mak o im apihisa tok.

7. Mihvt hatak achukma Lot okvt, hatak haksi nan a kaniohmi liteha ya isht nukhaklot ik im achukmot ahanta tuk a, a hlakofichi tok.

8. Yohmi ka hatak ai vlhpisa yvmvt yvma ai itintakla ahantvt, nana ka pihisa, micha hahaklot, nan ai vlhpisa keyu ai yvmohmi kak o onna hosh onnakma chukvsh vt isht a hotoyupa tok:

9. Chitokaka yokvt Chihowa i hullo yokvno isht imomaka pisa ya kanimihchit akochi kv ithana; micha ai vlhpisa ka yvmihinja he keyu yokvno kanimihchit ishi na nan im vlhpisvt isht ilbvsha chi nitak vt ai ona hi oka ithana hoke:

10. Micha haknip isht ai yukpa anuksitia hosh chukvsh nan ai ahni kak bano iakaiya, micha nan vlhpisa yo ik holitoblo aiena kak fehna ho kak heno i yvmihcha hi oke.

Ilapunla, ilap nan ai ahni kak bano, nan vlhtoka puta ka nan isht ik ahobalot anumpuli kv̄t ik nukshoposhke.

11. Yohmi kia enchil v̄hleha hokv̄to isht ai ahli, micha isht hlampko aiena kv̄t yv̄mma i shahli fehna kia, Chitokaka itikba ya isht ik ahobalo anumpa kia yv̄mma ai onochi keyu hoke.

12. Amba ilv̄ppv̄to nampoā nan ithana keyu ilap nan ahni bano hosh itv̄nowa ka, isht okp̄v̄na hi o toba tok chiyuhmit nana ka akostininchi keyu kv̄t, isht ik ahobalot anumpulishke; yohmi kv̄t ilap im anukfila okpulo nan isht ai yvmohmi kak osh isht ai okpulot kv̄nia ch̄i hoke:

13. Michā yv̄mmv̄to nitak kia nan impv̄t, nan ishkot isht a havi kv̄t nan isht ilaiyukpa yo im ahobv̄t ai asha kia, nan ai vlhpiesa keyu ai yvmohmi isht vlhtoba ka isha ch̄i hoke: yv̄mmv̄t na liteha okpulo, na hofahyali yosh yv̄mmv̄t hv̄ch ibai impa itin takla kv̄t na haksichi kak osh nan isht ilaiyukpa hoke:

14. Yohmi kv̄t nishkin mv̄t isht a havi yak osh alotowa, micha nan ashv̄chi kv̄t issa keyu hosh, hatak im anukfila fitikv̄chi ya haksihinchi hoke; micha nan ahayuchi bv̄nna atampa isht ai yvmohmi puta ka chukv̄sh isht a toksahanli hosh, isht ai ilbv̄shv̄t onvtula he vlhpiesa v̄lla v̄hleha hoke.

15. Yv̄mmak okv̄t hina ai vlhpiesa issa cha, yoshubv̄t kv̄nia hosh Boso ushi, Belam, yv̄mmv̄t nan ai vlhpiesa keyu isht vlhtoba yak o anuksitia hosh nan a kaniohmi tok ak o iakaiya hoke:

16. Yohmi kia Belam ash ot nan ai vlhpiesa keyu yvmohmi kv̄t ik vlhpieso ka im otv̄ninchi kv̄t, issuba haksobish falaia anumpula he keyu kia, hatak im anumpa ho anumpuli hosh, hopaii im anukfila tasimbo yash im olv̄bi tok.

17. Ilv̄ppv̄t kv̄li oka iksho puta, micha hoshonti ha apeli v̄t isht aya mak oke: yv̄mmak okv̄no okhlili chinto yak osh immit bilia hi osh takali hoke.

18. Yohmi ka yv̄mmak okv̄t nan isht ik ahobo isht anumpa ilauatv̄t anumpohonlikmv̄t, haknip imma nan ahni, micha havi anukfilli isht alotowa kak osh nan ashv̄chi aiasha

yumma yakosi itin takla hō ai i filvmmi tok ash yummak o haksihinchī hoke.

19. Ilap ai ahni hosh nana ka yummvt yvmohma he im ihisa ak inli kia, ilap ak okvto nan ai ashvchi yak o chukvsh okpulo ai yvmohmi yak o i yuka vhleha hoke: yohmi ka kvna hosh hatak a imaiyachi hokma, yummak ash inli hō i yuka toba chatuk oka.

20. Yohmi ka pin Chitokaka, micha pi Okchalinchī Chisvs Klaist oka ithaiyana kak osh yakni ilvppak inli isht a liteha puta ka ai i filvmmi ha ya tuk osh, anonti yummak ash inli hō isht ai apakfovt isht ai imaiya hokmvt, yummvt ont im ai ishtaiyopi kvt ik achukmo kvt im ai ishtia vmmona tuk ash i shahli hoke.

21. Yohmi ka yummak okvt nan ai vlhpiesa hina ya ik ithano hatuk mak osh im achukma kvt yumma ithana cha, anumpa vlhpisa holitopa yvt im anohowa ha ya tuk osh i filvmmi kvt, im i shahla he atuk oka.

22. Yohmi kia yummak okvt nan isht vlhpisa ai ahli hō ai yvmohmishke; yohmi ka, Ofi yvt hoita kash osh falaminchit vprshke; mikma, Shukha tek vt vlhchifa kash osh, falamvt lukchuk a oka tonolishke, achishke.

CHAPTA III.

Nan vlhpisa chinta he nitak a Klaist vt vla pulla hi a ahlichit im anoli 1, 10 kaniohmit yakni, micha vba pit a moyuma kvt ont ai okpulo ka he anoli; 14 nan ai okpula hi pit anukfoykvt anumpuli mvt nan ashvchi ikshot holitopvt itanowa chi ka i miha.

1. A HOLITOPA vhleha ma! ilvppvt holisso atukla mak o himonasi ka pit hvchi holissohonchi li kv, ita tuklo ka nana ka isht hvsh ithaiyana chi hō hvchim anukfila toh-wikeli tok a isht okchvli lishke.

2. Yohmi na hopaii vhleha hokvt tikba kash anumpa puta isht anumpohonli tok; micha Chitokaka, micha Okchalinchī im anumpeshi pia hvv nana e hvchim apihisa tok aiena ka isht hvsh ithaiyana chi hatuk;

3. Ilvppa tikba hvsh ithana, yohmi ka ishit yopula anum-

puli, micha chukesh nan ahni iakaiya puta kvt ont ai ishtai-yopi nitak puta ka vla hi oke;

4. Mikmvt, Yummvt vla he anumpohonli tok mvto kati-mak o? hatak tikba vhleha hvv nusi tok takla ha ya, nan okluha hokvto tikba vmmona tok ash osh imomvt mahaya hoka, ahancha hi oke.

5. Yohmi ka ilvppa ithvna ik bvnno hokvt, hopaki pilla kash vba yakni okvt Chihowa im anumpa hak o isht atoba tok, mihma yakni ilvppvt oka akohcha cha, itin takla talaia tok:

6. Yvmmak o yakni yvmmak atuk vt oka yosh isht ompoholmot kvnia ho, isht ai okpulot kvnia tok.

7. Amba vba shutik, micha yakni ilvppa ita tuklo hokvno Chihowa im anumpa yvmmak ash inli hosh Chihowa ik holitoblo hatuk puta kvt ai okpulot kvnia chi nan vhpisa nitak mak o lua he ai ahni hosh achukmalit ieshi hoke.

8. Amba a holitopa vhleha ma! nana achvfa ilvppa hvch ik ithano ki na, yohmi kvt nitak achvfa kvt Chitokaka yokvno afvmmi tahlepa sipokni achvfa ka im itilau; micha afvmmi tahlepa sipokni kvt nitak achvfa ka im itilau hoke.

9. Chitokaka yokvt nana ka im ihisa tok vt, a svlaha hatak kaniohmi kvt ahni kia, svlaha keyu hoke; amba pi nukhaklo hosh pi svlaha kvt, achvfona kia okpunlot ik kvnio hosh, amba moyuma kvt ile kostininha he, im ai ahni hoke.

10. Yohmi kia Chitokaka i nitak okvt, ninak anukaka yo na hukopa yvt aya chatuk mak o, chiyuhmit vla hi oke; yvmohmikma shutik moma kvt nan ola chinto ho isht ai okpulot ont ai iksho ka he, mikma fochik moma kvt luak lvshpa fehna ho isht a luvv bihinlakma, yakni, micha nan okluha ai vlhtaiyaha puta tuk vt luvv taiyaha hi oke.

11. Yvmohmi ka nan okluha ilvppvt ont ai vhlit kvnia chi hoka, hatak kaniohmi hosh nana a kaniohmi puta ka nan ai ashvchi iksho hosh Chihowa holitoblit hvsh ai asha hi atuk o?

12. Michi Chihowa i nitak vt vlakma, vba shutik moma kvt lua hatuk osh ont ai vhlit kvniakma, fochik moyuma kvt

luak lvshpa fehna hō isht a lurt bihinla he, yvmmak o ho-
hoyot tushpvt hvsh mahaya hokvt.

13. Yohmi kia pishno yokvto nana ka pim ihisa tok pulla
kak o, vba shutik himona, micha yakni himona ita tuklo nan
ai vlpiesa ai ahanta yvmmak o e hohoyo hoke.

14. Yvmohmi ka a holitopa hvleha ma! nana ilvppa chi-
yuhmi puta hō hvsh hohoyo hokvt, anumpa isht ai onvtula
he, micha na liteha aiena ik hvchim iksho hosh hvsh i na-
naiya hō, hvsh im otaiyana hi vt hvsh achunanchashke.

15. Mikmvt pin Chitokaka yvt ilbvshala chi kvt svlaha
kvt isht pi ai okchaya he atuk, il ai ahnashke; ilvppa chi-
yuhmi il itibapishi Pal ak kia isht a hopoyuksa ya anukfoki-
hinchī hō hvchi holissohōnchi tok:

16. Yohmi kvt holisso ihikbi puta kvt nana ilvppa moma
ka isht anumpohonli ak inli hatok okvt; yvmmak oka nana
kaniohmi kvt akostininchī kvllo kvt ai asha, yvmmak oka nan
ik ithano, micha anukfila apissali iksho aiena hokvto ilap isht
ai okpula chi kvt anumpa holitopa inla ka yvmihinchī hatuk
ash osh, chohmichit shanaiyvchi hoke.

17. Yvmohmi ka a holitopa hvchia ma! tikba nana ilvppa
puta ka hvsh ithana hatuk okvt ahah! hvchik ai ahnokmvt,
hatak nan vlpiesa ik holitoblo isht ai yoshuba ya isht ai
yoshubvt isht a hvchi yimmi kvllo kash i filvmmi chi
tula ná.

18. Amba isht i kana hvchi anukfokvt hvsh yvmohmi kvt
i shahlichit mahayvt, pin Chitokaka pi Okchalinchi Chisvs
Klaist a hvsh ithaiyana kvt i shahlichit hvsh mahayashke.
Yvmmak oka isht a holitopa yokvt, himonasi, micha himak
a pilla ka immit biliashke. Amen.

C H A N

I HOLISSO UMMONA HOKE.

CHAPTA I.

Klaist a isht anumpuli, mihmvt yvmma anonti Iki itatuklo ka ibachv-
fvt nan im anukfila he miha, 1; 5 nan ib achvfa ilvppa yakohmi
kvt nan isht il aiyukpa hokmvt, atohwekinli ka il ai itanowa he;
9 mikmvt na pim ai ashvchika puta ka il il anohonlikma, pi ka-
shofa hinla.

1. AI okchaya anumpa yvmmak osh vmmona ka ahanta
tok mak o e hahaklot, pi nishkin a isht e pihisvt, il o hopo-
kohoyo tok, micha pibbak vt pvshohonli tok mih mak oke.

2. Ai okchaya yvmmvt haiaka na e pihisa tuk osh atoko-
wa anolit, Ai okchaya bilia yvmmvt Iki a takla ahanta cha-
tuk mak osh, ant pi haiaka tok a e hvchim anoli hoke.

3. Hvchishno mvt hvsh pibai achvfa he mak o, nana ka
e pihisa tuk, micha e hahaklo tuk aiena kvt e hvchim anoli
hoke: yohmi kvt pishno vt Iki, micha Ushi Chisvs Klaist
aiena kak o il ibai achvfa mvhli hoke.

4. Mikmvt nana a hvchi yukpvt alotowa he mak o, ya-
kohmi ka pit e hvchi holissochishke.

5. Yohmi ka Chihowa yvt tohwikelika, micha yvmma
okhlilika yvt atakali iksho kvmohmi aiena ilvppak o anumpa
yvmma il ai i haponaklo tuk mak osh e hvchim anolishke.

6. Yvmmak oka pit il ibai achvfa, il achi hosh, anonti ai
okhlilika yo il itvnowa hokmvt, e holabi; micha nan ai ahli-
ka mvno a pi yvmohmi keyu hoke.

7. Amba yvmmak okvt atohwikelika yo anta hoka, pish-
no vt atohwikelika yo il itvnowa hokmvt, iloh it ibai achvfa.

Yohmikma Ushi Chisvs Klaist im issish vt nan ai ashvchika ya mominchit a hvpi kashofi hoke.

8. Nan ai ashvchika yvt ik pim iksho, il achi hokmvt, peh il ile haksichi: micha nan ai ahlika yvt pi anukfoyuka keyu mak oke.

9. Na pim ai ashvchika ya il il im anohonli hokma, yvm-mak okvt ai ahli achukmvt, ai vlhpiesa hatuk osh na pim ai ashvchika ya pi kanvllichi; micha nan ik ai vlhpeso ka mominchit pi kashofa hinla hoke.

10. Nana il ai ashvchika chatuk keyu, il achi hokmvt, yvmmak oka holabi il ikbi; mikma im anumpa hvv pi anukfoyuka keyu mak oke.

CHAPTA II.

Klaist vt pi a pelvt isht pi anumpuli, 1; 3 ai ahli Chihowa ya ithana hokvto im anumpa vlhpisa ya holitobli hoke. 9 Pitibapishi ha il oh i hullashke; 15 yohmikmvt yakni imma hokvno keyu kashke; 18 na yoshubli a ahah! il im ahnashke.

1. UM vlla chipunta vhleha ma! hvch ik ashvcho ka chi mak o, ilvppa puta ka pit hvchi holissochi lishke. Micha hatak nana hosh ashvchi hokma, isht anumpuli vt Chisvs Klaist achukma yvt Iki a itikba pim anta hoke.

2. Yvmmak osh na pim ai ashvchika ya, vlhtoba kvv pish-no pimmi hak bano keyu, amba yakni moma nan ashvchi aiena ka okluha vlhtoba mak oke.

3. Micha im anumpa vlhpisa yak o e holitobli hok mak osh, yvmma il ithaiyana ho mvhli kvv isht il akostininchi hoke.

4. Kvna hosh yvmma ithana li, achi hosh, anonti im anumpa vlhpisa ya holitobli keyu hokvto, holabi; micha nan ai ahlika yvt anukfoyuka keyu mak oke.

5. Amba kvna hosh yvmma im anumpa ha holitobli hokvto, mihi yosh Chihowa ya i hullo ai ahli fehna hoke. Ilvppak o yvmma il ibai achvfa kvv isht il akostininchi hoke.

6. Kvna hosh yvmmak oka ai iba foyuka, miha hokvto, ilap mak kia, yvmvvt kaniohmit aya tok mak o, a chohmit aya he tuk oke.

7. Itibapishi li vhleha ma! anumpa vllhpisa himona nana h_o pit hvch_i holissochi li keyu; amba anumpa vllhpisa sipokni vmmona kash inli h_o hvchin tonlv_t isht auehinchi tok ash oke. Anumpa vllhpisa sipokni vt anumpa vmmona kash inli h_o haklot isht hvsh auehinchi tok ak oke.

8. Ai okhlilika yvto ant ia ma, himak okvno tohwikeli ahli mak osh tommi hoka, anonti anumpa vllhpisa himona, yvmmak okvt ilapo, micha hvchishno aiena hokvno ahli mak o pit hvch_i holissochi lishke.

9. Kvna hosh atohwikelika y_o anta li, achi cha, itibapishi h_a i nukkilli kv_t, himonasi ak kia ai okhlilika y_o aya moma hoke.

10. Kvna hosh itibapishi h_a i hullo hokvto, mihi yosh atohwikelika y_o ahanta; yohmi cha kaniohmit ai ibetvbla hi vt ik im iksho mak oke.

11. Amba kvna hosh itibapishi h_a i nukkilli hokvto, ai okhlilika y_o ahanta cha, ai okhlilika y_o noh_owa; yohmi ma okhlilika kv_t nishkin a tvmmoli hatuk o, kanima y_o ia kv_t ithana keyu hoke.

12. Ulla chipunta hvchia ma! yvmma hohchifo pulla h_o na hvchim ai ashvchika yvt isht a hvchi kashofa hatuk oka, pit hvch_i holissochi lishke.

13. Iki hvchia ma! vmmona makinli h_o ahanta tok yvm-mak ash hvsh ithaiyana hatuk oka, pit hvch_i holissochi lishke. Hatak himita hvchia ma! nan okpulo atukma hvsh imaiyachi hatuk oka, pit hvch_i holissochi lishke. Ulla chipunta hvchia ma! Iki a hvsh ithaiyana hatuk oka, pit hvch_i holissochi lishke.

14. Iki hvchia ma! vmmona makinli h_o ahanta tok yvm-mak ash hvsh ithaiyana hatuk oka, pit hvch_i holissochi li tuk oke. Hatak himita hvchia ma! hvsh hlampko, yohmi ma Chihowa, im anumpa hv_t a hvchi anukfoyuka, micha nan okpulo atukma hvsh imaiyachi aiena hatuk oka, pit hvch_i holissochi li tuk oke.

15. Yakni a, micha nana kv_t yakni paknaka a_sha ka hvch ik i hullo kashke. Hatak nana hosh yakni a i hullo hokma, Iki i hullo kv_t yvmma anukfoyuka keyu hoke.

16. Yakni a₂sha kvto moma, haknip nan isht anushkunna, micha nishkin nan isht anushkunna, mikmvt yakni pakna nan ai isht ilefeh₂nvchi aiena kv₂ Iki ak o a minti ho₂ keyu; amba yakni ak o a minti hoke.

17. Micha yakni vt, mikmvt nan ai isht anushkunna aie₂na hokvto, ant ayvt kv₂nihiya hoke; amba Chihowa nan ai₂ahni yak o a yvmohmi hosh ahanta hokvto, antvt bilia hoke.

18. Ulla chipunta ma! ai ishtaiyopi mak oke: yohmi ka Klaist im asanali vt aya hi oka, hvsh haklo tok mak o, himonasi ak kia Klaist im asanali vt laurt aiasha; yohmi ho₂ont ai ishtaiyopi ka isht il akostininchishke.

19. Yvmmak ash ot a pi filvmm₂it kocha wiha tok; yohmi kia yvmmv₂t a hvpi₂bai achvfa tok o keyu hoke; yvmmv₂t pishno ak o a hvpi₂bai achvfa tok okmvt, a hvpi₂bai afoka na bilia he tuk pulla chishke: amba yvmmv₂t moma kak osh a hvpi₂bai achvfa ho₂keyu hatuk vt otvna chi₂ kak osh a hvpi₂filvmm₂it kocha wiha tok oke.

20. Amba hvchishno yokvto Shilombish Holitopa ak o hvsh im ai ahama tuk osh nan okluha ka hvsh ithanvshke.

21. Nan ai ahlika ya hvch ik ithano hatuk o, pit hvchi holissochi li ho₂keyu, amba yvmma micha holabi hv₂t achvfona kia nan ai ahlika ya ahalaia keyu aiena ka hvsh ithana kak atuk oke.

22. Kvta hosh holabi yo? amba Chisvs ak osh Klaist mak atuk a keyu achi kak oke. Iki micha Ushi aiena ka i yimmi keyukmvt, yvmmak osh Klaist im asanali mak oke.

23. Kvna hosh Ushi a i yimmi keyukmvt, yvmmak osh Iki a pit ahalaia keyu mak oke; amba Ushi a i yimmi hokvto Iki a ib ahalaia ak inli hoke.

24. Yohmi hoka nana ka hvsh haklo vmmona tok yvmmv₂t a hvchi anukfo₂yukashke. Nana ka hvsh haklo vmmona tok yvmmv₂t a hvchi anukfo₂yuka hokma, hvchishno mv₂t Ushi, mikmvt Iki aiena ka hvsh ai ibafo₂yuka hi oke.

25. Micha nana miha kv₂t ai okchaya bilia ilvppak o pim fssa tok oke.

26. Na hvchi yoshubli v₂hleha ha ai immvchi kv₂t yakohmi kak o pit hvchi holissochi li tuk oke.

27. Amba yvmma nana hvsh ai im ahama tuk amo a hvchi anukfoyuka; yohmi ka hatak osh nana hvchim abvcha he hvsh ahni ka keyu; amba nan ahama yvmmak asl inli kak osh nana moma ka a hvchim abvchi kv̄t ai ahli, holabi keyu; yohmi ka na hvchim abvchi tuk ash fehna ka yvmma hvsh ai ibafoyuka hi oke.

28. Yohmi ka inta! vlla chipunta ma! yvmmak o hvsh ai iba foyukashke; yohmi tuk o yvmmak ash ot ant haia-kakma, il anukcheto cha, mihintikma itikba ma a ik pi hofahyo kashke.

29. Yvmmak okv̄t ai vlhpiesa yo hvsh akostininchi hokmvt, ai vlhpiesa ho a yvmohmi hokvto, momvt yvmmak o isht a toba yo hvsh akostininchishke.

CHAPTA III.

Chihowa yvt ilap ushi yo pihikbi kv̄t pi hullo fehna, 1; 3 yvmohmi hoka i nan vlhpisa ya e holitobla he tuk; 11 il iti hulla he tuk.

1. CHIHOWA ushi vhleha hvpi hohehifa hi a Piki vt nan i hullo kv̄t a kaniohmit hv̄p i hullo tok a ho pesá: yohmi hatuk o yakni vt pishno a ik hv̄p ithano; yvmma ik ithano tok okv̄t.

2. Holitopa vhleha ma! himak okvno Chihowa ushi hv̄pia, yohmi kia e kaniohma hi a himonasi kano ik otano kishvshke; amba yvmmak osh ant haiakakma, pishno vt yvmmak o e holba hi vt il ithana, yvmmvt kaniohmi hatuk ma e pisa hi okv̄t.

3. Yvmma anukchieto hosh si yakohma he ahnit, yvmmak ash ot kashofa achukma yatuk a chiyuhmit momvt ile kashofi hoke.

4. Kvna hosh nana ashvchi kv̄t anumpa vlhpisa ma kobvfi hoke: nan ai ashvchika yak osh anumpa vlhpisa ya kobvfi hoka.

5. Yohmi ka yvmmak okv̄t pim ai ashvchika ya isht hv̄pi kancha chi mak osh ant haiaka tok a hvsh ithana; micha yvmma ai ashvchika nana hosh atakali keyushke.

6. Kuna hosh ymma ai iba foyuka hokvto ashahanchi chatuk keyu; kuna hosh ashahanchikmt, ymma pisa tuk keyukmt, anonti ithana tuk keyu aiena mak oke.

7. Ulla chipunta ma! hatak nana kia ik hvchi yoshublo kashke: kuna hosh nan ai vlhpiesa ya a ymmohmi hosh ahantakmt, ai vlhpiesa kv, ymmvt ai vlhpiesa yatuk a, chohmi mak oke.

8. Kuna hosh ashahanchi kv Setan ak o ibai achvfa mak oke: Setan ak okvt vmmona mak inli ho ashvchit isht auehinchit tok oka. Setan vt nan ai isht vta tok puta ka okpvna chi pulla kak osh Chihowa Ushi vt ant haiaka tok.

9. Kuna hosh Chihowa ak o isht a toba hokvto ashahanchi chatuk keyu: ymma i na nihi vt anukfoyuka hatuk o; micha ymmak okvt Chihowa ak o isht a toba hatuk okvt, ashahancha he keyu hoke.

10. Ilvppak o Chihowa im vlla vhleha, mikmt Setan im vlla vhleha aiena kv isht ai otvni hoke: kuna hosh nan ai vlhpiesa ya a ymmohmi keyu, mikmt itibapishi ha ik i hullo aiena kv, Chihowa ak o ai ibai achvfa ho keyu hoke.

11. Iloh it i hulla he anumpa ilvppak o vmmona mak inli ho hvsh hahaklo tok.

12. Nan okpulo a ai ibai achvfa cha, itibapishi ha vbi tok Ken ak okvno ke chohmo kashke. Michi nanta kati-ohmi ho ymma vbi tok o? Ilapo nana a kanihmi kvto ai vlhpiesa keyu ma, itibapishi hvto ai vlhpiesa kak a tok oke.

13. Itibapishi li vhleha ma! yakni vt hvchi nukkilli hokma, ik hvchi nukhlakancho kashke.

14. Il itibapishi vhleha ha il i hullo hatuk osh, ai illika ya a kohchvt ai okchaya ya il ona kv il ithanvshke. Kuna hosh itibapishi ha i hullo keyu hokvto, ai illika yo anta hoke.

15. Kuna hosh itibapishi ha i nukkilli kv, hatak vbi yoke: yohmi ka hatak vbi nana hak osh okchayvt bilia yvt anukfoyuka keyu ka hvsh ithanvshke.

16. Pishno pulla hatuk mak o ilap im ilhfiopak a isht pi atobbi tok a ilvppa fehna ak o Chihowa vt pi hullo ka, isht

il akostininchishke: yohmi ka pishno vt il itibapishi vhleha ha pim ilhfiopak a isht il atobba he vlhpesa hoke.

17. Amba kva hosh yakni ilvppa nana isht il ai yvkpa vt im asha; yohmi hosh itibapishi hv ilbvsha ho pisa kv, yvmak ash i nukhaklo iksho; yohmikma Chihowa i hullo kvto katiahmit yvma anukfoyuka hinla cho?

18. Um vlla chipunta ma! anumpa, micha isunlvsh aiena kak bano ho ishit kiloh it i hullo kashke; amba nan isht ahanta, micha ai ahli mak ashke.

19. Micha ilvppak o nan ai ahli ka ya il ibai achvfa kv isht il akostininch; mikmv pi chukvsh a nuktalanlit itikba ya il asha hi oke.

20. Pi chukvsh vt isht pi atokoli hokma, Chihowa ho kak heto pi chukvsh a i shahli, micha nana moma ka ithana hoke.

21. Holitopa vhleha ma! pi chukvsh vt isht pi atokoli keyu hokmvno, Chihowa ya il ai nanaiya mak oke.

22. Micha im anumpa vlhpisa ya e holitobli, mikmv nana ka ilapvt ai ahninch ak o a pi yvmohmi aiena hatuk osh, nana ho il asilha kv, yvma il ai i habena chatuk oke.

23. Yohmi kv yvmak a hi o, anumpa vlhpisa ha pima tok oka, Ushi Chisvs Klaist hohchifo ha pi yimmi cha, it i hulla he aiena ilvppak osh im anumpa vlhpisa mak oke.

24. Micha kva hosh im anumpa vlhpisa ya holitobli kv, yvmak o ai ib achvfakma, ilap mv yvma ai ibai achvfa hoke: micha yvmvt a pi nukfoyuka kv, yvmvt Shilombish pima tok ilvppak o isht il akostininch hoke.

CHAPTA IV.

Nan ithvnanchi moma kak o i yimma he keyu amba Chihowa im anumpa ho isht imomaka pisa hi a i miha, 1; 7 nana hosh kaniohmi kak o il it i hulla hi a lauachit nan isht miha.

1. HOLITOPA vhleha ma! hopai ilahobi lauvt yakni a atiapa hatuk oka, shilombish a uhvlinchit hvchi yimmi

ná; amba Chihowa yak o a minti hokma, nana tukmá, shilombish puta kash imomakachit hvsh pisashke.

2. Ilvppak o Chihowa im Shilombish a isht hvsh akostininchishke; shilombish vt, Chisvs Klaist vt haknip asha hosh vla tok a atokoli hokvto, Chihowa ak o a minti bano hoke.

3. Mikma shilombish vt, Chisvs Klaist vt haknip asha hosh vla tok a atokoli keyu hokvto, Chihowa ak o a minti keyu bano hoke; micha ilvppak osh shilombish Klaist i sanali, yvmmtv aya hi a hvsh haklo tok a, anonti himonasi kak kia yakni paknaka ya aiasha ka mak oke.

4. Ulla chipunta ma! Chihowa ak o immi hvchia; yohmi hosh yvmmak ash hvsh imaiyachi tok; hvchishno a a hvchi anukfoyuka kak osh yakni paknaka ya anta kvno i shahli hatuk okvt.

5. Yvmmak ash ot yakni ak o ai ibai achvfa; yohmi hatuk osh yakni ak o isht anumpuli ma, yakni vt i haponakloshke.

6. Pishno vt Chihowa ak o immi hvpia hoke; kvna hosh Chihowa ya ithana hokmvto, hvpi haponaklo: kvna hosh Chihowa ya immi keyu hokvto, ik hvpi haponakloshke. Ilvppak o shilombish ai ahli, mikmtv shilombish na yoshubli aiena ka isht il akostininchishke.

7. Holitopa vhleha ma! nan i hullo vt Chihowa ak o a minti hoka, iloh it i hullashke: micha kvna hosh i hullo hokvt moyumvt Chihowa ak o isht a toba; micha Chihowa ya ithana mak oka.

8. Kvna hosh nan ik i hullokmvt, Chihowa ya ik ithano mak oke. Chihowa ak okvto nan i hullo mak oka.

9. Yvmmak atuk mak o pishno vt isht pi okchaya hi a Chihowa yvt Ushi achvfa illa yatuk a yakni a auet kanchi tok oka, ilvppak o Chihowa yvt auet hvpi hullo ka isht ai otvni tok oke.

10. Pishno ak osh Chihowa ya il i hullo tok o keyu, amba ilap ak osh pishno a pi hullo cha, na pim ai ashvchika yvt isht vltoba hi a, Ushi a auet kanchi tok ilvppak osh nan i hullo mak oke.

11. Holitopa vhleha ma! Chihowa yvt pī hullo kv̄t yak-ohmi tok okma, pishno ak kia iloh it ī hulla he v̄lhpesa hoke.

12. Hatak achvfa kia nitak nan ash Chihowa ya pisa tok keyushke. Pishno vt iloh it ī hullo hokma, Chihowa yvt hv̄pi anukfoyuka; yohmikma yv̄mma il ī hullo kv̄t ai ahli mak oke.

13. Yv̄mmak okv̄t imi Shilombish a ai isht pima tok oka, pishno vt yv̄mma il ibai achvfakma, anonti ilap mvt pibai achvfa ka ilv̄ppak o isht il ai akostininchi hoke.

14. Micha pishno vt e pihisa mak osh yakni a okchal-
linchi a he īki vt Ushi a auet kanchi tok a atokowa il anohonlishke.

15. Kv̄na hosh Chisvs vt Chihowa ya Ushi yoke, achi hoka, Chihowa ak osh yv̄mma anukfoyuka ma, anonti ilap mvt Chihowa ya anukfoyuka hoke.

16. Mikmvt pishno a Chihowa vt pī hullo ka il akosti-
ninchi, micha pī yimmi aiena tok. Chihowa vt nan ī hullo hoke: yohmi ka kv̄na hosh nan ī hullot ahanta hokvt, Chihowa ak o ai ib anukfoyukakma, anonti Chihowa mvt ilap a ai ib anukfoyuka hoke.

17. Nan v̄lhpesa nitak fehnakma pī nukwaya iksho ka he vt ilv̄ppak o nan il ī hullo kv̄t isht ai ahli hoke: ilap vt kaniohmi ka, pishno mvt yv̄mmak inli hō chohmi hosh yakni ilv̄ppa il asha hokvt.

18. Nan ī hullo ka nukshopa hv̄t iksho hoke; amba nan ī hullo ahlika yvt nukshopa hā kohchit kanchi yoke; na nukshopa hv̄t issikkopali yoka. Kv̄na hosh nukshompa hokvto nan ī hullo kv̄t ai ahli hō keyu mak oke.

19. Ilap ak osh t̄ikba pī hullo tok oka, pishno vt yv̄mma il ī hulloshke.

20. Hatak vt Chihowa ya ī hullo li, achi hosh anonti itibapishi hā ī nukkilli hokmvt, yv̄mmvt holabi yoke. Itiba-
pishi hā pisa kv̄t ik ī hullo kv̄to, anonti katiohmi hosh Chi-
howa pisa chatuk keyu kv̄t yv̄mma ī hulla hinla cho?

21. Kv̄na hosh Chihowa ya ī hullo hokvto, itibapishi ma ī hullo ak inla he anumpa v̄lhpesa ilv̄ppa yv̄mmak osh pima tok oke.

CHAPTA V.

Kvna hosh Chihowa ya i hullo kv̄t i nan v̄lhpisa ma holitobli cha, ymma im v̄lla puta ka i hullo hoke, 1; 7 nan atokowa yv̄t tuchina hosh v̄ba ya aiasha; 8 mikma tuchina makinli hosh aka ya asha; 9 Chihowa ushi Chisvs vt pi okchalinchā hinla kv̄t im v̄lhpiesa.

1. KUNA hosh Chisvs vt Klaist mak atuk a yimmi hokv̄to, Chihowa ak o isht a toba mak oke; micha na toba-chi tok ash i hullo hokv̄to, moma kv̄t ymma isht a toba tok puta ma i hullo ak inli hoke.

2. Chihowa ya il i hullo, micha im anumpa v̄lhpisa aienā ka e holitobli hokm̄vt, ilvppak o Chihowa im v̄lla v̄hleha ha il i hullo kv̄t isht il akostininchi hoke.

3. Im anumpa v̄lhpisa ya e holitobli ilvppak osh Chihowa i hullo mak oke; micha im anumpa v̄lhpisa yv̄t a palvmmi ka keyu hoke.

4. Kvna hosh Chihowa yak o isht a toba tuk okv̄to, yakni a imaiyachi hoke; micha yakni a nan isht imaiyachi kv̄t nana pi yimmi ka ilvppak oke.

5. Kvta hosh yakni a imaiyachi cho? amba Chisvs vt Chihowa ya Ushi a yimmi kak o banoshke.

6. Oka, micha issish aiena kak o isht otr̄nit aya tok vt Chisvs Klaist ilvppak oke: oka yak o illa keyu; amba oka, micha issish aiena tok. Mikma Shilombish ak osh ai ahli ka mak okv̄t, Shilombish ak osh atokowa ka anoli hoke.

7. Tuchina hosh nan atokoli kv̄to v̄ba ya asha, Iki, micha Anumpa, mikm̄vt Shilombish Holitopa aiena kak oke; mikm̄vt tuchina ilvppv̄t achv̄fa hoke.

8. Yohmikma tuchina hosh nan atokoli kv̄t yakni a asha, Shilombish, micha oka, mikm̄vt issish aienv̄shke; mikm̄vt tuchina ilvppv̄t ai it im achv̄fa hoke.

9. Hatak osh nana atokoli ka pi yimmi chatuk ma, Chihowa hosh nana atokoli ho kak heto ai i shahli fehna hoke. Chihowa yv̄t nana ai atokoli Ushi ya isht ai anohonli tok ilvppak oke.

10. Kuna hosh Chihowa Ushi ya i yimmi hokvto, nan isht atokowa kv̄t ilapo inlit anukfoyuka hoke: kuna hosh Chihowa ya ik i yimmo hokvto, Chihowa yvt Ushi a nan isht ai atokowa ka anoli tok a, ik yimmo hokvt, yv̄mma holabi hoke.

11. Yohmi ka Chihowa yvt ai okchayvt bilia ya pim issa tok ilvppak osh nan atokowa annoa mak oke; mikma ai okchaya ilvppvt Ushi yak o ai in takali hoke.

12. Kuna hosh Ushi vt anukfoyuka hokvto, ai okchaya ya ishi hoke; mikma kuna hosh Chihowa Ushi yvt ik anukfoyuko hokvto, aiokchaya yvt ik im ikshoshke.

13. Chihowa Ushi hohchifo ha yimmi vhleha hvchia hv̄t ai okchaya bilia yvt hvchin takanli kv̄t hv̄sh ithaiyana chi, mikmv̄t Chihowa Ushi hohchifo ha hv̄chi yimma chi aiena kak o na yakohmi ka pit hv̄chi holissochi li hatuk oke.

14. Nana ka ilap nan ai ahni ka ya pit ai v̄lhpesa h̄o isht ai il im asilh̄hv̄chi hokma, pi haponaklo pulla ka ilvppa pi yimmi hoke.

15. Micha nana h̄o il im asilh̄ha ka, pi haponaklo ka il akostininchi hokmv̄t, anonti nana h̄o il im asilh̄ha tuk vt, il eshi kv̄t il akostininchi mak inlishke.

16. Hatak nana hosh itibapishi hv̄t nan ashv̄chi kv̄t isht ai illa he keyu h̄o isht ai ashv̄chika pisa hokmv̄t, yv̄mmak ash ot asilh̄ha na isht ai illa he keyu ȳo isht ai ashv̄chi tuk vhleha hash yv̄mmv̄t ai okchaya ya ima hi oke. Isht ai illa he ai ashv̄chika yvt takanlishke; yohmi hokvno vba pit isht anumpula hi a ak mihoshke.

17. Nana ai v̄lhpesa keyu vt aiashv̄chika ȳo banoshke; yohmi ka isht ai illa he keyu nan ai ashv̄chika yvt takanlishke.

18. Kuna hosh Chihowa yak o isht a toba tuk okvto, ashahanchi keyu chatuk a il ithanv̄shke: amba Chihowa ak o isht a toba tuk okvto achukmalit il apesahanchi chatuk; yohmikma nan okpulo yv̄mmak ash ot ik halelo chatuk oke.

19. Micha pishno vto Chihowa yak o immi pia; mikma yakni moma kv̄to ik ai v̄lhpeso banot talaia ka iloh ithanv̄shke.

20. Micha Chihowa Ushi vt vla cha, yvmmak osh nan ai ahli ka mak atuk ash il akostininha chi ka, nan isht akostinichi a pi anukfoki tuk a iloh ithanvshke ; yohmi ho pishno vt yvmmak osh nan ai ahli ka mak atuk Ushi Chisvs Klaist a il ai ibai achvfa hoke. Ilvppak osh Chihowa ai ahli, micha ai okchayvt bilia mak oke.

21. Ulla chipunta ma! na holbvt toba ya hvch ik ai ahalaio kashke. Amen.

C H A N

I HOLISSO A TUKLO HOKE.

Nan isht ai i hullo a kvllot achunancha chi ka ohoyo holitopa, im vlla aiena ka i miha, 1; 10 Klaist im vbanumpa ha isht aya keyu yvt na yoshublichy yoka yvmma hvchik ahalaio kashke.

1. UBANUMPESHI sipokni yokvt ohoyo vlhtoka, micha im vlla vhleha aiena ka pit ai okpvchishke, yvmmak ash o vno vt ai ahli hosh i hullo li chatuk; mikmvt vno ak bano chatuk keyu; amba nan ai ahli ka akostininchi tuk okvto i hullo ak inli chatuk;

2. Nan ai ahli ka yvt a pi nukfoyyuka kvv a pi nukfoyyukvt bilia chi pulla ho yvmohmi hoke.

3. Hvch i hullo li ai ahli mak osh Iki Chihowa, mikmvt Iki a Ushi, Chitokaka Chisvs Klaist ita tuklo a mihinti nan isht i kana, mikmvt ai i nukhakloka, micha nan isht it i nanaiya aiena kvv hvchi anukfoyyuka hi a ahni lishke.

4. Anumpa vlhpisa Piki vt pima tok mak o, chim vlla vhleha hvv nan ai ahli ka mak o ai itvnowa na pisa li kvv, sa yukpa fehna tuk oke.

5. Yvmohmi ka ohoyo ma! anumpa vlhpisa himona nana ho pit chi holissochi li ho keyu: amba vmmona mak inli ho hvpin tonla tok ash iloh it i hulla he yak o chim ai ahni lishke.

6. Micha im anumpa vlhpisa yak o ai iakaiyvt il itvnowa ilvppak osh nan i hullo mak oke. Ilvppak osh anumpa vlhpisa mak oke; vmmona mak inli ho hvsh hahaklo tok vt, yvmmak o hvsh ai itvnowa he tuk oke.

7. Na yoshubli laua kvv yakni a atiapa cha, Chisvs Klaist

vt haknip asha hosh vla tok a atokowa anoli keyushke. Il-
vppak osh na yoshubli, micha Klaist i sanali aiena mak oke.

8. Hvsh il apesahanchi pulla na nana ka iloh atahli tuk
vt ik hvp i kvnio hosh, amba ai vlhtoba vhlpiesa ka iloh
ishashke.

9. Kvna hosh ashahanchi cha, Klaist im anumpa anuk-
foyukvt aya keyu hokvto, Chihowa ya pit ai ibai achvfa ho
keyu hoke. Kvna hosh Klaist im anumpa ha afoyukvt aya
hokvto, mihi yosh Iki, micha Ushi aiena ka pit ai ibai achv-
fa hoke.

10. Kanima kvt ayvt hvchim vla kvt, anumpa ilvppak o
isht aya keyukma, hoyot hvchim aboha ya hvch ik chuko-
wachokmvt, hvch ik ai okpacho kashke.

11. Kvna hosh yvmma ai okpvchi hokvto, nan ik vlhpeso
a yohmi ya pit ahalaia mak oke.

12. Nana ka pit chi holissochi la hi vt lauvt asha; yoh-
mi kvt holisso tohbi, micha isht holissochi okchi aiena ho
isht a pit holissochi la he keyushke; amba nashuka bika it
atokowvt anumpulit a pi yukpa fehna chi ka, vno vt ayvt
chim ona la chi, vm ahoba hoke.

13. Chitibapishi ohoyo vlhtoka ya im vlla vhleha hvt pit
chi ai okpvchishke. Amen.

C H A N

I HOLISSO ATUCHINA HOKE.

Kaivs vbanumpa anukfoyuka ka im ahninchit miha, 1; 5 i kanvt hiahni ka im aiokpanchi; 9 Tiotifvs nan akaniohmi kvno vlhpesa ik im ahno; 12 Temetivs vno ahninchit isht anumpuli.

1. ŪBANUMPESHI sipokni yokvt Kaivs holitopa fehna yvmma ai ahli hosh i hullo li chatuk mak o pit ai okpv-chishke.

2. Holitopa ma! chi haknip vt achukmaka cha, i shahlit ia kv, chi shilombish vt isht i shahlit ia kak inli ho chohma hi a ahni li kak osh nana moma ka vm i shahlishke.

3. Il itibapishi vhleha hv ai vla mv, nan ai ahli ka yvt a chi anukfoyuka cha, nan ai ahli ka ai ish ataya ka atokowa anohonli ka a sa yukpa fehna tok.

4. Na sa yukpa kv, vm vlla vhleha hv nan ai ahli ka ya ai itvnowa na haklo li ka vm i shahli kv iksho.

5. Holitopa ma! il itibapishi vhleha, micha hatak itvnowt aya aiena ka nana ho ish ai i kanihmi kv, ish ai ahli achukma bieka hoke.

6. Yvmmak ash ot, i hullot ish apelahanchi ka, chvch a im a chi atokowvshke; yvmmak oka nowt aya ka Chihowa aiahni vlhpiesa ho pit ai ish apelahanchi hokmv ish ai vlhpiesa he mak oke:

7. Yvmmak okvt yvmma hohehifo pulla hatuk mak o Chentail a nanasi kia ik im ai esho hosh itvnowt aya hatuk oka.

8. Yohmi hoka pishno vt nan ai ahlika ya pit ai im

apelvchi pia ha chi kv̄t, yv̄mma chohmi ka ai okpv̄chit nana il im atahanla he v̄lhpiesa hoke.

9. Chv̄ch a pit i holissochi li tok; yohmi kia yv̄mma ai i shahli b̄v̄nna hosh Tiotlefes yv̄mmak okv̄t ik pim ai okpacho tok oke.

10. Yohmi hoka v̄la li hokm̄v̄t, yv̄mm̄v̄t nana a kaniohmi tuk, anumpa okpulo ka isht a pi achukushpv̄li tuk: mikm̄v̄t yv̄mma illa hokv̄to ik im ono m̄v̄t, anonti il itibapishi v̄hleha h̄a ai okpv̄chit nan ik im atahlo m̄v̄t, anonti kanima kv̄to yohma he tuk a im alv̄m̄mit, yv̄mmak ash chv̄ch a akocha weli tuk a ithaiyana la he mak oke.

11. Holitopa ma! nana kv̄t achukma keyu hokv̄no chik iakaiyo hosh, amba achukma kak ashke. Kv̄na hosh achukma h̄o a yohmi hokv̄to, Chihowa yv̄t anukfoyuka hoke, amba kv̄na hosh nan ik achukmo ya yohmi kv̄to, Chihowa ya pisa tok keyu mak oke.

12. Hatak moma, micha nana ai ahli ka fehna aiena kash kia Temetivs a annoa achukma ka anolishke; ahli, micha pishno ak kia yv̄mma ai atokoli kv̄t il anoli ak inlishke; yohmi kv̄t pishno nan il atokoli ka ai ahli ka hv̄sh ithaiyanv̄shke.

13. Nana ka holissochi la he vt lauv̄t asha hatuk: yohmi kia isht holissochi okchi, micha isht holissochi aiena ak okv̄no isht pit ak chi holissocho ka ch̄ishke:

14. Yohmi kia chekosikma chi pisv̄t, nashuka ai it atok-
ov̄v̄t isht chim anumpuli la chi ka v̄m ahoba hoke, Nan isht il ai yukpa yv̄t chi anukfoyukashke. Pi kana v̄hleha hv̄t pit chi ai okpv̄chishke. Il it̄i kana v̄hleha h̄a hochifo cha, pit ish ai okpv̄chashke. Amen.

CHUTE

I HOLISSO HOKE.

Nan ai yimmika ya a kvllet achunanchit hiela he im ahni, 1; 4 nan ithvnanchi ik ai ahlo puta kvt ib a chukowa he, yahmi kia yvm-mvt ai ilvrsha hi okvrto im vhltaha; 20 Chihowa anukfoyuka yok-vto shilombish holitopa apelachi pulla, mikmvt vbanumpohonli aiena pulla hosh ilap a okchalinch cha, anonti inla na yoshubli isht a yoshuba tuk puta ma hlakoficha hi oke.

1. CHUTE, Chisvs Klaist in tishu, micha Chemis itibapishi hokvt, Iki Chihowa ya, i holitopa vhleha, micha okchaya he vhltoke tok; micha Chisvs Klaist ak atuk pulla kak o ai ahlit i yimmit mahaya yvmmak o pit i holissochi kvt,

2. Isht i nukhaklo yvt hvchimmi hashke, micha isht iti nanaiya, micha nan i hullo aiena kvt hvchin lauashke.

3. A holitopa vhleha ma! nana ka achunanchi fehna hosh moma isht ai okchaya yak o pit hvchi holissochi la chikmvt, hvchi holissochi li kvt nana ka hvchi atohnochi la he vm vlhpiesa he tuk: yohmi kvt vbanumpa ai ahli yvt himonna ma vbanumpuli vhleha hoka im anohowa tok ak o i yimmi aiahlit hvsh mahaya chi kvt yichina fehna hosh hvsh hohoyashke.

4. Yohmi ka hatak kaniohmi hokvt ik i nuktahlo fehna ho iba chukowa, yvmmak okvt nitak pilla kash o nan ik achukmo ilvppa ai yvmohma he vt im vlhpihisa tok: yvm-mvt Chihowa holitobli keyu hokvt, pin Chihowa isht i kana ya haui imma isht ai ihikbi, micha yvmmak illa hosh Chito-

kaka Chihowa, micha pi Okchalinchí Chists Klaist ash o ik holitoblo hoke.

5. Yvmohmi ka Chitokaka yokvt kanimihchit Echip yakni a a kohchit okla ha hlakofichi ha yvt na yimma he keyu vhleha hokvno vbit taiyahli tok; ilvppa himonna mahvsh ithana hatuk ak inli kia, hvsh ithaiyana he mak o hvchim ai ahni lishke.

6. Micha enchil vhleha hokvt a toba vmmona tok ash inli ai ahanta keyu hosh, amba ilap ai ahanta kash issa tok puta hokvno, ai okhlilika chinto tvli itatakvi isht talakchit bilia hosh nitak chinto nan ai vlhpisa ka ona he im ai ahni hoke.

7. Yohmi ka Sotom, Komolah, micha tvmaha hochito auet i bilika aiena kash osh yvmmak ash o chiyuhmit, hau ai yvmohmi fehna, micha haknip inla ho asitia aiena tok vt nana ka isht ilbvsha he otaiyani mak osh isht i nukkilli luak bilia yo isht ilbvsha hoke.

8. Yvmmak o chiyuhmi hosh holhpokunna liteha vhleha ilvppak kia haknip a litehli, nan i shahli ya kvllakshichi, micha hatak nan vlhtoka holitopa he vlhpiesa kia nan isht ik ahobalot anumpuli hoke.

9. Yohmi kia Mikael, enchil miko yvt nan isht ahullo okpulo ya it im anumpuli kv, Moses, haknip imma yo isht it im anumpunli kia, isht a hofahya he anumpa hoka mihachi kv nukshopa mvt, amba Chitokaka yak osh chim olvbashke, achi tok.

10. Amba ilvppvto nana yakohmi puta ka akostininchi keyu kv, nan isht ik ahobalot isht anumpulishke; yohmi kv nampo im anukfila iksho yak i chiyuhmit, haknip nan isht ai anushkunna ithana yvmmak puta ho isht il ai okpvnit tahlishe.

11. Yvmmv i palvmmi mak oke; Ken nana a kaniohmi tok ak o chiyuhmit itvnowa hokvt, micha nan isht vlhtoba yak o bvna hosh Belam vt nan ashahanchi tok ak o chiyuhmit, ai yimitvt kvni vt yihlihimpa hatuk osh Koli vt i sanalit anumpohonlit isht illi ha tok a chiyuhmit isht ai okpulo tok.

12. Ilvppak okvt iti hullo impa hvch ibai impakmv, na

liteha vhleha yosh nukshopa kia ik im iksho hosh il impahanchi kvt; hoshonti oka iksho yo mahli puta kvt kanima isht aya; iti vni bvshit, vni iksho puta, hitukla illi, akshish momvt lobahli mak oke:

13. Okhuta chito oka piakvchit it ai ihissot, ilap isht ahofahya ya pokpokit kohonchi; fochik yoshuba puta hoka ai okhlilika chinto yak osh yvmmak okvno immit bilia he im vhlpisa hoke.

14. Mihma Enok, Alvm isht ai unchululi ont isht untuklo kak kia, anumpa ilvppa tikbanli anohonli kvt, Yakeh! Chitokaka yokvt i holitopa vhleha tahlepa sipokni pokoli ka ai itvpehvt vla kvt.

15. Moyuma ka nan im apesvt, Chihowa im antia he keyu yvt Chihowa ik holitoblo hosh nan ai vhlpesa keyu puta yvmohmit ai asha chatuk, micha nan ashvchi Chihowa ik im antio vhleha hvt ilap i sanalit anumpa kvllo anumpohonli chatuk aiena moyuma ka na palvmmi ka onocha hi oke.

16. Ilvppak okvt ik ahninchot lumasit isht anumpuli vhleha hosh ilap chukvsh okpulo nan ahni kak o iakaiya yoke; micha isht ilauata fehna anumpa puta ka itih ha isht anumpohonli kvt, ilap nan isht im achukma he, ahni kak osh, hatak nashuka puta ka ahninchu yoke.

17. Amba a holitopa vhleha ma! hvchishno yvto pin Chitokaka Chisvs Klaist im anumpeshi vhleha hvt tikba kash anumpa isht hvchim anumpohonli tok puta kak o hvsh ithaiyanashke:

18. Yohmi kvt ont ai ishtaiyopit mahayakma, nan isht ik ahobalo vhleha hvt Chihowa ik holitoblo hosh ilap chukvsh okpulo nan ahni kak o iakaiya hosh ai asha hi oka, hvchim anohonli tok a hvsh ithaiyanashke.

19. Ilvppak osh vbanumpuli iksa ai ahli ka il ai i filvmmichi kvt, haknip nan ahni yo iakaiya hosh, Shilombish Holitopa yvt ik im iksho hoke.

20. Amba a holitopa hvchishno yvto, Shilombish Holitopa yvt hvchi anukfoyuka hosh anumpa ilbvsha anumpohonlit, na hvchi yimmi holitopa fehna kvt hvsh il ai ahli-chashke;

21. Chihowa ya hvsh i hullo kvt hvsh il achunanchi hosh, Chitokaka Chisvs Klaist okvt hvchi nukhaklo na aiokchayvt bilia ya hvsh ona chi kvt hvsh hohoyashke.

22. Mikmvt yakohmi hoka im ahnit, kaniohmi kvno hvshi nukhaklashke.

23. Micha inla kvno nukshoblit halvllit, luak a a kohchit hvsh hlakofichi kvt, na fohka haknip isht aliteha yak heno hvsh i yuwalashke.

24. Yohmi ka yvmmak osh hvchi halanli ho ik hvch ibetvblo ka he, micha ilap ai o binili holitompa itikba ya anumpa ik achukmo hvchi onvtonla iksho nan isht il aiyukpa chinto ho isht hvchi ona hinla,

25. Pi Okchalinchi Chihowa hopoyuksa kak bieka yvmmak o isht a holitopa, isht a chinto, micha isht a miko, micha nan isht ai ahli aiena kvt himonasi, micha himak a pilla ka immit biliashke. Amen.

UBANUMPESHI CHAN A

NANA KUT IM OTUNI TOK.

CHAPTER I.

Uba nan im otaiyani tok vt tvli holisso lakna pula ai o hikia untuklo nan isht vlpisa ho Chan vt chvch untuklo Asia a hiohmaya ka pit i holisso chi tok, 1; 7 Klaist vt minta chi; 14 nan isht im ai ahli holitopa chinto aiena ka anoli.

1. CHISUS Klaist nan isht otvninchi yvmmak oka Chihowa hvv ima na in chekosikma nana a kaniohmi pulla chi ka, in tishu vhleha ha im otvnincha hi a tok; atuk o yvmmak ash osh im enchil ak o pit chvffichi hosh in tishu Chan a nan it apesa hosh im anoli tok.

2. Mihi yosh Chihowa im anumpa, mikmvt Chisvs Klaist nan isht im atokowa, micha nana ho pisa tok aiena kvv atokowa anoli tok mak oke.

3. Kvna hosh ilvppa it im anumpohonli, mikma kvna hosh na tikbanli annoa anumpa ilvppa haklo cha, nana hosh a holihiso tuk a holitobli hokvto momvt na yukpvshke; yakohma chi ka ai ona hosi hoka.

4. Chan vt Asia yakni chvch a hiohli untuklo ka pit aiokpvchi; yvmmvv okchayvt ahanta kvv, yvmmak osh okchayvt ahanta tok osh, anonti himak a pilla ka okchayvt ahanta he mak o nan isht i kana, isht it i nanaiya aiena kvv a minti, yvmma im ai o binili holitompa itikba ya a hiel Na shilombish untuklo aiena ka a minti;

5. Micha Nan atokowa anoli ai ahli, mikmvt illi tuk osh

falamvt tani kv̄t illi v̄hleha hak o Uttahpi hosh holitopa i shahli; micha m̄iko yakni pakna ai asha puta I shahli Chisvs Klaist mak o a minti hosh hv̄chi anukfoyukashke. Hvp i hullo cha, na hvpim ai ashv̄chika puta hatuk ma ilap im issish ak inli h̄o isht achifvt hvp i kashofi cha,

6. Iki Chihowa na holitomp̄a isht im vtta, micha m̄iko ȳo ohminchi hosh pi atokoli tuk mak osh mihi ȳo isht a holitopa, micha nana moma isht imaiya ita tuklo kv̄t immi hosh bilivt biliashke. Amen.

7. Yakeh! hoshonti h̄o il ai eshi hosh minti mak oke; yohmi ka hatak nishkin puta, mikma kv̄na hosh yv̄mma tvli halupa isht bahli tok v̄hleha ash kia moyumvt pisa he; yohmikma oklushi puta yakni pakna ai asha tuk vt moyumvt yv̄mmak atuk pulla kak o komuntvt yahaya hi oke; yakohmi mak inlashke. Amen.

8. Chitokaka nan okluha imaiya yvt himak a okchayvt ahanta kv̄t, yv̄mmak osh okchayvt ahanta tok osh, himak a pilla ka okchayvt ahanta he mak osh, Ūno ak osh Alfa, Omeka, ai isht ia vmmona, micha ont ai v̄hli aiena sia mak oke, achishke.

9. Chan sia hv̄ch itibapishi, mikmvt na palv̄mmi ka hv̄ch iba pih̄isa sia, micha Chisvs Klaist ap̄ehlichika ibafohka, micha Chisvs vt nuktanlv̄t achunanchi tok a ohmit isht a hv̄ch iba achv̄fa sia hatuk vt, Chihowa im anumpa, micha Chisvs Klaist nan isht im atokowa pulla hatuk mak o yakni tashaiyi Patmos hohchifo h̄o ont anta li tok.

10. Atuk osh Chitokaka i nitak o Shilombish Holitopa yvt si anukfoyuka fehnvt ahanta li h̄o, vm asha ka imma ya nan ola chinto isht p̄ufa ola h̄o chohmi kv̄t,

11. Ūno ak osh Alfa, mikmvt Omeka, vmmona, mikmvt ont ishtaiyopi aiena sia mak oke; yohmi hoka nana h̄o ish pih̄isa kv̄t holisso h̄a ish a holissochi cha, Asia yakni chv̄ch a hiohli untuklo Efesvs, micha Smvna, mikmvt Pvkamos, micha Hlaiatila, mikmvt Satis, micha Filatelfia, mikmvt Laotisea aiena ka pit ish pilashke, ahanchi h̄o haklo li tok.

12. Yohmi ma auet vm anumpohonli yv̄mmak ash o pisa

la chi hosh pit filema li tok. Yohmi kvt pit filema li mvt, tvli holisso lakna p̄la ai o hikia untuklo ka pisa li tok:

13. Yohmi ma p̄la ai o hikia untuklo yvmmak ash ik-lvna ya Hatak Ushi ak o holba hosh, anchi vt iyi pilla ona ho ai anchi hosh, tvli holisso lakna isht vskofvchi o chinuko foka ak o isht takchi hosh hikia tok.

14. Mihma noshkobo, micha p̄shi aiena kvt tohbi kvt chukfi hishi, micha okti pushi aiena kak o chiyuhmi ma, nishkin vt luak libbi hak o chiyuhmi tok:

15. Yohmi mvt iyi yvt malanta kvt tvli lakna yosh tvli abila yo fohkvt hullokmi tuk mak o chiyuhmi ma, itih ola kvt oka chinto fopa ho chiyuhmi tok.

16. Mihmvt ibbak isht impak imma ya fochik untuklo ho isht ieshi tok; mihma itih ha bvshpo falaia itahlakla halupa yosh a kohcha ma, nashuka yvt shohpakali kvt, hvshi tom-mi ai ahli tommi chatuk mak o chiyuhmi tok.

17. Yohmi ma yvmmak ash o pisa li mvt, illi yo choh-mit iyi ituma ya ont sa tula tok. Yohmi ma ibbak isht impak imma ya ishit si umbitepa mvt, Ūno ak osh vmmona, micha ont ishtaiyopi aiena sia mak oke, ik chi nukshopo kashke.

18. Ūno ak osh okchayvt ahanta sia mak osh, svlli tok nana kia, anonti yakeh! okchayvt sa bilia hoke, Amen: yohmi hosh isht ai illa he, micha shilombish aiasha aiena isht-tiwa ya ieshi li hoke.

19. Nana ish p̄sa tuk, micha nana kvt a kaniohmi, mik-mvt himak a pilla ho nana kvt a kaniohma he puta ka ish holissochashke.

20. Fochik untuklo svbbak isht impak imma alhto ho ish p̄sa kash, micha tvli holisso lakna p̄la ai o hikia puta aiena kash ot nan isht v̄lhpisa kvt ilvppak oke. Fochik untuklo kvt chvch a hiohli untuklo ka nan isht im v̄tta v̄hleha untuklo kak oke; yohmikma p̄la ai o hikia untuklo ish p̄sa kash ot chvch a hiohli untuklo kak oke, vm achi tok.

CHAPTA II.

Efesvs, 1, 8 Smvna, 12 Prkamos, 18 Hlaiatila aiena chvch a hiohli ka vbanumpa isht im vtta puta nana hō pit i holissocha chi ka Chan a im apesa kv̄t, nana kv̄t ai v̄lhpiesa, anonti nana ka ik ai onot aiasha kak a tok.

1. CHUCH Efesvs a hikia nan isht im vtta ya pit ish i holissochashke: Ibbak isht impak imma ya fochik untuklo ka isht ieshi cha, tvli holisso lakna pvla ai o hikia untuklo hō iklv̄nna a nohwa yak osh ilvppa puta ka achishke.

2. Nana ish a kaniohmi puta, nan isht ahantvt a chi hoyv-bli, nuktanlv̄t ish achunanchi, mikmvt ai v̄lhpiesa keyu v̄hleha hā kaniohmit ish im ahninchī keyu, yohmikmvt kv̄na kia ilap ak osh vbanumpeshi mak o ile miha hatuk kia, keyu hatuk puta ka imomaka pisvt holabi atuk o ish akostininchi:

3. Micha nana kv̄t palv̄mmi ka ish pihisa kia, nuktanlv̄t ish achunanchi, mikmvt vno sa hohchifo pulla hatuk mak o ish toksahanli mvt, ik chi hoyvblo a puta hatuk a chim ithaiyana lishke.

4. Yohmi nana kia vmmona ka nan i hullo chi anukfoyu-ka tuk vt chik a lauecho hatuk o, nana ka isht ak chim ahnincho kv̄t vm ashvshke.

5. Yohmi hoka kanima yo a hikivt ik a lauwt ish ia tuk vt pit anukfihinlit, ish ile kostininchi cha, nan isht ish ai vtta vmmona tok ak o ish yvmihchashke: yvmmak keyukma chekosi chim aya likmvt, ish ile kostininchi hō keyukma, chi pvla ai o hikia ya ishit, a hikia tuk a kanv̄llichī la hi oke.

6. Amba chishno yokvto ilvppak o a chi yakohmi hatuk osh, Nikolaitan okla nana a kaniohmi puta ka chik ahnincho ka, yv̄mma vno ak kia ak ahninchoshke.

7. Kv̄na hosh haksobish vt i hinli hokvto, Shilombish Holitopa yvt chvch v̄hleha hā nan im ok ahanchi puta ka haklashke. Kv̄na hosh nana ka imaiyachit a hlopulli hokvto, mihi yosh ai-okchaya iti Chihowa i Palatais iklv̄nna hikia hatuk ma ai vpa hi a ima la hi oke.

8. Mikmvt chvch Smvna a hikia nan isht im vtta ya pit

ish i holissochashke. Ummona, micha ont ishtaiyopi aiena, yvmak osh illi tok vt, okchayvt ahanta mak osh, ilvppa puta ka achishke.

9. Nana ish a kaniohmi puta, mikmvt na palvmmi ish a pihisa puta, micha ilbvsha chim aiena, (yohmi kia nana kv̄t chin laua ka ithana li,) mikmvt kanima kv̄t nana ka ik ahobalot anumpulit mihi yō keyu kv̄t, amba Setan i sina-kak mak okak osh, Chu mak o ile mihvt aiasha ka, ithana li hoke.

10. Nana kv̄t isht chi ai ilbvsha he puta asha ka chik i komunto kashke. Yakeh! hvsh kanima ka hvch imomaka pisa chi ka, Setan vt aboha kv̄llo a hvchi apitta he; yoh-mikma nitak pokoli hō na palvmmi hvsh pisa chi hoke: ai ahlit mahayvt ont chillashke; yohmikma iachuka okchāya yō chima la he mak oke.

11. Kv̄na hosh haksobish vt i hinli hokvto, Shilombish Holitopa yvt chvch vhleha hā nan im ok ahanchi puta ka haklashke. Kv̄na hosh nana ka imaiyachit a hlopulli hokvto, ai illi atukla ka ik im a palvmmo ka he mak oke.

12. Mikmvt chvch Pvkamos a hikia nan isht im vtta ya pit ish i holissochashke: Bvshpo falaia itahlakla halupa ishi mak osh ilvppa puta ka achishke.

13. Nana ish a kaniohmi puta, mikmvt kanima yō Setan vt apchichi yvmak kia ish ai vtta ka ithana lishke; yohmi kv̄t sa hohchifo hatuk ma kv̄llochit ish ieshi mvt, anonti Antipas yvmak okvt vm antia ai ahlit atokowa otvninchi yosh hvchi takla ahanta tok a Setan ai vtta yak o ai vbi tok nitak foka kak kia, vno a is sai yimmi tuk vt chik kancho tok a ithana lishke.

14. Yohmi kia na holbvt toba puta isht aiokpvchi tuk puta ka vpa chi, mikmvt itin lumaka ma yvmohma chi ka, Israel okla itikba ya isht ai ibetvbi i bohla chi ka Belam vt Balak a im avchi tok nan vlvchi ilvppa holitobli vhleha yvmak o ish il a pehlich hoka, nana ka isht ak chim ahnincho ka achafoa kv̄t vm ashvshke.

15. Yohmi mvt anonti Nikolaitan okla nana isht ithunan-

chi yummak oka ak ahnincho chatuk mak o, mihi yo holi-
tobli vhleha yummakma ish il apelhichi ak inlishke.

16. Ile kostininchi; yummak keyukma chekosi fehna
chim aya lish, okla yummak oka brshpo falaia svtih a
koheha hatuk ma ont isht itibi la he mak oke.

17. Kuna hosh haksobish vt i hinli hokvto, Shilombish
Holitopa yvt chvch vhleha ha nan ok im ahanchi puta ka
haklashke. Kuna hosh nana ka imaiyachit a hlopulli ho-
kvto, mihi yosh manna lumpoa vpa chi ka ima likmvt,
anonti tvi tohbi yo yvmma hohchifo himona yosh a ho-
lisso, yohmi ka yvmma hatak nana hosh ithana he keyu,
amba ishi tuk ak illa hosh akostininchi mak o ima la hi
oke.

18. Anonti chvch Hlaiatila a hikia nan isht im vtta ya
pit ish i holissochashke: Chihowa Ushi yvmmvt nishkin vt
luak libbi ho chiyuhmi ma, iyi mvt tvi lakna malanta
achukma ho chiyuhmi mak osh ilvppa puta ka achishke.

19. Nana ish a kaniohmi puta, micha ish i hullo, nan
isht ish ahanta, na chi yimmi, nuktanlvvt ish achunanchi,
mikmvt nana ish a kaniohmi puta, yohmi kvv ont ishtaiyopi
kak osh tikba ya tok a imaiyachi ka chim ithaiyana lishke.

20. Yohmi nana kia ohoyo Chesebel, yummak okvt ohoyo
hopaii mak o ile miha hosh, yvmmvt an tishu vhleha ha
nan im avrchit, yoshubli na itin lumaka yvmohma he, mik-
mvt nana ka na holvvt toba yo isht aiokpvchi tuk puta kia
vpvt ai asha hi a, vlvpesa ish im ai ahni hatuk oka, nana ka
isht ak chim ahnincho ka achafoa kvv vm ashvshke.

21. Yohmi mvt itin lumakvt ahanta chatuk vto ai ile
kostinincha chi ka nitak a ima li tok, nana kia ile kostinin-
cha he keyu ki tok.

22. Yohmi hoka yakeh! yvmma atuk ma topa pakna yo
pit ai om bohli likmvt, yvmma itin lumaka yatuk ma na
palvmmi chinto ka onochi la chi hoke; nana a kaniohmi
yatuk puta kvv ai ile kostininchi ho keyukma.

23. Mikmvt ohoyo yvmma im vlla vhleha hatuk ma illi
mak o isht ahambi la chi hoke; yohmikma vno ak osh
hatak chukvsh nana ai ahni puta ka afvnalechit ithana sia

hatuk a chvch vhleha puta kv̄t ithaiyana he mak oke: yohmikma hvchishno hvsh a kaniohmi puta kak o isht ai v̄lhpesa aiyyukali mak o hvch ima la hi oke.

24. Yohmi kia hvchishno, micha inla Hlaiatila maya aiena, laua kv̄t kaniohmi hosh nan v̄lv̄vchi ilv̄ppak ash ik ahnincho, micha Setan vt im anukfila ont ai v̄hli mak o, okla miha ka, ik ithano hvchia hokvno na weki inla nana h̄o hvchi onochi la ch̄i h̄o keyu, hvchim achi lishke.

25. Amba nana ka hvsh ieshi mashko hatuk okvto, kv̄llochit hvsh ishi na v̄la li hayashke.

26. Yohmikma kv̄na hosh nana ka imaiyachit, nana kv̄t yakohma he ahni li ka holitoblit im antivt a hlopulli hokvto, mihi yosh oklushi puta hatuk ma i shahla he mak o, vno a Aki vt vm apesa tok a, chohmichit im apesa la he mak oke:

27. Yohmikma yvmmak ash ot tv̄li fuli toba h̄o ieshi hosh yv̄mma nan im apihisa he; mikma yvmmak atuk mv̄t shuti tv̄na yosh na tv̄na tuk o bushullit tv̄moa chatuk a chiyuhma hi oke.

28. Yohmikma yvmmak amo onnahinli fochik a ima la he mak oke.

29. Kv̄na hosh haksobish vt i hinli hokvto, Shilombish Holitopa yvt chvch vhleha h̄a nan im ok ahanchi puta ka haklashke.

CHAPTA III.

Satis chvch hikia v̄banumpa isht im vtta ya nan i miha, 1: 3 ile nukh̄aklonchit ilekostinincha ch̄i ka i miha: Filatelfia chvch hikia ka nan isht im vtta yv̄to nana ka ahlit achunanchit ahanta ka im ahn̄inchi; 15 Laotisea chvch nan isht im vtta ya tuk vt libisha keyu, mikmv̄t kapv̄sa keyu aiena ha tuk o im alv̄m̄mi; 20 Klaist vt okhissa ya hikīvt sok̄oha.

1. MIKMUT chvch Satis a hikia nan isht im vtta ya pit ish i holissochashke. Chihowa imi shilombish untuklo, miha fochik untuklo aiena il ai eshi mak osh ilv̄ppa puta ka achishke: Nana ish a kaniohmi puta, okehaya mak o chi hohchifo ak inli kia, illi yo chia hoka chim ithaiyana lishke.

2. Nana kvt ai vllhpiesa ahli hō Chihowa itikba ya ish a yvmohmi na pisa li keyu hoka, ahah! ish il ai ahni cha, nana kvt illi mak o mahaya kia asha moma hatuk okvno ish hlampkohonchashke.

3. Yohmi kvt nana ka ish ishi, micha ish haklo aiena tuk vt, ithaiyanvt kvllochit ish ieshi cha, ish ile kostininchashke. Amba ahah! chik il ai ahno hok mvno, hukopa nowvt aya hō chohmi hosh ant chī kohecha la chī; yohmi ka hvshi kanvlli nana hō ant chī kohecha la chī ka ish ithana hi o keyu hoke.

4. Satis ak okvno holhtina kanomosi kvt, yvmmak okvto im ilefoka ya ik litehlo kvt, chim ashvshke; yohmi hatuk osh yvmmak okvto yvmmak a he im ai vlhpesa hokvt, na fohka tohbi foyuka cha svb ai itvnowa he mak oke.

5. Kvna hosh nana ka imaiyachit a hlopulli hokvto, mihi yosh nafohka tohbi a fohka he; yohmikma yvmma hohchifo hvrt ai okchaya holisso a takali tuk a kashofi la he keyu, amba hohchifo ha Aki, micha im enchil vhleha aiena itikba ya ai anohonli la he mak oke.

6. Kvna hosh haksobish i hinli hokvto, Shilombish Holitopa yvt chvch vhleha ha nan im ok ahanchi puta ka haklashke.

7. Mikmvt chvch Filatelfia a hikia nan isht im vtta ya pit ish i holissochashke: Holitopa, ai ahli mak osh, Lewi im isht tiwa ya ieshi hosh, yvmvmt okhishta haya, hatak nana hosh wakvmma he keyu; anonti tiwa haya, hatak nana hosh okhishta he keyu chatuk mak o ilvppa puta ka achishke.

8. Nana ish a kaniohmi puta ka ithana lishke: yakeh! isht hlampko iskvtinosi kvt chin takanli cha, vm anumpa ha ish holitobli mvt, sa hohchifo ha chik kancho hatuk oka, okhissa ya tiwit chi tikba ya hilechi li: yohmi ka hatak nana hosh yvmmak oka okhishta hi o keyu hoke.

9. Kanima kvt mih mak o keyu kvt, Chu mak o ile mihvt holabi vhleha hvrt Setan i sinakak atuk a atokolit anoli la chī hoke: yakeh! yvmma puta kash ot chiyi ituma ya ai vlvrt ant aiokpvchi hosh, vno vt chī hullo li hatuk a akostinincha hi a im anukfilli la chī hoke.

10. Chishno vt nuktanlv̄t ish achunancha hi chim apesa li tok vm anumpa h̄a ish holitobli tuk' oka, vno ak kia na palvmmi yvmmvt yakni pakna āsha puta ka imomaka pisa ch̄i mak osh yakni pakna onvtuyula hi oka, hv̄shi kanvlli yvmma fehna ka chi hlakofihinchi la he oke.

11. Yakeh! chekosi v̄la la ch̄i mak oke: nana ish ishi yvmmak atuk vt kv̄llochit ish ieshi pulla na iachuka h̄a hatak nana kia ik chim esho kashke.

12. Kv̄na hosh nana ka imaiyachit a hlopulli hokv̄no mihi yō an Chihowa in tempel in ton̄ik o ikbi la he: yohmikma yvmmak atuk mvt nitak nana ik kohcho ka he mak oke: yohmikma an Chihowa hohchifo, mikmvt an Chihowa in tv̄maha chito hohchifo, yvmmvt Chelusalem himona, an Chihowa ak o minti hosh v̄ba yakni a a kohchvt v̄la hatuk a yvmma isht a holissochi la he, mikmvt, sa hohchifo himona ma yvmmak ash isht a holissochi la hi oke.

13. Kv̄na hosh haksobish vt i hinli hokv̄to, Shilombish Holitopa yvt chv̄ch v̄hleha h̄a nan im ok ahanchi puta ka haklashke.

14. Mikmvt chv̄ch Laotisea a hikia nan isht im vtta ya pit ish i holissochashke: Amen, Nan atokowa anoli āhli, Chihowa nana ikbi tok a moma in Tikba mak osh ilv̄ppa puta ka achishke.

15. Nana ish a kaniohmi puta ma ithana li ka, chi kapv̄ssa, keyukmvt, anonti ik chi lv̄shposhke; yohmi ka chi kapv̄ssa hokmá, chi lv̄shpa hokmá, nana tuk okbano, abni lishke.

16. Yohmi kv̄t chi kapv̄ssa keyukmvt, anonti ik chi lv̄shpo hosh peh chi libisha vmmona hatuk oka, hoitvt sa takha a kohchit chi kanchi la hi oke.

17. Nana kv̄t an laua kv̄t, i shahlit isht ia hatuk osh nana kia sa bv̄nna keyu, ish achi; yohmi cha na palvmmi pih̄isvt chilbv̄sha, micha nana ik chim iksho, chik hoponayo, nipi bano aiena ho kak osh chik ithano hokvt.

18. Nan chin laua ch̄i kv̄t, tv̄li holisso lakna luak isht imomaka pisvt vl̄htaha yō vno ak o is san chumpa ch̄i, mikmvt na fohka ish fohka cha, nipi banot hofahya kv̄t ik chim

iksho ka chi kvt, vno ak o na fohka tohbi yo is san chumpa chi, micha nishkin ahama ma an chumpvt, chi nishkin a ish ahami cha, ish hoponaya chi ka, chi miha lishke.

19. Kvana ho vno vt i hullo li hokvto, nana ka im olvbbit kostinⁱⁿchi li chatuk: yohmi hoka nana ka amosholi hosh ish ile kostinⁱⁿchashke.

20. Yakeh! okhissa ya hiki^{vt} sukohoha lishke: Kvana hosh vm anumpa ha haklo cha, okhissa ya tiwi hokma, iba chukowa lish, ibai impa likma, anonti ilap mvt svbai impa chi mak oke.

21. Kvana hosh nana ka imaiyachit a hlopulli hokvto, mihi yosh, vno vt imaiyachit a hlopulli lish, Aki a awant im ai o binili holitomp^a ya a binili li kvt, yummak inli ho chohmit vm ai o binili holitomp^a ya a binila chi ka, im apesa la he mak oke.

22. Kvana hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke.

CHAPTA IV.

Chihowa im aiasha holitopa vba ya Chan vt pisa, 1 ; 4 hatak tikba pokoli tuklo akucha ushta ; 6 nan okchaya kvt itikba, olv^l aiena ka nishkin vt alotowa ; 10 aiasha holitopa o binili kash o hatak tikba vhleha hash ot iachuka holitopa ya aka bohli cha, aiokpahanchi.

1. NANA kvt a yakohmi haya, anonti pit hopokoyo li ma, yakeh! vba shutik a okhissa yvt tiwa tuk atok: yohmi ma auet svt im anumpuli anumpa vmmona haklo li ka, isht pufa yo chiyuhmi hosh, Ilvppak o oiyá, mikma himak a pilla nana a kaniohma he puta ka chim otvⁿnⁱⁿchi lashke, achi tok.

2. Yohmi ma mih-mak inli ho Shilombish Holitopa isht a sa nukfoyuka ma, ai o binili holitomp^a kvt vba shutik a ai o hikia ma, ai o binili holitomp^a yummak ash achvfa kvt o binili tok.

3. Yohmi ka ai o binili holitomp^a o binili yummak okvt pisa ka tvli holitopa chaspa, micha satin aiena kak o holba

tok: mihma pisa ka emelal ak o holba hosh hinak bitepuli
hvt ai o binili holitompā yash apakfoyupā tok.

4. Yohmi ma ai o binili holitompā yash ai o binili pokoli
tuklo akucha ushta hosh hiohlit folubli tok: yohmi ma
hatak tikba pokoli tuklo akucha ushta kv̄t na fohka tohbi
abehkv̄chi hosh tv̄li holisso lakna iachuka hō iachukoli hosh
ai o binili yash o binohmāya tok.

5. Yohmi ma ai o binili holitompā yash malv̄tha, hilo
la aiena hosh a kohoncha tok. Mihma ai o binili holi-
tompā yash itikba ya p̄la luak untuklo, ymm̄vt Chihowa
imi Shilombish untuklo mak osh hiel̄i tok.

6. Yohmi ma ai o binili holitompā itikba ya okhv̄ta shoh-
koali hosh klistal ak o chiyuhmi hosh talaia tok; yohmi ma
ai o binili holitompā ai ikl̄v̄na, mikm̄vt auet a bil̄ika fullota
aiena ka nan okchaya ushta kv̄t itikba, micha im ashaka
aiena ka nishkin biekv̄t alotowa hosh aiasha tok.

7. Yohmi ka nan okchaya v̄mmona kash ot koi chito yō
holba ma, nan okchaya ont atukla kash ot wakushi yō holba
ma, nan okchaya ont atuchina kash ot nashuka āsha kv̄t
hatak nashuka yō holba ma, anonti nan okchaya ont ai-
ushta kash ot ossi h̄ika hō holba tok.

8. Mihm̄vt nan okchaya ushta hash ot sanahchi vt i han-
nali aiyuka ma, nishkin biekv̄t isht alotowa tok: mihm̄vt
ymm̄mak ash ot, Holitopa, holitopa, holitopa, Chihowa Chi-
tokaka nana moma imaiya, ymm̄mak osh okchayvt ahanta
tok osh himak a okchayvt ahanta kv̄t, himak a pilla ka
okchayvt ahanta hi oke, ahanchi kv̄t nitak, ninak aiena ka
ik ai yokoposhke.

9. Nan okchaya v̄hleha ymm̄mak ash ot okchayvt ahantvt
biliv̄t bilia yvt ai o binili holitompā o binili kash, yak oke
im ai ahnit, holitoblit, aiokpahanchi ma,

10. Hatak tikba pokoli tuklo akucha ushta kash osh
okchayvt ahantvt biliv̄t bilia yvt ai o binili holitompā o
binili kash itikba ya ant hlipkv̄chit, aiokpahanchi mvt, im
iachuka hash shoelit ai o binili holitopa itikba ya pit asha-
chi mvt,

11. Chishno ak osh nan okluha ka ish ikbi tok: micha

chishno nana ish ai ahni hō nana ai asha kv̄t toba tok oka, Chihowa ma! nan isht a holitopa, micha isht ahninchī, mikmvt isht chim ai aḡli puta kv̄t a chimmi ha he vt chim v̄lhpesa hoke.

CHAPTA V.

Holisso hv̄t nan isht ashana untuklo hō isht ashana hō Chan vt pisa, 1; 9 yv̄mma chukf̄v̄lhpoba ushi yv̄mmvt illi tok ak bano hosh wakama hi vt im v̄lhpesa, yohmi hoka hatak tikba v̄hleha hashot yv̄mmak ash o aiokpahanchi; 9 ilap im issish o isht okchalinchī tuk a okla anohonli.

1. Y UMOHMI ma a holisso yv̄t anyakaka, mikmvt pakna aiena ka holisso hosh, isht ashana untuklo hō isht ashana hosh ai o binili holitompā o binili ibbak isht impak imma ya foyuka na pisa li tok.

2. Mihma enchil hlampko fehna kv̄t chitolit anumpohonli mvt, Kv̄ta hak osh isht ashana puta hatuk a mokohlichī cha, holisso hash tiwa hi vt im v̄lhpiesa cho? achi hō pisa li tok.

3. Yohmi ma v̄ba shutik, micha yakni, mikmvt yakni nutaka aiena ai ahanta kv̄t kv̄na kia holisso yv̄mma tiwa he, mikmvt pisa he ai im v̄lhpiesa aiena kv̄t iksho ki tok.

4. Yohmi ma kv̄na kia holisso hatuk a tiwi cha, it im anumpula he, micha yv̄mma pisa he ai im v̄lhpiesa kv̄t iksho hatuk o, sa nishkin okchi vt mihinti fehna tok.

5. Mihma hatak tikba v̄hleha hash osh achv̄vt, Chi nishkin okchi vt minti ná; yakeh! Koi chito Chuta okla a minti, yv̄mmvt Lewi a minti hakshish filaminchi yak osh isht ashana untuklo kash mokohlichī cha, holisso hash tiwa chī kv̄t ont im ai aḡli hatuk oke, v̄m achi tok.

6. Yohmi ma yakeh! ai o binili holitompā, micha nan okchaya ushta, mikmvt hatak tikba v̄hleha aiena ka ai itin takla ya Chukf̄v̄lhpobushi vt hikia kv̄t illi tuk a ahoba hosh, lapish vt untuklo cha, nishkin mvt untuklo, yv̄mmvt Chihowa imi shilombish untuklo yakni moyuma ai im aya mak o pisa li tok.

7. Mihmvt yummak ash ot minti mvt, ai o binili holi-
tompā o binili im ibbak isht impak imma holisso hvt foka
tuk ash ant kohchit ishi tok.

8. Mihma yummvt holisso ha ant ishi ma, nan okchaya
ushta, micha hatak tikba pokoli tuklo akucha ushta kash ot,
hap, micha tvli holisso lakna nan ai vhto yosh na balama
alotowa, yummvt vbanumpuli puta im anumpa ilbvsha mak
osh yohmi ho ishi banot, Chukfulhpobushi itikba ya okla
ont hlipkuchi tok.

9, 10. Micha taloa himona ka okla talohowa kv̄t, Chishno
ak osh chilli hosh oklushi ilaiyuka, im anumpa ilaiyuka
puyuta, hatak okla moma a kohchi hosh Chihowa immi e
toba chi ka, chishno chim issish ak o isht ish pi chumpa
hatuk; yohmi hosh Chihowa ha na holitompā isht imv̄tta,
micha miko v̄hleha aiena ka ish pikbi tok: atuk o yakni
pakna ka a mikot il ai asha chi hoka, Chishno ak osh holisso
hash ish ishi cha, isht ashana yash ish tiwa he vt a chim
v̄lhpiesa hoke, ahanchi tok.

11. Yohmi ma pit pisa li ma, ai o binili holitompā bilika
fullota ka, enchil v̄hleha laua, mikmvt nan okchaya, micha
hatak tikba v̄hleha aiena ka itih ola bieka ho haklo li tok;
yohmi kv̄t yummvt holhtena kv̄t tahlepa sipokni pokoli
banot ia kv̄t tahlepa sipokni pokoli cha, anonti tahlepa
sipokni bano hosh tahlepa sipokni achv̄fa hosh,

12. Chitolit miha hosh, Chukfulhpobushi illi tok vt nan
isht im ai ahla he, micha nan uha in laua, mikmvt isht a
hopoyuksa, micha isht hlampko, mikmvt isht ahninch̄i,
micha isht aholitopa, mikmvt isht aiokpanchi aiena ka a
chimmi ha he vt chim v̄lhpesa hoke, ahanchi ho haklo li
tok.

13. Yohmi ma vba, micha yakni pakna, mikmvt yakni
nutaka, mikmvt okhv̄ta anukaka, nan okchaya aiasha tuk,
mikmvt yumma puta aiasha tuk vt momvt, Ai o binili holi-
tompā o binili, micha Chukfulhpobushi ita tuklo kv̄t isht ai
okpanchi, micha isht ahninch̄i, mikmvt isht a holitopa, mik-
mvt isht im ai ahli aiena kv̄t ai immi kv̄t bilivt biliashke,
ahanchi ho haklo li tok.

14. Yohmi ma nan okchaya ushta kash ot Amen, achi tok: mihma hatak tikba pokoli tuklo akucha ushta kash ot aka hlipkvchi cha, okchayvt ahantvt bilivt bilia yash o aiokpahanchi tok.

CHAPTA VI.

Nan ashana kash it iakaiyachit wakamohli; tiwakma nana hosh kaniohmi; nana kv̄t ont ai vllikma kaniohma he anoli.

1. YOHMI ma pisa li ho, Chukfvlhpobushi vt holisso isht ashana achvfa kash tiwi tok: mihma hiloha wimimpa ho chiyuhmi hosh nan okchaya ushta kash ot achvft, Minti cha, ant pisa, achi ho haklo li tok.

2. Mihma yakeh! issuba tohbi yo pisa li tok: mihma iti tanampo ishi hosh yvmmak ash o o binili; yohmi ma yvmmak ash o iachuka ima ma, yvmmak ash ot imaiyachit hlopulla chi kv̄t imaiyahanchit ishit mahaya tok.

3. Atuk o anonti holisso isht ashana atukla kash tiwi ma, nan okchaya atukla kash osh, Minti cha, ant pisa, achi ho haklo li tok.

4. Atuk o issuba inla yvmmv̄t humma yosh kohev̄t ia tok: yohmi ma yvma o binili kv̄t nanaiya hatuk a yakni pakna ya a mokofit isha chi kv̄t im vlhpisa na okla hv̄t ilap bika ya itillicha he mak atok; yohmi ma yvmmak ash o bvshpo falaia chinto ho ima tok.

5. Mihma anonti holisso isht ashana ont atuchina kash tiwi ma, nan okchaya atuchina kash osh, Minti cha, ant pisa, achi na haklo li tok; mihma yakeh! issuba lusa yo pisa li tok; mihma yvma o binili kv̄t nan-isht-weki ibbak isht ishi tok.

6. Yohmi ma nan okchaya ushta ai itintakla ya ai anum-pa ola kv̄t, Iskvli achvfakma onush isht vlhpisa achvfa, mikma iskvli achvfa ka bale vt isht vlhpisa tuchinashke; yohmi kia ahah! ish ai ahni cha, alif vni, mikmv̄t oka paki aiena hokvno chik okpano kashke, achi ho haklo li tok.

7. Atuk o anonti holisso isht ashana ont ai ushta kash

tiwi ma, nan okchaya ont ai ushta kash osh miha mvt, Minti cha, ant pisá, achi na haklo li tok.

8. Yohmi ma yakeh! issuba hatolakna yō pisa li tok: mihma Isht-ai-illi hohchifo hosh yvmmak ash o o binili ma, ai okpulo ka ai asha tuk vt pit iakaiya tok. Mihma yvmmak ash ot yakni itakashkoa ont isht ai ushta ka bvshpo falaia, micha na hohchvfo, mikmvt nan-illi, micha nampoanukshopa puta yakni pakna ai asha aiena kak o isht illicha chī kvt im vhpisa tok.

9. Atuk o holisso isht ashana ont isht tahlapi kash tiwi ma, Chihowa im anumpa pulla, micha nana atokowa anolit ieshi pullvt isht illi tok vhleha shilombish vt alta nutaka ya ai asha na pisa li tok.

10. Mihma yvmmak ash ot, chitolit anumpulit miha mvt, Chitokaka ai ahli holitopa chia hvt pim issish a tok a atobvchi kvt yakni pakna ai asha ka chik im apeso hō, hopaki kvt katiohmi foka chī cho? ahanchi tok.

11. Yohmi ma yvmmak ash o ilefoka tohbi falaia holi-tompa ai yuka hō ima tok: mihma chekosi takla hokvno nukchintot fohvt maya na itibapishi vhleha tishu ilap ai itilau putakakia, ilap ak atok ak inli hō chohmit illa hi atuk vt, ont ai ahla hi a i miha tok.

12. Mihma holisso isht ashana ont isht hannali kash tiwi ma, yakeh! yakni winakvchi chinto hō pisa li tok: mihma hvshi vt lusa kvt na pashi tvnna yō chiyuhmi ma, hvshininak-aya vvt issish ak o chiyuhmi tok.

13. Yohmi ma vba fochik puta kvt chilofvt akakoha kvt, fik vpi vvt mahli kullo fehna hō faiokahanchi na ik ai ono hō vni vt chilofa chatuk ak o chiyuhmi tok.

14. Mihma vba shutik vt ita pahlatvt, a holisso yosh bonuntvt ont taiyahvt kenia hō chohmit pit kenia tok: mihma nvnih chaha, micha tashaiyi puta kvt a taloha tuk a a kanvllit taha tok.

15. Mihma miko vhleha yakni pakna ai asha tuk, micha hatak hochitokaka vhleha, mikma hatak nan in laua vhleha, kvpitvni hochito, hatak holitompa vhleha, mikmvt hatak yuka, micha hatak yuka keyu puyuta kvt nvnih chaha

puta tvli hochito aiena ka chiluk ai asha tuk a a lumpoa tok.

16. Mihmvt nvni chaha puta, micha tvli hochito aiena kash o, Auet hvsh pi o kinahli cha, ai o binili holitempa o binili ka i nashuka, micha Chukfvlhpobushi nan isht i nuk-killi aiena hatuk ma pisht hvsh i luhmashke.

17. Himak a nan isht i nukkilli nitak chinto kvv vlvshke; yohmi ka kvta hak osh hikia hinla cho? achi tok.

CHAPTA VII.

Chihowa in tishu vhleha ibitakla ya enchil osh in chunli, 1; 4 Israel isht ai unchululi laua kanihmi hosh yakohmit nan isht ai in chuwa, 9 Oklushi inla mvt aholhtina iksho hosh in chuwa, ilvppak ashot na tohbi holitopa falaia isht fohkvv aiasha holitopa itikba ya hiohmay; 14 im anchi vt chukfvlhpobushi im issish o isht ahchifa ha tok.

1. ATUK o ai yvmohmi ha ya, enchil ushta kvv, mahli hvv yakni, micha okhvta, mikmvt iti aiena ka ik o mahlo ka chi ka, yakni auet a mahli ushta hatuk ma ieshi hosh, yakni achukbeli ushta ka hie li pisa li tok.

2. Mihma anonti enchil inla hosh Chihowa okchaya im isht in chuwa ishi hosh hvshi akochaka imma yo vttvt oiyvt minti ho pisa li tok; mihma yvmmak ash osh enchil ushta yakni, micha okhvta aiena okpvna chi im vlvhisa tuk ash o chitoli hosh pit in tahpvlvt,

3. Yakni, mikmvt okhvta, micha iti puta aiena ka hvch ik okpano ho, hvpin Chihowa in tishu vhleha ibitakla ya iloh in chonli hayashke, ahanchi tok.

4. Atuk o in chuwa tok vhleha holhtina ka haklo li tok: yohmi ma Israel okla isht ai unchululi vhleha moma kvv tahlepa sipokni banot tahlepa achvfa cha, tahlepa sipokni pokoli ushta akucha ushta hosh in chuwa tok.

5. Chuta isht ai unchululi hvv tahlepa sipokni auah tuklo hosh in chuwa tok. Luben isht ai unchululi hvv tahlepa sipokni auah tuklo hosh in chuwa tok: Kat isht ai unchululi hvv tahlepa sipokni auah tuklo hosh in chuwa tok.

6. Ase isht ai unchululi hvt tahlepa sipokni auah tuklo hosh in chuwa tok. Neftalim isht ai unchululi hvt tahlepa sipokni auah tuklo hosh in chuwa tok. Manasses isht ai unchululi hvt tahlepa sipokni auah tuklo hosh in chuwa tok.

7. Simeon isht ai unchululi hvt tahlepa sipokni auah tuklo hosh in chuwa tok. Lefai isht ai unchululi hvt tahlepa sipokni auah tuklo hosh in chuwa tok. Issaka isht ai unchululi hvt tahlepa sipokni auah tuklo hosh in chuwa tok.

8. Sabulon isht ai unchululi hvt tahlepa sipokni auah tuklo hosh in chuwa tok. Chosef isht ai unchululi hvt tahlepa sipokni auah tuklo hosh in chuwa tok. Benchamin isht ai unchululi hvt tahlepa sipokni auah tuklo hosh in chuwa tok.

9. Ilvppvt ai yakohmi haya, anonti yakeh! okla chinto fehna, hatak nana hosh hotehna kvt tahla he keyu mak o, oklushi ilaiyuka, im anumpa ilaiyuka puta yakni pakna ai asha moma ka a minti hosh, ilefoka tohbi falaia holitompa abehkvechi hosh, pam vt ibbak a foyuka ho ai o binili holitompa, micha Chukfulhpobushi ita tuklo itikba ya hiel ho pisa li tok.

10. Mihma chitolit miha hosh, Hvpin Chihowa ai o binili holitompa o binili kak osh, micha Chukfulhpobushi ita tuklo kak osh pi okchalinchit tuk mak oke.

11. Mihma enchil vhleha ai o binili holitompa, micha hatak tikba vhleha, mikmvt nan okchaya ushta aiena kash a foluplit hiel tuk vt ai o binili holitompa itikba ya okla oka hlipkvechit Chihowa ha aiokpahanchi mvt,

12. Amen, hvpin Chihowa yvt hopoyuksa, hlampko, micha nan okluha imaiya aiena hoka, yak oke im ai ahnit ahninchit, holitoblichit, il aiokpahanchi na bilivt biliashke, Amen, ahanchi tok.

13. Yohmi ma hatak tikba vhleha hash ot achvvt auet anumpuli mvt, Ilefohka tohbi falaia abehkvechi yakohmi kvt kvta ho? micha katima yo okla minti tok oh cho? vm achi tok.

14. Mihma, A shahli ma! yvmmak okvno ish ithanvshke, im achi li tok. Mihma, Ilvppa yakohmi kak osh na palvm-

mi chinto hō asht kohchvt aya hosh, im ilefoka yash Chuk-fvlhpobushi issish o isht achifvt tohbichi tok mak oke.

15. Yohmi hatuk osh Chihowa im ai o binili holitompa itikba ya nitak, micha ninak moyuma ka yvmma in tempel anukaka ya aiokpahanchi hoke: yohmi ka ai o binili holitompa o binili kvv yvmma ai itin takla ya ahanta hi oke.

16. Yohmikma himak a pilla ma ik hohchafo ka he, mikmvt ik itukshilo ka he, mikmvt hvshi vt ik onvtulo ka he, mikmvt kocha lvshpa mvt ik towulhkocho ka hi oke.

17. Chukfvlhpobushi ai o binili holitompa iklvna binili yvmmak osh imprchit, pehlichit oka kvli okchaya hiohli puta ka isht ohona he: yohmikma Chihowa ak osh nishkin okchi puta ma mominchit i kasholichit tahla he mak oke, vm achi tok.

CHAPTA VIII.

Nan ashana ont isht untuklo kash o wakami, 1; 2 isht pufa untuklo hō enchil untuklo ka ima, 6 ushta kvv olachi ma na palvmmi chinto kvv otvni; 3 enchil achvfa kvv vbanumpuli vhleha vba pit anumpohonli taklak ma tvli holisso lakna alta toba ka na balama pit o bohli.

1. ATUK o holisso isht ashana ont isht untuklo kash tiwi ma, hvshi kanvlli isht vlpisa iklvna itintakla ka vba aholitopa yvt chullusvt talaia tok.

2. Mihma enchil untuklo Chihowa itikba hielu tuk a pisa li tok: yohmi ma yvmmak ash o isht pufa untuklo hō ima tok.

3. Mihma enchil inla hosh tvli holisso lakna na-balama ai-vlhto yo sholi kvv, mintit alta ya ant a hikia tok: yohmi kvv vbanumpuli vhleha moyuma kvv vba pit anumpohonlikma ai atakla ma tvli holisso lakna alta toba yvt ai o binili holitompa itikba hikia tuk a ai o huhukma chi ka, na balama laua hō ima tok.

4. Atuk o na balama ya a shobulli kvv, vbanumpuli vhleha vba pit anumpohonli ka ai itiba fokvt enchil ibbak a kohchvt ia hosh, Chihowa itikba ohona tok.

5. Atuk o enchil ash ot na balama ai vlhto yash ishi cha, alta yak o luak a ai ishit alotuli mvt, aka pit fohobli tok; yohmi ma nan ola, micha hiloha, malvtha, mikmvt yakni winakvchi aiena tok.

6. Mihma enchil untuklo kash ot isht pufa untuklo ka ishi tuk ash, olacha chi kvt il ai atahli tok.

7. Mihma enchil vmmona kash ot olachi ma, hatafo, mikmvt luak, issish it ib vlhto aiena ho yakni a o kanchi tok: mihma iti okchaki moma ka a kashapa ont isht a tuchina kvt luvt taha ma, hvshuk okchaki mvt momvt luvt taha tok.

8. Mihma anonti enchil ont atukla kash ot olachi ma, nv-nih chito yosh luak o isht luhua chiyuhmi hosh okhvta ha pit okatula tok: mihma okhvta a kashapa ont isht atuchina kvt issish o toba tok.

9. Yohmi ma okhvta anukaka nana toba tok puta im ilh-fiopak asha tuk vt, kashapa ont isht atuchina kvt illi tok; mihma peni hochito yatuk vt kashapa ont isht atuchina kvt okpulot taha tok.

10. Mihma anonti enchil ont atuchina kash ot olachi ma, fochik chito yosh pula ho chiyuhmit luhua hosh, vba shutik a a mintit aka ant itola cha, okhina puta kashapa ont isht atuchina, mihmvt kvli a hiohli kashapa ont isht atuchina aiena ka onvtula tok.

11. Yohmi kvt fochik ymma hochifo kvt wumwut achi hatok; yohmi hatuk o oka moyuma ka kashapa ont isht atuchina kvt wumwut o toba tok: mihma oka ak osh takbvt krnia hatuk oka, hatak vt oka yash o isht illi kvt laua tok.

12. Mihma anonti enchil ont ai ushta kash ot olachi ma, hvshi, hvshi ninak aya, fochik puta aiena kvt koyufa ont isht atuchina hosh ai okpuloka tok; yohmi hatuk osh koyufa ont isht atuchina kvt im okhlili na nitak koyufa ont isht atuchina kvt ik tommo ma, anonti ninak vt mihinli tok.

13. Mihma anonti pit hopokoyo li mvt, enchil achvfa kvt ossi hika ho chiyuhmit vba shutik iklvna ya hlopullit aya mvt, chitolit tahpvlvt, enchil tuchina kash ot himak pilla isht pufa ola inla ka olacha chi kvt asha ka, ymmak osh

ohonla hokvno, hatak yakni pakna a_{sha} hatuk vt i Palvmmi, palvmmi, palvmmi chinta chi mak oke, ahanchi h_o haklo li tok.

CHAPTA IX.

Enchil ont isht tahlapi kash ot olachi ma, fochik vt aka auet itula ma, yvmmak ash_o chittuk hofobi ont ataha he iksho isht tiwa ya ima, 1: 2 chiluk ash o tiwi ma h_{awa} puta halambia h_o choh mi hosh auet kocha wiha tok; 13 isht p_ufa isht hannali kash ot ola; 15 mihma enchil ushta talakchi atuk vt i holhtofa.

1. Y_UMOHMI ma enchil ont isht tahlapi kash ot olachi ma, fochik vt vba shutik ak o a mintit yakni a ant onvtula h_o pisa li tok; mihma yvmmak ash o chiluk hofobi ont ai v_hli iksho isht tiwa ya ima tok.

2. Mihma yvmmak ash ot chiluk hofobi ont ai v_hli iksho yash tiwi ma, tvli a bileli chito y_o shobullit a kohcha ka, chiyuhmit chiluk hofobi a a shobullit kohoncha tok; mihma chiluk hofobi a a shobullit kohoncha kak o hvshi, micha shutik takla aiena kv_t isht okhlilit kvnia tok.

3. Yohmi ma h_{awa} puta mvt shobohli ka asht kohchvt, yakni a ai itvnowa tok; yohmi ka yvmmak atuk mvt nan okpvna he im vlhpisa kv_t, halambia yakni pakna ai a_{sha} kv_t nan okpvna he im vlhpisa tok ak inli h_o chiyuhmi tok.

4. Yohmi mvt yakni pakna hvshuk ai a_{sha} ka, micha nan okchaki puyuta, mikmvt iti aiena hokvno ik okpano ka ch_i, amba hatak kaniohmi hosh Chihowa im isht in chuwa yvt in lapanli keyu hatuk ak illa ch_i h_o im vlhpisa tok.

5. Yohmi kia yvmmak oka ik illich_o ka ch_i, amba ilvp-pak ash ot nan i palvmmi kv_t hvshi tahlapi ka ona ch_i h_o im vlhpisa tok; yohmikma h_{awa} vt yvmmak ash o i palvmmichi kv_t halambia hosh hatak a nvhlikmvt i palvmmichi chatuk a chiyuhmi tok.

6. Mikmvt nitak yvmma foyuka hokvno hatak vt illa hi a hohoyo kia, ik ahayucho ka he; micha illi ka ik bvna kia, nan illich_i vt i kvnihiya hi oke.

7. Yohmi ma h_{awa} yash osh issuba hosh tvnvp ia ch_i hosh im vlhtahvt kvnia chatuk a chiyuhmi tok; mihmvt tvli

holisso lakna holba hō iachuka iachukoli ma, nashuka yvt hatak nashuka yō chiyuhmi tok.

8. Mihmvt pashi vt ohoyo pashi ak o chiyuhmi ma, noti vt koi chito noti yō chiyuhmi tok.

9. Yohmi mvt ikkishi alata puta kvt tvli ikkishi alata holba hō okla ishi tok: mihmvt i sanahchi fopa kvt itichanvli issuba laua shali hō twnvp itibit ia hosh yihlepvt aya na winihvchi hō chiyuhmi tok.

10. Mihmvt hasimbish vt halambia hasimbish o holba hosh asha hō, nan isht nvhli mvt asha tok; yohmi hosh nan im vlhpisa kvt hvshi tahlapi hō hatak a ilbvshala chi hatok.

11. Mihmvt i miko vt binili tok: yvmmtv chiluk hofobi ont ai vli iksho a im enchil mak a tok: yvmmtv Heblu anumpa hokma Abatton hohehifo ma, amba Klik anumpa hokvno hohehifo kvt Apolyon oke.

12. Nana palvmmi achvfa kash ot ant ivt kvnia ma, anonti na palvmmi tuklo hosh himmakma mihinta chi oke.

13. Atuk o enchil ont isht hannali kash ot olachi ma, tvli holisso lakna alta Chihowa itikba hikia tuk lapish ushta ka, anumpa ola hvv a koheha mvt, enchil ont isht hannali kash ot isht pufa ishi hosh hikia kash o,

14. Enchil ushta talakchi yosh okhina chito Euflates a oka asha ka ont ish i hotofashke, im achi hō haklo li tok.

15. Mihma enchil ushta kash ot i holhtofa mvt, hatak puta kashapa ont isht atuchina ka vba chi kvt, hvshi kanvlli achvfa, nitak achvfa, hvshi achvfa, afvmmi achvfa aiena ka im vlhtaha tok.

16. Mihma issuba o binilit twnvp aya holhtina kvt tahlepa sipokni tahlepa tuklo bat tahlepa sipokni achvfa tok: mihma holhtina ka haklo li tok.

17. Mihma nan isht atokowa kvt yakohmi hō pisa li tok; issuba o binili vhleha ilvppak ash ot ikkishi alata yvmmtv humma, micha okchamali, micha lakna ai itaiyoma aiena hō ieshi tok; mihma issuba noshkobo hvv koi chito noshkobo hō chiyuhmi ma, itakha ya luak shobohli, mikmvt hituk lakna aiena hosh a kohoncha tok.

18. Luak shobohli, mikmvt hituk lakna aiena kvt itakha

ya a kohoncha tuchina ilvppa pulla ka_x o, hatak moma ka kashapa ont isht atuchina kv_t isht illi tok.

19. Itakha, mikmvt hasimbish aiena ka nan isht i palvm-micha hi vt im vlhpisa hoke; mihmvt i hasimbish vt nosh-kobo a_{sha} kv_t sinti chilita yo holba hatuk o, ilvppak o nana ka isht okpani yoke.

20. Yohmi kia nan isht ahullo okpulo puta, micha tvli holisso lakna, tvli hvta, mikmvt tvli lakna, tvli, iti aiena naholbvt toba puta, yvmmv_t pisa keyu, micha haklo kia haklo keyu, mikmvt nowa kia nowa keyu aiena ilap ibbak vt ikbi tuk okvno ik aiokpacho ka chi kv_t, hatak kanimi na palvmmi ilvppa isht ik illo ke tuk okvto yvmma i filvmm_{it} ik ile kostinincho kish;

21. Hatak vbi, il isht ahullochi, nan itin lumaka, micha na hukopa aiena ka i filvmm_{it} ik ile kostinincho ki tok oke.

CHAPTA X.

Enchil hlampko kv_t holisso tiwa yvt ibbak a foyuka ho haiaka, 1, 6 okchaya bilia yvmmak atuk mak o himak ma nitak vt atakala chi keyu, achi tok: 9 holisso hosh ishi cha vpa chi kv_t, Chan vt im vlhpisa.

1. YOHMI ma enchil chinto inla yosh hoshonti ho iba-foyuka hosh vba shutik a mintit aka vla na pisa li tok; mihma hinak-bitepuli hosh noshkobo ha apakfoyupa ma, nashuka yvt hvshi yo chiyuhmi ma, anonti iyi yvt luak tonik o chiyuhmi tok.

2. Mihmvt holisso iskv_tinosi kv_t wakama yo ibbak a isht ieszhi tok; mihmvt iyi isht impak imma ya okhvta ha o hilechi mvt, anonti iyi isht im afv_{eb}ekimma yano yakni ya o hilechi cha,

3. Koi chito woha chatuk a chohmit chitolit tahpvlvt miha tok; atukmvt yvmmak ash ot tahpula ma, hiloha untuklo kv_t hilohoha tok.

4. Atuk o hiloha untuklo kash ot hilohoha haya, holissochi la chi hatok; atuk ak o vba aholitopa ya auet anumpa na, Nana yakohmi ka hiloha untuklo kash ot anumpuli tuk

a chik holissocho hosh ish ashanichashke, vm achi na haklo li tok.

5. Yohmi ma enchil yummvt okhvta, micha yakni ita tuklo ka o hikia na pisa li kash, yummak ash ot ibbak a vba shutik pit weli tok.

6. Mihmvt okchayvt ahantvt bilivt bilia, yummak osh vba, micha yvma nana kv aiasha puta, mikmvt yakni, micha yvma nana kv aiasha puta, mikmvt okhvta, micha yvma nana kv aiasha puta aiena ka ikbi tok mih mak o isht a mihvt anumpa kullo isht il onochi kv, nana kv a yohma he tuk ont ia he keyu ka hi atok;

7. Amba enchil ont isht untuklo im anumpa chi nitak okvno yummak ash ot olachit isht iakma, Chihowa nana ai ahni tuk vt in tishu hopaii vhleha nan im otvniuchi tok mak osh ont vlhtaha chi mak oke.

8. Yohmi ma anumpa yvma vba aholitopa pit a haklo li tok ash ot anonti auct vm anumpuli tok: mihmvt, Ia cha, holisso iskvtnosi yummvt tiwa yash enchil, yummvt okhvta, micha yakni ita tuklo ka o hikia ka ibbak foka ka ont ishi, vm achi tok.

9. Mihma enchil ash im ona lish, Holisso iskvtnosi yash et vma, im achi li tok: mihma, Ishi cha, vpv tahli; yohmikma chikfoka ya takbacha chi hoke, amba chitakha anukaka yano champuli kv foi bila yo chohma chi hoke, vm achi tok.

10. Yohmi ma enchil ibbak a a kohchit holisso iskvtnosi yash ishi lish, vpv tahli li tok; mihma satakha anukaka yokvno champuli kv foi bila yo chohmi tok: yohmi kia isht nanvbi li mak inli ho, sakfoka yash ot takvt kvnia tok.

11. Mihma yummak ash ot, Hatak oklushi, mikmvt im anumpa ilaiyuka, miko vhleha puta lava ka itikba ya nana ka tikbanli ish ai otvnihincha chi pulla hoke, vm achi tok.

CHAPTER XI.

Vlhtokowa anoli tuklo hosh nan anohonli, 1; 5 ik umbo ka chi ka vba shutik akamala hi vt im vlpisa; 7 namboa nukshopa yvt i sanalit

itihibit yummak ash vbi; 8 ik hollopo hosh kaha na, 4 nitak ont atuchina cha iklvnvt aiena ma tanit okla; 15 isht pufa isht untuklo kashot oia.

1. YUMOHMI ma kushak osh fuli yo holba ho vma tok; mihmvt, Wakaya cha, Chihowa in tempel, micha alta, mikmvt kvna hosh yvmma ai ashvt aiokpahanchi vhleha aiena ma ish apesashke.

2. Yohmi kia apishia, yvmmvt tempel a ai ibachvfa keyu hoka, yummak okvno Chentail okla ho immi hoka, chik apeso kashke; yohmi ka hvshi pokoli ushta cha tuklot aiena ka tmaha chito holitopa ya iyi pvtha okla isht a hvhlihinch chi hoke.

3. Mikma nan isht ai ahli ka nana vm atokowa ishi tuklo ka ima la chi; mikma mihi yosh pashi tvnna na fohka yo foyuka hosh nitak tahlepa sipokni achvfa cha, tahlepa tuklo pokoli hannali aiena ka nana ka tikbanli otvnihincha chi hoke.

4. Ilvppak osh Alif iti tuklo, mikmvt pvla ai o hikia tuklo aiena kvv yakni pakna in Chihowa itikba hiel mak oke.

5. Yohmi ka hatak nana hosh ilvppa ilbvshali hokma, ilvppak ash itakha ya luak osh a kohcha hosh in tvnvp puta hatuk ma isht vpa hoke; yohmi ka hatak nana hosh yvmma ilbvshali hokmvt, nana ai yakohmi mak o illashke.

6. Ilvppak ash osh nan ai atokowa anohonli kvv isht ahanta takla nitak a ik umbo ka chi ka, vba shutik a okshita hi vt ilvppak osh ai im vlhpesa mak oke; mikmvt oka puta ma imaiyvt yummak ash o issish o ikba hi vt ai im vlhpesa; mikmvt yvmmvt nana ka ik yohmi ahni hokmvt, na palvm-mi puta ma yakni ya isht ihissa hinla hoke.

7. Yohmi tok kia ilvppak ash ot nana atokowa ishi kash ot ont taiyahli tuk mak o, nampo a nukshopa chiluk hofobi ont ai vli iksho a kohcha mak osh in tanampit, yummak ash imaiyachit vba hi oke.

8. Mihma tmaha chito yummak o hvpin Chitokaka yak kia ititaiyukhvna a honahla tok, nan isht it apesa kvv Sotom, micha Echip achi ka hina yvmma illi haknip vt a kaha chi hoke.

9. Mikma okla ilaiyuka im anumpa ilaiyuka, oklushi puta mvt nitak tuchina cha iklvnna aiena ka, illi haknip ash pihisa kia, ahollopi ya ik a hollopi, okla ik ai ahno ka hi oke.

10. Yvmohmikma yakni paknaka ai asha tok puta ka hopaii tuklo ilvppak ash osh i palvmmihinchii tuk oka, yakni paknaka ai asha ak inli kvt nan isht il im ai yukpvt, na yukpa ikbit mayakmvt, ilap bika nana iti habenvchit ai asha hi oke.

11. Yohmi na nitak tuchina cha iklvnna aienakma shilombish okchaya Chihowa ak o a minti hosh yvmmak ash chukowa ma, yvmmak ash ot ilap iyi yosh isht o hinli tok: mihma ilvppa pisa puta tok okvno na nukshopa chinto kvt onvtuyula tok.

12. Yohmi ma vba aholitopa a minti anumpa chito ka haklot okla ma, Oiyvt ho minti, auet im ahaya tok. Mihma vba aholitopa ya ia kvt hoshonti anukaka mahaya ma, in tvnvp puta tuk vt pihisa tok.

13. Mihma hvshi kanvlli yvmmak inli ho yakni vt winakvchi chito tok; mihma tvnaha chito kashapa ont isht pokoli kvt kinafa tok; yohmi ma hatak tahlepa sipokni untuklo hosh yakni winakvchi ka ai illi tok; mihma hlakofi tok okvto nukhlakancha mvt, vba aholitopa in Chihowa ya hali-toblichii tok, achi tok.

14. Na palvmmi atukla kash ot ant a yohmi ka, anonti yakeh! na palvmmi atuchina kash ot chekosikma minta chi hoke.

15. Atuk o enchil isht untuklo kash ot olachi tok: mihma anumpa ola chinto kvt vba aholitopa ya auet takali kvt, Yakni ilvppa apehlichika puta kvt hvpin Chitokaka, mikmvt Ushi Klaist ita tuklo im apehlichika yo tobvshke; yohmi hatuk o mihi yosh mikot ahanta na bilivt bilia hi oke.

16. Yohmi ma hatak tikba pokoli tuklo akucha ushta, yvmvvt Chihowa itikba ya ilap im ai o binili o binohlit maya kash osh aka hlipkvchi cha, Chihowa ha aiokpahan-chi mvt,

17. Chitokaka Chihowa nana moma imaiya ma! okchayvt ahanta tok osh, okchayvt ahanta, anonti himak a pilla

ma okchayvt ahanta he chia, yohmi kvt chishno nan isht chim ai ahli chinto ma il ai ishit, mikot ish ahanta hoka, yak oke e chim ai ahnishke, ahanchi tok.

18. Yohmi ka oklushi puta chukvsh vt nukhobela tok: mikma nan isht ish i nukkilli yvt vlvshke: mikma illi puta kvt nan im ai vlvpisa chi, mikmvt chin tishu hopaii vhleha, mikmvt vbanumpuli ahli puta, mikmvt kva hosh chi hohchifo ha i nukshohompa aiena hokvno nan isht vltoba ma ish ai ima chi, mikmvt kva hosh yakni ya okpvni hokma, yvma ish ai okpvna chi nitak vt vlvshke.

19. Yohmi ma Chihowa in tempel vt vba aholitopa ya a tiwa tok; mihma in tempel anukaka ya nan it im vlvpisa itombi holitopa kvt otvni tok; mihma malvha, anumpa ola, hilo, micha yakni winakvchi, mihmvt hatafo chito aiena kvt a takali tok.

CHAPTA XII.

Ohoyo hvt hvshi yo isht foyukvt vlla isha chi nan i palvmmi, 1; 4 sinti chilita humma yosh yvmak ash itikba hikia kvt im vlla ya isht vpa chi kvt im vltaiyaha; 6 vlla yvt in tola mvt, ohoyo hash ot yakni haiaka yo pit maleli; 7 Mikael, micha im enchil aiena kvt nan okpulo sinti chilita yash itihibit imaiyachi; 13 sinti chilita yash ot vba mintit aka itola cha, ohoyo hash i tnavhampi tok.

1. YOHMI ma na fehna chinto kvt vba shutik a ai otaiyani kvt, ohoyo hosh hvshi yo foyuka ma, hvshi-ninak-aya yvt iyi nuta yo takali tok, yohmi ma fochik auah tuklo iachuka toba ho iachukoli tok.

2. Mihmvt yvmak ash ot chakali hatuk osh, vlla itola he nan isht i palvmmi na hotopa tuk vt itola hokbano ahnit, tahpahanla tok.

3. Mihma na fehna inla kvt vba shutik a ai otvni kvt, yakeh! sinti chilita humma chinto hosh, noshkobo hvt im untuklo mvt, anonti in lapish vt pokoli ma, iachuka untuklo kvt noshkobo ha afoyua tok.

4. Mihma i hasimbish vt vba fochik a kashapa ont isht atuchina ka halanlit aka auct fohopli tok; yohmi ma vlla yvt

in tola he ai ona hatuk o, vlla yvt itola mak inli ho isht im vpa chi kvt, ohoyo hash itikba sinti chilita yash ot hikia tok.

5. Atuk o yvmmak osh tvi fuli yo ieshi hosh okla moma ka imaiyachit nan im apesa chi mak o, ohoyo hash ot vlla nakni yo sholi tok; atuk o im vlla yash o Chihowa, mikmvt im ai o binili holitompa pilla a maya tok.

6. Yohmi ma yakni haiaka kanima yo ai vtta hi o Chihowa yvt ai im atahli tok mak o, ohoyo hash ot pit maleli tok: yvmmak o nitak tahlepa sipokni achvfa tahlepa tuklo cha pokoli hannalit aiena ka yvmmak oka okla nan ai im atahanla chi hatok.

7. Mihma vba ya ai it in tanampit ai asha tok: Mikael vt im enchil vhleha aiena kvt sinti chilita yash itihimbi ma, anonti sinti chilita yash ot yvmmak ash, mikmvt im enchil aiena ka itihimbi kia,

8. Imaiyaichi keyu ki tok; mihmvt ai vtta he nana kia vba ya iksho ki tok.

9. Mihma sinti chilita chinto, sinti sipokni, nan isht ahullo okpulo, micha Setan achi chatuk, yvmmak osh yakni moma ka yoshubli chatuk mak o yvmma a kohchi tok, atuk o aka pilla ho yvmmak ash ot pit itola tok; mihma im enchil vhleha hash ot ahevvt pit kaha tok.

10. Mihma vba aholitopa ya anumpa ola chinto ka pit a haklo li ma, Himak ano isht ai okchaya, isht hlampko, mikmvt hvpin Chihowa im apehlichika, micha Ushi Klaist nan isht im ai ahli aiena hash ot vlvshke; hvv itibapishi vhleha i nukkillit na-mihachi yvmmak osh nitak, ninak aiena ka hvpin Chihowa itikba ya ai i nukkillit na-mihachi yatuk ash osh aka pit itolvshke, ahanchi tok.

11. Mihmvt Chukfvlhpobushi im issish, mikmvt ilap im anumpa isht atokowa puta ho yvmmak ash okla isht imaiyachi tok; yohmi kia isht ai illa he kia, ilap im ilhfiopak a i hullo tok keyu.

12. Yvmohmi hoka vba aholitopa puta, micha yvmma ai asha puta hvchia ma! ho yukpa, nan isht ahullo okpulo, yvmvt chekosi itintakla ho anta chi kvt ithana hosh, nan isht i nukkilli chinto ka il ai eshit hvchim vla hoka, yakni

pakna, micha okhvta aiena ka ai asha tuk vt nana i palvmmi mak oke.

13. Yohmi ma sinti chilita yash ot aka ya pit itola kv̄t il ithana mvt, ohoyo yvmmak osh vlla nakni ishi kash, ilbv-shahli tok.

14. Mikma ilap ai vtta yakni haiaka hikvt ia ch̄i ka, ohoyo hash ossi chito sanahchi tuklo h̄o ima tok; yohmi ma yvmmak o afvmmi tuchina iklvnnvt aiena ka sinti chilita yash o itikba ai i filvmmi ai ilhpihintashke.

15. Mihma sinti chilita yash ot oka falama ohmi kv̄t oka yo ohoyo hash iakaiyachit ilap itakha a kohchi kv̄t, yvmmvt oka chito yosh yvmmak ash shalit kanima isht ia hi a ahni hatok.

16. Yohmi tok kia yakni vt ohoyo hash apela tok; mih-mvt yakni ash ot ilap itakha ya wakvmmi cha, oka chito yvmma sinti chilita yvt ilap itakha ya a kohchi kash isht nanvpli tok.

17. Yohmi ma sinti chilita yash ot ohoyo hash i nukkilli fehna mvt, ivt ohoyo hash isht ai unchululi kaniohmi maya, yvmmvt Chihowa im anumpa vlpisa puta ka holitobli, mik-mvt Chisvs Klaist nan isht im atokowa aiena ka ieshi vhleha hash o in tanampi tok.

CHAPTA XIII.

Nampea nukshopa yvt noshkobo hvt untuklo, lapish mvt pokoli hosh okhvta h̄a akohcha tok; mihma yvmmak o sinti chilita yash ot nan ai ahli ima tok, 1; 11 nampea nukshopa inla yosh yakni a akohcha; 14 nampea nukshopa tikba ya tuk toba ch̄i ka na holbvt toba ya im ahni; 15 yohmi na yvmmak ash o hatak puta kv̄t aiok pahancha ch̄i; 16 mikmvt isht ai in chuwa ch̄i ha tok.

1. YUMOHMI ma okhvta shinuk pakna ya ai o hikia li mvt, nampea nukshopa achvfa kv̄t okhvta h̄a a koyucha h̄o pisa li ma, noshkobo hvt untuklo mvt, lapish vt pokoli, mihma in lapish pakna ya iachuka pokoli ma, anonti Chihowa isht ik ahobalo hohchifo hosh noshkobo h̄a ai o holisso tok.

2. Mihma nampoā nukshopa yvmma pisa li kash o koi chikchiki ho holba ma, iyi yvt nita iyi yo chiyuhmi ma, anonti itakha mvt koi chito itakha yo chohmi tok: mihma sinti chilita yash ot nan isht hlampko, micha miko ai o binili, mikmvt nan isht im ai ahli aiena ka yvmmak ash o ima tok.

3. Yohmi ma yvmma noshkobo achvfa kamo nvhlvt isht illa hi o chiyuhmi tok; atuk ak osh nvhlvt isht illa he kash ot hlakofi tok; mihma nampoā nukshopa hash o yakni moma kv, okokko! ai ahnit iakaiya tok.

4. Yvmohmi mvt sinti chilita yvmmak osh nampoā nukshopa ya nan isht ai ahli ima hatok oka, okla aiokpahanchi mvt; anonti nampoā nukshopa hash o okla aiokpahanchit, Kvta hosh nampoā nukshopa holba cho? kvta hosh yvmma in tanampit ahanta hinla cho?

5. Yohmi ma na chinto fehna, micha nana ka ik alobalo puta isht anumpula chi ka yvmmak ash o itakha ima tok; yohmi ka hvshi pokoli ushta akucha tuklo ka a moyumvt isht ahanta chi mak osh im vlpisa tok.

6. Yohmi ma yvmmak ash ot itakha ya wakvmmi, Chihowa ya ik ahobalot isht anumpulit, i hohchifo, micha im vltipo, mikmvt vba aholitopa aiasha puta ma ik ahobalot na mihachi tok.

7. Yohmi kv vbanumpuli ahli vhleha in tanampit yvmak ash o imaiyacha chi kv nan im vlpisa tok; micha hatak oklushi ilaiyuka, mikmvt im anumpa ilaiyuka puta ka imaiyacha chi ka yvmmak ash o nan isht im ai ahli ima tok.

8. Mikma kvna hosh hohchifo hv yakni tobt a minti tok ai vli ka vltobvt illi tok Chukfulhpobushi i holisso ai-okchaya a holisso tok keyu kv, yakni pakna ai asha moma kv yvmmak ash o aiokpahancha chi hoke.

9. Hatak nana hoh kia haksobish vt i hikiakmvt, ik hakl6.

10. Kvna hoh kia inla ya yuka ikbit isht aya hokvto, ilap mvt yuka tobt aya hi oke; kvna hoh kia inla ya bvshpo falaia yo isht vbi hokvto, ilap mvt bvshpo falaia yo isht

illa hi oke. Ilvppak o vbanumpuli vhleha hv́t nukšanlv́t achunanchit na yimmi ka isht otaiyani hoke.

11. Yakohmi ma nampoa nukshopa inla kv́t yakni a auet a kohcha na pisa li tok; yohmi ka yvmmak ash ot in lapish vt asha kv́t Chukfulhpobushi ak o holba mv́t, anonti sinti chilita yak o chiyuhmit anumpuli tok.

12. Mikmv́t yvmmak ash ot nampoa nukshopa vmmona isht im ai ahli ash yvmma itikba yo isht ahanta hoke; mikmv́t yakni, micha yvmma ai asha pit aiena kv́t nampoa vmmona, yvmmv́t bahvt illit hlakofi tok ash aiokpahancha chi ka im ahni hoke.

13. Mikmv́t yvmmak ash ot na fehna chinto ka yvmihchi; yohmi hatuk osh yvmmak ash ot luak vt vba mintit hatak puta itikba yakni a ant onvtuyula chi ka ahni hoke.

14. Yohmi hatuk osh yvmmak ash ot nan im ai ahlit nampoa nukshopa itikba ya na fehna puta ka a yvmihchi kak osh yakni pakna ai asha puta ka yoshublihinchí mv́t; bv́shpo falaia isht baha tok kia, anonti okchaya tok nampoa nukshopa yvmma na-holbachit okla im ikba chi ka, yakni pakna ai asha vhleha ha im ahanchi hoke.

15. Mihmv́t nampoa nukshopa holba yash ot anumpuli, mikmv́t laua kv́t kaniohmi hosh nampoa nukshopa holba yash aiokpv́cha hi o keyukmv́t, illa hi a aiena ka im ahna hi oka nampoa nukshopa holba yash ilhfiopak ima hi vt im vlv́pisa hoke.

16. Yohmi kv́t hochitoka, mikmv́t ik a lauwo, nan in laua, mikmv́t ilbv́sha, yuka keyu, mikmv́t yuka a moyuma kv́t ibbak isht impak imma, keyukmv́t ibitakla ya in chuwa hi a yvmmak ash ot im apesa yoke.

17. Yohmikma hatak nana kia nanasi kia chumpa, keyukmv́t kancha he keyu mak a tok: amba kv́na hosh nampoa nukshopa isht in chuwa, yvmmak keyukmv́t i hohchifo, yvmmak keyukmv́t i hohchifo ha isht a holhtina kv́t isht ai in chuwa ak a hi oke.

18. Ilvppak o nan isht ithana yoke. Kv́na kia im anuk-fila isht akostininchi im ashakmv́t, nampoa nukshopa isht im a holhtina ka ik hotehná, yvmma hatak vt a hotehna

yoka: yohmi ka yvmma isht im a holhtena kut tahlepa hannali cha pokoli hannali akucha hannali hoke.

CHAPTA XIV.

Chukfvlhpobushi vt ilap ai itapeha itapehvt Saion nvni^h a hiohmay^a,

1. 6 Enchil osh vbanumpa isht anumpuli; 8 Babulon vt akama;

15 yakni pakna nawaya hoiyo; 20 Chihowa nan isht i nukkilli oka paki toba ya itahobi.

1. YAKOHMI ma hopokoyo li ma, anonti yakeh! Chukfvlhpobushi ash osh Saion nvni^h ha o hikia ma, tahlepa sipokni bat tahlepa achvfa cha pokoli ushta akucha ushta kut, yvmma Iki i hohchifo hvt ibitakla ai o holisso hosh yvmmak ash o apeha tok.

2. Yohmi ma vba aholitopa ya auct anumpuli ka oka laua fopa, mikmvt hiloha chinto ola chiyuhmi ho haklo li tok: mikma hap olachi vhleha hvt ilap i hap ai olahanchi na ola ka haklo li tok.

3. Yohmi ma ai o binili holitompa itikba, mikmvt nan okchaya ushta, micha hatak tikba vhleha aiena itikba taloa himona yo okla a talohowa tok; yohmi ka taloa yvmma hatak nana hosh ithvna he keyu ma, amba tahlepa sipokni bat tahlepa achvfa cha pokoli ushta akucha ushta yvmmak o yakni a a kohchit chumpa ak illa tok.

4. Ilvppak ash osh ohoyo nana kia isht a liteha tok keyu vhleha hoke; ohoyo himithoa hatak haleli keyu ho chiyuhmi vhleha hoke. Ilvppak ash osh Chukfvlhpobushi, yvmmvt kanima yo ia hoh kia, iakaiya vhleha mak oke. Ilvppak o hatak puta ai itintakla a kohchit chumpa tok o, Chihowa, micha Chukfvlhpobushi ita tuklo ka immi nawaya vmmona vhleha hoke.

5. Yohmi ka yvmma itakha ya na holabi kia ai otvni chatuk o keyu; Chihowa ai o binili holitompa itikba ya na liteha nana kia ik im iksho vhleha hoka.

6. Yakohmi ma anonti okla, oklushi ilaiyuka, mikmvt hatak im anumpa ilaiyuka moma yakni pakna ai asha tok a

im anumpula chi hosh, enchil inla yvt vbanumpa ai ahlit bilia il ai eshi hosh vba shutik iklvna ya hikvt aya mvt,

7. Chitoli hosh mihvt, Chihowa hvt nan ai apesa chi hvshi kanvlli vt vla hoka; yvmmak o i nukshumpvt ho holitobli; micha yvmmak osh vba shutik, yakni, okhvta, mikmvt kvli hiohli puta aiena ka ikbi tok oka, oh aiokpahanchi, ahanchi na pisa li tok.

8. Yohmi ma anonti enchil inla kvt iakaiya mvt, Ilap nan itin lumaka nan isht haksichi oka paki chiyuhmi ho okla moma ka ishkochi tok okvt, Babulon tmaha chito yvmmak ash ot aiokpulokvshke, aiokpuloka mak oke, ahanchi tok.

9. Anonti enchil ont isht atuchina kvt yvmmak ash o pit iakaiya mvt, chitoli hosh mihvt, Hatak nana kia nampoa nukshopa, micha yvmma holbvt toba yash aiokpvchi cha, anonti isht in chuwa ma ibitakla, keyukmvt ibbak isht impak imma okma, nana ka isht ai in chuwa hok mak osh,

10. Mihi yosh Chihowa nan isht i nukkilli oka paki yvm-mvt nan itaiyoma keyu hosh, yvmmvt nan isht i nukhobela isht ishko ya a toshowa mak o ai ishka chi hoke; yohmik-mvt yvmmak ash ot enchil holitopa vhleha itikba, mikmvt Chukvrlhpobushi itikba aiena ka luak, micha hituk lakna aiena ho isht ai ilbvsha hi oke, ahanchi tok.

11. Atuk o yvmma isht ai ilbvsha shobohli hvt vba ai ihiya kvt bilvvt bilia hoke; yohmi ka kvna hosh nampoa nukshopa, micha yvmma holbvt toba yash aiokpahanchi, mikma kvna hosh yvmma i hohchifo isht in chuwa ya isht ai in chuwa hokvto nitak, nirak aiena ka a foha he ik im iksho vhleha hoke.

12. Ilvppak o vbanumpuli vhleha hvt nuktanlvvt achu-nanchi ka isht otaiyani hoke; ilvppak o Chihowa im anumpa vlvpisa puta holitobli, micha Chisvs i yimmi aiena ka isht otaiyani hoke.

13. Yakohmi ma vba aholitopa ya auet anumpa na haklo li ma, Ish holissochashke, Kvna hoh kia himak a pilla ka Chitokaka ya ibai achvvt illi hokvto na yukpa hoke; ahli yvmmak okvt nana ka isht ahantvt isht hoyvbli tok puta ka a mokovt a foha chi hatok, Shilombish Holitopa yvt

achishke; mikma nan-toksvli puta kash ot ilap a iakaiya hoke, vm achi tok.

14. Atuk o anonti yakeh! hoshonti tohbi ka pisa li ma, hoshonti pakna ya hatak Ushi ak o holba hosh o binili cha, tvli holisso lakna iachuka iachukoli mvt, anonti nan isht vlmo halupa fehna ka ibbak isht ieshi tok.

15. Mihma enchil inla yvt tempel a a kohchvt minti mvt, hoshonti o binili yvmmak ash chitolit in tahpvlvt, Nan isht chim vlmo ya fahvmmi na-waya ya vmó; nan ish ma he vlhpesa ka ai ona hoka; micha yakni pakna nan a waya kvv a laknvt tahrshke, im achi tok.

16. Mihma hoshonti o binili yvmmak ash ot nan isht im vlmo ya ishit yakni pakna moma o fahvmmi tok: mihma yakni vt vlmot taha tok.

17. Anonti enchil inla yosh yvmmak kia nan isht vlmo halupa ka ishi hosh, tempel vba aholitopa talaia ka auet a kohchvt minti tok.

18. Mihma enchil inla yvmvvt luak o imaiya hosh alta ya ai vttvt kohchvt minti tok: mihmvt nan isht vlmo halupa ishi yvmmak ash o chitoli hosh in tahpvlvt, Nan isht chim vlmo halupa yash ishi cha, yakni pakna pakvpi ai vnit pokospoa ka tvptulit itahobi; paki vt nuna fehnvt taha hoka, im achi tok.

19. Mihma enchil ash ot nan isht im vlmo yash yakni pit o fahvmmi mvt, yakni pakna pakvpi a ai vmot itahobi cha, Chihowa nan isht i nukkilli ya oka paki atoba chito ya pit fohopli tok.

20. Yohmi ma tvmaha chito kochanli ak o oka paki atoba yash o a hvhlichu tok: mihma issish osh oka paki atoba yash a kohoncha kvv, kowi tablepa tuklo a taiyakla ka chaha kvv issuba tvli kapali itih ha kapanli ona hosh talaia tok.

CHAPTER XV.

Enchil untuklo kvv na palvmmi untuklo ishtaiyopi ka il ai ishi, 1; 3 nampo a nukshopa yash im aiyachi tok vhlaha in taloa; 7 koto-bushi untuklo kvv Chihowa nan isht i nukkilli alota.

1. **MIHMA** nan isht atokowa inla yvt isht anukhlakancha he a chinto h_o vba aholitopa y_o a pisa li ma, enchil untuklo kvt na-palvmmi untuklo ishtaiyopi yvmmak _o Chihowa nan isht i nukkilli yvt isht ai a_hli mak _o ieshi tok.

2. Yohmi ma okhvta shohkoali hosh luak it ieshit talaia chiyuhmi na pisa li tok; mihma nampo a nukshopa, micha yvmma holbvt toba, mikmvt isht in chuwa, yvmohmikmvt yvmma hohchifo isht aholhtina aiena ka imaiyachi tok vbleha a moyuma hokvto Chihowa i hap ieshi hosh, okhvta shohkoali yash _o hiohli tok.

3. Mihmvt Chihowa in tishu Moses im vlhtaloak, micha Chukfulhpobushi im vlhtaloak aiena ka okla talohowa kvt, Chitokaka Chihowa nana moma imaiya, vbanumpuli vbleha i Miko chia ma! nana ish a toksahanli puta ka isht a nukhlakancha he a chinto hoke: yohmi kvt ai vlhpiesa ai a_hli yak osh a chim anukfila yoke.

4. Chitokaka ma! Chishno ak bano hosh chi holitopa hoka, kvta hosh ik chi nukshohompot, chi hohchifo ha ik holitoblecho ka chi cho? ai vlhpiesa na palvmmi ish onochi hatuk a otvni hoka, oklushi moma kvt chi tikba ya ai vlt chi aiokpahancha hi oke, ahanchi tok.

5. Yakohmi ha ya anonti hopokoyo li tok; mihma yakeh! nan isht atokowa vlhtipo in tempel vt vba aholitopa ya a tiwa tok.

6. Yohmi ma enchil untuklo kvt na palvmmi untuklo kash ieshi hosh, linen kashofa tobbi y_o foyuka mvt, anonti tvli holisso lakna isht vskofvchi toba h_o chunuko ya isht vskofaiyachi hosh, tempel ash auet a kohcha tok.

7. Yohmi ma nan okchaya ushta kash ot achvftv Chihowa, yvmmvvt okchayvt anta kvt bilivt bilia nan isht i nukkilli ya tvli holisso lakna kotobushi untuklo alotowa h_o enchil untuklo kash ima tok.

8. Yohmi ma Chihowa nan isht im aholitopa, mikmvt nan isht im ai a_hli a minti shobohli h_o tempel ash osh isht alotowa tok; yohmi ka enchil untuklo nan isht im a palvmmi untuklo kash ot ont ik ai a_hlo kisha hokvno hatak nana kia tempel ash a chukowa he keyu hatok.

CHAPTER XVI.

Nan isht i nukkilli kotabushi alota kash o enchil vt fohopli, 1 ; 6 mihma na palvmmi hosh aya ; 15 hukopa yo chohmit Klaist vt vla chi ; mikma kvna hosh okchvt hohoyo tuk okvto na yukpa he.

1. YUMOHMI ma anumpa ola chinto kvv tempel a auet a kohcha kvv, Oh ia cha, Chihowa nan isht i nukkilli kotobushi ai vlhto kash yakni pakna oh ai o fohopli, enchil untuklo kash im ahanchi na haklo li tok.

2. Mihma vmmona kash ot ia mvt, ilap i kotobushi vlhto kash yakni ont o fohopli tok ; mihma kvna hosh nampo a nukshopa isht in chuwa ya isht ai in chuwa tok, mikmvt kvna hosh yvmma holvvt toba ya aiokpahanchi tok hatak puta kash o hichi okchushba nan okpunlo kvv onvtuyula tok.

3. Anonti enchil atukla kash ot ilap i kotobushi vlhto kash okhvta ont o fohopli tok ; mihma hatak illi im issish o chohmit toba na nan okchaya okhvta ai asha tuk vt moyumvt illit taha tok.

4. Anonti enchil atuchina kash ot ilap i kotobushi vlhto kash okhina, mikmvt kvli puta ka o fohopli tok ; mihma yvmmak ash ot issish o toba tok.

5. Yohmi ma oka puta ka im enchil osh okchayvt ish ahanta kvv, okchayvt ish ahanta tok osh, anonti okchayvt ish ahanta hi osh nana ka yakohmichit ish apesa hoka, Chitokaka ma ! nan ai vlhpiesa chia hoke.

6. Yvmmak okvt vbanumpuli vhleha, mikmvt hopaii vhleha aiena im issish a hlatahambli tok okvt, ilap mvt, ai i yvmohma he vlhpesa mak o, ishka chi ka issish o ish ihimvshke, achi ho haklo li tok.

7. Anonti inla kvv alta ya auet a kohcha kvv, Ik yvmohmi mvhli, Chitokaka Chihowa nana moma imaiya ma ! nan ai ghli ai vlhpesa kak o ish apesa yoke, achi ho haklo li tok.

8. Anonti enchil ont ai ushta kash ot ilap i kotobushi vlhto kash hvshi yo o fohopli tok : mihma hatak puta ka

luak o isht towulhkocho chi ka yummak ash o nan isht ai ahli yosh im vlhpisa tok.

9. Atuk o hatak puta kash ot na lvshpa chinto ka isht towulhko mvt, Chihowa, yummak osh na palvmmi ilvppa puta ka i shahli yatuk a i hohchifo ha ik ahobalot na miha-chi tok; mihmvt yummak ash o holitoblicha hi atok vt okla ik ile kostinincho ki tok.

10. Yohmi ma enchil ont isht tahlapi kash ot ilap i kotobushi vlhto kash nampo a nukshopa yash im ai o binili o fohopli tok; mihma yvmma im apehlichika ya ai okhlili kvtnia ma, nan anukhahvmi hokvt, isunlvsh atuk a okla ahampa tok.

11. Mihmvt hichi okchushbvt hotohompa hokvt, ilap nana a kaniohmi tok puta ka okla ai ile kostininchi keyu mvt, vba aholitopa in Chihowa yak o ik ahobalot na miha-hanchi tok.

12. Anonti enchil ont isht hannali kash ot ilap i kotobushi vlhto kash okhina chito Euflates a o fohopli tok; mihma hvshi a kochaka miko vhleha im ataya yvt vlhtaha chi mak o, oka yvmma foyuka tuk vt shilvt taha tok.

13. Yvmohmi ma shilombish ik kashofo tuchina kvtnlonvi ho holba hosh sinti chilita itakha, mikmvt nampo a nukshopa itakha, micha hopaii ilahobi itakha aiena kash akohcha na pisa li tok.

14. Yummak okvt nan isht ahullo okpulo imi shilombish vhleha hatuk osh, nafehna puta ka yvmihinchi mvt, Chihowa nana moma imaiya i nitak a chintokma ai itiba chi mak o itvnala chi hosh, miko vhleha yakni moma ai asha ka ivt im ohonvshke.

15. Yakeh! hukopa yo chiyuhmit vla lishke; isht a hofahya ka okla pisa hinla ka, nipi banot ik ayo ka chi kvtna hosh okchvt ahah! ahnit ilap imi nafohka puta ka ilatomba hokvto nayukpvshke.

16. Yohmi ma Heblu anumpa hvtn Amaketton achi yvmak o ai itahobit tahli tok.

17. Yvmohmi ma enchil ont isht untuklo kash ot ilap i kotobushi vlhto kash vba shutik takla yak o a fohopli tok;

mihma anumpa ola chinto kvt ai o binili holitompā yak o a minti hosh vba aholitopa in tempel a auet a kohcha mvt, Ulhtaiyahvshke, achi tok.

18. Yohmi ma nan ola, hiloha, mikmvt malvtha puta aiena kvt yummak ash o a takali tok: yohmi ma yakni winnakvchi chinto atampa, yvmma chohmi kvt hatak vt yakni pakna ai vta tok taiyakla ka iksho chatuk vt, yakni winnakvchi chinto kvt ituyula tok.

19. Yohmi ma tmaha chito yash ot itakvshkovt kashapa tuchina ma, anonti oklushi in tmaha puta hatuk vt aiokpuloka tok; yohmi ma Chihowa hv̄t ilap nan isht i nukkilli kv̄llo chinto oka paki isht ishko vlhto ka ima chi kvt Babulon chito ash ithahana tok.

20. Mihma tishaiyi yvt momvt atoshowa tok osh iksho ma, anonti nv̄nih hochito puta hatuk mvt ik otaiyano ki tok.

21. Yvmohmi ma hatafo chinto kvt vba shutik a minti hosh, weki kvt talent achvfa foka aiyuka hosh hatak puta ka onvtuyula tok; yohmi ma hatafo nan isht palvmmi pulla hatuk mak o, hatak puta kvt Chihowa ha ik ahobalot namihahanchi tok, yvmma nan isht palvmmi kvt chinto hoka.

CHAPTA XVII.

Ohoyo hv̄t natishipa humma lapushki yo foyuka mvt, tv̄li hv̄ta lakna isht ishko toba h̄o ieshi hosh nampoā nukshopa yash pakna, yvm mvt Babulon mak o o binili, 1; 5 noshkobo untuklo kvt nana ka anoli: 12 mikmvt lapish pokoli kvt nana hatuk aiena kvt annoa ohoyo havi yashot nan i palvmmi; 14 chukv̄lv̄hpobushi vt nan im aiyachi.

1. YVMOHMI ma enchil untuklo, yvm̄mvt kotobushi untuklo ieshi tok vhleha hash achvfv̄t ant vm anumpuli mvt, olehma minti; havi chinto yvm̄mvt oka lava pakna o binili;

2. Yvm̄mak o miko puta yakni pakna ai asha kvt isht itin lumaka tok; yohmi ma ilap nan itin lumaka oka paki a yakni pakna ai asha vhleha hv̄t ishkot ik haks̄i im ahni tok,

yvmmvt nan isht i palvmmi im vllhpisa ka chim otvnninchi la chi hoke, vm achi tok.

3. Yohmi ma shilombish si anukfoka ho yvmmak ash ot ishit yakni haiaka vsisht ona tok: mihma nampoa nukshopa humma hosh nana ka ik ahobalot miha hohchifo ho isht alo-towa mvt, noshkobo untuklo cha, anonti lapish mvt pokoli ho ohoyo hosh o binili ho pisa li tok.

4. Yvmohmi ma ohoyo hash ot na hummakbi mikmvt na tishepa na fohka hosh tvli holisso lakna, tvli holitopa puta, mikmvt pvl aiena ka isht a shema ho foyuka mvt, ilap itir lumaka isht a liteha na yuwalvchi puta kvv tvli holisso lakna isht ishko yo alotowa hosh ibbak a foyuka tok.

5. Yvmohmi ma, NAN IK OTANO, NA CHINTO BABULON, HAVI PUTA, MIKMVT YAKNI PAKNA A YUWALVCHI PUTA ISHKL, hohchifo hosh yvmma ibitakla ya a holisso hatok.

6. Yohmi ma ohoyo hash ot vbanumpuli vhlaha im issish, mikmvt Chisvs isht im atokowa kak o isht illi tok vhlaha im issish aiena ka ishkot haksi na pisa li tok; mikmvt pisa li mvt, sa nukhlakancha mvt, okokko! ai ahni li fehna tok.

7. Atuk o enchil ash ot, Nanta katiohmi ho chi nukhla-kancha tuk oh cho? ohoyo hash, mieha nampoa nukshopa yash ot, yvmmvt ohoyo ha isht aya kvv, noshkobo hvv untuklo mvt, anonti lapish mvt pokoli ka nan isht ik im otano ka chim anoli lashke.

8. Nampoa nukshopa yash, yvmma ish pisa tuk a anta tuk osh, anonti ikshoshke; yohmi kia yvmmvt chiluk hofobi ai vlli iksho a auct a kohcha chi hoke; mikmvt aiokpuloka ont chukowa chi hoke: mikma yakni pakna ai asha puta kvv, kvna hosh i hohchifo hvv yakni toba tok taiyakla ka holisso ai okchaya ya a holisso tok keyukmvt, nampoa nukshopa, yvmmvt anta tok osh, anonti iksho kia, anonti anta ak inli ka okla pisakmvt, nukhlakancha chi hoke.

9. Yohmi ka ilvppak o nan ithana anukfohka kak osh akostininchishke. Noshkobo untuklo kvv nvnih hochito untuklo mak o yvmma pakna ya ohoyo hash ot o binili hoke.

10. Mikma miko untuklo kvv ai asha ka, tahlapi hosh ik-

sho ma, achvfa kvto anta, mikma achvfa kvto ik lo kisha hoke; mikmvt kaniohmi hō yvmmvt vla hokmvt, chekosi ai itin takla hō anta chī hoke.

11. Anonti nampoa nukshopa yash ot, yvmmvt anta tok osh, anonti iksho kv, yvmmak ash kia isht untuchina kv, isht untuklo kak o ibai achvfa hosh aiokpuloka ya pit a chukowa mak oke.

12. Mihma lapish pokoli hō ish pisa tuk ash miko pokoli hoke; yvmmvt apehlichika ik im iksho kisha hoke; yohmi kia miko vhleha chohmit hvshi kanvlli achvfa ka nampoa nukshopa yash ibai achvft nan isht ai ahli yvt im vhlpisa hoke.

13. Ilvppak ash ot, im anukfila hvt achvfa cha, anonti ilap nan isht im ai ahli, mikmvt im ile hlampko ita tuklo ka nampoa nukshopa yash ima chī mak oke.

14. Mikmvt ilvppak ash ot Chukfulhpobushi ya itinta-nampa chī, mikma yvmmak okvt chitokaka vhleha in Chitokaka, micha miko vhleha i Miko yokvt Chukfulhpobushi yash ot yvmmak ash o imaiyacha chī hoke; yohmi ka kvna hosh yvmma ai ibachvfa hokvto vltoka, mikmvt ai ahli, micha holitopa mak oke, vm achi tok.

15. Mihmvt oka puta yvmma ish pisa tuk a, haui yash osh yvmma o binili ka, hatak okla chinto, oklushi puta im anumpa ilaiyuka mak okē.

16. Mikmvt lapish pokoli, yvmmvt nampoa nukshopa on talohmaya na ish pisa tuk, ilvppak okvto na haui yash i nukkillit, a chukillissvchit nipi banochi cha, nipi a vpa cha, anonti luak a isht hukma hi oke.

17. Chihowa yvt yvmmak ash chukvsh anukfohki na ilap nan ai ahni hō ai ahlichika chī ka im anukfila achvfa hosh ilap im apehlichika yatuk ma nampoa nukshopa yash ihima na Chihowa im anumpa puta kv ont ai ahlik mak a hi oke.

18. Yohmi ka ohoyo yvmma ish pisa tuk vt vmaha chito mak oke, yvmmak osh miko vhleha yakni pakna ai asha ka ai i shahli mak oke, vm achi tok.

CHAPTA XVIII.

Babulon vt akama 1; 4 Chihowa im okla hvt yvmma akocha chi kvt im vlhpisa; 11 yakni pakna a miko vhleha, mikmvt na chumpa, okhvta aya vhleha aiena kvt isht yahaya; 20 Chihowa nan im vlhpisa na palvmmi kvt onvtula hoka, vbanumpuli puta kvt na yukpa.

1. AIYAKOHMI ha ya, anonti enchil inla yvt nan isht ai ahli chinto ieszhi hosh, vba a mintit aka vla na pisa li tok: mihma yvmma i shohpakali yo yakni vt isht a tohwikeli tok.

2. Mihma yvmmak ash ot anumpa ola chinto ka isht chitoli fehnvt tahpula mvt, Babulon na-chinto yash ot aiokpulo kvshke, aiokpuloka mak oke: yohmi mvt nan isht ahullo okpulo puta im aboha kvllo, mieha shilombish ik kashofo, mikmvt hushi okpulo ik kashofo moma ka in chuka yo toba mak oke.

3. Yvmmvt nan itin lumaka nan isht haksichi oka paki yo okla momvt ishko tok, mihma miko vhleha yakni pakna ai asha kvt yvmma ai itinlumaka tok; mihma na chumpa vhleha yakni pakna ai asha kvt, nan ilimpa hochukma in laua kak o nan in laua toba tok oka, ahanchi tok.

4. Anonti anumpa ola inla yvt vba aholitopa ya a minti mvt, Um okla hvchia mvt, yvmma nan im ai ashvchi puta ka, mikmvt na-palvmmi im vlhpisa puta ka hvch ik ibai esho ka chi kvt, yvmma a kohevut ho minti.

5. Yvmma nan im ai ashvehika puta kvt vba shutik a ont a bikeli hatuk o, Chihowa hvt, yvmmvt nan ik ai vlhpeso puta ka ithaiyana tok oke.

6. Nana ka hvchi yvmihchi tok mak o chohmichit oh i yvmihchi; mikmvt nana ka a yvmihchi tok a vlbita ho apesvt oh im vlbitelichi; isht ishko yvmma alotoli ka, ilap ma vlbitelit oh im alotoli.

7. Ilap inli ile holitoblich i kvt, mihma nan ilimpa cham-puli isht il ai atahlit, impvt anta kvt kaniohmi hatuk okma, yvmma chohmichit na palvmmi, na-nukhaklo aiena ka oh

imá; I hatak illi sia keyu, yohmi kv̄t na-nukh̄aklo pisa la chī keyu, ohoyo mīko sia hosh binili li, ilap chukv̄sh anu-kaka achi hoka.

8. Yohmi hoka na palv̄m̄mi puta, nan illi, yaiya, mikm̄vt hohchv̄fo aiena kv̄t nitak achv̄fa ka im aya chī; mikm̄vt yvm̄mak ash ot luak o isht hullukmit taiyaha chī hoke; Chitokaka Chihowa hv̄t hlampko hokv̄t, yvm̄mak ash nan im apesv̄t i palv̄mmichishke.

9. Yohmikma mīko vhleha yakni pakna ai asha kv̄t yvm̄ma ai itin lumakv̄t, nan ilimpa champuli ai it atahlit impv̄t ai asha tuk vt, yvm̄m̄vt luhv̄wv̄t shobulli ka okla pisa cha isht yahayv̄t, nishkin okchi mihinti m̄vt,

10. Yvm̄m̄vt nan isht i palv̄m̄mi ka nukshopa hatuk osh, auet i mishema hō hiohm̄ayv̄t Ikikkeh! ikikkeh! tm̄maha chito, Babulon tm̄maha chinto kv̄llo atampa, yvm̄m̄vt hv̄shi kanv̄lli achv̄fa mak inli hō nan isht palv̄m̄mi chim vlhpisa kv̄t chim ayv̄shke.

11. Nan itatoba yakni paknaka ai asha kv̄t yvm̄mak ash o nan isht nukh̄aklot nishkin okchi mihinti tok; ilap im vlhpoyak a himak a pilla ma kv̄na kia ik in chumpo hoka;

12. Tv̄li holisso lakna, micha tv̄li hv̄ta, micha tv̄li holitopa, pvl, linen lapushki, nahummakbi, silk, na-tishepa, mikm̄vt iti sitlon moma, mikm̄vt aifoli, nan ai vlhto ilaiyuka moma, mikm̄vt iti holitopa fehna nan ai vlhto ilaiyuka moma, micha tv̄li lakna, tv̄li, mabv̄l aiena nan ai vlhto ilaiyuka moma atoba;

13. Mikm̄vt sinnamon, na balama, nan ahama, micha filakinsen, oka paki, na bila, bota tohbi achukma, onush, mikm̄vt nampoā puta chukv̄lhpoba, issuba, micha itichanv̄li, yuka, hatak shilombish puta aiena kash o kv̄na kia ik in chumposhke.

14. Nan vn̄it waya puta yvm̄mak o chi chukv̄sh vt anushkunna tuk ash a chim afilv̄m̄mi; mihma nana moma na champonli, micha na shohwalv̄shli aiena tuk ash ot a chim okpulo; yohmi kv̄t himak a pilla ma yvm̄mak ash ish ahayucha chī keyu kamohmi hoke.

15. Nana ilv̄ppa puta kash nan itatoba, yvm̄mak okv̄t

yvmmak o nan isht ai in laua tok vt, yvmmt i palvmmi ka nukshopa hatuk osh, auet i mishemanchit hiohm_{ay}at isht nukhaklot nishkin okchi mihintit,

16. Ikikkeh! ikikkeh! tmaha chito yvmmak amo! yvm-mak okvt linen lapushki, micha na-hummakbi, micha na ti-shepa aiena ka isht ai im ai vlhtaha, yohmi kv_t tvli holisso lakna, micha tvli holitopa puta pvl aiena h_o isht a shema tok amo!

17. Nan laua chinto yakohmi kash ot hvshi kanvlli achvfa h_o ont aiokpulokvt kvnia hoka, ahanchi tok. Yohmi ma peni chito isht aya apesvchi aiyuka, micha peni chito ai asha yatuk moma, micha a toksvli aiena, mikmt okhvta nan ai itatoba yatuk vt momvt auet i mishemanchit hiohm_{ay}rt,

18. Yvmmt luhvwt shobulli ka okla pisa mvt, tahpvlvt, Nanta hosh tmaha chito ilvppa chiyuhmi cho? ahanchi tok.

19. Mihmt hituk chubbi okla ishit noshkobo il o fohopli mvt, tahpvlvt, nishkin okchi mihintit yahaya hosh Ikikkeh! ikikkeh! tmaha chito yvmmak amo! yvmmt nan isht il ahayuchit, nan isht shema ai vlli hochito puta ka chumpa hatuk mak o, okhvta pakna peni im a takohli m_{ay}a moma kv_t nan in laua y_o toba kvmo! hvshi kanvlli achvfa ma yvmmak ash ot a chukillissvt kvnvishke, ahanchi tok.

20. Uba a holitopa chia. ma! vbanumpeshi holitopa, micha hopaii holitopa hvchia ma! Chihowa yvt yvmmak ash nan im apesvt i palvminchi hokvt hvchi atobvchi hoka, nan isht il oh aiyukpá.

21. Yohmi ma enchil chinto yvt tvli na-botoli tvli chito y_o chohmi ka ishit, okhvta pit pila ma, yvma chiyuhmi hosh tmaha chito Babulon vt ai oklvht kinahla chi hoke; mikmt himak a pilla ma otaiyana he keyu kamohmi hoke.

22. Yvmohmikma hap olachi, micha nan taloa, micha oskula olachi, micha isht pufa olachi aiena nan im ola ka himak a pilla ma a chi a haiyakla he keyu kamohmi; mikma hatak nan imponna nana h_o isht ai imponna yatuk kia himak a pilla ma a chi otaiyana he keyu; mikma tvli na botoli kia himak a pilla ma a chi a haiyakla he keyu kamohmi hoke.

23. Mikma p_{ela} tohwikeli mvt himak a pilla ma a chi on

tohwikela he keyu ; mikma hatak himona nan itauwaya, micha ohoyo nan auwaya im anumpa ola himak a pilla ka a chi a haiyakla he keyu kamohmi hoke : na chin chumpa vhleha hvt yakni paknaka a hochito kvt maya tok oka ; ikhish isht yushpakvmmi isht ish ahanta hatuk mak o, oklushi moma kvt isht yushpakama hatok, ahanchi tok.

24. Yohmi ma hopaii vhleha, micha vbanumpuli ahli vhleha, mikmvt yakni paknaka ya ai vbi tok moma im issish vt yvmma ai otaiyani tok.

CHAPTA XIX.

Ilap im antia puta im issish hlatahampli tuk isht vlhtoba mak o haui chinto yash na palvmmi ka im apesa hoka, vba a holitopa ai asha yrt Chihowa ya aiokpahanchi, 1 ; 7 Chukfelhpobushi nan im itauwaya ; 16 ilap okvno aiokpvcha hi a enchil vt ik im ahno ; 17 nan illi lawa ai asha ka ai vla chi kvt hushi puta kvt im annoa.

1. NANA ilvppvt ai yakohmi ha ya, hatak laua im anumpa ola chinto ka vba aholitopa pit a haklo li ma, Alleluia, isht ai okchaya, isht a holitopa, isht ahninchí, nan isht ai ahli aiena kvt Chitokaka hvpin Chihowa ya ai immi hoke.

2. Nan apesa kvt ai ahli, micha ai vlhpiesa hoke ; yohmi kvt haui chinto yash, yvmmvt itin lumaka kak o yakni ya isht okpaiyani hatuk a, yvmmak ash ot nan im apesvt i palvmmichi tuk : mihmvt in tishu vhleha im issish yvmma ibbak vt hlatahampli tok a ai isht im atobbi tok, ahanchi tok.

3. Atuk o anonti, Alleluia okla achi tok. Mihma yvmma i shobohli hvt vba ya ibiya na bilivt bilia hoke.

4. Mihma hatak tikba pokoli tuklo akucha ushta, micha nan okchaya ushta aiena kash ot aka hlipkvchi mvt, Chihowa, yvmmvt ai o binili holitomp a binili tuk ash aiokpvchit, Amen ; Alleluia, ahanchi tok.

5. Mihma anumpa ola hvt ai o binili holitomp a auet a kohchvt takali kvt, Pin Chihowa ya in tishu vhleha hvchia, micha kvna hosh yvmma i nukshohomp aiena kvt ik alauwo, i shahli, a moyuma kvt oh aiokpahanchi, ahanchi tok.

6. Yohmi ma okla chinto im anumpa ola ho chiyuhmi,

mihmvt oka lawa fopa hō chiyuhmi, mihmvt hiloha chinto ola hō chiyuhmi hō haiyaklo li ma, Alleluia; Chitokaka Chihowa nana moma imaiya hvt miko yoka.

7. Chukfulhpobushi vt itauwaya chi nitak vt vla, yohmi ma tekchi ya chi mvt, il ai atahli tuk oka, nan ik hvpi yukpa cha, keho tullī, ahanchi tok.

8. Yohmi ma linen lapushki vt vbanumpuli ahli isht im ai vlhpiesa mak o, linen lapushki kashofa tohbi ka isht il ashemvcha chi kvt, tekchi vt im vlhpisa tok.

9. Yohmi ma, Holissochi, Chukfulhpobushi im ai itauwaya opiaka impa aya chi kvt kuna hosh im annoa tuk mvt, mihi yosh na yukpa hoke, vm achishke. Mikmvt ilvppak osh Chihowa im anumpa ahli mak oke, vm achishke.

10. Mihma aiokprchi la chi hosh iyi ya a hlipia li tok. Atuk ak o yummak ash ot, Ahah! ahnit chik yohmo kashke; tishu chitilauī, chitibapishi, Chisvs nan isht im atokowa ieshi vhleha ibai achvfa sia hoke; Chihowa hak o aiokprchi; Shilombish Holitopa yvt hopaii anukfoyukvt Chisvs nan isht atokowa ka anumpohonli yoke, vm achi tok.

11. Yohmi ma vba aholitopa yvt tiwa ma, yakeh! issuba tohbi hō pisa li tok; mihma yumma o binili kvt, Ai ahli, micha Na miha tuk vt ai ahlichī mak o hoehchifo hosh, yummvt nan ai vlhpiesa bano hō nan apesvt, tenvp ikbi yoke.

12. Nishkin vt luak libbi hō chiyuhmi ma, anonti iachuka lawa kvt noshkobo ha afoyua hatok; mihma i hoehchifo holisso kvt lapali kia, kuna kia ik ithano hō, ilap ak bano tok.

13. Yohmi mvt issish isht humma anchi o ai anchi tok; mihmvt i hoehchifo hvt, Chihowa im Anumpa, achi tok.

14. Yohmi ma vba aholitopa ai asha tuk vt issuba tohbi o binili hosh yummak ash okla iakaiya kvt, linen lapushki tohbi kashofa hō ai anchi tok.

15. Yohmi ma im itakha ya bvshpo falaia halupa hosh a kohcha na yummak o oklushi puta ka isht ahamba hi yatok; yohmi kvt tvi fuli yo yummak ash nan isht im apihisa hi oke; yohmi kvt oka paki atoba yo chohmit Chihowa Chitokaka nan okluha imaiya nan isht i nukkilli chinto ka isht a hvhlihinchī hoke.

16. Yohmi kvt miko puta i Miko, mikmvt chitokaka puta in chitokaka hohchifo hosh yumma im anchi, mikmvt iyubi ita tuklo ka ai o holisso hoke.

17. Yvmohmi ma enchil vt hvshi a ai o hikia na pisa li tok: mihma yummak ash ot chitolit tahpva mvt, hushi puyuta; yummvt vba a helit itnowa moma kvt, Hrchishno inli hosh mintit Chihowa chinto im opiaka ai impa oh ai itnaha.

18. Yohmi kvt miko vhleha nipi, micha krpituni vhleha nipi, hatak ishtokaka nipi, issuba puyuta, mikmvt kva hosh yumma o binili tuk puyuta nipi, hatak moyuma, yuka keyu, micha yuka, yohmikmvt ik alauwo, i shahli aiena ka nipi ya hvsh pa chi hoke, im ahanchi tok.

19. Anonti nampoa nukshopa yash ot, mikmvt yakni paknaka a miko vhleha, mikmvt in tvshka chipota vhleha aiena kvt itahobvt taiyaha cha, issuba o binili, micha in tvshka chipota aiena yummak ash in tanahampi na pisa li tok.

20. Yohmi ma nampoa nukshopa yash ot yuka tok; mihma hopaii ilahobi yash yummvt na fehna puta ka yumma itikba ai yvmihinchi kvt, yummak o yvmihchi kak osh nampoa nukshopa isht in chuwa ieshi tuk vhleha, mikmvt yumma holbvt toba ya kva hosh aiokpuchi yatuk puta ka yoshuhumbli tok. Ilvppak ash ot ita tuklot okchaya na okhrta hituk lakna isht ita luhwa ka pit a kanchi tok.

21. Yohmi ma inlaka yatuk vto issuba o binili yumma i hvshpo falaia, yummak osh im itakha ya a kohcha tuk mak o isht ihinli tok; mihma hushi puyuta kash ot yumma nipi yo isht a kaiya tok oke.

CHAPTER XX.

Setan vt talakchi na afvmmi tahlepa sipokni achvfa chi, 1; 6 illi yvt tani vmmona yumma ai ib abalaia hokuto na yukpa he; 7 chekosi takla ka Setan ashot i holhtofa he. 8 Kok micha Makok imma ho isht anumpuli. 10 Okhrta hituk lakna isht aluhwa ho Setan amo pit itakanchi; 12 nan vlpisa chinto isht aiyoipi.

1. YOHMI ma enchil vt chiluk hofobi ont ai vhli iksho ash isht tiwa ieshi mvt, tvli itatakvli chito yosh ibbak a foyuka hosh vba ya a minti hō pisa li tok.

2. Mihma yvmmak ash ot sinti chilita chito yash, sinti sipokni, yvmmt nan isht ahullo, micha Setan mak o afvmmi tahlepa sipokni achvfa ka ona chī hō ishit yukachi tok.

3. Mihmt yvmmt himmakma oklushi puta ik yoshublo hō afvmmi tahlepa sipokni achvfa he tuk vt ont ai ahli ha yō, misha pilla hō chekosi itintakla ka i hlitofa hi o, yvmmak ash chiluk hofobi ont ai vhli iksho ash pit pilvt im okshita mvt, isht in chuwa on lapalichi tok.

4. Mihma ai o binili holitompa puta ka pisa li tok, mihma yvmma o binohmaya kv̄t nan ai apih̄sa he im v̄lhpisa tok: yohmi ma nampōa nukshopa, mikmt i holbvt toba aiena ka ik aiokpacho, mikmt isht in chuwa yvt ilap ibitakla, ibbak aiena ka ik a lapalo hosh; Chis̄vs nan isht im atokowa, micha Chihowa im anumpa pulla hō noshobo hv̄t tahampa tok vhleha imi shilombish a pisa li ma, yvmmak ash ot okchaya cha afvmmi tahlepa sipokni achvfa ka, miko yō chohmit Klaist a ibai ahanta tok.

5. Amba illi inla maya tok okvto ik okchayo hō afvmmi tahlepa sipokni achvfa kv̄t tahak mak a hi atok. Ilvppak osh illit falamvt tani vmmona mak oke.

6. Illit falamvt tani vmmona ka kv̄na hosh ibahalaia hokvto, mihi yosh na yukpvt holitopa: yohmi hokvno atukla illi vt nan isht i shahla he ik im iksho hoke; Chihowa, micha Klaist na holitompa isht im v̄tta vhleha ha chī, mikmt miko yō chohmit ibai ahanta na afvmmi tahlepa sipokni achvfa chī hoke.

7. Yvmohmi tuk ma afvmmi tahlepa sipokni achvfa kash ot ont ataiyahakma, Setan ash ot aboha kv̄llo a ik akohchā, im ai ahna hi oke.

8. Yohmikmak o oklushi puta, yvmmak okvt yakni pakna akvshkowa ushta ka ai asha Kok, micha Makok okla yvmmt holhtina kv̄t okhvta alaka shinuk ai asha kak o chiyuhmi hō yoshublihinchit itahobi cha, tanahampa chī hosh akohcha hi oke.

9. Mihmvt yummak ash ot, yakni pakna a mominchit ilhkoli mvt, yummvt vbanumpuli ahli vhleha ġ bina, mikmvt tmaha chito holitopa aiena ka okla ai apakfokahanchi; mihma luak osh Chihowa a mintit vba akohchvt vlv, yummak ash ishit vpa tok.

10. Yohmikma yumma yoshublichī tuk nan isht ahullo vvt okhvta hituk lakna isht ita luhuwa, yumma nampo a nukshopa, micha hopaii ilahobi aiena kash ot pit itvtula tok: yohmi kv nitak, ninak aiena ka ai ilbahasha na bilia hosh bilia hi oke.

11. Yohmi ma ai ǒ binili holitompa tohbi chinto, micha yumma ǒ binili ita tuklo ka pisa li ma; yumma nashuka ya ġ filvmmī yakni, mikmvt vba shutik ita tuklo kv tamoa kv, kanima yǒ a taloha he kia ik im iksho ki tok.

12. Yohmi ma illi, ik alauwo, micha ġ shabli pit aiena kv ai ǒ binili holitopa itikba hiohmaya ka pisa li tok; yohmi ma holisso puta kv wakama tok; anonti holisso inla, yummak osh holisso ai okchaya mak osh wakama tok: mihma illi yash ot ilap nana a kaniohmi tuk puta, yummvt holisso ha a holihiso tok ilvppa puta ho isht ai im vlhpihisa tok.

13. Yohmi ma okhvta hv illi puta, yummvt im aiasha tuk vt il ai a kocha welikma, anonti nan-illichī, micha illi ai asha mvt illi puta, yummvt im ai asha tuk vt il ai a kohcha weli na yummak ash ot ilap nana a kaniohmi puyulla tuk mak ǒ hatak moma kash ot nan isht im vlhpihisa tok.

14. Mihma nan-illichī, micha illi ai asha yamo okhvta luak ǒ pit itokaha tok. Ilvppak osh atukla illi mak oke.

15. Yohmi ka holisso ai okchaya ya a holisso tuk osh otvni keyu hokvto okhvta luak mak ǒ pit a kvnia tok.

CHAPTA XXI.

Vba vmmona micha yakni vmmona ita tuklo ka Chan vt pisa, 1; 10 Chelusalem vba isht annoa ahli moma; 23 yummak oka hvshi vt a tomma he ahna he keyu, Chihowa im atohwikeli yak osh a tom-mi; 24 yakni pakna ai ġ miko puta kv yummak ǒ im aholitopa ya isht im ohona.

1. **ŪBA** v̄mmona, micha yakni v̄mmona ita tuklo kash ot ont ik ai iksho ma, anonti himak a pilla ma okhvta mvt iksho ka chī hō vba himona, micha yakni himona ita tuklo hō pisa li tok.

2. Mihma Chan sia hvt tvmaha chito holitopa Chelusalem himona Chihowa ya a mintit vba ya auet a kohcha kv̄t, ohoyo himita hatak auwaya chī hosh isht il a shema chatuk ak o chiyuhmi tok.

3. Yohmi ma anumpa ola chinto kv̄t vba aholitopa ya a kohcha na haklo li ma, yakeh! Chihowa hvt im v̄lhtipo yvt hatak puta ka ibafoyuka hatuk o, yvmmak o ibai ahanta chī, mikma im okla tobakma, anonti Chihowa ilap mvt yvma in Chihowa hosh ibafoyukvt ahanta chī hoke.

4. Mikmvt Chihowa yvt yvma i nishkin okchi puyuta ma im a kasholichit kaiyancha chī; mikma nana tīkba tuk vt ont taiyaha hoka, himak a pilla ma isht ai illi, micha nanukhaklo, micha yahaya aiena kv̄t ik ai iksho ka he, mikmvt na-hotopa mvt ik ai iksho ka hi oke, ahanchi tok.

5. Yohmi ma ai o binili holitompā o binili yvmmak ash ot, Yakeh! nana moma kv̄t himona hō ikbi lishke, achi mvt, yvmmak ash ot, Anumpa ilvppvt aiahli, micha na miha ka ont ai ahla chī hoka holissochī, v̄m achi tok.

6. Atuk osh yvmmak ash ot, Ūlhtaiyahvshke; Alfa, mi-cha Omeka, ai isht ia v̄mmona, micha ont ai v̄hli sia hosh, kv̄na hosh itukshila hokma, oka ai okchaya kv̄li hak o pilla ai ima la chī mak oke.

7. Kv̄na hosh nana ka imaiyachi tuk mak osh nana moma ka ai immi ha chī im ai v̄lhpiesa; mikma in Chihowa sia hokma, anonti ilap vt sv̄so ha chī hoke.

8. Amba na nukshopa, micha nan ik yimmo, i yuwala he v̄lhpesa kia yvmihchi, mikmvt hatak bika vbi v̄hleha, haui v̄hleha, mikmvt ikhish isht yushpakv̄mmi v̄hleha, na holbvt toba aiokpr̄chi v̄hleha, holabi puta a moyuma hokv̄to atukla illi mak osh okhvta yvmmak okvt hituk lakna isht ita luhuwa hō isht ai i palv̄mma chī hosh im v̄lhvisa he mak oke, v̄m achi tok.

9. Yvmohmi ma enchil untuklo kash ai ibai achvfa, yv-

mak okvt kotobushi untuklo nan isht palvmmi ishtaiyopi untuklo kash isht alotowa hō ieshi hosh, vlv̄t sv̄t im anumpuli mv̄t, Minti, himona nan auwaya Chukfvlhpobushi tekchi chī haiakv̄chi la chī hoke, achi tok.

10. Mihma shilombish o si anukfoyuka hō sv̄sht ia ma, nv̄nih chinto chaha yō sv̄sht ona cha, tmaha chito, Chelusalem holitopa yvt Chihowa isht im aholitopa ai ishit Chihowa a mintit, v̄ba aholitopa auet a kohcha mak o a haia-kv̄chi tok :

11. Mihma in tohwikeli hv̄t tv̄li holitopa fehna, tv̄li chaspa chohmi kak o hoyulba hosh, bvlancha kv̄t klistal o chiyuhmi tok ;

12. Mihmv̄t tv̄li yosh isht a holihta kv̄t chito, micha chaha ma, anonti okhissa yvt im auah tuklo ma, enchil mv̄t okhissa yā v̄lhpis̄vt auah tuklo kv̄t a hieli tok ; mihma yv̄mma ai o holisso hohchifo kv̄t Israel okla it a kv̄shkowa auah tuklo i hohchifo hatok.

13. I hv̄shi akochak-imma yā okhissa tuchina ma, i falv̄mmi imma yā okhissa tuchina ma, im oka-mahli imma yā okhissa tuchina ma, anonti i hv̄shi ai okvtulik-imma yā okhissa tuchina tok.

14. Yohmi ma tmaha chito a holihta ka in tolahpi auah tuklo tok ; mihma Chukfvlhpobushi im anumpeshi auah tuklo hohchifo hosh a lapanli tok.

15. Yohmi ma sv̄t im anumpuli tuk yv̄mmak ash ot tmaha chito, micha okhissa, mikmv̄t a holihta aiena ka isht apesa chī kv̄t tv̄li holisso lakna nan isht v̄lhpisa yō ieshi tok.

16. Yohmi ma tmaha chito yvt a itilauia bat fullotvt bolukta ma, afalaiaka yvt chito kv̄t okhowataka yā itilauī tok ; mihma tmaha chito yash yv̄mmak ash ot nan isht v̄lhpisa yash isht apesa ma, kowi tahlepa auah tahlapi tok. Afalaiaka pilla, micha okhowataka pilla, mikmv̄t chaha aiena kv̄t ai itilauī bano tok.

17. Mihmv̄t aholihta kash o hatak i nan isht v̄lhpisa yō yv̄mma enchil ash ot isht apesa ma, kubit tahlepa achv̄fa pokoli ushta akucha ushta tok.

18. Yohmi ma a holihta kv̄t chaspa tv̄li yosh toba hatok ;

yohmi hoka tumaha chito yvt tvli holisso lakna bieka hō
chohmi kvt apisa kashofa achukma ka chohmi tok.

19. Yohmi ka tumaha chito aholihtaka in tolahpi vt tvli
holitopa ilaiyuka puta hō isht a shema hatok; in tolahpi
vmmona kvt chaspa yatok; atukla kvt saffaia yatok; atu-
china kvt kalsetoni yatok; ai ushta kvt emelal atok;

20. Isht tahlapi kvt salonik atok; isht hannali kvt sativs
atok; isht untuklo kvt klisolait atok; isht untuchina kvt
belil atok; isht chakkali kvt topas atok; isht pokoli kvt
klisofasvs atok; isht auah achvfa kvt chasinlh atok; isht
auah tuklo kvt amehlist atok.

21. Yohmi ma okhissa isht vlhkuma auah tuklo kvt pvl
auah tuklo tok; okhissa isht vlhkuma achvfakma, pvl achv-
fvt ia tok; yohmi ma tumaha chito anukaka ya ai itvnowa
yvt tvli holisso lakna bieka hō chohmit apisa shohkoali kak
ō chiyuhmi tok.

22. Yohmi ma yvmma anukaka ya tempel a ak peso ki
tok: Chitokaka Chihowa nana moma imaiya, micha Chuk-
fvlhpobushi ita tuklo hosh in tempel oka.

23. Mihma Chihowa im aholitopaka yosh a tohwikeli ma,
anonti yvmma ai i pvla hvt Chukfvlhpobushi yak atuk o,
hvshi, mikmvt hvshi-ninak-aya kia im a tomma hi a tumaha
chito yash ot ik benno ki tok.

24. Yohmi ka oklushi puta yvmmak okvt okchaya mak
osh a tohwikeli ka ya ai itvnohowa he; mikma yakni pakna
a miko vhleha atukmvt ilap im aholitopaka isht aiokpvchi
hosh ai vlvshke.

25. Yvmmak oka ninak vt iksho ka chi hoka, nitak moma
ka okhissa puta mvt ik okshilito kamohma hi oke.

26. Yohmikma oklushi puta im aholitopa, nan isht il ah-
ninchu aiena ma yvmma anukaka ya isht ai vlv chukowa hi
oke.

27. Mikma yvmmak oka nana kvt liteha, micha ai yuwala
he kia ai yohmi, micha na holabichi a moyuma hokvto ka-
niohmi kia a chukowa himma keyu hoke; amba Chukfvlh-
pobushi i holisso ai okchaya kvna hosh a holisso tok ak ba-
na hi oke.

CHAPTER XXII.

Oka ai okchaya okhina, 1; 2 ai okchaya iti. 5 Tvmaha chito i pva hvv Chihowa ilap fehna kak inli: 9 ilap a aiokpvcha hi a enchil vt ik imahno. 14 Tvmaha chito ash anukaka ai anta hokvto holitopa, amba kocha yo asha tuk okvto nan i palvmmi vltakshi: 16 anumpa ai okchaya ya nana ho isht achakva he keyu, mikmvt kanimihchit ai ishit anumpa ha ishit kancha he keyu.

1. ANONTI ai okchaya okhina kashofa achukma, shohkoali klistal ak o chiyuhmi hosh Chihowa, micha Chukvhlhpobushi ita tuklo im ai o binili holitompa ak o akohoncha mak o, yvmmak ash ot a haiakvchi tok.

2. Okhina itahlakla ai itvnowa, okhina ititakla, iti ai okchaya yvt a hiohli kvv, auah tuklo ha nan-vnit waya beka kvv, hvshi achvfa aiyyukakma vnit wahaya hoke; yohmi ka iti yvmma hishi puta hokvto oklushi moma isht a hlakofi mak oke.

3. Yohmi ka yvmmak oka himak a pilla ma na palvmmi kvv ik ai iksho ka he; amba Chihowa, micha Chukvhlhpobushi ita tuklo im ai o binili holitompa yosh a hikia na yvmma in tishu vhleha hosh aiokpahancha hi oke.

4. Yvmohmikmvt yvmma nashuka ya okla pihisa he; mikma yvmma i hohchifo hosh ibitakla puta ma a lapanla hi oke.

5. Mikma ninak vt yvmmak oka iksho ka he; Chitokaka Chihowa yosh in tohwikeli hoka, pva, mikmvt hvshi tommi aiena ka okla ik bunno hosh, miko yo chohmit okla ahanta na bilivt bilia hi oke.

6. Yohmi ka anumpa puta ilvppvt ai ahli, micha nana miha ka ont ai ahla hi oke; yohmi hoka hopaii holitopa vhleha in Chihowa Chitokaka yvt, nana kvv chekosi ont ai yvmohma chi yvmma in tishu vhleha im otvnihincha chi ka im enchil a auct chvffichi tok.

7. Yakeh! chekosikma va lishke; holisso ilvppa tikbanli nan ai anohwa anumpa puta tuk a kvna hosh holitobli kak osh na yukpvshke, yvmmak ash ot vm achi tok.

8. Yohmi ma Chan sia mak osh nana ilvppa puta ka pi-svt haiyaklo li tok: yohmi mvt pisvt haiyaklo li mvt, nana ilvppa puta ka vm otvninchi tuk, enchil a aiokpvchi la chi hosh iyi itikba ya hlipia li tok.

9. Yohmi ma, Ahah! ahnit chik yohmo kashke; tishu chitilau, micha chitibapishi hopaii vhleha, micha holisso ilvppa ai anuhumpa tuk a holitobli vhleha ai ibachvfa sia hoke; Chihowa ak o ish aiokpvchashke, yvmmak ash ot vm achi tok.

20. Mihmvt nitak vt ai ona hosi hoka, holisso ilvppa tik-banli ai anohowa tuk anumpa puta ka chik ashvnicho kashke.

11. Kvna hosh nan ik ai vlhpieso hokvto, mihi yosh ik ai vlhpieso kvt ik imoyumá; mikma kvna hosh liteha hokvto, mihi yosh liteha kvt ik imoyumá; mikma kvna hosh ai vlhpiesa hokvto, mihi yosh ai vlhpiesa kvt ik imoyumá; mikma kvna hosh nan ai ashvchika ik im iksho hokvto, mihi yosh nan ai ashvchika ik im iksho kvt ik imoyumá, vm achi tok.

12. Atuk osh yakeh! chekosikma vla lishke: yohmi kvt hatak moma kvt ilap nana a kaniohmi yvt kaniohmi ai yukali ho nana ka isht im atobbi la chi kvt il ai ishi lishke.

13. Alfa, Omeka, ai isht ia vmmona, ont ai vhli, vmmona, ont ishtaiyopi sia mak oke.

14. Kvna hosh im anumpa vlhpisa puta ka holitobli hokvto na yukpvshke: yohmi hok mak osh iti ai okchaya isht im ai vlhpiesa hosh okhissa ont a hlopullit tmaha chito yash chukowa chi hoke.

15. Akochanli yak okvno ofi, ikhish isht yushpakvmmi, hau, hatak bika vbi, na holbvt toba aiokpvchi; mikmvt kvna kia il imi holabichi kvt isht im achukma a moyuma kak osh ai asha yoke.

16. Ilvppa puyuta ka atokolit chvch a hiohli puta ka a hvchim anohonla chi hoka, Chisvs sia mak osh vm enchil a chvffichi li tuk oke. Uno ak osh Lewi a minti hakshish filaminchi yosh anonti unchululi, mikmvt shohpakali onnahinli fochik sia mak oke, ahanchi tok.

17. Yohmi ma Shilombish Holitopa, micha Klaist himona

nan im auwaya ita tuklo kash ot, Mintí, achishke. Yohmi ka kvna hosh haiyaklokmvt, mihi yosh, Mintí, ik achí. Mikma kvna hosh itukshila hokmvt, mihi yosh ik mintí. Yohmi ka kvna hoh kia bvnnakmvt, mihi yosh pilla oka ai okchaya ya ik eshí.

18. Holisso ilvppak oka tikbanli nan ai anohowa tuk anumpa puta ka hatak vt haiyaklo tuk moma im atokowa lishke: nana yakohmi tuk a hatak vt nana kia ibafohkit achakalikma, na palvmmi yvmmvt holisso ilvppa a holihiso tuk a yvmmak ash o Chihowa hvt isht im achakala hi oke.

19. Mikma hatak nana hosh tikbanli nan ai anohowa tuk holisso ilvppa anumpa puta hatuk a kaniohmichit isht a kanchi hokma, ilap vt holisso ai okchaya, micha tvmaha chito holitopa yash, mikmvt nana kvv holisso ilvppa yvmma isht a holisso tuk puyuta ka ahalaia hatuk a yvmmak ash Chihowa hvt isht kancha hi oke.

20. Ilvppa puyuta ka atokowvt otvvinchi mak osh, Chikosikma vla lishke, achishke. Amen. Chitokaka Chisvs ma! ik yvmohmí, ish lashke.

21. Pin Chitokaka Chisvs Klaist nan isht i kana yvt hvsh moyuma ka hvchi anukfoyukashke. Amen.

THE END.

Pilling Library.

Ayer

oBS

345

.C61

1857

AYER

Choctaw

11

